







精 等 編

北京大學《儒藏》編纂中心

圖書在版編目(CIP)數據

儒藏. 精華編. 一八/北京大學《儒藏》編纂中心編. 一北京: 北京大學出版社, 2009. 8

ISBN 978-7-301-11736-1

I. 儒··· II. 北··· III. 儒家 IV. B222

中國版本圖書館 CIP 數據核字(2009)第 081552 號

書 名: 儒藏(精華編一八)

著作責任者:北京大學《儒藏》編纂中心 編

責任編輯:武 芳

標 準 書 號: ISBN 978-7-301-11736-1/B • 0422

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話:郵購部 62752015 發行部 62750672 編輯部 62765691

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 75 印張 925 千字 2009 年 8 月第 1 版 2009 年 8 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

北京 大學「九八五工程」重點項目國家、社會、科學、基金、重大、項目「十一五」國家重點圖書出版規劃項目,重大工程出版規劃



《儒藏》精華編第一八册

首席總編纂 季羡林

項目首席專家 湯一介

湯一介 龐 樸 孫欽善 安平秋

總

編

本

册

主

編

吕文郁

(按年齡排序)

(儒藏))精華編凡例

則的 爲儒家經典和反映儒家思想、體現儒家經世做人原 典籍的叢編。 、中國傳統文化以儒家思想爲中心。《儒藏 收書時限自先秦至清代結束。

一、《儒藏》精華編爲《儒藏》的一部分,選收《儒

藏

》中的精要書籍

互見。 寫者一律收其釋文文本。韓國、日本、越南儒學者用 漢文寫作的儒學著作,編爲海外文獻部類。 已收入入選的個人叢書或全集者,僅存目録,並注明 分類法分類,大類、小類基本參照《中國叢書綜録》和 土文獻。傳世文獻按《四庫全書總目》經史子集四部 中國古籍善本書目》,於個別處略作調整。 三、《儒藏》精華編所收書籍,包括傳世文獻和出 出土文獻單列爲一個部類,原件以古文字書 凡單書

> 編,不改編,保持原書的完整性和獨立性 四、所收書籍的篇目卷次,一仍底本原貌,不選

爲主,酌校異同。校記力求規範、精煉。 勘價值的版本爲校本。 確定内容完足、精確率高的版本爲底本,精選有校 五、對人選書籍進行簡要校勘。 出校堅持少而精,以校正 以對校爲主 誤

外,其他一律省略。 例,進行規範化標點。 七、對較長的篇章,根據文字内容,適當劃分段 六、根據現行標點符號用法,結合古籍標點通 專名號除書名號用角號(《》)

落。正文原已分段者,不作改動。

千字以内的

短文

一般不分段。

出現順序前詳後略 及其他有關情況。 及整理時所確定的底本、校本(舉全稱後括注簡稱 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡要 重複出現的作者,其生平事蹟按

九、本書用繁體漢字豎排,小注一律排爲單行

《儒藏》精華編第一八册

經

部

類

尚書後案〔清〕王鳴盛 ………………………………………………………………………………………… 1

鳴

謝

本焕法師

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂中心

本册責任編委 李暢然本 册 審 稿 人 王國軒

目 録	卷五 三四〇	甘誓 二二二	夏書 三三三	卷四 ······· 三三三	禹貢 一三三	虞夏書 三三	卷三 一三三	皋陶謨 八〇	虞夏書	卷二 八〇	堯典 一	虞夏書	卷一 一	尚書後案采取鄭馬王注書目 一	尚書後案自序	枚黒説明			目 録		
	周書 四二四	卷十一 四二四	太誓 四一一	周書 四一一	卷十	微子 三九七	商書 三九七	卷九 ······ 三九七	西伯戡黎 三九〇	商書 三九〇	卷八 ······ 三九〇	高宗肜日 三八三	商書 三八三	卷七 三八三	盤庚下 三七六	盤庚中 三六九	盤庚上 三四七	商書三四七	卷六 ······ 三四七	湯誓 三四〇	商書三四〇

周書 六一八	卷十八 ····································	梓材 六〇七	周書 六〇七	卷十七 六〇七	酒誥 五八七	周書 五八七	卷十六 五八七	康誥 五五九	周書 五五九	卷十五 五五九	大誥 五四五	周書 五四五	卷十四 · · · · · · · 五四五	金縢 五一九	周書 五一九	卷十三 五一九	洪範 四四一	周書 四四一	卷十二 四四一	牧誓 四二四	
周書 七五八	卷二十五 七五八		周書 七四〇	卷二十四 ····································	多方 七二五	周書 七二五	卷二十三 ····································		周書 七〇二	卷二十二 七〇二	無逸 六八二	周書 六八二	卷二十一 ····································	多士 六七一	周書	卷二十 六七一	洛誥 六四○	周書	卷十九 六四〇	召誥 六一八	

目録	馬融書傳序 九七八	鄭康成書贊	周書 九三八	商書 九二二	虞夏書 九一四	序 九一四	卷三十 九一四	秦誓 九〇三	周書 九〇三		文侯之命	周書 八九三		吕刑 八五一	周書 八五一	卷二十七 八五一	費誓 八三八	周書 八三八	卷二十六 ·························· 八三八	康王之誥 八三二	顧命 七五八
	虞書 一〇二二	新唐書藝文志 一〇二一	舊唐書經籍志 一〇二一	隋書經籍志 一〇一九	三國志王朗傳 一〇一九	慎子沖上書 一〇一九	許慎説文自序 一○一八	儒林傳 一〇一八		鄭玄傳 一〇一七	·····	杜林傳 一〇	需林專 一〇一四 窒音作	文志		辨陸德明釋文 一〇〇二	又辨卷首疏 九九五	辨孔穎達序 九九三	辨孔安國序九八二	尚書後辨附 九八二	王肅書注序

旅獒 一一三五	武成 一一一六	泰誓下 一一一三	泰誓中 一一〇八	泰誓上 一〇九九	周書 一〇九九	説命下 一〇九五	説命中 一〇九三	説命上 一〇八九	咸有一德 一〇八三	太甲下 一〇八一	太甲中 一〇七六	太甲上 一〇七二	伊訓 一〇六六	湯誥 一〇六一	仲虺之誥 一〇五五	商書 一〇五五	胤征 一〇四七	五子之歌 一〇三八	夏書 一〇三八	大禹謨 一〇二五	舜典 〇二二	
																	畢命	君陳	周官	蔡仲之命	微子之命	

四

尚書後案

劉連朋 校點

目 録	卷五 三四〇	甘誓 二二二	夏書 三三三	卷四 ······· 三三三	禹貢 一三三	虞夏書 三三	卷三 一三三	皋陶謨 八〇	虞夏書	卷二 八〇	堯典 一	虞夏書	卷一 一	尚書後案采取鄭馬王注書目 一	尚書後案自序	枚黒説明			目 録		
	周書 四二四	卷十一 四二四	太誓 四一一	周書 四一一	卷十	微子 三九七	商書 三九七	卷九 ······ 三九七	西伯戡黎 三九〇	商書 三九〇	卷八 ······ 三九〇	高宗肜日 三八三	商書 三八三	卷七 三八三	盤庚下 三七六	盤庚中 三六九	盤庚上 三四七	商書三四七	卷六 ······ 三四七	湯誓 三四〇	商書三四〇

周書 六一八	卷十八 ····································	梓材 六〇七	周書 六〇七	卷十七 六〇七	酒誥 五八七	周書 五八七	卷十六 五八七	康誥 五五九	周書 五五九	卷十五 五五九	大誥 五四五	周書 五四五	卷十四 · · · · · · · 五四五	金縢 五一九	周書 五一九	卷十三 五一九	洪範 四四一	周書 四四一	卷十二 四四一	牧誓 四二四	
周書 七五八	卷二十五 七五八		周書 七四〇	卷二十四 ····································	多方 七二五	周書 七二五	卷二十三 ····································		周書 七〇二	卷二十二 七〇二	無逸 六八二	周書 六八二	卷二十一 ····································	多士 六七一	周書	卷二十 六七一	洛誥 六四○	周書	卷十九 六四〇	召誥 六一八	

目録	馬融書傳序 九七八	鄭康成書贊	周書 九三八	商書 九二二	虞夏書 九一四	序 九一四	卷三十 九一四	秦誓 九〇三	周書 九〇三		文侯之命	周書 八九三		吕刑 八五一	周書 八五一	卷二十七 八五一	費誓 八三八	周書 八三八	卷二十六 ·························· 八三八	康王之誥 八三二	顧命 七五八
	虞書 一〇二二	新唐書藝文志 一〇二一	舊唐書經籍志 一〇二一	隋書經籍志 一〇一九	三國志王朗傳 一〇一九	慎子沖上書 一〇一九	許慎説文自序 一○一八	儒林傳 一〇一八		鄭玄傳 一〇一七	·····	杜林傳 一〇	需林專 一〇一四 窒音作	文志		辨陸德明釋文 一〇〇二	又辨卷首疏 九九五	辨孔穎達序 九九三	辨孔安國序九八二	尚書後辨附 九八二	王肅書注序

旅獒 一一三五	武成 一一一六	泰誓下 一一一三	泰誓中 一一〇八	泰誓上 一〇九九	周書 一〇九九	説命下 一〇九五	説命中 一〇九三	説命上 一〇八九	咸有一德 一〇八三	太甲下 一〇八一	太甲中 一〇七六	太甲上 一〇七二	伊訓 一〇六六	湯誥 一〇六一	仲虺之誥 一〇五五	商書 一〇五五	胤征 一〇四七	五子之歌 一〇三八	夏書 一〇三八	大禹謨 一〇二五	舜典 〇二二	
																	畢命	君陳	周官	蔡仲之命	微子之命	

四

校 點 説 明

三十卷,附《後辨》不分卷,《十七史商榷》一百卷, 年鑽研經史,筆耕不輟。主要著作有《尚書後案》 事通,亦不與朝貴接,閉户讀書,賣文自給,三十餘 不久以母喪歸,不復出,卜居蘇州閶門外,不與當 部侍郎之命,尋因坐濫支驛馬事,左遷光禄寺卿。 三年天子親試翰詹諸臣、擢侍講學士、充日講起居 試,與王蘭泉、錢大昕等相唱和,有文名。 遂通漢學。乾隆十二年(一七四七),以五經中鄉 有才名。 徒學署,被目爲神童。年十七補諸生,屢試第一, 注官,明年充福建鄉試正考官,又有內閣學士兼禮 九年以一甲進士第二名授翰林院編修。 屬上海市)人。 堂,又號西莊,晚年號西沚。 王鳴盛(一七二二—一七九七),字鳳喈,號禮 幼從沈德潛受《詩》,後又從惠棟問經義, 自幼聰慧過人,四 清江蘇省嘉定縣(今 歲隨祖父讀書丹 乾隆二十 乾隆十

> 沚居士集》、《周禮軍賦説》等,爲乾嘉時期的著名 等方面的豐碩成果。另著有《耕養齋詩文集》、《西 蛾術編》一百卷、分别代表其在經學、史學、子學

二百頁,短者如《高宗肜日》、《西伯戡黎》等只有七 十五年。 八頁。《後辨》乃是對晚出二十五篇之辨析。 卷、《後辨》不分卷。 命》與《康王之誥》二篇),《書序》等一卷,共三十 八篇,加《太誓》一篇,篇各一卷(惟二十五卷含《顧 時作者二十四歲、完成時已五十八歲、持續了三 《尚書後案》乃作者傾盡心血之力作。是書草 此書正文三十卷,包括今文《尚書》二十 各卷篇幅懸殊,長者《禹貢》達

創

見。下爲集解,首列鄭玄注,標〔鄭曰〕,次列馬 異,音讀、斷句不同等,多引《經典釋文》注音讀,標 標〔疏曰〕,均爲按需節引。 缺,次爲孔安國傳,標〔傳曰〕,最後爲孔穎達疏 注,標〔馬曰〕,次爲王肅注,標〔王曰〕,王注多 經文下或有雙行小字注,説明所引經文中字之歧 〔釋文曰〕,引《説文》辨異字,間有〔案曰〕表述已 各篇表述程式大體相同。 亦有因鄭、馬、王注缺 先列所解之經文 融

繁簡 後辨》因主要是辨爲,故不稱〔案曰〕 之衆注並 案》者、言最後所存之案也。」王氏搜羅以鄭玄爲首 取馬、王、傳、疏益之,又作案以釋鄭 家之學也。」「予編觀羣 言:「《尚書後案》何爲作 誤,而取正于鄭説,類似鄭注之疏文。 詮釋,並 注 而 又案曰」。 止 引(傳 不 明 對 資 加 馬、王、傳、 料 日 一案不足以 以 這 〕、[疏日]者。 出 解 部分在 處。 釋發揮之旨明 另 疏 書 書, 起[案日],爲 盡 中分 與 也? 搜羅 意, 鄭異者 鄭、馬、王注下 量 則 所以發揮鄭康成一 鄭 矣。 最 加 注 詳 大。 一個 一,惜已 而 義。」「名曰《 作 書後附《尚 加 [案日]内容 者 稱[辨日]。 辨 甚 書前《序 對 析, 殘 或或 有 鄭 闕 數 指 小 注 聊 書 後 個 其 的 字

> 注 綴 類 唐以前各種子書、經史箋注、《太平御覽》前之各種 中 富 偽 書等,徵引漢儒 于每篇每句之下, ,且多殘缺不全,搜尋不易。 資料, 孔傳的解 其篳路藍縷之功,難能可貴。 而 這 釋 些資料早已 系統, 解 彙成一部漢唐間之《尚書》 必 讀《尚書》之文,鑑别 須 散落 廣泛 多照 淹没 王氏乃勾稽輯 于 漢 古 儒 籍 説 分分 的 經 類,分 録 海 的 漢 洋 豐

火,以 故 引火,卜者四 此 Ł 傳、 食墨之説爲是,其 氏 先墨畫龜,然後灼之,兆順食墨」,意即 宜于使民長久居住,耕種 民,使服田相食」,意即卜筮結果,只有洛邑之地 誥》「惟洛食」一語、鄭解爲洛邑之地 駁 説 必墨畫之,使火循墨 塗畫,灼龜後裂紋與塗畫相 孔疏之駁 正 蔡沈《書經集傳》襲用,至今注本多從之。 本 楚焞焌 日 書[案日]部 其 時 傳 正,細 各 以 實非也。 爲 灼龜之一 處, 分對 微 『兆順 則 A 而 止 理, 鄭 延爇,以見其 而得食。 食墨」,自 灼 體。 蓋墨者 注 有借 其 的 合爲食墨,爲吉兆。 處 而 詮 鑑 不 龜陰類,不宜干 烟煤所成,利 孔傳解爲「卜 釋 淺見觀之, 價 能 「皆可長久居 兆。 卜前在龜 值 延 及滿腹 王 然則 如《 注、 洛 必 孔

段。

從《尚

書

学中

剔除傷

書解讀真

品,要全面

超

越

等,但均

未成規模,不足以

撼

動其牢

· 固地

位。

直

到

書

疏

清初閻若璩經二十多年潛心研究,著《古文尚

證》,提

出

百二十八條證

據,才完成東晉古文《尚

》的

證

僞

I

程

把《尚

書》研

究

推

進

到

個

新

階

地

位,其間

下考察。

自東晉僞《書》、僞傳通行,長久占據

雖有疑者,如宋代吴棫、朱熹,明

代

梅

鷟

書價值要放在清初《尚書》學

研

究的

大背景

統

治

得 疏 元 推鄭義、謂告文武封周公與朝享告嗣位、同在成王 案日〕之小注云: 盾,在《洛 食墨邪? 占坼。』此卜作洛,是王之事,不宜占墨,經 未有不食墨者,豈食墨必爲吉耶? 人》云: 『凡卜筮,君占體,大夫占色,史占墨 詩》疏、《書》疏 非 在 年 傳頗有 也。」 歲首朔日。 歲首朔日。 誥》篇「戊辰,王在新邑,烝,祭歲」句[又 理,孫 當從鄭『服田相食』之説爲長也。」此說 同 星 ^ 「《詩》、《書》疏俱出穎達、《詩》疏 書》疏從偽孔,駁 説 人而 衍 亦予贊同。 事,爲 自相矛盾、《詩》疏是、《書 曲附 再 注 鄭謂告文武不 且《周 如駁 説 而自 孔 何 禮 相 穎 爲 • 占 矛 達 言

不 但當墨守漢人家法,定從 訓 十七史商榷 氏 不 ,若于古傳注憑已意擇 苗、通傳注,則義理自見,而道在其中矣。」「治 必空執義理以求之也。 敢駁經」,「豈特不 當然,作 説 經 科 者 •序》)「文字宜依《説文》,傳注必宗 治經理念: 律, 所 宜 敢 遵 取 駁經 但 「經 守也。」(《顧 師,而不敢佗徙。」(均 融 當正文字、辨音讀、 貫,猶未免于僭越。 以 而已,經文艱奥難 明 道,而求 命》篇「 道 經 釋 者

> 之處。 度研究, 概排斥,必失客觀態度 曰])絶對墨守鄭學,而 亦有「好引異 代之書 而 對 流 孔 傳、 于保守 强 孔 爲 疏、 補狹。 比附」等不足 宋儒 典章 之説 制

書。 經解 本。 差 逕 解本爲校本。 點用《續修四庫全書》影印之禮堂本爲底本,以經 是影印華東師範大學圖 稱 的 不清,經解本根 句之〔案曰〕中,禮堂本有「商通道于九」五字毀損 盡力補 由 異 據 經 阮 禮 則不改,影響文意者則出校。 解本)。 元編輯 古人引書並不追 經解本調 本偶有錯字, 經解本依照禮堂本重 堂本,一爲道光年間(一八二一— 此 救。 書有兩 如《禹貢》篇「惟 《續修四庫 刻於廣州學海堂的《皇清經解》本(簡 整,不 底本偶有前 種版本, 據《國語 並 出校。 有數處 求一字不差,對大意相 一爲 書館藏乾隆四十五年禮 • 魯語》文予以補足。 全書》所收《尚書後案》就 刻 后頁順序錯 乾隆 書 箘、 毀損不清。 ,對原版模糊不清 中 簵、楛,三邦底 引 四 十五 文 盡 訛 一八五 年秋 量 故此次校 的情 一核對 合之 刊 貢 况 0 原 堂 但 刻

參校用書,十三經用中華書局影印阮刻《十三

一一列出。標點不當之處,間或有之,敬祈指正。籍出版社、齊魯出版社的整理本或影印本等,不再成》本,其他各類書籍,大多採用中華書局、上海古校本、《墨子》、《荀子》等子書用世界書局《諸子集經注疏》本、《史記》、《漢書》等史書用中華書局點

校點者 顧寶田 劉連朋

四

尚書後案自序

謨》二、《禹貢》三、《甘誓》四、《湯誓》五、 文,增多二十四篇,餘四十二篇亡矣。三 伏生傳今文三十四篇,孔安國得壁中古 氏 八、《洛誥》十九、《多士》二十、《無逸》二十 五、《酒誥》十六、《梓材》十七、《召誥》十 十二、《金縢》十三、《大誥》十四、《康誥》十 十四篇者,即二十九篇。《堯典》一、《皋陶 微子》九、《太誓》十、《牧誓》十一、《洪範》 盤庚》六、《高宗形日》七、《西伯戡黎》八、 《君奭》二十二、《多方》二十三、《立政》 一十四、《顧命》二十五、《費誓》二十六、 康成一家之學也。 《尚書後案》何爲作也? 《書》本百篇,秦火後 所以 發揮

學,獨得其真。但諸家衹注三十四篇及百氏,皆爲之注,王肅亦注之,惟鄭師祖孔氏,皆爲國遞傳至衛宏、賈逵、馬融及鄭

^{● 「}胤」,原作「允」,避清世宗雍正諱改字。以下逕改

于經,則吾豈敢。東吴王鳴盛鳳喈!

_

猶在也。 《舜典》,《皋陶謨》之半充《益稷》,改爲 霸書,自是三十四篇漢注亦亡矣。 增多者已亡矣,目猶在 者别撰增多二十五篇,内有《太誓》,故 篇之《序》, 合,孔穎達作疏用之,反誣鄭述增多 十三篇,并撰孔傳,蓋出皇甫謐手。 三十四篇删去《太誓》,又分《堯典》之半充 晉人所撰與真古文,二者皆不 增多者無注,至晉又亡。 也,三十四篇漢注 爲張 云夫 好 于 事

鄭氏。 也。 馬、王、傳、疏與鄭異者,條析其非,折中于 取馬、王、傳、疏益之,又作案以釋鄭義。 又就正于有道江聲,乃克成此編。 亥,五十有八矣。 至二十五篇,則别爲《後辨 家之學,可謂盡心焉耳矣。 予徧觀羣書,搜羅鄭注,惜已殘闕, 草創于乙丑,予甫二十有四,成于己 名曰《後案》者,言最 寢食此中, 後 將三紀矣。 所存之案 若云有 》附焉。 予于鄭 功 聊

尚書後案采取鄭馬王注書目

尚 書疏孔穎達等

書裨傳吳棫 拙齋尚書全解林之奇

增修東萊書説時瀾

尚

書説

黄度

書古文訓薛季宣

尚 書 集傳蔡沈 書 詳 解陳經

書 集 傳 或問 陳大猷

書 解胡士行

初

學尚

書詳

尚 纂言吴澄 表注金履祥

書傳蘇軾

禹貢論程大昌

禹貢 指南毛晃

禹 貢 集解 傅寅

尚 周 書 書大傳伏勝 王會解補 采太誓 注王應麟

周 尚 易 書 輯 大傳注鄭康成 聞趙汝楳

采太誓

毛 毛 詩 詩集解李樗 疏 孔穎達等 黄櫄

書 尚 集傳 書集傳纂疏 輯 録 纂 陳櫟 注 董 鼎

尚 讀 書纂傳王天與 書叢説許謙

尚 書 通考黄鎮成

書 蔡傳旁通 陳師 凱

尚 書 書 傳會選劉三吾等 句解朱祖 義

禹貢 Ш 川地理圖程大昌

逸 詩 一齋詩 地 理考王應麟 補傳宋人失名

儀禮 周 禮訂 疏 ,賈公彦 義王與之

周

禮疏

質公彦

禮記 疏 孔穎達等

禮記集説衛湜 禮圖聶崇義

春秋公羊傳疏 春秋左傳疏孔穎達等 徐彦

論 論 語疏邢昺 語 義 疏 皇侃

春秋穀梁傳疏楊士勛

爾 論 雅 語 疏 通 邢昺 證張存中

孟子注 孟子音義孫奭 趙岐 采太誓

孟子

疏邵武士人

六經正誤毛居正 六經奧論 七 經 小傳劉敞 鄭樵

六經天文編王應麟

經説熊朋來 七經孟子考文山

一井鼎

考文補遺物觀等

説文解字許慎 采太誓

經典釋文陸德明

白虎通德論班固

采太誓

羣經音辨賈昌朝

史記采太誓 六書故戴侗

類篇司馬光

集韻丁度

史記集解裴駰 史記索隱司馬貞

史記正義張守節

14

路史國名紀注羅苹

漢紀荀悦

通鑑外紀劉恕

通鑑

後漢

書

漢藝文志考證王應麟

漢

書注顔師古

漢書采太誓

通鑑前編 地理通釋王應麟 金履祥

通 綱目集覽王幼學 鑑音注胡三省

史通劉知幾

漢制考王應麟

通典杜佑

禮書陳祥道 唐律疏義釋文王元亮

通志鄭樵

元 齊乘于欽 太平寰宇記樂史 水經注酈道元 和郡縣志李吉甫

路

史發揮羅巡

路史餘論羅巡

路

史後紀注羅苹

宋

史脱脱等

新

唐

書歐陽修等

舊

唐

書劉昫等

隋

書

宋

書沈約

晉

書

三

國志注裴松之

三國志陳壽

兩漢刊誤補遺吳仁傑

司馬彪續漢書注劉昭

後漢書注李賢

北堂書鈔虞世南

 \equiv

初學記 藝文類 徐堅 聚歐陽詢

事 册 太 府 平御覽李昉等 文類聚祝穆 元 龜王欽若等

山 堂羣書考索章如

玉

海王應麟

文獻通考馬端臨 小學紺珠王應麟

聞 兼 竹譜戴凱之 明 見記封演 書 [丘光庭

聖 宋 景 賢 羣輔録陶潛 文公筆記宋祁

隸 廣 釋洪适 111 書跋董道

野

客叢

書王楙

容

齊隨筆

一洪邁

讀 西 山 書雜抄魏了翁 讀書記乙集真德秀

困學紀聞王應麟

羅 學齋佔畢史繩祖 氏 識遺羅璧

離騷草木疏吳仁傑

文選注李善

文苑英華宋白等 古文苑注章樵

唐柳先生集注釋童宗説

右通計抄 撮羣書經史子集 百

三十一部

DП

尚書後案卷一

東吴王鳴盛學

虞 夏 書

堯

典

文》:「勛,古文勳。」
《亲曰〕「勳」、《史記》作「勛」。《説徐云:鄭、王如字。〇〔案曰〕「勳」、《史記》作「勛」。《説曰若稽古帝堯,曰放勳、〔《釋文》曰〕放,方往反。

名。《釋文》。○《魏志·高貴鄉公紀》。〔傳曰〕鄉公紀》。〔馬曰〕堯順考古道。放勳,堯十三卷《李固傳》李賢注。○《三國·魏志》四卷《高貴一行之,與之同功。《尚書》疏。○《後漢書》六〔鄭曰〕稽,同。古,天也。言堯能順天

若,順。 故鄭云"「順天而行,與之同功。」馬、孔 非也。放勳説見《書序》。 篇云「唯天爲大,唯堯則之,巍巍成功」, 若爲順者、《釋言》文。據《論語・泰伯》 翻述八卦逸象,亦云「天爲古」,是也。 也。古爲天者、《逸周書・周祝解》云: 行》「古人與稽」注:「稽猶合也。」合亦同 者帝堯。 也。」極于上而止,是上同之意也。《儒 云:「稽从禾。」「禾、木曲頭、止不能上 「天爲古。」《毛詩・商頌・玄鳥》云:❶ 古帝命武湯。」箋云:「古帝,天也。」虞 [案日]鄭以稽爲同者,《説文》卷六下 稽,考也。 勳,功。言堯放上世之功化。 能順考古道 而行之

欽明文思,安安,

〔鄭曰〕敬事節用謂之欽,照臨四方謂之

❶ 「元」,原作「玄」,因避清聖祖康熙諱改字。以下逕回

明, 之四德,安天下之當安。 備謂之思。《釋文》。 四方謂之明, 《尚書》疏 經緯 天地 「馬 曰]威儀 謂之文, 經緯天地謂之文,道德 傳曰〕 表備 慮深 謂之欽,照臨 通敏謂之思。 以敬明文思 純

也。 晏」,李賢注引《尚書考靈耀》曰: 正南面」,故鄭、馬以敬事及威儀 稱黄帝、堯、舜「垂衣裳」,又稱舜「恭己 有動作禮義威儀之則,以定命也。」夫子 欠皃。」「欠,張口气悟也。」劉康公曰: 魏獻子義也。《説文》卷八下欠部: 解》及昭二十八年《左傳》晉大夫成 「民受天地之中以生,所謂命也。 (案曰)鄭、馬 明文思晏晏。」又《第五 注, 俱 《後漢書 又《郅壽傳》「傷寒晏之化」注引 引《考靈 云云者,本《逸周 馮 衍傳》「思唐 耀 》, 俱 作「文 傳》、《 書 虞 • 「放 爲 寒 之 謚 陳 是以 鱄對 晏 鄭 勛 欽 法

> 下之當安」,非 載萬物,故寬容覆載爲晏。 晏晏然 覆載謂之晏。」是「寒」即「思」,「晏」 釋名》卷四《釋言語》篇云:「安,晏也。 考靈耀 安也。 和 》注云: 《釋訓》:「晏晏,温 喜無動 也 道德 懼也。」天地以温 純備謂之寒,寬容 和 傳云「安天 也。」劉熙 和覆 即

也。」《隸變》以「讓」爲「攘」。 三上言部云「相責」,非此經義。十二上手部:「攘,推允恭克讓,〔案曰〕恭,古作共,詳《無逸》。讓,《説文》

言》文。 言》文。「克,能」、《釋計》文。「克,能」、《釋問〕允,信。克,能也。〔疏《尚書》疏。〔傳曰〕允,信。克,能也。〔疏〔鄭曰〕不懈于位曰恭,推賢尚善曰讓。

賢尚善曰讓」者、《荀子・成相篇》云「堯載猶然,是「不懈于位」也。鄭又云「推堯致時雍後,孜孜釐工熙績,在位七十雅・韓奕》云:「夙夜匪解,虔共爾位。」(案曰〕鄭云「不懈于位曰恭」者、《大

光被 鄭注作「光」。 作「光」是也。 國等議曰:「陛下聖德,充塞天地,光被四表。」與鄭合,則 徐扶義反。 《文選・西都賦》云:「横被六合。」似此經當作 年,安帝詔 曰:「昔唐虞横被四表。」《後漢》卷十七《馮異傳》,永初六 作「假」。作「格」者,晉人改也 云:「至也。 讓賢 四 (以爲民,尚賢推德天下治」是 表,格于上下。〔《釋文》曰〕被,皮寄反。 曰:「昔我光武受命,横被四 〇〔案曰〕《漢書》卷九十九上《王莽傳》, 《漢書》七十八卷《蕭望之傳》,黄霸、于定 「格」,古作「假」。 《虞書》曰:『假于上下。」古領切。」永初詔 《説文》卷八上人部假字 表,昭假上下。」 「横被」,但 也

地 文。「格,至」、《釋詁》文。 外,至于天地。 傳曰〕光,充。 鄭曰〕言堯德光耀及四海之外,至于天 (明」。《詩》十九之二卷《周頌・ 所謂「大人與天地合其德 〔疏曰〕「光,充」、《釋言》 格,至也。 名聞充 噫嘻 與 溢 日月 疏。 四

云:「天旁行四表之中,冬南,夏北,春勢,四邊有水,《月令》疏引《考靈耀》注〔案曰〕鄭以四表爲四海之外者,天地之

以親九族。九族既

睦

《説文》義 也。 證者、《周易・文言傳》文也。 西,秋東,皆薄 氣初分,清輕上爲天,濁重下爲地。] 是 引《釋名》云:「天,顯也,高顯 上下爲天地者,《莊子·天地》篇陸 地,底也,其體底下。」又《易說》云: 又以格爲至者,鄭本必作「假」,用 也。 又引所謂「大人」云云以 四表 而 止。」是 也。 在 又以 德 元 明

克明俊德,

鄭曰〕俊德,賢才兼人者。

兼人,義正通也。 (蒙)以为高則大者居多。俊爲學》引作「峻」,鄭訓爲「大」。考峻古無大訓、《爾雅》「駿爲大」,鄭蓋假借釋之。學》引作「峻」,鄭訓爲「大」。考峻古無學,引作「峻」,鄭訓爲「大」。考峻古無

尚書》疏。

傳

○陳師凱 《釋文》。 鄭 》九卷。 日 《書傳旁通》一卷上。 上 (傳日) 馬 自 同。 高 0 祖, 以睦高祖玄孫之親 董鼎《書集傳輯録 下 至玄孫, ○李樗、黄櫄《毛詩 纂 凡 注 九 族。 卷。

族。 昆弟適 姓爲 人者與 屬者。 義》: 禮》、《尚書》歐陽説云:九族乃異姓有 母之母姓 子爲一族。 云:「此古《尚 據己上至 周室道衰,棄其九族。」傳云:「九族者, 同 九族者,上從高祖,下至玄孫,凡九, 一族。正義述夏侯説亦如此。古《尚 妻族二**:** 許慎作《五經異義》,鄭作《駁異義》。 〕鄭云云者、《毛詩 父族 姓。 其子爲 爲一 者與 高祖,下及玄孫之親。」正 母 謹案:《禮》,總麻三月以上, 四:五屬之内爲一 妻之父姓爲一族,妻之母 族,母女昆弟適人者爲一 族三: 母之父姓 其子爲一族,己女昆 一族,已之子適人者與其 書》 説,鄭取用之。《異 葛藟序》云: 爲一 族,父女 今《戴 弟適 親

> 不得但 明矣。」是鄭以古説長,宜從之事也。 服,不廢嫁女娶妻。 宗,女子雖適 不當有異姓。 億度之事而迎婦也。 爲異族,其子則然。《昏禮》請 恩之所及。 ·惟是三族之不虞。』欲及今三族 施 于 禮 人,字猶繫姓,明不 同 異姓其服皆總麻, 姓。 》爲妻父母有 是爲異姓不 玄之聞 如此所云, 也 服 期 在 · 與 婦 未 緦 則 辭 明 父兄 麻之 族 有 九 曰 歸 中 族 族 不

氏》引 也。 易 貞《史記索隱》曰 『平章百姓』、《書傳》作『辨章』。」則伏生亦作「 升」。 「米」。《詩・小雅・采菽》「平平左右」, 云"「乐,古文辨字。」此 **系。」二字不同而形聲易混。** 「号,从亏从八。 平章百姓。 便 一,假借同音字耳。 象獸指爪分别也。 「辨秩東作」、「辨秩南譌」、「辨秩西成」、「辨 疏 謂 是據 百姓昭明、「案曰」《説文》:「米,辨 語平舒也。」又:「正也,符兵切。 「今文作辨章」是也。 舎書 僞孔誤爲平,遂訓爲和,并 「傳》」, 讀若辨,蒲莧切。 經鄭訓 則 《説文》又于「数 伏、 「辨,别」,則鄭 鄭 鄭注 合矣。 疏 《周禮 云 古文作平。」 **©**史 ご字下 「《堯典 本 古文作 《洪範 記 馮 司 必 别

案曰〕鄭以辨爲别

者,馬

融《坤卦·文言

》注及《説文》義也。

章爲明者,

者矣。 乐。 $\vec{\Xi}$ 便」,云「閑 音、《廣韻》二仙「平,房連切」,注云:「辨治也。」十二庚 《左傳》 平,符兵切」,注云:「正也,和也,易也。」俱誤認平可 平門」,亦「米」字之誤耳。 詩》亦當作「米」,而《洪範 詩》疏、徐廣《史記》注,皆不識 道 唐宋以來宰輔銜名皆誤用平章, 》引《詩》 《三輔黄圖》長 釆釆」, 雅貌」。 》作「便蕃左右」。 亦 改 《毛傳》云: 《爲平。 安城 南 》雙聲與《詩 陸德明《詩 詩》「平 出第三門日 《爾雅》:「便便,辨 米 「平平,辨治 」而誤認。平,亦有 平」、《韓 而世 》釋文、孔 》正同,亦 也。」襄 「便門 無識「米」字 詩 一作 が也。」則 + 作 穎達 當 一年 便 便

也。 姓,此下有黎民,故知百姓 百 下《班固傳》注。 ○《後漢書》三十九卷《劉愷傳》李賢注。 父子兄弟。《史記》一 鄭曰〕辨,别。 〔疏曰〕經、傳「百姓」或指 百 ○王楙 平, 章,明· 和。 《野客叢書 卷《五 也。 章 , 帝 即百官 巡 明。 本 百姓,羣臣之 紀》裴駰 . 卷。 〇又四十卷 天 昭 (傳曰) (下百 亦 集解 明

> 姓 宗。」此經「百姓」指 官。 言以 禮 大夫。不云百氏 云:「别子爲祖,繼别爲 之起蓋爲 爲氏。天子、諸侯不稱氏,庶人無氏,氏 雖下及百世,而此姓 羣臣之父子兄弟」者,鄭以百姓即 ,姓不可以言氏也 •記》「章甫」注云:「章,明 姓者,生也。以此爲祖,令之相生, 表明丈夫。」是也。 卿 大 夫。 而云百姓 百官,則 故《禮 不改。姓之所分則 宗,繼禰 又以「百姓」爲 是王 記 , 氏可以言 也。 大傳 E 者 爲 小 朝之卿 殷 百 質

文》:「邦,從邑,丰聲。」邦、雍亦協韻也。 工反。《釋名》:「邦,封也。有功于是,故封之也。」《説協和萬邦。 黎民於變時雍。〔案曰〕邦,古音博

俗大和。也。言天下衆民,皆變化從上,是以風也。言天下衆民,皆變化從上,是以風〔傳曰〕協,合。黎,衆。時,是。雍,和

人時。〔《釋文》曰〕昊,胡老反。○〔案曰〕「昊」當作乃命羲和,欽若昊天,歷象日月星辰,敬授

辰爲 紀 司 應麟《玉海》一百十九卷《官制門》。 ○賈公彦《周禮疏序》。 于周則冢宰、司徒之屬,六卿是也。 云分命、申命,爲四時之職。 和氏之子,賢者使掌舊職天地之官。 象其分節 堯命之,使 之後羲氏、 掌天官,和 鄭曰〕高辛氏之世,命重爲南 徒。 于 星,四 ○王應麟 火正 近,命以 一,俱是二十八宿。《尚書》疏約 此命羲、和者,命爲天地之官,下 司地 和 氏 敬記天時以授人也 敬 方 《小學紺珠》五卷。 氏 掌 民 中 順 ,世掌天地 星。 昊天。 地 事。 堯育重、犂之後羲 ○陳祥道《禮書》二卷。 官, 其時官名 辰,日月 四 昊天,言元氣 子掌 [傳日]重、 四時之官,故 [馬日] 義氏 天地四 所 四 蓋 正司天, 此舉 會 時。 鄭 〇 王 氏、 星 其 廣 歷

目,下别序之。

顓頊氏 後也。 是少 爲蓐收,修 官,是謂五官。」「木正 九年《左傳》蔡墨對魏獻子曰:「五行 黎。」則是羲承重 年代, 豈復共 曰 土。」「少皞氏 融,金正 案日〕鄭云云者 熙, 句龍,爲后土。 有子曰句龍,共工在 皞子孫,非一時也。 實能 知 有子曰 揚子《法言》云: 曰 少皞四 蓐收,水正 金 及熙爲玄冥。 有 木及水。 工親子 犂,爲祝融,共工氏有 叔 四叔, 一, 和 此其二祀也。」案四 亦非 鄭 承黎 以 ·與顓 曰 重、 曰 曰玄冥,土正 日勾芒,火正 :皆親 使重 義 也。 此其三祀也。 何則? 顓頊前, 和 頊子 子 爲 近 是 昭公二 該、日 也 重, 句芒,該 重 同 日后 傳 和 日 黎 稱 叔 子 祝 之 沂

^{▶ 「}古」、《説文解字》作「胡」。

地。」 是也。 當 命爲 鄭、馬皆以 高 居 即 衰 射父又云:「其後三苗復九黎之惡,堯復 辛氏世,命重爲 官高辛氏之世,故康成于此文注云:「 考《楚語 稱 夏商。」則即指 辛 此 以 顓 也 重、黎之後,不忘舊者,使復典之,以 司天以屬神, 申命爲四時之職,天地 重 庄 職。 Ŧī. 蓋據《鄭語》而爲之説。 重、黎爲號。 頊之時,既爲句芒、祝融之官,其後 爲 九黎亂 黎如 官,俱是當 火正,以淳耀惇大,命曰祝 》觀射父對昭王云:「少皞氏 句芒」等,不言何帝 此 鄭 此,則 命 語》史伯 德。 火正 南正司天,黎爲火正 此 故歷 顓 重 顓 和 堯 黎司地以屬民。」 可 頊受之,乃命南 頊之時 爲天地之官,下分 對 命 知。 至高辛之世, 桓 羲、和之事 公曰:「黎爲 四四 惟重、 使爲 也。 《楚語》 時即周之 重、 此官。 黎 融 觀 司 高 再 知 又 IE.

叔也。 子,此 司空,以寵異之。 没不見。不知欽若、敬授、平秩、析 命禹等,蓋堯時冬官本名共工,後禹治水有功,改名爲 六卿之官者當不一其人,官制亦屢有改易。 已該括《周禮》六卿職掌在内,並 歷,謂羲、和 異,鄭、馬是 居六卿者羲、和及羲仲、羲叔、和 使稷、契輩爲之者,乃其 之舊制,則堯有六 内有守舊職者,有新 徒,伯夷爲秩宗,棄 士,垂爲共工,其職略 周禮》六卿不合,而堯命官大事 卿。 舍司 總 故知鄭、馬説是也。 後人併六人以爲 傳 舉 空之職,仍爲共工與虞。 則 也。 而 等不過星 以 舜即位後,命禹爲天官,由司空升 下 此 舜 别序之耳 命 卿可知。堯之六卿, 命禹爲 爲 命者,大約皆因 與《周禮》合。 歷 司馬,皋陶爲 晚年事,其始 和 四、又 專家,遂覺 百揆,契爲 即 堯在位年 説 是 與 執 下 觀下文舜 非 則 因 泥 文 專 久,居 大 以 . 堯 與 作 則 司 司 等 湮 治 和 此 馬 四

八

人名氏 則禹已爲后稷矣。 皆如此 前功以美之,仍使禹宅百揆,不聽其 度 工、放齊三人,雖不知其爲何官,要約計之,皆爲六卿, 等未來之前,中 不止此數人。故「共工方鳩僝功」下,鄭注又以共工其 則羲叔也。 及《刑德放》文,以爲夏官司馬。然棄之前爲夏官者 之,鯀之前則和叔爲之。 之。冬官共工,垂爲之。 和仲也。 前爲司徒者,則和伯 官司徒者,即舜「慎五典」鄭注「試以司徒」是也 且有以 居之者,有驩兜等云云。 士,俱堯時事,非舜即位 也。 后稷,不名百揆,居之者棄也。 度十九分度之七,每月朔,逐及日, 兀 和等死,驩兜等更相薦舉。 分度之一 禹讓稷、契、皋陶,而舜于三人無所 六卿兼攝 未聞,先祖居此官,即以官氏。又云:堯末, ,最爲精確。 春官秩宗,伯 此皆鄭義也。 間 如鯀 時棄不知爲何官,是以鄭據《中候 伯者也。 蓋棄爲后稷,契爲司徒,皋陶 也。 日 可 夷爲之。 後事故耳。 垂之前禹爲之,禹之前縣爲 惟后稷即天官,今禹升天官, 皋陶之前則爲秋官作 日 然則義、和等已死後,棄、契 然堯在位年久,居六卿者尚 知 行 其曾爲共工,而驩兜、共 又云:分四岳爲八伯 伯夷以前則羲仲爲 天三百六十五 棄之前 度,月日 然契之前 讓。 鄭與 居之者 命,但 :士者乃 則 舜之 爲 爲 則 地

> 物。 韋。 《傳》士文伯對晉侯曰:「日月之會是謂 之,論其日月所會,以辰言之,其實 梁,戌曰降婁,亥曰陬訾,娵訾之次,一名豕 辰。」鄭注《保章氏》引《堪輿》云:「寅曰 與 午曰鶉火,未曰鶉首 析木,卯曰大火,辰曰 二十八宿也。 會即二十八宿。 會,分周天之度爲十二次 日 子曰玄枵,丑曰星紀。」然則日 故疏約 會。 星謂 鄭 義,以爲星辰爲一, 舉其人目所見,以 + 凣 , 申曰實沈, 酉曰 宿。 壽星, 巳曰鶉尾 也。 辰 謂 昭 H 俱是 月所 月 大 年

分命羲仲,

方岳之事,是爲四岳。掌四時者字曰分陰陽爲四時,又命四子爲之官,又主之名見也。仲、叔亦羲、和之子。堯既秋爲士,冬爲共工,通稷與司徒,是六官、鄭曰〕官名。蓋春爲秩宗,夏爲司馬,

仲、 之,亦有時述職。《尚書》疏。〇王天與《尚書纂 百十九卷《官制門》。〔王曰〕皆居 禮疏序》。 叔 ,則掌天地者其 〇陶 潛《聖賢羣輔 録》。 日 伯乎? ○王應麟◎玉 京師 賈公 而 海》 彦 統

自也。 自己。 ○羅華《路史·後紀》注十一卷。 ○羅華《路史·後紀》注十一卷。 ○羅華《路史·後紀》注十一卷。 ○羅華《路史·後紀》注十一卷。 ○羅華《路史·後紀》注十一卷。

《説文》卷十三下土部又作「堣夷」。當從鄭爲正。《説文》卷十三下土部又作「堣夷」,假借同音字也。侯等《書》,何也? 考「銕」即古文「鐡」字,鐵本黑金,古文也。東晉晚出本自稱古文,而亦作「嵎夷」,反同于夏爲「宅嵎銕」。〇〔案曰〕夏侯等《書》,今文也,鄭所傳古宅嵎夷,曰 暘谷。〔疏曰〕夏侯等《書》「宅嵎夷」,鄭

暘,明也。日出于谷而天下明,故稱暘卷。〔傳曰〕宅,居也。東表之地稱嵎夷。海嵎夷之地名。《釋文》。○€居正《六經正誤》二〔馬曰〕嵎,海隅也。夷,萊夷也。暘谷,

當以 言。馬以經解經,最確 夷而 萊夷,上言既略者,總指海隅之地及 西。兹處大約北 説大同小異。但「寅賓出日」,自當于 谷。 東之青州,似不必就東北冀州之遼水 書》列傳則以爲遼東樂浪三韓之地, 者,據《説文》卷九下山部及卷十三下土 案日」馬 嵎夷乃在冀州遼西,至范氏《後漢 暘谷、嵎夷一也。 言,下言作牧者,就中 馬説爲定。 云「嵎,海隅也。 蓋青州上言嵎夷,下言 極出地已三十六度, 羲仲居,治東方。 也 夷,萊夷也 萊 恐 東 正 IIII

代「豑」,豑字遂廢。
 (《釋文》曰〕平,馬作萃,善寅亥出日,平秩東作。〔《釋文》曰〕平,馬作萃,普寅亥出日,平秩東作。〔《釋文》曰〕平,馬作萃,普寅亥出日,平秩東作。〔《釋文》曰〕平,馬作萃,普

也。《尚書》疏。〔馬曰〕賓,從也。苹,使〔鄭曰〕寅賓出日,謂春分朝日。作,生

序也 東方之官敬導 也 ,以務農也 《釋 歲起 文》。 (傳 于東 出 日 而 日 寅、敬。 始就耕 平均次序東作之 ,謂之東作。 賓, 導。 秩,

日。 生。 明 共 識 《魯語》:「天子大采朝 大 法,考行度,以知妖祥也。言天子與 馮相氏、保章氏,與太史相 天刑。」韋昭注:「《禮》『天 〔案日〕鄭云「寅賓出 以 朝日以修陽 也。 地德。」「少采夕月、與太史、司 而 夕月以秋分,載,天文也。 祖,習也。 糾 其事。」是也。 虔,敬也。 苹 天刑 · , 使 」 , 詳《洛 政 識,知也。 日 而習地德,因夕月 刑,法 照畫,月 日,謂春分朝 馬云「賓,從 日,與三公、九 也。 儷 地 子以 照夜,各 偶也。 德,所 共敬觀天 司 春 載 天 日」者, 八公卿 以 文謂 因 以 糾 卿 朝 廣 虔

日

中

鳥,以殷仲春。

首東 西方虎 七宿。 《尚書纂傳》一卷。 月》疏。 夜百 言温 也。 記》十五卷《月令》疏。 ○《玉海》十一卷《律歷門》。 ○《六經天文編》上卷。 卷《齊風 尚書》疏。 疏曰]四方七宿,各成 傳曰〕日 鄭 車馬 七宿 尾 仲 刻, 涼 星 夏言星火,獨指 客行》李善注。 ○《周禮》三十卷《夏官・挈壺氏》疏。 東方未明》疏。○又八之一卷 殷,正也。 也。 春之氣節,轉以推季孟 ,南首北 日 日 ○陳大猷《書集傳或問 以南方之宿象鳥,故言 中謂春 也。 中者, 《尚書 鶉 中 火之方。 宵 ○《詩 此經春言星 尾。 1》疏。 中, 日 分之日。鳥,南方朱鳥 ○《文選》二十八卷陸士衡《門 春分之昏,鳥星畢見, ○《玉海》十一卷《律歷門》。 [馬日]古制,刻 見 南方鳥,北 則 ○《釋文》。 房心。 之漏 ○《六經天文編》上卷。 齊風・東方未明》疏。 殷,中 書 一形。 夜各 》上卷。 與 鳥, 虚、昴 ○《詩》五之一 也。 不 則 Ŧī. 東方 涿翢 方 總 見者 〇王天與 可 龜 風 龍, 刻。 知。 西 齊

是朱雀七宿皆得見也。井、鬼在午,柳、星、張在巳,軫、翼在辰,春日在奎、婁而入于酉地,則初昏之時,昏,觀鳥星畢見,以正仲春之氣節,計仲昏,觀鳥星畢見,以正仲春之氣節,計仲一宿。 文不同者,互相通也。春分之

「微生高」、《戰國策》作「尾生」、則古字通也。
「微生高」、《戰國策》作「尾生」、則古字通也。
「微生高」、《戰國策》作「尾生」、則古字通也。
「微生高」、《戰國策》作「尾生」、則古字通也。
「微生高」、《戰國策》作「尾生」,則古字通也。
「微生高」、《戰國策》作「尾生」,則古字通也。
「微生高」、《戰國策》作「尾生」,則古字通也。
「微生高」、《戰國策》作「尾生」,則古字通也。
「微生高」、《戰國策》作「尾生」,則古字通也。
「微生高」、《戰國策》作「尾生」,則古字通也。
「微生高」、《戰國策》作「尾生」,則古字通也。

孳,交接曰尾。起,丁壯就功,其民老壯分析。乳化曰足,「傳曰〕冬寒無事,並入室處。春事既

申命羲叔,宅南交。

都,故解之云「摩滅也」。王注非也。《尚書》疏。〔傳曰〕申,重也。南交言夏與《尚書》疏。〔傳曰〕申,重也。南交言夏與春交。舉一隅以見之。此居治南方。至天日〕鄭云「夏不言曰明都」云云者,暘谷、昧谷,東西相對,南交、朔方,南北相谷、昧谷,東西相對,南交、朔方,南北相谷、昧谷,東西相對,南交、則方,南北相。與四〕夏不言「曰明都」三字者,摩滅、「鄭曰〕夏不言「曰明都」三字者,摩滅

平秩南訛,敬致。

同之,亦舉一隅。化育之事,敬行其教,以致其功。四時〔傳曰〕訛,化也。掌夏之官,平敘南方

日永,星火,以正仲夏。

○《周禮·挈壺氏》疏。○《禮記·月令》疏。○《玉書》疏。○《詩·東方未明》疏。○又《七月》疏。 得則夏氣和。夏至之氣,昏火星中。《尚火,大火之屬。司馬之職,治南岳之事, 人,大火之屬。司馬之職,治南岳之事, 「鄭曰〕日長者,日見之漏五十五刻,日

=

與 計仲夏日在 可 時角、亢在午、氐、房、心在巳、尾、箕在 火,故曰「火,蒼龍之中星」。 見」、《詩》稱「七月流火」,皆指房、心爲 連體,火統其名。《左傳》言「火中」、「火 七星見可知。 謂夏至之日。 辰,是南 日」日 尚書纂傳》一卷。 尚 卷《五帝本紀 ¥ 鳥不類,故云「舉中則七星見可知」。 知。〔疏曰〕七宿房在其中,但房、 書 〇《六經天文編》上卷。〔傳曰〕永,長也, **※**疏 E 卷 方七宿皆得見也 律 ○陳大猷 則 歷 書 東井一 》裴駰集解。 門》。 以正仲夏之氣節,季孟 ◎《詩 漏 火,蒼龍之中星,舉中則 書 而入于酉地,則初昏之 六 〇《六經天文編 東方未明》疏。○《史記 + 集傳或問 刻 ○《玉海》十一卷《律歷 夜 ž 漏 特舉一星, 卷。 ř 四 卷。 〇王天與 + (馬 亦 心

> 至,日 壽星, 景知 四 冬無愆陽,夏無伏 井,景尺五 不全故也。 言之者,餘從可知。或鄭注殘闕,引者 分日在角,而月弦于牽牛、東井 秋致月,以辨四時之敘。」鄭彼注云:「冬 者、《春官·馮相氏》:「冬、夏致日,春、 房、心,非也。 時之敘正矣。」是其義也。 氣 [在牽 亦 至 舉其 否。 寸。 牛,景丈三尺。夏至,日在東 春、秋、冬、夏氣皆至,則 中一次言之。 鄭又云「司馬之職」云云 此長短之極,極則氣至。 陰。春分日 傳 鄭獨于此 在婁,秋 , 亦以其 疏 以

厥民因,鳥獸希革。

希少改易。 在田之丁壯 卷《小雅・斯干》疏。 鄭曰〕夏時,鳥獸毛 革,改 以 助 〔傳曰〕因,謂 農 也 也。 疏皮見。《詩》十一之二 夏 時 鳥 老 獸 弱 毛羽 大 就

火,大火之屬」者,東方三次析木、大火、

見之漏」云云者,説見下文。

又云「星

案曰〕鄭以希爲疏者、《説

文》無希字,

[案日]鄭以永爲

長者、《釋詁》文。「日

《虞翻傳》注,翻以此當作「柳」,鄭作「昧」非是。 分命和仲,宅西,曰昧谷。〔疏曰〕夏侯等《書 昧谷」,鄭爲「柳谷」。 尚 麟《困學紀聞》二卷。 [書》疏鄭作「柳」尤甚明,翻乃以鄭作昧爲非,非 惟 部云:「獸皮治去其毛,革更之。」是也 此 亦當作稀 卷七上禾部有稀字,注云「疏 又以革爲皮者,卷三下革 〇〔案日〕《三國・吴志》十二卷 考鄭注《周 禮》引此作「柳穀」, 也 亦見王 也 則

天下 出。 水。」 東可 漢陽郡西縣,「故屬隴 志》劉昭注。 謂之兑山」者、《説卦傳》説八卦方位 志》隴西郡 (案日)鄭 史記 鄭 曰〕西者,隴西之西,今人謂之兑山 後漢 此鄭 知。 冥,故曰昧谷。 · 五帝本紀》集解。 此居治西方,掌秋天之政也。 所據以爲西者也。 西縣改屬漢陽郡,故《續漢 [傳日]昧,冥也。 云一西 西縣、《禹貢》嶓冢山、西漢所 者,隴西之西」者,《 昧谷曰 ○司馬彪《續漢書 西,有嶓冢山西漢 1西,則 日入于谷而 又云「今人 湖夷 法》 漢 或

> 天岡 始 官• 北。 兑 契》:「二月榆落,魁臨于戼。八月麥生, 中班,十二小班,而始那合男女。 那,十二始那,十二中那,十二小那, 切。今俗皆混而爲一。考《管子》: 春三 門,萬物已出。 丣爲秋門,萬物已入。 文》:「戼,冒也。 Щ 東 **戼合男女。秋三丣,十二始丣,十二** 也。 爲正秋,乾爲 日則爲昴、昴,而俗亦亂之。 縫人》「翣柳」注所 方, 巽爲 然則兑位正 「昧谷」,鄭實作「柳谷」,見《天 東南, 西北,坎 二月,萬物冒地 西,故以隴西之山爲兑 離 爲 爲正北 南 引。考之《説 切。 方, 丣,與久 坤 ,艮爲 **戼爲春** 《參同 其戼、 · 爲 其説見 而 地 東 而

❶ 「岡」、《周易參同契》二十九作「罡」。

条

將没 留也。 《莊子》「聚僂」,僂即柳也。 《論衡》云:「日出扶桑,暮入細柳,故宅 子》:「日薄于虞淵,是謂 者,諸色所聚。 字則迥不同也。 音異,不知古人韻緩,二者音頗相近,而 **丣之亂,其來已久。裴松之謂二字字同** 谷,是謂定昏。」蒙谷者,柳谷 言日人之色如初出。 賁者,五色雜也。 色。」《太玄》云:「日没,其光賁于東方。」 或 及留舒」,鄭箋《詩》引之作「柳舒」, 通 曰柳谷。」是日 **丣西方主 爾** 有蒙 爲劉。 《縫人》注「柳之言聚」,正義:「柳 从 雅》「日所人 田 昧之象也。 爲留,采 而漢有卯金刀之説, 日將没,其色赤,兼有餘 閉, 柳有三義:聚也,蒙也, 夕爲 丣, 閉 爲大蒙」,卯東方 地之名 [《]左 則 黄香。 蒙 傳》「陳成子 ,因以爲 也。 五色錯聚。 此聚之義 也 淪于 之 是 主

疏。 者,説詳上文。馬義未詳。 方,萬物成。平序其政,助成物。 ○丁度《集韻》卷六土聲下。 日出言導,日入言送,因事之宜。 [案日]鄭云「寅餞納 鄭曰〕寅餞納日,謂秋分夕月也。 (馬 曰〕餞,滅 也。 日,謂秋分夕月 [傳日]餞, 滅猶没也。 《釋文》。 秋,西 送也。 《尚書》 也

宵中星虚,以殷仲秋。

歷門》。 也。 玄武之中星。 之中星,亦言七星皆 壺氏》疏。 虚,玄武中宿也。《詩・七月》疏。 三秋。〔疏曰〕北 鄭曰〕夜中者,日不見之漏與 春言日,秋言夜,互相 〇《六經天文編》上卷。 ○《禮記・月令》疏。 計仲秋日在角、亢而 方七 以秋分日 宿 虚 ○《玉海》十一卷《律 〔傳曰〕宵, 爲 備。 中,故 ○《周 見,以 見者 虚,玄武 禮 虚 īF. 夜

星皆以秋分之日昏時並見。巳,室、壁在辰,舉虚中星言之,亦言七酉地,初昏之時斗、牛在午,女、虚、危在

大同小異也。 任爲專舉正中之星,不爲一方盡見,則 又云「虚,玄武中宿也」者,與傳疏同。 也。「日不見之漏」云云者,説見下文。 (案曰)鄭以宵爲夜者,《小星》詩毛傳義

獸髦毨。中冬,鳥獸毴髦」,涉下而誤也。○〔案曰〕《司裘》注「中秋鳥獸毴毨」,《釋文》云「毴音厥民夷,鳥獸毛毨。〔《釋文》曰〕毨,先典反。厥民夷,鳥獸毛毨。〔《釋文》曰〕毨,先典反。

选,理也。毛更生整理。 〔傳曰〕夷,平也。老壯在田,與夏平也。

申命和叔,宅朔方,曰幽都。

見。北稱幽,則南稱明從可知。● 都謂〔傳曰〕北稱朔,亦稱方,言一方則三方

产生明易。所聚也。

天常。 至 歲改易于北方,平均在察其政, 處。」言人物皆易。《尚書》疏 詩 》:「嗟我 日〕改易者,謹 婦子, 日 約蓋 爲 藏, 改 「傳 歲,人 循 行 曰〕易謂 積聚。 以 此室 順

舉 四 方俱七宿、虚星、昴星居 方皆三次,鶉火、大火居其中。 鄭曰〕日短者,日見之漏 時最短。 一方,故指中宿與次而互言之。《尚 ○《詩・七月》疏。 昴,白虎中宿也。 ○《周禮·挈壺氏》疏。 其中。 四十五刻, 東方、南 西方、北 每時 書 總 于

【則」字非也。」
● 「則」、《尚書正義》阮校曰:「宋本「則」作「都」。

按

宅爲孟 刻,以 之漏 卷。 十五 矣。 記 又九卷《律歷門》。 陳大猷《書集傳或問》上卷。 則 書考索 昴,白虎之中星,亦以七星並見,以正冬 ○《六經天文編》上卷。 火爲季月,以殷以 禮書》三十五卷。 卷《律歷門》。○《六經天文編》上卷。○章如愚《羣 爲中,言各正三月之中氣也。《尚書》疏 月 刻。 因馬 減晝 ○《六經天文編》上卷。 冷》疏。 爲冬至晝 前集》五十七卷《律歷門》。 四十 月,日中、日永爲 東方未明》疏。○《玉海》十一卷 融所見而又減之,故日長 因 漏五刻,不意馬融爲傳 刻,夜漏六十 ○《史記 以冬至反之,取其夏至 〔傳曰〕日短,冬至之日 短,此其所 ○《玉海》二卷《天文門》。 正 正 海》二卷《天文門》。 五帝本紀 皆總 ○王天與《尚書纂傳》一 [王日]鄭知 刻。 仲月、星鳥、 三時之月。 》集解。 以 万馬 《尚書》疏。 誤 日]日短 耳。 已 〇又 陳祥 爲 減之 日 ~律 見 所 夜 Ŧi. 歷 道

也。 耳。 長極 日短 以 云:「昴,六星。 與昴」,毛傳云:「昴,留 言,故晝夜刻數長 蓋地勢有在南、在北之異,馬據 畫六十二刻,夜三十八刻, 配三月,尤覺支離,皆非也。 十。《授時歷》據燕 晝夜刻數,日中、 · 昴」,俗本傳刻之誤也。 案日 此。 刻,夜六十二刻。又與馬、鄭並不同。 然則 **昴字从丣,象閉門。今《説文》乃作** 王肅妄駁鄭,又以所宅下三言,分 于六十二,短極于三十八,其不 ,鄭與馬異。 白虎中宿也」者,亦專舉正中之星 鄭注備言畫夜 而鄭則又取 馬、鄭 **昴之言留**,言物成就 與《授時歷》三者皆是 宵中,鄭與馬同; 極于六十,短 然元《授時歷 然都而 南北之適中者言之 刻 言,故晝 漏之數云云者 也。」《元命苞 《詩》云「惟參 冬至 鄭又 地 止 晝三十 夜 》,夏至 日永、 中 于 刻 云 同 而 數 四

一, 則 人思謂 猶 深 扉 、 旄 與 昴西 摇 亦聲 康 方之宿, 成云「秦人猶 相 近 也。 一名旄 頭 摇 聲 昴 相 與

者相爲 北。 時。 婁也 伏」,伏也者,日所在不可見 覺其大差,隨 壽星、大火、析木之津三次。 在 虚、星昴,此列宿之舉目可見,千百年 月令》,則皆不合。 典》合,至《逸周書 **西没,必大火東** 短,此終古不變者也。 、又案日」 参,穀雨時。 娵訾之口三次。 正 四正之位 月在奎,奎末婁初,雨水時。 方朱鳥 昴,大梁也。 經緯。 四仲中星,惟《夏小 七 時爲書,以示民 則二月 一、各協 宿,鶉 《夏 西方白虎七宿,降婁、大梁 陞, 首、 蓋日中 小正》「三月, 時訓解》及《禮記 其方。 鶉火值 參, 北 在昴,胃末昴初,春 鶉火、鶉尾三次。 方玄武七宿,星紀、玄 星 實沈 日永,宵中 鳥、星火、 東方蒼龍七 也。三月日 南、玄枵 者也 . 正 也。 奎 一婁,降 大梁 參則 $\stackrel{\sim}{\sim}$ 宿 星 H 堯 分

玄枵值 時。 心。 也。 火也。 在翼。 夏」。 門兩 間 也。 星,夏至時。 值 協 則伏」,辰也者,心也。 伏也者,日 大火南, 鶉火必 爲漢 ,降婁東 星 則 南,故《書》 和 角,壽 則七月在角,處暑時。 「值南矣。 其餘莫不協 《夏小正》「四 八月日在心。 大星横亢下 《夏小正》曰,五月「初昏大火 沙津, 析 仲春 翼、鶉尾也。《夏小正》八月「辰 大暑時。 南 星 陞 故 而 初昏二十有八 也。 ,故《夏 虚 木之津也。 四月在東井,小滿時。 可 曰 東井,鶉首也。 五. 知。 中。 淪 日日 ·壽星 月,壽星地 月,初昏,南門 秋分在氐末房初,秋分後 西。 然 小正》曰,七月「初 七月 大火也。 永,星 則 次 列 蓋 九月在箕。 也。 初 舍,不 大火西没, Ŧi. 星 火, 昏 而 四 月 南 箕、斗之 七星, 西, 日 以 門 違 所 六 中 在 正 Œ 霜降 南 則 在 鶉 月 火 仲 則 在

之分。 冬至時 也。 法。 今日 之星 十月 昏 由 日 列 四 星 小 年冬至 十月,星 堯典》合。 是 星 梁 紀 在 方 正 織 值 日 則更 象 觀 之 似 也 如 牽 》曰,十月「織 歲差者,太陽 女 之,日 牛,至 但 耳。 紀 南,故 時,不能復躔 今年冬至,太陽 在 口 十有二月,在 紀 īF. 其差甚微,古人初未之覺, 移 首, ,娵訾之 斗。 虚,玄枵也。 東 東 周初 古籍存 周 月之行 故 昴 陞 嚮 次 小雪時。 末則在斗,皆星紀之次。 中。 日 而 列星東移已及一次, _ 矣,故 每 女正 . 口 星 日 一歲與 者,惟《夏小正》 起于 説者 **'營室**。 紀。 也。 原 織 十有 降 營室、 北 躔 宿 女 歷 恒 婁 斗、牽牛,特周 嚮 某 謂 玄枵 恒 度 考周 家 處 星 一月, 宿 大寒時 繒 ,則旦。 斗、牽牛 東壁連 有 加 相 北 度 降 西没, 初,冬至 歲 有 距 在 故 婁 不 至 之分 差 《夏 體 斗, 虚 也 之 及 明 與 爲 至 則

度六十 東行 密。 者宗焉 歲差之意 以 宋《紀元 年 以 圃 恒 以七十二年差一 度,祖沖之以四十五 五 晉 五十二秒半。 七十五 六十年差一度,元至元中 差一 |虞喜 移之度,在 行 星 十年差 七年差一度,以 每 今新 隨時修 歲東 度,僧一 度。 分,每分六十秒,約之得 始 歷》 同。 年差 法 而 知 度,劉宋何承天 行五十一秒,約 以七十八 此 歷 所定之數, 之, 改、訖 新 元郭 迨至第谷殫精 所差之數在古 書 行以 法爲恒星 因 度,唐傅仁均以 載 度。惟 周天三百六十度, 立 守 無定數,與 西 八十二年 年差 歲 (年差一度,蔡 敬因之,較 Y 各家 差 第谷 宋 東行 法, 楊忠 以 七十年有 司天監 不 度,隋 推 法 古 以 之度 歷 百 同 差 測 爲 諸 每 Ŧī. 歷 前 輔 年 代 黄 方定 年 伯 累 + 劉 差 恒 家 以 王 治 喜 度, 道 焯 改 爲 每 五. 餘 星 差 焔 静 六 以 歷

黄道 逐歲不可 歲東行 之黄道 然則第谷所定之數,亦未 忒,但星行微渺,必 所定,行之二百餘年,驗之于天,雖無差 在 内之星,在赤道北者皆可以過赤道南 度古少而今漸多; 在赤道 也。 之天 多而今漸少。 少,在赤道北者,緯度古少而 六宫,星在赤道南 度宜終古不變,今測恒星之黄道 自鶉首至星紀六宫,星在 赤道南者亦可以過赤道北,則恒星循 東行而 時測驗,依天行以推其數可 蓋 同, 經緯 使恒 ,而緯度不變,至于赤道 恒 而緯度尤甚。 星 屋不 度宜 非 原 凡距赤道二十三度半以 黄道之西移明矣。 有 每 動 者,緯度古多而 動移, 歲 而 歷多年其差乃見。 黄道 不同,而 自星紀至 則 可泥 赤道 北者,緯度古 西移 新 法 赤 爲定 南者,緯 今漸多。 也。 經 之 經 道 則 第谷 今漸 一鶉首 度 理 度 經 恒 則 每 緯 星

> 獸毛盛」,毛亦當作髦。 聚毛」。」則未詳。其作「氄」者,晉人改也 作「鳥獸雜髦」,云「雜,毛盛也」,則「毨」字下云「仲 厥 勇反,徐又音 重文「聚」字注云:「或从衣从朕。《虞書》曰 隩 鳥獸 而 充反。 氄 毛。 若卷三下瓷部鱗字注云「羽 ○〔案曰〕《説文》卷八上毛部 文》曰 隩,於六 反。 「鳥 獵 秋 氄 獸 韋 鳥 引

如

也。 皆生耎毳細毛,以自温 文》。○林之奇《尚書全解》一卷。 賦》注。 鄭曰〕與,内也。《文選》十四卷顔延年《赭 民改歲入此室處,以辟 [馬曰]隩,煖也。氄,温 焉。 何傳 風寒。 柔貌。 日〕隩,室 白 《釋 潤 馬

也。」《釋邱》云:●「隩,隈。 四下自部云:「隩,水隈崖也。」《大學》引 李巡云:「厓内近水爲隩。」《説文》卷十 注》義也。 〔案曰〕鄭云「奥,内也」者,孔安國《論 詩》作「澳」,彼注亦云「隈,崖」。 《詩·淇奥》傳云:「奥, 厓内爲隩。」 隈 語

邱 避 孔子諱、《 爾雅》作「丘」。

其内曰 《説文》卷十一上水部云:「澳,隈厓也。 則 通,皆有内義。 奥」,而訓爲内。 鄭爲長也 則 云: 澳,其外日 澳, 故馬、孔作「隩」,鄭則作 本亦: 喂。」然則奧、隩、澳皆 要此經是言室中奧, 作奥, 本又作 隩。

也。 帝曰:「咨! 續成熙。」〔案曰〕《説文》卷七上禾部云:「稘,復其時 六日,以閏 古文作正,衛包方作定。」 朞」,疑衛包所改也。 从禾其聲。《虞書》曰:『稘三百有六旬。」] 今作 月定 汝羲暨和。 四 「定」、《史記》作「正」,晁説之云: 時 成 歲。 春三百有六旬 允釐 百 , 庶

朞 之一,又入六日之内,舉全數以 且. 不失其常,著之用 云三百六十六日也。 鄭 記時事。《公羊傳》一卷隱元年疏。 曰〕以閏月推四時,使啓、閉、分、至、 日月所在,斗指 . 時也。一朞三百六十五 成 歲 兩辰之間,無中 斗之所建,是爲中 歷 一將以 日 授民 言之,故 至 四分日 曰 時

> 皆。 故置 始,舉正于中,歸餘 六十五日四分日之一。今言三百六十 其善。〔疏 時授事, 故以 六日,舉全數也。 允,信。 閏焉,以定四時之氣節,成一歲之歷象。 餘十二日,未盈三歲,是得一月,❶則置 六十日; 卷。 朞 熙,廣也。言定四 閏以定四時。 爲 [傳日]咨, 閏 一歲十二月,月三十日, 則能信治百 釐, 治。 除小月六,爲六日,是爲一歲有 也。 日」日 《尚 日日行 嗟。 書》疏。 無閏時不定,歲不成, 工,官。 于終」是也。 《左傳》云「履端于 官, 衆功皆廣。 暨, 一度,則 時成歲歷,以告 0 胡 與 績,功。 士: 也。 行 一春三百 尚 正三 巾 書 四 詳 咸, 百 嘆 解 時

至不失其常」者,啓謂立春以後半年,閉〔案曰〕鄭云「以閏月推四時,啓、閉、分、

^{) 「}是」、《尚書正義》作「足」,此形近而誤。

币 分必 平,至謂冬至、夏至,日永、日短 周天之度爲三百六十五 謂 里千四百六十一分里之三百四十八矣。 麗天之故,皆爲天所曳而左轉。 三度十九分度之七,積二十七日 合朔 一夜行一 度 體至圓 五日四分日之一而周復其故處,故 ,而天之左旋者過一 以此所行之里數爲天之一度,故日一 地一周之間,已右行二千九百三十二 立秋以後半年,分謂春分、秋分,晝 以日 歲日 百 有 日之三百 以 四 奇 度也。 來比 十分日 矣。 行之數也。 一之周 , 繞地左旋, 日月皆右 故 月之周天,而 市爲限。 之 必 + 日右行一度,則比日之 四 更越二日,凡 四四 月行 百 而 度矣,積三百 九十九,而 度四分度之一, 一周天。 日爲天所曳 通率,每日 日又行 九 晝夜之 旋。 也 百 而 + 四 以 夜 考

日之五 四十 爲一日。 之常數也。 三百六十日,而月行少五日又五百九十二分。 之三百四十八,是一歲月行之數也 法,九百四十而一,如算日之法,以九百 全日,净日也,對餘分言。 磨上而右轉,磨 十二月,月有三十日,三百六十者, 通計得日三百五十四日九百四十 八,將餘分五千九百八十八除之,六日外猶餘 百八十八,凡爲四百九十九分者十二也。 得全日三百四十八,凡爲二十九日者,十二也 日會,是爲一月。天之旋如磨左轉, 未滿 氣 朔 虚 盈; 分日之二百三十五,舉全數云有 得六,凡得六日。 百九十二,即每歲小月六,少六日 三歲已成 月與日會而 合氣盈、朔 故日與天會而多五日 速蟻遲,故蟻爲磨曳轉。 一月,則 餘分之積又五千九 少五 虚,一歲餘 不盡三百四 日 置 九百 琞 H 四 月 四十分 如 分 日 十分 九 歲 六日。 此 如 蟻行 弱。 + 數 日 百 歲 有 日 歲

帝曰: 云是古文《尚書》「疇」字。 書》:『帝曰暠咨。』」郭忠恕《汗簡》卷上之一作「萬昬」, 上2日部267字注云:「詞也。 是爲一 九年。三統爲元,則積四千六百一十七年,日月皆無 爲會,凡五百一十三年。三會爲統,凡一千五百三十 甲子朔子時半冬至爲歷 大略也。蓋十九歲猶有餘分未盡,若整齊則須十一月 單 餘分,而又得十一月甲子朔夜半冬至,而又爲歷元矣。 三百七十五。 歲 歲 「疇咨若時? 閏 五歲 一章也。 閏率, 率, 再閏,則五十四日有 十有九歲七閏 則 閏法十九歲氣朔分齊爲一章,此亦 則三十二日 + Ħ 元,而十九年爲章,二十七章 从白、弓聲。 登庸。」〔案曰〕《説文》卷四 有 奇。 有奇。 ,則氣朔 日之八百二十七。 弓與疇同。 奇。 日之六百 分 日之 《虞

用以代羲、和。 登用之。 死,庶績多闕 馬曰〕羲、和爲卿官,堯之末 用也。 誰能 《尚書》疏。 咸 故求 熙庶 賢 績 順 〔傳曰〕疇,誰。 四時之職,欲 順是事者,將 年,皆以 老

〔案曰〕馬云「羲、和爲卿官」者,馬亦以

本作庸。訟,可乎?」〔《釋文》曰〕嚚,魚巾反。訟,才用反。馬訟,可乎?」〔《釋文》曰〕嚚,魚巾反。訟,才用反。馬放齊曰:「胤子朱啓明。」帝曰:「吁! 嚚

是 既醉》云「永錫祚胤」,彼箋以爲「子孫 朱,名。 帝之胤子曰 也。 忠信爲嚚,又好争訟,可乎? 言不可。 (傳日) 人,卷數已非原第,故不著。 ○〔案曰〕《史記正義》單行本已亡,今從震澤王氏刻采 同訓繼,則胤 [案曰]鄭、馬以胤爲嗣者、《釋詁》胤、嗣 鄭 也。 曰〕帝堯胤嗣之子,名曰 《尚書》疏。 傳云「胤,國。 啓,開也。 放 齊,臣 〇《史記·五帝本紀》張守節 亦 朱 嗣 也。 名。 也。 吁,疑怪之辭。 《尚書》疏。 〔馬曰〕胤,嗣 《毛詩·大雅 胤,國。子,爵。 子,爵」,非也。 1 丹朱。 ○《釋文》。 言不 開 Œ 也 明

 \equiv

《孟子》「丹朱不肖」,是嚚訟也。

汝反。帝曰:「疇咨者予采?」〔《釋文》曰〕予音餘,又羊

也。復求誰能順我事者。 〔馬曰〕采,官也。《釋文》。〔傳曰〕采,事

詁》文。 官也。」采、寀同也。傳訓事,亦《釋官也·」馬云「采,官也」者、《釋詁》:「寀,

旁爲方。」是旁爲古文方也。 雖兜曰:「都!,共工方鳩孱功。」」帝曰: 雖與曰:「都!,共工方鳩孱功。」。帝曰: 華兜曰:「都!,共工方鳩孱功。」。帝曰: 華兜曰:「都!,共工方鳩孱功。」。帝曰: 華兜曰:「都!,共工方鳩孱功。」。帝曰: 華兜曰:「都!,共工方鳩孱功。」。帝曰:

祖居此官,故以官氏也。堯末,時羲、和〔鄭曰〕共工,水官也,其人名氏未聞,先

逸誤以 也,違與回通。 考工》屬冬官,冬爲水,虞、周同也。 象恭敬而心傲狠,若漫天。不可用。 言共工自爲謀言,起用行事而背之,貌 能方方聚見其功。 共工,官稱。鳩,聚。孱,見也。 後紀》注十二卷。 [馬 曰] 孱, 具也。《釋文》。 疏序》。○《史記・五帝本紀》集解。 時,驩兜、 回,邪辟也。 回」,毛傳云:「回,違也。」《春秋傳》晏子 曰:「康回馮怒,地何故以東南 之子皆死,庶 云「其人名氏未聞」者、《楚辭 〔案曰〕鄭云「共工,水官也」者,《周禮 ○《詩》十八之三卷《大雅·崧高》疏。 云:「君無違德。」《論衡》引作「回德」。 傳曰〕驩兜,臣名。 康回爲共工名。 共工,更 故《史記》云:「共工善言、 績 《詩・大雅》云「厥德不 多闕而官廢。 静,謀。滔,漫也。 相 都,於,嘆美之辭。 薦 康回者,庸違 ○羅苹《路史・ ○賈公彦《周禮 • 傾?」王 嘆共工 尚 當此之 天問》 書》疏 又

帝曰:「咨! 然則共工名氏 相 其 末,時義、和之子皆死」云云者,説見上 康回 或作 用 文。馬云「孱,具也」者、《説文》義也 辟。 康 無 是 四岳 道。」董逌釋康爲庸,是 秦《詛: 訓 違 不可知 爲 楚文》云: 辟, 與回 也。 鄭又云「堯 司 「今楚王 也。 古 也。 庸

死,分四岳 仲、和仲、羲叔、和 疏序》。 人,無文可知。 岳之事,是爲四岳,謂之四 始羲、和之時,堯既 案 鄭曰〕四岳,四時之官,主方岳之事 兜、共工、放齊、鯀四 和 〇陶 四子,分掌四 ○《禮記・ |鄭云「四岳,四時之官,主方岳之 潛 三 聖 爲八伯,皆王 賢 羣 王制 《詩·崧高》疏。 輔 録》。 》 疏。 叔等爲之官,又主方 岳之諸侯,故稱焉 分陰陽 〇《史記·五帝本紀 傳曰 人而 官。 伯。 爲 ○賈公彦《周 已,其 四 其八伯 四 羲、和 時 岳 即 子 四 禮

虞岳 以爲 岳」也。 堯時 云: 百一 子 匹 而 各以 也。」是伯分主東西者。 爲天子之卿,出 何以三? 職方。」彼注云:「伯謂爲三公者。 叔、和叔爲之官,又主方岳之事,是爲 事」者、《周禮 方岳之下,是四 云「堯分陰陽爲 晉 岳 西者,召公主之。 「天子三公者何? 十國 亦稱伯,故鄭此注又云「是爲四岳 以 稱 之職,堯時四 其屬,屬于天子之老二人,分天下 左右、曰二伯。」隱五年《公羊傳》 岳 四 《曲禮》云:「五官之長曰伯,是 岳佐 ,殷、周 以 自陝 爲 》説巡守之禮,諸侯 禹,爲「一王四伯」, 州 而東者,周公主之,自陝 方諸侯分屬 即 四 則稱 時,命羲仲、和仲、 爲諸侯之長,故 人,殷、周則二人也。 州有伯。八州八伯, 伯。 相處乎内。」然則 天子之相也。 《王制》云: 然《周 四岳 各 (語)太 職,主 鄭又 則唐 朝 則 四 干

州 爲伯。 謂 隱十一年《左傳》:「許,太岳之胤也。」杜 岳、牧皆得通稱也。 兜等是代羲仲等者,故鄭云云也。 云: 云: 姜,賈逵、韋昭皆以 有十二牧,據十二州,每州一牧。若九 名可見者,驩兜等四 置八伯。八伯者 主 乙 者 年《傳》:「諸戎,四嶽之裔 ,除畿内則八州八伯。 伯,鄉、遂之吏主之。」是也。 春夏秋冬,并掌方嶽,是爲四 之 掌四嶽之祀,述諸侯之職 崧高》毛傳云:「堯之時,姜氏 四伯 「太岳,神農之後,堯四岳也。」襄十 ,鄭注《大傳》亦云:「羲、和 四嶽,堯時 其後稍死, 鵙吺、共工求代, 乃分 也。 方伯,姜姓也。《詩 鄭 據畿外 太子晉所説四岳姓 爲炎帝後。《春 人,餘皆無文。 八州。 伯是長義,故 于周, 和 胄也。」杜 嶽 子 爲 八伯之 死」云 六卿, 下文 爲 内 秋》 驩 則

禹治 神農 掌四 似 兜等也。其後堯老舜攝,流放四凶, 之官者,本不一其人。當其始,命羲、和 傳又俱不同。 而孔 氏。」以上諸條皆謂堯時四 末後者言之。 禹治水,而又有姜姓者居四岳之職,佐 四子爲之,其後分爲八伯,又命驩兜、共 工、放齊、鯀等爲之。 土,甚有功。 初 四岳 申、 「吕尚其先祖嘗爲四 水。 傳 氏之後,而羲、和乃少皞顓頊之後, 岳之諸侯,故稱焉。」據姜姓乃炎帝 者言之。 此 非羲、和矣。鄭則與諸家説及孔 則云:「四岳 齊、許。」又《史記 然則諸家説以爲姜姓者、舉其 節四 孔傳 以今考之,蓋堯時居四岳 虞夏之際 如此 岳 自是當義仲等老 則 以 即上羲、和 此節四岳 鄭 爲 與諸 義、和 封于吕,姓 嶽,佐禹 岳乃姓姜也。 齊太公世家 家 者, ,正指驩 四子,分 説 舉 平水 似 姜 舉

得指爲此四岳。 當鯀不成而舉禹之時 羲、和四子,孔傳非是。 也。 驩 兜等代爲八伯,互 然則惟鄭爲是,諸家皆 `,尤在其後, 至姜 相 薦 姓 舉,不 佐禹,則 更不 得

俾壁。」」今作「乂」,疑衛包本。九上辟部云:「嬖,治也。从辟乂聲。《虞書》曰:『有能天。 下民其咨,有能俾乂?」〔案曰〕《説文》卷「湯湯洪水方割,蕩蕩懷山襄陵,浩浩滔

[傳曰]湯湯,流貌。洪,大。割,害也。 (傳曰]湯湯,流貌。洪,大。割,害也。 治盛大,若漫天。俾,使。乂,治也。言 浩盛大,若漫天。俾,使。乂,治也。言 治盛大,若漫天。俾,使。乂,治也。言 治盛大,若漫天。俾,使。乂,治也。言

愈曰:「於,鯀哉!」〔《釋文》曰〕於音鳥。

文》。○《史記·五帝本紀》集解。〔傳曰〕愈,文王》疏。〔馬曰〕鯀,臣名,禹父也。《釋〔鄭曰〕於者,嗚聲。《詩》十六之一卷《大雅·

皆也。

方,馬如字,鄭、王音放。帝曰:「吁,咈哉! 方命圮族。」〔《釋文》曰〕

也。 者,皆非帝意。 事,輒毀敗善類 (馬曰)方,放也。《釋文》。 鄭曰〕方讀爲放,謂放棄教命。 言鯀性狠 戾, 咈,戾。 好此 方名,❶ 圮, 毁。 [傳日]凡言吁 《尚 命而 族, 書》疏。 類 行

[案曰]鄭云云者、《説文》四下放部:「逐

❶ 「此」、《尚書正義》阮校以爲當作「比」。

聲,則方亦可通放也。 也,从攴方聲。」逐有棄義,放既从方得

「鄭音異,孔、王音怡。」哉!」九載,績用弗成。〔《釋文》曰〕异,徐云:岳曰:「异哉! 試可乃已。」帝曰:「往,欽

據衆言可試,故遂用 是,從人之非,遂用于鯀。《尚書》疏。 考九年,功用不成,則放退之。 言餘人盡已,惟鯀 志・高貴鄉公紀》。〔傳曰〕异,已也 曰〕堯意不能明鯀,是以試用。《三國·魏 不能治。下民其咨,亦當憂勞。 馬曰〕堯以大聖,知時運當然,人 可試,無成乃 之。 載,年 屈己 退。 也。 力所 至 也。 之

帝曰:「咨!四岳。朕在位七十載,汝能知鯀惡,狗衆用之,故推其義如此也。文爲證。傳義非也。馬、王云云者,堯文爲證。傳義非也。馬、王云云者,堯〔案曰〕傳以异爲已。《説文》卷三上內

庸命,巽朕位?」

升爲天子,在位七十年, 出何書。 書傳,無堯即位之年。 記·五帝本紀》集解。 者,入處我位,統治天子之事者乎? 命,故欲使順行帝位之事。 老將求代。巽,順 讓也。《釋文》。〔傳曰〕堯年十六,以唐侯 鄭曰〕言汝諸侯之中,有 〔馬曰〕朕,我也。 也。 孔必有據,未知 言 則時年八十六, 四 順 [疏日]徧 岳 事 能 用 用帝 天命 **令** 檢

讓,與孫通也。義也。馬云「朕,我」,《釋詁》文。巽,〔案曰〕鄭以庸爲用者,《説文》三下用部

之鄙。 所堪成也。」是否、鄙同 邈音鄙。 鄙。 岳曰:「否德忝帝位。」〔案曰〕「否」、《史 《論語》「予所否者」、《論衡》引作「鄙」, 故陸氏《釋文》又音鄙。 《釋名·釋言語》篇云: 也 《益稷》云「否則威之」,徐 鄙 否 也。 鄙劣不能 訓 爲 (記)作 陃

〔傳曰〕否,不。 忝,辱也。 辭不堪。

曰:「明明揚側陋。」

舉明人在側陋者,廣求賢也。 〔傳曰〕堯知子不肖,有禪位之志,故明

師 鰥。 疏。 名也。 錫帝曰:「有鰥在下,曰虞舜。」 禪讓,必應博詢吏人,非獨在位。《尚書》 陋,衆皆願與舜。 堯將讓位,咨四 諱,故變名言謚。《釋文》。〔王曰〕虞,地 鄭曰〕師,諸侯之師。《尚書》疏。 何傳 虞,氏。舜,名。在下民之中。 也。舜死後,賢臣録之。 古者將舉大事,訊羣吏,訊萬民。 師,衆。 岳,使問羣臣,衆舉側 堯計 錫,與 事之大者,莫過 也。 臣子爲 無 万馬 妻 Ы

> 格姦。」 父頑,母嚚,象傲,克諧以孝,烝烝乂,不帝曰:「俞! 予聞,如何?」岳曰:「瞽子,

姦惡。 誻 惡。 爲頑。 曰瞍。 目 之,其德行如何? 〔傳曰〕俞,然也。 頑駡 不能分别好惡,故時人謂之瞽 諧,和。烝,進也。 瞍,無目之稱。 象,舜弟之字,傲慢不 昏傲,使進進以善自治,不至 然其所舉,言我 無目 心不則德義 言能以至 日瞽。 · 友。 配 言 之 父 亦聞 和 並 經 有

無「帝曰」。帝曰:「我其試哉!、〔疏曰〕馬、鄭、王本説此經皆

觀其行 試之以 鄭曰〕試以爲臣之事。 舜,觀 官。 迹。 其 《尚書 <u>「</u>疏 行迹 딘 ㅡ [》疏。 也 妻以 傳 《尚 女,觀 曰〕言欲 書》疏。 其治 王 舜, 日

九州,

州立十二人爲諸侯師,

以

其

州

〔案曰〕鄭云「師,諸侯之師」者,《益稷》

十有二師」,鄭彼注云:「師,長也。

牧。」是也。王、孔云「衆」、非也。

馬云

案曰」鄭

云「試以爲臣之事」者,指下

云者,詳《書序》。

釐

欽哉

(馬日)水所入日

汭。

妈汭,妈水之曲。

慎徽」等。 王與鄭合,傳、疏 非 也。

《水經》四卷《河

元

女于時,觀厥刑于二女。」

是以二女妻舜、觀其法度接二女、以治 家觀治國。 尚書》疏。 鄭曰〕不言妻者,不告其父,不序其正 〔傳曰〕女,妻。刑,法也。 堯于

降二女于妈 父,故不序其正 不告,帝亦知告焉則不得妻也。 不告而娶,告則不得娶也。帝之妻舜而 子·萬章上》篇云:娶妻必告父母。 女焉。」立文有異,故解之。 因不告其 子•萬章下》篇亦云:「堯之于舜,二女 語》「以其子妻之」,今曰「女于時」。《孟 曰妻。桓六年,齊侯欲妻鄭太子忽,《論 (案曰)鄭云「不言妻者」者,凡以 汭,嬪 也。不告其父者、《孟 于虞。 是也。 女與

也。」杜預注《左傳》云:「水之隈曲 汭。」是也。 之曲」者、《毛詩》「芮鞫之即」傳云:「芮, 水厓也。鞫,究也。」箋云:「芮之言内 南,入于河。舜居 在河東虞鄉縣歷 于虞,今河東太陽 所居嬀水之汭,使行婦道于虞氏。 嘆舜 也。 公之姓爲嬀,爲舜居嬀水故也。」 能修己行敬以安人,則其所能者大矣。 覽》六十四卷《地部》。 史・國名紀》四卷注。○又《餘論》七卷。 妈汭,地名。《水經》四卷《河水》注。○《太平 李昉等《太平御 四十卷,亡其五,後人妄分以足四十之數,非原第。 (疏曰)皇甫謐云:「堯以二女妻舜,封之 [案日]馬云「水所入曰汭。 舜爲匹夫,能以義理下帝女之心于 酈道元云:「有二水,南 水》酈道 覽》六十四 其旁。周武王 山 Щ [傳日]降,下。嬪,婦 注。 西,西流至蒲 西虞地是也。嬀水 卷《地部》。 ○〔案日〕《水 妈汭,妈水 ○羅泌《路 (王) 一賜 坂 縣 御 有

河。」恐非也。 嬀,北曰汭。 異源同歸,渾流西注入

爲《舜典》,後人又增二十八字于其首,今就鄭氏元本。慎徽五典,五典克從。〔案曰〕東晉分「慎徽」以下

ク傳 友、弟恭、子孝。 舜慎美篤行斯道,舉八 也。《釋文》。〔王 元使布之于四方,五教能從,無違命 鄭 曰〕五典,五常之教,父義、母慈、兄 《史記· 曰]五典,五教也。 五帝本紀》集解。 曰〕徽,美 蓋試 「馬 也。《釋文》。 以 曰〕徽,善 司 徒之

《釋詁》文。王訓「美」,意同也。從』,無違教也。」是也。馬云「徽,善」,八年《傳》:「《虞書》數舜之功,『五典克徒之職」者,下文司徒「敷五教」。文十徒之職」鄭云「五典,五教也。蓋試以司〔案曰〕鄭云「五典,五教也。蓋試以司

納于百揆,百揆時敘。

于此官。舜舉八凱,使揆度百事,百事〔傳曰〕揆,度也。度百事,總百官,納舜

時敘,無廢事業。

[案日]傳云云者,亦文十八年《傳》

義也。

賓于四門,四門穆穆。

四門,四方之門。舜流四凶族,四方諸侯羣臣朝者,舜賓迎之,皆有美德,無諸侯羣臣朝者,舜賓迎之,皆有美德也。《史記·五帝本紀》集解。[傳曰]穆穆,美也。以此·五帝本紀》集解。[傳曰]穆穆,美也。以即,四方之門。與曰]賓讀爲儐,謂舜爲上儐,以迎諸凶人。

「儐、相。」《史記·蘇秦傳》「必長賓之義注:「儐贊禮儀。」又云「内史賓侯」,注:酒禮》注。《穆天子傳》云「祭公賓喪」,❶諸侯」者,賓爲古文儐,見《儀禮·鄉飲〔案曰〕鄭云「賓讀爲儐,舜爲上儐,以迎

^{) 「}公」、《穆天子傳》作「父」。

《專》義也。 作儐」,是也。傳云云者,亦文十八年

問故 足也。 訓 于大麓,烈風雷 孤 暴風雷雨,舜行不迷。」此司馬遷從安國 卷六上林部云:「林屬于山爲麓。」是山 麓、绿也。 文》。○虞世南《北堂書鈔》五十九卷。 和,風雨時,各以其節,不有迷錯愆伏。 録天下萬機之政,任之,事無不統,自 日〕麓,録也。 [案曰]鄭、馬云「麓,山足也」者,《説文》 鄭曰」 慎徽五 《》卷下《書證》篇云:「栢人城東北有一 Ш 而 《史記》云:「堯使舜入山林川澤, 闞駰《十三州志》以爲舜『納于 得者、與鄭、馬合。 麓,山足也。《釋文》。〇馬同。 山,上有堯祠,世俗或呼宣 典」以下是也。《尚書》疏。 納舜使大録萬機之政,陰陽 堯納舜于尊顯之官,使大 雨弗迷。 顔之推《家 (傳 ○《釋 至 日 大

> 罐務 Щ 出王肅,故同其説,其實非 古文,乃取今文家説,以與鄭 令徐整。● 此所引即當日博士之説。王肅 録二公之事。衆多並吉,若疾風大雨。」 麓爲録,解爲大録萬機。 能實指其處。鄭、馬注不可易也。 西門内碑,是漢桓帝 大麓,三公之位也。 居一公之位,大總 二十八《正説篇》引此經并引説曰: 山也。」然則「納于大麓」,北齊 余爲趙州 銘云『土有巏 佐,共太原 時 栢 王充《論衡》卷 務 也。 人縣 Щ, 邵 立 號爲 異。 民 栢 知 爲 王 傳 破 猶 此

也。」《太史公自序》云:「唐堯避位,虞舜不台。」《索隱》記》作「不懌」。徐廣曰:「今文《尚書》作『不怡」,怡,懌曰〕底,之履反。本或作底,非。○〔案曰〕「弗嗣」,《史三載,汝陟帝位。」舜讓于德,弗嗣。〔《釋文》帝曰:「格,汝舜。 詢事考言,乃言底可績,

) 「整」下、《顏氏家訓》有「所立」二字,當補。

嗣」,則古文本作「嗣」也。曰:「台音怡,悦也。」然《王莽傳》引《書》云「舜讓于德不曰:「台音怡,悦也。」然《王莽傳》引《書》云「舜讓于德不

升帝位。」舜辭讓于德不能嗣。 (鄭曰]三年者,「賓四門」之後三年也。 《與記·五帝本紀》集解。〔馬曰〕底,定也。《釋 文》。〔王曰〕底,致也。《釋文》。〇《文選》五十 立。〔王曰〕底,致也。《釋文》。〇《文選》五十 文》。〔王曰〕底,致也。《釋文》。〇《文選》五十 文》。〔王曰〕底,致也。《釋文》。〇《文選》五十 文》。〔王曰〕底,致也。《釋文》。〇《文選》五十 文》。〔五曰〕底,致也。《釋文》。〇《文選》五十 文》。〔五曰〕底,致也。《釋 文》。〇《文選》五十 文》。〔秦四門〕之後三年也。

以底爲致,是也。訓止,故得通相訓。又《周語》韋昭注,『低,定」,王云「致」者,《釋詁》底、定同四門」後三年,時當歷三考也。馬云四門」後三年,時當歷三考也。馬云(案曰〕鄭云云者,三載考績,故知是「賓

正月上日、《釋文》曰正音政、又音征。

正月上日。即政,乃改堯正,故云月正建丑,舜正建子。此時未改堯正,故云〔鄭曰〕帝王易代,莫不改正建朔。堯正

九卷。 文不同,史異辭耳。《尚書》疏。 聽。自夏已上,皆以 帝本紀》集解。 ○《玉海》九卷。 元 注十二卷。〔馬曰〕上日,朔日也。《史記・五 日 尚 書 (王曰)惟殷周改正,易民視 ○又十二巻。○羅苹《路史・後 疏。 ○《史記 建寅爲正。 五. 帝 本 紀 ○《玉海 此篇二 Œ 紀》 義。

受終于文祖。

之事。文祖者,堯文德之祖廟。《郊祀門》。〔馬曰〕文祖。《釋文》。〔生曰〕文物之祖,故曰文祖。《釋文》。〔王曰〕文物之祖,故曰文祖。《釋文》。〔王曰〕文祖,願曰〕文祖者,五府之大名,猶周之明〔鄭曰〕文祖者,五府之大名,猶周之明

文祖 祖 Ŧī. 《禮緯稽 天,即感生之義,與鄭 唐虞夏殷周皆然。 帝,南郊則專 矩。 文德之祖 感五行精氣以生, 考五行爲太一之用,以生成物,王者各 屋,周謂明堂,皆祀五帝之所也。」是也。 命驗》曰 世 案 爲祖 帝,則太一 極生帝嚳,帝嚳生堯,則黄帝以下 廟、蓋太祖 日文祖 E 本》皆云黄帝生玄囂,玄囂生僑 即 唐虞謂之五府,夏謂世室,殷謂 廟,應兼 鄭 明堂,此 命徵》、《鉤命決》以爲,唐 廟。 ,黄曰神斗,白曰 <u>一</u> 五. 云云者, 及高 是。 祀感生帝,惟 府 五 史記》 古義 , 五帝之廟 廟 曾 司 又爲明堂以象五 故 詳見《月令》。 祖 而 馬貞 四 也。 合也。 以 言 禰 時 四 爲堯太 八引《尚 顯紀,黑日 馬 既 圜 考《帝系》及 [親也 蒼 傳以 各祭當方 丘祀昊天 日靈 文 袓 祖 鄭 虞 爲 如 • 玄 帝 Щ 堯 據

> 祖 世 太 祖 一舉祖不足該天。傳説 爲 堯四親 以以 充 Ŧi. ,不知黄帝 廟 之數。 以上更以 要之舉 也 天 何人 可 爲 見

當作機,唐人改從王。在璿璣玉衡,以齊七政。〔案曰〕據鄭、馬、孔,璣

七政 也。 旋,故曰 卷《歷數門·天文器類》。 卷李蕭遠《運 觀 政,日月五星 皆以玉爲之。 ○《六經天文編》上卷。 志》上。○《宋史》八十卷《律歷志》。○《文選》五十三 ○《宋書》二十三卷《天文志》。 曰 馬 鄭曰〕其轉運者爲機,其持正 天意。《史記 以者,北 日 以 璿爲機,以玉 、法天。 機。 命 斗七星也,各有所主。 美玉 論》 衡,其中 也。 · 五 **璿機**玉 第二曰主月,法地 注。 也。 ○《羣書考索 帝本紀》集解。 以機 ○又《别集》十七卷《歷門》。 爲衡,蓋貴天象也。 衡 横筩,所以視 機, ○《隋書》十九卷《天文 衡視其行度,以 海》 渾 渾 四 · 前 天 天 一卷《儀 〇又《正 儀 儀 一者爲 集》五 也。 象 星 可 + 門 義 一宿 轉 第

之器 門》。 衡爲 政。 以 白 機、衡俱以 日 命論》注。 在 漢以來謂之渾 璿 也。 危 星 曰 所以 在,察也。 《尚 ○《羣書考索· 横 機 木 也。 可 疏 書》疏。 日月 簫 玉 火 ○《玉海》二卷《天文門》。 謂歲 運轉者。 變 曰 衡 · 運 玉飾,但 其 謂 \bigcup 五 五 度 玉是 ○《史記索隱》九卷。 文。 機 星 熒 天儀者是也。 星 璿,美玉。 曰 知 也。 惑 使 伐 各異政,故 其 别集》十七卷《歷門》。 七政, 機、衡者,機 大名,璿 立 也。 動 水 盈縮、進退、失政 第七 謂 于下, 文不可 第 日月 機、衡,正天文 日 辰 四 是玉 日七政 ○又四卷《儀 星 剽 以衡望之。 以 \Box 五 ○《文選 也。 爲 金, 玉 殺 星 一機、玉 别 轉 土 各異 謂 第 「傳 稱。 運, 所 皆 運 太 象

宣夜

, 三渾天。

宣夜家絶無

師

説

不

知

言天

體

者三家:

一《周髀》,亦曰

一蓋天。

(案日)

鄭

云「璿

機

玉

一衡,

渾

天儀

也」者

半在 上。 夜。 遶之。 以 形體渾渾然 説》云:「天之形 其外,日月初登 其 正 卵之裹黄,圓 日在地上,夜則 史官不用。 一度半强 術 斗 當天之中 度,南極 而 四 地下。 蔡邕以 度爲 + 極 若 又其南十二度爲 四 日近 何 爲 度爲 是夏 冬至之日 ,地下亦然。 中, 入地下亦三十六度, 爲 也。 《周 其天居地上,見有一百八 渾天者以爲地 而見之爲畫,日遠而 極,南五 中 如 至日 春 ,考驗天象,多所違 髀 高 狀似鳥卵,天包地 日 彈丸,故曰渾天。」言其 于天,後 其術 秋 :》之説 人 而 北 分之日道,又其 道 、地下。 十五 四 夏至之日 去極六十七度,春 以爲天半覆地上, 北極出地上三 邊 謂 入于 下去 下 在其中,天 天 度當嵩 王蕃 似 地。 H 地 道, 覆 而嵩 月旁 三十 不見 盆, 南 高 又 十 其 高 猶 天 則 周 爲 故

延宗 亦鑄 器于長安。 邕、鄭康成、陸績、王蕃、姜岌、張衡、晉人。 葛洪皆論渾天之義。 帝時,司農中丞耿壽昌始鑄 閎始經營之,鮮于妄人又量度之。 日月星辰之所在。 八尺,圓周二丈五尺强,轉而望之,以 有其法, 遭秦 雙環 在 分去極 度 ,其天與日月星宿斜而迴轉。 後漢張 地 大約 又作是《渾天論》。 銅爲儀,傳于齊梁,周平江陵,遷其 背 之位,以 其大率 爲 黑單環上,刻 九 刻去極度數,以中分天脊, 儀三重,其在 衡作《靈憲》以説 十一度, 衡長八尺,孔徑一寸, 丽 準 滅。 也。 · 地 自唐宋以來,其 面 冬至去 江南宋元嘉 至漢武 而定四方。 十二辰、八干 太史令錢樂之 南 外者 極 帝 銅 其狀 時, 丽 百 此 中,皮 璣 六 至 落 側 爲 法 必 合 徑 之 四 漸 知 官 古 蔡 +

秋

五

軌 ; 卯酉 向,以 儀。 刻 跨 宿度,而又斜倚于赤道之腹,以交結 雙環之卯酉。其黄道則爲黄單環,亦 赤單環,外依天緯,亦刻宿 天經之軸,内挈黄赤二道。 其 于是可考,故 之環,則南 以爲天緯。 使半出地上 赤道度 其 地 以 半出其 單環, 側立 子 平 象天行。 挈三辰四遊之環,以 以水激之,使其 而半人 午 使 黑雙環,亦刻去極 數,以平分天腹,横繞 其 外外 北二極皆爲 以承其交,使不 以 三環表裏相 ,半人地下, 半 爲天 ,以爲秋分後之日 其内,以 曰六合。 出 以其日月星 地 經。 上 日 爲春 次其内 圓 斜 半 結 而 夜 倚 軸, 人 不 度,而結 結于其卯 隨 傾 其 地 度數,外 赤單 分後之 辰 天 上 赤道 動其 虚 下, 天經,亦 于 軌。 曰 東 下 中 \equiv 是 天 四 于 則 而 而 日 刻 黑 爲 貫 經 又 于 辰 方 内

書 後 案

隨環東 之軸。 窽,以 考,故 七政 次火,次木,次土,恒星最遲。就其行度 最 待占候者之仰 亦 順逆不同,故必 較之,日有盈縮,月有脁朒,五星有遲留 水、次金、次日、次火、次木、次土、恒 外指兩 紀于天之度,而天度不離黄赤二道之經 不周遍,故曰 遠。 兩 爲黑雙環,如三辰 極者 平分天腰者赤道 交赤道 受玉 ,日月五星也」者,月距地最近,次 日 西運 月右旋最速,次水,次金,次日, 軸 其環之内 三辰 爲 衡。 而當 赤 轉,又可隨處南 四 而 窺焉。 經 遊。 出其内外者黄道 有 其 要中之小軸,使 . 則 其 , 與 以齊之。 最 要 兩 此其略也。 在 儀之制 中 也,交于赤道以 面 赤道平行 以其東 内 . 當 之 中, 者) 内 七政之行, 北 日 西 面又爲 各施 低昂, 四 鄭又云 南 衡 貫 也 遊 北 天 既 直 儀 赤 會 星 無 以 得 小 距

> 于黄 以 交食凌犯 之會日、沖 天與會日,晦 察日之出 行者爲黄 而 窺之。 有順逆遲留,與日月五 道 以 俱 人, 晝夜 緯 會 察日之南北, 日 于黄 可推 朔 而 聖人爲 有 弦 極 合伏 望期 永 者爲 短 璿 爽,所謂 可分。 候 退望,近日、遠 節 璣 黄 星 可定。 氣 經 以象之,玉衡 互相 早晚可辨。 察月之周 與黄 掩 至 五 道 而 星 日 有 平

肆 類于上帝

也。 告天及五帝。 考文》。○《文選》十七卷王子淵《洞 宫,天之最尊者。《釋文》。 紀》集解。 日〕肆,遂也。 鄭曰 上帝,天也。 〕禮,祭上帝 「馬 日 類 上帝,太一 《釋文》。 謂 于圜 攝 位 fr. 〇山井鼎《七經孟子 事 0 王 簫 類。 神, 史記 賦 曰 注。 」肆, 遂以 在紫微 • Ŧi. 帝 攝 傳 綏 本

告祭之禮,謂 案曰〕鄭、馬云云者 之類。 或 類者,其 有 非常 禮 之事, 類正

三六

鄭

又

以

類雖非

常祭,亦比

類

正

禮

加

爲

文異,其意同。

以事

類告祭,則是非

之,故《小宗伯》注

云:『類者,依

其

Œ

禮

而

爲之。』是也。」其祭之地,則《月令》疏

非

常祭。從古《尚書》說。

鄭氏

無駁,與

同。然今《尚書》及古《尚書》二説,其

許慎謹案:《周禮》郊天無言類者,知類

祭之。古《尚書》説,非時祭天謂之類,

義》:「夏侯、歐陽説,以類祭者

门以

事類

其爲非常則同,故《王

制》疏

云:

異

所言,攝位之類

也。

五者事各不同,

而

爲壇 何 ? 郊也。」據諸説考之,則禱 祭上帝,依郊祀而爲之。」賈公彦云: 云: 位皆在南 知依正禮郊祀而爲之,謂 者,此直是告祭非常,非是禱祈之祭, 祭,故須新爲壇兆。 依國四郊,則自有尋常兆域。今戰訖 外也。又考《肆師》注云:「爲兆 境之外。 者,對碼而言。 禡。 」疏以爲 言周祀天之禮,冬至祀天于 也。」又《詩》毛傳云:「于内 引今文《尚 夏正祀五帝于南郊,以稷配。」二 「禮,祭上帝于 兆。 位 類 裴駰 郊,巡狩亦當 書》夏侯 在 類 雖 南 祭在郊,而言「于内 解《史記》引鄭 在郊,猶是 碼 于 所 征 方, 景 説云:「 就 丘 知依郊祀 鄭于諸經 南 四 .] 祈、行 境 之地 郊 日 時迎氣 買 内,故 類,祭天 祭 類,于外日 此 一而爲 之之事 則 以 經 戰 師 是 勝 分内 注 與 于 類 之 所 則 别 攝 四 故 禮 奈 而 或

類也。

《王制》又云:「天子將出

征,類乎

制》云:

「天子將出,

類乎上帝。」巡守之

也

<u>~</u>

小宗伯

》: 「凡

天

地

之大

裁,

類

社

廟

爲位。」

禱

祈

之

類

也。

Ŧ.

《釋天》云:「禷,師祭也。」行師之類也。

肆師》「類造上帝」,戰勝之類也。此經

上帝。」《大雅・文王》云:「是類是禡。」

書 後 案

三八

也。 于圜丘 大帝, 祖宗,鄭以 同,王 神,在紫微宫,天之最尊。 鄭明言禮祭上帝于圜丘 依 地 祭爲之,五 兼稱帝也。 其稱上帝, 不 有六。 同 冬至圜 ,要圜丘 其 與傳皆非也。 傳又以 乃北 地。 則 丘,不 不分郊、丘,故云「上帝, 帝、 亦在 此 爲皆祭以 則以帝不得兼稱天,而天得 極 王肅. 據《北 類祭于圜 兼告天及五 耀 靈威仰 南 魄寶。 依 解經以爲天一 郊。 史 夏 考《祭法》所説 配食。 • 等不及也。 IE. 今此 李業 丘 一,是所 故馬以 南 一,必當 是馬 帝。 禘謂 郊。 類 興 祭 傳 祭 而已, 與鄭合。 爲太一 三説 祭昊 即 \forall 何 禮 褅 天 則 雖 儀 天 安 皇 郊 不 天 異 ? 應

于六宗,

謂星、辰、司中、司命、風 六宗言禋,與祭天同 鄭曰]湮 煙也 〕,取其 名, 氣達升報 伯 則六者皆天神, 雨 師 于陽 也。 也。 星

注。 八十 令》疏。 卷。 也。 禋, 章俊卿《羣書考索》二十五卷。 祀部・羣祀門》。○《小學紺珠》一卷。 百二十八卷《禮儀部》。 二卷。○黄度《尚書説》一 也,雨 中、 夏不長 禮》十八卷《春官・大宗伯》疏。 謂 萬物非天不覆,非 通典》四十四卷《吉禮》篇。 ·紺珠》九卷。 卷。 五. 一卷。 ○《通典》四 司 精意以 《尚書》疏。 緯 〇《詩》十七之一 許謙 師畢也。 ○司馬彪《續漢書· ,非秋不收,非冬不藏,此其謂六 也 卷。 文昌 ○羅泌《路史・ 讀 辰 享 ○《羣書考 書叢説》二卷。 ○≪路 一十四卷。 ○《釋文》。○林之奇《尚書全解》二 謂 第 也。 《尚書》疏。 日 五. 史 ○王應麟《玉海》一百二卷《郊 卷《大雅 地不載,非 月所 ○《玉海》一百二卷。 六宗,天地 卷。 索》三十五 第 餘論》 祭祀志》劉昭注。 ○李昉等《太平御 餘 ○《續 ○馬端臨《文獻通考》 〇胡士行 四 論》五卷。 ○林之奇《尚書全解 會十二 ○《禮記》十七 星 Ŧi. 生 卷。 漢書 一民》疏。 也, 春 〇又九卷。 《尚書詳 四 示 次 (馬 ○《文獻通 風 祭祀志 生 時 也 〇杜 b 卷《月 ◎∥小 覽》五 師 ○《周 也。 解 箕 司

攝告。 所尊祭者,其祀 説。〔傳曰〕精意以享謂之禋。宗,尊也 問六宗,王肅以爲《易》六子。 考》八十一卷。○〔案曰〕《晉書》十九卷《禮志》魏明帝 學紺珠》一卷。○《羣書考索》三十五卷。 聚》三十八卷《祭祀類》。 也,日也,月也,星也,水旱也。祭亦以 ○徐堅《初學記》十三卷《禮部》。 禋于六宗,此之謂矣。《尚書》疏。 月也,幽禜,祭星也,雩禜,祭水旱也。 壇,祭寒暑也;王宫,祭日也; 禋,絜祀也。 埋 牢于泰 六宗者,所宗者六,皆絜 有六,謂四 昭,祭時 〇《玉海》一百二卷。 肅解經與議奏,自岐其 也, ○歐陽詢《藝文類 . 時 相 也,寒暑 ○《文獻 ○《釋文》。 夜明,祭 近于坎 ○《小 祀 通

風師、雨師。」注云:「禋之言煙,周人尚祀日、月、星、辰,以槱燎祀司中、司命、《大宗伯》:「以禋祀祀界天上帝,以實柴陽也」者,鄭以禋是祭天神,義主燔燎。〔案曰〕鄭云「禋,煙也,取其氣達升報于

煙氣煙 特錯 字之義,故即據《大宗伯》文以實六宗之 名,則六者皆天神,謂星、辰、司 鄭意也。 帝,辨其本,言煙煴之體也。《書》曰 命、風伯、雨 煙氣之升以達其 于文武』者,辨其取 謂皆精。 曰: 夫名有轉相因者,《周禮》之禋祀 此之謂也。 以致其誠 體焉。」然則三祀本同,皆 臭,煙氣之臭聞者也。 六宗與山川也。 云『凡潔祀曰禋』。若潔祀爲禋,不宜 八思盡 舉互文耳。 煴 其心而不知所由,故因煙氣之上 鄭又云「六宗言禋,與祭天 然則精意以享,宜施燔燎, 也。 《外傳》曰『精意以享曰禋』, 師 難者曰: 禋于文王,何也? 也」云云者,鄭既正釋 天之體 袁準《正論》曰:「禋者 凡祭祀無不潔,而不可 誠 故也。」準此論最 精意以享也。 遠,不可得就,聖 三祀皆積柴實牲 取 升煙之義 中、 先儒 『禋 同 司 得 假 别 H

子祈 《大傳》。 乎?」然則王及僞 明,祭月。 之。《祭法》云:「埋少牢于太昭,祭時。 諸 創 上,遺其四方于下,取其中以爲六宗, 云:「安國案《祭法》爲宗,而除其天 也。」此王及僞 相 時、寒暑、日、月、星、水旱。」僞孔傳從 禋者非天。] 然則馬注非 除去日月,恰得六數,其説精矣。 而 主 儒各自立説。 博士吴 説謂天宗日月星辰寒暑之屬,地宗社 馬、王雖 近于坎壇,祭寒暑。 也 日 來 年 鄭 司馬紹統駁云:「帝在于類,則 配 商 于 注 幽禁,祭星。 是, 以月, 《大傳 申鄭義,以郊之祭,大報天 天宗」,推六宗皆天神。 孔傳所本。 但又妄駁鄭則非。 馬云「天地四時」,本之 孔傳非也。 則日月在郊不在宗。 》,據《月令》孟冬「天 王宫,祭日。 也。王云:「四 雩榮,祭水旱 司 司馬 馬紹 其 地 統 氏 其 自 之 駁 夜 餘 可 于

> 取羣經 以 殊,今皆不取 虞喜、孟康、摯虞及魏孝文帝,言人人 若歐陽和伯、夏侯 稷 Ħ. 充六宗。 祀 之屬, 所言祭祀,除去 浮游汗漫,尤覺 四方之宗四 建、劉歆、賈逵、張髦 祖 廟 時 不 ,餘則盡 Ŧi. 帝 可爲訓。 之屬 指

望于山川,

皆一時望祭之。〔傳曰〕九州名山大川,五岳四瀆之屬

爲辯 上辯」。 徧于 文辯作徧。」又「辯獻大夫」,又「射爵辯」,又「士旅于西階 射者降,比之耦,乃徧。」《大射儀》「大夫辯受酬」注:「今 客不虚口。』《左傳》「子言辨舍爵于季氏之廟」,杜 辯皆作徧。』《鄉射禮》云「司射乃比衆耦辯」,注云:「衆賓 辨, 徧也。」《荀子・修身篇》云「扁善之度」, 注云: 班」,愚謂徧、辯同,用徐讀 辯于羣神」。 。」《韓詩外傳》云「君子有辨善之度」是也 **羣神。** 《曲禮》:「主人延客食胾,然後辨殺。 《鄉飲 [案日]「徧」、《史記》 酒 禮》「衆賓辯 非也。 《樊毅修西嶽 有 脯 作 醢 辯」。 注 主人未辨 云:「今文 廟 徐 預云: 「扁 記》云 廣 音

〔鄭云〕徧以尊卑次秩祭之,羣神若丘

賢,皆祭之。 集解。〔傳曰〕羣神謂丘陵、墳衍、古之聖疏。○又十九之四卷《般》疏。○《史記·五帝本紀》陵、墳衍之屬。《詩》十九之二卷《周頌·時邁序》

丘陵等。傳兼古聖賢,非也。因山川及羣神,羣神是地屬,故鄭專指者,上文因上帝及六宗,六宗是天屬,此〔案曰〕鄭云「羣神若丘陵、墳衍之屬」

后。〔案曰〕「輯」,馬作「揖」,《史記》同,古字通用。輯五瑞,既月,乃日覲四岳羣牧,班瑞于羣

盡 本紀》集解。 之,使舜親往班之。《釋文》。 執以爲瑞信也。 馬曰〕揖,斂也。 ,君也。舜斂公侯伯子男之瑞圭 以正月中,乃日日見四岳及九州牧 還五瑞于諸侯,與之正始。 斂。既,盡。 〔王曰〕輯,合也。《釋文》。 堯將禪舜,使羣 五瑞,公侯伯子男所 覲, 見。班, 還。 ○《史記 「疏曰 ·五帝 牧斂 壁 (傳

> 祭及斂瑞,人月多日矣。 中」,謂至月末也。 瑞信,故稱瑞也。 **圭璧爲五等之瑞,諸侯執之,以爲王** 周 ,伯執躬圭,子執穀璧, 禮 典瑞》云:「公執桓圭 舜以 朔日受終,又 男執蒲 「盡以正 璧。」 侯 X 執信 徧 者 是 月

注:「輯,斂也。」是也。夫就車」,是輯、揖通。《檀弓》「輯屨」〔案曰〕馬云「揖,斂」者,《晉語》「君輯大

守,收救反,本或作狩。岱音代。柴,士皆反。川,肆觀東后。〔《釋文》曰〕巡,似遵反,徐養純反。歲二月,東巡守,至于岱宗,柴,望秩于山

疏。○《史記·五帝本紀》集解。○羅苹《路史·後守者,行視所守也。岱宗者,東嶽名也。 学,燎也。望秩于山川者,徧以尊卑祭 。五嶽視三公,四瀆視諸侯,其餘小 之。五嶽視三公,四瀆視諸侯,其餘小 之。 五嶽視三公,四瀆視諸侯,其餘小 之。 望秩于山川者,徧以尊卑祭 等,類也。 望秩于山川者,徧以尊卑祭

方,先柴。」是燔柴爲祭天告至也。 巡。 又《大行人》云:上公九獻,侯、伯七獻 傳》云:「所視者,謂其牲帛、粢盛、籩豆、 男」、《王制》及《書傳》文。鄭玄注《書 嶽視三公,四 乃順春東巡」。《郊特牲》云:「天子適四 班瑞,二月即行,故云「既班瑞之明 瀆視諸侯,其餘視伯子男。 〔疏 其秩次望祭之,謂五 天,告至東嶽。 史・後紀》注十二卷。 燔之。《釋文》。 年之二月。 紀》注十二卷。 太牢禮,諸侯祭皆用太牢,無上下之别。 爵獻之數。」考五等諸侯適天子,皆膳用 土,故稱守。 岱宗,泰 既班 **祡**,祭時 Ш ○《史記·五帝本紀》集解。 瀆視諸侯,其餘 諸侯 爲 (傳 瑞之明月,乃順 」歲二 四嶽 一嶽性 境内名山大川,如 積柴,加牲其 日]諸侯爲 一月,舜 所宗。 禮視三公, 一受終 日」正 視 燔柴 天 伯子 五五 春 後 0 祭 月 四 東

> 之禮。 羊》及《左氏傳》皆以公爲上,伯子男爲 下,是其異 客》、《行人》自是周法,孔與《王制》先代 據此諸文與孔傳、《王制》不同者,《掌 饔餼五牢,飱三牢。 又上公豆四十,侯、 五. 子、男五獻。 牢,侯、伯饔餼七牢,飱 十二,子、男二十四,並伯與侯同。 必知然者、《周禮》侯、伯同、《公 也 《掌客 上公饔餼 四 牢,子、男 九牢,

年之二月」者,五載 月、八月,晝夜分。五月、十一月,陰 守皆以夏仲月者,律 正,巡守特用人正也。《王制》疏云:「 二月「頒瑞之明月」,愚謂二月上 正月,得四時之正。」是鄭意以 也」者,鄭《周禮・小宰》注:「正歲,夏之 [案日]鄭云「歲二月者,正 故取四仲月也。」馬以爲「受終後 歷得其 巡守也。 歲 中也 建 堯用 加 卯 之月 陽 巡 地

《儀禮·覲禮》篇也 裴駰 引此 《大宗伯》三祀,積柴實牲,燔燎升煙,皆 侯。」即此經「肆覲東后」之事 注云:「覲,見也。」疏云:「謂見東 也。」鄭之解經必不自相矛盾,裴 無疑。鄭《王制》注云:「祡,祭天 祭天神, 也。 祭東岳」三字也。 日 則 示部云:「祡,燒祡焚燎以祭天神。」即 經 覲 更端 引鄭注誤作「祡祭東岳」云云,考 鄭又云「祡,燎也」者、《説文》第一 以 羣 與山 證 之辭,非承 后,安暇便 Щ 則祡是燔燎,馬注同 無 涉,則柴爲祭天告 《王制》「覲諸 上月而言 巡守哉 , 其禮詳 侯 傳 H. 誤 告 方諸 説 既 」,彼 至 添 至 非 月

誤者。其節氣晦朔,恐諸侯有不同,故〔鄭曰〕協正四時之月數及日名,備有失

同。 類,故須合之。律,候氣之管,度量 爲長夜之飲,忘其 《世本》云:「容成作歷。大橈作甲子。」 之,猶恐諸侯國異 者法制皆出于律,故孔解律爲 紀日,每六十日甲子一 而 頒告朔于邦國。」則節氣晦朔,皆天子頒 合四時之氣節,月之大小,日之甲乙,使 也。《釋文》。○《玉海》六卷《律歷門》。 [傳日] 卷《律歷門》。 歷門》。 [馬日]律,法也。《釋文》。 文》。○《公羊》隱八年疏。 度, 丈尺。 因 一人皆黄帝之臣。 合和之。 巡 ○《通典》五十四卷《吉禮》篇。○《玉海》六卷《律 。律法制及尺丈、斛斗、斤兩,皆均 〔疏曰〕《周禮·太史》云:「正歲年, 守而 合 正 量 〔王曰〕同,齊也。 節是 斗斛。 之。 日辰 或不齊同,故因巡守 月初, 蓋自黄帝始作甲子 〇《史記·五帝本 周。 衡, 斤 恐諸侯 氣是月 陰 《史記》 吕 法制 兩 陽 律,六 ○《玉海》六 或 也。 半也。 律 稱約 衡 有 也 此 即

也。 短也。 也。 量 鈞、石,所以稱物知輕重也。 斗爲斛,而五量嘉矣。權者,銖、兩、斤、 斗、斛,所以量 之爲兩,十六兩爲斤,三十斤爲鈞,四 鐘之龠,一龠容千二百黍,重十二銖,兩 龠,十龠爲合,十合爲升,十升爲斗,十 龠,以子穀秬黍中者千有二百實爲一 分,十分爲寸,十寸爲尺,十尺爲丈,十 中者,以一黍之廣度之,千二百黍爲一 爲石,而 丈爲引,而五度審矣。 量謂龠、合、升、 衡本起于律 ,所從言之異耳。 • 律 歷 及尺丈、斛斗、斤 度者,分、寸、尺、丈、引,所 本起于黄鐘之管。以子穀 五權謹矣。 志 || 云: 也。 也。 多少也。本起于黄鐘之 稱上 度量 兩 謂之衡, 權、衡一 如彼《志》文,是度 一衡 皆 出于 均 同 物。 稱鎚 本起于黄 **黄** 之。 以 衡,平 謂 秬 度長 之律 黍 漢

五 四分升之一」,然則古米 既夕》「朝一溢米」,鄭注「二十兩曰溢,爲米 零二兩,則古之量反大于今甚遠,必無此事。 之,米一升僅得一斤零三兩,稻米與黍,其性 兩,重三斤零二兩,亦覺太重。 兩爲斤,若十龠爲合,則一合乃有五兩,一升有 千二百黍,重十二銖,兩銖爲兩,則二十四銖 誤也。合龠當即兩龠。若十龠爲合,則一合乃有黍 《漢志》合龠爲合,疏作「十龠爲合」,皆 《大師》「掌六律六同,以合陰陽之聲」, 同,陽律即六律也。」《漢・律歷 彼注云:「聲之陰陽各有合,陰吕即六 注:「六律合陽聲者,六同合陰聲者。」又 泰爲一分」,疏作「千二百黍爲一分」; 案 萬二千,一升有一百二十萬,毋乃太多。 禮、五 然今之量自當大于古二三倍,若古黍一升 曰〕鄭云「律,陰吕 大司樂》「以六律六同大合樂」,彼 玉、三帛、二生 一升實一斤零四兩强 即以今市中所 陽 死贄, 律 也 如 者,《 且一龠容 志》「一 也。 一升二十 《儀 Ŧī. 重 用 輕 三斤 重 十六 量 五 未 校

[《釋文》曰]贄音至,本又作摯。

〇〔案曰〕《説文》六下貝

《周禮》改之爲繅也。 以物相授與之言。 執也。贄之言至,所以自致也。 羔、雁,生也,卿、大夫所執,雉,死, 之。帛必三者,高陽氏之後用 雉,執之而已,皆去器。《尚書》疏。 未聞所用也。 大夫、上士、中士、下士也,器各異飾 辛氏之後用黑繒,其餘諸 五玉 三帛,所以薦玉也。 尚書全解》二卷。 七卷《春官序官》疏。○《禮記》卷首疏。 曰〕五禮,公侯伯子男 下》疏。 ○又十七之一卷《大雅· ○又六卷《檀弓上》疏。 節。 ○《詩》二之二卷《邶風 《周禮》改之,飾羔 執之曰瑞,陳 授贄之器有五,卿、 受瑞 二生、一死贄者、 生民》疏。 朝 侯皆用白繒 玉者,以 聘之禮 ○《公羊傳》隱 列 赤繒,高 〇林之奇 〇又四 如者, 玉 匏有苦 常萬 也。

執雁。 其玉。 未詳。 以爲贄以見之。 玄,附庸之君執黄。二生,卿執羔,大夫 修吉、凶、賓、軍、嘉之禮。 三十五卷。○《玉海》八十七卷《圭璧門》。 諸侯之嫡子、公之孤執皮帛,其執之色 解。〔王曰〕三帛,纁、玄、黄也。 所執。 五器,上五玉。《史記·五帝本紀》集 軍、賓、嘉也。 三帛,三孤所執也。 贄: ○又八十七卷《圭璧門》。 ○又張守節《正義》。○《玉海》六十八卷《禮 二生、羔、雁、卿、大夫所執、 論語 •大宗伯》云"「以吉禮事邦國之鬼神 以凶禮哀邦國之憂,以賓禮親邦 通 庸執黄。《尚書》疏。○王與之《周禮訂 三帛,諸侯 一死,士執雉。玉、帛、生、死,所 聞或曰孤執玄,諸侯之適子 一卷約鄭義。 卷《爲政》 世子執纁,公之孤 〔馬曰〕五禮,吉、凶、 〇《史記·五帝本紀 圭璧。 篇邢 五等諸 昺 〔疏曰〕《周 一死,雉,士 疏。 附 張 庸 執 執 與

JL

六

子 爲飾 禮 執玉 爲南 之孤 等。 束 此 以 也。」此三帛不言皮,蓋于時未以皮 王 孔或有所 言「三帛」,必有三色,所云纁、玄、黄者, 之君適魯,皆稱「來朝」,未有爵命,不 世子、公之孤 少孤與 帛 , 誓于天子, 攝 肅之注《尚書》,其言多同 也。 軍 未誓, 四命,以皮帛視小國之君。」是諸侯 禮 面之君,是一國之主,春秋時附 而 則 《周禮 同邦國 表之,以皮爲飾。皮,虎 、世子皆執皮帛,鄭 亦繼 據,未知 則 執帛 小國之君,同執 以皮帛繼子男之下。● 典 以 其君,則下其君之禮 嘉禮親 命》云:「凡諸 出 也。 何 書。 附庸雖 萬 云:「皮帛者, 民。」 孔 王肅云云, 帛也。 傳。 無文, 侯 Ŧi. 豹 之 禮 《周 皮 · 得 .)適 經 庸 而 謂

禮矣」者,此巡守所修,故以爲五等諸侯〔案曰〕鄭云「五禮,公侯伯子男朝聘之

尚赤。 月爲 也。 也, 之禮 爲正,尚赤。 以十三月爲 後漢陳寵云:「三微成著,以通三統。」故 周,唐虞未有 周分爲五禮。」然則鄭以 黄帝以十三月爲正,尚黑。 正義云,如鄭意推之:舜以十一月爲正 玉也」云云者,鄭以三帛即玉之繅藉 五禮修之平日, 僞 正,尚赤。 則伏羲 伏羲以上未聞。 且鄭《六藝論》云:「唐虞有三禮,至 堯以 孔 馬 傳 云 十二月爲 少 正,尚黑。 也 從之。 <u>「</u> 五 也。 皞以十二月爲正 女媧以 何待此 禮 建寅之月,又木之始 鄭又云「三帛所 考《春官 《説卦》云「帝出乎 古、 正,尚白。 高陽氏以十一月 十二月爲正,尚 時。 五禮之名起 凶 神農以十一 大宗伯》 軍、 馬及傳 高辛氏 ,尚白。 賓、 以薦 也。 于

^{₽ 「}之下」、《周禮注疏》無,當爲衍文。

鄭異,皆非也。 半爲朔。鄭説見《公羊傳》正義及《史記 故屢言之。馬、王説「三帛」、「五器」與 物之牙,其色尚白,以雞鳴爲朔。 寅爲朔。 其三正當從伏羲以 爲正,息卦受泰,物之始,其色尚黑,以 命包》、《樂緯 解》,所述三正之色,最爲有據。 ,所以薦玉。 一月爲正,息卦受復,其色尚赤,以 殷以十二月爲正,息卦受臨 稽耀嘉》云:夏以十三月 此巡守、覲后所重瑞玉, 下。 又《春秋緯 周 夜

之方興本。又何休《公羊》注引此經「至于北 《公羊》疏鄭作「如初」。《釋文》云:「「如西禮」,方興本 何休所引又若可信,未知其審。 同,馬本作「如初」。」《釋文》用王肅本,今本乃開 朔巡守,至于北岳,如西禮。〔案曰〕「如西 八月西巡守,至于西岳,如初。 卒乃復。 五月南巡守,至于南岳,如],下多「還至嵩,如初禮」六字。 「嵩」字《説文》所無 有 **湿**,如 岱 一購得 月 禮, 禮

四卷。 則使擯者還其贄。」己臣皆不還其贄,是 大夫以下見國君之禮云:「若他邦之人, 儀。」是圭璧皆還之也。 щ 解。〔傳曰〕卒,終。復,還也。 主于説聘,其朝禮 還圭璋,此輕財而 終則還之,三帛、生、死則否。 之,三帛以下不還也。《史記·五帝本紀》集 「三帛、生、死則否」。 云:「諸公相 五月不言初者,以 《王制》疏。 聘義》云:「以圭璋聘,重禮也。 鄭日〕卒、已也。 月言初者,文相 反歸矣。 西岳,華山。 [馬日]「卒乃復」,五玉禮終則還 ○《公羊》隱八年疏。 每歸, 見 爲賓、還圭、如 重禮之義也。」《聘義》 亦然。《周禮 北岳,恒山。 遠故 復,歸 用 其文相 鄭以爲「每嶽禮 特牛告于文祖矣。 《士相見禮》言 也。《禮記》十一卷 也 ○杜佑《通典》五 近。 巡守 如五器禮 南岳, 八月、十 **「**疏 將幣之 已聘 司儀》 禮 而

鄭自 東巡 去,計程不得周徧,此事不必然也 何當北巡 [案曰]鄭云「卒,已也」云云者,鄭 ൬ 歸 嶽,禮畢即歸,後乃更去。 下即言「歸,格」,後以「如初」包之, 説之,詳見下節 :月乃 後始言歸乎? 復 更去」,若 也。 如 且若來 鄭言,當 馬及僞 其 義 而 以 孔 則 每

歸,格于藝祖,用特。

非是。

《王制》之文,所 巡守之後乃始云歸耳。《詩》十九之二卷《周 者,因明四嶽禮同,使其文相次,是 祖之 頌·我將》疏。 用特者,明每 海》九十五卷《郊祀門》。 鄭曰〕藝祖, 廟。 藝,文也。 ○《通典》五十四卷《吉禮》篇。○《玉 巡 一嶽即歸 文祖 守四 以 一,猶 〔馬 不一 言祖 嶽,然後 周之明堂。 E 也。 嶽之後 則 藝,禰也。《釋 如《尚 考著。 歸,告至文 而 書》、 以 云

牛。

詳上文。 [案日]鄭云「藝祖,文祖,猶 馬以爲禰 廟 , 非 明

五載一巡守,羣后 四朝

將説敷· 集解。 舜攝 兀 之奇《尚書全解》二卷。○《禮記》十一卷《王制》疏 年,諸侯見于方嶽之下。 ○衛湜《禮記集説》二十八卷。○《史記・五帝本紀 方諸侯分來朝于京師,歲徧。《釋文》。 會朝于方嶽之下,凡 鄭曰」四 面朝于方嶽之下。《釋文》。〔傳 則然,堯可 ○《玉海》七十卷《朝儀門》。 奏之事,故申言之。 朝,四季朝京 知。 四處,故 師也。 其 [馬日]四朝 堯舜 間 四年, 巡守之 1日)各 同 四 〇林 道 四

年,南方諸侯夏季來朝,又明年,西方諸 明年,東方諸 侯秋季來朝,又明年,北方諸侯冬季來 [案曰]鄭云云者,鄭意 又明年,則天子復巡守矣。《孝經》 侯春季 來 謂每天子巡守之 朝 京 師; 其又明

耶 則 則 説 又附會云 皆是也。 之朝分爲四部,四 鄭 亦自知辭窮矣。且此若以爲朝之正禮 爲回護云:「將説敷奏,故申言之。」而 子巡守,而諸侯朝于 岳,王與 鄭注,然此條則是熊氏 朝,天子乃巡守。《孝經》注,先儒 肆觀東后」之事,此 諸 及 ? 經何但言巡守之朝,而朝之正 『敷奏』,敷奏因 注 耶 侯 巡 云:「諸 皆謬 守。」 ? 竟不一至京 鄭彼注云:「五年者,虞夏之制 馬同,僞 馬乃以 抑 也 「計此 熊 侯 豈來朝京 氏 五 《王制》云「天子 四朝即指四 孔傳又襲其説 年一朝天子,天子 以 不 朝 年乃徧,總是五 師 爲,虞夏制 宜須重言之。 處 方岳 而 耶 推衍,亦得鄭意, 何用複述。 師 爲,故申言之。」 ? 一之下,即 遂不 若非正 面朝 必 Ŧi. 禮絕不 敷奏 爲將 年 于方 傳 年 然天 諸 上 疑 亦 文 非 强 疏 侯 五

> 夏。 夏、殷,彼疏依鄭志,當六年一巡守也。 制 也 周 周 + 所 則 傳《尚書》,虞夏同 十二年一 歲,則 鄭 巡守。」 據《大行人》。 五. 科 年 ·專是 故連言 /虞 其

使陳進治理之言。明試其言,〔傳曰〕敷,陳。奏,進也。諸侯思敷奏以言,明試以功,車服以庸。

四

朝

以

要其

功。

功

成

則

賜

車

-服,以

表

顯其能

用。

[疏日]《覲

禮

「天子賜侯氏以車服。」

「鄭ヨ〕舜以青州越每,而分齊爲營州。肇十有二州,

冀州 遠 以 之定界。《釋文》二十九卷《爾 幽 ○《史記· (鄭日)舜以 冀 州 ,分燕置幽 州之北 南北太遠,分 ○《玉海》十七卷《地理 新置三 五帝本紀》集解。 (馬 青州越海, 廣大,分置 日]禹平 州,分齊爲營州 州,并舊爲十二州。 衛爲 水 ○《通典》一百八十卷《州 門》。 并州 土,置 并 而 州。 雅 分 ○《通 齊爲 燕以 九州 釋 燕、 地》 于 鑑 營州。 地 ·是爲 北 齊遼 更爲 音 理 義 爲 舜 通

冀州 九州 至 <u>+</u> 文。〔傳曰 道并州》。 部》。○〔案曰〕《御覽》誤作「范甯」。 十二州 至夏復爲 《地理門》。 十二卷《州 河東道太原府》。 日〕舜爲冀州之地太 爲 復置 州 〇《史記·五帝本紀》集解。 丝 〇〔案曰〕王肅此條,李吉甫摘取之,故無全 郡 〇又十七卷。 并州。 州 〕肇,始也。 在 九州 篇。 九 、并州、分青州爲營州、始置 ○樂史《太平寰宇記》四十卷《河 州 ○《太平御覽》一百五十七卷《州 ,省并州 李吉甫《元和郡縣圖志》十三卷 之後 ○《通 也。 禹治水之後,舜分 合于冀 鑑地 廣,分置 林之奇《尚 ○《通: ○《玉海》十 理通釋》一 州 典》一百 并州, 書 周之 全解 ·四卷 卷。

州 漢 泂 孫 荆、豫、梁、雍,夏制也。 [案日]鄭、馬 南 間 炎注此文與《職方》、《禹貢》並 日 曰 東 荆 冀 H 州 州 徐 江 河 州 云云者,冀、沇、青、徐、 燕 南 南 日 日 H 豫州 揚 丝 州, 《釋地》云:「兩 州 , 河 濟、 , 齊 西 河間 曰 誉 不 雝 州。 曰沇 揚、 州

爲之。 地以 于古,知舜時當有幽、并。《職 方》有幽、并,無徐、梁。 穎達疏云:「王者廢置,理必相沿。《 唐虞三代之所同,餘州沿革互異。 北 内 東 疑 Ш 經云「十有二州」,鄭、馬 貢》,以徐、梁二州合之于雍、青,分冀州 同,青州則徐州 州界揚、荆 南 釋地》、《職方》之文,推 是 川 日 也,無徐、梁。」賈公彦疏云:「周改《禹 曰 \Box 州 翼州 流州 爲幽、并。」蓋冀、沇、荆、揚、豫、雍 荆 殷 于《禹貢》皆冀州之域,知分冀 《釋地》無梁、青,有幽、營, 州 制 齊 \exists 正北 正 河 ^ 豫、沇、雍、冀與《禹貢》 西 南 職 營州」。 曰 方》云: 地也。幽、并則青、冀之 日 \Box 并州。」鄭彼 雍 豫 州 州 《爾雅》是殷 東北 周立州名必 正 東 而 即 東日 南 知之。 據《禹 曰 方》幽 注云:「此 F 青州 幺 揚 云『燕 制 州 州 故孔 今此 貢 州 略 因 職 并 河 則 河

是也。 營州 州。 之世,置十有二牧。 平,更制 區宇,判山 青州 貢》是也。」《宋書・州郡志》亦云: 地理志》則云:「堯遭洪水,褱山襄陵,天 名,燕齊起幽營之號。 理志》亦云:「帝堯時 後,以境界太遠,始别置之。」《晉書・ 是九外益 云:「堯遭洪水,分爲十二州,今《虞書》 十有二州, 禹治水後 舜 分絶爲十二州,使禹 攝位元年,九州 亦有 地 虞舜登庸, 及禹平水土,還爲九州,今《禹 ,知分青州爲之。」則此 九州。」皇甫謐《帝王世紀》 孔 三也。 所因, 泂 封十有二山』者也。」乃《漢 而考疆域,冀北 傳同,故疏云:禹之治水, 知舜 厥功彌劭,表提類而 又鄭、馬以 始畢。 時 及禹平水土,更制 禹平水土,以爲 亦有 則《書》所謂『肇 治治之。 當是二年之 肇十二州 誉 十二 創并部之 州 水土 「唐堯 州 齊 既 地 亦 九 分 • 即

> 《左傳》云:『昔夏之方有德也,貢 貢》也。」 牧。』則禹登王位 敘即位後事,亦云十有二牧。若宣三年 置十二州,其後終舜之世常然,故下文 九 前,當從鄭、馬説 州。」諸 説皆以「肇 ,還置九州,其名如《禹 疏 <u>+</u> = 又云"「居攝之時 州」在 禹治水 金九

封十有二山,濬川。

通利。以爲其州之鎮。有流川,則深之使〔傳曰〕封,大也。每州之名山殊大者,〔鄭曰〕濬,水害也。《史記・五帝本紀》集解。

之。 水功 方治水事。 後,尚有流 (案日) [海。]又云「濬畎澮,距 成後 上文肇 鄭云云者,鄭意 事,則此亦 إار 禹自述其 十二州,封十二山,皆 未通利者,亦足爲害,故 治 功 云 水功成後事,非 以 "「予決九川, 禹 川」,次第分 水 禹治 功 成

别 新 析 有《禹 政 言 之 而] 貢 甚 不 》,避重出也。 及 明 正 也。 敘 禹治水, 若 然 一受終 但 一言濬 以 後 JII 歷 叙

象以典刑,

常 刑, 有不同, 常法,所犯未必當條,皆須 記·五帝本紀》集解。 ○《小學紺珠》八卷。 令依法用刑 後斷決。 曰:「象也者,象 此之謂九刑。 鄭日」正刑五 刑, ,聖人則之。」是象爲倣法。 無犯之者,但 用 失出 不 或情有差降,俱被 越 用不越 失人,皆是 《周禮》三十六卷《秋官·司 法。 ,加之流 [馬日]言咎繇 有其 此 [傳日]象,法 者 **「**疏 法 也。」又曰:「天垂 象,無其人 宥、 日〕《易• 違其常法。 鞭、扑、 原 重 其 五. 也 制 科;或 本情 刑雖 也。 Ŧi. 贖 刑》疏 一常之 法用 刑 故

刑也。 刑》。」 純 民 也。 也。 之。 育」、《康誥 時之法。 之,非謂不 劓、刵、椓、黥,用 諸職,其實 宫、刖、殺 **云**,説與鄭異。 五 唐虞象刑 興犯 然則 刑有服」、《皋陶謨》「五刑 《書序》: 傳 刑雜 鄭注《司刑》引《吕 漸。 ≪ 盤 與 又《多 見《周 鄭合 ,而民不敢犯。 肉刑三代亦皆有之。 用 則 屨,下刑墨幪, 庚》「我乃 唐虞之象刑,上刑赭衣 「穆王訓 五 起 方》「劓割 也。 馬本《大傳》,彼文云 刑 或 唐 以 禮 殺戮 劓 虞 正 此 刵 以 劓 秋 刑 夏 經 無辜,故 前。 人」,此 夏 殄 刑》,以 官》 五. 以居州里,而 苗民用刑, 所 贖 滅之, 邑」,此夏之 者, 司 五用」皆是 考苗 言 刑 刑、 馬 及下 商 爲 舜 作《 之 無 融 即 遏 掌戮 民 劓 文 不 刑 而 遺 吕 之 夏 絶

案日」

鄭云云者,此

句

乃

爲

下諸

文

之

放鄭

以

正

刑

五

兼流

宥、鞭、扑、

贖言

① 「興犯漸」,文淵閣《四庫全書》本《尚書大傳》作「漸

罪至 注 所 其刑,是殺人者不死 以 黥之屬,菲履赭 犯。」諸説皆以象刑爲畫象之象,其言出 之時,畫衣冠、異章 犯 亦不待象刑矣。 領。」又漢文帝 民 衣者 爲 謂 爲 戦 墨幪臏處 墨者蒙帛 恥之,而 象刑, 正也。 「世俗以爲治古無肉刑 重,刑至輕,民無 治古人莫觸罪 或 哉 奸民 言象天道 反 而 游士之口。 于禮。」又云: 畫之。 犯劓者赭 十三年下令日 則 衣 以爲人 象刑 加 邪? 服 而 不純。 所 而 犯大辟者 即 作 以爲戮,而 畏,亂莫大焉。」 其 傷人者不刑也。 或觸罪 豈獨 五. 刑 故 衣。 宁安有节 刑,斷 是不然矣。 有象刑, 荀 唐 :「有虞氏 無肉 犯 虞 卿非之 而 臏者 象 非屨 直 民 衣 刑 刑 鄭 弗

流宥五刑,

〔鄭曰〕其疑者或流放之,●四罪是也

刑: 之法寬五刑。 疏義釋文》一卷。 殺,❷宥之以遠方。 記・五帝本紀》集解。 也 尚 書》疏。 墨、劓、剕、宫、 日幼少,二日 馬曰 傳 流 曰〕宥, 〔王曰〕 《尚書》疏。 放。 老耄,三日 大辟。《釋文》。 宥 寬也。 謂君 寬 〇王元亮《唐律 「惷愚。 也 不 以流 0 ○《史 盡 五. 放 刑

剕、宫, 《左傳》云:「投諸四裔,以禦螭魅。」其刑 以爲其罪輕 以流宥之,但貸其死 次于大辟,如四凶 少、老耄、惷愚,考此乃三赦之法,在《秋 方,東方曰寄, 案 日」鄭 司 刺 皆有流宥, 》,直赦之而不刑者,不得爲流 云云者、《 重之差也。 西 罪最大,援八議之法 方曰 則當按道里之遠近, 禮 而 記》云:「屏之遠 棘,終身不齒。 馬以流宥爲幼 已。其墨、劓、

[「]疑」、《尚書正義》作「輕」。

[「]盡」、《尚書正義》作「忍」。

五四

宥。馬注非也。

鞭作官刑,

器監等官,有造作不 之刑 五帝本 [馬日]官刑爲 〔案曰〕馬云云者,疑若漢唐以 紀》集解。 辦治官事者爲 「傳 日 如法, 以 鞭 用 刑。 爲 此 下少府 治官事 刑。 《史記 疏 軍

扑作教刑,

及《左傳》「鞭徒人費」等,恐皆非也

引《秋官・條狼氏》「大夫不

闘

鞭五

百

二物可扑撻犯禮者。」 收其威。」鄭云:「榎、稻也。楚、荆也。撻之。〔疏曰〕《學記》云:「榎、楚二物,樣之。〔疏曰〕《學記》云:「榎、楚二物,人與曰〕扑,檟楚也。扑爲教官爲刑者。

優」,郭璞云「今之山楸」,是也。同。檟即槄也。《爾雅・釋木》「槄,山〔案曰〕鄭云「扑,檟楚也」者,檟、夏古字

金作贖刑。

銅也。 銅矣。 有銅 罪 義》言:「贖死罪千鍰,鍰六兩大半兩,爲 但少其斤兩,令與銅相敵。 爲量,段氏爲鎛 築氏爲削,冶氏爲殺矢,鳧氏爲鐘,稟氏 者,古金、銀、銅、鐵總號爲金。 鍰」,傳爲「黄鐵」。 金、白銀俱名金也。《考工記》攻金之工 云:「黄金謂之盪,白金謂之銀。」是黄 贖罪,坐不戒慎者。《史記・五帝本紀》集解。 (傳曰)金,黄金。 (馬曰)金,黄金 疏曰]此以金爲黄金。 金三斤爲價相依附。」是古贖罪皆用 百一十六斤十兩大半兩銅,與今贖 有鐵 此傳「黄金」、《吕刑》「黄鐵」、皆 古贖罪皆用銅,漢始改用黄金, 是 是 銅鐵俱名金,則 ,桃氏爲劍。 也。 誤而 俱是贖罪,金鐵不同 意善功惡,使 入刑,出 《吕刑》「其罰 故鄭《駁異 其 所 鐵名亦 金贖罪。 《釋器 爲者 出 死 句 百 金

其狀以 以金難 是也 乃罰者,即今律疑罪各從其實,以贖論 復依古,死罪贖銅一百二十斤,于古 銅 人罪,出金以贖,即律過失殺傷人,各依 也。 百七十五斤,今贖輕于古也。 百六十斤。 贖論是也。 得,合金一 漢及後魏,贖 孔以鍰爲六兩,計千 兩收絹十匹。 《吕刑》所言「疑赦」 罪皆用 黄金。 今律 後 鍰 而 稱 魏

刑》。

「至百七十五斤」者,誤。辨詳《吕云「三百七十五斤」者,誤。辨詳《吕字。彼傳「六兩」下脱去「大半兩」三字。字。彼傳「六兩」下脱去「大半兩」三字。字。彼傳「六兩」下脱去「頻三色」,是銅,(案曰〕馬云「金,黄金也」者,謂銅也。

售災肆赦,怙終賊刑。

〔鄭曰〕 告災,爲人作患害者也。過失,

殺之。個而有害,當緩赦之。怙姦自終,當刑過而有害,當緩赦之。怙姦自終,當刑时〕眚,過。災,害。肆,緩。賊,殺也。賊,則用刑之。《史記・五帝本紀》集解。〔傳賊,則用刑之。《史記・五帝本紀》集解。〔傳雖有害則赦之。怙其姦邪,終身以爲殘

年《左傳》又云 作「静」。 通,故《左傳》作「恤」。 然則此經古文作「恤」,與今文作 文》引云「誐以溢我」、《廣韻》引云「誐以謐我」,襄二十七 欽哉,欽哉,惟刑之恤哉 訓殺,如「鉏麑賊趙盾」之賊,非也 爲「掩義隱賊」、「寇賊姦軌」之賊也 案曰〕鄭云「終身以爲殘賊」者, 徐廣曰今文云「謐」。考《詩》「假以溢我」、《説 「何以恤 我」。 溢與謐字相類,謐又與 〔案曰〕「恤」、《史記 鄭以 賊 恤

〔傳曰〕舜陳典刑之義,敕天下使敬之,

」本通,而《史記》作「静

」,則以訓詁代經文也。

憂欲得中。

高,獨可居曰州。」天地之勢,四邊有水。鄒衍説九州外州。」此本《爾雅·釋水》文。李巡曰:「四方有水,中央作「州」。《漢·地理志》「十二州」,師古曰:「水中可居曰流共工于幽洲,〔案曰〕「洲」,鄭注《禮記》引《堯典》

書》,皆俗人妄加水。 是。」古九州與州渚皆作州。今本《爾雅》、《毛詩》、《尚曰:「在河之州。」古文作义、。」臣鉉等曰:「今别作洲,非「從重川。昔堯遭洪水,民居水中高土,故曰九州。《詩》有瀛海環之,是九州居水内,故以爲名。又《説文》》、,

本紀》集解。○王幼學《綱目集覽》。蕭》疏。〔馬曰〕幽陵,北裔也。《史記・五帝〔鄭曰〕幽州,北裔。《詩》十之一卷《小雅・蓼

作竄者,衛包改也。

竄,納之穴中閉塞之曰 馭,二字音義全别。

此經本作馭

又穴部:「竄,匿也。

从鼠在穴中。七亂切。」凡自匿曰

縣,恐臆説也。 《括地志》云「在檀州燕樂縣」,即今密雲之,當日必實有一地以流之,但已無考。 之,當日必實有一地以流之,但已無考。 北爲幽州,是北裔也。下文崇山、三危、 北爲幽州,是北裔也。下文崇山、三危、

放驩兜于崇山,

〔馬曰〕崇山、南裔也。《史記・五帝本紀》集

解。○王幼學《綱目集覽》。

同也。疏云:「《禹貢》無崇山,不知其裔」相對。但今鄭注已佚耳,鄭必與馬〔案曰〕馬云「崇山,南裔」者,與上文「北

也。从宀馭聲。讀若《虞書》「馭三苗」之馭。● 竄三苗于三危,〔案曰〕《説文》卷七下宀部: 也。 地,今爲澧州永定縣。」恐臆説 處,蓋在衡嶺之南。」則其 杜佑云:「在 澧 州 澧 (地亦 陽, 也 本 不 漢 麤最 可 「 製,塞 零 的 陽 知

國名也。又云「三危,西裔也」者,鄭《禹 ○《史記·五帝本紀》集解。○王幼學《綱目集覽》。 〔案曰〕馬云「三苗,國名也」者,《戰國 策》吴起對魏文侯云:「昔三苗之居,左 有彭蠡,右有洞庭,文山在其南,衡山在 有彭蠡,右有洞庭,文山在其南,衡山在 其北。」《史記》云后,西裔也。《釋文》。 [馬曰〕三苗,國名也。縉雲氏之後爲諸

① 「竄」,本皆作「寂」。妄人所改也。今正。《説文》者,而「寂」字,段玉裁《説文解字注》作「竄」,云:「二

危,闕疑可也。 山 但今鳥鼠之西 Щ 北,與鄭不合,恐非 屬甘肅安西州 「三危在瓜州,●今敦煌。」考敦煌即今縣 穎達云:「《地記》未必可信,要知三危之 之西南,當岷山。] 則在 貢》注引《地記》書曰:「三危之山 亦多,不知當以何山 ,必在河之南也。」 杜預注昭九年《傳》云: 岷山之北,積石之南,大 如 杜 也 説 則三危自是西裔, 爲 積石之西 則 鄭所指之古三 三危在 南 在 河之 鳥 孔 鼠

殛鯀于羽山,

也。 傳》鄭子産對晉韓宣子曰:「昔堯殛鯀 州「蒙、羽其藝」,即此 五帝本紀》集解。 下歺部云:「殛,誅也。」即引此經爲證 (馬日)娅,誅 又云「羽 馬 云「殛,誅也」者、《説 也。 ○王幼學《綱目集覽》。 山,東 羽 裔 Щ 羽山。 也」者、《禹貢》 東裔 昭七年《左 也。 文》卷 史記 徐 是 四

> 縣界, 是 西 祝其縣羽山,在縣之西,今屬江 父山。」《晉書・地理志》亦云:「東海 劉昭注引《博物記》曰:「縣東北獨居山 山 地 羽 預 也。 在 云 南有淵水,即羽泉也。 理志》云:「東海郡祝其縣、《禹貢》羽 Ш 南,鯀所殛。』《續漢 :「羽山在東海祝 其神化 縣南有祝其故城, 爲黄熊,以 其縣 俗謂 入于 ·郡國志》同 即漢 西南。』《漢 此 羽 南 舊縣。」 淵 Ш 贛 爲懲 ·。 杜 榆 郡

罟也。 字,故從自。」 辛从自,言辠人蹙鼻苦辛之憂。 秦始皇以 几 罪 而 天下 其似皇字,改爲罪。」《説文》: 罪 . 咸 ¨, 捕 服。 魚 竹 罔 〔案日〕陸 也。 臣鉉等曰:自,古以爲鼻 凡秦以 德明 「辠,犯 云 云 前 書,罪罟即 罪 法也。 本 作 網

忍刑之。《左傳》:帝鴻氏不才子謂之渾〔鄭曰〕舜不刑此四人者,以爲堯臣,不

❶ 「在」,杜預《春秋經傳集解》作「者」,當是。

勞適 其 罪 哉。《尚 禹陷 舜用 治水 凶 餮。 王此條或 杌,三苗爲饕餮。 才子謂之檮 少皞 足 J 功 三千莫大之罪,進退 舜先舉禹而後誅鯀。《尚書》疏。 ○襄二十一年《左傳》疏。 書》疏。 子之 在 使 成 兜爲渾敦, 氏 《聖證 父 而 不才子謂之窮奇, 功 後 致 杌, ○襄二十一年《左傳》疏。 論》。 以 而 碗 縉雲 鯀 流 **舜** 禹治水既 [傳日]皆服 共 爲 放 失五典克從之義 工爲窮奇, 無 氏 其 功 父,則爲禹之勤 不才子 Ξ 無 而 畢,乃 據, 迂亦甚 殛之,是爲 日〕若待 顓 舜用 謂 〇〔案日〕 鯀 頊 〇又約 流 之饕 刑 氏 當 禹 四 不

自 舜 云「禹 而 〔案曰〕鄭引《左傳》者,文十八年文。 居 後 明 攝 也 誅鯀」者,四 治水既畢, 之後,堯殂落之前,其次 僖三十三年《左傳》晉 罪 乃流 在治水功成後,故列 四四 N N 舜 序 先 季 按 舉 對 經 又 禹

> 不必 文公曰 禹 興。」 二十一年祁奚謂 泥 ,王肅非也 : 此特爲舉賢不 「舜之罪 也 范宣 殛 拘族 鯀,其 子曰 類 而 鯀 也 發, 興 其文 殛 禹 而

此經作「放勛乃殂落」。
三載四海遏密八音。〔案曰〕《説文》卷四下歺部引二十有八載,帝乃殂落。百姓如喪考妣

罪咸 革、木。 位八載,時堯委政 密,静也。 麓」,皆舜徵 妣,父母。 二十八載,堯 案曰」自 傳曰」 八載」。《孟子》引此,趙 載求禪,試舜三 服」,皆舜攝 一殂落,死 四 「釐降二女」以下,至「納于大 夷絶音三年,則華夏可知。 八音、金、石、絲、竹、匏、 庸事。 言百官感德思慕。 死 也。 位 壽 于舜,故總之云「二十 自「受終文祖」至「四 載,自 事。 一百一十七歲。 堯年十六即 **徵庸二十載,攝** Ī 岐 月上日至崩 注言:「舜 遏, 絶。 位, 考 七

月 正

元日,舜格于文祖

言朕 八年。 堯辟位凡二十八年而崩。」徐廣曰:「堯 攝 與之同,皆非也。 穎達已疑之。 其以歷試三載,攝位二 十七歲。」十六即 七十載求禪而得舜,試舜三載,自 可 在位凡九十八年。」按上文堯欲巽位,自 年而老,令舜攝行天子之政,薦之于天。 之也。」《史記》:「堯立七十年得舜,二十 岐注:「二十八年之久,非人爲也,天與 「三十」,以就其説 八載合爲三十載,改下文「二十」字爲 日受終至堯崩二十八載,堯壽一百 據者也。 事 在位七十載,合二十八載,凡九十 八載,非人之所能爲也,天也。」 《史記》與經合,鄭説同此,的 時,未爲天子也。」又:「舜相 孔傳乃謂:「堯年十六即位, 位, , 尤爲誣妄。 書傳皆無此 惟王 言, Œ 堯 孔 然 月

> 至 史・後紀》注十二卷。〔傳曰〕月正, 故復至文祖廟告。 日,上日也。 夏 而上,皆寅正。 月 Œ 舜服堯三年喪畢,將即 元 日,猶言 《尚書 Œ 月上 正月。 日 ○羅苹《路 變 元 文

已詳上。 傳以爲祖廟,二義不同,當以鄭爲正説,上皆寅正」。鄭以文祖爲明堂,而僞孔

从外。」今作闢,晉人改。曰〕《説文》卷十二上門部:「閱,《虞書》曰 「閱四門」,从門詞,四岳,闢四門,明四目。達四聰。 〔案

門。 下。 于 闢 後之取法于前也。 〔鄭曰〕卿士之職,使爲 四 四 傳曰 言四門者, 方 魯有東門 方之門未 使天 []詢,謀 下 開者,廣致衆賢。 襄 亦 也。 仲, 無 《詩》四之二卷《鄭風 因 宋有 謀政 卿 塞。 士之私 己 桐門 治于 出政 / 疏 右 Щ 教 朝 廣 師, 岳,開 視 在 于 緇 論 聽 衣》 天 是 或

行之所由,故以言仕路。語》:「從我于陳蔡者,皆不及門也。」門,

所居。卿士職出政教,薦賢其首務也。所居。卿士職出政教,薦賢其首務也。失其所。」故疏引以證四門。四門,卿士注言:「弟子從我者,皆不及仕進之門而注言:「弟子從我者,傳與鄭同。《論語》鄭〔案曰〕鄭云云者,傳與鄭同。《論語》鄭

文》曰〕難,乃旦反。 邇,惇德允元,而難任人,蠻夷率服。」〔《釋遊,存德允元,而難任人,蠻夷率服。〕〔《釋咨十有二牧,曰:「食哉,惟時! 柔遠能

時。 亦謀 勞》疏。 使足長善。 之長。言當安遠乃能安近。 安遠者,先能安近。《尚書》疏。 ○〔案曰〕《詩》疏引此誤作《無逸》注。 遠之,則忠信昭 疏 鄭曰〕能,恣也。《詩》十七之四卷《大雅 曰〕「任,佞」、《釋詁》文。孫炎云: ○陸德明《經典釋文》七卷《毛詩音義》下 所重在于民 任,佞。 邇, 近。 于四夷,皆相率而來服。 難,拒也。 敦,厚也。元,善 食,惟 厚行德信, 當敬授民 〔王曰〕能 [傳日]咨 佞 人斥 • 民

似可任之佞。」

王及傳以柔與能皆訓安,非也。 云伽者,與恣同,謂順適其意也。」是也。 以為書》『柔遠能邇』,注以能爲恣,則此也。安遠方之國,順伽其近者。」疏云:也。安遠方之國,順伽其近者。」疏云:也。安遠方之國,順如其近者。」疏云:

百揆,亮采惠疇?」舜曰:「咨,四岳,有能奮庸熙帝之載,使宅

明。 訪羣臣有能 卷顏延年《皇太子釋奠會詩》注。 日 官,信立其功,順其事者誰乎? 曰〕載,事也,成也。 鄭 ,以别堯。奮,起。 日〕載,行也。《尚書》疏。 庸,功也。《史記·五帝本紀 惠,順也。 起發其功,廣堯之事者。 求其人使居百揆之 《尚書》疏。 庸,功。 [傳日]言舜 ○《文選》二十 》集解。 馬 載,事也。 曰 王.

〔案曰〕鄭云「載,行也」者,《説文》:「載

六〇

昭注:「載,行也。」是也。王及傳非也。是有行義。《周語》「登年以載其毒」,韋乘也。从車戋聲。」引《易》「大車以載」,

愈曰:「伯禹作司空。」

〔鄭曰〕初,堯冬官爲共工。舜舉禹治 治洪水有成功,言可用之。 〔鄭曰〕初,堯冬官爲共工。舜舉禹治 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改 於,堯知其有聖德强法,必有成功,故改

周官必 但 周司 案日」 . 司 司 空執度 空,知初時冬官爲共工也。 空之名,始見于此,上文惟 因前代,且此司空主平水土,與 鄭云云者、《周禮》冬官爲 度地職同,知 司空是冬官。 有共工, 鄭上文 司

> 暨益· 共工皆舍,故更命垂、益分任其職,不得 注 以《周禮》爲難也。 而 鄭以虞與共工並言者,以 空。若山 虞」者、《周禮》司空主事、故 服虔注《左傳》,亦以八愷爲禹、垂之屬 即是平水土,知禹 禹,特改官名也。云「舍司空爲 工,惟禹治水有司空之名,故 也。改命司空云云者,初時冬官 以時言爲冬官也。 「舜臣堯,舉八愷,使主后土。」主后土, 已。 云:「共工,水官名。」以行言爲水官 奏 禹既宅百揆,舍其舊職,知虞 庶鮮食,則禹實兼虞,益 虞、澤虞皆屬 在八人 文十八 、愷内,舜所舉。 司徒,非司空。 馬隨 年《左傳 知欲 共工屬 Ш 共 但 刊 佐 I 爲 寵 禹 司 與

懋哉!」 善 善 善 善 一 : 「 俞 , 咨 ! 善 禹 , 汝 平 水 土 ,惟 時

〔馬曰〕懋,美也。《釋文》。〔王曰〕懋,勉

行之。然,勉也。惟居是百揆,勉以命之。懋,勉也。惟居是百揆,勉也。《釋文》。〔傳曰〕然其所舉,稱禹前功

心部。 本由 職。天官冢宰六卿之長,事無不 前功 (案日) 傅,或兼四岳。 伏生《大傳》云: 或謂古者三公或兼六卿,或兼師、保、 是舉其司空之前功,以申百揆之新命。 禹宅百揆,是亦 堯時事,舜即真時,水功成久矣,知是 夏,寇賊姦宄,責之司馬。 「禹宅百揆乃天官」,是由 稱禹前 也 親,五品 百揆進 司徒公,二司馬公,三司空公。 馬、 加 功」,命居百揆者,禹平水土,實 《魯頌 懋與 王云云者,懋訓 而居攝,今即位 不訓,責之司 、茂通,是有美義 攝 國宫》疏 位之端也。 溝 申鄭箋意 勉,見《説文》 冬官升居 徒。 命官,首使 瀆 足明此 也。 雍遏 「天子三 蠻夷 統 經 舉 此

《書序 《禮記 爲民 兼 天官,即或三公兼領,但領太宰、司 鄭注明言「禹登百揆,舍司空」。 領之,殆即三公兼六卿者。 公主之。分天下爲左右曰二伯,是三公 召公爲保,陝以東周公主之,陝以 公」,是三公兼師、保、傅也。 也。」《周官》「太師、太傅、太保,兹惟 公兼二卿,舉下以爲稱,是三公兼六卿 與司寇、 子六卿,與太宰、 有未竟,司空非禹莫任,故使以百 其二,必不然矣。 四岳也。 若又領司 與宗伯、司馬同職者,謂之司馬公。 害,責之司空。」鄭注 周官》。 ・文王世子》、《大戴禮・保 司 空同 説見《周 空,是六卿 時洪水雖平,然功緒猶 職者,謂之司空公。 司 徒同職者,謂之司 經言「汝平水 禮 云 地官序官 兼其三, 此説非 周公爲師 「《周禮》 百 揆 土, 傅 三公 揆 西 徒 徒 召 天

司空舊任,而重加戒飭也。 實是舉司空前功,以申百揆新命,非留

卷八上似部:「息,衆詞與也。● 从似自聲。《虞書》曰:禹拜稽首,讓于稷、契暨皋陶。〔案曰〕《説文》

息咎繇。」一今本晉人改。

首,首至地。 (鄭曰〕稷,棄也。契、皋陶,二臣名。稽 雅·生民》疏。〇賈公彦《周禮疏序》。〔傳曰〕居 理在八元中。《尚書》疏。〇《詩》十七之一卷《大 契在八元中。《尚書》疏。〇《詩》十七之一卷《大 契在八元中。《尚書》疏。〇《詩》十七之一卷《大 以官名通稱。舉八元,使布五教, 其之、時天下賴后稷之 (鄭曰〕稷,棄也。初,堯天官爲稷,舜登

頭至手,所謂拜手也。」疏云:「三者相首,頭至地也。 頓首,頭叩地也。 空首,操,一稽首,二頓首,三空首。」注云:「稽傳云「稽首,首至地」者,《太祝》:「辨九信,堯天官爲稷」云云者,説已見前。名,事見《詩・生民》及《閟宫》也。 又云名,事見《詩・生民》及《閟宫》也。又云〔案曰〕鄭云「稷,棄也」者,棄是后稷之

稽首至地多時,頓首 最重,臣拜君用之也。 地言之、謂若以首叩 時,則爲稽首。 頓首。稽首者,稽謂 空首之時引頭 以其頭不至地 因,空首者先以兩手拱至地,乃頭 至地 稽首、頓首俱頭至地,但 ,故名空首。 ,首頓地 至 稽留之,頭至地多 物然。」稽首,拜 地即舉,故以 即 頓首者,爲 舉,故名 至手, 中 吅

帝曰:「俞,汝往哉!」

不聽其所讓。《史記・五帝本紀》集解。〔傳〔鄭曰〕然其舉得其人。汝往居此官。

曰〕敕使往宅百揆。

帝曰:「棄,黎民阻飢,汝后稷播時百穀。」〔案曰〕鄭云云者,意與僞孔同也。

〔鄭曰〕阻讀曰俎。阻,厄也。時讀曰

〔案曰〕「阻」,馬作「祖」。

面 「詞與」,段玉裁《説文解字注》作「與詞」,云:「『與

濟之。 衆人之難在 疏。○《釋文》。 義》下。 官 蒔 曰 唐 こ 祖 頌 種 至 始 始 蒔 思文》疏。 美其前功 Ŧi. 也。 曰 洪水時 穀 于飢,汝后稷布 (傳 阻 陸德明《經典釋文》七卷《毛 〇《史記·五帝本紀》集解。 以 ,以勉之。 難也。 日 救 衆民厄 活之。 阻 難。 播,敷也。 《詩》十九之三卷 于飢,汝居 種是百穀以 播, 布 《尚書 也 詩音 馬 稷

物,故鄭讀若俎 也。」「俎,从半 作「且」、古金石文類此甚多、故馬 此字古文必作「且」。 [案日]鄭云「阻讀日 祖 一周穆公鼎、雝公緘鼎,凡皇祖、祖考皆 竟直改爲阻 厄。 「薦也。 」,訓爲始。 王 肅 竊 从几,足有二横, 其義, ,則非是。 但《説文》卷十四 肉 在且上。」是且、 而 改訓 俎 俎。 《宣和博古圖》卷 音與 難 引鄭者亦就僞 阻,厄也」者, , 僞 阻 一其 同, 孔 上且 俎 因 下 同 地 部 作

前功也 官也 也。 封。 候 又讀時 春官 云: 司馬 舜封 冬官也。 司馬,天下 堯登用之,使居稷官,民賴 之功成,實在堯世, 契、皋陶、賜姓號是 洪水時」云云者, 云:「蒔更別 本,其實 • 也 「《堯典》説舜 `,故鄭玄《魯頌》箋云:「后稷長大, 棄,謂后稷之號亦起 又《中候》及《刑德放》皆云稷爲大 故毛、鄭皆以爲堯。」《周本紀》乃 握 契爲司 爲 河紀》,堯即 (鄭注 咎繇爲士,秋 惟棄褒述其爲稷之功,不言命 蒔 棄爲后 猶以后稷稱焉。」孔 種。」是 徒,地 解 必 是「且 爲 命 鄭意 稷,自堯時已然。《中 種 羣 也。 官 政七十二年, 也。 其封于邰,必是 蒔 官 也 官 讀 亦 者, 孔穎達云:「稷 也 ; :禹宅百揆,天 以 鄭又云「始者、 日 舜時,不 伯 其功,後雖 ; 《説 俎」云 此經爲舉棄 垂 夷爲秩宗 爲共工, 文》艸部 穎 云 達 ·可信 也 作 云 堯

帝

E

「契,百姓不親,五品不遜,汝作司

之數。 之前 《論 此 馬,則天官虚位, 兵農不分,軍將 説,堯時天官爲稷 而 以稷、契、皋陶三官皆堯時 棄既長于農事,宜作此官。 官司馬乏人,即命棄改領其職。 長 司馬亦在堯未崩、舜未受終 皆以稷、契、皋陶不在舜新命二十二 讓,述其前功。「二十二人」下,鄭、馬 而以命禹也。下文「惟明克允」下, 跡妊身,怪而棄之,知其神怪乃收養之。 疏 (大佐堯,位至司馬 爲 申 功,其實棄此時已爲司馬 官,明是稷 然則棄不但爲稷官在堯時, 吉驗篇》云:「后稷之母履大人 鄭 最 作司馬爲夏官 即命 此舜所以求宅百揆者, 確 棄爲之,其 也。」 卿,卒 此 經 雖 伍即農 棄既 以 後當 舉 也。 矣。 前。 棄 蓋古者 爲司 因 鄭注 即 據 穎 因 播 民。 人 注 禹 夏 鄭 達 故

> 也。 徒,敬 愻字注云「順也」,引《唐書》「五品 晉人改「孫」,唐衛包又改「遜」也 敷 Ŧ. 教,在寬。」〔案曰〕《説 不 愻 文》卷十 以 證。 此古文 下 心

常也。 也。 記・ 亦美其前 鄭曰」 五帝本紀》集解。 《史記·五帝本紀》集解。 布五 《史記·五帝本紀》集解。 [傳曰]遜,順 五品,父、母、兄、弟、子 功 常之教務在寬,所以得人心。 万馬 (王曰)五品,五 五 教,五 也 品之 0 **©**史

者,文十八年《傳》:舉八元使布五教 云五 云:「民成謂 元中也。《祭法》「契爲司徒而 父義、母慈、兄友、弟恭、子孝。」契在八 [案曰]鄭云「五品,父、母、兄、弟、子也」 立常,即 五 知五 教 也 教之禮 也。」是 民成」,注 也

帝曰: 「皋陶,蠻夷猾 夏,

鄭 曰〕猾夏,侵亂 中國 也 史 記 Ŧi. 帝

本

紀》集解。 [傳日]夏,華夏

案曰〕鄭以猾爲侵亂者,《 晉語 齒牙

《説文》無此 相》云「無鈹滑」。《史記》「滑稽」,楊倞、 云:「小 馬貞皆訓亂,是也。 見多 韋 昭 字,疑當爲滑。《荀子·成 詐 注 謂之猾。」是侵亂 弄 也 _ 方言》卷 也。 但

「寇賊姦宄,

《成十七年》長魚矯對晉厲公曰:「亂在 鄭以宄作軌、《史記》亦作 年》臧僖伯 外爲姦,在内爲軌。」是姦、軌 起外爲軌。 曰姦,在内曰 〔案曰〕鄭云「由内爲姦,起外爲 [傳日] 羣行攻劫曰寇,殺人曰賊,在外 鄭曰〕强聚爲寇,殺人爲賊,由 《左》與鄭不同者,所傳本異也。 曰「君將納民于軌物」, 軌 《周禮》三十六卷《秋官・司刑》疏 完。 言無教所致 軌者、隱五 固 内爲姦, 軌」者 有 法法 外

> 疏。 《月令》「命大理」,昭十四年《左傳》「叔 禮》司寇之屬有士師、卿士、皆爲 魚攝理」,是獄官爲理 紀》集解。 鄭 日〕士,察也。 無 曰〕士,獄官之長。《史記 [傳日]士,理官也。 主察獄訟之事 官也 **「**疏 日》周 官名。 Ŧi. 尚 帝本 書

官》「士師」注義也。〔案曰〕鄭云云者,《釋詁》文及《秋官序

「五刑有服,五服三就。

伏五 也。 〔鄭曰〕三就,原野也、市 鋸 語》云:「大刑用甲兵,次刑 于原野,大夫于朝,士于市。 從也,謂服罪 原野,次罪于市朝,同族適甸 ,其次鑽筰,薄刑 曰〕五刑、墨、劓、剕、宫、大辟。 《尚書》疏。 刑、當就 也。 三處。《史記・五帝本紀》集解。 (馬 曰〕三就 行刑當就 鞭 扑。」「故大者致之 朝 謂大罪 斧鉞,中刑 也、 **「疏** 三處,大罪 師 甸 氏。 日》《魯 陳 師 服, 刀 諸 氏

以軌爲宄

,猶以治爲

亂也

六六

市。」傳義亦當然也 征討之刑 原 國語》賈 野,小者致之市 説,故 也。 逵 以 注:「用兵甲者,諸侯逆命, 大夫已上于朝,士已下于 三就 朝 爲 五刑三次。」孔 原 野、朝、 市 用

于甸 間 此 人。」 語 師 于隱處,不以滅同類 辟。」公宥之三,「不 獄 師者,《文王世子》:「公族有 (案曰)鄭、馬以「三就」爲原野、 在 成, <u>*</u> 配 立 傳則據《魯語》改之。傳多 正 大辟。 異 原野、市朝爲「三就」,王 刑人處之一,不容遺漏,故鄭、馬 甸人掌郊野之官,不于 人,其刑罪 刑 有司讞于公。 以 泯 甲兵, 其 其 刑罪,則 迹, 則纖劇 則征 對走 示國人也。 其 死 此解是也。 討 日 出,致 諸侯、 、罪,則 亦告于 某之罪 市 肅 取馬、王 死罪,則 朝者, 亦同, 市 然則 刑 日 刑之至 但《 甸 朝、 于 某 在 甸 甸 魯 而 以 刑 之 僞 甸

> 鄭、馬則以 也。 指死罪,餘刑可不拘者,亦 説,非也。 意,又未明《魯語》與《書》不同,妄引 語》原野指用兵征討,市 刑内者也。 則墨也。 重 , 又 各 不不 三刀 在 不 五. 鋸 Ŧi. 又「三就」兼 同 原野 刑 與《尚 鞭 則 内 小,則 作僞 者 爲 劓 書》五 用 也。 剕 傳者不知鄭、馬 墨 又至輕,亦 Ŧi. 宫也 、劓等刑處所 二斧鉞,則 刑不 朝方指斧鉞等。 刑 非 言,疏云專 , 同。 四 不在 又《魯 大辟 之 之 Ŧi. 爲

「宅」,鄭知嫁反,王如字。 「五流有宅,五宅三居。 〔案曰〕《王制》釋文:

之夷服、鎮 州之外,至于四海,三分其地 器,謂桎一、梏二、拲三。 之流、皆有器懲艾。 書・立政》疏。 經典釋文》十一卷《禮記音 鄭日〕宅,讀日 服、蕃服 ○《禮記》十一卷《王 咤, 也。 懲艾之器。 五咤者,是五 義》。 《尚書》疏。 三處者, 0 制》疏。 賈 遠近近 昌 朝《羣 謂 ○陸德明 〇又《周 若 種 自 五 周 九 之 刑

後 案

六八

之以 投四 刑,則流 殺,宥之以遠。 記·五帝本紀》集解。 有所居。 裔,次九州之外,次千里之外。 遠。 裔,次九州之外,次中國之外。《史 放之,若四凶者。 五居之差,有三等之居,大罪 馬 五等之差亦 日 《尚書》疏。 謂在 〔王曰〕八議之辟,不忍 八議,君不忍刑, 有三等之居:大罪 [傳日]謂不忍 五刑之流, 各

云: 回。 九州之外」云云者,以夷、鎮、蕃于九 之遠方,西方曰僰,東方曰寄。』注 州之外,即《王 裔,二,九州之外,三,千里之外。 爲遠,故分爲三居也。 即居,文義複疊。 案曰〕鄭以宅爲「懲艾之器」者,孔以 故鄭破 四 海 商 外。」即與四 讀也。 遠。 制》云入 《史記》作度,亦似 《 調 鄭又云「三處者, 學 人職》云:『父之 傳則以爲: 裔 爲 木 率教者,『屏 也。 云 一, 四 次 服 宅 紆 自

居之制 教 不 事 猶 居者 過殺、赦尚不及、安得有辟 雖 疏非 諸 寄 赦令所及,則亦過而殺傷人者耳。 後之事, 王 定千里。 外」,不同者,言中國,據罪人所居之國 千里之外,即《調人職》云『兄弟之讐, 惡 迥别。 有 法所當討,即合殺之。 千 于邊 可 已會赦,猶當使離鄉辟讎耳。 重大,本當斷肢體、刻肌 可援,故人之五流,與《調 也 里之外」也。 且 以 遠」,與此 屏之九州之外,此 是平日執法定罪,因其于八 非刑法之正,何容牽合以 附 且其 《調人》云云,乃謂殺人之賊, 據其遠近,其實一也。」愚謂傳 其上文言 會孔 中 並 傳明矣。 『九州之外』同 無 《立政》云『中國之 過而 九 州之外一條, 但未 況「入學不 殺傷人, 犯 讎之事。 膚,今乃 五 刑者, 殺之間, 此 也 為三 赦 此 乃赦 但 率 爲 則

鄭居之夷、鎮、蕃爲確。 馬、王即傳所徙之千里之外,何足蔽厥辜耶! 當從

「惟明克允。」

本,皆非也。

使咸信服,無敢犯者。 〔傳曰〕言皋陶能明信五刑,施之遠近, [王曰〕惟明其罪,能使之信服。《尚書》疏。 [王曰〕惟明其罪,能使之信服。《尚書》疏。 罪,能使信服之。《史記·五帝本紀》集解。 罪,能使信服之。《史記·五帝本紀》集解。 以述:其前功。賈公彦《周禮疏序》。 [馬曰〕當明其 其前功。賈公彦《周禮疏序》。 [馬曰〕當明其

云「述其前功」者,説詳上文。〔案曰〕鄭云「三官」者,稷、契、皋陶也。

帝曰:「疇若予工?」

集解。 [傳曰]問誰能順我百工事者。 〔馬曰]謂主百工之官也。《史記·五帝本紀》 「巴」唱著予工」

官虚矣,故又求人也。之官,冬官也,禹爲之。今升宅百揆,此〔案曰〕馬云「謂主百工之官也」者,百工

工。」〔《釋文》曰〕垂如字,徐音睡。 垂,汝共一歲曰:「垂哉!」帝曰:「俞,咨! 垂,汝共

日〕垂,臣名。共謂共其職事。 書全解》三卷。○《史記·五帝本紀》集解。〔傳 [馬日〕爲司空,共理百工之事。林之奇《尚

之。馬以垂即爲司空,非也。升天官,此官還爲共工,不名司空,垂爲〔案曰〕據鄭以司空之名專爲禹設,禹既

往哉!汝諧。」〔《釋文》曰〕與音餘。垂拜稽首,讓于殳斨暨伯與。帝曰:「俞

帝曰:「疇若予上下草木鳥獸?」〔傳曰〕殳斨、伯與,二臣名。

政教,取之有時,用之有節。 集解。〔傳曰〕上謂山,下謂澤,順謂施其〔馬曰〕上謂原,下謂隰。《史記‧五帝本紀》

司徒》鄭注同,是也。傳:「高平曰原,下溼曰隰。」《地官・大〔案曰〕馬云云者,《小雅・皇皇者華》毛

七〇

朕虞。」〔疏曰〕「愈」,鄭、馬、王本皆作「禹」。 故曰:「益哉!」帝曰:「俞,咨! 益,汝作

紀》集解。
〔馬曰〕虞,掌山澤之官名。《史記・五帝本〔縣曰〕言朕虞,重鳥獸草木。《尚書》疏。

以益爲朕虞」,是鄭説本古義也。 虞之官,不可信。然《史記》亦云「于是「朕虞」爲官名。疏謂其本于王莽立予〔案曰〕鄭云「言朕虞」云云者,鄭意以

之禮

(傳曰)朱虎、熊羆,二臣名。垂、益所讓哉! 汝諧。」〔《釋文》曰〕羆,彼皮反。 益拜稽首,讓于朱虎、熊羆。帝曰:「俞,往

《傳》八元有伯虎、仲熊,即此也。 傳不在伯夷、夔龍下爲此言者,伯夷姜 即庭堅。益在 在元凱内,明殳斨、伯與亦 四人,皆在元凱中。 (,不在元凱内,夔龍亦不可知,惟言此 八凱内,垂則 <u>「</u>疏 日〕文十八 在内。 不 可 虎、熊 知也。 皋陶 年

> 帝曰:「咨」 十二卷《禮儀部》。 南《北堂書鈔》八十卷。 人鬼之禮也。《史記・五帝本紀》集解。 五帝本紀》集解。 四人耳。 鄭曰〕天事、地事、人事之禮也。《史記 傳雖言殳斨、伯與, 四岳,有能典朕三禮?」 〔馬曰〕三禮,天神、 〔傳曰〕三禮,天地人 ○李昉等《太平御覽》五百二 亦難 知 地 〇虞世 也。 祇、

[案曰]鄭、馬及傳云云者、《大宗伯》「掌之名也。 立天神、地祇、人鬼之禮者, 開祀之、祭之、享之之禮,吉禮是也。」此 明祀之、祭之、享之之禮,吉禮是也。」此 其餘。唐虞未必即有吉、凶、賓、軍、嘉 其餘。唐虞未必即有吉、凶、賓、軍、嘉 之名也。 立天神、地祇、人鬼之禮者, 是也。」此 是,立也。 立天神、地祇、人鬼之禮者, 以 以 以 之名也。

僉曰:「伯夷。」

〔傳曰〕伯夷,姜姓。 〔疏曰〕《鄭語》云:

堯。」是也。 姜,伯夷之後也。 伯夷能禮于神以佐

帝曰:「俞,咨! 伯,汝作秩宗。

鄭曰〕主次秩尊卑。《史記・五帝本紀》集解。

傳曰〕秩,序。宗,尊也。 主郊廟之官。

案曰〕鄭云云者,秩當作豑,説見上文。

宗之言尊,舉尊以見卑也。

夙夜惟寅,直哉惟清。」〔《釋文》曰〕寅如字,徐 〔傳曰〕夙,早也。言早夜敬思其職,典

伯拜稽首,讓于夔、龍。帝曰:「俞,往, 禮施政教,使正直 而清明。

傳曰〕夔、龍,二臣名。

欽哉!」

育子。』、《大司樂》鄭注云:「舜命夔教胄子。」《釋文》云: 卷十四下去部云:「育,養子使作善也。 帝曰:「夔,命汝典樂,教胄子,〔案曰〕《説文》 育音胄,本亦作胄。」然則鄭《大司樂》注本作「育」,後人 東晉《尚書》改之。 鄭于《王制》注引此經亦作「胄」者 《虞書》曰:『教

> 皆訓長,馬亦作胄,則作胄亦通 亦後人改。 ,》卷十五揚雄《宗正箴》亦云「育子」。 而鄭《尚書》必作「育」,與《説文》同。 但《爾雅》育、 《古文

苑

長也。 弟。 《釋文》、《初學記》並作王注,蓋王同于鄭者。 炳刻,非善本。要非孔傳,故姑附此。 下添「古者司樂以教國子」八字,所據乃明萬曆元年倪 〔鄭曰〕胄子,國子也。《史記 祇、庸、孝、友。 李昉等《太平御覽》五百六十三卷《樂部》。 曰〕胄,長也。謂元子以下至卿大夫子 ○《釋文》。○徐堅《初學記》十五卷《樂部》。 以歌詩蹈之舞之,教長國子中、和、 教長天下之子弟。《釋文》。 · 五 (馬日)胄, 帝本 〇〔案日〕 《御覽》 紀

學政,而合國之子弟焉。」鄭彼注云:「國 子、卿大夫、元士之適子,國之俊選,皆 教,以造士。王大子、王子、羣后之大 國子。」《王制》云:「樂正崇四術,立 之子弟,公卿大夫之子弟當學者,謂之 大司樂》云:「掌成均之灋,以治建國之 [案曰]鄭云「育子,國子也」者,《春官・ 四四

下皆適子乃得人也。」是也。 弟」,賈公彦云:「弟者,王子也。 下,庶子不在其内,故《大司樂》「國之子 知羣后是三公及諸侯也。 羣后以下即云卿大夫士,無諸侯之文, 云,王大子乃云王子,知王子是庶子。 注特舉卑以見尊, 子、庶子、公侯卿大夫子弟。《大司樂》 樂》,樂正皆言國子,則鄭意固兼王太 備,惟《王制》之文最爲詳悉。 卿大夫之子弟。 子至卿大夫子弟、《大司樂》鄭注以爲公 造焉 亦似遺却王大子、王子二者,所説皆不 公及諸侯。」考此經「胄子」,孔傳以爲元 國子之教。 。」鄭彼 注法云: 王子,王之庶子也。 孔則遺却公侯之子,鄭 「樂正,樂官之長,掌 省文耳。 又自羣后以 孔穎達云 然《大司 自公以 羣后,

直而温,寬 而 栗,

馬旦」正直 而色温和,寬大而謹敬戰栗

> 也。 《史記·五帝本紀》集

篇義也 案日〕馬 以栗爲戰栗者、《 論語 佾

剛而無虐,簡 뻬 無 傲

其失。 傳曰〕剛失之虐,簡失之傲,教之以防

詩言志、歌永言

《詩序》云:「詩者志之所之也。 譜序》疏引《春秋説題辭》云:「在事爲 本志,無此本于内,不能爲樂也。」又《詩 歌咏其聲,舞動其容。」鄭彼注云:「三者 志,發言爲詩。」《樂記》云:「詩言其志, [案日]鄭云「詩所以 謂詩言志以導之,歌咏其義以長其言。 ○又一之一卷《關雎序》疏。 也,歌又所以長言詩之意也。《詩 鄭日〕詩所以言人之志 ○〔案日〕下一句《史記》注作「馬注 言人之志意也」者, 〇《史記·五帝本紀》集 意 也。 在心爲 〔傳曰 譜序》疏 永, 長

言之不足,故長言之。」是也。「歌之爲言也,長言之也。説之故言之,「歌所以長言詩之意也」者,《樂記》云:鄭又云「永,長也」者,《釋詁》文。又云詩,思慮爲志,詩之爲言志也。」是也。詩,思慮爲志,詩之爲言志也。

曰〕「諧」、《説文》卷二下龠部引作「龤」。 「聲依永、律和聲、八音克諧、無相奪倫、〔案

瞽,考中聲而量之以制,度律均鐘,百官紀》集解。〔傳曰〕聲謂五聲,宮、商、角、紀、羽。律謂六律、六吕,十二月之音、、。言當依聲律以和樂。倫,理也。八章能諧,理不錯奪,則神人以和。●「案曰〕鄭云云者,既長言之,則有宫、「案曰〕鄭云云者,既長言之,則有宫、「案曰〕鄭云云者,既長言之,則有宫、「秦曰〕鄭云云者,既長言之,則有宫、「秦曰〕鄭云云者,既長言而爲之,聲中〔鄭曰〕聲之曲折又依長言而爲之,聲中

以八音。」是也。同,以合陰陽之聲,皆文之以五聲,播之執義。」◎《春官·太師》云:「掌六律六

「神人以和。」

《史記·五帝本紀》集解。 〔鄭曰〕祖考來格,羣后德讓,其一隅也。

〔案曰〕鄭云云者,神不特祖考,人不特

文》曰〕於如字,或音烏而絶句者非。〇〔案曰〕《釋文》夔曰:「於! 予擊石拊石,百獸率舞。」〔《釋墓后,故曰一隅也。

非也。

二卷。 記·五帝本紀》集解。○羅苹《路史·後紀》注十通焉。《春秋公羊》疏二十八卷哀十四年疏。○《史也。率舞,言音和也。謂音聲之道與政也。率舞,言音和也。謂音聲之道與政〔鄭曰〕石,磬也。百獸,服不氏所養者

〔傳曰〕石、磬也。磬、音之清者。 拊亦

- ●「以」、《尚書正義》作「咸」,當是。
- ❷ 「執義」、《國語·周語》作「軌儀」。

百獸,使相率而舞,則神人和可知。擊也。舉清者和則其餘皆從矣。樂感

政通」者、《樂記》文也。 又云「音聲之道與祀,共猛獸。」是也。又云「音聲之道與官》:「服不氏掌養猛獸而教擾之。凡祭磬」是也。又云「服不氏」云云者、《夏馨日〕鄭云「石,磬也」者、《樂記》「石聲

鋭反。殄,《切韻》徒典反。 文》曰〕堲,徐在力反。讒,《切韻》仕咸反。説如字,徐失帝曰:「龍,朕堲讒説殄行,震驚朕師。〔《釋

殄,絶。 四十七卷《吴主傳》裴松之注 之衆臣,使之疑惑。 之行,而動驚我衆。 馬曰〕殄、絶也。 鄭曰〕所謂「色取仁而行違」,是驚 震,動也。 絶君子之行。 言我疾讒説 欲遏絶之。 《史記·五帝本 「傳 《三國志 絶君子 堲,疾。 紀》集解。 動 我

引《虞書》此文以證,是也。云:「古文迩,从土、即。堲,疾惡也。」即文》卷十三下土部,迩字重文堲字注雅・生民》篇毛傳文。堲爲疾者,《説

后之官也。 「鄭曰〕納言,夙夜出納朕命,惟允。」 「鄭曰〕納言,喉舌之官。 聽下言納于 「傳曰〕納言,喉舌之官。 聽下言納于 上,受上言宣于下,必以信。〔疏曰〕 上,受上言宣于下,必以信。〔疏曰〕 上,受上言宣于下,必以信。〔疏曰〕 此南《北堂書鈔》五十九卷。○〔案曰〕此稱爲《尚書》 上,受上言宣于下,必以信。〔疏曰〕 此南《北堂書鈔》五十九卷。○〔案曰〕此稱爲《尚書》 世南《北堂書鈔》五十九卷。○〔案曰〕此稱爲《尚書》 大,受上言应于下,必以信。〔疏曰〕 此南《北堂書鈔》五十九卷。○〔案曰〕此稱爲《尚書》 上,受上言应于下,必以信。〔疏曰〕 此稱爲《尚書》 大,受上言也。虞

「尚書令主章奏事,秩千石。」故李固以心書,獨通章奏,漢因之。《漢官儀》云:尚書亦爲陛下喉舌。斗斟酌元氣,尚書出納王命。」蓋秦置尚書于禁中,有令、出納王命。」蓋秦置尚書于禁中,有令、出納王命。」蓋秦置尚書,則於下、其,以為其,猶天之有北斗也。斗爲天喉舌,尚書。與云「納言,如今尚書,管主喉舌

語・

,皆《釋詁》文。震爲動亦《詩

顏淵》篇文。 殄爲絶,震爲動,師爲

案曰〕鄭引「色取仁而行違」者、《

言也。 《大雅 爲出 本 也 上曰逆,逆謂上書。」宰夫,下大夫爲之, 萬民之逆。」注云:「次敘諸吏之職事。 夫之職》:「敘羣吏之治,以待諸臣之復' 一者之來則辨理之。復之言報也、反 冢宰」,則與此納言不同。 ·與 ,反報于王 納 小宰俱 喉舌之官。 烝民》「王之喉舌」,彼毛 爲冢宰之貳,疑即此納 ,謂于朝廷奏事。自下而 鄭舉漢法 《天官 以 傳以爲 況 辛 也。

上十二牧、四岳,凡二十二人。《史記·五 《東記·五帝本紀》集解。〔馬曰〕稷、契、皋 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 正元日格于文祖所敕命。《尚書》疏約鄭義。 以史記·五帝本紀》集解。〔馬曰〕稷、契、皋 為書》、伯夷、夔、龍、 之制、伯夷、夔、龍、 《鄭曰〕十二牧、禹、垂、益、伯夷、夔、龍、 帝曰:「咨! 汝二十有二人,

二人,特敕命之。龍六人新命有職,四岳、十二牧,凡二十帝年紀》集解。〔傳曰〕禹、垂、益、伯夷、夔、

長,而 牧並 岳。 之巽位不咨餘人,特咨四岳,舜此時求宅 多。此時舜命羣官,據《魯頌》疏申鄭義 亦爲四岳。 官兼攝。 卿,外則爲諸侯之長,非有定職,皆以他 熊羆代之。 内,鄭則不數四岳,而以殳斨、伯與、朱虎、 垂六人,此六人中當即有兼四岳者,共 以《周禮》六官分配禹、契、伯夷、棄、皋陶、 工、讙兜等流放後,自須以賢代之。 一十二人者,馬説與孔傳同,皆數四岳在 [案曰]鄭以十有二牧及禹、垂等十人爲 一稱,其實當州之牧,自是外諸 放齊、共工、讙兜、鯀四人,王朝卿也, 四岳 如羲、和六子爲六卿,亦爲四 蓋四岳之官,内則爲王朝之 則介乎内外臣之間,兼 上文日覲四岳、羣牧、雖岳、 侯之 攝者

中可 尊而 二十二人之數。 停匀,適合二十二人之數,反置不用,寧 也。 **斨、伯與爲垂之佐可知。** 本紀》補一句云「舜遂以朱虎、熊羆爲益之佐」,然則殳 取無命之殳斨等四人充數,知四岳 者,實以四岳乃六卿所兼故 不宜入此數者耳。 馬以岳、牧與禹、垂、益、伯夷、夔、龍消 先外後内,殊非 師,若四岳果僅爲諸侯之長,則舜 百揆,求 知。 舜既特提出咨四岳,則不 以他卿 典三禮,亦特咨四岳, 新君 兼攝、舉四 即 其次。 位、岳、牧自必 雖非特命,亦各有職,故宜在 鄭注不可易也。《五帝 其所以首咨 岳足以 也。 在 該 知 咸 鄭 衆 此 1有斷 明 新 赴 官數 四 官故 官 京 配 知 岳

黜陟幽明,庶績咸熙。 「欽哉! 惟時亮天功。」三載考績,三考,

幽明有别,黜退其幽者,升進其明者。功。三年有成,故以考功。九歲則能否〔傳曰〕各敬其職,惟是乃能信立天下之

考績法明, 衆功皆廣。

分北三苗。〔《釋文》曰〕北如字,又音佩。

從。 卷《吴・虞翻 卷。○《史記·五帝本紀》集解。○《三國志》五十七 北猶別也。《尚書》疏。 西 男,降其 〔王曰〕三苗之民有赦宥者,復不從化, 三苗幽闇,君臣善否,分北流之,不令相 不令相從,分北流之。《尚書》疏。〔傳曰〕 〔鄭曰〕流 裔諸侯者,猶爲惡,乃復分析流之。 善惡明。 位耳,猶 傳》裴松之注。○《宋景文筆記》中卷 四凶者,卿爲伯、子,大夫爲 爲 國君。 ○林之奇《尚書全解》三 所竄三苗爲

别。」●許慎學于賈逵,而逵傳古文《尚『上下有别』。」又羋部曰:「八,古文《説文》八部云:「八,别也。《孝經説》曰别字重八八作八,二字相似,因誤作北。〔案曰〕鄭云云者,古文北字从二人作八,

[■] 此引文在《説文解字》卷四上下部「菲」字下。

流之」,其義最精,虞駁非 三苗,即上文「五宅三居」,故鄭云「分析 北,古别字,鄭又訓北 書》違 鄭正釋古今字同,有 從 失 事 逵,故用 自 ,乃云: 『分北 其讀。 猶别,誠 也 何可 虞 怪。 可 翻 怪 奏 分八 鄭 也。」

十」。當從疏所引鄭注改。死。〔案曰〕晚出本「庸」絶句,「位」絶句,「二十」作「三舜生三十,徵庸三十,在位五十載,陟方乃

試 年,凡三十歲也。 麟《困學紀聞》二卷。 百歲 在徵用之年,其餘二載與攝位二十八 ○〔案曰〕劉恕所引鄭注「二十」誤作「三十」。 方乃死, 一十,謂歷試二十年。 鄭曰〕舜生三十,謂生三十年也。 也。 「三十在位」,歷試二年,攝位二 [傳曰] [三十徵庸], 言其始見 謂攝位至死爲五十年。舜年一 《尚書》疏。 〔王曰〕歷試三載,其一 《尚 劉恕 書》疏。 在位 《通鑑外 0 五十載, 劉恕 《通鑑外 〇王應 登庸 陟

《孟子》云,舜服堯三年喪畢,避堯之子, 舜壽百一十二歲也。《大禹謨》云「帝曰 畢,其一年即在三十在位之數,惟有二 故「服喪三年」。三年之喪,二十五月而 位五十年,從格于文祖之後數之。 徵用之年,已在上句三十之數,故惟有 道 并爲三十。「在位」謂在臣位也。 則歷試當三年。云「二年」者,其 二歲。〔疏曰〕上言「乃言厎可績三 十之數,爲天子五十年,凡壽 一百 一十 十徵庸,三十在位,服喪三年,其一 「月正元日」在「三載」、「遏密」之下,又 朕宅帝位三十有三載』,乃求禪禹, 孟子》云:「舜薦禹于天,十有七年。」是 年耳。受終居攝,尚在臣位,故歷試 南 八 是舜 方 年。 巡守,死于 年六十二,爲天子五十年,是 道 也 蒼梧之野 即 位 而 <u>.</u> 葬焉 + 在三 孔以 舜即 即是 載」,

記》云云,皆謬耳。在位五十年,其文明矣。鄭玄云云,《史

帝位 所云 堯崩 也。 蒼梧之野。 子事,年五十八堯崩,年六十一代堯踐 以孝聞,年三十堯舉之,年五十攝 用事二十年,而堯使攝政。 即位三十九年中事。《史記》:「舜得 堯喪事。 服」,皆攝位八年中事。 下」,時舜年三十無妻,即「舜生三十」 二十年中事。「受終文祖」至「四 ·乃至于文祖」云云。又云:「舜年 案 ·,合計之五十年,即「在位五十載」是 曰〕鄭云云者,此篇前文「有 攝位 「釐降二女」至「納于大麓」,皆徵 一。踐帝位 三年喪畢,讓丹朱,天下歸 「格于文祖」至「三考黜陟」, 八年,居喪三年,即 葬于江南 三十九年,南巡狩,崩 九疑,是爲零陵。」 三載遏密,是居 攝政 真三十九 年 鰥 行 罪 舜。」 舉 是 天 तां 皆 咸 在

此。 也。 自是 載,乃知其弗 此本唐虞之成法。所謂三載,不過言其 服喪三年,其一在三十之數,爲天子五 者即真之年也 大事,乃定于一考之後 低績之效可見者如 爲三十,不知厎績三載,猶云三載考績, 十八年」爲在位,謂在臣位也。五十載 載多古 也 三十在位」爲句,「以歷試二年,攝位二 一十爲三十,以「舜生三十徵庸」爲 乃言底可績,三載」與「二十有八載」合 帝 夫「三考黜陟」,至慎也。 開皇購得之姚 《爲即真之歲,特因《大禹謨》「宅帝 與 凡壽百一十二歲。」按此說,乃以 鄭 位,何云「在臣位」乎? 文 説 説 合。 成。 鄭 1。「三十徵庸,三十在位, 傳 蓋 以天下畀匹夫,何等 此耳 方興所上孔傳,乃改 孔業,故先 太史公親問 乎! 非歷試僅 鯀治水九 且「在位」 後符合如 安國 其以五 載 所

尚書後案卷

七九

八〇

尚書後案卷一

東吴王鳴盛學

謨 書

皋

陶

虞

夏

弼諧。」 曰 若稽 古, 皋 陶 : 允 迪 厥 德, 謨 明

聰明以 古人也。 順考古道 鄭日〕皋 輔 心以言。 諧 陶 人君當信 其政 下屬 爲句。 迪,蹈。 蹈行古人之德,謀廣 《尚書》疏。 厥,其 也。其, 傳

〔案曰〕鄭以皋陶 下屬 爲句者,鄭于 前

> 禹 得 謨爲謀者,言部及《爾雅·釋詁》文也。 所引《虞書》。 皋陶古皆作咎繇,見《説文》卷三上言部 篇相承,用爲標首,有文無 曰 稽古皋陶』。」此讀則與鄭異,其義非也。 難以意量也。 古周公旦」,亦此之類。 譜》疏引《中候 書 典謨諸篇皆有之,其實同天者 解 臣,不可以同 何以言皋陶聖人? 與皋陶連讀也。 「稽古」爲「同天」,堯德則然。 「俞,如何?」皋陶曰:「都! 武穆解》亦以四字發端。 今本乃晉人改也。 《白虎通•聖人》篇云: 天言之,則此經「稽古」不 • 擿雒貳》,●有「曰若稽 「日若稽古」四字,想 以目篇: ❷ 日若 古史文義蹇拙 義。 又《周頌 故《逸周 惟堯,餘 皋陶 傳 慎 厥

目」《白虎通》作「自」,當據改。

⁰ 「貳」、《毛詩正 全書》本《古微書 義 周頌 》卷五亦引作 譜》疏引作「戒」, 文淵閣 ○ 四

身修,思永。〔《釋文》曰〕「身修」絶句。

作屬。 文》曰〕悖,《切韻》都昆反。○〔案曰〕《説文》無勵字,古「惇敘九族,庶明勵翼,邇可遠,在兹。」〔《釋〔傳曰〕慎修其身,思爲長久之道。

身厚,次敘九族,則衆庶皆明其教,而 砥礪,爲羽翼。《尚書》疏。〔傳曰〕慎修 文《安陸昭王碑》李善注。 二卷《蜀先主傳》裴松之注。 臣,此政由 也。 勉勵翼戴上命,近可推而遠者,在此道。 ○《史記》二卷《夏本紀》裴駰集解。 詁》注云「敘謂次序」是也。 〔案曰〕鄭云「敘,次序也」者,郭璞《釋 砥 鄭曰〕敘,次序也。 礪」,疑非也。 厲,作也」者,皆《釋詁》文也。 序九族 而 近 親之,以衆賢明作輔翼之 可以 [王日]以衆賢 及遠 ○《文選》五十九卷沈休 庶,衆也。厲,作 也。 〇《三國志》三十 又云「庶,衆 《尚書》疏 王云 (明爲 其

禹拜昌言曰:「俞!」

淘彐:「邹! 在知人,在安民。| 〔傳曰〕以皋陶言爲當,故拜受而然之。

〔傳曰〕歎修身、親親之道,在知人所信皋陶曰:「都! 在知人,在安民。」

畏乎巧言令色孔壬?」哲而惠,何憂乎驩兜? 何遷乎有苗? 何則哲,能官人。安民則惠,黎民懷之。能禹曰:「吁! 咸若時,惟帝其難之。知人

放之。 違」。 故流 也。 兜之徒,甚佞如此,堯畏其亂政,故 愛則民歸之。 疏作馬注。○《史記・夏本紀》集解作鄭 曰]帝堯亦以知人、安民爲 「鄭曰」禹爲父隱,故言不及鯀 無所不知,故能官人。 放之。孔,甚也。 令色,「象恭滔天」。禹言有苗、驩 佞人亂真,堯憂其敗政, 巧言,「静言庸 難。 惠,愛也。 也。 注。 哲,智 《尚 傳 書

[案曰]鄭云「禹爲父隱,故言不及鯀也」

經言驩 兜、有 四 凶 已

巧 言令色孔壬」, 孔 傳 以 舉其二。 巧 爲

静言庸違」、令色爲「象恭滔 天」, 則 是

共工之行也。 又訓 孔 爲甚,則 孔 壬 即 甚

齊陳

既同

物又同音,此

古訓

也

佞,皆是陰險柔惡,正 ·方命圮族」,乃是剛强之惡,《楚辭 類共工。 若鯀 亦 之

相似。 言「鯀悻直以亡身」,不與巧言令色孔 然則禹于四 凶舉其三,獨不 壬 及

佞者,莊十 鯀,故鄭以爲子爲父隱也 有七年《經》: 「鄭瞻自 知孔 壬 齊 即 逃 甚

也。 來。」《公羊傳》云:「何以書? 曰 佞人來矣! 佞人來矣!」《 書甚 爾 佞

•釋言》云:「孔,甚也。」《釋詁》云:

「壬,佞也。」然則,孔壬即甚佞也。 「天王殺其弟年夫」、《左傳》作「佞夫」。 佞 故 讀

田 國 語語 佞 與 輿 人 H 誦 協 故 曰 : 讀 「佞之見 爲 年, 年讀 佞,果喪其 爲

「年,从邑年聲。

讀若寧。」又「年,从禾千

剛

云

聲。」千 逸《天問 與年同 》注云「康回,共工名」,亦誤。 人疑孔壬之説 音。 田 ,遂以爲共工名,其妄如 讀 爲 陳, 故 甚 齊 佞 田 謂 此。 謂 之 孔 之 王

德,乃言曰 皋陶曰: 都! ,載采采。」 亦行有九德。 亦言其人有

必言其所行某事某事,以爲驗 可知。載,行。采,事也。 傳曰〕人性行有九德,以考察 稱其 真 人 〈僞,則 有

愿而: 禹曰:「何?」皋陶曰:「寬而栗,柔 而 立

剛 而 塞,彊而 恭, 亂而 義。 敬,擾而 [《釋文》曰]擾,而小反,徐 毅 直 而 温 , 簡 耐 音饒。 廉

鄭 曰〕寬謂 事 理 擾 順 度 ,三者相 量 寬宏,柔 類 即《洪 謂 性 行 範》云 和

理,直謂身行正直,三者相 柔克」也。 愿謂 容貌 恭 正 類 **亂** ",即《 謂 剛 (洪範 柔治

三正 强 直 謂 也。 性 行堅强,三者 簡謂 器 量 凝 簡 相 剛 類 洪 理

《周禮·太宰》「以擾萬民」,鄭云:「擾猶 亂 馴也。」《司徒》云「安擾邦國」,鄭云:「擾 必合義。 而 致果爲毅。 國志》四十三卷《蜀志》注。 擾 耳。其《洪範》三德,先人事而後天地。 剛 亦安也。」「致果爲毅」,宣二年《左 莊粟。❶ 上,上下相協 有其上者不必有下,有其下者不 範》云「剛 有廉隅。 治也。 い 馴也。 也 ,惟「擾而 和柔而能立事。 <u>「</u>疏 克」。 致果曰 有治 剛斷 行正直 ,乃成其德。《尚書》疏。 曰〕「亂,治」、《釋詁》文。 毅」,在「愿」、「亂」之下 而九德之次,從寬 而 而實塞。 毅。凡人之性有異, 能 而 謹 [傳日]注寬宏而能 氣 敬。 温 慤愿而恭恪。 無所屈撓,動 和。 擾,順 性簡大 ·必有 Q ≅ Ξ 而 也。 至

也」者,疏引《太宰》注是也。《夏本紀》〔案曰〕鄭云「擾謂擾順」,又云「擾,馴

德,三三而九,而又言九德之次云云者。 《洪範》「乂用三德」,每取此三德配彼一 徐廣于此擾字亦云「擾一作柔」也。 《管子·地員》云:「其木宜擾桑。」擾桑, 柔桑也。故應劭以「擾龍」之擾音柔,而 《夏本紀》亦載此經之文,徐廣曰: 能 人讀爲而小反,非也。鄭又以此經分配 文》云:「犪,牛柔謹也。 書》:『犪而毅。』」如此,然則此字本作 作柔。」考《玉篇》云:「犪,馴也。《 云:「璎,玉也。 「馴,擾 犪」,因隸變通作擾。 劉累學擾龍」, 三德,一曰正直,二曰剛克。三曰柔 順養得其嗜慾。」又張 也。」然則擾爲順,又爲 應劭 从玉夒聲。 曰:「擾音柔,馴 而犪本音柔,《 揖《廣雅 从牛夒聲。」又 讀若柔。」 馴 擾 也 (尚 説

● 「注」、《尚書正義》作「性」。

《論語》注 也。 克。 寒、《説文》卷十下心部:「寒,實也。 何 不必有下,上下相協乃成德」, 而每德必以 爲皋陶隨便言之也。 寬、柔下,今乃 直配正直 德,柔是地 從柔而至剛,二者理是一而序次不必同 三德,先人事後天地,而皋陶言九德, 砥 而」字之意也。 ,塞省聲。」即引《虞書 所 是也。 厲 從 有廉隅」即有分辨之意,但 若然、既寬、柔、擾配柔克、愿、亂、 廉隅」是也。 雜 也。 排 云:「廉,有廉隅。」《儒 ,簡、剛、强 《毛詩》「秉心寒淵」箋:「寒, 德 傳》云「乾剛 傳又以塞爲實者, ,正直是人事。禹、箕 德輔成,故言「人性 在愿、 傳以廉爲「廉隅」者,馬 鄭《禮記》注引廉 配剛 亂下,故鄭 鄭又以 坤柔」, [》「剛 克,則擾 此經 則 圃 以釋 塞本 不 解之 剛 寒」以 行》云 . 知 有 當當 屢 所演 是 作 經 言 在 鄭 作 以 1 則 天

> 滿。 免。 改爲「塞」也 壽》第五倫》 不用,故《尚書》、《毛詩》與《後漢 充實也 剛健 冀缺 一。」又「王 以 篤實,斯 陽 陳寵》等傳,凡「寒」字皆 處 猶 爲美也。 父 允 剛 寒 三箋: 圃 不 隸變寒 實, 「守信 知 其 字 • 自 廢 不 郅 實

彰厥有常,吉哉

善,言有德當有恒 彰,明。吉,善也。 善人矣。《尚書》疏。 而官之,則政之善。 鄭曰]人能明其德,所 也。 至 明九德之常,以擇人 《尚書》疏。 日 行 使有 明其 常, 有 則 則 成

部義。王、孔同 案曰〕鄭以吉爲善者、《説文》卷二上 也 П

「日宣三德,夙夜浚明有 ,亮采有邦。 [《釋文》曰]嚴,馬、徐魚檢反。 家。 日 嚴 祗 敬 六

文。《尚書》疏。 鄭曰〕三德、六德,皆「亂 ○林之奇《尚 書全解》五 而 敬 卷。 以 下之 (馬

之,須明行之,可以爲卿大夫。 大夫稱家。 有其三。 太子釋奠會詩》注。〔傳曰〕三德,九德之中 爲諸侯。 敬其身,敬行六德,以信治政事,則 ○《史記・夏本紀》集解。○《文選》二十卷顔延年《皇 曰〕浚,大也。亮,信。采,事也。《釋文》。 宣,布。 言能日日布行三德,早夜 夙,早。浚,須也。 日日 可 嚴 思 以 卿

首,故鄭不以爲臣德。《洪範》亦退 九德,則天子之事。 Ŧi. 剛乃有功。 陽,故動剛。 敬」以下皆正直及剛克。《文言傳》云: 下之文」者,三德、六德皆臣事, 〔案曰〕鄭云「三德、六德,皆『亂 坤至柔 末也。 一,坤五降乾二,坎離交,成既濟。 而 馬云「浚、大也」者、《説文》卷 容悦順從非正,故乾 動也剛。」初、三、五動 「地道無成而代有終」 寬者君 德,列 而敬」以 二升坤 即 九 居 兼 惟 牛

> 詁》文。 言部云:「諒,信也。」無亮字。 卷八上 濁,存其精也。精且深必大,故馬云「 淅而行」。」然則,浚乃以水漉 十一上水部云:「浚,杼也。」又瀝、 亮,説詳《無逸》。「采,事也」者、《釋 部云:「倞,彊也。」疑倞與諒通 也」。又云「亮,信也」者,《説文》卷三上 浚也」。「滰,浚乾漬米也。 物、澄 《孟子》 而譌 汰垢 漉 爲 大 並

「31~」悪過亡、為えず、るく。《尚師,百工惟時,〔《釋文》曰〕僚,本又作寮。「翕受敷施,九德咸事,俊乂在官。 百僚師

皆官 書》疏。○〔案曰〕馬、王同。《釋文》作馬。 政 如此,則俊德能治之士並在官。 布施政教,使九德之人皆用事。 **翕,合也。能合受三六之德** 鄭曰〕才德過千人爲俊,百人爲乂。《尚 無非。 也。 師 師, 相 師法。 百官皆是,言 而用之,以 謂天子 〔傳曰〕

廢。 也。 凡。」是也 任也。《尚書》曰:『俊乂在官,百 之憂也。 案 人任其事,故官治 師,百工惟時,庶尹允諧。」言官得其人, 可爲匹夫。 不可煩,煩則亂。治小者不可怠,怠 寬《鹽鐵論》卷二《刺復》篇云:「治大者 師」傳同。彼見黨惡,此美同德也。 索隱引《尹文子》同。 文》卷八上人部義也。《史記 士守其職,大夫理其位,公卿 傳云「師師,相師 日 其政恢卓,可爲卿相。其政察察, 鄭云「才德過 案上之文,期會之事,丞史之 維綱不 而不亂,事起 張,禮義 「百人爲乂」,未詳 千人爲俊」者,《説 法」者、《微子》「師 不 賈生傳》 行,公卿 總 而不廢。 要執 1僚師 則 桓

「撫于五辰,庶績其凝。

也。《釋文》。〔傳曰〕言百官皆撫順五行〔鄭曰〕凝,成也。《尚書》疏。〔馬曰〕凝,定

季,故爲五行之時。時。《禮運》「播五行于四時」,土寄王四之時,衆功皆成。〔疏曰〕五行之時即四

不凝焉」,注云「凝猶成也」,是也。〔案曰〕鄭云「凝,成也」者,《中庸》「至道

幾。〔案曰〕《汗簡》卷中之二云「表,古文《尚書》兢。」「無教逸欲有邦,兢兢業業,一日二日萬

之常。〔傳曰〕不爲逸豫、貪欲之教,是有國者〔馬曰〕一日二日,猶日日也。《尚書》疏。

幾,嫌似不見日日有萬幾,故通其義也。 〔案曰〕馬云云者,但言一日二日有萬

「無曠庶官,天工人其代之。

云"「工,官也。」天亦有官,故言不下治〔案曰〕王云云者,《周頌•臣工》毛傳

人。代,居也。

有典」,馬本作「五典」。 「天敘有典,勑我五典五惇哉!〔《釋文》曰〕

恭、子孝是也。下。〔疏曰〕五典,父義、母慈、兄友、弟皆勑正我五常之教,❷使合于五厚,厚天儅舟□〕天次敘人之常情,❶各有分義。

《史記•五帝紀》云「信飭百官」,徐廣 《漢・藝文志》引《易》云「明罰飭法」。 也。 恥力反。《字林》作勅。 曰:「先王以 經及下文「敕天之命」、《康誥》云「惟民 此字古本作敕、《説文》卷三下攴部云: 〔案曰〕傳以勑爲正者,《易• 敕,誠也。 讀爲勑、勅 飭,古勑字。」高誘《吕覽》注 一云整也。」」古或借作飭,或作飾 臿地曰敕。 明 ĪĒ. 罰 也。」是勑有正訓 勑法。」《釋文》: 鄭云:『勅猶理 从支,東聲。」此 噬嗑》 云: 也。 象

> 其敕 《孔廟禮器碑》勑字,叔節《西嶽華山 敕」,箋云:「祝釋嘏辭,以敕孝孫。」蓋古 皆作敕。《毛詩・小雅・楚茨》「既匡 作勑,而諸經敕亦作勑。《説文》卷十三 敕者十數、《後漢書》始變爲勑。 廣漢、韓延壽、王尊、朱博、龔遂《傳》言 吏,俱載其文爲「敕曰」。 者教戒之辭亦曰 又「告敕于帝」,并《易・噬嗑》象詞 公房碑》云「勑尉部吏收公房妻子」, 石沛相楊統碑》云「孝以勑内」,《仙人唐 **卜力部云:「勑,勞也。** 云「京兆尹 公移敕書」,而孫寶告督郵,何並遣武 ·懋和」、《多士》云「敕殷命終于帝」, 張參《五經文字》云:「敕,古勑字, 、勑」、《監都水椽霸陵杜 敕。《漢・陳咸傳》 从力來聲。 韋賢、丙吉、趙 又韓勑 遷 碑》 市

[「]情」、《尚書正義》作「性」。

[「]教」、《尚書正義》作「敘」。

工。」蓋勑音賚,與敕字音義迥别也。皋舞」注云:「來,勑也。勑爾瞽,率爾衆今相承皆作勑。」《周禮•樂師》「詔來瞽

「有庸」,馬本作「五庸」。「天秩有禮,自我五禮有庸哉!〔《釋文》曰〕

制門》。 以接之,使有常。 卿、大夫、士。《尚書》疏。○《玉海》六十八卷《禮 餼、飧牢,禮各有次秩以接之。 車旗、衣服、國家、禮儀、饗食、燕好、饔 有禮,當用我公、侯、伯、子、男五等之禮 六十八卷《禮制門》。 也,士也,庶民也。 鄭曰〕五禮,天子也,諸侯也, 〔傳曰〕庸,常。 [王曰]五禮謂王、公、 [疏日]天子至諸侯 《尚書》疏。 自,用也。 ○王應麟《玉海 天次秩 卿 大夫

> 以 侯,非也。 禮」,泛言平日通于天下,故鄭兼天子及 禮」是天子巡守、諸侯來朝而修之,故 節。」《禮記・禮器》篇云「天子之豆二 宫室、車旗、衣服、皆以七爲節。 庶民言之。 八,下大夫六」之類是也。 有六,諸公十有六,諸侯十有二,上大 命,其國家、宮室、車旗、衣服,皆以 衣 爲公、侯、伯、子、男之禮。 服,皆以 九爲節。 王義小别, 傳專指 侯伯七命 《堯典》「 此 其 國 五等諸 子男五 經 五 夫 爲 Ŧi. Ŧī. +

「同寅協恭,和衷哉!

同敬合恭而和善。 《與曰〕矣,善也。以五禮正諸侯,使〔鄭曰〕并上典禮,共有此事。《尚書》疏約鄭

鄭意總 也。 案曰〕鄭 孔 專承五禮,非 承 上五 云「并上典禮 典 **T**i. 禮 也。 皆 共有 當 鄭 注 同 此 無 敬 事」者,

旗、衣服

各有次秩。

《周禮

春官

「上公九命,其國家、宫室、車

大夫也,士也,庶民

也」者、疏約禮文、車

〔案曰〕鄭云「五禮,天子也,諸

侯

也

卿

此亦當「寅在心,恭在貌」也。「嚴恭寅畏」云:「恭在貌,敬在心。」則于

「天命有德,五服五章哉!

大夫、士之服也。 (鄭曰]五服:十二也,九也,七也,五也, 大夫、士之服也。尊卑彩章各 侯、卿、大夫、士之服也。尊卑彩章各 侯、卿、大夫、士之服也。尊卑彩章各 侯、卿、大夫、士之服也。尊卑彩章各 三也。《周禮》十九卷《春官·小宗伯》疏。○《禮 三也。《周禮》十九卷《春官·小宗伯》疏。○《禮 三也。《周禮》十九卷《春官·小宗伯》疏。○《禮

文也。章,自天子至卿大夫凡五等,詳見下章,自天子至卿大夫凡五等,詳見下五也,三也」者,自日月至黼黻凡十二〔案曰〕鄭云「五服:十二也,九也,七也,

「天討有罪,五刑五用哉!

〔傳曰〕天以五刑討有罪,用五刑宜

「政事懋哉! 懋哉!

故人君聽政治事,不可不勉。〔傳曰〕敘典秩禮,命德討罪,無非天意

鄭《周禮》注、盧辨《大戴禮 威。〔《釋文》曰〕畏如字,徐音威,馬本作威。 天聰明,自我民聰明。 之,是天明可畏之効。 明可畏,亦用民成其威。 之。天視聽人君之行,用民爲聰明。 烝民》疏。 言天所善惡與民同。《詩》十八之三卷《大雅・ [傳日]天因民而降之福,民 鄭曰〕天之所謂聰明有德者,由民 〇〔案曰〕此疏誤 ·用兵》篇注,引此並作「威」。 天明畏,自 以 此爲 民所叛者天討 所歸者天命 鄭 《太誓》注 我民 〇(案日) 也。 天 明

所謂聰明者,天亦以 聰明屬天,則是《太誓》「天視聽 指人君 言「民好懿德」,又言周政 民也」者,鄭于《烝民》詩 (案日)鄭云「天之所謂 有 聰明睿知之德者而 爲聰 箋引此 聰明有 教 明 光明,民之 則 言。 經、《詩》 德者,由 自 聰 傳 明

聽」之義,非此經意也。

「達于上下,敬哉有土。」

賤,有土之君不可不敬懼。 〔傳曰〕天所賞罰,惟善惡所在,不避貴

襄哉! 吏反。 魏晉,其時自日未必相亂,當從之。 皋陶曰:「朕言惠,可厎行。」禹曰:「俞,乃 人實反,一音越。 别,自古文變改,二字相亂。 言厎可績。」皋陶曰:「予未有知,思曰贊 《釋文》音越,一音人實反。 考以音越,象氣出口。 母,人實反,象形。二字本 疏則作越音。 襄,息羊反。○〔案曰〕「思曰」之「曰」,疏作音越 」[《釋文》曰]知如字,徐音智。 然此二字,孔傳皆作音越。 《吕刑》「由慰曰勤」、《釋文》 故《洛誥》「今王即 至此「思曰」,孔傳無 思如字,徐音息 孔傳雖出 命曰」, 費

古行事 謙也。 所知 我未有 [王日]贊贊猶贊奏也。 鄭 曰〕贊,明 ,所思徒贊明帝德,揚我忠言而已。 《尚書》疏 所 而言之。 知、未能思致 也。 「馬 因禹美之,承以謙辭。 襄之言揚。 日〕襄,因也。 《尚書》疏。 于 善、徒贊奏 言我未 《釋文》。 傳 1 有

> 見有 詞, 義也。 襄。」鄭以皋陶爲謙,今因人成事正是謙 及《費誓》。 也。」襄、《説文》云「解衣耕」,解衣亦揚 德,揚我忠言」者,《説文》: 案曰〕鄭以 則馬訓亦得備一義也。 明義。《詩譜序》疏亦云:「贊, 馬云「襄,因也」者,義見《君 費 又《謚 〔爲明,襄爲揚,言「贊明帝 法》:「因 「贊,見也。」 事有功 明

日來禹」以下爲《益稷》,今就鄭氏元本。帝,予何言? 予思日孜孜。」〔案曰〕東晉分「帝帝曰:「來,禹,汝亦昌言。」禹拜曰:「都,

我復何所言乎!《尚書》疏。 〔王曰〕帝在上,皋陶陳謀于下,已備矣,

也」是也。 一篇也。「孜孜」,《説文》攴部云「汲汲一篇也。「孜孜」,《説文》攴部云「汲汲〔案曰〕王云云者,承上而言,王亦通爲

天,浩浩懷山襄陵,下民昏墊。 皋陶曰:「吁!如何?」禹曰:「洪水滔

之時,人有没陷之害。《尚書》疏。 昏,瞀。墊,溺。 鄭 曰〕昏,没 也 皆因水災。 墊,陷也。 禹言洪水 「傳日」

義也。 《説文》卷七上日部云:「昏,日冥也。」卷 引《方言》同。 「日冥」有没義,「下」有陷 十三下土部云:「墊,下也。」《成六年》疏 〔案曰〕鄭云「昏,没也。墊,陷也」者,

予乘四載,隨 山刊木。

記 梮。」未知孰是。 水行載舟,泥行蹈橇, 水十三年,三過家不入門。陸行乘車, 乘輴,山乘樏。 傳曰〕所載者四,謂水乘舟,陸乘車 木,開通道路以治水。 河渠書》云:「《夏書》曰:『禹湮洪 洫 志》云"「泥行乘毳,山行則 隨行九 山行即橋。」《漢 州之山林,刊槎 _ 疏 曰」《史

案曰]傳云「所載者四,水乘舟,陸乘

合也。 爲道,以望觀所當治者。」是孔與 《禹貢》注云:「 《左傳》:「陳侯會楚子伐鄭,當陳隧者, 井堙木刊。」杜預云:「刊,除也。」鄭玄 云:「隨行山林,斬木通道。」襄二十五年 所引是。《禹貢》與此同文,孔于彼 此字古作「栞」,而栞爲「槎識也」。 即剸也。傳又云「刊槎其木」云云者,木 部栞字注云:「槎識 「山行乘欙,澤行乘輔」。 木部引《虞書》此文 車,泥乘 夏書》曰:『隨山栞木。』讀若刊。」然則 輴 一, 山 隨州中之山而登之,除木 乘樏」者、《説文》卷六上 而釋之, 舟車外作 也。从木、跃,闕。 樏即欙省,輴 木部 傳

「暨益奏庶鮮食。〔《釋文》曰〕鮮,徐音仙

于民。 獸,民以進食。 〔馬曰〕鮮,生也。《釋文》。 鳥獸新 殺 日 鮮。 與益槎木,獲鳥 傳 日〕奏謂進

隨 案 三,則 刊所得,下決川所得也 魚 日 也」,是 此 馬 云云者 鮮 食」,鄭必 也。 · 内 下 則 鮮 以 《》「冬宜 爲 食」,鄭 「鳥獸」, 鮮 \overline{Z} 魚 此

濬作容,畎作く,澮作以,川 予決九川,距四海,濬畎澮距 部、公部、《部、谷部,而《部、谷部皆引《虞書》此文爲 之至川 海。 州之川 卷馬季長《長笛賦 Ш 里之間,廣二尋、深二 傳曰」 鄭 也。 部作「濬く公距川」。 曰]畎澮 《史記• , 亦人海。 也。 畝之間,廣尺、深尺 距,至也。 李昉等《太平御覽》六十八卷《地 · · ; 田 夏本紀》裴駰集解。○《文選》十八 》李善注。 間 溝 決 作似,並見《説 谷部作「容畎澮距川」。 也。 九 Ξ 仞曰 州 澮 曰〕九川者,九 名 日畎 澮。 所 إال ЛĮ, 文》卷十 以 通 通 澮 案日 之至 畎 方 部》。 于

水道 案曰]鄭云「畎澮 溝 也。 有畎、遂、溝、 又云「澮所 洫 以 田 間 通 , 若 水 溝 于 也 散 文 Ш 者 也 則 通 田 間

> 鄉,日 耦 地,用 又 鄭 記
> 三
> : 鄭還約《匠 洫 義:「此 道、路、皆所 洫 通水于川也。 達于畿。」 澮,澮上有道。 野,夫間有遂,遂上有徑。 五塗則同。 上有畛。百夫 注 倍溝 澮 解 川 距 《載 井田 廣 四處公邑,皆用 · 澮 耦之伐、廣尺、深尺、謂之 也。 「匠人爲溝洫、耜 Ш 溝 深 師 鄭注:「遂、溝、洫、澮,皆所 之 法。 亦 洫 廣二尋,深二仞。徑、畛、涂、 故《地官·遂人》云:「凡治 王畿 》「廛里」 義 以 與 法 并 有洫, 洫上 遂廣深各二尺,溝倍之, 萬夫有川 通 二者立制 井 與 田田 千里,分爲五 畎、 井田 車 田 一之法 溝、澮 徒 溝 遂、 以 異制,其 洫 于國 下 廣 而言也。」《考工 溝、 /;川上 有涂。千夫 不 十夫有溝, 法 九等田 五寸,二耜爲 廣 同, 洫 都 深 曰三等采 等 : 有路, 注 (遂、溝、 也。」正 然 同 巛 澮 五 有 以 溝

里治洫 里,九而方一同,以南畝圖之,遂縱 澮。」 成中容 具,以出賦税,共治溝也。 佃 夫爲屋。「一井之中,三屋九夫,三三相 洫 云:『夫間有遂,十夫有溝,百夫有洫 十四成,方八十里出田 地制井田, 有 之澮。」鄭注: 井 倍 百畝,方百步。 里爲成,成間 一,井間 澮,萬 ,異于鄉、遂及公邑」者,按《遂人》 侯亦制井田 正義云:「『畿内采地之制』者,對畿 方百里爲同 一甸,甸方八里出 廣二尺,深二尺,謂之遂。 方百里爲同,同 夫有 廣四尺,深四尺,謂之溝。 異于鄉、遂及公邑。」一夫所 「此畿 川。」方三十三里 廣 一,與此 九夫爲井,方一里,三 同 八尺,深八尺,謂之 間 内采地之制。 廣二尋,深二仞, 同。云『采地 税,緣邊十里治 中容四都、六 田税,緣邊一 方十里爲成, 少 九

> 洫、澮、 但 倍之謂之遂」,遂則横 間之界耳。無遂,其 横,澮縱自然川横。其夫間縱者,分 澮。 洫,洫注入澮,澮注自然入川。 田 惡取于此,不税民之所自治,是溝洫、井 不同,又彼 九 而溝横。此不云「夫間有遂」,云「田 人》云「夫間有遂」,以南 十一而貢,此則九夫爲井,井稅一夫,美 横 彼云「九澮 成,以三隅反之,一同 異也。」井田之法, 畎縱遂横, 溝 而 洫 井田 方一 縦 JIĮ, 澮 則一 同,●則百 溝洫法以 横, 依此遂、溝 司 而 九 Ш 惟 澮 周其外」,川則人造 一澮。 里之内 而 爲貢、衹 遂注]1] 而溝縱 縱横參之可知。 畝圖之,則遂 周 既 可見矣。 入溝,溝 九 其 就夫税之, 溝、澮稀 也。 九八十 此 自 略 注 若 舉 稠 夫 洫 以

「以」,原作「一」,據《周禮注疏》改。

九四

故宜 彼南山,維禹 溝、洫等在其中。 禹盡力乎溝洫。」此經言「畎澮」, 于禹,三代相因不變,故《詩》云: 此 我疆我里,南東其畝。」《論語》云: 爲 百里有澮,澮 自 然川也。 甸之。 愚謂 水 畇畇原隰,曾孫田 注 井田 人 川,相 溝洫 則遂、 去 之制 逆,

反,馬本作根 暨稷播,奏庶艱食鮮 食。 〔《釋文》曰〕 製,工 開

根食、根生之食、謂 疏。○《詩》十九之二卷《周頌·思文》疏。 曰〕艱,難也。 鄭曰〕禹復與稷教民種 授以水之衆鱻食,謂 衆難得 百穀。 食處,則與稷教民 澤物菜蔬 魚鼈。 《釋文》。 馬 《尚 難 (傳 厄

古以菜 傳》云:「神農種棠、疏。」 曩即穀字 案曰]鄭以 種之。 決川 爲 艱 艱 食爲「菜蔬 有魚鼈,使民 食,《 白虎通》引伏生《大 難 鮮食之。 厄之食」者,

> 先食 以 蔬 訓,其義不如鄭密也 馬作根,以艱爲 則于下「烝民乃粒」句見之。 釋言語》篇,亦見《唐扶頌》,是古有 此 字。 鳥 艱 獸、菜蔬、 食 説 文》無 獨 爲蔬 蔬。 《根,見劉熙《釋名》卷四 魚鼈,至播 者,是時水 穀、蔬 上 古 種 患 鄭注是也。 己 百 未 兼 穀,意 平 種 故 鄭

懋遷有無化居。 《纂傳》,吴澄《纂言》。 〔案曰〕懋,《大傳》作「貿」,見王天

滿而 〔王曰〕易居者不得空去,當滿而 居謂所居積 來也。《尚書》疏。 傳 曰〕化, 易也。 去,當

見矣」,「變化」即「變易」是也。 案曰〕王以 化爲易者、《繫辭 傳

烝民乃粒,萬邦作乂。」

頌·思文》疏。 粒 鄭曰〕粒,米也。乂,養也。 食,萬國 作相養之禮。 [傳日]米食曰粒。 《詩》十九之二卷《周 衆民 言天下 乃復

由此爲治本。

[案曰]鄭云「粒,米也」者、《周頌‧思之」、毛傳皆云:「艾、養也。」古义、艾节,養也。」郭璞注云:「汝、潁、梁、宋之間曰艾、《方言》云。」又《小雅‧南山有間曰艾、《方言》云。」又《小雅‧南山有意》云「保艾爾後」、《鴛鴦》云「福禄艾之」、毛傳皆云:「艾、養也」者、《獨論》云「向也。

皋陶曰:「俞! 師汝昌言。」

禹曰:「都! 帝,慎乃在位。」帝曰:〔傳曰〕言禹功可師法。

禹曰:「安汝止,

敬」,謂此類也。 《史記·夏本紀》集解。〔傳曰〕慎在位,當先安好惡所止。〔疏曰〕心之所止,當止好安好惡所止。〔疏曰〕心之所止,當止好安好惡所止。〔疏曰〕心之所此,當此好

「惟幾惟康,其弼直,惟動丕應徯志,以昭訓止,故以「安汝止」爲「定汝所止」也。〔案曰〕鄭以安爲定者,《釋詁》安、定同

受上帝,

志。非但人應之,又乃明受天之報施。所止,動則天下大應之。順命以待帝用直人。徯,待也。昭,明也。帝先安〔傳曰〕念慮幾微,以保其安,其輔臣必

「天其申命用休。」

《史記·夏本紀》集解。 [傳曰]天又重命 〔鄭曰]天將重命汝以美應,謂符瑞也。

用美。

類是也。「謂符瑞也」者,謂若河圖出,鳳鳥至之也。」是也。休爲美者,《釋詁》文。又云也。」是也。休爲美者,《釋詁》文。又云「保右命之,自天申之。」毛傳云:「申,重〔案曰〕鄭以申爲重者,《大雅・假樂》:

帝曰:「吁! 臣哉鄰哉! 鄰哉臣哉!」禹

九六

曰:「俞。」

相須而成。《尚書》疏。〔傳曰〕鄰,近也。言君臣道近,爲我臣哉。反覆言此,欲其志心入禹。〔鄭曰〕臣哉,汝當爲我鄰哉,鄰哉,汝當

文。」反覆而言,欲禹識之于心也。字。《禮運》「丘有志焉」注:「志謂識,古[案曰〕鄭云「志心入禹」者,《説文》無志

〔鄭曰〕動作視聽皆由臣帝曰:「臣作朕股肱耳目。

也。

尚

書》疏

作耳目 支。」乾二升坤五,故正 有大焉,舍己從人」 故暢于四支,即臣作君股肱之義也。 案 一,故居下體 傳曰〕言大體若身 説坤六五 曰〕鄭云云者,作股肱則 則由以視聽 云"「正位居 四 支謂 也。 是 股肱,六居下體, 一陽位,坤五降 也。 《孟子》曰「大舜 《易• 體,暢于四 由以動作 文言 又

是臣作君耳目之義也。乾坤升降,坎離既濟,坎爲耳,離爲目,

「予欲左右有民,汝翼。

同 彼注云:「左右,助也。」《釋詁》左右與 象》曰「以左右民」,李鼎祚《集解 助我所有之民,富而教之,汝翼成我 [案日]馬以左右爲助民者、《易・ 史記・夏本紀》集解。 [馬曰]我欲左右助民,汝當翼成 訓勵,是得轉 相訓 〔傳曰〕左右,助 也。 我 引鄭 也。 也。 肋

予欲宣力四方,汝爲。

鄭陟 从來亏聲。 音早,本又作藻。 [《釋文》曰]會,胡對反,馬、鄭作繪。 蟲,作會;宗彝、藻、火、粉米、黼、黻,絺繡 一予欲觀古人之象,日、月、星辰、山、龍、蕐 [傳日]布力立治之功,汝羣臣當爲之。 里反。 黼音甫。 或作考,从艸从夸,況于切。 ○〔案曰〕《説文》 弩萼皆部首, 雩, 艸木萼也 黻音弗。 粉米、《説文》作「粉默」,徐本作絲,音 絺,徐勑私反,又勑其反, 彝音夷,馬同。 萼,榮也。 馬同 从艸

若古。 若敷。 域,開 而不用 注引作績,繪同。《説文》卷十三上糸部亦引作繪。 平聲讀則爲榮,上聲讀則爲山。 切。三字音義各別。 米」、《説文》卷一上玉部引作「璪、火、黺米」。 《周禮》「希冕」,引《書》「希繡」而曰:「希讀爲絲,刺也。」 也 作 蒂,字之誤 口 注云「會讀爲繪」,則鄭本仍作會也。 加艸而變音,皆非也。 後人不知,竟以榮與山二字合爲一 别造花字代之。又三字皆變其音。 瓜 呼,無其字以當之。 切。 也。 Ш 然則鄭本作希,但字誤,實則當作 弩古讀若敷,葵古讀若孤,葵 > > 当 今此經 弯正當从 承从亏,讀 會,鄭作繪,《周 婆陰, 而艸木藝之 等字, 从 Щ ,皆从艸 「藻、火、粉 禮 此 省 絲, 司服 音 从等。 然疏 起西 胡

服 也,六者畫以作繪,施于衣也。 彝,故以宗彝 廟 鄭 之鬱鬯尊 也、火也、粉米也、黼 日月至黼 鉄 也 曰」會 日也、月也、星也、山也、龍也、蕐 讀 謂 黻,凡十二章,天子以 刺 爲 也。 名 也。 繪, 虎蜼也。 宗廟 謂畫也。 宗彝, 彝器 也、黻也, 六者紩 粉米,白米也。 虎 締讀 有虎彝、蜼 蜼 宗彝也、 也,謂 爲 飾 祭

履祥 傳》疏。 疏。 傳》三卷下。 **毳冕。** 服 祥道《禮書》一 ○又二十一卷《司服 十九卷《小宗伯 約鄭義。 故以毳言之。 冕五章,以虎蜼爲首。 冕七章,以蕐蟲 衮冕九章,以 以 畫,舉其首章以名服耳。 上下,更其等差。 辰 書集傳》一卷。 類 爲 爲 ※通 ○衛湜《禮記 旂旗, 繡,)章如 ○聶崇義《三禮圖》一卷。 鑑前編》二卷。 0 ○《釋文》。○林之奇《全解》六卷。○蔡沈 衮、鷩、毳者,各是其服章首所 \pm 愚《山· 施 應麟 ○陳師凱《書傳旁通》一卷下。○《周禮 謂龍爲衮、宗彝爲毳,或損益 于 ○胡士行《詳解》二卷。 《玉海》八十 集説》二十七卷。 堂羣書考索》四十二卷《禮器 毳, 亂毛也。 龍 裳也 ○《隋書》十一 》 疏。 ○又二十卷《春官· 爲首 爲首。 《周禮》有衮冕、鷩冕 ○董逌《廣川書跋》一卷約 ○又四十卷《冬官考 至 虎毛淺, 雖毛 周 毳是虎蜼也, 鷩是蕐蟲 卷《冕服 卷《禮儀志》。 〇又二十卷。 衮是衮龍 〇昭二十五年《左 而變之,以三 《尚書》疏。 〇王天與《篡 門》。 司尊彝》疏 也, 工記 〇又 深, 也,

◎ 玉 龍、 衣 以 山 黻爲兩己相背,葛之精者 火字,粉若粟冰,米若聚米,黼若斧形, 日 注。 紺 繡 辰 Ŧi. 也 華 蟲 龍、 珠 海 一采成 光 火 天子 王 蕐 蕐 卷。 爲 十三卷《旌旗門》。 日 此 蟲 象 飾 ○《文選 舜 Ш 畫 于 艸 時 焉 衣 藻, 龍、 蕐 服 Ť 蟲, 水艸 辰 宗 蕐 旌 卷 即 廟彝樽,亦 旗。 雉 蟲 (傳日 何平叔 有 也。 耳。 日 于 文者。 會,五 絲,五 旌 《景福 日 畫 尚 旗 月星 書》疏。 以 采 殿 不 色備 火爲 賦 Щ 也 爲 在

云: 鄭 川 也、 時 即 以 日」鄭 龍 山 馬 當 獐 者,《考工 也 以 表 畫 · 讀 云 111 龍 山 云者, 也、蕐 爲獐,獐 蕐 以 并 蟲」,傳云 記 龍 畫 **学**山 見 穜 鄭 蟲 水。 Ш 以 也 畫 以 物 日 雉 六 水 周 章, 也、 龍 章 也,蕐 并 制 水物。」 水以 畫 繪 如 月 龍 此 也 龍 艸。 鄭 疏

之白, 飾」。 黄。 色。 以 艸 知不 疏 相次。」是也。 疏 云宗彝「宗廟彝尊, 也、粉米也、 也 尊,不宜施 云: 雉 蕐 云 服 而忽及 東 也。 之外 青與白 以 鄭 疏 也。 北 謂 皉 方謂之青, 云「宗彝,宗廟之鬱鬯尊 月 蕐 彝 云:「宗彝文承『作會』之下, 蕐 方謂之黑,天謂 鄭 本 《考工 蟲名鷩者, 秦尊 蟲 于器物 尊,亦以 添 皆 月、星 注《司 黼 相 有 也 出 也 次, 鄭 蕐 記》: 旌 、黻也六章繡于裳。 又以宗彝也、藻也、 殊 爲 赤與 南方 也。」愚謂 服 蕐 旗, 艸 山、龍、 覺 亦 》「鷩冕」云: 飾 蟲, 蕐 以 以 「畫繢之事 錯 亦 者, 黑 謂之赤 爲 其 Ŧi. 山、龍、華蟲 雜 無 之玄,地 相次, 美 孔 色之 頭 蕐 蟲 謂 不 此 以 似 倫 雉 言 也。 玄與 西 鷩 蟲 傳 爲 Ŧi. 辰 謂 服 飾 方 襍 也 也。」 鷩 色 疏 且 火 黄 謂 之 傳 之 Ŧi. 于 之 故 爲

也。 米。」蓋傳以宗彝不在服章之列,故 不分粉米爲二,以足其數,謬也。 然,在裳」。 數尺,鼻露 郭璞云: 夏物,鳥 以 彝是裸 目是周 廟 彝、蜼彝。 鬱鬯尊」。 雞 彝 有 「爲圜形似火也。」 粉米, 傳云: 彝, 虎 黼 按《考工記》云:「火以 時 彝,則虎蜼自是虞之彝器矣。 彝、 白米也」,此説得之。 若 彝其 殷以斝,周 「蜼似獼猴而大,黄黑色,尾 有 所用,裸 《禮記 向 . 斧 蜼彝。 《爾雅》云: 二鄭説不同,後鄭之説 形、黻 上。」是也。 類 則 謂 據《周 同 明堂位 爲 以黄 粉若粟 酌 矣。 康成謂「形如 兩己相背。」《爾 「蜼,卬鼻長尾。」 鬱鬯以 斝 禮 目。」然則雞 火,傳云「爲 斝是殷彝 》曰:「夏后 冰, 圜。 上 先 黼、黻, 獻,故 米若 不 半 黄 云 聚 鄭 火 長 又

《周 裳用 刺者 線繡是 等差。」按哀七年《左傳》「天之大數不過 也。 繡。 衮冕,享先公、饗、射則鷩冕,祀四望、山 十二章,天子以飾祭服。] 凡畫者 用 雅 十二」,故鄭 此經皆述 而 周禮 一,以法天也。 黼 身黑。 龍 絺 禮》疏云:「希繡者,孔 文如 繡。 爲 鄭 爲衮,宗彝 鄭又總説此經云"「自日月至黼黻 釋器》云:「斧謂之黼。」 者 繡。 讀 也 春官 斧形。」蓋半白半 「至周 虞亦 祭 黻謂刺繡爲己字相背, 絺 服 絺,傳云「葛之精者 爲黹, 以 此繡與繢各有六,衣用繪, 不應 ,祭服玄纁爲之,後代無 粉 爲 云 司 而變之,以三辰爲 米 三至周 毳,或損益上下,更其 服 || 云: 謂 有以 爲 刺繪 一,加宗彝凡 而變易之」者, 絺 以爲細葛上爲 黑 爲 王享先 爲繡 繡。」鄭 孫 似 炎 斧 以 之事 游旗, 爲 王則 云 愚 青 刃 繢 是 白 黑

鷩 畫 繡。 明 祀 宗彝,尊其神明 日 H 章,凡七也。 宗彝,皆 二日 毳,罽衣也。]]玄謂古天子冕服十二章 Ш 服 無文,裳刺 也,其衣一章,裳二章,凡三也。玄者 三章,裳二章,凡 粉米,次八 也 月 月星辰 則 則 皆玄衣纁裳。」賈疏云:「『衮,卷龍衣』 司農云:『衮,卷龍 Щ 星 毳 以雉 玄冕。」注 則衮之衣五章,裳四章,凡九也。 冕 辰 ,次三曰蕐蟲,次四 而 畫 畫 謂蕐 冕服九章, 云云。「王者相 祭社 以 黻 于旌旗,所謂三辰旂 毳 畫 爲 而 黼,次 云: 也。 稷、 繢。 已,是以 蟲 五. 虎蜼 「冕同者 也。 九 章: Ŧi. 也,其衣三章, 九日 登龍 衣也。 次六日藻,次七 祀則希冕,祭羣 ,謂宗彝也 希刺 謂玄焉。 黻,皆希 于山 變,至 曰火,次五 初一日龍, 首 鷩,裨衣也 粉 米, 飾 周 登火 旗 其 尊 凡冕 裳 而 昭 無 爲 衣 衣 四 次 于 以 書 日 日 其

從也。 布。 耳 星 意虞 《覲禮》『侯氏裨冕』,鄭注 者 龍 旂 虞時亦以 周 雅》『毛氂謂之罽』,則續毛爲之,若今毛 衣,其言不足矣。云『毳,罽衣』者,《爾 則裨衣自衮以下皆是,先鄭獨以鷩爲 也。天子大裘爲上,其餘 衣』者、《禮記 衮。』故 畫 旗 無十二 爲旂,熊虎 ,引之證 鄭注《禮 日月爲常。 時 昭 于 先鄭以爲 『玄謂』云云,明舜時十二章, 無 旌 先 其 日 章也。『王者相 旗 日 鄭 周 明 月 月 記》芸: 衮、卷并言 爲旗 世 也 • 『登龍于 則 星 星 毳,于義不 曾子問》云『諸侯裨冕』, 日)°]« 衣 畫 畫 ,不畫日 月星畫于旌 無 于旌旗 于 桓公二年》,臧哀 『卷,俗讀, 日月星也。 旌 山」者,周 旗 之 云:『裨之言埤 變』者,孔君 ()與周 可,故後鄭 爲裨。」若然 月星, 也 旗 其 『鷩, 以蟲 連 時 同 也 通 引之 日 則 獸 裨 月 義 至 辰 不 裨 鄭

章 : 數,裳是陰,從偶數。 也。」《穆天子傳》:天子葬盛姬,畫日月七星,蓋 常》「日月爲常」,又云「王建大常」,注 章者,刺黻于裳而已。」又按《春官・司 文,裳刺黻而已』者,以祭服衣本是玄, 然則毳冕之粉米亦刺之也。『玄者衣無 亦刺之,故得希名,故鄭特言粉米 然刺繡,但粉米不可畫之物,今雖 者,衣是陽應畫,今希冕三章在裳者,自 宗彝、毳也、若不 云:「王 六章之首,不得爲 「三辰" 日、月、星。 今玄冕一章仍以玄爲名,明衣上無畫 一 一,何得 初一日 變而 畫 猶 失禮者。 日 月 名 不 龍』云云者,衣是陽,從奇 衮 登 龍 龍 象天明 登火于宗彝上,則 于 以 五 此不言星,實 『登火 上諸條所説虞、周 『希刺粉米,無 Щ, 章之首 心。」賈 則 于 當 也。 宗 以 疏 彝 山 在 毳是 有 畫北 也。 衣,

艸者 皆謬 官・ 衣,兼 蟲之一言,將 艸蕐,藻又爲水艸,九章之中何以 也、 也、黼也、黻也,以此爲九。 對趙簡 但 以虞時三辰 旌 自 旗 畫 爲鷩冕? 上,安在其爲卷冕? 制 龍也、華也、蟲也、藻也、火也、粉 也。 必矣。 最爲 Щ 獨多? 旌 司服》之九章也。 畫于旌旗 子 龍 旗 日 又昭二十五年《左傳》子太叔 以 明白。 周 乃孔 即 「禮爲九文」,此即鄭注《 下,是又反以 其 謬 何所 除去宗彝,又安在 時 畫于旌 ,其説既屬無據 三辰 傳則以 指? 0 虞 時三辰 不 旗 蟲類甚多 畫 (、不畫 虞時 而杜預 其謬二。 周 于 愚謂蕐 制 畫 衣 三辰 "; 王 于衣,衣 于衣, 爲虞制, 一其爲 則 丽 謂 山 但 取 一肅則 既 春 米 于 爲 Ili 于 而

0

[「]得」下、《尚書正義》有「以毳」二字、當據補

三。諸説總當以鄭爲正。 冕? 揆之《司服》之文,輾轉不合,其謬

以五采彰施 下。 (鄭日)性日 制 大 月 粉 自 黻,尊者在 星 〇昭公二十五年《左傳》疏。 〔馬 曰〕此 經 下,子男自藻火而 有 已用謂之色。此十二章爲五 Ŧī. 夫 米。 焉。 而 龍衮而下至黼 辰山龍蕐蟲,尊者 《尚書》疏。 官・ 采 加 下,諸 《尚書》疏約馬 公自山龍 粉米。 明 小 施于五 宗伯》疏。 于 侯 下。 采,施 白龍 五色,作服,汝明 ○《書傳會選》一卷。 上得 天子服 黻, 士 色,作尊卑之服,汝 義。 而下,侯伯 衮至黼 ○《禮記》十六卷《月令》疏 下,卿大夫自粉 曰色。 兼下, 在上,藻火粉 (傳 服 日 未用謂之采, 黻,士 下 月而 曰〕天子服 藻火,大夫 ·不得 服,天子備 ○《周禮 自 服藻火, 下 華 蟲 兼上。 米 日 米 一十九 加 月 而 侯 黼 而

璪火山 爲是。 火 次國 據伏 章,既非虞之十二章,又非周之九章,其 作繪黑也。 德,五服五章哉。]山 蟲,作繪宗彝璪火山 説經傳,並 也,卿大夫也。 鄭玄以爲天子也,公也,侯伯 爲天子也,諸侯 案 服 <u>Ŧ</u>i. Ш 遺粉米黼 日 龍,士 也 一。」此説 ,諸侯服四,次 生《書大傳》以 不分衣裳繪繡,其 《大傳》云:「天子衣服,其 一大夫 龍,子男宗彝 鄭云云者,五服 Ш 無所據。 宗彝 黻, 人也,士 龍。 上遺 也,卿也,大夫也,士也 三者不同,諸儒皆以 白也 其謬二。 故《書》曰:『天 日 國 也 龍青也, 華蟲黄也, 爲 龍。 璪],璪火 就其説考之,鄭 月星辰,其謬 服三,大夫服二, 天子 Ŧi. 火 孔傳及馬融 諸侯作繪 章,尊卑之别 山 以五色爲 謬 八赤也。 也,諸侯也 龍,大夫璪 四。 也,子男 天子 命 文 彝 有 蕐

火,故

以尊卑差之。

衣在

上爲陽,陽

統

在下』,黼

黻尊于

粉米,

粉

米尊

于

于上,故

所

尊

在

先。

裳在

下爲陰,陰

統

故所

尊

在後。

天子、諸侯下

也。

孔以

此

經上句『日月

星

一辰山

龍

蕐

不同、當加黼黻爲六章。

孔不言,略之

大夫加粉米四

章。

孔注五服,卿與

大大夫

二章,諸侯龍至黼黻八章,士藻火二章,

得僭上。

正義:「天子日月至黼黻十

蟲,尊者在上』,下句『藻火

粉米黼黻,

尊

服

日月而下,諸侯

自龍衮而下至黼黻,

服

藻火,大夫加

粉米。

上得兼

下,下

卿、大夫、士之服。

于作服

,則以爲天子

顯然。孔于五

服

則

以

爲天子、諸侯、

赤。

玄或疑焉。」是則《大傳》之説,其謬

而

以爲黄。

璪,水艸,蒼色,而

以爲

鄭注《大傳》亦云:

季

·蟲,五

一章,其謬五

火

Ш

龍

並

合爲一

有焉。 下 無據,其謬六。 章,則較天子少四 因, 不得 下。」考之《司服》云:「公之服 鄭云:作服者,「十二章爲五服,天子 理,其謬五。 古者尊卑降殺以 黻 以《雜記》「天子 辨尊卑,三等諸 粉米爲二,其謬二。 七月而葬,諸侯 ,子男自藻火 如王之服,侯伯之服,自鷩冕 不得 大 等,究屬牽强,其謬三。 周卿大夫爲 僭 公自 夫粉米 服 上 粉米, 也。」此 Ш 衣從上 兼 龍 是孔 而下,卿 Ŧī. 九虞,諸侯七 侯豈無分别? 大夫不得 服 説遺去宗彝, 而 章,太相懸絶,必 ,此分爲二,其謬四 兩,諸侯自龍以 月而葬」證諸 藻火,是 數,裳從下數,鑿空 下,侯伯 説亦不足信也。 章服之制 大 服 夫 帝王之制 上 黼 自 自 自 虞。 專 得 其謬一。 黻 蕐 侯同 Œ. 而 粉 衮 是下 兼 天 爲 下 義 米 下。 此 . 為 欲 而 而 相 雖

0

朴,孤 服; 故知鄭説是 服。」鄭意 之服 公之服 以此推之,則虞時 道尚文,其服 損益相因,皆降殺以 龍,鷩即蕐 登龍于山,登火于宗彝」,則虞周 文,裳刺黻 卿 與卿 大 孤 大夫之 子男之服,自毳冕 謂 之 大 蟲,毳即宗彝,希即 也。 服 周 而已。 夫 與 制 服,自玄冕 自 無 惟上公置孤卿 卿 王 希冕 士當服 以 大夫又 别,皆服粉 兩,配合甚爲有理, 大裘代 圃 玄冕 别。 而 下 而 三辰,衮即 如 下 粉米。 下 米而 而 一人,周 虞時質 如 子 如 之制 男 孤 侯 衣 又 之 之 伯

「予欲聞六律、五聲、八音,

濁,聖人差爲宫、商、角、徵、羽 疏。 聲高下,各有所準,聖人制六律,與五 金、石、絲、竹、匏、土、革、木,八音有 鄭曰〕六律,舉陽,陰從可 〔傳曰〕言欲以六律和 聲音。 知 也。 五. 聲。 **「疏** 《尚 書 清 五

相均。

说詳《堯典》。 〔案曰〕鄭云云者,舉陽六律該陰六只

輒改。 治忽 始詠」,則别是 時伏生本已亡,亦不知其何本也。 謂司馬貞所謂古文,即今僞本,不足信。 亂,始又與治相似,因誤。 作「采政忽」。 作「在治智」。 忽。」引鄭注云云。 忽」、《史記》作「來始滑」,裴駰云:「《尚書》滑字作 在治忽,以 一何别? 其義則注中詳之。 今云 司馬貞《索隱》則云:古文「在治忽」,今文 其説非是。 一説,與鄭注及僞孔氏皆不合。 出 裴駰親見鄭注,據其説則 「來始滑」、來、采字相近、滑、忽聲相 納 Ŧi. 至《漢・ 此經當依鄭作「在治智」,未敢 當依今文「采政忽」三字。 言, 汝聽。 律歷志》引 且「采政忽」義與「在 所謂今文,則 〜 案 在治 日」「 書 忽 在 愚 治

卷。 下 官。《史記 Ŧi. 命者也。 鄭曰〕智者笏也,臣 德之言,施于民以成化,汝當聽 治理及 ○王應麟《困學紀聞 忽怠者,又以 君亦 夏本紀》集解。 有 焉, 门》二卷。 見君所秉, 以 〇又司 出 出 納仁義禮 傳 内 馬貞《索 政 教 書 在 審之。 于 隱 思 五. 對

詘焉。 也。 詘謂園殺其首,不爲 也 諸侯荼,前詘後直,讓于天子也。 竹,本象。」注 思念將以告君者也。 所,史進象笏,書思對命」,注云:「思,所 頭,是謂無所屈,後則恒直。 首,終葵首者,于杼上又廣其首,方如椎 前詘後詘,無所不讓也。」注云:「此亦笏 也、大夫、士飾竹爲笏、不敢與 球玉 有己君,又殺其下而 ,謂之珽,珽然無 也。」又:「天子搢珽,方正于天下 皆用之。今此曶字,从勿諧音,从 反。」蓋笏之制其來已久,自天子 命,所受君命者也。 一,諸侯 大夫奉君命出入者,上有天子, 鄭云云者、《玉 以 云:「球,美玉也 象,大夫以 所屈 椎頭。 藻》云: 對,所以對君 圜。」又「將適公 也。 書之于笏,爲 諸侯惟天子 茶讀爲舒。 須文竹, 杼上終 (君並 文猶 大夫 用

與孔 也。 訛从 又,二 太士、太 官,先六太, 官明矣。説詳《甘誓》。 六官明矣。《甘誓》言「六卿」,是夏 唐虞夏商已有此制。 五. 可徒、司 官,垂、益爲冬官。 官,伯夷爲春官,稷爲夏官,皋陶爲 地官。 卷上 曰享。」注云:「此蓋 出納政教于五官也。考《周禮》六官, 日耳。 享,獻也。 異。 出 9、籀文智,一 ,俗本訛作 形。 曰 ١, 馬、 部 舜改命禹爲天官,契仍 言欲采致治之言,記之于智, 「五言」,鄭以爲五官之言, **奉** 典司 司空、司士、司寇。 曰太宰、太宗、太史、太祝、 致其歲終之功于王 秋傳》曰『鄭太子智』」。 从日者,非 「智,出 六典。 説詳《堯典》。 日 《曲禮》:「天子建天 堯時稷爲天官, 佩也,象形。」傳寫 殷 時 天子之五官 洞也。 制也。 也。 是唐虞 ^ 五. 説 从 有六 文》 致 契

《曲禮》五官本 宗以 官。 六卿, 爲 法,下 聽之,以助君之明也。 以備出納, 官 耳。」是司徒以下法五行,并太宰 氏答曰:「殷立天官與五行,其取 故《鄭志》崇精問焦氏 地 五官也。 六官明矣。言五 空、司士、司寇是也。 以下即殷家六卿、太宰、 也。 四時,殷六卿所法則有異。 卿象天時,司 下,不條出 五官亦各有所領羣衆, 也 ·異周 殷應六卿,此云五官,何也?」 但太宰既尊,故并 。」正義 律以 此知言之事。 典 故鄭指爲 殷 和聲音,此 云: 其人者,略 官 制,而鄭注《虞書》亦言 徒以下五卿法 ,則有六 此記 云:「鄭云三王 如鄭説「在治智、出 但 周立 司 二者臣皆當 顯 殷禮。」然 正 所 徒、司 官 可 也。 如 樂之事。 隸 言, 一六卿 太 屬 殷以太宰 知 是殷 宰 太 即 地 馬、 宰 天 非 放 領 爲 事 之 異 同 有 大 焦 天 故 司 夏

> 《安世房中歌》曰「七始華始」,孟康云:「七始,天地 始也。 説。但「出納」二字究無著落,方知鄭説之精 也。」又云:「五聲播于五常,則角爲仁,商爲義,徵爲 時人之始。 時,應人倫,原情性,故舜欲聞之。」《禮樂志》:《文始 舞本舜《招樂》也,高 詠,言以律 Ŧi. 音 德則可 出 羽爲智,宫爲信。」是樂有七始及五常之言,古有 納 與 樂 順 以 義禮智信五德之言。 無 ,若出納五言,何關樂事。 吕和 歌詠 淡沙。 華 始,萬物英華之始。 五聲、 五常之言,聽之則順乎天地 而 疏 祖更名《文始》,示不相襲也。 八音成樂。 $\vec{\Xi}$ 以樂音察世之治否,又以 夫樂以 七者,天地四時人之 以爲樂名,如六英 《律歷志》作「七始 造就人才,成 又 四 樂

面從我,違 傳曰〕我違道,汝當 而退後言我不可弼。 以

欽四鄰。

予違,汝弼,汝無

面從,退有後言。

義輔正

我

尚書》疏。 案日 鄭 四 日 〕鄭云「四近、謂左輔、右弼、 近,前後左右之臣,勅 四近,謂 董 鼎 書 左輔、 集 傳 輯録 右弼、 纂 使敬其職。 注 前疑、後承 》一卷。 前疑、 傳

是也。 弼。 以 後曰丞, 左曰 對,責之疑,可志而不志,責之丞,可 傳》曰:「古者天子必 而 承」者、《禮記・文王 其 不正,責之輔; 爵 視卿,其 輔,右曰弼。天子有問 禄 可 揚 有四 世子》疏引《尚 視 次 而不揚,責之 鄰,前曰 國之君。」 疑, 無 書

是而爲非者,當察之。〔傳曰〕衆頑愚讒説之人,若所行不在于「庶頑讒説,若不在時,

「侯以明之,

射,二爲賓射、諸侯來朝天子而與之射、趙朝有三:一爲大射、是將祭擇士之射可以明善惡也。天子、諸侯、卿大夫觀德行矣。」若不肖之人、安能以中、是觀為之中禮、内志正、外體直。」「可以退周還必中禮、内志正、外體直。」「可以[集日]當行射侯之禮、以明善惡之教。

則大射也。 張三 夫、州長主之。 此經射侯主于明善惡, 用一侯。三射之外又有鄉 《射人》云:王射三侯,諸侯射二侯,卿大 天子. 夫射一侯,士射豻侯。 其燕射則尊卑皆 侯, 畿外卿大夫射,侯無文。其賓射則 或諸 三豻侯。 侯大射則 無 而 侯,一 射 大射則射虎侯、熊侯、豹侯; 畿内諸 大射,賓射、燕射皆有之。 侯之制, 侯 相 豻,胡犬。畿内卿大夫射, 熊侯、豹侯、畿外諸侯大射亦 朝 其天子、諸侯、大夫三射皆具, 熊侯、二參侯、豹、鵠、麋飾 而 與之射,三爲燕射 射,地官鄉大 ?,謂息 麋

《虞書》曰:•『塵以記之。』 「鄉飲酒,罰不敬,撻其背。」又重文戍字注云:「古文撻「撻以記之,〔案曰〕《説文》卷十二上手部撻字注云:

〔傳曰〕笞撻不是者,使記識其過。

❶ 「虞」、《説文解字》作「周」。

「書用識哉

正 》: 屬民 藝。 《間胥》:「既比,則讀 識,識其善惡也。 箸也。」又《敘》云:「箸于竹帛謂之書。」 書,是書其惡也。 者。」是書其善也。 〔案曰〕傳云云者,《説文》聿 傳曰〕書識其非。 一而讀邦法,書其孝弟睦 以歲時涖校比。」《族師》:「月吉,則 「正歲,屬民讀法,而書其德行道 《周 《左傳》斐豹欲焚丹 法,書其敬敏任 禮 媚 部云:「 地官· 有學者。」 書 黨 恤

「欲並生哉!

並生。 〔傳曰〕欲使改悔,與共並生。〔疏曰〕總

「工以納言,時而颺之,

或不悟,當正其義而揚道之。 頌詩言以納諫,詩義理或微,人君 爲工、《周禮》太師、瞽矇之類 正其義而颺道之。〔疏 傳曰〕工,樂官,當誦詩 以 禮 納 諫 也 通 謂 聽之 樂 樂 官 官

音鄙。「格則承之庸之,否則威之。」〔《釋文》曰〕否,徐

〔案曰〕《春秋傳》「奉承齊犧」。 古謂奉以官。不從教,則以刑威之。〔傳曰〕天下人能至于道,則承用之,任

❶ 「攴」、《左傳》作「扑」。

作『掌』。按『當」字非也。」 「當」、《尚書正義》阮校:「古本、岳本、宋板、《纂傳

省也 篇》引李登《聲類》又作「承」,承即承 夏本同。 壯」、《説文》引作「抍」,云「上舉也」。 出出 牲幣 流 〈帝》篇:「孔子觀于吕梁,縣水三十仞, 丈夫游之。以爲苦而欲死,使弟子並 而承之。」張湛注 溺爲承」。」是也。 而薦 漢《孔霮碑》亦以抍爲拯。《 之日 承。 云:「音拯。 承, 明夷六二「用拯馬 薦 也。 《方言》 列 子 玉 子

蒼生, 高哉! 帝光天之下,至于海隅

草木。言所及廣遠。〔傳曰〕光天之下,至于海隅,蒼蒼然生

説》云:「安石不肯出 《晉書》山 《説文》 晉人皆謂民爲蒼生。 (案曰]傳以蒼生爲「蒼蒼然 艸 濤謂王 部云:「蒼,艸 衍「誤天下蒼生」。 一將,如蒼生何!」是 然古無是訓,不可 色 生艸 也。」是也。 木」者, **《世**

施于經典也。

言,明庶以 不敬應? 萬邦黎獻 帝不時 共 功,車服 惟帝臣,惟 敷同日 以 庸。 帝時舉。 奏罔功。 誰敢 不 敷納 以 敢

帝舉是 賢愚並 賢是用,則下皆敬應上 臣不是,則遠近布同 功大小爲差,以車服旌其能用之。 傳曰〕獻,賢也。 位,優劣共流故 而用之,使陳 萬國衆賢,共爲帝 圃 布 一命而 日 其言,明之皆以 進 讓善。 于無功。 帝用 惟

不同,然散文亦通也。也。」《謚法》:「聰明睿知曰獻。」聖、賢雖者,鄭《論語》注文也。《釋言》:「獻,聖〔案曰〕傳以黎爲衆,《釋詁》文。獻爲賢

卷十下齐部引《虞書》「丹絑奡」。 傲五羔反,徐五報反。○〔案曰〕《説文》卷十三上糸部、書夜額額。〔《釋文》曰〕上傲五報反,字又作奡。下「無若丹朱傲,惟慢遊是好。 傲虐是作,罔不同 名肯文页通也

傳曰〕丹朱,堯子。舉以戒之。傲戲而

爲虐,無晝夜,常頟頟肆惡無休息。

「罔水行舟,

朋淫于家,用 也。 疏。 所無。孔彼注失之,以解此經尤非也 問》,乃所謂 (案日 治,猶居舟 陸 鄭 專戰,覆其舟事,見《汲郡紀年》及《天 地行舟」,遂取 〔傳曰〕丹朱習于無水陸 曰]丹朱見洪水時 傳以《論語》「奡盪舟」,孔 鄭云云者,即《孟子》「從流 中,領 盪 **殄厥世。**〔案曰〕《説文》卷十三下 舟也」。 頟 以解此 使人推行之。 人乘舟,今水已 陸地行舟,事之 經。 地 行舟。 不知 安國 《尚 奡 忘 與 反

〔傳曰〕朋,羣也。羣淫于家,妻妾亂用,〔鄭曰〕朋淫,淫門内。《史記·夏本紀》集解。土部堋字注引此經作「堋淫」,與鄭不合,不可從。

方》言夏桀「甲于内亂」是也。〔案曰〕鄭云「朋淫,淫門内」者,謂若《多

是絶其世不得嗣

〇〔案曰〕《説文》卷九下屾部引此經作「嵞山」。而泣,予 弗 子,〔《釋文》曰〕子如字,鄭將吏反。「予創若時,娶于塗山,辛壬癸甲,啓呱呱

志》: 懲也。 所命治水」者,辛日娶妻,甲日 壽春東北。」 説非也。 民以辛壬癸甲之日嫁娶。」與鄭不合,其 水,是三宿也。《説文》云:「九江當嵞 〔案曰〕鄭云「娶于塗山 不入,聞啓泣聲,不暇子名之。 娶妻,甲日復往治水。啓,禹子。 加 穆有塗山之會」,杜預 禹會諸侯于塗山」,昭 鄭 爲帝所命 日〕登用之年,始娶 九 「禹所娶塗山 塗 江 塗 Ш 那治壽春 Ш 國名。 治水。《尚書》疏。 則塗 者,考哀七年《左傳》云 Ш l 侯 國 懲丹朱之惡,辛日 ,有當塗,侯國。」 不 注 (于塗 氏,三宿而 四 得 並云: 也。 年《 有 〔傳曰〕創, 山氏, 有 左傳 <u>-</u> 「塗山 復 禹 往治治 爲帝 過門 虚。 三宿 *\frac{1}{2} 漢 在

平阿, 治壽春。 昭注于當塗,則云「禹會諸侯塗山 離 屬 非 至宋齊,但有當塗無平阿,蓋縣省也, 則云「有塗山」,當塗則云「古塗山 當塗地,故《晉志》淮南郡仍治壽春。 二,將何所據? 有「塗山 鍾離 》云:「治壽春。」《宋志》後漢徙治陰陵,魏復 在 入馬 刺史治 兩 縣屬濠 地 · 鍾 軍 故《明史•志》鳳陽府懷遠縣 則 屬縣 各 離 郡,舊曰 10 云「穆 有塗 山 而 州 有塗 : 九 即《漢志》之當塗。 在 言,二志據 二志所言亦是 有當塗,有平阿。」 鍾 一其境。 Ш 離 江 Ш 有塗山之會」。 當塗有塗山。《唐志》鍾 考其致誤之由,平 郡治陰陵、注 明矣。 郡,武德七 以上各條 元改 所 《隋志》塗山 在 軍爲縣 一處。 而 所説塗山, 年,省塗 平阿 引衛 言。 宋又析 分 宏《漢 __**;** 國」。 日 而 明 阿 平 下 于 本 爲 預 縣 則 BH

郡,隋 南 皇甫 陽爲 尋陽。 峽 在 治壽 郡 爲 其 濠 在 嬌遂 縣曰九江亭。 州鍾離 界。 地皆 間 縣 廬 國,武帝爲九江 江 其 江 南也。 謐 是本 西 春 九 移尋陽于江南。 江 府 後,以二名皆移之江南,今爲江 陽 開皇爲豪州,大業爲鍾離郡,唐 南, ,尋陽來屬,則 説,謂九江當塗有 口, 即 江 又王莽嘗改豫章郡爲九江 九江 在 縣,即 治德化縣矣。 郡、宋屬淮 今鳳陽府。其九江得名本因 朝因之。 塗 今之壽州,從九江 考九江 即湓城,見《隋志》。 惟 山 見《漢志》。 今之黄 因 在 「漢文帝 縣 郡,晉武 本秦郡,漢高 南路 乃《史記索隱 東 見《通典》。 梅縣,皆 九 此《禹貢》九江 南, 後漢復故,而温 江 分 ,元屬安豐路, 禹 反 淮 帝又爲 然則漢九江 淮 不屬 水 分 隋又 南 則 經 屬 帝 即九江。 一、柴桑 江 以以 九 淮 塗 廬 爲 又 兩 江 犚 淮 Ш Ш 西 尋

之山 北。 懷遠 誤甚矣。 皇甫謐在 縣 則 楊郡,唐屬 之于湖, 度,成帝 以 太平府治當塗縣矣。 元爲路,明爲 云有塗山 反」者、《樂記 會稽者 亦在 專在 漢 如 溷 不 小司 九 也 爲 子之子。」徐邈音子爲將 故附會其説。 江 江 僑 初 馬 處,此説 西晉 詳 ,則亦不 然《隋志》于丹楊當塗,已誤 正。 ,因《魯語》「禹致羣神于 所屬之當塗,即今鳳 北 宣 立 于 《禹 據 》云「易直子諒」,注云: 府,治當塗,本朝因之。 州宣城郡,宋改爲太平 當 江 貢 後 而其後亦移之江南,今爲 「予弗子」, 初所言九 塗 南 代 尤非。 自小司馬始也 縣 僑 晉 所置 此 中原 立 實 見《晉志》。 淮 江 塗 (則禹 ,指爲江 塗山 鄭音子 山 當塗,正 南 亂 所以 郡 會諸 淮 陽懷 隋 割 南 吏反。 南, 訛 其 丹 在 侯 屬 民 也。 云 遠 楊 注 其 江 何 丹 南

> 《列子 弗字。」《列子》讀子爲字,此鄭氏之音 也 説符 》篇 云 禹 唯荒 土功,子 所 産

據

此 薄,蒲各反,徐扶各反。 有二師。 惟荒度 經「弼」作 土 阳 外薄 功。 四 弼 海 ○〔案曰〕《説文》卷九上り 成 五服,至 咸 建 Ŧī. 長。 于五 〔《釋文》曰〕 千, 州 部 + 引

服 要服 周 王 服,去王城一 敷土 其 衛服,去王城三千里。 又其外五百里爲 去王城千里。 百里日 鄭 之 爲采服、去 城二千里。 面 曰〕荒, 弼當 既 Ħ. 相 ,于周 畢,廣 百里 距爲 甸服, 其 爲蠻服,去王城三千五百里, 奄 夷服,去王 七千里,是九州之内也。 日 千五百里,其弼 于周 輔五服而成之。 也。 又其外五 王城二千五 其外五百里爲 荒 服,于 爲 奄大 王畿,其 城當四千里。 周 九 百里爲 爲 州 百 鎮服, 里 四 當男服,去 侯服,當 弼當侯服 去王 一, 其 綏服,于 之土。 、弼當 城 Ŧi. 又 甸

蓋

也

萬

界,萬國之封 里者四十九。 里,名曰 受,《地記書》曰「昆 千 殘數,亦每服者合五百里,故 秋傳》曰:「禹朝 派服各 國 則五國,立長使各守其職 州 里,四 每 ,州更方七千里,七七四十九,得 蕃 九州。 八州分之而各得方千里者六。 其 服 ,州立十二人爲諸 制 或 言執玉 師 神州」者。 去 五. 面 特置 領 其外荒 Ξ 百 相 百 城 里。 焉。 其一以爲圻内,餘 距 計 牧 帛 或 Ŧī. 羣 爲 者, 服,曰 千 要服之内方四千里, 臣 州 猶用 禹 侖 方萬 里。 諸 方 則 于會稽,執玉帛 Ш 治 侯 有 侯賢者爲之師。 要 百里之國二百 九 水所 東南,地 四 里。 師, 至 州 服 海。 于 師,則 之内 以佐其牧 之 有 弼 師 堯初制 面 内 萬 五. 此 方各 方 諸 每 爲 里之 服 \Rightarrow 方 <u>Fi.</u> 千 之 九 千 所 五

服

外

九

當

州

里。 直路 數 里之國 國名紀》六卷注。 《 王 制》 服 理通釋》一 應麟《玉 千六 説》二十六卷。○《春秋〕 ○《禮記》十一卷《王制》疏 至于圻内 里之國一,伯七十里之國二,子男五 不封之地,餘 小雅・蓼蕭》疏。 禮書》三十二卷。 之 《釋文》。〔王曰〕 ○林之奇《尚書全解 若其 五 百 内 千 里 海》十七卷《地理門》。 干 國 四,方百 之法準之,八州 之 四 卷。 爲其 里 了,其餘 П 或 ○《小學紺珠》二卷。 則子男 也 邪委曲 或 四百 有一千二百國 小數,定其 ○魏了翁《讀書襍抄》一卷。 ○又二十之四卷《商頌・殷武 馬 里 四 治洪 以二百 曰 》哀七年《左 而 百 Ŧi. 者 》六卷。 動有 五千里者,直 凡 已。《尚 或 + 水輔 面 =五 〇又再見。 在 里 通率,封公侯 <u>Ti.</u> 見。 國爲 差品,各 〇《毛詩》十之一 倍 封國七有 一之國 圻 千里,爲 一傳》疏 成之者, ○衛 ○羅苹《路 加 書》疏。 内 名 八州 之, 混《禮 與? ○≪通 山 白 陳 方之 〇《釋 較 方 凡 大 史・ 鑑地 O E 祥 畸 記 是 萬 十 所 九川 以 道 集

室。 薄, 少。 萬庸。 服,侯、 用 五 必有 五. 方相 千五 幾 服 爲方伯,謂之五 百 迫也。 ○王應麟◎玉 是 州用 里, 治 多 即 用 日 惟言用三萬人者,不知用 [疏曰]據《禹貢》所云五服名數, 禹 Ŧi. 水 少 甸 庸亦 百 距 甸、綏、 也。 輔 四 或 ′,例言三萬 爲方 四 人爲 萬 言至海。 成之 面 侯、綏、要、荒。 《尚 爲 功 萬 年乃畢, 一海》十 人功,九州二十七 相 屬 也 書》疏。 要、荒 師, 五千里,治洪 距 屬 也 功 長 七卷《地理門》。 州 每 諸侯 有長。」此建「五 總記九州用二十 用功 州十 方五 ○林之奇《尚書全 人者,大都 境既 服 以相 周 也 禮 五國立賢者 蓋 有闊 有 統治,以獎帝 彼五 **>** 水 二師 服 大 里 多矣,不 功日 輔 狹 也 Ŧi. 傳 司 服 萬 成之。 馬 百 \Box 率爲 數 通計 每 解 用 里, <u>一</u>五 庸。 六 知 多 功

居其 者,《 服 千里,名曰神州。」是也。 相 成之,至于每 禹 每 方伯 九 里,其外每服 亦 有萬里之界,萬國之封 堯時甸、侯、綏、要、荒 又云「廣輔五 案日」 爲 州 距爲方萬里。 治洪水之後,斥 如 面二千五 地記 間, 彼文。 九州,九 ,謂之五 賦 分爲 四 納 鄭云「荒,奄也」 則每 海。 書》曰:「昆 總」云云, 甸、侯、綏、要 百 故 長」也 服 禹弼 州 面 五. 服 里, 云 而 百里,自 更方七 堯 相 各 _ 成後, 成之」云云者,鄭意 距各五 地 四 五. 添 即 時天 漸 侖 或 面 Ŧī. 五. 禹所添 千 廣 相 立 服,甸 山 百 王. 者、《釋言》文。 Щ 以 每服各 ·里,七 下 千里 距 賢者一人, 城 里。 服 又 仍用 四千里内 方五 南, 向 方五千里。 輔五 之數。 服 一, 則 外數之, 《禹 爲 要服之 其 地 規方千 千 四四 外 四 方 服 殘 荒 數 爲 五. ITT 面

中。

今就四百似

下等計之,又有王城

商問云:

疏鄭云:

不

盡

百里,伯七十里,子男五十里。 畿内惟 有子男五十里之國,無公侯伯也。 《王 千里之方二爲方 千里之方二爲方七 千里之方二爲方百 ,爲方千里者 然,鄉遂有無,無以言也。 八州,五等之爵以三等受地,公侯 「四百國在畿内者,以大略言,非實法也。 【《王制》畿内有百里、七十里、五十里,今以 則州千二百國 又四百國在畿 不合。』鄭答云:『《王制 分之,州 一百國。 不 去其 以 、關遂、郊郭、卿大夫采地,數不在 四 -封之地 五 佐牧, 十九, 方 + 十里之國 里之國 各 州 五. 里之國 公卿大夫有田禄者,其 也 百國 置 + 及 有 其 内,共爲萬 里 附 千 爲畿 之國 一師,州十 牧,又擇諸 庸 百百 八 里之方六。 四 州凡九千 》之法,唐虞 百 白 閒 三百, 了,又以 内,餘 田 國。 一, 是 制 里。從古《尚書》説。」鄭氏 百 畿,其外 地考之,自黑水至東 書》説五服旁 義》:「今《尚書》歐陽、夏侯説中國方五千里,古《尚 語。」鄭以 鄭答云: 諸 或 四 人》:「蕃 夷狄不執玉 者,地形不可方平,又有山澤不封之地,知略計爲四 74 玉帛者 周禮 禹朝羣神于會稽 禹朝羣 一侯也 耳。』《春 百國, 海。 「禹會諸侯于塗山,執 曰 神」,羣神即 非采地 「欲明諸侯守土之祀,故兼用《外傳》、《内傳 五國 萬 甸 國各以貴寶爲 塗山、會稽爲一,以諸侯爲守土之祀,故云 夏官 方五 《覲禮》「諸 帛,故 秋 服 「國。」言執玉帛者,則九州之内 五千里,相 傳 爲 則立 又 何?」 百 云「執 `防風氏後至。」不與注相應,何?」

諸

侯也。

其

外

荒服,謂

一長,使各守其職

《異

侯賢者

爲之師

每

州

有

千二

以

爲名山

大

间

千四百

國。

侯享玉璧以

帛」,是執玉

帛

摯見。」

下 中

又張逸問:

玉帛者萬國。』《外傳》云:

玉.

一帛惟

國耳」。

又《大行

九

此

鄭

隨

問

而

答,非

事

實

也。

知

禹

朝羣

臣

于

執

四

十八,八州

畿外

六百

國。

有二

師,

Ŧī.

其外

方

Ŧī.

百

里

日

男

職

方

氏

「方千里

里

侯

服

又其外

海,衡山之陽至

一于朔

方,經略萬

無

駮,

與許同

也。

又據

距萬里。

許慎謹案:

以今漢

六

外方五 五百 分五 之。」義與此同。 禹承堯舜而然矣。 則是諸侯之地有方百里,有方七十里,有方五十里者 里,是九州之内 去王 又其外五百里爲要服,與周要服相當, 外五百里爲綏服,當采服,去王城二千 里,其弼當男服,去王城二千里。 服,其弼當侯 經云:「禹弼成五服,去王城五百里 七千里,鄭以 曰 人》作「要服 夷 其 里爲侯服,當甸服,去王城一 日 外 服 城三千五 里,其弼當衛服, 服 衛 百里日 服 方 爲 又其 」,即「蠻 五 九服 ,又其外方五 百 要服之弼當其夷服,去王城 外方五 此爲夏禹之舊制 服,去王城千里。 蕃服。」《大司馬》「九畿」與此同 里 要服之内, ,自要服以 百里, 也。 服 日采 也。 《王制 百里 四 服,又其 又其 百里日 地方七千里,乃能 去王城三千里。 面 注: 内 H 相 外 「禹中國萬國 爲 鎮 距 方五 蠻服,《大行 一 千 五 故注 九州 服, 爲 其 方 七千 又其 外 又其 Ŧī. 百 此 百 五 甸 方 里

州。 餘以禄士以爲閒田。 里。三三而九, 服 王之子弟。小國六十三者,大夫之田二 十二,又三爲三孤之田,其餘六,亦待 六,其餘三,待封王之子弟。 九者,三公之田三,爲有致仕者副之,爲 三,凡九十三國。 里之國二十有一 盡東海、北不盡 千里」。《王制》:「西不盡流沙,南不盡衡山 湯承之,更制天下方五千 寇内侵,●諸侯相 相 一者,卿之田六,亦爲有致仕者副之,爲 四千 距 ,其弼當 畿内千里,封方百里之國九,七 方萬里也。」鄭 里。 蕃服,去 恒山,凡四海之内斷長補短,方三千 又其外五 方千里者九,亦分爲 一,五十里之國六十 并,土地減,國數少,殷 名山大澤不以盼, 王 又謂「夏末既衰 周日公邑。 百里日 城 五千里。 里,中國 荒 次國二十 畿内大國 服 方三 有 九 其 面 不

^{) 「}外寇」、《周禮注疏》作「夷狄」。

數中。

以上皆殷制也。

「周武王初定

三國。天子之元士,諸侯之附

之地

一,以九州之界尚狹也。

周公攝

下,更立五等之爵,增以子男,而猶因

計

八州,州二百一十國,共一千六

百

十國,并畿

内九十三國,爲千七百

七

夷狄之君,槩稱

封人,謂之閒田。」其外二千里曰荒服,以封 以爲附庸閒田。若封人,附于大國,謂之附庸。若未 以封,其餘以爲附庸閒田。《元命包》云:「陽 百有二十,凡二百一十國。名山大澤不 十,侯七十里之國六十,伯五十里之國 太平,斥大九州之界,制禮成武王之意, 曰伯。詳《書序》「巢伯之命」。 ,州建公百里之國三 庸,不在 政致 伯三 殷 天 意。 州各有方千里者六。《職方氏》:「凡邦 里,次國五十里,小國二十五里。」餘四十八, 服爲九界,方萬里。要服之内界方七 國大、張逸不解,以問于鄭,鄭答云:「爵尊國 封 百 或 畿内亦九十三國。《小司徒》注:「畿内大國百 里,七七四十九,方千里者四十九,其 治民也。」其時天下復夏禹之舊域,分五 百里者,據男有功得附庸者言之,明大于虞、虢 伯三百里,子男二百里,皆大于虞、虢。」鄭通言男亦二 虞、虢之君,爵爲公,地方百里。 爵尊而國 不滿百里者,皆益 殷之諸侯,皆以功過黜陟之。 里,其次子二百里,其次男百 五 ,千里封公,以方五 里則六侯,方三百里則十一伯,方二 王者之後爲公及有功之諸侯,大 惟天子畿内不增,以禄羣臣,不 百 里,其次侯 小,爵卑而 滿 四 或 百 白 百里則四公,方四 里,其 里,是以 爵卑國大,侯四 爵尊國 次 里。 其 周 伯 無 小,爵 百里之 主 者 所 百里 小,若 世 功

成于三,列于七,三七二十一,故州二百一十國。

等之爵。三等受地

八州,州方千里,除去子男,存公侯

调

大

百

地

有

卑

副

者

其無

職,佐公論道

而已。

餘

九亦以

封王之子弟。

三孤之

田田

七,亦爲有致仕

者副之,爲五

十四四

爲

以其 又以其千里封男,則可百。 侯,則可六。 則二十五子, 州 千里封 又以其千里封子,則 各 有 方 又以其千里封伯 千里 方 則可四。又以其 百 里 則 百 州一 미 男 +則

者,若不以男備數,則餘千里者 五 數,公四,侯六,伯十一 六十四,以 百,總一百四十六,于二百一十國,仍 有千里方六,用五 十國 + -0 一封 大 六用千里方,仍有二百里方 足,何得更餘 里 仍有百 (其封。)正義: 則者,設法也。 四 ,以男備其數,其餘爲附庸。」「每 个男國。 里方 男備 爲 其 附庸。 前 數。 个千里方爲五等 「州二百一十國。 不盡 設法者以待有 或 子二十五, 必知 , 又 若然, 一,充 男 則 用 備 前 千 開 男 國 少 州

周公五百里,侯四百里等。 周千八百者,舉其全數。」而廣其土,殷公侯 慎謹案:《易》曰『萬國咸寧』,《尚書》云『協和萬邦』, 下諸侯之來,進受命于周,退見文武户者千七百七十 緯》:「周千八百諸 或 三。」又《異義》: 制通共千七百 國,仍殘百里 東西大伯。 知設法待 三十二公乎? 九男 ,謂唐虞之制也。 《左氏》説。」鄭駮之云:「諸侯多少,異 開方之,得 五. 康成 古《春秋左氏傳》説禹會諸侯,執玉帛者萬國。 十 得 國, 此 説虞夏殷周 有 Ŧi. 仍 添 「《公羊》説殷三千諸侯,周千 今八州皆封公則四 功者,以 或 前 百 方 侯,舉成數也。」《洛誥大傳》: 周公制禮,千七百七十三 七十三國,與殷同、《孝 知五者皆設法也。 五十 里 百 添 四 + 五十 一方百 前 四代之制 稱公者惟二王後及 增其爵。」殷三等,周 白 取五十九 更取餘千里 以 四十 得二百一 (世不同, 附 公,豈有 此 百里 百 周

又案曰〕諸儒之説各不同。 賈逵、 馬 融

功也。 米」云 制》云:「五國以 立賢者 水,一州用三萬人功,九州二 之内爲其 Ŧī. 長 「二千五百人爲 則 釋文》引馬説「方萬里」與鄭同。 千里。 亦 服 肅 方萬里, 如 千 並 每面二千五百 八鄭 異。 面 \sim 治洪 云 禹 薄,迫也。 彼 與 里 一人,謂之五長,以相統治。 三千里, . 乃 貢》「 文 分 孔 其侯、綏、要、 封 水 許慎 若然、《周禮》王畿之外别有 也 ·數,定其差品,各有所 同 甸 國皆 弼 o 百 服 成 師 四 則謂自 正 爲屬,屬有長。」此 之外 司 里 言至 I 萬國。 之。 ,州十二師」者,禹治 里,四 義 馬 面 賦 相 又 遷、夏侯、歐陽氏、 又 納 海 弼 荒服 申孔 堯舜至三代,地 距 Ŧī. 總 正義引馬説「方六千 孔安國 也。 面相距方五 成 爲 百 至五 方 各 里,去 意云「五 一十七 <u>Fi.</u> 六千里。 侯 謂 傳則謂 掌也。 百 建五 萬 每服 <u></u> 五. 王 百 里, 王 服 或 城 里

> 數、若 言乃謂 言據其 故 地 九服、五 數異者,堯與 境,東西九千三百二 九 同 貢》之域,山川 百六十八里。』驗其 也。」 也 服 服 其回邪委 故王 著地 虚 别 服 空鳥路 五百 肅 人 其地 周 跡 云:『方五 載 又《地 、漢其 里,是爲 曲 方直 屈 地 則同 曲 所言,山川 ,古今必同,而得 動 里,南 地 理志》言:『 而 而計之、《漢書》 有 方萬 量 千里者,直 倍 改其法不 之,所 也,《尚 北 加之。」 里, 萬三千三 不出 以 漢 復 較 數 方之 之 以 是 其 禹 不 所 里 所 何

服之名 肅不. 方千里, 倍于堯。 又案曰〕鄭 知, 而 以 輕 而妄駁之云:「禹拓 使甸服之外諸侯入禾稟,非 爲 重 傳 注 甸 **五**顛 無 彌 服、餘均分之公、侯、伯、 倒,難 稱 縫 難 經傳,最 得 可據信。 而 通。 爲 境 詳密。 廣土,三 先 且 其 Ξ 規 爲 干

也 竊 謂 東 漸 西 被 朔 南 暨 禹之開

義 有 明 文 王 王 肅 不 信,其 妄 可 知

外之諸 侯 不 . 得 入禾稾,有何 依 ?

也。 又云:「萬國舉盈數,非 謂 其 數

謬

萬

之地 也。 亦 封 天地之勢,平 建 或 乎? 原甚 王圻千 少,豈 以 封 Ŧi. 食

里之國 四 百,則圻内 盡 以 封 丢 一城宫

室無建立之處, 于會稽』、《魯語》文。 何以一 可從? 『執玉帛者 『禹 朝 萬 國 羣 臣

《左傳》文。采合二事,亦爲謬矣。」 竊謂

鄭原言其大略 方,而謂立法 一定,膠滯 如 此。 地形 甚 必 矣。 無 至 每 以 面 皆

合二文爲謬,則鄭所據 者萬 或 耳,

稽、塗山 疑也。 何擇 賈、 ,焉? 馬 以 百 鄭志》已 里納 總 明 爲 言之, 甸 外

地 亂 百 里采 其 例 了; 其 以 下 謬 仍 顯 爲侯 然。 許 服 慎 以 一經之 虞 周

或

而

周

乃千八百國,

亦不足信

爲周尺,即此

也,詳蔡氏《律吕新書》。

同。」宋高若訥依《隋志》定十五等尺,

志》劉歆銅

尺、後漢建武

銅尺、晉前尺並

且周尺之制見宋秦熺《鐘

鼎

款

識

漢

謂周,今謂漢,不得以

古爲夏,今爲周。

實之説也。

但《王制》漢文帝博

步,古里大于今里。此三代田

制

異

同

制》: 故周 理。 周 孔 六十步四尺二寸二分。」是古 六畝三十步,古者百里當今百二十 短,名異實同。 畝, 里 萬里,理有 傳 四寸爲步。古者百畝當 服 或又 數 以 「古者以周尺八尺爲步 殷七十 虞 與 謂 周 禹 以 立 開 古 服 ·畝,周 今尺 法 方 固然, 夏尺倍于周尺,禹五千 不 言之, 雖 同。 異, 有 百畝, 長 無足怪 無 道 孟子》田 短,步有大小 計 里 亦以尺有 則 步 今以 迹 同 制 屈 周 夏 曲 按 \pm

136

國朝以 五分。 今小,以尺通計 禮》第十二卷。 古百畝當 法》及《漢・食貨志》。今一步五尺。見唐 寸五分。 語》、《大戴禮記・王言》篇。 古三百步爲里,見宣十五年《穀梁傳》及《孔子家 始于漢,見桓寬《鹽鐵論》。顧氏《玉篇》謂始秦孝公。 殊不足據。 周尺考》。 通典・刑類・甲兵篇》之《守拒法》。宋迄明沿 四寸四分,今步較古步乃一步有七寸 It. 明如宋,見《洪 見唐李翺《平賦書》。 自漢至今,常以二百四十步爲 七寸四分。今尺較古尺乃一尺三 五尺五寸爲步,見王貽《上居易録》所載孔尚任 畝數、里數皆古小今大。 古百步爲畝,亦見《小司徒》注引《司 今仍以五尺爲步。古步較今步止 古一步六尺,見《小司徒》注引《司 今四十一畝三分畝之二。大畝 元以二百四十步爲里,見陶宗儀《輟耕 《孟子》云云,有不可解。 之,仍爲古小今大。 武正韻》,今仍之。 宋如唐,見《文獻通考•王 今三百六十步 《王制》之説 是尺 步數雖古大 杜 四

《我應》注與《釋地》同。《職方》及《秋官·布憲》注 《夏官·職方氏》云:「掌四夷、八蠻、五 夷、八蠻、七閩、九貉、五戎、六狄之數」、《明堂位》夷 戎、六狄之數。」《禮記 計三代盛時,尺必無 孟 九、蠻八、戎六、狄五。 禮之事異,未達其數? 上文,或取下文也。 有之、孫炎、郭璞本皆無。 上,。」三者數互異。鄭《小雅·蓼蕭》箋,《雒師謀》、 北面東上,六戎東面 公朝諸侯于明堂,九夷 古者内有九州,外有四海。 非方五千與方萬里之名同實異 古,孟子姑仍其説 「八蠻在南方,六戎在西方,五狄在北方。」三句惟李巡 《明堂位》同。按《爾雅》李巡本「四海」下有三句 九夷、八狄、七戎、六蠻,謂之四 [又案曰]孔傳之謬,不但如上所云也。 子之時創 方氏 四 爲大畝之説者,自 方夷狄也。 《鄭志》趙商問:《職方氏》「掌四 而 鄭讀《爾雅 遂以 南上, 五狄南 異。 明堂位》云:「周 九貉 西 立 面北上,八蠻 禹服實萬里, 即 《釋地》云: 》與巡同 九夷,在東方。 論歟? 也。 托 于復 與

耳,不甚明,故不定。 蠻在 南方、閩其别 也。 謂之四 戎、狄之數或五或六,兩文異 海者, 孫炎

是也。 禮 服爲 故彼注云:「子謂九州之外長也。 亦選其諸侯之賢者以爲之子,子猶牧。」 日 蕃服 貴寶爲摯。」注:「九州之外,夷服、鎮 行人》侯、甸、男、采、衛、要之下,即云: 内,因主外夷,故云因也。 「海,晦 寶爲 死子立,及嗣王即位,乃一來,各以所貴 「九州之外謂之蕃國,世壹見,各以 海之言 子。」此建五長,即《曲禮》所謂「子」。 白鹿是也。」然則孔傳之説,混九州、 四 也。 「其在東夷、北狄、西戎、南蠻,雖大 也。 《詩·韓奕》「因時百蠻」,本立侯伯,主治州 海 晦 言 蕃 總稱, 其君皆子男,無朝貢之歲。 其去中國 國無 晦 闍 又 執玉瑞者,若犬戎獻白 于禮 爲蕃國。 險遠,禀政昏昧也。」《曲 《周禮》夷、鎮、蕃三 儀也。」《釋文》云: 《秋官 天子 以其所 • 服、

> 四 四 旁 確 海 至 而 爲一 海 則于訓詁不合。 則于文義不 明。 斷 以 從 四 海 爲

各迪有 功,苗 頑 弗即 工,帝 其念哉!

傳曰]九州 Ŧi. 長各道 善惡分别 有 功 惟三苗 頑

敘,方施 象刑惟明。」

帝曰:「迪朕德,時乃功惟敘。

皋陶方祇厥

凶,不得就

官。

方,四 点。 德,考績之序于四方,又 天下蹈行我德,是汝治水之功有次序。 鄭曰〕歸美于二臣。《尚書》疏。 史因禹功,重 方。禹五 一服既 主美之。 成故 施其法刑、皆明 皋陶 [傳日]言 敬 九

云: 。」《孟子》亦以 曰〕鄭云「歸美于二臣」者、《大傳》 「昔舜左禹 而 右咎繇,不下席而天下 禹、皋陶 並 稱,故舜歸

尚書正義》作「蹈爲」。

述,蓋本《史記》,與鄭不合,其説非也。美二臣也。孔傳以皋陶以下爲史臣所

昌宗讀同。 曰〕戛,徐古八反。○〔案曰〕《周禮・大司樂》釋文引劉愛曰:「戛擊鳴球,搏拊琴瑟以詠。〔《釋文》

樂器門》。 鳴 備樂和,史述夔言繼之。 納其昌言,天下以之致治,功成道洽, 爲之,實以糠。 卷《春官 詠者,謂歌詩 之,裝之以 曰〕戛擊,柷敔,所以作止樂。 鄭 球即玉磬也。 日〕戛,擽也。 〔疏曰〕皋陶、大禹爲帝設謀,大聖 玉磬和,尊之也。 大司樂》疏。 〔馬曰〕戛,樂也。《釋文》。 糠,形如小鼓,所以節樂。 也。《尚書》疏。 球,玉磬。 磬,縣也,而以合堂上 ○《玉海》一百九卷《音樂部 戛擊鳴 球已下數器, 此舜廟堂之 ○《周禮》二十二 搏拊以韋爲 搏拊, (傳 禮 韋

數器」者,鄭以鳴球也,搏拊也,琴也,瑟〔案曰〕鄭云「戛,擽也。 戛擊鳴球已下

磬,乃後世變禮,此鳴球特尊而進之耳 階東,笙磬西面。」又云:「西階之西, 鼓之。」又《大射儀》云:「樂人宿縣于阼 也,夏 磬東面。」是磬本在堂下,漢魏登歌有鐘 以磬本縣堂下,尊之,進使在堂上。《儀 堂上之樂。 之。」是也。 言下是堂下,則知此節言堂上之樂。 者、《釋器》云: 此重複,非 傳以戛擊爲柷敔,考柷敔 下無柷敔,此下有柷敔,故二文異 面立。」又《記》云:「磬,階間縮霤,北 之馨。」郭璞注:「馨形如犁錧,以玉 玉,故球爲玉磬也。《釋樂》云:「大磬謂 揩擊」,鄭 鄉飲 撃 總言 酒禮》云:「笙人堂下,磬南, 也。 以爲柷敔。 鄭又云「磬,縣也。 玉磬和,尊之也」者,以下文 擽擊此 鄭又云「鳴球即玉 「球,玉也。」樂器惟磬用 四器。 揩 擊 自 即 在 夏 明 下文,彼 而 堂 磬也」 以 石 位》 合 頌 面 北

ĮЦ

字之誤 瑟工 可知。 瑟。」《燕禮》云:「工入 瑟皆在堂上。 賤,故在下。] 夫笙 堂上可知。《 東上坐。 坐,送授瑟。」●《鄉射禮》云: 竹,篪笛 人,四瑟。 工人,升 "席工于西階上,少東。 郊 鐘 在下, 西階,北 隨 鼓 穅 歌 而彼 形 等瑟之聲亂人聲。」 瑟疑當作 也 也。 貴 小臣坐授瑟。」《大射儀》云: 自 工 升自西階,北 人聲 如小鼓,所以 鄭 故 疏又申之云:「瑟亦升堂者, 燕饗之禮云: 面東上。 西 大傳》云:「君子大人聲,不 人聲可貴,故 《儀禮》 又云「搏拊 也。」考《鄉 階, 也。」 與篪笛 北 疏 面 有瑟無琴,琴亦 ,升自西階, 工坐,相者 小臣納 坐。 面 節樂」者、《樂 歌 飲 在 以 在堂; 匏竹 東上。」然 韋 「匏, 笙 酒禮》云: 下,則鐘磬 者在 二工人, 相 爲之,裝 \mathcal{I} 者 二、工六 坐授 東 北 在 升 面 口 面

> 裝之以 歌 和。」 節樂與? 謂之搏拊。」 糠 重 位》云「拊搏」, 「古者,帝王升歌,清廟之樂,以韋爲鼓, 記》云「治 ",形如 而 鄭以 亦在堂上,豈以其象德寬和 是搏 糠 拊 糠 亂 此 鼓 以 亦在堂上也。 節 鄭注:「 。」是也。 相 鄭注: 皆堂上之樂,今云「升 名 相 鄭 搏 因以 注 以 伏生《大傳》云: 拊者,象其德寬 韋爲之,充以 名焉。 此 相 物似非 即 拊 明堂 且 也 貴 可

祖考來格。 鄭曰」「祖 考來 虞賓在位, 羣后 格」者 「, 謂 祖考之神來 德 讓

讓也 也。 周 禮 虞賓, 「羣后德 大司樂》疏。 已上 謂 一皆宗 讓 舜 一者, 「馬 以 廟堂 爲實,即二王 曰〕言祖考,此是舜 謂諸侯助祭 上之樂所感 後 者 丹朱 以 也 德 至

⁰ 送 儀 注 疏 阮 校 據 唐 石 經等版本, 校 訂 作

部義

也

舜既爲天子,必當自立

祖

來至

也」者、格古作假、訓至、《説文》人

[案日]鄭云「祖考來格者

,謂祖考之神

堯

祖

廟當遷于丹朱之國,此祖考即舜之

考

也

舜父瞽叟,瞽

叟父橋牛,橋

牛

句

句望父敬

康,敬康父窮蟬

云,蓋 代後,獨言丹朱者,高辛氏後無文。 微子之來,謂之「有客」,是王者之後,爲 内。 祠, 先 時王所賓,知「虞賓」謂丹朱。 王者立二 後,故稱 除 和,故以 傳曰〕民悦 有德。 瞽 祖考來至者,見其光輝 下云「下管」,知此在堂上。《詩》 瞍之喪,祭宗 有美光也。 如《漢書・ 祖 賓。言與諸侯助祭,班爵 考來至明之。 其化,神歆其 曰 郊祀 祖考來 廟 此云「祖考」,知 之樂。 志》武帝郊 至者, 王 丹朱 祀 也 尚 書 爲 禮 尚 同,推 祭天 書》 肅 在 備 王 頌 廟 云 者 樂 疏 Ŧ

嚳,祖 何時。 鄭又云「虞賓,謂 言舜大孝,何以 瞽叟以 夏郊縣,殷 未有嚴父配天之禮也。三代以下,遂用其姓代之,故 天子, 《孟子》言「爲天子父,以天下養」,舜爲 是時舜已自 項爲太 父帝 廟之祭,遂謂舜之祖廟 上古配天,專尚 《禮記 而祭宗廟之樂,或疑舜父之喪不知定在 也」者、《白虎通》卷下《王者不臣》篇 爲 「王者不臣二王後者,尊先 顓 四 顓 · 祭法》云:「有虞氏禘黄帝而 瞽叟尚在,則除喪之説不爲無據 上四四 馬説 祖 親 頊 郊冥。 頊 廟 有德。 而宗堯。」此謂配天之祭耳。 親 似 馬 唐 制《韶》樂,則在爲天子後。 俗人妄以 窮蟬 將 融 出臆度。 日 舜以 故舜郊天,猶以丹朱爲尸,其時 于 以 Ŧi. 宗廟饗之耶? 親 何 此 廟 盡 廟 爲 爲實,即二王後丹 則 所宗者 褅 然下文言簫韶 則 舜除瞽叟之喪, 祭之? 舜 與祖 當 祧 以 王 堯,然則 廟 命中 敬 非 通 康 而 也 郊 顓 以

丹朱也。」是也 之三統 也。 尚 書》『虞賓在位』,不臣

下

下管鼗鼓,合止柷敔、〔《釋文》曰〕合如字,

也。 聶崇義《三禮圖》五卷。 九之三卷《周頌・有瞽》疏。 樂器門》。 ○又二十三卷《太師》疏。○《爾雅》五卷邢昺 虎,背有刻,以物擽之,所以 之者,投椎 合樂用柷。 鄭曰〕以下言舜廟 上下合止樂,各有柷敔。 ○《漢制 于其中而撞之。 柷, 狀 考》四卷。 〇《玉海》一百十卷《音樂部· 如漆筩,中有椎。 堂下之樂,故言 〇《周禮·大司樂》疏。 傳 止樂。《詩》十 敔,狀 疏。 如伏 下。 樂

此下則總目衆樂器,故鄭云云也。 先鄭《太師》注云:「下管,管在堂下。」**●** 鼓柷謂之止,所以 云「合樂用柷」云云者、《釋樂》云:「所以 〔案曰〕鄭云「以下言舜廟堂下之樂」者, 郭璞云:「柷 如 鼓敔謂之籈。」籈音 漆 桶,方二尺二 鄭又

> 説並 背上有二十七 令左右擊。 同,是也。 **籈者其名。」《白虎通》、馬** 深 尺八寸, 止者,其椎 鉏 鋙,刻以 中有 椎柄 名。 木,長尺,擽 敔 如伏虎 融、李巡 底 挏

笙鏞以間

異解。 謂之鏞。庸,功也。西方物熟有成功。 樂謂之鏞」云云者,此經笙、鏞,鄭 堂上堂下間代而作。 之和。」郭璞云:「列管瓠 亦謂之頌,頌亦是頌 方生長之方,故名樂爲生也。 傳曰〕鏞、大鐘。 案曰〕鄭云「東方之樂謂之笙,西 鄭曰〕東方之樂謂之笙。笙,生也。 《釋樂》云:「大笙謂之巢,小 間,迭也。 其成也。 《周 中 禮· 大司 吹笙擊 施簧管端 西方之樂 以 間者, 樂 與傳 方之 鐘 》疏

周 禮 注 疏》作「吹管者

下「二」字、《爾雅注疏》作「四」,宜從。

云 《大射禮》:「樂人宿縣 成 是以東方鐘 鏞對舉,細大不 之樂,鐘磬在庭,或舉以 聲。」亦作庸。 之剽,小者謂之棧。」李巡云:「大鐘, 也 爲二樂器,似不誤,而不知非 云:「庸,大鐘 鄉飲 ?,是以 面,其 金 者 「笙猶生也。 面,其 薄葉。 又《釋樂》云:「大鐘謂之鏞,其 鏞,大也。」孫炎云:「鏞,深長 十九簧,小者十三簧。」簧 成 酒》 功日 西方鐘磬謂 南笙鐘, 間歌 南 磬謂之笙。」「西階之西, 笙管有簧,故或謂 頌。 也。」據此諸文,傳 鐘 《商頌》「庸鼓有斁」, 用笙 倫, 東爲陽中,萬物以 其 其 西 へ南 南 爲 ,則鏞又何 何 之頌 于 陰 鑮,皆 礴, 取乎? , 阼階 互見 中, 鐘。 皆南 萬物之所 南陳。」注 東。 也 可 者, 不言頌 以笙、 笙 陳。」 涉 或乃 矣。 堂 下 笙 乎 中 笙 注 毛 之 磬 ? 引 鏞 笙

> 上間 及,而釋《書》者不采,故誤耳 謂 省 而 儀禮》同,其旨甚精。 東西階樂器畢舉矣。 之笙,西 文 代 也。 而 作,非 古文頌 方鐘磬 並作也。 爲庸。」夫東 可謂之庸 賈公彦彼疏亦見 「以間」者,與堂 鄭注《尚書》與 方鐘 言笙 口

考《説文》亦作「牄」,陸德明《釋文》以爲《説文》作 虞書》作「牄」、《釋文》云「本又作蹌」,二字音義同 搶」,鳥獸求食聲。 鳥獸蹌 傳寫之誤 蹌。 [《釋文》曰]蹌蹌,七羊反。 〇[案日] 鄭 注《周 禮 大司 説 樂》引 文》作 也

蹌蹌」,是行動貌,故爲舞 疏 傳 鄭曰〕謂飛 曰〕禮云「行容惕惕」,「大夫濟濟,士 大司樂》疏。 日 ○劉 鳥 敞 《七 潤 鳥 化 經 小傳 馬 走 德 獣牄牄 曰]鳥獸 相 ○王應麟 率 也 而 然 舞 笥 而 困學紀 簴 舞 蹌 也。 也 蹌 聞》。 《釋 《周

動也。」動有舞義也。馬以鳥獸爲筍簾,〔案曰〕鄭以牄牄爲舞者,《説文》:「蹌,

二八

不應複出。馬説非也。筍簾,縣鐘鼓之器。上已備言鐘鼓,此

鳳皇 有容儀。 來儀,言其止巢 奏。 簫,見細器備 十七之四卷《大雅 ○哀十四年《公羊傳》疏。 謂之成,成 鄭 日』《簫韶 言簫 若樂九變, 一來儀。 **「疏** 見細 猶終也。 雄 日〕簫是樂器之小者, 謂 \approx 卷阿 器 而 人鬼 曰鳳,雌 舜 小大器皆備 乘匹。 備 》疏。 所 [傳日]《韶》,舜樂 可 每曲 制 ○《周 鳳 得 樂 曰 《尚書》疏。 皇,靈鳥。 而禮,故致得 也。 一終,必 皇。 禮 大司樂 樂備: 儀, 匹。 ○《詩 變更 儀 》疏 作,

案曰〕鄭云「《簫韶》,舜所制樂也」

者

削聲。 故謂之簫韶。」此 記》云:「韶, 箾》即彼《簫韶》也。」《白虎通》引《禮記 器。《説文》五卷上竹部云:「箾,从竹 見小大皆備,似 云:「大簫 鄭 云:「舜樂曰《簫韶 音簫。」《左傳》襄二十九年,季札觀樂, 文,則簫固 如今賣餳 乃奏,簫管備舉」,箋云: 今《禮記》無 云「簫韶,舜 箾,簫也。 簫之言肅 見舞《韶箾》者」,注云「舜樂」,疏云: 意以 虞舜樂日 簫韶 所吹。」《周禮》注同。《釋樂 樂器之小者。 **舜** 謂之言,小者謂之筊。」據 《尚書》『簫韶九成』。此《韶 所制樂」,則 此文,當是逸 繼也。」宋均注《樂説 時民 爲舜樂名。 可通, 『箾韶』。 皆與鄭 》。」據元大德九年嚴度刻 樂其 而 「簫, 肅 傳 鄭 不 合 篇 敬 所角切。 知 疏 毛詩 不 也。 而 則 編小竹管 非 以 謂 繼 傳 簫 舉 》「既 也 *\frac{\times}{\times} 疏非 又 樂 備

文也。 者、《釋詁》及《毛詩·邶風 郭璞云「瑞應鳥」是也。 者」、《大司樂》文也。 也。 日皇」者、《釋鳥》云: 鄭又云「若樂九變,人鬼可 「鷃,鳳。 又云「雄 鄭又以儀爲匹 其雌皇。」 柏舟》傳 曰鳳 得 而 雌 禮

文》曰〕於如字。〇〔案曰〕當音鳥。 夔曰:「於! 予擊石拊石,百獸率舞。〔《釋

樂部·樂器門》。 哀十四年《公羊傳》疏。〇王應麟《玉海》一百九卷《音聲·大道與政通焉。《周禮·大司樂》疏。〇 聲·拊小石磬,則感百獸相率而舞。言磬,打小石磬,則感百獸相率而舞。言

拊。」 康成 拊」,先鄭 如 案日〕鄭云云者,《 鼓 搏拊」亦云然。 (注《大師》不从先鄭説,而云: 則 以韋爲之,著之以糠。」注 撃、拊 司農注云:「樂或當 俱作用 而于此言「拊小石 大師 之名, 》云「令奏 而 義 擊,或當 此 稍 が 經 形

手,固有考擊之義,故解不同也。不當厠兩石之間。明是擊拊對舉,拊从磬」者,以此拊若亦是小鼓,而總蒙擊文

「庶尹允諧。」

樂,以致鬼神示,以和邦國,以諧 禮,治成以樂,所以太平。 以安賓客,以説遠 文。「尹,正」、《釋言》文。《大司 皆和諧。 客」,「羣后德讓」即「和邦國」,鳥 來格」即「致人鬼」,「虞賓在位」即「安賓 具引《虞書》「夔曰戛擊」至「允諧」,而云 、案日」 言樂之所感,使衆正之官,信得其諧和 「以六律、六同、五聲、八音、六舞,大合 (周禮·大司樂)疏。 此其于宗廟九奏效應」。 鄭曰〕庶,衆也。尹,正也。允,信 鄭云「庶、衆。 言神人 何傳 治,始于任賢,立政以 人,以作動物。」鄭注 曰〕衆正官之長,信 允,信」,《 疏以爲「祖考 樂》: 釋 潤 萬民, 詁 也。

萬民」、「説遠人」也。鳳皇儀即「作動物」、「庶尹允諧」即「諧

戒帝

何傳

曰

大言

圃

疾曰

颺

承

歌

以

曰〕「勑」當作「敕」,説見前。 帝庸作歌曰:「勑天之命,惟時惟幾。」〔案

臨民,惟在順時,惟在慎微。戒,安不忘危。勑,正也。奉正天命以成,安不忘危。勑,正也。奉正天命以〔鄭曰〕以戒臣。《尚書》疏。〔傳曰〕作歌以

重任于臣,故知戒臣也。 〔案曰〕鄭云云者,下歌先股肱,後元首,

此歌以熙韻喜、起。熙哉!」〔案曰〕古無四聲之别,平上去入通爲一音,故熙哉!」〔案曰〕古無四聲之别,平上去入通爲一音,故乃歌曰:「股肱喜哉! 元首起哉! 百工

頭别名。《左傳》「狄人歸先軫元」,則元、首各爲曰〕《釋詁》:「元首,首也。」僖三十三年曰〕《釋詁》:「元首,首也。」僖三十三年忠,君之治功乃起,百官之業乃廣。〔疏

〔鄭曰〕使羣臣念帝之戒。《史記・夏本紀》皋陶拜手稽首,颺言曰:「念哉!

[念哉]是使羣臣念帝之戒。傳云「承歌「念哉」是使羣臣念帝之戒。傳云「承歌」

毛晃 乃賡 而陸德明、徐鉉已有此音,其來久矣。明,古音謨郎反 《説文》不云庚聲,賡字直是古續字,則今讀若庚,非也。 星,言其長能續日之明。」是庚本有續義,故賡从庚爲續 云「賡,續也」。 「古文續,从庚貝。」徐鉉曰:「今俗作古行切。」《釋詁》亦 文》以爲古續字。 庶事康哉!'」〔《釋文》曰〕賡,加孟反,劉皆行反。 西有長庚」,毛傳云:「庚,續也。」疏 數顧省汝成功,敬終以善。 事,當慎汝法度,敬其職。 〔傳曰〕憲,法也。天子率臣下爲起治之 《增韻》云: 載歌曰:「元首明哉! 郭璞注即引此經以證。《小雅・大東》云 經史明字叶 〇〔案曰〕賡、《説文》十三上糸部以爲 韻皆讀 云:「日入後,有 如芒,不知芒乃本 屢,數 股 肱 良 也。 哉 《説 當 明

音,非 唐爲韻。 有與耕、清爲韻者 有爲,使 (羞其行,而邦其昌。)《詩 也。」《 《易》彖傳、象傳、文言傳同。 洪 範 無虐榮獨, 》明字 而 畏 三代以上明字無 十七見,皆與陽、 高 明。 人之有 能

衆事乃安,以成其義。歸美股肱,義未足,故續歌。先君後臣,紀》集解。〔傳曰〕賡,續。載,成也。帝歌紀》解曰〕載,始也。《尚書》疏。○《史記‧夏本

傳訓爲成,非也。炎注云:「載,始。取物終更始。」是也。則此爲始歌。《釋天》云:「載,始也。」孫[案曰〕鄭云「載,始也」者,下有「又歌」,

語》語 睉, 又歌 儀」,兩襲《傳》「媠謾亡狀」,是也。 省作惰。』《左傳》「執玉惰」、《禮記・曲禮》「言不惰 事墮哉!」〔《釋文》曰〕叢,徂公反。 徐鉉曰: 惰,徒卧反。 曰:「元首叢脞 之而不惰」,或作媠。 去 通 「从肉非是。」又:「憜,不敬也。 淮南子》: 墮,許規反。 「人知其 哉 《漢書》韋玄成詩「無媠 ! ○〔案日〕脞、《説文》作 墮,徒果切。 股 一,未知 肱 脞,倉果反,徐音 惰哉 其 从心隋聲。 他 以 韻 但 脞 萬 爾 知

> 隳。 師古曰:「即墮字,或作墮。」《高帝紀》「士卒墮指」,又「漢 墜廢壞,皆爲墮也。 墮成也」,●哀十二年《傳》「是墮黨而崇讐也」。 費。」杜預云: 也。 之。」古人尚右,左有毁敗之象,亦取諧聲。《春秋》定 白差聲。 王急推墮二子」,《賈誼 爲許規反,尤謬。 父母之懷。」懷音窠,此平上 暴虎,不知 寡君將墮幣焉」,注 一年,「叔孫州仇帥 ト゚」《老子》「或載或隳」,亦俗人所改也 張昭云:「《玉 今人讀此字以墜落解者,爲徒果反, 徐鉉曰: 馮河。 「墮,毀也。」是墮爲敗城阜。 考墮《説文》本作隓,敗城阜曰 鹿 「《説文》無差字,蓋从二左也,衆力 篇》無隳,此 師墮郈。」「季孫斯、仲孫何忌帥 或作嫷。 生三 「輸也」。 傳 年,其角 》「梁王墮焉」,今俗皆書墮爲 通。 《 漢 • 隱六年《公羊傳》「輸 俗 《釋文》云「許 乃墮。 改,不 刑法志》「法度嫷」 知所从,無 以毀壞解者 子 生三 昭二年 規 是凡事降 年, 反」,非 隓。 以下 平 《傳 師 而 猶 从 别 墮 左

《尚書》疏。 細 總 鄭 也 碎無大略。 曰〕叢脞,總聚小小之事 脞,小 〇《史記·夏本紀》集解。 也。 君 如 《釋文》。 此 則 臣 「傳 懈 ,以亂 「馬 惰,萬事 日〕叢脞 曰〕叢 大 政

■ 「成」,原誤作「威」,據《春秋公羊傳注疏》改

其職事哉! (傳曰)拜受其歌,戒羣臣,自今以往,敬

尚書後案卷二

尚書後案卷三

東吴王鳴盛學

夏書

虞

禹

土」,楊倞注云:「溥讀爲敷。」 《大司樂》注亦云「禹傅土」。又《荀子·成相篇》云「禹溥傅作敷。」司馬貞曰:「《大戴禮》作傅土,故此紀依之。」鄭本紀》「禹命諸侯百姓興人徒以傅土」,裴駰曰:「《尚書》禹敷土,〔《釋文》云〕敷,芳無反。○〔案曰〕《史記·夏

文》。O《史記》二卷《夏本紀》集解。〔傳曰〕洪水禮·春官·大司樂》疏。〔馬曰〕敷,分也。《釋〔鄭曰〕敷,布也。布治九州之水土。《周

也。 北盡 士。 《商 故以敷土爲廣大其界也。 南、尤廣袤不可紀極。弱、黑二水更遠, 此節鄭注 竟界。」鄭注《皋陶謨》云:「奄大九 案 汎溢,禹分布治九州之土。 云:「禹敷下土,正四方,定諸夏,廣 云:「禹治水傅土,言其德能大中國 文》訓施 頌 曰〕鄭云「敷,布」,馬云「分」者,《説 敷土既畢,廣輔五服而成之。」 朔漠,南窮南海,皆非上古所有。 雍州西至昆侖、析支、渠搜、梁州西 •長發》云:「禹敷下土方。」箋 ,施有分布義也。 雖不全,亦必以爲 《大司樂》注 廣大其界 州之 然則 也。」 大其

隨山刊木,

功焉。 道,以望觀所當治者,則規 鄭曰〕必隨 〕隨行山林,斬木通道。 《尚書》疏。 州 中之 ○《史記・ 山 而 夏本紀》集解。 登之, 其 形 除 度其 木爲 傳

刊。」杜預 侯 會 鄭 楚 云:「刊,除也。」是也。 以 子 刊爲除者, 伐 鄭, 當 陳 襄二十五 隧 者 井 年《傳》 堙 木

奠高山大川。〔《釋文》曰〕奠,田遍反。

大川, 制》云「五岳視三公,四瀆視諸侯」也。 江、河、淮、濟也。 定其祀禮所視, 大司徒》鄭注同 本紀》集解。 案日〕馬以 馬曰〕定其差秩,祀禮所視也。 〕五岳,嵩、岱、衡、崋、恒 四瀆。 [傳日]奠,定也。 奠爲定者,《周禮· 定其差秩,祀禮所 也。 高山,五 也。 視。 《史記· 地官 謂《 四 / 疏 岳。 王 夏

冀州既載,〔《釋文》曰〕冀,居器反。

作徒役也。 帝都之,使 數,則書之于 尚 鄭 書》疏。 曰]兩河 〇《釋文》。 岩廣 禹知 間 策, 日 大然。 冀 所當治水 ○莊十年《公羊傳》疏。 以 州 告帝徵役 載之言 不書其 ,又知用 事 而 界者 治之。 徒之 ○ 史

故在後 是帝 荆,荆、荆、 從下 爲 東北 沇 皆從下始。 爲先後。 籍。 《釋文》。 沇 徐,雍、豫之水 而西次梁, 揚,從揚而 南次沇,而 賦役,載于書。 記 州在 東偏, 夏 《尚書》疏 都 人 若使冀州之水東入沇州,水無去 向 本 高于揚,梁、荆之水從揚入海也。 海 河 冀 高, 也。 紀》集 雍 王 也 州 水性下流,當從 爲大患,故先從冀 西次荆,從荆 東南次青,而 從梁而 州 從東向西,青、徐、揚三州並 冀州帝都,故從冀起。 日 東南,冀、沇二州之水各自 自沇已下,皆準 解。 「傳日 高 冀州之水不經沇 從青、徐入海也。 **「**疏 一言已 于 馬 北次雍。 豫州,豫州高于青、 旦 堯 賦 日 所都 功 九 南次 而 載, 州 屬 下泄,故 北 也。 (起,而 公徐,而 之 役 載 次豫 地之形 雍地最高, 州, 于 梁高于 先 載 、從豫 次治 以 南 以 于 而 施 也 次 東

制,故

郭

以

爲

殷

制

于「兩

河間」,

注

東

河

至

西

河

而

一一一燕

日

幺

州

則

水

至

北

狄。

然

則,殷分

夏

有

幽

而

無

并,既

非

唐

虞

制

又

非

夏

外,分青州爲

營州,冀州

爲

并

州

幺

故十二。

至夏仍合爲

九。

釋

地

九

州

者,「舜肇十二州」,

鄭注謂

舜

于舊

九

州

冀州, 之東 《夏書》「惟彼 平陽故城是。 平水之陽。」今山 也。 爲馬與鄭同,此必周漢經 帝都之,使若廣大然」者,據疏引此, 之,其義不 改者,總在東 河之間 則周之冀州,不但 與《禹貢》略 視 堯治 釋地 夏官 唐 河 北 知堯都 虞 東郡平陽, 平 **%** 正 • 爲 則無不同。 之 職 · 陽 北 要之,唐虞三代, 幽 方 可易也。 冀 H 在冀 在 同, 「并州。」 氏 陶唐, 北 則 而 稱爲陶唐者 正 幽 大, IE 西 應 州 州 北二境,其 北 平陽 、并則冀 小于《禹 故鄭即 劭 有此 云「不書其界者, 鄭彼 東北 者, 也 而 并 曰 。」《漢書 視 州 府 哀六年《傳》 曰 冀方」, 注 夏 之 「堯都 , 其 始 本 臨 師 取 之北 云 幺 冀 貢 >>, 之 汾縣 地 相 州 居 ~ 州 釋地 冀 仍 承古 疏云 東 互 并 此 也 也 河 差 西 封 有 小 西 州 内 引 時 理 義 解 界 以 更 于 然 兩

之北

從

可

知

也。

據

孫

炎、郭

璞

注

釋

爲冀州。

惟言兩

河間,不言南

河

南

河

海,爲東

河。

然則

東河之西,

西河

之

東

水、大陸,又北

播爲

九河。

口

爲

逆

河

過

洛

汭

爲

南

河。

至大

伾

北

流

, 過

降

南

流

爲

西河。

至華陰

東,經底柱、

孟

河。」東西皆據冀

州言。

河自

積

龍

地

九州以爲殷制

而

鄭

注此經用之

雅

釋地》文。

彼郭

璞

注

云:

「自東河

處

,治之無

益

雖是帝

都

不得

也

日

鄭

云

兩

河

間

E

冀

州」者,《

爾

三 五 五

州者。 雅 州 縣」、《續志》「泲陰郡定陶縣」、《説文》卷 見《毛詩 陶,故曰 唐 沇州」,考河自 王及僞 太原平陽則皆在冀州,故鄭以堯都在冀 十四下阜部各條下。定陶 太原縣。 後又嘗居陶。 爲諸 確。 也。 爲 枝已人沇域,則冀 文王》篇「上天之載」毛傳文。 九 不必泥 孔義 若謂 疏謂 河。 鄭 [陶唐] 侯,及 ·唐譜》、《漢志》「太原郡 陶,今山 又云「載之言事」者、《大 非也。 其 經 九州之次即治水之次,其義 冀 也 是也。 冀 八升爲 臣 水 流 瓚 州之降 無 東曹州 疏云「冀州之水不經 之徒 天 굸 經 唐,今山 子, 沇者,故先冀次 州之水非不經沇 堯 駭,尚在冀 水、大陸以 府定 方都 雖在沇州,要 居 陶 西太 平 唐 縣 陽 晉 原 東 陽 其

> 東訖 踰塞,直抵陰山下,西起東受降城之北, 之西北境,東北 平、順德、宣化等府,及真定、河間二府 彰德等府,直隸則 陽、 吉、隰、遼、沁等州,河南 朔平等府,平、定、忻、代、保、德、解、絳、 汾州、 于大遼水,皆冀州域也。 潞安、蒲 則奉天、錦州等府、北則 州 順天、永平、保定、廣 澤州、 則懷 大同、 慶、衛河 寧

其宜反。 壺口治梁及岐。〔《釋文》曰〕壺音胡。治如字。岐,

緜》疏。 山 也。《尚書》疏。 梁及岐」者,蓋治水從下起,以襄水害易 扶風美陽西 之東南,梁 鄭日》地理 之 名。 卷《周· ○又《周本紀》張守節正義。 ○《史記・ 《釋文》。 南召南譜》疏。 山 北 ○傅寅《禹貢集解》一卷。 在左馮 志 夏本紀》集解。 〔傳曰 ·, 梁 》壺 Ш П 〇又十六之二卷《大雅 西 翊 壺 Ш 南。 夏陽,岐山 П 在 ○又司馬貞《索隱 (馬) 在冀 河 于此 東 ○《毛詩 州 北 **之言**「治 在 屈 右 縣

[又案日]以今輿

地約之,山

西太原、

平.

梁山 東南 Ш 風 班 岐 山 美陽 之下言治者,欲見上下皆治也。 西 111 古 在 至 在 應劭 作《漢 所 雍 左馮 岐 縣 在。 州 Ш 西 書 云: 從 北 翊夏陽縣 ,從東向西言之也。 念》云 東 • 「已有 地 循 然則壺 理 Ш 壺 治 志 南 西 口 水 北 П 屈 在 據 而 岐 西至梁 , 故 河 前 西 山 東 稱 漢 經于 在 北 北 郡 Ш 疏 右 屈 屈 縣 , 梁 曰 扶 壺 縣

縣 鄉 縣,隋改吉昌。《隋志》昌寧縣,後魏置,與吉昌同 據,不本班《志 司馬彪《續 夏陽」下少「 志》文。 宋史》仍 文成郡下,注有壺 西 南 故《寰宇記》云:「壺口 五. 鄭引《地 作 鄭所 十里。」宋熙寧 漢 慈州 西北」二字,傳 • 引《地 ₹, 理志》云云者,即 口 郡 蓋 Щ 耐 或 其後復舊。元改吉 此 志 理志》往 唐屬慈州, 條 》略同。 五年改隸隰州, 則 在慈州 龃 寫 往 班 誤 又改吉 漢 别 疏 脱 吉鄉 北 有 引 也。 惟 所 班 屈

門,下 之上。 里壺 川縣。 津之名矣。與導水又東,至于孟 即龍門之上 子傳》曰『北 里 處,故 州 十 注》云:「河 上 崩 \Box 大寧縣西南八十里,吉州 州 一,河 始 之北,黄河中流,西直陝西延安府 浪 里有風 \Box 隸 Ш 萬尋, 禹 至 口 西孟門山 大禹 禹 控 在 平 鑿 下口 下 山 首 龍 陽 州 一, 河 盡 Щ П 渾 開之。 路 '水南 門,當路束流 西 登孟 龍門,在今河津縣 疏 П 處 約 中 洪贔怒,迄于下口。」 上有 南 也 通 潄 西 明 過 七 門,九河之磴」。 百六十餘 上口 廣, 實 謂 龍 穴 屬 與韓城之龍 河 + 門 如 黄河之巨阨 之 東 平 夾岸崇深。」 里。 未 孟 陽 孟 輪 北 爲 一 山 闢 門。 門, 西六十里, 府 屈 此 津無涉。 里。 縣故城, 在 河 Ш 今 河出孟 西北三十 故《 門 今隰 之 南 改 《水 孟門, 相 此石 兼孟 穆 扼 連 四 直 宜 天 門 西 經 壺 州 孟 隸 要

平,遂 璞云: 野,堯 北 于 就 災,使成 倬 雅 縣 由 滅。』《爾 北 去 陝 漢 河上。」是 中 龍 壶 故 其 連 河 西 里 夏 西 水 門 道 道 北 愈 陽 同 \Box 龍 由 時 「晉國所望祭者。 鄉 奕 遠 麻 縣 者 以 州 門, 龍 雅 平 俱 韓 而 亘 也 , 惟 線 治 府 周 門 田 是 梁 百 侯 遭 當 嶺,皆是 梁 韓 太王 釋山》:「梁山 少梁, 也 韓 西 奕奕梁 里, 山 洪 受命。」鄭箋云: 禹治 爲 韓,姬姓之國,後爲 山 城 城 徧 河 水,禹甸之者,決 禹 自 縣 所 西北之 漢 以 即 野 虚口 郃 所 然 邑。 治 美 下 皆 Ш 惠文 陽 梁 治 梁 陽 成 文 維 在夏陽西北, 則孟門之險 縣 Ш Щ 也。 向 導 縣 邱 Ш Ш 一,晉望 王 禹 西 在 南 , 岐 甸 海經》 泂 更 使 甸之。 《 詩 北 縣 則 之地 「梁 所 枕 名, Ш 河 也 抵 西 益 云 流 除 Ш Ě: 。」。 在 晉 韓 北 西 今 河 咸 其 之 西 漸 臨 所 有 大 城 九. 而

之也 涉 梁、 以 西、工 Ш 也、岐 云: 壺口 縣 Ш Ш 岐 又案曰」 或 在 蓋 渭, 人渭也 水 岐 [在吉州] 一今汾 尚 「汾水南 酈 出 宜 殺 治水從下 在 是 汧 也 府 書》所 説 焉, 並 水、漆 河 縣 居 雍 壺 非 陽 勢,岐 舉及岐者, 東 取取 五 州 東 是。 鄭 也 西 口 縣 與平水合,水出 謂 水 北 西 南 有 水各 Щ, 壺 西 又云「于此 ·起,以 之會, + 壺 雖 岐 流 П 口治梁 里, 水 與 而 八滑。 注 孟 其 則《左 與《 正謂治汧、 河 人漆, 見 襄 于 杜 謂 縣 門 無 水 注 于 0 汧 在 河 禹 有 涉, 及 言治 傳 冀 害易也 禹 鳳 平陽 則《 雍 也 貢》壺 岐」也 治 潞 但 翔 今 州 水 哀 水 縣 ^ 梁 合 西 漆 既 爲 府 經 禹 四 故 壺 及 漆 東 諸 至 口 東 岐 一者 注 貢 有 此 岐 П 水 水 梁 漆 Ш 河 Ŧī.

有梁山 取朝歌 言治岐及梁, 按 謂 Ш 指此,則 行。」凡連太行言者,皆非大寧孟 志》説非是。 云「太王去邠 Ш 孟 壺 以此梁 魏武 東。 門,在 則《元和郡縣志》云:「京兆府奉天縣 亦有二,治梁之梁,韓城西北 口 非《禹 《左傳》襄二十三年: Ш ,即《禹貢》『治梁及岐』之梁 侯曰:「殷紂之國,左孟門,右 大寧 岐在梁 人孟門,登太行。」《史記》吴起 在 潞 |今乾州西北五里,乃孟 貢》之 縣 ,西南 踰梁山」者。《禹 何爲 即 東,禹當日從東 · 者是。 今 壺 倒 潞 口 其 城 文 其 與 縣 耶? 「齊侯 壺 則 關 口 貢》 而 是。 門。 以 在 相 ^②元 伐晉。 西, 子所 Щ° 如 太 Ш 連 果 和 之 其 梁 太 行 爲

既 修太原,至于岳陽。 鄭曰〕岳陽,太岳之南。 原今以爲郡名。 岳、太岳 〔《釋文》曰〕岳字又作 于《 一,在河 地 理志》, ! 東故

> 州其 順帝改 彘縣 屬河 疏。 皆屬并 陸。」孔以太 名」者,太原郡, 彘 壺 河東道》。 夏官・職 案曰〕鄭引《地理志》云「太原今以爲郡 疏 縣 〇王應 口、雷首至于太岳」,知此 曰〕《釋地》云:「廣平 東 岳、太岳、在太 東,名 Ш 東 有 尔郡,在 州 鎮 爲 方氏》疏。 [傳日]高平日 麟《詩地理 也。 曰霍山, 永 霍太山 霍 公安縣。 原地高,故言高平。 太原 太 又云「太岳在 Щ 班《志》、《續漢 〇李吉甫《元和郡縣志》十二卷 一考》六 ,此彘縣 即此太岳是也 西南。《地 《周 原 毛詩 西 卷。 禮 太 南。 》 六 之 一 ○《周 日 周厲王 • 原, 河 原,高平 職方氏》 岳 理志》河東 Ш 禮 東 (志)皆有, 今以 卷 南日 即太岳 二十三 下文云 故彘縣 | 唐 所 爲 風 陽。 冀 日 譜

文。《續志》河東 更名,有霍太 是班《志》文。 東,名霍太山」者,疏引《 Ш 「順帝改」云云, 永安縣故彘,陽 此與鄭合。 地 理 是應劭 志》云云、 蓋 鄭 年 注

夏」,此大夏之名所出。 傳》「臺駘處太原」云云,此太原之名所 夏、參虚、晉陽,一地六名。」考《昭元年》 司 志 記,先有《地 志 杜預《春秋釋例》云:「晉、大鹵、太原、大 書》云:「明 則 言唐叔受分器「以處參虚, 匡有戎 曰大鹵。」此大鹵之名所出。 司 太原」。《穀梁》云:「中國 晉荀吴 禹 馬彪 非 馬彪則取之以作 》,鄭據當代之書,故不盡與班合。 》。」劉昭注《補 「鑿龍 班 又《左傳》「遷實沈于大夏」、《史記》 作,鄭 書 引《 門,通 一帥師敗狄于大鹵」,三傳皆作 却 地 帝韶伏无忌、黄景 理》。」是東漢别有 多與《續志》合。 不 理 大夏」,「齊桓 志 及見。宋余靖《序後漢 續漢志序》云:「推檢 $\stackrel{-}{\sim}$ 志者,故與 間 與班《 又《左傳》 曰太原,夷狄 一公西 此經及《左 (志)不 Щį 作 鄭合也。 《 地 是書晉 伐 狄, 地 百 舊 理 理 而

書・西 詳,其 民 俞泉。]又云:「宣王二十七年,遺兵伐太原戎,不克。 太原。」又云: 原以 先 必 其上游,縣必極意崇防,然當洪 出。 治太原,不知導壺 鯀之功修之也。 者,經言禹導汾水也,修乃因事之辭, 此參 屬太原郡,爲刺史治所,今爲太原縣 Ш 國 晉趙鞅人于晉陽以叛」,此晉陽之名所 亦見 事 一之太原爲 河道既通,而汾水始有可受。 西太原府。 語》「宣王料民于太原」,毛萇、鄭康 地 至 壺 皆即 虚之名所出 **羗**傳》: 《汲郡古文》。 賦 當 岳陽也。《詩》「薄 口、梁、岐,而 在 蕭條 夷王 太原一 雍州 「穆王 司馬相如《上林賦》「延蔓太原 太原」, 即 太原,汾水所出。 命號公率六師 一西征 此三言太原,皆與 是時帝都平陽,太原據 原隰,與 地也。 口,功用 此 犬戎,獲其五 又《春秋》定十三年 古 後修鯀舊 人通 此 伐玁狁,至于太原」, 在 太原 伐 稱 不成,故禹必 漢 並, 太原之戎,至 八伐玁 水成、韋 無 王 則晉陽縣 與 一、遂遷 涉。 迹, 自太 「既修」 水之時, 鯀但. 此 狁 太原 昭 後 知 大 不

其地當直 原以至太岳之南,千餘里中無不修治, 太 云「岳陽,太岳之南」者,禹 岳 漢彘縣 在 州 抵 東三十里。 在今爲霍 南河也。 州 汾水源流詳《水經注 此 岳 屬 與五 導 Ш 汾 西 岳 ル, 平 無 涉。 陽 自太 府

〇林 河, 書全解》七卷。 者,漳水横流 ○ 《周禮・ 平阜城入河,行千六百 傳 釋文》。 鄭曰〕覃懷爲 〇封 從 之奇《尚 漳水出上黨沾縣大黽谷, 覃懷致 河演《聞 〔王曰〕衡、漳,二水名。 覃懷, 夏官・職方氏》疏。 書 見記 ○《毛詩》二之一卷《邶 全解》七 入河。 功至横漳。 近 縣名、屬河内。 巡 河 卷。 地 卷。 《尚書》疏。 名。 ○《史記索 馬 〇《史記·夏本紀》集 八十 / 疏 漳水 一衡,水 ○林之奇《尚 里。 **参**地 日 鄘 東北至安 《尚書》疏 · 横 隱》 衛譜 理 流 地 衡 名。 志 卷。 疏 理 漳

《水經注》云河水逕懷縣南。 也。 春秋 覃懷之地 道之所人,與成皋分河 之義,故鄭直以覃懷爲縣名也。 《志》又云沾水出壺關。 和郡縣志》云:「懷州,《禹貢》冀州之域 與班同。 疏引《地理志》云云,班《志》文。 水出長子縣,東至鄴縣 行千六百八十里」, 黽谷,東北 懷北五百餘里,從覃懷致 古横字,漳横流入 志》 二字共爲一 案曰〕鄭云「覃懷爲縣名,屬河 河 屬 《地理志》云「清漳水出 内郡 疏又解縣名本懷一 至渤 七國屬韓、魏。 有 地, **周爲畿内及衛、邢、雍三國** 懷 海 故云「近河地名 縣 阜 河 此 在 城 故云横漳。 人清漳 縣人 河 沾 水。 《志》又云濁 之北 分功而 縣 秦滅 河,過 一字,而 上 李吉甫《元 蓋 黨沿 北至 水爲 沸 《續 内 酈 蓋 郡 水故 道 一横 加 漳 覃 者, 名。 五. 覃 懷 元 大 漳 在

四

 \prod

野王。 北,太行之正 縣 陟 其 境 西, 縣。 印 地 郡 爲 爲 東 滅 即覃懷 今懷 殷 隋 河 郡 魏 内 王 爲 東 縣 郡 郡 一,王河 南,沸水 境 也。 河 置 故 理 東 城 |懷州。] 宋于 懷。 楚漢 郡 内 其 在 出 地 河 今州 之際, 高帝二年降 其 當 南 河 西 孟 懷 爲 内 津之東 慶 此 淇 項 水 府 地 羽][出 武 置 移 立 郡 其 少 晄 武 理

馬

《志》,却與信都之昌 則云 而 漳字注言清濁漳所在, 疏、班《志》並 合之,非也。 平之阜城無 縣有昌成。」《續志》安平國故信都 都 地 安平阜城。 字譌,當爲昌成。 前《志》上黨沾縣 何 兀 文 黽 年 郡 國 亦誤作「大黽」,而酈注 郡 據《志》 要字 作 有 改,其屬縣 注引應劭云:「安帝 「至渤 大翼縣 要。 鄭 作 清 則 海阜 若渤 **桑** 又今《水經》卷十「清漳」一 漳 涉。孔穎達 云「至安平阜 同。 又鄭所云「大黽谷」者, 至 ,師古曰:「**舜**,古要字。」 · 城 有 邑 「清漳至邑成入河 《説文》卷十 海 鄭據 阜城,故昌 人河」。 黽 成 郡之阜 成 人 故 非 東 與前《志》略同, 河 改 因 傳寫 作「大要」。 漢 城入河」。 不言 其名 + 城, 日安平 考前《志》 地 地 作黽 城。 一上水部 即即 理, 同 雖 邑 -, 其 延 故 而 載 與 成 安 孔 前 光 云 則 邑 疏

脊上諸

州並

Ш

險,惟太

行

南

瀕

河,地

平

衍洪水,時亦受河患。

東,爲河

北

沃

壤。

蓋太行

乃

河北

之脊,

孟

津、洛汭之河治矣。

鄭又引《地理志》

今日「低績」,則

引

漳,不言濁漳,以

濁

漳

入清

漳

云

出長子縣

脱

「鹿

谷

Ш

河,

以

漳

爲

主

故

也。

濁

漳所

班《志》清漳云云,

又引濁

漳云云,

鄭

平阜城入河,行千六百八十里」者,疏

云 「漳水出上黨沾縣

大黽

谷,東北至

安

言漳出 長子縣 漳也。 東北 清 風 城東,東北 通,故鄭云云 部:「衡、牛觸。 可易矣。 貞云「衡人即從横之士」。《考工記 割諸侯地與秦」,裴駰云「衡音横 人河」者,《孟子》「一人衡行. 衡,横也。《史記• 縣故城西,又屈 縣 云「此古文横字」。 其 漳發源注河 注:「衡,古文横,假借字。」 南。 衡門》 證 流,又東過壺關 沾 也。 其流行里數與《漢志》同 西發鳩山, 流 乃《水經》云:「濁漳水出 大 有絳水注之。 酈注云:漳水東逕屯留縣 傳「衡木爲門」、《釋文》引沈 鄭 要谷,至阜成入河, 逕其城北。 也。 ,濁漳入清漳乃入河 又云「衡漳者 横大木其角。」是衡 東過 據《漢志》及《説 蘇秦傳》「衡 縣 又東涑水注之。 《説文》卷四 壺關在屯留東,不得 其縣南, 北 、又東 南、又屈逕 漳 趙 · ; 是 北 屈 則 水 岐 又逕 是 從 文》, 皆 過 E 確 下 横 與 司 注 横 黨 欲 角 陳 玉 不 鄭 流

過信都 堂陽縣 縣西 海。 谷,南流逕沾縣故城東,不歷其西也。」屈 谷,南過縣西, 瀆之所纏絡也。] 又東北過 曲 壺 會,又東北 北過阜城縣 人于濁漳。」則是濁漳流遠 衡漳于縣無別出之瀆,縣北者乃虖池别水,分虖池故 章武 關 縣 安縣 周 而 清漳水出上黨沾 縣 南 蓋二水相 後 屈從縣南,東至武安縣南黍窖邑, 一, 又 縣 西 東 縣西,又東北 屯 又 留 西, 至樂 東 東 也。 又東北 又 北, 東 北 又東北 出 又從縣南,酈注云:「水出大要 又 人,下流合同,故濁漳人 成 又東北至昌 Ш 北 過 東 陵縣北别出。 過 過 调 北 渦 扶 漳 過平舒縣南,東入 鉅 鄴 過 縣 成平縣南,又 下 鹿 柳 縣 縣 潞 西 · 博 縣 南、又 縣 而 縣 西 北 亭與 縣 北 東 北 清漳反短 少 西 東過 東 虚 Ш 酈注云: 東 又 東 北 東 北 调 東 北 東 過 過 河

「北」,原脱,今據《水經注》補。

JL

DLI

縣南 志》合, 是魏時 過 過 堂 若 曲 也。 水 東,又東 之,清漳 雖 平 信 言濁 流 横 阜 府 陽 縣 周 有變遷 ൬ 定州 南、又 今以《 鄴 縣 流 城 都 縣 , 與 縣 東, 縣 雖 水 人 縣 西 漳 水 東 過 水 故 故 禹 河 道 北 樂平縣 西, 據當 · 漳 經 人 至 東 涉 漢 又 又 出 矣。 貢》之漳 海 > 城在 鄴 誤 也 志 固 東 又 東 東 北 縣 沾 時 縣 東 以 人 北 北 過 縣 西 未改故 則 》爲主,參《水經 一合濁 · 今 臨 水道,未 爲 其 于 北 ,屈從縣 并 過 過 斥 大要谷, 漢 武 無涉矣。 昌 清 過 漳 河 鉅 非 扶 時 安縣今屬 漳 亭以 漳 柳 縣 下 鹿 道 漳 東 漳 縣 博 漢之 此 縣 縣 南 水 猶 見其 東 南 西 濁 鄭 下 縣 北 東, 鄭 人 南 沾 又 東 又 所 注 西 河 漳 無 過 東 過 東 非 泂 縣 則 又 又 列 謂 流 怪 北 北 後 東 南 调 武 其 以 今 又 禹 則 也 漢 縣 世 漳 東 北 過 Ш 调 列 安 縣 推 河

之漳水 稱,而又以 下 信 西南,東入海。」酈 目,信都復見絳名 乃與章俱得 理志》云:絳水 所謂「覃懷底 主,敘至「斥漳縣 謬不待言。 鉅 縣 故 志》上黨屯留縣 又案曰〕馬、王以衡漳爲二水,與鄭異 漳」,并 班《志》信都 又敘至東 都 故 鹿 城 縣,今冀州 縣 城 在 稱爲 在 今 今順 即 今 直 絳 以當 北 通 酈 漳絳 曲 隸 水 過 績,至于衡 德 稱。 氏 或 發 周 阜城縣,今屬河 廣 即 「導 信都縣 曲 南」之下,即云《尚 既不從鄭 府 當 下云 原屯留 意以絳 縣 平 降水 周、鉅 떼 故 平 東 府 河」之「北 經 水 東 鄉、 肥 「冀 「 桑 流間 曲 下云 故 鹿,則云:《地 下亂章津, 漳』者也」。 下 鄉 鉅 唐 于 欽 州」之「 以 流 而 縣 鹿 觸 亦 斥 言 海 過降 以濁 與 間 北 所 屬 一一考 漳 漳 絳 故 府 縣 廣 水 至 漳 得 在 以 水 平 地 其 班 是 爲 通 著 漳

北 酈 在 之,精且 水,从自傍夅音,讀如夅,下江反,與信 都絳水之去鉅鹿不合《地説》千里之數, 數,是鄭原不謂信都無絳水也。 如《志》之言,鉅 淇水也。 水,是河 不當以《禹貢》繫之。 古文字,則俗説。 理志》大陸在鉅鹿,絳水在安平、信都。 志》言古文者,是古《尚 之絳,从糸傍,音居巷反者絶異。 又 北 爲降,是 據道里之差,又辯音讀之異,區 知其非「導河」之降水。 流、過降水千里、至大陸爲地腹。 據 東人 以 一確矣。 内郡共縣北 故其注云"《地説》云,大河東 爲 海。 固 即 鄭 酈既 降 鹿 所 禹貢》絳水亦 其實《禹貢》無 水 嗤 與信都相去不容此 合漳降爲 Ш 之復見者。 也。 況鄭注導 所出之共水 書》説,此 近 且導河之降 儒 人 特以信 偏 河 (海。] 絳 又 以 條 但 而 《地 即即 降 以 班 别 故 鄭 無

厥土惟白壤,〔《釋文》曰〕壤,若丈反。注,增衍支離,顯違鄭義,皆非也

柔亦和美意也。 官・大司 無塊曰壤,水去土 案日」 説文》卷十三下土部云:「壤,柔土 馬曰〕壤,天性 馬 徒》鄭注 云「壤,天性 和 復其性,色白 美 云: 也。《釋文》。 「壤,和緩之貌。」 和美也」者,《 侕 傳 也。」 E 地

厥賦惟上上錯,〔《釋文》曰〕錯,倉各反。

七夫税 上上出 ○《毛詩》十四之一卷《小雅 ○傅寅《禹貢集解》一 税五夫。《尚書》疏。 中下出四夫税,下上出三夫税,下中出 ○《玉海》十七卷《地理門》。 一夫税,下下出一 鄭曰〕此 卷《地 官 ,中上出六夫税,中中出五夫税, 九夫税,上中出八夫税,上下出 州 小司徒》疏。 入穀不貢。 卷。 夫税。 ○林之奇《尚書全解》七 ○《禮記 ○毛晃《禹貢指 ○又一百七十六卷《田 甫田 賦之差, 通率九州 $\stackrel{>}{+}$ 卷《王 ○《周 南》二卷。 制 禮》十 井 》疏。 卷。 井 制

文》。 門 不畫井稅 上上,第 云,又云「通率九州 案曰〕鄭云「一井,上上出 九夫爲井,差爲 下 「傳 日 0 梁州 又 地 曰]賦謂 <u></u>
−

• 再 大,無 注 有 見。 錯,雜。 上 鄭 公田 以 下 又 土地所生,以供天 錯 相 九等甚 一井税五 爲雜 百 錯 雜出第二之賦 鄭 七 乃以井計 + 通 傳 便,假借言之。 九 率 九夫税」云 卷 與之合,馬 第 夫」者,夏 ~ 貢 之,蓋 賦 門影 子。 ^

厥田惟中中,

注

非

也。

田。 地 土。 有 尚 傳 鄭 有 肥 書 曰]地當陰陽之中, 據 瘠。 高 》疏。 田 下。 著 人 田之高下肥瘠,九州之中 《尚 ○林之奇《尚書全解》七卷。 功 高 《釋文》。 書》疏。 下 作 之等者,當爲 力 競 ○林之奇《尚書全解 至 得 而 能吐生萬物 田 言其土 之, 水害備 (馬日)土 則 影七 地各 爲之 者 爲 也。 卷。 第 曰

> 肥處 形高 處地 瘠」,則謂定肥 云高下肥瘠相参爲九等。 <u>Ŧ</u>i. 地 瘠 下 疏 出 下,水害所傷,不 曰 九 物既少,不得爲上。 鄭 等也。 云「著 瘠爲九等也。 王云「土地 高下之等」, 得爲上。 如鄭義,高 如 各 則 肅義, 故孔 有 謂 肥 地

《説文》土部云:「地之吐 地形 藝馬,則言壤。」彼辯 防可 水害備也」者,鄭意以上中下之等,是據 也。 是著其高下,欲爲水害設備。 義同也。 釋名》同。 案曰〕鄭 則言土。 東南下,雍州在西北,田上上,明高 高 鄭、 緩,下者宜急。 下言之。 馬知據 又云「田著高 云「地當陰陽之中」云 《大司徒》注:「以 土,吐也。 地 凡水害, 形 土、壤,此 故治 高下者, 下之等者,當爲 以 生萬 水 田之高者, 人所 先從下 萬 物 馬與 辩 耕 物自 形 者 土 云 也。 西 鄭 而 田 生 樹 日

賦之多 欲駁 也。 處 高 其 卑 等,三州當 荆 爲 田 地 徐 則折而北 下,徐上中。 一, 猶可 下肥 地 高 就 地 也, 不 在 上 瘠,不 下者不必 論 鄭、王,以 王肅 高,不可更東。 所 下之性,導之北行耳。 揚 田 肥 寡 瘠言,則高者 傷,不得爲上」。 西 揚 自 中下。 行, 瘠,以肥瘠于賦之多寡自可 王及傳 儳 務 得爲上。 持 下三等。 高 與鄭違,故 互不合矣。 東 其 由冀、沇間趨于海。 禹導河經冀、豫間,至大伾 中僞 瘠,豈得爲下 説 南, 冀 等, 不 也。 中 孔,乃云「如鄭義,高 田 水害 · 顛 蹶 如 王 沇尤下于冀、豫,順 不 中, 下下 在 必 蓋鄭以 變言肥瘠 此 一義 然舍賦 也。 犯,難、 豫 沇 荆 下 乎 數語 是上中下據 西, 中上,青 州 明 肥處地 惟 卑 正 又 僞 而 爲 一是駁 專 則 孔 疏 與 見 地

> 非也。 出諸 得爲 鄭; 耶 僞 穎達若云 孔 1 若王 若欲言高處地 П 乃駁之云「肥者地下, 蓋 使 鄭 無 則 故漫云「不得爲 一高 然 處 以 不 處 則 置 上 地 以高爲上,專以 反 喙者 爲 瘠, 以 瘠,不得爲 高 瘠者爲上乎? 不得 即 乃 不 反 爲 水害 上, 以 肥 以 高 駁 上 所傷,不 其 肥 則 鄭、 辭 足 又 難 難 遁

恒、衛既從,〔《釋文》曰〕從,才容反。

出 治,從其故 鄭日》地 常 靈 《史記 壽 Ш 縣,東北 上曲陽縣,東 道 理 夏 志》恒 本 - 紀》集 入滹 疏 日 水出 解。 沲 入滱 地 恒 水。 傳 理 山 曰〕二水 志》云 衛 衛 水 恒 在

文,兩處皆繫以《禹貢》。但彼言「恒水云者,疏引《地理志》是班《志》文。據彼〔案曰〕鄭云「《地理志》恒水出恒山」云

四

八

是。 出 曲陽故屬 下「東」字,亦 壽縣今屬真 靈壽,則與前《志》同 **F**. 衛 曲 水 陽 常常 出 西 直 Щ 北 泉水即 靈 非。 定 隸 恒 恒 恒 壽 定 府,其故城 Ш 東 Ш 續志》云: 北 州,其故 北, 恒 在 谷 水。 西北 也。 東 人 疏 在縣 其 城 中 虖 删 衛 曲 劉 在 池 西北。 此 山 陽 水 昭 縣 句 或 今爲 出 注 疏 西。 常 E 云 删 非

靈 山 曲陽縣,屬 「有泉水」。

皆在今文安縣合爲一,以入河,而入海。 恒既入滱,滱入易水。 流甚短,大約 山,衛在靈壽,其他 〔又案曰〕據《漢志》 而 水經》。 四水截然 滹沱、《水經》亡此篇,觀《漢志》及《元 不 不 相 過 衛人滹沱,其下流滱水與之合. 假 在東西數十里之間 借。 無 恒 所 人滱 旁及。 鄭 但云 ,衛人滹沱 寇、易源流見 二水原 恒出出 和志 恒

> 非 水言 既 水 此 兼 恒 北 從 納 也 亦 水 之耳。 魏 恒 從 即 也。 滹 Ш 人 西 之通 一來,注 議論 如 近儒 其説, 憑 稱 之。」酈注 非 臆 大 即《禹貢》所 古義,然酈 此 衍 則 説 妄援爲例 滱水 ~牽引閑 云 皆恒 謂 自 亦衹就),遂謂 恒、 下滱 文 水 矣。 衛 衛 怕 水

大陸既作。

卷《州 邢州》[傳日]大陸之地已可 北 ○《史記 釋地》「十藪,晉 周頌 鄭 釋地》「大陸」,孫炎等皆 廣 日〕大陸, 郡 河 般》疏。 》篇。 夏本紀 澤也」,❶ ○樂史《太平寰宇記 ○《周禮 》集解。 澤名,在鉅 有 郭璞云:「廣 大陸 一十卷 0 杜 佑 || 地 鹿 ,耕作。 **通** 五十九 云「今鉅 《 詩 官 北 典》一 大司 Ť 河 卷 九之四 百 爾 ~河 疏 徒 七 猶 鹿 雅 + 》 疏 北 縣 卷

者

雖

小

必記。

《禹

貢》

例

如

此

鄭注

本

亦衹

如

此。

惟

大

| 水

經》

卷

+

滱

0

炎注。

》篇云:「滱水東過中

Ш

上

曲

陽

縣

可得其槩。

蓋不

施

功

者,

雖

大亦

略

施

功

據 《爾 雅 注 疏》,「 今鉅」句爲郭璞注 廣河 猶 句

名焉 爲陸 故異 陸。 雅 郡脩武 杜氏《春秋説》云:「嫌鉅鹿絶遠,以爲 魏 一澤相 獻子 所 者 廣平曰陸」,但廣 以 去 地 縣吴澤 ൬ 畋于大陸,焚焉,還,卒于甯。」 雖卑下,旁帶廣平之地,故統 甚 名 司 名 遠,所以得爲 言之,近爲 焉。 也。 澤形卑下,得以廣平 **甯即脩武** 而平者則名大陸, 是也。」《春秋 大陸者,以《爾 也。」然 汲 此

注 考此郡所屬又有廣阿 此 藪,趙之鉅鹿」,高誘注云「廣 鹿郡鉅 二縣境,故名之。而前《志》注 (案日)鄭云 續志》略同 日 云: 鹿。」 澤, 鹿 鹿,林之大者。」 愚謂 縣 大陸 下 Ш 劉昭 云 林也。 家特釋文義 澤 =注 禹 在 縣 引《吕氏 貢 鉅 疏 始 》大陸 臣 鹿者、溪漢志 因 費注 因 澤是卑地, 如 又 此 阿澤也」。 春 澤 此,其實 云: 引應劭 澤縣 秋 在 北 **>** 九 Щ 鉅 日

者。 澤 鄭 鹿 大陸 餘 《吕氏》所云「晉之大陸」,在太原鄔縣。 《禹貢》大陸、最是。 今爲介休縣也。 即鄭所引《 鹿」,正是鄭所云「大陸澤在 覺無謂。 《傳》,此則與《禹貢》全不 明,又綴以魏獻子所田 即襲之也。 而 云,廣河 晉之大陸」,又言「趙之鉅 祁 而兩見,故劉昭專引「趙之鉅 得 又引《爾 以鉅 是 者,亦全不相 并 名 州藪 也。 陸 即即 若《吕氏春秋》「九藪」, 鹿 爾雅 雅》云 謂 ,酈道元 在戰國實趙 此與《禹 然疏既引《爾雅》孫、 高誘 班固云九澤在縣 其 ・釋地》之「晉有大陸」 旁帶廣 所謂 涉 云 者 也。 貢》 云《吕氏 蓋 廣 此所 大陸,見定 地 大陸 平, 阿 疏 相涉,述之 非晉也。 鹿」,決 鉅 引 謂 」,鄭謂 亦 北 春秋》謂之 孫 孫 鹿」者,亦 鹿」以 此 是爲昭 「趙之鉅 郭 注 炎 意 既 非 注 元 注 郭 也 當 殊 年 璞

漢鄔縣 又 陸 有大陸 縣地,在今順德府東北一百二十里。 鹿城地 里,南北三十里。 慶,宋更名隆平, 通典》 又 ,其故城 跨 杜 大昌謂 州 也。 無之,而《元和志》分著于二縣, 阳 案 二縣 澤縣 鹿 澤縣 澤、在縣東二十五里、即大陸别名。 、李始。 ,今爲束鹿 名鉅 置陸澤縣,爲深州治,今在真定府東二百 日 **完**元 首二, 澤 城縣大陸澤,在縣 在今深州南。 也 南 以 有《禹貢》大陸 鄭 和 鹿 昭 邢、趙、深三州之地爲大陸, 三里,即大陸之澤是也。 解 在今真定府 趙 竊 縣,在保定府 志》有四 慶本 澤、在 大 通典》陸澤有 謂《通 州 鉅鹿本漢南絲縣,亦 漢 陸 昭 唐先天二年,分下博及饒陽 廣 惟 慶 縣 阿 邢 典》昭 趙 縣 祁州南一 縣 西 州 澤。 南十里。 北 州 東 隋 隋 唐 趙州 鉅 南 曰 慶有 澤 爲 則 陸 大陸 東 百三十五 鹿 澤本 多 大陸 百 鹿城 西 昭 兼得鉅 縣 澤,鉅 唐 里。 鹿城 異 漢 二 十 蓋一 慶縣 大 下 曰 縣 説 里。 里。 故 陸 無 深 鹿 昭

是

州

深

鹿

程

廣

生 即 以 陸 山 南宫枯洚乃漢 唐人不主 陸,則經當云北 陸,則枯洚反 降後,與下文導 陸澤爲至于大陸 南宫之故洚渠爲北 邢、趙者得之,并深州言者失之。 雅》、《吕覽》、《漢 跨二縣也。 以 先大陸後降水之嫌,而 至 漳水即洚水,而 也,而 而《 鄭此 鄭以 爲 黎陽 禹 元 陸 迹,此 注,强 導河之降水乃出河 鉅 和 澤、鹿 人河,是爲 實則 鹿而 志》亦 在 時 河適合。 以 過大陸至 其 亦河别爲洚,不 一意謂 鉅 漳 志》之澤,此《禹貢》 取陸澤之意也。 以 城 北 南宫枯 過海 分著于二 鹿 水徙 枯降 不與焉。 、昭慶之澤, 北 以此爲《禹 如 水 若 過 流,實非禹 此 即 訟欲將 于洚水矣。 洚 降 以 鉅 則 禹 爲 縣 内 杜、李 大陸 鹿 深 水 迹。 邢、趙 降 共 可 縣 州 亦 貢》 即《 謂 唐 只 之 在 之 故 大 過 知 此 大 大 大 過 以

陸移至深州,此杜、李之謬也。

爲魯。

之島。居島之民還服其皮,明水害除。 島夷,是也。 衛包始改之。 (案曰)鄭云云者,鄭與馬、王及《史記》、 東北方國名也。《尚書》疏。 曰〕 島夷、北 也。●《尚 漢書》並作「島」,僞孔破 鄭 曰〕 島夷,東方之民,賦 書》疏。 夷國。《釋文》。 《五帝本紀》言禹功東至 ○《史記·夏本紀 [傳日]海 〔王曰〕 島夷, 讀仍不改字, 》集 食海 解。 .曲謂 物 者

反,章昭其逝反。 夾右碣石,入于河。〔《釋文》曰〕夾音協。碣,其列

Щ 之境還,從山東 無此山也。 更復行之,觀地 鄭曰〗《戰國策》碣石 郡,蓋别有碣 禹 由 石,與此 肥 南 |碣石 行 瘠,定貢賦上下。《尚 人河。 Щ 在 西北行,盡冀州 名同,今驗九門 九門縣,今屬常 治水既畢,

> 書》疏。 州。〔疏曰〕《地 田 此 指南》二卷。 南》二卷。 冀州之境,然後 碣石之南,禹行碣石 渤海北距碣石五 云,下文「導河入海」,傳云「入于渤 城縣西南,是 説境界,以餘 《尚書》疏。 詳記其所治之州,往還 州之下説諸 夾右」者,孔云「夾行此山之右」,則從 ,亦殊于餘州。 山之右,而 〇林之奇《尚書全解》七卷。 ○蔡沈《書集傳》二卷。 ○林之奇《尚書全解》七卷。 [傳日]碣石,海畔山。 治水者,禹 碣 州 人河逆上。 理志》碣石 百餘 石 所至則可 南回人 不言貢篚,亦差于 爲 不得人 里,河人海處遠 海 功主 所 畔 河 此 乘涉之水名。 知。 至 Ш Щ 河。 而 〇毛晃《禹貢指 州 于治水,故 也。 在 〇毛晃《禹貢 逆上也。 帝都,不 日]凡每 北 先賦 蓋北 禹夾行 海」。 鄭 平 在 驪 餘 後 云

作「賦食鳥獸」。
● 「賦食海物」、《尚書正義》作「搏食鳥獸」、《史記集解

所至可. 言浮 傳云: 局 異 Ш 鄭 碣 右 云,不言還都白帝。 二也。 也。 以 以 河逆上,爲還都白 兩 石 州 水達 傍, 北 西 「浮東渡河而還帝都,白所治。」 知。 名,何以見其廣大,妄説 八州皆言境界,此獨 行 南 顧 Ш 則 行 河,記 氏 常居右,與孔 入河, 馬、鄭皆云「使若廣大」, 東爲右 亦云「山 禹 在 還都之道 南 所治也。 碣 鄭云云,其 西 石之右,故云「 行西爲 日 異 右」,鄭 也。 無, 也。 每 也 右,故夾 以 意 州 梁 云云 王 下 餘 與 州 州 ŦL 皆 則 夾 既

合。 貢》所引《 〔案日〕鄭引《戰 志 實指 在 與 班 而驪 碣 ,然後引 必 Ш 石 成縣 異。 地 所 在 志 在 驪 九門碣石 後漢省 然 而 成 國策》云云者,疏先 係 鄭 但 後 然後引鄭此 設 當 漢 不 虚 日 而辯之、云蓋 所修, 置 辩 必 , 則 者 先實 鄭 每 鄭 注 指 注 與 注 班 此 引 碣 似 别 碣 禹 鄭 班 石 不

考九門 平 也。 城 府 驗知之也。 并、沇、豫之域」,然則九 餘里 年始省入藁城縣,今屬真定府。 引鄭注耳。 有 二十五里有 在縣界。』《史記 縣,劉昭補 文,則亡佚矣。 山 撫 ,皆非也 删右字, 冀州之境還,從山 , 決 碣 寧、昌黎二縣界,詳見 皆平地, 미 石 鄭《戒子書》云「吾嘗游學 不徒 縣 得, 與 自西 此 則下 注曰: 爲 故 若驪 九門 鄭 名 鄭 此 求 鄭 漢、五代 所 又云 惟《續漢 · 雜晉 同 • 虚 成 城,故縣 云「今驗 「碣石 引, 部 蘇秦傳》索隱 辩 碣 以 一馬 東南行入河」者,鄭 也 婁以 制 今《 見 石 門 猶沿,宋開 Ш 念志》常 由碣 名 在 又 「導山 也。 戰 旧 當 無 九 改驪 今直 同 國 作 所謂 戦國 石西 門 碣 四 Ш 而 策 疏 石 往來幽、 所引同。 無 疏 隸 縣 成 實 面 或 者 **協業** 碣石, 北 此 鄭 寶 無 引北 永 九門 非 西 Ŧī. 不 平. 北 目 Ш 百 此 全

抵碣 也。 都白 故云 見 以 則 水所 境 鄭,此條但云與孔異,不能 遠及島夷,則知禹 行又至碣石之東者。 爲右、是固然矣,云南行西爲右,則 内,觀地肥 Ш 以 弗子,何暇僕僕道長輒還都乎? 地 餘 鄭注 東南 , 豈立文之體! 肥 每 ,禹行自然先 州 疏推鄭 涉 帝。 山常居右也。 石之東,從此南行,碣石反在其 瘠,定貢 州 末記 不可易也。 ,殊覺無謂。 所至見之,是帝 行入河,如此 禹急于治 瘠 意頗 水 賦 也。 道, 上下。 從 確,且作 是治 冀州 東北所至甚遠,已直 疏 Ш 水,過門不入,啓生 王肅以此所記 若傳云每州 推鄭意,謂 西北 方得 蓋上文治水之功 不 碣 水 都 不説境界,孔 如 疏專爲扶 石乃冀 行, 畢 云孔是鄭非 徧 鄭 反 ·更行 借 使 歷 然後 廣 餘 冀 北 州 畢,還 即治 大 尤非 州 謂 州 行 再 東 西, 爲 附 廢 禹 東 境 從 北 觀

> 以轉切。」此州本以水名,兖字其文作六,不知所从。 章,冀州之濟、沇州之濟實一水也, Щ 貢》所言皆泲也,濟不見于經,何云一水乎! 皇者不得爲四瀆之水。 至武德人河。 ○〔案曰〕濟當作泲,二字音同義別。《漢志》泲水出王 濟、河惟兖州。 、説文》:「沇水,出河東東垣王屋山,東爲泲。 文義當在「厥賦」句下,故皆遷之也 引鄭「人穀不 牽于僞 在東郡 疏 駁之非 孔,釋文當 濟水出贊皇,至廮陶入汦。 臨 邑縣。 [《釋文》曰]濟,子禮反。兖,悦 ·貢」,亦 也 自《白虎通 似誤以爲 在 且 「冀州 疏 爲僞孔牽引在 四 **》**云: 于 濟、沸通用。 瀆。 此 既 濟出房子縣贊皇 吴氏 明 引 載」下; 列爲二,出 亦云: 鄭 兖當 从水允聲。 不知《禹 者 作流 轉反。 蓋水 導水 屋

間 秋》莊十年《公羊傳》疏。 曹譜》疏 疏 鄭 王曰]東南據沸, 相 曰]言沇州之界在此 去路近, 沇州之境跨济 據謂跨之。 傳曰〕東 西北距河。 南據沸, ○《史記·夏本紀》集 距,至也。 兩水之間。 而 西 《詩》七之三卷 過 北 距 河之 東南 河。 解 春

,横書之變成二形。

《説文》無此字。

陶縣是。 北播 處。 處。 東緡 間,相去路 流、上擬 游、河之間 始相 古河自大伾 州之西 間」者,泲自滎至菏,此沇州 越 志》沸陰郡治定 分界處 云「據游」,傳同。 、案日」 方輿 沙沸 今城 自會 水,西 爲 河自大 唐 北 鄭 九 Ш 即 爲 武。 禹 與 陽郡 汶 金 河, 自 今魚臺。 云「言沇州之界在 北 近,沇 迹, 鄉 冀分界處,故鄭云云也。 伾 單 後 菏 以下向東北 至東河 縣,即 同爲逆河,人于海。 北 父、 所領縣 至 陶 東 非 去 州之境跨泲而過。 過降水,至于大陸, 縣。 會 皆 疏云「跨之」,游、河 北 也。 不遠。 今金鄉。 唐亦 I在沸 行 汶 也 有 唐爲濟陰縣 爲單父縣,即今單 然 則南 則 成武 去,其後南徙、 水之南。 疏 疏 方 東 之 乃以後世 輿 説 與 與 此 西 蓋 音 唐 ,今曹縣 青 徐 亦爲 南 兩 房 本 分 預 分 此 與 水 ^ 成 漢 縣 界 郡 改 之 界 考 王 沇 又 >

> 蓋以其 東得岱· 乎 過。 同。 之。 而賈 也。 同。 盡 貢》之沇州,則非 「自河 「大野既豬 志 ! 與 沇界跨沸,惟周 其 徐 (疏以) (古合,安得以漢之沇 而周 不 殷之沇州,自 並 《爾雅》「泲、河間曰沇州」,注 東至泲」。 矣。 知 屬 Ш 則言河不言游、蓋其 漢 州 沇 鎮 爲「侵《禹貢》青、徐之地」者, ,是知 岱 武 自 州 日 故 南 置十三州 沸 岱 《周禮》「河東 也 爲徐、北爲青、徐 東至海,亦 Ш 以 河 侵《禹貢》青、徐 制 一,其澤 爲沇 東 有,然以言乎《 至沸, 自 州爲禹之沇 州之境 藪 立疆 與 與《 日 境 E 大野 越 沇 跨 禹 禹 界, 之 沸 州, 州 沸 禹 知 州 地 而 不 \Box 而

南境, 南境, 青州四府之西北境,皆兖州 又案日]以今輿地 Щ 直隸大名 東 東昌 府及真定、 府及兖州、 約 之, 河 域 曹 河 南 也。 間 州 衛 輝 一府東 府 東

九河既道,

界,平原以北 頌·般) 書》疏。 聞》二卷。 **昺疏七卷**。 沈《書集傳》二卷。○董鼎 論》上卷。 ○《漢制考》四卷。 ○陳師凱《書傳旁通》二卷。 東,至平原、鬲津,往往有其遺處焉。 桓公塞之,同爲一河,今河 利之也。 岸,故能分爲 〈羣書考索》二卷。 覆釜、胡蘇、簡、潔、鉤盤、鬲 在此州界」。 鄭曰]河水自上至此,流 九,大陸在 》疏。 ○林之奇《尚書全解》十卷。 ○傅寅《禹貢集解圖説》。 何傳 ○鄭樵《通 九河之名: 冀 ○《春秋》僖四年《左傳》疏。 州 딘 ㅡ 是。 冀 九,以衰其勢。 河從大陸 東 ○《小學紺珠》二卷。 ○ 玉 州, 河水分 境 志・地里略》第一。〇章如愚 「疏 嫌 至 海》二十一卷《河渠門》。 《書集傳輯録纂注》二卷。 ○《毛詩》十九之四卷《周 九 旦 徒駭、太史、馬 河 爲九道,在 東 河 河自大陸 畔 亦 河 盛 〇又一卷。 津。周時齊 ○程大昌《禹貢 間、弓高 東爲 北 在 壅塞,故通 圃 ◎◎爾 冀 ○《困學紀 地 九道, 故 北 雅》邢 平 ○蔡 《尚 州 無

> 從北 在 記 洫 簡 河 知 太史、馬頰、 東出分爲八枝也。 最北,鬲津最南。 駭相去三百餘里。」●是九河所在,❷徒 成平、東光、鬲縣 在成平。 三縣,則徒駭在成平,胡蘇在 鬲 、潔、鉤盤、鬲津 九河名,有徒駭、胡蘇、鬲津,今見 之名「徒駭、太史、馬 志》成帝時河隄都尉許 在 簡、潔、鉤 而南,既知三河之次,則其餘六者, 縣,餘不復知。《爾雅》九河之次, 其河填塞時 沇 州 東光縣今有胡蘇亭。』《漢 界平 覆 盤 原 釜 在 有 界中。 在 以 」。郭璞云:「徒駭今 故道 蓋徒駭是 東 許商上言三河,下言 北 東光之北,成平之 光之南, 鬲縣之北 也 ,鄭云云、《春秋 頰、覆釜、胡 商上書曰: 自鬲津北 《釋水》載 東光,鬲津 河之本道, 至徒 九 駭

^{)「}三」、《尚書正義》作「二」。

[「]是」下、《尚書正義》有「知」字、當據補、

五六

枝,并使歸于徒 流 寶 乾 以 圖 ※云: 自 廣。 鄭據 移河爲界在 駭 也 此 文, 言塞其 一齊 吕, 東 填 流 閼 八 八

即 翻 過降水,至大陸,播爲九河。」「厮」、《漢志 記 無 殺」,馬、鄭、王 意,正是説河從高 要下九河,亦蒙上厮分之文。 作「釃」。 爲敗,乃厮二渠以引其河,北載之高 河所從來者高,水湍悍,難以行 引《釋水》文是也。 分,與鄭合也。 其怒也。」彼二渠雖指一出貝邱, 案曰〕鄭云「河水自 作「不衰」,故云「分爲九,以衰其勢」,衰 岸,故分 殺 • 也 河渠書》云:禹道河至大邳,「禹以 孟康云:「釃 鄭 爲 又云「九河之名」云云者,疏 一肅、干 《易 九,以 又云「齊桓公塞之」云 丽 ·寶「殺」 上至: 下至平地,不可不 繫辭上》傳「神武 ,分也。 衰 一此,流 其 」皆所 勢」 分其流 且此 盛 平地 一者,《 戒反,虞 一漯川, 而 段文 地 地 史 平.

故也。 而《溝 百年 據此 成平縣自注云: 東光縣自注云:「有胡蘇亭。」《續志》成 蘇在東光,鬲津 者,却與鄭合也。 不能全引鄭注,所載郭 云:「平當以爲鬲津。」《續志》略同。 高縣屬河間國 原、鬲津,往往有其遺處焉」者,《漢志 則知下流壅塞,上流乃決,實爲齊桓 年戊寅,至定王五 云者,疏引《寶乾圖》文,《尚 有胡 河 · 猶 則禹 油志 王 鄭又云「今河間、弓高以東、至 存,齊桓始塞之。 今直隸河間 鬲,已見上。」然則 穿九 國 京東 横引《周譜》云「是年河 , 鬲縣屬平原郡, 班固 河 「虖池 在鬲 光仍舊。 疏云:「徒駭在成平, 歷 年己未,甫四十二年, 商、 縣。」《漢志》勃海郡 府交河縣 河,民曰徒駭 璞、許商説而 周 劉昭 桓卒于襄 至 疏 齊 本一 注 中 東有成平 桓 一亦云: 候 一漢志 一**,** 干 申之 河。 自注 (徙), 王 疏 所 影号 同 胡 雖 平 寒

有弓高 故城,皆漢縣 故 城 東光縣 故城, 也 東 Ш 有 東 東 濟 光故城,阜 南 府 德 州 北 城 有 縣 鬲 西 縣 南

里 也 訪 遺 樂成以東,城 許 卷《漳水》注云: 五卷《河水》注 (又案日 南 河,確有 宜有益。」觀此 貢》九河處穿之,縱不能爲九,但 九河故迹 迹故 Ŧi. 頰、覆釜 求,各自立 商, 棣州 謂 以 河北 (稱往 里, 可據。 〕漢李尋解 陽信 將作大匠, 而穿之。」韓牧云: 在平 道 平 往 一説 地 縣,鉤 德 云: 漢時 昌 時 其後酈道元于《水經》第 原 並 九河河 如謂 州 存。」 縣 「自鬲盤、東光、河間、 存,川瀆多亡。」第十 郡界者,杜 安 光云: 盤 馬 出 九河猶 (德縣 鉤盤 唐 泂 既播,八枝代絶, 頰 治 以以 經 河 河 馬馬 議 在景城郡界, 下諸家紛紛 縣 有 隄,其言三 在 北 佑 頰 7可考。 者常 可 縣 《通 几 河 爲 于 南 在 几 欲 《禹 典》 里 縣 至 Ŧī. 求

> 六十里 安德縣 北四 河在 馬 河北 約略在三百里間者爲可信。 史《太平 歷 饒安縣西五十里。 德縣南七十里, 者,李吉 頰 亭縣 干 縣 河 道 里, 北二十里,陽 在縣南 冀州蓨縣,馬 界者,張守節《史記 寰宇記》也。 鉤 甫《元和 類河 盤 滄州樂陵 在將陵縣南 河 已具 + 在縣 在縣 志》也。 里, 許商説。 南五十里; 頰 東 棣州 縣 信 皆 河經 干 南五十里者, ,馬頰河在 縣,鉤盤 示 又云 里。 謂 滳 正 如許商所言 邑界; 簡 鬲 河 一義》也 胡 津 河 蘇 縣 德平縣 河, 河 在 河 縣 在 德 馬 在 貝 在 滄 樂 東 州 縣 頰 州 謂 安 州

雷 繆 並 王於用反。 解,皆 作「雍」,此與蒙縣灉水本不相涉,晉人始改作灉, 夏既澤, 非 也 ○〔案曰〕《史記》、《漢書》及鄭 灉、 沮 會 同。 〔《釋文》曰〕 周 灉 禮 》注 徐 音 遂 引 邕 此

增修東萊先生書説圖説 鄭 地 理 曰〕雍水、 志》 **云**: 沮 雷 水 相 澤 觸 在 ○《史記・夏本紀 而合,人 沸 陰 成 陽。 此 澤 》集 時 中 解

Ŧī.

即 里 有 逕 瀆 雷 其 澤縣東北六十里有成陽故城,雷 此二字。 志》云云、《志》本系以《禹貢》,疏 澤中」,又引《地理志》云 案曰〕鄭云「雍水、 東北。 澤, 緣 歷 舜 河 瓠 生 |澤北 所 其陂 山 其 句 即 河 言舜 漁 陽縣 北 與 此。 《續志》同。 《史記》云堯作 東 也。」又云:「雷澤 北有 八濮 即 澤在大成 耕陶 西二 《水經注》云:「瓠子 廩 西句陽故城在今菏 水 邱縣。 小阜,澤之東 俱 $\overline{+}$ 所在。 東流,經 沮 餘 陽 今山 水 里,南 今范縣 墟阜 相 故 游成陽,舜 云者, 城 觸 所謂 東 西 東 北 北 · 連 澤北。 而 西 曹 南十 南 屬 十 疏 有 合 北 過 有 州 夏 不 陶 引 Ħ. 廩 ·里許 漁 廩 濱帶 又 河 府 當 V 邱 東 漢 邱 故 在 菏 删 此 于

> 其地置 鄭合 澤縣本 外,灘、 改 水 疏 東北 成 爲 去縣十四 當作 周禮 灉水、 雍 陽 濮 也。 沸 爲 也。 故 水 以 雷 雷 》沇州「其浸 漢 雷 沮 沮二水會同 灉 城 者 雍。」引此「雷夏既澤」爲 則 注 成陽 雍之爲 其雷澤下流未知 水二 澤 雍、沮 里。」又曰 之 也 北 云盧 澤, 縣,至金又廢。 李吉 ___ 西 注濮,濮亦 源俱 縣。」考北齊廢成陽,隋 然則, 北 二水《漢 廬 水 則 甫《元 維,以 廬、維」,鄭彼注云: 此 出 雍 在濟陽郡 雷 墟 雷雷 雷 澤。」《通典》: 可 和 澤 之 澤 志 字類 夏澤 終歸 該 郡 何往 西 在 縣 影不 ^②元 西北 縣志》曰 南 瓠 瀘 沮 在縣 載。 而 于 和志》 也。 歷 河 ,大抵不 證。 之南 平 北 Щ 也。 彼 與 以 郭 通

● 「□□□□□」,此五字原漫漶不清。據《禹貢錐指

著名。 青而 河流經此,蕩滅無存。 水 在 東 高 有 密郡莒縣。 周 維。 時 徐、并、于、青、沇 《通典》非也。 今案濟陽盧水,古不 雍、沮,五代後 亦不

作非 與沇州何 與河何涉 河則 之,不知雍、 通,去此甚遠,安得有别出之灉 係周末人筆,乃據汴之人 起周衰,至蒙爲灉,禹 東入于泗。]臣鉉曰:「今作汴,非是。」汴 注《釋水》乃謬引《書》「灉、沮會 爲灉。」許慎云:「河灉水,在宋。」又曰: [又案曰]《爾雅 汳水,受陳 十里即 由 一時,或云周公,或云子夏。 大陸,未有鴻溝,與淮 瓠 涉 ? 河 ? 留 沮乃沸之别流,平 蒙縣灉水出于豫,入于徐, 口、《禹貢》「灉、沮會同」, 浚 即《水經注》所云濮陽縣 • 儀 釋水》云:「水自 陰溝,至蒙爲 河 所 、泗者 無。 泗 而 -地涌 ? [絶不 言。 同」當 灉 爾雅》 此 郭 河出 璞 相 條 禹

> 經濮陽,以 子爲雍。 爾雅》「水自河 此 瓠子爲《禹貢》之雍亦非也。 則 在 出爲 沇 州 **灉**」云云,其意 域。 但 禹 河 以 不 瓠

桑土既蠶,

〔案曰〕鄭云「今濮水上地有桑間者」,水之上,地有桑間者。《詩》二之一卷《邶鄘衛· 水之上,地有桑間者。《詩》二之一卷《邶鄘衛· 水之上,地有桑間者。《詩》二之一卷《邶鄘衛· 水之上,地有桑間者。《詩》二之一卷《邶鄘衛· 水之上,地有桑間者。《詩》四以名之。今濮

是降丘宅土。

高 《尚書》疏。 間,遭洪水,其民尤 下丘居土,以其免于厄,尤喜,故記之。 鄭曰〕此州寡 日丘。 ○王天與《尚書纂傳》四卷。 大水去,民下丘,居平土,就 于 Ш 困 而 水害既除,于是 夾]1[兩 [傳日]地 大流之

桑蠶。

游也。 之」,爲小異也 訓落,降亦 山 宅」作「度」, 澤》篇引 〕鄭云 又以 下 降爲 此 也。 此 云「營 州 經 下者,《 夾 應劭《風 而 111 度爽塏之場 釋之,與鄭同,惟 兩 釋詁 大 俗通義》卷十 流 》降、下 者, 謂 邑 河 口

艸惟蘇。Ј余招切。」今作繇,衛包改。卷下艸部云:「蘇,艸盛皃。从艸繇聲。《夏書》曰:『厥墳,扶粉反。後同。韋昭音勃僨反。○〔案曰〕《説文》一厥土黑墳,厥草惟繇,厥木惟條。〔《釋文》曰〕

起。繇,茂。條,長也。○王天與《尚書纂傳》四卷。〔傳曰〕色黑而墳〔馬曰〕墳,有膏肥也。繇,抽也。《釋文》。

也。」又以 墳」,韋昭曰: 義 説文》訓 亦通 曰〕馬云「墳,有膏肥」者、《晉 盛、故傳 繇 爲 「墳,起也。 抽者,蓋 云茂艸。 以 有膏肥則墳起 音近 抽 則 語》「 得 茂 盛 地

> 年」。 年不言」。《多方》前云「五年」,後云「五祀」,是皆通 此 古人臨文正 孟春」、《伊訓》云「惟元祀」、《太甲》云「惟三祀」、《説命 故《大禹謨》云「朕宅帝位三十有三載」、《胤 [《釋文》曰]載,馬 厥 云「王宅憂,亮陰三祀」、《泰誓》云「惟十 曰載,夏日 伊 載字當從馬、鄭作年。 訓》云「維太甲 \coprod 「百姓如喪考妣,三載」,《孟子》作「三年」。 惟 中 歲,商曰祀,周曰年。」僞古文斤斤守之不失! 不拘。 下, 元年」。 厥 《堯典》「三載,汝陟帝位」,鄭作 鄭本作年。 賦 貞, 《論語 作 〇[案日]《爾雅 》引《書》「高宗諒陰,三 有 有三年」。 載, 征》云「每歲 乃 劉 一散引 豈知 唐 同

賦下下。《史記・夏本紀 未 鯀既九年,又加三年,爲十二年,惟沇州 水三年, 三年乃有賦, 路史・後紀》注十三卷。 鄭曰〕貞,正 () 疏 得 曰〕貞,正也。 盡 約馬義。 平,至明年乃畢。 八州平, 林之奇《尚 與八 也。 故堯以 州 州第九,賦 治 ○《玉海》十七卷《地理門》。 》集解。 同 此 書全解》七 州 ,言功難 《尚書》疏。 爲 Œ 「馬 功 作不休, Œ 卷。 加 曰〕禹治 與 也。 禪 ○又◎舜 〇羅 九相 其 苹

當。 「禹抑 賦 休,十三年乃有賦,與八 然後堯命舜 水最後畢,爲第九,賦亦第九,故變文 年也。《史記 以此十三年爲「降丘宅土」以後之十三 此十三載并鯀九載數之。 貞見此意。 十二年而八 疏 案日し 無 專于一州。 援彼義者,禹之十三年,徧治九州,不 曰〕《周易》彖象以「貞」爲 溝 田 治水十三年,乃有賦法, 下 他州最後也。 鴻水十三年,過家不入門。」《漢 洫志》同。 鄭云「貞,正也。 下,貞即下下,爲第九。 非如《史》、《漢》所引《夏書》言 作謂治水。十三年乃有賦 州平,十三年而沇州平也。 , 舜乃舉禹,治水三載功成。 此「貞作」自是謂使民 河渠書》:「《夏書》曰 據文似 鯀治水九載不成, 治此 州 與此經合。 馬融云云,是 同」者,鄭 與 州正 正 他 此 州 作 州 同 自 爲 意 不 治 州

> 州 然後 年已非,馬 此 禹 第九 州 鄭 亦 沇 抑 最 意 ·徵之,少或一二年,多至數年。 未 州 鴻 ,賦與相當,亦非 也。 水 必 被 在後,于此見之,他州從 水害最为 水去即 之十三年,故 又并鯀九年數尤非。 馬及僞孔以爲治水之十三 深,故成 徴 賦,亦必 也 鄭 賦 不 最 就彼 遲待成 可知。 説 疑他 也。

厥貢漆絲,厥篚織文。

《胤征》云:「篚厥玄黄,昭 續 ○《毛詩》九之二卷《小雅·鹿鳴》疏。 書》疏。 林,又宜桑蠶。 ○又九十一卷《器用門》。 于篚者,入于女功, 鄭曰〕貢者百功之府,受而藏之。 集》四卷《經籍門》。 而貢焉。 ○《漢藝文志考證 ○又《堯典》疏。 **「疏** 曰〕鄭玄云云,歷 織文,錦 ○《玉海》三十七卷《藝文門》。 一卷。 ○王天與《尚書纂傳 〇又一百七十九卷《貢 故 以 綺之屬,盛之筐 (傳 貢、篚 我周王。」《尚 ○《羣書考索· 地 ?》四卷。 宜 賦

言矣。 所盛,皆供衣服之用,入于女功,如鄭

府》: 等。 欲扶孔斥鄭,反目爲僞書 文,于伏生二十八篇外增多二十 其貨于受藏之府,頒其賄于受用之府。」 内有《胤征》篇,見《尚書》卷首 府》「掌受九貢之貨賄,以待邦用」是也。 彼疏云:「金玉曰貨,布帛曰 貝,揚州貢,而此州 漆,則正是 **貢爲絲枲,器貢爲丹漆等,幣** 用」,有嬪貢、器 者、《天官 案曰〕鄭云「貢者百功之府,受而 (又云「其實于篚者」云云者,疏説是 彼疏以絲枲爲青州貢 「掌九貢之貳,以受其貨賄之人,頒 又引《胤 此 太宰》「以 州貢。 征》云云者 貢、幣貢。 亦有織文。 帛 九 則 實則是孔 ,而沇 彼疏 貢 鄭 鄭 賄。」又《内 致 貢 彼 疏 所 以 邦 又《太 爲 注 亦 ·四篇 彼疏 傳 爲 有 或 皮 以 古 織 絲 帛 嬪 之

> 也。 比。 王」,殆似《釋文》「周易」義,取 此 或 「朱緑之,玄黄之」,故云玄黄也 本 所 《詩・七月》云「載玄載黄」、《月令》 《孟子》:「篚厥玄黄,紹我周 得 而實不同。僞孔乃人之《武 夏書》, 之真 古文,故 正 可 證 鄭 夏 引 事。 **其** 文爲 成》,非 周普之 王。」文 云 證 也 周

相混 作 高唐。」他合切。」「溼,幽溼也。 뻬 IIII 水、出東郡東武陽、入海。 濕,經典相承作漯,而以濕爲燥溼之溼。」按《説文》:「濕 韻》他合反。○〔案曰〕張參《五經文字》云:「漯水字本作 浮于濟、漯,達于河。〔《釋文》曰〕漯,天荅反。 濕沃,當從之。 有土,故溼也。 《地理志》訛爲溼,司馬彪、魏收皆承其繆,惟《水經 ,而皆失之。 **蒸省聲**。 漢千乘郡有濕沃縣 从水, 濕聲。 失入切。」今流俗沿 从水。 ,濕水所經,故名 桑欽云: 一,所以 出 覆 誤,二字 也 平原 《篇

疏 曰》《地理志》云,濕水出東郡東武陽 《史記 日》地 濕 夏本紀 理 兩 水 志》云, 業 解。 濕 因 水 水 傳 出 人 E 東郡 水 順 流 東 達。 活 \exists

縣 泲,自泲入河 水名也。 里。 ,至樂安千乘縣入海,過 其 「浮于泲、濕,達于河」,從 也。 下文 具 矣,是沸、 郡三,行 濕 千二 濕 爲

濕水, 濕水。 安國 水出 文,而增「樂安」字,則又是東漢制 陽」者,鄭以泲水就 文,亦不言《禹貢》,但稱某縣有某山 或言禹,則是周漢相承舊訓。 貢》山水見前《志》者,或言古文,則 七年改郡爲樂安國,疏 屬千乘郡。 十里。」《續志》則但云「東郡東武陽,濕 〔案曰〕鄭引《地理志》「濕水 「禹治」字、「東 [所得孔壁真古文説。 0 東北至千乘入海,過郡三,行千二 前《志》東郡東武陽下云:「 鄭與《續志》同也。 據應劭 北」字,皆 下導水解之,故 劉 昭 引志 或言《禹 注,和帝永元 考千乘縣 出 非 乃 即 東 也。 前《 不言古 郡 貢》, 是孔 禹治 又删 專 東 志》 本 武

濕水 濕沃。 武陽 則多 濕水 禹 乘也 鄭 是首受河 武陽尚有四 東武陽,今曹州府朝城縣,應劭 貢》,鄭 縣 縣 經行之地 在今縣西。 水之陽。 水,鄭與 巡 時 所 某 别 有 行 所 與 水 引 東北入海」。三千乘郡千 鄭專 所謂 所 支。 注 出 鄭 更改耳,實亦 間 出 兩《志》並合,確不可 者,故 ,非其本派,故亦不數也。 酈道元謂武 外以 届 合,尤爲 有 要亦 東南 舉 二濕陰,應劭 縣: 此 過郡三者,謂東 至《漢志》言濕 異 州 東武陽者,高唐之水當 兩漢《志》爲正。 者 不 目 在 及 浮沸,西 可據。 平原郡高 特 驗 济、 同也。 別源。 水即 因 而 河 鄭 知 之間 故今日 據 北 曰「濕水出 水 濕水,其故 餘三處皆濕 至《續 郡、平原、千 當 達 所 的 唐,桑欽 易者 州 日 河,則 代 確 此條濕 乘。 1 説《禹 漢 書 可 末言 在 也 志 信。 濕 爲 東 東 四

六四

縣南。 逕陽 出 與 逕 北 五里。 十里。 西北 城東,本漢清縣,後漢更名,故城在今堂邑縣東南三 縣西十三里有莘亭故城。 岡城在縣西南七里。 濕 里有委粟城,與津相近。 東北,逕委粟津。」《寰宇記》: 事,更説 博平縣故 文鄉城,又東北 水 逕 黄 注 逕文鄉城 逕武 溝 平 出 又北 清平本漢貝邱縣 又東 清河 無 縣 焉 合。 河之支流 濕 陽新城東, 之岡 北 逕 城 水 東 上 城 溝 逕 聊 南 惟第 南 南,城在今縣 清 城西,陽平故城今爲莘縣,治 承 城縣故城 又東北 承河水于 又北絶莘道城西北,今華 聊 河縣 城亦在 出 ,其西南有貝邱 , 故 河北 五 高 城 又東北逕樂平縣故 引水北注 卷下 故城 其文云:「 唐注 郭水 清平縣南。 逕攝 即 西, 然西北 武 東武 觀城縣 半卷 北 濕水。 陽 城 城在今縣 自 故城。 三十 ,城在今清平 縣 陽縣 北 城 東南 敘 又 又 河 里 東 東北 東 又 東 又 水 畢 六十 西 南, 也, 東 北 北 東 河

> 在北, 故 又東北逕援縣故 之再出者。河既與濕合,復分爲二,濕由濕陰故城 征 唐 西 城縣南有源陽故城,唐縣在源河之北 河由平原故城東。 是水上承于河,亦謂之源 桑氏所言,蓋津 濕水之上。 地 南、《漢志》作「瑗」。 故城在 城 ,釣于濕水。 城 理 北 穆天子傳 自高唐以 志》 南,城在今濟陽縣西南。 ,今臨邑縣西有濕陰故城。 今禹城縣西四十里。 曰 : 尋其沿歷,不得近 東至海,則濕在南而河在北矣。 蓋自高唐以西至武陽,河在南而濕 己巳,天子東征,食馬于 流 0 城西,援縣故城在今禹城 濕 又逕 1 出 水 次于所間 卯,天子自 高唐縣故城 出 又東北逕 河矣。 高 又東北 故名。 唐。 也。 出 濕 源 五. 案 高 東,高 河乃濕 俗 鹿 逕 陰縣 濕水 逕 <u></u> 今禹 唐。 著 以 東 竹

0

見簿録。 傳抄者倒互耳。 五 桑 作「地 欽 地 理志桑欽 理志日」,江 此文今載《 日 蘇 漢 古 校語日 籍出版社本《水 地理志》注引桑欽 按桑欽《地 經 注 理 語,蓋 志》不 疏》卷

縣界。 會水, 州 濟南府。 禹 莘縣、堂邑、聊城、清平、博平、 琅槐故城北,又東北,河水枝津注之。 坑注沸。 城北、又東分爲二水、枝津東逕甲下城南、東南 枝 縣北二十五 城 故 北,城在今高苑縣西北。 城縣界,有 北,與齊東縣接界。 氏 流 墓南 縣 城、 間 城 城 即 界中,皆古濕水所經也 而入于海。」第五卷末注云:河水自千乘北 南 北 坑東西八十里,南北 臨邑、 濕水别名。 今興 伏琛云: 青 又第八卷沸水注云: , 城 東鄒故縣。 又東 在今章邱 里。 城、 亦在 地言 濟陽 又 千乘城在 屬武定府。 逕 章邱 東 《元和志》: 千乘故城 又東北 縣 鄒 、章邱 之, 又東北 西 西 北 平縣 北。 北 又東: 爲 齊城西北一百五十 朝 泲水自甲下邑南, 鄒 逕 馬常坑。 高 又 又 城、 故 北 東鄒 苑 逕 東逕 東 城北, 平、 三十 屬 逕千 建信 屬 北 蓋即濕之所亂 Ш 青州 並屬東昌 城 漢 逕 在 里, 東 東、並 亦 乘 縣 北 城在今縣 東 淄 曹 府 在 歷 州 縣 亂 州 ·里,隔 故 朝 東歷 千乘 今青 馬 高 府 府 城 伏 陽 河 苑

考之 也。 奪 高 名是 處河南 則 陽 所 酈 濕 (又案日 河之經流 志》同,「厮」 于是禹 數爲敗, 迺 之北 濕 流 汌 以 道 耳。」見《水經》第八卷。 唐 通 津 王 以 以 下 瀆 也 元 二渠,其一 也 折 河、濕 爲 亦 東, 委海,水耗 莽 而 以 别 []《河 海 也。 云: 稱 時 王 河 爲 流 北 以河之消 也。 則北 自 河之北 莽 作 厮 泂 仍自 瀆 渠 注 貝邱,今山東清平縣,在鬲津 「二渠引河, 河 王莽時遂空,惟 者, 出貝 「**颹**」。 書》云: 所 故道 海。 也。」見《水 瀆,王莽時 對濕 則 渠 從 别 微 邱 以 來 今所輟流者,惟濕 長 行。 瀆已空,固已若 元 然則 在 涓 西 孟 引 者 又 南 禹導河「至大伾。 爲 絶 康 稱 南南折者」, 應 其 高 云"「河于泲 濕 盈 經 北。 流」, 云 劭 空,故: 則 涸 》第 河。」《溝 入海處, 水湍 用濕耳 謂「河 非 非 濕 五卷。 其 謂 釃 ĴΠ 世 濕 南,此 即 河 白 武 俗 則 洫 今

六六

皋大伾 又東 正。 迹, 注合。 釃二 到 至 降 滑 河 孟 占 魏 今滑縣東北 黎陽故城在今濬縣東北。 不可復見。 河決濬、滑, 康言 長 長 臺 爲 況 時 誠有難 一渠, 一城,在 者 故濕 壽 巡 壽河之故瀆出焉 考《水經注》第五卷,自河水東逕成 雖 漢 此周漢古義,不 津 也 河 已 山下,敘至河水又 遮害亭、宿胥口 世 ?徙惟 輟流 爲 今滑縣西南。 在今滑縣東北六十餘里。 固禹 伍 乎。 者, 小清 惟 東之 濕 子 :指 用濕 白應 河 胥]1] 孟 故)商 河爲故游。 唐宋以後所行之大 也 廟,在今清豐縣西 康 道 則 胡、朝城 **姚** 此鄭康成以 以 言 尚 東 ,即引《溝洫志》二 與《 此 鄭 可 似 存 北 未 下逕涼 改也。 俱 東,淇水入焉。 注、《漢 *,未嘗 過 地 小 可 在今濬縣西南 黎陽 流 理 誤 泥。 今 日 則 絶, 志》及 ,其以 城縣,在 自 爲河 爲 云涼 境。 志》 縣 求 北 宋 舊 城 以 渦 爲 時 鄭 禹 所 禹 迹

陽縣 姑據《史記》。 此段 瀆。 里。 邱、 經》第 渠, 河 濕 云。 縣之秦亭西,范縣 城縣、今濮州東二十里有鄄 南、又東北 然則長 至「至于 委粟津。 河,不以 水 在開州 爲 衛國 出 ,浮水 又敘 亦皆是河,不 然則 Ħ. 爲 禹所治。 一焉」。 壽 爲 縣、 西南。 卷又敘「河水 已見上文。 大陸,播 濕 以 浮 酈 故 鄭則云是屯氏河,詳 過 濕 Ш 縣故畔觀 道 水 西皆是 瀆 而 水 濮陽縣北」,注 濮 蓋河經 故 元 班 也。 陽縣 故 亦 其 下 河 以 爲 爲 瀆 城 故 鄭等皆以 河 以 爲 之下,方接云「又有 至 北 在今縣 自 九 城,在 、故城 縣故城,唐 流 水,非 又東北 長 濕 ·繼以 瀆 東 河 此 自 壽 也。 武 」,皆是禹 今觀城 東 以下所敘,直 在開 是 津 王 「導河」。 左會浮水故 南 陽 濕 莽 則 王 此 過 直至 濮州 之 二十里。 州 縣 水。 莽 縣 濕 時 歷 衛 西 西 人河 西。 治 南二十 水受 東 國 空 濕 《水 河 及 鐵 禹 云 范 鄄

妄疑 者。 河 然則班、鄭并孟 以下,其委粟以 折 支 師 流 河未徙前,濕 説 故班、鄭 而 5,委粟 南 如 ,再折 此。 皆以 以下自是禹 河 康皆誤邪? 上 而 形 則是河 北 濕受河于武 受河 多 ,以至大陸 曲 必 非濕 在 所 大 非也 武 伾 疏 陽 也 陽 無無 降 瀹 在 以 俗儒 委 水 故 不 北。 粟 可 漢

伏而 高宗問 濕不必 武陽至千乘 水必求其相通之便道,異説紛紛矣。 又案曰〕鄭注 孔 創 出 『浮汶達沸』。 游自温入河**,**伏 今沸、濕 書》作「今自濕至 相 曹濮之間,汶水從 許 人都白帝之説,于是济、濕、河三 通,浮游、濕 敬宗曰:「《書》稱『浮于泲、 入海也。 ※ 斷不 以爲禹巡行州境,則 相屬,何故?」對曰: 不 地 言合濕 沇、沸自 亦不必入河。 温 南出爲滎澤,又 而 人之,故《書》 派者,濕 入河」,誤。 温 自 河。 济、 自 東

> 解。 河,安有反從濕入泲者? 能 敬宗之言 通處,或當 乃云:「從濕 于沸、濕」,但 相 禹時游、濕未爲 通。 乃據 二水古 有之,亦必由 入游,自 紀 唐 載 或 時 茫昧, 形 本 河所隔 沸 勢,以 通 沸 何 故 疏非也。 河。」真 由 言沸、 斷,枝 濕 經并言「 推得。 , 由 津 不 相 可 疏

海、岱惟青州。

也。 間,青州之境, 《公羊傳》疏。 史,越海收東萊諸郡。 北據海, 而 言據者,東萊 鄭曰〕今青州界東自海, 岱 有遼東 營州即遼東也。 漢末公孫 山。《詩》五之一卷《齊風 西南距岱。 也。 ○《史記・ 東 舜爲十二州, 度竊 非 境 至海 之縣 夏本紀》集解。 據 **「**疏 遼 堯時 畔 ·, 浮 東, E 而 西 譜》疏。 自 海 青州 海 至岱。 己, 入海 號 非 「傳曰」 故 當 〇莊十 可 曲 東嶽 越 州 越 Щ 海 刺 東 年

書 後 案

六八

州,而 州。 北 高 岱 故 海 先君 也。 東,故云 也 能 表東海 了,皆隨 曰 云自 州 鑿指 Щ 云「西至岱」者,《 鄭 岱 、左傳 履,東至于海。」襄二十九年《傳 僖四年《傳》,管仲 于此言 疏 者 日 疏 解 《齊風》釋文云: 鄭 引《風 海 云 者,其太公乎。」是青境 但 「齊日 自 便 九 岱 營州 云 釋山》云: 西至岱」也。 望 約 岱 州 東自 , 始 》楚又謂 東 文 俗 略言之。 之 青 誉 也。 至 即 申 通》云: 界 海者,前《志》 州 州, 青 義,此 海 界 是 或 州 泰山 東 爾雅》九 曰 齊 齊地 也 言 注云「自岱 蓋數 地 此 鄭又云「東嶽 自 :「召康公賜我 正 君 泰 彼彼 從 東 爲 海, 傳 鄭之善説 處 Щ 在《禹貢》青 西 東數 千 東嶽 從 于 齊地皆屬 北 ·載前 西 Щ 海 東 州 西 海 至 之尊, 至 自 東 無 數 西 至 至 海 經 何

> 遼東即 舜青州 之號, 見兩 誤,惟「青州 也。 岱 史,自立爲遼 海 跨,以此 東太守,「越海 也 則是。 陰 0 州 于 所收諸 實 收 分 云「據 岱 爲 齊 越 越 但考《三 兼言南者、公羊 蘇 例 州 海 海 越 東 秦 太 海 也 縣 東 海 西 侯平 收 説 拘 非 有 南 北 東 國志》云: 齊 "; 而 疏 地 地 遼 諸 州 王. 萊 東 于 遼東置營州 東」一句 郡。 以 牧。」無 諸 曰 萊置營州 凡 青 二南 縣 此段 據 · 傳 州 公孫 T 置 有 字 之 **>** 爲 青 日 泰 皆 疏 誉 確 州 度 境 Ш 漢 亦 州 亦 刺 爲 爲 越 足 多 中 刺 跨 潦 是 在

淮 則 則 又案曰》 泗 其疆 徐 爲「殷制 徐 州 域 州 其 地 與《 浸 也。 爾 又曰 沂、 雅》九 禹貢》大異。 至《周 蓋 沭 二淮 以 知 其 州 禮》 之。 沂其乂」,又曰 Ш 以 ~ 正東 鎮 青 經 鄭 曰 日 注 沂 誉 曰 者 Ш 云 青 海 , 其 州 孫]1] 炎

漢屬 徐。 藪曰 南 沇 [又案日]以今輿 沇,是青亦不全得徐也,鄭言其大略耳。 時」,亦皆侵青 青,非徐也 于 疏又云 導菏澤, 知之。 北 境 有 于《禹 淮 、青州等 所侵,乃以徐爲青 地在青域者,周皆 跨 以 徐州, 貕 泗, 奚養澤。 案長廣故城在今登州府萊陽縣 益之。 養 周 海,爲今奉 貢》侵 知之。 望諸 是 幺 被 府及 實《禹貢》青州 州南 孟 知 又幽 然徐之岱山、大野皆 豫 琅邪郡屬 地也。 以 即 濟 豬 州 徐 侵 地約之,山東登州、萊 孟 南、 州「其川河泲,其浸 ·天、錦州等府及朝 地理志》琅 徐 地 爲青 豬。 是 地 割 泰安二府之北 蓋 州 知侵 蓋 前 入幽,其 徐州、是知 今青、登、 經 地。 也 以 域 又割豫 于 其 豫之地 邪 蓋 豫 澤 疏 西 幺 長 以 州 云 藪 之 萊 其 又 幽 廣 周 曰 \Box 也。 鮮 東 爲 侵 澤 青 望

國,皆青州域也。

嵎夷既略,

典》「宅嵎夷」是也 傳 馬 . 臼 〕嵎· 旦 用 夷 功 , 地 少 曰略。 名 疏 史記 曰 嵎 夏本 紀 即 集 解 堯

云:「略,經略土地也。」「嵎夷」詳《堯略」。是少爲略,《説文》卷十三下田部「此其大略」,又「其詳不可得聞,聞其〔案曰〕馬云「用功少曰略」者,《孟子》

梁武帝紀》 爲 侯類封北海。 下、「折泉」下,又作 古曰:「惟字今作潍,甾字或 淄 志》琅邪郡「朱虚」下、「箕」下又作「維」,「靈門」下、 濰、淄其道。 側其反。〇〔案曰〕《漢書 是維 周 禮 「魏李叔 維 北海郡 惟 官 〔《釋文》曰〕維 淮 淮 職 擊邢杲于惟 別無淮 方氏 也 《王子侯表》城 *\frac{\tilde{\t 作淄, 水,亦維之異文。 《説文》有甾字、菑字,無 地 理· 音惟,本亦 水」,胡三省注 幽 古今通用 志》引作 州 其 陽頃 浸 作 菑 惟 也。」《 惟 王 **《通** · 又 惟 **当** 子 作 當 鑑 東 以 地 維 作 淮 師 理

出 縣 理 山 水 海 泰山 入海, 志》云,維水 出 日 曰 琅 詩 萊 濰 邪 濰 過 齊 蕪縣原 箕 郡 淄 淄 風 屋 譜 三,行 出 山 兩 》疏。 水 Щ 琅 水 淄 復 邪 名。 ○《史記 五 東北 水 箕屋 故 百 出 道 ^ = + 至千 地 泰 Ш 理 Ш 夏 里。 乘 疏 北 志 本 萊 紀 $\stackrel{>}{\mathbb{Z}}$ 博 至 蕪 》集 淄 都 縣 解。 水 昌 地 原 濰

道。』从 卷十 《志》云: 東人 (案日) 志 北 合 也。 海 都」云云,「 琅 與 海。 郡 北 邪 鄭 上水部云: 水 縣 疏 琅 海 引《 或 徐 引 維 此 邪郡 州浸。 縣 無 聲。 去《 兖州 地理志》「潍水」云云者 疏 俱 箕 與 禹 箕。 作 縣 以 寖」,不言 「維水出 酈 《夏書》曰: 貢》字, 昌 追 道元 「《禹貢》維 併 都 切。」鄭 改 誤 同。 非 琅 也 山 倒 是。 邪箕屋山 『維、淄 與《説文》 《説文》 也 今 酈 水北 刻 都 道 漢 其 班

> 《續志》 益 寫誤也。 傳寫誤也。 州 箕 南 乘》作「岳 引班《志》「博昌人海」,「海」當作「泲 Ш 云 縣 都 二十五里 西 北九十 故城在 縣 淮 濰 西 與 水 南 陽 原 南 班 導 子 Ш 今山 下 里。 山 略 源 **>** 近分置博 , , 又云「幽 日 同 濰 淮 鄭 東 出 萊 111 但云「潘 南子》作「飴 又 沂 覆 0 蕪故 引 州 舟 許 山 州寖」,疏 淄 府 慎 Ш 城 縣, 水云云 莒 水 吕忱 在 州 出 異 山在縣 今青州 山 、 《 東 名 云 去之。 者, 亦 山 也 出 傳 齊 在 東 疏 屋

雕注 于 高 過 西 諸縣故城在 (又案日 密 平 縣 ,東武故城,漢 「東北逕箕縣故城西」, 又東北 東,酈 昌 縣 西 縣東,平昌故城在今安邱 1]《水經》 今諸 逕密鄉亭西。」 注 高 굸: 城 密 琅邪 故 縣 滩 城在 西 郡 水又北, 南 治,今爲諸 應劭 今縣西 「又東北 濰 東 日 左會汶水、北 水 北 南。 出 逕諸 淳 縣 城 调 南。 于縣 縣治 琅 又 東 縣 邪 北 故 東 又 箕縣 北六 逕平 城 過 北 又北 城 西。 调 城 +

在其西 逕巨 東北 縣。 昌縣 蕪谷, 誤。 里。 平城 縣 城 縣,唐貞觀元年省入博城,長安四年復以其地置 又北出岑山 原 省都昌入掖縣。 又 故城亦在今昌邑東南,與潍縣接界,潍縣本唐北 水 北逕下密縣故城西。 里 晉師 東。」臨甾故城在今益都縣北五十里。 東,注云: 東 在 有平城亭,又四 山 一淀縣故城南、 宋建隆三年,以都昌地置昌邑縣。襄十八年 故城 流 在泰安縣東百二十里,其故城明初割屬 《水經》又云: 人海。」東莞即今沂 縣 詘而西北流,逕其縣故城南,又西北轉,逕城 東侵及維」,杜 北 ,酈注云:「甾水出縣西南山 逕 南。 東 過都 在 Ŧī. 牛 東北 今昌 ,謂之萊蕪口 十里。 Ш 「甾水自縣 西 昌縣 《元和志》萊州掖縣,海在縣北 邑縣 又東北逕廣饒縣故城南,又東北,馬 文 又 十里 過臨甾縣 汶水,東汶 注:「濰水在東莞東北,至北海都 東逕臨 案今安邱縣東北有淳于故城 南。 有 東,又東北人于海。」晉 「甾水 水縣, 沭水所出 東北流逕東安平城北,又東 密鄉 ,東北流。]案今萊蕪本 密鄉故城 甾縣 亭,故 也 東,注云: 出 , 出 故 城 下, 在縣 泰 縣 朱 南。 也。 東北 虚 山 又東過利 東南。 「甾水白 縣 又北 萊 濰 益 流 潍水,杜 小 五十二 水又 蕪 都 逕萊 海縣。 太 萊蕪 漢嬴 逕 《傳 今 西 縣 щ 其 Ш 密 東

> 晉復置 道 當自利縣東至博昌入泲而 《水經》言「人海」者,乃魏 《元和志 志》且不合,況《禹貢》哉。 海。」案《漢志》甾水「東至博昌 北,與時、繩之水互受通稱。 道元當不誤也。 縣東北。 故城並在今樂安縣東北,漢時二縣皆屬齊郡,後漢省 則 東 甾 應 車 人馬車瀆,亂流東北逕琅槐故城南,又東北 言 瀆水注 水自 劭日 道 有安平故城。 也 東安平以下與《禹 元誤引 利 劉 》淄水南去千乘縣二十八里,馬車瀆在今樂安 博昌 案稱東安平,所以别于安平,其 博昌縣西南三十里有安平城,故縣 縣 之。」《錐 宋改廣饒日千乘,歷代因之。 東又東北流,不得過博昌之西。 利 縣東北當别 今爲 若以爲是,則當先安平後利縣,不 又 指 東北 * * * 博 興 貢》 「今博興縣 人 有安平城 又東北至皮邱 、縣。 于 無 以 海。」注云: 涉。 止,此所謂 <u></u> 後 東 水經 也。」巨淀、廣 禹貢》甾 有 語,與《 有二城必矣。 金改曰 《河渠書》于 沈, 沸 利 。逕馬 今臨 也 注 縣 甾 [樂安。 故 井 入于 渭 淄 所 其 水 漢 削 城

「沈」、《水經注》作「坈」、當是。

0

七二

厥土白墳 通 淄、 車瀆以下至琅槐、與泲同人海。 沸之間 海濱廣斥。 故 淄 得由博昌入游。 [《釋文》曰〕濱,必人反。 琅槐,今壽光縣 人沸之後,乃復

言 十二上鹵部云"「西方鹹地也。 部又有鹹字,注云:「北方味也。」故鄭連 鹵 方謂之鹵。」青州,東方,故言斥,而鄭以 象鹽形。 紀》集解。 〔案曰〕鄭云「斥謂地鹹鹵」者,《説文》卷 鄭日」斥謂 解之者,對文則異,散文則通也。 鹹 鹵」也。 [傳日]濱,涯也。 安定有鹵縣。 地鹹鹵。 《釋文》。 東方謂之房,西 言復其斥鹵。 〇《史記·夏本 从西省, 彼

厥田 惟上下,厥賦 中上。

傳曰〕田第三,賦第四

厥貢鹽、絲,海物惟錯。〔《釋文》曰〕鹽 餘 占

絺

,勅其反。

鄭曰 ·夏本紀》集解 一海 物 海 「傳 魚 也 日 〕絺,細葛錯雜 魚 種 類 尤 非, **©**史

種

〔案曰〕鄭以錯爲雜者,《采芑》詩疏 注昔讀爲交錯之錯,是有雜義 錯,雁行也。」《考工記》「紾而昔 錯者,雜 也。」《祭義》「不併不錯」注: 也。 二,先鄭

凸, 凸, 以選反。 反。徐本作「畎,谷」。枲,思似反。鉛,寅專反。 岱畎絲、枲、鉛、松、怪石,〔《釋文》曰〕畎,工犬 字从

《釋水》云:「水注川 岱山之谷,出此五物,皆貢之。 言谷也。枲,麻也。 是兩山之間流水之道,故言畎,去水,故 傳曰〕畎,谷也。 怪,異。 鉛、錫也。 日谿,注谿日 好石似玉者 **「疏** 曰 谷。」谷

萊夷作牧,〔《釋文》曰〕牧,徐音目,一音茂。

[傳曰]萊夷,地名。

夷。」彼疏云:「萊,東萊,黄縣 夷之俘亂之。」杜注:「萊人, 年》、「萊人以兵劫魯侯」。 [案日]《襄六年》「齊侯滅萊」。 可以放牧。 孔丘 是 齊所 曰:「裔 也。」傳 <u>~</u> 定十 滅 萊

但云地名,疎矣。

厥篚檿絲。〔《釋文》曰〕壓,烏簟反。

瑟弦也 《釋木》云: 屬也。」檿絲是蠶食檿桑所得絲韌 傳 日 | 檿桑 「檿桑, 蠶絲, Ш 中 -琴瑟 桑。」郭璞 弦。 日 / 疏 「柘

浮于汶,達于濟。〔《釋文》曰〕汶音問。

《禹 涉。 鄭與桑俱傳古 云,其下即云「又《禹貢》汶水出 山而異流也 Ш 〔案曰〕鄭引《地理志》云云者,前《志》 鄭 文淄水一條獨詳 郡萊蕪縣下既 ,西南人沸。《史記・夏本紀》集解。 ·貢》,系以桑欽 日》《地理志》汶水出 誰說 汶水,桑欽所 蓋 目驗 班氏 文《尚書》,故采其 云「原· 也。 ,其分析慎重 于淄水 而 言是汶 知 《續志》萊 山,甾水 泰 不冠《禹貢 汶 與 Ш 水 淄 萊 則 同 西 蕪 出云 (説 如 蕪 冠 南 出 縣 此 以 原

又有嬴 得過縣 水與淄 在齊城 原出泰山 門外西流至泰安縣東入汶。 徂徠山西。]案今萊蕪縣東有牟縣故城,牟汶水在縣南 南、合北汶水、出分水谿、 南 奉高縣北,今泰安縣東有奉高廢縣。 之誤耳。 北入沸也。 齊侯于嬴」也。」案西南入沩者,惟謂汶水耳,淄 汶水又西 劉 蕪縣原山 桑、鄭合也。 流 昭 西 注 汶 里。 |南逕 Ш 南 注 水俱 西南,原山又 注云: 分水嶺。 即 嬴縣故城在今萊蕪縣 也。 南 引 「汶水南 奉 新 原 汶水既出縣 逕 出原山 名小汶 西 杜 甫山 出宫山之陰 經當言西南過嬴縣 「汶出 高 一嬴縣 南、過其縣南、酈注 縣 《水 預 《泰安志》謂之塹汶、蓋即北 也,在 E逕博縣 故 在縣西南六十許 故城 ,西南入泲,故不得 ,在今萊蕪縣南三十里,泰安縣東 曰 城 牟 經》云: 縣 西南之山,又西南流,故言 ,世謂石汶。 耐 新 南、《春秋 汶水 故城 故 西 流 泰 又有泮水在今泰安縣 城 逕徂 縣 南 東 西 流, 西 西 [「]汶 出 南,「其」字蓋 南阜下,俗謂 北。 | 徠山 北 詘 》桓公三年 注 ___ 里。 汶水又西 水 從 于汶。 南,西合于牟 過 又東 其 過 詘從 궁 出 杜 其 地 城 博 「萊 泰 南 縣 理 汶 水則 縣 南 一南,逕 劉 汶 南 志 西 山 爲 蕪 水 也 南 也 流 调 西 萊 與 西 汶 V

北,縣本 郡。 城者 南。 南。 汶。 安民亭, 良,光武更名,故城 今東平州 七十里有鄣城,在汶水之北。 今汶上縣東北四十里有桃城,在汶水之南。 鄉縣故城西,王莽之鄣亭也。 景帝中和六年,别爲泲東國。 章 縣 北,又西逕汶陽縣故城北。]案博縣故城在今泰安縣東 不 在泰安東三十五里,俗名司馬河。 平」上當有「東」字也。 ,又西南逕陽關故城西 在 縣 南,今肥鄉縣南有蛇邱故城。 亭亭山 非也 宣帝甘露二年,爲東平國章縣。」案此 汶陽故城在 汶水又南 西 南 東。 魯闡邑,在 也。 人于沸。」注云:「汶水至桃鄉四 在泰安南五十里。 注 又西南過 逕鉅平縣故城東,又西 又西 云: 今寧鄉縣東北。 西 在 南 「《地理志》曰: 今寧鄉縣境。 南 逕 今東平州 龍 注又云:「汶水又西南 過 ,又南,左會淄 無鹽 鄉 壽張 故 故道元以世謂桃 世以此 武帝元鼎元年,爲 泰安南有廢柴縣,柴汶 城 西 縣 南 鉅平故城在泰安西 又西 又西南過 南。 縣 東平國 南 又 南逕魯國 又 爲鄣 北 ",無 西 西 又 水 南 南 城 壽 注則 故 世 西 鹽 東平州 南 调 逕 非。」 汶陽縣 張 謂 故 鄉 蛇邱 亭 南 過 梁 岡 逕桃 經 爲 城 太 本 之柴 亭山 也 至 平. 縣 謂 在 鄣 案 文 河

> 出 元引汶絶濟爲會通河。 則 今南旺湖。 若酈注所言牟汶、石汶、柴汶等,皆汶水 游之處,即《禹貢》「浮汶達游」之道也 安山鎮,即故安民亭。 城南,又西逕洽鄉城南,又西南逕壽張縣故 之四 爲四派,即今戴邨壩。 支流,與《禹貢》無涉。 至其言至桃鄉分 與其歸宿,皆與《漢志》合。 南、長直溝水注之、又西流入浦。」案今東平西南 壽張故城東,遂爲澤渚。 南、又西 南旺資運安山入沸,故道久廢。 并 水,西 汶 非 Ц ° 一南逕 漢 南 其 入茂 魏時水道,與《禹貢》尤無涉 東平陸縣 左二 水遂爲澤渚, 都 水 澱 故城 雙 據《水經》敘汶水所 明永樂中又築戴 其右 流 次 二水合入茂都 北 西 汶西 一汶西流逕無鹽縣 又西 南 至 逕郈 水西南 逕 其至安民 無 危 鹽 郭壩 亭北 Ш 縣 城北 南 之郈 遏汶,盡 入浦 澱 又 , 又 一西合 西 鄉 即 西 里 至 城

海、岱及淮惟徐州。

案日 鄭 》疏 日 〕鄭云「徐州界又南至淮水」者,蒙 〕徐州 傳 日 门東至 界又南 海 至 ,北至岱,南及淮。 淮 水。 莊十 年《公羊

分界。 亦通。 以 州 約在今東平州及汶上鉅野等縣境與 F. 正可言至岱。 海 既 海、岱分東西。 岱 言東自 但徐之西境至大野東原而 此處僅越過岱稍西,則徐之西境 青州之文,故言 海,西至岱,則于徐 鄭義不可易也 傳云「北至岱」,于 又 也。 鄭 州 亦 于 沇 必

半入幽,而徐之西則又入于沇也。 川皆《禹貢》徐州域,蓋以徐爲青地,大 徐則大矣。《周禮》「正東曰青州」,其山 南、江北地 然堯時揚州跨江北至淮,而《爾雅 江南日揚州」,又不 「自泲東至海。」似爲《禹貢》徐州 [又案曰]《爾雅》「沸東曰徐州」,郭注: 屬 青揚者 置 以 青州, 益徐,視堯時之 蓋 商 割淮 $\stackrel{>}{\simeq}$

〔又案曰〕以今輿地約之,江南徐州府泗 海州及鳳陽、淮安二府,北境 州二府,濟寧州、泰安府南 山 東 兖

> 州 府 東南 境,皆徐 州 域 也

淮、沂其乂,〔《釋文》曰〕沂,魚依反。 樂山 ○《史記·夏本紀》集解。 出今太山蓋縣。 「疏曰》《地理志》云,沂水出泰山蓋縣 鄭曰〕淮、沂,二水名。《地 至下邳人泗 《周禮 [傳日]二水已治。 • 夏官 過郡五,行六 理 職方氏》疏。 志》沂

水

云泰 忌等書,但不言山,其實則與彼注同 Ш 鎮 周以禹徐州爲青州故也。 班《志》于疏所引下更云「青州寖」。 蓋縣者, 疏引 [案日]鄭云云者,鄭 方氏》所載青州山水,皆《禹貢》徐州地, 解之,故從略。 台沂 , 沂水所出 Ш Щ 蓋沂水出,不言 ,其浸沂、沭」,鄭彼注云:「**沂** 班《志》云云、《續 也,在蓋。」此經注 引《地志》沂 以 淮 Ш 水 《職方》「其山 就 水出今泰山 與 下「導水」 鄭 志》則 合也。 伏 《職 也。

百里。

南

臨

今此山· 出艾山 北 崖山 唐後 班 在沂水縣北一百十里,接臨 以異名實一山、《水經》疑 出蓋縣臨樂 下先言洙水出 正 山、甾、汶同 云又沂水南至下邳云云, 鄭云沂山」,且 念志 ,古流今竭, 五十里,非一山。」元于欽疑沂 指此。 Ш 云,古蓋 祀爲東鎮。 ,其實是一 百三十里,今沂水出 シ臨 在縣西北一百七十里,蒙陰縣 無 一, 又 隋 沂 樂 分列 以 唐 源。 Щ 出一 Ш 雕 始移 西北 而 Щ 云「亦或云臨樂山 崖 沂水出蓋 臨樂山即艾山 《寰宇記》云:「東泰山 疑 移于 而酈 山之比。《水經 Щ 沂 Ш 至蓋 但彼《志 爲 本 山之名于東泰 氏于艾山 雕 沂 · 名 **%非也。** 此山 當亦如 入泗水。 Ш 縣艾山、洙 沂 朐縣界,隋 》于臨 Ш 常 康 今沂 熟 下 <u>二</u> 山 成 萊 則 Ľ 仍 則 蕪 樂 以 雕 山 水 别 水 相 東 酈 云 後 水 原

> 異。 大 Ш 黄氏: 名 移 此言是也 易 而 有 異, 非 康 成 與《 漢

從縣 艾山。 北。 泗 良 故城,並 開 時密水。 來山,浮來之水注之。 沂縣故城東,治水注之。 在 南與蒙山水合。」案漢蓋縣故城在 故城西,小 水,又東南合螳 俱東南流,合成 治水」誤 一原,南原 又案曰 》《水經》云: 1。」注云: 沂 陽 成 水縣西南。 東莞故城即今沂水縣治東安故 縣 西 縣 在今蘭・ 作 又南桑泉水人之,又南逕 注云:「鄭玄云出 南 東,注 西 所導, 沂 「洛水」,據 「沂水于下邳縣北西流,分爲二水,一 流 水 ・蜋水。 _][] ° Ш 注 又 謂之柞 南 又屈 之。 縣 南 渦 北 沂 又東逕 右會洛預水,又東南,左 又南逕爆 過 又 琅 《漢志 南 水 南 又 又 邪 下 南 沂 逕 過 南 北 東 沂 淡 臨 東 蓋 邳 逕中邱城 Щ 逕 郯 水 過 IĘ, 安 沂 山 縣 開 今沂 縣 或 所發,謂 水 縣 陽都 縣 西,又東 故 襄 陽縣 縣 城。 云 出 故城 西, 城 臨 州府 西、又南 賁 東 臨 縣 西 南、又 沂 故 陽 泰 樂 又 東,而 縣 故城、 故城 之魚 · 又 南 城東。」案 都 沂 南 Ш Ш 南 東逕 水 會桑 故 逕 南 蓋 東,又 窮 開 城 縣 逕 南 東 泉。 過 屈 過 縣 臨 莞 浮 陽 並 西 合 預 有

于城 故城。 小 縣 沂水。」案今蘭山 北西南入泗,一 故 沂河舊在州西一里,水自郯城入運河 城 邳 州北 有 縣西南有襄賁故城 水 良 成故城,邳 逕 城 東屈 從縣 州東三十里 南 , 郯城縣 亦 注 泗 有 西 下 南 謂 邳 有 之

蒙、羽其藝。〔《釋文》曰〕藝,魚世反。

在東海祝其縣南。理志》:蒙山在泰山蒙陰縣西南。羽山解。〔傳曰〕二山已可種藝。〔疏曰〕《地解曰〕蒙、羽,二山名。《史記・夏本紀》集

府,山 宋省蒙陰,後魏 縣省併也。 (志》同也。 (志》云云、《續志》泰 案日」 堯典》。 後魏志》新泰縣 在縣 鄭云「蒙、羽、二山 南 蒙陰 東海 四 以其 郡祝 + 故 有蒙 里 城 地 Ш 其 在 Ш 改置 西 郡 今縣 縣 也。 南 無蒙 羽 接 新 南 Ш 羽 費 陰, 者, 泰 屬 則 Ш 縣 縣 沂 疑 已 與 疏 故 州 是 前 引

日〕豬,假借字。故孟豬又作諸,俗加水旁。《説文》在新大野既豬,〔《釋文》曰〕豬,張魚反,劉東胡反。○〔案

附。《史記》作「都」,後同。

停日 所 在 者 豬焉。]又澤名孟豬, 史記・夏本 鄭日〕大野 停 日 Ш [豬]。 陽 日 豬。 豬。 鉅野縣 《釋文》。 紀》集解。 在 疏曰》《地理志》云,大野 北。 山 陽 傳 《檀弓》: 馬 鉅 停水處,故云「水所 日〕大野 曰」水 野 北, 「污其宫 所停止 名 澤名。 鉅 野 而

東北」 里。 西北 同。 彼 而 云 之下更云「沇州 四年「西狩于大野」,杜預 [案日]鄭 注 東北、《元和》云在東,今故城在縣 何 0 同。 《職方氏》沇州「其 承 案鄭注《漢志》皆云在縣北,而 境皆人沇 天云鉅野廣大,舊縣故城皆在澤 《元和志》大野澤在 在沇 云云者,疏 州 州者,周 藪」是也。 也。 引 <u></u> (澤藪 漢 無 前 注 法影于 ≋志 徐 \Rightarrow 鉅 日 〈左傳》 在 州 ₹, 野 大 縣 疏 夏 鉅 野」,鄭 續志 徐 野 哀 所 東 杜 預 五 縣 引

云云者,疏説是也。中。是縣治自晉宋前早移向東也。馬

鍾。 運,澤乾涸 明昌,元至正,河皆決入。 縣西六十里,俗謂之黄水口。 北五里,正在卞縣之西。 及五代晉開運,宋咸平、天禧、熙寧, 禹治之,使水得所停也。 曰 出陪尾山 人言南可兼東,言北可兼西。 通洙、泗,北連清、濟。」見《水經 又案曰]何承天曰:「 南 爲溢 通洙、泗,南即東也。 明永樂九年開 一決所 西南,至方與與菏合,古大野澤在今鉅 無存。 不及。 雕注菏水東與泗水合于湖 會通 游之所鍾是澤,爲· 又是澤本汶、 黄水西北通 鉅 魯國卞縣、《禹貢》泗 河,遏 是澤自漢元 及河益南徙 湖澤廣大, 》游水)汶、泲 鉅 上野澤。 沸 注 野 光 所 南 故

東原低平。

史記 鄭 曰〕東 미 夏本紀 耕。 原 》集解。 · 「 疏 地 名。 日 傳 今東 東 日 原即今之東 平. 東原 郡 即 致 功 而

平郡。

《春秋釋地 里。 鄭而 流, 北, (案日 亦 《水經》:「蛇 東原 平 田 田。」龔邱 志》:「汶陽故城 《左傳》僖元年:「公賜季友汶陽之田。」 今東平州東。 原。」華説與鄭 (博物: -郡本侯 在 也。 逕 加 其城 地,在岱之西南, 游之東, 汶之北。 不著鄭名 志》曰: 謂之東者,以在泲 汶 鄭 陽之田 今寧陽 側 國、景帝亦名鴻東國、故城 云云者,《 即 日 土 水出 「沇州 州及泰安縣西南境,皆古 1,皆非 合也。 定 闡 田 也。 在 在 + 沃 齊所 岡 襲邱 東平郡 年 饒, 岡縣北 縣東 史記 也。 傳 齊 本 不能 故爲 縣 侵 東 東原在徐 索隱 北 人所歸 魯闡 ,即《尚 東北五 也。」《 者也 故 太 實指 魯 也。 山 邑 汶 引 , 疏 元 陽 杜 西 漢 張 和 邑 氏 南 之 在 四 西

鄭、王皆讀曰熾,韋昭音試。〇〔疏曰〕戠、埴音義同。厥 土赤 埴墳,〔《釋文》曰〕埴,市力反。鄭作哉,徐云

黏曰埴。 之「搏埴之工」,是埴爲黏土。 ○《文選》卷四左思《蜀都賦》李善注 鄭 티 느 戠 **「疏** 讀 日」《考工記》用 日 熾 熾, 赤 也。 〔傳曰 土爲瓦 零釋 文》。 土

才冉反。

包,必茅反。

字或作苞、非。

林 盛色赤。 《玉篇》戠音之力切。 《易・豫》九四「朋盍簪」,簪,虞翻作 黎」,織即哉字,後 綏傳《天 云 十上火部云: 云「埴或作哉」。 (案日)鄭 注引 「黏土」。 從者,鄭必目驗徐 以戠即赤也。 此 地 據《蜀都賦》「丹砂赩熾」,劉淵 經,而善注又引鄭此 云「戠讀 賦 此 「熾,盛也。 》云「海岱 經俗儒作埴,訓 《考工》「搏埴」,鄭彼 是古有戠字。 人加 日 州 熾。 宋丁度《集韻》亦 土不皆黏也。 土 微,赤 也。 赤 从火哉聲。」火 蟙 《説文》卷 華 注,是鄭 晉成 也」者, 梁 哉。 青 注

> 草木漸包。〔《釋文》曰〕漸如字,本又作蕲。《字林 翻 訓 ,膩也。 戠 爲 傳云「黏 釋地》云:「 聚會,聚會 黏胒 如脂之膩也。」疑埴亦可 土」,亦得備 土 有 一黄 黏 義。 而 細 義也。 劉 配《釋

進 馬必亦作「蔪苞」。《釋文》引作「包」,就 文,當從之。 稹。」郭璞曰:「今人呼叢緻者爲稹。」❶ 也。」孫炎曰:「物叢生曰苞。齊人名 彖》云:「漸,進也。」《釋言》云:「苞,稹 人不識字也。 〔案曰〕馬云「包,相包裹也」者,《説文》 一下艸部:「蔪,艸相蔪苞也。 馬曰〕包,相包裹也。《釋文》。 長。 《書》曰:『艸木蕲 包、叢生。 《釋文》反 云「相蕲 **「疏** 日」《易 以 苞。二此 苞」,與馬義 作苞爲非, 「傳 · 漸 从艸斬 孔氏古 桂 同。 唐 \exists

「呼」下、《爾雅注疏》有「物」字,此脱。

0

馬合也 僞 云:「苞,豐也。」其本豐茂, 本 云: 葦》詩「方 也。 「苞,本也。」 《大雅 苞方體」箋 生民》詩「 箋云: 同。 則相包裹,與 實方實 **《**釋 茂 苞」, 也。 詁

厥田惟上中,厥賦中中。

傳曰〕田第二,賦第五

厥貢惟土五色,

《禮志》。 記·夏本紀》集解。 其方色土與之,使 四 大社,封四方諸侯,各割其方色,王 以白茅,茅取其潔,黄取 曰〕王者封五色土爲社,建諸侯 封」者、《周書・作雒》曰:「乃建大社 案曰〕鄭云「土五 鄭曰〕土五色者,所以爲大社之封。 方也。《晉書》十九卷《禮志》。○《宋書》十七 〇杜 佑 《通典》四十五 至 色者 立 日〕王者取 社 1,所以 王者覆 卷《吉禮 燾以 爲大社 五色土 四 黄 い則各 方。 者 **©**史 割 傳 于 之 苴 卷

> 取其方 北 名》卷一 或 黄赤白黑也。」是也 **飛**土 中。 其 一面之土, 《釋地》云: 中 遺: 央舋以 東青 黄土 以 土,南赤土, 「徐州貢 爲 土封。」劉 建 諸 Ŧi. 西 熙《 色, 白 士

羽 ○〔案曰〕夏古音户。鄭《天官・ 史記》、《漢書》亦作「狄」,古畎从《,翟、狄同 〔鄭曰〕羽山之谷, 貢夏翟之羽。 〔《釋文》曰〕夏,行 染人》注作 雅 反。 翟, 羽 《詩》十二 洲 徒 歷 反。

嶧陽孤桐,〔《釋文》曰〕嶧音亦, 雉名。 《説文》:「畎,小流 旄, 次》疏。〔傳曰〕夏翟,翟,雉名。 因 之一卷《小雅 山詳《堯典》。 〔案曰〕鄭以「羽畎」爲「羽山之谷」者,羽 「翟,山雉。」此言「夏翟」,則「夏翟」共爲 此 羽山之谷有之。 而 《周禮》夏采之官,取此名也 Щ 谷通水之處,亦名爲畎也。 節 南山》疏。 《匠人》注云「壟中曰畎」。 也。」畎是壟中小 [疏日]《釋鳥》云: ○《周禮》六卷《天官・掌 音夕。 羽中 · 旌

八〇

嶧 此山 理志》云, 西葛嶧 (太平御覽)四十二卷《地 鄭 Щ 曰 也。 之陽特]《地理 Щ 也。 東 海 生 志》嶧 《史記·夏本紀》集解。 下 桐,中琴瑟。 邳縣西有葛嶧 部》。 山 在 [傳日]孤 下 [疏日]《地 邳。 今 下 ○李昉 Ш 特也。 邳 即

陽」。 《志》云云,其 州西北六里。 桐。』羊益切。」許慎 下邳,从山睪聲。 續志》亦略 案曰〕鄭 下山部嶧字注云:「葛嶧 云古文則是孔安國遺説。 引《地 同。 下 理志》云云者, 更有云「古文 Ш <u>~</u> 亦宗 在 夏書》曰:『嶧陽孤 今江 孔 氏 南徐州 , 故 Ш 以 《説文》 在 疏 同也。 東海 府 爲 引 邳

泗濱浮磬,

鄭曰]泗水出 (傳日) 「疏曰 泗,水 泗 小旁山 **泲陰乘氏**。 涯 而 水中見石, 過,石爲泗 史記• 夏本紀》集 可 水之 以

> 乘氏 磬,故謂之浮磬。《地理志》泗水出 涯 一百一十里。 水水 縣,東南至臨 中見石 ,若水上浮 淮睢陵縣 然, 入淮 此 石 沸 可 千 陰 爲

《志》有 所 菏 縣 縣一條, 淮 考《水經》「泗水出魯卞縣北 川。」沸陰 云「出卞縣故城 南至方與人 志》同。 [案日]鄭云「泗 **添泗水至** 游也。 苞 陰入淮,❶過郡六,行千一 兩 注以成澤在定陶 正 疏引 《水經》無菏水,一 一方與 郡乘 泗 敘 游,過郡三,行五 水,魯國卞縣下云: 泗 前 氏縣下云"「泗水東 入泲,其實是入菏, 東 水出 源, 《志》亦合 (南」。 而鄭偏不 游陰乘氏」者,《 縣 然則前《志》 東北,其枝流 百 也。 目菏是泲水 山,酈 百里, 引。 + 泗 再 考前 所 里。 注 青 又 南 水 則 至 州 西

■「淮陰」、《漢書・地理志》作「睢陵」

則本是泲水。《水經》所謂 城 文》 東,又 目 爲 (人)沸。 菏澤水, 若前《志》 至 魚 臺 沸水,至乘氏 乘氏 馬 北 之水

菏澤水,遂爲菏水。自是至魚臺縣南湖獨入海者。其支流則東南流至方與會縣西分爲二,其經流自是東北流合汶而則本是泲水。《水經》所謂泲水,至乘氏

陰 故 縣 而 城南 至 淮,則皆泗水之正 方與,泗也, 而 入泗,自是 非 菏沸 而 過 一流矣。 也。 自 若然 以 乘 氏 自

湖陵,菏、泲、泗三水合流,不過幾十里。爲泗乎! 而《漢志》目以泗者,方與至至方與,沩也,即目爲菏已太早,況可目

源 湖 陵 以南 入淮 泗 ? 矣。 自是泗之正 況沸之列四瀆而 何不可因下 流, 侕 流 獨 沸、 而 入海者, 菏反 并目上

氏 ൬ 無 引卞縣者。 縣 仍 存 是 泗 本 沙沸支 《水 源,乃若 流,故 經注》泗水自 康成之引 以 泗

> 切,故 精 《書》所謂 淮,浮磐實 陵之下流 城 也。 . 梁。 引乘 東 ,乃泗水正流,菏、沸皆 南 晉《太 産其 泗 氏 過 濱 吕 泗水,此 地。 浮磬』者也」。 康 縣 地 南 若引卞縣 記 \Rightarrow 水 日 上 康成經學之 水 有 則泛 吕梁當 出 石 因 梁 而 泗 不 湖

宗毗忍切。 字又作蚍。韋昭薄迷反。〇〔案曰〕師古步于反。劉昌淮夷蠙蛛暨魚,〔《釋文》曰〕蠙音蒲邊反,徐扶堅反,

奇《尚 禮》三十三卷《夏官・川師》疏。 先生書説圖説》。 ○《史記索隱》。 疏引鄭注,亦云二水非也。 淮上夷民」,馬云二水,故司馬 鄭曰」 獻此 至 ○林之奇《尚書全解》八卷。 書 全解》八卷。 蠙 蠙 珠,珠 淮夷 「馬 ○胡士行《尚 與 美魚 名。 ,水名。 傳 淮、夷,二水名。 ○《史記 也。 淮 〕淮、夷二 貞以 書詳 夷, 〇[案日]淮 《尚書》疏。 尚 解》三 鄭爲是。 淮 時瀾《增 書》疏。 夏本紀》集 水 卷。 一水出 之 夷 修東萊 〇林之 F. ○《周 師 蠙

珠,遂以蠙爲珠名。珠及美魚。〔疏曰〕蠙是蚌别名,此蠙出

馬、王、僞孔以爲二水,非 費誓》及《大誥》、《成王政》、《周 蛙蠙之衣,是亦以蠙爲蚌,似亦得備一義也。 同其説。《集韻》云: 之句,是玭 作玭者,杜甫憶鄭南玭詩有「石影銜珠」 書》 班从虫、賓。」《説文》與鄭合也。 宋弘云:『淮水中出玭珠。』 玭,珠之有 云「淮夷,淮水之上夷民」者,詳《周 [案曰]鄭云「蠙珠,珠名」者,《説文》卷 上玉部玭字注云:「珠也。 步因切。」又重文蠙字注云: 亦 珠 「蠙,珠母也。」《莊子》以 也。《釋文》云:「蠙,蚌 也。 从 玉 官序》。 比 「《夏 一也。」疏 水苔爲 鄭又 書

繒。纖,細也。纖在中,明二物皆當細。記·夏本紀》集解。〔傳曰〕玄,黑繒。縞,白〔鄭曰〕纖,細也。祭服之材尚細。《史

之 故以玄爲黑,編爲白也。 間,赤而有黑色。《爾雅》:「縞,皓 禮•染人》注: 六人爲玄, 繒」者、《漢書》「灌嬰販繒」注:「繒者,帛 服有玄、縞也。 者、《周禮》齊服 爲義帝發喪,諸侯皆縞 三上糸部 案日〕鄭云「纖, 疏 總名。」故 曰〕玄是 文也。 黑色之别名。 以玄、編皆爲 傳云「玄、黑繒。 有玄端,又有素端,是祭 細 又云「祭服 也」者、《説 素,是縞 其色緅緇之 之 史記》高祖 繒。 爲白 材 文》卷十 尚 縞, 也。 也 細 周

作「菏」,工可反,云「水出山陽湖陵南」。浮于淮、泗,達于河。〔《釋文》曰〕河如字。《説文》

澤水,在山陽胡陵。《禹貢》:『浮于淮、爲證。《説文》卷十一上水部云:「菏,菏同,幸《説文》有一條,《經典釋文》得引疏,《史記》、《漢書》傳寫之誤並與今本、與記此節鄭、馬、王注俱亡,又無傳無

八四

注引 南」, 安得 于此 南。 境,南浮淮 縣 氏 泗 陵,乃菏澤之枝流,《説文》名 水之東,至于菏,是主澤言,即 東北,爲 本澤名, 沸水所 也。 ,「《禹貢》『浮于淮、泗,通于 古文,當 達于 亦誤。 有黄 此作「菏水 此《志》敘首引《 謂菏水在 此達于菏, 豫之東北,徐之西 菏。』从水苛聲。 河? E 從 之。 ,北浮泗,又北達 漢湖陵在今魚臺縣之東南, 一縣南 在南-豬,在今曹州府定 河」當作「菏」。 <u></u> 則是自 漢志 禹貢》既誤作「河 」,皆誤。 《水經 古俄 \Rightarrow 乘 北 Щ 菏, · 泗 氏 陽 境 禹巡 河一水 豫 切 曰 以 則 郡 州 一菏 「水在 水 行 至 徧 導 陶 湖 > 此 湖 菏 沇 縣 菏 州 篇 在 陵 FL

魯卞縣北 [又案日]《水經 水」者也 ,嬀亭山 -縣北山 皆非 Щ 又謂《博物志》泗 雕注以 是,而 巻二十 謂 《漢志》出 出 出陪尾 卞 縣 五 故 沸 云: 城 即 陰 東 乘 此 處 南 氏、《水 泗 桃 水 出 西

也。 陽縣 泗水。」 銅山縣即彭 沛 曰 : 謂菏爲沸。 沛縣 東, 下,俗謂之黄水口 從西 成湖澤也。 平. 注于菏,故因以名焉。] 西,故城在 南 卞 水 酈 氏 縣東 因下 逕魯城西南合沂水。」又 而會于洙水,又西南逕 注又云泗 縣 注言 陽 湖陵縣 接界。 今魚臺縣北有方與故城,縣 西 東 來 縣 案,今曲阜縣 有 Ŧί 流 在 注之。 瑕 西 日 + 湖 又東 也 而東與泗水合于湖 鄒縣 里。 城 水 又案《説文》云:「泗受泲 又屈 故城城 邱 上 陵縣 , 菏 战城。 西 源 南。 "; 亦 又東 逕卞縣故城西。 水在 南過彭 西 黄 東南 西 酈 在 南 治即魯故城。 不 ,必二縣以 水西 注 今鄒縣西。 南 又 屈從縣 誤。 南 案,菏水 逕 南過 魯縣分爲二,北爲洙瀆 「菏 ,王莽改 ,過湖陸縣南 過日 城 北 西 魯 北 通 縣 水即 縣 ...過 山 陵縣西六十里穀 巨 方與 東南 是 入泗,經言 東南 與 縣 東 日 北,酈 又南 瑕 野 案城在今兖州 水爲 酈 濟水之所苞,注 嬀 湖 北 澤。 南 有湖 水 邱 亭 、縣東 注又云: 陸。 流 界,非 今徐 ,東入淮。」此 過高 則二 縣 注: 故城 蓋以 又 陵 《地理志 又東 在 東 故 7; 而 黄水沿 泗 在 州 有 方 , 今滋 南 城,與 平. 府 與 泗 庭 府 兩 南 水 者。 過 過 縣 城 洳 以 水 則 白

水。 城在 淮,即 南,亦 北 則是自菏澤分流也。 縣 金 東過昌 案《寰宇記》,漢乘氏縣在鉅野縣 菏水,注言分于定陶 故城南。 西,分爲二。 經》卷八《泲水》篇云: 縣治,與清 又 悉爲黄河 又 Щ 邑。 + 東 縣 鄉 南,雕注云菏水分泲于定陶東北,東南逕乘氏 東 里。 金鄉 北。 導淮 稱淮 縣 南 南 蓋謂 注 邑縣 案,今魚臺 南 案,菏澤在定陶縣東,菏水分泲于定陶東 縣 所 過 日 굸 所謂 陰。 П 菏爲沸 淮。」俗句 占 東 ,城即今縣治。 梁 下 無 《漢志》泗水至睢陵 「菏水又東逕武棠亭北、《公羊》以 北。 洪 北 涉。 邳 而 其 東 在 淮 會 縣 ,城在今金鄉縣 縣 東 縣 睢 又 但經言沸水過 **宇**泗 不 名清 北。 侯 西 東 北 陵二字當爲淮 東 得 水 觀 + 南 擅 也。 口,在 魚于 過方與縣北,爲菏 經注違異,未 東 故 Ŧi. 「沸水東至乘氏縣 又東過東緡縣北 會泗之名 里 城 + 南 今其故道自 棠,謂 西南五十七里。 在 有 今淮安 里 及入淮。 流 今邳 西北。 方與縣北,乃得爲 武 明 者 陰之誤。 唐 此。 矣。 州 嘉 亭 府 知孰 睢 , 過 東 靖 又 徐城 在 清 陵 又《水 中 方與 是。 酈 今睢 河 東 乘 + 鑿 爲沸 以 泗 注 縣 過 北 氏 平。 又 里 南 西

> 道也。 水從 處也。 于湖陵縣西六十里穀庭城下。 臺縣東有 從淮陰入淮, 臺縣東二十里穀亭鎮,即酈注所謂 (于泗· 湖 以 東巡 水。」案上文泗 甯母亭。 陵 上歷敘泗水、菏水原委。 泥母亭 人 即 泗 菏 北 禹「浮淮達泗」之道。 水 僖 即 水,酈注 又東 七年盟 禹「浮 湖 過 于 陵即 云菏 穀庭城,菏水入泗 湖 甯 泗 母 湖陸 陸 水東與泗水合 達菏」 也。 縣南 其泗 也。 案, 今魚 菏

承,總 則此 矣。 俗儒遂謂沇、青、徐、揚四州水道前後相 已有者,此説 有謂滎陽引河本是禹迹,仍據誤《書》作 不必達,況河乎 達于河」,而以 又案日」 且河字當作菏 州達于菏,不必定達于泲 然鄭謂 以 人河爲歸宿。 菏 每 即 固大謬。 州末水道指 沸 鴻溝、官渡、汴水爲 •! 也,達 自僞 而 必 于是紛紛之論, 輾轉 孔創云「還都 于 有明知 禹 菏 巡行 推求,爲 則 也。 達 禹 州境 沸 時 禹 于 由 無 且 沸

皆非 菏 人 也 游, 由 沸 濕 由 濕 人 河 者 此 説 亦

淮、海惟揚州。

之南越」。張守節《正義》亦曰:「夏禹 象郡,今廣東、廣西、交趾 州本屬揚州,故云揚越。」考桂 海、象郡。」裴駰《集解》引張晏曰「揚州 云: 海」者、《戰國 言,故鄭云「至海以東也」。 南收揚越。」《史記 東也」者,海岸雖自東北 莊十年《公羊傳》疏。 云「東漸于海」,則青、徐、揚之海皆主 鄭 、晉間 交州三國,吴分置廣 「秦以并天下,略定揚越,置 揚 鄭云「揚州界,自 人以 州 界, 此爲 策》: 自 [傳日]北據淮,南 禹 淮 • 「蔡澤曰:吴起 南越 . 揚 而 州,晉滅吴因之。 州 南 迤 淮 地 尉 , 偽傳出 而 而 傳云「南 佗 南, 海 南至 林、南海 漢武帝平 列 桂 而篇 傳》 東 林、 距 爲 也 亦 東 以 南 楚 距

> 九 杜氏 服之弼 距 有,于《禹貢》揚州 但言海以東,不言南也。 教所暨,必在 里,而不在九州之數,則知交、廣 里,置九州,執玉帛者萬國。 漢武帝始開。 貢賦、職方、山藪、川浸,皆不及五嶺外。 南 斥境,爲方萬 且荆州南境至衡山之陽,若五嶺之南 皋陶謨》「弼 州 海。 至于海,並 ,故云然。 封域, ,此言是, 偽傳非也。 與荒服,及荒服之弼, 白晉 則宜屬荆,豈有舍荆屬揚?」 以 杜 九 揚州 里,交、廣必在其中 成」,皆以 但鄭注下文「五 後,歷代史皆云,五 佑《 州 則不 之外。 地。 通 典 可知也 然《禹貢》物産 要服 七閩《周 故于揚 要之,禹 此 内方七 方 服 揚 得 外連 并 旧 禮 ', 不 州 州界, 嶺之 東 萬 在 南

雅》曰「江南曰揚州」,視夏之揚爲小。〔又案曰〕殷割淮南、江北地益徐,故《爾

分。 曰揚州 别 蓋 與夏之揚廣狹適 以 以 漢 别 其 東,江水之南也 然則殷 水之名至大 西 人 西 ,其藪澤川浸與《禹貢》同 漢 江 又 **,** 而 得 水之南 揚 夏 州 爾 荆 境,縮 别 相 雅 州 也。 當矣。《周禮》東南 ₩ ⊟ 圃 地。 荆、揚之界當 咔 于北而 日 按「導 漢 江 日 南 漢 南者,大别 \Box 贏 南者, 也 荆 于西, 于此 漢 州 大 至

揚州域也。西則河南之汝寧,湖北之黄州等府,皆西則河南之汝寧,湖北之黄州等府,皆松、安徽三布政司所轄,及江西、浙江,【又案曰〕以今輿地約之,江南江淮、蘇

彭蠡既豬,〔《釋文》曰〕蠡音禮。

西。 ○《史記索隱》一卷。 日〕彭蠡是 于江 日》《地理志》彭 南 「東匯 方 謂 江 都 爲彭蠡」是也。 漢 爲 合 (傳日 豬。 處。 〕彭蠡 澤在 下云 史記 「導漾水 夏本 澤名。 章彭 紀 集 澤 疏 解 縣

縣,「 城 艾縣有脩水,艾縣故城在今寧州 縣東六十 **雩都即今縣。** 等九水入 人江。 澤縣 水 昌、並屬南康府。 州府治。 及江西各府之水,其下 湖,以中有鄱陽 昌、饒州、南康、九江四府境。 之都昌三縣地。 縣,今江 志》冠以《禹貢》,此 案日〕鄭引「《地 建 縣 有 豫章水出 城今高安縣瑞州 西」者,前、 雩都 里。 彭蠡 盱 西九江 水,南城今建昌府 彭蠡 又鄱陽縣 餘 縣「湖漢水 所豬有九水。 汗 西南,北入 是 德化,至湖 山名。 府之湖 澤周 縣 理志 續 也。 府治。 有 有 餘 四 古義 前《志》豫章郡 是湖受江 鄱 東至彭 彭 П ·流北 宜 治。 水, 志》皆 百五十里,浸 大江。」贛縣今贛 、彭澤,南 蠡 水,鄱陽故 春縣有 口 劉 也。 餘汗 建 西 澤在 過星 並 歆云 城縣 澤人 亦曰 今餘 同 百里。 屬九江 南徽 漢 豫 南水, 子 城 湖 鄱 彭 章 干 康 而 在 府。 縣 贛 漢 南 都 州 陽 南 府 前 彭 今

从貢。 爲章水 而造此 東南有章水 彭、豫章實一水,在南壄爲彭,行至贛爲豫章。 《水經》則總稱贛 與 即 漢 因以名縣。」酈氏非之。 發縣東·酈 府志》云: 宜 人崇義縣界,歷上 水出豫章南極縣西,關注:「《山海經》曰贛水、 地理志》曰豫章水 放城城 南 春今袁州 鄱 豫 豫章上源 灘 康 案, 章, 説。 或俗譌作贛,而 在今安福縣西五十里。 湖漢爲貢水,二水合流 餘、脩、盱、蜀、 此漢廬陵縣也 西 「豫章水出湖廣郴州 源 酈非之,是 南 府 西有貢水,縣治二水之間,二水合贛字, 西 注 治。 異 ,亦非有二水,是湖 北 又長 「右會湖漢水。」案劉澄之云: 流 猶、 ·, 雖 過 南 同。 南康、 稱有殊,言歸一水矣。」案《南 水。 也。 以名縣。 極 《説文》贛字从貝,竷省聲,不 沙 廬 ,故城在今泰和 縣 或 陵縣 然近世皆宗其説 諸 南、廬爲 卷三十九云:「贛 有 漢志》謂之彭水。」是知 安成 南黄岑山,自宜章縣流 皆入湖 自 或劉澄 彭 西 **贛縣** 每 水 縣 互稱彭 酈 之不 縣 至萬安縣,凡 漢水。 有 九水 南 注 漢、豫章 北三十里。 廬 ||極故 識 以 廬 水 「贛縣 贛字, 北 也。 水人 豫章 縣 湖 過 在

總納十 城。 注 : 清江、並屬臨 陵、吉水、永豐、 郴 也。 豫章大江。」案,今鄱陽縣西北一百二十里有鄡 又有僚水入焉。 又云:「贛水又北逕鄡陽縣 之。」案,南昌即今縣,南昌 水即 云十川者,除去經流豫章水不計,外又加淦水、僚 又北過南昌 出,西入湖漢」是也。 又 南安府。 注 故城,晉 人彭蠡也。 州宜章縣、流 循水注之」。 「牽水注之。 南水。 豫章大江即 北入于江。」 北 加 廬 過 ,同湊 陵 淦水者,《 石 郡 江 陽 縣 鄭又云「南方謂 謂 其水導源 治 案,循水即脩水。 府。 又淦水出其縣下,注于贛水。」案,牽 瀆 贛水。 縣 西,酈 經崇義、上 ,俱注彭 以 今清江縣東六十里有新淦故城 漢志》新淦縣注,應劭曰「淦水所 並 州 ,西,今廬 又 屬吉安 府 東 今輿地言之, 贛水自 城至 建昌縣,東北逕昌邑 又北 府治。 注:「盱水 治。 ,餘水注之。 北 蠡。」案,劉歆云九 府。 湿陵縣 南 過 萬 過彭澤 濁水即蜀水。 猶、 雕注又云: 安、泰 新 北 都 峽 注之,又濁 六十里 淦 又與鄱水合 爲豬 並屬南昌府 江、新 南康、並 縣 縣 和、 一而東出 西 西 有 贛 水,酈 陽 水 石 廬 故 屬 水 酈 注 注 酈 陽 水

《夏本紀》皆作「都」,是豬即都也。波既豬」,「被孟豬」,「至于豬野」,凡豬,此經豬字及上文「大野既豬」,下文「滎

陽鳥攸居。〔案曰〕「攸」、《漢書》作「逌」,後同。

《詩》二之二卷《邶風·匏有苦葉》疏。 陽之鳥,鴻雁之屬。 九月而南,正月而北。 木落南翔,冰泮北徂」是也 疏曰〕日行夏至漸南,冬至 鄭日]陽鳥,謂 鴻雁之屬,隨 冬月所居于此 左思《蜀都賦》云 漸北,鴻雁 陽氣 何傳 日〕隨 南 澤。 北。

稚 季秋注云:「是月,時候之 雁,●從北漠中來,過 有「候雁 八月者,其父母,是月 本《淮南子》卷五《時 案日〕鄭云鴻雁 弱 ,故在後。」是也 來 高 誘 「隨陽氣 仲 則訓》仲秋、季秋皆 周雒,南至彭 秋 來者,其子。 注 南北」者, 雁來南彭蠡。 云:「時 羽翼 蠡。」 候之 道 藏

三江既入,〔案曰〕孔連下句爲一節。

震澤也。 二卷。○羅泌《路史・餘論》十卷。 宋板徐堅《初學記》六卷《地部》。 爲中江』者, 岷 云云,其意言「三江既人」,入海耳,不入 入震澤,從震澤復分爲三,乃入海。 人海。」是孔意 人海。《尚書》疏。 始得稱中也。 江已人,致定爲震澤。〔疏曰〕下傳云: 自彭蠡江分爲三,人震澤,遂爲北 鄭 江 曰〕左合漢爲北江,會彭 居 其中,則 明岷 江從彭蠡而分爲三,又共 三江分于彭蠡,爲三孔東 ○胡士行《尚書詳解》三卷。○ 爲 江至彭蠡, 中江 ○邱光庭《兼明書 故《書》 〔傳曰 與南 蠡 爲 三言三 北合, 稱『東 南 江 而

彭蠡」,導江云「東迤北,會于匯」,鄭彼「會彭蠡爲南江」者,導漢云「東匯澤爲漢「至于大别,南入于江」是也。又云〔案曰〕鄭云「左合漢爲北江」者,下文導

❶ 「時候」、《淮南子》作「候時」。

云 迤者,爲南江」是 也。

居其 中, 則爲 中江。 故《 《書》稱古 又云「 東爲 稱 岷

中也者。 三江實一江 二者,明 岷 鄭解導江 也。 江 至彭蠡與南 又云「三江分于彭 中江之義,以 北 合,始得 證 此

有三孔,詳繹其義,則三孔實即指南北 爲三孔東入海」者,據文似彭 **永** 以 下又

《初學記》。「三江分」云云,出本疏。 中三江也。 鄭此注「左合漢」云云,

職郎建陽縣丞福唐劉本《序》,雖宋板下品,究勝俗刻 不可解。 并合爲一條。《初學》引稱爲鄭玄、孔安國注,殊 予據紹興四年東陽麻沙劉朝宗宅刻,有右修

節之注 當無誤。 則 但 無可疑。 徐堅不通 若以「左合漢」云云爲下 經,稱引舛錯不足怪 而 其爲此

則是 文導水之注,「三江分」云云爲此節注, 鄭于南北中三江絕未提明,何容突

指 解 三江分于彭 經之體,經文前 蠡,使措 後 相涉者,詳于 詞 全無

前

略

于後。

此篇揚州既先言三江

説三江· 皆非也 路,知鄭云「三孔」,即指南北中也 士,具見圖籍者,豈如此? 云江入震澤,亂道已極。 海,則昔之静 水之注也。 後導水言北 名 義 且 江、 海,今之通 江自會彭蠡 知 中江 「左合漢」云云, 一,鄭自 州,是 以 身爲武帝博 當 下, 疏曲附之, 于 更 揚 必 東 無 州 非 别

北江」。 妄。 《志》于會稽毗陵縣注:「北江在北,東 謂之笠澤。《三國志》注,左慈在曹公坐,釣 在南,東入海。」此即今吴松江 海。」今本脱上「北」字,從宋本增。 之,蓋孔傳魏晉人作,故 [又案日] 三江 疏于彼文下引《漢 有松之名。 ,所少吴松江鱸魚耳。」吴字讀指郡名,章懷太子止 導江傳 此即· 《後漢 今 岷 又 書 云有 異説 江 左慈傳 也。 北,有 最 地理志》之三江證 多, 取《漢志》爲説 吴縣 》曹操曰: 中、 傳 《續漢志 注: 疏 也 南 松江 一今日 《左氏 可 南 》亦云 極 鱸魚 知 人 誕 高

州、歙 壩,自 堰 縣 中 楊 周 道 溪,東入太湖 州 湖 故如 湖 羨者,與 注 戰,敗于吴松江。」是 太 松 應合《景定建 遂與《漢志 海。」 東 行 江之流始狹。 以達大江 東境及溧陽、金壇、宜 縣注:「 江二字,不連 南 密 湖 此 州 明 十五里。 此即 將臺濛 及今廣 洪武、永樂 今水道全 由 百里,長二十里。 中 有誤也。但此中江東流 湖以 ,不復涓 今荆溪 江出 》相反。 吴。 耳。 作五 康志》云:「唐 德州 又東五 人海。 《陳 五堰者,銀林堰在溧 故三吴水患 西 時始有吴松之名 堰,拖 不相合。蓋高 兩番修築之後,若 南 書 也。 滴 西境諸 東壩之所 里 入太湖。 侯 一興諸 東至會稽陽 古人文法 《志》謂 縝 日 輕 傳 少 苦李堰 舸 景 水,總 水,悉從 東日分水 少,而 饋 由 福三年, 縝 惟 至 糧, 疎闊 始 追 淳 至 陽 淮 廣 羨縣 陽 侯 水 景 荆 德 蕪 東 陽 而 蕪

大 澤 州三江無涉。 澤,殊爲妄謬。 流,非入震澤者也。 然《漢志》中江雖至陽羨入震 縣 之名,與導水之中 之北江,即今通州入海之大江,不 以 東 似 也 而 百 里 餘 江 也。 前 江,與《漢志》「東 南 有 東 里 日 安 余家 云江分爲三,共入震 里 壩 ,此地已 後易爲上下二壩, 之丹陽湖 蕪 吴縣之南江即松江,乃震 流,千古無 創 由 由 湖 又 Ŧī. 自臺濛 水,在縣 堰 里 置 子人 而 西西 長 且此 堰,故水 ,其實《元 + 何 江、北 易, 北 海 西 孔 至 家 里。 流 二孔以此爲 三江,雖 南 牽合 陽羨」,已不合矣。 堰 遠 通名東壩。」 人大江。」 江 八 不 所 贵 在 和 東流 十里,源 爲 無 謂 震 九 志 涉 澤、若毗 震 澤 有 魯陽 里。 南 皆 獨 而 澤 東 即 則 澤 北 當塗 不 與 北 據 出 <u>Ti.</u> 西 元 又 下 震 陵 揚 北 中 和 此

及 猶 代 邪 興之荆溪,自溧陽流逕縣南,又東北 溧陽之永陽江,在縣北,上承溧水,即 江 年,楚子 廬 人震澤。 三湖,至銀林。 通,起于周 之中江 宣、歙、金陵、姑孰、廣德及大江 一塔湖、 伐楚, 以上 即今蕪湖之縣 桐 是 「鳩兹、吴邑、在丹陽蕪湖縣東。 南。泉公十五 汭 司馬 代 本不 長 · 杜注: 入震 西 ·重伐 用 貞 開 連 伍 《史記 末, 蕩湖,達荆 鑿 高淳 當 相 澤 固 吴,「克鳩 「宣城廣德縣西南 員 所 禹 並 通,中三五里輒 計 城、 索 遺。 而 河。 年, 之胥溪,在 非 開之。 隱 江,誤 石臼、 遂 禹 影誤 楚子 蓋春 流經市中,東連 兹, 以 迹。 溪震澤。 同 《左傳》襄公三 丹陽 以《 至于 西、子期伐 秋 有桐水,出 江 蓋 衡山 再 縣東南 時 漢志 考江 皆 《漢 淮 衡 諸 吴王 有高 水, 爲洮 瀬水。 ,在吴興 此水 入 山,杜 湖 黄 志 震 湖 湖,東 池、人 連 里。 蓋 受 宜 之 中 鳥

> 則知《 無 湖 通 之五湖。 禹 即 西 北 涉 迹。 夫 即 差所 人 闔 河 漢志》南江、 丹 《墨子》: 禹治天下,南爲江漢,淮汝東流,注 戰國時有此說。 廬 渠書》「東 陽 開邗溝于吴,則通渠三江、五 湖。 所 開 皆 胥溪 由 方 中 知禹 此 剣 也 江 道。 通 與《禹 時 而 溝 江 後世 自 江 湖 是 淮 貢》三江 本 誤 江 之 ·不通 間 湖 以 爲 始

黟。 東至 條。 注 出 三江無涉矣。 又案曰』《漢 百里。 云《山 三天子都 志》以 東入海。 音同。」《 餘 分江水出 姚 海 證,歷敘 人 漸 經》 海,過 江 水經》卷四 「黝」,師古: 志》南江 北 水出 而又有分江水、漸江水二 丹陽郡 謂 過 之 東 餘 郡二、丹陽、會稽。 一丹陽 浙 北 姚 · 、 中 石城縣,首 流 江 十云 東人 郡 音 江 也。 黝 海 固 伊 縣 于 與《禹 原 其 字字 海 委 下 漸 南 受江 行千 即 本 蠻 江 作 水 夷

雖著其 之「江 字,疑爲大江支流 安得越而 江之説,餘姚乃 理,姑置 縣西七十里,已無復 中,東入海。」浙字注云: 廣德、湖州諸境,皆重巒疊嶂, 「沔 上水部 縣 石 乃《水經》卷二十八《沔水》 戀 本 稱 陰爲浙 水」,當作「 出 疊 北 城 出 錢 水與江合流,又東 勿 縣,分爲二,其 石 塘 嶂 東過至餘 Ш 論 城, 漸 江 谿, 江。」漸、浙 北 字注 江 無 在 但 若 與 無勞 相 浦 漸 浙 漢 所 口 云:「水 姚以入海。 其一 通之事 陽 江 江東岸 合 石 疏 云 斯水。 水。 江 浙 本 分 鑿 城 東至會稽 合, 過彭蠡澤。 江 江 廢 江水 出 且與大 7,又中 水, 縣, 水者, 北 稱 信如 則 若 《説文》卷 丹陽黟 流, 浦 萬 大 此 今 浙 東 陽 中 當 其 字 江 又 隔 首 班 在 無 至 此 江 受 過 闕 貴 脱 中 水 寧 氏 此

國、

池

蠻

Ш

帰

重

此

水

錢

塘

疑。

云:

至

毗

水。 江 派 具 北 又 出陵陽山 與 璞岷 吴縣,晉分宛陵置。 今青陽縣南。 《水 縣 城 水合,又東逕宣城之臨城 分爲三目。 曰 品 東 松江、 海。 南 ,縣今屬湖州府。 口 經注》三卷,今不傳,此所引蓋出其中。 東 逕故 江水,今没不 江 江 因《漢志》别 派 謂 海 以 下。 東 浙 海 之 而 此二 鄣縣南,縣今爲廣德州。 出 又東 _° 五 酈 又東合涇 江 江 其説云:「南 强 一派合北 湖 注 爲松江,下 此 派又東 浙 則 相 逕寧國縣 又東 蓋 Г° 有 又東,旋谿 江 可 貫 遂 附 南 爲三江 復 水、桐水,又東逕安 目 通 此 北 江 會《漢 至 見 江 爲南 爲 下 在吴南 縣 爲 江 欲 南,晉分宛陵 長 南 一之説 干 南 東 以 而 志》 瀆, 水注之。 江, 江 臨 里 江 與 附 餘 所 i'; 故 又 并援 之 分 安 貴 謂 姚 東 會 以 城 廢縣 璞先 吉 縣 爲 分 注 長 分 此 考 置。 水 縣 石 于 東 池 水 郭 江 池 在 有

川三江 可信。 《水經 貴 者。 江 江 謂 則 水 清、石門、 海之理乎? 南北中江 觀之,班《志》分江 下 思今諸暨之南,餘姚之西北,浙江 一子胥曰 不以 小子? 流 松 池 自 是 者 江同人 還 此 五. 江 至 爲《禹貢》三 與 • 者, 一安吉 説 原不以爲《禹貢》三江。即郭璞及《水經注 ,其下各系以揚州川 要之,皆非《禹貢》三江也。 湖 復 池 吴之與越, 貴池以下之水何涉乎? 沔水》中篇經、注皆舛謬,斷 É 海者,自是漸 西 州 海 П 其 本承 而 不足信。 注 府 寧、餘姚,合浙江入海。 乃酈 以東,歷今烏程、歸 别派又何緣更有從餘姚 江。 于 爲 志 太湖,何以見其上承 南 江 シ言 惟因 江環之。」韋昭注: 氏强爲之説,竟謂 · 並 江 水已没,不必 就使本 其 以以 國 江 非 ,則是《職方》揚州之「其 入江 語》卷二十《越 派 入太湖 合分江 有此 處名貴 乃 三江 矣。 深 水, 班《志 黟、 與 語 П 不 愚 德 分 東 浦 南

> 非也。 江 解《禹貢》。 江二名,合流入海。 職方》之三江, 錢 要之,浙 唐江 而 浦 江自杭言之曰 陸氏 陽 而 江 豈可 也。 《釋文》竟强引以 今分析爲二,以 然 以 此 當《禹 錢唐,自 但 可 貢》之三江邪? 以 越言之日 實之,于是 解 配松江,則 國 語 **※**,不 浦 異 并 説 可 非 以

篇》。 此 要 婁 江,下七十里 仲 江、五湖、雖稱 江之口,人 口。 逕笠澤,流七十里,江 [又案日]《水 也。」《晉書 \Box 、揚都賦》,爲世所重。」注疑闡自撰,又見《世説・文學 亦 江, 解 初《揚都賦》注 「松江 《吴越春秋》稱 非《禹貢》「三江」,即 考酈氏言三江 經 者。 南 ·庾闡傳》:「闡字仲初,潁川鄢陵 東北行七十里得三江 五. 陸 有水 經 湖 海 相 氏《釋文》始引《吴地記》 注 之 亂 爲 曰:「今太湖 中 口,分流 不 范 口 東 松 蠡 水 非《職方》「三江」, 者 江 與《 奇 江 去 也。 前 上 職 越 與 分,謂之三 東 人 承太 方》同 乘舟,出 松 此 北 八亦未 東 口 别 江 注 人 湖 而 海 爲 有引 爲 庾 爲 松 作

東南四 既近,《 以 婁江。 宜舉 之旁有小村落,名三江 州 等小江。 正 夷撰。見《隋 人海 吾亦與子飲三江水耳。」范成大《吴郡志》: 禹貢》因之。《晉書· 江 以 後、吴越 十里至太湖,名曰松江 東南三十里,名三江口。 義》于《夏本紀》解 江。 下 東 州 爲 震澤之東别有三江,案《 7 周禮》不應舍岷山 内 里。 南 要江 于其分 三百餘里入海,名曰 上 此言却是。 大 此 爲 經籍志 名曰上江,亦曰 川 東 七十里至白蜆湖,今在吳江 與 財 處號 酈 賦 南 松江等雖出 引 口。」皆指 藪, 人海爲 庾 而孔 日 文苑傳》顧榮語 曰:「三江者,在蘇 其後張守節《史記 説 三江 而 疏 同 松江人海之口 此三江。 ,古笠澤江也 大江 東 《吴地記 東江。 不 口。」俗 一江西南上 下江,亦 震 職 江 取 而記 ·, 并 澤, 方》揚 ·, 曰 張 「今松江 翰曰 儒 松 唐 江 縣

> 利 澤入海處必皆深闊,未嘗以此爲重。 叫 利之要領, 松江等三江爲震澤之利害,即爲吴中水 以濬松江爲第一義矣。不知言各有當, 阜,疏爲三江,東入于 言,禹時 亦 元祐中, 流,沿海田土高卬,至今號爲岡身。 執 了, 宜 漸淤 後 開 世 塞 震 宜興單鍔著《吴中 松 事解 而禹 江 宋 爲患,東 經 范 俾 時則吳下土曠人稀,震 也。 仲 淹 于 知 有岡 海, 海 蘇 而 州, 阜 水利書》,亦 熙 禹 震澤 以 寧 乃 論 隔 鑿 中 旲 底定。 中 斷 截 郟 不 出 其

震 澤底定。〔《釋文》曰〕底,之履反。 名。 具區· 區,浸曰五湖」,五湖即震澤。 理志》云, 志》言西。 在 蓋 縣 西,古文以 震澤,吴 治 會稽吴縣 《周禮 居 澤 南太 東 爲 職方》揚 湖 北, 震 故 周 名。 澤,是吴 故 泰 《史記》音致。 孔 / 疏 伯 州「藪曰具 若如《志》 傳言 所 南大湖 曰 封國。

一九六

九州 湖 澤即具區。 區,浸爲五 皆人資以爲利,故曰 别爲浸,太湖乃 不可牽混。 區與震澤爲一 北望具區。」郭注亦云「太湖也」。 具區。」郭璞注:「具區,今吴縣 亦即五湖。 浸,但水之所鍾也。 **云**,具區 案曰〕傳云震澤即太湖,疏 即 有澤藪,有川有浸,揚州澤藪爲具 震澤也。」《山海經》:「浮玉之山 即 震澤 湖。 《漢志》云云是也。五湖 《爾雅》:「十藪。 傳疏及郭氏皆誤。《周官》 ,太湖與五湖爲一,二者 ,則浸、藪爲 既以具區爲澤藪,則震 其 總名耳。 藪以富得民,非如 凡言藪者, 云即 吴越間 西南 具區 按具 又

篠簜既敷,〔《釋文》曰〕篠,西了反。 簜,徒黨反,或作

篡,他莽反。

射儀》疏。○戴凱之《竹譜》注。〔傳曰〕篠,竹〔鄭曰〕篠,箭。 簜,大竹也。《儀禮》七卷《大

喬,其嬌反,徐音驕。 厥草惟夭,厥木惟喬。 禮•大射儀》「簜在建鼓之間」,彼 箭。 竹箭」是也。 書》曰:『瑶琨筱簜。』」是簜大竹也。 云「簜,竹也」。《説文》卷五上竹部 〔案曰〕鄭云「篠、箭」者、《釋草》云「篠 一筱,箭屬,小竹也。 簜,大竹。 又云:「簜,大竹」者、《儀 水去已布生。 [《釋文》曰]天,於嬌反。 簜,大竹 也。 注但 云: **《**夏

夭。喬,高也。 〔馬曰〕夭,長也。《釋文》。〔傳曰〕少長曰

「少長」也。傳,以天爲少壯,少壯則方長,傳亦云(案曰〕馬云云者,《周南・桃夭》篇毛

厥土惟塗泥,

泉濕。○李昉等《太平御覽》三十七卷《地部》。〔傳曰〕地〔馬曰〕塗泥,漸洳也。《史記・夏本紀》集解。

〔案曰〕馬云云者、《魏風・汾沮洳》篇毛

兵。」

則罰罪之金用

作兵器者是銅。

僞

傳云「其漸洳者」是也。

厥田惟下下,厥賦下上上錯。

〔案曰〕田下下,據鄭、馬言,地卑下。 傅巨〕田第九,賦第七,雜出第六。

云「田第九」,非也。其云「賦第七,雜第(案日〕田下下,據鄭、馬言,地卑下。傳

六」,是也。

厥貢惟金三品,

〔鄭曰〕金三品者,銅三色也。《尚書》疏。

○《史記·夏本紀》集解。 [王曰]三品,金、銀、六卷《秋官·職金》疏。○《禮記》二十四卷《禮器》疏。○《詩》二十之一卷《魯頌·泮水》疏。○《周禮》三十

銅也。《詩・魯頌・泮水》疏。○傳同。

而《職金》云:「掌受士之金罰,人于司種,内有鐘鼎、鑒燧,則所謂金者,皆銅。三記》:「六分其金而錫居一。」等凡六三金銀銅鐵爲異,散言總謂之金。」《考言金銀銅鐵爲異,散言總謂之金。」《考案曰〕鄭云「金三品者,銅三色也」者,

器又寡,王注非也。 云「金銀銅」,黄金、白銀既不爲幣,施于銅有黄白赤三色,禹時亦當然也。王乃故鄭以此三品爲銅三色也。今以目驗,孔于《舜典》、《吕刑》贖罪,皆以爲銅。

篠、《説文》作筱,已見上文。 瑻,韋昭音貫。○〔案曰〕琨、《漢書》亦作瑻。師古音昆。瑶、琨、篠、簜,〔《釋文》曰〕瑶音遥。琨音昆,馬本作

美玉。○王天與《尚書纂傳》四卷。〔傳曰〕瑶、琨、〔王曰〕瑶、琨,美石,次玉者也。《尚書》疏

傳寫之誤。陸德明所見《説文》,瑶亦石文》云「美石」,則今本作「玉之美者」,乃瑶、琨。」」《玉篇》卷上玉部第七同。《衛瑶、琨。』、《玉篇》卷上玉部第七同。《衛瑶、琨。」《玉篇》卷上玉部第七同。《衛王》 是 [案曰]王云「瑶、琨,美石,次玉者也]

九八

之美者 故 \pm 肅 以 瑶 琨 皆 爲 石 次 玉

齒、革、羽、毛、惟木。

毛,旄牛尾。 傳曰〕齒,象牙。 木,楩、梓、豫章 革, 犀 皮。 羽 鳥

島夷卉服,〔《釋文》曰〕卉,徐許貴反。

者,以給天 書全解》八卷 鄭曰〕此 州 子之官。 下濕,故 《尚書》疏。 衣卉服。 ○林之奇 貢其 服

農」,彼注云:「草貢 緝績者。」 是也。 者、《地官 案曰〕鄭云「貢其服者,以給天子之官」 葛》「徵 出澤,萌、紵之屬,可 草 貢 之材于澤

厥

成是貝錦。」凡爲織者,先染其絲,乃織 之,則文成矣。《禮記》曰:「士不衣織。」 (尚書》疏。 鄭曰〕貝,錦名。 ○王天與《尚書纂傳》四卷。 ○又《兖州 》疏。 《詩》云:「萋兮斐兮, ○林之奇《尚書全解》八 〇《史記·夏本紀

> 必爲細 非也。 傳以 集解。 云: 曰〕鄭引《詩》者、《 绵 彼毛傳云:「貝錦、錦文也。」彼箋 織貝爲二物,然經但曰織,安知其 給? 傳 文,如餘泉、餘蚔之貝文。」是也。 織, 貝果水物,不當入篚,傳説 細紵。 小雅・巷 貝,水 物 篇

厥包橘、柚、〔《釋文》曰〕橘,均必反。 〔傳曰〕小曰橘,大曰 柚。 其所 柚, 由 包裹而

致者。

者,必苞苴之。」即引此經以證。 致者」者,《木瓜》詩箋云:「以果 橘柚。」」傳微誤 柚、條也、似橙 文》卷六上木 〔案曰〕傳 以 橘、柚 部 而酢。 也。 云 物,但 又云「其所 《夏書》曰:『厥包 「橘,果, 大小異。 出 包 是 實 江 鄭意 相遺 裹 《説 而

錫,所 州之無也。 柚 解》八卷。 鄭 ,錫其命 以 〇《史記·夏本紀》集解。 柔 有 錫 金 而後貢之,不常 《尚書》疏 也。 則 貢 《尚書》疏。 之, [傳日]錫命乃貢, 或 時 0 至 林之奇 乏 則 曰〕橘. 當繼荆 不 《尚書全 · 貢。 與

其乏耳。下荆 貢,同文不嫌異 乏則不貢也。 齊。」是錫以柔金,非其常貢,故有 言不常也 下,以不常故。 知也。」疏申王意 句,注云:「揚州『厥包橘柚』,從省 乃貢者,其意以 (考工記》云:「攻金之工,掌執金錫之 案曰〕鄭云云者、《 柚爲 匭」連文,自屬一事,截包作句,以 善,故常貢 豫州「錫貢」,自爲 州 橘、柚 解 荆州文 云: 包包 也。 揚州則不常也 揚州「厥包」文在 **匭菁茅」,王** 職 本産 王 在 方》 肅 **篚上者**, 荆 解 揚 州 此 州 錫 以 揚 亦 1則貢, 産 荆 命 特 錫 包 而 錫 州 爲 繼 13 飵 可

> 貢, 而 柚 橘 柚 荆 割 揚 州 裂 州 則 穿鑿 特 並 繼其乏, 之甚。 無 橘 柚 字, 且 亦 揚 殊 反 州 謂 違 明 荆 反。 言 州 橘 常

鄭本作松,松當爲沿。馬本作均。沿于江、海,達于淮、泗。〔《釋文》曰〕沿,悦專反

非

也。

文》。 入海,自海入淮 鄭曰〕松,讀曰沿。沿, 《釋文》。 〇《史記·夏本紀 「傳 日」順 自 》集解。 淮 入泗。 流 而 順 下 馬 水 曰沿,沿 行 也。 均, 《釋 江 均

已極。 此。 《史記》之文耳。 船,松作船,二字相 行 及馬皆作均。裴駰 也。」引《春秋傳》「王沿夏」爲證,是也 案曰〕鄭云「松,讀 也」者、《説文》水部 或疑鄭好改經字,非也。 州 鄭破其讀, 沿江 一、海, 猶不改其字,鄭于諸經破讀者皆如 其實鄭作松也。 可 引鄭注 似 日 見是巡行州 云:「沿,緣水而下 而誤。《史》、《漢 沿」者,篆文沿作 鄭又云「沿,順水 亦 作均者,順 松字無理

尚 書 後 案

00

遠從 此二 淮 入淮,自淮入泗,然後巡行州境徧 亦未有,故必于沿江入海之後,再 但 帝 江 逾 江、淮 大 三百里 沔,揚 都 禹 陸 矣 海 海 載 而 未 自 亦 車 不 陸 逆上邪? 可浮 通 海 然 路之勞,必貪舟行之逸, 泥蹈毳,手足胼 即 即 南行,施 荆 于 可 朱方江 江,而 陸 蓋必順水 行 功震 逾 遵 口人吴之道 洛,梁 澤。 陸 胝, 豈憚 以 也 而行, 自 禹 逾 可 海 時 于 陸

《左傳》哀九年,吴王夫差十年。 通江 按胡三省云「廣陵故城謂之蕪城」,樂史云「蕪 也。」《吴越 通 通之故。 爲欲徧巡州境,非爲邗溝 [又案日]禹必沿江 地築城,號邗城。 射 都 淮。」杜注:「于邗江築城穿溝, 陽湖 縣 城」。 春秋》亦 然通 但 西 一云古爲 北 江淮之迹, 城下掘深溝、引江水、東北通射 云吴將伐齊,自 至 邗溝城,大非。 末 入海,自 口 人 亦不 未 「吴城邗, 廣陵 淮, 開、江 海 邗,地 可不考。 入淮者, 闕 通 江 城即 名。 淮未 東北 通 淮 道

至末 也。 師 能 道 出 北 畄 湖 年,公會吴伐齊,《左傳》云:「徐 告勞于周曰:「余沿江泝淮,闕溝 屬之沸,以會晉公午于 吴又會晉于黄 山陽城西,又東謂之山 溝,謂之韓江,亦曰邗溟溝。 將伐齊、北霸中國 溝,其縣北 水經注》: 上遺 有渠水,首受江 深 也。 征,爲深溝于商魯之間,北 將自海入齊,齊人敗之,吴師 于商魯之間。」此所沿泝者,非即 Ш 城 廣,吴人 П 陽湖在縣東南 陽本漢射 迹 應在 蓋和 之道,仍沿江入海,自海 恐非。 北神堰 中瀆水首受江于江 大 江 溝雖 陽縣 又案,此水 濱。 戦艦 ,北至射陽 池 自 即 廣陵城 古 屬 陽浦、又東入淮 第 開,但通糧 十里 《國語 末口也。 代遠 必 臨 淮郡。 自廣陵 入湖是也。 不 縣西 東南築邗城 無 都縣。 名渠水。 黄 由 復遺 》云: 夫差起師 池。 有山 後哀十三年, 晉 出 此。 縣城 址 1義熙中 道 山陽白馬 ,謂之山 屬之沂,西 一陽 瀆, , 近 一名中瀆 《漢志》江 既退,使 城城 臨江,昔 其水 承 故 乃 志 即古 改 陽 下 實 淮 哀 邗 帥 湖,逕 掘 Ш П 以 江 TIS 是 吴 蜀 陽

216

且

列

瀆,正

南 四

人于

拆于江。

因謂

淮

山陽至揚子人

八江,三

百

餘

餘

雖

稍

增廣,

猶

不

乃乃不

出

淮

П

則

爲

西

論之,便有不通。

相

反。

夫差乃引江

淮、泗注

淮

下,水尚

北

或

,始通江

泝淮,仍不

由

",亦必

派

江

人,有似于沿意。

其過高郵後,又迎

順

潮入新浦之言,則是

入運

程大昌云:「邗溝

南

起江

一, 北

考水道之變改

П

人

淮者,吴故渠

也。

虎

于揚

州

開

帥

舟

師

汎

王

句

踐

命

年

黄

池

埭

置

開,儲

閉

潮

沙,以

通

漕

運

流

水

禹

跡故

道

可

通

舟

楫

則

不

須 非

更

開

至 有

高郵,不得爲沿,

自

高郵入江,不

絶吴路。

説甚似,其實非也。 江」,此但作文,取其字數足以對偶耳。 鄭樵謂其據夫差之道爲禹迹,亦非。 如沈括引李習之《南來録》云自淮沿流至高郵 習之沿派二字亦未當。 朱子曰:《孟子》「決汝、漢,排淮、泗,而 江,此一 海, 淮,而 江,不應言東 人淮,與《孟子》排淮注 使伐 范蠡、舌庸率師,沿海 之 以其專達 邗 泗 不泝淮矣。 其自 欲强爲之説,徒爲穿鑿,卒不能 流,非南 役,於越 按《禹貢 清也。 入江乃禹之舊迹,故道 齊由 道猶淺狹,且 時誤記,不合《禹貢 會 于海耳。 而 邗 》淮水出桐柏 蓋 注 蓋古今往來淮南, 歸越 人 于海 溝, 故知吴王 也。《孟 自吴人争霸 吴,《 若如所説 則徐 · , 而 師 若以 地 亦不得 國 ,會泗、沂 宛然。 勢江 欲 水路 承 子 語 泝 則 沿 江 絶 何 》言 之實 爲 注之 乃 馬 蓋 高 江 其 通 時偶隨 矣。 爲泝。 也。 也 萬 勝戰艦。 而 山 隋 通 實 以 潮 運 邗 陽 是説《孟子》,是以誤益誤也。 而 河 溝 開 出 開 起 射 ,江流反爲所 至此 若使 闊四十步, 可通龍 出 運 蓋 瀆,以通漕運,比射陽末 皇七年,將伐陳,韓擒 陽 于隋。 邗溝,自 東海,則山陽之瀆 八年,數道伐陳,營舟師 而習之又有自淮 淮 河 故復有似于诉,而察之不審,致此謬誤。 潮而 故自淮 湖 當日白 皆 加濬深闊, 乃 至大業初,大發淮南兵夫十 ",抵末

驗

以

上所敘

通

江淮

遏

·。」《孟子》一時誤記

又變曲爲

直,北

水

舟,

而後淮始

達

江.

故, 迹 渭 乃 自 長 亦益明 乃明禹 于 周 考據,爲詳著之。 季 下 所 迄 隋 以 必沿江、 代事,近 圃 海達淮 儒 此道之非 閻 若 璩 泗 之 禹 胡

荆及衡陽惟荆州。

據。 則 縣 本 之南」者,《地理志》:《禹貢》南 〔案曰〕鄭 莊十年《公羊傳》疏。 則 Ш Ш 南郡臨沮 東南。 侵豫 越過 · 漢 臨 Щ 本漢 日 一之陽。 「南及衡 越 、梁地 衡 荆 沮 湖 荆 山之南 縣東 今湖北 云「荆 地。 州 南 **「疏** 山 界 非 地。 山之陽」,其境 圃 湖 北。 日]北至荆 北。 州 〔傳曰 也。 襄陽 也 南 鄭 界,自 荆 衡 衡 意 自 疏附 府南 山 荆州 州 Ш 门北據 此 南 在 荆 府 會至 而 漳縣 Ш 至 過 衡 長 北界起自 Щ 南 之北 荆 衡 衡 沙 山 南 條 一荆山 有荆 Щ Ш Ш 其 縣 或 至 荆 故言 也 南界 有 衡 南 湘 Ш Щ 衡 荆 及 南 在 Ш

陽縣 《禹貢》,惟 荆 别 至下蔡入淮。 陽城,宜屬豫州,在 于 之説,則梁地 巡言殷時 荆 西,漢東之地,亦皆入豫。 大别以東,江南之地,爲揚所侵,大别 水出嶓冢,梁 十六年「晉楚戰于湛阪」,注云:「襄城 漢志》,潁水 又案 淮 州,其 百 東北 州 ,凡在漢水之南者,皆爲荆州。 里 北 北 曰 一, 故 郭 有湛水,東入汝。」潁、湛皆 而 周若 Ш 贏于 雍 注 殷 其 鄭 水 有 兼梁地。 割 州 闕 出 浸 如 荆亦兼之,不盡 湛水見杜 「白漢南 荆 西南 山 以屬 潁 類、湛 衡 疑 無 也。 川陽 此 山、雲夢、江 梁。 也。 荆 非 又 玩郭氏 可 自 至 周 一預《左傳》注, 城縣陽乾山 也; 湛未聞。 <u></u> 則斗 疑。 《周禮》正 衡 嶓 爾 承 荆 冢 Ш 雅 殷 入豫 鄭云 州 漢 以 之 歸 $\stackrel{\checkmark}{=}$ 漢, 制 之境 南皆)陽。 東至 雍 漢 案, 在 潁 域 皆 亦 南 南 襄 荆 李 有 合 漢 河 縮 以 案 出 自 E

梁也。 荆兼 荆 未察漢南曰 界,梁州漢北之地豫兼之,漢南之地 古亦言 無 梁。 之,其嶓冢 周 賈 荆之義。 公彦言 併梁合雍, 以 西 雍 蓋荆 則雍兼之,故無 而皆 豫 並 、豫皆以 兼 不 及 梁 荆 地 漢水 殆

林、貴州、遵義等府,皆荆 等府及襄陽之南境,湖 陽、安陸、黄 州、重慶、夔州等府之江 (又案曰) 以 州 今輿 德 地 安、 約 荆州、宜昌、施 之,湖 南 州 南地,廣 全省及四 域 北 也 武 西、 川 敘 桂 南 漢

「邓ヨコロス、真ス・は、記号に、スト江、漢朝宗于海、〔《釋文》曰〕朝,直遥反。 材 貴州 選第等席 皆井州域也

或 而 ○《毛詩》十一之一 鄭曰〕江水、漢水,其 ,共赴海也。 一之禮。 朝事之。 無道則先彊,故記其 《尚 荆楚之域, 書》疏。 卷《小雅· 猶諸侯 ○林之奇《尚書全解》八卷。 沔水》疏。 流過 之 國 水之義 有 同 疾,又 道 心,尊天子 〇又十三之 則後服, ,以著人 八合爲

水,朝宗于海。」是假人事言水 卷《小 海, 有似 雅 四 于朝。 月 》 疏。 [傳曰]二水 疏日]《詩》: 經 沔 此 彼 州

流

而

叛。」 者,僖四年《公羊傳》盟于召陵,「喜服 悍,氣鋭以 也」。「楚,有王 楚之域,國有道則後服,國無道 覲、宗、遇、會、同于王。」是也。 伯執躬圭,子執穀璧,男執 遇。」又《典瑞》: 春見曰朝,夏見曰宗,秋見曰 者、《春官・大宗伯》:「以 南、人于江、東爲 合爲一,共赴海 云「猶諸侯之同心,尊天子而 案曰〕鄭云「江水、漢水,其流遄疾, 揚雄《荆州牧箴》:「杳杳巫山,在 江 漢朝宗,其 剛。 者則後服,無王 「公執桓 有道後服,無道 也」者,導漢至于大别 北江,人于海是 流 湯 主,侯執信 賓禮 湯。 蒲 覲 璧,以 朝事之」 則先彊」 ,冬見日 又云「荆 親邦國。 風 者 先 也。 則 圭, 又

强 州者、「荆、警也 備故也。」是也。 釋地 梁,故曰荆。 一》李巡 注云 荆, : 南 荆 彊 鑾 州 也。」《 数爲 其 (氣燥 寇逆, 釋名》云 剛 禀 荊 性

九江孔殷,

别 疏。 分 羅泌《路史· 紀》集解。 地理圖》。 解》八卷。 孔衆多,言治之難 注《地理 大江分而爲九。 今廬江尋陽縣南 于孔説 鄭日〕殷猶多 源 爲 ○薛季宣《書古文訓》三卷。 九道 ,下流合于大江,孔、 ○程大昌《禹貢論》上卷。○又《禹貢山 ○《玉海》二十卷《地理門》。 ○毛晃《禹貢指南》三卷。 志》云「江自潯陽分爲九道」,符 餘論》十卷。 甚得 也 地勢之中。 鄭云云,鄭意九 ,皆東合爲 也。 九江從 [傳日]江于此 ^ 地 鄭 ○林之奇《尚 理志》九江 Ш 大江。 / 疏 别 ○《史記 〇又再見。 谿 解。 日 所出 江 《尚 夏本 各自 應劭 傳 州 書 以 界 在 其 111

案曰〕鄭云「殷猶多也」者、《鄭 風 • 溱

> 嘉靡 江。 里江 衆多」者、《釋文》曰:「九江 皆多也。又云「九江 元《江圖》。❶《隋志》張氏《江圖》一卷。 箘江。』張須元《緣江 索隱》源作沙。 四日嘉靡江,五 云:『一曰烏白江,二曰蚌江,三曰 稱。」引《易》「殷薦之上帝」爲證。 洧 、説文》卷八上月部云:「殷,作樂之盛 江 江 一 三 曰 參差隨水長短,或百 衆多也。 鄂陵,終于江 殷 其 盈 四 五. 日 曰鳥土江,五 「箘江, 七曰 州江 矣」,毛傳云: 《史記》「孔殷」作「甚 曰畎江,六日 廩江,八日 ,《索隱》作「五畎」。 Ц, 八日 圖》云:《索隱》 從 會于 山谿所出,其孔 沙提 曰白蚌江, 里,或五十里。 《潯陽地記 桑落洲。」是 殷, 提江, 江,九 源江 衆 》作張須 烏江 ,《史記 日 九 也 廩 曰

0

張須 元 江 圖」、《史記 夏本紀》索隱作 張 湞 九江

中

于江

南

則

九江

在縣北矣。

章有湖漢九水,二處皆可稱九 元《淮水注》云:「秦九江郡治壽春,兼得廬江、豫 理志》云云者,楚考烈 故班氏 故司馬彪《郡 九江亭,九江 應氏 備 王莽改 更爲 殷, 其 北 國,爲 江. 廬江有尋陽九 于九江 (都置· 于尋陽 江。 郡, 淮 九 然郡 尋陽 南 豫 九 也 郡 江 國志》仍 國,尋陽 江 爾 郡 章 治在 日《 王自 \Box 郡, 江、江 郡 改 鄭 曰 郡 雅 禹 江. 屬 延 北,究 又 江 陳]] 南豫 章之 廬 平 九 自 過中洲 鄂 今蘄 江 是尋陽九江遺迹,唐宋猶 云: 水 至 黄 在 五. 築也,東晉 通 梅縣 大 州 陵,終 中 九 東 里 典》云: 「畎江 洲 有 府 水縣,五 逕 江 是 也 爲三江口者是。又《水經注 ,至雙柳 府 五 軟徒系反。 武昌縣。 移 江 「尋陽 非 縣 城 五. 洲 于江 西 漢 口,會桑落洲」者,今桑落 東 草洲· 南 相接,故以 洲 舊縣 尋 南。一今九 北五十里江 七十里有 江 夾,又自峥嵘洲 陽也。 縣故 在 《縣志》云: 在黄梅縣南 在此 江 北

江

武

帝

又復

淮

南

0

屬

文

帝

析

爲

廬

以尋陽

九江得

名。

高

帝

地,故以九江名郡。」案,江

都壽

春,秦滅楚,以

言》

亦

得

九 蘄

江

城

漢 界。

九

江

春

郡

春 Ξ.

1今蘄州 黥布

江

府

德

化

縣

西

又《江

圖》云「

中。

鄂陵,今

江

過

磧

磯,

江

人縣境,

故僞

孔

訓

中。

九

江

在

南

云云。

屬

廬

江

如

故。

郡

,後漢復故。

廬

江

郡尋陽縣

南

有

九

江

也。

漢

尋

陽

北,今黄

州

府

蘄

州

東

潯

水城,一

名

是故

云

九

江

在

南。

東晉成帝

江

郡

柴桑

縣曰

廬

江

尋陽

分爲

九。

江 州。 既 歆以爲湖漢九水,入彭蠡澤也。」 〔又案曰〕《釋文》引《地記》曰:「九江 以此。 豬」盡之矣,與大江經流 按,湖漢亦得名九江,莽改豫 但 九水注于彭 蠡,前言「彭 無 湖 章 且《通 漢見 F 九 黎 揚

城南,城對

<u>Ti.</u>

縣界。

《寰宇記》

百

+

存

也

爲名。

漢軟

縣

進」。 記 匯矣。 典》以 水」云 江。]劉淵林《吴都賦》注:「九江經廬 十六年, 베 禹 東。」此 ·河渠書》:「余南登廬 貢》荆州 湖 如 劉歆 過 湖漢 漢 王南巡 三條 九 水 九江無涉。 説 江 隸 九 非是。 似皆當爲湖漢 水爲 揚 狩,至九江 州 而 後 九江 云 汲 荆 郡 一,則 Ш 州 東 廬 紀 也。 迤 觀 是 九 年》 山 九 禹疏 北 水, 會 康 江 史 與 山 九 Ŧ 即

○〔案曰〕潛,《史記》作涔,《漢書》作灊,古字通也 則未聞象類。《尚書》疏。 其尾入江耳,首不于江出也。 ○《水經》二十七卷《沔水》篇注。 ○傅寅《禹貢集解》一 水,首出江,尾入沔,蓋此所謂沱也。 沱,漢别爲潛。 鄭曰』《爾雅 潛既道、〔《釋文》曰〕沱,徒何反。 國志》四十七卷《吴志・吴主傳》裴松之注 今南郡枝 卷。 釋水》云:水自江出爲 ○《史記 ○黄度《尚 〇[案日]此沱尾 江縣 夏本紀》集解 華容有夏 潛,捷 書説》二卷。 有沱水, 廉 反。

> 故道 其 無學識,信手妄引,今正之。 作「東别爲沱 江,首不 曰〕沱, 中泉出 于江 江 而 」句下之注,實則此句下之注也。 出二句,樂史《太平寰宇記》七十八 别 不流者謂之潛。《釋文》。 名。 潛,水名。 馬日〕沱,湖 皆 復 〔傳 卷 也。 其

枝江故城在今縣東。東北六十里有百里洲,與江陵分 出 史治此。 酈注云:「江水東逕上明城北,晉移 今宜都縣西有夷道故城。 别出者也。 江沱出西,東入江。 沱,夏水是沱者、《漢志》: 上,故以 (案曰)鄭引《釋水》 江汜當作江沱。」朱説謬。 西南 《水經》又云「又南 在今松滋縣界。 《志》無南字,此 江 枝江 有洲 《水經》: 爲稱。 日 枚 衍。 江汜枝分, П 《地理志》曰『江 東人 又東過枝江縣 顔師 江水「過夷道縣北 爲據,而 過江 洲 東人江』是 大 古曰: 南郡枝江 陵 江水 江 云枝 縣 朱謀瑋 沱即江 自 南 縣 列荆州刺 此 江 也。 治 E 狏 非 注 洲

沱。 江 《寰宇記》云:「江自枝江縣百里洲,首派 枝江 巴陵縣西北,會洞 北,又東逕松滋縣 湖,又東南逕安鄉縣西,東南入洞庭,與 别南爲外江,北爲内江。」考南江 分而 派,以入于漢,與《爾雅》合,故以夏水 東逕監利縣南,夏水出焉。 又東逕公安縣北,又東逕石首縣北, 北江會,所謂外江也。北江 歷澧州東北合澧水,經華容縣南入赤沙 縣南又東,逕公安縣西,又東南爲涔水, 爲大江之經流,而夏水出焉, ,岐江而爲二,謂之分江則可, 于江出也」。 出則不可。 若枝江,則特因江中 爲沱 爲 南 北江。」據《地志》、《水經》皆以 ,而鄭不 故鄭 《地理志》言「江沱出枝 取 北,又東逕江陵縣南, 庭,所謂内江 云「其尾入江耳, ,乃以夏水 · 有 一 北江又東 一自枝 當 百里 白爲 自枝江 謂之自 也。 之者, 江 縣 爲 至 又 北

也。 首,江之沱也。」閻氏若璩曰:江之沱也,今本誤 江 又 北 雖 處也, 于汜爲不合。 也,于沱爲合。水決復人爲汜,此非夏水至雲杜 作江之汜也。 者、《漢志》云華容有夏水、「首受江 沱 夏雲杜縣,人于沔。」酈注云:「江津豫章 陵縣東南,又東過華容縣 人沔」。《水經》云:「夏水出 云「江有汜」是也。 口 東 有二 東有 以證 説 大江」,則是水決復入曰汜, 容夏水,自 西」,恐未 流 也。 北 逕 鄭又云「潛則未聞象類」者,闕疑不 説,而夏水之義不可易矣。 至 中夏口,在今荆州府治。 監 則微誤矣。 京 馬云「沱,湖也」、《説文》: 利 水自 山 縣 江 縣東南 江出 然則《 沔陽 陵 酈 縣 爲沱,此正夏水初分出 乃又引《地志》之江 氏 州 東 若 注 云江 地志》、《水經注》 與 南 鄭所稱「夏水」 于漢,此正 潛 首 南、又東至 江縣 受北 汜枝 江,流于江 是夏水之 即《詩》所 江,東 分, 一
沱
水 今考 人沔 江處 江 東

三〇八

尤非。 湖。 大 陂 馬 注 |I|澤 與 荆 所 州 爾 仰 沱、潛與梁州沱潛 雅 以 灌 不 溉 合,非 心心沱沱 乃江 爲 别 傳 非

《尚書》云『雲夢土作乂」,唐太宗時得古本, 孔傳亦作「雲夢土」,蓋皆魏晉所改。 雲土夢作乂。 注 义」,韶改從古本。」按《史記》、《漢書》並作「雲夢土」,釋 反,一音武仲反,徐莫公反。 尚存,所得殆馬、鄭本也、今從之。 [《釋文》曰]雲,徐本作云。 〇〔案曰〕《夢溪筆談》: 唐 太宗時馬、 作『雲土夢 夢, 亡弄 鄭 所

邱,水去可爲東 傳 」雲夢之澤在江南,其 作畎畝之治。❶ 中 有 平 土

四年, 陸 王,王奔鄖。」郢在 江,人于雲中。 而 案曰]傳以 縣 北 楚有藪曰雲。」 韋昭注: 吴人入郢,「楚子涉 雲中,遂奔鄖。 是則雲在江北 雲夢爲一,非也。 王寢,盜攻之,以 江南,楚子自郢 「雲夢,藪澤也。」昭 明矣。《楚語》王 鄖今德安府 推與 《左傳》定 八沮同 戈 治安 濟 注 孫 墼 江

> 連言夢 嘗溷 也。 首在江南。 漢華容縣跨江,今監利、石首二縣地,監利在 釋地》遂合稱之。 爲澤藪。 方,始土見夢, 顯子文靈異耳。 以滅其迹。 在江北。 文, 邓夫人使棄諸夢中。 南 如 有耕治之者矣。 [又案曰] 經分紀雲、夢,其時尚未爲澤 明矣。 楚 孔傳以爲一澤,專在江南,非 下逮殷周,時代變易,陵谷遷改,), 王 也。 ,其實王孫 邓夫人欲掩醜事,故 不意动子又涉江 **©**宣 然《左傳》猶雲自雲,夢自 故《周禮 以 後諸 四年》, 可見夢在 田 圉乃單舉雲也。 則 于 地勢差高 鄭注《周禮》云「雲夢在華容 雲、夢本二地,故分言 儒以二澤合稱,或互 江 鬭伯比「淫于却子之女生子 郊子田,見之」。 江 南之夢」, 職 南 而田,見而收之,是天欲 使涉江而南,棄兒遠 也 方氏》、《爾雅 昭 ,非特土見 雲地勢最 則夢 郊 也 、鄖同、地 江北,石 鄭 漫 地 下

東」、《尚書正義》作「耕」。

皆江 《水經注》:「雲杜縣東北有雲夢城。」見 自州 稱 之。又注「江南之夢」云:「楚之雲夢,跨 以明之。雲在江北 城。」注「雲中」云「入雲夢澤中」。 藪。」見《夏水》。 監利縣南, 雲夢宫。」「江夏西陵縣有雲夢宫。」華容見 華容縣,雲夢澤在 吞雲夢者方八九百里。 玉游于雲夢之臺。 結駟千乘。」宋玉《高唐賦》,楚襄 上編,今荆門州。 江 《沔水》。 雲杜,今京山江北。 (偏 北 南之夢」,夢在江 「夢,澤名。 、陵東界,逕于雲杜、沌陽,爲雲夢之 稱。 此皆合稱 縣土卑下,澤多陂陁。 戦 西陵,今蘄州。 州陵,今沔陽州。 國 江夏安陸縣東南 [策》:「楚王游于雲夢, 也。 南,荆州藪。 司馬相如《子虚 ,而引江南之夢以 南 又云: 杜 《漢志》:「南 而引江北安 黄岡、麻城皆 預 沌陽,今漢陽 「夏水東逕 注「夢 編縣 有 王 雲夢 西南 賦》, 與宋 江 中 北 明 郡

> 在 在。 矣。 也。 安陸、漢陽、黄岡、麻城、蘄州,古雲所 地言之,江北之荆門、京山 雲、夢不分南北,本無定處也。 德安府治安陸縣。 李賢注:「雲夢澤,今在 漢書》法雄遷南郡太守,郡有雲夢藪澤, 江 云雲夢「今南郡華容縣 也。 南 諸説錯雜,要不 北。」此 此則 江 南之枝江、石首、巴陵、古夢所 偏稱江 則 此則偏稱江北,不及江 耳. 稱 南,不及江北 矣。 得 因 東南巴邱湖」 安州。」唐安州,今 此 、沔陽、監利 而 疑《禹 矣。 以今輿 爾 南

厥貢羽、毛、齒、革,惟金三品。〔傳曰〕田第八,賦第三,人功修。厥土惟塗泥,厥田惟下中,厥賦上下。

〔傳曰〕土所出與揚州同。

文》卷六上木部:「杶、木也。《夏書》曰:「杶、榦、栝、作櫄。榦本又作幹,故旦反。栝、古活反。○〔案曰〕《説杶、榦、栝、柏、〔《釋文》曰〕杶、勅倫反,徐勅荀反,又

禮》三十九《考工記》亦引作「櫄」。柏。」」俗以榦作幹,非也。又彼杶重文作「櫄」。鄭注《周

葉松身」也。《釋木》云「括,柏、與田〕、如榦是柘也。《釋木》云「括,柏、如八八四十名。《明禮》三十九卷《考工記》疏。○《史記·等》疏。○《周禮》三十九卷《考工記》疏。○《史記·符為。 柏葉松身曰栝。《詩》三之三卷《衛風·竹、鄭曰〕杖、榦、栝、柏,四木名。 榦,柘、鄭曰〕也。

引是 部、《 彼疏引郭璞《釋木》注:「檿桑,柘屬。 部:「柘,桑也。」《皇矣》詩「其檿其柘」, 松身曰栝」者、《爾雅·釋木》、《説文》木 桑次之,故以榦爲柘榦也。 中爲弓。」是榦爲弓榦。弓榦柘爲上,檿 〔案曰〕鄭云「榦,柘榦」者,《説 括」俱作「檜」。《説文》别列栝字,與檜 俱異。 衛風 孔氏古文,與鄭必合,是栝、 · 竹竿》毛傳俱有其文, 然《説文》引此經作「栝」,所 又云「柏葉 文》木 仴 材

通也。

新附。 之履反,章昭音旨。 貢砮丹。J.梁州砮磬,非砮丹,梁當作荆也。 文》卷九下石部:「砮,石可以爲矢鏃。《夏書》曰: 礪、砥、砮、丹,〔《釋文》曰〕礪,力 勝自厲劍」,皆不从石。 《公劉》「取厲」、《儒行》「砥厲廉隅」、《哀十六年 砮音奴,韋昭乃固反。 砥,厂部底字重文。 世反。 〇[案日]《説 《説文》礪 砥 音 脂, 徐

磨石。 書》疏。 王天與《尚書纂傳》四卷。 以爲采。 [案曰]鄭云「礪,磨刀刃石也」者、《大 鄭曰]礪,磨刀 ○傅寅《禹貢集解》一卷。 砮,石中矢鏃。 《尚書》疏。 刃石也。 ○傅寅《禹貢集解》一卷。 [傳日]砥細 丹,朱類。 精者曰 (王曰)丹可 于 砥。 《尚 皆

簵音路。 栝音户。○〔案曰〕《説文》卷五上竹部簬字注惟箘、簵、栝,三邦、氐貢。〔《釋文》曰〕箘,求隕反。

而《説文》卷六上木部引又直作「輅」,傳寫誤也。云:「古文簬从輅。」許慎與鄭俱傳孔氏古文,則宜作簵。云:「箘簬也。《夏書》曰:「惟箘簬楛。」」又重文簵字注

集解。 引 楛濟 彼部别列楛字注云「木也」,引《詩》「榛 之奇《尚書全解》八卷。○傅寅《禹貢 風 木名也。」枯本訓稟,木名則别是一義。 云:「稟也。《夏書》曰:『惟箘、輅、枯。』 〔案曰〕鄭云 「楛,木類」者,木部枯 雲夢之澤,近澤三國常致貢之。 貢集解》一卷。○王天與《尚書纂傳》四卷。 日〕 楛,木名,可以爲箭。 〇《周禮》三十九卷《考工記》 始,肅慎氏貢楛矢、石砮。 日〕箘、簵,美竹。 鄭 (與楛者衆多,三國致之。《尚書》疏。 于楛字, 曰〕箘、簵,聆風也。 濟」爲證。 ○《文選》十八卷馬季長《長笛賦》注。 則知此經當作 ൬ 枯中 此 經則引于枯字,不 》疏。 ·矢榦。 枯,木類。 《釋文》。 〇《史記·夏本紀 枯,鄭必與之 此州 三物皆出 集 ○傅 中 解》一卷。 字注 生聆 周 寅《禹 (馬 〇林 傳 之

> 來貢。 以爲 之。」是也。 尺有咫。」韋昭 同。 商,通道于九夷、八蠻,❸使各以其 砮」者、《國語》卷五《魯語》云:「武 也。❷又云「周之始,肅慎氏貢楛矢、 材、且楛是木名,何言木類,則 疏》,備言楛木可篾以爲筥箱,●又可 俗儒改也。 也。 釵,不言可爲矢。 今作楛,並 于是肅慎氏貢楛矢、石砮,其 且《詩》釋文引陸璣《草木 馬云云者,馬亦必作枯, 注:「砮,鏃也,以 鄭注、賈公彦亦引作楛 而鄭以枯 方 王 石 矢 爲 長 與 賄 克

爲釵也。」今據補。 「《草木疏》云:楛木……上黨人篾以爲筥箱,又屈以 「《草木疏》云:楛木……上黨人篾以爲筥箱,又屈以

^{「□□□□」,}此四字漫漶不清。

[「]商通道于九」五字,原漫漶不清,據經解本及《國

茅」。○〔《釋文》曰〕菁,子丁反,徐音精,馬同。 厥名包匭菁茅,〔疏曰〕鄭玄以「厥名」下屬「包匭菁

柚,而 橘柚 《管子》二十四《輕 間,一茆三脊,名曰菁茆。」是包茅相連, 茅」别爲句,而僞孔從之,云包者即 年《左傳》文也。 柚」,從省而可知也。《尚書》疏。 記・夏本紀》集解。 [王曰]包,揚州「厥包橘 箘、簬、栝,三國所致貢,其名美也。 全解》八卷。○《史記・夏本紀》集解。 纏結也。 者,給宗 包不可别爲橘柚。 〔案曰〕鄭云菁茅「給宗廟縮酒」者,僖四 匭者爲菁茅。 《左傳》齊桓 匭, 匣也。 廟縮 《尚書》疏。 猶 纏結 酒。 王肅以包爲句,「匭 也。 菁以爲菹,茅以縮酒 重 ○《釋文》。 重之,故既包裹 菁茅,茅名,不可分 僞 公責楚包茅不入。 丁》篇稱:「江淮之 菁茅,茅之有毛 孔又以 ○林之奇 〔傳曰 〔馬曰〕言 菁、茅爲 圃 《尚 二包 又 刺

鄭,馬、孔皆非也。厥田、厥賦、厥貢、厥篚一例。亦當從厥田、厥賦、厥貢、厥篚一例。亦當從下連「包匭菁茅」爲句,則句法與厥土、厎貢」爲句,僞孔亦從之。鄭以「厥名」而爲二也。又馬融以「厥名」上連「三邦而爲二也。又馬融以「厥名」上連「三邦

馬同。《玉篇》渠依、居沂二反。 厥 篚 玄 纁、璣 組,〔《釋文》曰〕璣,其依反,又音機。

組,緩類。 玄纁色善,故貢之。璣,珠類,生于水。〔馬曰〕組,文也。《釋文》。〔傳曰〕此州染

而納之。曰大龜,出九江水中。龜不常用,錫命曰大龜,出九江水中。龜不常用,錫命〔馬曰〕納,入也。《釋文》。〔傳曰〕尺二寸

作「人賜」。考「人」即古文「内」,見南宫〔案曰〕馬云「納,入也」者,納錫,《史記》

也 中 」同也。 賜 堯典》「出 即 古文錫 内朕 見《 命」, 儀 禮 》 注 内 亦 下 作 賜 是 土

「于」,誤耳。○〔案曰〕《史記》作「涔于漢」,並非是。文》曰〕本或作「潛于漢」,非。○〔疏曰〕本或「潛」下有浮于江、沱、潛、漢,逾于洛,至于南河。〔《釋

〔案曰〕浮江、沱、潛、漢,荆州境巡行已越洛而至南河。 〔傳曰〕逾,越也。河在冀州南,東流,故

從東 徧。 故 海處,故首冀。 施功之次。治水從下 者,將治豫也。 案日」 最後是也 洛與 而西。 南 兖最下,故次冀。 河 則 餘八州西高 兖州 豫 州 疏 起 地, 謂 ,冀,帝都 荆 九州之次, 逾 州 東下,治之 洛 境 雍最 至 巡 河 南 行 高 即 河

荆、河惟豫州。

四之一卷《王風譜 鄭曰〕豫州界, 西 南至荆 Ш 》 疏。 二; 荆 距河水。 莊十年《公羊傳 Ш 而 北 于 **※**疏 河。 詩 傳

> 案,波 爲播。 豫州 以荆山 州。 梁地 之北 (案日 西,又東南逕隨縣故城 注》云:「出 溠 傳》曰『楚子除 波、溠。」華山 華 河」者 州,乃豫之南界。 〔又案曰〕《爾雅》: | 荆州 宜 Щ 域、惟波、 則豫州 此所言皆殷制 屬 1,南條 即 其澤藪 《周禮》: 。」《吕覽》亦云:「河 爲界,殷以漢水爲界,河之南 鄭云「豫州界, 荆 祭播 禹貢 州 隨 也。 荆 説 縣 溠 在 Ш 圃 道 日 甫 「河南日 西 殷無梁州,蓋豫州 其 可疑。 詳 此 梁 傳兼言西 田、榮、維皆在《禹貢》 「河南 北 田,其 祭播 、陰爲 溠 下 非 也。 黄 文。 也。 自 西 Ш 豫 豫州,其 鄭注云: 既 荆、 川祭、雒 荆 曰 軍 見《莊 又南 都 「**,** 非 州 溠 南 漢之間 豫 Ш 臨 水 逕 州 而 其 也 三州 公 獗 Ш 北 陽 一波 四 其浸 鎮 注 水 西 亦 日 漢 爲 至 年 漢 經 則 兼 豫 禹 于 南 荆

州域。 州域 當 有屬 曰 : 也。 至 云荆 南,不曰 溠 溳 云云,亦約略言之耳。 \exists 河南 在 不 安 在華山之陽、嶓冢之東也。 州 「自南河至于江,千里而 馬 荆者。 漢北 全得漢 陸 溳 又案周亦無梁州,豫 融《廣 域。 「自江至于 水出 人 漢南 與《 沔。 成頌》「浸以波溠」、融意亦未嘗指 然江 荆、豫本 蔡陽縣大洪山 北 而 爾 明 鄭云宜 溠 雅 地 北之地 乎兼有 既 **>** 衡 割 同。 合溳 非 Ш 以 在 一,千里 以 屬 開者 漢北, 不盡屬豫 而 荆 江爲界, 亦 自下 于 東南逕隨 近。」鄭云豫 兼 蓋蓋 荆 故 而 與 又《王制 有其 通 遥。」 州 于 殷 周 而 制 則 曰 時 爲豫 地 鄭 多 異 正 州 豫 則 縣

江南潁州府之西境,湖廣襄陽府、德安府汝、光四州,及直隸大名府、山東曹州府、封、陳州、歸德、南陽、汝寧六府,許、陝、〔又案曰〕以今輿地約之,河南之河南、開

澗,故晏反。伊、洛、瀍、澗既入于河,〔《釋文》曰〕瀍,直然反。一之北境,鄖陽府之東境,皆豫州域也。

縣 者,熊耳 出 縣 河。 而 北,此即是 出弘農新安縣 上洛 澠 (傳曰) 河南穀 東 傳略,所 境之内, 池 熊 縣 Ш 疏 冢 耳 瀍 伊 Ш 曰 成成縣 領 Ш 出 據 河 在陸 澠 出 Ш • 陸 小異耳。 南境内之北山 池 地 河 東南人洛。 朁亭北,東南 東北至鞏縣 渾 渾縣 東北入洛。 在 理 南 山,洛 志 新 北 西,冢 山 安 伊水 縣 出 四 西,穀 上洛 領 《志》與 出弘農 水合 也 人洛 洛 人 Ш 河 水 《志》詳 成朁 在 出 流 傳 澗 弘 瀍 盧 而 澗 亭 洛 異 農 水 水 氏 出

考漢陸 疏既 案日 引《地 渾、 四水 盧氏 志 所出、他 》**,**又 本二縣,熊 曲 護 志》是, 傳, 耳 Щ 非 傳 在 也 一盧氏

郡言 穀城 城。 也 圖 澗 本二 惟 流 里,伊水經其 本二縣,澗水出 山 縣 三乎? 南 出 略 澠 同,得通 耳 西 縣乎? 縣, 池 澠 傳云「瀍 也,而且誤矣。至于河南、穀 山已爲河南縣地乎? 南 ,則上文伊 爲 Ш 所言 出 <u>Щ</u> 池 陸 五 改 陸渾,澗 爲 Щ + 陸 渾 稱 決 地理志》河南郡有河 始 出 里,不 渾 是以穀 縣 出 前 皆縣 下 孔 不 穀 省穀 出 西之 Ш -,非出 出 河南 城 安國 新安,穀水出黽池, 如 澠池,顏師古皆承其誤。 Ш 上源本異。 乃在 陸 此, ·與陸 也 成人河 ,其説是。 Щ 源爲澗 北 渾山,洛出 爲武帝博士, 也。 何獨于 今嵩縣 知爲魏晉人 山」,是豈 渾 而 新安、黽 接 云 南,晉因之。 若謂 源 漢 一伊 界, 今乃云「 瀍 Ŀ 也。 南,無穀 洛 而 西 河 北 出 成成,亦 惟 偽 具 言 縣 南 漢 雖 得 池 兀 瀍 見 郡 澗 即 以 渾

> 縣西北 今陝 新 安縣 西 今 商 屬 州 河 治 南 盧 府 氏 , 穀城故縣在今洛陽 縣 今屬 河 南 陜 州

城。 城南。」 縣東。 禹 城在今洛陽縣西 城東。」案今洛陽縣南七十五里有新城,漢爲縣 渾今爲嵩縣,三嵞 崖口山峽,即古三嵞 熊耳 郭落山 耳山」,即麓大同,陵巒互别耳。 鄉,與《志》在縣 水經》卷十五云:「伊水出 又案曰〕伊水、《漢志》出弘農郡盧 治水,辟 縣 西南三十里,兩 又東北 則 ·山東。 案東亭故城在今嵩縣西南七十里。 東北 辟 雕注:「《山 闕 ,又東北過 伊 之功見矣。 闕 入雒,過郡 過 東者 今在縣西南 南 而 新 Ш 伊闕不見《禹貢》。 山相對,望之若闕。 小異 Ш 海經》云『蔓渠山』、《地志》云『熊 又東 在縣西南十 城 陸渾 縣 又東北逕伏流嶺東。」案,陸 又東北至 ,縣治移也。 五十里,東 北 南 一,行四百五十 縣 ,雕注:「又北 過 水白熊耳 南,酈 里。 伊 南陽縣 連永寧, 又縣北 盧氏故城今在 然云 漢賈讓言,大 注: 中 東北逕東亭 東北 既 「伊水歷 逕高 在 有 南 西 氏 入于 伏 今洛 接 蔓 縣 都 流

于 以 今輿 地 言之,盧氏、 嵩

伊 北 陽、洛陽 界中 -,皆伊 水 所 經 也。 洛

漢志》出 弘農郡「上雒 縣冢 領 Ш 北 州

至鞏 人河 過 郡二,行千七 + 里。 豫

川 0 《水 經》:「洛水出 京兆 上 洛 縣 讙

舉

п° 東北 過盧 氏 縣南 又 東 北 過 **黎** 城 邑

縣南、故城 之南 ,故蠡城在今永寧縣西。 在今宜陽縣東北 十四里。 又東 又 北 東 過 北 宜 陽

河 南 縣 南, 詳 見下文。 又東過 洛 陽縣南,詳 過

縣 南, 酈 伊 注 與 水 從西 緱氏分水」。 來注之。 案,今偃 又 師 東 縣 過 治 即 偃 偃 師 師

見下文。

北 故城、古 西 亳 東 也 **,** 故 縣 城在今縣西南三十 南二十里 有 緱氏 里。 故 城 又北 又 東

于 過 河。」酈注謂之「洛汭 鞏 以 今輿 地言之,

中 州 ·, 皆 盧氏 洛 永 水 寧、 所 經 宜陽、 也。 洛陽、 近 世 洛 水過 偃 師 汜 鞏 水縣北 縣 人

見《周 ,則又 書 移 于 東矣。 洛 語》。 詳 見 周 「導 公日 洛]::「我 瀍 水 乃 澗 水 . 澗

> 縣界, 河南 夫儋 引《博物記》曰 水出朁亭北,東 又 河南縣西北十八里,西 水 漢志》河 1 東、 **翩叛**, 縣。 即 瀍 瀍 博 白故縣西 水 水 「單子伐穀城」,即此。 物記 南 出 東, 西 郡 》所 潛亭山 北又三十二里有穀城山 穀 惟 謂 亦 南 臨穀水。」《左傳》定 成 洛 「朁亭山 惟 人 縣注 食。」謂 雅。」《續漢志》同 洛 《括地志》曰: 食。」 也。 漢置穀城縣 日 : 王 弘農 謂 城 下 禹 八八年, 故 也 郡 東連孟 魏省 . 貢 都 穀城 劉 周 昭 也 瀍 我 大 在

合穀,至河 案,新 縣 注 安無雒,此云「南入雒」,要其歸也。 日 南 \sim 城西入洛耳。 禹 貢 》澗 水 黽 在 池縣注 東, 南 其實澗水東 曰 : 維 穀

澗 水 出 穀 陽 谷 東 北 至 穀成入雒。」案,

異源 始 見《禹 同 流 貢》, 澗 東流, 繼見《洛誥》,而 穀東北 流 澗 折 與 而 會 穀

于新 安縣 東 函 谷 新關,二水 爲 自 下

城 稱 ,故《書》有 爲 河 南 澗 水 之河 無 穀水 南 縣 也。 其 故 周 東 城

王

河

南府

洛

陽

縣西

北

即

周

公所城

洛

邑

通

六

所存枯渠也。 穀。 \vec{z} 之。 也。 注引章 湖 死穀。」死穀者,以 之者, 按酈于「死穀」一 堨 穀水,使 存,今不可 鯀防川以 北 指王城爲澗水東、瀍水西 城 相 西,而南合洛水者, 固失之,而韋謂 穀、洛二水本于王城東北 溝。 處,又南 則靈 西人洛也。 觸,故謂之鬭,非穀水本出城北入瀍,而今忽改道出 出 河 使穀 潁容 何以 于 魏太和七 説以折緣生之謬。 南 E 東出城北 \pm 知之? 防 水水不 戒王哉? 《春秋條例 城 得詳。 入洛。 雍 城之西而 穀 西 使 水, 此 使 由 北 在城之北,亦未確。 北 條 段水本 年暴水,此 正可爲古澗水在王 其有瀆 此蓋 與瀍 竊意此 出 此人洛,揭 以 使 其故 穀 又 東漢 酈氏言靈王壅穀,其遺堰三隄 北 南 》言:「西城梁門枯水處 云: ,爲復禹之迹,太子晉何 水之右,有 流, 自靈王以至西漢 水 出 由 道 而 會,折 邪? 作 石 也。 城北 也。 合于 但 無水 合流,所 地下 ― 隄皆 堨 緣生謂 何 磧 于 郭 而東 洛水 靈 且使穀水故道果在 丽 即 爲 停 南 在 緣 河 石 王時偶值暴水,兩 南 在 謂穀 出 流 靈 Ŧ 磧, 生《 毁 南 人瀍、浴浩 穀水在王 蓋穀 城西之明 此 歷 城 成 爲死穀, 王 城 穀水會洛 乎? 述 磧 \pm 湖 壅穀後,城 城 南 東 水出 洛鬭 城 南 東、至千 北、當時 征 + 西 出, 記》 爲引共、 城 酈 北出 世 證 Ŧi. 王城之 也 南。 東 謂 爲 氏 之道 溝 里 티 : 爲 又 西 死 金 尚 又 知 堰 通 雍

澗。

將毁王

宫,于是壅穀水,使東出于王

水

道之一

變矣。

《周語》,靈

王二十二年,穀、洛

欲壅之。

太子晉諫,引共工、伯鯀事爲戒。

£

韋昭

注云:

「鬭者,兩水格

有似

于

鬭。」洛

穀

在

 \pm

城之北,

東

人于

瀍

至

靈

E

時,

穀 在

而

所謂澗水

東、

瀍水西者,大非

· 其 舊 瀍

合

流

皆

歷王

城之東,

以南注

于

洛。

城之北,

則其勢必入于瀍水。

于是

澗

文甚

明

也。

自周

靈

王時,穀、洛鬭,穀

西

爲

王

城,

而瀍水東爲下都。

《洛誥》之

洛

水各自入洛,

故

澗

水

東、

瀍

水

城

西

而

南

入洛,瀍水經

河

南

故

城

東

而

南

城内,金又省河南入洛陽。

古時

澗

水

經

河

南

故

居

其

中。

隋大業初,營

新都于今洛陽縣,二縣

並

移

二城

東

西

相

去

四

十

里,

而

今洛

陽

縣

王城

徒都此,東漢都此,爲河南尹

治,魏晉及元魏

亦

都

城

在

今洛陽縣

東

北

周

時又

稱

成周。

敬

王自

王 亦

城。

都,漢爲洛陽

縣

, 河

南郡

治

故

即

郟

下 縣

又稱

東

都,平王自

西

周

徙

都此、《

春

秋

》謂之

也。 堨,引水繞都城南 使東注,勢必與之合。 梓澤中。 瀉鞏川。」《張純傳》:「建武二十四年爲大司空,穿陽 傳》:「建武五年爲河南尹,穿渠引穀水注洛陽城,東 京師首邑,乃自河 水猶未經洛陽 澗、瀍之合,實不自元魏始也 水,東西 又東過 自千金堨東注,謂之千金渠。」又東過洛陽縣 千金渠合,酈注:「瀍水又東南流,注于穀。 穀城縣北 瀍不合澗,亦不逕洛 渠,引洛水爲漕。」章懷注:「陽渠在洛陽城南。」古時 與穀水俱東逕洛陽城南矣。《後漢・王 《水經》「瀍水」條云:「瀍 然瀍水本 + 歷澤東南, 偃 故説者又疑穀水人瀍,經河 師縣,又東入于洛。」「澗水」條 щ 由王城東北 湖 酈注:「縣北有潛亭,瀍水出其 也。 以 水西有 注瀍 其元魏所決者,磧北之湖 北以通漕, 南 迨東漢建都,洛陽 水。」案,太和 一原,古朁亭處。」東 陽南 而南 縣 東十 然其時瀍、澗二 人洛,周靈 而 五 東 而 水 南城 七年,當 瀍 里 至 H 王壅穀 北,自元 一千金 水始 河 穀水 元 爲 與

洛。」 言瀍 迹矣。 爲周 皆爲古迹。 穀城縣北,又東過河南縣北,東南入于 關城東,又東澗水注之,自下通謂之澗水。 渠以下,則皆言東漢後改流之道,非古 渠,澗水與之俱東人洛矣。」此以上二條,其 洛。」酈注:「澗水東南流,歷郟山,于穀城東而 池縣南穀陽谷。屬注:「東北歷黽池川,又東逕 注于穀。 云: 二崤,又東逕新安縣故城,又東逕函谷關南,又東北 ·伊、洛、瀍、澗」,無穀水之目,是通稱矣。」東北 ,千金堨 後之改 一般東至千金場以下穀水所逕,則皆 、靈王壅穀人瀍之道。 至 此以上所言穀水之源及合澗之處, 澗 澗所 其「穀水」條云:「穀水出弘 舊與穀水亂流,南人于洛,今穀水東人千金 王城之東南以入洛矣。 水出 東穀水有二道。 出 至「東過河南縣北」云云, 流 新安縣南白石 之源,皆禹 瀍、澗自 一迹也。 此並東注, 酈于此下注 Ш 一在洛陽 東南 自千 今繹 故《書》曰 南流 人于 過 而 則

陽門, 故金市 次西 又北逕東陽門東,又北逕故太倉西,又北 建陽門 正 門,西城之南 城之北頭 舊瀆者也。 里 年,以城下曹渠,東通河、泲,南引江 天淵 之西 北, 由 東城之北頭一 故穀門也,北對芒阜。 而至。 南門 陽,東城 屈而東出陽渠。 南城之最西 池,又東注狄泉。 頭 中 也。 門,故小苑門也, 銅 城之正西門,故西明門也,亦曰雍門。 泉 故平門 東 駝街,出東陽門石橋下,注陽渠。 使中謁者馬憲監作。]其水依石柱文,自樂道 門 之南頭 門 門 穀水于 門,故上 故夏門 也 頭 橋 門,即上東門也。 也。 一門,故津門 又東 城 門,故廣陽門也 在洛陽 蓋 在 門,故 一西門 也。 開 東南隅枝 城 即王梁所 屈 廣莫門。 陽門,南城之東頭一門,故 亦曰 西 、逕偃 也。 穀水枝分,南 南 北。 清 城南, 一
謻
門
。 逕建 也。 明 陽渠水枝分入城,東 分北 東 師 門。 橋柱銘 歷大夏門 城南, 宣陽門,南 北城之東頭 引, 注,逕 、淮,方貢委輸,所 春門石 東陽 平昌門,城 自閶闔門,西 屈東歷 入華林園 酈氏 굸 人洛陽 青陽門 ,城之正 又東注 南 橋 「陽嘉四 津 西 歷 城 東 北 下 溝 門 陽 明 西 歷

問。 縣 而 又 城 周 河, 文帝所都故洛陽城西移十八里。 隋東都城,即今河南府治洛陽縣。 視周敬王至元魏孝 流,灌 也。 于洛 起,《隋書》大業元年, 并河南洛陽而 都,更加營治。 非古迹也 已。 迥不同。 東 西 市 自 而 都 恃有《洛誥》數 板 此皆東 遶 過 注洛 注苑 渚引 城 城爲急,故 蓋 偃 即 而 師 河 囿, П_° 南,以 張 通 漢 而靈王以前之迹,更不 自 縣 淮 純 曹魏 南 隋大 晉代川谷漸 至元魏,歷 一之,又大變成周之轍 其 開通濟渠,自西苑引穀、洛水達 所穿。 于 復 于 達 又北 語 大營宫殿,分引支 東漢 業元年,改 引 時 城 一,猶可 又以 穀 陽渠 東。 《洛水》篇云「洛 南 而通濟之渠復 代 千 移。 流 經 穀、洛二 水注之」是 金 遞遷之道 得其 會洛, 堨 偃 建東都, 元魏 故道 師、 大 口 水

滎波既 ○〔疏 曰 豬、〔《釋文》曰〕榮,户扃反。 馬 鄭、 \pm 皆作 祭播 謂 此 澤 波如字,馬 名 祭播 作

既 日 都」也。 一今僞 都 孔 ,鄭音豬 都、豬同字,不必改。 本 作 波,非 蓋鄭于《周禮 也。 賈 昌 朝 播誤爲波,則大謬矣。 ⋛ 職方氏》注引作 經音 辨 **学**引 祭 播 既

波浪。 澤當 鄭 波水已成遏豬。 卷《衛風· 纂傳》四卷。 集解》二卷。 文訓》三卷。 滎澤」,此其地也。 地,滎陽民 及狄戰榮澤,鄭謂 ○王應麟《詩地理考》六卷。○《史記索隱》二卷、 春秋》魯閔公二年,衛侯「及狄人戰于 鄭 河 云云,言在滎澤縣之東 曰〕祭播 曰〕沇水溢 北 在 1〕鄭 其 時 河北」,以衛敗 定之方中》疏。 ○蔡沈《書集傳》二卷。 蓋 云「沇水溢出河爲澤也」者,下 ○程大昌《禹貢論》上卷。 ○吴澄《書纂言》二卷。 猶謂 此澤跨 波水已成遏 ,澤名。《釋文》。 出河爲澤也。今塞爲平 其處 **「疏** 《尚書》疏。 在 河 〇又七之三卷 日 爲祭播 南北 此。 方 〕此澤水大 始 豬 也。《 杜預 多而得名耳。 渡 何傳 〇《毛詩》三之一 ○王天與《尚書 ○薛季宣《書 ,在其縣東。 河 不 ○傅寅《禹貢 云「此祭 濫 春秋》衛 《檜譜》 ,戰處必 曰〕祭澤 (`,動成 溢 》 疏。 也。 古

祭澤。 非是。 也。 名滎 城在 在城北 陽縣 北 志》云滎陽故城在滎澤縣西南十七里。 滎澤縣之東,此據隋置縣爲説 相 軼出滎陽北地,中即 出河東垣縣王屋山 東」者,鄭于《周 又云「滎陽民 又云「今塞爲 文「導沇水,東 云「滎在滎陽」。 在縣東」也。 璠曰在東南, ,則自當在榮澤縣 一今祭澤 別無 鄭又云「《春秋》魯閔公二年,衛 播 滎澤故城,明洪武八年,圮于河,移今治 歷 漢滎陽故城在今滎陽 馬 城 祭澤 非是。 同 縣 東。 杜預亦云在榮陽縣東 猶 平地」者, 北 流 南。 縣 禮 故班 謂其處爲滎播,在 考《漢·地 孔 又正義以鄭云「在縣東」者爲在 爲 五里,澤 《元和志》云在滎澤縣北,亦 改波, 沸 東南至 滎播也。 夏官 隋始分滎陽 云「出縣北」,鄭 ,亦非是。 鄭目 溢 在 訓 ·職方》注 理志》,沇 爲 城 驗 縣 武德人河 澤在滎陽故城 漢但有榮 一祭」是 ,與鄭合。 南。 隋祭澤 水 西 而 南 地, 知 其 《括地 也 也 故 澤 水 亦 京 云

當别 南, 年,楚潘 滎播之澤本在 囚「人于河」、「溢爲祭」邪? 「及狄 預謂滎澤跨河南北 即經之榮播 是一祭澤, 人戰于滎澤」,此 黨 逐晉 河 也。 1魏錡 因 南,衛狄 河 及滎澤,此則在 南之澤 ,則下文「導水」何 其 地 戦 也」者 丽 處 惟宣 假 在 稱之。 河北 ·, 此經 十 河

張魚反,又音諸。音柯,又土可反,韋胡阿反。被,皮寄反,徐扶義反。豬,達河,又土可反,韋胡阿反。被,皮寄反,徐扶義反。豬,導河澤,被孟豬。〔《釋文》曰〕導音道,下同。菏,徐

陽之東,定陶 溢 睢 又 東北 孟 古之胡陵當 山 傳曰〕菏澤在 陽 一陽郡 云菏澤在泲陰定陶 被 水流 縣 也 孟 東北。 有胡 豬 也 溢覆 在 陵 在 以今地 睢陽之西北,故得東出 然 縣,不言其縣 被之。 胡 睢陽之北,其水皆 郡 陵。 縣 驗之,則胡 縣東,孟 之名,隨代 〔疏曰〕《 孟豬 有菏 澤名,在 豬 地理志》 在梁 陵 變易, 澤也 不流 在 或 . 菏

之勢。 水,非澤所鍾。 盛 陶 東北 胡陵 六十里,沛縣 曰:「不言人 豬」,孟豬在 本有相通之道,禹因 睢陽之東北,相距僅一百四十里。 復出之沸也。 西北十里,周迴五十里。」蓋此一節紀禹治 州虞城縣有孟豬澤。 澤在曹州泲陰縣東北九十里,故定陶城東北。 府 西北四里。 改古郡縣方向 案日 方乃覆被矣。」是 治,其故城在今治南二里。 縣,今屬 及者誤。 者, 《水經注》:《尚書》「導菏澤,被孟 〕菏澤 正 山 相反。 睢陽今爲商 孟 當 睢陽。 而言被者, 菏澤在定陶之東,孟豬 西北五十里交境處 東曹州府,漢 依《地 豬 以傅會之,皆非 其故城在今魚臺縣 《元和志》云: 在 正義 也。 菏澤之西 晉闞駰《十三州記》 志》在 而疏之,以殺 若胡 曲 明不常入也,水 邱縣,河南 從 「孟諸澤在虞城 定 故 陵, 傳 《通典》云: 南 陶 以城在 也。 説 傳 但 傳 又云宋 今縣 沸 陶 至 東 考定 云 瀆 在 在 邱 德 菏 縣

_;

志》胡 耳。 也。 州 北, 幾 過方與縣北 不知菏水與 字,穎達不知,遂云不言其縣有菏澤也, 之「達于菏」 爲 南 菏二,水在南,此言達于菏之菏,在 定 菏澤水在 也。 在 也 Ŧi. 陶 之菏澤,不 如《漢志》胡 而 」。」漢方 者 之菏 乃師古 百 此其支吾掩 陵下云《禹貢 其 也。 僞孔既改 里矣, 水 山陽胡陵。」《水經》游水「 與縣 得 爲 反 縣 約 似《説文》正與 菏澤水有别。《説文》云: 北 欲 安得 東 陵 幾 據 「河」,則胡 菏水」,注 菏 即 出 以 飾、欲彌 有菏水,遂强 僞 「達于菏」爲「達于河 水 今魚臺縣 胡 云 百 以 孔《書》以改《漢書》 八》『浮 正 正 陵之菏水 胡 里, 被 陵 孟 | 説 縫 于 距 云:「菏,泲 孔 陵 豬 反 改《書》之迹 淮 睢 傳合 文》所 ",胡陵 下 引以 在 泗 哉 陽 無「菏 屬 睢 之 達 當 陽 徐 胡 而 孟 云 别 州 豫 漢

> 澤之在定陶 也。 蓋 之在胡陵者,毫不相及 水字,與 古 説文》而 全無關 在 説 其流 定 菏 澤 陶 班 遺 涉。 東 者 不 説 落 合泗 者, 在 `《説文》言「菏澤水」, 其 殊塗 一水字,遂成 胡 以 澤也 以注 人孟豬 同 丽 歸。 淮 也。 在 在 ,詳見徐 胡 定 僞 舛 與下流 陵 陶 孔傳 誤 者, 州 何 支派 多 襲 其 禹 與 也 獐 取 孟 流

也。」 藪、「宋有 屬青,此經屬豫者,周 諸」,鄭云:「望諸 子玉夢河 〔又案曰〕《夏官 在 里,孟 道 一豫東, デ 自漢梁 楚子 諸 睢 神 孟 包 陽 Ш 賜 故得兼 孝王大治 諸 在 故 孟 以 其 ·職方》青州 城 諸 孟 中, 《左傳》僖十八 ,明都也, 絶 有孟 諸之麋。 不言 宮室 澤 杜 無徐、徐 形 預 豬 孟 一、築東 盡 曰:「宋大 在 《文十年 失。 澤藪 睢 爾雅 并 苑 而 陽 于 年, 曰 藪 周 楚 望

元二十三年後,歸德府城南北屢被黄河池甚詳。蓋澤之畔岸已蕩夷無存,元至

衝決,澤更不可問矣。

厥土惟壤,下土墳爐。〔《釋文》曰〕壚音盧。

〔鄭曰〕壚,疏也。陳祥道《禮書》三十四卷。

州地青。《史記・夏本紀》集解。○李昉等《太平〔馬曰〕豫州地有三等,下者墳壚也。豫

墳壚也。〔案曰〕裴駰引此下有「壚,疏也」三字,今御覽》三十七卷《地部》。〔傳曰〕高者壤,下者,少少言

裴駰《集解》脱「鄭玄曰」三字。本孔傳無之。陳祥道引作鄭注。疑此原係鄭注,今本

「土黑曰盧,盧然解散。」是疏也。 馬云〔案曰〕鄭云「壚,疏也」者,《釋名》云:

厥田惟中上,厥賦錯上中。「地青」,未詳也。

〔傳曰〕田第四,賦第二,又雜出第一

厥貢漆、枲、絺、紵,厥篚纖纊,〔《釋文》曰〕紵

直吕反。纊音曠。

[傳曰]纊,細綿。

錫貢磬錯。

(傳曰)治玉石曰錯。治磬錯

浮于洛,達于河。

唐玄度《九經字樣》亦云「字本作》。「从山,華省聲。」瓜反。○〔案曰〕《説文》粤山本作》。「从山,華省聲。」華陽、黑水惟梁州。〔《釋文》曰〕華,胡化反,又胡〔案曰〕因上荆州之文也。

也。 内。 黑水,但以爲南界。 僞孔亦云華山南。 其山,故言陽。 氏》:豫州「其山鎮曰粤山」,在豫 南,西距黑水。 也。莊十年《公羊傳》疏。 故梁、雍皆以是爲 案曰〕鄭云「梁州界,自粤山之南」 鄭 E 此梁州之境,東據礊山之南,不 云「至于黑水也」者,鄭意非謂梁之 梁州界,自粤山之南至于 此山之西,雍州境也 <u>「</u>疏 西界。 疏云「不得其山」,是 [傳日]東據 蓋黑 曰〕《周 水 但梁在 在 禮• 西 灣山 華 [徼外, 州 職 黑 · 得 方 界 水

志》同。 三見。 即 昧久矣,闕疑可 《漢志》益州郡 要三黑水,是一古時黑水見于紀載者。 是梁、雍二州皆以黑水爲界 Ш 從西徼外流,至極南 「至三危,人南海」,三危在 雍 大 華。 ,在今縣 在 西 南 華 雍州云「黑水、西河 界 陰 但言有祠, 地 南 故 因 志 對 雍 八 滇池縣有黑水 也 ジ京 里。 華 但 以 山 不言水所在,則已茫 兆華 入海,不入江者也。 黑水今無 言, 爲 西 陰縣 故 界, 西裔 惟 云 也。 祠,《 雍州 南 梁 南 考, 則黑水 導水 有 則 忧 續漢 經 太 兼 云 則 凡 菙 以 華

豫皆 梁 爲 當殷爲 [又案日]殷周 一大約 地 荆 兼 州 而《禹 蠻 梁]1 不 夷,此 地 則 過 貢》梁 · 江 荆 羈 皆無梁 州 漢 亦 縻 遂 州 兼 發 不 廢。 Ш 梁 源 絶,非 州。 地。 111 梁 州 賈公彦曰: 無 **《通** 然三 九 而《職 典 州 州 () 云梁 職 内 雖 方》 地 兼

比也。

南、貴州北 省,内敘州、重慶、夔州等府江南境 境及階州、秦州,湖北 南境及 (又案曰 興 安 以 境,皆梁州 今輿 州 商 地 州 約 域 之,陝 之鄖陽府, 甘 也 肅 鞏 宜屬 西 昌 漢 荆 府 四 中 之 及 JII 府 雲 全 南 之

反,章音播。岷、嶓既慈,〔《釋文》曰〕岷,武巾反。嶓音波,徐甫

何

蜀郡有 出 冢 曰]岷 二者皆 鄭曰 疏曰〕漢制,縣 Ш 隴 在 Щ 西 一漢陽 Ш 湔 地 郡西 名 嶓 氏 理 冢皆 道 西。 志 嶓 影岷 岷 有羌夷曰道。 《史記 Ш 冢 Щ 名。 Ш Ш 在 • 西 在 夏本紀 水去 西 蜀 漢水所出 徼 郡 外 已可 湔 集 地 氐 江水所 解 志 種 道 是 傳

道」者,見裴駰《集 案曰〕鄭 西徼外」字、《續志》同。 引《 地 志 解 **>** 岷 前 Ш 裴 志》此 在 駰 蜀 引鄭注 郡 下 尚有 湔 氏

也。

但

漢

有

東

西,下文「導水」,

歷

敘

東

屬

隴

西。

鄭

據

當代

書,故云

「漢

陽

江。」《續志》西縣改屬漢陽郡,注云:「故

漢

源

流

絶

與

西

漢無

涉

而

其

首

則

嶓

冢導漾,東流

爲

漢」,則

似

東

漢

亦

出

嶓

家。

然《漢志》于氐道言瀁

水

出

至

都

漢

于武都言「東漢水受氐道水,一

《志》、 據古 出。 地。 水; 縣之嶓冢爲東漢源者, 冢。 志 縣 嶓冢者、《漢志》既專 以 西漢源,故 流 甫、杜佑則于上邽 冠以《禹貢》, 他縣皆不言。 名 續志》亦惟于西縣言 沔_; 以 》,遂于此 地 上四條,皆言東漢,而 又沔 唐上 然則 意者東 義, 成 置 鄭注 JIĮ, 縣,名嶓 又于沮 故云然 陽縣, 漢 邽 專舉之與? 皆不著 非 漢 即 縣載 有 則必古經 漢西縣 E 鄭于此 始 一縣言沮 二,嶓冢 應 也。 源 出 有嶓 冢 劭 此 縣 從氐道 沔 縣。 金牛 Щ 注 至 于西縣言嶓冢, · 金 有 注 水源 陽 冢 則别有故。 後 亦 師 補 嶓 皆 山 之嶓 至「導水」 4 魏 亦但舉 魏,于 言「沔 若 相 有 來, 冢 不 流 縣 即 收 西 ·言有 承 山 沮 逐路 作 分 漢 而 冢, 「縣 舊説 西 漢 唐 東 列 西縣之 水 沔 水 |漢水, 嶓 Ш 地 故 沔 納 西 李 兩 出 陽 即 西 衆 形 陽 鄭 實 班 分 縣 嶓 漢

所出

之岷

山

即

在

湔

氏

道

?

故知裴引

嶺

江

源

所

出,

距

廳

尚

遠,

贵

得謂

江

北

百

十里,山

有大分水

嶺

即

古羊

都

府

西

北

七

百

六十里。

岷

Щ

又

在

廳

西

今爲

龍

安

府

松

潘

廳,在

府西

三百里

成成

廣

德

初

陷

吐

蕃,宋亦

未

復,仍

爲

吐

蕃

地

也

知

者

漢

湔

氐道

唐

爲

松

州

嘉

誠

每

多

割

裂

不全。

鄭

必

連

西

徼外」言之

全也

鄭

又 云

嶓冢

Ш

在

漢陽

西

《漢志》

隴

西

郡

西

縣,「《禹貢》嶓

冢

Ш

西

漢所出,南

入廣

漢白水,東南

至

江

州

谷,與 至此 長。 縣 至江 東漢 南。 漢 故 分 江,流頗短。 東 源 則 而 加 後 不一 漢 鄭 出 嶓 而 自 也 即 西 分, 州 分支,從漢壽 以 漢 于下 冢 又與西漢合。 而 西 東, 自 西 東漢會,然 處,似各不 西漢 ,似非 漢 是 人 氐 嶓 論 而 且葭 是 自 節 别,東漢是主,故 道 冢 江 東 Ш 漢 至 至葭 注, 冠之者, 西 而 則 流 二水始 萌 别之潛,而西漢又與之合, 江 東漢之别,但既 縣 武 沔 漢别爲潛 以 流出之水係 夏、沙羡,方 西 萌縣 都 陽 而 西南 後 此二水皆爲潛。 相 然後西漢再西南行 漢 廣 之嶓 東 源 涉。 因下流 而 則 漢, 而 又 所 流 漢 沮 自 來 有 出 但 冢 自 縣 北 經詳言東 西 "; 非 從 下 , 穿石穴出 西漢 東 入 江 而 而 與 漢 水從沔 沔 源 州 江 流 沔 東 東漢 東 西 自 陽 流 以 入江, 南 陽 漢 漢 東 出 至 即 流 目 流 漢 自 漢 西 通 甚

> 元、昭 郭 縣,今漢陽縣。 故 武帝元鼎六年置汶 (又案) 恐附會。 通谷即唐金牛縣,今寧羌州 今成縣西。 源 源 璞 也。 班《 化二 注 略之。 日 志》、 此爲定論。 縣 沮 山 地。 漢 縣,今略陽縣。 鄭 海 西縣,今西 而 經》, 江 注 州 地 西 專 縣,今重 縣之嶓 理 舉之, 以氐道 漢氐道今無考。 Ш 和 志 地。 縣。 郡 沔陽縣,今沔縣。 》蜀 慶 于 葭萌,今寧羌州及廣 廣漢郡 欲 冢 亦 府治巴縣也。 此 郡 實 見 有 縣 有 即今重 是 武都 嶓 汶 Ш 漢 江 縣,在 不 一慶 沙羨 源 府。 水 知 則

俞山 縣名 縣。 亦誤。 出。 大 何年仍屬 海經》遂言岷 **《元和** 雖 廣陽,晉所 地理 汶 曰 汶 汶,實 蜀郡。 江 山 志》汶山郡左封縣有汶 志》于汶山 縣,後不 今又改 更漢汶江 非江 山今在 古汶 源所 汶 知 字 縣 JIĮ, 何 與 載 廣陽縣,西 縣之名。 在。 岷 岷 年 屬 通 Щ 又 茂 後 一,但 改 而 郭 州 Ш 樂 汶 郭 此 江 璞 中 Ш 説 所 注 郡

沿誤。 樂縣 三字, 志》分 無 是岷 洮 岷 南 郡 臨 山 南 山 ?明處· 連綿至蜀, 已失其旨,郭璞移之汶江,則 所 有 洮 但不得 在 縣 岷 在 之縣甚多,安在茂 有 Ш 西西 岷 以爲江 《 括 幾二千里,皆名 徼外」三字,裴駰 щ° 地志 [《]元 源所 和 岷 出耳。 志 州汶 山 | | | | | | 在 岷 删 Щ 溢 州 **~** 漢 更 去 縣

沱、潛既道。

于此出。 皆有沱水、潛水,其尾 爲、武陽 志 小,水積 漢,西出嶓冢東 疏 二千七百六十里。 鄭曰〕二水亦 》,在今蜀郡郫縣、汶江及 通 即 爲 成 又入江, 豈沱之類 江原有 澤,流 西 漢水也。 謂 南,至巴郡 壽 與 自 八漢合。 江,首出 漢别爲潛,其穴 江 人江、漢耳, 漢出 故 江 大禹 日「沱、潛 漢中、 與? 江,南 者。 州 自 地 至 廣 潛 安 漢 本 行 犍 陽 理 蓋 不

沱、潛。 ○黄 沱、潛。 云,此 注》。 王天與《尚 道 州,以二州沱、潛爲一者,孔爲博 潛也。」《地志》及鄭皆以荆、梁各有沱、 流至梓潼、漢壽,人大穴中, 理無容不知,蓋以 西南潛出,一名沔水。舊俗云即《禹貢》 而更流。」又云:「有水從 義》云:「沱水自蜀郡 流,還從荆州 日〕鄭云云,此 案曰〕鄭云「二水亦謂自江漢出 傳曰〕沱、潛 度 郭解沱、潛惟 尚)樂史《太平寰宇記》七十二卷《劍南 解梁州沱、潛也。 尚 書纂傳》四 書 書 但 而孔云沱、潛發源此州,入 説 地 荆 分出 州 勢 發 解 卷。 疏。 西 源 卷。 荆 據 ,故舉大略耳。 ○傅寅《禹貢 水從 〇薛 高 此 州沱、潛。 ○《水經》二十九卷《潛水 梁州,不言荆州之 都水 東 州、入荆州。 季宣《書古 下 江 漢 縣 郭璞《爾 漢 中沔陽縣 揃 集解 出 通 梁州注 于 Ш 文訓》三 者,皆 峒 與 Ш 西道》。 雅 南 云 荆 别 疏

江。 《爾雅音義》云:「沱水自蜀郡都 出 之沱,謂非 承 遂目 江 崩,穿郫江、檢江雙過郡下**。** 名檢江。 水,流江爲大江。 江、流江也。」自漢以來,皆以郫江 中」,注引任豫《益州記》云:「二江者,郫 安故城、此即《漢志》江沱、後人謂之郫 與江别而東流。」●今成都府灌縣 縣,「《禹貢》江沱在西,東入大江。」 爲沱, 也。 Ŀ 水自都安至成都,考其原委,即所謂 《河渠書》蜀守李冰「穿二江成都之 荊 郫 爲二 後人因 郭 水 出 州 江 漢出爲潛」也。 常璩《華陽國志》曰李冰壅江 沱、潛,故云「亦」。 江,而 也。 此 其 經之沱者、《地 任豫言此江一名涪江,一名湔 引 自 皆以 此 Ш 流江者,江之正流, 源 江與大江 爲冰所穿,其實冰所 而 又引《地 下流,爲李 據《爾 《水經》所 心志》蜀 雙過郡 安縣浦 志》郫 東有 一爲沱 冰所 郭 水 作 都 鄓 流 璞 汀.

> 岸,合流江。 此 之沱,亦不取者,彼《志》云在蜀郡汶江 道,至李冰一變,文翁又加改作。 城東南岸曲有合江亭,郫 界,至廣都北岸,南入于江 首受江者,不可謂沱。 擇善而從,不偏主也。又引《地志》汶江 文,則非孔氏古文説。 貢》,似是古義,而鄭 不合,故鄭不取 塞故瀆,鑿新渠,導郫江繞城西而北,流江繞城西 元史・ 西南,東入江」,近志 流仍合于合江亭。 百餘里,源流短狹,又與沱自江出之義 江起今灌 玉輪江即汶水,出 河渠 志 《水經注 縣西南, 遂以 舊迹更不可問 郭、 也。 <u>\tilde{\</u> 江人流江 **湔爲李冰所穿**二 ,謂之五城水口。」今成都府 至雙流縣 此水《志》冠 不取者,既不言古 此等鄭間 《漢志》所言,蓋即 岷 以威州玉輪 「湔水東絶綿洛、逕 Ш 唐高駢 處。 矣。 西玉輪坂, 又按,蜀 築成都 即 所行 有不取, 江。 廣 以《禹 不過 非 而 羅 中水 Ŧī. 南 縣

^{● 「}都安縣湔山」、《尚書正義》引作「都水縣揃山」、《爾雅

過

興安陽縣

南, 涔水出自旱山

北注

水爲涔水,潛、鬻、灊、涔,古字通。

曰:「漢水東

谷而得,不得直名灊水。《水經》又以

西興安州漢陰縣,此鬵谷乃谷名,水名

由

此

之。」是尾人漢,非首受漢,故鄭不以爲潛

《史記索隱》因《夏本紀》「潛」作「涔」

出,一名沔水。 潛 梓潼、漢壽,人大穴中, 此即東漢,今漢中府沔縣東南有沔陽故城。 郭璞《爾雅音義》云:「有水從漢中沔陽 故連西漢始源亦目 流之潛,從廣漢葭萌入西漢,以達于江, 冢所出,雖是西漢,鄭因東漢有别出 爲西漢水不名潛,而鄭指作潛者,西 武都、廣漢、巴郡也。 千七百六十里」,是也。 漢白水,東南至江州 至巴郡江州入江」云云者,《前志》隴西 出者也。 潛與沱不同,沱分派别行者也,潛伏流重 遂以此水當之,非 西縣「《禹貢》嶓冢 、鄭合、彼疏以爲 馬馬 融云其中泉出 鄭云「潛蓋 與鄭異者,非。 舊俗云即《禹貢》潛 山,西漢所出,南入廣 也。 爲潛也。 漢, 加 入江,過郡四,行二 鄭據彼文,但彼 通峒 過郡四者: 隴 **爾** 不 西出 漢壽即漢廣 流者曰 雅 山下, 「荆州」疏引 嶓 >)自漢 家東 南流 西 潛 也。」郭 南 縣 出 而伏 南 西 潛 至 縣 嶓 以 郡 是 爲

鄭以此爲沱之類也。

鄭又引《地志》安陽

之潛,亦不取者,彼《志》云漢中郡安陽縣

鬻谷水出西南,北入漢」,安陽縣今爲陝

慶州,曰首受江,正與「江出爲沱」合,故

道蜀州「唐興縣,本漢江原縣地」,「酃江,

名皂江,聲轉字異。

經縣東二里。」在今崇

不取

也。

又云「江原有鄩江」云云者、《

地

陽

未有《漢志》,亦不以爲《禹貢》之沱,故

之標者。

開

明,杜宇相,七國時

人。

禹

緜虒縣界,開

明

所鑿,郭

璞云玉壘作

東

别

志》蜀郡江原縣「鄢水首受江,南至武

人江」,應劭曰「鄯音壽」。

《元和志》劍南

二二九

出。 龍門 寧府。 郡 此即潛水也。然《廣元舊志》云潛水出縣北一百三十餘 爲洞者三,有水自第三洞 俗號爲龍門。」今四川保寧 縣龍門 復與澓、洑同。 昭化縣東南。 云"「葱嶺有石穴,高數十丈,其狀如門: 谷縣龍門山。《書》曰『沱、潛既道』是也。 大石穴下。」《元和志》云:「潛水出 元中,分晉壽縣地置興安縣,隋改名緜谷。 Щ 木寨 ;有龍門山是也。 洞 葭 ,屬梓潼郡,晉又改晉壽。 在縣東北八十二里。』《寰宇記》:縣谷 П 以萌縣。 王象之《輿地紀勝》曰: Ш Щ 本朝因之,東北接陝西沔縣界。 一朝天驛 是,潛水自 Щ 流經神宣驛, , 亦名葱嶺 《括地志》云:「潛水一名復水 《漢 今名龍門水,源出縣谷縣晉太 北穿穴而 唐因之,屬利州。 志》失載此 即籌筆驛也。 發源 此人 出 貫 龍門洞在綿谷縣 入嘉陵江 щ 水。 穴, 通兩 府廣元縣東北 蜀 明改廣元縣,屬保 引《梁州記》 通山 故城在今保寧府 洞,下合嘉陵江 又南二十里,經 先主改名漢 與諸説不同 東龍門 《隋志》縣 伏流 利 北。凡 州 重 Ш

耳。 遂晦。 意者木 皆可稱潛。 爲江原之鄗水,潛 殘闕,予采輯乃 即爲西漢水。」廣漢即指葭萌,鄭 水積成澤,流與漢合。 縣,今府治。 府。 閬中南部,並屬保寧府。 可知矣。 本是西漢,非潛水,下流與 山下,亦不過二十餘里。 謂「入大穴,通峒山下,西南潛出」者也。 洞」,即舊《志》所謂經龍 即 天驛穴即 鄭康成之所謂潛水者也」是也。 《水經注 合州,至巴縣並屬重慶府。 故鄭又云:「漢别爲潛,其穴本小 寨 山 龍 乃 入大江。 門山 水 後世但稱西漢,唐又稱嘉陵江,潛之名 自 • 桓水》條又云,葭 沔陽 穴 有端 八也。 洞口至驛北穿穴而出, 來之所 爲 然則 歷昭 王氏所謂 西漢合葭萌之伏 緒,參互觀之,則 大禹自廣 蓬州、南充、並屬順慶 經 西縣 化 而 潛 巴縣,漢巴郡 「自第三洞 人誤 劍州、蒼 合, 嶓 大約此水伏流 以 漢 冢 前 ,則源 舉 爲 疏 所 郭 貫 郡 鄭 出 西 溪 氏所 通 出 江 通 邪 沱 注 漢 流 州

〔又案曰〕《漢志》又有一潛水,在巴郡宕

通,即 自巴 今順 東南 見《江水注》。出南 水積 水。 渠縣 又 南 即潛水 道。』庾仲雍云:『墊江有别江 下 稱 注 云: 江 ·, 西 入漢。見《漾水注》。 云: 並屬 「潛水出 南 西南 州屬保寧府。 慶府渠縣 此 流,逕宕渠縣 成澤,流 鄭康成 · 爲 西 南潛出,謂之伏水,或以爲古之潛 順慶 水 逕 今爰有大穴, 也。」酈 潛水 誉 雖 人 府。 漢水 名 曰: Ш 巴郡 江 與 界。 縣, 蓋漢水枝分潛 0 爲潛,而 至 鄭縣 又云: 也。 小巴嶺,西南流逕蓬州 (漢合。 『漢别爲潛,其穴本小, 此江 岩岩 重 人縣界又西南逕 ,謂之宕渠水。 渠江 渠縣 慶府之合州人 按漢宕渠縣故 南 故《書》曰沱、潛既 謂 潛水人 岩渠 嘉 巴嶺,謂之北水。 出 大禹自 在縣東,其源 陵 自 江。 南 入于江 水即 焉,通岡 Ш 出 出,故受 《水 源 晉壽縣, 廣漢疏 潛水。 經 ()廣安 又東 不 以城在 其

> 谿,定是無勞疏鑿,潛不在宕渠明矣。 者三日始達于嶺。」險 里,綿亘深遠,高聳千尋。 且. 宕渠無涉。 壽,是二家所説 出 漢水,而漢葭萌屬廣漢,即漢壽縣, 康 此 郭 于 元之南,路通 水實 璞所 漢。 此水源出 晉壽縣,而 成、庾仲 無 説 況 入穴 漢 酈 雍二條:鄭云自廣 酈 壽 注 一巴嶺, 巴州,中有 漢 通 潛 所 乃 葭 正 水之語 山 굸 移 萌 屬 入穴 嶺 之狀,其 彼 了, 蜀 漢壽之潛水, 在 阻 爲漢 孤雲米倉山,行 南 通 此 如 順文 賈耽 Щ 鄭 此。 , 舛謬殊甚 所引據 壽 云云, 縣 漢 臆 曰 : 此等 南 度 疏 之鄭 百 爲 全與 即 爲 庾 「興 餘 Ш 晉 云 西 取 而

蔡、蒙旅平、〔《釋文》曰〕旅如字,韋音盧。

(禹貢集解》一卷。 尚書全解》九 **、鄭曰〕《地理志》蔡、蒙在漢嘉縣。** 〕蔡、蒙二山名。 卷。 ○毛晃《禹貢指 ○《史記 祭 Щ 夏本紀》集解。 日 南》二 旅 一卷。 平 ○傅寅 林 之奇 傳

功畢。

隱》同 跨邛州 北 名」,正義曰:「蔡山 州縣境 亦可單 衣,陽嘉二年改。有蒙 也。」《續漢志》:「蜀郡屬國,漢嘉縣故青 曰「音哉」,誤。 大渡水東南至南安入渽」,渽當作涐。 者,前《志》蜀郡青衣縣「《禹貢》蒙 蒙山」,而鄭 案曰〕鄭云『地志》蔡、蒙 有 漢青衣廢縣,蒙山 其説,非是。 及 也 稱 雅 蒙 州 應劭 故 云「蔡蒙」,蓋蔡蒙本一山 府之雅安、蘆山、 也。 曰:「順 今雅 不知所在。」《史記索 傳曰「蔡、蒙二山 山 在 州 縣南。 。」二《志》皆云 帝更名 府治 在 漢 是山 雅 嘉 安 漢 Щ 師 谿 四

衣水。 衣水出青 [又案曰]《漢志》言青衣有蒙山 :「沫水 大渡水即沫 衣縣 出 廣柔徼 西蒙 水也。《水 外, Ш 東 廣柔故城在今威州 與沫水合。」 經》: 谿, 即

> 東流 酈注: 西。 洪 縣 江 人大江。 山 外 今蘆山縣西北有 .。」以今輿地言之,青衣水自 東南流,經天全州 雅、夾江、峨眉、至嘉 至 出 東 雅 入雅安,與沬水合。 「二水于漢青衣縣 蒙 南 州 Ш 逕 府治東,青衣水注之。 南 旄 靈關 雕 牛 廢縣。 縣 注 北, 靈 東合爲 西北, 東北 又 道縣,一名靈關道。」 定府治 東 沫水自 與 又東 一川。」東: 至 青 一越巂 蘆 衣水合, 會 南 又 威 Ш 東 經 縣 人 靈 涐 州 水 經 徼 蘆 道 案

和夷低績。〔《釋文》曰〕和如字,又作龢。

卷。 口 記 行羌中者 曰 鄭曰」 卷《桓 桓, 夏本 ○董鼎《書集傳輯録纂注》二卷。 水 和 紀》集解。 地 疏曰 注 也。 志 夷,和上夷所居之地 〕和夷,平地之名。 《釋文》。 $\check{\exists}$ 馬 桓 傳 曰 水 曰〕和夷之地, ○林之奇《尚書全 出 和夷,地名也 蜀 郡 蜀 ○《水經》三十 也。 Ш 致 一解》九 西 和 **©**史 功 南 讀

傳于四 海」。 名,非 下,不 俗》。 知 屋上 水 轉爲莎。《説文》桓作瓛,从玉獻聲。 華古音敷,亦 京賦》云「敘和樹表」。 宋之俗言 酷吏傳》尹 案 古者 禹 出 州通化縣,本漢廣柔 鄭 曰 有柱 . | 貢 》 桓 桓 蜀 又古者桓、獻同 《水經》 三鄭 也。 繫縣下,蓋徼 以 表。 和 角, 郡 和 恒聲如 出 有桓 云和 蜀 賞 水 鄭又云「和讀 面 爲 縣所治,夾兩邊各一 ,高丈餘,有大板貫柱四 極囚 出 山」云云者,彼《志》 百步 同。 水名。 一音也。 以 蜀 夷,和 聲近而變。 和,今猶謂之和表。」《東 師古曰:「 Щ 尸桓東。 **参**地 ,築土四 外 音, 西西 鄭又 馬 L 忠志》于 Ш 縣地,蜀 南 夷 桓轉 及 日 也。 引《地志》「 行 傳 所居之地 桓」者,《 方,上有屋, 如淳曰: 即 美中 爲和 亦見《匡 蜀 **元** 但 華表 Щ 山 桓。 以 和 蜀 爲 在 ; 亭 漢 也。 謬 也 南 郡 郡 陳 桓 則 獻 地 Œ

> へ 晉 下文。 漢,即 保縣 從 不見 此 説是矣。 唐 桓 桓 岷 相 自 東 小者, 水 連 桓 鄭 Ш 出 通 北 一个馬 以南 乃 桓 及 化 ,則與湔氐道徼外江 六 讀 鄭 地道記》云梁州 西 酈注云:「岷 威 水 縣,今無 里。 爲 所謂 非是。 傾 而于「西 爲夷,即《書》 即蜀 州界内。 桓 之桓 漢 潛 Ш 謂 廣 惟 可 也。 小,自 酈 桓 柔故 傾 即 考, 此 山西傾 謂 蜀山 水 因 蜀 和 南 大 也 大 所謂 西 桓 城 謂 當 Щ 至 約 在 桓 水 傾 是來」,則 在 西 爲 桓水。 桓水,因 俱 之桓 酈 此 在 至葭 所 今 傾之桓 桓耳。 和 出之岷 今茂 爲 于「和夷」 有 威 夷」。 乃 前 桓水。」 桓 州 又引 西 .謂 州 水 以 説詳 傾 西 自 所

黑色。黎,小疏也。《尚書》疏。〔傳曰〕岳〔馬曰〕黎,小疏也。《釋文》。〔王曰〕青、厥土青黎,〔《釋文》曰〕黎,鄭力兮反,徐力私反。

ĮЩ

青黑 而 沃

據,而 下文厥田止云下上邪? 肥瘠言,若使果沃壤,則 無,傳説更屬妄添。 是,當從馬説爲正。 黑,則是梁州 是汎言,不可以解 《釋地》云:「土青曰黎,似黎草色也。」 色而不言質者, 土,有因色不一而不言色者矣,未有 其色,黎其質 案日〕馬云「黎,小疏 青色黎質則同 也。 土兼二色矣。 亦未有兩言色者,傳 王 此經。 且傳以田 至「沃壤」,經文 以 劉熙《釋名》 也」者,馬 青爲黑,不 田宜上品,何以 至傳以 但 上中 經 意 文 黎 卷 知 謂 所 辨 非 爲 此 何

厥 田 惟下上,厥賦下中三錯

少。 者少耳,又有當出下上、中下者,差復益 出第七、第九三等。 鄭曰〕三錯者,此州之地有當出 《尚書》疏。 〔傳曰〕田第七,賦第八,雜 [疏日]傳以既言下 下

> 婁豆反。熊音雄。 [《釋文》曰]璆音蚪,徐又居蚪反,又間幼反。 厥貢璆、鐵、銀、鏤、砮、磬,熊、羆、 説,則云下三錯足矣,非也。 中, 當于下品、中品之中居其 案曰〕鄭云云者,經云「下中三錯」,自 ,故雜出 復云三錯,舉下中第八爲正,上 第七、第九、與第 羆,彼宜反。狸,力疑反。 八爲一 =; 馬同。 若 狐 如 下 傳 取

璆。 《説文》卷十四上金部云:「鏐,黄金之美 左思《蜀都賦》云:「金沙銀礫,暉麗灼 謂之鏐。」注云:「鏐即紫磨金也。」是也。 《爾雅·釋器》云:「黄金謂之盪,其美者 〔案曰〕鄭云「黄金之美者,謂之鏐」者, 璆,玉名。 球,玉磬也。 从 巨鳩切。 金 翏 鏤,剛鐵。貢四獸之皮。 讀若蚪。 玉求 力幽 聲。 二字音義皆别。 切。」讀若 或 从翏,作

可以

刻鏤

也。

《史記·夏本紀》集解。

傳

剛

鐵

鄭曰〕黄金之美者,謂之鏐。

記 爍。』《後漢 石砮。 文》金部文,彼即引此經爲證是 鄭又云「鏤,剛 玉,遂以梁 固梁産也, 句,其説謬甚,辨詳下文。 生獸,或貢其 禹貢》所賦 集解》尚 《華陽 書》云,益州金銀之所出。 州之璆混 璆定當 采鄭注 是也。 人皮也。 國志》臺登縣山有砮石, 鐵 爲 可以刻鏤也」者、《説 熊、羆、狐、貍,或貢 鏐,自後人妄改从 猶可見真古文也。 雍 孔連下「織皮」爲 州之球。幸《史 也。 金

〔案曰〕《漢書》作「頃」。 織皮、西傾因桓是來,〔《釋文》曰〕傾,窺井反。○

州之山 洮。 道當 鄭 寅《禹貢 桓 曰〕織皮,謂西戎之國也。 阪 旋 由 雍戎二野之間,人有事 曲 曲 此 也。《地理 集解 爲 而上,故名曰 州 盤 而 也。 來。 卷。 志》西 林之奇《尚書全解》九卷。 〇《史記・ 桓是隴阪名。其 1桓是。 山 夏本紀》集 于京師 在隴 今其下 西傾 西 民 道 臨 雍

王同。 州。 《尚書全解》九卷。 是也。 記・夏本紀》集解。○《水經》三十六卷《桓水注》。○ 山 潛水也。《地志》:「桓水出蜀郡蜀 皮,故以皮表毛耳。 桓 ○《水經 南。 水,不知南行幾里得桓水也。 南行羌中,入南 戏即敘。」知織皮謂 曰]續羊毛作衣爲罽。 志》云《禹 (案日)鄭云「織皮,謂西戎之國 血 雍州」云:「織皮、昆侖、析支、渠搜, 水自 · 惟 臨 自西傾山 漢臨 番 (傳 因 西傾 又引《地理志》云云者、據彼《漢 桓水是來。 南 + 了貢》西 洮 曰〕織皮,今罽。 與四 六卷《桓 在今爲甘肅洮 山南行, 南 ○傅寅《禹貢集解》一卷。 頃 海。」則初發]1[行,因桓水是來,浮 水 山 松潘廳接 西 注》。 言無 在隴 因 戎之國,即昆 西傾,山名, 言皮者,毛附 桓水是來。 餘道 西郡臨洮縣 馬 州廳治所,三 西傾,山名。 界,外 西傾,未有 也。 〕治 也 在 林之奇 〇《史 西 連 一侖等 (疏 者 傾 雍 西 西 西

三六

仲 邊 産《秦 境 西 州記》曰 傾 山 在 其 魔 界 西 内。 郡 隴 詳 見 Ш 東 Ш 西

役,飄 歌 百 日 + 然 里,其 隴 曠 野。 頭 流 上 登高 水,流 懸 巖 望 吐溜,北 離 遠,涕零雙墮。」」 四 下。 升 念 此 我 而

《後漢•隗囂傳》謂之「隴坻」,李賢注|鄭所謂「桓是隴阪名」者,蓋即隴山

名桓者、《屯》 坻,阪」是也。 初 鄭 九 以此 「盤 桓」, 阪 盤 馬 桓 融 旋 굸 曲 旋 故

生, 也。 字亦爲阪名,不從 ●是阪爲盤 屯 初體 震,《 桓 馬 旋 説 融 曲 作 卦 也 虚 * \(\times \) 字 鄭又連 解者 震 爲 阪

墮者曰氏。 文》卷十四下阜部 一下氏部云:「巴蜀名 楊雄 賦 氏崩, 響若氏 聲 云: 聞 隤 「 阪, 數百 山岸脅旁箸欲 』。」古氏與是通。 里。 山 脅 象形 也。

詳見

洪

範

故

鄭

以

桓

是

爲

山

阪

也

諸

言此

阪

,大率皆就今鞏昌

府

0

西縣, 況 也。 州 故 北 北距積石千里,皆重山 境,然欲由本州 蓋 廳 由 西 逾 欲東行 路 之禮縣 鄭 西 東 縣 西 道當-以往 [漢水 來 北 云 織皮諸國 傾 東 今爲 行 大 至 由 自 雍 因 以至京師,不行東北 ,舍近圖遠,必無此 出 則 , 至西和縣 , 歷鞏 昌府 之 漳縣、 伏 羌縣,秦 阪 隴 是 戎 桓 此 西 西 以浮于潛 過阪即 州 州 是 禹 嶓 及 和 汧 來 而 洲 野之間,人有事于京 浮 西 冢 縣,屬鞏 陽 來」也。 于積 行 [傾之山 與 山、《漢志》在 人西漢,經行 浮西 州 下 水; 路 一疊嶂, 境, 石 · 昌 府, 漢水,以 則當由 而 下文「浮 非爲欲 則西 雖皆爲 言 潛」各 理。 道險難達。 而 反取 隴 今洮 此 傾 此 惟 甚 人沔 達 即 雍 之 經 便。 師 西 西 州 大 郡

[「]阪」、《説卦》傳多作「反」,惟虞翻本作「阪」,注曰「陵

道。 截 自 桓 其 但 實 鄭 而 則 解 浮 此 潛 因 節 桓 以 雍 至 是來」與 戎 亂 之 人 河 有 下文本不 自 事 是 京 人 師 京 之 連 則

水,以 水 附 罽, 疏 (又案 中 山 也。 四 水 西 支、渠搜」連文,不爲貢 知其貢皮? 狐 屬 會 或 南 貍 傾 而 傾 也 來, 傳又以 考《元 行 乃 連文,不爲 何 解 曲 爲 日 在 則此 爲 附之。 因 由 句, 晚 和 洮 和 初 而 桓 晉古文以「織 州 夷 桓 以 志 水 發 雍 來 水是來」。 西 》謂蜀 西傾, 然經文 四 乃行羌中, 則 乎? 州 貢 水 南 可 物可 名, 織 爲 距茂 未 Ш 若云 疏 皮 貢 但 謂「 物 有 桓 知 亦 但 皮」屬 皮,以 州千 舉 水 水 與「昆 知 自 出 桓 則 (),南行 四 南 在 其 傳 蜀 水 西 此 餘 潤 茂 上 織 疏 亦 不 Ш 自 傾 州 當 得 通 之 皮 大 西 何 熊 與 此 桓 非 而 傾 析 罷

流 江。 佘山 穴,迤 鄧 水縣 文縣西素嶺山 山 至葭 水注》又云: 逾 流 桓 説 蜀 桓 云 水 水 過 水 沔矣」。 而 據 Ш 水 大 海經》 是 ,城在文縣南 城 郭璞云:「色微白 萌 馬 桓 岷 乎 ? 届 遞 色白濁。 陰 南 從臨洮之西西 來。 人 水 融 于 而 Ш 平至 城 于西漢 曰 : · 晉 壽 桓 接漢,沿此 王 以 酈 酈 言無 水 在文縣西南。 又東逕 肅 「白水出 一漢壽 大 即 道 此 「白水出 東南 界,阻漾、枝 蜀 注云: 桓之桓 元 條 即即 他 又東逕偃城北 Ш 縣 則 道 桓 洛 所 流 潛水 謂 入潛。」《水 入漾 水 傾 也。」因 一, 濁。 和 臨 云 與 蜀 一治 又東南 蜀 Щ 城 洮 黑 桓 以 也 西 Щ 來,經沓 南, 西 縣 而 水 所謂 和 傾 今在 水 津 謂 傾 合 東 西 自 逕 又 夷 西 桓 即 自 山 南 南 經 南 陰 東 梓 浮 西 之 傾 水 水出 歷 注 潛 平. 南 潼 漢 和 俱 西 惟 逕 東 于 出 鎙 傾 其 有 而 大 今

羌州接 沓中在 《九域 治。 又東· 以 興 又東南至 其 頭 水 來 白水至此謂 又曰晉壽。 逕 也。 東 城 稱。 者 通 爲此即《 白水 劍 志》云,縣有 北 也 東 南逕白水縣故城 稱。 蜀姜維 界。 頭 今洮 JI 也。 橋 自洮 因桓是來」究以鄭説爲 今文 之葭萌 州 水有津關。 頭合白 羌水出 但是 東 至 禹 西 在 東 西晉壽即葭 南 縣 沓中 昭 南。 貢 州 南 白水鎮,即 水。 城 與氏 水。 流 羌中參谷,白水東南流逕葭蘆城 化 衛 東 逕 聞 又 桓水, 注 縣 津關即今縣北白 按漢葭萌故城在今昭化縣界 流 南 吐 又東 東 有 通 漢 有 經 東 魏師 萌 費 東 與 橋,跨白水上,即陰平橋 水。」 , 是 故 文縣、平武、龍安府 人 劉 西傾之戎所 南逕 ,城在今昭化縣西北 羌 城 縣 請 西 備 護陰平橋頭 也。 南, Ш 水合 改曰 以 「漢水。 阪 建 今興 水關也 即 又 漢壽,太康中 確 之稱 陽 自下 西 南 郡 地言 近 . · · 晉 即即 逕武 因 與與寧 得 以 此

越沔陸 者,漢 案日 曰「横 亂。 而東。 通 浪之水是也; 沮水,出 東南 越 有隨地異名者, ○《史記 漢上曰 稱者 與漾水合,漾于是 沔 / 疏 而 流爲沔 [渡也]。 日 正 行而 鄭云「或謂 不志,故 北 | 沔是 武都 沔。 夏 旦一下 本 絶 北 水,至漢 紀》 渭 流 也 有因 沮 計沔在 傳云「泉始出 集 導漾不言沔。 漾 縣 日 渭。 浮 解。 漢爲沔」者, 亂」、《釋水》文。 東流 東 「導水」之文、凡互受 他水決入而互受通 東 中 狼 兼 渭水 渭 渡 傳 東行 谷 爲 有 南 河。 日 漢, 沔稱。 東 \overline{f}_{1} 人 爲漢水」,是 河,故 Ш 百餘里,故 此 南 IE. 又東爲 沔水 爲漾 上 絶 經欲 流至沮 凡水, 曰 孫 流 浮 沔。 名 明 滄 渭 炎 \Box

潛 特 西 稱 人 渭 首 沔 陽 中 以 縣 别 間 西 之。 所 南 由之路,在漾 鳥 渭 鼠 水,《地 同 穴 Ш 理 下漢 東 志》云 至船

浮 于

潛,逾

于沔,人于渭

,亂于河

鄭

曰]或謂漢爲沔。

傅寅《禹貢

説是 縣東四· 河之義 故 水。 云: 陸 不可信。 寅云:「上言逾沔,可以該 不知經文不 支灌于斜,蓋 渭,而褒與斜究不相通。 川,届于武功,而 Mi 二水爲自沔入渭之道。 入于渭」,似 逾, 城在 相關 出 其 「斜水 也。 下云 衙嶺山 遡褒暨 由水入水日 縣)]] 十里,渭水之南。 也。」按,南鄭今爲漢 酈 東 出 考《漢志》右 流 ·可 兩 ,至南鄭人沔。」 衙嶺 于衙 言褒 北。 衙嶺山 歷 因經 沔、 所徑,不乖《禹 漢 灌 北達 言逾,故變言人。 武功故城在 嶺之南 渭有相 人。]1] 例 于 北,至郿 至 斜,强 今日 于 由水而陸以 一南鄭 扶 然褒通 ,渭水。 溪 乃云遡褒南 此説以 下而省文。」此 通之道 風 水支 1「逾于 入渭。 爲 中府治 縣 貢》人渭 武 鳳翔府 附 沔 功 灌 Щ 此 屬 故耳。 傅氏 縣 褒水 沔」, 在 乃 于 水 水 殊 溪 斜 郿 其 通 蜀

廣元縣

北

龍門第三洞

口,舍舟從陸,

越

穴」者也。

以今輿

地言之,浮

語陵江

至

謂「峒·

山」、《括地志》所謂「龍門山

大

石

歷岡穴, 迤邐

而接漢」,岡穴即

郭璞

所

璞所云水從沔陽縣

記》所謂三泉故縣南大寒水西流者也。

邐

൬

接漢、沿此人

漾、《書》所

謂浮潛

司空人河。

詳

見

「導渭」。

河謂

西

河

也

水經注》云:

西西

[漢即]

潛水,

自

西

漢

遡

届于晉壽界,

阻漾枝津,

南

歷

岡穴, 迤

逾

· 沔矣。」已見上文。

「阻漾枝津」者,即郭

南流至漢壽、寰宇

州。

巡

行

州

境

觀地肥

瘠,事已畢。

北

渭

沿流而

東, 亂河

]則至

雍州矣。

〈案曰〕《水經注》説浮潛逾

沔則得矣。

登陸

絶

心水,行一

百餘里,人斜水,至郿縣東

後自

||沔人

南鄭縣

界,

抵褒城東,歷褒

縣南

經經

所

謂

浮

潛

而

逾

沔也。

以

上

岡戀

而

北

至

第

洞口,出谷乘

舟,至

沔

三三九

褒斜 今漢中 欲通 乎! 安在 言其 嶺,須 東,又 斜 經郿 轉,從斜 沔人褒,褒絶 湯問之,言:『抵蜀從故 在 郿 東 三十里。 褒、斜二谷名,其中皆各自 介從 水 今褒城 縣 通 褒斜道 不相 縣東,又東北入于渭。 沔無限,便于底柱之漕。」上 道 禹 西 府之鳳縣 漢《河渠書》云,武帝時,「有 陸 南人于漢。 渭 ,少阪,近 時 南 下渭。 行百 褒水 皆 縣 通 從 北 + 及漕,事下御史大夫 也。 沔遡 也。 可 水至 南 里始達。 十里,斜谷 里 如 以 故道 四 流 俗 此,漢 褒, 山谷形勢,古今不易, 行 斜水 一斜,間 自衙 百 船 呼馬 里。 多 可以入斜 漕 北 阪 中 道、縣屬武都郡,即 故 嶺南,經褒 鞍 口 百餘 · 穀 流 而褒水 顔 二水中隔 漕 回 有水耳。」正 在郿 Ш 自衙 可 從南 師 里,以 致 而通 古 縣 褒 、張湯。 河而 通 嶺北 以 Ė 陽 城 日 谷 西 沔, 渭 車 南 衙

> 氏,以 僅 處。 渭 指爲 褒入斜,所歷山嶺亦不過百 沔,歷岡穴不過二十里。 雍治水耳。 石,不可 二日之從陸 道 水道可通 拜 一二日程耳,禹豈必欲盡 轉 五 其實則是 湯 上「逾」字貫下「人」字爲確 輸 百 漕。」《溝洫 子 重 餘 印 也 有陸 運 里。 爲 禹 哉? 漢 巡 何 則 道 志》同。 中 行 不 此 果 守, 逾 可 梁境畢 道 沔 便 由 似 今此 發 人渭, 自沔 近 乎? 不 數 從水 里。 ·, 乃 應 經 而 萬 逾渭 當從 從 ·而畏 合兩 自 有 俗 水 X 從 梁 多 作 潛 泝 此 處 逾 至 陸 妄

黑水、西河惟雍州。〔《釋文》曰〕雍,於用反。

也。 《尚書 公羊傳》疏。 七經孟子考文》。 》一卷。 旦 《詩》十八之四卷《大雅 「影疏。 雍 〇王天與《尚書纂傳》四 州界, 林之奇《尚書全解 Ξ 「傳 自黑 西 日 據 水 黑水, 西距 沙九卷。 韓 而 :奕》疏。 東至 黑水,東據 . 卷。 東 〇傅寅《禹貢 距 〇 山 〇莊十 于 西 河 河

之境 水。 近。」是河相對而爲東西也。 故《王制》云:「自東河至于西河,千里而 雍州之東,而謂之西河者,以冀 河 被被 王 龍 肅 荒 門 之河 所言得其實,孔本誤 服 之 外 在 冀 東不越 州 西。 河 疏 也 而 州 西 西 河 踰 雍 在 黑 州

也。 黑水可知也 미 不 西河也」者,鄭意以黑水在 絶遠,若復 (案日)鄭 自黑水而東 以 可 州之西境皆至此 言 通者 疏必 傳或言據,或言距 跨, 多 以 云「雍州界,自黑 跨 而 矣。 距 其 而 爲至,據 則鄭必不以雍 西 過之,無是理 雍東 亦 不 至 爲界,義 偶 . 過 爲 西 至 跨 爾異 河 水 西 黑 而過之, 而 徼 而 西爲 记詳 也。 水,黑 止 文,不爲 外 東至于 鄭云 梁 跨 固 州 則 不

「自西河至黑水。」李巡云:「兼得梁州之〔又案曰〕《爾雅》「河西曰雝州」,注云:

境,如 貢》也 梁 亦 西 水,皆没 正 揚,其北則有幽,而西則不然, 間爲蠻夷國,雍之併梁亦虚名耳。 悉如《禹貢》。 西 雍 地 一人《職方》者,故杜氏言,梁州當 周禮》言之,「正東曰青州」,其 「,則 、豫,于《禹 地爲羈縻之國,固不待言。 西,其西北、 北二邊世有戎翟之患,其疆域 當 周 虧 華 西 禮》「正 于戎翟矣。《爾雅 傾、積石、豬野、流 損 Ш 以 貢》 南 又《禹貢》梁州之山 殷 西 西 周 不在界中, 南 兼 曰 之雍,實 兩 梁 雍州」, 隅皆缺 州 之 :» 目 可 沙、三 地。」 疏 궁 知 雝 焉 目 丽 未 其 雍之 南 然 于 雍 州 一危 夏 必 周 州 雍 西 以 則 據 殷 之 能 黑 西 禹 北 則 以 有 州 河 無

涼、鞏昌、慶陽、寧夏、西寧、涼州、甘州、同州、鳳翔、延安、榆林,甘肅之蘭州、平〔又案曰〕以今輿地約之,陝西之西安、

極 餘皆雍州。 中府除鳳縣,秦州除 鎮 石,西踰三危,北至沙漠,遼 矣。 西 7 州 应 府,乾 迪 化、安西 其在化外者, 州 邠 八州 徽縣,兩當 州、 興 南 洮 安、 至 州 | 闊不 西 爲梁州 鄜 傾、積 廳,漢 州 可紀

弱水既西,

合黎。 記·夏本紀》集解。 下也。《尚書》疏。 鄭曰〕衆水皆 東, ○傅寅《禹貢集解》一卷。 [傳日]導之西流, 此 獨 西 流 故記 至 ○《史 其 于 西

東」是也。餘詳下文。孔子觀于東流之水,謂子貢曰「水萬折必〔案曰〕鄭云「衆水皆東」者,《荀子》云:

又作内,同,如鋭反。涇屬渭汭。〔《釋文》曰〕涇音經。屬,之蜀反。汭,本

而涇小渭大,屬于渭而入于河。《地理〔鄭曰〕涇水、渭水發源皆幾二千里,然

汭也。 渭,行千六百 渭。 集解。 從故道也。 《毛詩》傳云:「汭,水涯 陽縣西秆頭 之言内也。」蓋以人皆南面望水 屬,逮也。水北曰 南至京兆陽陵,行千六百里入渭。 志》芸,涇 一之二卷《邶風・谷風》篇正義。 水北曰汭」。 〔疏曰〕屬謂相連 〔馬 且涇水南 水 曰〕屬, 《地理志》云,涇水出安定涇 出 里。 Щ, 言治涇水使之入渭,亦是 今安定涇陽西 東南至馮翊陽陵縣 入渭 人也。《釋文》。 汭。 而名爲渭 也。」鄭 屬,故訓 言治涇 ○《史記・夏本紀 一 开頭 ,則北爲 云"「汭 水入于 爲 《毛詩 山 速。 知 東

里」云云者,涇水見 地志》云云者,鄭以渭水就下文「導渭 一千里。 導渭」節。 二水自源及流,所 案曰〕鄭云「涇水、渭 涇 一人渭 渭 下文, 又人 水發源皆幾二千 河 渭 也。 經 水 見 行皆幾 又引 下

新平縣 北,邠 東流過 是也。 縣 東北 州 唐爲宜禄縣。 縣,唐爲保定縣,涇州治。 《續志》無涇 《志》,并冠以《 節解之,故于 逕 水入焉。長武在邠州西北八十里,本漢鶉觚 東逕涇州南 里,涇水出,《史記 涼府治平涼縣西 言之,蓋省併也。 東少南 東,永壽 泉縣 華亭在 州 長 東南流逕其縣南,又東南逕華亭縣 在 武 州 百四十里,本漢雲陽縣。 縣南 西安府西北三百五十里,本漢漆縣 東,醴泉在西安府西北一百二十里,本 在乾州北九十里,本漢漆縣 治。 汭水源出 府 陽縣 涇州 而 此 南 又 禹 東注 惟 東 》黄帝西至于崆 南, 在府東一百五十里,本漢安定 百二十里,本 鳳翔府隴州西四十里弦蒲 涇 劉 貢 解 南 于涇。 又東逕長武 开 陽 昭 逕淳 涇 》,《説文》水部 故 水 頭 注 又 城 也 山 于安定朝 化 東 - 漢汧縣 在 在 又 南 峒,登 縣 南 縣 今甘 其文見前 西 地 縣 逕],淳化 逕 **笄頭之山** 西 地。 北 永 邠 肅 那 又 ,唐爲 縣 南 地 藪 汭 平 州 下 又

> 里。 高 漢谷口 鄭注所云涇入渭處 十里,本漢池 陵縣 陽陵故城在高陵 縣。 西南 又東南 陽縣 ,晉惠帝析 于渭水。 逕涇陽 也 縣 置涇陽縣。 縣 西南二十里, 高陵在府東北七十 南 涇 又東 陽在 府北 へ南 即 逕 七

《傳》杜注:「水之隈曲曰汭。」隈曲即 雍州 徑横 也。 流 人北 疏曲附云:「人南面望水 故鄭《召誥》注亦云:「汭 則内亦義 水相入其間,必有隈 並無「水北曰汭」之訓。 地 又案曰」 者 人者。 从水从内,内亦聲。」既云「从 有 爲 面望水,則又可以 二渭 外耳, 汭 ,故鄭云「汭之言内」。 汭、《説文》水部 當爲 然但 汭 豈能 漢褱德 此 可以曲 渭 限 曲、罕有十字相交、 汭 以 縣 南 處爲内,其外直 僞孔忽創此 隈 必 ,則北爲汭。」但 爲汭矣。 地 云:「水 爲 北 曲 漢 今朝 爲 中 高 内 閔 也。」然 邑 内, 乎 相 解 内 縣 年

漆 泪 陵 水 既 之會,均爲 從,〔《釋文》曰〕沮,七徐反。 涇 二、渭 二水之會, 水相 人,均爲水之隈 褱德者, 河、 曲 渭二

《十三州 **参**地 屬渭」是矣。 與漆合。 東入渭。」沮則不 于渭,以渭爲主故也 傳 理志》云, 日 漆沮 志》云:「漆 渭發源遠 漆水 之 故此言「漆沮既從」, 水,已從入渭 知所出、蓋 出 以以 水出 扶 渭爲主,上云「涇 風 漆縣 漆 東 縣 西北 人渭 西 疏 岐 闞 已從 時 曰 Щ E 駰

其封域 之陽 也。 云: 召 所 〔案日〕《大 徙 南 ·云「猗 「公劉遷豳 地名,今屬 譜 戎 **^** 在 $\frac{*}{\Delta}$ 狄 豳譜》云,豳 之 與 一,周、 禹 雅 地 漆] 貢 ,居沮漆之地。」《周 名, 右扶風美陽縣 》 雍 召者 沮」,傳云「岐 州 今屬 者,公劉 岐 禹 Ш 右 貢 一之北。 扶 土 白自 () 雍 周 風 沮 邰而 之二水 栒 漆 太 州 王 邑」。 岐 周 頌 自 南 篓 Ш

疑皆: 也,而 譜》疏 人。 州 щ° 地 作 沮 縣 杜陵岐山,東入渭。 漆縣者矣。然皆不言上 則鄭箋云「漆在豳」者,即《漢 在 翢 有 岐 漆 志 :杜陽。 一,其實 縣西。 西 即 杜陽縣。 周 始 水出 北 酈 《説文》水部則云:「漆水出 岐 》分爲二漆水,其説 遷 漢 沮 引 以 泛焉 Ш 岐 注 扶風 漆 則 至 杜 《續志》亦云 Ш 引《 之異文。 以上所言,皆即 縣及杜 也。 豐 無考。漢 預云,豳 東人渭。 今長武、邠 Ш 杜 潛》 鎬 陽 海 《漢 詩 縣 陽 經》 然 而 疏 志》 俞 縣 在 右 則 酈 縣 又云「羭 云: 曰入洛。」杜 今有水出杜 地 山」,俞 州 扶 新平漆 右 毛 源 又引闞 有 云: 也。 此經既從之 談 扶 風 所出,下 漆 鄭 漆 法》所 有 風 水 《水經 漆 次 游三州 Ш 雖 沮 縣 漆 駰《 漆 之 右 水 疑 分 自 縣 據《豳 東 縣 十三 山 陵 扶 流 即 云 豩 水水 北 當當 漆 風 在 漆 縣 又 所 漆 歷

西,又 沮 注 北 有 武縣是。 此文。《元和志》云:宜禄縣東至邠州八十一里,今長 于 西 所 水合,非漢之漆水也。」今考涇水 古今異名耳。 宜 異。』《寰宇記》云: 考李吉甫《元和 不 旧 岐 涇。 九 能 據 于涇,言入渭者 東南流入永壽縣界,漆水東北 禄界來,又東過 111 Ш 土 土 里,漆縣,唐爲新平縣,今邠州是。 北 定, 東北 麟游之漆當是沮水,土俗音訛 JIĮ, 即 今麟 識 奇 漆 但 淺 異 谿 今邠 注 東 所 (), 今説 見浮 游 謂 涇水。 北 麟游之漆 出 州 縣 之漆 志》云:「漆水在新 流 ·', 無 所 非。 所 漆 東 $\lceil \langle \rangle \rangle$ 互 經白土 入各别,自是 治 縣 出 水經 恐是 以 渠, 南 北。 也 辨之矣。」酈 二漆之中必有 ,考之經 亦 水 西 注 有 漢之 南 一原東 南 今本《水經注 今縣 ₩ E 漆 流 流 水, 漆 與杜 , 漆 史,各有 注 陳陽 西 自 北 流, 水, 兩 岐 九里 邠 與此 雖疑 平 流 水 **※**無 必 州 陽 自 但 原 注

> 過漆 之西。 渭,一 渭 也。 沮 漆沮,雍州之漆沮,非「導渭」之漆 爲 解 正 沮 漆 爲馮翊 則合杜、 義 而「導渭」云:「又東會于涇,又東 耳。 于 則漆 此 然 北 節 沮 岐、 此 之洛水,是 解 乃在 雍 水, 爲 以 扶 涇 入渭, 風 水之東。 也 則 漆 注 沮 皆 于, 在 涇 涇 以 蓋 沮 有 水

書》引此及《地志》俱作酆。 灣水攸同。〔《釋文》曰〕灃,芳弓反。○〔案曰〕《漢

林苑 傳曰 理 人渭 一志》澧 澧 水 水出 所同, 扶 同 風 鄠縣 之于 東南 渭。 北過上 疏

《水經 去,非 東至鄠縣。 南,槐里今爲興平縣,在西安府西少 今縣北二里。 案日》地理 也。 渭水》篇 鄠 「又東, 志 縣 上 今屬 》 扶 林 日 苑在 渭 豐水從 風 西 上 水自槐里縣故 安 有「右」字,疏 今長安縣 府,其故 南來注之,渭 北一百里。 西 城 南 城 在 删 又

注,維 張 渭。」《長安志》: 故 出 凡 中 五里。」司馬相 豐水之西,鎬在豐水之東,相去蓋二十 武王治鎬,詩詠 縣在西安府西北五十里。 終縣界,由馬坊村入咸陽,合渭水。 其下闊六十步,水深三尺。 十五里終南山 山 水 八川? 異 獨 記》云: 揖 與 南 著 戀 豐 曰 山 禹之績。」言攸 谷 于經。 , 惟 水會于短 八川 中,北 「涇、渭、灞、摌、酆、鎬、潦、潏 豐 原 惟涇 水 阜 如《上林賦》李善注引《關 豐谷,其源 「豐水・ 人渭。」酆水,禹功所及, 出 石 其 陰山 在 激 鄠 事。 渭 《 詩 》 縣 而 同也。文王作豐, 内。 北、餘皆在 出長安縣 已。」《漢 南 鄭康成云,豐在 闊 Щ 曰:『豐水東 自鄠縣界來 水會 酆谷,北入 十五步, 西南五 無 |渭南, 他 咸陽 高

荆、岐既旅,

〔傳曰〕已旅祭,言治功畢。 此荆在岐

縣南 東,非 志》云《 東 而 西 荆 先 禹貢》 州 之荆。 荆 後 北 岐 條荆 **「疏** 荆 在 日 Щ 岐 一治 在 東 水 馮 也 從 翊 下, 懷 地 理 德 自

〔案曰〕馮翊上有「左」字,疏删去,便非

漢制。

終南、惇物,至于鳥

鼠

舉山名,不言治意,蒙上「既旅」也 山,古文以爲惇物。 風武功縣有太一山,古文以 Ш 風武功也。《史記・夏本紀》集解。 鄭曰〕《地理志》終南、惇物、皆在右 名,言相望。〔疏 皆在縣東。 日〕《地理志》云,扶 爲 終南; 傳曰二 三山 垂 空 扶

堂。」傳云,周之名山曰終南,亦名中南。鄭用之也。《詩》:「終南何有? 有紀有《續志》略同。云古文,則是孔氏説,故右扶風武功也」者,疏引前《志》云云,〔案曰〕鄭云〔《地理志》終南、惇物,皆在见。

當之。 謬。 冢。」 龍嵸。 也。 里,渭水逕其北,南對太白山。 遂 崔崒。」潘岳《西征賦》:「九嵕嶻嶭 惇物山 南、太一, 以武功之太 言之,此 高誘注以爲 在 左 唐六典》云「關 武 號 以終南爲南山之總名,太一爲一 田、盩厔 一傳》司 又名 功 《水經注》云,太一山亦曰 賦家之言不足深據,而李善曰「 張衡《西京賦》:「終南太一,隆 「在今武功縣東南二百里,即太一 縣南,武功故 面終南而背雲陽,跨平原而 Ш 此 以二賦徵之,不得爲一山」。 馬 「終隆」, 四縣之境。 西 駁 即終南 一爲主峯,故《漢志》以 侯 起秦隴,東跨長 去《漢志》之説, 日 内道名 中 見《淮 縣 Ш 在今鳳翔府 是也。 南,九 Щ 然綿 去長安二百里。 南 日太白」是也。 俶真訓》 州之 三雖 安、咸 以今輿地 郿縣 太白 險 廣 太 山之 東四十 太一 連 了; 而 終 崛 是 嶓

之北峯,故連言之。

等今不悉辨。 詳見下文。 南,今在甘肅 山」。鳥鼠山、《地 志》删去「右」字,便 又案曰〕《漢志》扶 蘭州 荆、岐、 府渭 志 風 》在隴 非 上有「右」字,疏 鳥 源 漢制,非也。 鼠,並詳見「導 縣 西首陽縣西 西,渭水出。 此 引

野、《漢書》作「壄」。 「蘇野。〔案曰〕豬、《史記》作「都」。

野 是也。 隰,《釋地》文。 記·夏本紀》集解。 [傳 曰] 下 溼 傅寅《禹貢集解》一卷。 屠澤。《尚書》疏。 之澤也。 屠澤,古文以爲豬野。 鄭曰〗詩》云「度其隰 地 名。 原隰,豳 《地理志》 言皆致 《地志》武威縣東北 ○林之奇《尚書全解》九卷。 地,從此 ○蔡沈《集傳》二卷。 功。 都野 原」,即此「原隰」 在武 **「疏** 致 功,西至豬 曰 威,名曰 日 」下溼 隰。 ○《史 野

(案曰)鄭云「《詩》『度其隰原』,即此原

後 案

DП

八

已旅 甸之。 今陝 今此 康公述公劉 箋但 隰 從 終南也,原隰即 豬野之澤」者、《小雅》:「信彼 地,原隰在 疏 引前《志》文。 鄭 此 實 平,惟 西 一空言 經「低績」, 地。 云云也 西 也 畇畇原隰,曾孫田之。」南山 北 直隸、邠 者, 度其 而 逾 此 鰯 于 彼 遷 河, 地 鄭 此 隰 栩 鄭又云「從此致 此原隰也 州 亦是 大 漢武 經 尚宜致功, 與 又引《地 以 事 及 至武 雅 引 原 所 治 則 威縣 LI 田 • 轄 隰 翢 之多 公劉》篇文。 爲 威, 理 原自 屬 説 三水縣 地之水故 渭 志》云云 則 故 者 武 少, 南 南渭 復治之。 畢治矣。 功 是 一,彼是 威郡,今 Ш 非 栩 北 有 即 維 也。 地 既 楙 禹 至

休屠澤也 注云 日」《 水 一古文以 縣 經 在 一》「都 姑 臧 爲 城 豬野 澤在 北 百里, 武 其 威 水 上 縣 東 北 承 東

甘

涼

州府鎮番

縣

地

也。

城也。 縣。 今爲鎮 縣故 威郡,其故城 馬城河。 又東 姑 屠澤 武 漢太初四年,匈奴渾邪王殺休屠王降,以其 西北,歷黄沙阜,東北流,注馬城河。 今涼州府治即姑臧故城也,北至鎮番 出 在涼州姑臧縣北六十里。 又東北 凉州,遷于冀,晉徙治此。 姑 ·里,人 威 臧 臧城 一、俗謂 入海。 城 《漢志 武 北 地 番縣 清澗 南、《漢志》宣威屬武威 理 始澤,澤水二 下 逕 又與長泉水合, 豬野 武 地。 志 在今莊浪 》武威郡休屠縣有休屠城。 馬 之西海。 威郡 水 届 ₩ E 城 一世謂 又 此 東 涼州 東北 八馬,水 水 縣西北。 謂 治也。 流 水 其 又東北 源 之 逕武 水側 兩 出 出 水又東 水 馬 姑 分, 東北 漢元朔 姑 郡 又 城 出 臧 城 威縣 臧 《漢 與横 ,西魏省入姑 東 姑 城 北 一水北 縣 河。 流 臧 流 東 《元和 南 三年 北 志 一百 城 西 故 爲 注 滑 水合,水 衆置武 逕 東 城 馬 城 九 北 即 志》云 次屬 揟 改 百 北 + 城河。 流 水, 東。 次 休屠 雍 里。 威 威 縣 武 日

危既宅,三苗丕敘。

畢,已 竄三苗, 放 于瓜 地理通 知三危之山 記》云云、《地記》乃妄書,未必 瓜 所 大有次敘 文苑注》十 記索隱》一卷。○《玉海》十五卷《地 南。 在鳥 三苗之族大有次敘。 鄭 于 在。 州 也。 《尚 日》河河 三危。 [州。]杜預云:「允姓之祖,與三苗俱 鼠之西, 于三危」,是三危爲西裔,未知 釋》五 《地理志》杜林以爲敦煌郡,即古 書》疏。 四 昭九年《左傳》:「允姓之姦、居 卷。 卷。 .'圖》及《地記書》云∵三危 ,必在河之南也。 瓜州,今敦煌 南當 ○王幼學《綱目集覽》。 ○王天與《尚 [傳日]西裔之山 水災既除,彼得安定,故 岷 / 疏 Ш 書纂傳》四卷。 則在 日〕《舜典》「竄 也。」鄭 理門》。 禹治水未 可信。 積 已可居, ○章樵《古 石之 引《 ○《通 山之 之山 ○《史 地

《地記》,必古書可據者也。三苗已詳文。又引《地記書》者,鄭注《禹貢》屢引〔案曰〕鄭引《河圖》云云,疑《括地象》

厥土惟黄壤,厥田惟上上,厥賦中下。《堯典》。三危詳《堯典》及下文「導水」。

美惡, 《王制》云:「凡居民 永定也。 差,在後隨人少多,必得更立其等,此 言初置邑者, 當相準,而得有人功修、人功少者、《記 居先定,新遭洪水,存亡不同,故地 以居民,地、邑、民居必参相得也。」則民 升之極,故云人功修,此州降之極 人功少。 日]此與荆 八功有多 其餘相較 第 州 可 賦 以 少。 田升降皆較 賦第六, 量之,而州 少 量 量 治水之後,即 者,從此 地以 人功少。 境闊 制 六等,荆州 可 邑 遠、民 一,度 知也 勢有 爲 此 地 疏

以 則與 案日」 是,乃妄爲人功修、人功 上 爲 賦之上中下 肥 田之上 美,下爲 中下,鄭 ·不妨 磽 薄 參錯 主 而 地 不齊 少之説。 賦 形高 輕 重不能 也。

厥貢 來金反。 計其民困已蘇之後,堪爲定制 法也,安得云《禹貢》非永定者邪 云云。 曲 附之, 惟球、琳、琅玕。 州」云「貞,作十有三 琅音郎。 聖王 云治 垂 水爲 玕音干。○〔案曰〕球、《史記》作 憲 [《釋文》曰]球音求。 此 豈 差, 如 年乃 後 此 必 苟 更立 同」,是固 且 前 紛 立之 其 琳, 等 韋

珠者。 皆云: 珠也。 美者,有昆侖虚之璆、琳、琅玕焉。」説者 而 《釋文》。〔傳 鄭曰」 似 珠者。 《毛詩》十 球、 球, 琳, 「疏 美玉 日〕球、琳皆玉 八之四卷《大雅・韓奕》疏 美玉 日〕《釋地》云: 也。 琳,美石 琅 名。 玕 也。 西西 琅玕 石 琅 北之 而 〇 又 似

文》琳字次球,亦云「美玉」,嫌與球無自是美玉也。又云「琳,美石也」者,《説一上玉部云:「球,玉磬也。」既中磬材,〔案曰〕鄭云「球,美玉也」者,《説文》卷

别 證,是也 故 亦云 [似 鄭 不 從 珠」,《 也 0 説文》同,并 又云「 琅 引此 珠 也 者,

浮于積石,至于龍 龍門西 龍門 河 翊 曲 外,東北 沿河順 而 渭北涯逆水西上。 沿 河所經也」。 夏陽 東 水 河順 曰]積石 直, 郡 相 在 山 涯 逆水 縣 河 之西界也 向 金 在 流 流 入塞内。 北。 也。 故千里 城 河 愐 而北。 故逆流 西上,言禹白帝訖 東之西界。 河 北 山 《地理志》云,龍門 此山 河 關 在 門 千 從 而東,千里 西 金 縣 《釋水》云「河千里一 積石 〔疏曰〕《地理志》云, 曰會。從河 當河之道,禹鑿 會,合也。 里而東,千 西來,至 城 河,會于 西南羌 西南, 非 逆流曰會。 河之 中, 渭 此 而 河 人行逆 源,故 里 ,從此 汭 南 北 所 Ш 河 而 經 至 以 在 南。 也。 自 于 云 通 故

確

甚。

安國卒于武

帝

始 金

元六年方置,史

城之名。

先始元庚子三十三載,安得有 金城湯池。」則始元庚子以前,此地未有此 邊塞闊遠,置金城郡。 案日〕積石詳「導 其卒當于元鼎末,元封初,方年不滿四十,故太 南塞外。《漢・昭 ,此州言發都更去, 或又疑傳所謂 金城 傳乃魏晉間人假託 界也。 南山 在始元庚子之前,且三十載,何 山在 鑑》胡 而此 追 瓚 内, 大宛列傳 之世 西南 書也 日 至鹽澤,空無匈 金城,恐指 《地理志》同。 獨不 在今甘 三省于此 稱 西 昭 邪? 河。 諸 帝紀》始元六年庚子秋,以 帝 然。 南 考騫卒元鼎 金取其堅 州 始 金城 》敘張騫擊 郡名如 羌 取 明諸州皆然 應劭 金城 之末, 事 《地志》 肅 天水 中, 郡 非武 注, 奴。」似 孔安國爲武 縣 平 西 EI: 固, 陳 金城 三年丁 隴 而 河 惟 匈 帝 名矣。 故 初 言 西 府 水 金 言 郡 是 奴 時 **《墨** ,則又不 長沙之 築城 時 博 事 張 昭 卯 西 行 城 子》言 還 也 已有 而此 此 帝 ± 掖 帝 尤 寧 寒 郡 都 説 安 傳 于 博 通,相 安府 龍門 ^②北 渡 錯 所謂 泉,即 後 禹 諧等自梁 梁山之稱。 縣 可 各一 城 中 志 龍 縣 周 門 知 開 東 則不可 積石 門 在 魏志》梁 金城、蓋指郡言、 縣 時 今蘭 河 渡 宜 也 北 傳 夏陽 郡 汭 置 Щ Ш 所 Ш 治 八十 鯀 州 謂 繫河 通 在 金 北 立 龍 黄 允 縣 Ш 府 Ш 城 治水

金、故

名金城。」臣

或 傳

作也。

又《史記

山

西

河

津

縣。

寰宇記》云:

河

在

韓

城

縣

東

Ŧi.

+

里,

自

延

流

人

境,

歷

龍

門口

· ; 而

下

有

濟

誉

于

河

西

以

待大軍

即

有

河

П

略

似

龍

門,而

不能

時

所

鑿

續 續

用

弗

成,今名

突有之,知此

金

城、河西

西並 然《通

已云積

石山

在

類

~,或前

有

所因,

史公謂其蚤卒。

士,計

縣

西

外,東北入塞

河關

縣積石

苔

縣

東,唐

爲五

泉縣,蘭

州

治。

宋

 \mathbf{E}

蘭

在郡

:界明矣,況縣乎!

且雕

注

所

敘

金

關

縣下,而

金城

縣

然無之。

觀

其

云

在

郡。

此

六

縣

中

不

知

有

金

城

縣

否。

地 羌

治泉

蘭

縣

也。

與

積

石

Щ

相

去懸

絶

傳

而郡

非

=武帝時

有

則

傳非出安

今同

州

府

韓

城

縣

龍

門

Ш

在

里,

與

山

西

河

津

縣

界。

之道

更人雍

州

Ti.

河之西岸,

華

陰、

朝邑、

韓

城

門關

在

韓

城

縣

東

北

龍

門

最

爲險阨

關之下即

禹

門

長

隋大業十三年,李淵遣王

Ш

北

有龍門

山

故龍門

亦

兼

皆是。 上,而 平陽,何得反西至渭汭? 西河、河津、滎河等縣界,尚須從汾水往東幾百里 説,至此則窮矣。禹治水功成在堯時,堯都平陽 見鄭注之確。 故僞孔亦云「逆流曰會」。 浮積石至西河,是自西 于華陰,故曰 然則禹終年僕僕道涂,何暇治水耶? 疏申之云還都白帝訖,又到雍州,且云「諸 河 自僞孔創還都白帝之説,各州皆 自 渭 北 汭。」此節依鄭注,是循行 來, 丽 于是僞孔不得不云「逆水西 必如此 東,會渭 渭 自 ,循行州境乃徧。 東注 汭又是自 一實交 非也 東 尚 馬至 而 州 方至 可 西。 會 足

崙二字,《説文》卷九下山部無。《史記》作「昆侖」。《漢 織皮崑崙、析支、渠搜,西 曰〕崙,魯門反。析,星歷反。 》作「昆崘」。 傅寅《禹貢集解》一卷。 搜,三山之野者,皆西戎也。 有昆侖之山 鄭曰」衣皮之民居此。]昆侖· ○傅寅《禹貢集解》一卷。 在臨 搜、《漢書》作「叟」,師古云:「叟讀曰搜。」 ,非河所出者也。 羌西,析支在河關 ○《史記索隱》一卷。 搜,所由反。 戎即敘。〔《釋文》 〔王曰〕西戎,西 昆侖、析支、渠 昆侖,謂 《尚書》疏。 ○〔案日〕崑 西。 馬 别

曰」織 傅 用鄭義,改爲四國。 序之,非上威服致其貢物是也。」僞 書·西域傳贊》引此而解之云:「禹 戎,今已即敘。 謂織皮之民居此 外,流沙之内,羌髳之屬 域 云「昆侖 記言昆侖凡 國,傳非是,當以鄭爲 無分爲二者。 二,或并西戎爲四。 水經注》云:「自昆 案曰〕鄭以昆侖、析支、渠搜爲三山者, 别有昆侖之山,非河所出者也」者, 宣《禹 也。 釋 皮,毛布。 貢 《尚書》疏。 集 氏《西 墟 解》一 在 四處一 西戎乃總名,不得别爲 西 卷。 即 域 ○林之奇《尚書 北, 有此 記》 t 敘謂 三山之野者,皆是西 ○《史記 爲 侖至積石 疏謂傳或分渠搜 考諸書言渠搜, 正。 河源。 謂 四 就而序之。 皆就 河水出 之阿 國, 索隱》一 鄭又云西戎 全解》九 次敘 山 在 一千七 耨 荒 其東北 卷。 海 服 卷。 傳 就 從 漢 之 爲 不 傳 而 0

云

劉

元

鼎

使

還

言,

自湟水

入河

處

行

二千三百里,有紫山

直

大羊同

或

中

西

南

河之所

出

一。」《唐

書

[• 吐蕃]

傳

吐

蕃。

通

典》云:

吐

蕃

自

云

昆

侖

山

在

此

明矣。

《括

地

志》云「在

酒

泉

縣

西

南

里,

今肅:

州

西

南

昆

侖

山

是

也。

一在

謂

此

Ш

也。」《禹貢》昆

一角在臨

羌之西,

即

也,其 從無以 五千里 《水經注》云: 出 所云昆· 甚。 傳》云:「西羌之本,出自三苗 支之地,是爲河 居其右。 渠搜皆山名。 古 南 侖爲西戎所居。 九 會解 去, 陽 所 者,西戎之别名」是也。 亦非 河關之西南, 羌地是 吐 謂 關 國 雍 此 蕃 》,正西有昆侖等九國, 侖墟至積石 昆 几 近 河 西戎所居。 州 河水 爲 悶 命, 萬 南 太 源 昆 摩 餘 岳。 遠 自析支以 其 虜 東流 馬云「析支在河關 侖者,不足信。 黎 里, 間 曲 , 其 鄭與馬合。 Ш 及舜 是是 矣。 悶 屈 而 一千七百里,正 , 唐 非《禹貢》之昆 鄭意蓋 摩黎 昆 流四 西,濱于 也 ^ 而 人造言,唐 也 後漢 東北 山 更 案 以臨羌之昆 《逸周 凶,徙之三 鄭 濱于賜支. ,姜姓之别 在 書 孔鼂注云 東 西 以析 ,逕于析 Ш 河首, 羌 西」者 西 海 距 海 西羌 書 一河所 以 海 侖 長 距 支、 • 前 之 明 玉. 安

侖 之 體

周

穆

王見

西西

王

母

',樂而

時,「酒泉太守馬岌上言,酒泉南山

泉。

《漢志》:

「金城臨羌縣西有弱

水、昆

侖

Ш

祠。

崔鴻《十六國春秋》云:

張

駿

即

昆

《大荒

經》云:

西西

海之南,流

沙之濱,有

紀》所云昆

侖者」 是也

一在海

水分

流

東

西

西

大

海,東

爲

河

源

禹

四

+

里。」又

引《

(涼土

異

物志

曰

一蔥

領之

大山

名

日

昆

侖。

其下有

弱

水

之

淵

之。」此山

與條支、大秦

國

相

近。

禹

本

紀》云「去嵩

高五萬里者」是也

在

酒

《周 谷渾是 《禹 注云: 引《武 注 : 地後 交阯 西寧 在 讀 河 文》誤引《漢志》朔方郡渠搜縣當之,并 石,爲中國 兩 蠻夷,西 至乎 古 、渠搜矣。」誤始于此,陸氏 析如賜字、從聲變、故一 河合流 書 縣 河 爲党項所居。 析支之地,漢 渠搜,西戎之别名也。」是也。 自朔方 紀》「北發渠搜」爲 《禮 首 此 西南, 所 也。」漢河關 北 王會》云「渠 以 · 至 河 接 三朝記》曰:北發渠搜,南 析支者也。 地千 東 塞外 鹽 鄯 對南、《禹 善、車師。」漢 澤潛行 轉,逕渠搜縣 謂 里,皆 地也。 西羌之别種 《通典》云: 積石 縣在今甘 /. 捜以鼩 地 三羌地 貢 爲 南 證。《水經》: 渠搜亦西戎。 下, 作 河 接 学之 犬」,孔鼂 首。 故城 因 一党項 賜 人 肅西寧府 蜀 南 一、北連 賜 所云 之。 U 支。 出 漢 支者 北。 北 徼 于 西 彼 析 撫 吐 羌 其 音 積 域 外

> 之。 定其所在 氐、羌。」渠搜之爲西戎無疑,但今不能 在 武 金城 西戎,則 紀》應劭 《五帝本紀》云:「西戎、析支、渠廋、 河 也 關 必不以爲「北發」。 之西 注 云: 西 「《禹貢》渠搜屬 戎也。」劭 臣 既知 瓚 雍州 渠 亦辨 搜

《漢書》並作「汧」。音道。岍音牽,字又作汧,馬本作開。○〔案曰〕《史記》、尊岍及岐,至于荆山,逾于河。〔《釋文》曰〕導

毛晃《 《書傳》五 列,嶓 通 注 東萊先生書説》《圖説》。 ○金履祥 理志》岍在 尚書説 尚書全解》十卷。 鄭曰]四列: 》二卷。 卷。 《禹貢 冢爲次陽 》二卷。 卷。 《尚書表 ○吴澄《 ○陳櫟《書傳纂疏》二卷。 指 南 ○薛季宣《書古文訓》三卷。 右 》三卷。 ○蔡沈《書集傳》二 1扶風。 注》上卷。 導岍 《書纂言》二 列,岷 程大昌《禹貢論》上卷。 ○傅寅《禹貢 爲 胡士行《 《尚 陰 Ш 0 一卷。 董 書》疏。 列,西傾爲 爲 一鼎《書 《尚 一卷。 0 正 陳 ○劉三吾等《書 集解》二卷。 書詳 一陽列。 師 〇時 集 ○東坡先 凱 傳 解 瀾 輯録)林之奇 ○黄 書 次陰 卷。 地 篡 度 牛

傳會選》二卷。 爲北 ○金履祥 ○《小學紺珠 條,西傾 ○《史記·夏本紀》集解。 **《通** 鑑前 爲中條,嶓冢爲南條。 編》一卷。 (馬 ○《玉海》二十卷 曰]三條: ○又≪索隱

指南》 河。 注。 導岍 岐 尾 祥《通鑑前編》一 吾等《書傳會選》二卷。○《史記索隱》一卷。 集傳》二 苑注》十八卷。 洪适《隸釋》三卷。 旁通》二卷。 全解》十 尚書》疏。 地理門》。 地 屬,言此山之旁所有水害皆治訖 所在,治 ○董鼎《書集傳輯録纂注》二卷。 理圖》。 / 疏 (説所治之山,本以通水,舉其 一卷作 卷。 三上 Ш ○東坡先生《書傳》五卷。 ○陳櫟《書傳纂疏》二卷作王注。 〇程大昌《禹貢論》上卷。 ○傅寅《禹 Ŧ. 〇胡士行 皆 山通 注。 卷。 [傳日]更理説所治山 雍州。 文每 ○《小學紺珠》二卷。○章樵《古文 ○金履祥《尚書表注》上卷 ○《玉海》二十卷《地理門》。 水,故以 《尚 貢 州 書詳 集解 河 説 解》三卷。 謂 》二卷。 其治水登山 山名之。 梁 ○陳師凱《書傳 ○林之奇《尚 Щ 〇毛晃《禹 ○又《禹貢 ○蔡 龍 ○金履 山 川首 **沈≪書** 劉三 也。 作 王 貢

> 也。 汧 縣,三山 地 Щ 理志》吴岳 此 處 皆 Ш 在 在 勢相 美 雍 在 州。 陽 望,越河 扶 縣 風 逾于河, 汧縣 西 北 而 東 西,古文 荆 謂 Ш 山 在 逾之 懷 以 德 爲

海、碣 義 Ш 正居陰列之末,所 次正陰,次陰列。 經文前後言之,其實當先正陽,次次陽: 山 鄭此注所分岍 没于勃海、碣石。」本《史記・天官書》文。 爲陰,東南爲陽也。 就水之原委言,則 脈絡言也。 一中國 [案日]鄭 也。 ,皆在隴、蜀,正所謂「維首」。 ,南條荆山,是古有此説。 石者。 山川東北 馬云「三條」者、《漢志》有北 云 「導岍爲陰列」云云者,西北 鄭注 四四 列者,鄭意以下文導水, Щ 流,其維首在隴、蜀, 與《史》、《漢》合,此古 謂 而至于碣石,人于海, 此導山,就山之首尾 西 《漢・天文志》云: 東 傾 北 山、嶓 流,尾没于勃 但以嶓 冢 又鄭順 Ш 條荆 岷 尾

Ŧi.

吴嶽 州治 川。 汧 同。 此 決 南三 鎮 鄭 Ш 記 經注》云:汧水出汧縣之蒲 岷 IE. 互言之, 加 爲弦 文云 無 Ш 曰 引 山 也。 薄 考吴嶽,班、 封 水又東 里有 岍 嶽 明 山 疏 山 地 吴山 又引 雍 山 禪書》言,自 蒲藪。 山 ,水名汧。」《職方》: 列 汧水東 省縣 或析 嶽 志》 。」是也。 州 汧縣 并 會 又析 Щ Щ 云 爲 言 人今爲鳳翔 岐 國語》所謂 《爾雅》曰「水 故城,汧 云 岐 酈皆 逕汧縣故 之 吴 山 水, 一者,疏 條, Щ 續志》亦 微 在 也。 華 漢 發 謂 與 恐 美 吴 汧 以 南 Щ 引 縣 不 嶽 即 嶽 西 陽 當 虞矣。 城北 岍 Щ 在 府之隴 名 前 如 鴻 Ш 以 谷 縣 云 唐汧源 境内。 西 鄭 Ш 山 雍 而 鄉弦中 一: 汗 西 決 蒙、瀆 志》 漢 侧, 爲 七 州 義 古字虞、吴 北 之 會 志 州 文, 長 澤 龍 縣 縣 俗 其 《水 山 也 中 爲 以 魚 州 Ш

寰宇

記

謂

後

漢

末

及

 \equiv

或

時

大

漢

在

朝

邑。

൬

富

平

復

有

懷

德

故

城

德縣 德故 記 即 歷周 也。 南,下有彊梁 志》左馮翊懷德 + 東 即 城 岐 水 又案 》周 里, 北 此。 岐 Ш 鄉 城 非直因 Щ 原下,北則 十 勃 日 唐貞 有周 此 岐 周 疏又引「荆 里。 矣。 從 乃 懷 太王 山 美陽 德 定 西 之陽 續 城。」《水經 觀七年置,周 Щ 岐 山 建 漢 所 原,洛水 志》 三秦,賜 致 一今在陝 陽 縣,《 舊縣 中 置之始。 縣,「《禹貢》北 邑。」《續 偂 名,亦指 廢縣 無 水 Ш 近 禹 懷 荆 鄉 在 西 東 注 貢 德 在 西 成 懷德 Ш 邑懷 小岐水 志》云 南 》岐 縣,省 太 所 鳳 岐 今 朝 水 在 周 王. 山 翔 謂 其境 所 Ш 滑 縣 德 聚 居 邑縣 條 縣 府 居 逕 稱 在 併 1、尋置 "。」 案《 也, 者,《 岐之 荆 東 岐 岐 矣。 周 也 美 西 也 水 之 Щ 北 Ш 城 陽 出出 史 懷 在 陽 北 陽 故 漢 縣 南 又 Ŧī. 有 中

彊梁原 于富平 名朝 洛水, 洛水 即《 故 縣 縣 徙 頗 縣西南二十里,皆謬也。 無涉也。 名,于此 **晉**白 高, 一于《水 謂 去,故 É 西 西南二十五里,宋敏求《長安志》云在 河 禹貢》荆 至 一百 坂 東 原 而 在 彭 即 南 入渭,原在 · 縣。 北 證也。 于荆 有故 經 原移富平于今縣西 立 强梁原上,當即宋時舊址。 荆山 歷 餘 加 名華 隋 注 縣 李吉甫《元和 彊梁 Ш 東 里, Ш 城存焉,其 爲 • 無 北麓,其東麓則臨于河, 地理 沮水》條内又有云:「沮 · 逾 彊梁 與經 原 名,晉 以 、疑矣。 原,今朝邑有 荊 山 絶 于 志》因之,誤 一, 在 原 Ш 河一。 意 于河,古 移富 南 爲 下,而富平縣 蓋《水經注》言 今朝邑縣治基 八實與 不 朝 懷德城 荆 志》云在 合,二證也。 若富 平來 邑縣西。 山 西 河壖 之麓, 洛水,歷 平則東 漢 載 後 治 富 荆 舊 魏 無 平 縣 土 Ш 通

> 由先儒 荆 名,遂以此爲《漢志》東南入渭之洛,并 懷德城北,東南絶沮 之懷德而 城 加 北,東南 水 山亦移之富平,非 爲一也。 東 在 南 謂 歷 原 言,固未嘗與在今朝 漆沮 土門南 上。」又澤 鄭渠,合沮水」。 而唐宋以來因之致誤者,蓋 爲 洛· 原 也。 出,注濁 水, 下, 泉 水東「逕 東 而澤泉逕富平 逕 水,得漆沮之 此皆指 懷 邑縣者 德 懷 城 富 南, 混 平 城

壺口、雷首,至于太岳。

彘縣東。 南,雷首 上黨,故云在「上黨西」也。 疏曰》、地理 傳 旦」三山 在 是「三山 河 一志》壺 在 東 蒲 冀州。 在冀州」, 坂 縣 在 南, 太岳, 河 太 東 岳 北 太 岳 在 屈 東近 河 東 東

首山祠。故曰蒲,秦更名。」應劭曰:「秦云云者,彼《志》「蒲反」又云:「有堯山、〔案曰〕傳云「三山在冀州」,疏引《地志》

_.

 T_{1}

八

舜所 餘 即 在 始 詳 霍 今 皇 三翼 都 山 東 Ш 巡, 西 州 漢 傳 蒲 見長坂 上黨郡,今山 又云太 州 府 治 岳在上黨西者,太岳 故 永 加 濟 縣 『反』云。」故 西潞安府是。 東 漢縣 城

則行

讀如字,故陸氏兼存之。

案,行,古本讀若杭

晚周

行也 不 西。 從 載 低 日 低柱 柱 王 屋 此 地 至 压, 在 三山 Ŧ. 理 河 柱 志 屋,在 東 **三**云, 在 在 垣 大 冀 縣 陽 冀 析 州 東 關 州 城 南 北 東,析城之西。 在 南 河 河 之北 河 東獲澤縣 地 之北 理志》 東 行 東

陽 城 删 案日 南字 州 縣 ", 其故 垣 []《漢 ·, 非 曲 解 縣 州 城 也 志》析 其故 平陸縣,其 在 獲澤 城 城 西 一今爲 在 在 濩 + 縣 故 連 澤 Ш 西 城 縣 西 四 在 澤 西 垣 縣 一縣今爲 州 里。 南 東 府 陽 疏

> 行,户 太行、 縣 屋 剛反,又如字。○〔案曰〕太行,《列子》作 i、 恒 漢 地 Ш 西 在 縣 Ш 與 今懷 至 垣 大 于碣 曲接界。 陽 慶 關 府 石,人 濟 在 今 源 河 縣 于 西、南 海。 北 陜 州 (釋 唐 東 「太形」 文》 王 Ě \pm

變讀若形,非古音。 海, 海。 屋 壺 接 山 山 太 名,故以 百川經 去碣 碣 上曲 行 山 旦 百 Ш 石 雷首 不人 以 近 陽縣 川 此 丽 石又遠,故 在 此 太 山 Щ 經 河 言之」 衆 入滄海」。 、太行、經底柱、析城、洗 海 言之。 行,恒、衛、 Ш 西 此 内 又案,恒、《史記》作常,避 山,禹皆治之,川多不可 也。 北。 衆 連 Ш 也。 延 陽縣 Ш 云「此二山 又解治水言山之意, 太行 馬皆 疏 東北 言 謂 滹沱、滱、易 西 日 去恒 Ш 漳、潞、汾、]《地理 北。 接 1治之, 旁之水皆 碣 連延,東北 山太遠, 恒 石 志 不 Ш 而 涑 芸 在 可 人 人 常 滄 在 勝 恒

山、碣石之等也。

潞諸 之」,導 王 鄭異。 行 疏 臨 山 之、過之。《天文志》云「尾没 山 則經云「入于海」,亦是山 江」,自是言 云人,非言水人,傳非是。 案 云 引《地 大 在 在 州 山 日 西北」。 平陸,距 水、皆非也。]1[山」、《職 ,彼《志》「恒 疏偏 俶 者? 觀 Щ 傳 彼《志》又有「河 志》 真 本 經 舉 云 訓》高 壄王是正, 言 山陽 Ш 言 百百 方》「正 水次 Ш 知 之脈 逾 Ш 陽 馬、 縣 脈 山]1[且「導山」諸節所舉之 誘 絶遠者多矣, 豈皆濱 非 于 傳 云云,彼文稱 北 鄭古注 經 北 注 也。 河 谷 江 此 亦 日 内 言 山 河不 在 并 衆 脈 壄 治 云「太行 陽是支。 疏附會爲 又引上 西 又云「過 不可易也。 州 主 盡 Ш Ш 能 北 于勃海 馬 于此, 旁水, 其 禹 斷 有 、太行 Ш 東太 曲 在 皆 而 淮 故 逾 九 與

> 起,綿 西,恒山 曲陽今爲直 直隸之井陘、獲鹿 壺 石,見冀州。 順、平定、樂平,以 内 府 \exists 關、 縣 修 恒 武 Ш 平 亘 故 是是 順、 在今縣 Ш 城 故 西 也 即 隷 潞城、黎城、武 海在碣石之東。 澤州 城 今懷 定 在 漢 西 諸 及 州 縣 , 迤 Ш 慶 北。 河 州 曲 西 陽 府治。 南 而 縣 陽 北 縣 詳《 界 之 東 縣 北 輝 鄉、遼州、 今河 中皆是。 ,故城在 堯典》。 跨 太 縣、武 王. 行 縣 南 陵 自 懷 今 川 此 縣 碣 和 河 慶

驪 揭 Щ 碣石 又案曰〕《漢志》右北平驪 漢 成 在縣 石著海旁。」《續漢志》遼 石 碣 省 有 水 在 大 西 南 驪 石 遼 言言之。 南 揭 成 西絫 (官,謂 莽 縣 石 則 曰 縣。 説者遂 故文穎注《武 絫縣 下官水。 揭 石。 絫縣今 有 不 不 遼 小 數 西西 成 揭 西 罷 大 郡 縣 石 有 郡 紀 碣 人 臨 大揭 絫 Ш 臨 **>** 石,專 渝 曰 : 縣 可 縣 渝 知 石 蓋 有

注 日 : 碣 石 Ш 在 縣 南 __

石 劉 Щ 肥 昭 如 故 隋唐省肥 後 魏《 如 地 人 形 志 新昌,尋 $\check{\boxminus}$ 肥 又改 晉 如 省 縣 新 有 臨 昌 碣 渝

盧龍,故《隋 志》 日 盧 龍 縣 有碣 石 Ш

曰

《括地志》曰 「碣石 在盧 血能縣 南二十二

里。」《通典》曰 「平州盧龍縣有碣石 Ш

柳城縣,遼改曰 碣然而立在海旁,故名之。」 盧龍後僑置 廣寧,金又改曰昌黎。 自後 漢 一營州 至

縣 隋 名四 唐, 日 「變,而 絫縣 Ш 曰 則 臨 一,皆據 渝,曰 肥 小碣 如 石言之。 日盧

至《唐志》及《寰宇記》則 Ш 而 歐 陽忞《 興地 廣記》曰,石 云石 城 縣 有碣 城

故驪 石 成 也 是 又 據 大 碣 石 言之。 按《唐

志》于平州 盧 龍 縣則注云"「本肥如,武

年更名,又置撫 寧縣,七年省。」于 渝

更名。」今直隸永平 石城縣則注云:「本臨 府 撫 寧縣之東南, ,萬歲通天二年

黎縣之東,皆濱大海,

撫寧之南境、西

第 道 舉。 約 境與 成故城大約 在臨渝,或云在 不免掛漏 石 之 在 四 元《水經注》亦 山、于絫縣言碣石水、則大 昌 十卷「《禹貢》山水」條曰:「碣 後,壤 自文穎以下 今昌黎縣界。《漢書》于驪 [黎界。 地 惟郭璞注《山海經》曰「碣 在 交錯,不 今撫寧縣界,絫 自 驪成」,兩存其說。 漢 諸説,偏舉 兼 以 舉二説。 來, 可 得 縣 詳 名 小小碣 按《水經 縣 經 處者, 成 故 屢 而 石 石 言 城 改 而 漢 石 Ш 酈 並 碣 大 驅 屢

璜平仲: 故言 登之。 在遼 昔天嘗連北 其石,右夾 曰:「漢司空掾王璜《漢書· 故張 西臨 水中矣。」又第 .傳古文《尚書》。」《溝洫志》作「王横」。 海水西侵,歲 渝 君云『碣石 一而納 縣 風 南 河,秦始皇、漢武帝皆 海 水中。」注曰:「大禹 水溢 月逾甚,而 在 五 卷「河水」條 海中」。 西 儒林傳》: |南出 苞其 侵 蓋淪 「琅邪 言, 數 Ш 嘗 注 鑿

卑耳

漢

世

一,海

海

又

苞

洪

橋

柱

立

巨

海

中,

如

甬

道

數

河故瀆合。 曰:碣石 水」條注 《地理志》曰:大碣 之谿,涉 韋昭、]。《後 波也。」按酈氏 人海 海, 按《管子》,齊桓 知 水 潮 王莽改 置 又 東 淪 里,當 漢志》注、《禹貢》正 亦指此爲碣石 在 其 日 : 「 贊水。 波襄,吞食地 水 而勒 · *, 非 營州 名,豈 者 遼 大至,不動 半。 南 西絫縣 無 濡 石 日 山 即 至 水 於此。 碣 證矣。」又第 今亦不知所在。 頂 此 今城 王 既 絫 自樂安 石 所 有大石, 石 一璜 兼舉《漢 縣 稱 也。 山 公征 廣,當同 ,濡水于此 届 張 不没,世名天 義 之 絫縣 碣 在 今枕海有 並 君 海 言 石 亭 引張氏 漢武 右 邪 孤 濱, 如柱 信 北 并 南 山 志 屬 碣 平 帝 與 四 而 海 地 石 驪 臨 亦 文 有 理 現在 之説 東巡 斯從 刻碣 橋 之 驪 觀 征 秦始皇三十二年之碣石,求羨門、高 然漸及山下,非真泯 如 撫 碣 成、文穎 柱, 西。 烏 滄 甬 石 成、絫縣 寧南諸 成成 海 石門。 海、改山 海。」皆指 桓 之頂也,在昌黎縣治 道」者,今在昌黎 無論山今現 到碣石。」《漢書》武帝元封元 而酈云淪海者,蓋 人罕能至此。 ,過碣石,作詩曰: 其臺崇廣,絕壁萬 帝太安四 上,至碣石。 絫縣

嘗登

以

望

成縣

西

南

渝。

穎

濡

記》。

張

氏

不

海

水

也

北

侵,

城

垂

石

齊

潦

曠

Ш

皆是矣。

而

所

謂

枕

海

有

東

南

又仙·

境

則

其

爲

碣

石

者

自

昌

黎

一説,而

今昌

撫

寧

乃

漢

|名樂遊,此

明

係

山

在

平

年戊戌

東

巡

登

福石

存

有

不

可

誣

, 即

此

山也。

若

如

氏

誓

焉蕩焉也。《史記

Щ

距

海三十里,今

仞,頂

石

天

北

十里,撫寧

當

海

水波

《襄,偶

二世元年春,「東行郡

縣,李

建安十二年,曹

「東臨

碣石,

以

以爲淪海,不亦謬乎! 碣石當以在

加

今昌黎北及撫寧西南者爲正。

魚呂反。華如字,又户化反。西傾、朱圉、鳥鼠,至于太華。〔《釋文》曰〕圉,

見河 朱圉 щ 華陰 地 傳 相首尾而東」也 鄭曰》地 水所 Ш 理志》云, 一者皆 所經 縣 在天水冀縣 至于 在弘農 出 南 西 也。 1 雍州 ·; 在 鳥 太華,相首 傾、朱圉 理志》云: 華陰南。 隴 鼠 西 鳥鼠 之南 東 西之西。 傾在 南 望太華 在 在 Щ 朱 隴 積 《史記・ 尾 隴西首陽縣西 言「在積石以 也。 圉 西臨洮 石以 而 三者雍 在 太遠,故傳云 東。 太華在京兆 漢陽 夏 東。 本紀 縣 **「**疏 州之南 南。 西 鳥 》集解。 東」, 南。 南。 鼠 太

案日」 朱圉所在 鄭引《 漢 志 地 漢 理 陽縣 「天水郡 <u>-</u> 굿 屬 犍 冀 朱 爲 縣 幸 《禹 是 在 益 漢 貢 州 陽

郡、武 三年以 縣。 羌縣 西南 水 所言六十里不合者,今之縣 里。」最是。 今甘肅洮 據《後漢志》也。 者、《續志》弘農郡 南,有祠, 者、《前志》華陰屬京兆 志》異也 冀縣朱圉 幸 朱 郡, 同 吾 見《九域志》與《元和志》。 李吉 三十 西南六十里 Ш 帝置 明帝改「漢陽」、《續志》亦云漢 鄭 伏 在 甫《元 豫州 羌寨 里。 縣 Щ 不 州 又云「太華山 爲天水, 言冀 《伏羌縣志》云 南 廳 此所言里數與《元 梧 鄭據《後漢志》,故與《 西 山。」鄭不言 爲城者, 和郡 一,「渭 西傾已見「梁 縣 中 南 華陰,故屬 言 聚 永平十七年更名, 漢冀 縣 漢 水 志》朱 經 陽 在弘農華陰南」 在 尹 師 縣 縣 者 秦 朱 京兆 古 治 唐 □,≪志 北 太 云縣 州 圉 日 圉 乃宋 州 京 西 華 去 爲 言 Ш 兆 Ш 和 $\stackrel{>}{\mathbb{Z}}$ 九 熙 弘 Щ 東 在 在 Ш 吾 南 農 前 陽 盛 伏 在 有 縣 羌 在 與 鄭

府,山 縣,隋 Ŧī. 里 志》在首陽 梁州」。 一故不 十步,是今伏羌 秦州一百 在 屬 合。 縣 渭 縣 西 州 然漢 西 七 , 十里 唐 十 魏改 正 冀 因之,今屬 里。 冀 縣 者 漢首 移, 縣 故 太華,詳《堯 城 也。 向 陽 īE. 甘 鳥 西 縣 在 肅 鼠 今縣 南 曰 蘭 渭 典 漢 州 源 南

遂 脈 見 而 又詳言之,此處言鳥鼠,又爲治渭 又云「鳥鼠、渭水所出」,但言治渭之功, 數百里,安得爲河所經,此等何異 勢皆向北, 疏申之,以 又案曰〕傳 言 因 舉鳥鼠,「 一支蔓。 一出,不 僞 則 孔 非 廢 西傾、朱圉皆在 · 憚 爲 爲 雍州」已言之,下文「導渭」 又 四 于 治 河 煩 鳥 列 西 .所 山 耶 三條 鼠 傾、 ? 旁之水,何須妄 經 在 若依 朱圉, 不用 渭 河自 源,朱 河之 鄭、馬,以 别 牽 積 創 南 引 石 幸 (説夢。 ()何重 新 以 積 在 **引**? 相距 東, 石。 伏 Ш

> 舉耶? 緜亘 中 潭縣有 言,則《通 先鳥鼠 羌,若從傳 九域志》 小山,亦非 于伏羌西南者,安知與鳥 法 圉 後 必執班《志》「梧中聚」以爲邨 秦州成紀縣 典》天水郡 朱 爲 山 幸 治 ,紛紛不一,是 經經 山旁水, 似 有朱圉 Ŀ 誤 邽 則 倒 縣 自 有 西 Ш 若 朱 鼠 朱圉 岷 而 以 幸 不 東, 可 州 Ш 脈 大 脈 應

「倍讀曰陪。」裴。○〔案曰〕陪,《史記》作負。《漢書》作倍,顔氏云:熊耳、外方、桐栢,至于陪尾。〔《釋文》曰〕陪音

集解。 疏。 陸 東。 鄭曰」 經熊耳 東北,若横尾 Ш ○又七之二卷《檜風譜》疏。 在 凡此皆先舉所施 傳曰〕四山 方 屬 南 在 陽平氏 豫 伊 潁 州。 經外]1[者。《毛詩》七之一卷《陳風譜 [《]地 崈 東 相連,東南在 方,淮 南。 高, 理 功之山 志》熊 密高, 陪尾 ○《史記 出 桐 于上,而 在 耳 Ш 柏, 豫 ·夏本紀 在 江 也 《州界。 經 夏 盧 安 氏 桐

外 州界也 尾。 所 尾 理 條 山 方。 出 志 列 是四 在 所 嵩 桐 江 治 Ш 高 熊 夏 柏 水 接華 山 安 耳 山 于 在 在 Ш 陸 下 Ш 潁 在 南 , 縣 互 而 弘 Ш 陽 東 相 相連,東 崈 農 平. 北, 高 盧 備 氏 縣,古文 氏 古文以 縣 縣 疏 南 東 東, 皆在 南 曰 爲 以 豫 陪 爲 地 横

外 用之。 密高 嵩字則在 Ш 續志》則云 一《志》略 案曰]鄭 禹 方山 中岳。 貢》有外 嵩 縣 注 《説文》卷九下山 新附, 也。」是也 注 云: 也。」云古文,則是孔 引《 有太室、少室 同 方山 河潁 注引韋昭《國語》注云:古通用崇字。 地志》熊耳 Ш 「武帝置,以奉太室山 又引外方云云者, 潁 11 海 鄭 郡 又引桐柏 經》謂 部但 氏《詩 Ш 城縣有嵩高 有崇字,密疑即 云云者,前、 廟。 爲 譜》云外方之 太室之山 氏説,故 云云者 古文以 Щ, 崇 也 鄭 爲 是 郡 續

跨洛 名也。 白據 陸縣 之山 淮 氏 五十里。 故鄭 州界,西接 山 陽 府登封縣,山在縣北十 云云者 在 東北,古文以 又案曰〕考賈公彦《周禮 里, 山 郡 今爲南 東 陽, 山 北六十里,淮水 南 平 ,列所治水于下,然如 用之也。 故鄭又云「若横 安陸,今德安府 脈言之,傳以山 盧氏今屬河 氏縣 ,江夏郡安陸縣注云:「横尾 淮 在 北 陽 詳見「導洛」。 襄 縣 水出 跨鞏縣,縣 府 注 陽府棗 西,東南 爲倍尾 《元和志》云「山 桐 三 : 一。」《續 柏 南陝 | 《禹 縣,故 並 陽 山。」是 志 治。 接 爲水所經 亘 尾者」,蓋以 里,東跨密縣 不 縣 州, 貢》 》同 密高 湖 城 百 經此 界。 陪 傳 五 保章氏 北 在 Щ 桐 尾,在 亦孔 今爲 以 德安府 + 在縣 縣 又 柏 詳 Щ, · 非 舉 里。 引 西 大 氏 名 施 北 西 則 形 河 復 也 Ш 陪 ··, 西 功 導 隨 平 南 横 南 几 在 Ш

尾,屬 班《志》皆不合,不可從。 源 在 屬 據 隋、唐《志》並 ※春 處。 Ш 縣東五十里。此又一 東 秋 摇 兖 諸説以爲《禹貢》陪尾 星。 緯》文,外方、 州 府,本漢魯國卞縣 《博物志》 云泗 水縣 熊耳 亦云 陪尾 有 陪 以 與鄭、孔 尾 泗 爲泗 至 陪陪 Ш 出 泗 水 水陪 尾 縣 發 及 今 Ш

導嶓冢,至于荆山。

郡臨 之嶓冢言之。 嶓冢者,已見「梁州」。 梁州,經荆 記・夏本紀》集解。 南漳縣,今屬湖北襄 《續志》 案日 鄭日』《地理 府。 沮 〕鄭引《地志》云云者,《前志 縣,《 略同,是也。 鄭意 山 (禹貢》 志》 以 西縣,今西和 荆山 傳 此 荆 南條荆 嶓 、陽府。 在 曰〕漾水 漢臨 Ш 荆州 鄭于彼注 在 冢 南 亦西 沮 鄭于此 Ш 郡 縣, 出 縣 在 臨 縣 屬 以 東 *****: Ш 北 西 不 唐 「南 **©**史 肅 縣 解 改

云: 沔陽 自後 非 水 又置寧羌衛,又即 表其 而 又改大安軍,元 縣亦有嶓冢,要非東漢始源,故《漢志》 者,東漢從氐道來,納衆川 源 但 于沔陽不言有嶓冢,而應劭 無西漢。 亦即 繋氐道下,或作瀁,與漾同。 **一縣**。 所 後魏正 此 「嶓冢導漾,東流爲 魏以. 道亦似 不 縣 山 嶓 又改此縣 唐又改金牛縣,又改三泉縣,宋 取,則不可以 地 冢 潛 而 乃 也。 來,地名數變,實 始中,析沔陽縣,置嶓 而 也 沔陽之嶓 西 當有嶓 班、 漢 要之,此 又降 \Rightarrow 爲 鄭皆以 禹 所 衛置 西縣,與漢西縣 貢 出 家,故 爲縣,明 解經明矣。 冢 》所 州,而 漢。」《漢志》以養 Щ 西 乃 嶓 漢 云 郭璞、酈道 出 一地 不言出某山 冢 著。 至沔陽。 乃 漢,皆東 魏 文 Ш 注補言之。 爲 嘉 晉以下, 改沔縣, ,皆是漢 入其境。 名相溷,實 西縣 又下文 自 冢縣以 陵 此 水上 以 Ш

此 遂 附 Ш 班、鄭皆不言, 會言之。 氐道今無考,不 亦不可以解經也。 知 所 在。

續

志》

江

夏

郡

竟

陵

縣

立

章

山

本

内 記·夏本紀》集解。 щ 方,至于大别 鄭 日》地理 大别在 志》内方 江 ○《水經注 安豐 縣。 在 》四十卷。 《尚 竟 陵, 書》 疏。 名

所 則二 後 豐縣西南、《左傳》云吴既與 内方、大别,二山名。 云:「大别闕,不知何處。 大别,鄭云在安豐縣。 東北,古文以爲内方山 〔疏曰〕《地理志》云,章 楚 乃濟 别近漢之名, 必在 雖不 漢 荆 知其處 而 州界也。 陳, 要與與 無緣得在安豐。」如 自小别至于大别。 也 在 Ш 内 杜 荆 在 或曰大别在安 方相接, 預解《春秋》 《地理志》無 州,漢所 江 楚夾漢,然 夏竟陵縣 「傳 立 ○《史 經。 預

荆州。 别在 方。 湖北安陸府 能言其處。 南,古翼 四十卷、皆以大别繫安豐。 [又案曰]班固、 江南六安州霍山縣 大别,誤也。 南。」但此 六安國,故鄭云廬 「六安國 傳》注,雖疑大别 衡北 廬江安豐縣」者、《漢 鄭據 傳、疏皆非是。 翼際 安豐縣、《禹 縣《續漢志》改屬 Ш 《水 當 Щ 鍾祥縣南。 大别 也 時 傍者也。 經 。 • 之 鄭玄、司馬彪及《水經》 在 注》:「江水 江安豐。 稱 不當在安豐, 西北 上安豐,則揚州 地 然 貢》 漢竟陵故城在 説》 也 山 安豐故 廬 大别 上 杜預 疏謂《 日 地 鄭又云「大 江郡,不 一有吴 東 漢 理志》: Ш 然 定四 城在 與 逕 界,非 (志)無 江 亦 在 江 今 屬 夏 不 **今** Ш 西

古」、《水經注》作「右」。

引《前

志》是

也。

又云「名立章山」者,

旦」鄭引

派地

志》内

方在

竟

|陵」者, 疏

至今。 步。 漢水 矣。」 也。 吴將魯 但 太守陸 近漢水,故臆度在 爲《禹貢》之大别山 魯山,一名大别山,在漢陽縣東北 地 其山前枕蜀江,北帶 T,其南· 鄭注爲正 爲 此 西岸之山 舊治安陸,吴乃徙此。 志》 陸游《人蜀記》亦云: 肅 條 魯 涣 所 祠。」此説蓋因杜預以二别當 山 乃指在今湖北漢陽府城東北 $\check{\boxminus}$ 小 治城。 ,又稱爲翼際 夏 Ш 一説 而言,乃漢水入江 水 有僧寺者,大别 此,並 過郡 江夏蓋 惟《元和志》云: 入江,故 無所據,而 漢 Щ 取二水之名。 Щ 水, 「漢 ,而未嘗指 左即 陽 處。 Ш 山 曰 上 江. 也。 負 相 有 山 然 沿 百 夏

岷山之陽,至于衡山。〔案曰〕岷,《漢書》作峄。當以鄭注爲正説,詳「導漾」。

同。

所經,在荆州。 〔傳曰〕岷山,江所出,在梁州。衡山,江

謬甚。 《堯典》及「荆州」。 縣,屬 國湘 府松潘 水所經 又詳下文「導江」。 外,「江水 案日」 南 衡州 岷山、《 一, 于 江水南 廳 縣東南。 所出」。 府, 山在 大江 地 距 山 廳 無 志》在蜀 湘 衡 在 湔 西 衡 涉 Щ 南 縣 氐道 北 Ш 五六百 縣 西三十里。 傳 今爲 今爲 郡浦 云江 已見二 地志》在 里, 湖南 四 氏 梁 Ш 首 所 Ш 州 已 衡 長 龍 西 乃 沙 山 安 徼 湘

過九江,至于敷淺原。

今在 歷陵縣南有博陽山,古文以 之水,東接于 東西長,今人 陽山,在揚州豫章界。 言導從首起,言陽從 案曰〕九江 傳曰〕言衡 湖 北黄 州 《漢 山連延 謂 敷淺 府蘄 之嶺。 志》 原也。 州 過 南。 在 東 **「疏** 九江,接 東行連延過九江 廬 [《]地 敷淺原一 曰 已見 江 爲敷淺原。 郡 理志》豫 衡即 尋陽縣, 敷 「荆州」。 淺原。 横也,

淺原 驛迴駕 野,人 驛,宋之問· 《通典》江州潯 注云:「篆文从泉。 也。 以 豫 吴升爲 陽 高平之山 造源以代原,遂以原代邍,誤。 非是。]卷二下辵部邍字注云:「高平之 「水泉本也。从灥出厂下。」又重文原字 漢志》「傅昜川」三字,以 章郡歷 爲傅淺原」, Ш 也 淺 《説文》卷十一下灥部厵字注 爲 原 八所登。 經 驛前 考唐 傅 德安縣,今縣治故 歷 有《寒食江 陵 Ш 原 易 云 水 有 Ш 从是、备、录。 傅昜山, 而非 敷 陽 德 則敷淺 誤矣。 名博 一州蒲 淺 縣 八 後改 原,原 水泉, 年 有 徐鉉曰:今别作源, 塘驛》詩。 ·, 于 蒲塘 傅 原 陽 爲 疏 乃 易 Ш 潯 西數 塲 驛 不識字 爲 水 驛, 曲]1] 陽 闕。」俗既别 也、屬 韋應物有 附 引證,皆 也 在 + 即 Ŧī. 縣 傳,删 傳 南,古文 里 漢 代 謂原爲 置 故 漢 歷 以 江 云 時 浦 西 楊 敷 陵 非 塘

> 江北,敷淺原又在 即 臨 里。 尤難究悉, 闕疑 千里,不知 九 水,更不 文岷 江 家皆從《 漢 日 王莽改 歷 德 府, 安縣 陵 山 可 在 歷陵 縣 南 Щ 通 漢志》及《通 府 地。 有 至 脈 曰 衡 傅 蒲 可也 何以 又衡 敷淺原 德 亭,蒲 淺 Ш 江 化縣 水。 南, 相 Ш 至 塘之名本此。 承。 在 爲 典》,其説 其文參錯,經 蓋 吴 西 荒遠, 江 兼 若云治 南 氏 一南,九 山 澄 水而名, 馬 百 相 日 是也。 江. 德 距 氏 山 Ŧi. 旁 數

正作「溺」。 導弱水,〔《釋文》曰〕弱本或作溺。〇〔案曰〕《説文》引

過、言會者,皆是水名。 源于上,未成 者,發源于上,未成流。 貢集解》二卷。 或澤,皆非水名。 鄭曰』《 ○陳大猷 地 理 ○蔡沈《書集傳》二卷。 志》 流。 《書集傳或問 《尚書》疏。 弱 此 水 經自弱 出 凡言自者, 言至于者,或 張 ž ○林之奇《尚書 掖 卷。 水已 ○《史記・夏 凡 下 言 亦 寅 導 山 全

本紀》集解。

先下流,不先上源,益知「導山」言山 皆是水之先後,非施功之次第。 説亦具各水下。觀此則知過、會、至于, 説具各水下。又云「言過、言會」云云, 掖郡之删丹縣,鄭 故鄭用之。 例,則上文「導山」,不妨敷淺原爲水也。 非言治山旁水也。又鄭于「導水」始發此 前志》桑欽説是 凡言導者,發源于上,未成流」云云者, 案曰〕鄭引《地志》云云者,下文 《續志》略同也。 也。 但舉郡名也。 欽傳古文《尚 弱水出 蓋施功 又云 疏 書 張

至于合黎,

隱》一卷。〔馬曰〕合黎, 書全解》十卷。 在酒泉會水縣東北。 鄭曰]合黎,山 《書集傳輯録纂注》二卷。 夏本紀 ○傅寅《禹貢集解》二卷。 》集解。 名。 《尚書》疏。 《地説》云,合黎 傳曰〕合黎,水名, ○陳櫟《書傳纂疏》二卷。 地名。《釋文》。 ○林之奇《尚 ○《史記索 山

在流沙東。

《志》酒泉郡皆有會水縣,不言合黎,故水名,非也。又引《地説》云云者,前、續于」者,皆非水名,故馬與鄭略同。傳云〔案曰〕鄭云「合黎,山名」者,鄭以言「至

餘波入于流沙。引《地説》也。

《志》之言,酒泉郡在張 導弱水自此,西至酒泉、合黎。 紀》集解。 腹,餘波入于流沙,通于南海。」《史記·夏 延澤。《地記》曰:「弱水西流 張掖,合黎在酒泉,則流沙在合黎之東, 本紀》集解。 與此傳不合。案,經弱水西流,水既 縣有居延澤在東北,古文以爲流沙。 ·疏曰〕《地志》張掖郡删丹縣,桑欽以 鄭曰》《地理志》流沙在居延西北,名居 [傳曰]弱水餘波西溢,入流沙。 [馬日]流沙,地名。《史記・夏本 掖郡 西,居延屬 人合黎山 又居 延 如

农 E 荒少入夏,下身正其百户。 于合黎,餘波入于流沙」,當如傳文,合

沙。 澤 黎在 大 酒泉、合黎, 居 掖 則 東 文 水縣,故城 縣今爲山丹縣,屬 案曰〕鄭引《地志》云云者, 疏引前《志》文 之耳。 北 北 弱水爲西流之水,不當東北 日 延 里,弱水自 郡,今爲 裴 説 居 〈續志》 縣故城 误战也。 而 流 合黎明在流沙之西,傳云在東者,蓋 延 沙之東, 注 裴駰 鄭 然《水 海 在 甘 略 用之也。 其餘波自合黎東流至居延 在今甘 鄭又引《地記》云云者,漢張 州 肅 引 此 口 居 弱水 經》流沙 東北,合黎山 不得在其 作 也。 出 甘 甘州府,在 延 州 西 正 州 澤 酒 言古文則是孔 北、《水經》作 府 據彼《志》澤在 流 府 泉 在 地 治 自删 治東 西 郡 在 張 其 也 今爲 張 府 掖 縣 北 在 丹 入居延,故 縣。 掖居 東 故 其 西 塞 肅 城 流 **外** 東北。 東 百 氏 删 居 州 延 北 其 會 丹 延

> 水通 故曰 云一通 之爲 云: 流沙亦入南海 Ш 波入于流 正 之誤,謂流 赤水之東,弱水出自窮石,至于合黎,餘 尚 流 流 西 佑從之,不 禹貢》流 書》所謂 流 居延海,即 行,又南 南 西流 酒泉至 沙, 于南 沙」,則是《漢志》古文説 海 流 沙。 也。 也。 沙 海」者,《 沙 居延 沙,灼然 流 行昆 知 在 也 與 又《山 絶流 傳及顔、杜 居 沙 經 敦 水 ン, 形 者 延澤,其沙「風 侖之虚, 原 煌 流沙,南 淮 流 爲 以 西,敦煌縣,今安西 可 海經》云,流沙出 如 南 餘 行也。」《元 删 據。 月 波,無 • 至南 皆 西南 丹 生 墜 至 非是。 顔 Ŧi. 形 害于 酒泉 師 人 海。」是弱 日 訓 吹流 謂 古 海 和志》 *\frac{\times}{\times} ,是水 者 居 州 鄭 承 弱 又 爲 治 傳 延 水

徵 在 又案曰 域 流 峪 〕杜佑從師古 沙 關 以 外 當之。 遂于 晉 夫 説 流 魏 近, 隋 沙 多矣, 唐 因 謂 流 遍 沙 Ш

則在

積石之西,

南

當黑水祠,

黑

惟其在 東北 正流 延, 且《王 至居 水西入流沙二語啓之。傳之亂經如此 原其致誤,皆由傳以合黎在流沙 是弱水之西流者,特其餘波,而 貢》之流沙,則距 末、吐谷渾等國之流沙,皆牽引以充《禹 水 所 而 入,豈 流 ,而居延非 延爲餘波。 一制》自 嘉峪關 ,不更悖乎 經以删 延故 口 西 據 外並無西流出塞之水乎 耳 泂 流沙、流 以 丹至酒泉爲正流,酒 近人 西河且 至于流 易《漢志》古文説 ! 如 況今弱水實入 以龜 以合黎至居 沙自在西域, 一萬里,安得云千 沙,千里 兹、鄯善、 正 東, 而 流 延 平 」 且 居 泉 弱 反 則 1

`黑水,至于三危,人于南 鄭曰》《地理志》益州 》曰:三危 Ш 水所在。 Ш 在 鳥 今 中 鼠 滇池有黑水 之西,而 國 無 也。 南 祠, 岷 地 而

導

耳。 卷。 Щ, 始開 流,故黑水得 得越河人南 海。」然張掖、敦煌 水自 臨《文獻通考》三百二十一卷《輿 出 三千餘里,故滇 疏曰》《地 《史記・夏本 言有祠,不知 其 南流至敦煌,過 考酈 爲 北 南 杜 郡 佑 脇 而 通 道元《水經 南, 理志 典》 紀》裴駰 2越而· 尚 海者,河 内 經三危過 書 水 有 王國 》益州郡計 百 **》**疏 南也 所 滇 七十 集 並 三三危 解。 在 池 也。 》:「黑水出 在 自 五卷 傅 縣 也。 河北, 地考》。 山 積 梁州 寅 武帝 縣 又司 州 南 石 禹 在 傳言順經 郡 馬 有黑水 貢 所 蜀 流 「傳 元封二年 篇。 入南 貞《索隱》一 集 以 西 郡 張 解 ○馬端 黑 于 西 掖 卷。 水 南 文 南 雞

闕疑 此 悉 境皆爲戎翟 〔案曰〕鄭引《地理志》云云, 以以 水所在」云云者,黑水,漢 予秦。 ,不强説 所 秦爲諸侯所擯 也。 據,周室東遷,舊都之地, 夏殷之衰,雍 已無考, 而云「不 輶軒之使, 州 西

Ŀ

與 煌 海 不 杜 始 昆明靈沼之水沚。」則與 賦》:「昆明靈沼、黑水玄趾。」李善注:「 山名,在西 泉、敦煌郡 言黑水、三危所 或 危 危 堙 能 時,此 在 佑 以 涸 他水歷敘所過郡縣 此 ,過三危,入南海 云「黑水出 有 曰:「黑水 文。 酈説 南 知 云 過 鳥 原流 也。」蓋自三危以北,莫考其原。 焉 黑水所經之處,年代久遠,今已 鼠 地山 水行 方。 「道元 蓋 皆 況 僅 之 下並無其 今書 黑水出 見 西 無 張 川已渺茫矣。 西 徼外,不知 玄趾,三危安在 于 可言,惟據 注《水經》,鋭意尋討 裔 岷 掖雞 在, 已 正 崑 之區 山之北 此 非 義 崙 文。王逸《楚辭注》三危, 故班《 黑水 Щ 者, 亦 全本,惟《山 ,而檢今《水經注 Щ 乎 、無涉。 不 其從何處 而 相去遠矣。 鄭 尤爲妄誕。 過順經爲 志》張掖、 積石 漢儒皆不 謂 説 ?」蓋自 故 至酈 黑水玄趾 南 可, 可 屈 之 流 海 原 《 西 南 道 知 至 ¨; 亦 經 ^ 南 故 能 敦 戰 酒 天 京

> 爲黑 有娀氏 掖 煌 此 掖 界,漢爲鱳 無注。 水出 西,爲張 也。」據此 記》曰: 十里,又南流 曰 括 縣 河, 乃弱水,並 雞 地志》云:「 東 水邪? 馬,而 Ш 亦 此 灌 即 南 又 女簡狄 用酈 「黑水出縣界雞山 掖 則 湘 古 則 别 四十里。」此所言黑 爲 之 得 南 河,合弱 羌 雞 説。 酈説之所本。 縣 流 山 張守 二千里而 不經三危 谷水,出 唐伊 浴 山當在今甘州 黑水源出 地。 注 又 于玄止之水, 《太平御 于 東 節《 吾 水,東 海。」見《 然今張 五. 縣 史記 絶。 羌 百 入 伊吾 里 伊 中 ,亦名玄圃 南 北 顔師 覽》引《張 《南山 三危 掖 正 人 州 海,安得 日 縣 北 水 府 縣 義 經》,郭 治 居 古 雞 即 流 源 北 張 Ш 西 ***** 延 注《漢 也 山 又引 至 黑 與 在 百 有 掖 海。 璞 張 敦 以 縣 水 本 張 縣 掖 黑

[「]玄止」、《太平御覽》引作「玄丘」

乎 ?

是諸

説皆

不足據,黑水當從杜

八爲是。

果隨

河

௱

東,

經安得

書

曰「人于南

海

入河

書

(河,不

[入海。

者,亦無考。 吾盧 哈 密,並 地 貞 無 黑 而張守節又 觀 水 初 源。 内 附 所 自 乃 謂 置 爲 南 之 郡 流 説 絶 縣 0 曰 危 今

伊

東南 河 惟湟水合浩亹水入河,不聞有水自沙州 海,焉得爲南海 趾、二廣之海也,其在揚州東者,正爲東 不深致功,古文故有疏略。」按,南海,交 山、隴、岷之屬。 三千餘里至鄯 人海也。 南海 在 州、人黄河。」「南海去此 乎? 流經鄯州至此入河者,所謂黑水將 即 揚州 其黑水 且水之入河者, 東大 州 乎 當是洪水浩浩處,西戎 源 鄯 海 在伊州 州東 今河州黄河之北 岷 江 南 甚遠 從 下 四 同 至 伊 ., 百 阻 餘 揚 州 于 隔 里 東 州 南 至 南 東

> 導 河 積 石 至于龍門

功發于 餘里。 其施 地,以 穿地也。 北行,又東乃南行,至于龍門,計應三千 自積石至海皆然也 水》云「河千里一曲一 馬曰〕北 功處 行 通流 龍門、低柱、鑿山 江、漢。 黄度《書説》二卷。 積石,至于 「或鑿山 耳,故言施 / 疏 河, 日 中 或穿地 龍 條 功 河源 門, 直」,則河從 發 行 也。 渭 或 不始 于 以通流」,言 鑿 積 其餘平地, 洛 Ш 于 石。 傳曰〕施 ,此,記 積 淮 石 釋

紀 • 此黄 以 傳云鑿 之民。」《淮南子》云,古者「龍門未開,吕 案曰〕馬云云者,亦如導 防 導河。」《墨子 古樂》篇 度 原 洒 所 Ш 穿地以 引,不知 爲 底 云 柱 「禹鑿龍 繁 通流者、《吕覽 兼愛中》篇云: 何 爲 本, 龍 門,降通漻水, 以 門 Ш 近是 分三 利 「禹北 存之。 條 仲夏 也 河

貢》之 軍 爲 山 渾 掖 關 水 城 千 州 石 大 故城在今西 軍 西 , 析底 行 郡 里, 名 于 屬 追 禹 未 吐 Ш 在 寧 北 唐 塞 河 隴 西 縣 白 谷 鑿 赤水城, 治 入積 據 廓 實 出 關 <u>-</u> 羌 黄 西 外 渾 西寧 水 石。 州 儀 則 柱 河 塞 縣,「 所 河 É. 餘 寧 西 鳳二 東 是 有 府 即 里, 二千里以 山 出 府 據。 三月 自 南 治。 略同。《段熲 北 隋 置 几 也 積 南 陵 孟 澆 東晉以 白 五. 年,改置 河 入塞内。」《續漢 石 鄯州即 隋 當 河 門 又于澆 百 行, Ŧī. 郡 源 千 疏 Ш 八十 路 之 大業二年, 治。 +郡。 里。 云 在 西平郡 四十日至 上。 者 上 後, 里, 廓州 里。 積 河 西 毁 0 而 河 \sim 傳》云 以境 石 故 南 積 賈 而 所言 漢 之, 元 源 治 至 石之名遂 城 羌 讓 河 志 和 湟 軍 治 有 龍 置 平 河 故 水 關 中 志》云,積 奏 皆 化 志 \Rightarrow 縣。 白 云 云 積 首 鑿 積 在 吐 故 門 城 縣 鄯 禹 張 河 縣 積 龍 石 今 石 河

勞民 之。 叛,寇 亦云: 石 亭,破之」, 龍 移 史公曰 南,即《禹貢 之」,注云:「積石 年,燒當 三千里耳 後魏 禹貢》積 桓帝紀 支之 Щ, 于 陽 至 疏 塞 志》夏 積石山 即 隴 云 遷 此 故《 縣 内 小 **羌叛,「段熲追撃** 與羅 右 亦 白自 北 石。 括 延 生龍門」,韋 積 注 非 〈》『導 陽 故 熹二 非 也。 石 云 : 護 地志》云, 在今西平郡 亭 劉 縣有 疏 李 也。 石 爲 羌 昭 以積 相近,今鄯 賢 河 年, 又穿鑿之功,特 校尉 ^ 至 山 注《郡 禹 積 東 注 龍 龍 海 在 石』是 石在龍 觀記》 貢 昭 門、《漢志》在 今鄯 龍 皆 段 燒 後 山 謂 或 龍支縣 于積石, 門 .然., 當 熲 之 漢 在 志 隋 也 州 州 等 山 追 積 書 曰 支,故 縣 _ __ 禹 龍 改 在 追 擊 石 縣 杜 支 又 偶 種 必 到 于 誤 馮 不 用 即 佑 縣 破 積 羌 云 認

域,不在冀域 東 縣 亦 門 水 北 二縣 相 有 Ŧī. 龍 望 + 門 有龍 里。 山 通 也 門 此 典》 然 河 山 云, 經所 西 即 之 口 禹 謂 Ш 州 所鑿。 龍 韓城、 東 門,在 與 是 絳 壺 河 雍 州 П

新説 略 之,駁漢古義。 源」, 水東 置勿論。 遠無考。 窮,又大同 在臨羌,非 兀 又案曰〕自古言河出 不辨。 鼎所見、元史 見《史 流, 言 謂 河源者,以此 河 注鹽 惟 **^** 爾雅》言昆侖,亦 小 源 河 記 · 異。 源。 昆 于 寘之西, 澤,潛行 至《 侖 ~ 大宛》、《漢 此經既 在 《唐書 Ш 地 吐 昆侖, 爲正。 海 理 地 蕃境 • 水西 經》言昆 志》載 下,南 不言上源, 吐 뻬 内, 一蕃傳》載 無指實、當 書 唐 流 雍州 都 人 杜 出 其東, 侖 實 忽 佑 西 昆 所 創 域 河 荒 侖

南至于華陰,

(傳曰)河自龍門南流至華山,北而

東行。

正此經所謂「南至于華陰」也 汾水從東來注之。」此 又南至華陰、 案日》《水 經 • 潼關,渭水從西來注之。 河水 , 》篇: 下 歷敘 「南出 所 龍 經 門 至, 口

東至于底柱,

十卷。 山名。 閼流。 若柱然。 砥柱當在 鄭曰〕按《地説》,河水東 ○≪水 河 今 世 水 在 西 經 西虢之界。 分流 巡 河,未詳 所 謂 卷《河水注 砥 包 柱者, 也。 Ш 而 林之奇《尚 流, 過, 蓋 傳 乃 貫 山 日 閼 砥 二
底 見水 書全解 流 柱 柱 也。 中

説》鄭 載
底
柱 説 但有《地説》可據,故 案日」 滅 以河貫底柱,又觸閼 屢引 ,當以其無考,故鄭 鄭引《地説》云云者、《 之,必 係古 又約 書 略言之。 流 可信者。 亦 云「未 地 故鄭 理志》 詳。 以 [《]地 地 不

七六

《水經 當底柱 柱間。 此關流 非是。 流。 陸縣 唐 既決,水流疎分,指狀表目,亦謂之三門矣。 門、完元 上,其間竦石桀出一百二十里。 東北大陽城東也。」鄭云「砥柱當在西河」云云,「鄭 所 王 東六十里。 南 翰《遊三門 低 也。」酈道 酈注:「砥 一,而 河當 和志》 柱 爲 河水》 爲閼 鬼門,中爲 以 無山以擬之。❶ 鄭 同 元 柱,山 篇歷 流 爲非。 記》曰:「三 '; 此 此 禹鑿 名。 節 而 敘 説 厎 神門, 注 所 山作三門 昔 必 然酈 自 柱 蓋 經 砥柱 禹破山 相 因 亦禹鑿以 又 至, 門 沿 以 西 北 以 别言之 下,五户灘以 以通河,三穿 又東 集 己 低 河 爲 津 久。 無 柱 Щ 以 人門。 通 在 在 過 即 通 Ш 河,疑 也 虢 平 河 砥 可 而

> 分析故 之。 西 鄭 不但 龍門 西河 爲 何 虢 低 西河詳 即 無 者 至 柱 至華陰之地,要之華陰以 今陝 也 倒 山 ,鄭于《禮 五. 置 可 「雍州」。 户 若此。 當 州 諸 此 灘 而于經文序次 記 若于華陰以上求底 則總括言之,不復 至傳 爲 閼 檀弓》注 云 流 低 則 柱 下皆得 以 非 亦不 在 西 矣。 西 河 順, 柱 爲 細 稱

孟津。 陽城 古今以爲津。 王渡之,近世 傳曰〕孟津, 案曰》漢志 北 「孟津」 傳云地 都 道 河 以來呼爲武 地名。 所 内河陽 河 名 [疏日]在孟 湊,古今常 内 謂 郡 孟 縣 在洛北, 河 爲 南 陽縣 濟。 地 孟 地置津 以 名耳。 津 都道 孟 爲 也。 津。 津 所湊, 謂 在 在洛 杜 其 預 之

道。

Ш

启

上有閣道,

牽泐石深尺許。」

翰

目

I 驗 知

之。

然則砥

柱與

三門異

地

析當

亦爲

此

,其説確甚。

酈

以三

也。

神門最修廣,水安妥,隋

唐

漕運

之

緩,直東可五十步,中流有

小山

乃

砥

柱

鬼門迫

窄,水勢極

峻

急。

人門

水

稍

平

又東至于孟津、〔案曰〕孟、《史》、《漢》並作「盟」。

境。 云 洛 邑,漢置 北 是固 則似 在 縣 洛 故 故 在 北 河南 前 城在今河南懷 實亦 矣, 非 在 也 河 北 慶 河 府 陽 傳 孟 本 但

梅反。 東過 卷十三下土部則 然則四者皆非也。 則此字當从坯爲正。 上自部無此二字。 上人部云:「伾,有 音丕,又皮鄙反。 本作岯」,又云「或作胚」。 史記》假借用之。 縣 「强,湯左相仲虺所封國 |洛汭,至于大伾,〔《釋文》曰] 字或作胚。 西南三十 云"「坏上再成。」文不同 徐扶眉反,又敷眉反。 《釋山》云「一成坯」,字作坯。《説文》 ○〔案曰〕僞孔作「大伾」、《説文》卷八 力也。」與大伾之義絶遠。 或云當作 《史記》作邳、《説文》卷六下邑部 《説文》卷九下山部、卷十四 在魯薛縣。」與此大坯 胚,卷十四下 章音噽 而義則合。 伾,本或 自部 《釋文》云 亦 無涉。 無之。 作 郭撫 岯

文訓 滎播 則在河内脩 鄭曰〕大坏,地喉 説》二卷。 澤出 卷。 ○林之奇《尚書全解 角此。 傅寅《禹貢集解》二卷。 武、 武德之界,济、沇之水 也。 《尚書》疏。 沇出坏 ○薛季宣《書 〇毛晃《禹 際 矣。 黄 度《尚 與 然 古

> 伾乎? 北行。 也。 卷。 又不一成。今黎陽 者以爲,脩武、武 也。 洛人河處。 指 李巡曰:「山 △「成皋縣山 再成曰伾」,與《爾雅》 南》三卷。 ○《水經》五卷《河水》篇 鄭氏云「在脩武、武德之界」。 《釋山》云:「再 / 疏 瓚言當然。 日 蔡 Ш 再重日英,一重日 也。 沈《書集 再 洛 德 成 人 無此 縣 《漢書音義》有 曰 《傳》二 河處, 成,英。 伾。 注。 臨 Ш 不同,蓋 卷。 也 河,豈不是 至于大伾 河南鞏 傳],成皋 一成, 伾 所 雅 洛 . 縣 傳云 縣 臣 見 張 疏 大 _ 異 東 Ш 瓚 揖 而

鞏縣西南三十里。 鞏縣,漢屬河 縣移治東界,則洛汭反在 《世紀》在鞏縣 汭者,杜預《左傳注》在 (案日)鄭云云者,此 南郡 東 北 ,其故城在 據《元 三十里、二説 節 鄭 鞏縣南 其 和 注 (西矣。 志》,隋 殘 一今河 闕 皇甫 也 不 時鞏 南 同 謐 府

脩 云在 東。 在 在 南懷慶府,在獲嘉縣 而 河 是酈申鄭義之詞。 注之下,繼云 説》文。又此 腹」,此云「地喉」,義與彼 引《地説》。「大陸」注引《地 鄭引《地説》文也。 未 大坏, 今開 在 今武陟縣東。 武、武德、漢屬 申 内脩武、武德」云云,自是鄭 移 卷 解之之詞也。 東者 ·, 杜 孔疏當縣已 北 封 同。 地 云在· 以洛之人 府鄭州汜水縣西北。 喉 誤也。 也。 成皋,漢屬河南郡 南, 出 「然則大坏即 酈 河 張揖云在成皋、《水經》 以洛之曲流 沇出 移之後,當云在 注 其上文「然則 河 内郡脩武縣,今屬河 鄭云在 知者,鄭注《禹貢》多 詳見《召誥》。 西北。 所 言之。 坏際矣」者,此 引 相 河 是山 酈于 武德縣故城 説》以爲 似 言之; 要皆 内云云者 引《地 故 引畢 其 鄭云在 大坏在 矣」, 知《 西, 故 鄭 在 皇 城 地 此 鄭 地 必 云 而

成 坏北 者也。 也。 無 其 郡,其故 如 《禹貢》「過洛汭、至大坏」者也。 者 也。 出南岸爲滎,故云「出入自此」。 出也。大坏在 鄭又云「泲、沇之水與滎播澤出入自此」 皋,蓋以河南岸之山 脩 但云沇出,鄭兼 東南, 此,惟 足當之者? ,下文「導沸入于河」,人也 ,卑淺已甚,脩武、 《水經注》河水東 即 蓋 脩武、武 武 張揖,三國魏人,其説與鄭合也 以 沸 城 周 臣 德 河 Ŧī. 在 瓚 水從北來注之者。 北 謂 今衛 謂 十里,高 德 河北 張揖以河南岸之成皋當之,則又 岸之山 在 在黎陽。 無 出 脩 輝 Ш 人 , 沸于此人河, 而 言之。二説二而一 武 武 府濬 以以 可當,不知 逕成皋大坏山下, 一言之。 四十丈。 之 德臨 增 西, 黎陽, 縣東北, 成成 河岡 ; 地 武 張 酈 泆爲祭, 《地説》 德 漢 山僅 原 鄭 喉之義 揖 解 瓚 鄭 之 屬 山 云云 云 成 之 魏 東

皋之 許 成一, 成 差高 北 以 確 高 主 此 原指河之東向所經,正不當求 近,當以黎陽 李陽冰輩 大坏之下乎? 之地。 非 爲 慎、 , 舛謬極矣。若今本《説文》「坏, 丘 -0 黎 ,何經以東字貫 大,形實再 正 大,其 黎陽 與《 山 再 陽之説 而酈道元則云《爾雅》「山一成阫 而顧氏、閻 吕忱等並以爲「丘一 成 非 説 爾雅 若大坏 非 高 所改壞耳。 從 Ü 密。 東 大之山 也。然則今本《説文》乃 者爲 重,謂 故特改《爾 》合也 折北 當以 疑大坏 氏、 在黎陽, 大大坏 是。 鄭説 之地, 矣。 僞 胡 之名,南 知坏祇一成,則 作 氏 孔傳改《爾雅 不 俗儒 遂據 雅》之文 而 孔 知 河 西去洛 成一,孔 正 以 傳 北 經所敘 北 已 之從 岸皆得 濬縣 者 又妄疑 字繫 折 似 八爲 汭 而 東 安 已 山 稱 折 是 之。 北 太 成 知 或 再 爲 頗 再

反。〇〔案曰〕降,《漢書》作「洚」,此傳寫偶誤。其《地北過降水,至于大陸,〔《釋文》曰〕降如字,鄭户江

志》以絳水爲降水,説謬,然亦不從水也。

夏本紀 當如 耳。 魏郡 也。 也。 千里, 屯氏河,其故道與? 周 陸 古文訓》三 則以爲絳水,故 通志 禹貢論》上卷。 志》 傳 疏 鄭 時 在 日 曰 日 國 今河 又今河所從,去大陸遠矣,館 黎陽縣 水土之名變易,世 「郕降于齊師」之降,聲轉爲 之言,鉅 鉅 》集解。 至大 地 于此 地 降水, 卷。 理略 鹿。 地 内共縣北 陸 説 理志》降 〇林之奇《尚書全 ○≪水 入河,近所謂 ○又《禹貢 第 地者,惡言降,故改謂之共 絳 水名 爲 鹿 依而 水 地 經 與 腹。 在 信 人河。 羅 山,共水 《尚書》疏。 Ш 廢讀,或 水在信 卷《濁 安 巡《路 河 Щ 都 失 地理圖 平 東 相 地 解》十卷。 降水 其 漳 史 北 理 信 大陸, 去 水 都縣 出 處, 作絳字,非 志 流 注 不 都 ○薛季 發揮 也。 馬, **%**o ○《史記 容此 見降 共。 南 過 澤名。 \vdash)程大昌 0 》五卷。 ·宣《書 陶 《漢 鄭 讀 至 數 樵

河。 過 此 可 水 泂 ?降水,乃至大陸,若其不爾,則降水不 内共 鄭 知 發 以 胸 也 源 此 襄 爲降水, 縣 在 臆,不可 國 鄭以降讀下江 此 洪水出焉,東至魏郡黎陽入 爲 下尾至今之信都,故 信 從。 周時惡言降,故謂之共。 都,在 大陸 反,聲轉爲 之南。 或 得 共 降

他 隸 海, 言 數也」。 縣今爲冀州平鄉, 里,安得有千里? 故鄭云 又言信 地 案日」 漢志》乃以 順 鉅 説》云 志 徳府 禹貢》絳 鹿 都 且信 郡 以 鄭注云 降水至大陸千里,而《地 平鄉縣,兼得邢臺 絳 或 鉅 爲此經之降水,「禹貢」二字 鹿縣、 信都縣,故 水 水 都絳 爲《禹 亦 云者,鄭據《地 在冀 入 水本章水之徙流 禹貢》大 海。 貢 州 章河 》降 西 鉅 「相去不容 南 一縣地 鹿 陸 水 在 僅 縣 北,東 之非 説》 澤 今爲 志 在 以 信 四 也 此 駁 而 都 首

乎 ! 之所 不知 之書,故云安平也。 信 回護。 彼《志》又云: 則正 大陸 恐 變易,世失其處」者,降改爲 今順德府治邢臺 相去甚遠,豈可牽合。 爲信都,謂降水發源 僞孔,斥鄭注,不得不主《漢志》,因 云:故信都國,延光 續志》安平國信都 漢志》襄國縣自屬趙國,與安平之信都 都屬 後 其處之爲降水,是失其故處 在 在,而豈得 至于降 人所 亦妄甚矣。 乃欲移信都 信都國, 大陸 加。 西 水矣。 若果 信 南, 而鄭 反 一縣也,此地正是古大陸 都 故鄭 指爲降水發源之所 似于經文爲 而西南之,遂以 如 國,安帝改 元 縣有絳水。 其 謬 在此,下尾至信都, 鄭又云「水土之 云「安平信 此, 不從 年改。 襄國故邢 顯 則 也。 經當 然。 共, 鄭 曰 則後 據 劉 《地志》 順。 也 都」者, 疏 云 安平。 當 昭 强 襄 欲 北 世 爲 即 但 或 扶 過

注 《莊八年》「郕降于齊師」者,明此降水亦 淇水,疑後人以共是水名,加水又轉 處,比信都之去大陸爲遠,足見降水之 者,降改爲共,既有因由,共水入河之 讀下江反也。 作淇耳。 出,東至黎陽入河」。 讀改字,皆非也。 字,从糸旁作絳者也。云「非也」者,廢 作絳字」者,言不但廢其音,且有改其 音,而廢此降字下江反之音矣。云「 是信都之絳水,故依 既不知降水之處,見此經降 于人改爲共耳。 云者、《漢志》河内郡共縣「北山,淇水所 見降水則以 與《志》同。 共水,而非絳水也。云「屯氏河,其故 鄭當實驗 爲絳 「國于此者,惡言降」下, 竊意《志》不言共水而 云「河所從,去大陸遠」 鄭又云「河内共縣」云 水、故 而知是共水 。《説文》水部 彼絳字居 依 而 廢 養反之 讀」者, 則 也, 以 引 寫 或

> 爲屯氏 説》之文。若從屯氏,則道尤迂遠,共水 里之文,而疑屯氏爲河故道也。 不敢質 人河之處,去大陸千里,故因《地說》千 去大陸雖遠,猶僅六七 行千五百里。」鄭據當 道」者、《漢志》魏 言,故云與也。 河,東北至章 郡館 武 時河道,黎陽淇 陶縣,「河水别出 百里,未合《 海 過 四 地 П

里。 所謂清河。 北逕枉人 爲降水者,淇口爲禹河北折之始,故曰 歷敘至頓丘縣故城 潛縣西南。 乃云「又東,淇水入焉。 陽下,歷敘所經,至延壽津,今滑縣境, 南,有宿胥口,舊河水北入也」。宿胥口在 又案日』《水經注 又東過内黄縣南,爲白溝」。 以上皆言淇口河過之。 又《淇水》篇于會宿胥故瀆下, 山東,俗名上陽三山,在濬縣北二十五 · 河 西,在今濬縣東。 水》篇于汜水祭 又東逕遮害亭 鄭以 即《漢志 又「東 此

非 澳》 不 出 改降,革 共名,不惡降而 之云:「稽之羣書,共縣 何 注 主衡漳爲過降,不信鄭 降 舊河 也 得 沮 足以 以 水 更在 過 漳 執後之爲 洳。《淇澳》衛詩 在 水 識 水 信 北人 爲今號。」但共 水」,蓋特 後,安知 北 爲 都 折之始乎 降水,亦 也」,足見鄭注之確 則 一共,而 折 改稱。 非降改 北 記之也。 疑 已八九百 折 1 列目又遠。 前 和 禹 本 北 淇 酈于淇 耶? 在《禹 著《 四四 之 П 共 之説 Ŧi 非 和國 Ш 依《 里。 降。《淇 百 酈 經 貢》後, 口 里矣, 漢 駁皆 當非 是 下 而 乃 淇 有 仍 駁

者」也。 云: 見「内黄界中 白 (又案日)《水經》言 溝」,而 内 内 縣 向 黄 故 北 故 有 城 禹 城在 澤方 河 對 一今縣 数十 不 淇 黄 水 可 東 澤。 得 西 里,環 過 聞 北 即 内 澤大 之 賈 黄 據 有 讓 縣 本 隄 所 注 爲

故 鹿 後 亂 此。 圮。」《 臨 爲 郡 此 東南 居 Z: 河 亶 之所 鹿郡 北。 敘 漳 漳 道 縣 人 彰 鄴 相 审 而 漳 之東 故 遂 德 縣 則禹 河亶甲居 通典》 水 經 北 十三里,有故殷城, 即 里 治 祖 水自 城 祖 目 後 府 乙, 亶甲 故 則 相, 其地。 河 矣。 東 Z 故大 臨 爲 河出 爲 河 城 其子 徙 相 接 即 相,祖乙圮于耿。」傳云: 遷于耿、《史記》作 斥漳縣 漳水。 南 漳 鄴 即經大陸所在 子。 今平鄉 州 乃 安 縣。 河 自 徙 ^②元 東 内黄安陽之 鍾 治安陽縣,殷 祖 陽 此 在 圮于相,遷于 之 漳水乃 故《 滅南下 和 縣 縣。 東北 若據 東北 Z 故 黄 界, 志 去 大 凡 水 澤 ,歷成安、肥 彼文,是禹 人海」。 相 河。 河 歷敘至北 耳。 疑 漳 經 行 「相 閒 亶甲! 耿。 居 也。 此 所 河之故 《漢志》 明 「相 耿。 王 昔 地 州 濁 河 「邢」,杜 鉅鹿 居相 鄴縣 矣。 河 水 内 殷 亦 漳 地 逕 所 河 黄 亶 名,在 書 王 禹 縣 道 鄉 毁 河 序 行 魏 築 縣 甲 今 自 河 河 日

雲中、定襄、雁門、西河、上郡、河

南、河内十六郡。

城、天水、武威、安定、北

地、朔

積石山

東北

至章武人海,過郡十六。

北去,非東北去矣。

且《漢志》河自羌

Ш

下,東北

去。」若使從降水至

一鄴,是

溝洫

志》王

一横

日

"「禹之行河水,本隨

間,與大河故

瀆合,自是禹河

.,故

道

從濬、滑之北

出出

内

黄

清

河之東,至滄

河、《漢志》

雖言其

爲

河水别出,

但此

淇

口

過

降

由

鄴

東至大陸

门似

無

不

泂

行鉅鹿之東,

又明

矣。

然則

謂

禹

佑

云

即

邢 州

,今爲

順

德

府

蓋

亦

瀕

河

0

地

其 後 盤

庚又

圮

, 而

遷

于

亳

殷

河

雖

見《漢

志》,其實

是

河

與

漳

水亂

乃

不取,

而

必

以屯氏

爲

禹

河

.'

注

云「徒

駭

瀆

連

漳

絳」是也。

之《水經注》黎陽以上,河水所過有金 黎陽以下所過 方、五原、 東、馮 「,鄴東 屯氏 河自 流。 可 合 西 西 景 河 故 之 禹 縣之間。 自 時空,故世名是瀆爲王莽河也。二渠皆 λĺ 康 過降水,至于大陸」。二渠之解 敗,乃厮二渠以 茫,皆成平地,何知古之不經大陸 郡。 所從來者高,水湍悍,難以行 論。 陸」句,幾無著落。 不經大陸,若以此 其實又當有鉅 原、信都者,即 有 河渠書》云禹道河「至于大伾。 長壽津以引其河,長壽津在今濟 則濕川,則今所流 日 魏 其 郡、東 「南折」二字有誤,不如酈 與 但彼注 班 一出貝丘 《河渠書》又言:「元光中, 固 郡、 言 云 鹿 河 清 屯氏 引其河。 過)所行 ,但無考耳。 河、平原、信都、勃海 西 爲禹河,經「至于大 但數千載下,一望 郡十六」異,姑 也; 河所 南,南 有東郡、清 北載 過之四郡 則北 折。 平地,數爲 或疑屯氏 之高 道元 有二:孟 其一 瀆,王莽 以 河、平 耶? 爲

河

今滄州 河 亂 也。 至精, 故 河 出 也。 即 決爲 東,東北出。 瓠 水經注》亦云,大河故瀆,北出爲屯氏河。 之屯氏 徙此」, 渠 ,史記 鄭 禹 卒 子 尤爲 班氏 古 众復禹 至鄴東 觀《 復 塞 河。 以 非,如 注 《志》于此郡縣下,不言河入海在此者 别 瓠 禹 漢 此言,恐 因目爲故大河 不 鉅 司 所徙 當之者、《周譜》云「定王 鄭不 河 所 迹, 出 子,築宫名宣 野 馬 志》屯氏 執 迹。 河,本漳水與 同 者 謂 則 遷直 矣。 此爲禹河, 非。 即 《溝洫志》云: 直以故 通 爲 北 其意 大 淮 禹 瀆, 若章 章武屬勃 一以北 此 泗。 河。 河 河, 以 瀆爲 故 司馬遷以武 武 西漢 名大河 房。 實出大河故 二十餘 瀆 瀆 酈 屯 河 此 海郡 而 禹 氏 當 鄭 經 廢 道 海 河,而 導河北 出 而非 見行之河, 郡 學所 禹 流 鄭 元 于 歲,天子 治 . 故 逕館 河 則 築宣房 注 以 徒 五 禹 浮 帝塞 尤 屯 屯 駭 以 爲 陶縣 瀆。 年, 河 爲 别 相

又案曰〕鄭以黎陽淇口爲降水於他處也。

于

説者 澤相 陸有 然。 還,卒于甯」,杜氏 鹿。 爲 吴澤陂,亦大陸也。 陸,異所同 郡脩武縣吴澤也。 義、《春秋》 加 云,自甯迄于鉅 尤不可言千 地 又 漳爲 酈 地, 説》降 千 去甚遠,所 語之纏絡,厥勢渺矣。 氏 但《地説》指降 以《地 降, 既 里。 以應《 疑黎 水 名。 無如 魏獻 ·里,故 如 説》古 至 《地説 陽 酈 鉅 脩 以 斥 鹿, 子田田 説 鉅 鹿 得爲 又遷 嫌 武今爲 漳 鹿 水至大陸 書,不可槩駁, 》千里之數。 甯 酈 千 出于東北, 鉅 北 則是北過大陸, 亦 即脩 以南北 里 一就 鹿 大陸者,廣 距 于 非 獲 其 絶遠 鉅 以 千 大陸,焚焉。 武。 按「冀 嘉 詞 千里,非 鹿 里 此 兩 縣 之 衹 爲 皆爲 曲 然 酈 州 百 逕 證 故 此 縣 平 里, 也。 鉅 解 聯 北 汲

于降水,又至于大陸矣,尤非也。

又北播爲九河,

兖州界。 般》疏。〔傳曰〕北分爲九河,以殺其溢,在殷》珀〕播,散也。《毛詩》十九之四卷《周頌·

州」。

「親」宗「播,散也」者、《淮南子・要之經流,其餘八支皆在兖域,亦已詳「冀州」注云「殺其溢」者,殺即衰,與鄭「冀州」注云「殺其溢」者,殺即衰,與鄭「冀州」注云「殺其溢」者,殺即衰,與鄭「冀州」注公、海也。」分布岐出,是有散義也。 傳以入海也。」分布岐出,是有散義也。 傳以入海也。」分布岐出,是有散義也。 傳不言,別,洩去也。 九岐,河水播岐爲九,。(案曰〕鄭云「播,散也」者、《淮南子・要〔案曰〕鄭云「播,散也」者、《淮南子・要

河 其故道。 [又案曰]上文鄭 景州、南皮、滄州、鹽 地說》自此至大陸千里,故以屯氏河是 此河行清河之東,大河故瀆之西, 考今館 陶、臨 注 Ш 以 界中並有古屯氏 淇 口 清平、高唐、 爲降

> 平,胡 者,并即是禹河故道,恐非也 故瀆 儒因此遂以漳水即九河之經流 縣,鬲縣今德州。 鬲縣之北。 之北。簡、潔、鉤盤三河當在東光之南, 史、馬頰、覆釜三河當在成平之南,東光 徒駭瀆連漳絳」,曰 路皆向東北 下,則播爲九矣。許商云: 徒駭 與之合。自此 蘇在東光,鬲津在鬲縣。 成平今交河縣,東 行,大約至今景州 詳見「沇州」。 而東,至 **瀆連則非正** 一交河、 至酈 光即 流 徒 三則太 在 今

同爲逆河,人于海。

卷。 納之于海。 ○《水經》五卷《河水注》。 九之四卷《周 相向逆受也。《尚書》疏。 〔鄭曰〕同,合也。 下尾合,名曰逆河,言 ○時瀾《增修東萊先生書説圖説》。○《毛詩》十 時 《增修東萊先 頌 《尚書》疏。 般》疏。 生書説 〔王曰〕同逆一大河, ○《史記 ○林之奇《尚書全解》十 〇毛晃《禹 圖 夏本紀》集解。 説 ·貢指· 傳曰 南》三

海。 景間 里,縣在滄州北一百里,即漢章武縣。 語當 陽即今滄州。 言至章武人海。 郡,言河至章武人海,于魏郡屯氏河,亦 言海口有 迎河亭。 理志》勃海郡,莽曰 迎,故爲 皆禹所 志》皆作 司 案曰〕鄭云「相向逆受也」者,逆之言 百八十里。 北之海而 河 合爲 張守節曰:「渤海, 者 雨,東北 有本,與鄭義合 加 一大河,名逆河 處 相向逆受也。《河渠書》、《溝 ^ 言。 「同爲迎河,人于勃海」。又《地 朝夕 徐堅《初學記》云:「逆,迎也。 功,故敘之。 《蘇秦列傳》説齊宣王未嘗絶清河,涉渤 溝 己 但 風,海水溢西南,出 洫 迫 《元和志》魯城縣,大海在縣東九十 潮 九 志》引 海 河故 章武屬勃 滄州 以 Π, 迎河,南皮縣,莽 也。 迎河。」堅,唐初人, 也。」此即指今天津 \pm 道 似 横 皆 無 而 《地志》于金城 日 在 復 海 人 一:「往 滄州東北至天 德 有 郡治。浮 于 、棣 地 渤 者 可 南 海。 著 洫

海、滄 東郡 則河 費乃 可 注 勃海,山 文曰「尾没于渤海、碣石」。 蜀、尾没于渤、碣 書》:「中國山 至其人海, 安、壽光、維縣界。 壽光、平壽界,今爲霑化、利津 海 里 口 百餘里。 南岸所漸者,漢漯沃 通 一九河 亦 漸及,則逆 名 曰:「《禹貢》『夾右碣石,入于河 日 ,更注勃 人海乃在碣石。元光三年, 州、 勃 "「河之人海,舊在 脈盡 之 禹瀆也。」又曰:「碣 海 則古之逆河,當北 鹽 則禹河 地 Ш 海。 河 于碣石 已 而禹河入海在碣石也。 111 、海豐及霑化北界,而 漸 爲 東北 ··。 班 禹時不注勃海 于 海 與漢河 其所溢出,南北殆 ,非謂碣石旁海,亦 、琅槐、廣 所 海 流,其維,首 固《天文志》增 可 漸 福 知 同 此言水盡 石 石。 起天 也。 Ш 、蒲臺、樂 饒、鉅定、 蓋 九 也。一 今川 海 在 河 河 《天官 在 ()徙從 之西 尚 隴、 其 于 爲

所以徙。

鄭

以

屯氏

爲馬

河

則漢

之

北

自

,是定王時徙矣,至王莽遂空。

(又案曰)自周定王五年,

河

徙

而

不

詳

其

里,遠 勢北 上。 蓋北 河。 海處,傳云勃海。 右 説還都,與鄭異,然亦云禹夾行 在 如 觀 州 縣 近入直沽之海邪? 地肥 此,方得遍巡州境。 南 而入河,逆上帝都。 右北平驪成之碣石,明矣。 北行,盡 「夾右碣 高 然則 盡冀州之境,然後 鄭以每 一; 大 在碣石之南,行碣 南 瘠,定貢賦上下,故爲 禹 下,河安能逆繞北 河 石」云云,鄭 冀州之境還 鑿其石 州末水道 入海不在碣 勃海 一,右夾 一,是治 鄭意 疏申之云:「河入 北 注 南 (), 從 石 距 而 石 云 口 又明矣。 碣石五 不 水 Ш 納 一、入河 禹 不 注,而不 即 以 此 畢 東 河 . 得 由 碣 · 僞 河 解 更 南 碣 人河。 而 百 孔 巡 按 石 行 石 就 地 逆 創 海 行 必

> 河,已 梁山 徙之略也。 以利漕。 奪淮河,又一大變。 至元間,又徙自新鄉,出陽武之南,合泗 明昌五年, 年,李仲昌 一淮受全河,汴、泗、沂亦全注之。 濼,分爲二派,汲胙之流遂絶。 改流 明孝宗時,築斷黄陵岡, 河徙自陽武 開 然猶 六塔河,北 存京東 時會通河成, 而東至壽張, 流 故 遂閉 道 至 更以 此 至 和 河 元 河

代

有變遷,

歷

東

漢及唐,

至

宋

· 横

隴

之

部條鄉重文條於注云:「古文从養。」僞孔作漾,非是。引鄭注作「瀁」、《地理志》省作「養」、《續志》同。《説文》水冢。冢音蒙,从丘从冢,覆也,非是。漾、《夏本紀》并裴駰嶓冢導漾,東流爲漢。〔案曰〕冢,从勹从豕,俗作

東流爲漢水。〔疏曰〕《地志》漾水出氐泉始出山爲漾水,東南流爲沔水,至漢中解。○《文選》四卷張平子《南都賦》李善注。〔傳曰〕都爲漢,至江夏謂之夏水。《史記・夏本紀》集【鄭曰〕《地理志》瀁水出隴西氐道,至武

江别 道 與漢合,乃入于江 之尾變爲夏水,是應 郡華容縣爲夏水,過 州之路也。 于沔,人于渭」,是沔近于渭,當梁州 冢之東、漢水之西得爲沔者,梁州云「逾 至武. ?,明與 都 、此沔别也。 爲 應劭曰:「沔水自江 漢。 也。 不言中爲 动所 江夏郡入江。」既 依《地 云沔水下尾亦 理 沔。 志 一别,至 》,漢水 孔 向 知 嶓

謂 與《志》相足也。 寫誤。《水經注》二十卷引《説文》作「獂道」。 部與《志》合,但「氐道」作「柏道」,乃傳 彼文冠以《禹貢》,此古義也。《説文》水 屬天水郡 案曰〕鄭引《地志》云云者,前《志》文。 之夏 鄭 南至沙羨入江。 亦 東漢水受氐道水,一名沔,過江 水, ,别是一 人江。」與氐 又 云: 縣。「至武都」上有「東」字, 《志》又云: 武都郡武都 沮 過 郡五 縣 道 一條正 沮 ,武都 水 出 相 獂道 夏

記 證 也。 沮縣今爲略陽縣。 氐道,今已無考。 中、 東爲漢,其實一水也。 鄭意欲見此 下文「滄浪之水」句義,而于此連言之。 四名同實。 至武都爲漢,又爲沔,又東至沮 漢即沮。又《前志》既以沮 則 狼谷,東南 志》不言沔,此專據《志》氐道 職方》荆州 説文》水部 武 云: 南郡、江夏。 得 都 漢, 鄭又云「至江夏謂之夏水」者,此是 武 名 一條故也。 與鄭 都 沔是矣。 人江。」《水經》及注亦 雖東狼谷有别]1] 郡 水隨地異名,以證始爲漾, 亦云:「沔水 行 有江 合, 沮 叫 縣 子 武都在今成縣 惟 然則出 但 、漢、無沮 又引「梁州」云云,以 ,「沔水出 里 益 一,荆 云「梁州 傳亦云始爲漾, 以 出 州 沔名。 源,其實 氐道爲漾,東 爲 武 111 一是沮 荆 東 都沮縣東 ·。」《續· 向冀 一條,失 縣爲沮, 州 狼 西 以 川 疏云 二水 北 而 漢

江處曰 也。 武 謂 嶓 漢水,而 南 水 乃紛如亂絲者, 則 [又案日]此節經注似 説 嶓 爲 冢 爲沔水。」沔陽縣,今沔縣。 郡 亦 都、沮縣、沔陽四條,原流是一。 言人 約三百里 即 非 導 以 Ш 沔、 經 爲 圃 東 沔 江夏、日 當 自 此 爲 西 鄭 西 南 陽 于 云向 漢 與《 經所 主 西 嶓 縣 '隴西 人江 |漢所 縣 鄭注 縣 家。 至 與 嶓 志》異,則舍《志》從鄭。 雍 一沔縣。 一。如 Ш 冢, 敘 應 鄭 郡 沙羨、日武昌 出 則以《前志》分别東西二 也。 ,此大疑所從出 鄭 的 又 劭 西縣下 。」然則嶓冢是西漢源 此 禹 淳 于「岷、嶓既 係 合 曰 又引《志》以 節 然則彼《志》氐 貢》 無可疑矣,而疑義 티 : 東漢,非 也 : 注 注云:「《禹貢》 則兼 不 山此 沔水 志》 , 亦一也。 解 自略 方 主 嶓冢, 西漢,乃 出 一前續 藝」,既 人 又 也。 明 至 陽 謂 云 夏 道、 東 漢 漢 水 武

> 北,盡 考。 羌,縣名絶矣」。 北 漢 東 嶓 末、氐人楊茂搜 之境,大約在今鳳縣、兩當之西,秦州 南有武都縣故城,即 地,漢元鼎六年開爲郡。今階州成 郡,師古曰:「氐,夷種名。 氐之所居 東至沮縣,又東 郡縣 漢是正 氐道。」武都縣爲武都郡治,本白馬 源 百里有仇 冢 河池二縣 流,据《志》發 氐道漾水,至武都 隴 荒 坻皆是。 與二《 廢。」然 派 池 西 並云「永嘉之後、 山山山 志 至 漢 自號氐王,據武 又于興 則氐道 並並 沔 源 但《元和志》于鳳 是 陽。 氐道 別 漢武都郡治。 上有仇 合,是不 爲 源 州 漢氐道屬 東至武都 武 東漢,莫有 云: 此 池城, 都 經 可 唐 都 晉 地 所 駁 没 E 永 州 城 縣 隴 敘 故故 也。 氏 Z 郡 又 無 嘉 兩 東 氏 東 自 西 西

「至」、《漢書・地理志》注無此字。

0

書 後 案

九

口水。 青羊驛 互相 日: 西 即 隋又改曰 闞駰曰: 武 褒水,又東逕萬石城下,又東逕漢 又東逕沔 漢水自寧羌州東北流,逕沔縣故大安軍南,又東北 漢水又東北,合沮 流 沮水戍而東南流注漢,曰沮口,所謂沔漢者也。 在寧羌州 魏改置武興縣,又僑置略陽縣。 今漢中府 南。 縣東南。 ,得獻水口 都沮 漾水東流爲沔,蓋與沔合也。 通稱 形 沔 合沮 所 又東右會温泉水,又東黄沙水左注之。 水 志》沔陽縣白馬城,亦即漢陽平關,在 陽故城 略陽縣 以其初出沮 陽縣 經 矣。」案沮水戍在 北二百二十里。 順 縣 卷二十七《沔 南岸。 政。 黄 П 者,惟 東 沙水口在沔縣東四十 故 庾仲雍 狼 界。 在今沔縣 城 酈 度 口,同爲漢水之源也。 爲興州治 東 注又云:「沔水又東逕白馬 谷中。 水口 自 洳,縣亦受名焉。]案沮縣故城 晉永嘉後,没 , **①** 又 云: 沮 在沔縣 酈注又云:「沔水又東南 東 略陽縣東 是水南至關 東逕西樂城北,又 縣 水》篇云: 南 ,宋復改順 酈注:「沔水一名沮 以下 十里。 南 西魏 廟堆下。」案,白馬 至漢中爲漢 于氐 里。 木南,與 里。 改略陽日 西 政日 差 城、合西漢水。 送羌,縣 樂城 褒水西 温 河沔 (沔縣 故孔 1略陽。 泉水口 又 顯 左得 在 今沔 廢。 水 水,是 戍 漢 東合 安國 沔 南 曲

《水經》舛謬甚。 褒城縣 在後。 漢源 以嶓 水。 逕沔 羌州 水。 Ш 閬 葭 縣 府城東北。 衙 寰宇記》云: 領 中 前 Ш 南。」酈 又東 Ш 流言: 縣東北 北 縣,又東 冢者 經所謂 縣 東。 西漢 又東南至廣 東 水出 流 南 ,黑水注之。 南 注 漢 以 西谷, 馬池 流 水 何也? 「水出 廟 逕沔縣 褒 ,與羌 今輿 入漢,在 「導漾 因其殺亂,不可爬梳 即 堆在今南 所導也,西 南 源出 城 漢 東南流逕西 縣 中 案南鄭,今漢中府治,故城 然親白水 地言之,自略 「幡冢山· 嶓冢 水合。 于 郡 今褒城縣 東流 西南,合沔 南 治 江。 鄭 水經》卷二十 Щ 南 也。 縣 爲 流與 縣故城北,又東南 西 東爲漢水。 縣西,又東 又東 酈 又 東。 漢水 鄭縣南 南 漢」也。 西 注 , 姑置之。 馬 萬石 又東,左會 水。 南合楊廉 陽 東過 謂 南 池 西 過 縣 城 水合。 亦 敘 其 巴 南 南 又 南 此 在 冠 漢 東 至 西 寧 鄭 處 文 今

東」、《水經注 沔水》作「城南」。

于槃頭: 鳩水合,又東與河池水合,又東南兩當水注之。 北百里。 兩當溪。 陳倉縣大散嶺西,南流入故道川 又東逕白石縣南,又東南,渥陽水注之。 與丁令溪水會,又東逕武 水,又東注西漢水。 脩城廢縣。 成縣西。 西,又屈逕瞿堆 屬武都郡 嶓 戍在西和縣東北。 西。 西 人嘉陵道,而爲嘉陵水。 西逕蘭 故道 漢 冢之西七十許里。 `又西南注于濁水,濁水南逕槃頭郡東,而南合鳳溪 水。 城 城東,又西南 在今西和縣 水上承武都沮縣之沮水瀆,西南流注于兩當 城南 倉城南,今禮縣東南有蘭 ,西漢水至 又東南 又東南逕脩城道 又西 《漢志》作 與濁 南逕始昌 逕 又西南逕 據此則《 人廣業郡界,與 北。 南 此爲嘉陵水。 今在西 循 濁 水 ,瞿堆即仇池山 又 合。 城」,屬武都郡。 水 街城南,又東宏休水注之。 《漢志》 城 西 和 峽, 祁 濁水出濁城北,東 南,今略陽縣西北 謂 南 南 縣西北七十 談以 禮縣本漢嘉陵道,地 沮水枝津合, Ш 之故道 逕宕備 始昌 沮水枝津上 東 亦 倉故城。 軍 南 曰 ,在今成縣 又東南與仇 南,祁山 濁水戍,在 .縣 水。 又東 逕 里。 戍 瞿 故 又南 水出 西南 承氐 謂 南 南 堆 城 又 之 流 有 西 在

縣西傾 之。 也。 逕葭萌縣東北,與白水合。 而西南入漢。按,今廣元縣南有漢壽水。 東逕武 漢既 皆出 又南合漢壽水。 十二里。 按,龍門山在故三泉縣西七十里,今在廣元縣東北八 水在三泉故縣南十五里,西流 羌州金牛驛西三十里。 人蔓葛谷,越野牛逕至關城,合西漢。 按、唐武德二年、分綿谷縣之通谷鎮置金牛縣、在今寧 谷,通谷水出東北通 北八十里,東至沔縣一百七十里。 西南逕關 興州順政縣。 道 水,下爲東漢水。 通溪上承漾水,曰獻水口。 通,又下注西漢,二漢于此已 其 水東出寒川,西流入西漢。 Щ 北 興 又西逕石亭戍,又逕晉壽 ,即《漢志》自氐道來之養水也。 又東南逕白水縣故城東,又東南逕 城北、案關城即今陽平關,在 城南,今略陽縣治,即 《元和志》「嘉 濁水所受丁令、宏休、渥陽 水出 溪,上承漾水,西南 庾仲邕曰: 漢水自武 東山 陵江 至龍門山,人大石穴。 西,逕東晉壽故城 又西 《寰宇記》云:「大寒 經 有 白水西 順 又 西 武 通 蓋即此 政 南,寒水注 興故城。 流 流爲西漢水。 縣 而濁水與東 之道 南逕 北 又 寧羌州西 南 遂川 小 出臨 通谷 東 諸 唐爲 劍 南 南 水, 通 又 洮 戍 水 南

渠水。 北, 縣界。《寰宇記》云: 閬 陽縣,而東逕 又南逕劍州 州界東南流 也。」此爲西晉壽,今在昭化縣界。 州界,又一 與難水合。 北,又東南逕蓬州東,又西南逕南充縣東,又南 蒼溪縣界東南流,逕閬中縣西南,又東南 東 亦名渠江。 南 亦 晉壽故城 南 北 入漢。 日 南 西 也。 渝 九 去大 南四十 逕 十里 水。」又東 是。 一水南 水北出 東 按宕渠故城 巴 百九十 在 劍三十 又東南 接昭 東,又東南入蒼溪縣界。 逕 南 郡 ·里,人巴縣。」酈道元以宕渠水爲《禹貢 重慶府志》云: 流 其縣南,又東注漢水。 辯見「梁州」。 利 流 四四 州 閬 南 曲 注 ·里,又 化界,東北去關城 川廣元縣西,又西南逕昭 里合渠江,又十 益 鄭縣 南 流 折 中 漢水,水 昌 「嘉陵水又名閬中水,亦曰 三回 在今渠縣 ,逕宕渠縣,謂之宕渠水。 逕宕渠 縣。 縣 東 南巴嶺,謂之北水。 東 南 「嘉陵江自定遠縣 如巴字,即 又東 有 南 巴西郡 至 津 吐 東北 Ŧī. 縣, 費城 里至州 關。 南 + 嘉陵江自陝西寧羌 里。 七十里。 按《三巴記》云: 治 又東南 白水關在寧羌州 逕江 百 南 嘉 按 也。 城東 八十里。 (元 陵江 本 即 逕 化縣東南 州縣 南 東 閬 漢 西 和 宕渠水 部縣 水出 葭 流 也。 晉 南流 閬 志 又東 八定遠 萌 壽 又 江 東 自 閬 之

成之所 篇。 即 《水經注》二十卷引劉澂之説,與郭氏 中、 漢 所 諸 以 西 積成澤,流 南潛出」, 陽南流, 水注之, 略陽、寧羌、 南 流 梁州」注所謂 敘雖皆 今興 通 州 漢 爲西漢水」者。 人 南 亦即《水經注》所云 縣界 出 矣。 于 葭 部、蓬 謂 地言之,秦 萌 自 江 至漢 則即郭璞所謂 專 者 中,皆西漢水之所經 0 潛 而入西漢者。 山 逕通谷又與東 與漢 主 水者 州、 源 廣元、昭化、劍 涪 的 壽 水 「漢别爲潛,其穴 西漢,其 係 合。 似 入大穴 南充、定遠、合州 注 也。 見《水經注》二十九卷《潛 州 漢别之潛 之, 非 大禹 漢 故 見三十六卷《桓 西 中 東漢 中, 仲 葭 别 見「荆 和 漢 合濁 雍 自廣 萌 州、蒼 但 通 謂 通 禮 同。 西 州 支, 涪 從 矣。 峒 水則 也。 而 縣 漢 漢疏 本 内 沔 此 疏 Ш 亦 溪、閬 水 成 水》篇。 引。 巴 從 陽 即 下 至 與 者 水水 通, 水 也 既 康 鄭 西 沔 寒 東 V

經嘉陵 北,亦 不 且 亦曰 爲非,故移 道,是東漢 金牛縣嶓 言之,特 里 名,吉甫意乃以《漢志》西縣《禹 西 云,秦州 班 注 ,並主魏收及李吉甫、杜佑説,各 創立此論,唐人因之。 縣 肅秦 一, 依 沔水 地 無 鄭 漢 輒數千言,無非反覆駁難班《 漢沔陽 曰 州 沿襲《水 俗 上 沔 嘉 冢 金牛縣在今漢中府 西 則 學 源,非 于 不 邽 陽 杜意與吉甫同,蓋自 山 陵 南 闕 縣 口 縣嶓 金 縣 ,禹導漾水,東流 江,經閬 疑可 地 駁。 鞏昌 古義,果可爲 牛 地。 經》耳。 西 也。 冢 漢。 也。 唐 一府西 倘按之于經 《 漢 山 上 中 杜 近儒 吉 其 邽 志 後魏及唐 日 西 和 佑《 育 甫 閬 縣 漢水 縣 瀁 典要 號 寧 乃 江。 (通典》 西 故 . 貢 》 幡 | 東, 爲漢水, 精 南 羌 于 漢 城 一,似 所 《志》、 漢中 北 耶? 出 出 地 無 州 即 在 論 朝 學 因 有 亦 冢 漾 邽 漢 氏

《志》、

鄭注皆妄矣。李吉甫《元

和

志》

云:

嶓冢山

;一在秦州「上邽縣西南

五.

十

冢,乃

西

漢

源,非《禹貢》

嶓

冢。

則

班

以《

禹貢》嶓冢,實即

此

山

而

西縣之嶓

魏

收《地形志》遂于此縣

系以

嶓冢山,意

指

山

爲嶓冢。

後

魏

遂

于

此置嶓冢

而

謂

東漢。」實

以

此

爲始

源,并于此

地

别

應

劭

于《漢志》沔陽

縣

下

注云:

. 「沔水出

Ш

源

冠東漢首也。

後人

八有疑于

此,遂因

漢云

云,以見潛、沔通流

故可

以

漢

云。

又言漢别爲潛

流

與漢合,即

爲

故

鄭

「梁州」注

潛

蓋

漢

西

出

嶓

冢

與

西

漢合,

則

通

西

漢

E

源

得

名

興元

府「金

牛縣

東二十八里,漢

經南

鄭縣南、《禹貢》「嶓冢導

里

, 漾水之所出, 東流爲漢水」。

今陝西漢中府沔縣白馬城東南五 不合,無爲漢」是也。今考後魏嶓冢縣,故 且班、鄭

在

流

沔陽分支南流,入穴通 以爲沔水無西人之理。因引劉澂之、郭景純云「東漢從 中記》不知何書,所云嶓冢似即指在沔陽者,酈故駁之, 記》「嶓冢以東、水皆東流。 源舉隴西,不舉西縣,皆未詳。 但氐道本屬隴西,如璩與郭説,則曾改屬武都。 隴西嶓冢山。」璩心知氐道嶓冢係後撰,故改爲漾山 則云"「漢水有二源,東源出武都氐道縣漾山 武都氐道縣南」,皆非也。 貢》,故錯互其詞。 此山。《水經》作于魏晉間人,因班《志》似不合《禹 以爲西漢源,且又插入「嶓冢山」三字,則是氐道 縣,東至武都沮縣爲漢水」,此十七字的 冢山,東至武都沮縣爲漢水。」愚謂「漾水出 歷敘西漢源 辨秦州嶓 其 在今沔縣 且. 東漢通谷水,自武遂川至關城,合西漢」一説,而 漫 「諸言漾者、多言西漾水至葭萌入東漢、是以經 據 可 通 小說筆記、道路傳聞、欲定嶓冢 流,而其首乃云:「漾水出隴西氐道 冢山爲非,皆妄也。《水經》卷二十 金牛驛北,與寧羌州相連,力 別尋一 郭璞注《山海經》,遂云「嶓冢,今在 山、人西漢」一説、又引庾仲邕 Ш 嶓冢以西,水皆西流」。 常璩《華陽國 以代之,遂尊信之, 酈注于此下又引《漢中 係 志・漢中志 東漢源,乃 隴西 ,西源出 又于西 總之 亦有 氏道 縣嶓

> 兹矣。 護也 與《禹貢》以西漢源爲東漢源,正互相牴牾,似不可據。 其以氐道亦有嶓冢,則并可直斥其附會,而不必回 實勵此條言二漢通流,正可以調停《尚書》與《班志》不 郭、庾三説相符。 漾水出氐道縣,東至沮縣爲漢水。」診其沿 合之處,而圓融其說。 此則酈自以注家之體,回護《水經》之文耳。 東西兩川,但受沔、漢之名者,義或 若《水經》則以 東漢源爲西漢源 注, 似 與 劉 其 在

滄、《史記》作「蒼」。 又東爲滄浪之水,〔《釋文》曰〕浪音郎。○〔案曰〕

京从光泽门总L。 分爲異水。按經首尾相連,不是分别,

當以名稱别流也。

也。 古文説 古文以 浪也。 説 鄭説 水首受江,東入沔, 世變名焉」者,《地志》南郡華容縣,「夏 水」,意以今之所謂夏水,即古之所 下 者、《水經 别 案日 7,亦以 爲江之别,又爲漢之别也。 荆州之沱以 江之别流,而鄭 即引 流」,與鄭合。 鄭又引《地説》云云者,此出《水 而 」鄭 鄭又云「即漢之別流 爲滄 劉澂之《永初山川記》云:「夏水, 駁之,然稱爲古文,則知是 、爲夏 ,故鄭從之。 • 夏水》篇注,既引鄭 云「滄浪之水,今謂之夏 **麦水**。 浪,漁父所歌也。」彼 爲夏水,而于此滄浪之 疏云 蓋夏水介江、漢之間, 以 行五百里。」然則 爲漢之别流者,鄭 鄭云「今謂之夏 名别,非 也,來同, 偽 傳 亦 云 水别,非 此 雖 之注,其 謂 孔 不 夏 故 氏 滄

夏水。 也。 本小 耳。 割散 合,謂之夏楊水。」又東至江 江之汜也。一又東過華容縣 陵縣 皆以 甚明,故知是鄭注也。 水注》亦引此幾 爲鄭注無 引古文説,與 意定 云云,「是此 古書,鄭注《禹貢》屢引爲據,又劉澂之 同 一十九卷《沔 以《漁父歌》爲據,鄭既從古文,則此 水上承楊水于竟陵縣之柘 東 ·,水積成澤,流與漢合」,二十卷《漾 考《夏水》篇云:「夏水出江,流于江 滄 亦猶二十九卷《潛水注》引鄭「潛 兩處分引,而《沔水注 夏水又東逕監 爲 南。 浪爲夏水,即漢之别流也。」漁父 鄭 疑。 注 酈注: 水也」。 , 併 水注 鄭 且《索隱》云:「馬融、鄭玄 「江津 合爲 利縣 同, 句, **%** 南。 而不稱鄭,是其例 而古文説 觀此則鄭引「漁 有中夏口,是夏水之首 一條者,以《地説 彼 特酈道 南, 夏雲杜縣,人于 口,東南流,與 夏水又東,夏楊水注 注 酈注: 不 》未標鄭 稱鄭,今以 元 與《 「縣北 將此 地説 八中夏水 臨 穴 名 條 中

沔。」 注 他 者,酈據劉澂之云「夏水是 東 于 孫吴移夏口于江南,故專指 應劭注云:「沔水自 夏之爲名, 而 而不名夏口。 杜預曰:「漢水曲 之目,亦苞大夏之名矣。 故曰 夏」, 爲 江 對「導漾」言、非東 夏,其勢西南,非《尚 水決入耳」。然夏乃從江之北岸 自堵口下,沔水通兼夏目,而 陵東 (據之,故不信鄭注,遂 既非 而 漢,故并其源流皆繫之漢,不 滄浪」者也。 江夏。」然則夏口即今漢口,在漢陽府漢陽縣。 劭《十三 謂以 且「《書》不言過 始于分 沔 南、又過華容南、即經所謂 以 注 漢爲 州 江 夏,與「又東」 江即 記 江别至南郡華容爲夏水,過郡人 ,冬竭夏流 一所 之也。 **≫**⊟: 敘 夏口矣。」案《地志》江 當其決水之所出,謂之堵 而 而何? 江北漢人江之口爲漢口, 夏 酈不 江 水 别 而言爲者, 書》又東之文」。 劉又云「 會于江 人 江 源 以 沔爲 于《沔水》篇 有何不合? 流 流沔, 劉 此 ,謂之夏汭。」 夏 説 , 其 爲 假 水 既 本謬, 滄 源。 有 非 使 明 云 必 夏郡 中 流 江 沔 浪 又 夫

楚都 陵東 都。 均州。 稱 附 運》釋文:「郢,楚都,在江陵北。」然則夏水 門,楚東門也。』《地 郢 也。 必古書可信 丹陽,十八世文王 注 注 不見」,王逸注:「夏首 之水」,其説 都」,下言「過夏首而 云 别 纏 《楚辭 何涉? 南 撰 洲改爲 是世俗語訛,音與字變矣。」 酈强 ,《隋·經籍志》、庾仲 絡 以 「縣 滄浪之義 故曰 鄢 爲「蓋 西 浪 鄀, 者, 滄浪 北四 詭 洲 近楚都。 哀郢》上言「出 地說》之書,鄭援引最多, 地 漢 甚。 酈亦不 洲,以當《禹貢》「滄 十里,漢水中 連 庾仲 沔水,自 徙郢。」《莊子・外篇・ 志》:「楚之先 彼文敘至武當縣 考《地説》滄 紀 雍《漢水記》五 若在 雍《漢記》謂之千 郢,咸 能 「, 夏水 西浮, 違其説, 均州, 國門 爲 有 П 顧 有洲,縣 楚都」。 滄 熊繹 龍 也。 浪 則 浪 出 近 與 封 龍 而 發 楚 浪 天

此一 沮 説 池」,則是滄 善注引《左傳》屈完所謂楚國「方城以爲城,漢水以爲 張平子《南都賦》「流滄浪而爲隍,廓方城而爲墉」,李 故《地説》援此歌,以爲楚都之切證。 漁父,並不在 郢,而皆被其名乎! 水。《水經注》名夏楊水,見上。 乃云「漁父歌之,不達水地」,尤爲妄謬。 而 登樓 近 江 托歌滄浪,正當在古郢都,今江 近 縣,「《禹貢》南條 浪,音義 人遂云 陵 洲 楚 小洲,豈得兼包千里,連絡 滄浪出 賦》云「 入陽水, 荆 浪旋繞楚都,正當在今江陵。 全别 庾 自 荆 但 山 均 均州之境。 仲 挾清漳之通 酈 山 漳水出焉, ,妄爲牽 雍 州 陽水入沔。」陽水 所 至 所云千齡 指 荆 今按《地志》南郡 即屈 漢 者 Ш 陽皆名滄 王粲在 ,漳水所出, 扯 乃均 原遊 又思念楚都, 浦」。 而 殊屬 洲 東 州 鄢 江 荊 漢 又《 一潭,遇 都、紀 浪, 州 即 山 水中 陵。 地 酈 海 作 夏 東

> 異源, 流 睢 浪之爲夏水,無疑也。 矣,而南漳未繫荆州 語,有類 「江、漢、沮、漳,楚之望也。」北 隨 0 至楚都爲陽,又爲夏,至人漢處爲 一然則 地異名。 但 翻 漳 切者,滄浪漳也。 源 本 而 出 漳之爲陽,實即 同 荆 流 Ш 故别見于此。 夏 故 自 本 分 下 《左傳》: 漳繋冀州 江 通 滄浪古 一二水 稱 堵 滄

水,陽水入沔,是爲陽口,古之漳澨也。 權 謂之楊口。」案,章山 水口。又東逕華容縣,又北逕竟陵縣西,又北注于沔 謂之楊水。又東北,白湖水注 南,與陽口 東、《禹貢》所謂内方山 東」,酈注:「沔水自 南」以下,歷敘所經。 [又案日]《水經》「沔水又 名夏楊水。 陽水即 今南 合。 滄浪之水。 鄭、 水上承 城 即 在今荆門州 刑城東· 江 固 ,沔水又東,右會 陵縣 《漢志》漳水東至江 二、 洋 謂「又東 赤湖 南流,逕 之。 至「又 東北。 逕郢 東, 又東北,得 西 當陽 爲滄 權口 東 城 過 陽水 權 南東北 過 城 縣之章山 州 П 通名夏 東赤湖 陵 東 荆 固 又東 入陽 南有 流 城

荆 漢 均 門 陰、 ,皆漢水所 州 陽、 光 化、 興 安、 經 穀 也 城、襄 洵 陽、 《陽、宜 白 河、 城、 鄖 西、 鍾 鄖

市制反。過三澨,至于大別,南入于江。〔《釋文》曰〕澨,

别 季宣 注》四十卷。 ○《史記·夏本紀》集解。 鄭曰〕三澨,水名,在 Ш **書** 名。 古文訓》三卷。 「傳 觸 山 曰〕三澨,水名,入漢。 П ,南入江 ○又《索隱》一卷。 〇程大昌《禹 江夏竟陵縣 貢 (論)下 ○《水經 界。 薛

並同。 但 增水邊土,人所止 與鄭未必異。 名故也。 鄭又云「在江夏竟陵縣界」者,考《水經》 合。」曰過,又曰 行,過三澨,合流, [案曰]鄭云「三澨,水名」者,酈注、馬、王 「埤增水邊土」亦即可爲水名。 鄭于「弱水」發例,言過言會,皆水 《説文》卷十 酈引《 合流,明三 觸 者。」即引 大 地説》曰: 一上水部:「澨,埤 (別之陂,南與江 澨 此經爲證。 爲水名也。 「漢水東 《説文》

傳》澨 北。 宣公四· 北 在 其所引,不知何 際及邊地也。今南陽、淯陽二縣之間 第四 鄭玄及劉澄之言在竟陵縣界,經云邔 水陸相半,又無山 水之濱,有南澨、北澨矣。 之邑,或謂之地。 四年,左司 十三年,司 注 今襄陽 春 即 \equiv 澨 相 襄 論者疑焉,而不能 + 秋傳》文公十六年,楚師 有五。 陽 璠 年,楚令尹 卷末言《禹 地 縣 府 云在 在 馬 馬 淯水 東 官 南 遠 戌 睢澨,宋地,故酈 南 境 城 郡 越縊 者 敗 2,今並 陽淯陽間 左右,舊 縣 京相 源 子越 吴 邵 可當三澨。 東北 貢》 出 縣 師 于 無所 璠曰: 杜預亦云水 辨 處, 之北。 蓬 于 師 Ш 孟康曰 《其所在。」按《左 有 于 澨。 雍 者、《漢志》南陽郡 水 津途關路。 謂 而諸家之論、 南 ·漳澨。 澨。 澤 次于 澨 三澨。 邔 邵 服虔或謂 不 酈 地 北北 音忌。 引。 昭公二 注 所 句澨 定公 云: 縣 惟 其 城

東山 門縣。 育陽縣 也。 異名也。 大别山」注云:「俗名爲檀山峴,蓋大 不信其説,而 志》、《續漢志》同。 安豐,于此 即《索隱》所云「三參水」,此即鄭注 陵即漢竟陵,今爲天門縣屬安陸府。 石家河爲一澨。 府志》以司馬河爲一澨,馬溪河爲一澨, 水,俗云是三澨水。 水經》三十三卷「決水 注云:「巴水出雩婁縣之下靈山,即大 在 名,在安豐縣 竟陵者也。 惟鄭及劉氏言在竟陵界,竟陵,今天 有南筮聚。 《史記索隱》曰:「今竟陵有三參 二澨 **雩婁在安豐縣西南。**] 又三十五 無 又不能 注 不 與邔 自京山合流入景陵界,景 大别,鄭于導 可 則 南 京相 爲 縣 必 參音去聲。」明《承天 言其所在。 0 無 亦 三澨,是諸説 出 璠 杜預、酈道 涉。 以在 廬江雩婁縣 亦曰「大别,漢 謂之三汊水, 若以 安豐。 Ш 然酈 以 爲 介别之 之所 爲在 元 皆非 《漢 人 皆 漢 南 干

> 東江 明自 鄭。 《左傳》定四年,吴子伐楚,舍舟于淮汭 常 東,楚軍漢西 則? 子常從小别與吴戰,退而至大別, 乃濟漢而陳,自小别至于大別。 水山 别 至於大别,言其師衆爲長陳,自西及東若 辰,●陳于柏舉。 自豫章與 縣江側魯山當之者,有之自《元和志》始 之大别在安豐,而不信漢水所至之大别 在安豐,何也? 知 Ш 北地」。 孔疏 東而漸西也。」按, 不 亦 也。 可,欲奔,史皇止之。十一月庚 曰巴山。」酈 與決 云:「小 楚夾漢。 史皇謂子常必速戰, 自豫章與楚夾漢,謂吳軍 也。 水同 要自 吴師大敗楚師,子常奔 子常濟 ·别當 出 能 唐以 豫章、杜注 在 信 Щ 漢 決 前 大别之東,何 而 水 故 未 陳,自小 有 巴 世 三戰,子 謂 以 水 云「漢 漢陽 之 所 别 漢

「庚辰」、《左傳》作「庚午」。

0

説》言「漢水觸大別之陂」,陂者山脈之靡 安豐 明明在漢東 Ш **迪行,插入其境,故曰「至于大别」。** 羅田諸縣,山勢連延,西南趨江 南、大别又在雩婁之南。 安豐故城在今霍山縣西,雩婁在安豐之 也。 傳文,無從 此 迤而不盡者耳,觸者僅漸及之而已耳 實在漢水西岸,豈可通乎! 水直至山下也。 大别」,大别非漢東乎? 之遠。 方用一 實在漢水之東,觀子常濟漢而陳,則已 玩 無大别者,以其去漢太遠,不知《地 小别當 .轉而後南入耳,非 兩 兩言東,不言南 南字,何等著力 小 矣。 在大别之西,孔 軍合戰, 别與吴戰,退而至大别之事 傳云「觸山回,南人江 而其下曰「自小别 則 自大别以 今之所謂 則英 纔至 了,明係 直 杜預所以疑 说说正 至 山 漢水東北 山、麻城、 大别 漢 東。 已 相 大别, 水 至 蓋 之 于 此 直 江

> 者爲大 安豐明矣。 晴 抵 111 東 閣 北 (别,則南字便爲贅疣。 畔 始回 瞰江之山, . 轉 而 南。 與南岸黄 若 以 今 漢 鶴 大别之在 樓 П 相 西 對

水也。 縣在 又云: 也。 鄣以下, 東逕林鄣故城北。」案溳口在今漢陽縣 合。」案力口在今天門縣東南,三澨當在此上下。 水又東逕左桑。周昭王南征,没于是。 流入,與天門分水,又東入漢川縣界。 東北注于漢堵口,今湮。 城在縣西北,有夏水、沔水。 夢城,在東北。」案《通典》復州沔陽縣有漢雲杜 雲杜縣東,夏水從 口也,爲中夏水。縣,故邳亭,《左傳》『若敖娶于邳』是 又案曰〕《水經》:「沔水又東南,過 此 《禹貢》所謂『雲土夢作乂』,故縣取名焉。 漢陽縣西林鄣山下,林 庾 「沔水又東南, 溳水人焉。 自監利縣流經州南四十里,與潛江縣 又 `當言「又東北至安豐縣南,觸大別 仲 南 :雍曰: 至 江 夏 口 夏 漢水在州北 西來注之。 日沔口矣」。 シ羨縣 鄣故城 今沔陽州南長夏河 北 又東逕沌陽縣 在林鄣 南 酈 一百里,自 西北。 案今漢陽縣本 酈 注又云: 又東與力 山陂」, Ш 注 于 上。 分水,又 沌 北,又 江 即 自林 陽廢 潛江 即 一沔 夏 堵 夏 不 注 П

于江南。 麻 實 漢 在 沙羨縣 澨,至大别南入江」也 城、英山、漢陽,皆漢水所經,所謂 江 北 地,江水在 今京 孫權 于江南築城 山、潛江 城東南 、天門、沔陽、羅 名夏口 ,漢水在 ,而夏口之名始移 城 北,亦曰 夏 一過 田 \Box

日〕匯,徐胡罪反,韋空爲反。 東匯澤爲彭蠡,東爲北江,人于海。〔《釋文》

從 澤 記》七卷。 澤矣。《水經》二十八卷《沔水注》。 以 江,而入于海。 爲北江而入海。 蠡大澤。 人,震澤底定」,孔謂「三江既 鄭曰〕匯,回也。 震澤。 震 于海,不 也,故言江 澤 蠡 屬 有三江 [傳日]匯,回 出澤又分爲三,此 揚 自彭蠡江分爲三,入震澤, 州 自彭蠡分而爲三江,復 澤 鄭玄以爲「三江 彭 〔疏曰〕揚州云「三江既 則 蠡 震 也 漢與江 澤 在 也。 孔 之 揚 西 州 知人震澤者, 鬭,轉東 水東回爲 之 三江 水遂 ○徐堅《初 人」,人 西界,今 既 且具矣。 爲 成 共 其 遂

知三江人震澤矣。今云「三江既入」,繼以「震澤底定」,故

亂道。 爲北江, 故云「轉東」也。 則鬭既已邪,行北人安豐境,然後又東, 三,孔是也。 已見「揚州」, 日 此言導漢,故曰「北江」,下文「導江」,則 江鬭」云云者,漢水觸大别之陂而入江, 之形,故以水之回爲匯也。 一下口部:「匯,器也。」器之受物有 案曰〕鄭云「匯,回也」者,《説文》卷 中江」。 無異夢囈。 知彭蠡爲南江矣。 傳以江 又詳「導江」。 「彭蠡」已見「揚 人震澤,震澤下 疏强爲附會, 又云「漢與 鄭 三江 云 州。 江 尤 П 折 屬 流 解

一東北流,其一又過毗陵縣北,爲北江。牛渚縣南,又東至石城縣,分爲二。其過彭蠡澤,又東北出居巢縣南,又東過〔又案曰〕《水經》:「沔水與江合流,又東

三〇二

毁,遂至城下。 安得逕牛渚而方届 東至餘姚則 北二百步, ●有故城, 本毗 又 經》此條, 在姑熟、烏江兩縣界中。 稽 非。考其逕流,知經之誤矣。」案《水 顛倒 江即北江也。 餘姚縣 石城,蓋經之誤。」又云:「毗陵縣 失倫,自酈氏所見本已 ,東人于海。」 陵郡治。舊去江三里,岸稍 于石城東北,減五百許 經書在北 江則可,又 酈 注

然。 姚之非逕。 作皖。 巢今廬州府巢縣。居巢亦當在石城之 蓋牛渚非縣,「縣南」上疑有脱文,當云 下,牛渚之上,而酈未之及。 澤」之下,方合。 下接「縣南」二字,尤紊謬,而酈亦不辨。 又東過院縣南」,皖縣今安慶府治懷寧縣,俗誤 雕但知牛渚、石城之誤,與北江 《説文》無此字。 然石城今池州府貴池縣,居 若嫌增移太多 并移于「又東 且「牛渚 一,則 過 删 彭 餘 夫

江。 南, 姚入海」,與《水經》合。其實《水經》 之北江,即此經「東爲北江」,亦即 如此所敘,乃不失先後之次。 説,而不目爲南江者,以《漢志》 乃合石城之分江水,與在吴南之南江爲 江在吴南,東入海之文故耳。 云。此當闕疑。作《水經》者附會 至餘姚入海之理,不知《漢志》何以 可見、據理而談、大江自石城分派,萬 今所更正言北江 人海者,恐作《水經》之人亦不 漢志》云爾。 漢志》石城縣,「分江水首受江,東至餘 東爲中江」者也。 又東過牛渚, 其一東至會稽餘姚縣東,人于海。」 今貴池分江水已滅没,不 ,則明析矣。 又過 其一至餘姚入海者, 毗 陵 縣 其毗 若至餘 北 至酈注, 過附 别 此 姚 依 無 會

過彭蠡澤」下,當云「又東至

石城縣,分

其

一東北

流,又東北

出

居巢縣

縣南」二字亦可。

今竊

爲釐

正之:「

東

[「]毗陵」、《水經注》卷二十九「沔水」注作「丹徒」。

三江之説,要皆與鄭注不合。 者,爲三江。 吴南之南江,合此 之所謂南江 江之枝分,故謂餘姚入海之派,非 斷不能與松江合。 無此事。 漢志》、《水經》以石城分江水至餘姚之説同。 條 若吴南之南江,則是吴松江,石城分江水亦 説文》亦云江水東至會稽 也。 當郭璞岷江、松江、浙江 而以至餘姚入海者,爲 酈意蓋 餘 姚 之江 以毗陵之北 Ш 一陰爲浙 . 與 浙江 班 其 江 實 爲 诵 固 與

岷山導江,東别爲沱。

江在沱南,知江東南流,沱東行。云「浮于江、沱、潛、漢」,其次自南而北,云「浮于江、沱、潛、漢」,其次自南而北,

> 《漢書》並作「醴」。 又東至于澧,〔《釋文》曰〕澧音禮。 之。 水出 也。 四川 原之鄒江,于荆則夏水,兼二水言之也 合《爾雅》「水自江出爲沱」,故鄭注荆州之沱,以此當 志》南郡華容「夏水首受江、東入沔、行五百里」者、正 此下歷敘所經至,「又東至華容縣 崇慶州。 沱禹所無。 東入江。』《華陽國志》開明,是七國時杜宇之相。 曰道,今茂州是。 又東逕廣都縣。」案氐道即漢湔 此經所謂 郫,成都二縣,即今治廣都故城,在今成都 松潘衛治。 ·焉。」 酈注「江水左迤爲中夏水」,案此即《漢 《漢志》江原縣 都安縣,今灌縣。 汶江,《 《漢志 「東别爲沱」者,于梁則江 漢志》稱縣不稱道,邑有蠻夷 「鄯水首受江」,即梁州之沱 》蜀郡汶江縣,「江 臨邛,今邛州。 氐道 〇〔案曰〕《史記》、 ,蜀漢曰氐道,今 沱在 江原,今 西, 東南。 西南 則此 夏

郡有醴 疏。 問》上卷。 南 鄭曰〕醴,陵名也。 应 ○林之奇《尚書全解》十卷。○陳大猷《書集傳或 陵縣,其以 ○傅寅《禹貢集解》二卷。 ○《史記 夏本紀 陵名 大阜曰陵。 》裴駰 爲縣 集 〇毛晃《禹貢指 乎? 今長沙 《尚 書

澧 作醴。 玉。 余佩兮澧浦」,是水名。 知是陵名,不 「至于」者,皆非 縣乎」者,考《地理志》長沙 又云「今長沙郡有醴陵縣,其以陵名 四下自部亦云:「媵,大自也。」是也。 「大阜曰陵」者、《釋地》文。 案日」 醴陵、《郡國志》長沙郡始有醴陵。 疏 書》長沙 析 水名。 日]鄭爲陵名 但《史》、《漢》皆作醴,裴駰引鄭亦 州 臨 鄭云「醴、陵名 府 湘縣 疏引作澧者 復 郡 《史記 臨 有 每 有 南 湘縣之北,長沙府 醴 事 从水傍無疑也。 • 陵 水名故也。 必與 沙縣,舊 夏本 置 析 ,順僞孔之文耳 也。 爲 紀 鄭立 長 也」者, 水名、《 《晉書》同。 沙 臨 解。 置, 國有臨 一異,故 《説文》卷十 湘 馬、王 0 鄭 其 楚辭》「 醴 鄭又云 \pm 例 地 陵 從 及 醴 湘 以 以 傳 縣之 當 爲 同 則 後 爲 鄭 在

至其 故爲疑詞也。 縣 南 所云故: 地。 陵,不足怪矣。 陵、容陵,地 于江, 縣北又有 城,在今武昌府 忌置山南,右岸有 也。江水又東,左得二夏浦,俗 來注之」。 注于洞庭之陂,是乃湘水,非 水、資水合,東流注之。 敘至「又東至長沙下雋縣 水 有 《水經 荆江口,在 縣 零陵、 鄭 注云「湘水左會青水口 故 湘 城,疑即 辨之云皆注洞 以 水 也 忌置 所注乃 此 正 酈注:「江水右會 其誤。 孱 洲 漢臨 以 證 縣 通 江 西 城 其 其 陵、沅 城 《水經》江水自華容縣 湘 江 陵著者甚多,則臨湘 江 故鄭云然也,不敢質言 縣西。 北 湘 陵 東 也,故云江水 此 之間 濱當有醴 故 山 庭之陂。 有 即 條誤以澧水、沅 城。 洞庭 城 山有故 陵、遷陵、茶 岳 郡 ,資水也」。 陵磯,東 城 江. 州 入江 謂之西江 酈注:「凡此諸 陵疑 湘 其所注 府 III 有零陵、武 水, 所 也。 城。」案, 陵耳, 治 右會湘 北 處,亦名 即 巴陵縣 北 醴 是湘 接 湘 水、資水合 謂 又 П 陵 臨 水。 云 也。 漢 水 非 江水會 陵、 ",亦 水、沅 西江 湘 又 下 有 謂 從 水,皆 其 縣 東 又酈 下 水 口。 嘈 昭 界。 南 江 故 江

則沅 水注 至于醴之醴爲澧,而 得至于遭,乃諸家以《水經》有 而 渚,正與此江水注合。 注于湘 水注之」。 "必由湘 凡此四 又云「右屬微水」。 水,同 乃轉達江 不 然則遭、沅諸水合于洞庭之北 知 注 其誤 洞庭北,北 耳。 澧水注江之文,遂改東 也。 澧不徑達于江 又云 大江, 江 湘 水 水 左則 漕

至于醴所經也。

江之水。 江之水,,非是别有九禹今導江,過歷九江之處,非是别有九名。〔疏曰〕九江之水,禹前先有其處。 〔傳曰〕江分爲九道,在荆州。 東陵,地過九江,至于東陵,

城南。 《水經》:「江 西 夏沙羨縣 〔案曰〕九江 口 縣故城 縣南、酈注 城南對五洲,江中有五洲相接,故名。 出 東陵 灣縣霍 南 西北 秦白起伐 在 水 在今蘄水、蘄州、 Щ 歷敘所經,至江水「又東逕軟 ,沔水 自 今 南 **E流**,逕 黄 下雋縣北,又東北 楚, 梅 從 | 軟縣 取 縣 北來注之。 西陵者也」。 東南注 境。 俱屬黄 廣 江。 濟諸 又東逕 東會 又東 至 州 縣故 府。 州 希

> 縣,今大冶縣 也。 江夏。 即此經「過九江,至東陵」者也 此、俱係蘄水、蘄 廬江郡東陵鄉。 甚多,即九江所在。 今蘄水縣南。 今蘄水縣,江 又東過下 蕲春今蘄州 東 自尋陽分爲九道,蓋 及興國 西陵與下文東陵相 過 州 江夏有西陵,故是言東矣。]案下 雉 縣 及 「江水又東,左得青林口,即 其 廣 廣濟縣 州 春 、南岸則大冶縣、興國州 濟諸 地。 北 縣 州縣 南, 地。 東陵 刊 境。 化對。 水從 自軟 蘄 始于 鄉 在 水 江之北岸,浦 縣故 徐廣 此。 今黄 東陵 從 城 北 希 日 以下 瑞昌 水 刊 西 來 水 口 北 南 注 縣 在

東地北,會于匯,〔《釋文》曰〕地,以爾反。

東溢分流,都共北會爲彭蠡。 日〕地, 靡也。 言 尚書全解》十卷。 鄭日]東地者爲南江。 靡 地,邪 出之言,故爲溢 《釋文》。 ○羅泌《路史・ 《尚書》疏。 傳 餘論》十 曰〕地, 也。 〔疏曰〕地 東溢 卷。 溢 林之奇 也。 、 馬

「刊水」,陳橋驛點校本《水經注》謂當作「利水」

合也。 流,又都共聚合,北會彭蠡,言散流而復

地北 也。」 地 東南 九江 北 者、《説文》卷二下是部云: 彭蠡, 自是 東爲北 「地,靡也」,傳云「溢 北 字 彭 東陵 江 蠡爲在 ·句絶。若傳及疏以北屬下 即引《夏書》此文以證,是也。江 ,會于匯」也 ,德化縣北,又東會彭蠡 而 江 處,則南 鄭云「東地者爲南江」者, 會于匯者, ,下文言東爲 而東,大勢邪行向北,然至彭 南江,故鄭補言之也。 北 矣,非是。 會于匯,彭蠡在 也」。 南 中 今江 江 江 疏云「邪出」 也。 川則 一 地, 一,所謂 自 句, 江之南, 黄 此 猶 衺 文 馬 梅 淮 云 行 東 反 云 東

東爲中江,人于海。

理志》云,南江從會稽吳縣南東入海,中〔傳曰〕有北有中,南可知。〔疏曰〕《地

知。 不完,或因已見漢水,末故不具。 從略也。《水經》敘江 爲中江,漢爲 次則彭蠡自 江水發源甚遠,其下流則漢自北 志》之文耳。 澤,則其所指南 之,其實 江 案曰]傳補 海, 從 丹陽蕪湖 三江實一江,而南江不勞致功, 北 皆 江 從會 似 出 南人,三水並 辨已詳 北江,彭蠡所入爲南江 是 南 縣 稽 北中江皆謬、蓋誤據《 西, 而 江 毗 ,疏引《地志》三江 非。 陵 東至 水于東陵下 揚 縣北 傳 **士會稽** 州」及「導漢 持 意 東 而 謂 陽羨 東, 海 江 則 縣 地 江 闕 故 口 其 當 東

江海 在 陵下云「有江 至江都入海」,江都下云「有江水祠」,海 又案曰》《漢志》湔氐道 北 會者,江人 興、靖江、如皋、 東入海」,則 海 海也。 會 以 祠」,皆以 通 南岸言之。 毘陵下云「北 下云「江水 州 海門, 北 岸 言之。 東 江 南

關

,更可置之不

論

惟是《水經》

沔水

與江合,過彭

蠡

下,

又云:「又東至石

石

城

縣下,並

不與北

江、中江

南

江

相

水今已堙滅,不

必

致

詳。

且班

自繫

此

得復至餘姚,此

則

班之不

可解

者

但

此

班又云「至餘姚

人海」,此

水至

太

湖

П

不

而

涇縣、寧國、廣德至安吉,人太湖矣。

故遂取 人海。 流 志》别 《水經》之誤矣,不知酈 程 南 則用郭璞岷江、松江、浙江爲三江之説, 爲北 經》不自石城分江 書北江則可,言至餘姚則非。]自謂能正 城 又東至會稽餘姚入海」。 此不過附會《漢志》 縣、 疏 里,岐分爲三江口,以 江 ,分爲一 人太湖之後,一派 其意以班固 爲二派,上 江. 東北 有 南通、餘姚 云水 二派合岷 石 南 其 城水 流,其一又過毗陵北爲北江, 江即松江。 在吴縣南 名 其 又 而 二東 源皆自 南江在 買之以 已殊 江爲三江,又于餘 縣,合浙江、浦陽 東 水爲南江者,以《漢 以立文,乃傳寫誤作 至 北 東 非 會 流 入海; 石 出 亦非 吴 南 酈辨之云:「經 班 稽 爲松江 城分江, 縣南東入海, 江之名,且 又 古 餘 過 也。蓋《水 所 姚 耳。 毗 謂 派歷 下, 下 陵 姚 南 江. 而 北 分 下

惟

石

城分江水,從今貴

池、青陽、宣城、

人牽以合之,遂至大謬,非班氏之過

也。

别

而言之,並不指

爲《禹貢》三江,而

後

《志》又以吴松爲南江

班

正

流,

與中江、

南

江

爲

一者

也

氏所言大江

原無訛

漏,然北

江

者

海

陵

縣

地

武

江

陰、

常

熟

及

太倉

之

鄉,皆

1漢毗

陵

縣

地

江

海

者,所受皆宣歙山

源,以入太湖,至闔

廬

松,震澤之下

流,固

與江無涉,即荆

溪

,荆溪爲中江

始開以通江,禹時

亦與江

不通也。

班

氏

三〇上

分江 謂 浙 酈 源 明 謬,猶知有大江入海正道,未 誤至此。若酈意則又以松江 若謂徑至,則中隔宣、歙, 夫《漢志》、《水經》分江 之三江入震澤爲北江 江之水? 由太湖 之意如此。 係 江 ,則二派 爲 水,欲使並 種種迷誤 南 江 必必 而 江,又將遷 皆 已屬 至, 承 非 如其説 餘 則太湖 分江,皆可 大非。 列爲二,以配 ,皆不可 姚 人海之江 松江 則 而入海,其 下 北 水至餘姚之説, 以 從。 流何嘗有入浙 難 人 而爲 謂 岷 以 言南水, 之南 江 合大 亦承 有 然諸 越過; 中江 一爲北 如 亂 但 江 江 孔 道 説 其 耳 矣。 雖 城 故 尤 傳 而

禮》注引《書》並作「泆」。《漢書》作「軼」。當作泲,辨見「兖州」。溢、《史記》及裴駰引鄭注,鄭《周曰〕沇音兖,又以轉反。○〔案曰〕古有沇字,無兖字。濟道沇水,東流爲濟,入于河,溢爲滎,〔《釋文》

甚

也。

〔鄭曰〕《地理志》沇水出河東東垣王屋

云,沸 滎澤, 夏本紀 清,南出還清故也。 河,與河相亂,而知 是古之舊縣,故計温言之泲水,既入 者,游水近在河 今泲水所出,在温之西北七十餘里,温 内武德縣入河。 十數里, Ш 東 影 水 在 至 在 駰 出 河 敖 而 温 集解。 内 河 南 倉 西 武 東 北 東 截 德 平地。 内,孔必驗 垣 南。 河。 傳言「在温 傳 縣 截河過者 八河,洪 日 し 又並 王 疏 沸水 泉 屋 日」《地 流 源 Ш 爲祭。 而知之。 數 人 西北 ,以河濁泲 爲 東 里 河 沇 南至河 理 平地」 史記 溢 並 于 流 去

東至 東南 垣,「《禹貢》王屋 案日 琅槐 至 〕鄭引《地志》云云者、《 無「東」字,鄭注則 續 武 人海。 志 德 \Rightarrow 略 河 同, 過 Ш 郡 在 是 出 九,行千八百四 東北, 沇 滎陽 也。 云 東垣 念志 前 北 水 志》河 地 所 中, 但 \sim 云 職 又

縣

唐

開

元

中,

又析

二縣

地

,置河陰

明

洪

武

中,移

祭澤治

于隋故

府

城

在

縣

北

隋

析

滎陽地,置

祭

陽

本韓

邑,漢

爲縣

屬

河南

郡,

今屬

開

在

今武

陟縣

東。

大坏

Ш

在脩武之西,

德之東,其

八南岸

則成皋,成皋,春秋虎牢

屬河

南郡,今爲汜水縣。

沸從此

人河。

縣

地。

脩武

縣,今屬

懷慶府武

德,故

北

+

里。

濟

源

"隋置,本

漢

軹

縣

及

里

王

屋

Ш

在今河南

懷慶

府

濟

源

縣

垣

縣

故

城

在

今山

西絳州

垣

曲

縣

西

四

武、武德之界、泲、沇之水與滎 城之南五 又「豫 - , 漢置 澤 挂 武 城 + 縣 平. 垣 西 漢 里,又 改流新 河 南,河 並 通計 汜 丽 縣故城在今縣西南三十里 者,漢温縣,今屬懷 澤之西南。」傳云在 陽故城在今滎澤縣治 里。 倉東南」,此 十七里,今滎澤縣治既 敖山 流 水縣。 沸溢 本不在此,當在武陟縣 得 五 南 數十里,又數里,「溢 本朝 東至祭澤縣 在滎陽縣西北 在縣南, 通典》云: :。」敖: 道 爲 一非馬 + 自汜 改 祭,即當在 倉者 · 餘 河陰爲鄉, 則禹迹也。 里。 水 與 迹也。云「溢 「滎陽 , 宣 東至 河南府鞏縣 西北之敖倉十 故 温 慶府, 。』《括地 以傳約 干二 此祭 之西南 一舊河 西 併入 故 移 北 知在 城 爲 東, 南 言之日 一,禹 陽之東北 年》杜注 故城 陰 滎澤縣。 在 志》云:「 滎澤,在敖 河,此 五里, 爲祭,在 ıŀ. 其南 縣 分 温 時 祭 十 在 水。 非 兀 沸 澤 餘 河、 云 則 水 禹 後 縣 則

東。」亦

是

説

此經

「溢爲祭」之事

也

敖

洂

西

#

地

学 陽

民

猶

謂

其

處

爲滎

播

在

其

注云:「沇水溢

出

河

爲澤。

今塞爲

播澤出

自此。」

與此

注

同

也。

在

河内修

氏》注及《説

文》水

部

同

也

鄭于「

」注云:「大坏,地

喉

也

沇出

坏際

南

三〇九

0

河, 矣。 彌 陽。 作,故《沸水 注「武德入河」方合。乃因嫌全與鄭同, 倉東南」,若不知有已塞之事,此其苦心 至東漢已塞,故鄭「豫州」注言之。 敖倉東南去今滎澤縣當二十里。 城。」《括地志》又云敖 陽 敗闕,并自相 直據目驗而云「在温 魏晉間 人河」云云,古澤今渠, · 里 ? 縫,幾足亂真矣。然其上文當仍 五里。今榮澤縣治在隋縣南 城 注云「津渠勢改、不 且 山 河、 殷 温 一人,嫁名孔安國,乃云滎澤「在 上有城 此其 之敖 沸並 在 武 》篇 有 矛 地 流 德西數十里,既云 盾者 意 云「在 應 也, 秦 與 百 鄭 置 也 西北平地」,方繼以 亦 餘 温 與昔同 倉在祭澤 立 倉 E 里,何 縣北 《水經》 異 其 雜然 囂 而 中 得 在 不 並 五. 河, 亦 覺 仍云 在 縣 曰 敖 陳, 里, 傳 祭 温 依 敖 自 西 Ш 河 敖 而 露 數 鄭 出 澤 則 北 之

所謂 縣非 之沸渠。 隰城北殷城 《沁水》篇云:「沁水東過武德縣 也。 先儒亦咸謂 水注之。 矣」。奉溝水見卷七《泲水》篇「鞏縣北入河」注。 流,奉溝水右出焉。 武、武德之界,泲、沇之水與滎播 水 人河。」按沙溝即奉溝之下流,古泲水由此 注之者。今泲水自 人自此」,其下云「即經所謂泲水從北 注之」,彼注 》篇云「又東過成皋縣北,泲 禹 所入者奉溝水耳, 清」者、《説文》:「祭,絶小水也。」 「武德人河」者。 迹也。 沙溝當在今武陟縣界。 其水上承沁水于沁水縣 是爲 南而 **沛渠**,故班 東南,注于陂。 既 傳云 又東南 引鄭 河 温 注「大 固 流,右泄爲沙溝水。 是爲禹迹,則知 沸 縣 闞 即 陂水又東南流入河。 南積爲坡,●有朱 並 沸沇 駰並言 入河,不于 西 流,疏 伾 北 故瀆 在 自 水 沸 人河 水 方口 從 河 云「南 澤, 至 是 内 北 故謂 武 東 東逕 温 鄭 此 來 又 來 德 南 溝

水經注》作「陂」。

也。 澤。」蓋水各有性,游性 河並流,不爲所亂,仍横截 游自大伾入河,與 釋水》: 酈《泲水注》引《晉 正 絶流 日 河水 亂 獨 鬭 而 勁 郭注「直 地 南 道 南泆 故能 也 志》云 爲 横 與 濁 祭 流

過 鞏縣北,南人于河,與河合。 雕注:「沸水于 礫 由 合溴水者,至孟縣東南入河南直孟津縣,其 勢改」者也。 者,禹迹也。 所敘泲水人河之道,正新道也。 其後水流逕通,津渠勢改,尋梁脈水不與昔同。」案此 城北,又東逕號公冢北。 西,南流注于河。 沸水故瀆于温城西北,東南出,逕温 温城西北與故瀆分,南逕温縣故城西,又南歷虢公臺 又東過其縣北,屈 屋山,爲沇水。 〔又案曰〕《水經》:「泲水出河東垣縣 禹以來, 沸水入河之道凡再變, 愈徙而 成 南,東出 皋縣北, 此所敘温縣人河南直鞏縣,則所謂 今其故道又盡陷 過滎澤北。 又東 東至温縣西北,爲沸水。 過滎 從縣 泲水當王莽之世,川濱枯 河中, 沸水惟從枝津之 水陽縣 東 蓋武德人河南直 酈注:「沸自河南 南 北 流、又南 西。 又 流 東 又東 益 「津渠 一成皋 短。 至 Ŧ.

爲通川 泗會」,而河始與泲亂。 川 也,沸隧絕焉。 斯蓋滎播河泲往復逕通矣。 亦 東南爲鴻溝 沸,不相 逕釐城東,又東合黄水。」案,南溢之滎澤,至周初 東,又南逕衡 與沸隧合。 沸隧上承河水于卷縣北河,南逕卷縣故城 北,故榮水所都也。 經云沸出其南,非也。 又逕滎陽縣北 谿水注之。水出滎陽城西南李澤,東北流,歷敖 流,注于沸,今無水。 謂之榮口石門。 北,又東逕敖山 四年,于敖城西北,壘石爲門, 所 爲祭,分河 亦謂之石門水。 祭錐 修故瀆。 名汴渠 」,則滎瀆始于周 ,與陶丘相接,所謂榮瀆也。 亂也。 隋又名通 南流。 渠流東注浚儀,故謂 以 雍城西,與出 斷 《河渠書》云: 又南會于滎澤,又出垂隴城北,又東南 通 ,又東合榮瀆。 蓋故滎播所道,自此始也。 山、東北注于沸、即經 宋、鄭、 漢明帝世,詔 南帶三皇山 濟渠, 京相璠曰: 泲水又東逕滎陽縣北,又東礫石 又東,索水注之。 鴻溝首受河處,一名蒗蕩渠 初可 陳、 即今河 河之游會,南去新鄭百里 出河之游,即陰溝之上原 蔡、曹、 知。 ,以遏渠口,謂之石門, 周 王景作浚儀渠,此 瀆水受河水. 滎澤在 末有于「滎陽下引河 之浚儀渠。 陰鄉西二十里之石 **沸水又東逕廣武城** 然猶河 《職方》「豫州,其 衛,與沸、汝、淮 所謂 滎陽縣東南 又東逕滎澤 自 祭瀆東南 ,有石門 河,沸白 礫谿矣。 帝 Ш 即 又 南

水,自 此門而 在今曹州府治菏澤縣西南。 過 滎口石門在敖城東,兩石門相去數十里。 以上承河陰石門水而云然。 壘石也。 此猶指河、泲並流者言之也。 地 **沸合焉者也**。 代人所導。 經參錯言之,而酈注分言之。 而言,此則專主泲水言也。 之,滎陽下引河,其所溝通僅數十里也。 陰縣界也。 云 東南流者,即王景所修故瀆也。 之游」也 云「東過滎陽縣北 「又東至礫谿 陽武縣北,又東過 「敖城西北 言之,祭澤、 也。 此以下《水經》敘沸水枝流北 出 廣武者,山 故謂之祭口 水經 故云「又東過 自下敘至「東合榮瀆」,而 職方 石門」者,水門舊但用 過此則爲 南 》則直 》豫州之川 」者,上文過滎陽 ,東出過榮澤北」,此則沸之分河 屬 名,在今滎澤縣西二十里,接舊 謂之沸 石門。 開 陶丘復出之姊矣。 成皋縣北,又東過滎陽 封 冤朐縣南。」冤朐 自祭口 府。 自下歷敘所經索水 昔人導澤水以 、《水經》 水 今列經 河陰石門在 而自下則遂專言沸 故酈注遂詳言之。 即 原武、 北 沸也,經流 木與 石門至此,皆禹後 京 》謂之滎瀆,而河、 流如 ,是指河、沸並 相 云瀆首受河者 土,至靈帝 璠 經 祭瀆 屬 左。 放城 爲 所 于此 以今興 懷 通川 南 謂 前已有 縣 慶 又東 沸 西 故城 至黄 下 出 北, 府 北 也, 所 流 河

> 矣。 《禹貢》無涉。 源于出河之游津渠,交絡滎瀆, 睢水,至宿遷入泗曰 曰 加 逕 菏澤曹州府治。 陽 蓋自陽武以下,泲分爲二,逕封丘、泲陽之北者 經》敘枝 鴻溝、 其南者,南沸。 疏導, 曰 武 若榮澤則如故,下至東漢,榮澤乃塞。 日 封丘、 流自封丘 一沙水、 蒗蕩渠、 曰陰溝、 又案,自滎陽引河以後,歷七國及秦,遞 祥符、 曰百尺溝, 惟南沸經定陶, 至沸陽,酈 諸縣,皆榮瀆 渦水,至懷遠入淮 陳 東人潁日 曰汳水,即汴水。 留、 每句 爲河 故爲經流。 蘭 輒 所經 陽、 沙 所 注云「北 。,以上諸水,同 亂 汭 並 南 禹 也 開 東 迹 入淮 北 沸 北 封 無 入泗 沸 也 沸。 府。 與 水 E

東出于陶丘北,又東至于菏,

理志》云,定陶縣西南有陶丘亭。《史記・夏本紀》集解。 [傳曰]陶丘,丘再成。」《地高、河澤之水。 [疏曰]《釋丘》云:「再成為陶丘。」李巡云:「再成,其形再重也。」

郡定陶縣,

「《禹貢》陶丘在

西南。

陶

案曰〕鄭引《地志》云云者,《漢志》济

陰

=

遠

在

縣

東

沸

陰

州

府

處

是

<u>궁</u>

絶

鉅

野

東

南

證,是也。 在泲陰。」即引《夏 文》卷十四下自部亦云:「陶,再成丘 漢故 東曹 璞云「在 「《禹貢》菏澤在定陶東。」唐省定 沸 再 水 縣 州 治 北 西 以 流 也 城)成」, 鄭 自 南 菏澤縣 ,故《通典》游 皆 府,縣治 ^ 九十里,故定陶 菏即 至湖 琅 城 禹 云 陶丘 菏 在 包陶丘 槐 疏引《釋丘》云云者、《説 貢》, 中」者,定 澤 菏澤。 西南 西北 陵人 入海 東南三十里 北 在 《書》「東至于陶丘」爲 又 此 淮 陶丘 七里 而爲 泗者,後人目之日 者,爲沸瀆。 徙于東北 古 《漢志》游陰郡 于菏澤,又 陰縣下云「菏 陶 志 義 城耳。 東 也。 乃沸 城 \Rightarrow 也。 北 工,與定 東北 南 傳云「陶 ,故陶丘 字 陰 念志 相 今縣 郡治 誤 東 去 陶 其 也。 也 北 陶 屬 不 接 下 今 泗 菏 且.

與

山

丘

其

後

徙

系

流,其 説,自 臺縣 澤,被孟 其文曰「菏澤之水」, 行,故宗其説。 陵之菏水無别矣。 陶者,與菏澤水在 爲澤矣。 似湖陵不在 菏爲河,故豫州菏澤直以 之下流 禹貢》三言菏,惟「徐州」達于菏, 東南 引 水 地。 0 所 陷丘 種 水所鍾 至湖 入泗 鍾 豬 種 漢志》山 貢》「徐 此「至于菏」, 許慎云:「菏澤水,在 北 」,乃導澤 則 紕繆,皆爲 陵人泗之菏 徐而在豫,且 者也。」僞 東 在 前 至于菏水。 定陶 言《尚書》 州 陽湖 湖陵者異 不 酈道元時,孔傳 文爲證 餘波,南人孟 則定陶之菏 也。 知 孔 陵 孔 即豫州菏澤 此 既 縣 水。 傳所誤。 爲 在 且豫州「導菏 特菏 有 又以 改徐 菏 湖 在湖陵 湖 導 酈乃 湖 而 陵者 水 陵, 澤 湖 菏澤 澤 州 陵 傳 在 之 己 在 達 謂 今魚 不 陵 與 又 南 知 下 盛 增 定 之 湖 則 澤 而 非 即

定陶,與湖陵無 陵,其餘 「豫州」及「導 涉 也 水」,

又東北,會于汶

(傳曰)沸與汶合。

也。 故城已遠,并清水會汶故道亦湮矣。 澤中之道則無水,及會通 年,改從澤西之清水繞 流 州西南十里有安山鎮,即古安民亭。 今東平州西南有壽張故城,西北去今壽張縣 朐城西,城臨側泲水,《地理志》壽張縣西北有 又北,汶水注之。戴延之所謂清口 其一水從縣東北流,入鉅野澤。 屬注:「南 縣南,又屈從縣東北流」。下云:「又東 民亭南,汶水從東北來注之。」 屬注:「沸水 爲菏水,北爲泲瀆。」又東北過壽張縣 至乘氏縣西,分爲二。其一水東南 南、入泲。《水經》于泲水「又東過 案曰〕《地理志》汶水出 ,絶鉅野 游水西有安民亭,亭北對安民山,東臨游水。」案: 澤, 至此 亭與 澤北以會于汶,謂之清口。 (汶合者,禹迹 河 逕 鉅 野縣 泰 也。 **泲水**自清澤東北 Ш 東 也。 **沸水又北逕須** 北 萊 七十里, 西界,安 後不 蕪 五. r 胸城是 定 縣 + 知 陶 西 何

> 又北 東人于海

安府。 也。 曰: 海,過 游,非游入河。] 又東北 之,自東平會汶以 流注海,今輟流者,惟濕水耳。 不絶,經言入河,二説並失。 水枝津注之。《水經》以爲入河,非 水絕鉅野,注勃海,入齊琅槐東北」者也。 北至甲下邑南,東歷琅槐縣故城北。《山海經》曰 臺縣、菅縣、梁 敘所經須昌縣、穀 漢縣,屬千乘郡 府樂安縣東北一 又東北過甲下邑,入于河。 傳日〕北折 案曰〕《地志》游水自滎陽東至琅 「沸自滎陽至樂安博昌人海。」今河竭,沸 尋經脈水,不 長清、齊河、 郡 九,行千 如《山 東。 鄒 是 八百 經》之密矣。」以 百十里有 縣、 歷 下,東 城城 也。 入海」。 。 城、章丘、鄒 、縣、臨 然河水于济、濕之北 臨 四 郭以爲济注之,事實非 《水經》沸 沸 阿、平陰、並屬泰 十里。 也。 縣、利 邑縣、盧 雕注:「 酈注:「沸水東 琅 今輿 斯乃河水注 槐故 又東北,河 今青州 縣,至 水,歷 郭景 水 槐 仍 别

之所經 屬青州 山、新 府。 城、 並屬 諸 縣 濟 界中 南府。 皆《禹 高 苑、博 貢》 沸· 興、樂安並 水入海

豫導 河, 北。 泲水,小清河爲豫所創,志家皆沿其説。 南 長至七八分。 清河分流。 于梁山張澤濼,分爲二派。 今以《水經注》、《元和志》、《寰宇記》諸 志》都水監田櫟上言: 河即泗水,北清河即 云:「熙寧十年,河決澶州 河,至宋又有 〔又案曰〕沸水自 考之, 游水最 渡後,北 濼東行始。 今者小清 八于淮,一合北清河,入于海。 南清河北 北清河 清 山 南北 河 、新城、高苑、博興、樂安 所經,自歷 又有大小之分,蓋 ·乃泲水故道,可容二三分而已。」 下有枯河數道,河水流其中者 《齊乘》以大清河 「前代每遇古隄南決,多經南北 南、濕水在 東平以下, 清河之名。《河渠志》 沸 瀆 也。」《金史・河渠 ()徙而 城 唐 中,河 以 合 東,如 人謂之清 南 東,匯 7水最 爲古 南清 自 南清 劉

> 經。 皆古濕水 歷城 城 縣 兼行河、濕二瀆,其小清所行 東 ,皆古沸水 蓋宋時, 以上至 北 所行。 ,如濟陽、齊東、青 東 河嘗行濕瀆,及河去,則 四 所 蒲臺以北 固 行。 沸 而 水故道。 大 , 則 清所 城諸縣 古河 則 經, 水所 而 則 自 自

導淮 自桐柏,

沸水故道

也

貢》桐 其實皆是也。《 胎簪,又言桐柏 桐柏,又言大復。《水經》則云:「 南陽平氏縣胎簪山,東北 桐柏山。」胎簪,蓋桐柏之旁小山 水所出。《水經》云:「出胎簪山 理志》云, 案曰〕《地志》云:「南陽 傳曰〕桐 柏大復山在 桐柏 柏 Ш 在 Ш 風俗通》 説 在 南 東南,淮 似皆與《 南陽平氏縣東南, 陽之東。〔疏曰 日:「南 郡 過 水所 平氏 禹 桐] 貢 柏 出。」 縣、《 陽平氏 東北 淮 山 []《地 禹 過 淮

淮

睢

陵

耳

以

人

流者言之。《水經》言出 復最 《水經》則溯 出 故 北 漢 數,而《漢志》則竟 故 桐 陽 縣 流 平氏 柏 桐 城 E 峰,以其 四 口水。 地 字記 桐 柏之大復山 又在 復陽。』《 乃總名耳。 在 下三 十里,大復 柏 東。 故 桐 + 大 城 謂 南 始源 《漢志》言出 柏縣東。 復 即 許 在 在 其 風 復陽 今河 原, 山 里 桐柏縣 在平 俗通》言上源 潛 也,此以 在 伏 以下源大復言之。 而系以 東 南 縣,在大 而 氏 蓋 出 南 南 西 未 故城 胎 胎 桐 大 陽府 其出 北三十里。 淮 成流者言之。 胎簪。 簪 簪 復 水 東 一,則指 最 復 略胎簪 Ш 大 桐 陽 所 復 在 南 Ш 南 柏縣 П 胎簪, 一之陽, 西, Ш 最 復陽 而 謂之 惟 西 成 西 而 不

浦縣故 爲縣。 屬臨 興 水「至 僑置襄 劉宋書、蓋 正 臨 縣 宜言沂、泗,古文不拘。 沂水入泗處去淮已近,故連言之。 案日」 國三年, 義 淮 泗 淮 引 淮 郡淮陵縣 一廣陵 泗 賁縣, 城 郡 今江南 之又誤 泗、 乃 水 晋 晋 省人山 淮 以 沂 沂二水,已見「徐州」。 出 縣 隋 浦 改 水 沸 淮 人海。 作 開 縣 置 屬 先 陰 安府安東 睢 陽縣也。 人 皇 漣 廣 乘 人 海」。 陵 水 初 泗 氏 淮陵當作 軍, 郡 改 縣 惟《水經》云 《漢志》淮水至 泗 漣 淮浦 宋明 縣 熙寧 其 至 水,宋 西 後 臨 淮 乃 淮

也。 水 此 敘所經,至「又 〔又案曰〕《水 言淮 從西 左右兩川翼夾,二水決入之所,所謂泗 水 北 「至下邳淮陰縣西, 來注 經 之。 東 北 淮 至 酈注: 水》 下 泗水從西 邳 篇于 「淮、泗之會即 淮 北來 陰 桐 縣 П 注 柏 也。 西 下 角城 案, 泗 歷 泗

東 會

泗、沂,東入

于

海

地理志》沂水出泰山。

蓋縣·

南

至下

郊

疏

與泗、沂二水合,入海

帝

于

此

太

平.

不

見

于

漢縣,

淮

浦

于次

有

漢

Ŧī.

年

廢

必堅築高堰 高堰人高寶山泰興鹽間。 此 淮 城在今清河縣東南五里。 不遠,故連言會于泗 並治矣。 口以東又以 逕城東,屈從縣南亦注泗。」 然則沂 下邳縣北西流,分爲二水,一水于城北西南 水》篇云「沂水過下邳 陰縣在下邳 水》篇云: 陰縣 經入海之道也。 北 泗 一淮受全河。 之東 7,又東至 使淮不南 水過 南, 下 沂也。 俱 邳 縣 溢 縣 屬下 西 廣 自元時河奪汴、泗入淮 西、又 河强淮 畢 河無清淮之刷,沙積河 南 此下《水經》又敘 陵淮 趨 入于 邳國 泗口一名清口。 清 東 泗 弱 浦縣 壤地相 口 南 入泗,泗 注,注 ,退不敢争,乃 人 借淮 一于淮 入海」,即 刷 接 入淮,相 入泗,一水 沂 矣。 淮 而 陰故 黄 過 水于 則 淤 淮 穿 清 去

導渭自鳥鼠同穴,

鳥名爲鵨 短 禹貢論》下。 南》二 尾。 曰〕鳥 又有 卷。 穿 地 鼠之山有鳥焉,與鼠 止 ○《水經 ○傅寅《禹貢集解》二卷。 而 而 鷄 共 同 而 、處,鼠 注 穴之山 黄黑色。 》四十卷。 内 焉, 是二 而 鳥 鼠 傳曰〕鳥 〇毛晃《禹貢 外。 如 飛 家 行 程大昌 山 鼠 而 也 鼠 而 處

《説文》卷十一上云: 援 之,故鄭 杜 以 但 渭 益以同穴之文,當必 雍州寖。」如《漢志》鳥鼠 船司空人河,過郡 貢》鳥鼠同穴山 Ш 行而處之。又有 首陽西南有 穴,鳥爲鵨 共 案曰〕鄭云「鳥 爲出 以證《禹 説 首亭南谷,東入河。 水出 「雍州」及「導山」皆單言鳥鼠,于此又 也」者、《漢 爲 此 雌 鳥鼠 經 焉。 雄 用 單 其説 鼠 同穴 貢 鳥 **「疏** 山。」鄭氏《尚書》本于杜林, 名鳥 **%** 志 鼠 爲 在 處 鼠之 日〕《釋鳥》云: 同 止 験 《水經》十七卷《渭 四,行 鼠, 西 隴 又《地 此 穴山 而 南 Ш 西 「渭水出隴西首陽 有異, 同 山 明 杜 地理 渭 郡首陽縣, 同穴似 有鳥焉, ,渭水所 析同 千八百七十里, 穴之山焉,是二 遂 説》古書, 林説《夏 水 名 志》云, 未 所 穴 Ш 可牽 出 是一山 日 出 與 鳥 鳥 别 鄭 東至 鼠 鼠 隴 鼠 禹 那 西 口

書 後 案

八

外。」李巡注云:「鵌、簌,鳥鼠之名,共處 黄黑色。 二山 鄭據此,故 也。 鵨」云云者, 以爲一山,非也。 地,相距遥遠者 同穴爲止而 一穴。」皆與鄭合也。 水出 東人鞏昌 一学引《 《漢志》山在首陽縣西南,而 渭 則必其山 ,東流逕其縣北,縣徙而 水 地 穴入地三四尺,鼠 出 説 以鳥 其中, 府 *\frac{\times}{\times} 同穴之山 疏引《釋鳥》文。 彼郭 隴西 「脈連 可 鼠爲飛行而 然經既言渭水同出 而短尾, 鶏似鵽 東北流 知。 鳥鼠 縣 屬,非截然各爲一 山在今渭源縣西, 是二山 鄭又云「鳥名爲 山 今在縣 過同 同 在内,鳥在 處之之山 穴枝間 南,故水逕其 穴之枝 也 西 亦 而小, 僞孔 以 此

會于灃,又東會于涇

案日 傳曰〕灃水自南,涇水自 〕灃、涇見「雍州」。 《水經 北 而 渭水

> 渭。 山内」。 今縣西南二里。 藍田 水注之」,下云「又 篇 故城在今高陵縣 入渭,在今咸寧縣界。成國渠,今無水。 北,霸水從縣 南三里人于渭。 會灃、涇 自 縣藍 又逕平阿 渭水又東會成國 鳥鼠 雕注:《地説》云「渭水又東,與豐水會 案,豐水,今自長安縣界西北 田 公,北 下 放道 侯王譚墓北,左則涇 涇 此下又敘至「又東過 歷 西南三十 西北 逕藍田縣,又左合確 水、《漢志》東南至陽陵入渭 敘 也 [故渠,又東逕霸縣北與 所 流注之」。 里。 東, 經, 至 此經注 豐 水注之。」案,霸 水 槐 流,逕 酈 從 水,又 注: 里 高陵故城在 所 南 一霸陵 咸陽 縣 「霸 高 北 于短 來 南 水出 陵 入于 縣 陽陵 注 水 東 分

又東過漆沮,入于河。

縣。 北。 則與 東過 曰〕漆沮,二水名,亦曰洛水, 〔疏曰〕《地理志》云,漆水 依《 漆 漆 十三州記》,漆水在 沮 沮 不 」,是漆沮 · 同 矣。 此云「會 在涇水之東,故 岐 出 于涇 Ш 扶 出 東 風 翊

《毛詩》古公「自土沮漆」者別 又謂 馮 孔 上皇陵 以 懷德縣東南入渭。 之漆 地直 爲 洛水,一 路縣 東南 沮 濁 其水東 名 漆沮 水人焉,俗謂之漆水, 洛水。」又云鄭渠在 流,注于洛水,至 以水土驗之,與 水經 也。 》:「沮水 彼 漆

城。 府朝 鄜州 知。 經兩繫之,傳 過 之下,明彼是扶風 即扶風漆水也,彼沮則未聞 而皆入渭,皆雍州水,不容舉此遺彼 之水,而以馮翊 自土沮漆」,則「雍州」爲「自土沮漆」 案曰〕「雍州」漆沮,既從傳。 邑縣 直路縣,自後漢已廢,其故 中部縣西北 水經》渭水「又東過鄭 北 也 縣 ,雕注:洛水入焉,闞駰以爲 兩 漆沮 西 解之。 二百里。 [南四十三里有懷 漆狙 ,一名洛者,繫此 疏以 二漆沮不 懷德,今同 縣北, 但言 此 漆 城 在 沮 漆 · 同 故 沮 州 故 口 非 沮

> 于河,是曰 即洛、經所謂又東過漆沮者也。 在南,下 又案,華 州東七十里,東至潼關四十里,渭水南去縣 縣北 自高 也。 水。 在今華陰縣東北 帝更名華陰。 (地理志》曰: 吕忱曰: 渭 同 水 -有彊 一陰縣 咸 逕 州 縣 梁原 北即 寧 渭水東至船司空入河。 汭,水相 渭 故 南 縣 五十里。 城北、春秋之陰晉也、秦 П。 華州北,華 ,洛水東南入渭。 懷德縣南也。 界東,逕臨 于 入也。 漢爲船司空界也。 河 以今輿地言之,渭 水會,即船司空所 陰 《漢志》懷德縣 于是又東,乃入 酈 潼縣: 縣北,華陰在 據闞駰以 注: 案,船司 春秋 北, + 秦,漢 之渭 爲漆沮 空故 Ŧi. 在 荆 里 矣。 山 華 汭 高

志》曰: (又案 逕 又西南逕宜 石山東南、歷檀臺川、俗謂之檀臺水、屈而 東,過殺 懷 出 水 土門山 德 城 南 沮 曰〕《水經》:「沮水出北地直 南 出 出畿縣,東入洛。今水自直路縣 初 君川 西,又謂之沮水,又東南歷土門南原下,東 東注 即 縣 濁 ,世又謂之宜君水,又得 鄭渠。 北,東入于洛。」酈注: 水 也 至 又東,濁 白 渠 與 水注 澤 泉 焉,分爲二 合,俗謂 黄 東南 欽 夾 Ш 水 一路縣 口,又 西流 之漆 逕樵 地 理

後 案

北。 洛。 言,皆 上郡 城北,又東北注于洛水。」《禹貢》豫有洛,雍無 勺縣故城北,又東逕漢光武故城北, 得漆沮之名也。 渠,合沮水,又自沮直絶注濁水,至白渠合焉,故 里,俗謂是水爲渠水,❶東流 沮 奴傳》:「武王居酆鎬,放逐戎夷涇洛 出北地歸德縣北蠻夷中,入河。又《匈 毛傳:「洛、宗周溉浸水也。」《漢志》洛水 東與澤泉合,水出沮東澤中,與沮水隔 陽渠,又南屈,更名石川水,又西南逕 水,又謂之漆沮 其浸渭、洛。」《詩・小雅》「瞻彼洛矣」、 也 枝渠合,又南 洛水之名起于周初。 雕 師古云:「此洛即漆沮水 闞 陰泰冒 駲 水。 所 沮循鄭渠,東逕當道城 人 謂 于渭水。 絶白渠 Ш 洛 東 東逕 此 其一水東出 南 逕懷德城 經 萬年 入渭。」以 《周禮》雍州 ,又東逕粟邑縣 所 縣 故 郭 謂 原,相 北,東南 南、又東逕蓮 也。 蒗 即 城 城 西 北,爲 沮 去 本 水 十 濁 注 所 故 鄭

耳山北、《禹貢》所謂「導洛自熊耳」也。」以今興

也。

波水又東,要水入焉。

又東與獲水合,又東逕

能

會于龍餘之水,又東門水出焉。

《爾雅

》所謂洛别爲

出焉,東與丹水合。

又東尸水注之,又東得乳水,又

東

洛縣罐舉

<u>_</u>

酈

注

「《地理志》曰:洛出

冢

領

詳見「導山」。

 \Rightarrow

水經》:

「洛水出

京兆上

案

曰

漢

志

 \Rightarrow

上

洛

縣

東

北

有

熊

耳

山

山。《山海經》曰:出上洛西山。

又曰讙舉之山,洛

導洛自熊耳 傳日〕在宜陽之西。

> 東 北會于澗瀍

自熊耳」也

北逕洛南縣

北,本漢上洛縣地。

所謂

流逕州東,商州,春秋晉上洛邑,漢爲縣。

言之,洛水出陝

八西商

州 西

熊耳山

東

北

地

傳曰]會于河 南城 南

案曰]河南即周王城。 澗水自 瀍 水自城東來注之,所謂澗水東, [城西 來注之, 又 洛水 東至其 至其 城 東 西

水經注》作「漆」。

東

洛,而 **壅**穀 記》日 陜 所 水 渠,又東過偃 經所謂又東「會于澗瀍 縣北,又東入洛陽縣界,逕 復堨澗瀍二水,使出洛陽故城北 今輿地言之,洛水自 人千金渠。]案,河南縣故城在今河南府城西北。 會澗、瀍之迹無存矣。 州 西 經,至「又東北 洛水東北過五零、陪尾北 水,使東出 盧氏縣南,河 也。《水 城西之澗水遂爲死穀。及漢明 經 師 縣 王 過 南 洛水》篇熊 南, 城,北合瀍水,南 河 府 洛 詳見豫州。 東入洛。 南縣 南縣 ,與澗、瀍合,是二水東 永寧縣 也。 河 北 南故城 自周 耳下歷 酈 南,宜 ,又東逕 爲 注 而 靈 禹 千 || 地 帝 人 陽 敘 東 王. 以 金

又東會于伊

傳曰〕合于洛陽之南

《水經》:「洛水自河南縣 城,周下都也,在今洛陽縣東北 [案日]伊水見「豫州」。 南、又東過洛陽 洛陽謂 二十里。 故洛陽

> 所營洛 所謂「又東會于伊」也。 洛陽故城南,伊水從偃 故城南,又東北,逕洛陽縣東南,又東至 縣南,伊水從 邑也。」以 西來注之。」酈注:「洛陽,周 今輿地言之,洛 師 縣 西來注之。 水自河 公

又東北入于河

傳曰」合于鞏之東。

鞏縣東,又北入于河。」酈 今縣在河南府 經》曰:洛水,成皋西入河是也。 縣故城南,又東,濁水注之。 故城在今鞏縣西南二十餘 南,行千七十里。 北少東八里。《漢志》雒水至鞏入河,過郡二,弘農、河 會伊水,又東逕偃師 也。」以今輿 經》:「洛水又東過偃師縣南,又東北過 [案曰]鞏,周邑,漢置縣,屬 П 人河。 東 地言之,洛水自洛 洛口在鞏縣故城東北三十里,今縣 所謂「又東北 百二十里,隋所遷也。 縣南、鞏縣故城南 又東北 注:「洛水又東,逕鞏 謂之洛汭,即什 人于河」也。 入于河。《山 河 里。 南 又東北 故 城 《水 南 其 海

=

谷矣。 滿 西至鞏縣界 家 溝 水 自 十五里,又二十 鞏界東 河 洛 П 過 乃移 汜 五里爲縣 水 于東,非 縣 北,汜 治。 水、故 古之什 又 東從 成 皋

宜反。 文》曰 源, 九州攸同, 九澤既 〕隩、於六反、《玉篇》於報反。 陂 四 隩 四 既 海 宅, 會 同, 九 Ш 六府孔 滌,待歷反。 刊 旅, 修。 九 Ш 陂,彼 滌

可居。 禮,諸侯見天子,時 甚修治。 州 陂 州 夷狄戎蠻謂之四海 人之造宅爲居,至于隩 之川 司 障 [日] 攸 風 無 九州 萬 已 決 **「**疏 滌 同 溢 國共 2,所同 除泉 名 四 曰〕室隅爲隩,隩是 Ш 貫、水、火、金、木、土、穀 海 源 E 事 之 槎 無 見 在下。 内 壅 木 曰 内 會 塞,九州之澤 通 會, ,遂以 同 道 四方之宅 殷 于京師, 而 見 隩 旅祭,九 表宅。 内 曰 也。 同。 九

山川澤者、《史記索隱》謂九山、汧、壺〔案曰〕傳以九山、九川、九澤爲九州之

數耶? 殊難强 汶與岷 不 方等邪? 鼠之旅, 敷淺原,二十有七,《索隱》强 恰合九數。 似確。其九澤, 澤,荆之雲夢,豫之滎播、荷澤、孟豬,雍 岳、太華、外方、衡山 之豬野。按九川之數,據經「導水」所列 澤爲沇之雷夏,徐之大野,揚之彭蠡、震 沇、淮、渭、洛也。 \Box 必泥 低 柱、 同。 通。 九山 經 故傳 太行、 也。 有明 蔡、蒙、荆、岐、終南、惇 但無如「導山」 如謂舉其 既已不合,則九 以爲 九 文,何 亦就 西 JIļ, 説 傾、 九州之山川 ,豈反不及底柱 者因 經 弱、黑、 熊耳、 以反 大者,則雷 所 此 一所言 有之澤言之, 不在 摘 推 川、九澤 河、漾、江、 澤 之,以九 出 ,自汧至 刊 也 首 九山, 内 一、 内 太 亦

庶土交正, 底慎財賦,

致其貢篚,慎奉其財物之税,皆法定制而〔鄭曰〕衆土美惡及高下,得其正矣。 亦

咸則 讀

壤成賦。〔案曰〕傳連下「中邦」爲句,今用

慎者,財貨貢賦。 也。 人之也。《史記・夏本紀 衆土俱得 其正 言取之有節,不過度。 謂 》集解。 壤、墳、壚 何傳 二交,俱 所

《史

下,故得交正而致慎 州 水既畢,更復行之,觀地肥瘠,定貢 美惡,不可意 來,故言致。「慎奉其財 下。 土之美惡。上上、上中、上下、中上、中 其正矣」者,謂若白壤、黑墳之類,是衆 中、中下、下上、下中、下下,是衆土之高 致、《釋言》文。 云「衆土美惡及高 (案曰)鄭以庶爲衆、《釋詁》文。 ,每州皆言厥賦,賦之多寡,宜準田之 ,九州或言厥貢,或言厥篚,皆自遠 ,非言地力之厚薄也。 明高下,是言其 爲 輕重,故 也 地勢之高卬及卑 須慎 物之税」者,九 云「致其貢篚」 也。 下,得 減 禹治 低 爲

曰〕台,徐音怡。 中 邦錫土姓,祗台德先,不距朕行。〔《釋文》 咸則三壤而成正交正, 低慎之實也 **貢與賦而言。** 者,于三等中又分九等也。 記·夏本紀》集解。 下大較三品成九州之賦。 [案曰]鄭云「三壤、上、中、下各三等也 鄭 曰]三壤, 賦重于貢,故又别言之。 上、中、下各三等 何傳 日〕皆 明水害除。 法壤田 上文財賦兼 一、上、中 也。

顯之。台,我也。 有德之人生此地,以此 《史記·夏本紀》集解。 之德既先,又不距違我天子政教所行。 侯胙之土,賜之姓,命之氏 鄭曰〕中邦,九州 」,《釋詁》文。 天下無 」,隱八年《傳》文。《周語 「傳日 距違 []天子建德,因生以賜姓。 我 ○《玉海》五十卷《藝文譜牒 「天子建德, 常自以敬 行者。〔疏曰〕「台, 也。 地 天子建其國,諸 名賜之姓,以 (,其敬悦天子 我德爲先 因 生賜

傳》稱 賜 姓之事 周 姓 賜 曰 陳 姒 ; 胡公之姓 祚 四 岳, 爲 賜 嬀,皆是 姓 姜。 因 **^** 牛 左

水既 服 九 距 服 州 或 用 面 而 國」者,鄭注《皋 (案日)鄭云「 各五 ,其間 成之。 州 之姓,命之氏」者,隱八年《 ,天子建其 千二百 要服之内爲九 共方五千里。 在圻内,共爲 方各五千里,四 「天子建國,●因生以 畢,奄大九州、 ,其外荒服 百 了三里賦 下文甸、侯、綏、要、荒,是五 里,每 國, 國 中 萬國。 也 州 納 陶 邦,九州 面二千五百里,四 要服之内方四千里,曰 州 九千六百 面相 總等,是禹 謨》言,堯 四海,此禹 四海之土,廣輔五 又云「諸侯胙之土, 方七千里。 故此以 距爲方萬里, 也。 賜 1國,餘 姓, 胙之土 初 左傳》衆仲 天子 所弼 所受。 中邦 制 每 <u>Ti.</u> 建 四 州 面 服 相 封 其 則 治

> 舜居 賜姓 訓悦,而台即與怡通也。 部 云云者,「祗,敬」、《釋詁》文。 而 下心部云:「怡,和也。」和 云: 命 也。 姚 之氏。」是也。 「神農 虚、嬀汭。」皆以 又云「其敬悦天子之德既 居 姜水。 説 黄帝居 文》卷十二下 爲姓,是胙 有悦義 《説文》卷 姬 水 土乃 虞

反。 文》曰〕甸,田 $\overline{\mathbf{H}}$ 三百里 百 秸本或作稭,工人反,音鞂。 里甸服。 納 秸服 [遍反。 四四 百里賦納總,二百里納 納如字,本又作内 百里粟, 五. 百 音同。 里 銍,珍栗 ⟨ 釋 |

也。 百里 禹弼其外。 甸 曰」甸 里入 秸,秸謂禾又 二百里銍 之制,本自納總,禹爲之差,使百里 粟,五百里入米者,遠 服 百里者賦 者,堯制 一、銍謂 去其穎,惟 XI] 賦 入總,謂 穗斷 其 田 去稟也。 ,使入穀。 入所刈禾 稾 彌輕 秸 也。 也

服

益

遠,每服

分爲二,内三百里爲一

白

節,

以遠

近

有較

甸服

人穀,故發首言賦稅也。

節,三百里外共爲一節。緩、要、荒三

服王 者,劉熙《釋名》:「銍,穫禾鐵。」《 刈」,謂禾 文》:「銍,穫禾短鎌。」《詩》云「奄觀銍 客待諸侯之禮有芻,有禾,此總是 總下銍、秸、禾穗與稟,總皆送之,故云 首,故云「甸服之内近王城者」。 甸服内,又細分之。 總」者,去王城五百里,總名甸服,就其 甸者,主治田,故服名甸也。」「百里賦 服」、《周語》文。《王制》亦云「千里之内 于三百里言服者,舉中以明上 百里、五百里不言納者,從上省文也。 令自送入官,故三百里 曰甸」。 二百里納銍」,傳云「銍,刈,謂 禾稾曰總,人之供飼國馬」。 、穗也。 事也。「先王規方千里,以爲 鄭云:「服治田,出穀稅 ·穗也。 「三百里納秸服」,傳云 禾穗用銍以刈,故以銍 從内而 内 每皆言納。 出,此 《周禮》掌 下,皆是 也。 禾 爲其 也。 穗 説 納 几

賦

役有恒

職掌分定。

甸服去京師

之舊制。

洪水既平,禹乃爲之節文,使

服之事。甸、侯、綏、要、荒五服之名,堯

百里粟,五百里米,所納精者少,麤者

[疏曰]既言法壤成賦,更敘弼成五

里近

王

一城

者。

禾稾曰總,人之供

銍,刈,謂禾穗。

秸, 稟也, 服稟役。

去王城四面五百里。

百里,甸服内之百

千里之内,謂之甸服。爲天子服治田,

馬曰〕秸,去其穎。《釋文》。

[傳日]規方

又十七之一卷《大雅・生民》疏。

○《禮記》二十四

禮器》疏。

○ 玉

海》一百七十九卷《食貨貢賦

門》。

者從之耳。

《詩》十

四之一卷《小雅

甫田》疏。

侯

服稍遠,近者供役,故二百里内

'各爲

近

, 赋税尤多, 故每于百里即爲一節。

納精 此言服 銍,乖 禾 稾 百 稾 毛傳云:「甸,治也。」鄭箋 甸之。』《大雅》:「奕奕梁山 人穀」者、《詩 案日 | 甸之。」是田賦之制成于禹,但禹 所 ·稾 也。 里 納 也 而 納 猶 俱 者 [稾秸之設。] 秸亦稾也, 〕鄭云「甸服者, 説文》卷七上禾部云:「穀,百 近 服 送送爲 有 四四 尚 ,明上下服皆有所納之役也。 少,麤者多」者,直 稟役」者 重遠輕之義。 「服稟役」者, 謂 精麤,遠輕 納粟,此當稟、粟别 得, 稟粟皆送 百里粟,五百里米」, 多。 甸 •小雅》:「信彼南 服 其 于 本皆納 郊 而 特 堯制 税 近 解 , 則 牲 蓋納粟之外, 重耳。 也,皆當 總,是 www. 納粟米爲 經「服」字,于 云: 維 賦 秸服重于納 納, 雙言之耳 禹 「禹 其 傳云「所 「莞簟之 Ш 穗 非徒納 . 何 一,維禹 什 \mathbf{H} 之。」 稟兼 必 治 大 而 使 四

千里。 矣。 制 同 刈 甸 總 甸 秸,不納粟米, 精,銍秸驫,若二百 總皆送之。 又云「總謂 里」,與鄭異,鄭説 綱,下文爲目,故 成之後,又爲殘 説以王畿甸服, 禹弼 者亦 也。 服之内,傳 穗去稟, 秸爲 服 與 據疏推得三百里當稟粟並 自納 其外 下文「百里賦納總」云云,乃 甸 兼 是 但 服之弼,遠近 |鄭以 堯 納 所 總」云云者,鄭 百里者 鄭意亦當 粟 刈禾 時 則 是反 米 入粟米爲 甸 去穎 數 每 以 服 也 云「去 也」者,據 是 居 面 每 賦 皆 輕 里、三百里惟 惟 也。 其 各五百里,合計 服 然 既 鄭 入總」云 人 于 稟,疑 間,不在 王 之内 穀 也 辨 殊、賦法當異 輕 望文爲義。 四百、五 又云「甸服 城 詳 也 疏 遠 ~ 皋 皆 又 四 云 云者 納, 與 以 此 陶謨》下。 五. 鄭 穗 面 句 納 傳 疑 粟 白 銍 白 禹 與 Ŧi. 又 納 米 里 稾 百 爲 里 弼 方 云 銍 疏 爲

《春秋傳》云,甸粟而納之王宫,米而 故言 藏,米不可久也。 之御廩。 之實亦粟也。 到,爲米十**到**,粟、米之辨也。《周官》 于此可見。 云云,則在 倉人掌粟人之藏」,「春人掌供米物」, 甸服制同。 甸服之内本皆納 而九數有粟米之法,爲粟二十 何 蓋有殼 服之外,故别 此則鄭義與傳疏 賦 粟 曰粟,無曰米,總銍 多而米少,粟宜 總。 爲之差,不使 其 百 不同也。 里 以 藏 干 下

里諸侯。 五百里侯服。 百里采,二百里男邦,三 百

事。 者斥候,故合三爲一名。〔疏曰〕侯聲近 候,故爲候也。襄十八年《左傳》晉人伐 本紀》集解。〔傳曰〕侯,候也。 斥候而 馬曰〕采,事也。各受王 王事者。 采供王事而已,不主一。男,任也, 三百里諸侯,三百里同爲 事者。《史記・ 王 服 夏

> 也。 齊, 斥候,所主事同,故共一名。 役則供,不主于一。 男訓任,任受其 有常,殊于不主一也。 百里主爲斥候, 使司 斥候謂檢行 馬 斥 Щ 服事天子。 險阻 澤之 ,伺候盗 險。 三百 斥 采訓 里同爲王者 謂 賊 檢 此

注 之爲言任也」。 傳•周語》曰:「鄭伯,南也。」 先鄭司農 者、任天地之道。」又古男與南通、《外 戴禮•本命》篇云:「男者,任也。 作國伯」。今《酒誥》「任」作「男」。 傳云「男,任也」者,「男邦」,《史記》云 産云:「鄭伯,男也。」 賈侍中云:「男當 「任國」。《白虎通》引《書》云「侯甸任 案曰〕馬云「采,事也」者、《釋詁》文。 南, 云「南謂子男」。《左傳》昭十三年, 謂南面之君。」《白虎 是男亦可 訓任 通》又云「南 也。 男 子 《大 武

衛 所以安。 也,度王者文教而行之。奮武衛,天子 傳曰〕緩,安也,安服王者政教。 [《釋文》曰]綏,息遺 反。 揆,葵癸反。 方問 揆,度 反。

釋言》文。 案曰〕「綏,安」、《釋詁》文。 「揆,度」,

〔《釋文》

曰〕要,一遥反。 五百里要服,三百里夷,二百里蔡。 徵差簡,故鄭云「減殺其賦」。 簡。〔疏曰〕甸、侯、綏、要四服,俱有三 ○《史記·夏本紀》集解。 日之役,什一 百里,要束以文教。 鄭曰〕蔡之言殺,減殺其賦。《尚 而 己。《釋文》。〇薛季宣《書古文訓》三卷。 曰〕夷,易也。 而已。 蔡,法 而税。 也。 蔡,法也。 [傳日]緩服外之五 但二百里蔡者, 夷守平常之教,事 法三百里而 受 王 其荒服 書》疏。 一者刑 則 差

力役、田税並無也。

明作蔡之非,要是蔡字本有殺音,故張 據《左傳》釋文及疏,雖云蔡當爲糳,且 年》,祝佗曰:「王于是殺管叔,而蔡蔡 體, 黎字不可復識, 寫者全類蔡字, 至有 散之義,故訓放也。隸書改作,已失本 常、《孟子》作夷,則傳亦通也。鄭云「蔡 傳訓常、《烝民》詩「民之秉彝」,毛傳訓 叔。」《釋文》:「蔡,上素達反,下如字。」 從殺下米。下蔡如字。」正義云、《説文》 「上蔡音素葛反。《説文》作楘,音同,字 叔。」杜注云:「蔡,放也。」《釋文》云: 元年《傳》太叔曰:「周公殺管叔而蔡蔡 部 黎字注云:「 悉桑,散之也。」《春秋》昭 之言殺,減殺其賦」者、《説文》卷七上米 夷,馬訓易,《釋詁》及《天作》詩毛傳文。 重爲一蔡字,加點以讀之者。《定四 · 槃, 散之也。從米殺聲」。 案 日〕鄭云云 者,此 節鄭 然則粲爲放 注 殘闕 也。

者,讀同,故爲此訓也。《左傳》爲放殺之殺,而鄭以爲減殺之殺爲之。」鄭于此讀爲殺,此古讀也。據參《五經文字》云:「槃、《春秋》多借蔡字

五百里荒服。三百里蠻,二百里流。 其弼當男服,在二千里之内。 侯服,在千里之内。 距爲方萬里。甸服比周爲 之間更增五百里,面别至于五千里, 里,五服服别五百里。及禹弼之,每 更以五百里輔之。 服,服五百里耳。禹平水土之後,每服 者、是堯舊服。每服之外,更言三百里、 二百里者,是禹所弼之殘數也。 **石蠻,蠻之言緡也。** 鄭曰〕蠻者,聽從其俗,羈縻其人耳,故 采 于周爲 服,其弼當衛服,在三千里之内。 蠻服,其弼當夷服,在四千 堯之時,土廣五 侯服于周爲甸 每言五百 緩服于周 畿,其弼當 堯之五 里一服 服 千 相

忽,因 《路史・國名紀》六卷注。 文補遺》。 者,還就其服之内别爲名耳,非是服 郭常居處。 ○《史記·夏本紀》集解。 ○薛季宣《書古文訓》三卷。○林之奇《尚書全解》十 是面三千里,相距爲方六千里。《尚書》疏 千里。 其侯、綏、要、荒服,各五百里。 更有其地也。 此數。其侯服之外,每言三百、二百里 納總、銍、秸、粟、米者,是甸服之外特爲 怠慢,來不距,去不禁。流,流行,無 作》疏。 服,在五千里之内。《尚書》疏。 里之内。 五之一卷《齊風譜 書全解》十一卷。○傅寅《禹貢集解》二卷。 卷。○傅寅《禹貢集解》二卷。 ○又二十之四卷《商頌·殷武》疏。 其故俗而治之。 ○《毛詩》二十之四卷《商頌·殷武》疏 荒服 甸服之外,每百里爲差。 甸服之外五百里,至王 ≫疏。○又十九之一卷《周頌・天 于周 [王曰]賈、馬既失其 [馬日]荒,政 爲鎮服, · 蠻,慢也。 ○物觀《七經孟子考 其 ○林之奇《尚 弼 ○羅 當 外 城 所 蕃

平治 也。 封五 何以 也 邊之郡而已。 以 勢,平原者甚少,山 三倍于堯, 語》文也。「執玉帛者萬國」、《左傳》文 萬邦」,豈周之建 萬 三方,天下户口至減太 國 人,未暇以 城宫室無建立之處,言不顧實何至此 不食之地亦 可據信。 可從 山川,不在于拓境廣土。 十里之國四 采合二事,亦爲謬矣。 舉 百國 玄尤 桓》曰「綏 盈 數 而書傳 不 漢之孝武 師,不出典記,自造此 征伐爲 「禹 禹 而 然 封 言, 矣。 萬邦」、《烝民》曰「揉此 方憂洪水 國復有萬乎! 百 建 朝羣臣于會稽」、《魯 無稱焉,則鄭玄創造, 川所在 則 或 非 事,且 傳 ,疲弊四 乎 謂 半,然: 圻内盡 稱 其 不 其 三過 萬 禹之功在于 數 啻居半,豈 王圻千里, 所 後 國,●甘心 土地之廣 盈 滿 以 僅 天地之 以 其 數 封 萬 爲 門 開 也 服 而

> 也。 也。 蠻,以文德, 里,爲方五千里者四。」而肅 詩》二十四卷《商頌·殷武》疏。 平分之公、侯、伯、子、男,使 ○《玉海》十七卷《地 疏曰:「王 ○又《益稷》疏。 名,大界與堯不殊,得之矣。 而使甸 言政教隨其俗。 先王 司 馬遷以諸 服之外 肅難 規方千 顛 鄭云:『禹之時 蠻 倒, 林之奇《尚書全解》六卷。 來之,不制 諸 理門》。 里, 小數皆五百里服 侯皆人禾 遠 近 以 云三倍,則除本而三。」 何傳 失 〇〔案日〕《詩・ 爲 土廣三倍于堯,計 所 以 日〕荒,簡 甸 稟,非 各有 服 法。 ○《尚· 難 其 得 流,移 寰 書》疏。 其 之别 天作 ○≪毛 餘 而 義 均 通

夷狄 官・大司馬》疏 案曰〕鄭 怠慢」者、《王制》「南 ,縻繫之。」 以 蠻 爲緡, 是 云 也。 蠻 解 馬 1者,縻 爲 方曰 云 羈 **藝** 縻者 蠻」, 疏引 也。 慢也。 近 夏

故馬以 是也。 流 《風 畿」云云者,此就 倍之,方萬里也。 廣其境界,故堯五服共方五 之訓,與馬合也。 當穀税,流爲九州之外,夷狄流移,或貢 荒。」●今此二百里流,正是荒服之弼。 傳》云「逐水草遷徙,無城郭常處」。 行, 或不,引《禹貢》此文爲證。 王居酆鄗,「放逐 禹敷土」之事。 服者,是堯舊服」云云者,此鄭 面則方萬里,與《周禮·職方氏》之九 」,鄭注以采爲九州之内,取其美物 無城郭常居處」者、《史記 俗通》云:「君 蠻者,慢也。」是 爲流 又《王制》「千里之外曰 即「流行,無城郭常居」者, 以禹之德,能大中國, 戎夷,以時入貢,命曰 又云「甸服比周爲王 鄭又云「每言五 臣 面言之,有五千里, 也。 同 JII 馬又云「流 而 是鄭解 千里,禹則 浴, 匈奴列 極 一采、曰 百里 流 爲 武

> 證,王駁皆非也 在禹 謂禹 鄭違異,其説無據,不可從。 禮》云「雖大曰子,無五等之封也」。 以 服 九州之外,當周夷鎮蕃,舜放 在九州之内,夷蔡爲要服之弼,以下 融以爲 外要服之弼及荒服,與荒服之弼,據《曲 禹貢》九 封諸 ,名異實同 未治水之前,而羽 無拓境廣土事,考鄭以「要服」以 侯。 面三千里,四面共方六千里, 州之内, 蓋 也 九 仍 州 則禹之開境,此 用 諸 要服之内爲 侯 有 山、三危,皆 五等之制 王肅駁 四 凶 一, 疏 九 與

「荒」下、《史記》有「服」字。

鄭曰

朔,

北

方也。

南

北

不言所至,容

0

外,皆與王者聲教 矣、《志》言非也。 爲張掖居延澤,計三危在居延之西大遠 當是西境最遠者。 踰 尚 書》疏 也 被, ○ 《史記・ 而 及 而《地 朝見。 也。 夏本紀 理 **「**疏 此 志》以 五. 解。 服 流 流 沙 沙 之 傳

于南 《小雅·出車》毛傳文。 地 所至,容踰之」者,禹時東 云南北「踰之」也。 不過跨海。 地最廣,故其後分爲幽、并、營。 贏,蓋帝都在北,冀之北境直踰大漠, 案曰〕鄭云「朔,北方也」者、《釋訓 ア東至 ,東長夷、鳥夷。 已云 海,其遠可 西 一蟠木。 北 枝、 至 西亦 幽陵,南至交 渠 知。 不過踰流沙耳。 稱 廋、氐羌,北 四 考《史記》言顓 禹 若東則沇、青、徐, 海之内,咸戴帝 功 又云「南北不 則言南 西縮 阯 Ш 南則至 而南 撫 西 故鄭 頊 **>** BIL 之 其 北 及

> 之四 之功。 以流沙不當近在居延,皆非 節總 也。」然則四 外爲要服之弼,荒服及荒 五千里,恐太迫狹,以此爲五服 蠻戎狄,又爲四海。 在九州之外。要非 疏引孫炎注云:「海之言晦,晦闇 釋地 結 海。」《小雅 上 蓋 文,所言蓋在要服之外,亦 南 海 北 九 以 夷、八 長 地言,非以水言也 于 在 傳既以禹五服 東 五 狄、七戎、 蕭 西 服之外者 序》箋用 服 也 也。 之弼 外 四 于禮 此 蠻 海 僅 要 即 疏 服 即

堯賜玄圭,以彰顯之。言爲錫玄圭,告厥成功。

盡

加

于

四

言天功成

同也。〔案曰〕傳以「禹錫」爲帝錫禹,《史記》説

尚

書

尚 書後案卷四

東吴王鳴盛學

夏

書

甘 誓

大戰 于甘,

《曲禮》「約信曰誓」。 日]甘,有扈郊地。 鄭曰〕天子之兵,故曰大。《尚書》疏。 將戰,先誓。 **「疏** 〔傳

へ案 《序》云戰,經云「大戰」,故決之。 曰〕鄭云「天子之兵,故 傳云「甘,有扈郊地」者,此馬 曰大」 望文 者,

乃召六卿。

卷《大雅·棫樸》疏。 鄭云:「夏亦然,則三王同 軍,將皆命卿,則三代同矣。《詩》十六之三 六軍,將皆命卿。」《周禮·夏官序》文。 傳曰〕天子六軍,其將皆命卿。〔疏曰〕 鄭曰〕六卿者,六軍之將。 ○《禮記》四卷《曲禮下》疏。 也。」 《周禮》六

《政理》篇又以爲禹。 水。 扈 是也。《吕氏春秋》卷三《季春紀・先 鄠縣,即有扈也。」考《水經·渭水注 融 甘水是也,以爲夏后相。 己》篇説此事,以爲與有扈戰于甘澤,即 東鄠縣,昔夏啓伐有扈,作誓于是亭。」 曰:「渭水自槐里縣故城南,又東合甘 屬京兆郡,唐爲府。故《釋文》云:「京兆 谷亭。 義 水出南山甘谷、北逕甘亭西。 也。 《漢志》右扶風鄠縣,「古國,有 扈,夏啓所伐。」自元魏鄠縣改 則皆誤也。 《説苑》卷七 在水

夏制與 者,不盡 旅 伍,五伍 鄉。』《小司徒》云: 《大司徒》云:「五家爲比,五比 合鄉遂之衆, 夫」,「會萬民之卒伍而用之。 間爲族,五族爲黨,五黨 是也。天子六鄉六遂。六鄉之制 云二 「六師及之」、《常武》云「整我六師」,皆 師即六軍也。 爲 ·將皆命卿」,鄭注云:「言軍將皆命 命 師 卿將一 []鄭云 周 卿 五, 五. 萬有二千五百人爲軍 用民也。 爲兩,四 同矣。 師 則三代同 二六 可制十二軍,而 「瞻彼 爲 軍」,又《大雅・ 毛傳云「天子六軍」,正義 鄭又云「《周 軍 卿, 兩 鄭 「頒比法于六鄉之大 洛矣,以作六師。」六 爲卒,五卒爲旅,五 以此 六軍 以起軍旅。」是也。 矣」者、《夏官》凡 ·之將」 經有六軍,則 州 ·, 王 禮》六軍, 但爲六軍 棫樸 五. 爲間 五人爲 一六軍。」 者,《 州 四四 爲 則 夏

> 王曰:「嗟! 爲六卿,故知兼軍吏且下及士卒也 卷。〔傳曰〕各有軍事,故曰六事 及士卒也。《尚書》疏。○林之奇《尚書全解》十二 夫,則 〔鄭曰〕變六卿言六事之人者,言軍吏下 千五百人,而屬于大司馬是也 吏,自 事,則各掌其鄉之政教、禁令,而 司徒,有事出征 官之長即是冢宰、司 卿 官之長,六鄉之大夫,皆 案日〕鄭云 則 每 卿 凡 鄉 以 軍 帥,不 六事之人,予誓告汝: 卿 下 云者,下文左右及御皆不得 ·德任 一人,六鄉六 ,則各率其鄉之一萬二 . 特 一者,使 置 選于六官、 徒等。 兼官焉。」蓋六 可爲將 、卿,平 六鄉之 屬 也。 六鄉 居 于 大大 無 六

所行之政也。威侮,暴逆之。三正,天、〔鄭曰〕有扈與夏同姓。五行,四時盛德

字讀。亡甫反。

有扈氏威侮五行,怠棄三正,〔《釋文》曰

一侮

正如字,徐音征。

○〔案曰〕正从鄭説,當如

行,亦侮慢此五常也。

「立天之道日

陰

與與

陽,立地之道曰柔與

《易·説卦》云:

,立人之道曰仁與義。」此謂三才。

天、地、人正道,言亂常也。

人之正道。 〔馬曰〕三正,建子、建丑 《釋文》。 ○董鼎《書集傳輯録纂注》二卷。○陳 《尚書》疏。 〇《史記·夏本 紀》集 有

亂常。 櫟《書傳纂疏》二卷。○王應麟《六經天文編》上卷。 也。 地、 也。 慢五行。 扈與夏同姓,恃親 者所取法,有扈氏侮慢之,所以爲罪。 且五行在人爲仁、義、禮、智、信,威侮五 金」,冬云「盛德在水」。此五行之德,王 在木。」夏云「盛德在火」,秋云「盛德在 三日,太史謁天子曰:「某日立春,盛德 傳曰〕五行之德,王者相承所取法。 分行四時,各有其德。《月令》孟春 〔疏曰〕五行,水、火、金、木、土 怠惰棄廢天、地、人之正道、言 而不恭,是則威虐侮

> 鄭、王・ 射父傅太子,射父辭曰:「堯有丹朱,舜 並 親而不恭」也 有商均,夏有觀扈,周有管蔡。」是其「恃 依《世本》之文。《楚語》云,昭王使觀 與皇甫謐等皆言 有 扈與夏 同 姓,

年,趙 《史記·夏本紀》禹爲 者,觀即五 觀扈並言也。 扈,是有 用國爲姓,有有扈氏。 篇。「威侮」,若孟春行夏令之類是 之天子曰「某日立春,盛德在木」云云。 云「播五行于四時」。《月令》所記明堂 所行之政也。 四時之政,皆順五行之德,故有太史謁 [案日]鄭云「有扈氏與夏爲同姓」者, 大戴禮》第六十六説明堂事名《盛 孟 這扈爲 曰「夏有觀 觀,見《五子之歌》,扈 威侮、暴逆之」者、《禮運》 同姓明矣。《左傳》 鄭又云「五行,四 扈,商有姺邳」,亦以 姒 觀射父所 姓 其後 時盛 謂 昭 則 分封 觀 有 扈 德 元

鄭于 爲正, 之後,與己爲三,所以通三統、立三正。 故必以三微之月爲歲之三正也。 夏以孟春爲正者,貴形也。 也,若循連環,周則又始, 至動,殷以萌,夏以牙。 以二三月爲 朔,殷以鷄鳴爲朔,周以夜半爲朔。 傳》,云:「夏以 子、建丑、建寅, 説本伏生《大傳 鄭 三統, 土有三王。 引《繫辭》文云云以證,是也。 三王者所以統天 以 IE 又云「三正,天、地、人之正 朔 彼文注云:「所存二王後者,命使郊 天子禮,祭其始祖受命之王,自行 注《書》仍 周以仲冬月爲正。」夏以平旦爲 服 色,此謂通天三統。」鄭雖 Œ 者,萬物 孟 不 八下也。 春月爲正,殷以 三統者所以序生也, 用者,有扈,夏同 不齊,莫適所統, 物有三變,天有 是故三統三正 窮則反本也。 王者存二代 馬 道」者, 以 季冬月 周以 爲 不 夏 建 疏

> 作劋爲是。 子小反。 切」,引《春秋傳》曰「安用勦民」。二字迥别,當从《説文 絶其命」。力部「勦,勞也。 勦古字,疑通,故馬本作巢。 「天用勦絶其 剿,絶也。 正 廢 前 朔 馬本作巢,與《玉篇》、《切韻》同。○〔案曰 則 代正朔,不得爲罪,若但 从刀、喿聲。子小切。」引《夏書》曰「天用劋 所引《夏書》,今刻作《周書》,誤也。 又 無緣兼言三正。 、命。〔《釋文》曰〕勦,子六反。《玉篇 从力,巢聲。子小切,又楚交 然《説文》卷四下刀部 此 説 廢 非 本 也。 朝 云 〕 巢 之

謂滅之。 〔傳曰〕用其失道故。 勦,截也。 截 絶,

下》篇引此經,「恭」作「共」。 今予惟恭行天之罰 0 [案日]《墨子》卷八 《明 鬼

字並作「共」。 文》曰〕御,魚慮反。 「左不攻于左,汝不恭命。 不恭命。 [傳曰]恭,奉也。 御非 〇〔案曰〕《明鬼下》篇引此,三「恭. 其馬之正,汝不恭 言欲截絶之。 右不攻于右,汝 命。 □ 釋

紀》集解。 鄭 日〕左,車左。 〔傳曰〕車左主射。 右,車右。 攻,治也,治 《史記 夏本 御,左輪朱殷,豈敢言病!』」

郤

克

"「自始合,而矢貫

余手及肘,余折

而

鼓

音未絶,張

侯爲御

而

血

染左

輪

御

在

左,將居

中

也。

御

以

正 正

馬、《詩》

此。 馬。 其職 吾 士在 伯 軍人爲節度。 還。」」是左主射,右主擊刺,而御 車之上也。 御 以 解張御郤 聞 『吾聞致師 此謂凡常兵車,甲士三人,所主 (疏 若將之兵車, 正 右,將居鼓下,在中央,主擊鼓,與 樂伯,攝 致 馬 絶 師 右 爲 鼓音,曰:『余病矣。』張 歷言左右及御,此三人 宣十二年《左傳》云: 者, 勇力之士,執 政。 克,鄭丘緩爲右。 叔爲右,以致晉師。 成二年《左傳》,晉伐齊, 者,左射以菆。」攝 右 則御者在左, 入壘 有 失,皆一 戈矛 折馘 以 執 勇力之 郤克 居 叔 退 俘 楚許 在 中 樂伯 E 傷 如 主 而

> 手」,是爲馬之正也。 云「兩驂如手」,傳云「進止如御者之

箋云: 非將所 抽 也。 焉。」《哀二年》鐵之戰,郵 伯 衛太子爲右,禱云:「蒯瞶 楚令尹子重曰:「寡君乏使,使鍼御持矛 年》,晉與楚戰 云,上言左右,下别言御,證 持矛焉。」是右人持 中人御。」彼 左、右、御三人共 案日」 年《傳》以説之。 語 中軍作好」,箋云: 右,車右也。 若將之兵車,則異是。 以以 「兵車之法,左人持弓,右人 鄭云「左、車左。 乘之車也 證 左人持弓。 疏 于鄢陵, 亦 乘 引宣十二年《左傳》樂 中軍 知者、魯頌 矛 又《鄭 也。 車,乃士卒 謂將也。」高 「左, 左 樂鍼爲 又引《成 右,車右」者, 無恤 不 又引 風》「左 此 御在 敢 疏 御簡子 右,使告 • 自佚,備 此 中 既 (持矛, 閟宫 之車, 十六 經 旋 引 央 御 右 成 是 此

是士卒。言士卒可該將,言將不足該士 知此言士卒之車者,上文「六事之人」, 然,其餘諸將皆將左 下。 《傳》,證天子、諸 左。 容好。 其 云,與鄭合,但鄭注 疏以證士卒之車者,《成二年》杜預 無恤御簡子, 亦不自爲元帥。蓋御左將中,惟元 「自非元帥,御皆在中,將在左。」疑簡子 也。 御 云 「軍吏下及士卒」,則此左右御,自 合諸條觀之,兵車之制已明。 彼疏 者 兵 習 車 旋 引《 之法,將 車 中,車右 是將所乘,非士卒。 夏官・太僕》及 侯親 不 抽 居 御 全,故不及御也。 鼓 鼓 刃 中也 亦 下 自 居 中 故 居 成 孔傳云 御 中 其郵 帥 注: 而 央 鼓 彼 年

有功則賞祖主前,示不專。天子親征,〔傳曰〕天子親征,必載遷廟之祖主行,用命,賞于祖。弗用命,戮于社,

戮之 賞就社殺,親祖嚴社之義 者,禮左宗廟右社稷,是祖 伐載主之事也。有功則賞祖主前,不用 奉,猶送也。」送主歸於廟與社,亦是征 則厭而奉主車。」鄭玄曰:「厭,伏冠也。 也。 命奔北者,則戮之於社主前。 行也。《周禮•大司馬》云:「若師不功, 釁鼓,祝奉以從。」是天子親征又載社主 車,言必有尊也。』」巡守尚然,征 嚴社之義。〔疏 又 曰:『天子巡守,以遷廟之主行,載 載 定四年《左傳》云:「君以軍行,祓社 于社 社主,謂之社事,不用 主 前。 曰〕《曾子問》云:「孔 社主陰,陰 命 主 社陰,就 奔北 刑賞 一殺,親 伐 異 于 必 齊 則

予則孥戮汝。」〔《釋文》曰〕孥音奴。

孥」,對妻别文,是孥爲子。 子。言恥累也。〔疏曰〕《詩》云「樂爾妻〔傳曰〕孥,子也。非但止汝身,辱及汝

縣官 奴。 也。 奴」,奴即子也。 大罪合死,男女没入縣官。 後鄭義、《尚書》奴爲子,若《詩》『樂爾 書》『予則奴戮汝」,與此經奴爲一。 焚其籍也。] 鄭康成則以「奴爲從坐而没 汝」、《論語》曰『箕子爲之奴』,罪隸之 奴婢,古之罪人也。 人縣官者」。 春人、稾人之官 子人罪隸,女子入舂稟。」上文言盜賊之 金刃財貨,皆「入于司兵」。 故《春秋傳》曰:斐豹、隸也、著于丹 「謂坐爲盜賊而爲奴者,輸于罪 『男女從坐,没入縣官』者,謂 『請焚丹書,我殺督戎。』恥爲奴, 鄭以 非謂 []《周 禮 州縣也。」據此,二鄭之異解 奴 賈公彦 爲 秋官 也。 奴婢, 引《春秋傳》者,證隸 疏 由是觀之,今之爲 • 《書》曰『予則奴戮 司 云: 即係罪人本身。 厲》:「其奴, 故鄭衆解此 「先鄭引《尚 漢時名官 身遭 爲 爲 若 欲 奴奴 妻

> 戮社爲戮殺 刑 盗賊,二鄭 爲 後 則知鄭注《尚 賊例,則知凡犯大罪者皆是,不必 文不嫌異解如此 書》 孔 鄭 ,子孫又没 異。 以以 及《論 安國 (奴爲 若 先 傳 解 語 罪人之子孫没 鄭 同。 同 入罪 》,有扈、箕子皆不 書》以帑爲子,以戮爲辱, 承 也。 上盜 爲戮 蓋不 隸、 玩孔氏、賈氏正義、 春稟,以戮辱之。 辱,古人語質,連 用 賊 命者,身既被 而 人縣 言 官, 可 而 專 以盜 又 惟 泥 引 此

尚書後案卷四

尚書後案卷五

東吴王鳴盛學

相土之商也。

若八遷,遷即改名,則

相

土至湯改名多矣。

相土非始祖

一,何用

其

八遷,國名商不改,則此商猶是契商,非

惟王肅云「相土居

商丘

,湯取爲

號」。

契封商,

湯以

爲號,鄭玄之説亦然。

亡也。 説商名。 〔案曰〕鄭云云者,此《商書》首,故鄭先 虞夏及周當皆有之,但今已

所居爲天下號乎? 必不然也

之。〔《釋文》曰〕台,以之反,下同。 殛,居力反。 「非台小子,敢行稱亂。 有夏多罪,天命 殛

○《册府元龜》五卷《帝王部· 〔馬曰〕台,我也。《史記》三卷《殷本紀》集解。 創業篇》。〔傳曰〕

順天。〔疏曰〕「稱,舉」,《釋言》文。 小子敢行此事,桀有昏德,天命誅之,今 稱,舉也。 舉亂, 以諸侯伐天子。 我

「今爾有衆,汝曰:『我后不恤我衆,舍我穡 案曰〕馬云「台,我也」者、《釋詁》文。

誓

湯

商

書

王曰: 庚白反。 格 爾衆庶,悉聽朕言。 [《釋文》曰]格

(疏 湯取 湯 鄭 以 《尚書》疏約鄭義。 商爲號。 门以湯 號。 契始封商, 于此稱王,故本其號商之 湯 《尚書 稱 王, 1》疏。 Ξ 湯遂以商爲天下之 則 日 何傳 比 〕相土居商丘 桀 日〕契封商, 于 一夫。

予畏上帝,不敢不正。〔《釋文》曰〕恤,荀律反。 事,而割正夏。」予惟聞汝衆言,夏氏有罪,

誅之。 聞汝不憂我衆之言,不敢不正桀罪 也。 [傳日]汝,汝有衆。 言桀奪民農功 而爲割剥之政。 我后,桀也。正,政 子

天矣。往而誅之,必使汝堪之。』湯奉率 受夏之大命: 『夏德大亂,予既卒其命于 呼國,鶴鳴十夕餘。乃命湯于鑣宮,●用 天之罰」,皆奉天命以伐夏者。 字通也。 邑」,是桀爲割政于夏也。 桀「劓割夏邑」,下文言夏王「率割夏 卷五《非攻下》篇云:「夏王桀,天有酷 〔案曰〕傳以「割正」爲「割剥之政」者, 割,剥」、《説文》刀部文 衆,以鄉有夏之境,帝乃使陰暴毀有 日月不時,寒暑雜至,五穀焦死,鬼 此言「予畏上帝」,下文言「致 也。 正與政同,古 《多方》言 《墨子》

> 湯奉天以伐桀之事 命,通于四方。此湯之所以誅桀也。]是 湯奉桀衆以克有,屬諸侯于薄 天,天命融隆火于夏之城間西北之隅。」 往攻之,予必使汝大堪之。予既受命于 夏之城。少少有神來告曰:『夏德大亂, 也 薦章天

「今汝其曰:『夏罪其如台。』

〔傳曰〕今汝其復言桀惡,其亦如 我所聞

葛反。徐音謁 夏王率遏衆力,率割夏邑。 [《釋文》曰]遏,于

臣相率爲勞役之事,以絶衆力 [馬曰]遏,止也。《釋文》。 [傳日]言桀君 割剥

之邑居。 〔案曰〕馬以遏爲止,《釋詁》文。

有衆率怠弗協

馬曰〕衆民相率怠墮,不和同。 《史記 殷

乃」上、《墨子》有「天」字。

0

三四二

〔案曰〕馬以協爲和同,《釋詁》:「協,和本紀》集解。〇《册府元龜》五卷。

和也。」是也。也。」《説文》卷十三下劦部:「協,衆之同

喪,息浪反。「曰:『時日曷喪,予及汝皆亡!』〔《釋文》曰〕

喪桀。
〔鄭曰〕桀見民欲叛,乃自比于日,曰:〔鄭曰〕桀見民欲叛,乃自比于日,曰:「是日《尚書》疏。〔傳曰〕衆比桀于日,曰:「是日皆喪亡。」引不亡之徵,以脅恐下民也。皆喪亡。」引不亡之徵,以脅恐下民也。

就善,何樂兮。』伊尹人告于王曰:『大命 矣。』故伊 曰:『盍歸于亳? 盍歸 者持不醉者,不醉 〔案曰〕鄭云「桀見民欲叛,乃自比于日」 云云者、《伏生大傳》云:「夏人飲酒 『覺兮較兮,吾大命假兮。 尹 退 而 者持醉者 閒 居, 于亳? 深聽樂聲, 去不善而 亳亦大 和而 歌 更

桀自比于天,言常在也, 比于日,言去復 注云:「亳、湯之都也。 矣。』是以伊尹遂去夏適湯。」鄭于彼文 之有日,猶吾之有民也。 之去有日矣。」王僩 往視。 兮,樂兮樂兮。 奢》篇云:「桀作瑶臺,爲酒池糟隄,縱靡 來也。」是其事也。劉向《新序》卷六《刺 楫敗兮。我王 靡之樂。羣臣 亡無日矣。』桀拍然而作,啞然而笑曰: 之至,舉觴告桀曰:『君王不聽臣之言、 去不善而從善,何不樂兮。』伊尹知天命 見《韓詩外傳》二卷。 日有亡乎? 日亡吾亦亡矣。』此事又 十五《慎大覽》云:桀爲無道,湯令伊尹 子何妖言? 「夏聽于末嬉,末嬉言曰: 『今昔 相持歌曰:『江水沛沛、 吾有天下如天之有日也。 廢兮,趣歸薄兮。 四牡蹻兮,六轡沃兮。 然嘆, 又《吕氏春秋》卷 是時伊尹仕桀, "啞然笑! 日亡則吾 薄亦大

之。 也。 我與汝俱往亡之。」岐,漢之俗儒,不合 大 與鄭異,然謂 文而曰「民欲與之偕亡」、《孟子》之解 鬭,西方日勝,東方日不勝。」」然則 日每自比 日每以日自比,乃其恒言。《孟子》 天子夢西方有日,東方有日, 相 義,不可從也。 「時,是也。 遠。 湯臨士衆誓,言是日桀當大喪亡, 言桀爲無道,百姓皆欲 孔傳 于日,故民 民 正作 以日 日, 乙卯日也。 就 比桀,則亦因 此 爲此言,意 解。 若 與湯共伐 兩 趙岐注 日 害, 桀 引此 亦 相 桀 大 不 平 雖 平 與

音來。○〔案曰〕《史記》作「理」,音轉而誤也。天之罰,予其大賚汝。〔《釋文》曰〕賚,力代反,徐「夏德若兹,今朕必往。爾尚輔予一人,致

之。賚,與也。汝庶幾輔成我,我大與府元龜》五卷。〔傳曰〕凶德如此,我必往誅〔鄭曰〕賚,賜也。《史記·殷本紀》集解。〇《册

汝爵賞。

晏注同也。 與賜通,故賚亦賜。《論語・堯曰》篇何與賜通,故賚亦賜。《論語・堯曰》篇何也。」《禹貢》「納錫」、《史記》作「賜」。錫文》貝部文。《周頌序》云:「賚,錫予〔案曰〕鄭云「賚,賜也」者、《釋詁》及《説

「爾無不信,朕不食言。

故爲僞也。 故爲僞也。」言而不行,如食消盡,矣,能無肥乎?」言而不行,如食消盡,重,曰:「何肥也?」公曰:「是食言多也。」哀二十五年《左傳》云:孟武伯惡郭也。」哀二十五年《左傳》云:「食言之僞語》云:「食,僞也。」孫炎曰:「食言之僞

乃胡反。 也。 字。」然則此字起于《字林》也。 亦曰帑。 日〕孥、《説文》無之。 爾不從誓言,予則拏戮汝,罔有攸赦。」〔案 張參《五經文字》中五十一巾部帑字注云: 《字林》以爲帑藏之帑,音儻。 《左傳》「秦人歸其帑」、《詩》「樂爾妻帑 帑, 在巾部、「金幣所藏」。 戮,古文作,見顏師古 又作孥,爲妻孥 「《説文》 故妻子 」,皆是

匡謬正俗》。

赦」、權以脅之,使勿犯。〔疏 相及。」 年《左傳》引《康誥》曰:「父子兄弟,罪不 子兄弟罪不相及,今云 周禮》云: 鄭 春稟。」《尚 大罪 書》疏。 其 不 奴男子入于罪 止 其 傳 身,又孥戮其子 「孥戮 日〕古之用刑,父 汝,無 旦]昭二十 隷,女子人 所

也 云罪人之子從坐矣,恐非 爲奴從坐 子孫」者,鄭以 〔案曰〕鄭云「大罪不止其 云云者,《秋官 應 从 此 孔 先 于此又以爲權詞,非實事 鄭 否。 而没人縣官者,是舉漢法以 ,以爲罪人本身入官,不必 若鄭有此意,則《周禮》注 ·司厲》文也。 戮爲辱也。 也 身,又孥戮 又 鄭彼注 引《周 不知知 況 以 其

履,敢用玄牡,敢昭告于皇皇后帝。有〔又案曰〕《論語・堯曰》篇云:「予小子

内史過 然《國 誓》,則無 文。 三句注 安國乃云「《墨子》引《湯誓》」,或疑其上 子·兼愛下》篇引「予小子履」一段, 也。 有罪,無以 文引《泰誓》、《禹誓》,遂槩從 十三句,爲《湯説》,不云《湯誓》。 皇,大。后, 何晏《集 朕躬」四句注曰:「無以萬方、萬方不 國語》爲據。 罪 不 萬方有罪,我 《墨子》引《湯誓》,其辭若此。」 殷家尚白,未變夏禮,故 ¨, 無 敢赦, .語》内史過引《湯誓》曰:「余一人 曰: 遠 解 以 疑矣。 在 萬夫,萬夫 萬方 「履、殷湯名。 》載孔安國注 帝 君也。 墨子之前,業 臣 後 、 萬方· 四句 安國注《論 不蔽,簡 大大 身之過。」今考《 既 有罪,在余一人。」 有 爲《湯誓》,則 罪,罪 于「予小子 君 此伐桀告天之 在 語》時 已 帝心。 帝,謂天帝 稱 在朕 而 用玄牡 爲《 而 躬。 朕 墨 于 湯 孔 與 凡 躬

一而足,如武

王有《泰誓》三篇,又

别

有

篇。

伐桀大

事

,湯之誓告,

剪其

爪

髮,身爲犧牲之事,以

證成

其

兼

林自

禱

之時乎?

《墨子》欲取湯禱旱,

爲《湯

説

》, 而

其

實

則《湯誓》也。

但

實無

此

語,此

何以

解?

蓋《

湯

愛之説,故改伐桀爲禱旱,斷章取義,稱

此三

句實衍文也。

何以明之?

湯之大

不知

下三句不得不以爲禱祠之説矣。

天大旱,即當朕身。履未知得罪于上」,

唯《墨子》所引于「告于后帝」下增多「今

旱在革夏命、改正朔後,今方伐桀,豈桑

也。

原《墨子》之意,不

稱

爲《湯誓》,

而

三句

亦

爲《湯誓》可知。

故

日「《墨子》引

湯誓》,其辭若此」,非

因

上文而槩稱

易爲《湯説》者,蓋亦有故。

《論

語

「予小子履」起,至「罪在

朕躬]止

玩

其辭,孰不

以爲告天伐桀之誓者乎

三四

之辭。 理秘 也。 《論語》者,皆以爲《湯誓》,此所以信其 後、《書》未焚也。 知非散亡也。今《湯誓》一百四十四字, 通》,兩引「予小子履」,皆以爲伐桀告天 必不出于《湯誥》也。 前、《書》尚未删也。 而人之《湯誥》則妄矣。墨子生孔子之 其所遺落乎? 首尾完好,文義連屬,絶無譌闕,安得有 文,故解曰: 云「順天奉法,有罪 「予小子履」一段,及「聿求元聖」等語 湯 湯誓》,而又生于三國, 臣之位,罪過不 誓》「余一人」云云,章昭 !典得見古文《尚書》,而所著《白 今《湯誓》無此言,則已散亡矣。」不 即包咸注「有罪不敢赦」三句,亦 「《湯誓》、《商 此必别自爲 可隱蔽, 内史過又生孔子之 者 而所引之《書》同于 班固當東漢 不敢 目未見 書》伐桀之誓 擅 以其簡在 不 一篇無疑 赦 知 晚 爲 初, 桀居 出 别 虎 校 古

誥》也。
。」故其爲伐桀告天甚明,故知非《湯

尚書後案卷五

四六

尚書後案卷六

東吴王鳴盛

商

盤

庚

上

居貞。」《仲秋下旬碑》作「股桓」。《漸》六二「鴻漸于磐」 下篇,首句「盤」字作「般」。 〇〔案日 盤庚遷于殷、《釋文》曰〕 〕洪适 《隸釋》卷十四載蔡邕石經 《周易・屯》初九:「磐桓,利 盤 本又作般,步干 殘碑于

盤

庚

反。

之,祖乙爲湯玄孫,七世也。 五遷繼湯,篇次祖 鄭曰〕盤 庚,湯十世孫,祖 乙,故繼之。 乙之曾孫,以 又加祖乙, 于上累

郊祀志》作「鴻漸于般」,則知盤本作般也。

書全解 四卷。 裨傳》。 侈 疏。 庚, 都。 誥」何? 政化,故徙都 自祖乙五世,至盤 曰〕《堯典》疏及林氏、章氏引此並作王注。 如愚《山堂羣書考索・續集》四卷《經籍門》。 功,故以「盤庚」名篇。《尚書》疏。 十八卷。○王天與《尚書纂傳》十四卷上。 庚爲君時事。 至陽甲立,盤 後,奢侈踰禮,土地 路史 復其祖父,通盤 ,下民邑居墊隘,水泉瀉 ○《釋文》。 祖乙曾孫, ○羅苹《路史・國名紀》注四卷。 上篇是盤庚爲臣 》十八卷。 或 ○王應麟 名紀 非 》注四卷。 ○林之奇《尚書全解》十八卷。 但録其誥也, 于 ○金履祥《通 《困學紀聞》。 《尚書》疏。〇林之奇《尚書 庚爲之臣,乃謀徙居 殷。 祖 庚,故十 丁之子。 庚元兄陽甲,宫室奢 《尚書》疏。 迫 傳 時 近 鑑前編》四卷。 ○金履祥 事,中、下 世。 山 鹵,不可以行 取其徙 Ш 不言「盤 殷,毫之别 ○林之奇《尚 祖 〔馬曰〕 ,當圮焉。 ○又≪堯典 **通** ○吴棫《書 (王旦) 乙居耿 鑑前 ○[案 而 湯 篇 全 立 盤 舊 編 解 庚 盤

亳社 商自 語 降大虐,將遷于殷,先正其號」,知于此 謂奢侈過度,故欲遷都。 皆奢侈,故盤庚遷 立,殷復 三篇。」此與《序》違 也。 殷 在河北,迫近 此 也。 疏 號殷,前未 亳是大名,殷是亳内别名。 衰。 日》 亳是殷地大名,故殷社 殷本紀 百 姓思盤 Ш 段。」 有 إَال · 非 般 也。 名。 盤 庚, 鄭、王及皇甫皆 自祖辛以來, 孔傳無奢侈之 乃作《盤 庚 皇甫謐云: 中篇云「 崩, 弟小 鄭 之 殷 以 民

子小 立。 《殷本紀》云:湯太子太丁未立卒,弟外 (案日 丙立。崩,弟 河 甲立。崩、弟雍己立。 崩,子沃丁立。崩,弟太庚立。 亶 崩,子仲丁立。崩,弟外壬立。 」鄭 甲立。 云「盤庚,湯十世孫」云云者 仲壬立。崩,太丁子太甲 崩,子祖 之 立。 崩,弟 崩,子祖 太戊

饗,盤 甲立。 孫 《序》。其實所以遷都之故,兼 辛 庚 隱后頌》,述宋氏之先云:「二宗儼以 都于亳。」是其事也。 祖辛以來,奢淫 紀》曰:「盤庚以 立。崩,沃甲子 河圮兩事,故鄭 儉之事,皆與鄭 卷八十 川,盤庚乃謀徙居湯 祖乙居耿後,奢侈踰禮 盤庚去奢行 也。 ý o 君時 庚爲 庚儉 崩,弟盤 馬融 上《文苑傳》,杜篤奏《論都 崩,弟 作,此 臣時作, 而弗怠。」是亦言盤庚去 注 儉 沃 蓋與鄭注 庚立。 義 兼而言之也 于 不絶,盤 耿 南 甲 八合也。 于 則必以 在) V 亳」,李賢注 庚立。 經 舊都」者、《後漢 河北,迫 是盤 又曹翔作 無 崩 庚 圮耿 同也 崩, 可 中下二 r; 土地 乃 庚 祖 南 沂 祖 鄭 爲 事 爲 辛 引《帝 後漢 渡 111 子 篇 迫 奢 鄭又云 1 又 湯 賦 河, Щ 近 侈 已 奢 子 以 祖 王 了; 自 敬 徙 見 久 從 日 Ш 世 陽

説 文,故有 不見古文者, 信者正多耳。 後 亦 作, 同 :此説。 必 則 ?妄矣。 有 據 但《史記》雜采羣書,不 也。 司馬遷從安國問 小司 至《 《史記 馬 以 》以 不 爲 故 見 盤 古 非 庚

也。 或 伯,居商 即今陝 改號爲殷,故 土,襄九 華之陽。」皇甫謐云「今上洛 殷地大名,故以 三十年《左傳》云「鳥 昭明居砥石」,其地今無考。 又案日》《郊特 睢 河 陽, 亳,從契父帝嚳所居。 南 鄭注《書序》云:「契本封商國,在 歸 西商州 丘,相 年《左傳》云:「陶唐氏之火 德 都 府 是也。」後微子封此, 不 治。 土 殷社爲亳社 Ė 牲 因之。」杜預 契子昭明,《世本》 遷 一学云「 相 于亳,而 鳴于亳 士: 至 亳 湯 社 《序》言自 也。 社 北 十二世, 云:「今梁 商是 曰 昭明子 _ 牖 遷于 也 盤 īF 相 閼 云 殷 庚

遷 據經 湯白 孔 義正 契所封 其後遷亳,仲丁遷 受命」,正義曰「《書序》云湯始居亳 ^{説非也。}《玄鳥》箋云「湯始居亳之殷 記》、《中候》甚明,湯何必割取商丘 既有 庚言亳殷,則殷是亳地之小别名,故 商丘爲號。 至湯 代之大號。」而 云「盤庚將治亳殷」。 于湯言居亳,于盤 商,契所 傳 耿 是。 是 上篇 不數商 同。 亳之殷地 ,是爲五 天 八 未遷 爲代 下 遷 商與 封 但經言先王「五邦」,而《序》言 盤 言先王 丘 號 時 庚遷殷,蓋復湯之舊 地。」正 商 邦。 商 傳 作 也。 此 丘非一 而受命。 而 爲 可 云「契所 五邦者,湯始居 數盤庚遷亳爲五。 囂,河亶甲遷 鄭、馬、王 考者, 贵 服 義云: 地,契封 虔、王 容逆數爲五? 鄭《 此説與此 惟 肅 封」, 「商者、成湯 一字爲號? 商頌 商見《書傳 以 此 説 爲 鄭 四 皆如 取相 相 以 處 都也 祖乙 商 土所居 地 服、王 湯 此。 知 正 又 取 湯 而

及亳在 湯至盤 之耳。 此則謬 邢 《史記》又言「祖 庚 紂 王説,則五遷者數至耿而止,盤庚自耿遷亳甚明 其後又復遷商丘 四,安見相土遷商 土三世七遷,相土至湯十二世只 相土所居。 商丘遷亳,無可 也。」以此言之,鄭、馬、王皆數湯之商丘 舊,不得謂之遷,乃立文之體 五. 臺縣。 而亡,合計 處云爾。 遷殷,殷是亳 庚 殷人屢遷,前八後五,其實 五遷」 且自契至湯 又自盤 甚。 五遷内。 庚 商家共有十四遷也。 五遷,又數湯 乙遷 契至湯有八遷,不應契至相 其實湯居 者,猶言 庚遷毫之後, 時代既遠,八遷可 邢 疑,而 小 ,而湯承之耶 則孔 ,别名, 丘之後不又遷他處, 蓋耿即邢 八遷,數湯 盤 商 ,武乙又自亳遷 正 傳于《序》云 庚 丘 義 則毫 在 以 也。 , 特 反疑 今此 . 内 1 隨 ? 殷 邢,今順 在 沿 所 據馬 考者惟 本 經 商 止 故班 便總 内 居 朝歌,至 言 湯 丘 代 凡 鄭 乃 自 古 自 有 府 而

湯祠」。 始。 南尹。 里 府。 湯使毫衆爲之耕,有童子餉 葛鄉是也。 葛爲鄰。 事,實失其正也。 南 謂殷者,亳之别 地 而 云:「學者咸 有「尸鄉、殷湯 云云,知今本古文出于謐。 又案曰〕諸 偃 殺之。古文《仲虺之誥》曰 而 正 今考《漢 .師西三十里有尸鄉亭是。」 謐考之 鄭主此説,的 征葛事,據《序》及《史記》,在《湯征 使毫衆爲耕,有童子餉 湯之故都 劉昭注引《皇覽》曰「有湯亭、 又曰「尸鄉在縣西三十里」。 按《地理志》,葛今梁國寧陵之 湯地 以 家 所都」。 爲亳 地 言亳 也 也。 七十里耳,葛伯 然可信。 念孟 理 在 志 所 計寧陵去偃 今偃 《續漢志》 子》稱湯居亳, 河、洛之閒,今河 》,河南 在 一,説 師 而皇甫 「湯征 食、葛伯 食,非 縣 又 郡 》篇。 屬 紛 縣 偃 師 不祀, 自葛 河 其理 紛 師 而 白 奪 與 則 南 有 河 縣 此

澤,湯

止于薄。」則此

爲

湯

者

所

于

此文下又云:「昔堯

游

成

社

猶

稱亳,當時

人或以亳在宋地。

班

之間

圃

其實湯

都則

在

偃

師,與

宋

地

無

後

人遂往

往指

稱

亳在梁國

沸陰、山

陽

涉

也

故

班

氏

于

梁、泲陰、山

陽諸

或

湯

都

前

獨繫之偃

師

可

知

鄭

東郡之須昌、壽 當游息之地, 陽,舜漁雷 理,其實 師是 蒙爲 河、 説 氏 之 之確 謂 故 《前漢志》山 冢在 不言 在 郡,後漢又分其 于薄 也 屬梁國。 有湯冢」云云。 又曰:「湯居亳,今泲陰亳縣是 微子冢。」《書》正 蒙縣西 梁國 · 而 認 在 臣 師」下云:「臣瓚 沸陰己 瓚所謂湯都在泲陰亳縣者 縣 亳, 矣。 山 亦 薄 陽 異 説 即皇甫 北 則 注 縣 氏 説, 薄 晉又改 口 也 有 妄 縣,非 陽郡 云「湯所都」,注引杜 杜 馬 縣 薄 引皇: 其 彪 者 義引 地 孔 預 城,中有 謐 蓋 薄。 謬 薄縣 薄 于 也。 置 穎達《書》、《詩》疏,皆 所謂在蒙縣北 所 溥 甫 此説作 已甚。 梁國之蒙及穀 爲亳,且改 蒙、穀熟與薄,並 分屬 曰:『湯居亳,今沸 而 縣者,漢本屬 謐 下 亦即 又 有 湯冢 説者 云「湯所都 「伊尹」,非是。 于蒙、 而 司 臣 顔 馬 其 也。 非 瓚 屬沸 即 穀 師 亳 彪 預 是 西 熟, 熟 其 城 Ш 所 今亳 又 」, 而 日 伊 于 有 者 謂

楚、山

陽、沸陰、東平及

張,皆宋分也。」蓋諸

郡

國皆微子所封

非是。

漢

志》云:「宋地,今之沛、梁、

「三亳阪

尹」是也。

謐之説

似

有

洛之間

穀熟爲南亳,即

湯

都

也。

也

則

殷有三亳,二在

梁

或

在

地,

北

在

蒙

地

非

偃

師

也

書

序

惟

尹

也

今梁

或

自

有

亳,

南

亳

在

穀

熟

云:

庚五

遷,將治

三亳殷。」

即

偃

北

亳,即景亳,是湯

所受

命

也

偃

師

爲

西

亳,即

盤

庚所徙者也。

《立政之篇》

日

改

陽

是。 其妄。 即 按劉向不知湯葬處 北東郭,去縣三里。冢四方,方各十步,高七尺。 説 以 則蒙、穀熟可 師古之疎 帝建平元年,大司空御史長卿案行水災,因行湯冢。」 本 論分野 蓋 陰 而《元和 劉 采 以 湯冢 薄 北二亳,且欲兼 無 向 亳 以此合《立政 亦當 亳名,祇 折之,精矣。《皇覽》曰: 其 于 而皇甫謐巧于立説,又以一薄分爲 縣 云 薄 其意只有東西 志》亦云「亳、薄字異義同」,皆非是。 爲據, 段中薄字改爲亳、伏生《大傳》亳字改爲 「殷 也, 耳。 斷 Ш 湯 非亳也。 以 今 陽 知。 而 因 無 ,而哀帝時長卿者突然得之,足知 非 · 亳 而 薄 附 晉人 》「三亳」之文。 葬 二亳,故以 薄 是,乃又姑存之,此 縣 有 杜預、臣瓚之説,皆非 會其 存偃 固非 處」, 湯 下 後人因晉人説,并《漢志 以 -,不必 冢 説。 湯 師 毫也, 安得 《商頌 舊説 嘗止 「湯冢在沸陰亳縣 師古引劉 復采費 此 》景亳爲周 湯 于 薄非亳 説 稱 杜 冢 此 非 預亦 乎 兩 説 漢哀 也 地 薄 則 向 且 ? 漢 兼

皇甫 證乎? 之民 澤也。 何,則不可爲偃師之證矣。 可 者,其説殊妄。 且古文員、云同字耳。 則大員是諸侯大至口之所云,亦不得 此維河當與彼同,不得爲水傍河 爲「何」。 員以爲蒙,有景山之證,又可援 發 然,天子可知。 都曲阜尚 是尋是尺。」徂 即屬山名,而 乃以景亳爲北 文 知 河 魯頌・ 解爲 是 南 笑耳。 鞏縣西 斷是遷 被景山 謐之謬如此。 而 商時大河未 黄河,則 不知《立政》「三亳」,鄭解謂 閟宫》云: 以 分 遥,未嘗 至「景員 《 頻 南 二,毛 爲三,毫本一 取松柏以成寢廟,何必在近郊之間 」,謂斷之于生植之處,遷之于造作之所。 況偃師正在河、洛之間 來在今泰安縣,新甫 亳,在蒙,後 有 而必以就近始得者,書生寒儉之見,可 正可 弁》、《既 湯 傳訓 不 「徂來之松,新甫之栢。 南徙 都是 維河」,鄭氏讀 可 以 然則以景山 , 倫 其 材 景爲大,是升 證毫在偃 是即 ,此地安得 醉》言, 唐人《括地 人遂以 而蒙乃宋地,即 偃 一耳,安 維河以爲蒙,有 木以 維何皆是設問之辭 師 也。 師。 **以蒙有景** 之亳 有 在蒙, 在今新泰縣,去魯 「員」爲「云」,「河 成 彼 維何既是問辭 河? 若 如 今鄭氏 新 大 也 得 毛傳爲 證 廟。 志》沿 「景員維河 山 Ш 是斷是 即欲 有 《左傳 北 爲 而 非 侯國既 亳 大河之 既 皇甫 證。 \equiv ? 遷 大均 Ш 在蒙 援 讀 名。 亳 度 襲 景 下 爲 不 謐 民不適有居。 師。 爲河亶甲所居必也,而顧以爲盤庚乎? 辨詳《書序》。 陽縣矣。河亶甲居相,相在今安陽洹水南,有殷墟,其 家説尤更乖異,皆不可信。如其説則殷在今彰德府安 南殷墟上。今安陽西有殷。是此説以殷在河北,與諸 自奄遷殷,殷在鄴南三十里。《漢書·項羽傳》云洹水 洛。若亳不在偃師而在梁國,則居洛 候·格予命》云: ●天乙在亳,東觀在 其説淺 全無涉。 縣地,亦屬沛郡,並見《元和郡縣志》,與皇甫謐所言又 譙縣,地屬沛郡。蒙城縣則唐天寶二年置,本漢山桑 邑、永城二縣。 其説,皆不可信也。 當從鄭,以亳殷在河南偃師。下篇「先 不得東觀于洛矣。東晳據《汲冢古文》,以盤庚 王適于山」,先王即湯,亳地依山,故言 適于山」。盤庚之遷,實復湯故居也。 而所謂偃師去葛太遠,不便代耕, 三毫既不可信,則湯都定在偃 陋,更不足辨矣。且《尚書 再考至今之亳州,則後周武帝置,本漢 漢薄蒙、穀熟故城,在 一今夏 中

[傳曰]適,之也,不欲之殷有邑居。[疏

往,故適得爲之。曰〕《釋詁》云:「適、之,往也。」俱訓爲

俞注反。〕
〔案曰〕張參《五經文字》卷下一百六頁部云:「籲,室。○〔案曰〕張參《五經文字》卷下一百六頁部云:「籲,率籲衆感,出失言,〔《釋文》曰〕籲音喻。感,千歷

爲正直之言。〔疏曰〕《詩》云「其直如矢」,言直之言。〔疏曰〕《詩》云「其直如矢」,言〔傳曰〕籲,和也。率和衆憂之人,出正

■「格」、《詩·商頌譜》阮校謂當作「雒」。

非也。 璞注 言,文義 傳、鄭箋並 佗」、《衛風 也。」《毛詩・鄘風・柏舟》云「之矢死靡 勿恤」,❶虞翻注:「矢,古誓字。」《論語 夫子矢之」,孔、鄭、繆播皆云:「矢,誓 相約誓」。 明順。 同。 • 考槃》云「永矢勿諼」,毛 《易 然則「出矢言」爲出 乃必以矢爲正 • 晉卦》六五「矢得 直,尤 誓

卜也。

〔傳曰〕我王祖乙居耿。爰,于也。曰:「我王來,既爰宅于兹,

劉與鎦自是重文,後人傳寫誤脱去耳,非許本無也 姓,許慎不應不載。 雅》,云「殺也」。 云:「鎦,殺也。」無劉字。 虔劉」,毛、杜皆云「殺也」,安得云無此字? 重我民,無盡 乙已居于此。 故《周頌》「勝殷遏劉」,成十三年《傳 劉。 又竹部藰 〔案曰〕《説文》卷十四 然此字見經多矣。 水部瀏 ,皆云「劉聲」。 且漢天子 又見《爾 上 金 則 部

欲盡殺故。〔疏曰〕「劉,殺」、《釋詁》文。〔傳曰〕劉,殺也。所以遷此,重我民,無

文》曰〕稽,工兮反。 不能胥匡 禮・太ト》:「大遷則貞龜。」是遷 龜以徙,曰:「其如我 傳曰〕言民不能相匡 以生,卜稽 台音怡 日 : 所 以 生 行。二、疏 『其如台。』《釋 ,則當卜考于 曰 》周

尚不常安,有可遷輒遷。〔傳曰〕先王有所服行,敬謹天命,如此先王有服,恪謹天命,兹猶不常寧,

「不常厥邑,于今五邦。

言祖

其數明矣。辨已見前。 言今不承于古,必不可以己方欲遷充入數,與鄭、馬、王不同。然上言先王,下二之説合也。傳以盤庚遷殷入五邦之二之説合也。傳以盤庚遷殷入五邦之一,與班固前八遷,後五遷,實止十相、耿爲五邦者,馬注與鄭同。王肅亦

字,今作斤旁箸籃。籃即繼字,其義反矣。先王之烈!〔案曰〕斷,多管反,从趨从斤。齒,古絶「今不承于古,罔知天之斷命,矧曰其克從」

汝命,況能從先王之業乎! [傳曰]今不承古而徙,是無知天將斷絕

文,作「曳欄」是矣。然卷七上乌部曳字注云:「木生條一、一、大大之有由櫱,〔《釋文》曰〕櫱,五達反,本又作好。○〔案曰〕《説文》卷六上木部欄字注云:「伐木餘也。」以大人以大、大大之有由櫱,〔《釋文》曰〕櫱,五達反,本又作「若顛木之有由櫱,〔《釋文》曰〕櫱,五達反,本又作「去顛木之有由櫱,〔《釋注》文。 「烈、業」、《釋詁》文。

甚多。 字用。 生條之訓矣。至顛字,本人頂,而通作走部中走頓之趙 義太遠,致使俗人不復知由字本作思,亦不復知由有木 省作由,則从俗正合,亦不必作曳。 亦并不必作粹也。至由字,雖許兩引皆作胄,然古文既 俗師所改耳。 馬又作枿,則此字必當作粹。 字,許于木部雖引作臟,而其下又出古文粹,粹即枿 用枿之語不通。」以州切。」合而考之,參以《釋文》,此 山 也。 隸變耳。 枝條華函之形。』徐鉉曰:『孔安國注《尚書》,訓 蓋古文省马,而後人因省之,通用爲因由等字。 从马由聲。《商書》曰:『若顛木之有曳枿。』古文言 此經則又借作木部中仆木之填字用,皆是也 如《論語》「顛沛」、《左傳》「子都自下射之顛」之類 至乌部又引作枿,而其下即繼以古文言枿,況 徐鍇曰: 然櫱重文既有,于義又通,不但不必作獻, 《説文》無由字,今《尚書》只作由 不但作櫱者誤,即巘亦漢 祇因僞孔訓 从马,象 用,離本 由作用。

(馬曰〕顛木而肄生曰枿。』 「馬曰〕顛木而肄生曰枿。《釋文》。○董鼎也。」郭璞云:「ल,稿本之餘之木,有用生櫱哉!〔疏曰〕《釋詁》之木,有用生櫱哉!〔疏曰〕《釋詁》之未,有用生櫱哉!〔或曰〕《釋詁》

相訓。 宜。」是由訓爲生。《春秋傳》曰「吉凶 詩序》云:「《由儀》,萬物之生,各得其 是木生條,故經傳由字皆訓爲生。 之間曰枿。秦晉之間曰肄。」郭璞 櫱」,傳亦云「櫱,餘也」。 復生曰肄。」《商頌・長發》云「苞 人」,言吉凶生乎人也,是也。 作枿,與櫱同。《毛詩 曰「夏肄是屏」是也。 伐其條肄」,毛傳云:「肄,餘也。 案日〕馬云「顛木而肄 《方言》一卷云:「枿,餘也。 ・周南・ 由即曳之省。 生曰枿」者,馬 同訓餘,故 汝墳》云 陳 有 注 斬 《毛 由 曳 傳 鄭 轉 而

「天其永我命于兹新邑,

不徙。 〔傳曰〕言天其長我命于此新邑,不可

遷以 舊而 〔案日〕亳 來 邑則新也 所 都 殷 本湯 無定,至是乃復其故邦,雖 故 都, 而 曰 新 邑者 五

之履反。「紹復先王之大業,低綏四方。」〔《釋文》曰〕底

[傳日]言我徙欲如此。

度。〔《釋文》曰〕勢,户教反。 盤庚勢于民,由乃在位,以常舊服,正法

教民。(傳曰〕教,教也。教人使用汝在位之〔傳曰〕教,教也。教人使用汝在位之

之林反。曰:「無或敢伏小人之攸箴。」〔《釋文》曰〕箴:

上者。〔疏曰〕又戒臣。
曰〕言無有敢伏絶小人之所欲。箴,規《尚書》疏。〔馬曰〕箴,諫也。《釋文》。〔傳王。今將屬民而詢焉,故敕以無伏之。〔鄭曰〕奢侈之俗,小民咸苦之,欲言于

《説文》卷五上竹部云:「箴,綴衣箴也。」疏。馬云「箴,諫也」者,箴本衣箴字,首案。又云「將屬民而詢」者,説詳下節〔案曰〕鄭云「奢侈之俗」云云者,説詳篇

病,謂 箴,百工諫,庶人傳語」是也。 者,亦曰箴。《毛詩 因 内則》云:「紉箴請補綴。」醫者以 以箴之」、《周語》召公諫 之箴石。 故有 所諷 雅 刺 而 厲王,「師 庭燎 救 其失 石刺 序》

王命衆悉至于庭。

焉。 立君。」是國將大遷,必詢萬民 小司寇》:「掌外朝之政,以 〔傳曰〕衆,羣臣以下。 〔疏 一曰詢國危,二曰 詢國遷, 致 日 萬 三日 周 民 禮 而 詢 詢

若曰」也。詳玩經文,上篇敘次自與中類《多士》、《多方》周公述成王命,稱「王矣。下文「王若曰」,是盤庚之言也。繼曰「無或敢伏」云云,則王乃陽甲,非盤庚以「王命衆」云云,則王乃陽甲,非盤庚以「王命衆」云云,則 是監庚、其下止言「幾天」」鄭以上篇《盤庚》爲臣作,經雖無〔案曰〕鄭以上篇《盤庚》爲臣作,經雖無

下篇不同,鄭注確甚。

〔傳曰〕謀退汝違上之心,無傲慢,從心

所安。

下是退意,故云「退汝違上之心」。下文〔案曰〕《説文》黑部云:「黜,貶下也。」貶

亦云「汝克黜乃心」也。

任,而鴆反。
「古我先王亦惟圖任舊人共政。〔《釋文》曰

「告之」句絶,不連「修」字爲一句。 「生播告之,修不匿厥指,〔《釋文》曰〕播,波餓反。匿,女力反。○〔案曰〕《説文》卷三上言部云:「譒,反。匿,女力反。○〔案曰〕《説文》卷三上言部云:「譒,波餓人,共治其政。

〔傳曰〕王布告人以所修之政,不匿

其指。

「王用丕欽,罔有逸言,民用丕變。

〔傳曰〕王用大敬其政教,無有逸豫之

言,民用大變從化。

文》曰〕聒,古活反。「今汝聒聒,起信險膚,予弗知乃所訟。〔《釋

聒作懖 字與聒 文》合。但今刻《説文》脱「拒」字耳。 皆云拒善自用之意。」則馬融詁訓與《説 注云:「讙語也。」不引《尚書》。 受之言,我不知汝所訟言何謂。 意。《尚 文从耳」。今觀《釋文》云:「馬及《説文》 書》曰:『今汝懖懖。』」重文鍲字注云「古 下心部懖字注云:「善自用之意也。 貌。《尚書》疏。 [案日]鄭云「聒讀如聒耳之聒」者,鄭 傳曰」 鄭曰〕聒讀如聒耳之聒。聒聒,難告之)聒聒, 迥别,祇因古文从耳,晉人遂 然鄭云「讀如聒耳之聒」,則鄭不 也。《説文》十二卷上耳部 書》疏。 無知之貌。 [馬日] 聒聒 ○《釋文》。 〇[案日]疏作 起信 拒 拒 險僞, 其 十 自用之 聒字 王 《商 此 改 · 卷 注。 膚 本

> [《釋文》曰]惕,他歷反。 非予自荒兹德、惟汝含德、不惕予一人。 云「聒 以善,斯不可救。 憤,雖愚必 《玉篇》出顧野王,雖知存古,時孔傳已 篇》卷上心部第八十七懖字注云:「愚人 作 行,遂用其訓。 無知也。」亦兼引《説文》「善自用」之訓。 告之貌也。 訑之聲音顏色,距人于千里之外,是 好善,則將 聒,必 聒,難告之貌」者、《孟子》: 與《説文》同作 明。 曰訑 孔傳以爲「無知之貌」。 其實愚人無 惟拒 訑,予既已知之矣。」 鄭義甚精,不可易 善自用,使人難告 懖, 明矣。 知, 苟能 「苟 也。 發 訑 V

命,所含惡德,但不畏懼我耳。 〔傳曰〕我之欲徙,非廢此德。 汝不從我

予若觀火,予亦拙謀,作乃逸。

徙,是我拙謀成汝過。逸,過也。〔疏〔傳曰〕我視汝情如視火,我不威脅汝

日〕「逸,過」,《 釋言》文。

衍 誤,脱去不字,遂失其解。 若巧拙之拙」者,乃音也,非義 光矣。其《説文》十卷上火部注所云「讀 篇》卷下火部第三百二十三炪字注 作「火不光」。 巧拙之拙。 火出聲。《商書》曰:『予亦炪謀。』讀若 文》十卷上火部炪字注云:「火光也。 爟同,皆訓爲熱。 與?」然則鄭以此經「觀火」與「司爟」之 今燕俗名 爟」,鄭注云:「爟讀如『予若觀火』之觀 遂改爲拙 丑出、許出二切。 説文》猶是善本,祇因《説文》傳寫之 案曰〕觀、權 一「也」字,當是「火光鬱也」,鬱則 湯 職悦切。」《類篇》引《説文》 也。經言予威如熱火之猛 同。 熱爲觀,則爟火謂 《類篇》雖出 《周禮 觀火者,熱火也。 火光也,鬱也。」此 夏官》有「司 再參以 宋人,所見 也。 熱 《説 疑 玉

> 烈,但 也 |予炪謀、絀威不用,使汝縱逸不肯

乃亦有秋。〔《釋文》曰〕紊,音問,徐音文。 「若網在綱,有條 而 不紊。 若農服 田 力 穡

農勤穡,則有秋。下承上,則有福 下從上令,如網之從綱。 帝紀》詔引此 是也。《毛詩•棫樸》疏引《説文》云: 上,當如網 三上糸部義,彼即引《商書》此 農夫服田,厲 綱,網紘也。」蓋 [案曰]傳云「紊,亂也」者,《説文》卷十 傳曰〕紊,亂 在綱,各有 經服 也。 其膂 所 有收。 以張網者。 力,乃有秋 田」云云,應劭 耕稼 條 盡力遷徙以圖 理 也。 耐 收 《漢 不亂 文以證, 以也。」言 下之順 注) · 成

乃敢大言汝有積德。 ·汝克黜乃心,施實德于民, 至于婚友,丕

安,如農之力穡

以

[傳曰]汝羣臣能退汝違上之心, 施實德

有積德之臣。 于民,至于婚姻僚友,則我大乃敢言汝

越,本又作粤,音曰,于也。馬同。本或作暋,音敏。《爾雅》昏、暋皆訓强,故兩存。勞,不服田畝,越其罔有黍稷。〔《釋文》曰〕昏,「乃不畏戎毒于遠邇,惰農自安,不昏作

《書》曰:『不昏作勞。』」引此解彼,是亦 《釋詁》文。孫炎曰:「昏,夙夜之强也。 讀此爲暋也。 有。〔疏曰〕戎,大。昏,强。越,於。 自安逸,不强作勞于田 則是不畏大毒于遠近。如怠惰之農,苟 戎,大。昏,强。 ○《三國·魏志》一卷《武帝紀》裴松之注。 鄭曰〕昏讀爲暋。 越、於也。 暋, 勉 畝,則黍稷無所 也。 言不欲 《尚書》疏 「傳 徙, 日

汝不和吉言于百姓,惟汝自生毒,乃敗禍勞」,薛綜注云「昏,勉也」是也。 《文選》張平子《西京賦》「何必昏于作〔案曰〕鄭云「昏讀爲暋。暋,勉也」者,

姦宄,以自災于厥身。

害,是爲敗禍姦宄,以自災之道。〔傳曰〕責公卿不能和喻百官,是自生毒

傳亦以爲百官也。 見《堯典》。此下篇「告爾百姓于朕志」, 吉言,善言也。以百姓爲百官,説已詳 〔案曰〕《説文》口部云:「吉,善也。」然則

其石久亡,殘碑載宋洪适《隸釋》。 「乃既先惡于民,乃奉其恫,汝悔身何及! 其石久亡,殘碑載宋洪适《隸釋》。 其石久亡,殘碑載宋洪适《隸釋》。 其石久亡,殘碑載宋洪适《隸釋》。 其石久亡,殘碑載宋洪适《隸釋》。 其石久亡,殘碑載宋洪适《隸釋》。 其石久亡,殘碑載宋洪适《隸釋》。 其石久亡,殘碑載宋洪适《隸釋》。 其石久亡,殘碑載宋洪适《隸釋》。

痛」、《釋言》文。而悔之,則于身無所及。〔疏曰〕「恫,而悔之,則于身無所及。〔疏曰〕「恫,痛也。不徙則禍毒在汝身,徒奉持所痛〔傳曰〕羣臣不欲徙,是先惡于民。恫,

「相時險民,猶胥顧于箴言,其發有逸口,

其加月者,襍肉也,从肉椒聲,别是一字。邕皆誤。釋》。三者不同,考聚椒之椒,右从攴,不从殳,左从林。恕民。」息廉切。」蔡邕石經殘文「險」作「散」,載洪适《隸歴民。儉,息廉反,徐七漸反。○〔案曰〕《説文》十卷下 矧予 制乃 短 長之命。〔《釋文》曰〕相,息亮反,徐息

小民。
(舞文》。〔傳曰〕言險利小民,尚相顧也。《釋文》。〔傳曰〕言險利小民,尚相顧也。《釋文》。〔傳曰〕言險利小民,尚相顧

汝曷弗告朕,而胥動以浮言,恐沈于衆? 以以言「勿用佞人」。此則偷安而欲沮思。《立政》「儉人」、《釋文》云「本亦作思」。馬于彼亦訓利,但以爲佞人。此思」。馬于彼亦訓利,但以爲佞人。此思」。馬于彼亦訓利,但以爲佞人。此思。《立政》「儉人」、《釋文》云「本亦作又云「儉,利小小見事之人」者、《釋詁》文。〔案曰〕馬云「相,視也」者、《釋詁》文。

[《釋文》曰]曷,何末反。

「燎,力弔反」。○〔案曰〕《釋文》于《左傳》引《書》又云反。撲,普卜反。○〔案曰〕《釋文》于《左傳》引《書》又云《釋文》曰〕燎,力召反,又力鳥反,又力紹反。嚮,許亮「若火之燎于原,不可嚮邇,其猶可撲滅。

〔傳曰〕火炎不可嚮近,尚可撲滅。 浮言

不可信用,尚可刑戮絶之。

書》無「也」字,遂删之。《禮記》引《太甲》「無據此則經有「惡之易也」句,僞孔因《尚鄉近,不可撲滅。」《莊十四年》所引同。曰:「盤庚言惡易長,如火焚原野,不可曰:「盤庚言惡易長,如火焚原野,不可〔案曰〕隱六年《左傳》君子曰《商書》曰〔案曰〕隱六年《左傳》君子曰《商書》曰

侯繩息 皆非也。 傳》及杜 遂以此節專承浮言説。 言惡易長,非指浮言易動,今删去四字, 氏二十五篇,則皆無之。 子》引「天作孽」云云,即無也字。其伏生二十八篇 引《太誓》「乃聞不言也」。 言惡之易長,則此四字不可删。 欲悦息嬀,遂伐蔡。 桓 厥命,以 作尚可 公長惡不悛,欲救不能。 · 媽,語楚子,楚滅息,取 白覆 預注爲是,僞孔之删削及傳義 撲滅,正相違反。 也」,又引「天作孽,可爲也」。 考《左傳》前段 惟此四處有「也 各引《書》證之,皆 又以不可撲滅 後段 恐當從《左 字。 息嬀,後 且經本 《墨子》 蔡 以 哀 陳

則惟汝衆自作弗靖, 非予有咎。

纂傳》十四卷上。 補 馬曰〕靖、安也。 遺》,此條在 又日本山井鼎作《七經孟子考文》,物觀等又作 天與官元大德間 《補 ○[案日]此條出《釋文》原本: 脱 ,時《釋文》未入注疏,從原本采 門 《釋文》三卷。 (傳日) 〇王天與 我 刑戮 汝 尚 注

> 音遲,古通也。」下二句,洪适《隸釋》載蔡邕石經上作「人 詩》作「郁夷」。《匡謬正俗》亦云:「《書》『遲任』音夷,亦 ○〔案曰〕遲字陸、徐異音。 新。』〔《釋文》曰〕遲,直疑反,徐持夷反。 遲任有言曰:『人 安義也。 所致。〔疏 非 命,肆其靖之。」箋以靖爲和安,則靖有 〔案日〕馬 我 咎 也 云云者、《周 曰〕「靖,謀」、《釋詁》文。 靖 謀 惟求舊、器非 佘小 也。 雅 頌》:「昊天有 是汝自 四牡》「倭遲」、《 任,而今反。 求舊, 爲, 非 惟 成 謀

奇《尚書全解》十八卷。 三馬 曰 人。《尚書》疏。○《釋文》。 鄭曰〕遲任,古之賢史。《尚書》疏。 遲任,古老成 〇林之 求。」案,救當作穀,即古文求。《説文》引《虞書》「旁榖孱

,即旁求也。

日景以求地中」,注云:「故《書》求爲救。

維舊」,無「求」字。下「舊」上「求」作

之言,馬云「古之良史」。 〔案曰〕鄭云云者,馬云「古老成 大雅· 蕩》篇。 但《論語》孔 遲任 子 與 周 引 人 周 任 任 相 本

「救」。《大司徒》「正

杜子春云當爲

史也。 類,彼既良史,此不應異,故以爲古之賢

動用非罰?「古我先王,暨乃祖乃父,胥及逸勤,予敢

法,我豈敢動用非常之罰脅汝?〔傳曰〕古君臣相與同勞逸,子孫所宜

反,又蘇管反。掩,本又作弇。 [《釋文》曰〕選,息轉「世選爾勞,予不掩爾善。 [《釋文》曰〕選,息轉

〔傳曰〕選,數也。言我世世數汝功勤,

文》曰〕與音預。 「兹予大享于先王,爾祖其從與享之。 不掩蔽汝善。

享于先王」,謂天子祭宗廟也。 「大享, 天神曰祀,地 官·司勳》疏。 鄭曰〕大享,謂 賞」者,烝嘗是秋冬祭名。 于 [疏日]《周禮 廟。 大享,烝嘗也。所以不 〔傳曰〕古者天子録功臣,配 祇 日 烝嘗也。《周禮》三十 祭,人鬼曰享。 ·大宗伯》祭祀之名, 謂之大享 。此「大

時祭 也。 袷可 獨烝 時 各配所事之君。 《魯頌》曰「秋 禘祫,而直據時祭者,以殷祫于三時,非 者,銘書於王之大常,祭于大烝,司勳詔 薦者少,故礿祠爲小也。 也。」然彼以袷爲大嘗,知此不以烝嘗爲 云:「内祭則大嘗禘是也,外祭則郊社是 之。」是也。 與祭者,案《周禮·司勳》云:「凡有 薦者衆,故烝嘗 烝嘗爲大, 礿 袷爲大,烝 者,以事各 祭不祭毀廟,其君尚不時祭,其臣固 、當也。 知。 不及之也。 近代以來,功臣配 惟 嘗 有 嘗是烝之類,故以嘗配之。 秋冬之祭,尚及功臣,則 春夏不可耳,以 祠 對。 爲 圃 『爲大。 爲 小 若所事之君其 近代以來,功臣 載賞」 若烝 小。 嘗 食惟禘給乃祭, 春夏物未 以 叮 是也。 知烝嘗有功臣 秋 對 時 冬物 自 褅 物 《祭統》 祫 廟已毀, 相 未成故 一配食, 成, 成, 對 則 功 口 可 則

則春 此是鄭氏之義,未知孔意如何。 祭。」《禮緯》云:「三年一祫,五年 不作時祭,秋冬先作時祭,而後祫。 爲 制,天子春惟 禘 功 當 袷,嘗袷,烝袷。」此《王 時祭。 臣 禘在夏,故《公羊傳》云:「五年 , 袷嘗, 袷烝, 諸侯 止 一亦當 矣 曰祠,夏曰礿,三年一祫在 諸侯 褅 在 · 給則 也 時祭,其夏秋冬既爲給,又 亦春爲時祭,夏惟作袷, 毀廟之主亦 《王制》云:「 礿 制》之文,夏殷之 犆,禘, 在 秋,五 犆 焉 礿, 禘。」 犆 再 殷 年 唐

之。」」是也 曰:『兹予大享于先王,爾祖 死則 卿大夫者, 案日〕鄭云云者、《夏官 ,故告之云:我不掩爾 「生則書于王旌,以識其人與其 于烝先王祭之。 。賈公彦疏 庚 欲遷亳殷 盤 善 庚告其 • 司 一, 所 引盤 臣 其 民 以 勳 從 卿 者 有 庚 大 何 不 告 鄭 與 大夫 其 注

之盛也。 至 也或可。 此 陽之盛也。 之中。 此略同。 夏日 同。 臣 嘗俱祭,禮異故也。」據 此舉冬祭物成者衆而 遷乎?」「彼《書》注以『大享』爲『烝 兹予大享先 春禘、 祭統》云: 郊特牲》已備,故此不注。 夏、殷之祭名」。《祭統》亦有此文,經、 于烝嘗,與孔 禘爲禴字之誤,從《王制》爲正。 制》:「天子、諸侯宗廟之祭,春曰 祭統 彌縫 賈 禘,秋曰當,冬曰 秋嘗」,則鄭直釋爲「夏殷禮 嘗者,陰之盛也。 其《郊特牲》云「春禘、秋嘗」,鄭 況爾 疏云或殷 鄭 》約、稀、當 「礿禘 夏之始可 周時直于烝時祭功臣,殷 注,尤爲精 見在,不 王之時 ,陽義也。 以 傳同。 烝 周禮異者 承 密 ,鄭云『夏殷禮』、《祭統 春,故春 近日惠氏士奇云: 故曰莫重於禘嘗。」惠説 掩 爾 嘗 言 當從之。 此則 祖 可 烝,陰義也。 烝。」鄭 且 ,其當時 知 從 」,并不破禘字。 夏皆得 周 乃 鄭 至《祭 先 趙 制 以 亦以 何 王 匡 衍説 注 亦 行焉。」考 商 亦 在 不 褅 義 注 「禘者, 爲夏 謂 與 祭功 時烝 祭 者,陽 從 嘗 享 並 礿 耳 是 之 我 本 云 殷 與

盛 郊,《祭法》,有虞氏、夏后氏禘黄帝,殷人、周人禘嚳。 羊傳》五年再殷祭,謂五年之中一袷一 此禘謂圜丘。《大傳》:「王者禘其祖之所自出。」此 昊天上帝 祭之大于 之。皆有盛大之義,皆殷祭也。 禘。禘之言諦,審諦 謂南郊。 謂五年再殷祭者如此,謂再殷祭皆在 之,亦三年喪畢爲祫祭,明年爲禘祭,後 子諸侯三年喪畢爲祫祭,後因以爲常 之言合,合先君之主于太祖之廟而祭 五年中耳。 因以爲常,亦三年一給,五年 三年一袷,五年一褅。 禘,皆已六年矣。 天子當袷之歲,春惟一礿,而不祫,夏秋 祭即 大祭也。《爾雅》: 禘, 及宗廟五年一祭,皆爲禘。《公 餘祭者、皆得爲禘。 于 其實前 圜丘,夏正祭感生帝于 夏殷之制與周異者 袷 昭、穆、徧祭之。 距後袷,前禘 周制以魯禮 故冬至 大祭。凡 · 禘。 夏殷天 距後 南 此 推 祫 所

《周禮

春官·大宗伯》注、《禮緯》注,

制

禮,改

春爲祠,夏

爲禴,禴即礿,

以

專爲殷祭,不爲時祭之名。蓋因《大宗

伯》「以祠春享先王,以禴夏享先王」云

云、《司尊彝》亦有「春祠、夏禴」云云,又

雅·天保》「禴祠烝嘗、于公先

」,及毛氏傳文推測知之。殷,盛也,

以爲《王制》所記乃殷以前之制,至周公

并作《禘祫志》、《駁許慎

五經異義

学,又

時祭,

與

夏殷

同名。鄭于《王制》注及

嘗,嘗則不烝,烝則不礿。」鄭注云:「虞

夏之制,諸侯歲朝,廢一時祭。」是虞之

據《王制》又云:「諸侯礿則不禘,禘則不

如此,奈何趙匡于上下文俱不細檢,而妄譏前

人哉!

者云記曰,明《祭統》所稱古者,多指夏殷。鄭學精

蓋《周禮》墨者守門,故以古者爲夏殷。

而其下又云古

況禘嘗上文俱連論祭事。

不屬

,文義迥不相蒙,何得據此以

\駁鄭?

有云「古者不使刑

八守門」,

云 「成王追念周公,賜之重祭郊社

當稀」是

也,何

得

·夏殷禮」?」今考「成王追念」云云,與上所言

三六五

之歲,但行于孟夏,餘三時皆不行。 時祭,至袷歲,夏禘又廢,凡廢二時祭。 以異于天子。 與袷得並舉,然亦時祭在先,祫祭在 而 給,夏當行時祭,一禘之時,犆 後,所謂天子「犆 冬皆有 則《祭統》所 侯行袷禘 子諸侯皆然,但天子袷禘、時祭並舉,諸 云若周則當祫之歲,但行于孟 一袷, 嘗袷, 烝袷」是也。 代時祭、禘祫之制如此。文二年《公羊傳 時祭。諸侯歲朝,則平常已每歲廢 也。 行于秋,故 不時祭,以異于天子。 而載嘗」。 諸侯當祫之歲、春亦惟 袷,又有 ,則廢時祭。惟魯禮同天子。《魯頌 此 云「内 時 周 所謂諸侯「礿犆、禘、一犆 制 祭名嘗, 袷祭又名大嘗, 時祭, 袷在 礿 與夏殷異 祭 1、袷禘 大嘗禘是」。 天子惟袷歲 惟秋冬時祭 , 袷嘗, 袷烝 也。 先, 行一 秋,當禘 礿 時 因 周 而不 後, 袷 廢 在

賈逵、劉 則同也。 主,禘則于文、武廟各迎昭穆之主,故云祫大禘 與孔安國禘祫皆序昭穆合。 無穆主也。」蓋祫爲合聚昭穆,禘爲諦審昭穆。 居武王之東,而 者,非是。 古,憑臆攻難,自陸淳、趙 傳》説給 武王之廟。武王亦居室之奥,東面。 祖、以次繼而東、皆北面、 孫成王居文王之東,而北 之遷主,祭于文王之廟。 于后稷之廟,其坐位與祫祭同。 矣。考鄭《禘祫志》説禘云:「太王、王季以上遷主,祭 之主及羣廟之主皆合食于太祖。」據此似禘 但孔安國《論語 陳于太祖,未毀廟之主皆升,合食于太祖。」 日 義謂烝嘗有 「大袷者何? 至注此經及《周禮》,言功臣 歌云禘 ,深得合聚之義。 鄭説必有所本。 且功臣配所事之君,所事之君廟毁,時 則 功臣,禘祫可 鄭 南面。 祫 》注曰:「禘祫之禮爲序昭穆 意 一祭二名,禮無差降。 合祭也。 似 亦以次繼而東,直至親盡之祖 不以 無昭 面。 文王居室之奥,東面。 医以下,妄説紛紛,皆不足 古書亡失者多,後儒 而鄭説禘,深得諦審之義 知 其合祭奈何? 給則于太祖廟列 主。 ,因舉近代之制 以下穆主,直至親盡 禘 文、武以下遷主,若穆 若昭之遷主,祭干 袷 其昭孫康王,亦 爲 説 與祭 有 此説甚 雖 與 毁 以故毁 功 · 羣廟之 以 異 小。而 《公羊 廟 文王 之主 臣。 能 而 廟 意

況《長 祭毀廟 尹,並 穆主于文廟,昭主于武廟,所祭差簡 與正義差別。 也。」以上二説,以禘有功臣,祫無功臣, 享先王 傳、鄭箋但言《詩序》成湯之功,而 及「阿衡」,以此爲禘有功臣之証。然毛 謂《詩序》「《長發》,大禘也」,而《詩》中 廢,功臣則是兩失之矣。 禘祫合祭羣廟之主,而并及功臣,殊爲瀆亂 其禘祫專序昭穆,豈容異姓之臣參列其間? 所事之君廟毁 ,所祭既多,固不便更及功臣。 給皆序昭 亦曰:「禘所以異于袷者,功臣皆祭 當專主烝嘗爲是。 功臣 示以 發》之禘, 無涉也。 亦當 爲配享,則此説固不足據矣。 ,則功臣便永遠停罷,故惟時 穆,雜 止,此近代與三代所同。 然給祭兼毀廟、未毀廟之 鄭以爲祭天南郊,尤與 何休 而三代豈有此乎! 以功 文二年《公羊傳》 臣 則 非 序 祭及 但三代 乃時祭反 後世 昭 及伊 褅 説者 功 但 雖 穆

作福作災,予亦不敢動用非德。

報之。 用 傳曰 非 罰 〕善自作 加 汝 非 福 德賞 ,惡自作災。 (汝,從 汝善 我 不 敢 動 而

夜反。 「予告汝于難,若射之有志。〔《釋文》曰〕射,食

志乃善。 意乃善。 《尚書》疏。〔傳曰〕告汝 為政之道亦如是也。以己心度之,可施 以己道亦如是也。以己心度之,可施 是以之道亦如是也。以己心度之,可施 是以之道亦如是也。以己心度之,可施

志正」。 眉 射必中,然後發之」者、《禮記》言「射, 年《左傳》杜解云「注,傅矢」是也 屬矢之屬,竹戍反,與注同。 [案日]鄭云「射者,張弓屬 "退曰:『吾志其目也。』」是射有志也。 定八年《左傳》:「顔 矢, 昭 息 而 射人 -+ 志在 中 内 所

亡甫反。「汝無侮老成人,無弱孤有幼。〔《釋文》曰〕

徙則孤幼受害,是弱易之。〔傳曰〕不用老成人之言,是侮老之。不〔鄭曰〕老弱皆輕忽之意也。《尚書》疏。

非也。 無弱 篇「老成人」説此經。鄭注確甚,僞孔 人與有幼對。 不可解。「翕侮」,義亦未詳。 見黄伯思《東觀餘論》。「流」字下闕, 毋翕侮成人,毋流。」載洪适《隸釋》,又 ·老」在「侮」上。蔡邕石經殘字云:「女 成」連文,則知老與弱對,侮與孤對,成 (案曰)鄭以老弱爲輕忽者,考唐石 孤 其有幼者。 經意謂無侮老其成人者, 不可以《大雅 然「侮」與 蕩》 古 經

猷。〔《釋文》曰〕長,竹丈反。○〔案曰〕當如字。 「各長于厥居,勉出乃力,聽予一人之作

力,聽從遷徙之謀。 〔傳曰〕敕臣下各思長于其居,勉盡心出

「無有遠邇,用罪伐厥死,用德彰厥善。

競爲善。
勿犯,伐去其死道。德以明之,使勸慕
〔傳曰〕言遠近待之如一,罪以懲之,使

佚罰。〔《釋文》曰〕臧,徐子郎反。佚音逸。 「邦之臧,惟汝衆。 邦之不臧,惟予一人有

己失政之罰。罪己之義。 (傳日)有善則衆臣之功。佚,失也,是

《釋言》郭注引同,恐作佚者非也。是我有過也。」義與傳略同。佚彼作逸,罰猶罪也。國俗之不善,則維余一人,之善,則維女衆,歸功于下。逸,過也。襄王引之,韋昭注云:「臧,善也。國俗襄王引之,韋昭注云:「臧,善也。國俗

文》「度」作「渡」者無理、必誤也。 邕石經作「共」、「乃口」作「爾口」。見洪氏《隸釋》。《釋悔。」〔《釋文》曰〕度、徐如字、亦作渡。○〔案曰〕恭、蔡爾事、齊乃位、度乃口。罰及爾身、弗可不爾衆,其惟致告:自今至于後日、各恭

〔傳曰〕致我誠,告汝衆:奉其職事,正齊

謀,罰及汝身,雖悔可及乎!其位,以法度居汝口,勿浮言。不從我

盤庚中

盤庚作,惟涉河以民遷。

(鄭曰)作渡河之具。《尚書》疏。 [王曰]爲

此思南渡河之事。《尚書》疏。

乃話民之弗率,誕告用亶其有衆。〔《釋文》河南,盤庚自耿遷殷,故云渡河也。〔案曰〕鄭、王云渡河者,耿在河北,殷在

于衆。○王天與《尚書纂傳》十四卷中。〔傳曰〕文》。○王天與《尚書纂傳》十四卷中。〔傳曰〕文》。○王天與《尚書纂傳》十四卷中。〔傳曰〕

音同。

,胡快反。

誕,徐音但。

亶,丁但反。

馬本作單

雅・抑》云「告之話言」。《釋詁》云「話,〔案曰〕馬云「話,告也,言也」者,《大

訓誠 二訓。 詁》:「亶,誠 又毛訓僤爲厚、周頌 亶,僤即單字,而亦作亶。」則亶、單同。 柔》「逢天僤怒」、《釋文》云:「僤本亦作 乎」,毛訓亶爲信。「天保俾爾單 以話爲善言。《説文》卷三上言部云: 言也」是也。孫炎注《釋詁》云:「話,善 亦訓單爲信,同訓 作單,訓爲誠者,《 話本善言而兼合會之義 「話,合會善言也。」籀文作譮,从會。 人之言也。」《大雅·板》及《抑》毛傳,皆 單 厥心」,毛、鄭亦 也。 單既與亶同訓厚,則亦得與亶同 也。」又:「亶, 小雅 則得 以 常棣》 昊天有 通。 單爲厚。 也。馬 《大雅 厚也。」亶有 又 厚 亶其 成命》 以 • _,毛 《釋 桑 然 亶 是

反。褻,息列反。 成造勿褻在王庭,〔《釋文》曰〕造,士報反,馬在早

∠馬 □ 〕 造,爲 也。《釋文》。 〔傳 □ 〕 造,至

也。衆皆至王庭,無褻慢。

則其義不可得詳 孔妄改,然不可考矣。馬本即杜林、賈 達等所傳之古文,其本既亡,注又殘闕 物,其下不當繼以「勿褻」云云,恐係僞 異讀。但馬既以造爲爲, 之俊選皆造焉」之造。故《釋文》孔 令」之造也。 馬讀「造」爲《史記· 日」馬 云「造,爲 孔訓至,則讀如《王制》「國 也。 也」者,《 屈原 則不知所造 傳》「造 釋 詁 文。 爲 憲 何 馬

朕命。 息淺反。 盤 保后胥感,鮮以 》,又見黄伯思《東觀餘論》。 庚乃 登進厥 ○〔案曰〕「感」,蔡邕石經作「高」,載洪适《隸 嗚呼! 民。 不 古我前后,罔 浮于天時。 曰 : 明聽 朕 不惟民之承, [《釋文》曰]鮮 言,無 荒 失

天時。

(傳曰]言我先世賢君,無不承安民而恤

遷。汝曷弗念我古后之聞?「殷降大虐,先王不懷厥攸作,視民利用

徙。古后之聞,謂遷事。不思故居而徙。其所爲視民有利,則用為疏。〔傳曰〕我殷家于天降大災,則先王〔鄭曰〕殷者,將遷于殷,先正其號名。上

號爲殷故也。」名」者,鄭注《序》云:「商家自徙此而更〔案曰〕鄭云「殷者,將遷于殷,先正其號

志反。籲,羊戊反。 〔《釋文》曰〕俾,必爾反。咎,其九反。比,毗志反,徐扶予若籲懷兹新邑,亦惟汝故,以丕從厥志。「承汝俾汝,惟喜康共,非汝有咎,比于罰。

欲利汝衆,故大從其志而徙之。 汝,令比近于 使汝徙。 傳日〕今我 惟與汝共喜安,非謂 法先王 ·殃罰。 · 惟 我 順 民 和 之承,故 懷 汝 此 有惡徙 新 承汝

今予將試以汝遷,安定厥邦。

汝不

「今」字。見《隸釋》。
 石經「汝遷」作「爾遷」,「厥邦」作「厥國」,「汝不」上有動予一人。〔《釋文》曰〕忱,市林反。○〔案曰〕蔡邕心之攸困,❶乃咸大不宣乃心,欽念以忱,

我,是汝不盡忠。〔傳曰〕汝皆大不布腹心,敬念以誠感動

代反。(《釋文》曰〕鞠,居六反。臭,徐天售反。載如字,又在「爾惟自鞠自苦,若乘舟,汝弗濟,臭厥載。

[傳曰]鞠,窮也。言汝不忠,自取窮苦。 (傳曰]鞠,窮也。言汝不忠,自取窮苦。 (傳曰]鞠,窮也。言汝不忠,自取窮苦。

轉相訓,則鞫亦窮,鞠、鞫同也。雅・節南山》「以究王訩」,傳以究爲窮。篤公劉》「芮鞫之即」,傳以鞫爲究。《小〔案曰〕傳以鞠爲窮者,《毛詩・大雅・

「永」,又見《東觀餘論》。
「承」、「忍」作「怨」、「誕」作「作「迪」、「怒」作「怨」、「誕」作「永」。 (《釋文》曰〕屬音其有今罔後,汝何生在上?〔《釋文》曰〕屬音其有今罔後,汝何生在上。〔《釋文》曰〕屬音「爾忱不屬,惟胥以沈。不其或稽,自怒曷「爾忱不屬,惟胥以沈。不其或稽,自怒曷

[馬曰]屬,獨也。《釋文》。[傳曰]汝忠誠[馬曰]屬,獨也。《釋文》。[傳曰]汝忠誠[馬曰]屬,獨也。《釋文》。[傳曰]汝忠誠[馬曰]屬,獨也。《釋文》。[傳曰]汝忠誠

于寄反。迁音于。身,迂乃心。〔《釋文》曰〕穢,于廢反。倚,于綺反,徐了今予命汝一,無起穢以自臭。恐人倚乃

❶ 「困」,原誤作「因」,據《尚書正義》改'

迂,僻。 汝既不欲徙,又爲他人所誤。倚,曲。〔傳曰〕我一心命汝,汝違我是自臭敗。

衆。〔《釋文》曰〕迓,五駕反。畜,許竹反。下同。「予迓續乃命于天,予豈汝威? 用奉畜汝

之。」注:「御音訝,迎也。」此經與《牧誓》 迎。 孔氏出于晉代,故尚存古訓 〔案曰〕傳云「迓,迎也」者,小顔《匡 俗》引《盤庚》云「予御續乃命于天」, 耳。〔疏曰〕「迓,迎」、《釋詁》文。 于天, 豈以 弗迓克奔」皆作御,今本乃衛 [傳曰]迓,迎也。言我徙,欲迎續 • 鵲巢》云「百兩御之」,訓 《列子》云:「鄭氏遇駭鹿,御 威脅汝乎? 用奉畜 也 包所定。 解 養汝衆 皆 而 汝 擊 爲 IF. 命

「丕」,蔡邕石經作「不」,古不、丕通也。載《隸釋》。懷爾然。〔《釋文》曰〕勞,力報反,又如字。○〔案曰〕「予念我先神后之勞爾先,予丕克羞爾,用

懷汝心,而汝違我,是汝反先人。〔傳曰〕言我亦法湯,大能進勞汝,以義

載《隸釋》。曰:『曷虐朕民?』〔案曰〕蔡邕石經「崇」作「知」,「失于政,陳于兹,高后丕乃崇降罪疾,

重」《釋詁》文。『何爲虐我民而不徙乎?』〔疏曰〕「崇,此而不徙,湯必大重下罪疾于我,曰:此而不徙,湯必大重下罪疾于我,曰:

盤庚自謂。比,同心。〔傳曰〕言非但罪我,亦將罪汝。幼孫

有比?』

先后丕降與汝罪疾,曰:『曷不暨朕幼孫

故 有爽德,自上其罰汝,汝罔能迪。

汝無能道。 傳曰〕湯 有 言無 崩 德在 辭。 天 ,見汝情,下 罰

非也。 將自上降罰 不與我同心,是有爽貳之德,先后在天, 其爽侮」。「爽德」,差貳之德也。 毛傳云:「爽,差也。」《洛誥》亦云「惟事 云:「爽,貳也。」《氓》詩云「女也不 案曰〕《國語》云「實有爽德」,賈 于汝。 傳言「湯有明德」 言汝 爽」, 達注

古我先后,既勞乃祖乃父,

[傳曰]勞之共治人。

文》曰〕戕,在良反,又士良反。○〔案曰〕蔡邕石經「戕 作「近」。載《隸釋》,又見《東觀餘論》。 「汝共作我畜民,汝有戕,則在 乃 心。 [《釋

之心而不欲徙,是反父祖之行。 傳曰〕戕,殘也。汝共我治民,有殘人

不救乃死。〔《釋文》曰〕斷,丁緩反 我先后綏乃祖乃父,乃祖乃父乃斷棄汝,

> 忠汝父祖,必斷絶棄汝 [傳曰]言我先王安汝父祖之忠,今汝不 命,不救汝死。

兹予有亂政同位,具乃貝玉

物言之。 其事。玉是物之貴者。貴其貪財,舉二 [傳日]亂,治也。 爲貨,如今用錢然,《漢書・食貨志》有 治之理也。」貝者,水蟲。 古人取其甲以 舍人曰:「亂,義之治也。」孫炎曰:「亂, 言其貪。〔疏曰〕「亂,治」、《釋詁》文。 位于父祖,不念盡 此我有治政之臣,同 忠,但念貝玉而已。

也。 **19**从貝省。」共置此貝。 也。」《釋魚》説貝文狀云:「餘蚳, 《周書・王會》云「若人玄貝」,孔晁 論》 曰:「若人,吴越之蠻。 〔案曰〕具,《説文》行部云:「共置也。 古者以貝玉 「幣與世易。 一爲 貨幣。 夏后 于六書爲 玄貝,班 桓 氏以玄 寬《 貝。」 鹽 意 注 鐵

甲黄 云然。 里。 《管子·國畜》篇云:「玉起于禺氏,金起 禮 文。 人注 文。 以刀布爲下幣。」《 趾以爲杯盤寶物。」《説文》貝部云: 列相當。 于其重,以珠玉 于汝、漢,珠起于 皮,璧以帛,琮以 介蟲也。 爲質,黄爲文彩。」陸璣《毛詩 員,龜鼈之屬,其文黄質白文,白質黄 爲三品,或黄、或白、或赤,或錢、或 ·小行人》云"「合六幣, 圭以馬, 璋以 先王爲其涂之遠,至之難,故託 日 爲質,白爲文彩。餘泉,貝 又有紫貝,白質如玉,紫點爲文,行 餘泉,文。」●《小 《史記•平準書》云:「虞夏之幣, 「水中蟲也」。 大者徑一尺六七寸。 居陸名猋,在水名蜬。」又《周 爲上幣,以黄金爲中幣 錦、琥以繡、璜以 地數》、《揆度》二篇亦 赤野,距周七千八百 雅 李巡曰:「餘 巷伯》疏 九真、交 疏》 一甲以 蚔, 云 引 海 貝

> 蓋三代同之。 蓋三代同之。 大,員玉始不爲幣,自此以上皆以爲幣,之屬爲器飾寶藏,不爲幣。」然則自秦以之屬爲器飾寶藏,不爲幣。」然則自秦以之屬爲下幣。 而珠、玉、龜、貝、銀、錫東文,爲下幣。 而珠、玉、龜、貝、銀、錫東、八或五、或龜貝。 至秦,幣爲三等,黄

永」,載《隸釋》。 传,工號反。「我高后」,本又作「乃祖乃父」。○〔案曰〕告,工號反。「我高后」,本又作「乃祖乃父」。○〔案曰〕朕孫。』迪高后,丕乃崇降弗祥。〔《釋文》曰〕朕孫。』迪高后,丕乃崇降弗祥。〔《釋文》曰〕「乃祖乃父,丕乃告我高后,曰:『作丕刑于

忠孝之義以督之。 之罪。開道湯,大重下不善以罰汝,陳告湯曰:「作大刑于我子孫。」求討不忠

嗚呼! 今予告汝不易。〔《釋文》曰〕易,以豉

之事。《尚書》疏。〔傳曰〕凡所言皆不易之。《尚書》疏。〔王曰〕告汝以命之不易,之。《尚書》疏。〔王曰〕告汝以命之不易,〔鄭曰〕我所以告汝者,不變易。言必行

從之,非也。「命之不易」,則于此時情事不切,僞孔遷,恐衆臣阻撓,故以不變要之。王云遷,恐衆臣阻撓,故以不變要之。王云〔案曰〕鄭以不易爲不變易者,時盤庚欲

猶」「設」作「翕」。載《隸釋》,又見《東觀餘論》。分,扶問反,又如字。○〔案曰〕蔡邕石經「分猷」作「比各設中于乃心。〔《釋文》曰〕遠,于萬反,又如字。「永敬大恤,無胥絶遠。汝分猷念以相從,

從,各設中正于汝心。 遠棄廢之。當分明相與謀念,和以相 原曰〕長敬我言,大憂行之,無相與絶

「乃有不吉不迪,

〔傳曰〕不善不道,謂凶人。

〇〔案曰〕恭、《左傳》引作「共」、《釋文》云「音恭」。「顛越不恭,暫遇姦宄、〔《釋文》曰〕暫,才淡反。

[傳曰]顛,隕。越,墜也。不恭,不奉上原門]與,隕。越,墜也。不恭,不奉上命」與,越是遺落,爲墜也。《左傳》僖九年齊桓公云「恐隕越于下」、《文十八年》中克云:「弗敢失墜。」隕、越是遺落、爲墜也。《左傳》僖九年。故隕墜不恭爲「不奉上命」也。以前一七年《左傳》曰「亂在外爲姦于外,爲宄人而劫奪之,爲姦于外,爲宄人傳曰〕顛,隕。越,墜也。不恭,不奉上爲宄」,是劫奪之事也。

當有以豉反之音。 「殄,大典反。種,章勇反」。又按如傳及杜預説,易字不易如字,又以豉反。○〔案曰〕《左傳》引此,《釋文》云邑。〔《釋文》曰〕劓,魚器反,徐吾器反。殄,徒典反。1我乃劓殄滅之,無遺育,無俾易種于兹新

當割絶滅之、無遺長其類、無使易種于〔傳曰〕劓、割。育、長也。言不吉之人

· 用意与记。 此新邑。〔疏曰〕易種者,即今俗語云

「相染易」也。

往哉生生! 割也。 言殞隊,謂受命而隊失之。 易種,轉生種類。」正義曰:「彼文孔安國 《盤庚之誥》曰:「其有顛越不共 不承命』,謂其人性自從横,不肯承命, 曰:「顛越不共,從横不承命者也。 無遺育,無俾易種于兹邑。」杜預《集解》 (案日) 哀十一 小異 殄,絶也。 也。 刑以截鼻爲劓, 今予將試 年《左傳》子胥諫吴王,引 俾,使。 育,長也。俾,使也。 皆《釋詁》文。」 以汝遷,永建 杜言『從横 是 ,則劓殄 割 也。 劓

盤庚既遷,奠厥攸居,乃正盤 庚 下

厥位

〔《釋文》曰

奠,田薦反

「鄭曰〕徙主于民,故先定其里宅所處,(鄭曰〕徙主于民,故先定其里宅所處, [鄭曰〕辨於乃正宗廟朝廷之位。《尚書》疏。 [傳曰〕鄭定其所居,正郊廟朝社之位。 (疏曰〕鄭

《召誥》:「太保乃以庶殷攻位于洛汭,越爲邑」云云是也。又云「次乃正宗廟朝爲邑」云云是也。又云「次乃正宗廟朝「經土地而井牧其田野,九夫爲井,四井度地居民。」《周禮・地官・小司徒》云下處」者、《禮記・王制》云:「司空執度,〔案曰〕鄭云「徙主于民,故先定其里宅

徙,長立汝家。

卿大夫稱家。

〔傳曰〕自今以

往,進進

于善。

我乃以

汝

此解「正厥位」意同也。五日甲寅,位成。」正位謂此定宫廟,與

綏爰有衆,

〔鄭曰〕爰,于也,安隱于其衆也。《三國・

「安也」,此俗字,不可施于經也。
也。《説文》卷七上禾部新附穩字注云按」,司馬彪注云:「徐徐,安隱貌。」是安也。《莊子・應帝王》篇云「其卧徐安也。《莊子・應帝王》篇云「其卧徐」、又云「安隱于其衆也」者,隱亦就》)一卷《武帝紀》注。

未詳。 「曰:女罔台民,勖建大命。」載《隸釋》。「台民」之義曰:「無戲怠,懋建大命。〔案曰〕蔡邕石經作

致之五福。《尚書》疏。 之。《尚書》疏。〔王曰〕勉立大教,建性命,〔鄭曰〕勉立我大命,使心識教令,常行

卷十下心部云:「懋,勉也。」又卷二下廴〔案曰〕鄭以「懋建」爲「勉立」者,《説文》

「五福」,皆非也。「五福」,皆非也。「五福」,皆非也。」是也。又以命既從令,則可訓令,而教亦用口,即。」命既從令,則可訓令,而教亦用口,訓。又《説文》卷二上口部:「命,从令从部云:「建,立朝律也。」是也。又以命爲部云:「建,立朝律也。」是也。又以命爲

多異。 《書》乃今文,鄭所傳乃古文,今梅賾所獻孔本號稱孔壁 則《盤庚》不見有此文。乃知鄭本作「憂腎陽」者,「憂」本 賦》劉淵林注引《尚書·般庚》曰「優賢揚歷」,若依今本, 古文,乃反同于夏侯等《書》,其妄明矣。《文選 故反以鄭本爲今文也。 今文。裴,宋人,其時梅所獻本已盛行,以僞孔爲古文, 陽」者,當作「賢揚」,皆以字形相似而致誤。 人,所見本如此也。 〔案曰〕《堯典》疏曰:鄭注《尚書》篇與夏侯等同,而 「今予其敷心腹腎腸歷,告爾百姓于朕志。 「優」字,夏侯等《書》以一優字,誤分作心腹二字。 「腎 「我」,載《隸釋》。 夏侯等《書》「心腹腎腸」曰「憂腎陽」。 裴松之注《三國志》亦 又案,「今予」之「予」,蔡邕石經 引此,而 劉淵林晉初 夏侯等 魏都 經字

鄭曰〕歷,試也。謂揚其所歷試。《三

左太沖 作鄭注。 或 著鄭名,然所據既係鄭本,則注義亦必本之鄭氏,今定 魏 念志》十 《魏都 傳曰〕布心腹言,輸誠于百官, 賦 卷《管寧傳》裴松之注。 》劉淵林注。 ○[案日]劉、裴二家皆不 ○《文選》六卷

以告志

附會于後,古義遂微。 傳》陶丘一等之奏,左思之賦,用「優 賢者而優禮之,揚其所 優臤即優賢也。夏侯等既誤于前,二孔 卒」,疏云:「臤、《穀梁》作賢。」《説文》卷 令唐扶頌已云「優賢颺歷」,載洪适《 揚歷」語,皆本之此經。 (案日) 三下臤部云:「臤,古文以爲賢字。」然則 優臤之寵」。 《隸釋》又載《國三老袁良碑》有 鄭云云者, 《公羊》成四 鄭 以敷之言溥, 歷試 而前此漢 [年經 也。 「鄭伯 [《]管 成咸 溥 隸 臤 陽

[《釋文》曰]比,毗志反。 罔罪 爾衆,爾無共怒,協比 讒, 仕咸反。 讒言予一人。

傳曰〕羣臣前有此過,故禁其後。 今我

○〔案曰〕蔡邕石經「嘉」作「綏」,載《隸釋》。 凶德,嘉績 古我先王,將多于前功,適 不罪汝,汝勿共怒我,合比 于朕邦。〔《釋文》曰〕降,工 于 凶人而妄言 Щ 用降我 巷

反。

也。 邦,所都皆近山 德,立善功于我 必依山之險,無城郭之勞。 注云:「東成皋,南轘轅,西降谷。」然 契至成湯八遷,湯始居亳,從先王 前人之功,故復往居亳。《書序》云:「自 始居亳,其後屢遷而不定,成湯欲多于 〔案曰〕云「古我先王」者,正指湯 「適于山」者,往于亳也。契父帝嚳 傳曰〕言以遷徙多大前人之功美。 地依 王者帝嚳也。《立政》云「三亳」,鄭 用下我凶德」也。 Ш 山,故此 地 高水下,而 國。 ,故總稱「適于山」也。 曰「適于 [疏日]先王至此 盤 無 庚復 山也。 河圮之患 下去凶惡之 湯舊都 降,下 居。」 宣,實 也。 削 彼 Ŧi. 徙

北也。 所在,當亦在河南, 道,將去復還,故曰轘轅。 者、《漢志》河南郡有成皋縣、即虎牢也。 以 轘轅者,在河 耿之圮,而適亳殷 適于山」泛指五遷,其説非是。 誥 也。 意以「先 南緱 氏 山險之地,故舉 縣東南,阪十二曲 或謂即今永寧縣 王」泛指商 降谷者,不知 先王, 成皋

「今我民用蕩析離居,罔有定極。

之極,徙以爲之極。〔傳曰〕水泉沈溺,故蕩析離居。無安定

潰田廬,千里一壑之甚也。苦,蓋止于瀕河侵溢之患,不若後世漂言,惟是爲甚然。爾時諸臣方以從遷爲三代時河患,見于經傳者絶少。觀經所三代時河患,見于經傳者絶少。觀經所〔案曰〕蕩析離居,正指祖乙圮耿之事。

「惠」、「震」作「祗」。亦見《東觀餘論》。經「爾」上有「今」字,見《隸釋》。《隸釋》又以「謂」作經「爾謂朕:『曷震動萬民以遷?』〔案曰〕蔡邕石

〔傳曰〕言皆不明己本心。

故此「震」字石經作「祗」。 用。 内則》「祗見孺子」,鄭注「祗或作振」。 「治民祗懼」、《史記》皆作「振」。 案日 振驚」,是震與振 《皋陶謨》「日嚴祗敬六德」,《無逸》]《堯典 八》「震 同,而祗 驚朕 師」、《史記》作 與 振 又每通 《禮

及篤敬,恭承民命,用永地于新邑。「肆上帝將復我高祖之德,亂越我家。朕

云反。卜,用宏兹賁。〔《釋文》曰〕弔音的,或如字。 賁,扶卜,用宏兹賁。〔《釋文》曰〕弔音的,或如字。 賁,扶「肆予沖人,非廢厥謀,弔由靈。 各非敢違

宏、賁,皆大也。君臣用謀,不敢違卜,靈,善也。非廢謂動謀于衆,至用其善。〔傳曰〕沖,童。童人,謙也。弔,至。

「室」、故實大也。 「室」、前國之間,凡土高且大者謂之墳。」 又《節南山》「不弔昊天」,毛、鄭皆云又《節南山》「不弔昊天」,毛、鄭皆云中。,是也。《説也。,則傳云「至用其善」者,是也。《説也。青幽之間,凡土高且大者謂之墳。,道、實通,故實大也。

長,竹丈反。 椉」,「懋」作「勖」,見《隸釋》。 呼 予其 邦伯 人懋簡 相,息 師 亮反。 相 爾, 長,百執 ○[案日]蔡邕石經「隱」 念敬我衆。 事 之人,尚皆 〔《釋文》曰〕 隱

卿也。言當庶幾相隱括,共爲善政。〔傳曰〕國伯,二伯及州牧也。衆長,公

反覆 也。 簡 相得 執事,謂大夫以下諸有職事之官皆是 長,衆官之長,故爲三公六卿 孔意不然,故總稱牧也。 牧。」此殷時而言牧者,此乃鄭之所約, 記》云:「殷之州長曰伯、虞夏及周皆曰 故爲東 民。〔疏 語,不知本出何書。 人皆戒之也。《釋言》云:「庶幾,尚也。」 隱括 大。 又云:「相、助,慮也。」俱訓爲慮,是 爲助 此總勅衆臣,故二伯以下及執 相 ;使就 西二伯及九州之牧也。 訓,故 相 曰〕邦伯,邦國之伯,諸侯師 也 繩 助 墨焉。」「簡,大」,《釋詁 尚爲庶幾。 也。 勉大助汝、念敬 何休《公羊序》云: 師訓爲衆。 隱括 也。 鄭注《禮 必 其 事之 我 舊

侯在内言之也。二伯者,天下諸侯之傳意以此邦伯爲兼二伯及州牧二項,諸〔案曰〕傳云「國伯,二伯及州牧也」者,

傳略 者,非是。 二伯。 長。 正不正,故借隱栝言政。 木。」則隱栝是矯枉爲直之器。 待隱括蒸揉,然後直也。」」伏生《尚書大 六《鄧訓傳》云「訓考量隱括」,李賢注 知散文牧可通 伯」者,據《王制》「州有伯」,爲説殷制而云然。 通 州,則十二牧,九州則九牧。二伯 隱,審量括之也。 隱」,今作「隱」,古字通也。 稱牧,九牧得 虞夏 説》云:「子贛曰:隱栝之旁多枉 州牧者,每 傳以隱爲櫽括者,《後漢》卷十 四人,曰 稱伯也。 通 疏謂鄭約言之,而孔意不然 稱 州 孫卿子曰:『拘木必 四 伯也。 諸 嶽。殷周二人, 侯之長,肇十 隱、《説文》作 鄭 云「殷州 政所 鄭非 不 長 以 口 日

居,敘欽。〔《釋文》曰〕好,呼報反。 「朕不肩好貨,敢恭生生。鞠人謀人之保

〔傳曰〕肩,任也。我不任貪貨之人,敢者,我則次序而敬之。《尚書》疏。○王同。〔鄭曰〕鞠,養也。言能謀養人,安其居

鞠訓爲窮,鞠人,謂窮困之人。也。」强能勝重,是堪任之義,故爲任也。云:「肩,勝也。」舍人曰:「肩,强之勝云:「肩,勝也。」舍人曰:「肩,强之勝奉用進進于善者。人之窮困能謀安其

7我既羞告爾于朕志,若否,罔有弗欽。苦」之鞠不同。傳訓窮,非也。韓、鄭之間曰鞠」是也。與中篇「自鞠自結》疏引《方言》云「鞠,養也。陳、楚、雅・蓼莪》「母兮鞠我」毛傳義也。《釋雅・蓼莪》「母兮鞠我」毛傳義也。《釋

一心。」〔《釋文》曰〕告,故報反。無總于貨寶,生生自庸。式敷民德,永肩「今我既羞告爾于朕志,若否,罔有弗欽。

〔案曰〕伏生《大傳》引《盤庚》曰「湯任父

《盤庚》無此文。言卑應言」,見王應麟《困學紀聞》,今

尚書後案卷六

尚

東吴王鳴盛

商 書

高

宗

肜

日

丑林切; 弓切,祭也。又,丑林切,舟行也。」考船行之義當从舟, 从肉爲祭名之字。《玉篇》中卷十八舟部肜字注云:「余 八下舟部云:「彤,船行也。 高宗肜日,〔《釋文》曰〕肜音融。 年注,當从 《説文》無肜字,則各經肜字皆後人改,不可信用 而祭名則見《尚書》、《爾雅》及何休《公羊》宣八 肉,讀 若《玉篇》竟合兩字爲一,直以一字有兩音兩 若融。二字判然不同,文字當主《説 从舟, 彡聲。 〇[案日]《説 丑林切"」而 文》卷

釋》卷二《殽阬君神祠碑》陰郡吏名有「馬肜仲選」, 乃漢俗字,非魏晉人造也。 通」。又《後漢書》六十上《馬融傳》「豐肜對蔚」,洪适《隸 貌」,李善注引《左傳》「其樂也融融」,而云「融與肜古字

然《文選》張平子《思玄賦》「展洩洩以形形」,衡自注「和 賴陸德明《釋文》足本,尚仍其舊。鄭固與《説文》合也。 義,則已謬甚,恐是孫强妄改,非顧野王元本矣。

絲衣》詩箋作融,不作形,今本注疏

亦爲俗人改作形。

康成

復祭。」形者,相尋不絶之意。《春秋》宣 繹,商曰肜。」孫炎曰:「祭之明日,尋繹 賓也。」是肜者,祭之明日又祭也。《 釋」。《穀梁傳》曰:「繹者,祭之旦日享 出」,或無此一句。孔傳不言,于義非所 天》又云「夏曰復胙」,郭璞云「未見所 八年六月「辛巳,有事于太廟。 鷖》云,祭天地、社稷、山川、五祀,皆 尸」,與正祭同日。 須也。《儀禮 疏曰〕《釋天》云:「繹,又祭也。 傳曰〕祭之明日又祭,殷曰肜,周 有 司徹》上大夫曰「 鄭康 成注《詩 壬午,猶 曰 周 釋 儐

繹 不 知 褅 此 袷 與 形 何 四 祭之肜也。 時之祭, 明 日 亦皆爲 肜

立。 記 同。 雊。 雊,宜修政。 諸 日》,見德之有報之疾也。」此説與《序》 來朝者六國。」孔子曰:「吾于《高宗肜 無則遠方將有來朝者乎?』故武丁内反 鳥也,不當升鼎。 傳》云:「武丁祭成湯,有雉飛 成湯,有雉異,而 案日〕高宗,武 是訓 高宗,遂作《高宗 高 殷 祖己嘉武丁之以 然以二説及經文考之,雖《書》當作 武丁問諸祖己,祖己曰 宗之世,要 ,以思先王之道。 王雖在武丁時,作《書》實在祖庚 本紀》則謂 其後武 丁也。 亦 今升鼎者,欲爲用也。 祖 祖己 形日》及 未有 己訓王。 祥雉爲 Ţ 三年,編髮重 《序》以 崩,「 既 明 訓 :『雉者, 文也。 訓。」據 德,立其 子 武 爲 升鼎耳 伏 帝 1 高宗 生 以 祖 史 廟 祭 庚

宗廟。 不爲無 《詩》言「公尸來燕」,則是祭後燕尸 時,宜 知爲宗廟 大夫皆同 惟宗廟爲 即于祭之日、《儀禮 子、諸侯于祭之明日,大夫謂之「賓尸 祭時也。 燕。」正義曰「繹祭之禮」。《郊特牲》 云:「祭祀既畢,明日又設禮, 章祭七祀,是凡祭皆有肜也。其首 百物,三章祭天地,四章祭社 時 云:「祊當廟門之外西室,繹又于其堂。」 解可 高 宗 稱 鄭箋以首章祭宗廟,二章祭 也。 理,然其與《序》合否未詳, 乃 之形也 日 然,其餘諸祭,則 據正義又以爲繹祭之禮, 係 耳。 又按《鳧鷖》五 不 廟 · 宜 今此 號 稱 0 高 經有 有司 **^** 宗。 書》 《史記 徹》是也。 章,毛以 若作 豐 天子、諸 稷山 而與 于]1] 1章箋 四 以 ž 武 爲 非 天 注 説 備 皆 卒 T

越有雊雉。〔《釋文》曰〕雊,工豆反。

云:「雊,雄雉鳴也。雷始動,雉乃鳴而《詩》云:「雉之朝雊,尚求其雌。」《説文》〔傳曰〕雊,鳴。于肜日有雉異。〔疏曰〕

雊其頸。」

矣。」然則,雊乃雄雉鳴也。 是則混雜其雄雌 是則、又云『雉鳴求其牡』。是則混雜其雄雌 是《月令》亦云『雊,雄雉鳴』。潘岳《賦》 是《月令》亦云『雊,雄雉鳴』。潘岳《賦》 是《月令》亦云『雊,。 是傳曰『鷕雉雌』。鄭玄 是《八文章》篇云:「《詩》云『有鷕雉鳴』, 是。」然則,雊乃雄雉鳴也。

皆作「假」。《孝成許皇后傳》,又《後漢書・律歷志》,皆引此文,「格」音紀。○〔案曰〕《漢書・五行志》及《孔光傳》、《外戚》、祖己曰:「惟先格王,正厥事。」〔《釋文》曰〕己

道之王遭變異,正其事而異自消。〔疏疏。○王天與《尚書纂傳》十六卷。〔傳曰〕言至書纂傳》十六卷。〔再曰〕祖己言于王。《尚書》〔鄭曰〕祖己謂其黨。《尚書》疏。○王天與《尚

是也。此句未是告王之辭,私言告人。鄭説此句未是告王之辭,私言告人。鄭説鄭云云、王云云,下句始言「乃訓于王」,曰〕此經直云「祖己曰」,不知與誰語。曰〕此經直云「祖己曰」,不知與誰語。

也。 義也。 《虞書》曰『假于上下』,古頟切。」又卷六 《説文》卷三下又部云:「叚,借也。 格字十九見,而無假字。 解,則專屬之格字。《尚書》二十八篇, 之叚,非真之假,皆作假。 古百切。」自後世,叚字廢而不用,叚借 古雅切。」又卷八上人部云:「假,非真 知鄭美,每爲傳壓,此句 (案日) 上木部云:「格,木長皃。 祖考來格」,此經「格王」、《西伯戡 虞書》外、《益稷》「格則 从人,段聲。古疋切。 傳以「格王」爲「至道之王」者, 鄭云云者, 疏説是也。 無傳,故仍 承之庸之」,又 从木,各聲。 除《説文》引 而「至也」之 作疏 曰至也。 者明 闕。

必 則 音相類者, 格皆當作假,今本疑皆僞孔所改。 文》及《史記》、《漢書》等所引推之,則 訓,亦當爲來,來與至義亦通也。 誓》「格爾衆庶」,《盤庚》上「格汝衆」,無 當爲至。《舜典》「格汝舜」,訓來。 訓至。《君奭》「矧曰其有能 經若《商頌•烈祖》篇「鬷假無言」,鄭云 刑》「罔有降格」,又「庶有格命」,僞孔皆 壽平格」,《多方》「惟帝降格于夏」,《吕 奭》「格于皇天」,又「格于上帝」,又「天 殺禋,咸格」,《多士》「則惟帝降格」,《君 命」、《召誥》「天 至」,如此之類,則尚存古字。 皆是郭璞所改。《詩・大雅 通 人」、《大誥》「 用 亦 可。 輒 「格,來」,見卷二《釋言》,未 得通 且「格,至」,見《爾雅》卷 迪 用。 格 矧 保」,《 日 假、格音既相近、 其 有 洛 格」無訓 能 然古字 格 據《説 抑 其 知 他 湯 凡 天

勝」, 此。 篇 室」,卷十四《戠敦銘》云「王格于大室」, 改。 成周季鎬」,卷十《伯姬鼎銘》云「王格大 鼎欵識》卷九《趠鼎銘》云「惟王 邠、唐、冀、兖之間曰 頡篇》以 又《斜敦》云「王格于宣榭」,《牧敦》云 注云「狢,古格字」是也。 可 云「王格于成周」,據此則古固有以格爲 格君心之非」,何晏、趙岐以爲正。 王在周在師保父宫,格大室」、《敔敦》 神之格思」,毛云「至」。 同 釋訓》 「格物」,鄭云「來」,亦未必皆後人妄 《説文》每字之下,義多不備,何 《釋詁》又以假、格同 鄭以格爲 訓爲至。 又《論語》「有恥 格爲 以 格 量度。 《方言》云:「假、狢,至也。 如凍洛之洛。 爲 舉 《學記》「扞格而 格 假,或曰格。」郭璞 字之義,其多 且格」、《孟子》 況薛 訓爲陞,則亦 (禮記 《爾雅 尚 一來格 功《 鐘

道之王,所以必正其事之意也 變不虛生。《書》曰:『惟先 僞孔,而不從《説文》作假,亦未爲甚謬也。 可作 王者,故譴告之,欲其改更。」是説此 事。]言異變之來,起事有不正也。 孔光《日蝕對》曰:「上天聰明,苟無其事, 木長兒」 來、至解乎 訓,遂足盡格字之義,而 然則《尚書》格字即從 假王,正 天右 經至 必 厥 不

視下民,以義爲常。 〔傳曰〕祖己既言,遂以道訓諫王,言天乃訓于王。曰:「惟天監下民,典厥義。

[《釋文》曰]中,竹仲反,又如字。 「降年有永有不永,非天夭民,民中絶命。

與民,有義者長,無義者不長,非天欲夭以諫王也。《尚書》疏。〔傳曰〕言天之下年〔鄭曰〕年命者,惷愚之人尤愒焉,故引

爲去聲,不可讀平聲。《史記》載此文則 仲反」,則傳意以中爲與中興之中同,當 云「非天夭民,中絶其命」,則爲中道之 文,郭璞注云「謂貪羨」是也。 爲先,是年命最人 云,愒,食 民,民自不修 不修義以致絶命」者,據《釋文》「中音竹 〔案曰〕鄭云云者,疏解惕爲貪,《釋言 也。 義以 Ŧi. 一福壽 、所貪也。 致絶 爲首 命。 / 疏 六極 傳云「民 曰〕鄭云 短 折

乃曰:『其如台。』〔《釋文》曰〕台音怡。 「民有不若德,不聽罪。 天既孚命正厥德。

中,義與傳異也。

所言。 恐王未受其言,故乃復曰,天道其如我修。天已信命正其德,謂有永有不永。〔傳曰〕不順德,言無義。不服罪,不改

作「付」,《史記》作「附」,與「付」通也。〔案曰〕《孔光傳》所引及蔡邕石經,「孚」

明。 德爲天之德,乃曲 付命罰之。 云:「言正 事,方遇 从寸持物 文》卷 僞孔改付爲 切。 對 八 德以 人宜 上 孔光 順 人 寸,手也。」于六書爲 子,訓 正 部 説 天 既 德以 也。」民 也。 付 引 字 爲信,其意以 順天。 此 注 不順 文, 云: 德、天 而 文義 与 釋 也 甚 既 之 IE.

余惟司 司 記》嗣字。 銘,皆釋司 圖》、薛 民」、《史記》作「王嗣敬民」。 考《晉姜鼎》云:「晉姜 于昵。〔《釋文》曰〕豐,芳弓反。 「不避遠昵」。 嗚呼 爲主,與下胤 :尚功《 朕先姑君晉邦。」《宣和博 《釋詁 爲嗣。 《鐘鼎 王司敬民,罔非天胤,典 昵,近也。又乃禮反。 嗣作異解 》胤、嗣 是古 文嗣字省作司,此經司 同 訓 非 則 也 此 昵,女乙反。 古圖》、吕大臨 司 字與胤 ○〔案日〕「王司 同義。 祀 《尸子》云 字即《史 載 《考 無 傳 此 日 豐 古

鼎《書集傳輯録纂注》三卷。 王曰]高宗豐于禰,故 馬 廟鼎之異。《尚書》疏。 曰]昵 考也 謂 禰 ○陳櫟《書傳纂疏》三卷。 廟 有 ○王應麟《玉海》八 也。 雊 雉 《釋文》。 升遠 祖 0 成 董

> 事。 也。」郭璞引《尸子》曰:「悦尼而來遠。」 尼也。」孫炎 訓爲繼,是胤 之。〔疏曰〕《釋詁》云,胤、嗣 嘆 八 是尼爲近也 不當特豐于近 卷《鼎 以 民 感 事無 鼐 王 門 人 二非天所 日 其 爲嗣 「傳 廟 言。 日 即猶今也。 也。 嗣常也 欲 王. 胤 王 《釋詁》云:「即, 者 因 嗣。 主 異 民, 服 祭祀 繼也。 昵, 尼者,近 罪,改修 當 有常, 近 敬 也 俱 民

禰爲 禮 所經之道,並 禰」、《釋文》云「《韓詩》禰 慎所不取。 《説文》卷一上示部禰字在新附,注 亦《説文》土部所不 親廟也。 案日〕馬云「昵,考也, 記》引「飲餞于禰 地名,鄭箋以 《毛詩・泉水》云「飲 云古文徑也。」然則此 不 以 爲衛女所 爲 收,不可 廟 以以 謂 作坭」。 而 禰 證餞尸 信。 嫁國 鄭 廟 注 毛 也 于 餞 字許 坭 滴 傳 訓 字 衛

《説文》合矣。 用,于注出之,則無害也。 漏略,今得之于《字林》。」 據此則知禰 《字林》。」自注云:「若祧禰之類、《説文》 學,就隸爲訓注。 《毛詩》亦必作「泥」,不用禰字,鄭固 《儀禮》引劉昌 門外之事,亦不以禰 字,馬融用之,《字林》有之,于經雖 體包古今,得六書之要,有不備者,求之 漏略,著《字林》五篇,以補之。《説文》 相似,故爲此訓也。 廟,則馬、王亦謂 馬、王注以昵有近義,釋爲考,謂爲 必有所從來,則此字似不得爲俗字。 自序》云:「許叔重收集古文籀篆諸家之 但漢有禰衡,禰是其姓, 宗本作「泥」。 有此禰字。 吕忱又集《説文》之所 張參《五經文字 爲廟。 蓋昵、禰 《釋文》 然則鄭于 不 今 可 禰 與

書後案卷七

尚

尚書後案卷八

東吴王鳴盛

書

商

西

伯

戡

黎

文》作「戗」,云「殺也」。以此戡訓刺,音竹甚反。黎,力西伯既戡黎,〔《釋文》曰〕伯亦作栢。戡音堪。《説

引《書》又作「鷙」。《玉篇》同。或音同通用,或增減偏本紀》又作「飢」。徐廣曰:「飢,一作肌,又作耆。」《説文》兮反。《尚書大傳》作「耆」。○〔案曰〕「黎」,《史記·殷

爲雍州伯也,南兼梁、荆。國在西,故曰〔鄭曰〕西伯,周文王也。時國于岐,封

,本一字也。

得以 侯也。 黎國,漢之上黨郡壺關 獨 服事殷」,謂文王也。 爲近王圻之諸侯也 紂都朝歌,王圻千里 伯,鄭、王兩説不同,孔無明解。 疏。○林之奇《尚書全解》二十一卷。 治之,謂之二伯,得專行征伐。 疏八卷。 譜 奇《尚書全解》二十一卷。 西 近王圻之諸侯,在上黨東北。 西伯,黎侯無道,文王伐而勝之。《尚書》 文王率諸侯以 》疏。 一州牧乎! 伯。 或 ○又十六之三卷《大雅·旱麓》疏。 《論語》稱「三分天下有其二,以 〔王曰〕王者中分天下,爲二公總 在 戡黎,人 西 而 稱 事紂」 紂 且言 西伯 、圻内。 ○《詩》一之一卷《周南 一,黎 」,非獨率 西伯對 終乃三分有二,豈 也,蓋 所治黎 在 . 朝 尚 東爲 書 〔傳曰〕黎, 同 歌之西 一》疏。 [疏日]西 亭是 王 州之諸 文 王 下傳云 Ó 名,不 肅 論 也。 召 林 一爲 語 之

子》:「伯夷聞文王作興,曰:盍歸乎〔案曰〕鄭云「西伯,周文王也」者,《孟

費。」

伯。

非二

伯。

二伯,

代之雝州,故國于岐爲雍州伯也。 虞置四人,爲四 義,鄭、王不同者,考天下諸侯之長,唐 文王康之。」鄭箋以 詳見《堯典》。 伯者、《大雅 毛傳云:「九命,然後錫以 美陽中水鄉。」别出岐字注云:「郊 則毛意以爲二伯,即《大宗伯》「九 帝元年屬 雝國。」 漢之 雝國, 每州諸 ,因岐山以名之也。」又《詩・周 「天作高 康成注云:「上公有功德者」 西 《漢書·地理志》云:「右扶 國 伯善養老者。」是西伯 侯之長謂之州牧,亦稱 此 岳,夏、殷、周置二人,爲 于岐」云云者、《説文》六 山,太王荒之。彼作矣, 西伯,鄭必 • 高山爲岐山,是文王 「周文王所封,在 早麓》篇 以 秬鬯、 主 瑟 爲 伯之 彼 即三 州 爲 州 牧,未 據也。 之書以 時 取 囚 加 文王 命

國于岐

也。

風,高

或从山

頌》云:

扶風

來 ?

吾聞

文王

也。

確、《天問》及王注可爲文王作州 于此經從毛,以爲二伯,又私造《孔叢》 雍州牧」云云。 引《孔叢》子思述子夏之言,謂帝 宗伯》所謂「八命作牧」者。 即以爲此經之西伯是州伯 之時,王季 經并注以證。 季以九命作伯,文王因之, 伯昌號衰,秉鞭作牧。」王逸云「文王爲 文王猶未甚 美馬、怪獸 意,謂與王同,皆非也。《史記》以囚羑里 爲二伯。」是 爲 又伏生《大傳》謂戗耆之後,紂 實其説。 于牖里。 三伯。 ,爲西 美女獻紂,始赦 强 又引《楚辭・天問》云 王肅 伯 王肅 散宜生、閎夭、南宫 然毛 康 盛、知 受此賜。」則康成 成箋云:「殷王帝 注非是。 每 傳固 事欲與鄭異,故 其僅 不 于鄭則 之伯,即《大 是疏 爲當 及 文王。 疏 元伯 之切 乙時王 鄭箋之 于毛則 又 州 引 始 此

州伯, 其方。 曰 : 《汝墳》是文王兼 三年, 从 作「乽」,注云: 字後人改也。 字注云:「刺 故辨之也。 伯」者,以稱 雍南,兼之可 荆者、《詩序》言文王之化, 戡 二切。」伏生《大傳》亦作「戗」。 线」,注云:「殺也,从戈,今聲。 黎之前 邑, 、《逸周 都在千里内,故鄭云「入紂圻内」 『西伯既线黎。』口含切。」 實兼牧三州也。 遭天之大荒 三州之侯咸率。」是文王 此 書 説 西伯 非 《商書》: 也,从戈,甚聲。 「戡」,《説文》十二卷下 「黎」、《説文》六卷下 大匡 知。 是。 「殷諸侯國,在上黨東北 牧荆州矣。 鄭 嫌類 云「國 解》云: 又云「 作《大匡》,以 『西伯戡雹。』」蓋 東 知三州是 在 西二伯之伯 南 維 西,故 行乎 竹甚、 梁在荆 兼 周 則 一别 《商書》 雖 梁、 王 兼梁、 江 出 日 詔 宅 П 戡 漢。 荆 作 牧 西 西 雍 戡

此。」 黎國 即此。 也。 亭。 也。 其 云: 之罪,杜預云:「黎氏,黎侯國,上黨 Ŧi. 傳及《説文》並 西潞安府長治縣 在黎侯嶺上。」以今輿地言之,黎亭在 也 三縣,皆古黎國 三説,則唐、宋潞州之上黨、黎城、 曰 年,晉 有 時 在潞 郡治長子,今之府治非 黎亭。」此即戡黎之黎。 西伯所戡之黎,不知爲 故王存《九域志》云:「潞州黎侯亭, 又《括地志》云: 地,有羊 潞州上 黎, 漢 漢爲壺關縣。」又云: 滅 • 州黎城縣 赤狄潞氏,數之以 地 國 黨縣,古黎侯國,西 理 云「黎在 腸 也。 志》上 地 西 坂, 南、縣爲府 今黎 但 東北十八里。」 後魏移 一黨郡 「故黎城,黎 其故墟 上黨東 亭 ·是。」《 壺 何 「壺關縣, 若《吕氏 壺 關 奪 列 漢之郡 氏。 治。 北」者, 縣 關 黎 實 伯戡黎 通 縣 據 侯 氏 在 壺 官 應 而 典》 黎 孔 地 Ш 歸 此 或 于 劭

作卜」。

也。 此 伾 改 陽縣」注云,「《式微》『黎侯寓于衛』」 式微序》云「黎侯寓 狄 秋 則 談武 者,故城在今衛 屬濬州,有黎陽 人所逐,棄 堯後之黎,非戡黎之黎也 黎陽爲漢魏郡 \pm 封 帝 其 堯 之後 或 輝 Щ 而 屬 于衛」。《水經》「黎 於黎, 府濬縣西南三里, 寄於衛。 即 縣,宋屬衛州 世俗誤指爲大 其 後 邶 黎 風 侯 後 是 爲

殷命。祖伊恐,奔告于王。曰:「天子,天既訖我

本同。若王符《潛夫論》卷六《卜列》篇引作 假人」,疑古格 爾」本作「介」,與人相似,故致誤耳。 格人元龜,罔敢知吉。 天已畢訖殷之王命。 不能制,今又克有黎 傳曰」 衡》卷二十四《卜筮篇》引 文王率諸 假 可 通用。 侯 説 事 國,迫近 〔案日〕「格人」、《史記》作 此經仍作「格 言將化爲周 已詳《高宗肜日》。 紂, 内秉 又徐 王圻 廣日 人, 王 假 心, 爾」,疑 **元** 與僞孔 故 故 紂 知 王

逆數。 食貨 大夫八 邊緣尺二寸也。」是也。 江郡常歲 記 七十卜而皆凶。 曰:「冉,龜甲緣 太卜官。 龜象齒」,傳亦云:「元龜,尺二寸」,《史 記》云:「天子龜長一尺二寸,諸侯一尺, 者,《白 殷本紀》集解 龜 一吉人鑽龜,輒從善兆。 (案日)馬云[元 馬曰」 放知吉。」即此事也。 以 龜 志》「元 神靈考之,皆無知吉者 策 元 紂至惡之君 寸,士六寸。」《毛 虎通》卷下《蓍龜》篇引《禮三正 龜千歲 時生龜長尺二寸者二十枚,輸 列傳》云:「神龜出江水中,廬 龜 大龜 [傳日]至人以人事觀 龜 龜 故祖伊曰:『格人元龜 岠 乃 也。 冉長 大龜 也,長尺二寸。《史記 滿尺二寸。」《漢書 也, 岠,至也。 當時災異縣多, 尺二寸」,孟 凶人揲蓍,輒得 《論衡》有云: 詩・泮水》「元 也,長尺二寸」 七十卜,今不 度背 殿,大 康 •

可考矣。

[《釋文》曰]相,息亮反。 「非先王不相我後人,惟王淫戲用自絶。

〔傳曰〕相,助也。〔案曰〕从裴駰所引。

似僞孔本亦有「知」字。 典。〔案曰〕《史記》「虞」字下有「知」字。翫僞孔傳文,典改〔案段〕《史記》「虞」字下有「知」字。翫僞孔傳文,典、文文、文文、文文、文文、文文、文文、文文、文文、文文、文文、文

絶之。 宜上 《史記·殷本紀》集解。 康食」爲解,非也 皆祖伊歷數紂罪惡之詞,則「故天棄我」 性命所在,所行不蹈循常法。 天棄之,宗廟不有安食。 陰陽,不度天性,傲很明德, 云云者,鄭意以「不有康食」以下三句, [案曰]鄭云「王暴虐于民,使不得安食」 鄭曰〕王暴虐于民,使不得 屬「自絶」爲解,言王自絶,故天棄 我者,我王也。 〔傳曰〕以 傳以下屬「不有 而王不度知天 言多罪 紂 不修教法。 安食,逆亂 自絶,故

今我民罔弗欲喪,曰:『天曷不降威,大命

作勢。不勢?』今王其如台。」〔《釋文》曰〕擊音至,本又

所言。

(傳曰〕摯,至也。民無不欲王之亡,〔傳曰〕摯,至也。民無不欲王之亡,

字。 之也。 日月》毛傳。 以又脱也。 誤脱,後考得其實而增者,不知今本. 傳云「何以不至」,是僞 摯」、《史記》作「大命胡不至」。 翫 伊增語,欲以懼紂。」是也。 「大命 不欲喪。』言欲王亡,可也。 篇》:●「《尚書》祖伊諫紂曰:『今我民 〔案曰〕「罔弗欲喪」者,《論 唐石經「命」下旁增「胡」字,是 紂雖惡,臣民蒙恩者非一,而 胡爲何者,見《詩 摯爲至者、《説文》十二下 孔本亦 言無不, 衡 邶 有 藝 風 初 僞 祖 圣

豈能害我。遂惡之辭。〔傳曰〕言我生有壽命在天,民之所言,王曰:「嗚呼! 我生不有命在天?」

爾邦。」〔《釋文》曰〕參,七南反。 祖 下辵部云:「返,還也。」且引《商書》「祖甲返」以證。 責命于天? 殷之即喪,指乃功,不無戮 商 返 伊反 書》無此文,疑所引 |與「反」則字通也。 曰:「嗚呼! 乃罪多參在上,乃能 即 此句。 ○〔案曰〕《説文》卷二 伊, 彼誤作「甲」,而 于

報紂也。言汝罪惡衆多,參列于上天,〔馬曰〕參字累在上。《釋文》。〔傳曰〕反,

天誅 戮于殷國,必將滅亡。 殷之就亡,指汝 罰 汝,汝 能 功 責 事所 命 于天, 致,汝不 拒 天 . 得 誅 乎? 無 死

·8,其上皆有纍綴之形,故傳云「參列」, 居高位而其惡纍綴蔓衍,故云「多參在 云「甘瓠纍之」,毛傳云:「纍,蔓也。」紂 皆讀三。天下數極于三。。参字从晶、从 似皆與纍無 所今切。」又零字注 从糸畾聲。 而馬以爲「纍在上」也。 名,而其象三星相連,故《易• 上晶部,注云:「商星 文》引之,變从俗作累耳。 糸部,注云:「綴得理也。 書,不成字。《説文》作學,在卷十三上 參伍以變」、《説卦傳》「參天兩地」,參 [案曰]馬云「參字累在上」者,累字乃俗 力追切。」疑馬實作纍、《釋 涉。 而馬云云者,蓋%,星 云「曑或省」。 也。 《南有嘉魚》詩 易字在卷七 日大索也 繋辭傳》 其 義

也。 也。 《汗簡》卷中之一,亦有參字,且注云「日 岑切。見《尚書》」。 觀此則知《西 違,乃隸書誤也。 以从三鋭形者與从三日者合爲一字,其 黎》中多字,古文《尚書》本从爲,不从厽 字不同,則未爲大謬也。再考郭忠恕 下隸省,與參字不同。參音驂,字从厽, 部云:「曑、曑音森,商星也。」上《説文》, 上,不當言纍在上矣。 **公部**,不當在晶 云:「參,千含切。 書》以爲參字,七貪切。」此已誤會。 圓形爲三鋭形,果爾則當在卷十四下之 云:「厽,力捶切。 乃《玉篇》卷下厽部第三百五 又所今切 今隸 書學字之上改从 ,星名,亦作曑。」此則直 部。 唐玄度《九經字樣》日 累壍爲牆壁也。 相參也,分也,即三 而馬亦直當言

在 非馬與《説文》 厽 十 伯戡 《尚 又

尚書後案卷八

之舊也。《玉篇》經孫强改壞,非顧野王

箕子爲之。少師者,太師之佐,孤卿

而庶,紂小而嫡也。父師者,三公也,時

未正,及生紂時,已得正爲妻,故微子大

時比干爲之。微與箕俱在圻内。

箕子、

干,紂之諸父。《尚書》疏。

○董鼎《書集傳輯

尚 書後案卷九

《左傳》疏。○皇侃《論語義疏》九卷。

録纂注》三卷。

○陳櫟《書傳纂疏》三卷。

○僖十五

十八卷。

○孫奭《孟子疏》卷二下。

〔王曰〕微,國

○邢昺《論語

疏

東吴王鳴盛學

(論語疏)十八卷。

〔傳曰〕微,圻内國名。子,

子,爵。

人爲王卿士。《尚書》疏。

○邢昺

微子名啓,《世家》作「開」,避漢景帝諱也。 圻内,孔雖不言箕,亦當在圻内。 書傳不見箕子之名,惟司馬彪注《莊子》 少師,孤卿,比干。〔疏曰〕鄭以微、箕在 爵。爲紂卿士。父師,太師,三公,箕子。 「人爲卿士」,蓋以微爲圻外,故言入也。

微

子

商

書

微子若曰:「父師、少師

「鄭日」微子,與紂同母。

當生微子,母

云「箕子名胥餘」也。

嗣。 賤,不得嗣。 《本紀》云:「帝乙長子曰 云:「微子,帝乙首子,紂之庶兄。」《論 〔案曰〕鄭云「微子與紂同母」云云者, 是爲帝辛,天下爲之紂。」 少子辛,辛母正后,辛爲 微子啓, 啓母 ●《世家》

爲」、《史記》作「謂」。

三九七

王云

子,太史據法而 語 氏、保氏,秩中大夫、下大夫。 鄭注 見,而此注與之合者,《地官》序官 篇云:「立太師、太傅、太保,兹惟三公。 義同,而文則異,故兩 注、《詩・大明》 刻之。」平安服元喬序。 鄭注此條見梁皇侃《論語疏》。「皇《疏》久 立妾之子。」故 爲妻後生紂。❶ 之母生微子啓與仲衍時,尚爲妾。 王爲左右。』聖賢兼此官也。」彼疏云《書 師者,三公也」云云者,東晉晚出《周官》 亡,日本根伯修與神君彝俱遊下毛足利學,得其藏本 書序》曰: 『周公爲師, 召公爲保, 相成 師、少傅、少保,曰三孤。」此篇鄭所不 微子 母」。《吕 》篇馬注 立紂爲後。」此鄭所本。 紂之父欲立微子啓爲 . . 争曰:『有妻之子,不可 疏引鄭《書序》注,與此 據彼稱爲鄭玄《尚 亦但云「紂庶兄」,不 仲冬紀》則云:「紂 存也。 鄭又云「父 1有師

召公、 稱。 禮》,方以三公兼 自名師保,不由 傅、太保。 若孔君之義,三公之號始終 官》前,成王《周官》改稱三公爲太師、 然矣。」若如此解,周公兼師在成王《周 鄭答曰:「周公左,召公右,兼師 時,則三公自名師保起之在前,何 政三年事,此《周禮》是周 師、太傅、太保,兹惟三公」,即三公之號 號本無師保之名,兼此二官乃得 兼此師氏,召公賢,下兼此保氏。 敘》是《君奭敘》。 自有師保之名。 聖賢兼此官」。此鄭君之意,謂三公之 《鄭志》趙商問,成王《周官》「立太 周公爲三公,分陝,以 兼 成王《周官》是周 師保 師氏、保氏,直 云 聖賢兼此官」者 賈此疏甚明, 公攝政六年 周公聖,下 保初 師保 一至《周 也 太 時 攝

鄭以

少師爲太師之佐,乃不言三孤,而

言孤卿者,三公又兼六卿,一

公兼二

,若小宰佐太宰,小司徒佐大司徒,小

三公,直名師保,至《周禮》旋

即

復故也。

據此

則三公兼師保,而不特設,虞夏商

惟成王《周官》改易古制,特立

右弼,

即

四輔。

上從省文,下文相足。

保,即三公。有疑丞者,前疑後丞,左輔

備,惟其人。」有師保者,太師、太傅、

太

與鄭義合也。《文王世子》云:「虞夏

商

者,趙商得援爲問,魏晉人采取成篇,故

雖無《周官》篇,而逸文或别有傳于人間

周

有師

保,有疑丞,設四輔及三公,不必

賢者 宗伯 寇佐 箕子、比干並稱,太師既是箕子,知 卿「比干爲之」者,《論語》、《孟 鄭又云三公「箕子爲之」者,《五行志》劉 時正職,六卿治之。其餘非正職者,分 之職,三孤佐三公論道,六卿治六官之 卿,亦謂周之三孤六卿爲九卿。 《考工記》云「九室,九卿朝焉」,彼注 是比干也。鄭又以微、箕二國「俱 歆以爲殷箕子在父師位,是也。 爲三,分三公治之,三孤佐三公」是也。 屬。」彼疏云「三公、三孤無正 夏之九卿,謂三孤與六卿爲九。」此云九 于公,直與六卿並 「九分其國,九卿治之」,彼注云:「分國 ·六卿三孤爲九卿」,彼疏云:「《昏義》以 大司 佐 以一人兼二職、是爲三孤。 大宗伯,小司馬 寇,小司 列爲九,故名孤 空佐大司空。 佐大司馬, 職,天地 子》每 又云 此 柳也 又云 小 孤 内 四 孤 云 卑

已,此

鄭意

也。

孔安國

所得壁中古文,

師保,無其

人

則闕,但有

師

氏、保氏

用

初

制、不設三公。

有其人則以三公兼

公兼

師保是初制

成王

作《周官》,改

三公,直名

師

保,其後

周

公制《周

仍

非也。 微、箕 城,爲 也。 箕子,畿内采地之爵,非 《鄭志》張逸問: 雖四 故云子。」是鄭解微、箕在畿内稱子之義 内 公、侯、伯 西北,相去僅六七百里。 王圻方千 城榆社與長治相連,故亦「圻 黎,在潞安府長治縣 《尚書》有微子、箕子何?」答云:「微子、 西 歌 面 北 ,在衛輝府淇縣,黎、微、箕皆在 爲圻 遼州 微子、箕子所 又鄭注《王制》云:「殷爵三等, 又云「箕子、比干,紂之諸父」者 各五 贏, 微子》篇馬注同。 也。 安 内明矣。 榆 東南縮, 府 百里,然是時 社 異畿内謂之子。」彼疏引 潞 「殷 縣 城 東 縣 爵三等、公、侯、伯、 封 ",鄭以 未必截然 王肅 南 地。 東 畿外治民之君 三十 北 以 都于河 《明夷》彖傳 爲「圻内」,潞 按「戡 + 微爲圻外, 内。 里 五 正方, 有 里 北 紂都 古 有 則 地 其

> 比干。 《尚書》注,皆云「箕子,紂諸父」,而 子》篇云:「以紂爲兄之子,而有王 難。」服虔、杜 言之,但引者不全耳,故以意增也。 干。」比干爲紂諸父甚明。 云:「王之叔父,親莫至焉。」《孟 于紂,親則諸父。」唐李翰《比 牽合致 祚引虞 云: 内内 《家語 誤 翻 難 注 也。 而 云: 能正 •子路初見》篇云:「 預 《尚 以箕子紂 其志,箕子以之。」 箕子,紂諸 書》、《左傳》 庶兄,因 鄭 2、故 必連 干碑》亦 子 • 疏 子比 比 比 引 微 李 干 干 鄭 子 内

殷其弗或亂正四方。

言有也。」 之事。〔疏曰〕鄭玄《論語注》云:「或之〔傳曰〕或,有也。言殷其不有治正四方

《韓詩・商頌》「奄有九域」、《毛詩》作「邦」,重文作「域」,則「或」即「域」字。〔案曰〕傳云云者,《説文》訓「或」爲

訓也。 「亂,治」,《釋詁》文。政之言正,常《史記》亦云:「殷不有治政,不治四方。」「奄有九有」,則域、有同,故或爲有。

厥德于下。〔《釋文》曰〕沈,徐直金反。酗,況共反。「我祖底遂陳于上,我用沈酗于酒,用亂敗

[馬曰]我祖,湯也。下,下世也。《史記》三

也。 湯德于後世。 其功,陳列于上世,我紂沈 十八卷《宋微子世家》集解。 [傳曰]言湯致遂 于酒」,湎字義見《酒誥》,當从之。 者,故知我祖謂湯。 太宗,太戊稱中宗,武丁稱高宗,無 稱烈祖,毛、鄭皆以爲湯。 〔案曰〕馬云云者,禮祖有功。 《商頌 妄 世也。「沈酗于酒」、《史記》作「沈 (改爲 酗、醬一物,謂醉而發怒。 酗,傳則云「沈湎酗醬」。 〔疏曰〕《説 湯爲上世,故 湎 他如太 文》云 酗, 醟 酗 醬,敗亂 下 甲 稱 湎 爲 祖 稱 屢

故卿士爲六卿典事

報反。完音軌。 《題文》十四下酉部酌字注云:「醉醬也。《說文》,以資附會,皆非也。也。从酉,熒省聲。爲命切。」而無「酗」也。从酉,熒省聲。爲命切。」而無「酗」从酉,何聲。香遇切。」醬字注云:「酌《説文》十四下酉部酌字注云:「醉醬也。

卿典士相師效非度。〔疏曰〕士訓事也。〔寒記》三十八卷《宋微子世家》集解。〔傳曰〕六相師效,爲非法度之事。《尚書》疏作王注。〔馬曰〕非但小人學爲姦宄,卿士已下轉〔傳曰〕草野竊盜,又爲姦宄于外内。

是也。部云:「度,法制也。从又,庶省聲。」部云:「度,法制也。从又,庶省聲。」〔案曰〕馬以度爲法度者,《説文》三下又

「凡有辜罪,乃罔恒獲。

〔鄭曰〕凡,猶皆也。獲,得也。羣臣皆

中省。 家》集解。〔傳曰〕皆有辜罪,無秉常得攻奪。《尚書》疏。○《史記》三十八卷《宋微子世攻奪。《尚書》疏。○《史記》三十八卷《宋微子世有是罪,其爵禄又無常得之者。 言屢相

經無「得中」之義,傳説非也。無常得之者」,則鄭意以獲之言得而已。「皆有罪辜」,是凡爲皆也。又云「爵禄〔案曰〕鄭云「凡,猶皆也」者,《史記》云

徐力允反。喪,息浪反。厓,五皆反,又宜佳反。大水,其無津涯。〔《釋文》曰〕讎,常周反。淪音倫,「小民方興,相爲敵讎。今殷其淪喪,若涉

没亡,如涉水無涯際,無所依就。爲敵讎。言不和同。淪,没也。言殷將〔傳曰〕卿士既亂,而小人各起一方,共

形。」又《儀禮·鄉射禮》云「不方足」,鄭《説文》云:「方,併船也。象兩舟省總頭「方興」,當訓「方」爲「並」,傳説非也。〔案曰〕《史記》云「小民乃並興」,則此經

之,故以涉水無津厓 以典字之上册稍似淪 祝、太士、太卜。 法也」。此蓋殷時制也。 建天官,先六太,曰太宰、太宗、太史、太 作「典喪」。《禮記・曲禮下》云:「天子 方訓併則亦得訓 云"「今文並,皆爲併。」則並、併 注《鄉射禮》云:「並,併 注 云「方猶 併也」,是方之義 典司六典。」鄭云「典, 並 也。 爲 ,故誤也。 也。」又注《聘禮》 喻。 「淪喪」,《 「典喪」則國從 爲 作淪者非。 史記 同字。

「殷遂喪,越至于今。」

《史記》三十八卷《宋微子世家》集解。
〔馬曰〕越,于也。于是至矣,于今到矣。

于也。」越、粤同也。
〔案曰〕馬云「越,于也」者,《釋詁》:「粤,

曰:「父師、少師,

〔馬曰〕重呼告之。《史記》三十八卷《宋微子世

家》集解。

案曰〕馬云云者,前已呼「父師、少師」,

故云「重呼」也。

「我其發出狂?〔《釋文》曰〕出,尺遂反。○〔案曰〕

疾生狂。
○王應麟《困學紀聞》。〔傳曰〕我念殷亡,發作出往也。《史記》三十八卷《宋微子世家》集解。〔鄭曰〕發,起也。 紂禍敗如此,我其起

「案曰」鄭云云者,鄭以「狂」作「往」,故 「案曰」鄭云云者,鄭以「狂」作「往」,故 「案曰」鄭云云者,鄭以「狂」作「往」,故

愁悶。〔疏曰〕在家思念之深,不堪耄〔傳曰〕在家耄亂,故欲遯出于荒野。言大夫稱家。《史記》三十八卷《宋微子世家》集解。〔鄭曰〕耄,昏亂也。《尚書》疏。〔馬曰〕卿吾家耄遜于荒。〔《釋文》曰〕耄字又作旄,莫報反。

此意。《詩》云:「駕言出遊,以寫我憂。」亦亂,故欲遯出于荒野。言愁悶之至。

《釋文》云:「旄本又作耄,或作八十曰 字从此。亡報切。」今此經鄭云「昏亂」, 省。」是也。《曲禮》:「八十、九十曰 部薹字注云:「年九十曰薹。 从老,从蒿 耄」,此乃薹字之誤。《説文》八卷上老 耳。至《吕刑》「耄荒」,《釋文》云「亦作 文》卷七上放部本「幢也」,古字通用 則正當作「眊」。 字。《説文》所無,不可用 耋,九十曰旄。」則陸德明所見《曲禮》本 文》云「又作旄」。考《説文》卷四上: 毛、从人、从匕,再加毛,作耄,則不成 〔案曰〕鄭云「耄,昏 「眊,目少精也。 从目,毛聲。 今無考,疑當作「旄」也。 而作「旄」者,旄在《説 亂也」者,此 知者,老字从 也。 《虞書》耄 此經《釋 節 耄。」 鄭

此意。 也。 家保于喪」,徐廣曰「一云于是家保」,正 存宗祀,故其言如此。而《史記》作「吾 而猶可以保我卿大夫之家乎 亂相尋,故欲爲遜荒之計,庶幾國雖 改爲耄,此則僞孔之謬也。《説文》「《虞 謨》「耄期」,凡當作眊、薹,或通旄者, 通眊矣。今《微子》、《吕刑》及僞《大禹 旄倪」,皆以旄爲薹,既可通薹,則亦 射義》「旄期,稱道不亂」,《孟子》「反 作「旄」。 書》耄字从此」一句,必唐人妄增。 「虞書》無「耄」字,僞《大禹謨》許慎不見 薹」,作薹者誤,作旄者通 此 遠 問 閑 微子自言,吾若長困守在家,則昏 郭? 小人。」李鼎祚《集解》載侯果説 傳及正義乃作愁悶而欲出遊解, 要之《 與宗社存亡之計 《周易 吕 刑 遯•象傳》云: \approx ^ 曲 耳。 何涉 禮 ! \forall 微子志 皆當 禮記 而 猶 其 口 作

> 欲遯,若指他人語,反 云者,説詳《洪範》。 來亦未有作賢 云 吾家耄遜于荒」也。 羣小 浸盛 ,君子避之高 人解者,侯説 寬緩。 然此 尚林 乃微子 亦非。 且耄字從 野 自 馬 所

《玉篇》子兮反。《切韻》祖稽反。「今爾無指,告予顛濟,〔《釋文》曰〕濟,子細反。

故王 《傳》:「小人老而無子,知隮 集解。 墜,如之何其救之? 隮,隮溝壑。《尚書》疏。 如之何也。 日〕言無意告我也。 馬曰〕躋,猶墜也。 肅云「隮,隮溝壑」也 [傳日]汝無指意告我 《史記 ٠ 宋微子世家》集 恐顛 是微子 ◎《史記・ 疏 \Box 墜于非 殷邦 ·求教 昭十 宋微子世 解 顛 誨 隕 也。 \pm

曰:『告予顛躋。』、觀此注,馬亦作「躋」,文》卷二下足部云:「躋,登也。《商書》〔案曰〕馬云云者,《史記》作「躋」,《説

之。王、孔非是。 去,而恐顛隮于非義,故欲箕子指 以隮爲墜,疑猶 眂祲》十煇「九日 與《史記》、《説文》同也。晉人作「隮」, 隮于西」、《曹風》「南山朝隮」、《商頌 經文字》卷中自部云:「隮,子計反。 「聖敬日躋」,毛傳皆訓「升」。 商書》。」此未足據。《毛詩· 説文》卷十四 下自 以 隮」,先鄭亦訓「升」。 部 亂爲治也。 無 此字。 鄘風》「 《春官 張參《五 微子欲 ;而教 見 朝

「若之何其?」

家》集解。 ○劉三吾等《書傳會選》三卷。○《史記・宋微子世《禮記》曰:「何居?」陳櫟《書傳纂疏》三卷。〔鄭曰〕其,語助也。 齊魯之間聲如姬。

也。引《禮記》者、《檀弓》篇文,彼注亦形。讀若箕。」鄭以爲語助,亦取下基丌、《説文》五卷上丌部云:「下基也,象〔案曰〕鄭云「其,語助也」者,古其字作

助也。」 云:「居,讀爲姬姓之姬,齊魯之間

語

父師若曰:「王子,

曰王子。 見,明心同,省文。 微子,帝乙元子,故见、明心同,省文。 微子,帝乙元子,故〇《史記·宋微子世家》集解。 [傳曰]比干不〔鄭曰]少師不答,志在必死。《尚書》疏。/的者曰 []]

其志在殉國故也。 者獨父師箕子,而比干無言,故解之以鄭以微子並呼父師、少師而告之,今答〔案曰〕鄭云「少師不答,志在必死」者,

「竺」爲「篤」,古毒、篤、竺三字皆通也。《史記》作「天篤下菑亡殷國」。《平輿令薛君碑》又以考,工口反。長,竹丈反。○〔案曰〕「天毒降災荒殷邦」,畏,咈其耇長舊有位人。〔《釋文》曰〕咈,扶勿反。[天毒降災荒殷邦,方興沈酗于酒,乃罔畏

化紂沈湎,不可如何。上不畏天災,下〔傳曰〕天生紂爲亂,是天毒下災,四方

下月其效,长寸女。不畏賢人。 違戾耇老之長,卧仕之賢,❶

士冠・記》鄭注、賈疏並同。 大曰:「者,面凍棃,色如浮垢。」《儀禮・疏引《釋詁》云:「黄髮、者、老、壽也。」孫確・南山有臺》云「遐不黄者」、《大雅・行部義,彼即引此文以證,是也。《詩・小江案曰〕傳以咈爲違者、《説文》卷二上口不用其教,法紂故。

《秦詛楚文》曰「圭玉、羲牲」,然則古犧字止作羲。全。○〔案曰〕《説文》犧字注云:「賈侍中説,此非古字。」食無災。〔《釋文》曰〕攘,如羊反。犧,許宜反。牷音「今殷民乃攘竊神祇之犧牷牲用以容,將

攘,往 ○《史記 六卷《秋官・犬人》疏。 鄭曰〕犧,純毛。 器器 攘,色純 實日 盗 宋微子世家》集解。 日 用。 竊,天 日 犧,體完曰牷,牛羊豕 盗天地宗廟牲用,相 日 牷,體完具。《周禮》三十 神,地 馬 「傳 日 日 因 祇。《釋文》。 來 自來 而 取 而 日 取

> 盜 宗廟之物,無多少,皆死。 則用者簠簋之實,謂黍稷稻粱,知「器實 知牲是牛、羊、豕。 體具,知「體完曰牷」。 牲,以供祭祀之牲牷。] 以牷爲言,必是 《説文》云:「犧,宗廟牲也。」《曲禮》云: 攘、竊同文,則攘 行食之,無災罪之者。 色純曰犧」。《周禮·牧人》:「掌牧六 天子以犧牛。]天子祭牲,必用純色,知 攘,因也。」是因其自來 用」也。 而 無罪,政 漢魏以來,律皆云:敢盜 、亂甚也。 是 犧、牷、牲既爲 竊 類。 言政亂。 經傳多言三性, 而取之名攘也 爲特重故也。 《釋詁》云: 俎實, 疏 日

官・牧人》云:「凡陽祀,用騂牲毛之,孔傳同。孔亦偶有襲取鄭義者也。《地〔案曰〕鄭云「犧,純毛。牷,體完具」者,

尚書

正

神,地 也。 《孟子》「攘雞」,趙岐曰「取自來之物」 《論語》「攘羊」,周生烈 當分 色牲 **牷兼純毛、體完二義。** 完具者,蓋 是牷爲純毛。 而 外祭毁事 之禮」是也。 竊」,皇侃 爲純毛可知。 言,必用牷 祀 「往盜 毛之。 兩 用黝 曰祇」者、《大宗伯》「掌天神地 解。 , 用尨可也。」彼承「毛之」之下 日 牷 牲毛之。 凡時 日 牷字从全,當爲體完,則犧 物。 有純 而此 竊 馬云「因來而取曰攘」者, 竊」者、《論語》「賞之不 猶 祀之牲,必用牷物。 義。 且以牷 盜 以 望祀,各以其 **犠**爲 也 此則犧、牷對言, 日「有因而 彼文止 是也。 與 純 尨對言 毛 言牷 , 栓爲體 「天日 盗」。 方之 是 示 則 凡

力檢反,馬、鄭力豔反。徐云:「鄭力劍反。」文》曰〕讎如字。下同。徐云:「鄭音疇,馬本作稠。」斂,「降監殷民,用乂,讎斂,召敵讎不怠。〔《釋

〔鄭曰〕斂謂賦斂也。《釋文》。 〔馬曰〕稠

數也。 解、殊爲岐誤。 傳既云 「重賦 殷民,所用 之道,而又亟行暴虐,自召敵 案曰〕鄭、馬云云者,「讎 斂,賦 治 斂 者,皆重 」,又添出「斂聚怨讎」 也。 釋文》。 賦 傷 斂 民、斂聚怨讎 讎不解怠。 即 傳曰 重 賦 下視 也。

多瘠病,而無詔救之者。 〔傳曰〕上下有罪,皆合于一法,故使民「罪合于一,多瘠罔詔。〔《釋文》曰〕瘠,在益反。

作《周書》。
「商今其有災,我興受其退。』薄邁切。」以「敗」爲「退」,又誤罔爲臣僕。〔《釋文》曰〕「臣僕」,一本無「臣」字。問爲臣僕。〔《釋文》曰〕「臣僕」,一本無「臣」字。「商今其有災,我興受其敗。 商其淪喪,我

爲臣僕。言欲以死諫紂。大臣,義不忍去,商其没亡,我二人無所〔傳曰〕災滅在近,我起受其敗。言宗室

乃顛隮。〔《釋文》曰〕刻音克。「詔王子出迪。我舊云刻子,王子弗出,我

無主 也。 肯。 傳曰〕我教 馬 久知子賢,言于帝乙,欲立子,帝乙不 曰 」 云, 今若不出逃難,我殷家宗廟乃隕墜 我病子不得立,則 言也。 王子,出合于道。 刻, 侵刻 宜爲殷後者,子 也。 刻,病也。 釋 文》。

出, 微異,大旨亦合也。 祀絶矣。 侵害于子,子若不出,必 微子, 紂必惡之。 子,始在擇嗣,箕子贊焉。 篇》引此經乃云「我舊云孩子,王子 刻子」也。 故,而神器不集于君。」此所謂「我舊 唐賈至《微子廟碑》云:「微子啓,帝乙元 其不善之性。 (案日)馬云「云,言也。 又申之云:「紂爲孩子之時,微子 傳解「刻」字之義 太史争欲立紂,而箕子贊 性惡不出衆庶,長大爲 是舊日之云,適 王充《論 同 刻,侵刻也」者, 7,雖似 爲紂 帝乙懵賢之 與 馬 所 以

> 非也。 村,以「不出」爲「性惡不出衆庶」,皆 微子之言。又以「刻」作「孩」,以王子爲 不變,故云也。」此父師之言,而謬以爲

誤」,則知「顧」可从上聲讀也。《禮記・緇衣》「君子寡言而言」,鄭注云「寡當爲顧,聲之「韋顧既伐」,《漢・人表》作「韋鼓」,是「顧」有「鼓」音。曰〕靖,馬本作清。顧音故,徐音鼓。○〔案曰〕《毛詩》「自靖人自獻于先王,我不顧行遯。」〔《釋文》

我將 謀,《釋詁》文,亦得備一義 孔子稱「殷有三仁焉」,是皆歸于仁 明君子之道,出處語默非一途。〔疏曰〕 行其志,人人自獻達于先王,以不失道。 或不去,歸潔其身」是也。 案曰〕馬云「清,潔也」者,《孟子》「或去 馬曰〕清,潔也。《釋文》。 [傳 又案曰]《史記· 與 、紂俱 死, 所 殷本紀》云: 執各異,皆歸于仁。 也。 孔作靖,訓 日」各自謀 也也 淫亂 爲

不止,微子數諫

不聽,與太師、

少師謀

師强。 佯狂爲 微子去,則《尚書・微子》篇所云父師、 行。」于比干已死後,復言太師、少 争。』乃 少師者,別有其人,即名疵、强者是。 紂剖其心。 師、少師。 箕子被髮佯狂爲奴,比干諫, 聽,欲死之。及去,未能自決,乃問于太 奔周」。 乃持其祭器 史記》之文耳。 比干已死,而云少師,似誤。」此蓋錯 微子》篇文,仍引孔傳、鄭注 悉本安國,其言不足據。 馬遷説也。《漢書・古今人表》亦有太師疵、少 去。 ,囚箕子。 裴駰不明遷之意,于《世家》所引 强 比干 奴,紂又囚之。殷之太師、少 《宋世家》云: 微子數諫,紂弗 諫。 「太師、少師乃勸微子去,遂 白 奔周。」《周本紀》云紂「殺 太師 :『爲人臣者,不得不以 紂剖比干心。 然《史記》雜采古書, 疵、少師强抱其樂 而鄭康成 箕 子 一,而又云: /師勸 此 器 師

司

時,微 肉袒 武王 啓如 問諸逢伯,逢伯曰:『昔武王克商,微子 鄭師 焚其櫬,禮 面縛、銜璧、衰絰、輿櫬以見楚子。 比干可知矣。又《左傳》:「楚克許,許男 可稱父師,父師必是箕子,而少師之 且 化干 少師爲箕子、比干矣,非 志在必死。」則鄭意固以微子所告 微子》云:「箕子、紂 》皆 融注云:「微子見紂無道,早去之。」下 王乃釋微子,復其位。」愚謂武王克殷 太師是樂官,故抱樂器奔周。 而 伐紂克殷,微子持其祭器造軍門, 是,武王親釋其縛,受其璧而祓之, 碑》云:「貞觀十九年,贈殷少師比干爲太師。」 祖孔學,其説本于安國,不可易也。 不可 子未必 縛,左牽羊,右把茅,膝行而前。 信也。 而命之。』《史記》亦云: 面 縛自詣。 《論 語 諸 父。 》「微子去之」, 疵、强 《左傳》、《史 少 師 太師 也 楚子 父 不 一周 李翰 師 不 爲

「仁」許之耶?「仁」許之耶?」」字,知微子與父師、少師商論去一「早」字,知微子與父師、少師商論去一「早」字,知微子與父師、少師商論去一「早」字,知微子與父師、少師商論去一「早」字,知微子與父師、少師商論去

尚書後案卷九

裴駰《集解》。

○《水經》五卷《河水

》雕道元注。

尚 書後案卷十

陽詢《

藝文類聚》。

○李昉等《太平

御覽》。

0

Ŧ

欽

等《册府元龜・帝王部・創業篇》。

東 吴王 鳴盛學

書

太

周

惟 四 ○孫奭《孟子音義》卷下。○《史記• ○又十九之二卷《周頌·思文》疏。 ○《尚書》疏。 馬 鄭 一作「東觀兵至于孟津」。 月,太子發上祭于畢,下至于孟 曰〕畢,文王墓地 孟 ○《詩》十六之三卷《大雅 津,地 名。 名也。 六軍之兵 ○趙岐《孟子》注。 周本紀》。 《尚書大傳》。 東 津之 〇又

《君子篇》:「或問仙有諸? 周公于畢,從文王。」揚子《法言》卷九 名也」者、《史記・魯世家》言:「成王葬 臻,然後稱王故也。馬云「畢,文王墓地 未敢遽稱王。 但稱太子,固爲卒父業,實亦因武 發升舟」以證。《白虎通》説意 父業,故稱太子。」《白虎通•爵》篇云 者,鄭《大傳》注云:「發,周武王也。 者,疑非,説已詳《書序》。云「太子發」 月者,十一年之四月也。《史記》作九年 津,以卜諸侯之心,此正敘觀 是建卯之月也。」文王受命七年而崩, 月」,見《大傳》,鄭彼注云: 王承文王年數,不改元,十 天子之子稱太子」,引此經下文「太子 案曰〕鄭云云者,此注殘 及魚入舟、火流 闕 曰:『伏羲、 周四 也 年觀 屋諸 兵事。 與 (鄭合。 王 瑞畢 兵孟 惟 四 則

後 案

四

行」也 也。 神 兵東行」者,天子六軍,時武王已備 里。」是文王墓在 而後啓 城之北 師 鎬京在西, 紂都朝歌在東, 故云「 没 行 古 曰 : 帝、 獨子愛其 明奉父命也。 劉 堯、舜 向 畢 畢,故馬 傳》「文、武、 陌 , 殂落, 死乎 在 長 云云。 鄭云「六軍 安 文王畢,孔 · こ 又 《 西 周 公葬 北 祭于 漢 兀 制 東 之

馬遷 云民 紀 馬、王皆爲之注,則不 在《太誓》者甚多,故馬以 其文有遺落者。 兩家所得,復皆有之, 又案曰』《太誓》 親 間 其 從安國問 他 得」,王 甫 漢魏 謐 輩見馬、王之疑之也 亦云「後得 子史中 凡書傳所引《太誓》,不 ·; 故 一篇出 成載《太 真孔氏舊書 ·斥爲 引之者 于 爲 誓》于《周 漢 僞 疑, 要之,就 明矣。 初, 一,更不 而鄭 也,但 伏、 本 可 司 亦 孔

之,而 紂 《舜典》、《汩作》等二十三篇,唐又亡《太 甚 不 敘 左。 今既 于學官,博士所習,亦竟 府,不列學官,其亡 誓》一篇,良可惜 馬、王本亡,而 又 未焚之書,建武亡《武 觀 共 便 能 事 上篇 此篇 詳 又疏 反 搜輯鄭、馬、 也 兵,後段敘 今考《史記》所載,猶約 稱 反 略 非 斥 遂 觀兵時 在 謂 伏、 則中、下二 此 别 唐 此 不 篇 撰 孔 篇 此 猶 伐紂 復分上、中、下, 《太誓》三篇, 所 爲僞《太誓》。 事,中、下二 篇 也。 存, 爲 王三家注, 傳 猶有説。 亦 僞, 也 篇亡者較 彼《逸書》藏在 孔 但觀兵事 成》一 與 穎 而 俱 爲 達 \Box 、亡矣。 略 篇,永嘉 僞本所奪。 篇 遂 彼 此 親 之文 唐作 可 多 反 采 篇則 但 伐 僞 見 尋 而 紂 列 書 前 掇 疏 如 段 云 列 秘

428

ĮЦ

者斬。」 師, 哉 乃 子受先公功,畢力賞罰,以定 蒼兕蒼兕,總爾衆庶,與爾舟 告 師尚父左杖黄鉞,右把白旄,以號曰 司徒、 予無知,以 司馬、 先祖之有德臣 司空、諸 節: 厥功。」遂 「 齋 左右,予 楫, 栗, 後 至 興

氏》疏。 平御覽》。 周本紀》。 《大雅· 司也。 ○《索隱》十卷。 之軍法重者。〔馬曰〕諸節,諸受符節 尚,立以爲太師 鄭曰〕師尚父,文王于 百四十七卷《兵制門》。 大明》疏。 蒼兕,主舟楫官名。《詩》十六之二卷 ○王欽若等《册府 班固《白虎通》卷上《諫静》篇。 〇又裴 ○歐陽 、駅《集 ○《周禮》三十七卷《秋官 ,號曰尚父,尊之。 詢 解 《藝文類聚》。 元龜》。 磻 ○又《齊本紀》集 溪所得聖人 ○王應麟《玉 ○李昉等《太 ○《史記 號 伊 解。 海 **令** 吕 有 耆

事 司), 故 馬、 日 不及。 司空,皆軍 鄭云云者,此注 大傳》謂「三公兼 中有 職 殘 者,餘 闕 也。 \equiv 司 攝 卿 徒 六 無

父。」與鄭合也。 此。 是耶! 望吕 卿」, 父。」是尊之也。 公 萬 云:文王在豐,豐人一朝扶老至者八十 所 也。」手部云:「把,握也。」又戉部云: 録》亦云:「師之、尚之、父之,故 曰: 公于渭之陽,與語大説,曰:『自吾先 戊,斧也。 太公曰:當有聖人適周,周 令,發號也。」是號、令相類,故云 號令之軍法重者」、《説文》「部云: 望。 ۲, 得」云云 《毛詩·大明》傳云:「尚父,可 望公七年矣。 尚者,東海上人。 非 至 也 載與俱歸,立爲太師。」鄭注 吾太公望子久矣。』故號之曰 磻溪之水,吕尚 今作鉞,从俗也。」鄭又云 者,《尚 鄭云「師 《説文》木部云:「杖,持 《齊世家》注引劉向《别 《齊世家》云:「太 書中候 尚父,文王于 西伯出獵, 釣崖,王 以 興。 雒 日師 師 「號令 趨 遇 磻 本 太 君 可

紂, 兕,馬以爲官名,當别有據。 渡,蒼兕害汝。」此説非也。 河有此異物,因以威衆,欲令急渡,不急 出 衡•是應篇》云:「蒼兕,水中之獸也,時 此經杖鉞、把旄 害吾意者 白旄,瞋目而撝之曰:『余任 晦冥,人馬不相見。王左操 浮揚,一身九頭,善覆人船。 渡孟 而 淮 號 津。 南子》卷六《覽冥 !」於是風 又嚴于令, 陽侯之波逆流 以 濟孟津之事也。 濟而 故 云 波罷。」即 、訓》:「武王 一軍 而王充《論 天下,誰 黄 而 法重 鉞,右 擊,疾 尚父緣 是述 敢

太子發升舟,中流,白魚入于王舟, ,出涘以燎之。 在 鄭曰〕白魚入舟,天之瑞也。 位 象紂無 以殷 ,未可伐也。 予 武 助。 王,當待 羣公咸曰:「休哉 得白 者,殷正色。 無助。 魚之瑞, 今尚 魚無手 天 即 意 王 跪 若

> 傳》。 童宗説《唐柳先生集注釋》一 前集》十六卷。 ○《太平御覽》。○《册府元龜》。 傳》李賢注。 駅《集解》。○《漢書》五十六卷《董仲舒傳》。 ○鄭樵《六經奧論》二卷。 言殷之兵衆與周之象也。《詩・周頌・ 岸上,燔魚以祭,變禮也。 王 《説文》十一卷上水部。 介鱗之物,兵象也。 ○《禮記 ○《司馬相如傳》。 天命 ○《宋書》二十七卷《符瑞志》。 》六卷《檀弓上》疏。 定 ○馬端臨《文獻通考》三百十三卷。 號 也。 ○班固《白虎通》上卷《爵》篇。 ○《後漢書》八十卷上《杜 ○《史記・ 白者,殷家之正色。 卷。 ○祝穆《事文類聚· 涯 「馬 ○《論語》疏二卷。 也 周本紀》。 曰〕魚者, 王 ○許 ○《終軍 思文》 出 〇裴 于 慎 篤

意同,是天之瑞也。云「白,殷正色」者,《後漢・光武紀》注引《中候》二十二《紀妖篇》云:「武王文,有字題目下,云授右。」注:右助也。云:武王度孟津,白魚人舟,「長三尺,赤云:武王度孟津,白魚天之瑞者,《詩》疏及〔案曰〕鄭云白魚天之瑞者,《詩》疏及

用特牛,此

因受瑞

而報祭,即以所得魚

牲,是權時之禮,故云「變禮也」。

云「燔魚以祭

變禮

也」者、祭天之禮、本

故云「涘,涯也」。

史切。」引此經以證。

舟下即云「王跪取」,故以爲得魚後「變 水部云"「涘、水涯也。从水、矣聲。 稱王」也。 朕稱王。 而此經「升舟」稱太子,白魚入 曰:我終之後,但稱太子。河洛復告,遵 王」者,鄭以《中候我應》說文王 子」,于是,武王乃「東伐紂」,是觀 時「三仁」猶在也。 曰:『紂可伐。』武王曰:『未可。』還 紀》既載 《禮記 今尚仁人在 居二年,聞紂 檀弓》云「殷人尚白」是 此 鄭知此時三仁尚在者、《 《釋丘》云「涘爲厓」。 經,下乃云: 位」者,謂微子、箕子、 殺王子比干 云「得魚瑞 · 是 一時 「諸 《説文》 戒 即 也 武 變稱 兵之 囚 侯 周 比 皆 師 箕

\
魚,「兵象」,非也。

哉! 天之見此以勸之也,恐恃之。」武王喜,諸大夫皆喜。 周公曰:「茂哉茂之爲鵙,其色赤,其聲魄,五至以穀俱來。至于五日,有火自上復于下,至于王屋,流至于五日,有火自上復于下,至于王屋,流

記后 《詩》曰:『詒我來牟。』」〔馬曰〕王屋,王 也。 鵬,摯鳥 所居屋。 即位,此 卒父大業,故烏瑞臻。赤,周之正。 以此瑞。《書説》曰:「烏有孝名。 穀芒,應周尚赤用兵。 王命曰,爲牟,天 舍上。流,猶變也。 鄭曰〕五日,燎後日數。王屋,王在之 ○《詩》十六之一卷《大雅·文王序》疏。 思文》疏。 若曰 《稷之德。」又《禮説》曰:「武王赤烏 燎後五日,而有火爲烏,天報武王 也。 時已三年矣。 流,行也。 須假紂五年,乃可誅之,武王 ○鄭樵《六經奧論》二卷。 明武王 鵬,當爲鴉。 能伐紂。《尚書大傳 穀,蓋 然,安定 牟麥也。 ○《史記・ 鴉,烏 〇又《周 武王

毛 文》卷四上隹部:「雅,楚烏也 動》篇略同。 足。」董仲舒《對策》及《繁露 經云:「有火 《禮説》,實是烏 鴉」,而又云「鴉,烏也」者,據《書説 者,時在 舍止之義,不 魚以 [案日]鄭 ○王幼學《綱目集覽》七卷《漢成帝紀 王所居屋」,當亦 本 ,爲五日也。 掌次》云「師 紀 祭之明日爲一日,數至祭之第六 鷽 軍行 師 云「五日 卑居。 中,不宜有 符瑞 明鵰字是誤。《詩 流 又《索 如 止,張 ○
《册) 云「王屋,王在之舍上」 ; 非 志》。 于王屋,化爲 鄭 田 謂 隱 ,燎後日數」者,謂 府 卑居、雅烏 則 確 鵬。 元龜 ○董仲舒《春 所 帷 張 也。 卷。 屋,故以舍上 幕 止舍處,但未 幕」是也。 《書大 帝 ○《漢 云 王部 「鵬,當 秋繁露 傳》 也。」《説 赤烏,三 同 類 引 董 仲 此 周 見 云

皆作雅 當爲注 説》者,何書 字音近 謂之説者、《鄭志》張逸問 説》者,皆緯書也,未詳其 説 鄭 烏,而《説文》亦以秦 音本通,自是一物。 因 作 本从牙聲,而牙古音吾,則鴉亦音吾, 尾住 鳥、从隹皆可。 説文》云「鳥,孝鳥」是 無據,亦不如鄭 亦云「鴉,烏 相似致誤 鵬。 名卑居,秦謂 讖 ,長尾鳥,而 ,皆謂之説。」云「烏有孝名」者 者同 時在文網中,嫌 鵰、鴉二字皆左聲右形,其右 而其左,周,篆作周,牙作Loc 也 用, ,故云「鵰,當爲 也」。 ? 故鄭注鴉,毛傳、《説文》 之雅。」考《説 則烏音烏呼之烏,與吾 通者 確 曰:《尚書》緯也 馬云「摯鳥」者,其 人所 故 甚多。 也。 也。 引秘 毛 (書名。 禮 謂 傳連 王充《論 注 書説》、《禮 書,故諸所 鴉」。 雅即楚烏, 雕 文》 曰 : 籀 稱 緯書而 雖 但 文 云 雅 鴉 即 古 短

ĮЦ

L

穀,故云紀之」是也。 云天意「須

符后》文。

彼注

一云「稷

好好

農

稼,

今烏

年」者,《多方》云:「天惟五

年須

夏

之子

暇

紂 \overline{H}

。」夏、暇

通

鄭彼注

<u> </u>

「天覬

《太誓》不解「五至」,而于《合符后》 也 形。」牟麥正穀之多芒者。 者,牟、麰通。 五 之,然于解畢火烏下, 暇 筝,从《詩》疏所引,今作「縫」,非。 文》卷五下來 此,是明以天意爲「五至」,示武王 此是解「五至」之意 三年,未滿五年,見未可誅 三年也。 作 年。 也。云「武 ,爲牟」,知此 「來牟」、《漢書》三十六卷《劉 王受 釐辨」,云:「釐辨,麥 八年 至十三年 至爲 命 部 王 七 一年也。 以《禮說》言「穀芒」、《説 即位,至此 即 年 云: 經 誅 而 位 「穀」即《 也。《思文》疏 「來,來 紂,是帀 崩 ·, 此 將解 武 云「穀,蓋 時三年」者,市 十一年, 王 紂。 也。 麰。 銜穀而具 又言二 象其芒刺之 詩》「來牟 踰 五. 一麥一 年 鄭具 年 始自天 向 牟 即 王命 當 雖 適 . 傳 待 言 言 解 須 币

改 暇 至 Ŧī. 年 ٠, 欲 使復傳子孫 "。 五 年

亦言

赤非烏色,由

火變成

,與充合也

又卷三《初禀篇》云:「文王得赤雀,武王

得

白

魚、赤鳥。

儒者論之,

以爲文、武受

命于天,天

用雀

l與魚、鳥授之。 天用

赤

雀命文王,文王不受,復用魚、烏命

武

王.

也。」充所

引乃漢

經

師

相

傳舊説,皆與

鄭

也。

云「穀

以

紀

后

稷

之德」

者,

思文》疏,本《書緯

旋

機

鈴》及《合

移在

周矣。」説

皆

與

鄭

合。

又卷十六《講

氣。先得白

魚,後得赤鳥,殷之統

絶,色

,殷之色。

烏,

孝

鳥。

赤

者,

周

之

應

十七《指瑞

亦

云:

「魚,

水

精

白

瑞篇》云:「火流

爲

烏,云其色赤。

非

烏之色,故言其色赤。」鄭以

流爲

動色相 恐恃之」之義也 天地,以饗魚、烏之瑞,然猶君臣祗懼 此瑞,而即戒以天命之不可恃。 當異日。言『五至以穀』,是第五至乃 注『五至,猶五來』,不知爲一日五至 降。」來, 七十七卷《劉輔傳》云:「武王、周公承順 通用也。「茂哉」即下文「勉哉」,蓋喜得 穀。」然則本因烏銜來,呼來牟,後又爲 爲行來之來。」《思文》疏云:「《合符后》 文》云:「來,周所受瑞麥。 〈繁露》引同。《對策》又引作「復」,音同 行來」字也。 戒。」是正 讀 釐, 茂、《釋詁》云「勉也 説此經「茂哉茂哉 釐 奔 即 來 天所 牟 來也 也。 《漢書》 一,爲), 故 有 説

疏。○《禮記》六卷《檀弓上》疏。○《儀禮》二卷《士昏禮》禮》二十五卷《春官·太祝》疏。○《儀禮》二卷《士昏禮》使上附以周公書報誥于王,王動色變。《周

之瑞,使上附以周公書云云,然則此節〔案曰〕《周禮・大祝》疏引此,稱得火烏

「茂哉恐恃」者,故「王動色變」。正劉輔正當在此。其云「周公書」,殆即所謂

所謂君臣「動色相戒」也

紀》。 部。 《尚書大傳》。 三十七卷。 志》。○《太平御覽》四百六十七卷《人事部》。○《玉海 子》疏。○鄭樵《六經奧論》二卷。○《説文》十二卷上手 又二十之二卷《魯・閟宮》疏。○《禮記》二十卷《文王世 **薣譟,師乃搯,前歌後舞,極于上天下** 意,未可伐。」維丙午,王還師。 皆曰:「帝受可伐矣。」王曰: 百諸侯不召自來,不期同時,不謀同 ○班固《白虎通》上卷《禮樂篇。》○《史記 ○《漢書》四十六卷《婁敬傳》。 ○《詩》十六之二卷《大雅 ○《宋書 「爾未 ·大明》疏 前 師 周本 知天 詞, 0

丙午」六字,亦以爲經文也。 言《書》曰,據諸文當爲《太誓》,故 傳》引「維丙午」至「 來,古音釐。 咸會而不竟伐 〔案曰〕此一節集合諸文而鈔之。 來、時、詞,諧 者,爲欲 前 歌 後 須 舞」云云,不 之五五 韻 「還」或作 也。 年也。

喜也。 讙 前歌後舞 也。」房玄齡注云:「謂之篡,豈能使紂 文義尤 爲擊刺。 旋右抽 云。 喜如此。 或有鼓, 『左旋右搯。』土刀切。」今《毛詩》作「左 臣代其君,篡也。 逮」,誤 也。」且引此經以 大司 疑當 一。」晉常 捾 搯者, 撃也, 衆大喜,前歌 相 也。 」、《説文》所引不知何本,据彼以 也 爲 乎? 《管子》卷十三《白 或 `馬》云「車徒皆譟」,鄭云:「譟, · 合。 而《大傳》作 璩《華 拔兵 从 有 拊 鼓亦擊也。 手,舀聲。 , 拊 罐呼之聲,徹于天地,其 拊 鼓銭髞」 則 刃以撃 武王以臣代 陽國 圃 證。 亦擊 篡何能歌, 後舞也。」似與上下 讙 「慆」,鄭注:「慆, 然則師心喜悦 志》卷一《 耳。 譟 鍰,≪説 者 刺。 《周 耳。 鼓 心》篇云: 譟者 《詩》 書》 君 從 文》無此 《説文》 武王 · 曰 云 攴 (巴志 曰 : 周 理 衆 是

> 實事 篇》云: 斥《武成》爲僞哉 山 係敘事多,詞令少。 以觀兵事但從武王口中帶述「觀政」 其類也,豈可廢乎? 王語罪狀紂者,排 句,于是後儒遂不信有此事。 師之事,乃《太誓》之上篇 稱之曰 [又案曰]自此以上,皆敘十一年觀 盡信,如孟子之疑《武成》可 誕。 、盡遭割棄,于是白魚、火烏,世且 前歌 「 武王 不知 後舞。」皆是説此 代約 履帝敏歆、玄鳥 巴師 今僞本則三篇皆 堆 即或史臣 垛 歌 也。 己 舞以 、經之事 甚, 晚出僞 且此篇原 增飾, 生商 也, 豈得 凌, 而 兵還 故 也 時 武 本 世

史繩 月》疏。○《説文》三卷下攴部。 十三年十二月戊午,師畢渡孟 有政有居。」《尚書大傳》。 會,曰:「孜孜無怠 祖《學齋佔畢》三卷。 雅 鴻 雁 〇又十二之一 天將有 ○《詩譜序》疏。 ○《史記 立父母,民之 津,諸 卷《小 周本紀》。 〇又十 侯 • 正 咸

即繼 《序》。《太誓》全篇已亡,今以意定之, 侯。 《本紀》前一段,「武王上祭于畢。 還師歸」。此皆櫽括上篇 其下即繼以 千人,以東伐紂。] 其下即繼 可以不畢伐。」遂率戎車三百乘,虎賁三 「于是武王徧告諸侯曰:"殷有重罪,不 以「是時,諸侯不期而會孟津者八 兵,至于孟津。」其爲敘觀兵事固甚 疏,上篇敘觀兵,中、下二篇敘伐紂。 而斷以此節爲十三年伐紂 正。考《史記》所述年分皆誤,其説已詳 十三年,《史記》作 序》云「一月戊午,師渡孟津」,正與此 則此節爲 皆曰:"|紂可伐。]王曰:"|未可。]乃 以「居二年,聞 自 此以 魚躍、火流二段。其下即繼 中篇,敘伐紂 下,爲《太誓》中篇之詞 十一年。 紂昏 亂 經文也。 事無 暴 事者,據孔 以 虐滋甚 此節之 疑。 鄭説 、 百 諸 東觀

> 三年。 作 引馬、鄭注。 連,「孜孜」句,據諸家皆引作經文,則 畢伐之故,語氣不似經文,且 者,上文一段乃史遷述武王所 十二月也。 目耳。十二月本當爲一月,周一月, 上三句亦經文矣。 且有此年月,方見眉 四 月,此 尤有 然上文一 確 無 據 此節則與「孜孜無怠」句 他 也。 段不 文可從,只 前 人經 已改 而 九年, 得 裴 以 此 駰 不 節 改 從 亦 可 作 他 知 不 相 不 殷 經 文

也。 將有立聖德者,爲天下父母。 民之得有 書》」云云,「子之切。」 史作孳,古字同 云。然則「毋怠」與「天將」文連,此乃第 王伐紂,衆咸 一次興 説文》「孜,汲 又案曰〕《詩譜序》疏 《鴻雁》箋引下二句,而疏云:「言天 師伐 紂 曰『孜孜毋怠! 而 汲 諸侯 也。 云:「《太誓》説 从攴子 勸勉武 天將』三云 聲。 王之言。 《周 武

則夸矣。 作民父母」,語實本此,而改爲武王語,善政,有安居。」東晉晚出僞本云「元后

司馬在前。

公在前也。 ○《太平御覽》四百六十七卷。○《玉海》三十七卷。 〔案曰〕王以司馬爲太公者,前觀兵之 〔案曰〕王以司馬爲太公者,前觀兵之 〔至〕司馬,太公也。《詩·大雅·大明》疏。

格言:《周禮·春官·太祝》疏。 周公曰:「都! 懋哉! 予聞古先哲王之

古」云云之説。編之。格,正也。正言,疑即下文「正稽編之。格,正也。正言,疑即下文「正稽〔案曰〕雜采諸文,不能定其先後,約略

集》九卷。○《如其《學齋佔畢》三卷。○《翻譯名義三十七卷。○《太平御覽》四百六十七卷。○《玉海》祭南郊議》。○《太平御覽》四百六十七卷。○《玉海》傳》。○《文苑英華》七百六十一卷褚无量《皇后不合

話》文。
(案日〕鄭云「丕,大」、「律,法」、並《釋

筆》一卷。 者逐。」劉向《説苑》二卷《臣術》篇。○洪邁《容齋續國政而無益于民者退,在上位而不能進賢「附下而罔上者死,附上而罔下者刑,與聞

都! 懋哉! 予聞古先哲王之格言」以 為可信。《漢·武帝紀》元問公曰: 為可信。《漢·武帝紀》元同公曰: 以之格言,繼諸侯「孜孜」之語而進者。 《之格言,繼諸侯「孜孜」之語而進者。 《之格言,繼諸侯「孜孜」之語而進者。 《之格言,繼諸侯「孜孜」之語而進者。 《文之格言,繼諸侯「孜孜」之語而進者。 《秦曰〕《太祝》疏引《太誓》之,與《説苑》文同。蓋《太誓》 《之格言,繼諸侯「孜孜」之語而進者。 《秦曰〕《太祝》疏引《太誓》之,與《説苑》文同。蓋《太誓》 《秦曰〕《太祝》疏引《太誓》之,與《说元文秘典,所引《太誓》 《秦曰〕劉向親校古文秘典,所引《太誓》

公所陳格言,拜而受之也。自有文然。既相承引之,則是武王聞周下,「天子發拜手稽首」言以下,則其間

武王乃作《太誓》,告于衆庶:《史記·周本紀》。 此後 例也 麟」,哀公見存,亦必後人加謚,皆 誓》「乃誓」、「予其誓」相類。 凡誓誥,篇 〔案曰〕自此 子,當爲後人填補。《春秋》絶筆「 宣、鄒穆、滕文、魯平,未必皆前卒于孟 首皆有之,故定爲經文。武王乃死謚, 此節似是其篇首之文,句 格爾衆庶」、《盤庚》「綏爰 人增加。 以下爲《太誓》下篇 孟子手所著梁惠、襄,齊 法與《湯誓》 有衆」、《牧 之 其 獲

人。〔案曰〕《谷永傳》及《敘傳》引此經,師古皆以爲今先祖之樂,乃爲淫聲,用變亂正聲,怡説婦毀壞其三正,離逷其王父母弟。乃斷棄其「今殷王紂,乃用其婦人之言,自絶于天,

壁中古文亦載此篇,與伏生合也。既以梅賾所獻爲真古文,遂目此爲今文。其實則鄭所傳文《尚書》。蓋此篇伏生所傳今文二十九篇本有之,師古

水出。 弟,舉親者言之也。〔馬曰〕毀壞三正, 之,爲晉平公鼓之。 自沉於濮水。 亡國之音也。 弟見其親也。《樂記》:「桑間濮上之音, 者,鄭意以王父母弟即從父昆 ○又《敘傳》。○荀悦《漢紀·孝昭皇帝紀》。 ○《漢書·禮樂志》。○又《五行志》。○又《谷永傳》。 動逆天地人也。《史記・ 曰從父昆弟,而曰王父母弟,是欲 「必言母弟,舉親者言之也」者,不謂之 同祖者,故以 濮水之上,地有桑間者,亡國之音於此 案曰〕鄭云「王父母 鄭曰〕王父母弟,祖 昔殷紂使師 爲 其政散,其民流。」鄭注: 後師 祖父母之族。 延作靡靡之樂,已 涓 桑間在濮陽 父母之族。 弟, 過 周本紀》裴駰 馬 祖父母之族 夜聞 弟,與己 鄭 必言母 南。」 以母 又云 集解 而

云云者,説見《甘誓》。注。正所謂爲淫聲變亂正聲者也。馬妖篇》、《吕氏春秋》卷一《孟春紀》高誘妖篇》、《吕氏春秋》卷一《孟春紀》高誘三《十過》篇,王充《論衡》卷二十二《紀此事見《史記・樂書》,又見《韓非子》卷

可再,不可三。」「故今予發,維共行天罰。 勉哉夫子! 不

駅集解。
(鄭日〕夫子,丈夫之稱。《史記・周本紀》表

理,故申戒之曰不可再三。上節陳紂後,此爲再舉矣,若不成,則無復來之后,夫子者,曾子親没之後,齊嘗聘以爲卿,夫子者,曾子親没之後,齊嘗聘以爲卿,夫子者,曾子親没之後,齊嘗聘以爲卿,夫子者,曾子親没之後,齊嘗聘以爲卿,秦子者,曾子親没之後,齊嘗聘以爲卿,秦子,曾元稱曾子爲夫子,鄭彼注云:「言己案曰〕鄭云「夫子,丈夫之稱」者,《檀

誓》經文無疑。 駰于此二節,皆引馬、鄭注,則其爲《太于後,明係兩篇之文,非複出也。且裴然《史記》既載此二節于前,又載《牧誓》罪,此節明己志,其文多與《牧誓》相同。

尚書後案卷十

0

尚 書後案卷十

東吴王鳴盛學

周

書

牧 誓

時甲子昧爽,〔《釋文》曰〕昧音妹 甲子之日,二月四日。 《詩》十六之二卷《大雅・大明》疏約鄭義。 具。其有不具,史闕耳。 早旦。〔疏曰〕《春秋》書 昧,未旦也。《釋文》。 鄭曰〕《詩》曰:「肆伐大商,會朝 [傳日]是克紂之月 昧,冥,爽,明; 動,日月時年皆 《尚書》記言, 〔馬曰〕 清明。」

要甲子之事于牧野,而紂爲禽。」又卷十 身。」高誘注云:「一日,甲子之日也。 死,桀以乙卯亡。」《戰國策》卷三《秦策 知也。 五《貴因覽》云:「武王至鮪水,殷使膠鬲 云"、「武王虎賁三千人,簡車三百乘,以 《吕氏春秋》卷八《仲秋紀• 武王將素甲三千領戰,一日破,禽其 篇云「子卯不樂」,鄭注云:「紂以甲子 公望爲號,到牧野便克紂,故曰一日。」 之正月,周之二月也。」《禮記・檀弓下》 〔案曰〕鄭云云者,此注殘闕也。 《史記》 日」,是周之「二月四日」,以歷推 編次,故不具也。 邑」,與此「甲子」皆有日 直指設言之日 一》云:「紂將甲百萬,以與周武爲難。 「甲子」上有「二月」字,徐廣注曰:「此殷 洛 「克紂之月甲子之 誥 無月,史意不 戊辰,王 簡選》篇 在 而

信也。 也。 甲子之日也。」高誘注:「武王誅紂,以 子》卷十三《氾論訓》云:「殷之敗,非 休之。]武王曰:『吾已令膠鬲以甲子之 武王疾行不輟,軍師皆諫曰:『卒病,請 候周 負。」據此諸文,皆與經 云"「武王以甲子日戰勝,紂以甲子日戰 子尅之。」《論 以救膠 期報其主矣,今甲子不至,是令膠鬲 以是報矣。」膠 之?』武 《武成》疏引《帝王世紀》所載,全取此文。《淮 揭至?』武王曰:『將以甲子至殷郊,子 大明》文,與此「昧爽」合,故鄭引 師, 鄭引《詩》「肆伐大商」云云者,《大 彼箋 云「伐 鬲之死也。」果以甲子至殷郊。」 膠鬲不信,其主必殺之,吾疾行 武王見之。 王曰:『將之殷 衡》卷二十五《詰 鬲行,天雨,日夜不休。 殷,合兵以 膠鬲 所云「甲子」合 也。 曰:『西伯 膠 清 鬲 紨 將 甲 南 何

> 《儒效篇》云:「武王行日,以兵忌, 《詩》,交相 日」,當爲五日,説詳《後辨・ 旦,謂未明以前」也。 于牧之野。」楊倞注云「厭,掩也,夜掩 而 迎太歲,至汜而氾,至懷而懷,●至 傳合也。 文》日部亦云:「昧爽,旦明 晚則塵昏,旦則清,故 爽」字不解,于義未備也。 山隧。 明是昧 牧誓》曰」云云,疏 馬云「未旦」者、《荀子》 朝食于戚,暮宿于百泉, 爲證也。 爽之義。」《牧誓》注 此與馬合,但遺 朝旦爲清 昧爽,昧 曰:「引《牧誓 也。」與 武成》。 傳云「 而 明 亦 共 卷 厭 鄭 東 引此 明。 漏 于 四 頭 四 及 日 面

《説文》卷十三下土部:「坶,朝歌南七十里地。《周書》:《詩・大明》及《禮記・樂記》並引之。「牧」本作「坶」,徐音茂。《説文》作「坶」字,林音母。○〔案曰〕此文鄭注王朝至于商郊牧野,乃誓。〔《釋文》曰〕牧如字,

下「懷」、《荀子》作「壞」。

作牧、《禮記》及此作坶,古字耳。」則知此字在唐初已諸 文》云:「坶音牧,本又作牧。」疏云:「《牧誓》及 則皆據僞《書》,非真古文。 武 ·姆,古文《尚書》作梅。」郭忠恕《汗簡》卷下之二同 書 互異,古俗通行。 礼 王 氏, 鄭與之合, 戰 於姆 野。」从 其後不知何時又一槩俱改作牧也 確然 至今本《毛詩 可 土 信。 。 母 毫玉 聲。 篇》上土 莫六切。」 》亦作牧,而《釋 《書序》皆 許 慎偁 此。

名牧。 言野。 衆,戒敕之。 知出 據。 而誓。 郊,乃復倒 何不然之甚也。《武成》云癸亥夜陳, 疏曰〕傳言「牧在近 鄭日」郊外日 雨。 皇甫謐云: 何 《尚書》疏。 是癸亥夜已布陳,故甲子朝 書 癸亥夜陳,甲子 而鄭云「郊外曰野」,豈王行已 也。 退適野,誓訖,而更進兵乎 野。 牧是郊地 「在朝歌 傳曰〕紂近郊三十里地 將戰於郊,故至牧野 郊三十里」,或當有 朝誓、將與紂戰。 , 戦 南七十里。」不 在平野, 而 未 至 故

外謂之郊,郊外謂之牧,牧外謂之野。」 案曰〕鄭云「郊外曰野」者、《釋地 邑

言

詩·大明》云「牧野洋洋」,傳云:

「洋

《毛詩 坶野 既進百里之遠郊,而至七十里之坶 都。 内,近郊之外。「王至于商郊坶野」 故《周禮》六遂在遠郊外。《遂人職》云 牧外野,若大判而 嫌,坶亦是 牧,若全引《釋地》之文,恐與坶 春注《載師》云:「五十里爲近郊,百里爲 今鄭乃 『凡治野田』,是郊外總稱野也。」又杜子 釋地》疏云:「以細別言之,則郊外牧, 將戰于郊」者,統 郊。」鄭注《君陳序》略同。 云「郊外曰野」者,謂近郊之外。 坶 也。 在朝歌南七十里,是在 云云,蓋鄭 駉》傳云「郊外 里, 僞 地遠近之稱,故略 傳强 距 或 以 言,則野者郊外通名。 謂 意 商 都 以 近郊遠郊之間,即 郊、牧野爲一,妄 何 經 日野」,與 如 坶 此 之也。 朝歌, 遠郊 字相 今文 鄭 近? , 是 作 且.

遠

此寬 之地 牧古今字通故也。 里」,此本《説文》是也。 意而 隱 詐 故爲參差,掩其迹耳。 地。」亦與《説文》合。 亦云「朝歌南也」。皇甫謐云「牧在朝歌南七十 洋,廣也。」箋云:「言戰 七十里得之。鄭注《序》:「牧野,紂南 精以 也。」疏 廣 强駁之,大謬。當以《說文》朝歌 不用權詐。」若距 戰 虞。』●是設權必依 地? 云:「《少儀 抑僞傳實出謐手,此又互異,恐是 疏力護 而疏云不知何出,是不知坶 國 》 日 : 司馬彪《續漢志》 僞傳,又誤 都 地 險 寬 三十里,安得 阻 廣,不用 軍 故故 旅思 會鄭 寬 險 南 廣 權

呼會反,車鑾聲,非斧也、《詩》曰「鸞聲鉞鉞」。斧戉之戉無 方」,傳訓 西土之人! [《釋文》曰〕杖,徐直亮反。 王左杖黄鉞,右秉白旄,以麾。 从手靡聲。」此秉旄爲指摩,當从之。逖,遠。《釋詁 旄音毛。麾,許危反。 麾字不成文理。《説文》手部云:「摩旌旗所以指摩 遠,疏引《釋詁》亦作遠。 郭璞引此經以 證,亦作遏。《詩• 逖,他歷反。 郭忠恕《汗簡》卷上之一 曰:「逖矣, 抑 〇[案日]鉞 鉞音越,本又 》篇 「用遏罐

引古文《尚書》同。今此作逖、恐非。

矣,西土之人。 右手把旄,示有事于教。 以黄金飾斧。 馬 曰〕白旄,旄牛尾。《釋文》。 左手杖鉞, 勞苦之。 逖,遠. 示 無 「傳 事 也。 于 [日] 鉞 遠

云:「氂,氂牛尾也。」氂、旄古字通也。〔案曰〕馬云云者,《説文》卷二上犛部

王曰:「嗟! 我友邦冢君,

曰〕同志爲友,言志同滅紂。〔馬曰〕冢,大也。《史記・周本紀》集解。〔傳

御事司徒、司馬、司空,〔案曰〕馬云「冢,大」、《釋詁》文。

徒治徒庶之政令,司馬治軍旅之誓戒,稱王,應置六卿,今呼治事惟三卿者,司司空主土,指誓戰者。〔疏曰〕孔以時已〔傳曰〕治事三卿,司徒主民,司馬主兵,

● 「精」、《尚書正義》引作「情」、《禮記·少儀》亦作

及太宰、太宗、司寇也。司空治壁壘以營軍,是其誓戰者,故不

同,解 武 卿,是夏之異于虞者,亦不知所益 卿,舉下以爲稱,則止有六卿,此益 爲夏制。 考官數,虞六十,夏百二十,殷二百四 公、司空公。 每一公三卿佐之,每一 以説之,云:「天子三公,司徒公、司 三公、九卿、二十七大夫、八十一元士。」 御于家邦。」箋云:「御,治也。」引《 十,周三百六十。此官百二十,故鄭 三大夫佐之,每一大夫三元士佐之,故 云乃告 [案曰]傳以御訓治者、《思齊》詩云:「以 越乃御 王時已定, 又不可考。 亦當同。 事」以證,是御爲治也。 司 伏于《虞傳》言三公,一公兼二 徒、司馬、司 若《周 則周制異于 伏生《大傳》于彼文引傳 禮》六卿之制 空」,此文與 夏,同于虞。 《太誓》 一何卿。 馬 卿 彼

> 公。 攝六 伏 征伐,六卿 竊謂三公兼 疏 中有職掌之人,所以 生何 則 、卿以 注疏説是,不必從伏也。 此 以 據 行? 且不必 卿 夏 卿 制説 與三公無 則 雖立制如 知 盡從,又 之,殊 此經三卿, 舉之,無庸 涉 不 此,此時 」, 説 何用三 可 與 自 牽 (伏異。 一公徧 爲 出 依 軍 師

「亞旅、師氏,

次卿。 王宫。」 詁》文。大夫位次卿而數衆,故以名之。 〔傳曰〕亞,次。旅,衆也。 之門外。 重,故别言之。 師氏亦大夫,其官掌以兵守門,所掌尤 曰〕「亞,次」、《釋言》文。 「旅,衆」,《釋 内列,蕃營之在内者也。 使其屬帥 師氏,大夫官,以兵守門者。 四夷之隸,各以其兵服守王 在 野外,則守内 《周禮·師氏》中大夫, 衆大夫,其位 列。」鄭 守之如守 **云**:

又云: 門,路 其 會 蓋 如之。」此一節又承虎 朝。」疏云:「即上數事 察也。 有 聽治,故從王亦如上 韶王。」此一節 亦如之」,注云:「謂王舉于野外 在皆須詔王美道 王舉則從。」注云:「舉,猶行也。」 疏 以媺韶王」而别言之。其下又云「聽 此數事,王行之時, |。行人不得迫王宫也。] 此一節 如祭 屬 同 且蹕。」注云:「門外,中門之外。 帥 亦 朝 「凡祭祀、賓客、會同、喪紀、軍旅, 寢門也。 祀 几 有 之事故 夷之隸,各以其兵服守王之門 \pm 在 則南 畿 視 也。 外者, 朝,若 指 北 王 故也。」此一節是承 視朝 視 郊、 至其下文又云:「使 師 朝 軍旅更不待言, 虎門之左,故云亦 有 門 ,王所在皆有 詔 Ш 于 氏則從,]1] 王 節 路 道 ,皆在野 而言。 而 寢 可 門 别言之。 以 以 則别 朝 王 則 外 굸: 治 聽 所 以

卿三

命,其大夫再命,其士一命。

。侯伯

故

《周禮

• 典命》: 『公之孤四

其

年》:「魯賜晉三帥三命之服,亞旅皆

命之服。」杜亦曰:「亞旅,大夫也。」正

義

大夫也。」正

義引《牧誓》爲証。

又《成二

承命于亞旅。」杜預曰:「亞

旅,上

五.

年《

傳

華

耦

來盟

,公與之宴。

日

门亞旅

次卿

故故

傳

以

爲

大夫。

文十

云:「居虎門之左,司王朝。」注云:「虎岩平日無事,燕見詔王而言。其下又

是其官大夫也。

其職則云"「掌以

微認

鄭注云:「告王

以

善道也。」此一

地官·序官》云:"「師氏,中大夫一人。」

春秋

時事,

異于《周禮

一》。」據

此,則亞旅

大夫甚明。

師氏

者

傳

云云,疏

云云,

命之服。

《周禮》大夫再命,此一命者

魯賜以三命之服。

亞旅,大夫,故受一

之卿、大夫、士亦如之。』此三帥皆卿,

以兵 作僞 師氏 主。 言,後二節專指守衛之事。 氏 敵誓衆 此上所引六節,其 節則别 營之在 朝在 非 一官,職掌以 、守門 在宫 傳者當 且下文「稱爾戈,比爾干,立爾 疏 今不引守 亦在其中,正所謂各以其兵者也。 野 内者 呼 呼 雖 敘 外 1;在野 王 中 知 ,師氏 ,則守内列。」注云:「内列,蕃 云 連 在 也。 守衛之事。 内 野 機認 引二節,而 師 告之,當以 外 守之如守王宫。」此一 列 外守衛之事。 氏,中大夫。在王宫 則 前 王,又主以兵守衛 反引守門 守 四節 其 下 内列」,方爲 俱指 此經武 兵守内列 詞 文又 不别 ,疎謬已 詔 矛, 王 王 云 白 明 爲 而 師

「千夫長、百夫長,

師長、卒長。《尚書》疏。〔傳曰〕師帥、卒〔鄭曰〕師帥、旅帥也。《尚書》疏。〔王曰〕

孔不 爲千 師帥,百夫長爲卒帥。」王與孔同,鄭與 師 帥 帥 同 孔以 夫 長。 (疏 皆 中 日 師 大 ||《周禮||*: 長、帥義同,故以千夫長爲 雖二千五百人,舉全數 夫。 百 人爲卒,卒長 二千五百人爲師 皆 亦

異。 也。 百人 則 五百人之帥爲旅 (案日) 與二 注是,王及傳 八之帥 但 王及傳疏解千夫與鄭同,惟百夫則 千五 鄭云 以百夫長爲即百 爲 師 百 「師帥、 帥 人 疏 帥 非 而 舉全數則云千夫長 ,舉全數則云百夫長 也 旅帥 稱千夫者絕不類 人爲卒之卒長 也」者,二千五

王者國名 本紀》集解。 (馬曰)武王所率,將來 〔傳曰〕 羌在 西蜀 八 國皆 叟, 髳、微在巴蜀 伐 紂 **蠻** 夷戎 也。 《史記 狄屬文 周

盧、彭 也。 蜀都分爲三,羌在其西,故云「西蜀叟」。 北」者,在東蜀之西北也 漢之巴郡所治 遣叟兵五千人助之。」是蜀 元年,馬騰、劉範謀誅李傕,益州牧劉 叟者,蜀夷之别名,故《後漢書》: 之夷,蜀名爲大,故傳據蜀而説。 先解羌。云「羌在西蜀叟」者,濮世 知,孔不説。 夷先屬焉。 曰]八國皆 蜀都賦》云:「三蜀之豪,時來 「髳、微在巴蜀」者,巴在蜀之東偏, 在 西 西南 北 大劉以蜀是蜀郡,顯 又退庸就 江 庸、 夷,文王 州縣也。「盧、彭在 濮 在 濮解之,故 國 江 漢 在 夷有名叟者 之 西,故 時 南。 往。」是 「興平 左思 以 西 焉 西 次 南 口

《傳》,庸、濮伐楚,楚人出師,百濮罷。爲王率,則是與謀也。庸者,文十六年年《傳》云:「凡師出,與謀曰及。」八國既〔案曰〕馬云云者,釋經及字義也。宣七

姓者。 縣, 縣。 城, 陽 如 用。」●則蜀是西 「云誰之思,美孟庸矣。」毛傳:「庸,姓也。」此 推 魚,庸三邑。 屯聚, 見難 庸縣,屬楚 越自石溪,子貝自 裨、鯈、魚人逐之。 使 《從楚師,遂滅庸。」 杜 使,蜀長 而知。晉上庸,今爲湖 庸 廬 其地在江之北, 濮在江漢之南」,殊不 志 · 巴志》篇云武王伐紂,實得巴 石溪、仞、入庸 蜀者,《漢書· 地 戢 梨侵 小國。 則散 老多言 一庸縣 魚,魚復縣,今巴東 庸, 南夷大名。 歸。 東有方城亭。 及 百濮, 仞 通 道。」據此,則庸 司馬 庸 戢梨,廬大夫。 以 楚 西 漢之南。 預 師 方 伐 南夷之不爲 夷 相如傳》: 城。」 庸 北 分明。 也 晉常璩《 爲 鄖陽 「庸,今上 楚 秦人、巴 而 裨、鯈、 濮夷無 《 詩 》: 隊, 師 以國爲 永安 府 地 華 云 或 房 口 方

「國」、《漢書》無。

云 正 有 則 尋毛、鄭之意,當與《尚書》同音莫侯反。 鄭箋:「髦,西 羌傳》:「武王伐商,羌、髳率師 字,蓋出於明、章以後。 中始見。 表》「寳叟青羌」,徧檢《史》、《漢》《西南夷傳》,並無叟 西方者。」傳云「在西蜀叟」,然叟者蜀夷别名,後漢 國,是大名也。羌者,《説文》羊部云 蜀之師,著乎《尚 「自彼氐羌」,鄭箋云:「氐羌,夷狄國在 吕布軍有叟兵」、《劉焉傳》「遣叟兵五千」、《劉 送曳兵三百人」、《張嶷傳》「曳夷數反」,武侯《出 西戎,牧羊人也。」《詩·商頌 義 髳 云「西夷别名」。 國從焉。」《釋文》云:「髦,舊音毛。」 殆魏晉人假託耳。 云: 傳言「夷髦」,不辨其 亦 如 故《卬都夷傳》「蘇祈叟二百餘人」、《董卓傳 西 蠻 如 戎 髦。」毛傳:「髦, 也。 夷别名。武王伐紂,其等 書》。 今傳云云,豈果武帝時有此稱 《詩 知者,武王伐紂,八 **髳者,《後漢** 意以 小雅 巴蜀 方之所在 夷髦也。」 會牧野。」 ·殷武 書 總 角 璋傳 目 弓》 西 各

陽縣,蓋彭 史伯曰:「叔 者、《左傳》:「巴、濮吾 惡之,夜爲刺客所殺。」《光武紀》李賢 傳》:「征公孫述至武陽,所營地名彭亡, 或 山縣東。」按今四 注:「武陽縣屬犍爲郡,故城在今眉州 侵庸者,即盧 廬,音同。」據此則文十六年《傳》楚使廬 戎,南蠻。」《釋文》:「盧如字。 與盧戎兩軍之,大敗之。」 杜預曰:「盧 盧者,桓十三年《左傳》:「屈瑕伐羅 古髳國。今疊宕以西,松當慈静等州以 也。《括地志》云:岷、洮等州以西爲古羌國,以南爲 土之人。」是西方也。 [從之,其中 濮」,韋昭 「南至于濮鉛。」杜 國故墟,故 逃難 也。 有 注 一川眉 于濮而 : 「濮, 彭者、後漢書・岑彭 又 曰: 彼髳 州彭山縣即漢武 南 有彭亡之名。 預《左傳釋 南蠻之國。」《爾 蠻。」又「楚蚡冒 此髦,音義同 也。」《 逖 南, 本或 矣! 鄭語 皆是 例 隆 作 也 羅 西

見《立 漢 • 丹沙所出。」王應麟補注云:「卜人即濮人。」《禹貢》 鑾 辰州府,實古濮地 蠻別名。」又「卜人以丹沙」,孔晁注:「卜人,西南蠻 會解》: 伊尹爲四方獻令,正南有百濮。 云:「建寧郡 荆貢丹砂」、《通典》「辰州貢光明砂四斤」。 則今湖南 也。 邑落自聚,故 李恢傳》「賦出叟濮」是也。《周書・王 並 政》云:「夷、微、盧、烝。」彼既 稱,與此經正 南有濮夷,無君長總統,各 也。 稱 惟微者,他無可考,但 百濮。」又稱叟濮、《後 同,則知微亦 孔晁注:「南 南 以

日〕比,徐扶志、毗志二反。 「稱爾戈,比爾干,立爾矛,予其誓。」〔《釋文》

尋曰常。」然則戈戟長短異名,而云戈即有六寸,車戟常。」鄭云:「八尺曰尋,倍是戈即戟也。《考工記》云:「戈柲六尺云:「戟,楚謂之孑,吴揚之間謂之戈。」(疏曰〕「稱,舉」、《釋言》文。《方言》〔傳曰〕稱,舉也。 戈,戟。干,楯也。

之。」注:「戟,今三鋒戟也,内長四寸半, 接柲者也,長四寸,胡六寸,援八寸。」 胡長六寸,援長七寸半。] 江氏永曰: 鄭司農云:「援,直刃也,胡,其孑。」又: 之。」注:「戈,今句孑戟也。 記》:「戈廣二寸,内倍之,胡三之,援 正。莊四年《傳》「授師孑」是也。《考工 之孑」。 孑俗刻誤作干,遂不可讀,今改 也。」傳又云「戈,戟」,疏引《方言》「楚謂 恕《汗簡》卷上之一亦云:「古文《尚書》 偁乃通用字,當从《説文》作「爯」。 云:「爯,并舉也。」《釋言》:「偁,舉 干,關西謂之楯。」是干、楯一也 又云:「楯,自 戟者,長短 戟廣寸有半寸,内三之,胡四之,援五 稱」作『再』,今本作『稱』,恐衛 案曰〕傳云「稱,舉也」者,《説文》 講部 雖異,形 弱 而 東或謂之楯 制 則同也。《方言》 内謂胡 包改 郭忠 也。」 以 四

穎考叔 戟胡 以 傷 出 句之,斷 刺與援者也。 伯,用援用 爲鄭人所獲; 斷其足」,當亦是戈胡擊 瞫取戈以 以戈殺之』,此用 士華免以戈殺國佐,長魚 『子南以戈擊子哲 反反 鉤之。 于井? 本欲生禽之,故不用刺 斷 横直皆三寸,其間 能 靈 也。」觀此 皆 禽鉤 肘而 長 鉤之而胡之下鋒 斬囚」,此 有 蓋鉤 輒 胡 狄 曲 者也。 皆 倒戟禦公徒」,皆儗用戟之 死。 僑 樂樂乘槐本而覆,或以戟 狂狡倒戟出鄭人于井,反 胡 其 可。云『殺子都,拔戟 則戈戟 如,『富 援之直刃摏之也 而 衣若帶, 皆用下 而傷,苑 用胡之曲 異用。 鉤 樂樂, 甚 相 父終甥 之刜 與 狹,何 胡 貫 似 矯 是以 以 何忌刜 、援,而 前 鉤 斷 而 刃斬之也。 以戈 ^ 之。 春 肘 實異用 人者也。 摏 ,曳之而 能鉤 其人不 秋 而 其 殺 用 他 林 『狼 傳 喉, 胡 逐 駒 若 雍

> 及之,是兵車不建夷矛也。 等,斯最崇矣。夷矛三尋,太長,彼文不 數,酋矛常有四尺,崇于戟四 知此是酋矛者、《考工記》言車有六等之 矛者酋矛 傳 扞也。」孫炎注「干盾所以自扞蔽」是也。 「干,盾也。 云:「朱干 云「干,盾 以 爲 也。 物, 玉戚以舞大夏。」何休注 也 以 朱飾 者 疏 《考工記 、《公羊》昭二十五 又 曲 盾。」又《釋言》: 附 | 有 會 之, 酋矛、夷矛, 尺,謂之六 皆 非 云:

王曰:「古人有言曰:

《大雅・蕩》疏。

訓釋, 如《盤庚》、《太誓》、《酒誥》、《多士》、《無 案曰〕鄭云云者,此經望 稱人之言」,《立政》「咸戒王」,云「讚羣 各 有徵 而鄭必爲此 引, 而《君奭》「又曰 注者, 以言必 文 (自明, 有 鄭 無 云 勞

鄭欲發此義,故于此特著之也。臣之辭」。可見言貴有本,自古已然。

反。索,西各反。王受惟婦言是用,〔《釋文》曰〕牝,頻引反,徐扶忍「『牝雞無晨。牝雞之晨,惟家之索。』今商

也。 《毛詩》、《左傳》稱「雄狐」,是飛 妲己,妲己所舉者貴之,所憎者誅之,百 是從。《例女傳》云:「紂好酒淫樂,不離 紀》云:「紂嬖于婦人,愛妲己,惟妲己 妲己女焉。 散也。」物散則盡,故爲盡也。《爾雅》: 〔疏曰〕《檀弓》「 事。索,盡 夫政則國亡。 飛日 傳曰〕牝雞無 怨望,諸侯有叛者。 《晉語》云:「殷伐有蘇氏,有蘇氏 雌雄,走曰牝 也 妲己有寵 雌代 晨 妲己 離 鳴之道,喻婦人知外 羣索居」,鄭云:「索, 牡。」此言牝 惑 雄 妲己曰:『罰輕誅 而亡殷。」《殷本 鳴則家盡 紂,紂信用之。 、走通 雞者, 一,婦奪

> 紂者此女也。」 妲己乃笑。武王伐紂,斬妲己,以爲亡薄,威不立耳。』乃重刑辟,爲炮烙之法,

迪,〔案曰〕「王」,蔡邕石經作「任」。 「昏棄厥肆祀弗荅,昏棄厥遺王父母弟不

弟。母弟,同母弟。言棄其骨肉,不接 之以道。 陳、祭祀不復當享鬼神。 昏,亂。 頌·雝》疏。 ○王天與《尚書纂傳》二十卷。○《詩》十九之三卷《周 此者,神怒民怨,紂所以亡也。 鄭曰〕肆祀、祭名。 肆,陳。 ○《史記 荅,當也。 周 苔, 問 本紀》集解。 王父,祖之昆 言亂棄其所 也。 《尚 (傳 誓 書》疏 首

祀。」《尚書》指紂所棄,故知祭名,理亦引此注,而解之云:「祭必肆之,故言肆祀之饌。」是解肆爲陳,與此不同。彼疏云:「相予肆祀。」鄭彼箋云:「助我陳祭云:「相予肆祀。」鄭彼箋云:「助我陳祭

誓》,傳非也。「王父母弟」,謂同祖者,解詳《太非也。「王父母弟」,謂同祖者,解詳《太「不用」。不登進即「不用」。傳以爲道,通也。《釋詁》云:「迪,進也。」《史記》作

邑。〔《釋文》曰〕俾,必爾反,徐甫婢反。 宄音軌。是以爲大夫卿士,俾暴虐于百姓,以姦宄于商「乃惟四方之多罪逋逃,是崇是長,是信是使,

爲卿大夫,典政事。〔傳曰〕紂尊長逃亡罪人。士,事也。用

曰:「宗,尊也。」古宗、崇字亦通也。名籍而逃匿。」則削除名籍,故爲亡也。崇訓尊者、《漢書》卷八十五《谷永傳》對表:「逋、亡也。」則削除名籍,故爲亡也。謂脱云:「逋、亡也。」《史記索隱》卷二十二,云:「逋、亡也。」《史記索隱》卷二十二,云:「崇、尊以逋逃爲逃亡、《説文》是部曰:「宗,尊也。」古宗、崇字亦通也。

于六步、七步,乃止齊焉。〔《釋文》曰〕愆,去「今予發惟恭行天之罰。今日之事,不愆

疏。〔傳曰〕戰事就敵,不過六步、七步,〔鄭曰〕好整好暇,用兵之術。《詩‧大明》

乃止相齊。言當旅進

心。

虔反。

「夫子勖哉!〔《釋文》曰〕勖,許六反。

〔傳曰〕夫子謂將士,勉勵之。

卷十三下力部同,且引此經以證。从力〔案曰〕傳以勖訓勉,《釋詁》文。《説文》

勖。」 兹是也 歸 冒聲,許 釗、 而 薄, 東, 勉 玉 周 也。 切。 鄭 之間 秦 晉 雄《方言》卷 \exists 勔。 釗 或 釗, 齊 薄。 _ 궁 魯 自 日

齊焉。「不愆于四伐、五伐、六伐、七伐,乃止

齊,正 也。 疏。 威于中國 論武樂之舞云:「天子夾振之,而駟伐 刺,少則四五,多則六七,以爲例 及兵相接,少者四伐,多者五伐,又當止 始前就 鄭曰 [案日]鄭云云者、《樂記》孔子與賓 云:「武樂六奏,每 ○《禮記》三卷《曲禮上》疏。 武舞,戰象也。 门伐謂 一行列 敵,六步 《牧誓》曰: 也。」鄭注:「駟當爲四, 也。《詩》十九之一卷《周頌・維 撃刺 七步 也。 每奏四伐,一 『不過 當 奏中,舞者以戈矛 一擊一刺曰 止 [傳日]伐謂 四伐五伐。」 齊, 正 撃一 聲之誤 行 一伐。 牟賈 清 刺 擊

> 伐,則不得有六、七伐。 言六伐、七伐。又此疏及《曲禮》疏引此 石經皆有之,疑衍文也。 經,亦皆無六伐、七伐。 王 四 也。」據此文,鄭所引但有四伐、五伐,不 戒誓士衆。 度擊刺,象伐紂時。 今武樂惟 引《牧誓》者,此 且 雖《史記》及蔡邕 用四伐,尚其少 鄭注云多者五 武

桓也 胡官切。」但若从狟,則不得訓 狟字注云:「犬行也。 勖哉夫子! 尚桓桓、〔案曰〕《説文》卷十 从犬亘聲。 威 《周書》曰: 武。 蓋古字借 一尚 狟 Ŀ. 狟。 犬 狟 爲 部

云:「桓 云:「桓 鄭 日 日 三桓 〕鄭云「桓 桓,威 桓,威武貌。《史記· 志也。」是也 也。」《周 桓,威武貌」者,《釋訓 頌 周本紀》集 桓》篇《序 解。

音毗。 如 「如虎如貔,如熊 尚書説》「螭、猛獸 離, 徐廣曰 羆,彼皮反。 「離與螭同。」《文選 也。 ○〔案曰〕《史記》作「如虎如羆、 如羆 《尚書》無 ,于商郊。〔《釋文》 螭字,據《史記 西都 賦 注引)曰〕貔 影如 如豺 歐 陽

記》同也。書所載雖多古文,亦襍取今文,鄭則傳古文,未必與《史書所載雖多古文,亦襍取今文,鄭則傳古文,未必與《史離」之文,必歐陽《尚書》作「如螭」也。 然此乃今文家,遷

獸》云:「貔,白狐,其子毅。」郭璞 名曰 豹, 于牧野。 一名執夷,虎豹屬。」 傳曰〕四獸皆猛 鄭曰〕其威 虎類 貔,執 當如獸之將攫 也。 夷 健,使士衆法之,奮擊 《禮記》三卷《曲 虎屬也。 搏 〔疏曰〕《釋 也。 禮上》疏。 日

《字林》亦云:「貔,豹屬。」《後漢 紀》李賢注又云:「貔,虎屬。」是貔 切。」即引此經以 云:「貔,豹屬,出貉國。 獸》及郭注云云。 以證,疏即引此注以證。 獸,則載貔貅。」鄭注引此經「如虎如貔 獻其貔皮。」疏 案曰〕鄭注貔云云者、《曲禮》:「前 名白狐。」此經疏及《詩》疏又俱引《釋 引陸 證。 又《説文》卷九下豸部 璣 邢 疏 从豸혼聲,房脂 **昺《爾雅** 《韓奕》詩云: 云:「貔似虎, ジ疏 與虎 光武 有摯

> 羆、赤羆,大于熊,其脂 屬,以類相從,配合成句 不 詩「赤豹黄羆」,疏 力,能拔樹木,關西呼曰 文。」郭璞注:「似熊而長頭高腳,猛憨多 皆非也。《釋獸》又云:「羆如熊,黄白 注、陸璣《詩》疏並以「執夷」爲貔 夷」,可見僞傳出魏晉間,而郭璞《爾雅》 當武帝時,焉得有此? 乃此傳亦云「執 甚確。 夷」實即貔字之反切、《釋文》添一反字, 者、《禮記》釋文引作 如熊白美。」然 但反切起後漢末,孫炎、孔 類, 僞 傳 與 引 則 鄭 陸璣 貔 合也。 「執夷反」,竊謂 是 如熊,白而麤理, 也 豭 疏 虎 云: 羆。」《韓奕》 其 云 「羆有黄 别名, 執 安國

馬作禦。〇〔疏曰〕王肅讀御爲禦。「弗迓克奔,以役西土。〔《釋文》曰〕迓,五嫁反

不得暴殺紂師之奔走者,當以爲周之役〔鄭曰〕禦,强禦,謂强暴也。克,殺也。

知我 王部 日」不迎撃 尚書》疏。 · 禦 止。 以 也。 欲奔走來降者,無逆之,奔走去者,可 御 《釋 有義 使 史記• 創 如 讀爲禦。 役謂 用 文》。 業 此則 何傳 也 我 篇 役,爲也,盡 周 商衆 ○劉三吾等《書傳會選》四 西 使 本紀》集 E 所 土 用 馬 言不禦能 能 以 一之義。 商衆能 也 役 奔 解。 我 來降者,兵法不 如 禦, ○≪册 力以爲 西 此 用義于彼,令彼 奔來降者,不迎 奔走者 禁 土之義。 不 府 殺降人, 也 元龜》五 我 卷。 西土。 如殷 卷 則 疏 干

不

民

也

也

云: 迎也。」宣二年《左傳》「狂狡輅鄭 注云:「《公羊傳》『跛者迓跛者』。」邢昺 作「禦」也。 注:「輅,迎也。」《周禮 〔案曰〕鄭云「禦,强禦」云云者,鄭本 「《公羊》成二年《傳》文,引以 《釋詁》云:「迓,迎也。」 • 秋官》有「訝 證近 人 郭璞 · · · · · · · 杜 爲 疏

則云: 邈音是,師古不知古音,反以爲非。 《公羊》雖作「迓」,而《釋文》云:「迓本又 注: 本,今藉其書知僞孔本作御。 音御爲五所反。 正俗》云:「《牧誓》『弗御克奔』孔注『不迎擊之」,徐 僞孔本訓 宋初人已不識《説文》如此。 作訝。」知此字以訝爲正,邢乃以迓爲正 則重文。 是。」則訓迎之字,以訝爲正,御爲假借, 訝發。』吾駕切。」又迓字注云:「訝 皆假借。 本作「迓」,孔穎達本仍作「御」。 也。从言,牙聲。《周禮》曰:『諸侯有 以作非一人,到兹異也。 及《聘禮》「厥明訝賓于館」,鄭注皆云 訝,迎也。」《召南·鵲巢》「百兩御之」, 「御,迎也。」字形雖别,音義實同。 「王肅讀御爲禦。」然則唐初陸德 今《爾雅》作「迓」,固亦無害,若 迎作迓、《釋文》「五嫁反」,而疏 考《説文》言部訝字注云:「相 御既訓迎、當音五駕反、不得音御。」徐 由此推之、《盤庚 當以迓爲正 但在唐初,多見舊 至此經據今 顏師古《匡 仙 从 明 卿 训 鄭

降

所

禦,謂强暴者,《詩·大雅·蕩》云:「曾是 作迓者非,即作御亦王肅有意欲與鄭 所引鄭注,馬、鄭皆作「禦」,當从之。 也。 所無也。 《唐韻》九麻三十五馬、四十禡等音,皆古 彊禦。」毛傳云:「彊禦,强梁禦善也。」 而妄改, 僞孔 言之耳。其實據《釋文》、《史記》,并裴 出魏晉間,尚知古音,今本則開元 而擊之。」殷敬順《釋文》曰:「御音訝,迎也。」僞孔 必自御之。」注曰:「御當爲訝,迎也。」《士昏禮》注同。 齊》「以御于家邦」,傳曰:「御,迎也。」《曲禮》:「大夫士 之人。』《孟子》:「禦人于國門之外。」趙岐 蓋訝、迓皆从牙,牙古音吾,故通御。 人强分御車之御,迎御之御爲二音,不知 ·列子》卷三《周穆王》篇:「鄭人有薪于野者,遇駭鹿 崧高》「不畏彊禦」,疏亦云:「彊梁禦善 迓續乃命」、《洛誥》「迓衡」, 開成石經亦仍其誤。 《鵲巢》御與居爲韻,是矣。《思 从之, 謬也。 然此特就迓本爲 鄭 亦當: 以 禦訓 作 不但 所 御 又 後 異 駰 御 改 傳 强

> 迎,不可云擊。其解役字,尤紆曲。 事,未聞有禁止之法,皆非也 王以禦爲禁止,用兵之際,但有暴殺之 鄭同,但作御,故云「迎擊」。 考御止 所以異于霸術也。 注 : 其整,不殺降,見其仁。 三者皆王師之仁 于野而不用權詐,見其正,步伐止齊,見 兵傷人亦曰禦也。」又云「克,殺也」者、《釋 來奔之人,則商人皆爲西土之役矣。 詁》云:「殺,克也。」《公羊》隱元年《傳》: 「克之者何? 殺之也。」是也。言不暴殺 「禦人以兵。古者扞人以兵曰 鄭深得之, 僞孔解與 禦, 可訓 馬、 以

與所字相似,故訓所爲且也。〔案曰〕鄭云「所,言且也」者,古音讀且〔鄭曰〕所,言且也。《史記·周本紀》集解。「勖哉夫子!爾所弗勖,其于爾躬有戮。」

尚書後案卷十一

此《周書》稱祀,箕子不忘本也。箕子商

人,記傳引此篇,皆云《商書》,是箕子自

年四月歸宗周,先告武成,次問天道。

傳曰〕商曰祀,箕子稱祀,不忘本。

此

[疏曰]「商曰祀,周曰年」,《釋天》文。

尚書後案卷十二

殷殺紂,還歸鎬京,訪于箕子,而作

此

改稱元年。

十一年觀兵于商,十三年勝

爲受命之元年,七年而崩,武王嗣位,不

〔案曰〕十三祀者,文王自虞、芮質成,始

作明矣。

東吴王鳴盛學

篇。 言武王以十一年觀兵,十三年勝殷 律歷志》,改 此鄭氏説也。 《爲文王受命九年而崩。 晚出古文據《漢 殺 書 其 紂

則同。 之後。伏生《大傳》云:「武王勝殷,繼公子禄父,釋 故以此十三祀爲歸宗周,告武 成

洪

範

周

書

惟十有三祀,王訪于箕子。〔案曰〕郭忠恕《汗

》卷上之二云:「公开,古文箕字,見《尚書》。」

之,因以朝鮮封之。 箕子之囚。箕子不忍爲周之釋,走之朝鮮。 箕子既受周之封,不得無臣禮,故 武王 聞

之。《中候》言《書》有百二篇,《大傳》言十一年滅紂 與注緯不同,與注傳亦不同。《中候》、《大傳》,鄭皆注 解經復不從之。 于十三祀來朝。武王因其朝而問《洪範》。] 觀此似十 年滅紂,十三年訪《洪範》矣。《大傳》鄭爲之注,至 蓋鄭學擇善而從,無所偏主。 又注經

相協厥居,我不知其彝倫攸敘。」(《釋文》曰 王乃言曰:「嗚呼! 箕子,惟天陰騭下民,

解經皆不用其說。

四 24

騭,之逸反。相,息亮反。彝,以之反。

倫理所 授,故「天不言而默定下民」。 以「騭」即質也,質訓爲 天默定也。 民之常道理次敘。問何由。〔疏曰〕傳 其居,使有常生之資。 我不知天所以 騭,定也。天不 天和合其居所,行天之性,我不 心,天佑助之,諧合其生。出言是非, 流形,各有性靈心識,下民不知其然,是 爲定也。言民是天所生,形神天之所 天深定下民,與之五常之性,王者當助 舉猶生也。《釋文》。 〔王曰〕陰,深也 行得失,衣食之用,動止之宜,無不禀諸 尚書》疏。 馬日」 天,乃得諧合。 以 陰,覆也。 ○劉三吾等《書傳會選》四卷。 次敘。 「相協其居」者,言民有 言而默定下民,是助 是問 失道則死,合道則生。 騭,升也。 承天 成,成亦定義,故 順民何所由。 升猶舉也 羣生受 (傳 -知常道 旦 言 定 其

> 復佑 言天 民事,與孔異 疇施之于民,皆是天助之事也。 「陰騭下民」一句爲天事,「相協」以下爲 助諧 非 徒 合其居業,使有常生之資。 賦 命于人,授以 形體 心識 王肅 以 九

聲。 陟,登即升也。 默,當作陰。若从馬 日切。」二字各異。古字多通,故借騭爲 从自,从步。竹力切。」又馬部鷼字注 云"「牡馬也。 但古字多通,則作 霠字注云:「雲覆日也。 「騭,升也」者,阜部 今切。」又「侌,古文省」。阜部陰字 云:「闇也。水之南,山之北也。 〔案曰〕馬云「陰,覆也」者,《説文》雲 上所引,霧有覆義,陟有升義,馬又以 于今切。」若从王及僞孔,以陰爲深 从馬 馬必以陰騭爲覆生者, 陰亦 ,陟聲。 陟字注 以 可也。 从雲,今聲。 爲覆,當 讀若郅。 云:「登也。 馬又云 从阜侌 作雾。 之 注 部 于

天居, 陟也。 肅 形 子》卷一《天瑞》篇云: 理。 以騭爲 也。」説皆與馬 《方言》曰:「魯衛之間 「陰,覆。陟,升。 經,服虔注云:「鷺音陟。」應劭注云: 明之以仁義。」《漢書・ 之者所以發之也。」高誘注 也 升猶 十七《君守》篇引此經而申説之云:「陰 及僞孔. 、孔又以 者、《釋詁》相 載,聖職教化。」張湛注云:「職, 攸,所也。言天覆下民,王者當助 定,王 《釋詁》云: 舉, 我不知居天常 言天覆生下民,王者助天舉 舉猶 相 解陰騭之義、皆非是。《宋世家》 一及僞孔 爲助 生, 融合,此漢人詁訓也。 本此。然《史記 助同 輾 相,助。 騭 協爲和合,彝倫爲常 轉 理所次序也。」《列 義 「天職生覆,地 相 陞 H 五行志》亦引此 也。」 訓 騭。」《吕覽》卷 故相爲助 云:「陰陽升 協,和。 崇不 明 郭璞 驚 盡可從 得 注 爲 也。 倫, 也 職 引

> 爲常理也。 《說文》龠部云:「侖,理也。」是彝倫色。」《説文》龠部云:「侖,理也。」是彝倫合。」僖二十二年《左傳》引作「協」,是協月》詩云:「洽比其鄰。」毛傳云:「洽,《説文》劦部云:「協,衆之同和也。」《正

行之行亦若杭。 汩,于筆反。从水曰聲。 真切。」蔡又以「洪」作「鴻」,亦古字通也。 部亜字注云:「塞也。」即引 反。 相似通。此字古只作卓,後人加自。 其五行。〔《釋文》曰〕鯀,工本反。 箕子乃言曰: 曰」,並見洪适《隸釋》。 行,户更反。○〔案曰〕蔡邕石經「陻」作「伊」,古 「我聞在 蔡省筆,故作曰也。 曰字又見黄伯思《東觀 此經以 一昔,鯀 證。 《説文》卷十三下土 煙音因。 陻 「从土,西聲。 洪 又以「汨」作 行,古讀 水 汩,工 餘論》。 汩 陳 Ŧi. 忽

失其道 是陻 説陳之伐鄭,「井陻 陳其五行。 傳曰]陻, 爲塞也。 ,則五行陳列 塞。 **「**疏 水性 汩, 亂 日 治皆亂 木刊」,謂塞 下 襄二十五 也。 流 治水失道 反塞之,水 年《左 井 斬 傳》

亂也。 張衡《 義。 言》:「汩,疾也。」亦 E 案 林 南 〕傳 賦》「汨 説文》:「汩,治水也。」治反 都 以 賦 陻 乎混流」,皆有亂義。 》「漻淚 訓 塞 亂意。又古訓有反 見上。 減汩」, 汩 司 訓 馬 亂 相 爲 如 方

釋,又傳寫之誤。〇〔案曰〕《史記集解》徐廣曰,斁一作釋。此字本誤作文》曰〕畀,必二反,徐甫至反。斁,多路反,徐同路反。「帝乃震怒,不畀洪範九疇,彝倫攸斁。〔《釋

敗。 輩 所 其 者各有一章,故《漢書》謂之九章。 [傳日] 界,與。 鄭曰〕帝、天也 類之名,言其每 大法九疇。 由 威怒,不與天道 ◎删 敗 / 疏 也。 府元 曰〕「畀,與」、《釋詁》文。 《史記》三十八卷《宋微子世家》裴駰 龜 疇, 斁, 敗 百 大法九類,言王 天以鯀如是, 事自相 類 四 卷 也。 也。 《帝王部 天動怒縣,不 類者有 故 常道 訪 乃 問 所 所 震 篇》。 是 以 問 動 九

也。 類。 文》白部る字注 類也。」是也。俗乃作 否》九四:「எ離祉。」九家注云:「祀者 九章,鄭 **》。」此言九曍者,蓋** 从田,象耕詘之形。 答。』直由 者有九,故曰 横錯落,其行 本當作 範」訓大法者,《釋詁》文。 由 男,相 説文》田部 案 切。」玩《説文》本義,ws 乃語助詞,有 日]鄭 弓與 从口、弓,又聲。 田形有章義,亦有類義 吧,疇乃流俗妄 康成 以 與之約 切。」又口 眼 | 押訓 鸭字注云:「耕治之田也。 九呢。 及僞 列 同。 象田 在閣 與者 궁 孔 部屬字注 虞 傳、顔 「詞 耕詘之形 劉歆、班 田 龜背所列之字,縱 1、《説 直 F. 弓,古文曜。 書》:『帝 旁加壽。 由 也。」是 造,不成文理。 也。 文》丌 疇訓類者,疇 師古 切。 也。 固 从白, 云: 也。 或省作 以 而 《易 皆 部 . El 考《説 以 所 爲 云 一洪 己 九 爲 列

凡詞也之圖,誰也之圖,皆借曜爲之, 注此,乃引「電離祉」爲證,誤。 今四處《史記》皆作「誰」,僞孔從其訓 予工,圖若予上下草木鳥獸」,當爲圖。 咨若予采」,當从《説文》爲woo。 類之義相近,是矣。 釋詁》亦直云:「配,誰也。」郭璞 爲 **毗」,
毗字**僞 誰,二字已不 而「配答若時,配 蓋古字多假借, 孔 訓 、「副若 可 事 混 字,變配作疇,混殬入斁,皆非也。 古文則作「殬」,故鄭訓敗也。 繁露》引作「射」,與斁通,應訓厭。 切。」二字絶不同。 之無斁。」斁,厭 云「耗斁下土」,箋云:「斁,敗也。」《春秋 二:「嬣,古文斁。 云:「斁,解也。

《爾雅

詞

無

乃

从支,睪聲。

詩云:『服

也。

日 終

也。

羊益

見《尚書》。」《雲漢》詩

郭忠恕《汗簡》卷上之

堯典》「亮采

惠

或作極,音同。 「鯀則殛死,禹乃嗣興。〔《釋文》曰〕殛,紀力反,

之道。 文。襄二十一年《傳》亦云:「鯀殛 至死不赦。 元龜》一百四卷《帝王部・訪問篇》。 舉也興禹。」《史記・宋微子世家》集解。 案曰〕鄭引《傳》云云者、《僖三十三年》 鄭曰》《春秋傳》曰: 〔疏曰〕「嗣,繼」、《釋詁》文。 嗣,繼 也。 「舜之誅也 廢父興子,堯舜 [傳日]放鯀 **殛** 解 ○《册府 其

槩從壽得聲,非謬中之謬耶!

斁訓敗

壽,以此作壽考之壽已不成字,又强使

从老省,冨聲。今加才,又誤作寸,變爲

亦尚無害。

今以此三字並變从壽,則非

何也?

壽考之壽在老部,本作劃,

田形之配,語詞之配,是聞誰之是問,三

者,斁本當作

殬。

《説文》卷四

下歺部

云:「殬,敗

也。

从 歺, 睪 聲。

商

"『彝倫攸殬。』當故切。」卷三下攴部

四

俗儒不識

《毛詩》

窈,星歷反。 「天乃錫禹洪範九疇,彝倫攸敘。〔《釋文》曰〕

先達共 《中候》及諸緯多説黄帝、堯、舜、禹、湯、 之。」九類 之,以成 洪水、錫洛 書·五行志》:「劉 《繫辭》云:「河 王,河出圖 謂僞起哀、平, 文、武受圖書之事,皆云 列于背 日〕天與 緯、候之書,不 前 武王獨問箕子者、《五行志》 次第之,當 爲此説, 九 學 各有 一則而 書 類 者 有數 禹 法 常 必 洛 雖復 文字, 出 道 龜 畫 有 相 而 至 出 一, 所 三之,八 圖, 歆 負洛書, 陳之、《洪範》是也。」 成 傳 知誰 于 前 法 以 有 九 即 以 洛 也。 漢之末,始 可 爲伏羲繼 、卦是也 次 此 作,通 出 是 龍 傳,應人盡 説 敘 禹 神 書 書, 負圖, 經無其 遂 也。 龜 也。 人討 聖人 大 負 疏 有此 天 此 龜 而 文 云 禹 則 九 負 而 漢 而 知

文而· 經緯 此。 之,八卦是也。 説曰:「虙犧氏繼天而 之」云云者、《漢書・五行志》載 歸,武王親 在父師之位而 説 孔 雒書本文,所謂天迺 五. 至「彝倫追敘」云云,此武 陳之、《洪範》是也。」經曰 事所次者也。」又「以 子,箕子對禹 聖人 案曰]傳以九疇爲洛 一行」至「畏用六極」云云、「六十五字皆 安 實本安國矣。 出,列于背,有數至九,禹遂 、國注曰:「河圖,八卦是也。」是歆之 《論語》「河不出 行其道 八卦、九章相爲 虚己而問焉。」義當然也。 而 得維書之意 典之。 寶其 禹治洪水,賜雒書 孔傳,晉人假托,于《 真, 圖。 爲 錫禹大法九章, 周既克殷,以 表 王,受河 書,又云「神 裏」。 河圖、雒書相 降及于殷, 「惟十 王問 何晏《集解》 也。 歆之説 一初 雒書于箕 啚 有三祀」 劉 因 削 箕子 龜 法 而 而 負 如 爲 載 而

禹乃共 合,其 成。 天下 觀其 也。 洛以 歆説 之河 疇亦當 九篇六篇 命》 曰:「《春秋緯》云:『河以 一王,謂 之美令,奉行之。 ,聖人則之。」李鼎祚《集解》載鄭玄注 維王 流 . 圖。 河圖 也。 攝 上帝,天也。 河圖 (説宜 坤, 禹 辟 在 馬 《易·繫辭》云:「河出 反覆也。 有 ,則不止八卦 内。 君之年也。 也。 而于此篇 厥德,受命休令。」 后元祀,帝令大禹 注 出 無 吐地符。 九篇,洛 河,遂 不同。又《鴻範五行 后,君也。 蓋鄭學與 帝令禹推 河 休,美也。 則 初,禹治水得神龜 書 河龍 則 帝,舜 圖 其 九疇,而 有 以爲洛 文 通乾 祀,年 孔、劉 圖 六篇 以 卦。 演天道 也。 發,洛龜 畫 步于上帝。 鄭注曰: 禹 出 書,蓋 也。」」日 圖 八卦, 家法 于是受 八卦九 伏 也。 步,推 天苞, 傳》 本 書 取 王

> 洛書但 範》爲 是奉帝 合也。 紛紛之論,以五 詳圖書何狀,其亡久矣。 負文于洛,于以 下行九宫圖 .有兆朕,而不可知見。」桓子《新論 出于洛 但漢儒 命 而 陳之 書,說與劉歆合,亦與孔 爲洛書,所未詳 雖 行生成圖 盡 有 也 得 圖 天人陰 書 據 配 桓君山 此 爲 卦 陽之 河圖 則 疇之説,未 也 鄭 EI: 以 用 河河 圖 太 儒 傳 洪

「初一曰五行,

也。《釋文》。〇陳大猷《書集傳或問》下

卷。

(傳

[馬日]從「五行」已下至「六極」,洛

之所加 必 闕,無明文,但 以天言簡要,必無次第,「 曰〕九類一章,以五行爲始 〔案曰〕馬云云者,孔傳與馬 與馬同。 」,其繁如 疏推傳義,即 此 況鄭 傳 ,則鄭必以六十五字 每 注《繋辭》云「洛 違鄭從馬,此 馬 初 義 也。 同。 一日」等, 鄭 書 條 下 文疏 注 有 未 殘 禹

書文

時,迭相休王,是爲天行氣也。者,言爲天行氣之義也。」播五行于四行稱行者,《白虎通•五行》篇云:「行洛書本文,與劉歆同也。説見下文。五

作「庶」,又因羞而誤也 支,而其左从苟,類羞,遂誤爲羞,以形相 从羊,羊與義、善、美同意。」又「釜の古文羊不省。」敬字从 亦作「羞」,似爲可从。 傳》引並作「羞」,則是漢人本如此。 而釋以「進用五事」云云。《藝文》本之劉歆《七略 「次二曰敬用五事。〔案曰〕敬,《五行志》及《孔 苟,自急敕也。 敬」字。 其實蓋 从羊省,从包省,从口。 「羞」乃「敬」字之誤也。《説文》苟 但鄭《小雅· 又《藝文志》引 小旻》箋引此 口,猶 似也。 慎言也。 》,則 晉書 文作 此 光

〔傳曰〕五事在身,用之必敬乃善。

「次三曰農用八政,

曰〕八政、三德,總是治民,但政是被物〔傳曰〕農,厚也,厚用之,政乃成。〔疏農,食之本也,故以農言之。《尚書》疏。 八政之首,故以農名之。《釋文》。〔王曰〕(與曰〕農讀爲醲。《尚書》疏。〔馬曰〕食爲

王 諸字皆從農得 貌」,引《詩》「何彼襛矣」。 字多同用,則農訓 部作農,「从晨,囟聲。 見上,而農訓 義例皆同,非田 匈,乃得聲。」] 隸變作農。 此字雖訓耕, 厚也。馬、王主田 而卷十一上水部濃爲「露多」,引《詩》 顏師古曰:「此説非也。 四下酉部云:「醲 之名,德是在己之稱,故分爲二 零露濃濃」。卷八上衣部襛爲「衣 案曰〕鄭 ,偶或從鄭 云「農讀 違馬 『厚則是。《説文》卷三上晨 聲,而 農之義也。」「羞用」之誤 厚 爲 農、《漢書》張晏注同。 、王,此 厚 亦兼取其義。 醲 酒也。」鄭意訓農爲 可 知。 徐鍇曰:『當 」者,《説文》卷十 農,厚也。 其 又醲爲酒厚。 傳多 一也 疇 從 也 羞用 厚 从

い、바、皆劦之重文。協爲同心之和,从劦从心。脇爲同文》第十三下劦部云:「劦,同力也。从三力。」協、脇、協應劭曰:「卟,合也。」師古曰:「卟讀曰叶,和也。」考《説「次四曰協用五紀。〔案曰〕協,《五行志》作「卟」。

思之和 **씱爲古文協,从山、十。** (五行志》叶特)引之訛耳,而師古云 五紀」,同爲協 協爲衆之同 ,用正與衆義 叶亦古文,从 和,从 一讀 也 口。 **劦从十**,十,衆 日 叶」,謬矣。僞 字。 也。

疾。 差錯,用五 行又有遲疾 天左行,畫 積氣,其狀 一度 傳 辰,乃爲天之歷數。 **「**疏 曰〕協, 周天三百六十五 月則日行十三度有餘,日月行于 曰〕「協,和」、《釋詁》文。 紀 夜一周。 無形,列宿四方,爲天之限。 和 ,故須調和之。 也。 也 日月逆天道 和 日月右行,日遲 一度有 天時使得正 和 此 餘,日則 天時,令不 而 行,其 天是 日 用 行 月 五

「次五曰建用皇極。

禮》「以爲民極」、《論語》「允執其中」,皆用大中之道。《詩》云「莫匪爾極」、《周極,中,常訓也。王者所行,無過不及,大中之道。〔疏曰〕「皇,大」、《釋詁》文。

明大中」也。

年「以謹罔極」,杜預解 此文,鄭注 也。」「以爲民極」,《周禮》六官序首皆 書》注亦云:「皇,大。極,中。」《文選》四 《谷永傳》,永待詔公車,對曰: 極」、《周頌・思文》文。 極之訓 書考靈曜 十九卷干令升《晉紀論》注引宋均注《尚 道不立, 下,日月理于上。五事失于躬,大中之 之道不 五事,建大中,以承天心,則庶徵序 曰『建用皇極』,如貌言視聽 案日] 傳以 十一卷《孔光傳》,光日蝕 」鄭箋,文六年《左傳》「陳之藝極」,十 中, 立,則咎徵 則咎徵降而六極至。」應劭《 》並同,此漢人詁訓 與毛 經典 皇 同。 (屢見。 極 薦 訓 又《商頌》「四方之 臻。」又八 大 並 本疏 毛傳云:「極,中 同。 中」者 對曰:「《書 引「莫匪 思失,大中 也。 「明 《漢 再 Ŧi. 爾 考 漢

傳》。 傳 不盡 訓 通 建,立也。」《五行志》説本伏生《五 有 先 甚 氏 又「皇王惟辟」,傳並云:「皇,大也。」 天之總,美大稱也。」《詩》「皇矣上帝」, 極」,故鄭彼注云:「王,君也。」然《白虎 儒皆以 兼中 以 也。 異 爲 云 皇作 「言大王者,武王事益大。」是皇有 耳。 訓 一可從。 極 號》篇云:「皇,君也,美也,大也。 解。 木 蓋《五行傳》直以「皇極」作「 伏生乃今文之學,非古文,其 ,義 「極者,屋脊之棟也。」今人謂 君 與至二訓。 部 Ξ, 《五行志》:「皇,君。 爲中,無二訓 也。 出 鄭注傳與注 于此。 極 自 下 當訓 棟 文「遵王」,「王道」, 然于「皇極」之極 也。 是以《廣韻》亦 君。 也,惟皇字漢人 从 經異義者多, 此 木, 經作皇,鄭 亟 極,中。 聲。」 以 高 彼 説 行 大 篓 王 則 極 徐 及

爲治。 也。 時中乂」,「亦敢殄戮用乂民」; 昏不明」,《康誥》「用保乂民」,「乃其乂民」,「惟民其 範》亦必作「壁」可知。 既爲芟草,亦非訓治之字。 介乂我周王」; 义」,「乃非德用义」,「用康乂民」,又重句,《召誥》「其 官」,「萬邦作乂」,、《禹貢》「淮沂其乂」,「雲土夢作乂」, 正訓爲治。 假借,究非正體。 應劭曰:「艾,治也。」師古曰: 「兹乃俾乂」,《康王之誥》「保乂王家」,《吕刑》「率乂于 云:「冰臺也。 作「艾」,見洪适《隸釋》。 有殷用义」、「厥辟义」、「保义有殷」、《多方》「爾曷不夾 (多士》「保乂有殷」、《君奭》「巫咸乂」、「王家保乂」、 〈微子》「用乂讎斂」,《洪範》「從作乂」,「乂用明」,「乂用 洪範》此文外、《堯典》又有「烝烝乂」,《皋陶謨》「俊乂在 ノ从乀相交。 次六 从辟, 乂聲。《虞書》曰:「有能俾嬖。」魚廢切。」此 爾 曰 又 雅·釋詁》亦云:「乂,治也。」蓋此字 又用 許慎引《書》本孔 序亡 魚廢切。」又刈字注云:「乂或从刀。」此 从艸乂聲。 《立政》「以乂我受民」,「惟 書 卷十二下ノ部乂字注云: 有《咸乂》。 德,〔案曰〕「乂」,《五 此字《尚書》屢見、《説文》所引及 考《説文》卷一下 惟卷九上辟部 受字注云: 五蓋切。」此乃草名,雖古字多 安國、《堯典》作「壁」,則《洪 《洛誥》 「艾讀曰 僞 孔 $\stackrel{>}{\exists}$ 又。」蔡邕石經 丁其 槩皆作 行 自時中乂」; 「芟草也。 正是乂之」, . 艸 志 部 作 自 艾字注 魏晉 艾」。 Á 康

《詩 不用。 則 鄭箋同。 或作艾、嬖,則無 人爲乂。」亦治意從作乂,則直訓治。 以來俱以芟草之字,或草名之字代之,而正 7非也。 ·小雅·鴛鴦》云「福禄艾之」,毛傳云:「艾,養也。」 古字多假借,要亦無害。鄭于「俊乂」云:「智過百 此蒙上「烝民乃粒」,正當爲養,僞孔亦訓爲治, 考矣。 惟「萬邦作乂」,鄭訓 其鄭本之或作义, 體壁字久廢 養。

〔案曰〕應劭謂「治大中之道用三德」,與〔傳曰〕治民必用剛、柔、正直之三德。

傳不同,傳是也

也。 「無稽之言」是也。《堯典》「稽古」,本當作禾,以極于上而 字,因與稽同音,借作稽。 至郭忠恕《汗簡》卷下之一又云: 或作稽考,或作上同,其實本義惟留止,彼三義皆假借也 止,有上同義也。 稽部:「留止也。从禾,从尤,旨聲。 兮切。]又六卷下禾部:「木曲頭止不能上也。 古兮切。]又 卜以問疑也。 〈汗簡》未可盡信,當以《説文》爲正 次七曰明用稽疑、〔案曰〕《説文》三卷下卜部: 稽考之稽,亦當作卟,亦以同音借作稽。僞《大禹謨 从口、卜。 乃又借稽用之。 讀與稽同。《書》云:『卟疑。』古 此經「卟疑」,僞孔作「稽疑」是 「稽,古文《尚書》作れ。 于是一稽字或作卜問 古兮切。」卟本爲卜問 마

〔傳曰〕明用卜筮考疑之事。

龜。」與傳合也。 事故也。應劭曰:「疑事明考之于蓍〔案曰〕傳以稽訓考者,卜問亦是稽考之

「次八曰念用庶徵,

失之驗。《禮記》二十四卷《禮器》疏。 〔鄭曰〕庶,衆也。徵,驗也。謂衆行得

之。是衆行得失之驗。

(案曰〕鄭云云者、「庶、衆」、《釋詁》文。

(案曰〕鄭云云者、「庶、衆」、《釋詁》文。

《漢書·五行志》及《谷永傳》並同。 許亮反。一音許兩反。〇〔案曰〕「威」、《史記》作「畏」。「次九曰總用五福,威用六極。〔《釋文》曰〕總,

注亦同。而裴駰《史記集解》采馬注,脱去「嚮勸人用曰〕馬注此條,僞孔傳與之同。應劭《漢書・五行志》懼人用六極。《史記・宋微子世家》集解。○〔案〔馬曰〕言天所以嚮勸人用五福,所以畏

不言用者,萬物之本,不嫌非 者,顧氏云:「前八事俱得,五福 施人之政, 禹 敘 $\frac{-}{\circ}$ 本,故爲初。 「皇極」居中者,總包上下也。 福極 稽疑」不言數者,卜五筮 水水大 ,舉筮不兼卜, 事俱失,六極臻之。 所第 福」六字, 雖 天 正身而後及 布 天監在下,善惡必報,故福極爲 在于政,得失應于天,故「庶徵」爲 在 言數者 疏曰]自「初 敘。 中,隨德 德 政, 今以 則得 事 用天之道, 禹 發見于人爲「五 意 總總 必 增。 爲 有 是任,故「三德」爲六。 大中,故「皇 且疑事既 該 人,乃名爲政 此次者,五行 疑,故「稽疑」爲 九疇 傳 旦旦 故處末 故「五紀」爲 "; 非 此 衆,不可 下 數能 用 極 (`故爲三。 事」,故 也。」五行 上 也。「皇 諸 ١ 禹 歸之。 爲 -不兼 處末 事 極 所 四。 九。 Ŧī. 爲 之

> 也。 以 下,故 失爲 總之 猶《詩》平王以 得,則分散總爲五福,若失則不能爲 咎,皆以念慮包之,福 若休咎並言,便爲十事,本是 言此「禹所第敘」,不知洛書本有幾字。 言十也。 Ŧi. 福五而極六者,大劉以爲「皇極」 言爲目,故别爲 雨 ●「皇之不極,厥罰常陰。」即 咎徵有 五. 也 志》悉載此一章,乃云「凡此六十 明言善惡也。 相 咎, 與五事並 然福極善惡皆言者,以 類,故以 舉休 庶徵」不言 五而 後 與 不 極有 常 文也。 列 諸侯並列,同爲國 兼咎,舉 雨 其 極 且「庶徴」雖 」數者 六者,《五徵 包之爲五 總威相 咎弱,故爲六。 等行五 咎 五 得 反,不 物 沮 也。 與咎徵 兼 事 五 風 五. 所 可 可

❶ 「徵」、《尚書正義》作「行」。 按,引文出伏生《洪範

劉以 及 惟有二十字。 次第之數。 顧 禹 第是禹之所爲,「初一 字,皆洛書本文」。 爲 氏 加之也。 以 「敬用」等亦「禹所第敘」,其龜文 爲 上傳 龜背先 並無明據,未知孰是。 其「敬用」等十八字,大劉 云「禹因 有總三十八字。 計天言簡要,必 曰」等二十七 而第之」, 則 字 孔 小 無

要,必 觀 所 也。 疏 傳云「此已上禹所第敘」,是孔與馬同。 惟三十八字。 馬注云: 初一 〔案曰〕馬以威爲畏懼人者,古威、畏 所引顧氏彪也,大劉焯也,小劉炫也 鄭 引 欲 傳云「已上禹所第敘」者,《釋文》引 申孔,故曲 劉歆説六十五字皆本文者爲 無次 曰」等二十七字,是禹所加,本文 洛書有六篇 「五行至六極,是洛書文。」則 第」爲疑。 上傳云「禹因而第之」,此 爲 附 , 則 會,實則《五行 何必 家 之説 以「天言簡 志 通

> 經無之。 皇建其有極」,無 世家》亦無一、二等字。 金,五曰土。 「七」,當是僞孔妄加。 元 五 見宋洪适《隸釋》所載漢石經殘字。 〔案曰〕「一,五行」以下一、二等字 「五」字。 日水,二日火,三日 《漢 《説文》卜 谷永傳》,永對策引「皇極 部 引「卟疑」,不言 木, 《史記・宋 四 漢石 日

偶。 記 • 辭》又曰:「天數五 而 九成金,地十成土,于是 地二生火,天三生木,地四生金 地十。」此即五行生成之數。 天一生水, 各有合,此所以成變化而行鬼神。 土,此其生數也。 三,地四,天五,地六,天七,地八,天九, 疏曰〕《易・繋辭》曰:「天一,地二,天 鄭曰〕此數本諸陰陽所生之次也。《史 物得成焉,故謂 宋微子世 又數之所起,起于陰陽,陰陽往 地六成水,天七成火,地八成木,天 家》集 解 如此則陽無匹,陰無 之成數 , 地數五 「傳 陰 也。 陽各有匹 ,五位相得 皆其 《易 **光**天五 生 偶, 生 而

也。 奇, 位 五. 季土位也,五陽已生,故五爲土 陰已生,故 冬至,當爲陰 也,三陽已生,故三爲木數。夏至以及 以及夏至,當 貞于六月未, 生 數 最 也,當以 月夏至,日北 陰 于 數必以 微 之 先 古 是故《易説》稱乾貞于十一月子, 往 與 于 H 爲 爲 後 由 顧 微 道 冬,水位 一,火漸著爲二,木形實 氏 四、土質 及 也。 四 亦以 偶,故以 皆以爲水火木金 進。 陰 爲陽來。 爲金數。 其 而皆左行,由此 又 極 一月冬至 微著爲 生爲 成形,亦以 (萬物 大大爲 八月爲秋,金位也, 也 六 陰 以 進 之本, 月 火 五 三月春之季, 正月爲春,木 次。 數 二陰 而 ,亦是次之宜 陽 日 陽 微 有生 五 南 退。 生 但 得 也。 生 著爲 行之 數、此其 爲 極 陰不 一爲火 土 于 爲三, 夏,火 冬至 一數而 無 位 四 四 來

言化 數九。 成,故 言水 觸 言五 之,金次之,土 地生物成物之次也。 九,冬其數六。 八,夏其數七, 傳亦云「皆其 金成 六者,舉其成數。 案日 云云, 也 天 者,土 数九 彼正 行 火生數二,成數七。 也 在 水 鄭 陽 黄 水生數一,成數六。 氣 成 陽 土成 泉 義 而 云 氣 也 數 氣用事, 以 動 養 曰:「《白虎 五行自水始, 此 生 生爲 躍 物 鄭注: 水 一爲後。 數本 中央土 數十,義 數 平 訓 火 觸 土生數五,成數十, 本。」此 成數七, 準,平均法 萬物變化也。 者、《月令》, 諸 地 均 《易》曰『天一 而 其 陰陽所生之次 木生數三, 有 數者,五行 亦 通 出 数五 準 金生數四, 然 火次之,木 **※**云: 與《書》注 也。 但言八七 也 也。 則之稱。 成 "「行者, 秋 春 火之爲 數 成 其 佐 其 金訓 相 但 九 成 數 次

半陰半陽。

曲直

以陰

陽

俱有,體

陽之氣,炎

上從陽

也。

木在

東者,

氣

以

潤下從陰也

火

在

南

方者,

大,故次土也。

水在

北

方者

,從盛陰

之月,辰爲土,土王四季,載四行,又

廣

月三

陽生,是建寅之月,故次木。

四

金者

,八月四陰生,

是建酉之月,故

次

Ті.

巨土

者,三月五

陽

生,三月建

數一。二曰火者,坤貞于六月未,六月

兩陰生,陰不敢當午也。

三曰木者,

正

乾貞于十一月子,十一月一陽生,故水

終物也。《洪範》云云,所以一曰水者,

七八、遊魂謂九六。」是七八生物,

九六

火七八之數,成物謂金水九六之數,則

, 言土居

中

吐

物

也

。」生物

秋

時

萬

物

氣

所

禁止

也

土

訓

春夏生物,秋冬成

物。

故《易·繋辭》

精氣爲物,遊魂爲

變」,注云:『精氣謂

四五五五

範》異者,以相尅爲次。此又一義也。 數爲次。六府,水火金木土穀,與《 土居 也。 也。」董子言如此、義各有取也。又昭二 其子也。 是故木受水,火受木,土受火,金受土, 十五年《左傳》正義:《洪範》五行,以生 水受金也。 土生金,金生水,水生木,此其父子 木居左,金居右,火居前,水居後, 中央,此其父子之序。相受而 常因其父以使其子,天之道 諸授之者皆其父,受之者皆 布 洪

上」之「上」、《釋文》有二音。 水曰潤下,〔案曰〕下,古音户。《釋文》無音。 以此推之,則下亦當有上去 然「炎

如字。 火曰炎上,〔《釋文》曰〕炎,榮鉗反。 [王日]水之性潤 萬物 而 退 下。《尚書》疏 上,時掌反,又

至 〔案曰〕王云云者、《睽・彖傳》云:「火動 傳曰〕潤下炎上 日〕火之性 炎盛 ,皆言其自然之常性 而升 上。 尚 書 疏

> 説 而 是也 上,澤 動 而 下。」虞翻 注 即 引此 經 以

「木曰曲直

[傳日]木可揉使曲 直

金曰從革

記・ 注。〔傳曰〕金可以改更。 〔馬曰〕金之性從火而 宋微子世家》集解。 ○《續 更, 漢 書 可 銷鑠。 五行志》劉 **《**史

本馬義。木金土皆言其人事之作用也 〔案曰〕馬云云者,上下文王、孔注 亦必

「土爰稼穡。

之可惜也。 子世家》集解。 [王日]種之曰稼,斂之曰 以見此異。 嫁女之有所生。」然則穡,惜也,言聚蓄 疏曰〕鄭玄《周禮》注云:「種穀曰稼,若 人事爲名,非土本性。 上文水火木金有本性,其稼 「六府」以土、穀爲二,由其 [傳日]土可以種 穡。《史記 變曰言爱 可 ,以斂。 宋微

體異故也。

故斂之曰穡也。文》禾部云:「穀可收曰穡。」收、斂同義,禮》注、《地官・序官・司稼》注也。《説禮》注、《地官・序官・司稼》注也。《説〔案曰〕王云云者,傳與王同。疏引《周

辛,稼穡作甘。〔《釋文》曰〕鹹音咸。 「潤下作鹹,炎上作苦,曲直作酸,從革作

苦」,苦爲焦味 是苦氣。 斥」,是海浸其地使鹹。 之斥,西方謂之鹵。」《禹 味鹹,其臭朽」是 水性本甘,久浸其地,變而 于百穀。五行以下,箕子所陳。 酸,木實之性。 傳曰〕鹹,水鹵所生。 ,五果之味雖殊,其爲酸一,是木實 《説文》云:「鹵,西方鹹地。 《月令》夏云「其臭焦,其 也。 辛,金之氣 也。 木生子 火性焚物則焦,焦 《月令》冬云「 苦,焦 貢》「海濱 爲鹵、鹵味 味。 實,其味 氣之味。 甘味生 **「疏** 東方 其 廣 謂 乃

> 行,在 即 是 也。 材,民並用之。」謂之行者,在天五 者,萬物之所資生也。 飲食也。 爲人用。《書傳》云:「水火者,百姓之所 此章所演,凡有三重:第一言其名次,第 甘,其臭香」 味 演,陳禹所第疇名于上條,列説以成之。 生,故甘爲土味。《月令》中央云「其味 二言其體性,第三言其氣味。言五者各 五材, 近辛。 也。 《月令》春 金之在火,别有 地世所行 「甘味生于百穀」,穀是土 襄二十七年《左傳》云:「天生五 《月令》秋云「其 金木者,百姓之所興作 是也。 云「其味酸,其臭 用 也。 腥 水火以下,箕子所 是爲人用。」五行 氣 非苦苦 味辛,其臭腥」 非 也。 / 羶 | 是 一之所

斥鹵木實也,木實之味亦不盡皆酸也。成,説猶未備。物之鹹酸者甚多,不獨〔案曰〕傳疏言五味,專舉五行質性所

味。」 水生 氏渭 苦者皆屬焉。 於 之味,凡鹹者皆屬焉。」《内經素問》岐伯 焉。辛,金之味,凡辛者皆屬焉。 等字解。 曰:「木生酸,火生苦,土生甘,金生辛, 味酸」,夏「其味苦」,中央「其味甘」,秋 者,皆屬水。 木之味,凡酸者皆屬焉。苦,火之味,凡 其味辛」,冬「其 陽 其 不 物 最大。 三氣, 《二十五年》子太叔 云 1辛者 <u>Ti.</u> 鹹。」是 「天有六氣,陰陽 盡 行。 由 多矣。 此節『潤下』等字,仍當作水 火 潤下作醎」,猶言凡物味之鹹 由五行,有六氣, 氣 燼 也。 餘皆倣 甘,土之味,凡甘者皆屬 一氣爲 爲五味。」天地 辛 (味鹹」。 甘亦不 昭元年《左傳》醫和 不 此。」《月令》:春「其 五行,五行亦氣 盡 風 曰:「天生六氣 雨 由 獨 鄭注云:「酸, 晦明,降生五 鑠 在 則陽屬 金 之間只有 穀 鹹,水 即 也 木 火 胡

> 非六氣 耳。 火等字泛説,始得也 民用者言之,其實 滯于一物矣。「潤下作鹹 降 屬 其形質已成,爲民所用,謂之五材,則已 本,無所不包,原以氣言,義方廣大。 生。」正謂 風 天,不 于六氣之下,正謂 生五味, 屬 土 杜預注云:「五 在 在 雨 由 五 亦由 五. 屬 五. 行之前也。 行 木 行有六氣,以 五行 之内。 晦 「潤下」等字,仍 味皆 屬 而 六氣 來。 水 此 蓋五 由 鄭 」等,雖取 明 爲 説,見下 陰陽 子太叔 成五 屬 Ŧi. 行 火, 萬 行之用 風 味 文。 作水 物 切 陰 雨 至 五 而

物爲最靈。 其氣爲五行。」人禀五行之氣以 于音律爲 氣,德禀于人爲 五星,分位于地爲五 又案曰]《唐志》曰: 五. 今考木爲歲星,火爲熒惑 聲,發于文章爲五 五常,用于人爲 方,行于四 五五 行見 象 色, 生,故于 Ŧi. 時 于 爲 天 爲 總 Ŧi.

IE

令》。 《天文志》異。 《傳》解。 信、智是也。 卦之體,得五 徵,土聲宫。 之卦也,陽氣始生,受形之道也,故 之序成立,則五氣變形。 儒皆從之。 木,義屬金,禮屬 香,金臭腥,水臭朽。 土色黄。 漢 也 于上,陰 爲), 陰 故南 太 天 金色白,木色青,水色黑,火色赤, 成于 用 白 文 金聲商,木聲角,水聲羽,火聲 惟五常 得 事 方 / 志 》。 圃 水 離。 爲 而 正 見杜預昭 萬 氣 《乾鑿度》孔子云:「八卦 鄭 爲 萬 禮 于下,尊卑之象定,禮 物 所屬 離,南、南、 以爲五常,仁、義、禮、 以 火,知屬水,信屬土,宋 木 一物得其宜,義之理也 辰 始出 信屬水, 臭羶 星,土 入于兑。 、《天文志》以仁 臭即 于震。 方之卦也,陽 元年、二十 故人生而 ,火臭焦,土臭 氣也。 爲 **兑**西 知屬土, 填 震,東 見《月 應八 東 <u>.</u> 方之 方 與 年 見

> 方行 《孟子》智巧、聖力之喻、 于仁,立于禮,理于義,定于信,成于 乾、坤、艮、巽位 北 也 故 事」,思屬土,「思曰 五者道德之分也。」鄭説本 方爲 」, 陰 西 也,智之決 方 氣形 信。 爲 盛 几 陽 方 漸 也 在 ,德必以智而成 之義 氣 於), 故 四 睿」,則智爲 含閉 坎。 維 中 皆 ,信之類也, 央 中 統 、爲智。 央所以繩 于中 此。 北 土必 方 觀「五 道 興 桂 故 四

所附 紀, 禹所推 字, 説 爲箕子告武 既爲洛書本文,則 也 又案曰〕「初一曰五行」一節六 可 較 傳疏 益。 知 若「福極」,疑但爲禹之語,箕子 衍也。 疇 皇 既 其餘諸疇之中,必多箕子所 獨 以 王之辭。若「八政」,若「五 然其 極 詳。 初 自 、次二等爲禹 中日 蓋《洪範》 疇,凡二百五 而曰汝 五. 行 所 十五 以 日 乃者, 下,皆 兀 演

文太少,箕子之文太繁,皆非 弱」,盡屬箕子之言,而 遂 謂 曰水, 二 曰 火以 與 禹 下, 無涉 也。 直 至 禹之 日

聽,五曰思。〔《釋文》曰〕貌本亦作額。視,常止反,「二,五事。 一曰貌,二曰言,三曰視,四曰

徐市止反。

思如字,徐息吏反。

下同

正。聽,察是非。思,心慮所行。
疏。〔傳曰〕貌,容儀。言,詞章。視,觀也。《尚書》疏。〇《詩》十二之二卷《小雅・小旻》

明聽 非 此 如 云:「人先須貌嚴而後出言,言從 〔案曰〕鄭云云者,《詩》疏引此注 也。 彼次。」是 節 聰及 即 但 下文「曰 舉 思睿。 其 也。 目 明」、「 而 僞 是人之明見 傳 己, 云「觀 曰 尚未 聰」句中之意, 正」、「察是 及此。 在 前 而 而 後 解 故 視 之

> 「言曰從, 〔傳曰〕儼恪

彼從,亦我所爲不乖 則是彼 〔鄭曰〕恭、明、聰、睿,行之於我身, 曰〕發言當 [傳日]是則可從。 人從我, 使 可 以與 從。《史記 刺 上下違者,我 也。 《尚書》疏 宋微 子世 其從 馬 而

義。 矣。 不知 彼注云:「從,順也。」是從 邾。 疑,而解之云,彼從由 而指人從我。馬、孔並 「其詞順。」《論語》「言不順」,是言 案曰〕鄭云云者,鄭意從不以 文十四年《左傳》,晉人納捷 「從者,可從。」則與馬、鄭合,是先漢 /,而于 四《 《禮記·孔子閒居》「氣志既從 邾人曰:「齊出貜且長。」宜子 Ŧī. 此 行 必爲 五. 事 》篇 此 解者、《春秋 全引 于 同。 有 我是,其 此 鄭 順 經 又恐 訓 己身言, 丽 義 菑 有 鄭 日 順 于

古義,不可改也。

「視曰明,

[傳曰]必清審。

「聽曰聰,

[傳日]必微諦。

古文也。省。以芮切。」又喻字注云:「古文叡。」今僞孔作睿,是省。以芮切。」又喻字注云:「お文叡。」今僞孔作睿,是卷四下惄部叡字注云:「深明也,通也。从惄,从目,从谷「思曰睿。〔《釋文》曰〕睿,悦歲反。○〔案曰〕《説文》

《尚書》疏。 [傳曰]必通于微。 思慮苦其不深,故必深思,使通于微也。 《史記·宋微子世家》集解。 [王曰]睿,通也。 風・凱風》疏。 [馬曰]睿,通也。《釋文》。 與曰]睿,通于 政事。《詩》二之二卷《邶

> 易也。 易也。 易也。 居上固主于寬,然容者或相似而誤也。居上固主于寬,然容者或相似而誤也。居上固主于寬,然容者或「容當爲睿,通也。」考其實,古文睿與容「容當爲睿,通也。」类其實,古文睿與容言無不容。」然鄭于此經仍作「睿」,訓言無不容。」然鄭于此經仍作「睿」,訓

「恭作肅

恭作心敬也。 ○《詩·小雅·小旻》疏。〔傳曰〕心敬。〔疏〔鄭曰〕君貌恭則臣禮肅也。《尚書》疏。

蓋鄭解此經,謂君以外貌之恭,致臣内《無逸》云:「恭在貌,敬在心。」]其關即敬,而敬在心。以云貌恭致禮肅,禮、貌似一,而傳以肅此云貌恭致禮肅,禮、貌似一,而傳以肅此云貌恭致禮肅,禮、貌似一,而傳以肅(案曰]鄭云「恭在貌,敬在心。」注《五行〔案曰]鄭云「君貌恭則臣禮肅」者,鄭注

訓詁,其改鄭致臣之義則非。忠爲敬,此古義也。傳出魏晉間,猶知心之敬。臣事君以忠,而《説文》心部訓

上文。「艾」。《漢書・五行志》及《王莽傳》所引並同。説詳「從作乂,〔案曰〕「乂」、《詩・小旻》及箋所引皆作

以爲治也。 主言必從,其國可治也 日]可以治。〔疏曰〕下從則國治。 ○《詩・小雅・小旻 》疏。 鄭 日〕君言從則 《史記・ 臣 宋微子世 「馬 職 曰]出令而 治 也。 家》集解 《尚 從 故人 書 所 傳 疏

〔案曰〕鄭、馬乂爲治、《釋詁》文。

字,此經及《儀禮》「晢明行事」,皆當之舌反。《詩 風》「明星晢晢」、、小雅》「庭燎晢晢」、、易・大有》九四象 部晢字注云:「昭晣,明也。 智也。」鄭本作晢,則讀爲哲。○〔案曰〕《説文》卷七上日 明作哲、〔《釋文》曰〕哲、之舌反、徐之列反、又之世 可 ○〔疏曰〕哲字,王肅及《漢書·五行志》皆云:「悊· 明辨, 哲也。」當之世反。 然其義皆同 故《釋文》于此經並列二音。 从日,折聲。 據疏 旨熱切。」考哲 Ŧ. ,則音彼 肅 作抵則 此 陳 ൎ

有作木旁者、《説文》無此字、尤謬。哲、《隋書》作知、則聲轉而誤也。又此字上從手旁、今俗至鄭(小旻)箋引此經作哲、則以音同通用。《晉書》亦作至鄭(小旻)箋引此經作哲,則以音同通用。《晉書》亦作鄭同。僞孔多從王背鄭,此條獨從鄭不從王,頗有可取。謬矣。鄭作哲,而讀爲哲,訓昭哲,與《説文》合。僞孔與

了物情,故視明致照哲也 書》疏。 ○《詩・小雅・小旻》疏。 鄭曰〕君視 [傳日]照了。 明 則 臣 (疏曰)視清審則 〔王曰〕悊,智也。 昭 哲 也。 《尚 書 《尚 疏 照

矣。 从口,折聲。 智。考《説文》卷十下心部悊字注 志》仍訓爲明,不 同借用耳。《五行傳》同。 也,已見上。《五行志》作「悊」,特 〔案曰〕鄭以晢爲昭晢者,《説文》日 一字。卷二上口部哲字注云:「知也。 敬也。从心,折聲。 而王 「哲或从心。」今此經「哲」字,雖讀與 肅欲與鄭異,遂改作悊 陟列切。」又重文悊字 訓爲智,則非 陟列切。」此 應劭注《五 Ë 别是 且 作 以 云: 部 注 訓 悊 行 音

恕,明也。」此即悊字。 **俱**異。 應作明,鄭説爲長。《墨子》卷十《經上》篇: 敘官》云:「瞭,目明皃。」此經晢屬視義 《五行傳》云:「悊,瞭也。」鄭注《春官 悊 注及僞孔與《説文》合,得之。 同 而一从日 若作悊,則 訓 悊可訓明, 哲不可 與思睿之義 明,一从心訓 改想。 相 知 又鄭注 文義 鄭

「聰作謀,

行志》劉 聽聰致善謀 ○《詩・小雅・小旻》疏。 鄭曰」 聽 聰 《史記· 昭 君 則 注。 聽 知 也 宋微子世家》集解。 聰 是非,從其是,謀必當,故 傳 則 E 臣進 (馬日)上聰則 所謀 謀 必 也。 ○《續漢書・五 成當。 《尚 書》 下進 **「疏** 疏

也。詳見下文。仲舒《春秋繁露》義,應劭《漢書》注同〔案曰〕鄭、馬云聽聰則臣進謀者,此董

睿作聖:

是君 目 本體,皆據人主 第二言其所用,第三言其所致。 然之甚乎! 若君睿致臣 休咎所致悉不由君矣。又「聖大睿小」, 皆肅乂等所致,若肅乂等皆是臣事, 是君致臣」,案「庶徵」之意,休徵、咎徵 大,皆是人主之事。 是名爲聖也。 識 作聖也。 聖俱通名,聖大睿小 通 ○ 《詩・邶風 傳曰〕于事無不通謂之聖。〔疏曰〕睿、 鄭 視之,耳聽之,心慮之。 也。」言識事在衆物之先,無所 曰 事。 致 君 臣 此五事爲天下之本也。 鄭玄《周禮》注云:「聖,通 思 凱風》疏。 智,則智皆上于君矣。 謂 叡 此章所演,第一言其所名, 此言人主行其小而致其 則 其 一爲説。 臣 政 賢智 ,緣其能 所 鄭玄謂 ○又《小雅・ 貌總身,口言之, 致 也。 始于敬身,終 也 「此所致皆 通微 此 尚 《洪範》 小 所 《 五 行 因 書》 ·旻》疏 何不 致皆 而 疏 則

安静而 之決斷 方離 光,故 文。 傳》也。 聽聲也 動容貌也。 屬 宗雊雉之下云「耳不聰之異」,皆《書 孔于太戊桑穀之下云「貌 土。 ·, 思 曰 爲 也 孔取爲説,則此次之意,亦當如《書 屬 視屬火。 又于《易》,東 萬 目 若金之斬 木有華葉之容, 土。」
《五 物 貌 土在 目視物也。 屬 西方兑 生,心思 内, 木, 言屬 水 行 猶思在心。 割、故言 内 爲 傳 明, 慮 方 П 金,視 ×, 震 北 而 故 口出 故 不恭之罰」, 伏生之書 方坎爲 爲 萬 屬 聽 貌 事 足,足所 屬 亦是五 屬 金。 言 屬 成 火, 水。 也 耳 故故 火 聽 也 外 屬 耳 以 思 南 屬 土

案曰]鄭 淪 又義 言之,未暇 文則 云 理 之學, 二君思. 通 故 叡」云云者 精 自 也。 析。 唐 虞 義 是以 以 己 至 聖賢 見 本 周 篇 初 對 「庶 文

武仲亦 《論 别白。 記 臣,與僞孔 也。 者,鄭又總説「恭 古訓具存, 大。 知、仁、聖、義、忠、和」平列, 篤、誠,《周 言「人之彦聖」、《春秋》 徵 五. 實鄭以聖義通 云「此所致皆是君致臣 臣 事 行父説 聖 語》、《孟子》,益 僞 , 則 中庸》篇曰「 其實則在 即 與 孔 人之齊聖,不 修 稱之。 其身之能 蒙 傳以 身之道 八愷 傳 禮 對 疏欲扶孔 異。 肅乂等以 於賢智,正古義 商代,尚未及 直至夫子贊《易》, ,齊、聖、廣、淵、明、 地 多 爲 作 能 爲 馬 官 方 加 政 肅 以 過 肅 融 廢 • 推 **>** 在 與 恭從 文十 ,謂其政所致也」 大司 鄭, 飲 乂等,不 注 下屬君 以 闡 狂 酒 與鄭 下一 等 取 强 此 始 諸文中若 八年《傳》季 對 温克, 徒》「六德 駁之。 知聖 事 也。 義。 同。 鄭 節之意 ^ 以 致 秦 鄭 故 身 以 以 可 唐 又 其 臧 初 獨 暨 不

聰

則

聞

注

活五

而

恥

治

矣。

作

以五事乃人性行之能,故其心性皆有此 治。」鄭《尚書》注 箋云:「天下諸 者進,不肖者退,天下 禮法大行之日, 之矣。 今雖無禮法於中, 明作 事能辨下謀,故事 膴,或哲 行志》「聰作謀」云:「上聰則下 王者言可從,明 義足以 行 尤 恭敬之姿,而天下莫不肅矣。 何不擇置之於位,而任 精 聰作謀,謀 哲,哲者明 五事》篇云:「恭作肅,言王 、足以發揮鄭義。 有知者,有謀者,有肅者, 或謀 包傳 國 則比 義實本此。 雖 ,或肅或艾。」鄭彼 意也。 知 屋可 猶有 者謀 也,王 善 正 無失謀矣。」 止 而 從 《毛 封, ,或聖或否。 此 事 勸 一者明 行 彼疏言: 也,王 之, 五事 賢人衆 而 **奉** 一之爲 知 天 · 小 則 者, 下 秋 應 者 惡 腎 之,以 睿,通 從,則 可易 意未 是不

德。」

此

説

• 五

誠能

内

有

多。

民

雖

靡

•

小

此

鄭

有艾者,王

謀。」説 從,是謂不乂。視之不明, 之,反駁 聰,則是不能 君視不明, 則是不能 不聖。」鄭注 聽之不 傳》曰:「貌之不恭,是謂 謂休咎皆臣 休咎所致 見休 嘗 能 也 思心 也 是不能 示 聰, 小 鄭 明其 敬其 悉不 以 ** 與鄭、馬合。 僞 者 云: 則是不能瞭其事 心 是謂不謀。 所致 肅、乂、哲、謀、聖 曰:「肅,敬也。 君臣共致,君當 孔 通 明 謀 治 事 事也。」觀鄭 由 如如 以 日 其事 其 也。 也。 君。」愚竊 妄改 待之,君思 聖,包貌 事 肅乂等皆是臣 者也。 者 伏生《大傳 乂,治 則 鄭 也。 思之不容,是謂 不肅。 知 義 此 言視 謂 先 也。 也。 是謂不悊。 容 悊 爲 注 君 心 修 孔 鄭 漢 當 爲 不通 貌不恭, 君 , 則 身以 聽 君聽不 意 君言不 古 言之不 穎 • 五行 瞭 爲 知鄭 訓 也。 取 載 則 附 則

坎。 説字 也。 卦。 仲 日 古 爲足,坎爲耳,離爲 坎爲冬、爲水,南離 説本《易》八卦方位,四正卦:京房謂之方伯 並 Ŧī. 王西南, 又案 月也。 所由。」又云:「坎爲耳 顯合,而足 木、言 傳》云:「震, 行,鄭康成之注《大傳》,及孔傳、孔 同,此説是也。 耳 東震爲春、爲木,西兑爲秋、爲金, 視者光之麗于物、爲離。 離,麗也。」貌主動,爲震。 從言,爲兑。 自 劉歆、眭 發 旦三五 劉 月月 位實中央。 此 劭《人物志》劉昞 金、視火、聽水、思土,伏生、 義 也。」離 亦 事 孟等之言災異,班固之 動 穎 貌之動 配 日 也。 達之駁妄矣。 に目 聽 何以知之? 坎 爲夏、爲火。 「五事」分配之、《説 「五行」,諸 月,離 党爲 者耳, 痛 注亦曰: 兑,説也。 也 党爲 目 坎耳 《淮南 口。」耳目 有陷 「離目坎耳,視 又云:「震 口舌。」 言主説, ·, 故 説 伏生等 坤土寄 坎,陷 象,爲 耳目 互. 精 疏 志 董

既 金 火,火口 日 鑠 舞 陽,故妖言出小 此外,劉 漢俗儒 言火同氣,故童謡爲妖言。 水、當貌 雨 見、爲明、爲光。」是皆足以証 爲思、爲 王充《論衡 雨 家 一,惟 乃貌 <u>六</u> 言,言與火直,故云『鑠 而 以 童暴巫。」又《言毒篇》云:「諺 金,口口 貌言改屬水火,則當 思屬 劉向以 故爲 創爲異論者,誤以「五事」之次即 不恭之罰。 同 坎 向 不恭之罰, 者火 土,坎爲虚、爲 類 爲 則別 土,仍伏 訂鬼篇》云:「《鴻範》五 П 他。」如 耳 爲即大水。 舌。」又虞翻 也。 童 爲 爲疾,故 五行二 一説。 生 劉歆 則貌 劉 童巫 之 向 人、爲納,離爲 以 舊 《逸象》云: 既以 以 應改 金」。 考「庶徴 含陽, 王 曰火,五 爲即 耳 視 世謂 充 伏生等説。 聽 恒 痛 屬 説 日『衆 故 金制 此 改 童 春 雨 推之, 水矣。 屬 子 秋 説 事 大 雩 行 П 得

腎也 位 從 瘳 與《洪範》之言理氣、象數相 病之法,當從今文《尚書》歐 心爲火,脾爲土,肺爲金,腎 同 俱在鬲上,祭者必三,故有先 在 時之位,以其五藏之上下次之耳。 《尚書》説:脾木也, 古《尚書》同。」鄭駁之云:「《月令》祭四 夏祭肺,季夏祭心,秋祭肝,冬祭腎, 金也,腎水也。 心火也,脾土 義》云:「今文《尚書》歐 行之位, 古《尚 也。 後而腎在下,夏位在前 五 小前故祭先脾,秋位 行之氣。今醫病之法, 、脾也俱在 若反其 書》説 先祭之。 也 術,不死 許慎案:《月令》春祭脾, 鬲下,肺也、心也、肝 一, 肺 但 此既是醫 肺火也,心土也,肝 金 故 爲 小却 也,腎水 IE. 陽 劇。」是鄭 而 義 説: 爲配合者不 爲水 引鄭《駁 陽説,不當 以肝爲木, 故祭先肝。 肺在上,春 後焉,不 病之法, 肝 也。 木也, 冬位 則 有 也 與

坎本水 爲水。 發爲 别造 視聽 寒。 寒,而水位正北,于時冬也,反不 南,于時夏也,反 即 金爲 $\overline{\mathbf{H}}$ 發 以 爲 言 H 有是理乎 祭各以一藏爲先,乃以牲之藏配 乃醫家之言,非《洪 屬木金者,其説妄也。 寒,寒應謀, 大 而 説云: 脾之發爲 爲火。況强木以 也,借雨 離本火也,借 Ŧi. 主 而 一金,肝之發爲視 主水,心之發 所 屬 以 則聽! 不得爲燠。 然則謂貌言屬水火, 推 爲坎 得,本之《 日以爲 屬 象,不可 貌 爲燠,而 範》義。 金云云。 爲 而主土,肺之 其後俗儒 思 而 離象,不 强金以 主 而主火。 内 《月令》 火 即 經 ·得爲 不 位 以 爲 又 知 正 口 雨

言當屬火。

木爲燠,燠應哲

則視屬

水。

暘爲火,易象離

爲

火,暘

與乂應,

則

<u>F</u>i.

行」之次故

也。

近

人

又衍

其説

雨

水,易象坎爲

雨

, 雨

龃

肅

應

則

貌

不 義。 經 則 伏、鄭爲定。 合,又不待言。 以治疾,「非死必劇」, 金, 書》説, 可 口 謬 強 以 同 聽爲水。 合 歐 其 乃以貌爲木,言爲火,思爲土,視爲 陽家 氣 洪 鄭 則 而 範 意 質 與 爲 説以之療病 之相屬者言,各 已 諸家又 鄭既斥其與 以 顯 「五事」配「五行」,總 其形象之相 然矣。 至許慎 俱 則其 不 則 蓋 ·同,而 所從之古《 醫理不 可 與《洪 相 有攸 配 西己 以 者 別爲 之説 與 範》不 合, 當 言 尚 以 若 不 屬 經

不以爲 庸》「天命之謂性」注。 聲臭以養人之欲 [又案日]五行之氣 亦不能去。 神則禮,水神則信, 五行之精。 用 也。 其 然此氣之麤 不離 者 故貌言視聽 木神則仁,金神則義 凡民 降生 土神則 乎 氣而 者也 莫 Ŧi. 不 知。 材,爲味 思 不 用 一,聖人 ,所謂. 雜 見鄭《中 之, 乎 終 氣 聖 色

> 盡其性· 事,是謂 物」,而五事皆虚器 聰睿,固 于食味、别 則 物 , 所 謂 也 能 有之才,則不能盡是。 天 形 用五行。 性 聲、被色之間 凡民莫不有五 色 也。 也 肅 恭 矣,惟聖人敬用 义 哲 從 明 謀聖,踐 聰 事, 至 一于恭 「不誠 圃 但 從 一用之 謂 有 五 無 明

曰師。 司空,五曰司徒,六曰司寇,七曰賓,「三,八政。一曰食,二曰貨,三曰孔,四

日

之官。 謂掌民 馬 詰盜賊之官。 賓, 祭祀之官,若宗伯者 帛之官,若《周 鄭 》大行人是也。 《尚書》疏。 司徒,掌教民 食之官,若后 此 數 本 禮 諸 ○《史記· 其 掌諸侯朝覲之官、周 師,掌軍旅之官,若 司 職 之官 也。 貨 稷 先後之宜也。 崩 者 宋微子世家》集 也。 也。 是 司空,掌居 也。 貨,掌 司寇, 祀, 民 金 食

也 如其 官名以見義。 指事爲名。 三卿舉官爲名者,三官所主 民,緩急而 使 神, 司 事多,若以 政」者,人主施政教于民,有八事以 師,所任必良,士卒 徒、主徒衆、教 施 司寇主 曰〕食,勤農業。 王曰〕寶,掌賓客之官也。 馬 ? 無縱。 貨 以成教。 日 說,自可皆舉官名,何獨 賄掌公家貨 「八政」主以教民,非謂公家之事, 事如《周禮》,皆掌王家之事,非復 誅 司 賓,禮賓客,無不敬。 空掌營 寇 一事爲名,則 何以謂之政 爲次也。 害。 司空,主空土以 鄭玄、王肅皆謂 以禮 《史記 貨,寶 城 賄,大行 - 必練。 義。 郭 食、貨、祀、賓、師, 乎? (用物。 主空土 所掌不盡,故舉 宋微子 司寇,主姦盗 《尚 [疏日][八 掌王之賓 居民。 書》疏 且. 三事舉官 世 官職, 祀,敬 以 司 家 師, 居 用于 集 民 解 鬼 傳 即 司

> 非取職之先後也。 上,司 空在下,今司 空在四,司馬在八,

馬、王 寇在 故司、 其 政 以 六 故次賓。其有暴 既足,民生厚矣,成民 物之始,人事之所本 《大傳》云:「八政何以先 其居,樂事勸 故次祀。《王制》云:「食節 所以通有無,利民用,故即次之。 案曰〕鄭云「此數本其職先後之宜」者, 師 職 賴官以行,八政皆官之所掌, 食貨等皆爲設官分職 征 空在司徒之先。 司徒之後。 主官言。 説 或 之。是其 皆與 稱其 功,尊君親上,然後興學。 官號,蓋 鄭 疏 同 職 虐 德立刑 附 也。 先 無道,不率化 會傳,强 也。」故先食。 先教而後誅,故司 而 後之宜也。 錯舉 傳以爲 解之者,鄭意 行,遠方賓 後,致力于神 食? 事時,民咸安 以 駁鄭,皆 互見之。 食者,萬 主 而或 者, 于 鄭 服, 以 又 則

也。 也。 云: 夏制 宗、司馬、作士、共工也。」則夏六官與 云: 用 語 春官,司馬夏官,作士 大略相同。 注《大傳》云:「夏六卿者,后稷、司徒、 達《曲禮下》疏云:「《甘誓》云『六 同矣。」據此則三王同有六卿。 人」,鄭云『《周禮》六軍皆命卿』,則三代 官司空,周制 徒、春官宗 也 •周語》云:「昔我先王世后 若后稷者」,即 「女后 「夏之衰也、棄稷弗務、我 賈公彦《周禮》疏 其官。」 今此經「八政」正是禹之所演,宜 鄭于此經注云「食謂掌民 周 履,播 禮》六官 伯、夏官司馬、秋官司 后稷天官,司 則 損 益 時 后 唐 百穀。」是掌民食之官 稷是官 日 據夏制言之。 虞 云:「堯初、天官爲 天官冢 夏殷 秋官,共工冬官 徒地 而成。 宰、 先王不 官,秩宗 稷。」又 又引 堯 地 食之 事 孔 官 國 周 爲 鄭 > 秩 穎 司

禮 播,奏庶艱 虞,食貨合爲 秋官 崔靈恩説同,見 屬,則周制亦因虞夏也。 食貨皆掌于天官,如此太府等皆天官之 年之通制國 則食貨皆其 外府及職 鄭意當不謂 而 之官,若宗伯」者,鄭言秩宗,舜時始置 賄」當指此。 交、掌察之後,當是專掌朝聘之貨賄 帛之官,若《周禮》司貨賄」者,司 稷,至試 此 之,至夏時 1,職闕. 大宗伯》之職,「 云「若宗伯」,則借 舜 内、 食鮮食。 八所掌。 無考。 **⑥**通 此天官有太府、玉府、内府、 用,量人以 又 仍 胡渭據陳櫟云:「八政在 典》。 職幣諸 改 ,而稷掌之。」禹「 爲后稷矣。」云「貨掌 名 《王制》冢宰「以 則夏 但 爲 懋遷 掌建邦之天神、人 職,鄭 在掌客、掌 白 爲 周 秋宗 云「祀, 掌祭祀 揆。 出。 制 有 所 言之。 無 必沿 舜 一, 化 云「司貨 蓋自古 貨 又 訝、 暨 居 崩 命 《周 一稷 唐 屬 禹

因之。 云司 《王制》「殷有司空」,馬融注《書序》「咎 鬼、地 據此經則夏已改名司寇,而《大傳》注 民,以除盗 宰職》云:「五 盗賊之官」者、《周禮》司寇爲刑 其屬而掌 度,度地居民。」故知是「居民之官」也。 《周禮》司空官亡。《王制》云:「司空執 單作湯司空」,疑必因夏,則夏有司空明 與虞,其後不 苑》、《淮南子》並同,詳《堯典》。 攝位舉禹治水,改名司空,以命之。」《説 矣。鄭注《大傳》言共工蓋隨便言之。 之官」者,鄭言:「初,堯冬官爲共工 云「作士」,亦隨便言之。云「賓掌朝覲 `徒掌教民之官」者,司徒,虞官, 祇 《周禮》云:「乃立地官司徒,使帥 之禮」 邦教。」是也。 日 知何時又合爲司空。 是也。 是也。 刑職,以詰 云「司空,掌居 虞本號「作 云「司寇,掌詰 後復分爲共工 邦國 门以 官。 士 糾 舜 夏 據 民

之禮。 夏因 馬」、《説 也。 馬,下大夫四人。 卿 掌軍旅,若司馬」者、《周禮》:「大司馬, 侯。 以 禮·大行人》「掌大賓之禮及大客之義, 行司馬,中士十有六人。凡制軍,萬有 書》又言「棄爲司馬」,是唐虞本有司馬, 人爲旅,旅 時亦有大行人,亦屬秋官否也。云「師 之官,若大行人」者, 一千五百人爲軍,王六軍,軍 一千五百人爲師, 親諸侯。 一人。小司馬,中大夫二人。 《禮記 大客,謂其 而不改。 比 鄭彼注云:「大賓,要服以内 邦國之功」云云,以下備 苑》又云「堯時契爲司馬」、《緯 》疏引 帥皆下大夫。」是司馬掌軍 春朝諸侯 杜氏《通典》云卨玄孫之 (孤卿。] 是也。但不知夏 鄭 師 輿司馬,上士八人。 云「堯時祝 帥皆中大夫",五 借 而 圖 周 制言之。 天下之事,秋 將皆 融 載朝 I命卿。 軍 司 覲 周 司

禮。 司五 官,日 也。 夏殷周六官之制,略相等也。 列太宰,并顯太宰之下隸屬耳。 卿所法則異,太宰爲一卿,象天 太 所 子建天官,先六太,曰太宰、太宗、太史、 同《周禮》也。 子 太祝、太士、太卜,典司六典。 天子之五 微爲 宰、司徒、司馬、司空、司士、 言,上非夏法,下異周典,故鄭指 ,官實六也。 下 Ŧi. 衆。」疏云:「三王同有六卿。」此 但周立六卿,放天地 然天官 司徒、司馬、司空、司士、司寇,典 卿,法地 夏 司 以下即殷家 馬 其殷制則《曲禮》云:「天 是矣。 事。 夏 制 上因 但太宰既 合 六 而 四 唐虞,下 一時,而 言之, 卿 尊, 時, 司 何者? 然則 ·亦略 寇 爲 政 故 殷 司 是 記 先 徒 殷

> 冬至 月。 月三十日 日,所以紀一日 從夜半以至明日夜半, 爲 歲 ,小月二十九日 所 以 紀 也 四 時 周十二辰 從朔 所以紀一 至 晦

四日星辰,

弧 中 孟 亢 中之星。孟春昏參中,旦尾中。 昏明迭見。《月令》十二月皆紀 〔疏曰〕二十八宿布于四方,隨 見,以敘氣節。 記・宋微子世家》集解。 星,二十八宿。 微子世家》集 鄭曰〕星,五星 中。 中, 中, ,旦觜中。 秋 旦危 旦建星中。季春昏七星中, 建 孟夏昏翼 星 解。 中。 中, 季秋 〇〔案日 十二辰,以紀日月所會。 辰, 也。 日 中,旦婺女中。 季夏昏心中,旦奎 昏虚· 畢 「傳 日月之所 尚 中。 此 書》 中,旦 曰〕二十八宿 非 鄭 疏。 注 秋 柳 會也。 ○《史記 天轉運 (馬 仲夏 昏 昏牽牛 仲春昏 中。 日牽 旦 中。 所 迭 宋 史

四,五紀。

曰歲,二曰月,三曰

日

傳曰〕歲,所以紀四

時。

月,

所以

紀

月,日紀一日。 〔疏曰〕從冬至以及明年

月行 有餘 會處 行疾, 冬昏 仲 仲 日: 辰。 日月 以 節 敘 日 多語寡人辰 軫 冬日 彼迭見之星,敘此月 秋 日 日 氣 氣 十二辰 爲辰。 「日月之會是謂辰。」會者日 消謂月 在 節 危 在 日 昭七年《左傳》晉 别行,會于宿 ,分爲十二月,有二十四 中。 一周天,又前 俱循天度而右行,二十九日過半, 在 東 奎,季春 也 中 即子 井, 季 斗,季 角 初也。 旦 冬昏 則《月令》孟春 氣節者,一 季夏 季秋 一七星 ,而莫同 日 ·冬日 $\dot{\mathbb{H}}$ 婁 一爲中氣 日 日 在胃,孟 及日 寅 度,從子 中。 中, 在房, 在 卯 在 侯問 歲三百六十 之節 柳, 旦 而與 何謂 之謂,所 婺女,十二會以 仲冬昏 氏 夏 日在 孟 孟 至丑 士文 氣 中。 日 冬日 日 秋 辰也?」 謂月半也。 也 誉 東壁 會 行遲 日 在畢,仲 以 伯 爲 室 在 在 + 五. 辰謂 所 曰 一, 仲 中, .謂 日 對 日 以

> 星也。 星所 月 之會 行 下, 處 也。 民 不以爲候,故 鄭 以爲日 星,五 傳 星」, 不 以 然 五. 五

緯,❶疏及《史記》注皆不足據。 鄭與馬同, 《洪範》皆星辰合釋」,則賈公彦所見本, 禮》十八卷《大宗伯 記》注,但《堯典》疏 星辰爲一。」則《洪 案日 鄭以 亦以星爲二十八宿, 星爲 五. () 疏謂 範》 云 星, : 不 鄭 雖 鄭 應 見 康 異 本 于《堯典》、 成此 解。 疏 不指五 及《 注 周 史 以

「五曰歷數,

紀度數 算日 之度 [王曰]日月星辰 月 以 歲之歷 行 爲 也。 道 歷 《尚書》疏。 也。 敬 所 歷 授民 天 計 所行,布 以 時。 氣 積 傳 朔 氣 曰〕歷數,節 早晚之數,以 而 無形,二十八 疏曰 〕 歷 數之, 所 氣 以

▶ 「緯」,據文義當作「星」。

天度以 月,是 言也 節 多每 爲 過 日 五紀」。 次之内· 時 日行 亦 氣 氣 半 行 + 分 在之 月之 歷 不 而 正 也 五. 之 一歲爲十二月,仍有餘 得 數 爲 天未 度, 月 度 爲 有節. 在 不言 所統,其 H 此 十二次,則 限 Ŧī. 有 月行十三度 周 隨 周,故置 節 月朔,中 者 餘 氣、中 與 時者,以歲 皆所 月 氣之度, 爲一 宿 日 日 變, 日 各 會,每于一會謂 月右 以紀天 人 氣 閏 歲之歷,所以 氣,次之所管,其度 每 有 非 不得在月半。 月朔,參差不及, 以 使知 次三十度有餘。 有餘,二十九日 度數,合成 歷 充足。 月 氣 所 時, 氣所在, 循 節 推 十 一 此 若均分 故 正 宿 謂 教 故 而 日。 授 之 百 四

案日 辰 並 王 及 列 傳 爲 五 疏 , 其 云云 實即 者 是 歷 布 數 算 雖 與 推 測 歲 月

謂 微,紀 之日 紀 發 復 以 驗,積微至著,修正不失。 與 于日 分,至謂冬至、夏至,啓謂立春、立夏,閉 列 察之日月相推,交道 數 下 歲 南 黄赤 于歲 立秋、 發 北 極; 後 星 也 協 H 漸 見 者 躔 極 月 民 斂 于歷數者也。 極 伏 道 也。 向 事, 所 辰 也 ,發斂、朔望、朏 分、至、啓、閉, 立冬,是爲 則復向北,至春 南,至秋分南北 相 者 昏 行, 終爲 非 旦 朔 直 察之書 也 歲 及 謂 一贏 中 丽 月日 星 縮 上, 日 月一日, 察之十有 北爲斂 歲, 辰 八節。 遲疾 夜刻漏, 表裏,永短 星 察之圭 限 紀于 故 霸 辰 躔 度, 分 "; 自 分、至、啓 外 紀于月者 分謂 中,至 進 日 夏至 月 而 二次 歲 别 執,隨 逡 月合朔 退,消長 出 北 中,夏至 者 有 協 春分、 日 所 昏昕,紀 一冬至 及 而 所 也 天 極 里 在 衆 時 行 閉, 也。 秋 而 之 星 測 紀 歷 以

昏

日

時

不

·見

隨

日

西

没

月參則

旦

見

東

方

見伏者,見謂見于東方。《詩》云「三星 仲冬晝短,昏者日人三商爲昏,昕者 天」,毛傳云:「三星,參也。在天, 中者,若《月令》「孟春昏參中,旦尾 虧消息者也。 承大月二日,小月三日,是紀 月未盛 伏。」傳曰:「伏者,非亡也。 四年《左傳》「西陸朝覿」,是皆 十五 方也。」是昏見也。 度,是紀于日之見没者也。 駟 而不見。 也。 畢,天根見而水涸,本見而 也。 有不見之時,故曰 見 日,月滿 之明 伏者,日躔其 而 晝長宵短,晝短宵長,以 隕霜,火 若《夏小正》云:「叁 也 永謂仲夏 與 日 霸月 相 見而 《國語》:「 望 宿,則 始 伏。」是也 / 晝長,短 也。 清 列 其 霸 風 于月 朏 謂 星 戒 草 辰 日 从 必 九 及 行遲 分 有 日 九 月 審 百 日 遲 日 百 有 而

昏昕

爲

明日

將

出

之盈

也。

出

望

月

寒。」昭日

木

節

解

角

見

丽

雨

始見東

在

若《月令》「孟春之月,日在營室」,鄭注 日月交會之後,積二十九日九百四十分 合星辰爲 辰者,辰 中紀于星,日月躔逡紀于辰,今併言 月會于降婁」之屬。 **逡者**,躔 中」之屬,中謂 「日月會于陬訾」,「仲春日在奎」,注 之四 日之四百九十九而一會者,亦有過 四十分日之四百九十九而一會者, 乎此,而後可定月之大小也。今歷 行十三度十九分度之七,二十七日 四十分日之三百一十四 而 疾,故有二十九日不及九百 百九十九。 不 一會,是其常也 即列星之分爲十二次者,故經 謂 一也。 及。日日行 行 歷 正 贏謂行疾而前侵,縮謂 其 南 月一 次, 逡謂行 然則列星見伏昏 方之中也。 周天之外,又行 度,歲一周天。 但日月之行皆 而一 過 一周天。 日 而 四 月 日 日 躔

歲」。 有餘 小,是 歲行萬四千一百九十三分度之二百有四,計六十九年 恒 日而行一次,二萬五千四百一十二年九十日而右旋 時修改,以示民不可執古以例今也。 星之見伏昏旦 稍移,是謂 或 百有十日而行一度,二千一百一十七年二百五十一 星以 數無關,故不及之。 兩 若土木火金水五星, 而 冬至起 日月 識 右 月 其躔舍。 移一度,故曰「發斂 相 歲差。 有 仍 乎此,仍復 贏縮 一中,歷久必變。 皆大, 故歲功終古不 也。 而 或 恒 日 乎其所,而 則 兩 星約六十 月在天, 止以 歷家必 月 一終而 占變,與 相 汯 星 九 必 仍 恒 則 成 而 星

五,皇極。 皇建其有極

此 疇之義。 立 傳曰〕大中之道、大立 其 其 疇 八中」,謂 大 以大中爲名 中, <u>「</u>疏 此 乃以大中 也。 日〕皇,大也。 ,故演其義。 ·教民。 工其有 論語》「允 極,中也 人主先自 謂 行九

> 與 天,元 建。」 訓 是不能立其事也。」鄭此 政 政 天 者,五事象 成五事,爲中和之政也。 出,不得爲政。』則是 象日月星 極,中也。建,立也。 案 變化 也 僞孔合也。 也。 以德,譬如北 爲 日 君 鄭注曰 || 五 氣純, 爲 孔子説《春秋》曰 其注《洪 一辰,敬 陰 行 Ŧi. 則不 爲陽,覆 傳》 三 王 行, 惟因《五行傳》作「王」,從 辰」,是則天之道于人爲 授民時』、《論語》 曰: , 君 則王極 範》必仍作大立其 可以一 王 成五 也。 王象天,以性情覆 王之不 君 :『政以 注 象天也。 體 不名體 行。 王政不 出政之號也。 一解立 而言之也。 · 極 經 不由 中之義 加 ÷, 曰『歷 曰 謂 有 王 王 則

斂時五 》作「傅」,古字同用 福 用敷 厥 庶民。 [案日]「敷」、《宋世

馬曰」當斂是五 福之道, 用布 與衆民。

言敬用 之見者,故以 [疏曰]五 之道,以 史記・ 斂是五福之道,指敬用五事也。 宋微子 五 福 爲 事 生于五 而 教,用 世家》集解。 動民。 云斂是五 布 事 ,五事得中則福報 與衆民,使慕之。 [傳日]斂是五 福者,福是善

是也。

(案曰〕馬以「敷錫」訓「布與」者、《説文》 (案曰)馬以「敷錫」訓「布與」者,《説文》

「惟時厥庶民于汝極,

取中。
〔傳曰〕君上有五福之教,衆民于君中正以歸心也。《史記‧宋微子世家》集解。

〔案曰〕馬以「于」爲「取」,《七月》詩毛

「錫汝保極。

傳文。

從君化也。

(鄭曰]保訓安也,既得中則其心安世家》集解。〔傳曰]與君以安中之善,言從世家》集解。〔傳曰]與君以安中之善,言從世家》集解。〔傳曰]與君以安中之道。《史記‧宋微子

又也。 《左傳》云:「越子以甲楯五千,保于會 安,義亦通 稽。」皆謂保守,是保爲守也。 祝》云:「有寇戎之事,則保郊。」哀元 上也。 稱,如「師錫帝曰」,「禹錫玄圭」,皆 又「賜汝以守中之道」。承上 (案曰)鄭云又者,衆民不但于汝取中, 民之于上而言「錫」者,錫上 鄭以「保」爲「守」者,《周禮 也。 而言 僞 故 故 傳 下錫 下通 訓 年 云

作極。〔《釋文》曰〕比,毗志反。 「凡厥庶民,無有淫朋,人無有比德,惟皇

惡,比周之德,惟天下皆大爲中正。〔傳曰〕民有安中之善,則無淫過朋黨之

作離。 \overline{z} 禮》以八辟 傳》所引《洪範》文,協作叶,説 俗乃分之,以猶爲如,猷爲謀,非 好,呼報反。○〔疏曰〕此經或言「時人德」,鄭、王諸本皆 惟皇之極。〔《釋文》曰〕罹,馬力馳反,又來多反。 有「德」字、《史記》亦無「德」字。 然則離、麗 兔爰爰,雉離于羅。」是也。 〇[案日]猷即 凡 于極,不 厥庶 「罹,本又作離。」則罹乃後人妄改耳。 『子攸! 三字,此 此字只當作離。 罹本俗字、《説文》卷七下网部在 羅 麗邦灋」,注云: 罹 同 ·猶字。凡字左形右聲者多,則作 好德。』汝則錫之福。 傳不 有猷 也。 于咎,皇則受之。 以 《詩》又云「逢此百 有 《詩》:「魚網之設,鴻則離之。 德 爲 爲 《易》彖傳云: 「麗,附也。」杜子春讀 義,定本無德, 有 已見前。 守,汝 也。 《困學紀聞 罹作麗 則念之。 罹, 而 離,麗也。」《周 時 「時人」下不當 新附 疑 康 而《釋 人斯 中,不 :猶爲 、《史記 而色, 》載《大 爲羅 字 文 Œ 也 其 可

則 家》集解。 當思念其行 念録 凡 敘之。 傳 其 有 日 衆民,有謀有 〕民 凡民之行,雖不合于 所趣 戢 舍也。 有道 有爲 爲,有 《史記·宋 有 所 執 微 ·, 汝 子世 守

> 《荀 受之。大法謂用人之法,取其所長, 咎」,是中人已上,故皆可進用,以大 敘之,宜用爲官也。「不合于中,不罹 言可勉進。〔疏曰〕戢,斂也。 汝當安汝顔色,以 合于中之人言曰「我所好者德也」,是有 瑕録用也。安汝顔色,以謙下人。 能斂德行,使其身有道德,才能有所 好者德。」汝則與之爵禄。不合于中之 而 沙在涅,與之俱黑。」信矣。 慕善之心,汝則予之爵禄,以長進之。 爲,用心有 福,故傳以戢言之。戢文兼下三事, 人,汝與之福,則是人此其惟大之中。 案曰〕馬以猶爲謀者、《釋詁》 是人此其惟 不 '卿書》云:「蓬生麻中,不扶自直。 罹 于 咎 所執守。如此人者,汝念 思 大中之道,爲大 皆 謙 可 下人。人曰:「我所 進 用 大法受之。 因上斂 中之人。 文。 云 法 五 録 施 棄 干

言,且錫之福,以誘進之也 也。 前。 節依傳疏分作兩等人,上等人則念之, 鄭以爲「與之爵禄」,是傳與鄭合也。 以爲「與之爵禄」者,下文「雖錫之福」, 中人以上則受之,而假以顔色,引納其 庸》「抑而强與」,鄭注「而之言女也」 守,是有所舍也。 傳以皇爲 所趣舍」者,有猶有爲,是 則爲法、《釋詁》文。 康爲安,亦《釋詁》文。「錫之福」 而爲汝者,《中 大, 説 有 所趣; 已 見

古文本如此。今晚晉本乃後人妄改也。《洪範》文作「毋侮矜寡」。矜古通鰥,皆與馬本同,當係曰〕《宋世家》作「毋侮鰥寡」。《困學紀聞》載《大傳》所引作「亡侮」。煢,岐扃反。畏如字,徐云鄭音威。○〔案「無虐榮獨 而 畏 高 明。〔《釋文》曰〕「無虐」,馬本

寵貴者,不枉法畏之。〔疏曰〕此經皆是弟也。無子曰獨。單獨者,不侵虐之。記・宋微子世家》集解。〔傳曰〕榮,單,無兄〔馬曰〕高明顯寵者,不枉法畏之。《史

者。 據天子, 人臣, 謬也 顧氏 亦 陵 以 虐 此經據人君,小 **榮獨** 耐 畏 避 高 劉以 明 寵 爲 據

《解嘲》云:「高明之家,鬼瞷其室。」是 獨者,不畏 以君子言,與此同文異解 明爲顯寵者也。 亦不吐,不侮鰥寡,不畏强禦」者也 (案日)馬以 顯 高明爲「 寵者,所謂「柔亦不茹 下文「高明柔克」,馬 顯寵者」者, 也。不侵虐 揚 單 레 注

夫論》及許沖進《説文》上書,引此經並同。《潛氏》○〔案曰〕王符《潛夫論》卷二《思賢》篇引此經「人之有時人斯其辜。〔《釋文》曰〕「其行」,如字,徐下孟反。所正人,既富方穀,汝弗能使有好于而家,所正人,既富方穀,使羞其行,而邦其昌。凡

凡其正直之人,既當以爵禄富之,又當有爲之士,使進其所行,汝國其昌盛。昌。《史記·宋微子世家》集解。〔傳曰〕功能〔王曰〕使進其行,任之以政,則國爲之

其歡心 將奮 進謀 者。 昌矣。 則其 也。 于 以 官,心不委任,禮意疎薄, 正直之人有好于國家,則是人斯其詐 之」,言非徒與官,又當數加 直、「既當以 財貨 〕功能有爲之士,謂已在朝廷任 國家 而 善 使進 法」也 人 樹 爵禄所設,正直是與。 衣而去,不肯久留。 道 、喜于見知,必當行自進益,國 賞賜之,或更任之以大位 也。 凡其正直之人,皆謂臣民有 功, 接之。 則是 其行者, 有好善于國家。 彼喜于知己,荷君恩德, 爵禄富之,又當以 人斯其詐 如 不 或以言語 能 使 取 正 故言「不能 罪 更無恩紀, 已知彼 直 燕賜,使 勞來之, 若 而去。 之人 ·雖用 善道 用 正 有 使 爲 得 接 IF. 其

正人爲「正直之人」者,此經上下所言臣〔案曰〕王以羞爲進者,《釋詁》文。傳以

于其無好德,汝雖錫之福,其作汝用咎。 惡 **羣**臣。 好謂 民。 無好德之人,汝雖與之爵禄,其爲汝 本作「無惡」,誤耳 禄,其動作爲汝 善也。 穀爲善道接之者、《毛詩・小雅・黄鳥》 所以富臣下」,引此經爲證是也。 云: 者、《周禮・太宰職》云:「以 直之人也。 民,皆指其 鄭曰〕無好于女家之人,雖 道 《史記・ 「此邦之人,不我肯穀。」傳云:「穀, 以 。」鄭箋云「不肯以善道與我」是也。 有善,無好德謂 敗汝善。 二曰禄以馭其富。」鄭注謂 宋微子世 德,不 傳又 角惡。 **「疏** 指 以 家》集解。 其官 富 性不好德之人。定 白]無好對 |爲 |以 謂爲天子結 則 正 傳 八柄詔 爵 賜之以 日 禄 有好,有 自 班禄 又以 于 怨 王 是 其 用 馭 于

《史記》本無「德」字,鄭本亦無「德」字,〔案曰〕鄭云「無好于女家之人」者,蓋

也

,皆非也

削

衆

《潛夫論》既引上文「人之有能」云云,而 天子結怨于民」者,《月令》:「毋或敢 加于人,德稱其位。」亦此義 鄭云云也。《詩》:「人之好我,示我 爲臣者仍無好汝,則非賢可知。 申之云:「先王爲官,擇人必得其材。 行。」鄭箋云:「示當作寘,好猶善也。 好汝者,乃實不能有好于而家之人,故 義備矣,可謂「能使有好于而家」矣。 以德善我者,我則置之周之列位。」言 以「于其無好女」爲句。 **僞傳妄增德字,改易鄭義,疏** 庶兆民,以爲天子取怨于下。」是 好于而家」云云,責君當備 此「于其無好汝」云云,戒 君之待臣、「既富方穀」、 無好于汝家,則不可 上文「汝 也。 然則 君 云「爲 之 弗 以 功 無 侵 周 用 恩 而 來 訛 惆憀,惟蓼儀以愴悢. 爲頗則聲不成文。 以 風 愈以爲然,終非獨斷。 實欲暢于精理。 府 是後人所加也。 云陂字亦有頗音。 無 元龜 儀 字,實則不倫。 頗,音普多反。 《洪 偏 》天寶三 和襲。 無 以

惟

賢是用。

有

賢

也。

使

有

而

非

其人也。

儀。」古者書儀但爲義。 儀,以佐宗伯。」注:「故書儀爲義。」鄭司農云: 主者施行。」《文苑英華》亦載此勅,是 先儒之義、去彼膏肓、後學之徒、正其魚魯。 差舛相沿。原始要終,須有刊革。 之義」,三復兹句,常有所疑。 一字,古皆音莪。」以今考之,漢《孔耽神 釋文》成于貞觀,「陂音秘」云云,雖陸氏原本亦 悼蓼義之劬勞」、《司 無偏無頗」,聲不協,詔 陂,遵王之義。 儀爲 |載勅曰:「典謨既作,雖 朕 東吳顧 每讀《尚書・洪範》至『無偏 莪 〇[案日]《新唐 又《周易・泰卦》『无平不陂』、《釋文》 聽政之暇,乙夜觀 陂之與頗,訓詁 應由煨燼之餘,編簡墜缺,傳授之際 也 」、《平都 其『無偏無頗』字,宜改爲陂 洪适《隸釋》云:「《周禮 隸 氏曰:《周 校 衛 尉 尉 相蔣君碑 據其下文,並皆協韻 魯 卿 〔《釋文》曰 峻 改 衡 志 朕雖先覺,兼訪 禮 無别,爲陂則亦會意 公爲 「無 碑 方 書,匪 》開 》「感慕詩 碑 孫 肆師》: 祠碑》「竭 日 元 悲蓼義之不報 》「感衛人之凱 逖草。 〕陂音 偏 一徒閲 十四年,玄宗 不刊,文字或 仍宣 無陂」。 無頗,遵 》注儀、義 于 秘 有之,恐 但 示國學 凱 微言 諸 陸 庶使 風 舊 儒 以 爲 氏 頗 王 本

中山王《文木賦》「載重雪而捎勁風,將等于二儀」,❶始與 紫臺,稽之中和。 不頗。 俾臧俾嘉。 枝 往則有文,來則有嘉。」揚雄《太玄經》: 相磋,各長其儀。」劉 又:「慎爾出話,敬爾威儀,無不柔嘉。」又:「辟爾爲德 儀。」又: 彼中阿。 舟,在彼中河。 何反。』《周禮 痛昊天之靡 黄之陁 九十其儀。 、知、斯爲韻。 物與争訟,各遵其儀。」韓勅《孔廟禮器碑》:「上合 「其告維何, ,其馬歕沙,皇人威儀。」《管子・弟子職》: 既見君子,樂且有儀。」又:「飲酒孔嘉,維其令 淑慎爾止 嘉 其新孔嘉,其舊如之何。」又"「菁菁者莪,在 注: 髡彼兩髦,實惟我儀,之死矢靡他。」又: 並 下合聖 「儀作義,古皆音俄。」《詩》: 以 顧説近是,辨見下。 向《説苑》: **籩**豆静 義爲莪 ,不愆于儀。」《穆天子傳 制 嘉。 也。 事得禮 「食則 朋 吴才老《 友攸攝,攝以 儀。」儀皆音俄。 有節,飲則 「陽氣氾施,不偏 韻 補 》黄澤謡: *****: 「汎彼 威 有儀。 「相切 儀, 牛 自

王之正義以治民。 (傳曰)偏,不平。陂,不正。言當循先

也。《易》曰:『無平不頗。』」是古《易》本辭》「修繩墨而不頗」,王逸注:「頗,傾頗」,唐明皇帝據《周易》改「陂」。然《楚〔案曰〕蔡邕石經及《尚書》舊本皆作「無

者,千百無 凡人之性,每多所政,今驗之人猶然。 路。〔《釋文》曰〕好,呼報反。惡,烏路反。 十二下女部:「吶,人姓也。 「無有作班。」呼到切。」姓當作性,或傳寫誤,或古字通 《吕覽》、《韓非》引「有」皆作「或」,詳《多士》。 無有作好,遵王之道。 邪 ? 作「 爲義。」今時所謂 後人改。鄭衆《周禮》注:「古者書儀 改。《史記》、《吕覽》引皆作「義」, 法也。」據傳云云,是治民之法也 卷一《貴公》篇引此經,高誘注云: 宜古音魚 之《書》,何 「義」皆作「誼」,此則又是明皇以 頗」。 傳以 一二,故曰 乃反 何反,正 遵 也? 爲循、《釋詁》文。 人性也。 據 義 但 改壞之《易》以 與 此韶及《匡 从女,丑聲。 爲誼,誼从宜聲, 無有作惡,遵王 此 頗協,有何不 部中 求 别 其淡然無 出 商書 謬 好字 ○ 日 《説 〇〔案日 改 Œ 亦皆 文》卷 後 無 則 覽》 所 之 倫 但 而 注 玻

❶ 「于」下、《文選》有「歲」字,當據補。

爲定。 慣慣至此? 好爲正訓,人姓爲旁義。 或从女,文之異也。」 意以 好,與政無涉。 知姓乃性也。 之重文,亦非 云: \overline{Z} 作好」,乃「呼皓切」。 注 而政字則直以爲姓氏 云「愛而不釋 道 「呼道 「美也。 「古文好字。」皆非也。 切。 切。 姓 从女、子。 若美好字果與政同物 也。 也。 至《石鼓文》从孜、《好時 美也。 而惠棟乃云:「篆文女字似丑,故或从丑 也。 亦作 竊謂政字,許慎直以人姓釋之,非 从女,丑聲。 是亦誤以性爲姓氏,而竟以好爲 又呼導切。 矣。 政。」是直以 呼皓 政、好是一,亦非。 如果係姓氏,而引 周伯琦《六書正譌 其卷下子部 切。』《玉篇 《書》曰」云云,又「姓 愛好也。」妞字注 美好、 ,則又何 卷上 鼎》从好,皆 愛好 又别 庸 《書》作證,何 當從《説文》 女部好字 》卷四 别 併 載 爲一 出? 野 是美 以 政 字 故 愛 玻 别 注

先王之道路 馬曰〕好、私 〔傳曰 言 無 好 有 也。《史記・宋微子世 亂 爲 私 好惡, 動 家 必 () 集 循

也 案曰〕馬及傳云「私 l。」《韓非子》卷二《有度》篇云**:**「先王 鬻公平于 誘注 同,此漢 曲 義 惠 也。 也。 好」者、《吕覽》引 彼注又云: 作惡,擅 作 威 私 此

> 之指。 義 謂 也。 之法 不 無 爲。」「萬物爲道一偏,一 賤不分。 後無先, 見于畸。 愚者爲一物一偏,而 云:「道之所善,中則可從,畸 及傳合。 任。」《荀子》卷一 民,奉公法,廢私 見于詘,無見于信。 云:「此言以公義勝私欲也。」意皆 多 但 也。」此 一畸偏 一,則 日 其實「作好」、「作惡」 慎子有見于後,無見于先。 **羣衆不** 則羣衆無門。 宋子有見于少,無見于多。 又《荀子》卷十一 臣 ,與《荀子》意異。 有齊無 言道貴中不 或作惡,從王之路。」 毋 或 化。 畸, 術,專意一行,具 《修身篇》引此 作 《書》曰云云,此 威, 則政令不施。 自以 墨子有見于齊, 貴 有詘無信, 物爲萬物 毋 偏,乃斷 是黨私害公 爲知道,無 或 《天論 作利, 則不 老子 世 一偏, 則 經 有 與 以 治 從 有 可 無 知 而 待 無 \pm

平。 本作「辨」、《史記》引作「便」者同,以相比況,知此亦當作 辨。」是則與《堯典》「平章」、「平秩」等,僞孔本作「平」,鄭 釋之馮唐列傳》贊引此作「王道便便」,徐廣云:「一作 「釆」也。 釆釆」,皮莧反。 堯典》已詳辨之矣。 無 偏 [《釋文》曰]平平,婢縣反。 無 黨, 王道蕩蕩。 平聲則 知此亦是釆誤爲平者、史記·張 皮延反 無 也。 〇〔案曰〕「平平」當 黨 釆與平 無 偏, 相似易 王 道 譌 平.

《詩》毛傳亦云:「蕩,平易。」與高誘合 考《詩》云「平平左右」、《釋文》以爲《韓 蕩,平易也。」引《詩》「魯道有蕩」以證 私」,是有朋類 語》注以黨爲「相 也。「平平」,辨治、《毛詩 非也。《吕覽》引此經,高誘注云:「蕩 鄭 案 傳 》作「便便」,是與《史記》引此經作 曰〕黨,朋黨。 曰〕蕩蕩,言開 曰〕鄭云「黨, 也。 闢。 《史記 助 朋黨」者,孔安國 傳以「蕩蕩」爲 匿非」,又以 平平,言辯治 宋微子世家》集 采菽》傳義 爲 開 (《論 闩 王 「助 闢 解

> 賞賢罰暴,勿有親戚弟兄之所阿,此文、 平,不黨不偏。 其義則同 文,而與《洪範》合爲一。 武兼也。」此所引下四句、《小雅·大東》 與《詩》毛傳合。且僞孔作「平平」亦訓 道 君子所履,小人所視。』文、武爲正,均分 周詩曰:『王道蕩蕩,不偏不黨。 辯治,改其字不能改其義也。《墨子》卷 蕃左右」,服虔注云:「辯治不絶之貌。」 平」者亦誤,其古本必作「釆釆」,與此 四《兼愛下》篇云:「兼愛者,周詩是也。 同也。又襄十一年《左傳》引《詩》作「便 便便」者 也。 同。 其直若矢,其易若底。 然則今本《毛詩》作 蓋所傳本異, 王道平 經 平

「無反無側,王道正直。

正,則王道平直。 宋微子世家》集解。〔傳曰〕言所行無反道不〔馬曰〕反,反道也。側,傾側也。《史記・

「會其有極,歸其有極。

皆歸其有中。 解。〔傳曰〕言會其有中而行之,則天下就有中之君而事之。《史記·宋微子世家》集之人,以爲臣也。歸其有極,謂臣也,當之則曰〕會其有極,謂君也,當會聚有中

[案曰]鄭云云者,鄭以此節當與「五事」以該傳義也。

當从《史記》作「王」,僞孔作「皇」非也。極」與上「皇極」不同。且據馬注,「王」不連「極」爲義,自極」,《史記》則皆作「皇極」,而于此獨作「王極」,則此「王「曰皇極之敷言,〔案曰〕篇中「皇極」字《大傳》作「王

曰:「《史記》馴字,徐廣皆讀曰 五帝本紀》「能明馴德」,徐廣曰:「馴,古訓字。」《索隱》 使同字同義,且改下文「是順」亦爲「是訓」。 作「順」,僞孔欲解上「訓」爲「順」,遂改下「順」亦爲「訓」, 是彝是訓,于帝其訓。〔案曰〕下「訓」字、《史記 字連王爲解者,以下文言「凡厥庶民,極 言。《史記・宋微子世家》集解。 極行之」,不作「九疇」之「皇極」解也 則此王與下民對,故以爲「王者當盡其 之敷言」,與此「王極之敷言」語意相似, 〔案曰〕馬云「王者當盡極行之」,不以極 [馬日]王者當 大其義。言以大中之道布陳言教。 盡 極 行之,使臣 訓。 訓,順也。 [傳日]日者, 下布 考《史記 言聖德能 陳其

〔傳曰〕不失其常,則人皆是順矣。天且下,于天爲順也。《史記·宋微子世家》集解。〔馬曰〕是大中而常行之,用是教訓于天

偽孔非也

爲順天,則與《史記》合。訓雖通順,而此經却異文異解,爲順。」僞孔之改似亦可通,然馬注上句爲「教訓」,下句順人也。」徐鍇《説文繫傳》曰:「訓者順其意以訓之,故得

其順,而況于人乎!

[案日]馬以彝爲常、釋詁》文。

凡厥庶民,極之敷言。

所陳言。『傳曰』凡其衆民中心之宗微子世家》集解。〔傳曰〕凡其衆民中心之〔馬曰〕亦盡極敷陳其言于上也。《史記・

爲中心,非也。

(案日)馬以極

爲

盡極,說已見上。

傳以

〔王曰〕民納言于上,而得中者則順而行近之近。〇〔案曰〕此「訓」字《史記》亦作「順」,當从之。「是訓是行,以近天子之光。〔《釋文》曰〕近,附

定體,則巨謹切,別爲一音。」毛晃曰:之光。《史記・宋微子世家》集解。〔傳曰〕凡之光。《史記・宋微子世家》集解。〔傳曰〕凡之光。《史記・宋微子世家》集解。〔傳曰〕凡之光。《增韻》:「親也,近益天子之光明。 [集曰〕王、孔訓近爲益者,《説文》卷二下定部:「近,附也。 从是,斤聲。 渠遴下。《增韻》:「親也,近為天子之光明。 [集曰〕民納言于上,而得中者則順而行〔王曰〕民納言于上,而得中者則順而行

「附,益也。」故近得爲益。《孟子》「附之以韓魏之家」,趙岐曰:附近有傅益之義。《論語》「附益之」,「凡遠近之近,上聲,附近之近,去聲。」

「曰天子作民父母,以爲天下王。

不務。

(王曰)政教務中,民善是用,所以爲民
(王曰)政教務中,民善是用,所以爲民

《春秋繁露》卷四《滅國上》篇云:「王者,極之數言」三句義。蓋用中于民,樂取人麼,乃作父母之實也。王又訓王爲往去,從韓詩外傳》卷五云:「王者,往也。天下往之謂之王。」《白虎通》、《風俗通》、及蔡邕《獨斷》,説皆與《詩外傳》卷五云:「王者,往也。 及蔡邕《獨斷》,説皆與《詩外傳》略同。 是其上,承「凡極之數言」三句義。「民善是用」,承「凡於與之實也。王又訓王爲往

義也。 黄; 匡運 也。 者王。」以上諸文皆與王注合,此先漢古 《説文》卷一上王部云:「王,天下所歸往 《刑法志》云:「歸而往之,是爲王 能往,則不全于王。」《漢書》卷二十三 者往也。是故王意不普大皇,則道不 科,合此五科以一言,謂之王。王者皇 其中有五科:皇科、方科、匡科、黄科、往 往之而得天下之羣者,無敵于天下。」又 民 緯乾鑿度》孔子説君人之號云:「王者, 也,王者方也,王者匡也,王者黄也,王 卷十《深察名號》篇云:「深察王號大意, 正直而方; 之所往。 三畫連其中,三者天地人,參通之 美不能黄,則四方不能往, 也。 周 然經既言天子,又言爲王者 编;德不 天子者,爵號也。」《逸周書》卷 道不能正直而方,則德不 君者,不失其 匡運周徧 羣。 則美 能 四 使 不 矣。」 萬 能 能 民

達于四荒曰天王。」此變文以著名,題德九《太子晉解》云:「善至于四海曰天子,

六,三德。一曰正直以别操也。

風・羔裘》疏。○《史記・宋微子世家》集解。〔傳〔鄭曰〕正直,中平之人。《詩》四之三卷《鄭

曰〕能正人之曲直。

孔 但言正人曲直 歸中,此則自然不偏,故爲 剛而能以柔克,柔而能以 不如鄭義之密。 正,正己之心,正曲爲直,正人之曲 直爲正,正曲爲直。」杜注云:「正直 穆子引《詩》「好是正直」,而釋之云:「正 云「能正人之曲直」者,襄七年《傳》公族 〔案曰〕鄭云「正直,中平之人」者,對 傳取以解此經,與下剛克、柔克不貫, ,亦非也。 且遺却「正直爲正」,而 剛克,是去偏 中平也。 傳 下

「二曰剛克,三曰柔克。

皆德。 克, 剛 各有一 弱,此陷于滅亡之道,非能 事,和柔能治。 三卷《鄭風・羔裘》疏。 馬曰〕克、勝 相 德,謂 能 立事。 "; 以 能 也。《釋文》。 人臣也。《尚書》疏。 成成治 也。 《尚書》疏約王義。 柔克, 〇《史記·宋微子世家》集解。 剛 立 而 功。 能 柔能 至旦 柔,柔 剛則强,柔 也。 (傳 ○《詩》四之 而 剛能 能 剛 剛 立 則

「不剛 (案) 傳》云:「寬以濟猛,猛 者各爲 之,柔克者,雖柔而能以 和。」是也。《詩 能柔」云云者,《詩 每事得中也。 而又申其義云:「正直者,謂 []鄭以 不柔,敷政優優。」昭二十年《左 德。」 是也。 克爲能、《釋言》文。「剛 剛克者,雖剛而 羔裘»疏既 商 鄭 頌 以濟寬,政是以 又以三德 剛濟之。 長發》云 不剛不柔, 引鄭此注, 能以 爲 柔濟 故三 而

文》曰〕燮,息協反。○〔案曰〕燮,《史記》作「内」,未詳。 平康正 平之國,使中平守一之人治之,使不 言。 臣 〔鄭曰〕人臣各有一德,天子擇使之。 王云云,與鄭 者, 用三德之人以 傳以爲人君自有之德,非也。 上文「乂用三德」,是言君之治 直, 彊弗友 同 也。 剛克,變友柔 治之,則三德當屬臣 克。

也。 日 肅 和 **彊禦不順,以剛能治之。變,和** 使柔能之人治之,差正之。《尚書》疏。 剛能之人誅治之。 舊職而已。 善兄弟爲友。」友是和順之名,故爲順 意與孔 君之德,張弛有三,隨時而用之。王 順,以柔能治之。 〕世平安,用正直治之。友,順 「變,和也」,《釋詁》文。 同, 國有不順孝敬之行者,則 鄭玄以爲人臣各有一 其 有 中 〔疏曰〕《釋訓》云: 和之行者,則 此三德者, 也。 也。世 (《釋 傳 使

沈潛剛 》並作「漸 職,用 若人君自有此三德,而隨時 出治不專用刑,而隨宜用人,正相類 亂國,剛克爲重典,柔克則輕典也。 經,平康爲平國,正直爲中典, 彊弗友爲 用重典。 司寇職》云「刑平國,用中典。 非也。「安平之國」云云者、《周禮 此義已在「皇極」 一疇中 大約有此三等,故隨 案曰〕鄭云三德「擇使之」者,蓋天子 克,高明柔克。〔案曰〕「潛」、《左傳》、《史 人其職。 刑新國,用輕典」也。 而天下之德,才質不 其 時 矣。 地 以 所宜用之。 鄭 刑 協于極, 説是 , 亂國, 以 也 傳 此 無

記·宋微子世家》集解。〔傳曰〕沈潛謂地,雖將,將而誅。高明君子亦以德懷也。《史謂賊臣亂子,非一朝一夕之漸,君親無〔馬曰〕沈,陰也。潛,伏也。陰伏之謀,

也。 執剛 也。 爲 柔 其父,非一朝一夕之故,其所 積不善之家必 也。」《文言傳》曰:「積善之家必 堅冰,陰始 六:「履霜,堅冰至。」《象傳》曰:「履霜 是沈、陰同義,故云「沈,陰也」。 《月令》云:「季春行秋令,則天多沈陰。 主治人言,與上文鄭注意一貫,當是也。 臣當執剛以正君,君當執柔以納 時。」是言天 日 「潛雖伏矣」,是潛、伏同義,故云「潛,伏 〔案曰〕馬云云者,此節鄭注已亡,馬注 二 文 五 剛 亦 地柔而能剛,天剛 以 德 有 「陰伏之謀」云云者、《易・坤》 正君 剛 年《左傳》:「天爲剛 能 有 凝 了, 君 亦有柔德,不干 柔克,不 出 有餘 也。 亦當執柔以納 金 石。 殃。 馴致其道,至堅 主 而能 高 臣弑其君,子弑 四 明謂 時。 德,猶 柔, 四四 由 天,言 臣。 有餘慶, 臣也。 故 喻 時 來者漸 《 詩 》 之序 不干 以 臣 初 喻 疏 天

爲自 己本 爲剛 미 今言滯溺者、亢爽者云云,是其德未成 上文鄭注 爽之人,易 溺也,高 甯嬴引《商書》云云,杜預云:「沉漸 克」也。 亂臣賊子,當使剛能之人誅治之也 誅。」《公羊》莊三十二年《傳》文,引 或 溺之人,易 友剛克」言之,從可知 高明君子亦以德懷」者,亦上「燮友 作 乂用矣。 克,既 修治,非經稱三德之意。 而 性,乃能 漸 是 能柔,柔 義 也 然則「沈潛剛克」亦承上「彊弗 明猶亢爽也,言各當以 以 與 爲 至 彼文又云「天爲剛德」云云 剛 沈 鄭違。 成全也。」據杜意,是言滯 剛 優柔,故須 通 克、柔克 陰 斷 加 也。 潛 ,故須以柔自克。 能 伏, 且鄭 副, 也。文五年《傳 君 主 積 以 是已成之德。 以 治 親 漸 剛自 剛 人,杜乃以 無 使 且此 克、柔克 將 然, 剛柔 克。 德非 猶 以 將 故 勝 亢 滯 證 而

> 者 納臣支贅,皆非 高明爲天,沈潛 人豈可剛 賈禍,故言 斷章取義,不可 孝元翼翼,高明柔克。」彼亦言君德,乃 彼 乃 甯 愎 天 嬴 自 猶 大 泥 用 爲 也。 陽 順 也 如 地 處 四 《漢 此 父 時 又 耳。 性 之 書 生 質 序 出 傳 敘傳》云: 純 臣 圃 因 正 剛 不 此遂 君、 違 必 君 以

也。 曰〕辟,徐補亦反。 惟辟作 賞也。 也。 世家》集解。 、鄭曰]此凡君抑臣之言也。 从 门,从 辛。 《公羊傳》十七卷成元年疏。 福、惟辟作威、惟 作威,專 關諸侯 節制其罪也。 馬曰〕辟,君也。 ○〔案曰〕《説文》卷 刑罰也。 从口,用 辟 ○《史記・ 玉食,備珍異 玉 九上辟部 法者也。」 玉食,美食。 作福,專 宋微子 一法 爵

[案日]鄭 鄭以辟兼天子諸侯,與馬 云「凡君抑 臣之言」者,「凡 是最 專賞罰

《尚書

『疏

不言王者

也。

《史記

宋微子世家》集

王曰〕不言王

,關諸侯、諸侯

于

國得

○ 釋

文》

通稱。 天子。 也。 書》注引韋昭説同也。 珍異也。馬云「辟,君也」者,《釋詁》文。 祭牢肉。 侯朝服以食,特牲三俎,祭肺。夕深衣, 君。」是諸侯得爵命大夫。周公誥康叔云 不言王者,關諸侯也」者,辟是天子、諸侯 敬明乃罰」,是得專刑罰。《玉藻》:「諸 卿命于 《王制》:「次國三卿,二卿命于天子, 《坊記》云「土無二王」,若王則專謂 今不言王言辟,故關諸侯。《漢 朔月少牢,五俎四簋。」是得備 · 其 君。 小國 二卿,皆命 于其

「凶」上復有一「而」字。 匹亦反。僭,子念反。忒,他得反。○〔案曰〕蔡邕石經側頗僻,民用僭忒。〔《釋文》曰〕頗,普多反。僻,作威、玉食,其害于而家,凶于而國。 人用「臣無有作福、作威、玉食。 臣之有作福、「臣無有作福、作威、玉食。 臣之有作福、

也。《釋文》。〔王曰〕大夫稱家,言秉權之亂下民。《公羊傳》成元年疏。〔馬曰〕忒,惡〔鄭曰〕害于女家,福去室。凶于女國,

《齊悼惠王世家》「顧而父知田耳」是也。 注:「慝,姦惡也。」《説文》無慝字,古以 馬云「忒,惡也」者,《昭二十五年》杜 祖本紀》「此非 家宗人、家司馬,謂大夫采地是也。 忒爲慝也。王云「大夫稱家」者,《周禮 反明矣」、《曹參世家》「若試私問而父」, 臣,必滅家,復害其國也。 案日」 論語》「且而從辟人之士」、《史記 鄭以 圃 而所知」、《陳平世家》「而 爲汝者,説 《尚書 見 上文。 》疏 又

疑」。古兮切。」今作稽,是後人改。筮本作縟,俗省也。「卟,卜以問疑也。从口、卜。讀與稽同。《書》云「卟「七,稽疑。 擇建立卜筮人。〔案曰〕《説文》:

筮」、《曲禮》文。 立之,命以其職。〔疏曰〕「龜曰卜,蓍曰立之,命以其職。〔疏曰〕「龜曰卜,蓍曰曰筮。考正疑事,當選擇知卜筮人而建卜人、筮人。《尚書》疏。〔傳曰〕龜曰卜,蓍〔鄭曰〕言將考疑事,選擇可立者,立爲

〔案曰〕鄭以稽爲考者,《易・履》上九

云: 訓。 字。」是「龜曰卜,蓍曰筮」也。 龜兆之縱橫也。」卷五上竹部云:「黧,易 曰卜,蓍曰筮」者,《説文》卷三下卜 用蓍也。 履考祥」,虞翻 「灼剥 《説文》卜部卟與稽同 龜也。 从竹,从舞。舞,古文巫 象炙龜之形。 訓考爲稽,故得 也。 傳云「 轉 部 龜 象 相

當作「貣」。「卜五占之用」句,「二衍貣」句,僞孔删改其 字,倒其次,又亂其句讀,辨詳下。 文》曰〕霽,子細 日〕「霽」當作「濟」。 衎,以淺反。 曰貞,曰悔,凡七。 零」之上。 「乃命卜筮,曰 「悔」當作「勄」。「占」下當有「之」字。 〇〔疏曰〕鄭玄曰云云,雾聲近蒙。 反。 雨, 日霽, 日蒙, 日 「蒙」當作「雺」。 蒙,武工反,徐亡鉤反。 卜五占用,二衍忒。 《釋 「驛」當作「圛」,在 驛音亦。 日 〇(案 式

七,龜用五,《易》用二。審此道者,乃立乃先命名兆卦而分别之。兆卦之名凡也。二衍賞,謂貞、敏也。將立卜筮人,〔鄭曰〕卜五占之用,謂雨、濟、圛、霁、克

之也。 也。 《釋文》。 也。 圛者,色澤而光明也。 侵入也。 ○《漢制考》四卷。 昌朝《羣經音辨》四卷。 巻《春官・太ト》疏。 陳櫟《書傳纂疏》四 晦,晦猶終也。 冥冥也。克者,如祲氣之色相犯也。 者,兆之光明, ○林之奇《尚書全解》二十五卷。 筮少。占用二者,以貞悔占六爻。 ○《玉海》三十七卷《藝文門》。○《困學紀聞》二卷。 ○《詩》五之二卷《齊風 卦曰 貞,貞,正 當推 《尚書》疏。 圛,霍 Ξ 雨者, 衍 1 其爻義 驛消減 曰〕雾,天氣下,地不應,闇 五者,筮 ○林之奇《尚書全解》二十五卷。 兆之體 卷。 (馬日)占用二,占筮 也。 如 ○《爾雅》五卷《釋天》疏。 卦象多變, 〇《史記·宋微子世家》集解 ○劉三吾等《書傳會選》四 雨 如 載驅》疏。 以 外卦 止 短 雲陰也。 氣 **零者**,色不澤 雲 龜 其意。 ○劉三吾等《書傳會 如 氣 日 長,故卜 ○《周禮》二十四 故言「衍貢」 雨 在 克, 然 上者 《尚 也 兆 〇賈 也。 内 卷。 相 冥 濟

知與此 蒙是闇 對,則 之數。 $\overline{\mathcal{H}}$ 其兆横者爲土,立者爲 蓋兆爲二拆,其拆 止,則 五種。 法。 曰、二曰者,灼 金,背經者爲火 不連屬。 選 挂 巡 ·連屬。 年《左傳》云,秦伯伐 有 遇蠱 風 卷。 内 蒙、驛亦相 雨 似 《説文》云:「霽,雨止 [疏日]灼 桂 五者同異 義,故以蒙是陰 艮 似雨 雨 克,兆 落驛, 曰 傳 爲 霽 貞,外 日 Ш 者。 下。 龜 7;因 相交錯。 希疎之意。 龜 對 所遇,無 雨 如 蒙、陰闇。 其占云:「蠱之貞,風 《詩》云「零雨其蒙 相 桂 兆 也。 爲兆,其璺拆形 何。 龜 交 Ė 而 晉 上。 兆 木, 也。 闇。 悔。 細 克謂兆 Ŧi. 此 先後 ,卜徒父筮之, 形 曲者爲水,不 五. 斜向經者爲 者卜兆 也。 凡七 有 説卦》云: 驛,氣落 今之用 雨、 驛 兆不言一 也。 相交錯 似 霽既 霽 雨 僖 之 似 狀 龜 者。 驛 常 相 有 統 雨

> 解。 者,推衍爻義。 少。「占用二」者,以貞悔占。 衍忒」,指筮事。 言終,見下爲始也。 下體 忒。」孔不爲傳。 下 也 也 極其變,非獨筮衍 體是其終也。 體是其正 ; 其 其衍忒,宜 爻 爲本,因 悔, 從 下 Ш 也 起 而 悔之言 。」是内 總謂 卜五、占二,其義當如王 重之,故以 下言正,見上不正。 下 王云「卜五」者,卜多筮 鄭斷「用」從上句, 而 體 卜否也。 卜筮,皆當衍其 「卜五占用二, 卦 晦 爲 爲 内 晦 下 貞,外卦爲悔 是月終,言 卦爲貞,言 體 「衍忒

洟」, 裴駰 廣曰「一作被」。「驛作涕」,徐曰 説最糾紛,當以鄭 宋世家》「霽」作 案曰〕鄭云云者,此節之文,諸 (今本不同者,濟、圛、霚; 曰 「《尚書》 「濟」、「蒙」作「霚 爲 作圛 正 也。 鄭《周 五. 裴 兆之名, 本 禮 引鄭注 互. 異,

不合,恐非。 蒙,而即改爲蒙,則非矣。雨部又有「天气下」 雾,籀文霚省。」然則霚、**雾是**一 霽。」是濟、霽通 賈氏 鄭、王皆以雺爲蒙,圛 蟊,而皆 官 卷十一下雨部云:「霚,地氣發,天不應。 圛。」賈逵以今文校之,定爲圛。 驅》箋:「古文《尚書》以悌爲圛。」疏云: 古音平賀反,音轉 霿爲霧。霧乃俗字,《説文》所無,徐鉉、張有 地不應曰霿」。《爾雅》乃互易之:「天气下,地不應曰 而 《洪範》卜兆有曰圛,古文作悌 説文》卷六下口部云:「圛, ii 論之。 其作蟊者,音近而 地气發,天不應曰霧。」王肅從《爾雅》,與《説 太 所奏,從定爲圛,于古文則爲悌, **├** 以 霽作濟者、《釋天》云:「濟謂之 而今俗刻《史記》又誤雰爲霧、《爾雅》誤 驛 注 在 一引與 也。 蒙之前 今本不 而譌 蒙作雰者、《説文》 假借。 「爲驛。 也。 · 同 翫 回行也。 又《詩 者 作被者 此經疏 驛作圛 ,鄭讀若 ,今文作 故鄭 皆已辨 睪 文》 依 載 則

之用 鄭氏《易》注。 若驛,而即改爲驛,妄矣。其作涕者,篆 悌,太迂,故賈逵作圛。 有半無。 宜从卜,後人混作心部之悔,針 慎引《書》固爲可信,況貞从卜, 切。」「稣、《易》卦之上體也。《商書》: 貝以爲贄。 文》卷三下卜部云:「貞,卜問也。 从卜, 又考之于逵,其説宜從僞 五者,爲占者之用也。 『曰貞、曰稣。』从卜、每聲。 立心與水相似,讀者失之,故誤從水。 在雺上,亦宜從原第也。 口 占」下《史記》有「之」字。 睪聲。 鄭本必作敏, 雨 讀若 《尚· 濟」云云者,言卜之兆 作洟者,又因涕而誤也。 一曰鼎省聲,京房説。 書》: 驛。 羊益切。」 然則鄭作 與《説文》同 圏。 許慎 悔作争者、说 孔,乃 鄭云「卜五 荒内切。」 睪 書偁孔氏, 蓋古文作 因其 字遂 則 升 陟盈 雲 占 圛 讀

貸」,貸即太 得云占。 坼。」但兆卦皆有籀詞,皆須推究,故 參《五經文字》云:「貸相承,或借爲貣 子》曰「如四時之不貣」、《月令》「無或差 曰「四時不忒」,京房「忒」作「貣」。 占兆, 衍爲衍卦, 不得以占爲 冠》云:「筮人還東 八頌,以八卦占筮之八故。』《儀禮 筮可通稱占。若《占人》云:「以八筮,占 兆,故《周禮·占人》「掌占龜」。 兆問也。 貞争矣。 連下二字爲句,非也。 「占用二」,注云「占,筮也」。 君占體,大夫占色,史占墨,卜人占 絶 非也。忒作資者、《易 與《史記》合。 此經 从卜, 鄭不從者、《説文》云:「占, 也。《吕覽》正作「忒」。 占與「衍賞」對舉,則占爲 从口。」則占本爲占 面,旅占。」是筮 僞 《釋文》謂 孔删「之」字, · 豫 是以占屬 筮。 又云: 馬亦 鄭讀 1 視 而

句

濟即 以 作 與雾對。 鄭 亂之事,豈得加以 ൬ 發夕,謂 發夕之類。 夕」,次章言「齊子豈弟」,則豈弟自當爲 鄭義是也。 鄭作圛、雺, 璞《釋天》注:「今南陽人呼 也。」是占視體氣也。「濟如雨止」者, 者,鄭《占人》注:「體,兆象也。 正依古文也。鄭云「雨,兆之體氣」云云 字。」是貸、資通。 對 暗之象,昏昧已極,不但 行,往會襄公,此古義 以豈爲闓,弟 「荷忒」,此其證 稀疏。 霽也。 初 晚晉人妄改爲落驛以 夜 ◇ 詩 此本刺 以明與闇相 落驛即絡繹,《詩》「會同 蒙、驛,傳 即 行。 爲 載驅》首章言「齊子 漢《張 愷悌樂易之美名, 也。 圛 文姜會齊襄公,行淫 此言開明,謂侵 以 睪 此 也 對。 表 連 經鄭 連 明也。 碑 雨 與 王與 圛訓 耐 止爲霽。」 對蒙 斷 作「貧 色,兆 已, 豈得 相對。 明, 傳 同 明

文》以 涕,遂云: 狀,與鄭合,豈不連乎? 《周禮·眂祲》「掌十 傳同,鄭是也。 物爲克,則我 乎變者也。」又云 之,十有八變而 注云:「衍,演 注:「祲,陰陽气相侵。」是也。 克」,並無交義,當從鄭爲祲气相犯也。 **五「不連」,司馬云「連」,正與相反,尤謬。** ·大師克相遇」,莊十一年《傳》「得雋 挂 兆相交」,鄭云「如 象多 「大衍之數五十,其用四十有九。」 IE. 瞻 墨 「如泣涕相連狀。」不但 連 卬》云:「鞠人忮忒。」毛傳云: 爲「升雲半 變,故、 屬 意 能勝 也。 《説文》克本訓 言衍貸」者、《繫辭上》 成卦。」又云:「爻者、言 豈 多伍 合天 彼 得 浸 有 · 煇, 一 亦爲克。 爲 氣 半 以 地 非鄭「光明」意,且 不 色相犯」,王 無」,亦 司馬貞因《史記 變」。 之數,演而 連 曰祲」,先鄭 肩 ? 《 詩 克,傳云 《易》 能 是光 鄭又云 即 勝 ^ 》誤 與 明 鄭 此 説

聲。 合。 也。 也。」孫炎曰 色即 貧」專屬筮, 在 而 六下貝部貣字注云:「从人求物 《占人》體、色、墨、坼四事,《太卜》注 孰爲金,孰 不知與雨霽等 遂以「衍忒」總指卜筮,尤非 句,然馬「衍貣」句注已亡,王則仍以「衍 (又案曰) 疏以 作 卷十下心部,注云:「更也。 故鄭 他 資者,音同假借耳。 變 金 僞孔雖從馬、王,以「占用二」爲一 雨 也 得 木等。 霽等, 以 ___ 切。」訓 他得切。」此經無取 爲 與鄭合。 行 爾 「忒,變雜不一。」《説文》卷 則 木,孰爲 同 龜兆有金木水火土之象, 此 忒」爲因卦象之變衍之 雅 雨 異 疏 更則有變義,與毛 霽 如 混 等非 而疏妄推僞孔 釋 何,是疑五者不知 水、火、土也。 色人體,已 言》云: 其 正 體 也。 一故賈 从人求物 體 从心,弋 也。 太字, 覺 傳 以

誤,但未强作分配耳。 亂道者,不足辨也。 五. 北分配 <u>Ŧ</u>i. 行 皆不 ·讀《周 至 俗 儒紛紛 禮 》而憑 臆

立時人作卜筮

筮人。《史記・宋微子世家》集解 鄭曰〕立是能分别兆卦之名者,以爲卜

[案曰]鄭以時爲是,《釋詁》文。

三人占,則從二人之言。

《易》。 殷、周 疏。 幽微難明,慎之深。《儀禮》十二卷《士喪禮 兆,二曰瓦兆,三曰原兆。 掌三《易》之 法,一曰《連山》,二曰《歸藏》,三曰《周 言,善鈞從衆。 周 三人占」,是占此卜筮法,當有三人。 鄭曰〕卜筮各三人,太卜掌三兆、三 ○《史記·宋微子世家》集解。 禮 1 從二人,從其多者。蓍龜之道, ·太卜》:「掌三兆之法,一 筮各異,三法並 卜筮各三人。〔疏曰〕言 **卜**,從二人之 [傳日]夏、 曰玉

傳》文。既言「三法並卜」,嫌筮不然,故 賢,不從衆也。「善鈞從衆」,成六年《左 贊》亦云:「夏曰《連山》,殷曰《歸藏》。」 之法。子春之言,孔所不取。鄭玄《易 又云「卜筮各三人」也。 也。「從二人之言」者,二人爲善既鈞, 代異法,故傳以爲夏、殷、周卜筮各異。 與孔同也。所言三兆、三《易》,必是三 周三代相因,明三《易》亦夏、殷、周相因 特牲》云夏收,殷哻,周冕。皆以夏、殷、 指言「一曰、二曰」,不辨時代之名。《考 易》。」杜子春以爲,玉兆,帝顓 故從衆。 三代異法,三法並卜,法有一人,故三人 而孔意必以三代夏殷周法者,以《周禮》 瓦 工記》云:夏世室,殷重屋,周明堂。 《郊 歸藏》,黄帝。 兆,帝堯之兆。 若三人内賢智不等,雖少從 三兆、三《易》皆非夏殷, 又云《連 經惟言三占從 山 頭之兆; 虙

費》以 也。 面。 之奇《全解》載 兆、三《易》 易》者。」又卜葬日,「占者三人」,鄭彼 其屬共占之,謂掌《連山》、《歸藏》、《 周,疏引 三兆者各一人,筮則掌三《易》者各一人 也。」然則此言卜筮各三人,亦謂 卦以示命筮者。 用 云:「占者三人,掌玉兆、瓦 用三龜。 三《易》」者,《士喪禮》:「筮宅。卒筮,執 (儀禮 〔案曰〕鄭云「卜筮各三人,太卜掌三兆、 者、《金縢》云: 何 故鄭即引《周 旅占。」鄭彼注云:「旅,衆也。 證 知 ·士喪》卜葬,占者三人, 杜 其 不一 知卜筮並用三代法也。 當 子 以 爲 春 法而三占? 劉彝云:「『九疇』、《夏書》 證 説 夏、殷、 命筮者受視,反之,東 乃乃 禮 而 傳以三法爲夏、殷、 トニ 駁之,又引鄭《易 春官・太ト》三 周,皆非也。 龜 而 兆、原兆 知 貴賤俱 一則 習古。」 反與 法 周 者 注 並

> 易》、《連山》、《歸藏》,皆不言地 《易》」一 此駁頗 也。」賈又載《鄭志 天,天能周布于四 于其 云:「兆者,灼龜 春何由知之,鄭答:「此數者非有明文, 非地號。 然則鄭意本以三兆、三《易》皆空言其 也 義,未嘗指爲 出内氣也。《歸藏》者,萬物莫不歸 也。」「三《易》」注亦先云:「《連 古以來,其作法 象似玉、瓦、原之璺罅 一,周 中。」然後其下各繼以 未受命,豈 條下又補疏云: 「以《周 考鄭 何代。 發于火,其形可占者 可用者 于《太ト》「三兆」注 易》 有三代占筮之人乎 || 趙 時,●故名《易》爲 所以賈公彦于「三 以 ,是用名之焉。 商 純 有三。 據 乾 鄭雖不解 子 子春 爲首 春説 原,原 山》,似 湿號,則 云云。 而 周 周 周 藏 Ш 田

前一 六年《傳》引此而解之云「衆故也」是也。 至僞孔及疏之謬,更不待言。然則鄭以 作,箕子所陳,其不 易》必以爲文王 兆、瓦兆 三兆、三《易》解《洪範》,斷主《太卜》注 于三《易》 中,而其下又以 漫述之云爾,非 爲是,而近師 改之無據,故著子春説 説爲正。 爲顓 雖 祇 頭、帝 之説,更所 鄭又云「從其多者」者, 翫 一所演。 説 原 定論 此 伏 兆 條,知 可援彼實之明甚。 羲、黄 堯,似可出箕子 爲有周之兆,則 也。 若《洪範》則 而 不信。 鄭 른 (帝, 而 蓋子春以 未 嘗 近 《易贊》 以 師 于《周 禹所 子 皆 成 其 以

疏乃衍説耳。蔡邕石經亦正作「民」。人惟指在官者,變言民,見其同。」竊疑鄭本槩作「庶民」,人」,「人」作「民」。疏于下節云:「變庶人言庶民者,嫌庶庶人,謀及卜筮。〔案曰〕鄭《周禮》注引此「謀及庶庶人,謀及卜筮,謀及乃心,謀及卿士,謀及

〔鄭曰〕卿士,六卿掌事者。《尚書》疏。 〔傳

衆議而決之。 議,然後行刑,故臣與民 爲二,此惟言卿士 羣吏,三曰訊萬民。」彼羣臣、羣吏,分 外朝之政,以致萬民 断庶民獄訟之中,一 危,二曰詢國遷, 夫及士亦 之。〔疏曰〕 慮之,次 疑而詢衆也。《小司寇》又曰: ,又總羣臣爲一也 將舉 事,而 及 在焉。 卿 謀及 此則人主自疑,故人主 弌 汝 三日 有大疑,先盡 卿士,以 衆 周 者,彼將斷獄 禮 而詢焉。 曰訊羣臣,二 詢立君。」是 爲三,其人主待 小司 卿爲首, 1 寇》: 汝 以以 心 曰 筮 其大 令衆 曰 詢 以 以 爲 而 訊 刺

事。 官》雖 从 案曰〕鄭云「卿士,六卿掌 卯。 》有大事,衆庶 《説文》士部云「事也」。又卯 「卯,事之制」,是卿 事 官,其實治、 得至外 朝 教、禮、政、刑 與羣臣 事 者」者、《 也 周 卿

人事。 何,示不自專也。 問于蓍龜。 進 云:「所以先謀 人所及,聖人亦疑之。」 白虎通》卷下《蓍 耐 天子親 念而 不能 聖人獨見先睹,必 問焉, 及卿士、庶 得,思而 或清微無端緒,非 龜 所謂謀及庶人者也。 引 不能知,然 人何? 此 經 問問 而 蓍 先 説 聖 後 盡 龜

之謂大同。身其康彊,子孫其逢吉 汝則從、龜從、筮從、卿士從、庶民從、 是

物,故先言之。不在「汝則」之上者, 從,乃問 衆,故後世遇吉也。 之衣」,鄭云「逢猶大也。 當有主 順,龜筮從之,是謂大同 袂禪衣」是也。《荀子 〔案曰〕馬云「逢,大也」者,《儒行》「逢掖 馬曰〕逢,大也。《釋文》。 ,故以人爲先,下三事亦然。 卜筮,而進龜筮 [疏日]此必臣 • 非十二子篇》楊 于吉。 [傳日]人心 于 大掖之衣, 上者,尊 動 民 不 神 皆 違 和

> 卿士從,龜從,筮從,汝則逆,庶民逆,吉。 庶民從,龜從,筮從,汝則逆,卿士逆,吉。 汝則從,龜 倞 微子世家》集解。 鄭曰〕此三者皆從多,故爲吉。《史記· 注同。 傳訓 從,筮從,卿士逆,庶民 遇, 非 也 逆,吉。

宋

内吉,作外凶 「汝則從,龜從,筮逆,卿士逆,庶民逆,作 多,小半爲少也。 案曰〕鄭云此「從多」者, 下文逆多,亦同 數 以 太半 也 爲

從筮逆,其筮 冠婚,不可以出師 吉,境外則凶。《史記 姬爲夫人,卜既不吉,更令筮之,神 [傳日]二從三逆,龜筮 左傳》云「筮短龜 鄭曰〕此逆者多,以 龜 筮 相 違 一從 三,見 龜逆爲吉,亦同。 征伐。 長」者,晉獻公欲 龜 · 宋 故舉 筮 相違, 一智等。 [疏日]此 微子 事 可以祭祀、 于 世 一家》集 僖 境 内 四 故 解。 傳 龜 則 年

用 不吉又筮,筮不吉又卜,是謂 猶不決,猶得更卜,故此 筮俱違者? 筮人》:「國之大事,先筮後卜。」鄭 問卜矣,何有龜筮從之理 逆,而經無文者,君與臣民皆逆,本自 同。 以 占,三占俱凶,則止不卜,即鄭注《周禮》 云:「筮之凶則止。」何有筮逆 ト,故曰「

筮短龜長 士、庶民謀有一從,亦是二從, 周禮》太卜小事筮,大事卜,應 筮凶則止」是也。若三占二逆一從,凶 實告,筮之得吉。 從三逆」, 庶民皆逆,龜、筮並從,亦是二從三 《曲禮》云「卜筮不相襲」,鄭云:「卜 不復設文,同可知 應ト 而又用筮,及國之大事 崔靈恩以 以汝 與龜爲二從耳。 二,非 1 人 也。 爲筮 有筮逆龜從之 龜 也? 欲 實長 令公 若然汝、 瀆龜 用三代之 龜 《周禮 統 從 凶吉亦 含筮 也 先筮 及 而 筮。 玄 又 龜 卿 不 卿 此 從

> 筮。 爲相 爲卜筮也。 後 下,不 若吉凶 襲。 吉之後 皆據吉凶分明, 未 決,于事尚疑者, 更作 · 卜 筮, 不 如 此之等, 可 更爲 則得 更 1

也。 侯」,或者此亦「關諸侯」與 侯禄,外諸侯嗣」,然則天子亦 内」、「千里之外」,又云「天子之縣 内、境外。但《王制》每言天子「千里之 使若廣大然。」 若然,則 鄭、馬注皆云:「不書其界者,時帝都之, 客禮,莫敢爲主焉。」故《禹貢》「冀 者以天下爲家。」《郊特牲》云:「天子無 《公羊傳》云「王者無外」,何 案曰〕鄭以内外爲境内境外者,隱 抑上文「惟辟作 福」,馬 天子不 休注云: 云 ·應言境 有 舅 外 内諸 元 内 年

猶不可以舉事。《史記·宋微子世家》集解。〔鄭曰〕龜、筮皆與人謀相違,人雖三從,龜筮共違于人,用静吉,用作凶。

故 案 也。 筮。 日 鄭云云者,人雖三從, 既 用 ト筮 不 容 違 神 終 以 而 疑, 狥 故

曰時〔《釋文》曰〕暘音陽。 「八,庶徵。 曰雨,曰暘,曰燠,曰寒,曰風。

云: 卷。 暘。 也。 往 日,暘也 時,所以 漸之石》疏。○《小學紺珠》一卷。 集傳輯録纂注》四卷。 風 土不處,故土氣爲風。《尚書》疏。 動物也 則寒來,寒暑相推而歲成焉。」是暑長 寒以 日〕雨,木氣 [傳日]雨以潤物,暘以乾物,煖以 「風以散之,雨 凡氣非風不 燠,火氣 暘,金氣 爲 成物 炬,乾也。 衆 《繋辭》曰:「寒往則暑來,暑 也。 也, 秋物 驗。 風 也,春始施 〇《詩》十五之三卷《小雅 行,猶金、木、水、火,非 寒,水氣 以 以 疏 動 是 潤之,日 成 物, 雨潤 日」《易 而 〇《六經天文編》上 堅,故 也。 生,故木 五者各以其 物 以 · 暘乾物 風,土 ○董鼎 烜之。」 説 氣 氣 氣

水。 也。 晦、 物, 又 鄭用《五行傳》爲説,孔意亦當然也。 屬木,暘屬金,燠屬 木金水火沴土。」如彼《五行傳》言,是雨 之不聰,是謂不謀,厥罰 明,是謂不哲,厥罰 謂 肅 説五事致 傳以煖言之。昭元年《左傳》云:「天有 舍人曰: 氣,校此五氣,雨、暘、風文與彼同,彼言 六氣,陰、陽、風、雨、晦、明也。」以 有 曰:「皇之不極,厥罰常陰。」是陰氣不 ,厥罰恒 不乂,厥罰恒暘,惟木沴金。視之不 寒成 明,此言寒、燠,則晦是寒,明 陰,五事休咎皆不 思之不睿,是謂不聖,厥罰恒風, 惟彼陰于此 物 「燠,温煖也。」是燠、煖爲一 此五氣云:「貌之不恭,是謂不 雨,惟金沴木。言之不從,是 也 ^ 釋 無 火,寒屬水,風屬 恒燠,惟水沴火。 言》云: 所當耳。 致陰、《五行傳》 恒 「燠,煖 寒,惟 《五行 是 火沙 彼 也 士。 惟 聽 燠 故

由五事,别屬皇極。蓋用中,則陰順時

爲休,不中,陰恒若爲咎也。

爲句。 也。 也。 孔門七十子以來相 五行傳》説。《五行傳》出伏生,其 案曰〕鄭云「雨木氣」云云者,疏 傳以「日 漢讀連下成文,以「曰時 時與是同,詳見下文。 時」爲「五者各以其時 承 古 義,故鄭 五者來 謂 據之 育 非 鄭 備 是 用

甫反,徐莫杜反。 備,凶。 一極無,凶。 〔《釋文》曰〕蕃音煩。 應,無「五者來備,各以其敘,庶草蕃廡。 一極

無,不 滋無豐 傳曰〕五者備至,各以 庶,豐也」、《釋詁》文。 至亦 N S 者備 謂 極,過甚 不 時 次序, 失敘。 則 凶 則 衆草 疏 者 日 極 蕃

應麟所見猶裴駰本。考其實,上文列『五是來備』。」今刻《史記》仍作「五者」,〔案曰〕王應麟云:「五者來備,《史記》作

邪 ? 此節 讀。 之差,其陋固不足辨。 屬上 引《史記》, 是」,本《釋詁》文。 備」爲句,言是五者皆備 文,故云爾。 又釋韙爲是,氏與是 傳》云:「得其人則五 「五官之長曰伯是。」《職方》注云:「是或爲氏。」《漢・ 本互異,皆俗儒 云:「五韙咸備,各以其敘。」李賢兩注皆 覲 ·立時人」之時同也。 庶徵」五 禮》「太史是右」 極」云云言其咎。 》「西河 采僞 一讀,如 王應麟不識古 司 馬遷傳孔安國 有觬是」、《説文》作「觬氏」。 孔傳,不采鄭 目 一作「五者」, 此 此漢學也。 繼以「日 則時 注 所亂 ,反以作「是」爲傳 即以 「古文是爲氏。」《曲 此以時爲是,與上 氏 也。 通。 當以「曰 時」云云言其休 《後漢 學,所 裴 來備。」《荀爽傳》 注,致《史記》諸 敘, 僞孔 「是」又作「氏」者 駰亦無 李、荀約 一作「五是」。 至 き ・ 何 載 又「造父後 也。 以「曰 時五者來 用 必 識 重言 李雲 從 舉 時 習 古

无、亡。 亡。 改乎! 文》卷六上林部霖字注云:「豐 義也。 林、爽,或説規模字,从大丗,數之積也。 詁》皆當作「無」,今本皆俗人改。 疏 乃作「蕪」,郭璞注:「繁蕪豐盛。」疏云: 義則非矣。 經加广以別之。 營陵是姓,順帝前已見于碑載。 是儀,亦作氏 蕪者,繁蕪也。 : 『庶草繁無。』徐鍇曰: 『或説大卌 者,木之多 子 宋人作,更不識字。實則《洪範》、《釋 玄 賦》「氏中葉之炳靈」,亦以「氏」爲「是」。 孫 **廡**,古文作無,音武。 敕修 當時以兩字本通,故或作氏,或作是,非有異 後人既以無爲有無之無,故此 氏 爲 孔 疏引《釋詁》云云,今《釋詁 廟後 莊 陳壽《魏志》以爲孔融改氏爲是,不知 也。 公, 碑》,以「於氏」爲「於是」。 無乃堂下周屋,音同 《洪範》『庶草蕃廡』, 世典 師 古 日 庶 洪适《隸釋》豈漢季始 同 氏 意。《商 而有無 與 是 同,古 也。 漢末有 但 《説 通 爲 而 固 用

无。」今无字僅存于《周易》,而 者,虚無道 切。」又重文天字注云:「奇字無,通 字,以爲古文《尚書》廡字,从此則不足信。 麻字注云:「亡也。 若无字之正體,則《説文》卷十二下亡部 物,則開利其物,使之有。」《詩·谷風》 市》云:「亡者使有。」先鄭注云:「无此 無」之「無」、《史記》作「亡」。《周禮・ 也。 云「何有何亡」,是亡與有無之無同也。 本孔,乃僞孔竊韋。 韋昭曰:「蕃,滋也。 屋 蕪 切。」《玉篇》卷中林部第 無,爲有無字。」觀此則知作廡固 字注云:「文甫切。 規 二,卷一 亦非。 模之模,諸 《國語》卷十《晉語》云:「黍不爲黍,不能 下蕪字「薉也」,皆不得訓 蓋卷九下广部廡字,「堂下 也。 部 庶,豐也。」訓詁 至郭忠恕《汗簡 王 無 者, 育説,天 繁霖,豐盛 从亡, 霖聲。 不 審 一百五十 與孔同。 信 》卷中之二載 屈 森字 也。 也 西 「一極 此非 則 北 武 蕃廡。 于 九 文 今作 扶 元 司 周 A 韋

之驗也。

土亦包金木水火。

風屬土,故時風爲聖

然云「孔子説休徵」,則是孔子正

聖,時風若」之義。

聖包貌言視

通也,兼

四

而

明。」鄭所引不知

出

何

此

五行傳》鄭注

云"「孔子説

休徵、曰聖者

五行志》引此經,孟康注

同也。《大傳

圃 不用久矣。 若 蕃 雖 與 緐 通,亦 宜 从

《説文》作緐也

風若。 哲,時燠若。 曰肅,時 日 謀,時寒若。 雨若。 曰 乂, 日 時 聖, 時

〔案曰〕傳云「敘美行之驗」者,《漢 文「各以其敘,庶草蕃廡」也 君能通理,則 哲,則時燠順 〔傳曰〕敘美行之驗。 君行政治,則時 時風順之。[疏日]此致上 之。 君能謀 君行敬,則 暘 順之。 則時寒順之。 君 時 能 雨 照 順

> 煌。」未詳。 日 咎徵。 ○〔案曰〕《汗簡》卷中之二云:「狂,古文《尚書》作 臼狂 行,恒 雨 若。 [《釋文》曰]咎,其九

則狂妄,故狂對肅。 疾, 則常雨順之。 極備,凶。 公元年疏。 也。 ○《詩》十二之一卷《小雅·正月》疏。 鄭曰〕狂,倨慢也。 五事不得則 [傳日]敘惡行之驗。 極無,凶」也。君行不敬 咎 〔疏曰〕此致上文「一 氣順之。《尚 恒,常也。 ○《公羊傳》成 君行狂 若, 書》 疏。 順

故 順也」者,王充《論 木,木主 云"「君臣 曰:「不肅,厥咎狂,厥罰 〔案曰〕鄭云「狂,倨慢也」者,《五行 恒雨也。」是也。 2經而 春,春氣生,生氣失則踰其節 解之云:「若,順。 不敬, 則倨 衡》卷十四《寒温篇》 鄭又云「恒,常。 慢如狂 恒雨。」鄭彼注 恒,常也。」 矣。 若, 傳

疾」、《尚書正義》作「妄」,當從

尚書》僭作點。」蓋古字省筆也 曰僭,恒暘若。〔案曰〕《汗簡》卷上之二云:「古文 與 恒 鄭 燠無寒。 合。 恒若極備 言極備, 則 N N 極 也。 無 미 恒 知 雨 無 暘

政不治,則僭差,故僭對乂。〔傳曰〕君行僭差,則常暘順之。〔疏曰〕

「曰豫,恒燠若。〔《釋文》曰〕豫,羊庶反。徐又音秋,秋氣殺,殺氣失,故常暘也。」是也。「君臣不治,則僭差矣。言曰金,金主「不艾,厥咎僭,厥罰恒陽。」鄭彼注云:〔案曰〕傳以僭爲僭差者,《五行傳》曰:

緩意本同,而舒對晢,又與急自相對,意味尤長。 考工 及何休成元年《公羊》注、《論衡・ 家》亦作「舒」。《索隱》曰下有「曰急」。 茶」,舒同。《玉藻》説珽 宋書》、《隋書》、《新唐書》各《志》並作「舒」。《大傳》作 ○〔疏曰〕「豫」,鄭、王本作「舒」。○〔案曰〕《宋世 《晉書 弓人》云「寬緩以茶」,注及鄭司農注 何人斯》「亦不遑舍」, 五行志》引經作「豫」,引傳仍 一云「諸 侯荼」,鄭讀舒遲之舒。 寒温篇》引此經,並 熊朋來讀 蓋逸豫之義與舒 ,並讀「舒 舒。 作 《漢書

書》:「舍者,日月所舍。舍,舒氣。」是也。六年,齊人弑其君荼,《公羊》作「舍」,音舒。《史記•律

緩也。」緩有遲義,故云「舉遲也」。 以豫作舒,荼與舒通。 傳》曰:「不悊,厥咎茶,厥罰常燠。」鄭彼 云,義同也。 火主夏,夏氣長,長氣失,故恒燠也。」鄭 注云:「君視不瞭,則荼緩矣。 〔案曰〕鄭云「舒,舉遲也」云云者,《五 明不照物,則自逸豫,故豫對哲。 羊傳》成元年疏。 則有常燠之咎氣來順之。《尚書》疏。 傳曰〕君行逸豫,則常燠順之。 鄭曰〕舒,舉 〔王曰〕舒,惰也。 一遲也。 言人君舉 《釋言》云:「舒, 視曰火, 事太舒, 尚書 疏 ○《公 | | | | | | | | | | 一行

「日急,恒寒若。

〔案曰〕鄭及傳云云者,《五行傳》曰:「不曰〕心無謀慮,則行急躁,故急對謀。月》疏。〔傳曰〕君行急,則常寒順之。〔疏〔鄭曰〕急促自用也。《尚書》疏。○《詩・正〔鄭曰〕急促自用也。《尚書》疏。○《詩・正

藏,藏氣失,政促迫,故常寒也。」臣不謀,則急矣。聽曰水,水主冬,冬氣謀,厥咎急,厥罰恒寒。」鄭彼注云:「君

互易而誤。 霧俗字,當作霚。 曰蒙,恒風若。 〔案曰〕「蒙」、《宋世家》作「霧」、《晉 則常風順之。 蒙,瞽蒙也。 闇,故蒙對聖 志》同。《五行傳》作「雺」,班固、司馬彪又作「霿」。 鄭曰〕蒙,見冒 蒙則聲近而誤。 雰同霧,則因《爾雅· 《尚書》疏。 疏曰]性不通 亂 也。 鄭必從《五行傳》作「雺」也 〔傳曰〕君行蒙闇, 《尚書》疏。 》釋雾、霧與 曉,則行蒙 (王曰: 《説文》

息、生殺、長藏之氣,風 燠之徵,皆所以殖萬物之性命者也。 冒矣。思心曰土,土主四時,四 云:「雾,冒也。 [案曰]鄭、王及 曰:「不聖,厥咎雺,厥罰恒風。」鄭 失,故恒風。」是也。 疏引鄭注欲就 君臣 傳 云云 孔傳,故改蒙也。 心有不明, 鄭氏《尚書》蒙 亦出 者,《五 内, 雨暘 時主 則 行 彼 相 傳 寒 消 殖

> 《公羊》莊二十二年「肆大省」、《左氏》、《穀梁》並 日〕省,息井反。 义用昏不明,俊民用微,家用 家用平康。 日 康誥》「人有小罪,非眚」,又「乃惟眚災」,《潛夫論》引並 巨王 「省」 時 無易, 是也。 一省惟 歲,卿士惟 百 日月歲 ○〔案曰〕《宋世家》作「眚」,古字通。 用 成、乂用 時既易,百穀用 Ħ, 師 明, 尹 不 惟 俊 · 寧。 日。 民 〔《釋文 作「告」。 不成, 用 章 歲月

子世家》集解。〔傳曰〕王所省 之有歲月。 之有别。 燠而已。《尚書》疏。〔馬曰〕王省惟 如此,其道失 吏,如歲兼四時。 王者所省職, 臣之象,成皇極之事,其道 五事,得失之應,其所致尚微,故 鄭曰〕所以承休徵、咎徵言之者。 顯用,國家 正官之吏,分治其職, 三者各順常, 如歲 則敗德如 兼四時也。 卿士各有所掌, 平寧。 彼,非徒 則 職,兼所 得則 百穀 《史記· 其 風 一歲,言 陳 總 美 休 如 雨 宋 日 月 應 寒 君 微

者,以 言也。 易,喻 時。 與小官爲長, 謂三公之官,此 之長,此之類也。 之下有正官大夫,與其同類之官爲長, 師,衆。 統月,故傳以 休咎,又言皇極之得 治闇賢隱, 周禮》大司樂爲樂官之長,太卜爲卜官 下句惟 此師尹 君 歲月日 尹,正。 臣 國 易 有月 家 職 在 亦是衆官之長,故師尹之 四 皆以 亂 「衆正官之吏」,謂卿士 以爲 時言 卿士之下,知是大夫。 《詩》稱「赫赫師尹」乃 日 君 喻職 無喻 失,與 / 疏 失其 正官之吏 之,言兼 事 日 、柄、權 時者 Ŧ, 上異端, 既 如歲 陳 月 一, 但 臣 謂 Ŧi. 日 擅 大夫 一時以 更復 兼 事 也 四

名同耳。

季 此 八 宿,雨東方木氣 好,故好風也。 央土氣,木克土,土十爲木八 〔鄭曰〕箕星好風者,箕,東方 好 爲 而 寒也。 往 金九妻,從 南宫好暘,北宫好燠 是由己所克,而得其妃, 畢星好雨者,畢,西方 ,西方金氣尅東方木, 妻所好,故 好雨 木 妻、從 宿, 也。 妻 風 木 四 金 所 中

致尚微

故

大

陳

君

臣之象」云云者

意

此

經

自三王

省

惟

歲

以下,直

至

以以

雨

」, 皆

爲

明

皇

極之得失。

卿士、

師

案曰〕鄭云「

休

· 咎 五

事,得

失之應

其

所

深釋

文

庶民惟星,星有好風,星有好雨。

氏,非官,而疏以爲官,非也

疏引「師尹」云云、據毛傳、鄭箋,

尹乃姓

爲正、《釋言》文。

時爲是,亦《釋詁》文。

與鄭同也

傳以

師

爲衆、《釋詁》文。

云「非徒風

雨

寒燠

加

己。

馬及傳

義

皆

故

鄭

穀用成等,較五事之休咎亦尤大。

日

皆作

喻

意

解之。

皇

極

得

失,

五.

事

事之得

失爲大,則

其

所

致

休咎

若

百

尹

,其得失皆視

 \pm

以

爲徵。

惟

歲

惟

月

惟

好,呼報反。

雅・漸漸之石》疏。 有所好。 星好風,畢星 卷《月令》疏。 各尚妻之所好 〔傳曰〕 ○又十八卷《春官・大宗伯》疏。 ○《六經天文編》下卷。〔馬曰 星,民象,好風好雨,亦如民 好 故 ○《周禮》十卷《地 雨。《史記・宋微子世 也。 尚 書》疏。 ○《禮記》十四 官 ○《詩 大司 一家》集 箕

又見《孔子家語》卷十《七十二弟子解》。 之?』夫子曰:『昨暮月不宿畢乎?』」事 尼弟子列傳》云:「夫子當行,使弟子持 漸之石》云:「月離于畢,俾滂沱矣。」《仲 《詩緯》云:「箕爲天口,主出氣。」《詩 白虎七宿,奎、婁、胃、昴、畢、觜、參。 龍七宿,角、亢、氐、房、心、尾、箕。 畢,西方金宿,從妻好 雨具,已而果雨。 大東》云:「惟南有箕,不可以簸揚。」《漸 〔案曰〕鄭云箕,東方木宿,從妻好 云「箕,東方木宿」,「畢,西方金宿」也。 弟子問:『何以 雨云云者,東方蒼 鄭衆注 西方 風 故 知

與八相合之義,則 其一與二,三與十,五與六,七與四,九 金,以乙爲庚妃,故九與八合乙庚也。 以辛爲丙妃,故七與四合丙辛也。 爲戊妃,故五與六合戊癸也。 妃,故三與十合甲己也。水畏土,以癸 克金,金克木。火畏水,以丁爲壬妃,故 壬癸水也。 木也,丙丁火也,戊己土也,庚辛金也, 也。《陰陽書》有五行妃合之説。 年《春秋傳》曰:「火,水妃 是箕好風,畢好雨,從古有 之星也。」下即繼以《書》云「星 也。」《漢·天文志》云: 一爲火二牡,木以天三爲土十牡,土以 大宗伯》云:「風 與二合丁壬也。 "「水,火之牡也。」劉歆説云"水以天 木克土,土克水,水克火,火 昭十七年《 師, 土畏木,以己爲甲 「箕星 箕也。 此 也。」妃者 爲 一有好 説 春秋 金畏火, 雨 風 師 木畏 甲乙 風」, 昭 九

合也。 暘。 五,五 也 寒水 故北 火,火克金,暘 妃,其中具 妃。 宫云云者,由從妻所 五、七、 推言之,皆從己所 水妃也。」《易 天 十,此之謂「相得」。 二、三、四、五,得 及 天 Ŧi. 衆星,皆包在 氣爲土妃,故中宫四 宫 北宫是水、水克 此 故曰:「水,火之牡也。」又曰:「火, 九 爲 位相得而各有合。」天數一、三、 經所說星,除五 好燠。 鄭注意本 水 爲 六牡 木 有相合之義,此天地 地 八 數 · 繫辭》:「天數五, 中宫四 金氣 牡。 火 二、四、六、八、十,一、 此。 五皆爲六、七、八、九、 克得 内。 以 火,燠· 爲 陽 而丁壬等之各爲牡 好 天 鄭又云推 季是土,土克水, 火妃, 、推之, 奇 緯 其 據《史記 七 季好 外, 爲 、妃,從妃所好 爲 火氣爲 牡 金 故 凡二 則 寒。 陰 四 南 南 <u>五</u>. 此 牡 水妃, 一十八 天官 宫好 宫是 行 則 地數 偶 鄭

> 之象 故多 有好惡,下文二 政之有得失也。 者同故也。 甚衆,似下 書》言, $\overline{\mathbf{H}}$ 王極之事」。 官等, 一嗜好, ,成王極之事」,則自此以 列 而 星 星亦有嗜好,與 民衆多 鄭于上文注既云「大陳 此 有 故此 以 太 節 爲 之象。 假 庶民之象者,以 ,有三公,有 節 日月之行,以 假星以 且民有情欲, 民之有 喻 下皆是 藩 民 臣 喻 情 情 君 恒 君 之 欲

日月之行,則有冬有夏。

張 皆有常法,冬夏爲南 大小各有常法。 日月之行,冬夏各有 禮有常法,以齊其民。 六卷《月令》疏。 鄭曰〕四 日 蔡雍、王蕃等説渾天者皆云: 月 行有常 時之間,合于 [王曰]日月行有常 [疏曰]日月 度, 喻 常度。 北 《尚書》疏。 · 黄道 之極 人 君 也 故 故 之行 君 政有常法。 臣 度 「傳 舉以言 禮 政治, (),君臣 周天 四 記 時

央,南 此 去北 其當交則 極一百一十五度,其日之行處謂之黄 之南二十四度,去南極六十七度,去 分還行赤道,與春分同。冬至,行 行黑道。 極六十七度,去南極一百一十五 三百六十五 漸北。 過 極各九十一度。 春分, 入地下三十六 百二十二度弱,其依天體隆曲,南 去六度。 半在 極一百八十二度彊。 又有月行之道,與日道相近,交路 北二極 高南 鄭注 兩 夏至赤道之北二 從夏至日以後,日漸南,至 此 日道之裏,半在日道之表。 度 云「四時之間,合于黄道 道 |中等之處,謂之赤道,去南 ·,北極出 其日月行道之大略也 相 四分度之一,天體 度。 合,交去 地上三十六度 北極 極遠處,兩 日行 十四度,去北 正當天之中 去南極 赤道,從 員 度,日 :赤道 如 也

道, 立夏、夏至,南從朱道。 然用之, 初,夏至、冬至則月中也。 仲夏,日在 月,日在東井。仲冬之月,日在斗。」此 王之義,爲適合也。《月令》云:「仲夏之 夏」。此段《天文志》文以解此經及鄭、 決房中道。」故曰「日月之行,則有冬有 秋、秋分,西從白道,立冬、冬至,北從黑 出黄道東。立春、春分,月東從青道;立 出黄道南,白道二,出黄道西,青道二, 者,黄道一,黑道二,出黄道北 極,晷短,北 日,冬則南, 月 極,晷長,南不極 于東井。日之所行爲 牵牛」,與《月令》異者,《月令》 有九行。 ,考《漢書 于東井」,與夏令合。云「冬至 夏則 不 中道 天文志》云: 極 則温爲害。 則寒爲害。 北,冬至于牽牛,夏 者 r, 黄道 中道。 冬至,日 夏至,日 日 月有九行 ,朱道二, 有 光道 中道

至爲 度。 冬至晷景丈三尺,是長之極 之,故名曰 不如度者,歲惡人僞。」「神」讀 表,日中, 卦驗》云:「冬至 所舉異時,故 劉歆《三統歷》云:「大雪,日在斗十二 星紀。《釋天》云:「星紀,斗,牽牛也。」 日審矣。考晷者,表之景也。 八引者,樹杙于地,四維四中,引繩以 云"「春王正月,辛亥朔,日南至。」是冬 云云,至則寒 至于東井」,與《月令》無殊。 写,鶉 之地中。」鄭引司農注云:「土圭之長 ·大司徒》云:「日至之景尺有五寸, 冬至,日在牛 日南極,則夏至日北 首之初 視其景如 引。 不同 至 爲 立表者,先正 中,皆 日 害者,僖五年《左 也。 初度。」是節有早晚 度者,歲美 置八神,樹八尺之 東井 「冬至,日 極 度 仲冬,日在 也。《易通 方面,于視 也,故 也。 如 如度者, 和。 南 引, 《周 傳》 極 夏

然則 極,則 内 相 戴震《九道八行説》云:「月道出入黄道 亦名赤道,與此 行之赤道。天體 所云「朱道」者,本作「赤道」,但 字,今《天文志》無之,從鄭所引增也。 與之同,則其説由來舊 載鄭《考靈曜》注引《河 至「南從朱道」云云者,孔穎達《月令》疏 之極,極則 夏至,日在東井,景尺有五寸。 此長短 是極短之晷也。 景 尺 復于原處,其差一度又幾半度。 氏》云:「冬至,日在牽牛,景丈三尺。 適 有 與 五 南不極, 有伏陰,寒爲 一十七日有奇而交道 土 寸,以夏 圭等,謂之地 氣至,冬無愆陽,夏無伏陰。 則有愆陽,温 名 至之日 中央去南北 知者,鄭 同 害也。」云「黄道一」 易惑 矣。 圖帝覽嬉》文,略 中。」此尺有五 立 注《周 八尺之表, ,故改之也。 一終。 「黄道一」三 爲害。 極適 禮 此乃九 中處, 北不 其

交,退 分黄道 春青道。又三十交退 十六度奇, 半交必在立春黄 北 南緯二十三度半 分青道 之差 立 而 度,是 爲 緯 IE. 八行之説 黑以别之,借八節之名以 爲 陰歷,半 南,立夏朱 Ŧi. Œ 在 自 爲 内 正 西,立秋 度 南 立 爲 東 緯 五 半,是 北,立冬黑 正 緯二十三 冬南緯十六度 十 冬至黑 則月南 而 一度半, 東, · 交 所 西 道 以 + 度 立 白 爲春 道 必 而 考 爲 九 奇 緯 春 道 春分無 道 在 内 人 **美** 西南。 度半, 度 爲 道 青 而 在 幾十一度, 陰歷 冬至 五. 分 差 奇 爲 又三十 秋 西 道 度 青 也 陰歷,半 分,無 奇 北 半,立 東 爲 南 ,半交必 黄 道 則 如交在 古 而 北 夏 北 東南,冬至 道 月 命之。 借 歷 緯 人陰歷, 凡 裹 南 是 春 秋 南 至 - 清 家 三十 緯 五. 則月 分 退 爲 冬 朱 北 南 在 有 在 白 度 立 緯 春 至 道 九

半**,**立 道。 冬至 度半 退在 幾二十二度,是爲立秋 五. 秋 秋 而 在 六 又三十交退在 奇,則月南 在 度奇 陰 夏 度 分 分 立冬黄道 四 一,月復 一度,是「 則月北 半,立秋 無 陰歷,半交 歷,半 又三十交退 至 春分,無 白 夏 一黄道 道。 而 南 北 過 北 循 爲 緯 交必 緯幾十一 半 裏 陰 裹 又三十 緯 循 立夏朱道。 緯 南 北 十六度 歷, $\overline{\mathbf{H}}$ 夏至,北緯二十三度半 五. 道 北 則月 二十九度,是 緯 必 在秋分 在 度 度 半交必在立 十六 黑 緯 在 半, 半, 立 度,是爲立冬黑道 以 奇, 北 渞 而 春,南 退 立 白道。 夏至北 度奇 四 立冬南 黄 緯 夏黄 在 則 四 年 又 陰 道 五. <u>·</u> 月 年 緯 渦 歷,半 裹 度 夏, 道 又三 + 過 北 爲 緯一 則 秋 半 + 半, Ŧī. 月 裹 夏 循 交 黄 北 + 緯 六 度 $\vec{+}$ 道 退 + 交 ·六度 幾 Ŧī. 度 至 北 緯 朱 在 度 奇 心 交 緯 裏 爲 Mi

注云 與朔望不齊,每朔望去交遠近及當交 月交于某宫、某度焉 之,可以知交道出入焉,可以考當交、半 歷,未有明析其必分之故者。 交距赤道遠近焉,可以明交終所差,每 九道自宋人疑之,至元而遂廢。 道爲中交,常以中交爲主,今歷謂之正 ·行夏令等,謂之反令。《漢·魏相 食馬。 奏表云:「東方之神太昊,乘震執規司 道 月令》所紀十二月之令是 南北 爲 云,于此 日食,朔當交也。月食,望當交也。 古歷自北而 几 北 年 緯。 緯者,在赤道 古法之廢而宜舉者此也。」 周。 過 可得其槩。 半 九道之説 古歷以自南 循 南爲正交,今歷謂 二朱道 可以辨交之中終 南爲南緯,在 于是明矣。 王者順 而 也。 十八 北 由今思 考諸. 交 年 之中 赤 一而 渦

> 治則 也。 令四時異宜也。 之事」,此節 雹。」是四時各有 不可以治北 方之神少昊,乘兑執矩 坤、 頊 華、冬興離 ,乘坎執 東方之卦 南方之神 艮執繩司下土。五帝所司各有 以日月冬夏異行,喻王者 方。 權司 不可以治西方,南方之卦 春興 兑治則饑,秋 所宜。此經是言「皇 治 則 乘 泄,夏 司秋。 離 中央之神黄帝 執 衡 興 司 北方之神 坎 夏。 興 政 極 削 西

月之從星,則以風雨。

其文見于經。 《書傳纂 《尚書》疏。〇王天與《尚書纂傳》二十二卷。 沙。」不言日者,日之從星,不可見故也。 疏曰〕《詩》云:「月離于畢,俾滂沱矣。」 鄭曰〗春秋緯》云:「月離 曰〕月經于箕則多 政教 **琉** 一四卷。 失 常常 經箕則多風 ○《史記・ 以 從 民 風,離于畢 欲,亦 宋微子世家》集解。 傳記 箕, 所 ○陳櫟 無其 ·則多

欲,所 從,以 所 雖 好, 有 常常 鄭 以 致此 顧 度, 引《春 亂 氏 時 也 亦同,言:「從星者,不 風 或 秋 雨 失道 緯 ×, 喻 從星 孔 政教失常,以從民 亦 用 之也 鄭 以 應 爲 從 從 月 而

也。」説 之從 道,移 風。 行,此惟言月,故解 微,故日見 可見」者,日 陽道 恒 書・天文志》云:「月失節 詩》以證 案曰〕鄭引《緯》以證 陰。」鄭彼注云:「瞀與思心之咎同。」 行 移 星 則旱風 傳》 而 與 而 則 東北 鄭 西 從 日 時星 以風 合。 人 ,出陰道 在下 畢多雨 王 入箕,若東南 畢 極 不 雨」,言失中道 ˈ, 則 鄭又云「日之從星,不 而光盛,星在 不 可 所以不言日之故也。 則陰 多 建、「厥咎瞀、厥罰 , 見。 月從箕 説已詳 雨。 雨。 度 上言日 入軫, 上文。 (多風, 而妄行,出 書》 故月去中 Ŀ 而 ·曰『月 月之 而 東 則 傳引 《漢 光 多 西

> 月亂 亂 故子 氣失故恒陰也。 下 行,今此月之從星,以致風 亂 験傳曰: 瞀,眊 行之事。 矣。 王極 然則自「王省惟歲」 其下又云: 象 亂 天 天 天 也。 陰 君 臣 時 養 雨 則 正 正 萬 不 有 物 立 以下 是 日 H 月 則

曰攸好德,五曰考終命。「九,五福。一曰壽,二曰富,三曰康寧,四

至此,皆言「皇極之得失」,明矣。

次耳。 事 謂 備者,大順之總名。《尚書》疏。○《詩》十七之 好有德 尤所不欲者 一卷《大雅・既醉》疏。○《史記・宋微子世家》集解。 王曰〕攸好德,言人君所好 鄭曰〕此數本諸其尤者。 皆生佼好以至老也。 ,以尤欲者爲先。 自天受之,故謂之福。 也。 康寧,人平安也。 爲先。 考終命,考,成也,終性 以下緣人意 極是人之所惡,以 此五者皆是善 攸好德,人皆 福者,備也。 福是人之所 者道 輕重 命,

財豐 以自終,不横夭。 者德福之道。 考終命,各成其短長之命 福 備 尚 書 淤疏 康 寧, 何傳 無 曰〕壽,百二十年。 疾病。 攸 好德,所好 富

也。 謂皆生佼好以至老」者,《荀子》卷十八 云:「寧、康,安也。」故云「康寧,人平安」 通天下言,與鄭合,此古義也。 壽」,此行仁之壽 考不忘』,此聲聞之壽也。 壽,有行仁之壽。《詩》云『其德不爽,壽 篇云:「壽有三:有王澤之壽,有聲聞之 指人君,非也。 兼天下臣民而言,不專指君身。 好德,即爲人君之福。 下之福、極皆君身所致,故人平安,人皆 曰壽」,此王澤之壽 案曰〕鄭云「康寧,人平安」云云者,天 「考,成」,亦《釋詁》文。 「終性 徐幹《中論》卷下《夭壽 也。 也。」觀此 《書》曰『五 然則壽、富等皆 孔子曰『仁者 則 《釋詁》 王肅專 福、極 福,

> 記・祭統》文。 之? 其説 至老」。僞傳以爲「不横夭」,既非屬貌, 並與鄭合。此漢經師 熾,士女以佼好 云:「《尚書》五 之佼以好。」劉 又不對惡,且即是壽與康寧,何用重言 「考終命」屬貌,對惡爲醜陋,故云「佼好 成相 篇》云:「治之道,美不老,君 非 也。 向《説苑》卷三《建 福,以富爲始,國家以 ,禮義以行,人心以 「福,備也」者,《禮 相傳 舊説 也。 本》 子 昌 由

不明之罰。憂,言不從之罰。 鄭曰〕凶、短、折皆是夭枉之名。 日 凶,未冠 弱。 曰 短折,思不睿之罰。 短,未 婚 白折。 愚 貧,聽 懦 疾,視 不壯 幽

視明 之罰 好德 而 無擁 聰則 ○《周禮》十五卷《地官・司關》疏。○《史記・宋微子 所 傷 聰之罰。 三十、言辛苦。 家》集解。 也 求 神夭性,所以 成 無 行 凶短 八照了 、貌恭 7,神安 性,以 前 運 德,所以 致 言從由 富 反 氣性相感,以義言之,以思睿則 大中,故 困于財。 折,動不 性 ,故致富。 惡,貌 此 「馬 則 而保命、故壽。 終其命。 視 而 憂耳。 致考 得 明 于德,故好者德也。 云, 疾,常抱疾苦。 短 而 則 不 遇吉,短未六十,折未 凶,終 所 惡,醜 折也。 終 致 安寧,不明以擾神而 王 恭之罰 違而失計,故貧也。 へ命。 貌恭則 者思 康 容毁,故 弱 也。《釋文》。 寧,言從則致 陋。 也。 聽聰則謀當, 若蒙則不通 睿 所以然者,不 容儼 則 弱, 弱, 尪劣。 《尚 致惡也。 致 皇不 書》疏。 不 攸 美 聽 極

疾

但

而

《漢書·五行志》云:「傷人曰凶 者言之,爲百二十年,短者半 短,草木曰折。 十,折又半,爲未三十。 曰短。父喪子曰折。」並與孔不同。 曰 〕人之大期,百年爲限, 日 凶,天也。 鄭 康成 -之,爲 傳 一,禽獸 兄喪弟 以 云云, 最 未 \Box

子, 齔。 貧 福、極皆就人言,若兼禽獸草木,則何 娶,則未 齔」謂七歳以下、《儀禮 七。」鄭注《周禮 三十」,非也。 「无服之殤」 也。 〔案曰〕鄭云「未龀曰凶」者,《説文》齒 (富? 自是屬憂,不得以 「齔,毀齒也。 女七月生齒,七歲 不及三十。 冠 何 有 曰 短 好德? 疏 男子二十而冠,三 謂不及二十。 又引 傳以「短未六 司厲》亦云然。 男八月生齒,八歲 爲短折,皆非 《漢 又兄喪 而 喪服 書》 齔。 弟, 云云, 十,折 》傳 未 从齒 則「未 父喪 婚 所 部 有 謂 未 而 而

不敬 鄭 者思睿則致壽」云云者,以《五行傳》止 人在下位而无輔」,此之謂弱, 説亢龍之行曰『貴而无位,高而无民,賢 天爲剛德,剛氣失,故于人爲弱。」「《易》 失,故于人爲貧。生氣失,故于人爲惡。 人爲疾。 皆本伏生《五行傳》文。 如下文,以義言之,以下所推是也。 氣性」,要亦各由 氣性」。 福、極關乎命運,定于初生,故云「行運 言之也。 有致極之文,無致福之事,故鄭反覆 失,故于人爲 又云「 也。」是也。鄭又云「反此 然所以致此之故,則不但 云「所以然者」云云者,人之 凶 殺氣失,故于人爲憂。 短 折, 凶短折。 自取,其中 思不睿之罰」云云者, 鄭彼注云:「殖 長氣失,故于 實 或云 有 而云,王 懦, 推

尚

書後案卷十二

知

此二年是伐紂之明年也。

紂,既殺紂

即即

當

稱元年。

克紂稱

元年,

[疏日]武王

|以文王受命十三年伐

尚書後案卷十三

東吴王鳴盛學

克商之年也

,故鄭以爲後二年,王及僞

疾

商二年」,則是既克商而又二年,明不數

王及僞

傳 以

爲克

商明年。

然經言「既克

王于文王崩

後六

年伐

紂,後二年有

;疾。]

〔案日〕《詩・豳

風

譜》引鄭注謂:

□□武

之二云:「念,古文《尚書》豫。」與《説 當以《説文》爲正。郭忠恕《汗簡》卷中 注云:「从心,余聲。《周書》曰:『有 不念。』念,喜也。 傳皆非是。 「不豫」,僞孔從之,又改「不」爲「弗」。 又《説文》卷十下心部念字 羊茹切。」《史記》作

徐廣曰:「古書穆字多作繆。」 于僞反。戚,千歷反。○〔案曰〕「穆」、《史記》作「繆」。 以戚我先王。」公乃自以爲功,〔《釋文》曰〕爲 二公曰:「我其爲王穆卜。」周公曰:「未可

又作忬。

〔王曰〕既克商二年,克殷明年也。

《尚 書

「傳

一伐紂

明

年,武

王有疾,不悦

既克商二年,王有

疾,弗豫。

[《釋文》曰]豫,本

文》合。

金

縢

周

書

鄭曰〕二公欲就文王廟卜。 戚,憂也

引上,當有「疏」字。

Ŧī. 九

僖二十四

年《傳》富

辰

言

管蔡

等

或

文

爲

穆。」

誥

故

鄭

云:

自

神 與太公,知二公是召公、太公也。 親 事。 丢。 穆、敬。 也。 故 慮先王憂也 此言,周公知王 當成就周道,未可以死近我先王。 疾恐死,當敬卜。 當敬卜吉凶,周公言未 周 ○《史記》三十三卷《魯周公世家》集解。 . 與先王 可 公既 近,故爲近也。 止二公之卜,云未可以憂怖我先王 「吾與爾三之期」,今必 《尚書》疏。〇林之奇《尚書全解》二十六卷 死,是「相順之辭」。 〔疏曰〕《釋訓》云:「穆,敬也。」戚 相順之辭。 内知 戚,近也。 一近也。 武王有 不死,先王豈不知乎, 二公恐王死,周公言 周公乃自 武王時,三公惟周、 周公言,王既定天下, 九龄之命,又有文王 召公、太公言王 山 廖,不以此終, 鄭云云,如 以 以 死近 請 命爲 傳 言 我先 日 則 是

案日

〕鄭以「穆卜」爲「就文王廟卜」者 代,如 非也。 敬,雖 疾 矣,何爲 鑿,且周公方欲止二公之卜,而 鄭又云「周公内知」云云者,據《禮記 筮奇昌爲,三龜從兆凶。」似「穆卜」爲古 功者,公親,二公疎也。「功」、《史記 文王世子》文也。 廟卜,其後遂名此卜曰穆卜。 人問卜之名。 蓋周家有大事,輒詣文王 稷以後,一昭一 以穆卜爲于文王 文子爲昭,武子爲穆。 之昭,邗晉等國 《文酌解》云:「三穆: 方危 徒爲相 本《釋訓》穆穆爲敬,其義 周公知王不死,而必請代者, ,憂之深也。 自 潛 順之詞,則當 ١, 爲武之穆。 穆,文王 廟ト 傳解戚爲近,既屬 不使二公知乎? 止二公卜而自以 也。 説 一于次 詳 絶 《逸周 與二公同 疏 ~酒

非

也

自

1

爲

穿

傳訓穆爲

靈

破

城,

書》卷

扶風

鄠

縣

東南。《後漢書》言鄭

西

入關

案日

〕鄭云云者、《漢

· 地

理

志

豐

水

出

事

融

則鄭曾至酆,親見遺址

也

傳

云「壇

築土,墠除地」者,《祭法》注

此 自當從功,謂公欲爲己功,如鄭義 功、《史記》亦作 得 謂公以己 質于三王,以 但 下文乃 「功」,不作「質」, 得 周公所 代 武 也 丢。 則 自

焉。〔《釋文》曰〕壇,徒丹反。墠音善。 爲三壇同墠。爲壇於南方,北面,周公立

壇。 公北 在此 焉。 爲三壇。 傳曰〕因太王、王季、文王請 鄭 《尚書》疏。 壇。 墠 除地 面 ,則三壇南面 内 時 ,但其處 爲三壇,又爲壇 **「**疏 壇築土, 爲 壇墠 馬 于 三王每 E 墠除地,大除地,于 小 可知 []壇, 豐, 别 ,故别言之。 壇墠 王一 土堂。 于 南方,亦 命于天, 之處猶 壇,故 《釋文》。 故 周 當 中 存

植

日

壁秉 植、時織反、徐音置。○〔案曰〕《史記》作「戴」。 者,及宗子去其宗廟而在他國者, 支子爲臣,故不敢告廟,而爲壇以 告必須墠 子雖在本國而於禮不得入廟者,或 除空地 除 地 吴澂曰:「古禮,凡於遠祖之無 · 珪, 乃告太王、王季、文王。〔《釋文》 曰 爲 墠 地爲壇,以 墠。 ·, 封 土曰 即 于 壇。」 其 棲祖考之神。」周公 中聚 謂墾去草萊 土築之爲 告 及 也 闢 支 廟 壇

贄。 知周 卒」,是璧以 置也,置于三王之坐。 馬光《類篇》六卷中。 纂疏》四卷。 伯》「以蒼璧禮天」、《詩》説禱旱「圭 鄭曰〕植,古置字。《尚書》疏。 公秉 告謂 祝辭。 ○《詩》二十之三卷《商頌·那》疏。 桓 圭。 禮 神。 [傳日]璧以禮神。 疏 《周禮》「公執 日」《周禮 周公秉桓 ○陳櫟 珪 桓 大宗 以 書傳 〇司

芸」,蔡邕石經作「置其杖而耘」。《商〔案曰〕鄭云云者,《論語》「植其杖而

也。 者,蓋因一植一秉,推而知之。 傳云「璧以禮 字,云「見裴光遠《集 亦或作「置」、《汗簡》卷中之一亦有腦 植 頌 。」《説文》「植」字重文作「檻 • 珪者,古文圭字,見《説文》土部。 那》篇「置我 神」,珪以爲贄 鞉鼓」, 綴》」,是植、置 箋云: 而 置 非 集韻》 讀 神 同 日

〇〔案曰〕「册」,《史記》作「策」,古字同用。 史乃册,祝曰:〔《釋文》曰〕祝如字,或之疚反。

解。〔傳曰〕史爲册書,祝辭也。讀此簡書,以告三王。《史記·魯周公世家》集〔鄭曰〕策,周公所作,謂簡書也。祝者,

疏云: 同。 之名。」鄭《論語 書文,今謂 書于策,不 案曰〕鄭以 《儀 「簡者、未編之稱。 禮 之字。 ·及 聘禮 册 百 名書 爲 序》云:「《易》、《詩》、 策,簡也。 策,謂 記》云:「百名以上 于方。」注云:「名, 簡 策是衆簡 書 方,板 者,册、 也。 相 連 策

> 非 《孝經》謙半之、《論語》四寸,三分居一, 周公自作,而傳云「史爲册 字」,是簡容字多少。 字一簡,服虔注《左氏》云「古文一 詞百二十八字,故書于册也。 又謙焉。」是策長 編之策,一板書盡,故言方板也。 書》、《禮 也。 》、《樂》、《春秋》,策皆尺二寸, 短。 百名以下,不假 鄭注《尚書》三十 書, 鄭以 祝 簡 此

豆反。「惟爾元孫某,遘厲虐疾。〔《釋文》曰〕遘,工

日某。 諱之,孔惟言臣諱 讀之,至此字口改爲某,史録爲此 元孫發,諱曰某。 成王讀之」,當謂 鄭曰〕諱之者,由成王讀之也。 傳曰〕元孫,武 厲,危。 虐,暴也。〔疏 玉。 《牧誓》不 成王 君,不解其意。 某,名。 開匱得書 諱發,此 臣 日」本 諱 《尚 為,因 , 王 自 君, 書 鄭 》疏。 故 云 云

岩爾一

三王

者,令人史制 遂成王所讀,故諱之。 《牧誓》 王 自 稱

君也。 鄭,而不 後,猶直 之,則成 昌厥後」,今武王未没,又當三王前,安 君,不知所謂臣者爲誰。若謂 發爲某。 追敘其始,詳録册文,因成王之讀,而改 必言某矣。 厥後成王得此册,讀其文,必不敢稱名, 三王,父前子名,斷無 〔案曰〕鄭云云者,此册 諱,則武王尚在,而諱其名,是預死 其名乎? 且周公祭文王,徽《詩》猶曰「 王得此 斥 鄭説確不可易。 武 史官記成王感悟迎公之事, 王 若謂録 名乎? 册時,已當 諱 僞孔 此 周公作之,以告 發而 篇書 傳惟言臣 舍故諱 欲 初時作 水異 一時乃 稱某者。 新 其 諱

之身。〔《釋文》曰〕丕,普悲反,馬同,徐 ,是有丕子之責于天,以 顧其説之動輒有違 爲 典,故 不 . 須 諱 也 甫 旦代 眉反,鄭

音不。

志 書》。若君父之病不爲請命,豈忠孝之 欲爲之請命。 默爾視其歔欷,歸其命于天,中心惻然, 玄答曰:「君父疾病方困,忠臣孝子不忍 終,雖請不得。 玄曰:「若武王未終,疾固當瘳。 天」, 言負天一大子, 謂必須死。 責」之「責」,謂負人物也。 「大子之責 世教。〔疏曰〕「責」讀如《左傳》「施舍已 謂疾不可救于天,則當以旦代之。 「丕」曰「不」,與孔異。 有命,不可請代,聖人敘臣子之心,以垂 ○司馬貞《史記索隱》十卷。 〔傳曰〕大子之責, 爲天所責。 遇疾,若汝不救,是將有不愛子孫之過, 鄭 曰〕丕讀 欲使爲之請 曰 周公達於此禮,著在《尚 自古以來,何患不爲?」 不。 愛子孫 鄭玄弟子趙商 命也。《尚 日子。 信命之 死生 書》疏 元孫 鄭 問 于

既以不爲聲,自可借爲不字。《尚書》以 《説文》云:「丕,大也。從一,不聲。」丕 子。」故不子爲不愛。「丕」讀「不」者, 可異矣。 責」,亦以負爲不。 尾」、《史記》作「負尾」也。 兹。」然則子可通作兹,不亦可通作負,猶《禹 負子,子,民也,言憂民不復子之也。」《公羊傳》曰: 上天之責」,是不識 與跗、浮皆語有 丕爲不,不爲丕者甚多。 屬負茲。」《禮記音義》曰:「天子曰不豫,諸 白虎通》曰:「天子曰不豫,言不復豫政也。 不」,正其讀耳,非改其字也。《史記》 不」作「負」,蓋不有跗音,又有浮音,負 案 於天」,義甚闇晦。 丕爲負,妄改鄭讀 曰〕鄭云云者、《中庸》「子庶民」, 「子猶愛也。」《皋陶謨 若傳言「大子之責,謂疾 《索隱》乃云「謂三王 輕重耳,是假借字也。 負字故也。 隗囂移檄曰「庶 以遷就《史記 疏 曲附之,謂 鄭讀「丕」爲 》曰:「予弗 且云 無負子之 諸侯曰 貢》「陪 侯曰 一負于 不可 鄭 鄭 不

孫不若旦多材多藝,不能事鬼神。乃一子仁若考,能多材多藝,能事鬼神。乃二

神。言可以代武王之意。〔傳曰〕我仁能順父,又多材藝,能事鬼

下地,四方之民罔不祗畏。 「乃命于帝庭,敷佑四方,用能定爾子孫于

《釋詁》右、助同訓勵,故得轉 [案日]馬以帝爲天者,《大雅• 佑助四方。《史記・魯周公世家》集解 [馬日]武王受命于天帝之庭,布 文》卷八上人部無佑 布者,《禹貢》鄭 三下又部云:「右,手口相助也。」是也。 「在帝左右」,毛傳以帝爲天是也。 注 義 同 字,古但作右。 也。 佑爲助者, 相訓。 其 道 文王》 敷爲 《説 以

注云:「《史記》珍寶字皆作葆。」然則實、葆通也。依歸。〔案曰〕《魯世家》「寶」作「葆」。《留侯世家》徐廣「嗚呼!.無墜天之降寶命,我先王亦永有

澤王氏刻改。 解。○〔案曰〕「猶主也」,俗刻誤作「猶神也」,今從震歸,爲宗廟之主也。《史記·魯周公世家》集。與曰〕降,下也。寶,猶主也。有所依

是也。
「實,猶主也」者,《周易・繋辭傳》云:「實,猶主也」者,《周易・繋辭傳》云「聖人之大寶曰位。」天命武王居天子位,爲天下主,是寶命也。又云「爲宗廟位,爲天下主,是寶命也。又云「爲宗廟之主也」者,《 哀公問》云「爲 帝, 而武王居天子

「今我即命于元龜,

解。〔傳曰〕就受三王之命于大龜,卜知〔馬曰〕元龜,大龜也。《史記‧魯周公世家》集

〔案曰〕馬云云者,説詳《西伯戡黎》。 傳

吉凶

以即爲就、《釋詁》文。

「屏,卑正反。」不許我,我乃屏璧與珪。」〔案曰〕《書傳會選》:「爾之許我,我其以璧與珪歸俟爾命。爾

之也。 幣玉藏 爲證。 于神明,奉以出。 子問》:「天子、諸侯將出,以幣帛皮圭告 也。」屏有隱蔽義,故爲藏。《禮記·曾 傳以屏爲藏者、《説文》尸部云:「屏,蔽 部俟字則云「大也」,引《詩》「伾伾俟俟_ 卷十下立部皆云:「诶,待也。」卷八上人 史記・魯周公世家》集解。 案曰〕馬以俟爲待者、《釋詁》及《説文》 馬曰〕待汝命。 「兩階之間。」是以玉禮神,事畢 今以俟爲竢,或俗訛,或古通也。 反必告,設奠。卒,斂 武王當愈,我當死 [傳日]屏,藏也。 也。

乃卜三龜,一習吉。

〔傳曰〕習,因也。以三王之龜卜,一相

體,麤觀 言,是三代之法並用之。故知「三龜」, 也。 大 三王之龜。 瓦兆,三曰 因 有先後,後者因 而 ·太卜》:「掌三兆之法,一曰 《洪範》卜筮之法,三人占從二人之 前重 口 識 一之,故 疏 未見 也 曰 原兆。」三兆各别三代法 習 占書已知吉者,卜有大 習 則 前 爲 ii, 故云 大 襲 也。 也 襲是重 因 三龜 也。 玉 兆二 並 衣 1 周 之

也。 傳云「三王之龜」,疏云「三代法」,意指 夏殷周 案日][三龜]以 灼 意皆不指夏殷周。 説 龜發火似玉、瓦、原之罅。 已 ,則非也。 〕詳《洪 範 爲太ト三兆 蓋太卜三兆、三《易》, 玉兆、瓦 兆、原兆, 可 原,原 也。 田 而

「啓」作「開」。 以略反。并,必政反。○〔案曰〕鄭《周禮・卜師》注引啓籥見書,乃并是吉。〔《釋文》曰〕籥,于若反,徐

〔鄭曰〕籥,開藏之管也。開兆書藏之室

以管, 也。 《尚書》疏。 卜》三兆之下云: 亦并是吉。 傳會選》四卷。 曰〕籥,藏卜兆書管。 一十,其頌皆千有二百。」占兆之書,彼 頌」是也 《尚書》疏。 乃復 〇王天 兆既] **「**疏 見 至 ○《史記 人與《尚 同 (日)占: 龜 曰 吉, 「其 占書 書纂傳》二十四 籥 • 《釋文》。 經 開 • 兆 兆 魯 籥 别 開 亦合, 周 見占 之體,皆百 在 藏 公世 ○劉三吾 于 占 兆書, 於是 藏。 一家》集 兆 書 《太 解。 有 馬

字注 注 竹 不可言籥啓,故又倒言啓籥也。 文當言以 兆書之室有鍵閉之,今用籥 [案日]鄭云 部 竹 亦 不合。 者 云: 籥字注云:「書僮 古字通 .「關下牝也。」然則此當从門, 籥 蓋鄭以 「籥,開藏之管」云云者, 啓室見 也。《説文》之義 籥爲管,謂是開 書, 竹筥也。」 嫌文繁,省之。 開 此鍵。 門部 《説文》 與 鍵之 此 嗣 藏 而

牝。」與 與《周 以 則 則 瑣 以管開此籥,于文似順 云 <u>궁</u> 管籥。」彼注云: 簧,管則 實與今不同。 門,故雙言啓閉。」此物 物 關 司 籥 搏 匙其形是牝, 閉 者 瑣 全是牝 '門》疏云:「管籥以啓 下 「管籥 開。 鍵器。」 若依《説文》解之,以籥爲鍵, **→** 爲 或 牝」,則 禮》、《禮記》合,又與先鄭合。 鄭 周 鍵, 門。 猶瑣匙, 《月令·孟冬》云:「修鍵閉, 形,插 此 禮 與 與 鄭 注 鍵 鄭 • 闘即 鍵猶 鄭 注 合。 地官 閉 司 人瑣 却有 「管籥,搏鍵 正 確 農 而 别 是鍵 瑣 若依《説文》 相 不 與今瑣匙異。 * 云 文,則非鍵閉 中 眼 中 可易。 反。 司司 ,乃必從鄭者, 以韜簧者、簧韜 似今之瑣匙 以受簧,古之管 而非管矣 須如今所謂 管 門,鍵牝以 門掌 今此 謂 如《説 器。」彼 管 籥 议 經 物、故 鍵 嗣 今之 鍵 而謂 疏 閉 慎 瑣 而 彼 以

> 此經見· 謂與? 經,而 類《尚 之也 體。 使 之二篇。 者、《卜師》:「掌開龜之四 一曰功兆,三曰 籥 開 即 今言四兆 與鄭 書》之體。 書即彼 方、功、義、弓之名,未聞。」然則 含書 開 閉 違 出 而 也。 者,分之爲四部,若《易》 其占書 四 云啓 金縢》曰『開 義 兆書,啓籥者,卜 故 鄭 兆, 不 籥 又 也 可 四 以 則 執 兆 文太鄙 經兆 日弓兆。」注 篇見 説 1爲占 文》 日方兆 百 二 十 書』是 俗,不 師

王,惟永終是圖。 公曰:「體,王其罔害。予小子新命于三

史占墨,卜人占坼。」鄭玄云:「體,兆象占人》云:「凡卜筮,君占體,大夫占色,王惟長終是謀周之道。〔疏曰〕《周禮・害。」言必愈。我小子新受三王之命,武[傳曰〕公視兆曰:「如此兆體,王其無

繇,不惟占體而 也。 也。 也。 此文同,故引以爲證耳。 也 但周公汲汲欲王之愈,必當躬省兆 周公卜武王,占之曰:『體,王 尊者視兆象 鄭意此言「體」者,即彼「君占體」 兆 氣 也 른 而已,卑者以次詳 墨, 但鄭以「君占體」 兆 廣 也 坼, 其 其 兆 與 無

火土五 火兆; 兆。 兆,直下向足者,爲水兆, 依 横 中 云者,彼疏云:「『體,兆象』者,謂金木 案曰〕傳云云,疏引《占人》云云, Ľ; 其 視其 廣 也 四 是兆象 . 時 (形體象似金木水火土也。 色氣 邪向下者,爲金兆,横者,爲 種之兆。 灼 坼,兆釁]者,就正 龜 也。 兆廣』者,據兆之正釁 ,似有雨及雨止之等,是 四 足,直 云『色,兆氣』者,就 言體言象者,謂兆之縱 上 向背者,爲木 邪向背者, 一墨傍 有 凡卜, 注 奇 爲 兆 兆 土

惡,墨 千二百也。」云「體有五 墨、坼。五色者、《洪範》 詳略,故其 相 <u>Fi.</u> 非 罅 色、墨、坼各不同。 坼」者、《占人》云云,彼注云云,若然體、 濟,日圛, ト》「三兆」云 君尊大夫卑,卜史又卑,所占宜有大小 者,證「君占體」之事 則吉,惡、小及微皆凶也。」引周公云 百二十,每體十繇,體有 ,而爲百二十者,則 者 因 金木水火土五 云其頌千有二百者,每體十繇,故 然判分四 而 有大小, 坼有 爲 有 兆 曰 也。 (差如 釁 蟊, 曰尅。」彼 云,彼注 也 何者? 事。 此。 兆之體。 今鄭云云,則四者皆 微 然體、色、墨、坼,實 此經上文疏 也。 體 明。』吉、善、大、明 兆别分爲二十四 色,又重之以墨、 云:「頌 有 五 以 此疏 所謂 吉 疏云:「體者, 若然,龜兆有 其 色,又重之以 凶 有 甚 謂 Ŧī. 明。 色 引《太 雨, 繇 有 也。 云

兆 體 兆,兆别有七十二分,頌有七百二十。 其體皆百二十,頌皆千二百,則每占一 凡二百四十頌。又玉、瓦、原三龜並卜, 尊、舉事既謀乃心、不敢自是、又謀 以一占遽定,故重累占之也。 之微明 圛、蟊、克五色中是何色,色定矣,再進 坼,是皆相因之事 考之已詳,事已可定,不必再問色墨坼 十四分,以察其吉凶。又考其頌, 士、庶人,而筮且 而 卜人占坼言之。假如于金 狹爲 觀 中占得一體,再進 ,體中有 舉中以 若然,《洪範》言五 其墨之廣狹何如,終乃進而觀 何如,是謂卜人占坼也。 墨,又 Ŧi. 括上下也。 色,既 因 墨 卜,得一兆,兆别 也,此疏 一之廣 有 而 體 觀其色于雨 色,不言體、墨、 又五行是體,雨 狹 色, 支分 尤 木水火土五 則 詳 因 人君 小 之以 析。 分二 不 其坼 一兆 卿 位 敢 兆

> 亦誤 疑其 也。 霽 失禮事,不可 孰吉孰凶,五色孰善孰惡,則不可考矣。 兆。此經所言體乃五兆之體 庸》注同。 夏灼前左,秋灼前右,冬灼後右。」與《中 卜》注又言:「以 四體」,注: 詩・ 公必躬省兆繇,不惟占體而已」,亦誤 了等是 衛風》: 又《太ト》兆體 若不考頌, 也。 與 雨 色, 例論 君既 霽 爾卜爾筮 是灼 「龜四足,則體有四者。」《太 而《洪 等 占體,必考其 同 何知 此 火灼龜之法,春灼後左, 異 範》疏據 四 `體無咎言。」非君而占體,此 如 五,而《中庸》「動 苦凶。 體,以發彼五 何, 是 今龜 丽 混 頌 也。 此 , 凡 體于色 法 疏 Ŧi. 立體之 五體 乃 卜皆 行, 云

〔馬曰〕一人,天子也。〔鄭曰〕兹,此也。《史記兹攸俟,能念予一人。〕

《史記

魯周

公世

魯周

世

〔案曰〕鄭云云者、《釋詁》及《論語・子

集解

罕》篇 下》篇文也 孔 安 或 注 文。 馬云云者、《 曲 禮

繋幣

以

比

其命。

歲終,

則

計其

占

之 中

否。」注云:

既

卜,史必

書

其

命龜之事及

公歸,乃納册于金縢之匱中,王翼日乃 [《釋文》曰]瘳,勅留反 瘳。

之義。 周 記》注云:「齊人謂棺束爲緘。」《家語》稱 也。」「縢」,王、鄭云「東」。又鄭《喪 閉緄縢」,毛傳云:「緄,繩。 則金縢是匱名。《詩》述韔弓之事云「竹 瘳,差也。 記乙集》二卷。 翼,明」、《釋言》文。 鄭曰〕縢,束也。 廟内有金人,三緘其口。 以金緘其表。《尚書》疏。 ○劉三吾等《書傳會選》四卷。 藏之于匱,束之以金,若今釘 開也 〔疏曰〕壇所即卜,故從壇歸。 [傳日]歸,從壇 凡 藏 經云「金縢之匱」, 秘 ○陳櫟《書傳纂疏 書, 則騰是束 歸。 ○真德秀《讀書 藏 縢,約 之 翼,明。 于 大 束

《占人》:「凡卜, 納册, 即 既事 下 `, 則 干 孺,如樹反。 曰:「公將不利于孺子。」〔《釋文》曰〕喪,蘇 之一卷《邶鄘衛譜》疏。 間 王 謂喪服除。 于時管、蔡在東,蓋 故流「公將不利于孺子」之言于 服,意欲攝政,小人不知天命,而非之, 弟,封于管。 鄭曰〕管,國名。 也。 ○《禮記》三十一卷《明堂位》疏。〔傳曰〕 周公攝政,其弟管叔及蔡叔 孺子謂成王 武王崩,周公爲冢 羣弟,蔡叔、霍叔。 ○又八之一卷《豳風・七 叔,字。 也。《尚書》疏。 遣 人流傳此言于民 周公兄,武

與大夫所啓。

案曰〕鄭

云云者,此

所

宰,免喪

既喪,

○《詩》

,京師。

武王既喪,管叔及其羣弟

乃

流

言

于

秘書,故又特加金緘

也

龜書。」然則既卜而藏其書本常禮

兆于策,繫其禮神之幣而合藏焉

日『王與大夫盡

弁,開

金縢之書」,是命

弟。 也。 乃 不用《孟子》之説 也。』《史記》亦以管叔爲周公兄。孔似 政,乃云其弟管叔,蓋 聖,有次立之勢,遂生 放 《孟子》曰:「周公,弟也。 稚子,成王。 于國, 誣 周公,惑成王。 〔疏曰〕傳既言周公攝 以 管叔爲周公之 一流言。 管叔,兄 以 周 稚

旦 考,次日武 《管蔡世家》云:「武王同母兄 管」者、《周本紀》云:「封弟叔鮮于 叔 母曰太姒,文王 縣東北」是也。云「周公兄,武王弟」者, 僖二十四年《傳》杜預注「管國在滎陽京 案曰〕鄭云「管,國名。叔,字。 載。」據此則 武、次日霍 一、次曰蔡 》云:「文王一妻,誕致十子。」與《史 叔 王發,次曰 叔 度,次曰 十人同母。 正妃也。 處,次曰 曹 管叔鮮,次曰 康 1叔振 其長子日 《後漢 叔封,次日 深鐸,次 弟十人。 周公 伯 *管。」 曰 郕 聃 邑 于

僖二 霍,皆其封邑,但非 是也。 記》合 考前死,不數武王 空,五叔無官,豈尚年哉。]八人者伯 未足據也。 察在魯上爲説。然富 而賈逵、杜預并以蔡叔爲周公兄,蓋 乃定四年《傳》萇弘言蔡叔,康叔之兄, 列十人序次,當據《世本》,言必可信。 管叔于東,蔡叔、霍叔于殷,俾監殷臣。」 人亦可稱羣,故云「羣弟」也。 武 比,故曰 爵邑之謂,若管、若蔡、若曹、若郕、若 ,周公爲太宰,康叔 王克殷,立王子禄父,俾守商祀。 一十四年《傳》富辰言文之昭十六國, 也。 獸三爲羣,人三爲衆。 無官耳。 管叔、蔡叔、 又祝佗言:「武王之母弟八 《逸周 ,故八也。 周公等爲六卿之長 周公于管叔爲弟 辰 爲司寇,聃季爲司 或可隨便言之, 書 霍叔,即《大誥 無官者,非 《史記》所 通言之, 雒 邑 建

尚 遂言: 《白虎通》卷下《姓名》篇。 異説。 《史記》互異者,今自當以《史記》爲定。 郕、霍外,去振鐸 杜 王子,晉之祖 康 鮮、蔡叔度、曹叔振鐸、成 至于管叔爲周公兄,則自古相傳,初無 聃無可考,不知 叔父,行齒尊長 王十子,伯邑考、武王發、周公旦、管叔 以 卿, 叔封、 年也。 叔 甸,非 振鐸與武王異母,解 舊 佗言 聃 其以爲周公弟者,獨有僞 曹,文之昭也,晉,武之穆也 本,但 南 季 此就五 」此,以 尚 于 唐 曹、 載予。」所據元大德 年也。」蓋曹之祖振 譌 杜 ,晉侯爵 叔虞,武王子,曹乃晉 叔中抽 脱甚 明 郕、 而易 何 不尚年之意。 據。 霍皆爲 多,恐不足信,究 以毛 而曹伯爵,故非 出言之耳。 Ŧī. 叔處、霍叔武、 此皆諸 彼文云:「 叔聃。 叔 弟, 于管、蔡、 説 而 毛叔 孔 之 其 並 與 而 文

> 《儒行》云「聞流言不信」是也 宰」。 代攝其位,三叔 服 及,故流言起 是常禮,不應致疑。 必爲此解者,定 當以《史記》爲 三年。」當 ,鄭以流言是武王崩後三年事也 除。 禮、「君薨、百官總己以聽于冢 周公爲冢 武王初崩,周 也。 正。 四 疑公欲依殷禮,兄死弟 宰,免喪 年《傳》云「周公爲 流言者, 鄭 及免喪,成王幼, 又云「既 公固 服, 已攝 如 欲 水之流。 喪 攝 宰 喪

《釋文》單行足本及注疏所載同,今改正。必亦反,治也。馬、鄭音避。○〔案曰〕法、治二字互誤。先王。〕〔《釋文》曰〕辟,扶亦反,法也。《説文》作「擘」,居公乃告二公曰:「我之弗辟,我無以告我

位之謗,無 子而去,我先 鄭曰〕避,謂避居東都。 東者 ○陳大猷 處 告于我 東 王 《書集傳或問》下卷。 國 以 謙 先 待 王。 讓 罪 爲德,我 以 言我今不 言愧 須 君 〇王天與《尚 無 之 反 有 避 也。 孺

鑑前編》七卷。 集解》十八卷。○《禮記・明堂位》疏。○金履祥《通 ○《毛詩》八之一卷《豳 書纂傳》二十四 法法三叔, 則我 〔傳曰〕辟,法也。 卷。 0 無 風 陳 【譜》疏。 以成周道告我先王。 師 凱 《書傳旁通 ○李樗、 言我不以 黄櫄《毛 **※**四 卷 下。

《大誥序》始言「武王崩,三監叛」,此則 征 叛矣,公之誅之宜也,成王雖 叛時,何其妄也。 叛之前,亦王 殺,以居東 東,謂避居 至既誅三監,猶有未悟,必待風 兩事也,而傳併爲一談,以此 在迎歸周公之後矣。流言與叛兩時也, (案日 〔疏曰〕「辟,法」、《釋詁》文。 而誅之、必無此事。 縢之啓,始釋 流 〕鄭云云者,鄭意以 言,乃致辟管叔于商。」此僞古 東都 爲 即 未迎周 然 東 也。 且使羣叔果與武 乎? 征 僞孔 公之前事 且此流 一聞 訓法 蔡仲之命》: 辟 流 懵愚,亦何 之流言 即 言乃在 言, , 則 也 下 印爲 庚同 即 文 謂 未 居 往

> 《墨子》卷十一《耕柱》篇云:「周公旦非 邊。」皆與鄭合也 關叔,辭三公,東處于商。」蓋關叔即管 部擘字注云「治也」,即引《周書》「我之 云:「周公傅相成王,管叔、蔡叔不知周 叔,商蓋即商 非誅殺、然亦不如鄭 相隔甚遠,非連敘也。《説文》卷九上 序》:「武王没,三監及淮夷叛。」没 當,以「致辟」膠黏「流 文不可 公,而讒之成王,周公乃辭位出,巡狩于 信。 即 訓治,則似作案驗其事解, 奄也。 可 信, 吴 君 亦 言」之下,猶《大誥 作「避居」爲是。 是撮 高《越 敘 始 紐録 末 叛 不

周公居東二年,則罪人斯得。

義。○《毛詩·豳風譜》疏。○又八之二卷《鴟鴞》疏。謂之罪人,史書成王意也。《尚書》疏約鄭周公出,皆奔,今二年盡爲成王所得。〔鄭曰〕罪人,周公之屬黨,與知居攝者。

也。 此得。 也。 言其歸、 傳》二十四卷。 也? 驗其 除其去年,故二年也。 初去及來,凡經三年,此直數居東之年, 云「三年而歸」,此言「二年」者,《詩》言 公既告二公,遂東征之,二年之中,罪 三年而 禮 《詩》曰:「自我不見,于今三年。」又 《序》云「東征」,知「居東」者,東征 事 記 與 日《書》言其 [疏日]《詩 之年 ,二年之間,罪人皆 歸」,此言「居東二年」,其錯 商 明 堂 奄 ○《毛詩 也。《尚書》疏。 位 共 疏。 叛 罪人 豳風譜》疏。 故東 東山》之篇歌 \pm \exists 斯得之年,《詩》 征 〇王天與《尚書纂 得。 東, 鎮 流撫之。 傳 洛 《詩序》 邑 此 世 周 事

案曰〕鄭以「罪人」爲「周公屬黨」, 理所 公之心 避之後、屬黨 有。 跡 況此 未明,王疑 爲 時武庚未叛,管、 王所拘執者。 方甚,則 此 鄭 以 事 周 斯 實

據此 説是也 岐周 六「用 曲 誅 外撫諸侯。 奄及熊盈 其謬已辨,見前。 别有據也。 周公至誠之象。 云"、「武王既歸,乃歲十二月崩鎬,肂于 公之黨。」然則 以「居 有避居事,居東非東征也。 年,又作 加 古書 回護、皆非 罪 説桎梏」 周公立,相天子,三叔及殷東徐 人 流言之明 東都」者,據《 東」爲「東征 多亡,無 斯 以 李鼎祚《周易集解》于《蒙》 師 王及傳以「居東」爲「東 得 明年夏六月,葬武王 略。周公、召公内弭父兄, 旅,臨衛攻殷 ,引干寶云:「此成王始 康成 也。 將正四國之罪, 舍此 疏以二年、三年不合, 可 年 《逸周書·作雒 此 援 即東征者,故王及 將 墨子》等書,周公 也。 注,干寶已引 證,在鄭當 何 ,殷大震潰。」 所 鄭以「居東」 指 《作雒解 乎 宜 一于畢。 ? 征 日 用 譽 周 初 鄭

年。 既 年,不可以二年文承元年下,遂謂 年葬武王者,謂武 總 乃後之歲,則非比年接敘者也。」然 而 敘 歸,乃歲 接,以此難鄭也。 過 ~,非必 「二年作師旅」者 武 Ŧ 克 十二月崩鎬」,孔鼂注云: 比 殷 年 以 接 迄 紋。 王崩後踰 作 雒 ,謂周公攝 即 其 如 年 年, 所云「武 次 改 政 有 之二 元之 比 則 凌 年

徐亡政反。鴟、尺夷反。鴞、吁 ○〔案曰〕「貽」,鄭當作「怡」。 于後,公乃爲詩 治」,在《説文》卷三上言部。 貽,俗字。 亦 未敢誚公。〔《釋文》曰〕貽,羊支反。 以貽王,名之曰《 即 欲爲 嬌 反。 贈 消, 遺字,亦當作 鴟 名,如字, 在笑反。 鴉》。

子,斥 周公傷其屬黨無 鄭 其家,而 怡王,今《豳 罪人言,欲 曰〕于後,于二年後也。 成王。 不 成王非 敢正 讓之,推其恩親,故 風 無將 言,故作《鴟鴞》之詩 鴟鴞》也。 周公意 死,恐其刑 未解 詩》云鹭 未敢。 濫 悦

> 故也。 誅 詩,皆與孔 後方東征管蔡。 異,啓金縢之書,迎公來反,反乃居攝, 屬臣,請勿奪其官位 多殺公之屬黨,公作《鴟鴞》之詩,救其 欲攝政,管、蔡流言,即避居東都。 爲,武王崩,周公爲冢宰,三年服終, 我室。」毛傳云:「無能毀我室者,攻 王、王猶未 詩 也。]《詩》云:「鴟鴞鴟鴞,既取我子,無 曰]成王 翢 風 《釋言》云:「怡,遺也。」鄭玄以 寧亡二子,不可毁我周室。」言宜 , 而 作 譜 異。 疏。 悟,故欲 一信 詩 流言而疑周 〇又《七月》 解 解此一篇及《鴟鴞》之 所 土地。 讓 以 公而 宜 疏。 公,故周 誅之意 及遭風雷之 ○又《鴟鴞》疏 未敢。 成 一堅之 以

詩以遺王,名之曰《邸鴞》焉。」箋云:「未公救亂也。成王未知周公之志,公乃爲〔案曰〕鄭云云者,《詩序》:「《鴟鴞》,周

勤勞有此官位土地,今若誅 也。 以 恩 此,成王亦宜哀閔之。」正義曰 其官位,奪其土 者,喻此諸臣 子』,成王不知其意,而多罪其屬 功,管叔、蔡叔等流言云『公將不 武王之喪,欲攝政,成周道,致太平 功,作之甚苦,故愛惜之也。 取我子者,幸 我室者,攻堅之故也。 知 毛以爲武王既崩,周公攝政,管、蔡流言 于此,稚子當 毁 周 斯勤斯,鬻子之閔斯。」傳云:「無能 「鴟鴞 我周 稚子,成王也。」箋云:「《鴟鴞》言已 公之志者, 也, 室。 鴟鴞,既取 以 哀 乃世臣之子孫,其父祖 喻 無毁我巢。 恩,愛。鬻,稚。 未知 、憫之。 地。 諸 臣 《鴟鴞》之意,殷勤 其 之先 我子,無毁我 此 寧亡二子,不 欲 攝 取鴟鴞子者, 我巢 臣 政之意。」 殺之,無 時 亦 :「此《詩》 殷 周 積 黨。 ·利于 閔, 勤 日累 絶 以 可 孺 之 竟 病 興

欲以 蔡。 不可 詩,不得復爲怡悦王心,當訓 誅管、蔡而作。 「 得。此臣 之意。 之亂 誅絶之意,以怡悦王心。」毛首章傳云: 知公志,故公詩言諸臣先祖有功,不宜 故公作詩救止成王之亂。于時成 之出,亦皆奔亡,至明年,乃爲 居東都。周公屬黨與知 周公之志,公乃作詩言不 又導武 尚書》僞孔 寧亡二子,不可毁我周室。」則此詩爲 人斯得」爲東 法誅 周公居東,爲出 通,辨已見前,然則罪 鄭以爲管、蔡流言,周公避之,出 是時 庚 無 叛 管、蔡。 罪 成王 傳實 周, 而 公東 成王罪之,是爲 仍惑管、 征 罪 本之《詩 既 誅管、蔡,其説 人斯得」,謂得管、 征。 征 誅 滅 將 管、蔡,然後 . 得 「我之不辟」 蔡之言,未 之, 攝政者,見公 影毛 貽爲 不誅管、 以 傳 成王 救 遺也。 亂政, 但 Ŧ 周 未 所 知 室

《周 讓也 重文誚 有讓意也 ? 書》此文以證。 从言 説文》卷三上言部譙字注 知鄭 字注云:「古文譙,从肖。」 即 焦聲。 注 譙字,故誚 不 可 易 讀若 揚雄《方言》云: 也 亦訓讓,嬈譊亦 嚼,才肖 鄭 又 三 云 「 以 切。」又 誚 即 嬈 爲 引

拔,皮八反。大木斯拔,邦人大恐。〔《釋文》曰〕穫,户郭反。秋,大熟,未穫。天大雷電以風,禾盡偃,

位》疏。 雷以 秋 居 也。《毛詩・ 鄭曰〕秋, 也。 東二年,未有别 威之,故有風 「傳 嫌别年,故辨之。 曰〕二年秋也。「蒙,恒風若」, 豳風 謂周公出二年之後, 譜 雷之異。 年之事, ○《禮記》三十一卷 知即是二年 〔疏曰〕上文 明 年 ~明 秋

據鄭于篇末總述數年事云:「周公辟居〔案曰〕鄭云秋謂「二年後,明年秋」者,

征,秋即二年秋,謬也 爲出入四年,則謬矣。 爲二年後第三年之又明年之秋 之明 迎周公反,則居攝元年也。」然則鄭 風之變,時 收 東 二年,實出入三年。 二年後明年者,謂二年之後,亦 周 都 年,重言之耳。 公屬黨, 時 成 `周公居東三年,成王年十 王 時 年 成 十三。 王年 若泥 上距始出 僞 孔 以 居 十四。 居 後 東二年, 字,誤 明年 避 即 東 似 時 所云 遭雷 避 周 成 居 年 秋 币 \pm

反,徐扶變反。説如字,徐如鋭反。 所自以爲功代武王之説。〔《釋文》曰〕弁,皮彦王與大夫盡弁,以啓金縢之書,乃得周公

冠,而 所 國 佩爲成人。 鄭曰〕弁,爵弁。 家失道 由 芄蘭》疏。 必爵弁者,承天變,故降服, 焉。 也 成王 ○《儀禮 《尚 開金騰之書者,省察變異 書》疏。 此時年十五,于禮 天子、諸侯十二而 卷《士冠禮 ○《詩》三之三卷《衛 亦 冠, 如

者,皮弁,白布衣,素積裳,故爲質也。 服。」皮弁,是視朝服,每日常服 鄭以爲爵弁。 之以應天變也。《周禮》:「視朝,則皮弁 旒,乃是冕之質者,是事天宜質服,故服 應天。〔疏曰〕皮弁象古,故爲質服。 云"「王祀昊天上帝,則服大裘而冕。」無 天尚質,故服以 》六卷 文十二年 疏。 應天也。 傳 曰〕皮弁,質服 《周禮 而言質 司 服》

皆以三十升布爲殼、廣八寸、長尺二寸、 加爵冕其上。 弁。」」是蔡邕與鄭合也。 小後大。 云:「冕冠 [案日]鄭以弁 大武。 曰 : 而 赤,前小後大。 『常服黼冔。』禮,朱干玉戚,冔 殷,黑而微白,前大後 周 周 周,黑而 曰 爲 書》 爵弁,殷曰冔,夏 爵弁者,蔡邕《 曰 : 皆有收以持笄。 赤,如爵頭色,前 『王與 傳以爲皮弁, 小。 大夫盡 獨 日 收 斷

> 爵弁、 矣。』」《詩・摽有梅》疏云:「《異義》: 問公年,季武子曰:『會于沙隨之歲, 諸侯十二而冠」者,襄九年《傳》:「晉侯 君生。』晉侯曰:『十二年矣。 宜于是時,故推 弁服",凡弔事,弁絰服。」 此數者又皆不 事,韋弁服,凡甸,冠弁服,凡凶 皮弁,天子視朝常服。 皮弁」、《玉藻》云:「皮弁,以日視朝。」 以此經之弁爲爵弁者,《司服》云「視朝 非 有異,知非皮弁也。《司服》又云:「凡 大戴禮》説男三十娶,女二十嫁,天子 天子哭諸侯,爵弁紂衣」一條。● 生子,冠而生子,禮也。 也 而天子爵弁見于經者,惟《檀弓》 周 禮 以 • 爲爵弁也。云「天子、 司 服 此時承天 》及《弁師 君可 國君十 事,服 變, 以 皆 五 兵 必 則 無

作《 繼嗣。 武王 冠,冠 不充其服。」未道猶 國家失道」者,《玉藻》云:「國 雖尊,要非 加 爲居攝元年,故推 年十八」。又以此年成 案:《文王 云爵弁「降服」者、《儀禮 生子,三 云「成王時十五」者,鄭以周公居攝四 已下及庶 康誥》、《康誥》有孟侯之文,謂「成王 布冠,再加皮 有兄伯邑考,故人君早昏 而生子。 鄭玄不駁,明天子、諸侯 人 世子》曰『文王十五生武 天子之服,故爲 而 同 禮 娶, 大夫以下從庶人法 以 失道 弁,三加爵 庶 《左傳》 爲成 人 也。 王迎周公反,即 禮 • 士冠禮》,始 王時十五也。 降也。 也。 説 家未道 弁。 十二 君 所 云如 爵 + 也。」 慎 王 一,則 弁 年 重 五. 而

百執

事言,信有此事,周公使我勿道,今

馬曰〕懿,猶億也。

釋文》。

(傳

史、

世家》集解。 〔鄭曰〕問者,問審然否也。《史記·魯周公二公及王乃問諸史與百執事,

> 否也。 復問 案日 但 鄭云 屬 云者, 奇異, 鄭以 不 · 容 其事已明, 遽 信, 故 無 須

文》曰〕噫,于其反,馬本作懿。對曰:「信。噫! 公命,我勿敢言。」〔《釋

疏引此 文》云:「飽食息也。」經典皆借爲嘆詞, 哲婦」,箋云:「懿者,有所傷痛之詞 言之則負周公。 而馬作懿者 「抑之言噫。」徐邈音噫。 抑,意也。」《周頌》「噫嘻成王」,定本作 小雅·十月之交》「抑此皇父」,箋云: 楚語》作「懿」,章昭云:「懿讀曰 案日」馬云 《淮南· 經爲説。又《大雅》有《抑》篇 1,《詩 「懿,猶億也」者,「噫」、《説 繆稱》曰「意而不戴」 噫,恨辭 大雅 瞻卬 韓 詩》云: 》「懿厥 抑。」 也。

公之德,〔《釋文》曰〕沖,直忠反。 家,惟予沖人弗及知。今天動威,以彰周 王執書以 取。 《釋言語》篇云:「噫,憶也。 發此聲憶之也。」《說文》無憶字,當 噫、意、懿、抑皆同也。 誘 意與之與?」古文「意」作「抑」。 馬訓 疑馬注亦當作「意」,與劉熙合也。 意 泣,曰:「其勿穆卜。 億。 ,恚聲。」蔡邕石經《論 億、《説文》 劉熙《釋名》卷四 訓 昔公勤 安,于義 憶念之,故 語 $\overset{>}{Z}$ 然則 勞王 無

之者。《史記·魯周公世家》集解。 〔鄭曰〕泣者,傷周公忠孝如是,而無知

周公。《毛詩》八之二卷《豳風・東山序》疏。〔王〔鄭曰〕新迎,改先時之心,更自新以迎文》曰〕「新逆」,馬本作「親迎」。○〔案曰〕陳櫟采馬音。「惟朕小子其新逆,我國家禮亦宜之。」〔《釋公于武王則爲忠,於文王則爲孝也。〔案曰〕鄭云「周公忠孝如是」云云者,周

還。 古親 《詩》箋文皆作「親」,而訓釋則爲新。蓋 解。 及,妄也。 《詩·九罭》之篇是迎之事也。 親民」,程子曰「親當作新」,語本漢儒。 禮有德之宜」,言尊崇有德,宜 熊朋來遽 有德之宜。〔疏 日〕亦宜褒有德也。《史記・ [案曰]鄭以新爲自新者,鄭于《書》注 (詩》「衮衣」、「籩豆」,是國家禮 〔傳曰〕周公以成王未悟,故留 與新通 改過自新,遣使者迎之,亦國家禮 謂 也。 程 子讀親爲新,非漢儒 馬融亦然。 改過自 魯 《禮記》「在 周 也。 新迎之, 「亦國家 用厚禮。 公世 東未 家 所 反

王出郊,天乃雨,反風,禾則盡起。

《史記·魯周公世家》集解。〔傳曰〕郊以玉幣日。《尚書》疏。〔馬曰〕反風,風還反也。謂天子也,天子行善以感天,不回旋經〔鄭曰〕《易傳》云:「陽感天,不旋日。」陽「上汐」之)」。

謝 色。」是祭天有玉 云,故郊之日得反風 大宗伯》:「以 天。 城 疏 至 日」祭天南 一郊,爲 蒼璧禮天,牲幣 幣 壇告天也。 也。 也。 郊謂之郊。 鄭引《易 如 \sim 其器之 周 傳 王 禮 出

出郊 引此 圖 傳》,舉對策引《易傳》云云,李賢注 牽祭天,非也。 [案日]鄭 稽覽圖》。 • 中孚傳》 ,即反風 以爲《易 引《易傳》云云 又《郎顗傳》「顗條便宜」, 文也。 故云「不旋日」。 中孚傳》。 後 漢 王欲迎公, 者,《易 書 傳、疏妄 稽 周 以 甫 亦 爲 舉 覽

歲則 根。 一公命邦人,凡 、熟。 [《釋文》曰]築音竹。 大木 所 盡 本 起 亦 作 而 筑, 築 謂 之。 築

年十五生武王,九十七而終,終時武王其木,拾其下禾,乃無所亡失也。文王〔鄭曰〕築,拾也。禾爲大木所偃者,起

明年 年也。 攝 成王. 《書傳》云「天子太子十 《召誥》,七年作《洛誥》,伐紂 居攝四 熟,遭雷風之變,時周公居東三年,成王 年十五。 公之屬黨,時成王年十四也。 成王年十三也。 攝政,羣叔流言,周公辟之,居東都, 則 時年九十三矣。 伐紂 七年作《洛誥》,時成王 武 成 年 十三矣。于文王 王 作《康誥》時,時成 王. 一崩 年,封 ,後二年有疾,疾瘳 鄘 即 衛 迎周公反,則居攝之元年也。 時成王年十 譜 政,年二十二也。 康叔,作《康 明年將踐阼,周公欲代之 疏 居東二年,成王收捕 文王崩後)又《豳 一受命 歲 風 王年 (稱孟 年二 譜 服 明 後 誥 爲 疏。 喪 年生成王, 七 >>, 五 至此 $\dot{+}$ 明年秋 + 《尚書》 侯」。 三年畢, 年崩,崩 年,後六 〇又十六 年 也。 時 周

)「時時」,當衍一「時」字。

公攝 傳纂疏》五卷。 而後有成王,武 則文王崩之年,成王已三歲,武王八 殷、殺管、蔡。三年而 政,遭流言,作《大誥》 以 明年有疾,時年八十八矣。 命 《釋文》。 三卷。 公劉 人四年,至六年而成。 王年十 ○〔案曰〕楊士勛云「鄭約《大戴禮》」。 康誥》、《召誥》、《洛誥》,致政成王。 卷 九年、武王 冬十二月。 ~明 》 疏。 卷《大雅· 政七年致政,成王年二十。 ○董 堂 馬 ○《爾雅》二卷《釋言》邢昺疏。 五而生武王,九十七 ○《禮記》二十卷《文王世子》疏。○又三十 位 鼎 日〕築,拾也。 》疏。 ○劉三吾等《書傳會選》五卷。 《書集傳輯録纂注 文王序》疏。 其明年稱元年,周公攝 ○《穀 王崩 、十三矣。 時 梁傳》六卷文十二年疏 〇又十七之三卷《大雅 '成王已十三。 歸、制禮作樂, 而東征。 七年營洛 起其木,拾其禾。 五卷。 十三年伐紂, 九十三而 而終,時受 ○羅璧《志遺 (王日)文 二年 尚書 陳櫟《書 邑, ○《毛 崩

> 也。 其根」、《説文》卷六上木部云:「築,擣 作筑」者,馬、鄭、王本也。 馬、鄭、王本皆當作筑。《釋文》云「本亦 《大誥》之前者,因武 《序》云將東征,作《大誥》。 〔案曰〕鄭云「築,拾也」者,《釋言》云: 木有 詩 一年」以來,皆是《大誥》後事,而編 大誥》後,因 。」僞孔欲爲此解以求異于馬、鄭,遂 四《釋言語》云:「篤,築也。 翢 从木,筑聲。 偃 拾也。」馬、鄭、王皆訓築爲拾,則 風 譜 拔 百 疏。 穀 起 豐熟, 周 ○《禮 而 武王喪并見之。 立 陟玉切。」劉熙《釋名》 記 之, 王喪,并見之。 公之德。 明堂位 築 有 傳以爲「築有 其 此 疏 築堅實稱 根 上「居 / 疏 此已上 傳 禾木 日 東

則下百穀複矣,所改非是。」果」,毛本改「禾木」,「按桑果言木,百穀言禾,若作禾果」,毛本改「禾木」,「按桑果言木,百穀言禾,若作禾

實乎? 拾而 文似 木。 非 木拔 禾 改 也。 ·, 拔 筑爲築。 知此 取 而 曲 若 者是 之, 謂 壓偃之禾耳,不 傳 時 所 非 何 義實是。 木。 若 IE. 築 也。 用 謂 届 者是 復 經言「大木 所 收穫之期,遭 疏 加 築者是 禾, 謂鄭注 擣 傳文似 築其 得即 則 木, 所 Ŀ 曲 明順,義 根,使之堅 以 偃 文云「 則 風 碎 所偃 偃 所偃, 鄭 者 實

語》 篇 叛 敘 以後之事。 (又案日 居 自此以下直至「歲則大熟」,俱 周 几 年 朝出 元 公東征,明年 所敘之事皆在 封 年下 〕傳以「居 康叔云云,方爲完備。 人,百數十年, 居 疏 應增: 于是三監及武庚 曲附之,其説謬 攝 東 殺 年,周公歸 武 即 居東二 東征 庚及管 文已甚 一年」句 ·, 故 甚。 爲《大誥》 叔 明。 以《大 鄭 中 歷 遂

也。 成 揃 縢》一篇 見書,曰「朕 明吾不敢離 云: 乃泣,反周公。」此一 公,周公奔楚。 識,奸神命者乃旦也。』 亦藏其策于府。 政成王。「初,成王少時,病,周公乃 後,營成 [又案日]《史記 口 公卒後,秋未穫,暴風 從文王,以明予小子不敢臣 對 一説焉。 王 其蚤沈之河 周公病將没,曰:「必葬我成 使者 病有瘳。 譙 又《蒙恬列傳》秦二世令人賜 周 事,其 周雒邑, 謂秦既 稱 其 前 引周 小子其迎」云云。此又一 成王。」公卒, 以以 及成王 牴牾者甚 成王 燔書,時人欲言金 公之事,其 説則 以朝諸侯,七年之 祝于 魯周公世 一説也。 一發府 雷 神曰:『王 云:作詩 用事,人或譖 多 雨。 見周公禱書, 王葬公于畢, 其後一 説 家 而 周公。」 王開 》所載《 與 尤 前 異 貽 一少未 周,以 一説則 後還 騰之 金 者 王 周 周 之 有

此 縢 增代成王,居東都爲奔楚,雖誤猶近之。 是今文説與鄭所傳古文本之孔安國、杜 舉傳》、六十五卷《張奂傳》説並同。 政退老歸豐以後事,與雷風示變,開金 後説所云公欲葬成周,王葬之于畢,出 略相似,而以 亡篇《亳姑》序,事誠有之,然是周公致 卷十八《感類篇》亦並 者 書 説乃今文家説也。 迎 經及《白虎通》卷下《喪服》篇、《漢》六 七卷《梅 ,失其本末,故有此説。 乎? 示 無涉,乃合而爲一。伏生《大傳》説 同。 此不可 福 夫周公既卒,所云親迎,又 傳》、《後漢》六十一卷《周 前一 信也。 説爲古文家説,則後 前説于代武王外 載二説,與《 王充《 論 史 衡

尚

書後案卷十三

文》及疏説,漢時本皆「猷」在「誥」下,今本乃晚晉人改。

」在「大」上,言以道誥衆國,于文爲便。

如《釋

下。

鄭日〕王,謂

攝

也。

周公居攝,命大事

也。

《尚書》疏。

○《禮記》三十一卷《明

義起兵誅莽。莽依此作《大誥》,其文亦「道」在「誥

〔《釋文》曰〕馬本作「大誥繇爾多邦」。○〔疏曰〕鄭、王本

| 猷」在「誥」下。○〔案曰〕《漢書》王莽攝位,東郡太守翟

今本「猷

尚書後案卷十四

東吴王鳴盛學

周

王若

日

猷

大誥

爾

多

邦,

越爾御

事。

大

王意。 道以 記 伐弟爲言,故專説武庚耳。 故其言煩重殷勤,多止而更端,大意皆 是陳説武庚之罪,略于管、蔡者,猶難以 之伐管、蔡乎! 伐叛之義,大誥天下。 堂位》疏。 明堂位》疏。 [疏日]管、蔡導武 語天下 成王爾時信流 至 衆國,及于御 傳 稱 兵凶戰危,非衆所欲, 成 王 周 言,疑周公,豈命 稱成王命,實非 庚爲亂,周 公 治 稱王命, 稱王。《禮 公陳 盡 順

五四五

攝以 皆非也。 見矣。伐兄而言伐弟,亦是曲附傳説 疑公,必不使公伐管、蔡。 之説,云「稱成 事 且此 此 王肅及傳之謬可見,而王之非成 王 王若 多士》、《 一肅 ,則在「未敢 篇 後之事。 是周 及 本成王感風 傳 二, 此 公之語, 多方》,先言「周 疏 謂 文不然,明王謂周 主 消 傳乃 是 命、實非王意」,時 公」之前 周 故 雷迎周公歸 以 鄭 公 爲 述王 以 即 矣。 爲周公。 即 公曰」,更言 居 命, 此數言 疏 東二年之 歸 則 Ξ 乃曲 公矣。 亦 Ė 若 當 而 口 則 方 爲 居 如 如

不識,無復用之。 旦 人持弓。」「 天所弔閔 延」爲句。 音的,又如字。 弗弔,天降割于我家,不少延。〔《釋文》 「弗弔」,傳以爲「不至」,則音的。 運,至也。 ○(疏 則 如字。 「割」,馬本作「害」。「不少」,馬讀 旦 經典多以弟代選,俗又省爲弔。 鄭、王皆 从 傳是也。 是, 弔聲。」二字不同。 以 説文》: 「延」上屬爲句。 顏師古以爲「不爲 「弔,問終也。 **理字後** 《詩 ○〔案 一弗 \Box 一一一

> 云: 列 爲至者、皆作弔。 小 大雅 二音,非 雅 「弔,至也。」鄭箋云:「至猶善也。」是也。 天保》云 瞻印 也 》云「不弔不祥」,及 「神之弔矣」、《節 此 「弗弔」與「不弔昊天」義同。 《爾雅 南 Щ * * 》赴、來、弔 示不 《釋文》並 弔 彼毛傳 昊天」, 般,義

連文。 作難。 百官尺》詩,連用「延洪」字,以爲唐人猶 王皆「不少延」爲 引《釋詁》是也 喪、失,意亦同 古人製字,聲亦有義, 四 馬本作「害」,則知割、害義通、《説文》卷 下凶 可訓害也。 〇〔案日〕王注同。 [案日]鄭以割爲害者,僞孔傳同。 鄭 下刀部: 曰〕言害不少,乃延長 害,於我家不 〔疏曰〕《釋詁》云:「延,長也。」 而 毛氏 割 《翟義傳》作「喪」, 奇 也 「傳 , 剥 龄 句,惟 據《釋文》及 曰〕言周道不 少。 也。 鄭 據唐裴度《中 又以延爲長者,疏 割既从害得聲, 僞孔傳 謂 从刀,害聲。」但 三監、淮 之。 疏,鄭、馬、 以「延 《尚 ·至,故 割、 和 書》 此 節 夷 賜 並 疏 天

訓 則 知 知「 古 也 義。 延 洪 然《翟 之解 義傳》亦以 出 晚 晉 偽傳,古無此 洪 屬下 句,

賁敷前 天降威用。〔《釋文》曰〕賁,扶云反,徐音憤 惟小子,若涉 迪 洪 足 業、若涉淵 叛。 誅 [王日]惟爲 服 凶害延大,惟累我幼童人。言其不可不 子與繼文武無窮之道。《尚書》疏。 惟我 道 行其 之意。 康 發端嘆 前人,文、武也。 況其有能至知天命乎? 人受命,兹不忘 矧 幼 政,而不能 日 布陳文、武,受命在此,不忘大 沖 又言子孫承繼祖考無窮大數, 水,往 辭 其 人,嗣 淵 念,向下爲義,大念我幼 有 也。 水, 能 求 無 予惟 我 格 爲智道以安人,故使 疆 我 大功。 惟 知天 我 大歷 所以 往求 小子,承先 求 命? 濟 服 濟 予不敢閉 朕 渡,在 渡。 攸 르 ! 先自責。 弗造 〔傳曰〕 濟。 人人之 言 . 祗 童 于 敷

> 伐四 我不 功。 國 言任 敢 閉 絶天 重。 八所下 天下威用,謂 威用 而 不 誅 行。 惡 也。 將欲

是也。 者、《翟義傳》作「熙」,師古曰「熙,嘆辭 繼、歷爲數、 案日」 矧爲況 王以 《釋 迪 洪 爲 爲 道 大 言》文。 康爲 惟 爲 念 ; 安, 「已」爲嘆辭 俱《釋詁 傳 以 嗣 爲

遺,唯季反。「寧王遺我大寶龜,紹天明即命。〔《釋文》曰〕

可違。 之王,謂 〔鄭日〕受命 **卜**,乃後出語,故先 之五巻《召南・ 繼 天 文 明 王 日 就就 何彼穠矣》疏 也。 寧 王,承平 其命而言之。 遺我大寶龜 云然。 「傳 Ė 《尚書》疏。 平. 日 王 安 言 疑 ○《詩 1 天 則 時 下 1 既

者,《君奭》云「惟寧王德」,鄭彼注云:〔案曰〕鄭云「受命曰寧王,承平曰平王」

下,則 受 禋」。 云 既 詩 此 于朋友, 出誥,故先云然」 號,牽連及之也。 則不必要文王也?」答曰:「德能平正 爲正,以爲文王。 序云:「文王受命作周 謂文王爲寧王,成王亦謂 殷,乃命寧」, 乃命寧」兼文、武,故 命之王, 解寧王 》張逸問:「箋云德能正天下之王 一名二人兼之。」《毛詩》云文王受命 「周公先謀于同姓,同 何彼穠矣》「平王之孫」,毛傳訓 「文王 稱爲平、故 朋友從,然後謀于天下, 爲文王,遂言文王兼有平 故皆 騂 王 即 牛 也 云 者)° _ ≪ 以號文王 鄭 二予以 _, 鄭箋同。 得 又 武 洛 稱 鄭 也。」意文、武俱是 云「時 大傳·大誥 誥 秬 寧 彼 王 姓 武王爲 ||鬯二卣 注 》云「伻 一焉。」此 騂 王 從,然後 既 云: 4 也。 (疏引《 ١, 寧王, 周 天下 來 之 鄭 平 毛 然 則 毖 明

> 是也。 弓」、《公羊傳》云:「寶者龜青純。」 此經以證。 聖人謀則 從,然後 云:「謂之寶者, 卜必吉; 謀不義 爾雅 乃後出誥 • 釋魚》「四 故 加 以義擊不 吉, 戰則 之 《春秋 也。 必 蓍 成 龜 言世世 經》曰「盜竊寶玉、大 勝。」 曰寶龜」,郭璞注即 龜 義,故戰必勝。 而 義, 此 以 必 聖 不 IF. 謂之寶 寶用之辭。」 鄭所 人 卜不 謀 龜 是以 一何休 既 引

蠢。』〔《釋文》曰〕蠢,尺允反。 「曰:『有大艱于西土,西土人亦不静,越兹

四 應之。 此 鄭曰」 釋詁》又以蠢、動 |國作 蠢 動 《尚 周 鄭 大 / 疏 難 書》疏 以 民 蠢 亦 于 日 不定, 京 爲]《釋詁》云: 師 動者,疏 同 傳 訓 日 其 西 作,是蠢即動 土人 心 日 引《釋 騒 「蠢,動也。」 亦 語 動 更端 不安,于 言 詁》文。 以 也。 兵

尺尹 从戋。 也。 蚰部 軌注,並云:「蠢,動也。」《説文》十三下 雄《法言》卷九《君子篇 ・小雅・采芑》「蠢爾 但「我有载于西」,考今《周書》無此 切。」又重文 蠢字注云:「蟲 《周 書》 曰:『我有裁于西。』」是 裁字注云:「古文蠢。 動 也。 》「蠢 蠻荆」毛傳 从蚰,春聲。 迪 檢 押 揚

雅》卷 或 卷中第二百六十二戈部 文義似 若依《説文》以 改作「有大難于西土」,魏晉人因之耳。 文,疑即此「有大艱于西土」之句。 充允切」,亦蠢字。 蠢動以誘西人,而西人亦以蠢 一《釋詁》云: 通 也。 裁字代「大艱」二字, 言四 蠢古文作 裁者,張揖《廣 「截,出也。」《玉 郭忠恕《汗簡》卷下 又作藏 注 應之, 篇

·殷小腆,誕敢紀其緒。〔《釋文》曰〕腆,他典反 作蠢矣。

之一亦以鵞爲蠢。

至隸書變劣爲

誕,大旦反。

復之。 腆,至也 後小腆,腆之禄父,大敢紀其王業,欲 王業,望 小主,謂 鄭曰〕腆謂 禄 復之也。 《釋文》。 父 小 也。 國 《尚書》疏。 也。 大敢紀 至 尚 書》疏。 其王業,經紀 `〔傳曰〕言殷 腆,主也。 馬

《釋詁》文。《釋詁》文。
「腆,厚也。」《說文》卷四下肉部云:「腆,厚也。」《説文》卷四下肉部云:云:「腆,厚也。」《説文》卷四下肉部云:云:「腆,厚也。」《説文》卷四下肉部云:

天降威,知我國 病。 馬曰〕疵,瑕 鄭曰〕知我 謂三叔流言,故禄 謂三叔流言。 〔疏曰〕《釋詁》云:「疵,病也。」 或 也。《釋文》。 有疵,〔《釋文》曰〕疵,在斯反。 有疵 《尚書》疏。 病之瑕。 父知 〔王曰〕天降 〔傳曰〕 我周國 《尚 書》 天 有 下 , 威 疏 疵

民不康。 讒賊。 降 請舉事。」」正所謂知周有疵 王尚幼矣,周公見疑矣,此 云:「奄君 知 威 疵 于 是推 鄭 我 是 曰:『予復。』反鄙我周邦。 云知 或 謂 疵 言殷 禄 病 使 我國 父曰:『武 之 我 所 瑕 主 有 以敢紀其緒之 也 少 疵病之瑕」者,天 國 0 伏 危 王既死矣,今 百世之時也, 而欲叛也。 生《大 ,骨肉自 傳》 电。 相

殷當復,反鄙易我周家。〔傳曰〕禄父欺惑東國人,令不安。言我

子展曰 爲 傳》華元曰:「過我 [案日]云「鄙我周邦」者, 據今勢,殷謂 鉏吾曰:「大國 云:「以我比 局局 我 爲 鄙 「鄙我是欲。」注云:「楚欲 此 邑, 即 其邊 周爲鄙。 鄙 猶恨 無厭 我 鄙。」《成 之義。 不假道 ,鄙我猶憾。」注 不足。」《襄八年》 追昔事,周之先 一十八 宣十四 周 ,鄙我也。」注 目殷 (年》宋| 年《 以鄭 三三: 左 鄭 西

> 非 叛 蓋 也。 必 世爲殷家西陲荒裔小 有 鄙 周 之言可 知。 ·君 長 云 則 鄙 武 易 庚之

寧武圖功。〔《釋文》曰〕教,亡婢反。 「今蠢,今翼日,民獻有十夫,予翼以于敉

謀立其功。言人事先應。 賢者有十夫,來翼佐我周,用撫安武事,〔傳曰〕今天下蠢動,今之明日,四國人

猶賢 文獻下 訓 詁 爲 夫。」孟康曰「民之表儀,謂賢者」。 有十夫」。 (案曰)「民獻有十夫」,《大傳》作 文。 撫、《玉篇》兼 撫、《釋言》文。 可言安安,要之,撫亦 也 有儀字。 鄭《洛誥》注 則 《翟義傳》云:「民 無儀字于義已足。 二訓。 然鄭《論語》注 寧爲安,圖爲 訓敉 有 此「敉寧」連文, 安義也 爲安、《説文》 獻儀 日: 謀 傳 疑 以 九 民 敉 古

我有大事休,朕卜并吉。〔《釋文》曰〕并,必

政反。

從,卜又並并吉,所以爲美。〔疏曰〕 知「大事,戎事也」。 十三年《左傳》:「國之大事在祀與戎。」 尚書》疏。 鄭 了 王 〕卜并吉者,謂三龜皆從 日」何以 [傳日]大事,戎事也。 言美,以三龜 也 人謀既 尚 吉。 成 書

戒百官。」亦謂戎事爲大事也。事爲戎事、《周禮・太宰》云:「作大事則縢》。 王以休爲美、《釋詁》文。 傳以大縢》 至以休爲美、《釋詁》文。 傳以大

播臣。』〔《釋文》曰〕逋,布吾反。曰:『予得吉卜,予惟以爾庶邦,于伐殷逋「肆予告我友邦君,越尹氏、庶士、御事,

尹氏即《顧命》云百尹氏也。尹,正也。國,往伐殷逋亡之人。謂禄父。〔疏曰〕官尹氏卿大夫、衆士御治事者。用汝衆〔傳曰〕以美,故告我友國諸侯,及于正

君,越 尹氏 爾 夫爲 者詳其文,餘略之也。 文「義爾邦君 諸 御 官之正 卿大 官氏 庶士 夫」。 一,謂卿 也。 無尹氏、庶士、下文「爾 御 ,越爾多 事」,亦 上文「大誥爾多邦, 尹氏即官也。 大夫,故傳言「及于 無尹氏,惟此 士、尹氏御 總呼 事 庶 綏 卿 正 邦 越 官

辵部文。往,鄭《棫樸》詩箋文。逋爲亡,《説文》〔案曰〕傳以肆爲故,《釋詁》文。于爲

永思艱,曰,嗚呼! 允蠢鰥寡,哀哉!子考,翼不可征,王害不違卜?』肆予沖人大,民不静,亦惟在王宫、邦君室。越予小「爾庶邦君,越庶士御事,罔不反,曰:『艱

「征伐四國爲大難。」四國不安,亦在天《尚書》疏。〔傳曰〕汝衆國上下無不反曰:無不反我之意,云三監叛,其爲難大。〔鄭曰〕汝國君及下羣臣不與我同志者,

害,可哀哉 宜違卜。 曰:「信 ,若謂 侯 蠢 教化 今四 故我童人成王 動天下 之過。 或 不 口 使無妻無夫者受其 征 我 小子先 則王室有 長 思此 卜敬 難 害 而 成 嘆 周 不

敬。敬成而云考翼,古人語倒也。月》、《大雅・行葦》《卷阿》傳,皆以翼爲爲成,翼爲敬,俱《釋詁》文。《逸周書・爲成,翼爲敬,俱《釋詁》文。《逸周書・董部云:「艱,土難治也。」是也。傳以考[案曰〕鄭以艱爲難者,《説文》卷十三下

圖功。』〔《釋文》曰〕卬,五剛反。毖音秘。事,綏予曰:『無毖于恤。不可不成乃寧考不卬自恤。義爾邦君,越爾多士、尹氏、御「予造天役,遺大投艱于朕身。越予沖人,

爲天下役事,遺我 馬曰〕造,遺 不得已,征 也。 四國,于 《釋文》。〔傳 甚大,投此 我童 曰〕我 人不 艱 難 惟 周 于 自 我 家

> 憂而 御 功。」責其善助。 無勞于憂,不 事者。 己, 乃欲施 汝衆國 可 義于汝衆國君臣 不成汝寧考所謀之 君臣,當安勉 我 上 下 至

之轉耳。]又曰:今人亦自呼爲身。 卬、身皆爲我。 華》云「卬 匏有苦葉》云「人涉 也。「卬」、《翟 歷服,天又降威,國有疵,是遭天 遺我以役,自我言之爲遭天之役,意 造、遭亦通 同也。役、《廣雅》云「使也」。沖人 傳》作「遭」,疑馬 命》云「嗣造天丕愆」,僞傳亦訓爲遭, 兩造具備」、《史記》作「遭」。 案曰〕馬云「造,遺也」者,「造」、《翟 |于豆」,毛傳並云:「卬,我也。」《釋詁 烘于煁」、《大雅・生民》云「卬 也。今訓爲遺,自天言之爲 義 郭璞曰: 傳》作 本 與之同。 卬否」、《小雅 :「身」。 口 ·猶姎 《邶 《文侯之 甫刑》 邢 所 一嗣 風 疏 使 亦

當作 《周 皆訓憂。 恤 雅・蓼莪》箋、《大雅 僖九年《傳》「小白余」, 又卷五 也。」是卬、身皆我也。 云:《説文》女人稱我 恤,憂也」。 亦當 即,《説文》卷八上比部毖字注 上 日 《詩 血部卹字,卷十下心部恤 作即,今作恤 「無毖于卹」,然則「不卬自 是卹、恤通也。 唐風 ・ 羔裘序》箋、《小 桑柔》箋,並云 傳 曰 一者, 僞 姎,語 杜 以恤爲憂。 注:「余,身 孔改也。 轉日 字, 印 引 恤

征之。〔傳曰〕不敢廢天命。言卜吉,當必已!予惟小子,不敢替上帝命。

曰:「俗作替,非。」
从並,白聲。」又別體「或从兟」。徐鉉卷十下並部營字注云:「廢,一偏下也。〔案曰〕傳以朁爲廢,《釋言》文。《説文》

天休于寧王,興我小邦周,寧王惟卜用,

息亮反。畏如字、徐音威。嗚呼! 天明畏,弼我丕丕基。」〔《釋文》曰〕相,克綏受兹命。今天其相民,矧亦惟卜用。

不可違。
不可違。

不可違。

不可違。

不可違。

不可違。

不可違。

不可違。

不可違。

不可違。

不可違。

不可違。

不可違。

不可違。

不可違。

不可違。

[傳曰]久老之人,知文王故事者,大能是古礼之。

《釋詁》文。

[案曰]「爾丕克遠省」二句,傳以丕爲

勞」,而 哉。」乃 《釋詁》但有毖慎,無閟慎。 慎,不可訓勞 毖」,則當訓勞慎,不可云慎 勞,蓋嫌閟毖二字音混 毖亦訓慎,古無以毖爲勞者。 能 后 口 然則此「閟毖」與下「勤毖」,皆當作 文「勤毖」,傳訓 其文,故 ネ部云:「祕,神也。」鄭《閟宫》詩箋云: 秘,勞也。」然則悶 閟,神也。」是閟 知 遠 若 儗 也。 此勤 此 省 是 疏 爲 云: 識 古 孟 【哉。」則此二句亦當云:「爾不 云:「閟 古事, 合也。「閟 爾 訓, 康 矣, 解 不克遠省 但 勞慎,是僞 爾 何于 爲 與祕 古多 贵 慎」、《釋詁》文。 慎 正 知 毖」**,**傳 此又自 勞。 通。 以 可 文王若 爾 丕 訓勞,莽作毖 勞代閟,又倒 《廣雅》云: 《説文》比部 孔亦知 若此 勞 贵 與 惟《説文》 相 也 以 知太皇太 不 彼之 違 經 爲「 通 毖 ·勞慎 又下 耶 用。 勤 訓 閟 慎

市林反。
圖功攸終?〔《釋文》曰〕棐,徐音匪,又芳鬼反。忱,「天棐忱辭,其考我民,予曷其不于前寧人

輔 詁》云:「棐,輔也。 人之道,謀立其 曰『天棐諶辭』,言有誠 八十一卷《孔光傳》,光日蝕對曰: 〔案曰〕傳以棐爲輔,忱爲誠者,《 翟義傳》于此句作「天輔誠 傳曰 ,其成我 〕言我周 民 矣,我 家 功所終乎? 有 忱,誠也。 何 大化 其 道,天輔 不 誠 于前 辭 (疏 辭, 」、《康誥 之也。」 爲 日 文 漢 []《釋 天 王. 書》 安 所

于前寧人攸受休畢?」「天亦惟用勤毖我民,若有疾。予曷敢不

亦云「天畏棐忱」是也。

美命終畢之?疾,欲已去之。我何敢不于前文王所受疾,欲已去之。我何敢不于前文王所受〔傳曰〕天亦勞慎我民,欲安之,如人有

日〕日,人實反。○〔案日〕古日字與日字相似,故《釋文》王曰:「若昔朕其逝,朕言艱日思。〔《釋文》

國家之難備矣,日思念之。 〔傳曰〕順古道,我其往東征矣。 我所言

反。 文》曰〕底,之視反。構,古候反。菑,側其反。 厥考翼,其肯曰:『予有後,弗棄基?』 🕻 釋 ·弗」字。檢孔傳所解,「弗」爲衍字。「厥考翼,其 若考作室,既低法,厥子乃弗肯堂, 往,《釋詁》文。 ○〔疏曰〕定本云:「矧弗肯構」、「矧弗肯 案曰]傳以若 厥父菑,厥子乃弗肯播 爲 順、《釋言》文。 , 矧 肯 穫 穫 ·穫? 矧肯 逝 皆有 日 爲

> 播種 治。 我基業乎? 今不征,是棄之。 又以農喻,其父已菑耕其田,子乃不肯 構立屋乎? 不爲其易, 卷《大雅・文王有聲》疏。 [傳曰]以作室喻 後,子孫不廢棄我基業乎?」《詩》十六之五 而子不能繼成其功,其肯言我有後不棄 鄭 日 ,況肯收穫之乎? 父已致法,子乃不肯爲堂基,況肯 〕其父敬職之人,其肯曰:「 其父敬事創業, 則難者可 我 有

桷。」 上文。 構蓋立屋,故傳云云。 椽方曰桷。」椽字注云:「榱也。」榱字注 杜林以爲椽桷字。」又桷字注云:「榱也。 云:「秦名爲屋椽,周謂之榱,齊魯謂之 上木部構字注云:「蓋也。 从木,冓聲。 (案曰)鄭以 義也。 然則椽、榱、桷,一物異名。 傳以構爲構立屋者、《説文》卷六 傳以菑爲「菑耕其田」者, 翼爲敬者、《釋詁》文,詳見 而杜林説 構本爲 亦得備 考

尚書後案卷十四

是也。

隸變从止,于義無取,非也。「肎構」下,鄭亦有

云鄭「增之」,非鄭增之,晉

人删之耳

終風》、《唐風·有杕之杜》箋,皆云「肎,可也」,

風・

翟義

傳》亦無此一

節,則晉人所據

厥考翼」云云,疏

經,然取喻既同,不應重出。

蓋先儒見下有而上

無,謂

其

『予有後,弗棄基?』」鄭、王本于「矧肯構」下亦有此

脱而妄增之。〇〔案曰〕肯字,郭忠恕《汗簡》卷上之二

「肎、《尚書》古文作图。」《説文》卷四下肉部

肯字注

云:「古文官。」此字本骨間肉,借爲肎可之官。《釋言》及

「骨間肉肎肎箸也。从肉,从冎省。」又重文同字注

Ŧī. 五六

注云: 《載芟》、《良 菑。 新 孫 正 云: 用耜于地之事, 畝。」箋云:「俶讀爲熾,載 也。』」又《大田》云:「以 而裂之,猶耕者以耜菑而發之。」是也。 云「入地 田 炎曰: 義 曰 成 「鋸榦之道,菑栗不地,則弓不發。」 : 『今江 柔 以利耜 曰 : 歲 小 「栗如裂繻之裂。 八田也。 日 雅 曰熾,反草曰 『菑,始災殺其草木也。 三句《釋地》文。 菑,二歲曰 采芑》「于此 耜 熾菑發地也。」正 東呼 》皆于耜 畬, 知當爲熾菑。 和 初 也,田 耕 新, 菑」也。 下言「俶 我覃耜,俶 地 鋸弓榦,以鋸菑 田三 「菑者 菑 反 讀 一舒緩 畝 草 故《方言》 義 爲 歲 《弓人》 載」, 爲 云此 菑 也。」 「災也 日 毛 新田 栗 載 畬。 傳 是 及 之 南 郭

肆予曷敢不 越卬 牧寧王大命?

于今日撫循文王大命以征逆乎? 傳曰〕作室農 人,猶惡棄基,我 何 敢 不

> 若兄考, 四國將誅而 其子,民養其勸弗救者, 傳曰〕若兄弟父子之家,乃有朋友來伐 乃有友伐厥子,民 無救者,罪大故 養其 以 子 、勸弗救 惡 故 此

其子。」 注云:「長養彼心,反 案曰〕「民養」,《翟義傳》作「 勸 助之,弗 民長」。

救

顔

事 王曰:「嗚呼! ,爽邦由哲,亦 用知天命故 [王日]我未伐 也。《尚書》疏 惟 肆 而 哉 十人,迪 知 民 弗救者,以民 爾庶 知 邦君 上 帝 命 越 + 爾 夫 御

!

傳文。 (案) こ 王 以 上 帝 爲 天, 令文 王 \Rightarrow 詩 毛

周邦? 越天棐忱, 爾 時罔 敢易 法, 矧今天降 戾于 今

天下罪于周 傳曰〕于 夫 輔 使 誠,是 四 或 叛 無敢易 乎? 天 法, 況

案曰〕此節王莽儗云: 「粤天輔誠 爾 不

得易定,况今天降定于漢國。」以「棐忱」得易定,况今天降定于漢國。」以「非別」,已見上。今俗本《漢書》脱此一句。以「法」與「戾」皆爲「定」,好法本定字。以「法」與「戾」皆爲「定」,好法字與定相似,故誤也。《毛詩・小雅・雨無正》及《大雅・桑柔》傳,皆以戾訓定。言天道輔誠,爾無敢改易天之定命,況今天內院定,於法本定字。命不易」,不易即定也。傳以戾訓罪,命不易」,不易即定也。傳以戾訓罪,命不易」,不易即定也。傳以戾訓罪,命不易」,不易即定也。傳以戾訓罪,命不易」,不易即定也。傳以戾訓罪,

命不易。〔《釋文》曰〕易,以豉反。 「惟大艱人,誕鄰胥伐于厥室,爾亦不知天

之不易也。《尚書》疏。○孔傳同。 蔡犯天誅,而汝不欲伐,則亦不知天命近相伐于其室家,明不可不誅也。管、近相伐于其室家,明不可不誅也。管、

「予永念曰,天惟喪殷,若穡夫,予曷敢不〔案曰〕王讀易以豉反,非也。

卜,敢弗于從? 終朕畝? 天亦惟休于前寧人,予曷其極

從? 言必從也。 美于文王受命,我何其極卜法,敢不于終竟我壟畝乎? 言當滅殷也。天亦惟亡殷惡主,亦猶是矣。我何敢不順天,〔傳曰〕稼穡之夫,除草養苗。我長念天

也。 云穑,亦 事,非唯斂之也。」此言除草,宜云稼,而 孫之稼,非 云:「稼 田 田夫謂之嗇夫。」此云穡夫, 穡與嗇同。 魏風 、案曰〕《説文》卷五下嗇部云:「嗇,愛瀒 夫除草, 耡去非種, 天之喪殷似之也。 从來,从宣。 •伐檀》傳:「種曰稼,斂曰穡。」疏 穡相 通稱 唯 故 對,散則通。」《大田》:「曾 種之。」《湯誓》: 也 來者,宣 而 藏之。

以爾東征。天命不僭,卜陳若兹。」「率寧人有指疆土,矧今卜并吉! 肆朕誕

以汝衆 矣,況卜並 然亦作旨。 列惟若此吉,必克之,不可不勉。 疆土,使皆得其所 遂改作指, 卜并吉乎! 循祖宗之業,務在安人 「旨,美。」「旨,美」,《説文》旨部文。言 卜三龜皆吉。 〔案曰〕「指」,莽儗作「旨」。 傳曰〕循文王所有指 王 |日]順 東征 文王安 則古義没不見矣。 并吉乎! 四 蓋古旨與指通, 王作「旨意」解,固與莽異, 明不 國,天命不僭差,卜兆 可 之道,有旨意 不必須卜筮 意,以安疆 不從也。 言不可不從。 而 美疆 傳用 宜以 顔 《尚 土, 況今 也, 注云 土則 盡 王 書》 類注 況 天 疏 陳 故 善 下

> 侯使 兆爲吉也。 貞 聖人之公且誠也 不忍言,歸之于卜, 王饗。』」是古者卜大師,則 兆。」「筮之,遇大有之睽。 龜。」是古者用 周 1 禮 偃 ト之、「遇 抑武 太ト之職 庚 兵 罪 必 以 黄帝 問 無 祈 天 可 ト。 凡 戰 曰: 以 命 數,管、蔡惡 或 于 <u></u> 遇戰 而 『戦 左傳》 大 阪 師 泉 克 克 之 而 之 晉 則

尚書後 案卷十 四

爲正

也。

《白虎通》卷上《誅伐》篇

云:

全篇多以

1

- 爲言,

而

篇

末亦

歸之于

弟,惟《白虎通》有此説,恐

非

也

此

征』,誅弟也。」是説

此

經之意。

兄

而

避親戚。

《尚書》『肆朕誕

以

爾

東

新

邑營建獻卜之事,

與《召誥》同

' , 俱爲

而

言

七年之三月者,以《洛誥》七年反政

六日,明消

而魄

生。

「疏

日

知周公攝

政

曰〕周公攝

政七年三月。

始生魄,月十

魄。

《釋文》。

〇戴

侗《六書故》二卷。

「傳

尚 書後案卷十五

吴王鳴 盛

禮作樂。

《明堂位》云:「昔者周

公朝

諸

侯于明堂之位,頒度量而天下大順。

侯衛

而

封

康

叔,五年營成洛

邑,

六年

制

知

七

年三月也。

若然,《

書傳》云

四

七

年。

此

亦言作

新邑,

又同《召

誥

東

周

書

伏 〔案曰〕馬以 反,故云「明消 而 年制禮作樂。」是六年已有明堂在洛 日戊午, 生所 朝諸侯者。《禮記》後儒所録、《書傳》 造,皆孔所不用。 社于新邑之明日。 而 魄生」。

始生魄,

月十

邑

魄與

明

部云: 朏。 《漢・律歷志》引古文《月采》曰「三日 記 馬 咸注曰:「載魄當作朏。」其實魄即朏也。 未望則載魄于西,既望則終魄于東。」宋 又云「三日始生兆朏、名曰魄」者 鄉 揚子《法言》卷六《五百篇》云: 「朏,月未盛之明。 飲酒義》云:「月三日 魄爲朏者、《説文》卷七 从月、 則成魄。」 ·,《禮 出。 上月 月 曰

惟

三月哉

生魄,〔《釋文》曰〕魄,普

白反。

馬

魄,朏

也。

謂

月三日始生兆

朏

康

誥

 π 五九

與日 有闕。 出,漸 交會, 普伯切。」《詩・天保》疏云: 晦。 始生霸然也。 十三日 月體正半,昏而 分,至三日,月去日已當二次,始死 日。从月,鞏聲。《周書》曰 『月三日成 一弦也。 也 則是月合朔早,二日 正 至朔旦,受符復行。 常滿 漸 通》卷下《 俱右行 「、 二 十 相 日 遠 日 漸進 當,謂之望。 《魄』。」《説文》月部 至晦 日,而月光稍長,八日、九日, 有 有 成光,二八十六日 時 . 四 節。 于天,日遲月疾,從朔 至十五、十六日, 承大月二日,承 中,似弓之張而弦直,謂 不 而 日月》篇云: 日,亦正 見 盡。」諸家皆言三日 月之爲言闕 也。 從此 初昏,月去日 故《援神 蓋 半 前 在 哉哉 漸 日 云:「霸 「日之爲 轉 月 月體 也 虧 小月 謂 生 月 有 而 契》 之下 在 朔 而 功

周伯 遠,已 云: 也。 俅《嘯堂集古録》卷上《周雝公緘鼎 者、《漢·律歷志》引《武 云:「惟 毛父敦銘》云:「人介夕旣生鄠。」釋文 十有四月,既死霸。」又《周高克尊 云:「全十~三八級人章。」釋文云: 誠鼎》云·「惟十有四月,既死霸。」 考古鐘鼎文,魄皆作霸,或省作 四月,載生魄。」皆作魄。 辰,旁死魄」,又「既生魄」。 六日,皆非 未遠,未 唯十有六年十月,既生霸。」又卷下《周 盡 「愛一丫介煲十四號坐罕。」釋文云: 劉歆 則 琦《六書正譌》云:「霸,俗作必駕 六月,既生霸。」並 微 是 可 以 也。 月 明 得 生魄爲望,僞 合朔 見于 見 魄字、《武成》「惟 , 必三日 西 晚 方。 日 以成》亦: 初昏始 而《説文》作 前 孔 與《説文》合。 初 傳 月 顧 昏 以 命 作「 雨。 $\bar{+}$ 見 爲 月 又 王 霸 月 月 西 去 九 「惟 銘 Ŧ 方 H H

然則此 年。 義始 哉。」」是也。又三月者,四年三月,非七 詁》文。 本 切 文》云:『才,草木之初也。 以聲近,借爲 **屰乃古戟字,則未詳也。** 義。 《書傳》、孔傳及疏非 正 爲霸王字。 經本 王霸 。」電音膊,雨 彼疏云"「哉,古文作才。 當 字本 作 :霸也。 作 丽 濡 月 革 霸 月 薛宣古文作 也。 哉訓始者、釋 也,从 魄 乃 用 字 作 魄 雨 霸 字,非 从 《説 革。 屰,

至。 居。 効其 官》疏 均,故東行于洛邑,合諸侯,謀作天子之 鎬之域,處五 一之三卷《周南• 鄭曰〕此時未作新邑。 《尚書》疏。 八力焉。 四方民聞之,同心來會 ○又十卷《地官·大司徒》疏 是時周公居攝 ○毛晃《禹貢指南》三卷。○《毛詩 芣苢序》疏。 岳之外。 周公謂 ○《周禮》一卷《天官序 基謂謀也。 四年,隆平已 ,樂即功作, 〇又二十二卷 其 于政不

> 者,謂初始營建 城 爲謀,大不詞矣。 序言之。 云:「集,會也。」民 方之民大和 春 大都 官 大司 邑 鄭以爲 樂》疏。 于 悦 東 或 而 基址 此 集 洛 傳 服 時未作新邑,而 會。 作 汭 日 悦見太平也。 居 天 此 初 / 疏 造 新 下 邑,此 日』《釋言 基,建作王 土中, 史 初基 總 基 四

景短多品 有五 五嶽 皆並在 居 是爲于政不 之法測土深,正日景,求地中。 夕多風,日西 [案日]鄭以基爲謀者,《釋 史記• 也。 外也。 寸,謂之 雨 暑, 東方。」秦故周地,故云岐、 鄭必以基爲謀者,《大傳》營洛 封禪書》:「秦都咸陽,五嶽四 所會,陰陽所 日北則景 《周禮·大司徒》:「以 均 地 則景朝多陰。 , 東 中。 行洛 天地 長 和 多 邑,謀作 乃建王 寒,日 所 日至之景 合, 天子 東 四 或 日 則 馬 鎬 時 南 土 也 之 尺 瀆 所 景 則 # 處

在周 《詩·芣苡》疏引鄭此注以爲《康誥》注, 《周 作禮樂,而云已太平者,《周 然太平宜待制禮樂,此時居攝 無,●一人使封之,親親之義也。 臣。海内之衆已盡得 天之下,莫非王土。 屬者,示不私也。 卷上《封公侯》篇云:「天下太平乃封親 又言隆平即太平,文王、武王時皆未得 知 衛 攝 爲太平,直至周公方致太平。《白虎通》 但 易》注云:「行誅之後致太平,自三年數 即此 四 爲 政 封康叔,據 [頌》者,周室成功致太平之詩,其 公攝政、成王 五年,此是攝 年 也 也。 一下「侯、甸、男、邦、采、衛」,是故 鄭 知 四 平安也。」此説與鄭合。 又云「隆平已至」 政四 年者,攝 即不私封之何? 即 使之,不忍使親屬 率土之濱,莫非 位 年,猶未營洛, 之初 政 頌 了。」疏 四 四 譜》云: 年 以《尚 [年,未 引 王 鄭 作 故

> 周。〔《釋文》曰〕見**,**賢遍反。 侯、甸、男邦、采、衛,百工播民 故承 也。」行 也。 則四方和會,太平有兆,故鄭云「已至」。 乃作。」又《維天之命序》云:「太平告文 平,即應作禮樂,但爲優游之故,至六 傳》「周 疏云「民服悦,見太平」,亦據鄭義也 王也。]箋云:「告太平者,居攝五年之末 之云:「如《書傳》此言,則周公以三年 ·其意而告之。明年制禮作樂。」然 文王受命,不卒而崩,今天下太平, 公將 誅 謂 作禮樂,優游之」云云, 誅 武 庚、管、蔡。 和,見士于 又 引 而 年 太 書

里,男 百里。 焉。《尚書》疏。 〔傳 鄭曰〕不見要服者,以遠于役 服去王城二千里,采服 侯服 去王 城 三)此 千里,甸 五 服諸侯 服 二千 千 而 $\dot{\overline{\pi}}$ 五. 服 恒 百 Ŧī. 闕

上下,謂侯服、甸服、男服、采

服

衛

服

百工者,五服諸侯之百官也

侯、甸、男邦、采、衛」,邦字居中,以

貫

經

案曰〕鄭云「不見要服」云云者,此

事」。 之也。 不通 主其 服三 見太平也。《書傳》云:「示之以 若然,黄帝、帝嚳居偃 民猶至,況導之以禮樂乎!」是也。 自由當時之宜,實在土 畿外,去王城五百里,故每畿計之,至衛 [疏曰]以《大司馬》、《大行人》職,知五 之百官播 服 爲異。 五 千里,與《禹貢》異制也。 勞,故云「百官播率其民,和悦即 服三千里, 土功勞事,民之所苦,而此和悦, 百 君行必有臣從,即卿大夫士,亦 率其民 里。 以此計畿之均,故須土 《禹貢》五服 和 和 與《禹貢》異 悦 師,餘非土中 並 中,因得而美善 見 通 即 即 王 通王 制。 畿 力役,其 此 于 畿 Ŧī. 中。 與 在 服

服

當,而 與荒服 鎮、蕃 里。 周《大司 周 弼 千里,此在九州之内。 相當,去王城三千五百里。 千里。又其外五百里爲要服,與周要服 其外五百 其弼當周侯服,去王城千里。 時 二千五百里。 貢》言弼成之制,去王城五百 周制,亦云「不見要服」。 注《禹 成 制又改爲侯、甸、男、采、衛、蠻、 甸、侯、綏、要、荒五服,方 侯服 其弼當周男服,去王城二千里。 五服,各爲 九服 在 及荒服之弼,則與周夷、鎮、蕃相 貢》以夏 馬》、《職方氏》言九服 九州之外矣。 里 當周 皆在 爲綏 其弼當周衛服,去王城三 殘數居 甸服,去王城一千五 王畿之外。 要 服 服 ,當周采 當周 其 至于要服之弼 夏之五 間, 要服。 蓋《大行人》 四 服,去王城 五. 故鄭注《禹 里曰甸服, 則 其外 面 服 無 千里,禹 方 相 要,而 有要, 萬 距 <u>Ŧ</u>i. 夷、 經 白 百 又

也。 與《禹 言周 《禹貢》五服, 不同, 言之。 王 間 《禹貢》。 故 白 又 服」,韋昭注 小 其下析言之,合計王畿之外每面二千五 鄭云「遠于役 · 異,道 Ħ 凡 里 以 以爲夏五 五圻。 男 衛,衛 五服 圻 一,共方五千里。 五圻者: 鑾 貢》 然視侯、甸、男、采、 要服 圻 服爲 里 《周語》祭公謀父曰「侯 去 \wedge 異 圻也。 周 男圻之外曰 適 一服小 王 云: 謂之賓服 尚 制 要 書 以爲. 均 事 侯圻之外曰 城 在 服 則 「此總言之也。 而 于周九 里 也。 九 非 言自侯圻 康誥》曰『侯、甸、 每服皆首句總言之, 蠻 恒闕焉 州 數未 矣, 説 蓋不解弼成之義, 即 之内 常以服 采 不知 要 詳《皋 服。 嘗不是,但以 圻,采 衛 甸 也, 與 夏、周、 至 圻, 此經之傳, 則遠矣,故 僞孔 貢賓 故 夷 陶 衛 侯,侯圻 尔圻之外 甸 鄭 圻, 謨》 衛 圻之 傳 見 制 據 于 其 賓 及 雖 爲 以

周 洛 觀 傳,皆以 疏 乎!』然後敢 德澤,然後營洛以觀天下之心。 下莫我知。 方諸侯率其羣黨,各攻位 見從,恥其行而不見隨。 優游之,三年不能作。 云者,伏生《大傳》云:「周公將作禮 東山》、《小雅 文。又《毛 曰:『示之以力役且猶至,況導之以 上下也。 此 東國洛,四方民 曲 而 衛』是 勤 附 猶 則知此時 僞 未 士 孔 誉, 也 傳 詩 一爲事,是也 將 ,反譏鄭「不詞」,妄也 訓 作禮樂。 是四 合諸 小作,恐不能揚父祖 觀 鄭 祈父》、《周頌 此 爲 大和會。」此之謂 風 年事 侯 則 事 以 知邦 《書》曰: 者、《説 君子恥其言而 ', 非 褰裳》、《豳 觀其 疏引《 于其庭。 將大作, 字 居 年。 書傳 文》 『作 中 于 敬 ·是 周 也。」 功 風 新 以 * 公 不 部 貫 邑 四

[傳曰]周公皆勞勉五服人。

之也 還, 案 于周 役 曰〕傳 小雅 **秋杜》以勤** 也。」是勤 樂就 · 采薇序》云:「《出 以 勤 功作,各効其力,故皆勞勉 亦 \歸。」又《秋杜序》云: 爲 勞也。 勞,《釋詁 因五服之人 車 文。 以 即 毛 绺 勞

治、用安治同。一作「周公乃洪大誥治」。乃洪大誥治。〔《釋文》曰〕治,直吏反。下其治民、安

治道。書》疏。〔傳曰〕遂乃因大封命,大誥以言鄭曰〕洪,代也。言周公代成王誥。《尚

代也。」 云: 二 者 也。」觀此則鴻有代訓,而字 南,正月 案日 如 鴻 洪範》及此經洪字,皆作鴻, 鄭 郭 雁 而 以洪爲代者、《 璞 北 知 注 運 是 是 云: 代 知其 者,鴻 「鴻 時 雁 釋詁》云:「鴻, 雁 運 知 之 與 而 屬 運 更 洪 代 九 代。」 通 後 南 月 疏 北 而 古

義。 《康誥》。 即代行 遂疑 所作,言成王封康叔顯有明文,不可駁, 即 《大誥》,于封爵諸侯,代爲發 以 改 相王室,以尹天下,分康叔以殷民七族, 王定之,選 且定四年《傳》祝佗明言:「武王克商,成 爲弟,無 者,王即周公,「朕其弟」者,周公謂 爲代,謂 僖三十一年》,衛 洪 爲 一洪字,失其 稱 《康 而「朕 此篇爲武王書。 爲 洪, 述其先 其政,故于征伐代 誥 疑也。 周 並 自唐 建 其弟」,又實是兄語弟之詞, 公代 則 **>** 而 可明 君受封 安 槩 以 封 德,以 訓詁,不知 (得言 訓 成 周公于成王代 下學者,不讀《爾 于殷 成公夢相 王 大。 事,安得 一誥,則 大 藩 無論《書序》孔子 虚。」佗, 大 但 屏 爲 ? 洪 周。 周公代 知「王若 大連 發 有誤? 惟 (語,則 康叔 誥 攝 衛 故周公 從 "; 文,若 其 王之 雅 日 有 有 叔

耶 ? 族,不 足信,而幾千年下 武子、祝佗 受封之命, 知鄭注不可易也 王、周公之命祀」。 · 歆 其 義理 相 或 反 又安得誤? 祀。」相之享「 武 可 非 子 部 ? 空談,事 不 憑 此甯武 可 臆白 抑豈《左傳 豈俗 曰 實 撰者 不 何容 子 述 儒 可 鬼 反 懸 以 是 其 神 先 可 間 亦 斷 而 非 信 甯 君 成 其

王若曰:「孟侯,朕其弟,小子封。 《玉海》一百三十一卷《官制門》。〔傳曰〕周公稱 也。 成王 州 子,明當受教訓。 侯之長謂 太子十八爲孟侯,呼成王也。《尚書》疏。 鄭 牧也。 曰〕王若曰,總告諸侯。依《略説 一命,順 使我命其弟封。 五侯之長,謂方伯,使康叔 方伯,使康叔 五侯之長,五等諸侯之長 康叔之德,命爲孟 **「疏** 封,康叔名。稱 日 、爲之。 孟,長也。五 侯。 爲之。 孟,長 0

秋官 彼 謂 以前先師遺義,故鄭用之。《文王世子》 和會之事,諸侯咸在,故誥雖爲康叔作, 侯,孟侯呼成王,義理駢曲,皆不可信。 牧,伯四代皆通,非如鄭玄云「殷之州 封命,固 伯自是州 彼 亦總告諸侯也。 有牧,又《離騷》云「伯昌作牧」,殷 而 曰伯」也。 此指 案曰〕鄭以爲「總告諸侯」者,上敘作洛 即 不同。 四四 文云:「天子太子,十八曰孟侯。 《左傳》云: 上公之伯, 位 孟 大行人》疏。 方諸 年十三,至是六年,十八 侯,此伏生《書傳• 非卒及連、屬 牧。 念 王 侯來朝,迎于 一制》有 故征 康叔以母弟令德,受大 五. 以孟侯 命 侯 九伯。 康叔,而 九 連、屬、卒、伯,此 伏生《 伯 也 郊。」見《周禮 爲 汝實征之。」 而 呼成王者,成 略説》義也。 書傳》,秦火 鄭 虞夏及 此 以 州 矣。 總告諸 孟 周 亦 國 侯 有

臣、長 帝皆 《大戴禮 記 侯 祝 康 岐 教 伯 云 侯言之。」《南史》陳沈 諸 之子 者 成王,呼成王 禽, 王之詞,並 冠儀,故 叔 注《孟子》,以《康 世 即位 封 侯 也。」然則天子之子冠禮與士 子法于伯 「天子之元子 成 仲 幼之 引《異義》皆云「天子、諸侯十二而 使與成王居,欲 可 而 尼 王幼,不能 公冠》篇盧 知 作,是亦以 後始冠者也。 日 篇 義。」是周公居攝,以 附漢孝昭冠詞。 惟即 末 金金 一昔周 附 爲 縢》鄭 成 ,猶士 位 孟 所 譜 涖 公攝 始 王 辯 孟 以 侯,不足異 阼 》爲周公戒成王 令成王知父子、君 文阿 一冠,周 冠 注 侯 善 ··, 故 注 也,天下 據《士 政, 一及《詩 則異 :「兼天子、諸 爲 成 抗世 以 成王 王 踐 于 公 成 此 也。」 阼 冠 世子禮 子法 無 使 Ŧ 篇 也 可 同, 而 禮 生 與 祝 爲 一, 却 知。 治 有 及 又 成 而 昭 雍 趙 于 •

> 者。 伯。 長,即 州 地 之長則皆每 侯者 天子、諸侯 公立 文,《公冠》爲 冠禮》疏據《公冠》篇推 过 代州牧皆牧 理 長之稱 0 傳係 九年 志 此鄭據《王 唐 州 以 成 **>** 虞 牧 孟 王 雖以 ,則傳義非 魏 四 也 侯 年 + 皆 州 晉 <u>†</u> = 爲 人,夏商 孟 成 四 歲 伯 人 制 但牧伯之制總 成王也。 加 侯爲康 人爲牧,殷州 Ŧ. 即 臆 通 影而 而冠,是其期 位 無 稱,而 也 説,不足信。 是其 疑, 周二人爲 言 得 叔 從無 儀 傳 可 未 大夫士三 以 稱 同 而 然亦不 可 領天 稱 非。 公即 長 爲 冠 伯 同。 爲 亦 據 Ŧi. 以 漢 當州 下 可 孟 此 其 通 侯 士 . 諸 侯 實 之 稱

聞 惟乃丕顯考文王,克明德慎 于上帝,帝休。 庸 我一二邦 祇 祗,威 以 〔《釋文》曰 威, 修。 顯民。 我 〕怙音户。 西 罰, 用 惟 肇 不 冒, 莫報 時 敢 怙, 冒 侮 我 品

聞如字,徐又音問。

夏,于 此 周,惟是怙恃文王之道 四表,上聞于天,天美其治 傳 道 夫 去 寡 刑 以 我 示 罰 惟汝大明父文 婦 民。 用用 以以 二邦皆 可 爲 用 用,敬 教首。 此 以 始 修 爲 可 王, ~, 故 治。 政于 敬 恤 能 其 窮 刑 顯 我 政 我 可 民 用 西 教 區 俊德, 刑, 冒 土 域 慢 明 岐 諸 被

也。 明俊德」, 成二年《左傳》申公巫臣語 云:「俊德,賢才兼人者。」故傳 慎去刑罰」者,伏生《大傳》引此 (案日) 其 説 明德,務崇之之謂也,慎罰, 書》曰 『明德慎罰』,文王所以 義 經 巫 亦與傳合。 傳以「明德慎罰」爲 臣 ,則指文王顯 一欲勸 則 與《堯 王崇己德,去己罰 《大學》引「克明德」,則 典》文同 用 有德,去罰不 楚莊王: 務去之之謂 顯 造周 依用之。 經 用 鄭 作「克 俊 彼注 《周 而 也。 德 其

天乃大命文王, 殪戎殷,

誕

受厥

命,

越

厥

傳同。 尤非 五年《 王風 謂 也。 道貴宣 讀 威」,是則 者」、杜預解爲「用可用、敬 文》用部文。祗爲敬、釋詁》文。 引 彼區夏。」是也。「冒聞于上帝」爲句 徐幹《中論 此 也 自 故云「冒聞」 有此句, 正 下文「文王敬忌」,鄭 本旨也。 明 兔爰》、《齊 論 左傳》《周 亦作「冒聞于上帝」,且《君奭》 若「威 明德 趙岐注《孟子》「吾于《武成》」 明,不當以玄而難知者使人疑 篇》引此 威 則知古有 爲畏忌意,當爲畏可 法象》篇云:「文王祗畏 乃 《威」以 傳又以 也 斷 經「克 書》所謂 章 風 爲 取 此語矣。 • 庸爲用、《毛詩 義。 刑 明 南 明 「庸 山》傳 云 可 可 德」, 荀子》卷· 不祇 刑 敬」,亦 庸, 祗祗 冒有上 祗, 及《説 謂「 畏 宣 節 威 非 與 進 主

584

邦厥民,惟時敘。〔《釋文》曰〕殪,於計反。

(傳曰)乃大命之,殺兵殷,大受其王命。 (傳曰)乃大命之,殺兵殷,太死, (傳曰)乃大命之,殺兵殷,者,禮,殺 (傳曰)乃大命之,殺兵殷,者,禮,殺 (傳曰)乃大命之,殺兵殷,太受其王命。

音也。文王在位而天下大服,施政而 《大傳》云:「天之命文王,非啍啍然有 《大明》云:「有命自天,命此文王,文王 帝」云云,「所 道,故曰『天乃大命文王』。」王充《論 皆聽,令則行,禁則止,動搖而 雅•文王序》云:「文王受命作周也。」 有聲。」云文王受命,有此武 〔案曰〕 「天乃大命文王」者、《詩・大 了

聖人動作天命之意也,與天合同,若 初稟篇》云:《康誥》曰「冒聞于上 謂 大命者,非天 乃 不逆天之 功 是也。 物 聲

部,曀,古文作 言武王 此經爲證。 晉中行桓子論赤狄貫盈 鄰如夏。」高誘曰:「**郼**讀 《慎大覽》云:「湯爲天子,夏民大説,親 者,一用兵伐殷也。」《吕氏春秋》卷十五 之也。」説與《大傳》合。「殪戎殷」者, 矣,今姓有衣者,殷之胄與? 齊人言殷,聲 云:「戎,兵也。 雖以殪爲 善,故言文王以道上聞 天使之矣。《 人謂殷氏皆曰衣。」然則「殪戎殷」,當爲 壹戎殷」,即壹戎衣也。 意见字从古文死, 意 二字易亂,此經殪字,其始必 以 兵伐 殺,但《中庸》「壹戎衣」,鄭 杜預曰:「殪,盡也。 如衣。 書》方激 殷,盡滅之。」《説文》与 意。 衣讀 虞夏商周氏者多 如殷,聲之誤也。 死 勸 于天,天乃大 「將可殪 如衣。 部,古文死作 宣六年《左傳》 康 省聲。 『壹戎殷』 今兖州 《康誥》 勉 也」,引 曹 使 傳 爲

字,而 僞古文《武成》云「一戎衣」,辨見本篇。 中行桓 疊,當從鄭《中庸》注,以爲壹用兵伐殷。 之,但上言殺,下又言兵,語 以 文王事移屬武王,未足爲據。 僞傳從 从古文作意思,與意见 子假借 取 義,杜預 亦望文爲説 意 相 似。 嫌複

文》曰〕勖,許玉反。「乃寡兄勖,肆汝小子封,在兹東土。」〔《釋

道,故汝小子封得在此東土爲諸侯。 〔傳曰〕汝寡有之兄武王,勉行文王之

命」義同也。「肆,故」、《釋詁》文。言賢也。」且引此經以證。《顧命》「寡詩「刑于寡妻」,鄭箋:「寡妻,寡有之妻。〔案曰〕傳以寡兄爲寡有之兄者,《思齊》

通乃文考,紹聞衣德言。〔《釋文》曰〕適音聿,又王曰:「嗚呼! 封,汝念哉! 今民將在祗

集》二卷。○〔案曰〕注疏所采《經典釋文》此一條誤作〔馬曰〕遹,述也。《釋文》。○真德秀《讀書記乙

音述。

衣如字,徐於既反

聞,服行其德言,以爲政教。曰〕治民將在敬循汝文德之父,繼其所曰〕治民將在敬循汝文德之父,繼其所「紹述也」。今從專刻足本《釋文》第四卷改正。〔傳

炎注云:「適、古述字。」是也。 〔案曰〕馬云「適、述」、《釋言》文。彼孫

惟商耇成人,宅心知訓。 「往敷求于殷先哲王,用保乂民。汝丕遠

「别求聞由古先哲王,用康保民。弘于天,人之道,常以居心,則知訓民。 道,用安治民。汝當大遠求商家耇老成〔傳曰〕汝往之國,當布求殷先智王之

若德裕乃身,不廢在王命。」「别求聞由古先哲王,用康保民。弘于天,

則不見廢,常在王命。道,用其安者以安民。大于天,爲順德,曰〕又當别求所聞父兄用古先智王之巨处皆別古先哲王,虞夏也。《尚書》疏。〔傳

文言近之則法文考,遠之則法殷之先哲〔案曰〕鄭云「古先哲王,虞夏也」者,上

哉!〔《釋文》曰〕恫音通,又勅動反。瘵,古頑反。王曰:「嗚呼! 小子封,恫瘵乃身。敬

行我言。《尚書》疏。〔傳曰〕恫,痛。瘝,欲去之。敬《尚書》疏。〔傳曰〕恫,痛。瘝,病。治民務〔鄭曰〕「恫瘝乃身」,刑罰及已,爲痛病。

文》無瘝字。後人以其訓病,改从疒。病也。」與鰥寡字同,从魚不从疒,故《説瘝爲病者,鄭必作鰥也。《釋詁》:「鰥,〔案曰〕鄭以恫爲痛者,《釋言》文。又以

《召誥》「智藏瘝在」同,皆非也。

報反。 忧,市林反。 盡,徐子忍反。 好,呼音匪,又芳鬼反。 忱,市林反。 盡,徐子忍反。 好,呼乃心,無康好逸豫,乃其乂民。 〔《釋文》曰〕棐「天畏棐忱,民情大可見,小人難保。 往盡

自安好逸豫寬身,其乃治民。見,以小人難安。往當盡汝心爲政,無〔傳曰〕天德可畏,以其輔誠。人情大可

我聞曰:『怨不在大,亦不在小,惠不惠,者,《釋詁》棐、輔同訓俌,俌即輔也。之明威可畏,以其所輔者誠也。 棐爲輔文》云「馬本作威」,古威、畏字通。 言天畏」作「天威」,《皋陶謨》「天明畏」,《釋畏」作「天威」,《皋陶謨》「天明畏」,《釋長」(案曰〕傳云云者,郭璞《爾雅》注引「天

懋不懋。』 「我聞曰:『怨不在大,亦不在小,惠不惠,

不勉者勉。
于大。言怨不可爲,故當使不順者順,〔傳曰〕不在大,大起于小,不在小,小至

[案日]傳云「大起于小」,「小至于大」

怨無 也。 子 : 茂者,《釋詁》云:「茂,勉也。」是與 服弘大也。」 者,使之順; 訓》亦云:「懋懋,勉也。」言當擾順 茨》箋文。 襄子,引《周 年《左傳》齊樂高相攻,子旗語 及《毛詩 韋義與傳合也。 在小。』』《説苑》卷五《貴德》篇智果 曰:「或大而 《周書》曰『惠不惠,茂不茂』,康叔 恒,宜 事 時 或 殷 IF. 語 邶風 書》有 合也 亂 影卷十 順而 懋爲勉、《説文》心部文。 桓子「遂和之如 方定,尚多 勸勉不勉者,使之勉 書》與《 不爲從,或 之日 ·五《晉 勉之,服以 燕燕》傳、《 傳又以 國 :『怨不 語 反 語》 惠 禍難起小怨。」● ***** 知伯日 (側,故 爲順 寬大,與子 同 初。 在 小 陳桓子: 或 《釋 大, 雅 韋 戒 諫 以 所 昭 懋 • 楚 昭 不 諫 亦 知 《釋 言》 以 作 民 順 同 智 不 襄

受殷之民衆。 政,惟弘大王道,上以 傳曰 二已乎

〔《釋文》曰

〕應,應對之應,徐於甑

反。

汝 惟

小子,

乃

當

服

行

德

應天,下以

安我

所

世家》「周公、成王 《左傳》「分康叔以殷民七族」、《 叔」者。是本篇《序》亦云然也 案曰〕已同噫,説見《大誥》。 以武 庚殷 餘 「殷 民 衛 民 封 康 康 即

亦惟助王宅天命,作新民。」

者居順天命,爲民日新之教 〔傳曰〕弘王道,安殷民,亦 所 以 惟 助 王

適爾 告 乃不可不殺。 非眚,乃惟終,自作不典,式爾, 王 曰:「嗚呼 所領反,本亦作省 ,既道 極厥辜 乃有大罪,非終, 封,敬明乃罰。 時 乃不可殺。」〔《釋文》曰 有厥罪 乃 人 惟 有 小 災, 小,

0 或大 怨,禍難或起小怨」。 至「小怨」、《國語 晉語 》韋昭注作「或大而不

汝惟小子,乃服惟弘王,應保殷

大罪非 之,乃惟終身自爲不常之行, 獄之道,以窮極其罪,是人所犯,乃不可 此者,乃不可不 曰 其 嘆 終行之,乃惟 重 而 慎 敕 之。 **「**疏 殺, 凡行 以 日 過誤爲之,當盡 故犯 小 刑 罰 罪 ൬ "**,** 非 l',汝必 用犯汝,如 不 可 誤 敬

殺,以誤故也。

原心定罪,

斷獄之本。

有罪雖· 赦之可也。 惡,乃過誤爾,是不殺 終,乃惟 典,式爾,厥罪 不可殺。』言人雖有大罪 是本頑 身行之,故雖 云:「《康誥》:『小罪匪省,惟終,自作〕 [案日] 王符《潛夫論》卷 人吉士時 N N 小, 省哉,適 一思惡 然非以 金 有 小,不可不殺也。 作贖 小,乃不可不殺。』言恐人 而 過 爾,既道極厥罪,時 爲之者也。『大罪, 誤,不幸陷 過差爲之也,乃欲 刑 也。 赦過 非、非欲 若此 四《述赦》 宥 離者 以終身 罪 者 何則? 雖 爾。 終 亦 匪

> 此同 典》「怙終賊刑,眚災肆赦」,鄭注 者,適然如 **眚、省,災、哉,古字通。** 用也。」「式爾」者, 此。 所 故 以 殺、不 用 《釋言》云:「式 如 此。 殺 異。 適 意 《 堯 與與

典」、「敕天之命」、皆誤作勑。 力代反,與敕不同。 保赤子,惟民其康乂。〔案曰〕敕今作勑。 民其勑懋和。 王曰:「嗚呼 作敕。 若有疾,惟 經典傳 封,有 訛, 叙,時 此經傳 以 民其畢棄咎。 勑 爲敕。 解爲「敕正」,則 乃大明服, 如 敕 考 我 惟

難乎?」《禮記 之以理,民 勑正 孩兒赤子,不失其欲,民其皆安治 〔案曰〕僖二十二年《左傳》晉卜偃引「乃 傳曰〕政教有次序,治理 釋之云:「心誠求之,雖不中不遠矣。」 勉 服」,「己則不明而 爲 和,化惡 其盡棄惡修善。 ·大學》引「若保赤子」, 一爲善。 殺 如 大明,民 人以逞,不亦 愛養人如 欲去疾, 其 治 自 安

之云: 耆欲 略 也。」趙: 國篇》引此經而説之云:「君國者,先 治,雖用刑而不專于 知,吾保 如去疾, 刑而言。 《左氏》、《孟 鄭 正 同。 其 注 在我者 也 「赤 ら、孟 岐注 惟以疾爲急疾之疾,則異也。 養子者推心爲 民自 救之,推 以 子 大明 ,然後徐責其 子》二説,此節三段皆 匍 子》亦引 「以赤子無知、故救之。」 棄 匐 惡。 服, 心 將 刑 而 入井, 人民自敕勉, 民 「若保 之,而 中 也 犯 在人者。」意 其 法 非 赤 《荀子 欲, 中于 如 赤子之 子 赤 民 赤 自 子 去 主 子 而 惡 富 安 無 用 玩 罪

「非汝封刑人殺人,無或刑人殺人。

「非汝封又曰劓刵人,無或劓刵人。」〔《釋〔傳曰〕無得有妄刑殺非辜者。

文》

〕劓,魚器反。

刵,如志反

曰〕劓,截鼻。刵,截耳。刑之輕者。〔鄭曰〕刵,臣從君坐之刑。《尚書》疏。〔傳

之制也 子爲坐。 官》 注以刵當之者,《春秋》之法不盡 有臣從君 爲臣從君坐之刑,孔意然 案日 一十八年《左傳 疏 Ŧī. 日 三鄭 噬嗑》上九云:「何校 刑 劓 云 坐之刑。 衛侯不勝,則鍼 所 在 刵者 「臣 無 五 刑 爲 吕 衛侯 但彼用刖,而 截 從君坐之刑」者, 刑 鼻。 \Rightarrow 與元 否未明 亦 莊子。 以滅耳 云 而 咺訟,鍼 刵 合周 鄭 是周 劓 者 于 鄭 刵 此 莊 初 世 周

倫。」〔《釋文》曰〕臬,魚列反。 王曰:「外事,汝陳時臬,司師,兹殷罰有

也。 比 兼 兼用之。 法,司牧其衆, 傳曰]外土諸 也。 用 衛居 其 有 (疏 殷 理者,若今律無條,求故 墟 日 及此 周 」臭 侯 承 奉 爲 殷家 殷後, Ė 準 事 限之義, 刑 刑 罰 汝 當 有 相 故 布 倫 因 事 陳 理 之 法 者

文》木部云:「臬、射準的也。」《爾雅·釋也。臬訓法,疏言「準限之義」者、《説事」爲外土諸侯之事,康叔爲之陳法,是[案曰]傳疏以康叔時爲州牧,故以「外

云:「公事自闑西,私事自闑東。」此與門璞曰:「杙,橜也。 臬,門橜也。」《玉藻》宫》云:「樴謂之杙。 在地者謂之臬。」郭

限之閾相連。準的限制,皆法義也。云二公事自闡西、私事自闡東、」此與門

倞注云:「後之王者有素定成就之名,謂「後王之成名,刑名從商,爵名從周。」楊「殷罰」者,《荀子》卷十六《正名篇》云:

告》曰:『没罰有侖。』是言及刊之允當舊名可法效者。商之刑法未聞。《康

也。」據此,則命康叔師殷罰,不但因其誥》曰:『殷罰有倫。』是言殷刑之允當

國俗,亦以殷刑最允故也。

又曰

「要囚

一; 服

念五

六日,至于旬時,

丕蔽

〔傳曰〕要囚,謂察其要辭以斷獄。 既得要囚。」〔《釋文》曰〕要,於宵反。蔽,必世反。

言之也。」(疏曰〕顧氏云:「又曰者,周公重至也。〔疏曰〕顧氏云:「又曰者,周公重三月乃大斷之。言必反覆思念,重刑之其辭,服膺思念五六日,至于十日,至于其辭,服膺思念五六日,至于十日,至于

侯」。 邢侯、雝 治。』《小宰》云:「以聽官府之六計,弊羣 異義,則不可。 其罪法之要辭」,是也。「要囚」二字, 字,有蔽字,弊即 吏之治。」鄭皆以 爲斷者,《太宰》云:「八曰官計以弊邦 見于此章,又兩見于《多方》篇。 章皆釋爲獄辭之要,于《多方》篇前釋 云"「異其死刑之罪而要之。」鄭注「要爲 要察獄情」,後釋爲「執其朋黨」,前 案曰〕傳以要爲要辭者、《周 》卷十五《晉語》:「蔽獄之日,叔 杜 預 子争 云: 田, 當皆以爲獄 蔽, 蔽 弊爲斷。 叔 也。 斷 魚 也。」是 攝 昭 理,「蔽 十四四 《説文》 辭之要。 禮 也。 孔于此 年 鄉士 無 罪 後 或 爲

《小司 于國,司寇聽其成于朝。」是也 聽于朝」、《縣士》「三旬 于刑,用情訊之,至于旬,乃 也。 邢 之,旬而 士》云:「辨其 司寇聽之」。《方士》:「三月而 侯。 服念五六日,至旬時,乃大斷之者, + 寇》云:「以 日 韋 職聽 爲 昭 旬 注 于朝。」《遂士》「二 獄訟,異其 ,三月爲 五 蔽, 刑聽萬民之獄訟 決也。」決 而 時 死刑之罪 職 聽 既 蔽之。」《鄉 于 得 旬 朝, 亦 要辭 一獄訟 斷 而 而 皆 職 要

惟曰未有遜事。〔《釋文》曰〕彝,以支反。義殺,勿庸以次汝封。乃汝盡遜,曰時敘,王曰:「汝陳時臬事,罰蔽殷彝,用其義刑

典刑 次敘,惟當自 傳 之心所 曰 〕陳是 宜于時 典 安。 刑 法事 世者以 謂 故 乃 未有順 使汝 事。 ,其刑罰斷 刑殺, 義,宜 所 事。 行 盡 勿用 也。 君子 獄 順 用 以 用 日 將 舊 殷 是有 就 汝 法 家

自以爲不足。

經,並 以 《書》云:『義 今本《家 有 義,勿用 下,非理也。 其義與僞孔傳小異。 以即政,女當思曰我未有 刑,「順事」謂教民之事。 也 與僞孔本不 義殺」云云,又卷二十《宥 日未有慎 而薄責于人也。」然則,「勿庸 案曰3《荀子》卷九《致仕 《始誅》篇孔子曰:「上失其道而殺其 無 __ 使人可 刑 楊倞注云:「當先 作「勿庸以 殺 語 以 事。」 順守之事,且 而 》, 王 就 同, 上教之不行,罪不在 後 刑義殺,勿庸以即 汝 王肅 肅 爲 心之所安。 又皆申説之云「言先 即 順。 私定,孔 女,惟曰未有 曰:「言刑殺皆當以 惟《孔子家語》卷 此 一陳道 教 所 傳 順導民之事。 言勿遽 坐篇》亦 後 又當自謂未 引 德 疑 刑 言謂 引 汝心。 以 出 此 勿 躬 順 服之, 民 用 則 肅 引 事 刑 手, 也。 用 厚 教

故合也。

心朕德,惟乃知。「已!汝惟小子,未其有若汝封之心,朕

欲其明成王所以命己之欵心。心。言汝心最善。我心我德惟汝所知。〔傳曰〕已乎! 他人未其有若汝封之

知」也。
叔爲相睦」,故云「朕心朕德,惟乃叔爲相睦」,故云「朕心朕德,惟乃(案曰〕定六年《傳》「太姒之子惟周公康

反,司馬光《法言》注同。 罔不憝」。《孟子》引作「閔不畏死,凡民罔不譈」。徒對敏。憝,徒對反,徐徒猥反。○〔案曰〕《説文》引作「凡民不畏死,罔弗憝。」〔《釋文》曰〕攘,如羊反。暋音「凡民自得罪,寇攘姦宄,殺越人于貨,暋

當消絶之。 自强爲惡而不畏死,人無不惡之者。言殺人顛越人,于是以取貨利。暋,强也。

[案曰]傳以自爲用,古雖有此訓,然《荀

刑。 解。 而 支,唇聲。《周書》曰:『暋不畏死。』**』**冒 暋爲强,憝爲惡。 逃亡,不足以免,莫不服罪。《書》曰『凡 申之云「是不待教而誅者也」。 也。《孟子・萬章下》篇引此下三句, 書》曰:『凡民罔不憝。』」 怨與惡意亦通 心部云:「憝,怨也。 昧爲惡,自强爲惡,義亦同。 必服其罪。 人自得罪」,此之謂也。」此以自作服罪 義行乎下世 子》卷十七《君子篇》云:「聖王在上,分 説文》卷三下攴部云:「暋,冒也。从 勿庸以即,惟曰未有順事」,當先教 誅。 此殺人取 蓋殺人取貨,惡之大者,有誅無赦 荀義得之,傳非也。 ,曉然皆知。 貨,昭然 「暋,强」,《釋詁》文。 从心, 敦聲。 服罪,故不教 夫 爲 姦 雖 又卷十下 對上 傳又以 \Rightarrow 周 而

王曰:「封,元惡大憝,矧惟不孝不友。子

惟弔兹,不于我政人得罪? 恭厥兄。兄亦不念鞠子哀,大不友于 彝大泯亂,曰:乃其速由文王作罰,刑兹 厥子,乃 祗 [《釋文》曰]鞠,居六反。弔音的。 服 厥 疾厥子。 父 事 , 大傷厥考心。 于弟弗念天顯 天惟 泯,徐武軫反 于父不能 與 我 民

稚 使父義、母慈、兄友、弟恭、子孝,而 子,是不慈。 孝。爲人父不能字愛其子,乃疾惡 不能恭事其兄,是不恭。 父道,而怠忽其業,大傷其父心,是 大于不孝、不友。爲人子不能敬身服 父母、不友兄弟者乎! 傳曰〕大惡之人猶爲人所大惡,況不 執 子之可哀,大不篤友于弟,是不友。 行,是大滅亂天道。當速用文王所作 至此 政之人得罪乎 一不孝、不慈、不友、不恭,不于 爲人弟不 ! 天與我民 念天之明道,乃 爲人兄亦不念 言人之罪惡莫 五 廢棄 其

> 《左傳》云「爲父子兄弟姻媾以 《酒誥》是也。 違 是于天理當然,爲天明白之道 對例耳。 孝。」是也。「考」亦通生死 經》云:「五刑之屬三千,而罪莫大 友。」 姦惡猶爲人惡,況不孝弟乎 曰〗釋親 [案日]「元惡大憝」者,揚子《法言》卷二 教之罰 天明即《孝經》云「則天之明」, 刑此 《曲禮》云:「死 「善父母 亂 五常者, 爲 孝,善兄 無得赦。 ,即此文 日考。」 象天 (明」, 于 弟爲 及 是

死曰考妣。」今學者從之。《尚書》曰:《修身篇》云:「君子悔吝不至,何元憞之育。」李軌注云:「元憞,大惡也。」元憞即櫽括此經「元惡大憝」之文,故李軌以即櫽括此經「元惡大憝」之文,故李軌以惡,起下不孝、不友,爲惡尤大也。上稱惡,起下不孝、不友,爲惡尤大也。上稱惡人,下稱厥考,疏云「考通生死」者,郭、炎、下稱厥考,疏云「考通生死」者,即還括此經「元惡大憝」者,揚子《法言》卷二条(案曰〕「元惡大憝」者,揚子《法言》卷二

字,惟 説非 是也。 傳以 讀 弔。」此不孝不友之人,反當 但 詩 同,此古訓也。 弔爲至。陸氏《釋文》音都歷 誥》「弗弔」,及此經,皆至也。 伯》云:「王崩大肆,以秬 曰: 「考妣延年。」明 考之彝 (尚書》)屢用之。 一大傷 據《檀弓》:「畏 作罰」者、《周禮・大司徒》有不孝不 爲泯,二鄭从之。 · 天保》「神之弔矣」,毛傳、鄭箋皆以 、鞠爲稚者、《釋言》云:「鞠、穉 也。 桑柔》傳云:「泯,滅也。」是也。 厥 有渳字,米忍 弔爲 訓 考心」,『事 傳以 」, 如 至 泯 者、《釋詁》文也。 或作如字讀,解爲弔憫。 《盤庚》「弔由靈」、《大 喪 爲 厭 『非死生異稱。」是也 厥考厥長」,『 考妣 滅者、《説文》無 渳即古泯字。 反。 溺 而 《周禮 鬯渳。」杜子春 死 者,尚 弔 反,與此弔 《 詩 倉 耶 ・小宗 聰 頡 皆 也。 此字 《毛 聽 此 泯 不 祖

> 説此 兹無赦。』先王 姦宄者賊良民。《書》曰:"「文王作 弟之刑。 卷四《述赦》篇云:「養稊 王,故云「文王作罰」也。 壽 經之義也 命,乃以威姦懲惡,除民害也。」是 《周 禮 制刑,非好傷 雖 作 于周公,當本之文 神者傷禾稼 王符《潛夫論 人肌膚,斷 罰 惠 刑

何忌 及。」與臼 紀》元和元年詔,亦 〔又案曰〕僖三十三年《左傳》晉 也 云:「堯,聖父 云,李賢注引《左傳》胥臣云云,胥臣 不恭,不相及也。」又昭二十年《傳》,苑 康誥》云:「父不慈,子不祗,兄 [季也。 周公祐王。故《書》稱『父子兄弟,不 而 引《康誥》曰:「父子兄弟,罪不 叟頑惡。 王符《潛夫論》卷一 季語意 也,而 鯀 同。 娅 引《書》「父不慈」云 丹 《後漢書• 而 凶 禹興,管、蔡爲 傲。 《論榮》篇 舜,聖子 不 肅宗 百 季 相 即 本 引

兼濟; 之,蓋 事」八 慈四 亂 也。 《周書》『父子兄弟,罪不相及』,即此 相 問,鄭答云:『《周禮》太平制,此爲居 傳寫遺落。 此節「不念鞠子」以下,脱漏甚多 引云云,然不可考矣。 國,用重典 相 也 而《周官》隣保以 承接不順,今以意讀之,云:「《左傳》引 大功 容隱 而言。」斯 此疏 不孝罪子,非及父輩,理所 句之文, 逸文也 句 也 Ê 刑兹 一。」語 上 周 也。 所引鄭 其末綴一段,亦有脱字, 得 似 禮》據疏 不然矣。 無赦」,法嚴 意 而 櫽 相容隱 疑此下 反 並 比伍 、説,蓋 罪 括 側 同前 此 不 人相督 初 《康誥 隣保 經一子 相及,趙 前明注 -相及」, 即當繼 出 平 文。 矣,所謂 《鄭志 用法 罪 率之 弗 影以 今翫 商 疏 以 則 有 祗 宜 》,其義 法。 骨 刻本 相 疑 日 此 服 當 一當是 肉 父 而 季 及 刑 寬 經 厥 是 文 得 殷 發 故 于 所 亂 猛 無 今 父

此經之文,而不言逸文,皆非也。甚精,疏駁之殊謬。又以《左傳》所引即

夏,簡八反。

「不率大戛,矧惟外庶子、訓人?

〔《釋文》曰

常也。 民不循 也。 《周官》云「諸子」,《文王世子》云「庶子」 掌衆子之官主訓 卿子弟最急故也。 弟爲外。惟舉庶子之官者, 官亦是王朝之臣,言在外者,對父子兄 百二十八卷《官制門》。 曰〕戛,猶楷也,言爲楷模之常, 鄭曰〕訓人, 以政教諸子,故爲「訓人」。諸子之 「在外掌衆子之官主訓民 大常之教,猶 謂 師 民者而親 長。 傳 刑 《尚書》疏。 曰〕夏,常 之無 犯乎 以其教訓 赦, ◎玉 故 者」,即 ! 況 也 夏爲 在 海 外 疏

見《書》。」又《釋言》云:「夏,禮也。」郭以戛爲常、《釋詁》文。郭璞注云:「戛義〔案曰〕鄭云云者,此節鄭注殘闕也。傳

子 ※: 北 者、教之以孝弟、睦友、子愛、明父子之 之倅。《《文王世子》:「庶子之正 諸侯、卿大夫、士之子。 倅如物 辨其等,正其位。 子之官」,疏 故戛 法式。」然則戛與秸同音,稭與楷 而致于大子,惟所用之。」注云:「國子, 反。」《儒行》「後世以爲楷」,疏云: 楷」者,《 郊 秸,本或作稭。」鄭注《禮器》引作 官。 特性》「稟鞂」、《釋文》:「鞂, 猶楷 「掌國子之倅,掌其戒令與其教治 謂 幼之序。 臣 司士爲之。 常 禹 一有貴 也。 禮。」 貢》「納 宗人授事 以即 「外庶子」,傳以 者,以齒。 其朝于公,内朝 是夏 其 在 諸子者、《 國有大事,則 秸 爲常 ,以爵,以官。 服」、《釋文》 宗 其在外 廟 也 之中, 夏 爲「掌衆 疏 官 于公族 則 有 帥 朝 相涉, 「鞂」。 云 國子 簡八 東 副 則 云 面 倅 如 則 猶

> 宰 》: 當與 鄭以庶子、訓人爲 注 : 以訓 之官」,故兼言 官。 儒,諸侯保氏,有六藝以教民者。」 諸侯之官,但主 子,即諸子。故鄭注《周 登餕獻受爵 之卒。」云云。 也 析 庶子。」是也。 〈傳同。 「師、諸侯師氏、有德行 也 人爲 《燕義》云:「古周天子之官,有 「師以賢 庶子官、職諸侯、卿大夫、士之庶 諸子,主公、卿大夫、士之子者,或 師 傳以訓人即 則 長之官者,若《天官・ 與《夏官・諸子》同 得民,儒 職諸侯之子。 卿大夫、士之子也 但《燕義》所云是「天子 以 上嗣 二,其庶子注已亡,疑 以 庶子,不如鄭注 庶子治之。」 禮·敘官》 道 以教民 此庶子是 得民。」 是也。 是 庶子 鄭 大 鄭 亦 庶

惟厥正人,越小臣諸節。

傳曰〕惟其正官之人,于小臣諸有符節

之吏及 《周 者有旌節,亦得爲有符節耳。 故,故言有符節者。 身,下至符吏。 諸有符節」者,謂 爲官行文書而有符,今之印者也。 在 無 官》三百六 赦 外 之 庶子, 科 十職 **「**疏 「諸有符節」,爲教 其 Œ 有 日 正官之首。 人之下,非長 非行道之符節, 不 丁正官 循大常者, 之人 「于小 在軍 人人之 官之 則 臣 亦

雲漢》云「鞫哉庶正 官之長也。」彼疏云 宫中官之長」,「甸師主共野物官之長」, 正人,官之長也。 三百六十,每官各 云[三百六十職 ·正人」則太繁,且三百六十職 大府爲王治藏之長」,此類皆是也。 案日》《釋詁 司徒,六官之長,其秩甚峻。 》:「正,長也。」官各有 正 鄭注《周禮》:「宮正主 官之首」者,《大雅 :「衆官之長者,周 有 」,彼箋云:「庶正 其長。」若以 此經 此 如 一,衆 太 解 官 疏

> 節吏。 軍者。 臣諸 四 當從鄭,以庶子、訓 與正人、小臣諸節並蒙 四人」,則諸侯之掌節,當亦不止一二 云:「諸節、諸受符節有 目庶子、正人、小臣 在軍中誓戒羣臣,則諸節自是受符節 宫正之類 官故也。疏又連教人言之,則以 疏總言三百六十職 . 等並: (`,故云諸也。傳兼言外庶子,以庶子 在 庶子 節」爲有符 蒙不 《周禮 此是國中之官,故以諸 之下, 未 未 率也 便以 掌節》「上士二人、中 品 節 太宰 職 諸 者,非 人、正人、小臣諸節 吏者,馬 不 節, 司也。」彼《太誓》 等均 甚 不率,以訓人非 也 尊, 實則皆非 爲 正 注《太誓》 恐只 節爲有 傳以「小 訓 當 人並 符 從 則

兹義率殺,亦惟君惟長。不能厥家人,越君,時乃引惡,惟朕憝。已! 汝乃其速由「乃别播敷,造民大譽。弗念弗庸,瘝厥

德用乂。〔《釋文》曰〕别,彼列反。 厥小臣、外、正,惟威惟虐,大放王命,乃非

治其家 汝。 治之故。 吏,並爲威虐,大放棄王命,乃由 理以刑殺 法者,病其君道,是汝長惡,惟我 以立民大善之譽。 曰〕汝今往之國,當分別 汝乃其速用 人之道,則 判則 亦惟 此 君長之正 若不 于其 典刑宜 念我 小臣 于時世者 道。 言 播 外正 布 若不能 非德用 一官之 申 循 惡

子及訓人也。正即正人也。〔案曰〕小臣即小臣諸節也。外即外庶

懌。」〔《釋文》曰〕忌,其記反。懌音亦。忌。乃裕民,曰:『我惟有及則。』予一人以「汝亦罔不克敬典,乃由裕民,惟文王之敬

傳 鄭曰〕敬忌,「祗祗威 汝用 常常 事 寬民之道 之所 當惟念文 輕,故 威」是也。 戒 以 王之所敬 無 《尚書 不 能 | | | | | | | | | | 敬

> 忌而 及于古則。」 旦]文王所 祇祇威威」也。 法之。 敬忌 我 汝行寬民之政,日 人以 即 敬德忌刑,故鄭云 此悦 懌汝 [:「我 惟

用 也。 明主急得其人。 無治法。 畏意,故以爲威 此之謂也。」據此 故以敬爲祗祗。 于此注云「祗祗威威」 「以敬忌天威」。 表記》引《甫刑》曰 案日 忌之言戒也,言己外敬 也。 「祗祗威威」,則擇人是「庸庸」也 《荀子》卷八《君道篇》云:「有治 《書》曰:『惟文王敬忌,一 〕鄭以「敬忌」爲 擇得其 法不能 威也。 威即畏,忌 則懌當作擇 獨立,得其人則存, 勞于索之,而休于使 是凡言敬忌,義皆 「敬 人已足致 是也。 忌」,鄭彼 「祗祗威威」者, 《顧命》篇末云 而 心戒慎。」今 爲戒慎,有 祗之言敬, 人 治。 以以 擇 注 擇。」 而 同 故

疑皆僞孔所增改也。孔作懌,以爲悦懌,且多「乃裕民」二句,

酷 司寇。 無 申之,抑以殷俗 罰」之事。 〔又案曰〕自「敬明乃罰」至此,詳言「慎 史記》亦言康叔 以 也 弼教與? 意康叔本法家,故特于用刑 定四年《傳》「康叔 要歸于至慎,不專尚 化紂之惡而 既 封 衛 ,其後復 大壞,非刑 爲司 爲 寇 反 覆 周

哲王 王 適,不迪則罔政 曰:「封, 德, 用 爽惟民 康 在厥邦 民 迪吉康, 作 求 矧今民 我 時 其 凶 惟 迪 殷 先

「迪」爲下讀。
「施曰」「爽惟民迪」,鄭以善政在其國。〔疏曰〕「爽惟民迪」,鄭以今民無道,不之從教,不以道訓之,則無惟殷先智王之德,用安治民爲求等。況〔傳曰〕明惟治民之道而善安之,我是其

〔案曰〕「迪吉康」,鄭讀是也。 傳以爽爲

〔《釋文》曰 同,爽惟天其罰 罰之行。今惟民不静,未戾厥心,迪屢 王曰:「封,予惟不可不監,告汝德之説 無在大,亦無在多,矧曰其尚顯聞 明 文。《釋詁》適、之皆爲往,則適亦之也 文。「乂,治」,亦《釋詁》文。《説文》辟 爽爲 部作「擘」,●隸變作「乂」。 詁》文。「哲,智」、《釋言》及《説文》口部 梅》傳文。「康,安」,「時,是」,亦皆《釋 善」、《説文》口部及《詩・ 釋言》文。 者、《説文》日 明 〕説如字,徐始鋭反。 也。 「適、之」、《邶風・北 迪,道」、《釋詁》文。 殛我,我其不怨。 部云: 殛,紀力反。 味 召南 爽, 「作,爲」,亦 旦 于天?」 惟厥罪 明 門》 摽 ?。」是 于 傳 有

未定其心,于周教道屢數而未和同,明之説于罰之所行。假令今天下民不安,〔傳曰〕我惟不可不監視古義,告汝施德

戮我。」 明察 大。〔疏 惟 大,況日 汝不治,我 -安,雖 天 人其以 在 上 旦]顧氏 不 小 民不安誅 慎 罰 邑少民,猶 見 罰 汝 民 汝 彪 明 不安, 聞 云:「明 罰 亦 于天者乎? 有罰 不 我,我其不 可 乃 惟 誅,不在多、 以 天者 刑 · 怨 天。 1,言天 罰 言罪 民之 誅

作婁,俗爲屢,非也。 《毛詩・小雅・雨無正》、《大雅・桑柔》 及《雲漢》傳文。「屢」、《釋言》云「亟 及《雲漢》傳文。「屢」、《釋言》云「亟 及《雲漢》傳文。「屢」、《釋言》云「亟

瑕 殄 。 」 心,顧 非謀、 王 日: 乃 非 嗚呼! 彝, 德,遠 蔽 時忱。 乃猷,裕乃以民寧,不汝 封,敬哉! 丕則 敏 無 德 作 用 怨, 康 勿 乃 用

[傳日]言當脩己以敬,無爲可怨之事,

法 勿用 非、遠汝謀 安,則我不汝罪過,不絶亡汝。 敏德,用 非 善謀、非常法, 是安汝心,顧省汝德, ,思爲長久。 斷 行寬 行是誠 政 乃以民 道 無 令有

預注云「不以女爲罪釁」是也。利而不厭,予取予求,不女疵瑕也。」杜僖七年《左傳》楚文王謂申侯曰:「女專〔案曰〕「不汝瑕殄」,傳云「不汝罪過」。

獻也。从高省,曰象進孰物形。」俗作享,非也。聽,用康乂民。」〔案曰〕《説文》卷五下亯部云:「亯,汝念哉! 無我殄。享,明乃服命,高乃王曰:「嗚呼! 肆汝小子封,惟命不于常,

〔案曰〕《大學》引「惟命不于常」,鄭注:

用之。假借於爲于字,因附益《爾雅》,而鄭也。「于,於」、《釋詁》文。蓋秦漢間人也。「于,於」、《釋詁》文。蓋秦漢間人于,於也。」天命不於常,言不專祐一家

《釋詁》:「誥,告也。」則二字同也。汝,乃以殷民世享。」〔案曰〕「告」,唐石經作「誥」。王若曰:「往哉! 封,勿替敬典,聽朕告

享國。 順從我所告之言,即汝乃以殷民世世 〔傳曰〕汝往之國,勿廢所宜敬之常法,

〔案曰〕「殷民」即前文所謂「應保殷民」

者也。

尚書後案卷十五

尚書後案卷十六

聞

也。《釋文》。

[傳日]周公以成王命誥

康叔,順其事而言之。〔疏曰〕馬、鄭、王

爲

後録《書》者加之、未敢專從、故

日未

東吴王鳴盛學

周

王若曰:〔《釋文》曰〕「王若曰」,馬本作「成王若曰」。

酒

誥

道 成二聖之功,生 骨節始成,故曰成王。 日〕言成王者,未聞 〔鄭曰〕成王,言成道之王。 、賈以爲戒成康 也,故曰成。 此三者吾無取焉。 一號日 叔 也。 以 成王,没 或曰 慎酒,成就人之 俗 《尚書》疏。〔馬 儒 以成 以 因 爲成王 王爲少 爲 吾以 謚。

> 本以文涉三家,而有成字。鄭玄云云,本以文涉三家,而有成字。鄭玄云云,紫《青》者加之」,蓋以成是謚,故云然。鄭若曰」。據《釋文》所引馬注,則衛宏、賈若曰」。據《釋文》所引馬注,則衛宏、賈之所有成字,此漢學也。馬謂是「後録之所有成字,此漢學也。馬謂是「後録之」,蓋以成是諡,故云然。鄭、王,如湯稱武王,文王稱寧王之例。孔王,如湯稱武王,文王稱寧王之例。孔底,以爲「成道之王」,則鄭意以當時號爲成之,皆爲妄也。 無成字,晉人删也。

「明大命于妹邦。

酒。今禄父見誅,康叔爲其連屬之監。北」、「沬之東」,朝歌也。其民尤化紂嗜國屬鄘,故其風有「沬之鄉」,則「沬之〔鄭曰〕妹邦者,紂之都所處也。于《詩》

爲鄉 云: 歌近妹邑之南,故云「以北是」。《詩》又 都朝歌以北。 之一卷《邶 部云:「邶,故商邑,在河内朝歌以北。」是 朝歌之地,而各處其 東」,則沬北、沬東與沬鄉同被紂化,俱在 紂,淫惡尤甚。 謂之衛。」此以 與東,是地不方平,偏在鄘多故也。 ·沬之鄉」者,是《詩》又稱「沬之北」、「沬之 自紂城朝歌 傳 [案曰]鄭注「妹邦」云云者,鄭《詩譜》云: 疏 尚 書 曰]此妹 鄭必以朝 也。 「沬之東矣」,「沬之鄉矣」,即東與 疏。 〔馬 」妹,地 風 ○《詩 妹屬鄘,紂所都在妹,又在北 與 桑中》疏。 ,而北謂之邶, 沐沫 歌之 妹邦 三之一 名,紂 妹邦 但妹爲朝歌之所居也,朝 而于《詩》見于《鄘 屬 即 也,故爲地 南 卷《邶 〇又九之三卷《小 所都 牧養 爲 鄘,則在 偏矣。 鄘 鄘 朝 之地。 衛 者,以 南謂之鄘,東 歌 譜》疏。 《説文》邑 朝 以 風》所 歌 妹 《釋文》。 北 雅・伐 0 之南 邦 又三 北 稱 化 所

> 城而 也。 説非是。 《詩》咏沬之北與沬鄉、沬東同 帥。」是連、屬皆諸侯之長,得兼統數 民化紂嗜酒」者、《微子》言紂「沈酗于酒」, 然,則沬之北遠 孔故欲與鄭違異,以妹爲朝歌 沬之東,朝歌也」。 也。 言「更于此二國建 又言「康叔爲連屬之監」者,《王制》云: 下文言「嗣王酣身」,是嗜酒爲紂所化也。 鄘國矣。 鄘、在南、沫 五國以爲屬,屬有長,十國以爲連,連有 北謂之邶,南謂 則沫 鄭必言此者,考鄭《詩譜 沫鄉 疏附會之,皆妄也。 北 東 爲 即妹 邶 爲 于紂都,其俗當 衛 也 諸侯,●以殷餘民 益 矣。), 對 邦、沫、妹字通也。 之鄘,東謂之衛 以見沬鄉 北 故鄭言「沬之北 而 影既 鄭又云「其 刺 ,則沫 以北。 在南, 善,何以 言「自紂 乎? 封 國 鄉 康 者 傳 若 又 爲

職。」明 未詳。 邶、鄘,爲連屬之監故,被其教,亦猶文王 聞衛康叔武公之德。」如是康叔雖不得 之由,以爲其連屬之監 居岐、豐,化行江漢也。 九年,季札聞歌《邶》、《鄘》、《衛》曰:「吾 畿方千里之地,則太大不得封 叔不有邶、鄘者,《詩譜》以邶、鄘、衛 康叔之邑,而明大命于其處,故説 更于此二國建諸侯」也。 于 」,是鄭以 · 旄丘序》云:「衛不能修方伯連率之 衛,使爲之長,後世子孫 衛之先世 叔 未 爲方伯連率也。 有邶、鄘 故 知 《左傳》襄二十 也。 康叔 妹既 一國,故云 鄭 稍 爲監者, 屬 並 必 其 彼 爲 以 得 康

乃穆考文王,肇國 岐周。 傳曰]父昭子 至文王十五世。 [疏日]文王 穆, 在 文王弟 西 廟 王 次 《世本》云:「后稷 爲 稱 穆 以以 穆。 周 西 自

> 也。 爲昭 僕爲 穆,與文王同 虢叔,王季之穆。」亦王季爲昭,而子爲 言大王爲穆,而子爲昭。 昭,季歷生文王爲 公劉 生不 武之穆」,以繼武王爲穆也 其子與武王 十六國,亦曰文王之昭,則以文王爲穆, 組紺生 昭,高圉 《左傳》曰「大伯、虞仲,大王之昭」, ·, 毁 窋 爲 昭,皇僕 太王 爲 昭 揄 生亞圉 昭 生 一爲昭。 不 亶父爲穆,亶 穆也。 公 生 劉 爲 非 差 窋 生 穆,亞圉 弗 爲 穆。」據世次,偶 又曰「邗、晉、應、韓 慶 生 鞠 爲 又管、蔡、郕、霍等 穆、公非 節 穆, 陶 爲 又曰:「虢仲、 爲 穆 生組紺 父生季 差 穆, 生 弗 慶 高 生 鞠 節 爲昭, 為穆 歷 毁 幸 牛 陶 揄 皇 爲 生

云:「自始祖之後,父曰侶,子曰穆。」《國生,若稷、契也。」又《周禮•小宗伯》注禮•喪服傳》注云:「始祖者,感神靈而〔案曰〕傳云「父昭子穆」云云者,鄭《儀

爲武王,是文王爲穆也。 載見》篇云「率見昭考」,毛傳、 其譜牒,然自後遂以此爲定。 恐無此理。 正當穆。 稷、不窋」云云,與《世 語 十五,則必每世皆七八十歲 》周 而文始平之。」 太子晉 然后稷至文王千餘 蓋 不密 : 韋 后 失官, 竄居 昭 稷始 本》同。 注「十 基 生子方合, 年,傳 靖 是文 **五**. 鄭箋皆以 《周 戎翟,亡 民, 王 謂 頌 王 世 僅 次 后 Ŧi.

音祕。 皆讀若杭、《釋文》音非也 越小大邦用喪,亦罔 天降威,我民用 曰:『祀兹酒。』惟天降命,肇我民,惟元祀。 厥誥毖庶邦庶 少,詩照反。 惟 大亂 行,下孟反。 士,越少正、 非 喪德,亦罔 酒 惟辜。 〇[案日]古音凡行 御 非 〔《釋文》曰 事, 酒 惟 朝 行。

者,惟爲祭祀。天下威罰,使民亂德,亦不常飲。」惟天下教命,始令我民知作酒御治事吏,朝夕勅之:「惟祭祀用此酒,〔傳曰〕文王所告慎衆國衆士于少正官、

衆士, 俱在 目之。 亂 以「元」爲「始」,誤也 所使也。 下教命」者,以天非人,不因人爲,亦天 又云:杜康造酒,則人自意所爲。 酒 無 「稱秩元祀」,孔以爲『舉秩大祀』。」大劉 行。 爲 非 内。 以 罪 朝 《世本》云:儀 也。 于小大之國 酒 臣 少正、御治事 爲 顧氏 也。 行者。 疏 云:「元,大也。《洛誥 既 日」衆 總 言酒 所 狄 呼 用 造 爲 或 以 本爲 喪 酒,夏禹之臣。 其 即衆多 士,則卿 亡,亦無 卑賤,更别 祭祀, 言「天 國 大 不 亦 君。 夫 爲

或 戡黎》注:「文王爲雍州牧,故 慎」,《説 正 案曰〕傳以「誥毖」爲「告慎」 語增篇》云:「《酒誥》之篇『朝夕曰 也。」「少 」,此言文王戒 人」爲正官之首,則此「少正」乃正 文》比部文。 正」,官之副 慎 酒 也。」是也。 王充《論 貮 也。 得 者,「毖 衡》卷七 總告 西 祀 衆 伯 44

之副 者也。 總目庶士、少正而言,凡朝臣皆御治 之上, 豈卑賤者? 以爲卑賤,則非也。《牧誓》御事在三卿 説最明。 其卑賤, 事 魯有少 一卿等。 ,故稱 總指 朝 Ē 《左傳》 庶士。 更别目之,不在庶士之内。 其「御事」,傳云治事吏, 此文與彼同,不應有異,蓋 臣。 卯,則少正之名其來久矣。 蓋士之言事也,朝臣各有 鄭有少正公孫僑、《家語 若少正則爲其倅貳, 故傳疏以爲即 總 侕 疏 亦 Ħ 疏

怎字注云:「惠也。从心,**旡聲。烏代切。」俗加女,非**。 正、有事」二句,「正」作「政」。「愛」,「《説文》卷十下心部 越小大德,小子惟一。〔案曰〕鄭《周禮》注引「有 子,惟土物愛,厥心臧。 庶國,飲惟 文王誥教小子、有正、有事,無 傳曰〕小子,民之子孫。 教之皆無常飲酒。 祀,德將無 醉。 聰聽祖考之彝訓, 惟 正官、治事,謂 于所治衆國 日 我民 彝酒。 迪 越

> 之驗也。 傳》因此言「宗室將有事 文 飲 得有醉與不醉、出與不出之事。 惟專一。〔疏曰〕衆國祀得 祖之常教,于小大之人皆念德 物皆愛惜之,則其心善。 主 酒 化 惟 當 我 因祭祀, 民 7,教道 以德自將 子 孫 ,,族人皆入侍」, 惟 子孫皆聰 土 飲酒。 無令至醉。 地 一, 則 亦一 所 聽父 生之 子孫 隅

士。 傳以彝酒爲常飲酒者,《韓非子》卷七 子者,小子血 治事,即上文所謂 天子失天下,匹 曰:『無彝 有事」,則朝臣盡之矣。 〔案曰〕「有正」爲正 大傳》者,彼文云:「宗室有事,族人皆 説林》篇引紹績昧對宋君 蓋正官之首即正 酒。』彝酒 氣未定,尤易縱 夫失其身。」是也。 「少正」也。 官,即上文所謂 人也。「有事」爲 酒 而必先之以小 也。 E: 曰「有 酒 常酒 康誥 故 疏引 庶

意也。 燕私 宗之家也。 也。」是也。 者成于宗室也。 倦,若是則兄弟之道 醉 侍 大宗,繼禰爲小宗。』 賓,寮友 事謂祭祀,大宗謂卿大夫以下宗室,大 而 而 者 出 不止是不忠也。 日 德將無醉,族人之志也。」鄭注: 是不 何 大宗 也? 祭已而與 《禮志》: . 親 已,侍于賓奠, 也,醉 故曰 『别子爲祖,繼别爲 備。 飲而 而不出 親而 族 備者成 醉者,宗室之 甚敬,忠而不 人飲也。 然後燕 是渫宗也 助祭者 也,成 私

丈反。 下之一。 ○〔案曰〕「牽」,古文《尚書》作「爲予」,見郭忠恕《汗簡》卷 厥父母慶,自洗腆,致用酒。 厥長。肇牽車牛,遠服賈,用孝養厥父母。 妹土嗣爾股肱,純其藝黍稷,奔走事 賈音古。 「洗」當作「洒」,滌也。 也。 養,牛亮反。洗,先典反。 从水,西 〔《釋文》曰〕長,之 聲。 腆,他 先禮 ,厥考 典反。 反。

〔馬曰〕洗,盡也。《釋文》。○〔案曰〕「洗腆」二

誤。 指父。 者, 文。《釋言》云:「肇,敏也。」郭璞引此經 妣。」郭璞以 卷下《商賈》篇云:「商之爲言商其遠近, 爲善者,《毛詩· 文》貝部云:「賈,坐賣售也。」是也。 解之,其義勝孔傳 引此經爲證 子乃自潔厚,致用酒養也 珍異,孝養其父 其所有,求易所無,遠行賈 走事其父兄。 肱之教、爲純 第六卷補 字音並馬注 〔案曰〕上文「聰聽祖考」,此「厥考」, 洒滌有潔義也。 腆爲厚者、《方言》文。 現存《釋親》:「生曰父母,死曰 此 傳 是 爲「對文如此,散文則通 日」今往 條注疏所采、《釋文》俱 也。 農功既畢, 之行,其當勤 母。 皇矣》傳文。 傳以 也。 使妹 馬訓盡未詳,疑 其父母善子之行, 肇爲始、釋詁 賈爲賣者,《 土之人繼 (賣,用其所得 始牽車牛, 又《白虎通》 種黍 漏去,從足本 洗 稷,奔 爲 説 考 潔

度其 利 義故也。 不稱商,而謂之賈者,欲見留養父母之 商、賈本不同。 我待價者也。』即如是。 閉 賈之爲言固 『欽厥父母』,欲留供養之也。」據此是言 牛,遠服賈」,用遠 I關,商旅不行。』《論語》曰:『賈之哉 也。行日 有亡,通 商,止曰賈。 固 四 有 今以牽車遠行之商,乃 方之物,故謂之商 其物, 行 可 《書》曰『肇牽車 《易》曰: 以待民 知也。 來, 《方言》 『至 日 求

中至尊,故先教子孫,乃及庶士衆百舉至尊,故先教子孫,乃及庶士衆百衆伯君子,統庶士有正者,經戒慎酒,從正者,其汝常聽我教,勿違犯。〔疏曰〕正者,其汝常聽我教,勿違犯。〔疏曰〕正者,其汝常聽我教,勿違犯。〔疏曰〕衆伯君子、長官大夫、統庶士有庶士有正,越庶伯君子,其爾典聽朕教。

官之首。各見上文。上文言庶士而繼〔案曰〕庶士,統卿大夫而言。有正,正

曰,爾克永觀省,作稽中德。 「爾大克羞者惟君,爾乃飲食醉飽。 丕惟

「羞,進也。」
「羞,進也。」
「歲,則君道成矣。〔疏曰〕《釋詁》云:教汝曰,汝能長觀省古道,爲考中正之矣。如此汝乃飲食醉飽之道。我大惟矣。如此汝乃飲食醉飽之道。我大惟

得飲酒也。此戒妹土邦國之臣,而傳以蓋邦國有養老之禮,及君與其臣燕飲則愚謂羞耇,養老也。惟君,君燕其臣也。之道,則爲君矣。文義紆曲,不可從。〔案曰〕「羞耇惟君」,傳以爲進于老成人

皆戒臣之詞。爲戒其君,故悮耳。「觀省」、「作稽」,亦

王家。」〔《釋文》曰〕饋,其位反。 王正事之臣,兹亦惟天若元德,永不忘在「爾尚克羞饋祀,爾乃自介用逸,兹乃允惟

其大德而佑之,長不見忘在王家。 道,乃信任王者正事之大臣,亦惟 曰〕能考中德,則汝庶幾能 鄭曰〕饋祀,助祭于君。《尚 能進饋祀,則汝乃能 進 自大 書》 饋 疏。 祀 用 天順 逸之 于祖 傳

若助祭王 祀,先得飲酒之事,當從鄭 祭乃卿大夫助祭于侯國,非諸侯助祭于 土、恐其 侯助祭王朝, 飲酒,足以明之,此 祀」,傳謂祀其祖考,則上文已言惟祀 〔案曰〕鄭云「饋祀,助祭于君」者,此 在本國 朝,自無縱酒之事。 亦是 習染 助祭,但 處何必 惡俗,故誥 此 又及 爲 然則 主 助 卿大 于 祭。 戒 ,教妹 此 夫 助 諸 饋

(傳曰)我文王在西土,輔訓往日邦君及(傳曰)我文王在西土,輔訓往日邦君及(傳曰)我文王在西土,輔訓往日邦君及

暇 反。 畏天,顯小民,經德秉哲 王曰:「封,我聞惟曰:在昔殷 乙,成王畏相。 自逸, 矧曰 暇,遐嫁反。 其敢崇飲? 惟御 事,厥棐有恭,不 ,自成湯咸至于 [《釋文》曰]相 先哲 王 自 迪

猶保成其王道,畏敬輔相之臣,不敢爲小民,常德持智,從湯至帝乙,中間之王〔傳曰〕殷先智王,謂湯蹈道畏天,明著

乎 ? 非 有 聚 惟 明無· 恭敬 也。 殷 御 也。 之德, 暇 治 逸 **「**疏 事 猶 之 不 日〕《釋詁》云: 不 臣 敢 敢, 況 一, 其 自 寬 輔 暇 聚 佐 自 會 畏 逸豫。 飲 相 酒 之

不害以 《乾鑿度》皆以湯名帝乙,而此 《易·泰》及《歸 兄弟相 帝乙爲成湯、《書》之帝乙,六世王同名, 即紂父。 帝乙,帝乙,湯之玄孫之孫也。」此帝乙 者、《乾鑿度》又云:「孔子曰:自成湯至 孫同以乙日生,疏可同名。 辛立,天下謂之紂。]是帝乙紂父也。 玄孫之孫」,又云「六世王」者,言玄孫 案日》、史記 見恩所殺止,更言之孫則無恩見矣。 い明功。 及者,從湯至帝乙十六世,而 殷道質,以生日爲名,玄孫之 殷本紀》云: 考《殷本紀》,商世數不數 妹》皆云: 「帝乙歸妹。」 故曰《易》之 「帝乙崩,子 又爲紂父 云

御治事者而言之。也。此言「御事」,蓋亦總目朝臣,合凡王」者,六世以後之王,以恩絶于六世故孫者,通遠近言之,雖百世亦孫。「六世

越在外服,侯、甸、男、衛邦伯,

充也。」充實則集聚,故崇爲聚也

名者, 服 服。 此 言 周九服之名始于殷,皆可。 或 [傳日]于在 名,此特借周名以言殷制; 衛,乃據 國君,伯言長,連、屬、卒、牧皆是。 案日」前《康 · 國 最 脱封 伯 名 不 又因衛爲蕃 諸侯之長。 或殷本沿虞夏甸、侯、綏、要、荒之 借 見經注,無以言之。 小 建之制,説見《皋陶 周 僅, 周名以言之耳。 制 外國侯 方三千里,必 誥》敘首言侯、甸、男、 此節言殷,亦 衛 **「**疏 故不言采 服 日〕舉四者 甸 服、男服 無九服之名, 或周因殷禮, 其 實 但 謨》,獨殷之 鄭注《王制 舉周服之 鄭謂殷 也。 般 以 總六 或 衛 一時 采 服 謂

耳。 服 連、屬、卒,恐不可名伯。」正義亦 伯當兼當州之牧,並天下二伯而言,若 不足據。正義言:「六服支綴甚矣 夷、鎮、蕃,則六矣。 服 蓋 甸、 又服 周九服本除 侯、綏、要、荒 數 非五 即 畿 而 然《周 九 内 已,不 惟《 連 官》僞 畿 周官》言六 言采, 内,除蠻、 非 書,亦 1 省 邦 文

越在内服,百僚庶尹、惟亞,惟服宗工 爲言。 夫及 無服 夫服 亞兼士者,以 亞」,傳云「次大夫」者,謂 爲總之文。 官首者,亞次官首,故云亞,舉大夫 傳曰〕于在内服治事百官衆正及次大 ,故知兼之。「惟 士,士亦有 數,故爲服治事 事尊官。〔疏曰〕畿外有服數,畿内 其實士亦爲亞次之官。必 但 此 百官衆正,除六卿亦有 經文上 官首 服宗工」,總上「百 也。 而 下更無別 雖爲大夫 爲 言百官衆正, 政者。 見 尊 知 不 大 惟

庶尹」及「惟亞」。

義以亞 即有 言大夫者不 案曰」「百 事 兼大 也 僚 大夫士 同 惟服宗 庶 尹 則 即 與《牧誓》「亞 工」,總言之。 有 正 也 惟 正

「越百姓里居,

仕居田里者」也。 族姓,而與「里居」爲總,故云「卿大夫致 里者。 〔疏曰〕「百官族姓」,謂其每官之 【傳曰〕于百官族姓及卿大夫致仕居田

(案) 居田 四種 之三、王子弟三。 大國 田三,王 七、王子弟九。 種 ,大夫之田 九,凡三種,三公之田三,致仕 ,卿之田六,致仕 里者」,則《載師》三等采地。 「百姓」,説 子弟六。 二十七,致 縣内次國二十 並見《王制》鄭注。 稍 詳《堯 内 者 小國六十三,凡 副之六,三孤之 典》。 仕者副之二 其 者 致 置 副 内 什

邑, 説 田 可 義 謂 畿内九十三國,三代皆同 無地,故公卿大夫皆有致仕副 ,既致仕 殷亦與周同 有「致 仕 不 可 者 仍 副 食采邑,身又見存 之」者,以 在 朝既有 則致仕 邑。 副 鄭 正

正人之道,必正身敬 雅・賓之初筵》疏。 傳曰〕自外服至里居,皆無敢沈 鄭曰〕飲 ,非徒不 惟助其君成王道 酒 · 敢 齊 、志在助君敬 色日 ○又十八之一卷《大雅 湎。 法 明明 《詩》十 其德 法,亦不暇 于正 四之三卷《小 蕩》疏 湎 飲 于 于

文案 天不湎 水 而 曰〕鄭云「飲酒齊色」者、《蕩 一部,面 即引《周書》此文以證。 部云:「 女以 皆變爲一色。 「湎,沈 酒」,彼疏引此注。 于 酒 《説文》卷十 也 沈于酒 从 水, 》詩 面 飲 云

作

「自」,俗本多誤爲「嗜」。

反。 逸。 腥聞 死。 于民 亦作佚。衋,許力反。 馨香,祀登聞于天。 腆于酒,不惟自息乃逸,厥 非彝,用燕喪威 我聞亦惟曰,在今後嗣王酣身,厥命罔 是也。 以 也。」《小雅・都人士》傳亦云「尹、正 齊色,意亦同,故傳云「沈 易如字,馬 辜在 天非虐,惟民自速辜。」〔《釋文》曰〕酣,户甘 在上。故天降喪于殷,罔愛于殷,惟 祗,保越怨,不易。 尹爲正、《釋言》文。 祗爲敬,辟爲法 商邑,越殷 以豉反。縱,子用反。 儀,民罔不 ○〔疏曰〕「庶羣自酒」,「自」,定本 誕惟民 國滅, 誕 郭璞曰 ,並《釋詁》文。 心 惟 ュ 無罹。 怨,庶羣自 湎 泆音溢, 疾很,不克 厥 傷 縱 :「謂官正 心。 也。 弗 淫 又作 泆 惟 傳 惟 酒 也 德 畏 荒 于 顯 又

怨,不 用 于民,無 燕安喪其威儀,民 日」嗣 口 '變易。 顯明之德,所敬 王 対也。 大惟其 酣 無 樂其 縱 不 所 淫 衋 身。 安, 泆于非 然 皆 痛 施 在于 政 其 令

荒,腥 發聞 邑而 愛于殷,惟以 淫 民行惡自召罪 心 虐 任之。 其 紂 疾狠其心,不能 一穢聞在上天,故天下喪亡于殷,無 惟爲 大 德,使祀見享,升聞于天。 厚 民 于殷國滅亡, 于 紂奢逸故。 所怨咎。 酒 晝 畏死。 夜 不 衆 無憂懼 念自 天非虐民,惟 羣 聚罪人 臣 息 用酒 大 在 乃 不 沈 调

血、聿,一 《説 則 十八皿部云:「衋 酣 案曰]傳以酣 與《説 聿 》卷上之二云:「衋,古文《尚書》作衋。 所亂,非 ,酒樂也。」是也。 力切」是也。 文》卷五上 及 皕 皕 文》 聲。」 顧 乃改人 及孔 野王 血部云:「 即 爲樂、《説 引《周 傳合。 ,痛甚也。」此字本从血 元本。 二部, 玉篇》卷中第二百二 又以 書》此 衋 恐《玉篇》爲後 至 其 文》酉部云: 衋 ,傷痛也。 郭忠恕《汗 云「痛甚」, 傷爲痛 文以 傷,

馨香,登聞 謂殷 傳文也。 也。 將亡,其政腥臊,馨香不登。」章昭 夏日 大。 更不 于神。」正此 文。《説文》無此字 罹爲憂,《釋 書》曰『率割夏邑』,謂桀也。『在商邑』, 張乃云 从聿从皕。」 出 上」者、《國語》卷一 都者,《白虎通》卷上《京師》篇云:「京, 腥臊,臭惡也。 《義雲章 夏 可 也。」是 師,衆也。 傳以自爲用、《詩 解。 Ξ 邑,殷曰商邑,周 王充《論衡》卷十四《譴告篇》 ·》。」从 于天。「庶 疑皆非 皕音逼, 皕乃聲, 非从皕 又張參《五經文字》云:「衋 説 義 詁》 及《王 天子所居,故大衆言之。 此 也。 登,上也。 血 經 也。 《周 蓋古作 者, 腥,俗字本當 以 邑爲 語 風 羣 「商邑」,傳以爲 周 又改爲 自 上 | 尝: • 日京師。 頌 芳香不 離 酒 兔爰》毛 都之義也。 也。 从 執競》毛 腥 「國之 夕, 作 弗惟 上 聞 日 《尚 聞 在 傳 則 而

此經之意也。酒』,非疾之者,宜有以改易之。」亦是説酒』,非疾之者,宜有以改易之。」亦是説云:「紂爲長夜之飲,文王朝夕曰『祀兹

毖殷獻臣,〔《釋文》曰〕監,工陷反。劼,苦八反。命,我其可不大監撫于時? 予惟曰,汝劼曰:『人無于水監,當于民監。』今惟殷墜厥王曰:「封,予不惟若兹多誥。 古人有言

曰,汝當固慎,殷之善臣信用之。 (傳曰)我不惟若此多誥汝,我親行之。 (傳曰)我不惟若此多誥汝,我親行之。 (傳曰)我不惟若此多誥汝,我親行之。

曰:「王盍亦監于人,毋監于水。」戰國蔡空言作誥,非也。《吴語》申胥諫吴王不在多言耳。傳云「我親行之」,欲見非〔案曰〕《多方》亦曰:「我不惟多誥。」言

固亦慎 久矣。 典殷獻民」,亦此意。 膚敏」者也。 也。」聖是通明之號也。 戒之。其後教成王治洛,亦曰「其大惇 澤説應侯曰:「監于水者,見面之容; 十三下力部云:「劼,慎也。 于人者, 即引《周 也。 傳以「劼毖」爲固慎 知吉與凶。」則民監之言,其 「殷獻臣」,殷之故 人望所在,故欲其周 書》此文以證。 《釋言》云:「獻 ,而《説文》卷 固而 家, 从力, 慎之, 一般士 固 慎 來

廢、置、殺、生、與、奪。此太史、内史即作九卷《玉藻》疏。〔傳曰〕侯、甸、男、衛之、別、當慎接之、況太史、内史掌國六典。依屬禮》,治典、教典、禮典、政典、刑典、國、當慎接之、況太史、内史掌國共為的國、當慎接之、況太史、内史掌國共法所國、當慎接之、況太史、内史掌國共法所國、當(朝口)太史、內史掌記言、記行。《禮記》三條、甸、男、衛、別太史友、內史友?

六00

朝之官。「所賓友」者,敬也。宏父,是諸侯之三卿,明太史、内史非王康叔之國大夫,知者,以下圻父、農父、

之事。 《春秋》,明以左史爲《春秋》矣。 也。 《尚書》當右史所書。」彼疏又引熊 史書之。」彼注云:「其書《春秋》、《尚書》 者、《玉藻》云:「動則左史書之、言則右 史書曰『崔杼弑其 時,與太師 疏 具存者。」●《記》文先言左史,鄭注先言 左史所書。 云:「《春秋》是動作之事,故以《春秋》當 凡命諸侯及孤 案曰〕鄭云「太史、内史掌記言、記行 八年《傳》曰:『内史叔興父策命晉侯 云:「《周禮·太史職》云: 周禮》内史掌王之八柄,其職 在君 ·同車。 《尚書》記言誥之事,故 左廂 卿、大夫,則策 記事,則太 襄廿五年《傳》曰 八君」。 是太 史爲· 八史記 太史抱 命之。」僖 故彼 左 動 安 云 中 作 期 以 疏

周。 《周 《傳》云:「史佚,周 誥》史佚命周公伯禽。 服虔注文十五 史爲左史,內史爲右史。」是以《酒誥》云云 云: 爲侯 事之要戒,俾戎夫言之。」《汲郡古文》亦 史亦攝之。 注云云,是内 在 史是右」者,彼亦宣 命,以内史闕故 論正法,若有 左史記言矣。然《古今人表》云「右史戎 鄭使太 君之右,故爲右史。《大戴禮》卷八《盛德 「内史、太史、左右手也。」盧辯于彼 書·史記》篇云:「維正 「穆王廿四年,命左史戎夫作記。」似 昧爽,召三公、左史、戎夫,乃取 伯。」是皆言誥之事 史命伯 《覲禮》賜「諸公奉篋服,太 闕 史記言,太史記 ,則得交相攝代,故《洛 也。 石 成王太史。」襄廿年, 爲卿」,皆太史主 行王命,故 若太史有闕,則 0 是内 月,王在 行也。」此 注亦云: 居 史 所 年 成 内 遂 掌

侯國 史,内 内史爲 非 記言、記行,不及六典、八柄 子,昭十三年楚有左史倚相,侯國 右史,則即太史、内史可知也 乃荀悦《申 禮記》正 國官制雖 事 也 所 于 則 了史即 有。 事 廟 侯國之官。 左字是誤,否則亦 爲《春秋》,言爲 相反,非 右史。 鑒》云:「古者天子 相放效,若六典、八柄,恐非 傳言掌典法,疏附會之,皆 朝有二史,左史記言,右史 襄十四年左史 也。 據熊疏 今此 闕 《尚 太太 者,王 疏 諸 圃 書 以 代 侯 介謂 史 鄭惟 太史、 「》。」與 攝 有 一朝與 即 有 魏 左 左 莊

越獻臣 之近 ·可不 曰〕服休, 臣 百宗 慎, 。《尚書》疏 〔疏曰〕「于善臣」,即上經「殷 İ. 況 一,矧惟 汝身事服 燕 息 〔傳曰 之 爾事服休、服 近 行美道 臣 〕于善臣百 服 服 采,朝 采? 尊 事 治 官

> 臣也 邦本,諸侯治民爲事故 即上汝之身事。 太史、内史 百百 也。 尊 官」,即 服 知服事是治民者,民惟 行 美道 也 上侯、甸、 服 事治民」, 男、衛、

道、服 何以 與鄭異。考此處上下文皆指 故以服采爲朝祭之近臣 燕息之近臣。采之言事 文》木部云:「休,息止 案曰〕鄭以 若 爾事忽指 疇 治民乎? 圻父,薄違農父,若保宏父,《釋 服 父音甫。 身事 休、 其説: ,服休、服 服采爲近臣者、《 薄,蒲各反,徐又扶各反 非 也。」故以服休爲 也。 也。孔傳云云 朝祭皆大事, 百工 采爲服 官職 美

違如字,徐音回 文》曰〕圻,巨依反。 矧 惟

司馬。 所 主封畿之事。 鄭曰〕順 順疇咨之司馬乎? 農父,司徒。 違,行也。《釋文》。 壽 萬民之圻父。 《詩》十一之一卷《小雅·祈父》疏 身事 況能 (傳 · 且 宜 圻父謂 迫迴萬民之 曰〕圻父, 敬 司 馬,

任大。 迫近 所順所安和之,故言「當順安之」。 言大 父者,以營造爲廣大國家之父,因 專,故隨順而疇咨之,言君 之藝,故言農父也。 而分之。 云圻父。 司 徒 乎? 迴繞於萬民,言近民事也。 當順安之。〔疏 「宏,大」、《釋詁》文。 父者,尊之辭。 言 任 大。 日〕司馬 司馬征 大 司徒致民五 也 所順 伐, 閪外所 主圻封 司空亦君 宏父, 二者皆 疇 |節文 也。 土 故

雅 其職號之,故曰祈父。 爲司馬, 軍之事,有九伐之法。 〔案曰〕鄭以「若疇」爲「順壽」,又以 '圻之兵甲。」鄭箋:「此司馬也,時人 謂 祈父》毛傳:「祈父,司馬也。 「此司馬職其掌封畿,時人以其 司馬也。」又云:「祈父之職,掌六 「主封 畿之事」者、《詩 祈、圻、畿同。」 《書》曰『若 疇 圻 職 圻 以 彼 掌 父

《祈父》疏引鄭注以爲「順壽」,又云:「定 此字,當是屬之誤。 文》云:「鴷,此古疇字,本亦作壽。 將田形、語 造裏字,以當壽考之壽,又强加田傍, 必作暠矣。 疇」,孔解爲「疇咨」,使其解果是,則字 **眼**,或作**是**,語 本作『若疇』,與鄭義不合,誤也。」又《釋 而驷哥皆从配得聲者也。今此經「若 答」以證,誰也,則作己的。 俗字,無理,不可用。《説文》田形則 畿同字,得通用,故此作「祈」,《尚書》作 作畿字,今作祈,故解之。 號之,故曰 尚書》直留反。 疇字當之,故妄改孔本作疇 考「若,順」、《釋言》文也。 詞、誰也三字皆廢不用, 槩以 祈父。」但 而今乃作疇者 詞則作圖, 馬、鄭音受。」然爲又 職 陸德明不識 掌 封畿、兵甲 三字各不同, , 祇因俗人妄 古者祈、圻、 引《書》「到 耳。 疇 又 本

王朝 國。」此皆綏靖萬民,使 鄭以爲順 也。 壽,解 壽 守平則,以安邦國, 職,以任邦國,簡稽鄉民,以用邦國, 維邦國; 國;進賢 畿封國 是从了字、又字兩字得聲也。 得聲。亦如卷二上口部屬字注「从口,嗎,又聲」,乃 字、卷四下受部、命字,並殖酉切,故音受 者,馬、鄭本 掌建邦國之九法,以佐王平邦國。 古 詞 高字注「从老省,爲聲」,當是从配字、口字兩字 I疇字。 民之圻父」也。「薄違」,傳云「迫 如此,侯國當略 ,作「若暠」,于義無 爲「順壽」。 以 制軍 興功,以作邦國,建牧立監 言語 正 萬民者、《夏官 也。 「馬、 邦國; 詰禁,以 《説文》卷八 鄭音受」者,蓋 《釋文》云「本亦作壽」 比 設 放其制,故鄭云「順 糾 各 小事大,以和邦 儀辨位 司馬主兵甲,而 邦國, 取 得 大司馬 故, 故 順壽之事。 上老部 以以 施貢 破 以 等邦 | | | | | | | 膏 以 分 均 制 爲

> 句法平列,若壽爲順壽萬民,薄違 卿,司徒、司馬、司空,圻父、農父既 也。」 順安之,語勢欹側,非也 口 馬、司徒,宏父自是司空也。 三卿一例 樹藝。」故傳以農父爲司徒 與水違行。」荀 違 之義,馬與傳同 流,上下違行。」蓋 辨十有二壤之物,而知其種,以教稼穑 萬民,若保當爲順安萬民。 而 《説 馬 以違 文》卷二下是部云: 爽曰:「天自 爲行者、《訟·象傳》: 也。《地官 相違而行,即 大司徒》: 西轉,水自東 也。諸侯三 傳别言當 宣, 有迴 是司 爲 迫 繞

定辟, 矧汝剛制 **毖殷獻**」以 斷于酒乎? 卿,慎擇其 接之,其實總上也。 傳曰〕司徒、司馬、司空,列國 人而任之,則 下,獨言三 [疏日][定辟 于酒?〔《釋文》曰 卿者,因文相 君道定,況 」,總上自 门辟,必 . 諸 侯 汝 亦 劼 反。 剛

于周 湎 厥 或 酒 子, 子 其 勿庸殺之,姑惟教之,〔《釋文》曰〕佚 曰 殺 羣 又惟殷之迪諸 飲。」汝勿 佚。 盡執 臣 惟 拘 以 乃 歸

有異。 令**,** 且 乃沈 久,故 擇罪重者殺之。 紂之舊臣,乃羣聚飲 惟殷家蹈惡俗諸臣,惟衆官化紂日 以 用 歸于京師 上命,則汝收捕 日〕其有誥汝 湎 惟教之。〔疏 不 于 可 酒 ,我其擇罪 即殺。 勿用法殺之。 殷之諸臣,漸染紂惡 日 之, 「民羣聚飲 據意不 日〕衛國之民,先 酒 恐增 勿令失。 重者 同, 而殺之。 必三申法 長 昏 故 酒。」 盡執 非 拘 不 否 H 故 又

手部云: 縱失之也。 案曰〕傳 盡執 「 抲, 以 拘 佚 當作抲、《説文》卷十二上 撝 抲。』虎何切。」字又通 爲失,古字佚 也 从手, 可聲。 與 失通 周 作

皆是 傳》: 廣傳 苛。 則 留」並作苛。 人》注 時」,正此 僚友,是其時 兹酒」,及鄉 文》云:「苛音何, 云: 至 注:「出 衣服,持操及疏數者。」《地官 又作呵。」故《天官・宫正》注:「幾呵 幾酒,不得 以 必 「苛察沽 説 字 不 也。 秋 「苛其 重 斷 文》敘 館陶公主行 「廣飲醉 鄉無節,過所則呵問。」《漢・ 官 以 經 法。 • 出 所 飲 拘 非 上 而《閽人》釋文又云:「苛本 也。」: 買 俗書之謬云: 萍 謂 酒 時 『苛人受錢』,苛之字。止 人」、《秋官・環人》注「 諸 過 霸陵,尉 氏 抲 ,及昏娶爲 文 當爲 然則 又呼何反。」彼 多 時謂 ()|| 掌 馳 **羣飲也。** 並 及 道 與抲 彼注 抲。 非 若《酒 中,充呵 THE 時 止廣。』《江充 同,經 酒 「苛察」、「非 《天官 者。」 廷 孔誤 食召 語》 『惟 • 尉 鄭 問之。」 疏 比 説 言執 鄉黨 云: 彼 苛 閽 拘 其 祀 注

是也。 情也。 後尚 可禁 僞孔 以 工 殺」,猶爲疑詞,及其論 之禁令,禁其以 誤爲句者,則拘之誤爲拘 故許慎以爲不合。 句 酒罪至于殺者,《 云「工官」,鄭箋以工是諸侯之卿 可,今乃从止从句,爲告字, 也。」此不 爲官者、《周 有此禁, ,但僞孔竟解爲 則搏而戮之。」 「諸臣惟 合孔氏古文。 故 有賜 屬遊 工」,諸、惟 角禮 頌》「嗟嗟臣 然即此 飲食 蓋古 酺 收 • 司 之令。 決, 捕, ,●亦未必始于 就》:「掌憲 有此法,漢 于市者,若 是 則 可見有以 苛字从 則非矣。 經典 又必 語 工,毛 助 所 / 艸从 其 其 以 口 飲

「邓ヨン圻,斤豆。 幸惠明《涇典釋文》六卷。恤,弗蠲乃事,時同于殺。」 「有期明享。 乃不用我教辭,惟我一人弗

○《毛詩・陳風・墓門》音義。 〔傳曰〕汝有此明〔鄭曰〕斯,析也。陸德明《經典釋文》六卷。

見殺之罪。一人不憂,汝乃不潔汝政事,是汝同于訓以享國。汝若怠忽不用我教辭,惟吾

王曰: 潔、毛詩· 析明白之訓, 以斯爲此, 離。」《説文》十四上斤部與毛傳 雅》云:『斯、侈、離也。』孫炎曰: 《釋文》引鄭《尚書》注云云,又云: 門》云「斧以斯之」,毛傳:「斯, 案曰〕鄭云「斯,析也」者、《陳 「封、汝典聽 非也。 小雅・天保》傳文。 以享國 朕毖,勿辯乃 「有斯明享」,言 也。 傳又 司 以 同。 析 風 斯 有 民 蠲 |《爾 也。」 湎 分

當正身以帥民。辯,使也。勿使汝主民之吏湎于酒。言注,使也。勿使汝主民之吏湎于酒。言

于酒。」

❶ 上「拘」字,據文義當作「抲」。

六〇六

傳文也 案日 傳 以 司 爲主、《詩 • 鄭風 羔裘

劉向 句,想是伏生于他 見 此等句。」應麟此説亦非也。 封,惟曰 脱之謂。 侯三家經文、《酒誥》脱簡一。 聞》謂:「劉向 皆不明 得言俄空,此言甚可疑。 篇俄空焉,今亡夫!」《酒誥》今見在,何 云:「昔之説《書》者序以 又案曰〕揚子《法言》卷四 有脱簡 有 故今《酒誥》亦無此句。 以 而 陽、大小夏侯三家所輯、「圭璧」之 確 今文 中古文校今文,所云脱簡者乃古 若圭璧。」今無此句。 即 而《大傳》引《酒誥》: 徒亂. 應補 無。 以 人意。王 中 《大傳》則 人,必不任其脱落。 處别 古文校 得逸文,古文所 百 李軌、吴祕 應麟《 歐 伏生今文之 其俄空自 而《酒 劉向校書, 陽 | 問 疑所脱即 俄空即 王 、大小 困 神篇》 學 日 但 夏 簡

> 當之。 其本,遂以爲「俄空」耳。 別本,將《酒誥》混入《康誥 《酒誥》之文以爲《康誥》,蓋《尚書》或 古今文皆有,子雲豈有不見? 説。 孔壁古文漢大儒多見之,況《酒誥 孟寶問一條,竟以子雲不見孔壁古文爲 甚完善,又何從 尤大誤。反覆考之、韓非 全亡,非 然則《 : 脱 一 酒誥》既已全亡,今《酒 簡之謂,不 而出?《朱子語 , 可 識古者詳之。 以「圭 湯,揚 説林》篇引 ○ 語 雄偶 類

尚書後案卷十六

尚書後案卷十七

東吴王鳴盛學

周

梓

材

臣 王 曰 王惟邦 「封 以 君。 厥 汝若恒 庶 民 暨 厥 越 臣 日 我有師 ,達大家 師 ",以 厥

用其衆 君。 通 鄭曰〕于邑言達大家,于國言達王 達 通 王 卿 謂二王之後。《尚書》疏。 大 教于民,通 人之賢者,與其小 夫 及 都家之政于國。 民 事于 國。 臣之良者 [傳日]當 通 用 其 與 以 臣 邦

政」。 民,惟 以 小 于國,故連言之。 之政謂采邑所有政事,二者並 大家總包大臣,故言 公卿所食邑,家謂大夫所 令,上達于國,使人 邑,而大夫 夫在朝者。 家、對士庶有家而非大、故云大家、卿 其言以爲政,又用其人 用,明此皆賢與良也。 于是曰我 有都家之官,鄭云:「都謂王子弟所 大家所用,統之即君所遣也。 家」之上,故知小臣 用 臣與庶人,故得通王教 卿大夫之政謂 乃國 也。 有典常之師 暨,與也。 所治亦是也。 君之道。 都家,卿 用 臣 也。 君知之也。 大夫所得邑,又公 汝 在 「卿大夫及都家之 即用卿 可 言用,通 朝 惟 以爲輔,本之得 「厥臣」文在「大 言用之者,既用 于民 食采地。」傳以 師 所 君 用 法。 掌 道 此 大夫 當通 以大夫稱 也 者, 使 以行 《周 厥 疏 順 都家 達之 臣 都家 対及 日」 政 口 大

之道。 于王,下治民事,故交通其政,惟乃國君

翫鄭 于國。 之,以 君政, 統領二 孔 民 故 用其臣之賢者,以 大夫采邑。 案日」 大家」是本國 及小 也 所 鄭 注 以 改 亦須 以其 王與邦君是他 則 」,《公劉》 爲「二王之後」。二王之後 也。 臣之賢者 王之後 鄭 此二者皆 社 封 注 建 稷 用 不臣,更别目之。 經「惟」字當 王 又其所 云云 諸 之 庶民,但言臣者,省文也 卿大夫采 與邦君並言,則非 鎮。 與 侯,使 以 者, 州牧之所 列 詩 達二王後及邦 職 邦之君。 「九兩」所 國 達 所 康 乃 與大家巨室共守 大 謂 作 當 叔 故言 「于國」 地,故鄭言「于 家 「君之宗之」。 所 州 有 之政 暨」,疑是僞 之牧, 治,當 達王及邦 言 事 謂「宗以 用 也 君 于 :天子, 亦 之政 邑, 其 故 有 也 邦 庶 卿

是卿 之田 制。 大家 禮 馬」、「家司馬」注文。 傳又言「都家」,則非 家」,是 都,卿之采地。」大夫稱家 氏 侯之上大夫卿。」鄭注 則然,散文則可 周 都家之官」注,乃《夏官敘 兼 無 公分康 田 錡 任 降至 言 文。《載 亦大夫。」《孟 但 、楚昭、屈、景之類、皆是也。 爲 載師》云: 侯 卿亦 都 哥 兼 國 春 樊 叔 家 地 卿 亦 稱 秋 氏 以 大 則連《 者 師》家 有 殷 家。且 ,猶有晉六卿、魯三 饑 「家 總言家。 夫者, 兼 卿、大夫,則 民 氏 子》「孟 邑,大夫之采地, 七 舉之,與侯國 載 邑小 、終葵氏, 是。 愚考侯國之制,經 侯 云"「上大夫曰卿 族,陶 師》所 是也。 國 《王制》云: 卿 都, 疏附會之, 不可言都也 獻 氏 稱都 制 云「以大都 本 官》「都 子 即 鄭 必相 施 王朝 百 衛 注 不合。 桓 乘之 之大 對 之 司 引 文 周 以

不詞 也。 專言大夫,移易鄭注,以遷就僞孔,皆非 家,不應有都,何得混言都家? 采地。」觀此文甚明,侯 官·都 全屬王 疏 上注改「三公」爲「公卿」,下注去卿字, 三公采地。』《家司馬》注云:「家,卿 又 惟邦君」爲句,謂惟乃國君之道,亦 常從鄭 傳又以王爲天子,王字句絶,亦非。 以「公邑」解之,《載 司 國之制,侯國豈得 馬》注云:「都,王子弟 義。 國 師》四等 備 自 有? 然 只 且疏于 所 且《夏 大夫 封

殺人。』 司 徒、司 馬、司 空、尹、旅,曰:『予 罔 厲

則善矣。〔疏曰〕不言士,從可知。典常,而曰:「我無厲虐殺人之事。」如此〔傳曰〕言國之三卿、正官、衆大夫皆順

《禮記·内則》云:「諸侯並六卿爲三,或〔案曰〕三卿已詳《牧誓》、《酒誥》鄭注。

亦厥君先敬勞,肆徂厥敬勞。〔《釋文》曰〕勞 旅之旅。 尹即《酒誥》庶尹正官也,旅即《牧誓》亞 以此推之、諸侯無冢宰、宗伯、司寇 之事。故《左傳》云:『季孫爲司徒,叔 爲司馬,孟 宰之事,司馬 兼 **云** 職焉。」「兼職」者、《王制》疏 「三卿依周制 但彼專言大夫,此兼士爲異。 孫爲 兼宗伯之事,司空兼 司空。」此 而言 謂 是三 立 引 司 徒 卿 司寇 兼 也 也

发生台号,必效券及之。 (范目) [故(傳曰)亦其爲君之道,當先敬勞民,故

力報反。下同。

勞」,即《論語》云「先之,勞之」是也。汝往治民,必敬勞來之。〔疏曰〕「敬

節歸本于躬行率先以爲之倡。以爲法,使三卿以下皆不敢厲人,而此〔案曰〕上文既言用賢才以達政,立典常

遍反。戕,徐在羊反,又七良反。事,戕敗人宥。〔《釋文》曰〕宄音軌。見如字,徐賢「肆往,姦宄、殺人,歷人宥。肆亦見厥君

所不知,故詳 當合罪,不可寬宥。 〔疏曰〕姦宄及殺人,二者並是賊害,自 事,察民以過誤殘敗人者,當寬宥之。 從寬恕。 過歷之人,有所寬宥。 之國,又當詳察姦宄之人及殺人賊,所 亦可原,故知「過誤殘敗人」也 鄭 》疏。 〇[案日]《釋文》作馬 戕,殘也。 故往治民,亦當見其爲君之 察寬宥之。 《周 禮 其所過歷之人,情 》二十九卷《夏官· 注。 聽訟折獄,當 下言宥, 〔傳曰 二 汝 大 務

誤「宥」爲「有」,又「啓」字避景帝諱改誤「霜」,又脱去「敗」字,又以音形俱相近云:『彊人有王開賢,厥率化民。』」以「戕「双案曰〕《論衡・效力篇》:「《梓材》「知使大夫往殘賊之。」是戕爲殘也。「無使大夫往殘賊之。」是戕爲殘也。(案曰〕鄭云「戕,殘也」者,《春秋》宣十〔案曰〕鄭云「戕,殘也」者,《春秋》宣十

則知《論衡》妄也。 則知《論衡》妄也。 則知《論衡》妄也。 以相近誤爲「率」,又「爲」 「古一作》」,以相近誤爲「率」,又「爲」 「古一作》」,以相近誤爲「率」,又「爲」 「財」,又偏傍相近誤「監」爲「賢」,又亂

銜反。爲,于僞反。 [《釋文》曰〕監,工暫反,劉工「王啓監,厥亂爲民。 [《釋文》曰〕監,工暫反,劉工

可不勉。 〔傳曰〕言王者開置監官,其治爲民,不

其 監 監 監。」鄭注 諸侯之長,謂康 宰》:「乃施典于邦國,而建其牧,立 民。」然則監指諸 案日」 也。 國。 傳以 傳云「監 曰:「監謂公、侯、伯、子、男, 《**書**》曰: 監 叔。 爲 監 官」非是。 侯 『王啓監,厥 官。 而 但康叔 言,「啓監」猶 考《周官 爲州牧, 或以 1 • 太 亂 立 其 古 爲

謬。「厥亂爲民」,如下文所云是也。之監,此時武庚已誅,何監之有? 尤即責牧也,此説亦非。或又以爲如三監侯者。諸侯政之善否,繄牧之責,責監諸侯之長,而此經「啓監」卻泛指凡爲諸

合由以容。』(《釋文》曰)屬婦,上音蜀,妾之事妻也。「曰:『無胥戕,無胥虐,至于敬寡,至于屬婦,

至冤枉故也。

發,已見上。又《小雅·十月之交》笺 〔案曰〕鄭以胥爲相,《釋詁》文。 戕爲

婦。 也。 夫曰 文》卷十二下云:「媰,婦 以屬爲存恤,正合聚、注續之意也。 説本此,要非傳意。 鮒《小爾雅》云:「妾婦之賤者,謂之屬 解爲存恤,妾婦、孤窮須存恤以繫屬之 女,芻聲。《周書》曰『至于媰婦』,側鳩 注:「屬,注也。」從尾蜀聲。徐鍇 注:「屬猶合也,聚也。」《儀禮・士昏禮 也,説與陸氏以屬爲「妾之事妻」同。 説「敬寡」、「屬婦」義也。 位,能者任 之至悲哀 Mi 屬,逮也,逮婦之名,言其微也。」疏 疏以 相連 [寡,幼 《大傳》云: 「老而無妻 無資日 續,若尾之在體,故從尾。」傳 屬婦爲屬于人之婦,即 而 職、必先施此、使無失職。」 而無父曰 無告者。 乏,居而無食 孤, 鄭《周禮 聖人在 老 人妊身也。 屬對敬,故 日 而 上,君子在 困,此天下 鰥,老 無子曰 州長》 妾婦 而 停 孔 此 無

《廣雅 誤。 同。 對,若上言敬養寡弱,下云至于媰婦,文 作媰婦, 部又作「傷」、壯救、休救二切、解 《説文》同 媰身也。」又《廣韻》引崔子玉《清 仕 切 讀爲鰥,則可。 義偏側,不得 誄》云「惠于媰孀」,媰是妊 夫,皆婦人 于、 然無所據,站存其疑 此經作屬,屬音通 仄 玉篇》卷上第三十五女部云: •釋詁》亦云:「孕重,妊娠。 亦得爲 鳩二切。」餘 也。 可憐憫者,故並言之,義皆 、帖妥。 或上句敬當作矜, 《玉篇》卷上第二十三人 敬、矜音轉 一義。 同《 媰 但 説 ,則從《説文》 相 此 身,孀 文》。 亂 經 句 或以致 皆作 與 是 河王 「媰 與 無

自古王若兹,監罔攸辟。〔《釋文》曰〕恬,田廉反。「王其效邦君,越御事,厥命曷以。引養引恬,

者,知其教命所施何用,不可不勤。能〔傳曰〕王者其效實國君,及以御治事

復罪,當務之。 長養民,長安民,用古王道如此,監無所

安、《説文》心部文。 〔案曰〕傳以引爲長、《釋詁》文。恬爲

疆畎。〔《釋文》曰〕菑,側其反。畎,工犬反。「惟曰:若稽田,既勤敷菑,惟其陳修,爲厥

傳曰〕言爲君監民,惟若農夫之考

田

注云: 也。 旻》傳文。 切。」又重文疆字注云:「畺或从彊、土。 之,以治田 已勞力布發之,惟其陳列修治 畎字本作く,卷十一下部首:「水小流 云:「界也 字本作畺,在《説文》卷十三下畕 案曰]傳以稽 爲耦。 《周禮》:『匠人爲溝洫。 「稽猶考也、計 菑爲發者,説 也。 从畕,三其界 耦之伐,廣尺、深尺謂之 爲考者,鄭《周禮 敷爲布者、《小 也。」稽考而計 詳《大誥》。 畫 相廣五寸 也。 雅 宫 居 部 正 良

犬聲。」是所謂陳列修治也 从 田 洫 倍 从川。」畎字注 曰 く謂之遂,倍 云:「篆文く,从田 遂 曰溝,倍 溝 曰 洫 <

茨,徐在私反。 文》曰〕垣音袁。墉音庸。塈,徐許氣反,一音故愛反。 「若作室家,既勤垣墉,惟其塗塈茨。〔《釋

塗也。 集傳 當塗塈茨蓋之。〔疏曰〕室言塗塈,塈 [傳曰]如 [馬日] 卑日 輯録 ○王天與《尚書纂傳 茨謂蓋覆也 纂注》四卷。 X 爲室家,已勤立垣 垣,高 ○陳櫟《書傳纂疏 日 》二十七卷下。 墉。 塈, 堊色。 牆,惟 ○董 巡 鼎 卷。 其

耳。 部 如墉」,是墉 語》「君有短垣」,是垣卑。 案日]馬云「卑日 云:「垣 又以塈爲堊 之墉。」是 牆 高 也 也。」《爾 垣 色,且 《説文》卷十三下土 垣 墉皆牆 雅 高 單舉塈,不言塗 《毛詩》「其崇 ,但卑高異 墉」者,《 釋宫》云: 或

穴也。 塗字則 者、《説 也。 謂 守祧》掌廟祧 澤,義亦通也。 卷五《釋宫室》篇云:「塗,杜也,杜塞孔 須仰涂,故馬舉 小異。垣、墉雖有 亦塗也」。 引《廣雅》云:「塈,塗也。」故疏亦云「塈 之仰泥也。」義皆與《説文》合。《釋文》 《漢書》卷八十七《揚雄傳》云: 仰塗,而領袖不汙。」顏師古曰:「塈即今 則匠石輟斤,而不敢妄斲。」 上第九土部云:「塈,虚既 獿,古之善塗塈者也 之堊。」郭璞云:「黑 堊,白也。」《釋宮》:「地謂之黝,牆 塈猶煟,煟細澤貌也。」塗之則細 文》土 在 新 然則涂、概本一事,但仰不仰 附,是塗當 黝堊。 其言「堊色」者、《春官 概 見涂 别,大約 鄭司農云:「黝,黑 也。 作 云:「仰涂也 飾 施廣領大袖以 切。 涂。 地 俱在高處,多 劉熙《釋名》 服虔曰 「獿人亡, 《玉篇》卷 仰塗也。 • 而

文》曰

樸

角

反。

斲

竹 角

反。

雘,

枉

略

反,

徐

烏

郭

反。

音

同

也。

《説文》

屋 部云:「以茅葦蓋 門之茨」,范甯云:「茨,蓋也。」《説文》艸 茨不翦,謂以茅覆屋。」《穀梁傳》「焚**雍** 云:「茨,屋蓋也。」疏云:「《墨子》稱 爲蓋者,《小雅·甫田》「如茨如梁」,箋 謂 壁也。」蓋 塈指言涂牆 以蜃灰堊牆,所以飾成宫室。」今此經塗 蜃》:「共白盛之蜃。」注:「盛猶 倉,士黈。」徐邈曰 穀梁》注黝、堊皆黑者,非。 穀梁傳》云: ,其常也。 飾牆使白,今東萊謂之叉灰。」疏云: 屋、瓦屋,葺屋是草屋,則 人爲世室,用白盛。」注:「盛之言成 蛤在泥水,叉取爲灰。」《考工記》: 地 故故 與柱宜 禮 以爲堊色也。 茨, 傳以 一、黝 屋。」是也。《匠人》有 天子、 上黑,牆 、黑柱 諸侯 宜 《地官·掌 也。 黝堊 古以 白。 成也。 范甯 茅 夫

其塗丹臒。 丹部引《周書》作「賅丹雘」。 誤,不可讀。 〇〔疏曰〕二文皆言 敗即古塗字。 塗」,亦本作「殷」。 説文》云 漆丹以 器也。 下。 傳會選》四卷。〔傳曰〕爲政之術,如梓 是彩色之名,有青色者,有 然後治。 材爲器,已勞力樸 梓,治土器曰陶,治金器曰冶。 **臒**。」《尚書》疏。 經知是朱者,與丹連文故也 案曰〕鄭云云者,殘闕也。 鄭曰》山 [馬日]梓,古作「杍」字。 讀 雘,善丹也。《釋文》。○劉三吾等《書 朱而後成。 「二文」者,蓋指塗塈茨、塗丹雘 與 **「**疏 海 霍 同 經》云:「青丘之山 日〕塗丹皆飾 ○陳師 也。 治斲削,惟 以言教化 又 凱《書經蔡傳旁通》四卷之 據疏疑上文「塗塈茨」之 〇〔案曰〕此段疏多脱 郭 反。 朱 物 《字林

梓」者、《釋木》云:「椅,梓。 馬云「治木

色者。

此

之名。

雘

其

當

塗

以

治

亦

須禮

義

作梓材,既

勤

樸

斲,

惟

樸,未成

治木

器

日

多

有

青

[又案曰]以上三喻,傳

疏

以

喻

人

君

政之道,先勞心施政,除民之疾,

又當

引《山 青也。 云然。 也。 茨」,塗塈是 即今空青。 爲飾物之名,非 雘」,以塗字 不舉者,丹青 爲樸治、斲削。 斤部云「斫也」。 而 曰 考工記》筍簾、飲器 雘,善丹也」者,《説文》卷五 未 梓,一 亦 成 樸、《説文》木部云「木素也」。 曰 海經》青 ◎ 山 彼 器,斲 梓。 即 海 名椅 鄭舉 總 引《周書》此文以 以 經》所 所 是斫 事, 茨 雘 目 也 梓 然則樸是就其素質治之 10。」則 用尤多 没者,≪ 馬以樸爲未 此 一丹雘。 材 削已 以 載 射 美, 是 見雘 南 梓 雘 也。 Ш 傳疏 成器 侯,皆梓人 遂 是 事。 又有白 「經》文。 不獨丹, 木名, 以 上文 成器, 下丹 證 以 也 此 塗 工 而 「塗 黑, 丹 塗 部 八爲之 傳以 馬云 鄭 治 塈 丹 又 鄭 有 雘 亦

商子。 亦見劉 陰有 子曰:『南山 人也。 云: 猶《大誥》 是 加 充《論衡》卷十四《譴告篇》。 而 曰:『杍者,子道 見杆實晉晉然,而 子往觀之。』見橋實高高然 康叔有駭色,謂伯禽曰:『有商 欲 人門而趨,登堂而 矣,而 食之曰:"爾安見君子乎?]二子以 其善繼穆考文王之志,故有 以 公曰: 『君子哉 「伯禽與康叔見周公,三見 木焉,名曰杍,二三子復往 教 向《 與子見之。」乃見商子而 化 商子曰:『橋者父道 未 堂 説苑》卷十二《建 盡 飾 之陽有木焉,名 構、播穫之説也。 也 以 禮 也。」二子明 跪,周公仰拂 循反以 愚謂周 義 然 商子也。」 後 告 公丁寧 而上,反 功 也。 商 本》篇 日見周公 曰 馬 子。 成 此 其首 橋 問 子者 떼 《大傳 觀 南 焉, = 康 及 此 商子 以 焉。 此 Ш 喻 叔 王 實 > 告 事 説

叔皆以 詳于文王,略于武 之王業成 ',籽有子 好 之 樸 繼文王者也。明此則前二篇之 于文王,武王、成王、周公、康 斲丹雘比父子繼業故 道 此 篇命名 王 ,亦無疑矣。 獨 取 杍 材者 也。 周

作「附」。懌音亦,字又作「斁」。下同。先,悉薦反。 用懌先王受命。〔《釋文》曰〕夾音協。 土,于先王肆。 集,庶邦丕享。 邦享作,兄弟方來, 今王惟曰,先王既 已奉用先王之明德。 善鄰,爲兄弟之國,萬 汝治國當法之。 傳曰〕言文武已勤用明德,懷遠爲 和 - 國民 逐大。 集衆國,大來朝享。 矣,能遠拓其界壤,則 今王惟用德和悦先後 王惟 皇天既 衆國朝享于王,又親仁 勤 亦 德 既 用 付 用 君天下能用常 方皆來賓服 明德,懷爲夾, 用明德。 中國 和 大天已付 懌 先後迷民, 民,越厥疆 付如字,馬本 后式 于先 天下 亦 周家 典 庶

[案曰]傳以夾爲近,《多方》夾、介同。曰有先後」。 [疏曰]「先後」,若《詩》云「予迷愚之民。先後謂教訓,所以悦先王受

詁》文。 懌訓説,《毛詩 典少用,宜从馬作附也。 部:「与也。从手持物對人。」然此字經 《尚書》作爽。」是也。 《説文》大部云:「夾,持也。」是有 郭忠恕《汗簡》卷中之二云:「夾,古文 不言王而言后,對先王 后部云:「后,繼體君。」鄭《曲 「式,用」,《釋言》文。 「后之言後。」《釋詁》:「后、王皆君也。」 但古無此字。《釋文》云:「字又作 后爲君者、《説文》 付,在。《説文》人 指 「肆,今」,《釋 大雅・板》 繼 體 禮》注: 君也。 近 傳

▼爲『萬』之訛,遂改作『萬』。」 「萬」、《尚書正義》作「方」。 阮校曰:「古本、岳本、宋

侯、甸、三 始也。 云: 用德和民,以繼先王而受命也 謂成王,曰先王、曰 結,實三篇之大收束也。 得爲説。 斁。」是古以斁 方來」以勸之。 見庶邦之來,不 于周,故舉先王之時「庶邦丕享」,「 于皇天,有人有土,以受命。 此一節言先 並戒成王之詞,與《康誥》敘首 迷,傳云 [又案曰]自此以下,乃周公因誥康叔 説 商不衰。《梓材》謂之「迷民」、《召誥 四 和 男邦、采、衛、百工、播 也。 愚、《釋言》云「迷,惑也」是也。 和懌先後迷民言之,欲 方民大和 會 説 也。 王用德,以懷庶邦, 經典通 文》 八爲懌。 〔王應麟 心部「懌」在 會 后, 用釋。」疑 然斁 日〕周 而商民猶 謂文王、武王。 日今王、日王, 本 既 訓 民 今王亦當 翦 此得之。 新 商 厭 迷 故能 相 自 和 》謂之「雙 有 附, 歷 兄弟 民 今日 見 爲 其 梗 之 起 時 而 注 不

文敷衍,皆不足取。

子孫孫永保民。」〔《釋文》曰〕監,古陷反。「已! 若兹,監惟曰欲至于萬年,惟王子

周家惟 之。 公因 指公、侯、伯、子、男各監一 若兹誥、則受命固也。 其子孫累世長居國以 欲至于萬年」,言諸侯能若兹誥, 實爲之牧長。 案 傳 E 「若兹」句,總目三篇也 「惟王子子孫孫永保民」,言今王能 語康叔 欲 傳非 爲 使 監 至于萬年承 所行 ··, 並 也。 其 時 普 「已」句, 噫同 已如 四 戒 安民。 方諸 侯、 此篇三言監,皆 此 奉 甸、 i 侯 咸 國者,而 Ė 所陳法 男邦、采、 「監 在, 一、又欲 嘆 則享國 則, 故周 惟 康 以 叔 **\$** 我 結 \exists

尚書後案卷十七

且

以

勉

王如此

六一

尚 書後案卷十八

周

東吳王鳴盛學

惟 召 誥

日 當爲 (大雅・文王序》疏。○《周禮》十卷《地官・大司徒 鄭 一月既望,越六日乙未, 月 曰〕是時周公居攝五年。 〔傳曰〕周公攝政七年二月十五日, 禮乃 相望。 月、二月。 不云正月者,蓋待 正言 于望後六日,二十一日。 正 月故也。《詩》十六之一卷 二月、三月

[案曰]鄭以此篇爲居攝五年事者,伏生

大傳》云:「周公居攝

五.

年,營成

周

召誥》正是營成周事

,故鄭以爲居攝五

事,以 孔云十五 年入戊午蔀五十六歲,二月小,乙亥朔。 朔 也。 日者四分之三,十五日者四分之一。 此 將言望後之事,以望紀之。 將言朏後之 是一事。 《洛誥》周公云:「予惟 師。」此篇云:「乙卯,周公朝至于洛。」 既望」者,謂庚寅十六日也。 一月也。 疏 也。 惟七年。」《洛誥》是 滿 治歷者必先正望朔,故史官紀之。 朏紀之。 〕《洛誥》云:「 望之在月十六日爲多,大率十六 面嚮相當 即即 望者于月之半,月當日衝,光 知此二月是周公攝政七年之 猶今人將言日,必先言 爲望,是己丑爲望。 ,猶人之相望,故名望 周 乙卯,朝至 公誕保文、武 攝 政 七年事 一于洛 正 受

月 在 以未制禮 《漢書》五十八卷《公孫弘傳》: 劉熙《釋名》卷一《釋天》云:「望,月滿之 定。」明營成周不必待七年也。 治天下,朞年而變,三年而化,五年而 歆恐亦出揣 生《大傳》乃秦火以前之書,其説原于七 故亦以《召誥》爲七年,孔傳從之。 十子,故鄭从之。《史記》襍采羣書,劉 一月爲一月,據《洛誥》十二月戊辰逆推 滿 西 年,劉 ,是本諸伏 ,从臣,从壬。 説詳《洛誥》。 與 ,遥相望也。」《説文》壬部云:「朢, 年内事、《洛誥》是七年致政 月大十六日,小十五日, 日 **歆**《三統 故 相朢,以朝 也。 人生也。 測,皆不如伏生爲可 又推其不言正月之故, 壬,朝廷也。」據此 傳以望爲 歷 》以《召誥》、《洛 《史記·魯 君也。 日月相 故其字从 日在東,月 「周公旦 世 鄭又以 望者, 時 一家》作 然伏 見則俗

> 既望是 鄭亦當 異 日。 畜》上九云:「月近望。」孟喜以 日 从 十六日,是也。 八亡,通 也。 望 一, 疏 疏又言是月朔是乙亥,望是己 庚寅。 同。 以十六日爲「既望」者、《 作望者, 但以爲是正月,非二月, 據經 傳又言越六日是二十一 非 乙未溯之,皆不誤, 也。 傳 云長 爲既望謂 易 月 + Η. 五 削 小

王朝步自周,則至于豐。

豐,文王 也。 武王 廟。 即 卷《魯周 禮上》疏。 鄭曰〕于此從鎬京行至于豐,就告文王 土中易都大事,故告文王、武王 《詩》四之一卷《王風譜 廟 告文王則告武王可知。步,行也。 謂之步。 公世 即 ○《爾雅》四卷《釋宮》疏。 廟所 行, 家》集解。 在。 豐、鎬異邑,而言步者,告 廟 朝者, 万馬 廟 》疏。 E U 不 舉 以 ○《禮記》二卷《曲 周, 事 〇《史記》三十三 遠,爲文恭 鎬京 也。

則告武 遷時于 成王居 祖 至 告文王,于鎬告武王 史記》三十三 見考。 文王 知周 朝 一廟告。 王. 鎬京,至豐告文王 豐立文王廟,遷 是鎬京 從鎬 **「疏** 可知,當先祖 卷《魯周 曰〕周 京 告文王 也。 則 公世 至 也 謂 文王 家 于 則 王 都 後考,此必于 告 集 廟 都,武 解。 居豐、武王 武 而 以 也。 廟 王 遷 一可知 傳 不毁,故 告文 王 都 已 豐 王 未 都 成

足也。 知 祖見考者,考親于祖 (案曰)鄭云「告文王則告武王可 止 箋《文王有聲》詩云: 之步」、《釋宫》文。 自 从少。 「步,行也」者,《説文》亦云 周 京 則 在 少接踵 止,足也。 豐 至于豐」,一 水之東。」 而 前, ,祖廟猶告, 「豐、鎬異邑」者, 少者,反止,亦一 爲行也。 似出 是 豐邑在 異 廟 邑 入廟 告考可 豐水之 知一, 堂下 步 以

是也。 《公羊傳》:「成周者何? 中。 則周 所宗。《詩 邰,公劉遷豳,太王 見 于 也。」是也。 曰:「名爲 王遷鎬。 正。馬云「周,鎬京 文」誤作「爲父」,據《曲禮》、《爾 車駕,故 索 云:「鎬 成王之恭也。 父 縣 近 是也。 東,臨 隱》卷 祖 自 便, 奔 既營東都于洛,又謂洛 是鎬京 録 不 鎬京或謂之宗周,以其爲天下 書 走 十云: 成周者,周道 ・小雅・正月》「赫赫宗周」 見 豐水,東去鎬二十 武 云「豐,文王廟所在」者,《 此方 者 速 異 王 也。 疾,告武 不 邑 所 從 「豐,文王 《魯世 以 相 都 《説文》卷十 周至豐,告營 遷岐,文王遷豐,武 也」者,周 在 異邑相遠 遠之文者 家 王 長 始,成王 東周也。」何休 廟 注 所 安西 即 自 Ħ. 作 引此 爲 一, 成 雅》 爲文,以 四四 后 邑。 成周。 所 林 上 稷 王. 疏 「爲 史 金 都 俟 居 改 恭

日」,皆與此同音。如字讀非。字。○〔案曰〕《易》「先天而天弗違」,《月令》「先立春三惟太保先周公相宅。〔《釋文》曰〕先,息薦反,又如

于周公前相視洛居,周公後往。 〔傳曰〕太保,三公官名,召公也。召公〔鄭曰〕相,視也。《史記·魯周公世家》集解。

「太保召公,先周公觀洛邑也。」是也。《大傳》:「太保先周公相宅。」鄭注云:〔案曰〕鄭云「相,視」,《釋詁》文。 伏生

〔《釋文》曰〕朏,芳尾反,又普没反,徐又芳憤反。保朝至于洛,卜宅。厥既得卜,則經營。越若來三月,惟丙午朏。越三日戊申,太一大仍召公 先居公權浴邑也 〕是也

之明。」故爲明也。《周書・月令》云「三己,召公阜,則經營規度城郭、郊廟、朝市已得吉卜,則經營規度城郭、郊廟、朝市日,召公早朝至于洛邑,相卜所居。其順來三月丙午朏。于朏三日,三月五〔傳曰〕朏,明也。月三日明生之名。于

《司馬法》「百里爲郊」,鄭注《周禮》云 鄭注《朝士職》云庫門内之左右。 伯》云:「建國之神位,右社稷,左宗廟。」 地于北郊、皆謂 也。《匠人》王城方九里,如《典命》文, 依順 兩説,孔無明解,未知從何文也。 又以公城方九里,天子城十二里。 處」也。《匠人》不言「郊」,以 郊」、故知「規度城郭、郊廟、朝市之位 祖右社,面朝後市。」是也。 者、《考工記》云:「匠人營國,方九里,左 豐,歷三月丙午朏 五日,凡發豐至洛十 生之名 H 近郊五十里」、《禮記》祭天于南 云,外朝一 粤 耐 朏 川川 也。 來,次三月也。 「于順 一, 在 字從月、出,是人 近 庫 ,又于朏三日,是三月 來」者,于二月之後, 郊 門外、皋門内、是詢 也。 四四 日 二月乙未 其廟,《 也。「經營」 下有「丁巳 不在 月三日 郊者, 郊,祭 鄭玄 或 一而發 内 明

也。 也。 周 者、《漢 爲陰、故處 寢之朝 七上月部文,彼即引《周書》此文以證是 三月日 (案曰)傳以 「佐后立市」,然則后既主陰,故立 市處王城之北。 書 人 日 庶 融 王. 所 《禮 之朝 通,隋《東阿 疏又引《周書 注 疏 與宗 月令解 既 應麟謂:《月采》當作《月令》。 视, 引《周書 記 朏」,顔師古謂説月之光彩,非 稱 謂之治朝; 每日視訖,退適 人 北。」今考《周 者 爲 歷 朏爲明,疏引《説文》者,卷 圖 《周 朝二, 志》引古文《月采》篇 但《論 私 Ŧ. 或疑《月令解》即 月令》「三日粤朏」 事。 朝爲陽、故 月令》與《禮記 碑》有「其 其一 其 語 其市, 月令》,則是《逸 影質 在路門外 禮• 路 在 路 寢,謂之燕 燧 詞 粤 , 在 顧 内 宰 門内 改改 氏 南。 市也 戴 云 • 月 市

豈在唐猶未亡,故 篇,非《禮 度」、「位 臺之基趾 之」,毛云: 亳,太王遷岐,衛文公遷 官・太卜》:「國大遷,則貞龜。」盤 經合也。云「卜宅」,又云「得卜」者,《 月,周公往營成周雒邑,卜居焉。] 與 記》云:「使太保召公先之雒相土。其三 日五十里, 未至戊申,自豐至洛 存,文則亡矣。不知孔穎達何自得之? 朏」之文。 令》不同。 卜,故此亦言卜宅,即《洛誥》所 云 「周公制十二月賦 經營」者,《大雅 處」也。 至《逸周 則 豐至洛七 經度之也。」鄭云: 知《逸周 月 令》,且 其 靈臺》云: 得 書 位。」故此 見 行 百里故 書 政之法」,今目雖 而 十四日者,吉行 亦並 月令》别 月令》,其《序》 楚邱, 引之與? 也。 無 傳云 「度始靈 「經之營 ト是也 又《史 庚 是 日 遷 此 周 丁 規 \exists

越三 Ŧi 日 日 甲 庚 寅 戌, 位 太 成。 保 乃 〔《釋文》曰 以 庶 殷)汭,如 攻 位 鋭反 于洛 汭

遷都 理志》 于戊 本 河南 爲 于洛水北 日 南 左傳 疏曰]水 其所 至 治之位皆成。 城 内,故洛汭爲洛水之北。 是 縣。 事 而 申三日庚戌,以衆殷 河南 大,不 畢。」此以周之三月農時 發 由 也。 汭, 隈曲 内日 治都邑之位 例 來,本是殷民 郡治在洛陽縣,河 今河 治位 云"「凡土 拘常例也 汭。 中 南城也。 乃周 言衆殷,本其 以人南 也。 于洛北,今于漢河 人, 《尚 也。 功,水昏 于庚戌 民治都邑之位 書》疏。 而言衆殷者, 面望水 莊二十九年 漢 南 所 正 役衆者 〔傳曰 城别爲 一而栽, ",則北 由 五日, 地地

《禹貢》:「河東過洛汭。」《書序》:「太康是洛入河處。二水相入,必有隈曲。〔案曰〕鄭云「汭,隈曲中也」者,此洛汭

遂于凡 ^②天 爲汭 歌》。」《 正 或 經涂 營國 也。 記 訓。 也。 周 也。 洛 失 而 使劉定公勞趙孟 必 字 固 》攻金、攻木等工,鄭 邦, 汭 位,謂定宫廟。」然彼文「正 官》「辨方正位」,備引此經,而 「治都邑之位」者、《考工記》:「匠 九軌。 立 訓 在 ,方九里,傍三門。 僞 鄭 但 延于伊汭。」、《左傳》昭元年:「天 昆 城郭、 (史記 汭 以 汭 孔 洛 與鄭合。 則 弟 字 于《堯典》立一水北爲汭之例, 爲 非 字皆言水北,于此經義雖合, 水 Ŧī. 左祖 也。 以 北,傳以洛汭 「隈曲」、杜預亦云「水曲 宫廟、朝市之位 人須 周 水内見 傳以 右 于潁,館于雒汭。」皆 傳以 本 于洛 社,面朝後 · 紀 ※ 爲 攻爲治者 義,非 云「攻猶治也」是 國中九經 「洛水北」,考成 汭 爲洛水北,可 武 作《 以 王 也。 市。」是建 位」下别 水北 日 <u>Ŧ</u>i. ,《考工 九緯, 子之 云: 自 爲 王 流

成周 也。 百里,則 九里之城,必無七百里之郭。 宫、考宫、路寢、明堂。」彼文正言營洛之 爲天下之大湊。」「乃位五宫,太 此 七百里」者誤,當作七十里。 丈,適符其數,今略其奇數也。云「郛方 七百里。 人營國,方九里」,當云方千七百二十八 制郊甸方六百里」,謂王畿也。 此 里之長百九十二丈。依《考工記》「匠 ,孔鼂注 證 古者六尺四寸爲步,三百步爲里, 《逸周 經所云 于土中,城方千七百二十丈,郛 彼 國, 非 出 云「南 南繫于洛水,地因于郟山 正 Ē 書 云:「湊,會也。 則 洛 一畿之 解 正 了, 其 繋于 位 作洛解》曰:「乃作 汭 . 外 固 也 注 不該 洛 __ 四 此 水」,則 面 云「以爲 經 城 各 必 爲天下所湊 郭 <u>Ŧ</u>i. 郛,郭也。 兼 彼下文云 等。 在 十里,必 郛方七 城 洛北, 大湊」 廟、宗 o 郭 大 鄭 邑 引

> 后稷。 時 月 起 洛邑,因 云:「傳所言者,謂 則冬至前小雪後方興土功, 傳》:「凡土功,水昏 云:「小雪,十月中氣,周十二月。」《左 正,于是可以營制宫室,謂 方中》「作于楚宫」,箋云:「定星昏 時役衆」、「不拘常制」者、《鄘 記》注同也。 夫淳于登説 也。」 量又云: 會 云者, 量又云: 謂 也。」鄭改二月三月爲一月二月,則下 边,不 四 二宫,祖考廟 方道 欲觀衆殷樂之與否,故不 依常時 里均 疏引《左傳》 「明堂在國 五. 韓嬰《詩 也。」云「乃 官,宫府寺 庸 者 Ē 也。 時 「,《鄭 一而栽 也。 外傳》及 路 南。」本 解此 ,日至而 小雪時。」 而此于 志》 周、召之作 寢, 王所 位 也 風 經 Ŧi. 答 ・定之 講學 鄭 爲 宮三云 中 太廟 ·依常 趙 周 畢。 禮 疏 而 居

亦標「北」字於「地」字旁,作「北」是。
■「地」、《水經注》及《資治通鑑外紀》引作「北」,經解木

農時,疏約言之。 十一日,亦非冬至以前也。今十二月非文甲子命「庶殷丕作」,是今十二月之二

若翼日乙卯,周公朝至于洛,則達觀于新

朝至,是三月十二日也。 俱來,不書者,無事也 言周徧。 也。《尚書》疏。〔傳 日,而朝 鄭 日〕史不書王往 至于洛汭,通達觀 [疏曰]周公順位成之明日 日]周公順位 古者, 王 成王蓋 于 新邑 相 宅 與周 成之明]所營。 無 公 侕

下文。 事,故不書也。 至,而經無文,故解之以爲王于相 至,故 案曰〕鄭云云者,公至洛之後,王 此 疏據 以 但下傳云「王與 爲説, 則非 是。 公 宅 辨 亦 俱 無 繼

〔傳曰〕于乙卯三日,用牲告立郊位于越三日丁巳,用牲于郊,牛二。

不見可. 性是告 羊豕。 遂 祭天用犢,貴誠之義。 其稷牛隨時取用,不在滌養,是帝稷各 爲稷牛。」言用彼爲稷牛者,以之祭帝, 《公羊傳》皆云養牲以二、「帝牛不吉,以 于明堂云「惟羊惟 太牢,貶于天神。 牛,以后稷配,故二牛 此處祭天 太牢祀于高禖」,皆據 用一牛,故二牛也。先儒皆云天神尊, 用牲祭天,知是郊位既定,告天後常 位之時已 案曰〕用牲于郊,傅以 云「牛二」,舉其大者,從天言之,羊豕 以后稷配,故二牛。 羊 立 知 郊位 豕 也。 也。 經營之,今非 不 《詩 禮,郊用特牲,不 見 于天者,此郊與社 可 牛」,又《月令》云「以 法有羊豕,因天用牛, 知。 頌 配 也。《郊特牲》及 常 爲「告立郊位于 稷是人神,祭用 者有羊豕也。 后 $\overline{}$ 我將》配文王 祭之月, 稷貶 疏 知知 于天,有 應用 ", 于, 而 攻

也。 《公羊》宣三年文,據彼 以后 《書》曰:『用牲 陰位 邑。 焉。 典所言太牢皆牛 告徙新邑,定郊禮于雒,神明章矣。」據 郊,定天位也。祭地于大折,在北郊 祭天也。 商、師丹、翟 衡等奏:「天之于天子,因其所都 垗 知是告 惟郊天用特牲,專用牛,不兼羊 天隨 傳又言「后稷貶于天」云云者,蓋經 周文、武郊于豐、鄗,成王郊于雒 于 天者、逸周書· 也。 稷 、《漢書》卷二十 南郊,以祀上 配,故二牛。 瘞薶 王者所居 郊位成也。 郊處各在聖王所都之南 方進等議禮,「燔柴于太壇, 于大折,祭地也。 于郊,牛二。』周公加牲, 兼羊豕,言少牢則 而饗之,可見 一帝,配 作洛解》云:「乃設 疏引《郊特 傳以「牛二」爲后 Ŧī. 知帝、稷各一 下《 以后 郊祀志 兆于南 稷。」 也。」 而各 牲》 及 是 王. 王

神,非 天 者必立郊禖。 其《詩》云「維羊維牛」,是配食有羊, 宗祀文王 傳乃言稷有羊豕者、《孝經》郊祀 其 德 云: 謂之 郊禖。」又云「從于帝 亦有豕可知。 又云郊特牲 君子慎其獨也。」此皆言郊天特牲之事。 德産之致也精微 而 而 稷 治者,如: 貴,故多 推 以 則有異。 「禮之以 郊 我將序》云:「祀文王于明堂也。」 此配天之祭,不得以 之,則 先 牲 禖配也,則 于 此則得 用 后 少爲貴者,以其内心者 而社稷太牢,彼稷謂 爲貶也。 又《生民》詩毛傳云:「 玄鳥至之日,以 明堂,同是 稷配 犢,貴誠 郊特牲》 ,觀天下之物 不以 于郊,當多 而見于天」,則是祀 配 天者用太牢 义云: 少爲貴乎 經 也。」又《禮器》 不 爲説。 配天之典。 言者,《祭 太牢祠于 無 一于郊 羊豕,以 口 后 祭穀 也。 故 則 稱

既云「帝稷各一」,有南郊自 天 \pm 不及祭地北 義》云: 作洛解》亦舉天以該地 但 地 牲 于 商等説此 ,則不言也。 言「郊牛二」,意若專指 祀天,牛與天牲同 分祭之説,此 「郊之祭大、報 經 郊者,據下節,疏 皆 天地 又考鄭康成有南 經「牛二」之解 並舉。 天而、 也。 而 見之,羊豕 主日 祭天 當有: 疏説 以 爲 得之。 省文, 南 北 傳 北 非 郊 疏 郊

豕一。 越翼日戊午,乃社于新邑,牛一、羊一、

傳曰〕告立社稷之位,用太 子曰 同告之。 后 以爲社。 稷,能 (疏 牛羊 勾龍 曰]經有社 殖 告 立 后 百穀,祀以 能平水土,祀以 稷 能殖 社 也。 無 稷之位,其祭用太 稷,稷是社類, 百穀,祀以爲稷。 勾 、爲稷。 龍 牢 能平水土, 爲 也。 社稷 社 知 共 周

地乎? 龍、后 此 告社不言告稷,皆省文也。《洛誥》云: 傳言「社稷共牢」也。 特性》云「社稷 然、《左傳》云「勾龍爲后土」,豈勾 郊」,此不 義異也。 帝,宜于冢 經》說社爲土神, 世儒者説 云「后土與皇天相 配食者,是鄭之所從。 后土,社也」者,以《泰誓》云口 告于皇天后 左傳》、《魯 言牛羊豕,不言「用」,告天不言告地, 句不言「郊于新邑」; 稷 社亦名后土,地名后 人 「社稷共牢」,經無 言「于社」; 社 土,故以 神 稷 語 而 (太牢」,二神共言太牢, 土」,孔以后 有二,左氏 》、《祭法》皆有 已,是孔之 稷爲穀神,勾 對」,以 后土爲 此言「社于新邑」, 此經上句言「于 上句言「用牲」, 而《武成》篇 后 説 土爲地。 土 社 社 :明説。 所 土,名同 一爲地。 也。 稷 此 龍、后 用。 類于上 惟 文。 龍 小劉 祭 郊 故 而 爲 云 稷 孝 勾 若

牢。 耳。 社,亦省文也。 牲,以多爲貶,已見上 其壝東青土,南赤土,西白 祭兩壇乎? 夫社、稷不可合 牢,牛羊豕。」是也。 豕具,爲一牢。」韋昭注《楚語》云: 省文,則牛一、羊一、豕一,亦舉社 稷之位」者,疏以爲省文,是也。 之事也。 中央舋以黄 亦立宗廟,此不云告廟,亦省文也 上《社稷》篇云:「王者所以有社稷何 案曰以作洛解》云:「乃建太社于國中, \pm 可知,故舉此見彼。 在 考之禮,牛羊豕各一爲 鄭注《周禮•宰夫》云: 新邑, 經有社 烝祭, 土。」云云。 亂妄甚 爲一壇,豈容以一牢 乃傳則云「社 無稷,而傳云「告立 王 人 矣 郊惟 文。 《作洛解 太室裸。」則 正説此 社牲 特性,社用三 《白虎 土,北 三牲 稷共牢 》但言 如 又爲 經 既 通》 此 驪 洛邑 牛 以 立 社 社 而 太 羊 太

> 特性而 共牢乎? 稷皆太牢」,皆者謂 稷,五穀之長,故 食。 書》曰: 『乃社于新 不可一一祭也 爲 于新邑,羊一、牛一、豕一。』據 三牲何? 郊特 天 土地 下 見稷之明證。 性》以證「社稷共牢」。 社 求 廣 稷太牢,考《王制》云「天子社 福 傳疏非 重功故也。《尚書》曰:『乃社 博,不 報 功。 也 封 封 可 邑。」」又云:「社稷 人非 兩 疏乃 土立社,示 徧 稷 壇皆用太牢也, 敬 而祭之 土 曲附 也 不 立 五. 彼文云 僞 也。 有土尊。 穀衆多, 此 可 尚 爲

官。 社,是也。 乃土神, (又案日) 、后稷皆人鬼,以勾龍有平水土之功, 稷乃穀神,棄乃 勾 王者立 鄭 龍 僞 康 孔 乃 成 以 人名,后土乃其 社 以 勾 稷以 社 人名,后稷 龍 即社 爲 祈福 土 神, 非 報 (所居 乃其所 也。 勾 龍

即 祀 故 之説雖誤, 于新邑」即 祭地,而 稷 之。 配 耳。 社 非 祀 傳直 之, 即 祭地别有北 土神, 但既 祀以 后 以 以社爲勾龍,則 爲 稷有播 爲 而以勾龍配者,言社 勾龍, 謬矣。 社 郊可 爲稷 種 之功, 知。 也。 知 又此 故配 此 社 非 傳 以 社

甸、男邦伯。 厥既命殷庶,庶殷丕作。越七日甲子,周公乃朝用書,命庶殷侯、

和見士于周。」與此 民大作。 殷侯、甸、男服之邦伯,使就 會,故周公乃昧 大和會。 方伯,即州牧 周公初基,作新大邑于東國洛 傳 侯皆 日〕于戊午七 衆殷在侯、甸 言勸事。 侯、甸、男 故 也。 周 爽 公乃 其 已 日 以 〔疏曰〕《康誥》云 邦、采、衛,百工 甲子,是時諸侯 賦 男服之邦伯 事也。 命殷衆,衆殷之 功屬役書,命衆 爽 以 功。 故知「是 賦 功 四 邦伯, 播 方民 皆 時

> 知得 彼也。 方伯。」即州牧 謂 人夫多少。 役賦丈」,此傳言「 者,立文有詳略 就 侯城成周,《左傳》稱命役書于諸侯,「 築作 方伯州牧。《王制》云:「千里之外 地之丈尺也。 「賦功」,謂賦 功 也 「屬役」, 也。 耳。 康 賦功屬役」,其意出 語 邦伯,諸侯之長,故 昭三十二年晉合諸 斂 謂付屬役之處, 諸 五 服 侯之功,科 此 惟 其 使 服

年 》**:** 物土方、議遠邇、量事 用,書餱糧,以令役于諸侯。」即 成周,計丈數,揣高卑,度厚薄,仞 司 案曰〕疏引《左傳》者,彼云:「士彌 庶殷」之意,故引之。 楚「萬艾獵城沂,使封人 量功命 日 分財 ,期,計 用 平 八慮事 板 徒庸,慮 此經「 幹 溝洫 稱 牟營 用 財

[「]在」,與本段傳文對照,當爲衍文

有司」,亦此意。築、程土物、議遠邇、略基趾、具餱糧、度

曰〕復,扶又反。 太保乃以庶邦冢君出取幣,乃復入,〔《釋文》

幣。 卿 因 者,自命之,不由王也。 庶殷既 弓,此時所賜。 成,將歸政成王,召公與諸 經文不見王至,故傳辨之。 而諸侯公卿並覲之。既入見王,乃出 公卿乃並覲王,其時蓋有行宫,王在 會顯周公。〔疏曰〕上周公用書命 王,無事。召公與諸侯 公言「旅王若公」,明此出入是覲王, 鄭曰]所賜之幣,蓋璋 並 大會顯周公之功。既成,將令王自知 則上已入可知,從省文也。 覲于王。 初不言人 《尚書》疏 王 而言出者,下云「乃 與 周公俱至,文不 出 以皮,及寶玉 [傳日]諸 取 侯出 周公居攝 幣、欲一 取幣 作、諸 下賜 庶 侯 因 復 而 取 侯 殷 大 見 周 位

者。 《左傳》:「分魯公以大路、大旂、夏后氏 羊》云:「半圭曰璋,白藏天子,青藏諸 考《公羊傳》,璋即寶玉、大弓之玉,鄭以 政, 以皮」,是用璋爲幣,必以皮配合之也。 非封魯公之分器,當是此時所賜 之璜、封父之繁弱。」則璋與寶玉、大弓, 經:「盜竊寶玉、大弓。」《公羊傳》云: 璋以皮及寶玉、大弓」者、《春秋》定八年 璋與寶玉、大弓殊言之者,何休注《 是魯有此璋及寶玉、大弓也。 人以賓三揖」,是以猶與也。 云「主人與賓三揖」、《鄉射禮》則云「主 「以皮」者、《周禮・小行人》「合六幣璋 寶者何? 以皮」,以皆與也。 案曰〕鄭云云者,經言「以 大 以無正文,故云蓋以 |賜周 公、遂以 璋判白,弓繡質,龜青 戒王 《儀禮 疑之。 庶邦」,鄭言 鄉飲酒禮》 云「幣,蓋 定四 璋必云 與周公 純。 年

之器,當尤異,故别言之。《春秋》所言玉,不止于璋,以璋是禮天傳獨言璋者,所以郊事天尤重。」然則傳獨言璋者,所以郊事天尤重。」然則侯,魯得郊天,故錫以白。不言璋言玉侯,魯

庶殷,越自乃御事。 錫周公。曰:「拜手稽首,旅王若公。誥告

即 也。 首,陳王所宜 王賜周公也。《尚書》疏。 下,故與諸侯出 而 鄭曰〕召公見衆殷之 成,有反政之期 以 其命賜周公。《尚書》疏。〔王曰〕爲戒成 云 諸侯 衆 成王 賜 也。 般諸 周公」者,召公不得 在 命 召公見周公功成作邑,將反 ,故託焉。 侯于自乃御治事爲 順 問馬周 取幣,使戒 周公之事。」指戒成 %,而欲 民 [傳日]召公以幣 **「疏** 曰:「敢拜手稽 顯之,因大戒天 大 成王立于位, 作, 日 賜 周公德隆 一幣既 周 辭,謙 公,知

> 以 在 君臣皆聽之,其實指以戒王。 諸侯皆 王 ,故以爲言也 政 告汝庶殷之諸 故 稱 王 命賜 侯 周公。 ,下自汝 云 御 我爲 事 欲令

言呼 非 也。 乙卯至 宅無事也。」僞孔言「王與周公俱至」, 宅,伻來,視 1 時王與公俱在 洛誥》言:「予惟乙卯,朝至于洛師。」 案日〕鄭云「戒成王 也。 西都未來,當于使來告卜之後 而來也。 故上文鄭注云:「不書王往,王 來以 洛, 圖及獻ト」。 何用 予卜休,恒吉。」則 知者、洛浩 三、王蓋 呼來 立于位 以 既 獻卜乎? 》王言: 若王與 得 」云云者, 周 相 公所 「公既 公同 宅 而 僞 于 獻 時 來 以 相 又 洛 之 干

嗚呼! 之命。 嗚呼! 曷其奈何弗 王受 皇天上 命 ·, 無 帝, 敬 疆 改 惟 厥 休,亦 元 子,兹 無疆 大 國 殷

傳言「大子」。 「鄭曰〕言首子者,凡人皆云天之子,天〔鄭曰〕言首子者,凡人皆云天之子,天 《釋詁》云:「元,首也。」首是體之大,故 大子,此大國殷之命。言紂雖爲天所大 大子,此大國殷之命。言紂雖爲天所大 大子,此大國殷之命。言紂雖爲天所大 大子,此大國殷之命。言紂雖爲天所大 《釋詁》云:「元,首也。」首是體之大,改 《釋詁》云:「元,首也。」首是體之大,故 《釋詁》云:「元,首也。」首是體之大,故 《釋詁》云:「元,首也。」首是體之大,故 《釋詁》云:「元,首也。」首是體之大,故 《釋詁》云:「元,首也。」首是體之大,故

得備一義也。祭公解》云:「皇天改大殷之命。」則傳亦祭公解》云:「皇天改大殷之命。」則傳亦也。説又見下文。傳訓大、《逸周書・也。説又見下文,面如生。」是謂首爲元〔案曰〕鄭以元爲首者,《僖三十三年》:

在天, 「天既遐終大邦殷之命,兹殷多先哲王

[案曰]《説文》無遐字,《毛詩·泉水》傳精神在天不能救者,以紂不行敬故。[傳曰]言天已遠終殷命,此殷多先智王

詰》文。
訓瑕爲遠、則古字借也。遐、遠、亦《釋

越厥後王後民,兹服厥命。

世君臣。此服其命,言不忝。〔傳曰〕于其後王後民,謂先智王之後

書省增並改也。 □〕「智」本作「骸」。「藏」本作「臧」,「瘝」本作「鰥」,皆隸「厥終智藏瘝在。〔《釋文》曰〕瘝,工頑反。○〔案

〔案曰〕鄭云云者,説詳《康誥》。

命用懋。〔《釋文》曰〕夫、知並如字。籲音喻。亡,出執。嗚呼! 天亦哀于四方民,其眷「夫知保抱攜持厥婦子,以哀籲天,徂厥

其子,攜持其妻,以哀號呼天,告冤無會選》五卷。〔傳曰〕言困于虐政,夫知保抱妻,以悲呼天也。《尚書》疏。○劉三吾等《書傳〔王曰〕匹夫知欲安其室,抱其子攜其

者爲民主。〔疏曰〕夫猶人人,言天下 辜,往其逃亡,出 亦哀之,其 顧 視天下有 見執殺 德者, (無地自容。 命 用 勉 盡 敬 天

然也。

俗説也。 《禮記》「若夫」鄭注,亦讀 有此訓。 [案日]王以夫訓 今人讀爲扶,解爲虚字者,皆 匹夫者,讀如字。 如字,疑古自 觀

天迪格保,面稽天若,今時既墜厥命。 保,面稽天若,今時既墜厥命。 王其疾敬德, 面考天 法。 王當疾行敬德,視古先民有夏之王 鄭 日」面 **上**命。 禹能 心 一敬德,天道從而子安之。 禹亦 而 , 猶回向 順 相古先民有夏。 之,今桀棄 也。《尚書》疏。 禹道、天已墜 今相有殷 天迪從子 〔傳曰〕 以

心也

「案日 之」是也。 項籍傳》「馬童 人》注云: 鄭 一面 以 面 猶鄉 爲 面之」,劉 П 也。」鄉、向 向 者, 攽 鄭《夏 曰「謂 同。 官 《漢 面 • 撢 向

同也。」 老」,師古曰: 卷八十一《孔光傳》,平帝十二年韶引《書》曰 之德,矧曰其有能稽謀自天? 「今沖子嗣,則無 「《召誥》之辭,今作『壽 遺 壽 者。 日 者」,與『者老』義 其稽 〔案曰〕《漢書 我 「無遺 古人

矣,況 至善。 〔傳曰〕童子,言成王少嗣位治政。 棄老成人之言。其考行古人之德 曰其有能考謀從天道乎? 則 無 遺

「嗚呼! [《釋文》曰]誠音咸。 于小民,今休。 有 王 雖小,元子哉! 王 碞,五咸反,徐音吟 不敢後用,顧 畏于民碞。 其丕能 誠

其王

次復

觀

有殷,天道所以至于保

安湯者

亦如禹,今既

墜

工其

王

命。

疏

面

向

義

志意向天,言能

同天

傳曰〕召公嘆曰:成王雖少,而大爲天 其大能和于小民,成今之美。 王

《周書》曰:『丕能誠于小民。』胡毚切。」 韻》卷二下平二十六咸亦云:「碞, 石參差不齊,象似僭差,故傳訓 曰:从品,與嵒同意。 書》曰: 『畏于民碞。』讀與巖同。 下石部云:「碞,磛嵒也。从石、品。《周 丕、不古通也。 碞爲僭者、《説文》卷九 丕字「始一終亥」本作丕,分韻本作不, 卷三上言部云:「諴,和也。 [案日] 傳以丕爲大、誠 能此二者,則德化立,美道成也 碞,僭也。 政當不 敢後, 又 當 顧 能 畏 用 于下 之士 五銜切。」然則山 爲 和 民 必 从言咸聲。 者、《説 僭 任 之爲 差禮 僭。 臣鉉等 文》 廣 僭

王來紹上帝,自服 教化于地勢正中。 日〕王今來 鄭 旦」自 居洛邑, 用也。 于 土中 《尚書》疏。 [疏日]《周禮 繼天爲治, O E 躬自服行 同。 大司 傳

差。」是也。

陰。 多寒, 城,今河南縣。」是也。 乃建王國焉。] 馬融云: 會也,陰陽之所和 地之所合也,四時之所交也,風雨之所 求地中。 徒》云: 日至之景尺 日東則景夕多風,日西則景朝多 「以土圭之法測土深,正日景, 日 南 則景短多暑,日北則景 有五 也。 寸,謂之地中, 然則 「王國,東都王 百物阜安, 長 天

傳文。 中表景得 彼疏云:「據中表之東表而言,于晝漏 中」爲「地勢正中」,疏引《周禮》云云者 夕多風。 日爲近東。● 〔案曰〕鄭云「自,用也」者,《詩・執競 西。 傳云「躬自」,非 亦于晝 正 據中表之西表 時,東表日已昳矣,是地 晝漏半已得夕景,故云景 漏半 中表景得正時, 也。 而 言,是地 傳又以「土 與 西

萬里。 以爲 周 周 里。 禹之舊。 表 衡》與鄭合。 尺有五寸,適當土中也。 日爲近北,景長多寒也。」然則日至之景 言,亦晝漏半,表北得尺六寸景,是地 五 成 土之中也。」康成謂 二十四《難歲篇》云:「儒者論天下九州, 爲近南,景短多暑。 初定天下,猶因殷地 多 公攝政,致太平,斥大九 寸,不與土圭等,是其日南,是地 八尺之表,表北得尺四寸景,不滿尺 日 未 《周公卜宅》曰『自服于土中』,雒則 東西南 陰。 ,以爲此天下中,有德則易以王,無 夏衰 中 作《召誥》時猶未 仍 據 地 北盡地廣長,九州之内五千 得 中表之南表 又《漢書》婁敬 減,湯制 朝時之景,故 禹弼成五服,天下方 據 ,以九州尚狹 天下方五千里。 中表之北 王充《論衡》卷 而言, 畫漏 日 制 州 云 制 禮 日 「周公營 西 則《論 禮 表 于 則 復 也。 H 丽

> 土乎! 皆説「自服 必即土中者何? 使善易以聞,惡易以 也。《白虎通 于成周。 德則易以亡。」《吕氏春 曰:予一人兼有天下,辟就百 有不善易得而誅也。」《説苑》南宫邊子 曰:「昔周成王之卜居成周 成王定成周, 使予有罪,則 惟余一人,有善易得而見也 土中」之義也。 • 京師》篇:「《尚書》王者 其辭 所以均 日 聞, 四方伐之,無難 惟余 秋》南 教道 明當懼 也,其命龜 姓,敢無 宫括 ,平往來, 慎。」此 日 得 中

休。』〔案曰〕《書傳會選音釋》治平聲。 于上下,其自時中乂,王厥有成命治民,今「旦曰:『其作大邑,其自時配皇天。 毖祀

配上天而爲治。慎祀于天地,其用是土周公,言其爲大邑于土中,其用是大邑,稱周公之言爲旦曰。《尚書》疏。〔傳曰〕稱〔王曰〕旦,周公名也。禮,君前臣名,故

六三六

太平之美。 中大致治。王其有天之成命治民,今獲

禮上》文。〔案曰〕王云「君前臣名」者、《禮記・曲

文》曰〕比,毗志反,徐扶志反。 性,惟日其邁。 王先服殷 御事 王 , 一敬作 比 介 所 于 不可 我 有周 不敬 御 事。 節

氏云"「和協 不失中,則道化惟 臣,使比 不敬之德,則下敬奉其命矣。〔疏曰〕顧 意,以終其戒。 勿使怠慢。」 傳 可一。 日]召公既述周 近于我 和比殷 殷 周 有周 言當先 周之臣,時節 新舊之臣,制其性 日其 治事之臣,必和 公所言,又自 服治殷 行。 敬爲所不可 家 其性,令 御 陳 事 命, 之 己

[案曰]傳以邁爲行、《釋言》文。

我不敢知曰,有夏服夫命,惟有歷年。我「我不可不監于有夏,亦不可不監于有殷。

我不敢 厥命。 命 不 嗣若功。 敢 我 知 今 王 不 知 曰 敢 ,不其延,惟 曰,不其延 知曰,有殷 嗣受厥命,我亦 作性 不敬厥德,乃早 受天 不敬 命, 惟 厥 兹 惟 德,乃早墜 三國 有 歷 年。 厥

法則之。 殷長短之命爲監戒,繼順其功德者,而約王義。[傳曰]繼受王命,亦惟當以此夏(王曰]我不敢獨知,亦王所知。《尚書》疏

(案曰)王云云者,召公引夏殷長短之命(案曰)王云云者,召公引夏殷長短之命

文》無 德。 年。 王乃初服。 爽》。 自貽 ,此字當作 知今我初服,宅新 王其德之用,祈天永命。 哲 命。 治治。 嗚 呼 ! 今天其命哲,命吉 若生子, 罔不在 邑,肆 [案日][貽 惟 王 M, 其 厥 命 敬 歷 初

天制 子之 長。 求天長命以歷年。 都,故惟王其當疾行敬德,當其德之用, 則常吉,則歷年。 傳 E 初 天已知我王今初服 此三命,惟人所修,修敬德則有智, 在其初 生 言 一習爲 王 生,爲政之道亦猶是也。 新即政,始 善則 不敬 善 服 矣。 德則愚、凶、不 政、居新 行 自 教化,當如 遺 智 邑洛

惡。 惡。 赤。 成王 初生意于善,終以善,初生意于惡,終以 生子, 罔不在厥初 〔案曰〕王充《論衡》卷二《率性篇》云: 人性有善有惡,善則養育勸率,無令近 一,
猶 譬猶 티 : 十五之子猶絲也,其有所漸化爲善 惡則輔保禁防,令漸于善。 藍丹之染練絲,使之爲青 成,真色無異。」經言初生,似言 ■ 今王 練絲染之藍則 一初服 生。」生子謂十五子。 厥命,於戲 青,染之丹則 召公戒 赤也。

> 嬰孩 期當之。 則非嬰孩所能,故王充以太子人太學之 子,大夫元士嫡子,年十三人小學,年二 治哲命」,謂當修賢智之德,以祈永命, 太子之禮。《尚書大傳》曰:『公卿之太 通》曰:『八歲入小學,十五入大學。』此 十入大學。』此世子入學之期。」經言「自 大戴禮記 時 亦 可。 • 保傅》篇盧 而 王 充 以 辯注 爲 十五 云:《白 一子者,

惟刑用于天下,越王顯。 乂民。若有功,其惟王位在德元,小民乃「其惟王勿以小民淫用非彝,亦敢殄戮,用

罰。 亦當果敢 傳曰」勿 順行 小民乃惟用法于天下,于王亦 所以成功,則 絶 用 刑 小民 戮 過用 之道,用治 非常, 其惟王居位 民,戒 欲 其秉常。 以 在 德 有 慎

■ 「王」字,原脱,據《論衡》補

光明

則元亦首 日 以 元 也 爲首者,《 釋詁》首、 元

年,式 上下 勤 勿 替 恤 其 有 殷歷年,欲王 日 我受天命, 以小民 丕 若 有 受 夏 天 歷

命

〕讎字或作酬

成

君

君。 德,不獨使王勤也 以臣助之。 年,庶幾兼之。 命,大順有夏之 傳 曰〕言當君臣 上下謂君臣, 上惟指勸王,故此又言臣 <u>「</u>疏 多 勤憂敬德, 歷 言當 日〕王者不 年, 君臣共勤憂敬 勿用 曰 廢 獨治,當 我受 有 殷 助 歷 天

者,天悦喜 修正,賞罰明者,國治 符《潛夫論》卷六《正列》篇云:「人君 [案曰]傳以恤爲憂,《説文》卷十 小民受天永命』。 式爲用,替爲廢,並《釋言》文。 而 增歷 蓋 數。 勤 而 故《書》曰『王 恤 民安。 即安民,民 民安 下 心 樂 以 身 部 \pm

> 子,越友民,保受王 拜手稽首曰:「予小 ,王亦顯。〔《釋文》曰 乃命永。」 故符説此經義 威 臣 命明德。 ,敢以王之讎 如 此 也。 王末有 民 百

稽首 受王之威命明德,奉行之。臣下安受王 之。言與匹民百君子,于友愛民者 敬,以入其言。 拜手,首至手。 我 命,則王終有天成命,于王亦昭著。 君子,治民者非一人,民在下, 曰〕我小臣,召公自謂。《尚書》疏。 百君子,王之諸侯與羣吏。《尚書》疏。 日〕拜手,頭至手。 鄭曰〕拜手稽首者,召公既拜,興。 言之。 拜頭至手,又申頭至地,故拜手稽 小臣」以下,言召公拜訖],施之于極 《周 禮 稽首,首至地。 我小臣,謙辭。 尊。 稽首 太祝》「辨九拜, 召公爲此拜者, 1,頭至 而 地。 復言 自上 盡禮 「傳 匹 共 民 一 曰 至 安 既 兀 百 致 疏

以末爲終者,《説文》木部云:「木上曰詳《堯典》。傳以讎爲匹,《釋詁》文。又爲既拜興,拜訖復言也。拜手稽首,説〔案曰〕鄭云云者,嫌似且拜且言,故以王忽而不聽,盡禮致敬,以入其言于王。

成之,故易知。本末勢然也。」然則末、干寶注云:「初,儗議之,故難知。卒,終易知,本末也。初詞儗之,卒成之終。」末。」《易・繫詞下》云:「其初難知,其上求爲終者,《説文》木部云:「木上曰以末爲終者,《説文》木部云:「木上曰

用反。命。〕〔《釋文》曰〕奉如字,又芳孔反。供音恭,徐紀介。〕〔《釋文》曰〕奉如字,又芳孔反。供音恭,徐紀「我非敢勤,惟恭奉幣,用供王能祈天永

終皆謂卦之上爻,是末猶終也

我非敢獨勤 帛,用供待王能求天長命。 傳日]我非 〔疏曰〕「我非敢勤」 也。 敢獨 圃 已,必 勤而 上下 已,惟恭敬奉其 」,召公自道,言 勤恤,與衆百 將以 慶王 多 幣

> 勤解之。 與羣吏。 治,宜君 案日 勤即上文勤 臣 謂治民非 共 勤 又言 人,故傳以 恤之勤,上 百君 子, 既 非 指 敢 諸 爲 獨 侯

尚書後案卷十八

六三九

尚 書後案卷十九

東吴王鳴盛學

周 公拜 · 必 亦反。 手稽 首 日 : 朕 復子 明 辟。 ○ 釋

洛

誥

周

書

成王 政而退老。〔疏曰〕周公攝政 政于子。 營洛邑,既成,歸 傳 曰〕周公盡 ,告以居洛之義,故名《洛誥》。 子, 成王。 禮 西都 致 敬,言我復還 年二十 其年冬,將致政 成 (七年三月, 明 故歸 君 之

> 據也。 作樂。 云: 丢。 己。 二十成 皆是 征。 王年二十,則其 邑,作《康誥》、《召誥》、《洛誥》,致 年,周公攝政,遭流言, 末乃 十三而已,冬十 政 「武王 王肅 七年,成王 然則武王崩時,成王 二年克殷,殺管叔。 西 云 出入四年,六年而 人故 都 「戊辰 所 于《金縢》篇 崩 誥 也。 時 也。 (義如 王 適滿二十。」孔于此 傳説成王之年, 成王年 在 月 崩。 言還政 . 新 王 末 邑, 肅 作《大誥》 云:「武 成。 也 年十三。 三年歸, (者,以 其 明 明 七年 戊 又《家語》 年 王 惟 成 辰 言成 周 政 · 誉 制 而 稱 年 此 Ŧ. 以 成 洛 禮 東 元 九 + 而

宗廟,辟王 文案日 公攝王位,以 昔周公朝 傳 諸 以 也。」正義:「周 復 侯 明 于明堂之位」,鄭注:「周 爲 《堂之禮儀朝諸侯,不于 還 政 者,《 公攝 明堂位 位 而 云

多附 王朝諸 君位 就臣 禮》:『諸侯受次于廟門外。』 覲在廟,今 所習皆 武之業,履天子之位,聽天子之政,抱 詩外傳》云:「武王崩,成王幼 子位以治天下,七年致政成王」,鄭注: 在明堂,故云『辟王』也。」又「周公踐天 攝 同 踐猶履也。 隱爲攝 傳 政與攝 正 薨,不云崩; 古義 會。 不不 位 諸 鄭注《周禮•天官》説 爲攝政,復辟古學如此,故得售其 侯。 乃死,何得記崩? 侯者,鄭《箴膏肓》云: 稱 位 但漢 也。 師 位 薨 ,周公爲攝政,雖俱相幼君, 成王壯,周公致 承,案據 致政,以王事歸授之。」《韓 異也。』云『辟王』者 云何?』又《發墨守》云: 王莽託 重 魯隱公攝諸侯位 一經 術, 非能空造。 周公以 經 重 隱公見死于 政,北 家法,博 一同,此 行 ,周公承文 『周公歸政 其姦, 莽之 而稱薨, 「,《覲 周 面 成 漢 事

> 肅。 欺。 周公攝政已久,故復還明君之政于成 鄭不合,非 也。」傳又以成王時年二十者,說本 復,還也。子謂成王也。 之義」,李賢注:「周公曰『朕復子明辟 報,故言我復子明君也。」《後漢書》卷 子之位。 書》卷九十九《王 桓帝紀》和平元年詔曰「遠覽復子明 .朕復子明辟」。 一月,羣臣奏太后:「周公始攝 倘 肅據《家語》。 本 成王加 無此 也。 事,莽 説詳篇末。 周公常稱王命,專行 元服 莽傳》云,元始五 《家語》肅 亦 ,則致政。 無 辟,君 由 託之。 所私定,與 則 《書》 也 <u></u>

東土,其基作民明辟。「王如弗敢及天基命定命,予乃胤保,大相

攝,乃繼文武安天下之道,大相洛邑,其及知天始命周家安定天下之命,故己〔傳曰〕如,往也。言王往日幼少,不敢

古》で。 始爲民明君之治。〔疏曰〕「如,往」、《釋

我乃ト澗水東 「予惟乙卯, 水東,亦惟 朝至于 洛食。〔《釋文》曰〕瀍,直連 瀍 水西,惟 洛 師。 我卜河 洛 食。 朔黎水, 我 反 又ト

吉。 其懷 是也。 食。 順 南 定都之意。 顧彪述鄭 公所卜之處,皆可長久居民,使服 鄭曰〕我以 食 城 也。 致 也。 又 ト 土 墨。 瀍水東既 政在 殷 義。 召公所卜處名曰 先卜河朔黎水者,近于紂都 重遷,故先卜近以悦之。《尚書》疏 頑民,故 ト必 澗 瀍 冬,本其春來至洛衆,説始 ○《詩》四之一卷《王風譜》疏。 乙卯 我使人 瀍之間,南 水 先墨 成,名曰成周, 東, 日至于洛邑之衆,觀 並 今洛陽 畫 入卜河 ト之。 「 疏 龜 近洛,吉。 王. ,然後灼之,兆 北黎水土, 城,今河 也。 今洛 日」「 將 陽 南 田 河 不 傳 縣 縣 爲 相 召

> 吉,乃 遷都之意 明其不吉乃 成周」是也 王城遷而都之。 洛,今河南 常厥邑,夏殷皆在 水」下不言吉 入 ト 河 ,而先卜 南 城 改也。 也。 也 凶 春秋》昭三十二年「 黎水者, 其 河北,故 洛 武 我 1 陽 乃 王定 澗 即 瀍 是改 成 帝 先 鼎 之 周 1 Ŧ. 郟 敬 間,南 1 河 所 鄏 都,不 不 自 城 近

營成 也。 所 周 實非周公更卜,故 洛,達觀于新邑營,無煩更卜。 云「我乃卜」者,謂周公視召公之卜兆, 召公先至洛,既得 [案曰]鄭云「觀召公所卜之處」者,鄭以 下耳。 》所 周 惟 又鄭注 云「厥 河 《序》云: 是 朔黎水與 既得 以 成 瀍水東 周 ト 止 非 「召公既 以爲「觀召公所卜處」 卜經營, 瀍水東兩處,是周 召公所營。 與召公所 ト王城、未ト 相 然後周 宅,周公往 則 則《 經所 公至

皆屬河· 也。」此 言之, 北,過 遷之。 懷土 者 瀍 民 其 郡 王 故 南 交流之内,謂 周公,皆非 號 亦爲欲建王 (東。 懷 或 城 知 成 ,舉漢地名爲 水東,今洛陽,召公所 衛 之王城。」 黎陽 周 ,故先卜近,不 土 輝 志》魏郡 ,周公之卜則爲欲遷殷頑民。 是周公所 Щ 則 地 傳疏 南 府 重遷,先 上碑云: 縣 與 鄭 尹 濬 河 南。 意 也 似皆誤 是也。 .'南 縣 城; 酈注 都 黎陽 有 以 《郡國志》云:「洛陽 東 縣取山之名,取水之陽, 1 朝 周公時 驗 1 瀍 黎 河 澗 一晉灼 北 也 歌 · 近 朔黎 陽縣, 也。 水 也。 東 吉,乃改 馬 以 密 《水經》五卷: 以 瀍 東爲召公所 融 爲 召公之卜爲 邇、故鄭云「爲 黎山 所 水 注《周 後漢洛陽、 悦之」也。 司 西 河 ١, 其 馬 者 城 朔 之卜,亦 故城在 今河南 1 在其 洛 彪《 一, 河 黎水之ト 禮 瀍 邑, 南, 「河水又 續 北 水 未 以爲名 河 漢 今河 鄭 黎 出 欲 周 河 云云 東 殷 水 秋 時 南 云 商 水 民 干 建 東 逕

> ١, • 觀之似 其兆 相 占 坼。」此卜作洛,是王之事,宜 爲 故 焌 體 者 是 右,冬灼前右。」而 所爲也。 田 徒 烟煤 吉 必 其 與 影亦 墨,經何爲言食墨 相 鄭注《 以 · 邪 ? 食 鄭 」之説爲長 君占體,大夫占色,史占墨, 處, 云: 墨畫之,使火 所 口 然則ト未有 利 食墨之説 成,墨字从黑,黑字从炎上出四 也 以 王 則 傳以爲「兆順食墨」,自淺見。 且《周 引 》云:「春灼前左,夏灼後左,秋灼後 止 龜 鄭 或 火,卜者四 也。 灼 陰 以 東 爲是,其實 禮 其 類,不 惟 都 不 邪? 循墨 處 食墨者,豈食墨 Ē 洛食」爲「居 不 占人》云: 城,今河 宜 時各灼 能 當从 加 于 非 延及 占體,不 延褻,以 火,以楚焞 也。 鄭 龜 南 (滿腹 ,是烟煤 蓋墨 之 服 民 縣。 占 見 服 凡 必 田

■「ト」下、《周禮·春官·占人》有「筮」字、此股

伻 來 圖及獻 <u>|</u> 〔《釋文》曰 []砰 普耕反,徐敷

耕反,又甫耕反。 下同

傳曰〕遺使以所ト 地 圖 及 獻 所 1 兆

字也 部 : 〔案曰〕呼,《説 來告成王 云: 傳》引此經孟康注云:「使人以圖 抨皆爲使,則此字當从手。 新附亦無,惟卷十二上手 王。」是也。《詩・大雅・桑柔》云「荓云 云「撣也」。 不逮」,毛傳云:「荓,使也。」《經典釋文》 「荓,馬帚也。」是以荓爲拼,乃假借 「荓本或作拼。」《説文》卷一下艸 傳訓伻 文》卷八上 爲使,而 一人部 部 《漢 釋 有 抨 無 詁 來 字,注 此 劉 示 字, 成 向

王拜手稽首曰: 年敬天之休。 宅,其作周匹休。 休,恒吉。 我二人共貞。 拜手稽首誨言。」 「公不敢不敬天之休, 公既定宅, 公其以予 伻來來, 萬 視 來 億 子 相

謂先後一

兩遺使,

非

時使二人也。

召公

相

宅,既

得

卜經營,當即繪

乎! 之居。 定宅, 億。 億萬年敬天之美。 則是爲田九百萬 首。」諸侯小事大,尚不稽首,況 姓、千品、萬官、億醜」, 億畝」,是名十萬爲 十里者百 而受其言。 七年《左傳》云:「非天子,寡君 十萬曰億。 馬 鄭 案 、日)鄭 日〕貞,當也。 日 [疏曰]拜手稽首,施于極敬。 成王尊敬周公,故答其拜手稽首 遣使來,來視我以所卜之美 我與公共正 伻 一,爲田 來 云「伻來 《王制》云:「方百里者,爲方 今之算術乃萬萬爲億也 來 者,使二人 九十億畝。」方里者萬 畝。 《釋文》。 來者,使二人也」者, 億 其美。 十千爲 也。 今《記》乃云「九十 每 (傳日) 《楚語》云「百 數相十,是古 也 公其當 萬, 無 一公前 尚 書 于 萬 哀 常 所 用 臣 稽 + 爲 我 疏

伐檀》「禾三百億」,毛傳云「萬萬曰 通。 正。 鄭箋云「十萬曰 意。」●然則此字當从心不从人也。 有所本,故馬云「當也」。 語》爲證。又言今算萬萬爲億者、《詩 八上人部云「安也」,則非數。 也。」視乃正字,今作示,俗誤也。 字、《儀禮・士昏・記》云:「視諸衿鞶。」 圖 「貞,當也」者,《乾》「利貞」,子夏以貞 鄭注云:「示之以衿鞶者,皆託戒使識之 十萬」,與《説文》合。 周,乃更遣使,故言來來也。 意字注云"「滿也。 以召公所卜及圖 ,未及發使聞王而周公至。 《師·彖傳》云:「貞,正也。」貞與正 而《廣韻》云:「正,當也。」《廣韻》必 傳以時事言之,故今《九章算 億」。 使人獻王,及後 正義 疏引《王制 億、《説文》卷 一萬 曰十,萬 萬 卷十下心 周公自 視,古示 日 言》、《楚 億 億 傳 馬云 ト吉 爲 云 然

乎 ? 説。 十萬。 古數,韋與之合。徐岳《數術記遺》曰: 不 此俗人妄改。凡鄭箋與毛異者,則著之,同 傳與此同。據此疏 《王制》云方百里爲 曰億、古數也。 語》,皆以萬萬爲億。 諸言億者,毛、鄭各從其家,故《楚茨》箋 者,以田方百里,于今數爲九百萬畝, 術》皆以 「十萬」,各從其家。今刻《楚茨》箋、傳俱「十萬曰億」, 黄帝爲法,數有十等,及其用也,乃有 知鄭訓詁 如《楚茨》箋與傳同,何必複出,且 無識者據此俗刻,或反疑鄭于一經中彼此互異 十等者,億、兆、京、垓、秭、壤、 故彼注云:「億,十萬也。」《詩》内 極精 故以 萬 萬 ,豈肯乃爾 爲億。 古數言之。 秦始以 ,則《楚茨》亦傳云「百萬」,箋云 田九十億畝,是億 箋以《詩》、《書》 韋昭則云: 萬萬爲億。」鄭 賈逵、唐固 知古億 疏 則不復更 亦更不及 「十萬 [注《國 爲 古 而

「意」,原作「意」,據《説文解字》改。

也。 十兆日 此傳是也。 窮則變,若言萬 1,故合言之。] 上數宏廓,世 億,萬億 十十變之,若言十萬日 京也。」甄鸞曰:「毛注萬萬 澗 鄭注十萬曰億,下數 京也。 正 日 載 兆,萬 中數萬萬變之,若言 .萬日 三等者, 兆 億 日 ,億億曰兆, 京也。 也。 億 上 中 不可 曰 下 鄭以數爲 億, 上數 也 用, 萬 兆 中 兆 數 下 則

周公曰:「王肇稱殷禮,

即 王用 政,告神受職,然後 鄭曰〕王 卷 用周 用 ○《禮記》三十一卷《明堂位 《禮制門 周禮 之也。 伐紂 禮。 已來,皆用殷之禮 一者未 仍令用殷禮者,欲 周 故 何傳 公制 告 制禮 曰〕言王當始舉殷家祭 神 禮 班 且 樂,恒 樂既 行 用 周 殷 禮。 成, 禮 用 樂,非 ○《玉海》六十 待 也。《尚 明 使 王 年 成 即 成

禮、祀 者,《 傳古 平,乃 民 ? 疏推 明用 殷而 者,此 明 年 此 卷上《禮樂》篇云: 用周之常法。」言周禮即殷家舊禮也 新邑」即下 案曰〕鄭以殷禮爲先代禮者、《 經以 制 周禮。 來,故 已 明堂位》及《大傳》皆言周公攝 義 禮樂, 衍鄭意,與此經 殷 新邑。』此言太平去殷禮。」是 以爲且用先王之禮 疏 更制作焉。 應即 也 是將致政,知禮樂已成。 爲用先代禮。 禮 曰 文「烝祭歲 稱 即 七年致政。此上 顧氏云:「舉行殷家舊祭祀 鄭又言 于 政,而又言待王明 周 殷 禮。 公 時 制 所 《書》曰:『肇修 「王者始起,何 「周公制禮樂既 注 制 禮 知者,以 《 詩 」也,既用 同。 禮 己 , 雖 訖, 此 周頌 文言「復子 此 有 而 漢經 白虎通》 云阳 損 「騂牛」, 天 下 年 然則 云 益 政六 用 殷 師相 從 太 禮

故仍殷 者,篇 如殷 事耳。 殷禮 甚確,傳疏皆非也 王 辰 證乎? 下文「騂牛」爲證 一即政 ,周公反政」,是致政在是年年終, 書 尚白,而 即 ·律歷志》引其文以爲「十二月戊 末云「戊 若依鄭則是改歲之事,何得 禮 在明年歲首矣。 周 改歲始用 也。 禮 玄牡 周禮何得與殷同? 傳云「舉殷家祭祀 辰,王 ,據傳以爲與烝祭是 周正色,此時未 告天 在 此時猶未 一, 用 新 夏禮。 邑, 烝 即 用 鄭義 疏 祭 以 且 爲 以 謂 則

祀于新邑,咸秩無文。

者而 〔王曰〕秩,序也。《文選》三 李善注。 日]以禮典祀 祀之。 ○又十四卷顔延年《赭白馬賦》注。 于新邑,皆次秩 卷張平 不 子《 在 東 一禮文 (傳 京 賦

典》。云「無文」者、《風俗通・山澤》篇〔案曰〕王以秩爲序者,秩當作豑,見《堯

《傳》、鄭注《禮記 謂 餘 引 變周之文,從殷之質。」是殷尚質,周尚 有文也。」則「咸秩」謂秩其尊卑,「無文」 文」而説之云:「王者報功,以次秩之,無 文也。此言無文,明用 次秩不在禮文者祀之」,非也 禮 傳 或伯或子男。」下即 儀簡質。 曰 <u>「</u>五 嶽 何休注《公羊》桓十一 視三公, •王制》皆云:「《春秋 殷禮 引此 四 瀆 耳。 經「咸秩 視 諸 僞孔 侯, 年 無 其

字與日 作竺,多毒反。 知,唐初猶不至如今人,以闊扁爲曰,狹長爲 曰〕「曰記」,上音越,一音人實反。○〔案曰〕曰,口 惟命曰:『汝受命篤,弼丕視功載,〔《釋文 事。』今王即命曰:『記功,宗以功作元 予齊百工, 伻從王于周。 絶 異。 與簹同 陸屢辨之,陸不識字故 厚也。 見《説文》二部 予惟 也。 曰 : 然觀 日 也。 其辨 祀。」 庶 上開 篤 有 則 本

就行王命于洛邑,曰:「當記人之功,尊禮典。我惟曰:「庶幾有善政事。」今王〔傳曰〕我整齊百官,使從王于周,行其

功者記載之。」 汝受天命厚矣,當輔大天命,視羣臣有 亦 當用 謂功施 功 于民者。 大小爲序, 惟天命 有大 功 我 則 周 列 邦: 大

常,祭于大烝。」是也。禮・司勳》:「凡有功者,銘書于王之大〔案曰〕「記功,宗以功作元祀」者,《周

「『乃汝其悉自教工。」〔案曰〕教,據《大傳》當

盡自教衆官,躬化之。
(尚書)疏。〔傳曰〕乃汝新即政,其當之。《尚書》疏。〔傳曰〕乃汝新即政,其當〔王曰〕此其盡自教百官,謂正身以先

不依紳端冕以奉祭祀者」。其下莫不自樂,一統天下,合和四海而致諸侯,皆莫正朔,立宗廟,序祭祀,易犧牲,制禮作曰:當其效功也,于「卜洛邑,營成周,改自學功』,悉,盡也。學,效也。」《傳》〔案曰〕伏生《大傳》:「《書》曰『乃汝其悉

可信。 者,此之謂也。盡其天下諸 未焚書以 效功,正此時情事。 所引《傳》,伏生據 衛,播民和見士于周。」則使天下諸侯盡 視功載。且《康誥》言:「侯、甸、男、采、 效天下諸侯之功也。 悉以奉 王及傳非也 其上者, 前傳記,蓋 莫不 七十子緒言,自爲 此經上言記功宗, 白悉 以奉其 侯之志,而 、祭祀

「敘」絶句。 馬讀敘字屬下。 燄,厥 攸 灼 敘,弗 其 絶。 〔《釋文》曰〕簽音艷。 「孺子其朋,孺子其朋,其往。 無若火始燄

次序, 書》疏。 無令若火始然燄燄尚微,其所及灼然有 戒其自 鄭 初。 日」孺 〔傳曰〕少子慎朋黨,少子慎朋 不其絶。 今已 子,幼少之稱, 往,朋 事 從 黨敗俗,所宜禁絶。 微 謂 至著,防之宜 成王 也 《尚

[案曰]鄭以孺子爲幼少者、《説文》子部

盛。」 也。 防之 此 以燄 曰 慎 火始庸庸。』勢陵于君,權隆 公《六韜》云:「熒熒不救,炎炎奈何。」 燄,火行微,燄 梅福傳》上書成帝云: 意也。 朋 其朋 延上封 然則庸庸猶燄燄 言火 亦無及矣。」注云:「庸 乳子也 其朋。 始微 火尚微者、《説文》炎部云: 後 于 燄 言慎所與 小,不早 漢 桓帝云:「 也。」《漢 是 書 也。 **>** 也,亦猶熒熒。 卷 「《書》曰:『毋若 撲滅, 傳 也。」是也 四 書》卷六十 周 庸,微 于主 以 公戒成 其 則至 ^ 爰 然 正 皃 後 熾 七 爲 太 又 王 延

永有 厥若彝,及撫 用 辭。」 [《釋文》曰 在 即 其 周 之百官 順 僚, 事 常常 如 明 道 〕嚮,徐許亮反。 子。 往 及 作 撫國 有 行 惟 功 政 以 事 化 惇 在 惇,都昆反。 于 大成 如 周 我 新邑,當 所 新 汝

> 公曰 物,惟曰 百辟享, 享,惟 寬裕之德, 使 : | | | | 臣 下各 事 不 亦識 其 · 享。 繒 爽侮 則汝 其 汝 就 惟不役志于享,凡 有不享。 惟 有官,明 長 沖 有嘆譽之辭 子,惟終。 享多儀, 有功,厚 于後 汝 民 其 儀 世。 惟 敬 大 及 識 成 日

既簡 物,謂 多威 子,凡所恭承,皆是奉上,非 慢,不可治 盡 之奉上者, 上謂之享。言汝爲王,當敬識 鄭 君 也。 不 曰 奉上矣。 惟不役志 儀,威儀不及禮物,惟 亦是不 所 朝聘之禮至大, 貢 理。 亦識其有違上者。 鄭 享也。《尚書》疏 玄專 / 疏 如 于奉上,則凡人化之, 此 一,而威 日 則 以 惟 百 朝 其 [官諸 政 儀 聘 事 禮之儀 獨 簡 説 其 侯 「傳 朝 奉上之道 也 不 百君諸 差 覲 · 奉 上。 威 不 及 惟 奉 儀 侯

爽侮連 校獵 也。 也。 慢 有傷義。 《方言》卷十三云:「爽,過 四 注,皆以爽 其爽與」張揖注,又卷八十七《揚雄 傳以爽爲差者,《詩 解》:「爽,傷也。」《墨子》及韋昭《國語 謂過差也」是也。 也 法 句 日 《漢書》卷五十七《司馬相如傳》「何 趙 故曰不成享。」 也 賦》「不見其爽」顔 文,則: 鄭注 岐曰: 《説文》人部云:「侮,傷也。」經 物,事 八爲喪。 云云者、《孟 侮似不可訓 「享多儀,言享見之禮 也。 爽、傷、喪音近,故 《逸周書》卷六《謚 衛風 趙意 儀不及事,謂 子》引「享多儀 師古注 與鄭略 傷、當从傳爲 氓》毛傳義 也。」郭 並 同 璞 傳 有 同 也 爽 法 關 日

乃惟孺 文》曰 子頒,朕)頒音 不 班 暇 徐甫 聽 云 朕 反。 教汝 棐 音 于 匪 一、又芳 棐 民

鬼反。

汝惟 文》云:「頒,分也。」 猶也。《釋文》。 [傳日]我爲政 我教汝于輔民之常而用之。〔疏曰〕《説 分者,誘掖之言也。 鄭曰 小子,當分取我之不暇 〕成王之才,周公倍之, 《尚書》疏。 而行之。 猶未 「馬 常若不 日 二頒 而言 暇, 聽

「案曰」鄭以頒爲分者,《説文》卷三下支、「案曰」鄭以頒爲分者,《説文》卷三下支

· (《釋文》) · (《釋文》)) · (《釋文》)) · (《釋文》))

不可長哉。書》疏。〔傳曰〕汝乃是不勉爲政,汝是惟善》疏。〔傳曰〕汝乃是不勉爲政,汝是惟〔鄭曰〕蘉,勉也。馬、王同。〇《釋文》。〇《尚

則無義。鄭訓勉、《釋詁》孟字有勉訓。所無,徐邈讀若芒,當从瞢省聲,而从侵〔案曰〕鄭云「蘉,勉也」者,此字《説文》

引鄭者就僞孔改蘉也。 譙周云「即孟卯」。然則此字鄭必作孟,「孟,勉也。」《秦本紀》「茫卯」、《索隱》引班固《幽通賦》「孟晉迨羣」,曹大家注:

遠用戾。」 往敬哉! 兹予其明農哉! 彼裕我民,無〔篤敘乃正父,罔不若予,不敢廢乃命。汝

居師。

惇宗將禮,稱秩元祀,咸秩無文。

予小子揚文武烈,奉答天命,和

恒四方民,

王若曰:「公明保予沖子。

公稱

丕顯德,以

大夫爲 政,則 明教 汝往居新邑,敬行教化哉! 而教出 生《書傳》稱: 正父謂武王。 順我所爲,則天下不敢棄汝命,常奉之。 案曰〕傳以篤爲厚、《釋詁》文。 傳曰〕厚次敘汝正父之道而行之,無不 《詩》「我客戾止」,箋訓至。 農 我民 人之子弟。是「教農人以義」也 父師,士爲少師,朝 人 以 無 義哉 遠 禮,致仕之臣,教于州里, 言其德正,故稱正 用來。 彼天下被 言皆來。 夕坐 我其退老, 一于門塾 寬裕之 〔疏曰〕 《釋詁》 戾爲來 父。

是也。年「登來之」,鄭注《大學》引作「登戾之」來、戾同訓至,故轉相訓。《公羊》隱五

禮,謂 禮文而 其衆。 經,莫重于祭。」是祭祀最尊大。 又當奉當天命, 德,用我小子褒揚文武 疏曰〕《釋詁》云"「將,大也。」厚尊大 傳曰〕言公當明安我童子,當舉大明 祭祀之禮。 宜在 厚尊大禮, 祀 典者。 以 《祭統》云: 舉秩大祀,皆次秩 和常四 凡 之業而奉順天。 此待公而 方之民,居 一禮 五 無 處

成康昭考之烈。」孔鼂注云:「稱謂舉行公稱丕顯德,以予小子,揚文武大勳,弘解》載穆王命祭公之言,亦有:「王曰:「案曰〕傳以稱爲舉者,《逸周書‧祭公

答,則義同也。 民。」鄭《皇矣》、《江漢》詩箋,皆以對 也。 文武之德烈,奉對 是也 伏 生《大傳》引 天 命, 和 此 恒 經云:「 萬 邦 四 爲 揚

迓字。 中迓字之音。 然嫁音後世已變,若依古音讀, 音魚遽反。 祀。」〔《釋文》曰〕旁,步光反。迓,五嫁反,馬、鄭、王皆 穆穆迓衡,不迷文武勤教,予沖子夙 "惟公德明,光于上下,勤施于四方。 ○〔案曰〕馬、鄭、王讀皆古音,説見《牧誓》。 漢獻帝《禪魏王詔》引作「御衡」, 則五嫁反亦不如 御即古 唐 旁作 夜 韻 毖

子徒早起夜寐,慎其祭祀 于文武所勤之教。 來,爲敬敬之道,以迎太平之政,不 海,萬邦四 代論》注。〇又五 鄭 案曰〕鄭云「稱上曰衡」者、《鄒陽 傳曰〕公明德光于天地, 曰〕稱: 上 夷服 日 一 十 五 衡。 仰公德而 卷劉孝標 《文選》五十二卷曹元首《六 政化由公而 而已,無所 化之。 《廣 勤政 絶 立,我 施 交論》 几 ·迷惑 于 方旁 能 傳 童 四 注

> 文。毖爲慎,《釋詁》文。 度于其上。」是也。傳以迷爲惑,《釋言》 「懸衡天下」,如淳注:「衡稱之衡,懸法

王曰:「公功棐迪篤,罔不若時。」

順而是公之功。〔傳曰〕公之功輔道我已厚矣,天下無不

命

其政。 周。 新政 留佑我。 退坐之後,便就君于周,命立公後,公當 來致政成王也。 事,既會而 [王日]成王前 王坐王位,以政歸之,成王順周公言,受 周謂 也 言我小子退坐之後,便就君位 洛 [疏曰]退,退朝也。 還宗周。 邑。 春亦 《尚書》疏。 許其從公言,適洛 俱至洛 周 公往營成周 [傳日]我小子 邑, 周公令成 是顧 無

〔案曰〕王肅注云云者,鄭注《召誥》云:

伯 留佑我」者,下文「惟告周公其後」,又云 也。傳以「命公後」爲「命立公後,公當 辟于洛,並「命公後」。 鄭合也。惟云「俱至」爲誤,見《召誥》。又言「周 洛,既與周公、召公會,錫周公幣,納 禽之事。 公功大,宜封大國,但若之國 事,言公自洛還鎬 王從公言,受其政,且許公以明年將 政于王, 勸王行新政于洛之言。 此節 云:「成王前春至洛邑,是顧無事,既 攝 「王命周公後」,鄭、王皆以爲封公之子 公往營成周,還來致政成王」者,上文自 而還宗周。」宗周即鎬京。 公誥,此 復子明辟」至「無遠用戾」,皆是周公 政五 禽,則此「命公後」,即指 書王 年春, 往,王于相宅無 外無事,還歸 周公獻 致政,而王許之如 地 故王肅 鎬京。 圖 事 王肅意 也。」蓋 明年將 1 兆 推 之 略 後 本 王 \pm 致 此 是 前 即 與 會 肅 召 以 至

者,王意欲公留佑我也。則輔相無人,故封其子。是「命公後」

《『日子文·花孔》《『禮·春耳》、元》流。爲四輔。』〔《釋文》曰〕敉,亡婢反。監,工銜反。迪將其後,監我士師工,誕保文武受民亂,「四方迪亂,未定于宗禮,亦未克敉公功。

[鄭曰] 牧,安也。《周禮‧春官‧小祝》疏。[鄭曰] 四方雖道治,猶未定于尊禮。禮未彰,是亦未能撫順公之大功,不可以去。公留教道,將助我其今已後之政, 監篤我政事衆官,大安文武所受之民治 2、爲我四維之輔。明當依倚公。〔疏 2、爲我四維之輔。明當依倚公。〔疏 2、爲我四維之輔。明當依倚公。〔疏 3、故一人爲四輔。《管子》云"四维不 6、故一人爲四輔。《管子》之前,谓 四維之輔」。

寧」,寧訓安,則敉亦安意也。傳以爲〔案曰〕鄭云「敉,安也」者,《大誥》云「敉

慎,天子 保傅 揚 訓 永 志 者、《文王世子》云:「虞夏商周有師、保, 道者,導 丞。」即引《 輔,右曰弼。天子有問無以對 十支部云:「敉,安也,撫也。」兼鄭、許二 書》此文以 有疑、丞,設四輔。」疏引《尚書大傳》: 天子必有四鄰, 公也。 靡 也。 也。 傳》,永待韶公車對曰:「四 而 而不志,責丞,可 順」者,《説文》卷三下攴部 有 不 士爲事、《説文》士部文。 从支,米聲。 過 揚,責弼。」《漢 則云: 天子 疑 誠 事。」師古亦云:「 證。 洛誥》此文以 則 立 以 問問 故《玉: 而 「篤仁而 應 道 敢斷,輔 前曰疑,後曰丞 者也。 Œ 而 讀若 篇》卷中第二百七 而 不 書》卷八十五《谷 證。 好學,多聞 不正 窮者,謂之道。 常 立 善 弭。 而 《大戴禮 輔、弼、疑、 「輔既備,成 , 責輔; 責疑; 云: 即 相 于前,是 四四 宝, 左日 、義者, 引《周 「 枚, 而 .輔 道 可 可

> 異,傳疏皆非也 立聽 常立于右,是召公也。 邪者,謂之弼。 謂之充。 忘者也。 而善對者,謂之承。 左,是太 朝,四聖維之。」此與諸説大同 公也。 充者 常立于後,是史佚也。 弼者,拂 絜 充天子之志也。 廉 承者,承天子之遺 而 博聞 切 天子之過者也。 直,匡 彊記 成王 過 常 接接 立 給 中 諫 于

方其世享。」〔《釋文》曰〕斁音亦。 無困哉! 我惟無斁其康事,公勿替刑,四王曰:「公定,予往已。公功肅將祗歡,公

其世 功。 厭 洛邑已矣。 傳曰〕公留以安定我,我從公言, 其安天下事,公勿去 公必留,無 進 世 也 享公之德。 公功以 去 以 **「**疏 進大,天下 木 以 我哉 日」《釋 廢 法 . 咸敬 詁》云: 則 我 樂 四 惟 往 無 至

[案日]傅以「予往」爲往洛邑者,下文

我」。 也。 元 《書》云『公毋困我』。」師古曰:「言公必 爲法、《大雅・文王》傳、《周頌・烈文》 須留京師,毋得遠去而令我困。」《逸周 也。《書》稱『公毋困我』。」又卷九十 老,猶在京師 戊 祇,敬」,《 辰, 王 后傳》:「王 我將》傳文也 祭公解》亦云:「公無困我哉!」是 傳又以斁爲厭,《説文》攴部文。 《漢書》卷六十《杜欽傳》: 在 新 ,明不離 詁 》 邑」,是 鳳 文。 乞骸 成 王 困 周,示不 骨。 仍將 哉 上 當 往 「周公雖 報 忘 作 洛 曰 : 王. 也 刑 室

周 受命民,越乃光烈考武王,弘朕恭 公拜手稽首曰:「王命予來,承保乃文祖 文王德 詩》十九之一卷《周頌·維天之命》疏。○又十九之 鄭曰〕文祖 《周頌・ 稱 離》 疏。 文祖 者, 也。 周 傳曰〕拜而後言,許成 \Box 光烈考,烈,威也。 明堂,以稱文王,是

> 使 我來居臣位 成王留」也。 王 王 日〕拜是從命之事,故云「拜 我 所受命之民,于汝大業之父武王 留 恭 0 言王命我來,承安汝文德之祖 奉其道。 ,爲太師也。 退爲去,留爲來,故言王命 敘成王留己意。 而後言,許 _ 疏 大 文

相 黄臼 明堂之制,唐虞三代皆有 夏金德,生金者虞土德,生土者 堂。」鄭注《堯典》亦云:「文祖者,五府 明,文章之祖,故謂之文祖。 大名,猶周之明堂也。 云:「赤帝熛怒之府,名曰文祖。 重象也。 帝命驗》云:「帝者承天立 案日〕鄭云「文祖 生。 火德,合稱文祖 神斗, 周木德,生木者殷水德,生水者 五府者,蒼曰靈府,赤曰文祖 白日 顯 周日 ,而夏世室,殷重屋, 紀,黑日元榘。」 五德運代,皆 明堂」者、《尚 之,而 五府,以尊天 名則異。 唐火德。 周 精 注 書 之 光 取 明

云 武王並 異,亦得 者,以光烈連文,不得以烈爲光,故訓 彼箋用《釋詁》義,訓烈爲光。 詩云「既右烈考」,亦謂武王,與此 合 直 文 周 文王德稱文祖」者,下文「乃單文祖德」, 謂 祖 于火精,故即以 明 「烈烈,威也。」故云烈,威也。 周 堂 明堂爲文祖。 稱 兩 明堂 ,則是稱文王,以文王有文德, 名不 通也 也 相襲, 文祖 鄭 此言「乃文祖」,又與 又云「以 要其 稱之也。 制 是 稱 《釋訓 此 文 經 王,是 **企** 訓 故 同。 有 威 云

休,惟 新辟, 作周 來相宅,其大惇典殷獻 王 有成績。 恭 先。 曰 其自 時 中乂,萬 民, 亂 爲 邦 四 咸 方

化,爲四 世所推先。 日〕少子今所 典常于殷賢 方之新君 日 其 人。 以 爲 八當用 來 治理 周 相 是 家 宅 土 見 天 于 中 恭 下,新其政 洛 爲治,使 敬之王, 邑, 其 大

> 中爲治」者、《召誥》「自服于土中」,「其 (案日) 萬國皆被美德 時中乂」是也 丁其 自 時 如如 中乂」,傳 此惟 王. 方
> 有 以 爲「用是土 成 功

師,作周孚先。「予旦以多子越御事,篤前人成烈,答其

稱。 大夫。 信者之所 厚率行先 傳曰〕我旦以衆卿 大夫皆 推 Ŧ 「稱子, 一成業 先。 當其衆心,爲周家立 故以「多子」爲 大 曰〕子者,有德之 夫于御治事之臣 衆 卿

並《釋詁》文。〔案曰〕傳云:烈,業。師,衆。孚,信。

丹,馬丁但反。「考朕昭子刑,乃單文祖德。〔《釋文》曰〕單音

用其法度也。周公制禮六典,就其法度堂之德。明堂者,祀五帝太皞之屬,爲〔鄭曰〕成我所用明子之法度者,乃盡明

子法,乃盡文祖之德,謂典禮 间 損 單,信 益用之。 也。 《詩 釋文》。 周 頌 傳 維 天之命》疏。 也 我 所 成 明 馬

災則 天。 懷服。 成也。 《釋名》卷八《釋喪制》云:「父死 災,諸侯無兵而正,小民無刑而治,蠻夷 堂之德者、《大戴禮・盛德》篇云:「聖 單爲信,疑非也。 鳴》箋義。 乾稿乃成。」是也。 之盛德,人民不疾,六畜不疫,五穀 有 [案日]鄭以考爲成、《釋詁》文。 在 所 在 飾明堂。」《禮記 天道不順,生于明堂不飾。 木,夏盛德在 人民疾,六畜疫,五穀災者, 亦言稿也,稿于義爲成。 金、冬盛德 所云青陽左个,青陽太廟,青 單、盡、《天保》箋義也。 鄭又以「文祖德」爲 一火,中央盛德在土,秋 在 昭,明,《小 水。 月令》篇言: 天子十二月各 日考, 故有 雅 又劉 凡 生于 馬 Ŧī. 材 明 以 鹿 巸

處。 陽右 堂,天法也; 嗜慾好惡,以順天法 典、政典、刑典、事典。 祀五天帝、五人帝, 昊,冬帝顓 云:「祭五帝于明堂,曰 祭法》云:「祖文王 又以明堂「祀五 太皞,夏帝炎帝,中央土帝黄帝,秋帝 順四時之德以出治,是明堂之德也。 个,合之一明堂也。 章右个,玄堂左个, 个,太廟 「宗祀文王于明堂,以配上帝。」《禮記 周公制禮六典」,爲用明堂法度者,《 •太宰》掌建六 所以祀之者,爲用其法度 太室,總章 明 堂左 頭,是五 禮 度,德 帝」云云者、《月令》春帝 个, 典: 帝也。 而宗武王。」鄭 左个, 玄堂 而 法也。 明 天子南 也。 《盛德》篇云: 曰治典、教典、禮 堂 以 祖宗。」是明堂 文、武配 太廟,玄堂 太 總 冢宰以 《孝經》云: 所以 廟 章 面 也 太廟, 聽天下, 明 成道 又以 食之 彼注 堂 周 明 爲 鄭 總 右

以 注《論語》「所損 是制禮用明堂法也 商、張逸二條,皆謂周公于洛邑建明堂 司 司 寇 御天地人事。」據《大傳》,居攝六年制 徒 以 而《小雅·斯干》疏引《鄭志》答趙 以 成 成德,宗伯以 義,司空以 益 ,謂文質三統」是也。 成仁,司 成 「損益之」者,馬融 禮 六官 馬 以 六 成 政 聖

「伻來毖殷,乃命寧。

之。〔疏曰〕顧氏云:「文、武使我 是文、武使己來慎教殷民,乃見命 《召南· 書》無其文,而鄭言此者,鄭欲言武王亦 其文。云成王 公謂文王爲寧王 殷民,我今受文、武之命以安民 王爲寧王,此一名二人兼之。《詩》一之五卷 案曰〕鄭以寧爲寧王,謂兼文、武 鄭日〕周公謂文王 何彼穠矣》疏。 亦 謂 、《大誥 [傳日] 爲寧王,成王 武 王爲寧王,于《尚 》、《君奭》皆有 所以居 也 來 亦 土中 者 而 謂 周 教 安 武

> 洛乃武王意,文王始受命,故亦推本之。 傳及顧彪 也 得 又言「武王營周居于洛邑而後去」,則營 于伊、洛,毋遠天室。』』《史記 文、武也。《周書 文、武之志,故曰 『吾南望三涂,北望有 稱 營洛 寧 Ē. 以以 一,以 邑, 寧爲安,非也。 説 遷 此 使我來毖殷 頑 度邑解》: 經之寧爲 民 嶽,顧 凡毖 殷 瞻河, 兼 周 ,乃受命 之事,皆 稱 本紀》 文、武 宛瞻 于

禋音因。〔《釋文》曰〕秬音巨。鬯,敕亮反。卣,由手反,又音由。〔予以秬鬯二卣,曰明禋,拜手稽首休享。

年 海》九十五卷《郊祀門》。 〔鄭曰〕禋,芬芳之祭。 文、武以美享。 書》疏。 成,祭于明堂,告五帝 本説之。〔疏 致太平 ○《周禮》十八卷《春官·大宗伯》疏。○《玉 ',以 黑黍酒 曰〕《康誥》之作,事在 既 告而致 [傳日]周公攝 二器,明 太皞 曰 政,成 明 之屬 潔致敬,告 禋者,六 王留之。 也 政七 《尚 典 日」鄭知明禋

是「祭于明堂、告五帝

明 年。 文王,一告武王,彼王賜 時實之于彝。彼一卣此 鬯之酒,實之于彝。此言在卣者,《詩 王,成王留之,故本而説之。《周 廟 享謂之禋。」注云:「禋,敬也。」是明禋 平之美事享祭也。 明潔致敬,告文王、武王以 和之,使芬香調 罇 草》云:「秬,黑 驗,是「周 大雅・江漢》及《文侯之命》皆言「秬 一卣,告于文人」,則未祭實之于卣,祭 一故惟 ,是以美享也。公既告太平而致政 也。」以黑黍 潔致敬也。 云「四方 公攝 一卣耳。 民大 太平是美事 爲酒 政 暢,謂之秬 黍。」《釋器》云:「卣,中 七 和 《國語》稱:「精意 年致 ,煮鬱金之草,築而 會」,和 二卣者,此 太 臣,使告其太 鬯。 美享,謂以太 平也。 會即 ,故太平告 酒二器, 太平之 告 成 幽 以 爲

總卜而 帝,配 或精 之帝 明禋 上帝 也。」彼疏云:「季秋、歲 問卜」,彼注云:「祭五帝于明堂,莫適卜 知者,《月令》「季秋,大饗帝」,彼注云: 鄭不言用何禮,今推之,當用大饗禮。 明堂」,則此祭告五帝,自是在明堂也。 堂位》及《斯干》詩疏引《鄭志》「洛邑有 經》、《祭法》「祭五 太 亦是報功,當用 亦言禋何? 「大饗者,遍祭五帝也。」《曲禮》「大饗不 皞 太平告文、武、與下文禋于文、武爲一 意以 是 是 之屬」者、《大宗伯》「以 」,則禋是祀天帝之名 以文、武、祭報其功。 已,不每帝卜。」今六典成,告祭 天帝,與昊天上帝爲六天,故知 祭 <u>Ŧ</u>. 享爲 蓋承上「明禋」,順便言之。 帝。 此禮也。 禋,可通言也。 然則下文禋于文、武 帝在明堂」,又據《明 功總畢, 偏祭五 傳以此明禋 若卜牲、日, 禋 明 堂 祀 祀 據《孝 昊 五. 爲 色 天

事,非也。

予不敢宿 之事。 者,示虔恭之意耳,未必旦見太平,即此 文、武,不經宿。 〔疏曰〕此申述上 日告也 經宿也。 冬始成,得還鎬京,即告文、武,是爲不 歲末,而云「不經宿」者,蓋公營洛邑至 則三月已太平矣。 告成洛邑。 不敢經宿。此三月營洛邑,民已和 鄭曰〕既告明堂,則復禋于文、武之廟 〔傳曰〕言我見天下太 言我見天下太平,則潔告文、武, 且太平非 則禋于文王 《尚 書》疏。 既告而致政 一日之事,云不宿 ○《玉海》九十五卷《郊祀 王 平, 7,則告在 則 潔告 明禋

祭也 帝于明 〔案曰〕鄭注云云者,上文明禋爲 用時享禮,不可知也。 (堂,此爲祭于文、武之廟,異 祭 文、武不知 是用 袷禮 傳既 遍 用用 以 地 祭 禘 上 異 Ŧi.

> 懷德。」〔《釋文》曰〕遘,工豆反。 乃引考。 惠篤敘,無有遘自疾。 用 次序,則萬年之道,民其長觀我子孫 殷乃長成爲周。王使殷民 政,當順典常厚行之,使有次序 曲附之,終屬詞窮,益見鄭義之確 文,實即一 文明裡爲祭文、武,遂以 厚行典常,有次序,則凡爲政者,皆無 云:「惠,順也。」《釋詁》云: 歸其德矣。 馬曰〕厭,飫也。 患 疾之道者,則天下萬年厭 王伻殷乃承敘 祭。 勉使終之。 但告太平,難言不宿, 《釋文》。〔傳曰〕 萬年厭于乃德,殷 萬年,其永觀朕子 厭,於艷反,徐於廉反。 「疏 此 上下相 節 「遘,遇也。」 曰〕《釋言》 爲 于汝德, `**,**無 申 孫,有 汝 有 述 上 而 遇 爲 遇 疏

文》卷五上甘部:「猒,飽也。从甘,从必厭」,鄭注:「厭,飫而已。」是也。《説〔案曰〕馬云「厭,飫也」者,《曾子問》「祭殤

用患疾之政以害民

引,長。考,成。皆《釋詁》文。 皆非也。傳云:自,用,《詩·執競》傳文。義也隸變加厂,又或作曆,餅又省作飫,聲。」引《詩》「飲酒之餅」爲證。燕食亦飽群。」卷五下食部:「餅,燕食也。从食,荚

鄭以「王在新邑烝祭」爲句。 新邑烝」。 後。 割 王騂牛一。王命作册逸祝册,惟告周公其 戊辰,王在新邑,烝祭。 歲文王騂牛一,武 注疏本並同 〔《釋文》曰〕「王在新邑」,孔、馬絶句。 〇〔疏曰〕鄭以 「烝祭」上屬。 《釋文》脱「祭」字,單行本及 ○[案日]據 鄭讀 「王在 疏 則

疏。 周公其宜 是非時而 王廟,使史逸 享之後,用二特牛,祫祭文 尚書》疏約鄭義。 鄭曰〕歲,成王元年正 〇又二十之一 禮》十八卷《春官 特假祖 立 爲 讀 卷《魯 〇《詩》十九之一卷《周頌·烈文》 後者。 所 廟,故文、武各特牛也。 大宗伯》疏。 作册祝之書,告神以 頌 譜 謂 一月朔 》疏。 將封伯禽 王、武王 日也。 ○《玉海》九十 又《閟 宫 于文 以 || 疏 也。 朝

有閏 戊辰 午蔀五十六年,三月云丙 也。 朔大,八月壬申朔小,九月辛丑朔大,又 月癸卯朔大,六月癸酉朔小,七月壬寅 計之,三月甲辰朔大,四月甲戌朔小, 受周公誥,遂東行 之。周公誥成王,令居洛邑爲治 有二月」者,周之十二月, 其後爲魯侯。〔疏曰〕自此以 夏之仲冬。 就居洛邑,以十二月戊辰 七卷《郊祀門》。 一月三十日戊辰晦到洛也。 月庚午朔小,十二月己亥朔大,計十 九月辛未朔小, 是其晦 晦日到洛。 特加文、武各一牛、告曰尊 古者褒德賞 始于 日,故明日即是夏之仲冬, 傳曰]成王既受周 知 新邑烝祭, 功,必于祭日 就 晦 十月庚子朔大, 居洛邑,以 日到者,此歲入 午朏。 建亥之月也。 晦 故 下云「在十 下,史終 到 曰「烝 周 以算術 + = 明 王. 戊 月 既 述 祭 五 立

神,言爲尊 知于太牢之外特加一 專也。」宗廟 也。」故云:「褒德賞功,必于祭日,示 禄 即祭。《祭統》云:「古者明君爵 戊辰晦到,又須戒日致齋,不得 仲月,此是周之歲首,故言歲耳。 閲。」遂「以享烝」是也 歲」也。 此祭祀,此歲始于新邑烝祭,故曰「 日 建子之月也。 策」者,使 作策書也。 魯。」是此時 頌》所云:「王曰叔父,建爾元子,俾侯于 有功, ,故言月也 屬。「歲文王騂牛一」者,于是成 《周 必賜爵禄于太廟,示不 史 周公,立 禮 也。 用太牢,此文、武皆言牛一, 逸 讀 言「明月」者,此烝祭 策告 讀 自作 「王命作策」者,命有 大司 策 神 其後爲魯侯。 書 新 牛。告白文、武之 馬》:「仲冬,教 謂 也 邑以 王者冬祭,必 之祝。 鄭 來, 玄以 以 有 未 逸 敢 烝祭 德 朔 王 非 **《魯** 專 既 用 而 日 干 朔

> 後,特以二牛告文、武,封周公之後,與 祭。」鄭箋云:「新王即政,必以朝享之禮 孔義不同 祭于祖考,告嗣位 王元 周頌 年 烈文序》云: Ė 月朔日,特告文、武 也。」則鄭意以朝享之 「成王 即 政 封周公也 諸 侯 助

云: 與烝祭合爲一事,則大謬矣。 各爲一事,不相蒙也。 用二特牛告文、武、是因 起,自是成王即政 日」云云者,上文周公反政,此别 祭曰烝。]是時周公反政成王,王乃于新 十二月者,以是日烝祭。《晏子 二月,是矣,以爲晦,則 邑行烝祭焉。云「歲,成王元年正月 辰是周十二月,夏之十月。《大宗伯》 [案日]鄭云云者,鄭讀 「以烝冬享先王。」《釋天》亦云:「冬 元年。爲欲立公後, 僞 「烝祭」絶句。 非 事告祭,與烝祭 傳以 也 ;以告文武 知 戊辰爲 戊辰是 春 以 朔 歲 戊

月、十月,于周爲

九月、十二月也。

然則

時之祭,皆以夏之

孟

月

此

一月正

烝祭之月,故知戊辰是十二月日

云:「始殺

而嘗,閉

盩

而

烝。」是夏之七

月已烝,今復

烝

也。」又桓五年《左傳》

邪 ? 推,而 乎 ? 疏 若 正 王 到與在絕異,傳 矣,則其所推安得不誤。 王到之日, 戊辰爲十二月晦,誤矣。 是七年事, 歆以二篇月日 致政。」則《召誥》是攝政五年事、《洛誥 而 大傳》:「周公攝 日,經特未見其文耳。 以 月 到 乃 烝 强 則夏仲冬也,豈 猶 夏 祭在明月正月, 經言戊辰烝祭,傳必以戊辰爲晦, 云「是歲 劉 仲冬大閱享烝爲證 則 附 仲冬烝祭,則正《公羊》所譏矣。 日,祭祀大 歆 以 會 據 但經言「王在」, 戊 以以 十二月戊辰 召 辰 爲冬祭必用仲月,援《大 何 爲 誥 政 八典反 據 晦 $\frac{1}{2}$ 可行 》「三月丙 則祭 而 年 日, 不日 知王 -,營成 乃遂以 偽 傳 據 烝祭之禮 爲 今解爲王到 晦」。 安見 豈知 以 則王到已非 · 邪 ? 以 何 年 午朏 《周,七. 戊 考伏 其 戊戊辰爲 H 此 -内,誤 辰到 乎? 月. 邪 ? 而 一周 以 以

月,以禘禮祀周公于太廟。」又《春秋》桓

八年「春正月

己

卯,烝」、《公羊傳》云:

譏亟也。」何休

注:「亟,數也。

屬十二

以夏之孟月耳。」《明堂位》曰:「季夏六

注云:「記魯失禮所

由

也

魯之宗廟猶

雜記》云:「七月而

禘

獻子爲之也。」

鄭

時,謂

孟

也

十二月

、于周

季

「天子以

下

至

士

一,皆祭以

時。」首

言首

時是夏孟

月,非周孟月者,《

(禮記

書。」是首時

謂周之孟

月。

必知晏子

所

事,何以書?

《春秋》雖無事,首時

過

則

年經書「秋七月」、《公羊傳》云:

山此

無

正爲孟冬,是首時也。

考《春秋》隱六

當 則 降,再拜稽 宗伯》: 出命,假 駁鄭邪? 疏 因祭宗廟命之。 命者延, 備物,今用特 月朔日祭文、武, 日致齋,不得以朔日即祭。」是因 是《月令》季 太牢外加一 戊辰晦到」,本出 同 特 同 于祭焉。」 賈公彦彼疏云: 爲 侯 疏又云: 國 今成王 祭命之。 五王 使登。 祖 邪? 首; 且烝是冬祭,萬物成 廟 命諸侯,則嬪。」注云: 秋祭 牛」,非曲 牛, 豈得爲 封 「王既 依 傳 登,受策。 内史由王 周公後, 天子命臣, 禽之事 孔穎 説非 前, 而爲此説破之 僞 傳 謬 戊戊辰 南 達《禮記 也 説邪? 鄉。 烝那 本 乃因 右 諸 説 晦 非 諸侯 不 侯 以 到 儐者進,當 ? 大 而 在 爵 策 祭命之, 又據《 熟, • 耳 疏 可 鄭 烝 又 「王將 祭時 命之。 祭統》 命 其 據 反 須 之 謂 臣, 臣 大 必 謂 以 旧

又

案

日〕疏

既

曲

附

僞

傳,

幸

尚

附

載

鄭

位 之。 人而自 \pm 文、武封周 祭文武,故 政,用朝享禮,當 朝享禮告嗣 騂牛一」云云及鄭注, 月祭之。」是其事也。 朝于廟。」《祭法》:「天子親 朝享者, 嗣 是成王即政 是 也。《詩》、《書》疏 已,不得用時祭之禮,故當 注 書》疏從僞孔,駁鄭謂告文、武 廟,告封 二爲同 而 位。 又 即《春秋》文六年:「 相矛盾、詩 語 引《烈文》箋 必知用朝享之禮 公與朝享告 日事。 朝廟受政,因 尚未詳析 周 知 完 位 公。 不 年歲首 淤疏 俱 事 但二禮 出穎 同。 徧 是、《書》疏非 嗣 訖, 更袷 必 位 而 歷 達。 知非 同 據 羣 申之云云, 祭 朔 合彼 謂與《烈文》「告 又引《洛誥》「文 不得 在 不 先祖 彼《烈文》疏 廟 者 日 閏 詩 成 得 祭 一祭者,告 以以 也 王 》疏 , 用 疏 用朝享之禮 在歲 月不告朔, 廟,與太祖 元年 文、武 同,當先 封周公, 觀 ,以月朔爲 推 此告事 朝享禮 首 鄭 之始 歲 其 朔 義,謂 首 日 意 朔 日 告 即 文 Ŧ 以 嗣 皆 猶 謂 則 丽

凡陽祀,用騂牲毛之。」彼注云:「騂牲,

又案曰〕用騂牛者、《周禮

牧人》云:

朏 《召誥》二月三月謂當爲一月二 有閏 傳及疏皆非也 注《洛誥》之精,益見注《召誥》之密。 惟《召誥》三月改 年亦非也。 辰烝祭,自是十二月日。 實在居攝 九月,非也。 于終,閏月皆在十二月後,據歆則爲閏 月,則戊辰適當十二月晦。但古 誥》「三月丙午朏」推之,于中間 歆以《召 [又案日]傳 ,推至七年十二月, [月則七年十二月不得有戊辰,今戊 年十二月,幾市三年,必有一閏矣。 誥》、《 洛 五年、《洛誥》在七年,合爲一 若以五年三月丙午朏推之, 以 況據伏生《大傳》,《召誥》 戊辰爲十二月晦 語 爲二月,從二月丙 爲 方有戊 故鄭 年 辰 據 者,據 月。 此 歷歸 置 而 于 閏 鄭 蓋 餘 劉

句,一 後,作册逸誥。〔《釋文》曰〕「王賓」絶句, 王賓,殺禋咸格,王人太室裸。 [馬日]太室,廟中之夾室。《釋文》。 公,殺牲精 ○《玉海》九十七卷《郊祀門》。 封其子。太室,清廟中央之室。《尚書》疏。 敕使整頤不犯之也。」是也 忠恕《汗簡》卷上之一云:「益無,古文《尚 用周之正色也。 政方用。此即政元 禮,不令成王即 用 曰〕成王尊周公,不敢臣之,以爲賓,故 云:「漢制,約敕封侯曰册。 書》册。」劉熙《釋名》卷六《釋書契》篇 赤 讀連「咸格」絶句。 騂。」鄭上文「肇 色。』《禮記・ 意 以 檀 裸,官唤反 用,仍用殷禮 鄭以册 享文、武,皆至其 稱殷禮」注 弓》云:「周 年正 [傳日]王賓異周 爲 一月朔 册祝書者,郭 日告祭,故 ,俟明年即 人尚赤,牲 王 命周公 周 「殺煙」絶 頤也。 廟 三王 親

太室, 清 廟。 裸鬯告神。 王爲

裸。 禄之法:「祭之日,一獻,君降 尚臭祭,以裸爲重,其封 裸者,灌也。 廟 誠 之南,南嚮,所命者北 末,非裸時也。 格」,表王敬公之意,非行事之次 殺在裸後。先言殺後言裸者,「 獻尸,尸受祭而灌于地,因奠不飲,謂之 在,故王人太室,裸獻鬯 親告之也。 命之。」鄭云:「一獻,一 「王人太室裸」,乃是祭時 有 其 日 周公爲賓,異于其臣。 《郊特牲》云「既灌、然後迎牲」, 意以 Ŧī. 史逸誥伯 周公拜前 室,中央曰太室。 享文武。 太室,室之大者,故 王以 考《禮記 禽封命之書,皆 圭瓚 魯 皆至其廟,重其 公拜後。 面 酌鬱鬯之酒 酳 祭統》 伯 史由 行 既殺二牲,精 酒以告神也。 清廟,神之所 尸也。」禮 禽乃祭之 事 **「**疏 立 耳。 君 爲清廟。 賜 也 殺 同 于 右 周 禋 執 阼 臣 在 以以 則 將 咸 其 烝

尸,户 以爲周公主。」 乎前,魯公拜乎後。 羊傳》曰:「封魯公以爲周公也。 周公拜 爲之也。上云「作策」,告神之策。 禽》」,即史逸所讀策 重,故特言之。 人謂之誥。定四年《左傳》云「命以《伯 · 給祭文、武于文王廟」者、《烈文》詩 案曰]傳以此節爲即上文特牛告文、武 作策」,誥伯禽之策。于神謂之祝 咸格」者,明其躬 獻 而 但文、武異廟,而上文鄭注謂 祭畢,是祭末乃命之,以 「王爲 廟兩處各祭者,非是。 耳。 也。文十三年《 曰生以養周公,死 策書」,亦命 傳云「皆至其 有 裸 于 疏 司 爲

又以此 引此而申之云:「並告文、武一處爲祭, 廟親告」,似文、武 卑當就尊,故知在文王廟也。」然則此言 事,是也。 禋 太室,馬以 裸 同 在 烝 爲廟中夾室,則 祭 日,則 尤謬,辨已

況

所

暇

時,紂 寢,王 文王 《匠人》注説:「宗廟、王寢、明堂三者,大 祭爲一事 文王清廟,是王肅意以 王象焉。」上文鄭注 德者之宫,謂祭文王也。 央之室,得之。 廟》箋又説:「死者之廟象生時所居宫。」 雖 室 周公致太平 作文王 爲明堂制。」然據《樂記》注:「克紂 時文王、武王 于文王 也。」彼箋云:「清廟者,祭有清 異,其制則 尚在。 一所居。 可用侯 正室矣,非 廟 一廟」,今王 也。 即 武王初定 明堂,聽政地也。 或 ,制禮樂,營明 《周 其以爲中央之室者、《 爲明 在 制 同。 四 ,不嫌死 頌 肅 謂 也。 党制。 親之數,自然亦作 • 以 宗廟 此 于此太室亦以 天 清廟序》云 特牛「合祭文、 王以 節與上特牛告 天德清明,文 下, 廟 大 以 異 文 爲 生時宫 (生宮。」 王 文 王 清 已 明之 廟 爲 受 生 祀 中

小

武

次

如之。 皆言始時 灌」,孔安國 各 其 于淵泉。 云,則非也。 疏以爲「獻尸」,是矣。 中太室也。 寢,皆爲天子制。 條,亦言周公于洛邑建明堂、宗 志》答張逸,引此《洛誥》「王入太室」一 者,故王肅云云也。 居,是在四堂之正 廟中央之太室,與明堂之太廟 周人尚 君執圭瓚 爾子 有 「裸謂以圭 聽 則經言「人太室裸」,自是 洛 臭,灌用 灌 既 地 如 裸 裸,傳以爲「告神」,殊不明。 注:「酌鬱鬯,灌以 灌、然後 明堂矣。 地 F 蓋裸有二、《郊特 、。」鄭 降 而 瓚酌鬱鬯,始獻尸。」此皆 太 鬯臭,鬱合 其意亦是指太室爲廟 神之裸。 中者也。 廟 注《 迎牲。」《論語》「既 《斯干》詩 《月令》十二月, 太室 又引《郊特牲》云 周禮 , 則 《祭統》云: 文王 鬯, 太 爲 降神。」 牲》云: 疏 司 臭陰達 室 文 廟 中 廟、 載《 同 \pm 制 此 王. 鄭 制 清 亦

説爲記 謬。 制,正 獻 説 疏誤 户之 所云「因 已見前 賜 者,不依行事之次,大謬。 裸。 以獻尸之裸即 臣爵禄之法 經先殺: 祭命臣」者,以解此 後 一段,乃侯 裸, 是降神之裸, 自是獻尸 所 2經尤 或 之 引 曲

年。〔《釋文》曰〕「受命」絶句,馬同。在十有二月,惟周公誕保文武受命,惟七

官》疏。 數也。 政七年,天下太平。《釋文》。〔傳曰〕言周 九十五卷《祥瑞門》。 之一巻《大雅・文王序》疏。 命皆七年而 事,惟七年,天下太平。 公攝政,盡 鄭 日〕文王得赤雀,武王 ○《禮記》五十二卷《中庸》疏。 《釋文》。 此十二月,大安文武受命之 一崩,及周公居攝,不敢過其 ○《武成》疏約鄭義。 (馬 〇《周禮》一卷《天官序 惟 俯 七年,周公攝 取白魚, ○《玉海》一百 ○《詩》十

我應》云:「季秋之月甲子,赤雀銜丹書〔案曰〕鄭云「文王得赤雀」者,《中候・

合也。 文也。 子》卷十六《小問》篇:「武王伐殷克之, 非子》卷十五《難 考羣書,如《逸周書》卷六《明堂解 月,崩以十二月,則亦幾匝七年矣。《管 跨歷八年,實爲匝七年。武王得魚以 及崩年爲七年也。 疾,疾瘳,後二年而崩,是通數得 魚是觀兵時事,後二年伐紂,後二年有 命七年,不數受赤雀之年也。 以受赤雀之明年爲文王元年, 七年而崩,謂受赤雀銜書之命 七年而崩。」是也。 云「皆七年崩」者、《大傳》云:「文王 二月,亦已匝 酆, 止于 馬注 云「武 昌 》,皆言周公居 一亦同。 户,再 徧七年,故不 王 俯 二》篇、《淮 取白 又云「天下太平」,説 然則文王受命之後 周公居攝竟是年十 拜稽 魚」,見《太 攝 ·敢過 七 南子》卷十 武 則文 也 年 也。 魚之 工得白]。 説 説 鄭 王 受 誓 年 四 受 此

詳《康誥》及《序》。

《家語》之文、武王崩、成王年十三。 封周 玉。 制 子位 堂位》云:「武王崩,成王幼弱,周公踐天 亦傳古文,故從其說。 歲、《家語》肅私定,不足信。 康成用衛宏之説,武王崩,時成王年十 世祀周公以天子之禮樂。」正義: 言于國,曰 金縢》云:「武 禮 作樂, 成王以 、公于曲阜,地方七百里。 命魯公世 政 ,亦皆七年中事也,故總結之。 ,以治天下。 曰〕自戊辰烝祭以 ,孔、鄭不同。 至明年 即 『公將 而天下大服。 周公爲有勳勞于天下,是 位 王 攝 不 既 攝 政 是幼弱 六年朝諸侯于明 利于孺 喪,管叔及其羣弟 之元年,周公東征 政,管叔 孔以武王崩 衛宏傳古文《尚書》,鄭 Ŀ 也。 七年致政 子」。」時 *皆十二 等流 其 周 王肅 成 公制 一月以 于成 流 故 鄭 以 以 明

等流、 年,秋大熟,有雷風之異,故鄭 年,成王 我 公將代之。 孔 邑,封 月喪畢,成王將即位,稱己小,求攝, 以武王十二月崩,至成王年十二,十二 則 居東都。故《金縢》云:「武王既喪,管叔 云:「周公東征三年而 王年十六,攝政之三年也。 管、蔡,後二年 以 無 ,周公屬黨也。 注 謂 「周公居東二年,則 | 洛 浩 言,周公乃告二公曰:『我之不辟 爲,武王崩,成王年十歲。《周書》 以 康 辟 告我先王。」既 叔 盡 居東都。 而致 管、蔡等流言,周公懼之,辟 以以成 則 執 罪 拘 克之,故《金縢》云: 政。」時成 人斯得。」除 周公屬 王 時成王 時成王年十三。 時年二十是也。 得攝 喪,謂 罪人 年 黨,故《金 至年二十。 政,七年營洛 往 故《詩序 斯 四。 注《金縢 喪服 年, 得。」罪 一周 時成 除。

踐奄」,「四年封康叔」,《書傳》所謂「四 云「秋, 造 源,故往往脗合。 鄭傳安國古文,然伏生亦傳業安國,二家之學異流同 鄭據伏生《書大傳》,故可信。 王。」時成王年二十一。 營成周,六年制禮作樂,七年致政于成 云「孟侯」、《書傳》云「天子十八 年建侯衛」,時成王年十八也,故《康誥》 殷」,明年自奄而還。 武庚、管、蔡等。 十五。《書傳》所謂「 周公而反,反 ,不足據也。 十二也。 明年營洛邑,故《書傳》云:「五 大熟」,謂「二年之後」。 則居攝之元年, 若僞本孔傳,皆出王 據此,正義、孔、鄭異説, 《書傳》所謂 《書傳》所謂「三年 一年救亂」,明年 明年乃即政,時 伏生傳今文 時 成 明 年 稱 一肅臆 年 王 年 孟 . 誅 年 训

尚

書後案卷十九

令居此邑。

頑民謂殷之大夫士從武庚

尚書後案卷二十

陽也。

洛邑爲王都,此爲下都,遷

殷

頑

民以成周道,故名成周。

《漢書・

地

理

以

成王

命, 誥此衆士。

周之成

周

漢

叛者。

民性安土重遷,

或有

怨

恨,

周

東吴王鳴盛學

從叛,何以獨遷邶、鄘?

邶、鄘在

殷

畿

謂爲士,其名不類。 孔意不然。

三分有二,其民衆矣,非一邑能容。

民于成周,分衛民爲三國。

計三國

【俱是

志》及賈逵注《左傳》,皆以爲遷邶、鄘之

東吴王

周

士

惟三月,周公初于新邑洛,用告商

主

安之。《尚書》疏。

[傳日]周公致政明年三

月,始于新邑洛,用王命告商王之衆士。

疏曰]成周之邑既成,乃遷殷之頑民,

成周之邑,用成王命告殷之衆士,以

撫

往

鄭曰〕成王元年三月,周公自王城初

[案曰]鄭以三月爲「成王元年三月」者,《案曰]鄭以三月爲「成王元年三月」者,《安世》與《無逸》,則、《洛誥》言。《舍世、"皆所以戒成王。《多士》與《無逸》同作、皆所以戒成王。《多士》與《無逸》同作、皆所以戒成王。《多士》與《無逸》別、《史記》,則《史記》,則《安記》,非也。鄭

于殷。 王若 息浪反。 殷命終于帝。 我 有 周 殷 〔《釋文》曰〕弔音的。 佑 遺多 士,弗弔,旻天大降 將天明威,致王罰 旻,閔巾反。喪, 敕 喪

周于帝王 奉天明威,致王者之誅罰,正黜殷命,終 喪亡于殷。 愍下,言愍道 喪,故稱旻 秋 天 日 我有周受天佑助之命,故得 也。 至者,殷道 旻天,秋 《釋文》。 氣 不至 「傳 殺 也。 曰〕稱 ,故旻天下 方言 天 以

直 殷 注殘闕 降喪,故言旻天」者,此 秋云「殺氣寖盛」,是秋氣殺也。 釋天》。 〔案曰〕馬云「秋曰旻天」者,本《爾 ´´, 而 也。 言殷道 舉秋時天號,有取 ,今推之其意,亦以 **僞傳則訓旻爲愍,彼《釋天》郭璞** 《月令》孟秋云「秋 不至于善,故旻天大降喪亡于 三月是建寅之 于 佛弔 氣始 殺 爲不至, 肅 也。 「方言 雅 馬 仲

> 異。 馬與《毛詩》及鄭義合,僞傳非也 求天猶人之説事,各從其主 天不弔,求天之生殺。 威」,是稱旻天恒 之,言旻天,本以愍下得名。 同雲,求天之所爲,當順其 天之博施。蒼天蒼天,求天之高明。 言之,非必于其時稱之。 義》云:「六藝之中諸稱天者,以情所 則愍之,殷道不至,故天降喪。 切。」郭以音相近,訓旻爲愍, 文》卷十下 注 云 考《詩》大、小《雅》三言「旻天 「旻猶 心 愍 部云: 也 有 取 愍 于威。 當得其宜 愍, 萬 浩浩昊天,求 物 、時也。 痛 爾。」據 彫 故鄭《駁 但 而 也 道 與 僞 此之 上天 此 馬 至 傳 疾 旻 求 異 者 則 從 注 隕

弋,徐音翼 畀,允罔固 不畀,惟 肆爾多士,非我 我下民秉 亂 本作翼 , 弼我 。 (,義同。 小國敢弋 爲, 我其 惟天明畏。 ○∫疏 敢 '殷命。 曰〕鄭康 求 位 〔《釋文》曰〕 成、 ? 惟 王 惟 天 肅 不

虞》疏 明德可畏之效。 與紂,惟我周家下民秉心爲我,皆是天 故輔佑我。 作王注。 命,乃天命。 鄭 翼,猶驅也。 馬 傳 《尚 日〕翼,取 日〕弋,取 我其 書》疏。 惟天不與信 、敢求 ○《詩》一 也。 也。 天 我 《釋文》。 位 周 非我 之五 無堅 乎? 敢 卷《召 政取取 驅 ○《尚 一固治 惟天不 取 南 殷 汝 書》疏 殷 騶

言取。 訓》作「怘 晏注云:「罔,誣罔。」固 天子。」是翼、驅同 以燕天子。」傳云:「驅禽之左右,以安待 以待公之發。」又《吉日》云:「悉率左右, 虞》云「壹發五豝」,傳云:「虞人翼五 〔案曰〕鄭云「翼,猶驅 信無堅固治 ,釋爲固字,云「見《尚書》」。 孔改弋,非也。 郭 《論語》「罔之生 忠 恕 義 泛汗 也。 也」者、《毛詩・騶 「允罔 ,薛季宣《書古文 簡》心 即 固 取、故馬 部有克 亂 蓋忠恕 也 二,何

> 惑于 傍,即爲怙,實一字也。 誣 猶怙惡不悛也。然則「允罔怙亂」,謂 年及宣十二年皆有「毋怙亂」之語,怙 罔 字 而怙亂,詞誼明順。 也。 僞孔,故誤仞怘爲古固字, 恵 字 从古 下 心,移其古 《左氏》僖 爲孔非也 實 于 則 亂 五 心 是

乃命 辭。 音逸,又作佾,馬本作屑。 文》曰〕嚮,許亮反。「時夏」絶句。 帝降格。 我聞曰: 『上帝引逸。』 有夏不適逸, 則惟 惟時天罔念聞,厥惟廢元命,降致罰 爾先祖 嚮于時夏,弗克 成 湯革夏,俊民 馬以「時 庸帝,大淫泆有 甸 四 」字絶句。 泆

戒以譴告之。 天無所念聞。 長逸樂,夏桀爲政不之逸樂,故天下至 馬 致天罰。 曰〕屑,過也。《釋文》。〔傳曰〕天欲 辭聞于世。惟 桀不能用天戒,大爲過逸之 命湯更代夏,用 天下至戒,是嚮于時夏, 言不佑。 其惟 .. 是 桀惡有辭,故 其 廢其大命, 民

四

方

淫 傳,凡言上帝皆指天 謂舜承安繼治,任賢使能,恭己無爲, 紂 文》卷八上人部佾字在新附。 作屑,當從屑爲正。〔《釋文》云〕又作佾。 谴告之,與充法天無爲之義正合,是也。 云天欲民 長逸樂, 言天無爲,人君宜 釋之,語略同。 天下治。」又卷七《語增篇》亦引此經 則天自然無爲。周公曰:『上帝引佚。』 樂」者,王 云:「天無 案 悪同 以 。圖天之命 曰 簡 「淫佚」爲「過逸」,則非也。 傳 則此 此 充 以 爲 皆 正 ,至德之人禀天氣多,故能 自當作屑。 屑 因 論 府 王充 有 帝 衡 丽 辭 桀政 法天,則甚精確。 誤。 引 \forall 」,與此文相 帝、充此説誤。 以上帝爲舜,考經 卷十八《自 逸」爲「天欲 裴光遠《集綴》又作首、 《多方》言紂 不之逸樂,故 《説文》卷八上 馬本泆 類。 然 民 其 丽 而 逸

孔 尸部 也。 切,往勞不安,使民不逸樂,則 《方言》解屑之義,正與「引逸」相 謂之屑屑,或謂之塞塞,或謂之省省, 是, 啻聲。宋魯語。」革, 更, 卷三下革部 逸,非也。 且以馬「過也」之訓移屬之淫,而訓泆爲 欲民逸樂,聖人法天致治,桀紂 也。」又卷十二云:「屑,往勞也。」郭璞注 安之語也。」郭璞注云:「皆往來之兒 屑,不安也。江沅 云:「屑屑,往來皆劬勞也。」觀《 〈説文》卷二下辵部云:「適,之也。 于《多方》既作屑,而于此妄改作泆, 治、《毛詩 動作切切,則過矣,故馬 私列 屑字注 獸皮治去毛,革更之。」是也 切。」《方言》卷 「引,長」、《釋詁》文。適,之, 云: 信南 動 之間謂之迹迹,秦晉 作切 山》、《韓奕》傳 于 切 也 云「過 其惡 迹 从尸 動 説文》、 反。 也。 有辭 作 迹 切 天

義也。

配天其澤。 天丕建保乂有殷,殷王亦罔敢失帝,罔不「自成湯至于帝乙,罔不明德恤祀。亦惟

《酒誥》:「自成湯咸至于帝乙,成王畏 殷道質疏,可同 爽以帝乙爲湯,虞翻以爲紂父,荀是也。 箋云:「紂父以 克配上帝。」毛傳云:「帝乙以上也。」鄭 祀,無敢失天道,故無不配天布其德澤。 據《殷本紀》,湯號天乙 而 相。」是也。《文王》詩云:「殷之未喪師, 大立安治于殷,殷家諸王皆能憂念祭 念齊敬,奉其祭祀。 〔案曰〕云「成湯至帝乙,罔不明德」者, [傳曰]自帝乙以上,無不顯 行。」與此合也。 前、未喪天下、皆能配天 名也 《易》「帝乙歸妹」,荀 湯既革 ,紂父亦名帝乙。 夏 用 有德, , 亦 惟 天

在今後嗣王,誕罔顯于天,矧曰其有聽念

于先王勤家?

國家之事乎? 虐,天且忽之,況曰其有聽念先祖勤勞 〔傳曰〕後嗣王紂,大無明于天道,行昏

本如此。徐廣曰:「一作『敬之』也。」裴駰引馬注云云,疑馬也」。徐廣曰:「一作『敬之』也。」裴駰引馬注云云,疑馬天顯民祗」、《史記・魯周公世家》作「不顧天及民之從「誕淫厥泆,罔顧于天顯民祗。〔案曰〕「罔顧于

于天,無能明人爲敬,暴亂甚。周公世家》集解。〔傳曰〕紂大過其過,無顧施顯道于民而敬之也。《史記》三十三卷《魯道曰〕紂大淫樂其逸,無所能顧念于天

淫樂其逸」也。「泆,水所蕩泆也。」是「誕淫厥泆」謂「大卷十一上水部云:「淫,浸淫隨理也。」〔案曰〕馬以誕爲大,《釋詁》文。《説文》

于罰。」 不明厥 惟時上帝不保,降若 德,凡 四四 方小大 兹 邦 大 喪。 喪, 惟 非 天 不 畀

六七五

罰。 凡 傳 喪 四 亡之誅。 方 言皆有闇亂之辭 小 惟 大國 是 紂 惟 惡,天不安之,故 喪滅,無 天不 與 非 不 明其德者, 有 辭于天所 下若 故 此

度,我 王若曰 貳適,惟 事,有命 大戾,肆不正。」 不 : 爾 爾 曰:『割殷,告敕于帝。』惟 「爾殷多士,今惟我周 動, 王家我適。予其 自乃邑。』予亦念天即 曰:『惟 王 丕 爾 我 靈 于 洪 事 承 無 殷 帝

從 明德恤祀。 家已之我,不復有變。 下事已之我 傳 汝 一于天。 法 大 日〕周王,文、武也。 色起。 度。 罪 謂 謂既克紂,柴于牧野,告天,天 加誅 周矣。 言自 紂 天有命,命 無道。 者,故以紂不能 召 不貳之他, 禍。 我不先 周割 我其曰,惟汝大 大神奉 亦 絶殷命, 動 念天 惟汝殷 ·天事 誅 Œ 就 身 于 亂 王

> 對 制禮, 言新 祀 周」、《康誥》「作新大邑 《京師》篇云:「天子所都,夏、商 邑之明證。《孟子》引《書》「臣附 邑」,下文「敢求爾于天邑商」,亦夏 殷湯之後 成王受命,作宫于洛陽,成文、武之制 露》卷七《三代改制質文》篇云:「周 文王改號 《詩》云: 『命此文王,于周于京。』 此 在商 案 也 京師。」引《湯 曰 土 邑洛」,下 邑 用先代 〕云「自 而 一爲證。 爲周 稱邑、示天之變。 言 禮 如《洪 ,易邑爲京也。」《春 文「朕 誓》「率割夏邑」、《酒 邑」者,《白 又卷下《三正》篇云: 故 仍 範》因 作 舊 于東國洛 稱 大邑于兹洛 也。 此云「自 虎 箕子 通》 曰 此篇 于大 邑, 時 商 公 卷 而 秋 輔 周 邑 74 未 稱

非 王 我 曰:「猷告 一人奉德不康寧,時 爾 多 士 · 子 惟 惟 時 天命 其 遷 無 西 違, 爾

以 朕不 知僞孔本「後」下有一字而以誅訓之邪,抑本無此 此字,蔡邕又缺「後」字以下,不可考矣。僞孔云「誅」,不 遠」字也。唐石經初刻「後」字下有一字漫滅,諸 維天命元朕不敢 意增成其句邪? 敢 有後,無 有」八字,蓋「无」字誤爲「元 我怨。「 案日]蔡邕石 經 本皆無 殘 字,而 碑 丽 有

誅,汝無怨我。〔疏 惟天命宜然。 徙汝,非我天子奉德不能使民安之,是 而西迴,故爲居西 義,是以 傳曰〕以道告汝衆士,我惟汝未達 徙居 西西 汝無違 汝 于 曰〕從殷適洛,南行 洛邑,教 命,我亦不敢有 誨 汝。 後 德 我

者,洛在鎬之東,殷之西也。
誥》稱「作新邑于東國洛」,而云「西爾」洛,濟河而西,故曰「遷居西爾」。然《康久]洛邑在故殷朝歌西南,由朝歌至

〔傳曰〕言汝所親知,殷先世有册書典今爾又曰:『夏迪簡在王庭,有服在百僚。』「惟爾知,惟殷先人有册有典,殷革夏命。

庭,有服職在百官。」言見任用。汝又曰:「夏之衆士蹈道者,人在殷王籍,説殷改夏王命之意。簡,大也。今

《釋詁》同。簡,大,亦《釋詁》文。〔案曰〕迪,道,《説文》卷二下辵部文。

予惟率肆矜爾,非予罪,時惟天命。」「予一人惟聽用德,肆予敢求爾于天邑商。

「鄭曰〕言「天邑商爲殷之舊都。 《尚書》疏。〔再曰〕言商今爲我之天邑。《尚書》疏。〔再曰〕言我周亦法殷,惟聽用有 惟我循殷故事,憐愍汝,故徙教汝,非我惟我循殷故事,憐愍汝,故徙教汝,非我 惟我循殷故事,憐愍汝,故徙教汝,非我 惟我循殷故事,憐愍汝,故徙教汝,非我 。 (鄭曰〕言代邑商。將任用之。 言雖異,皆以天邑商」者,亦本天之所建。

「循故事,憐愍汝」者,「肆,故」、《釋詁》文。邑亦本天所建,王注非也。「率肆」,傳云商。」又云:「商邑翼翼,四方之極。」是商〔案曰〕鄭云云者,《商頌》云:「帝立子生

憐之。 惡 通,彝常即故事。 王 憐,愛也。 充《論 初聞之時, 勿喜。』《尚書》曰: 」,是矜、憐同義。 詁》又云:「彝,常也。」《方言》云: 故《論語》曰 衡》卷六《雷· 汝潁之間曰憐。」然則彝與夷 怒以 引《論語》「哀矜」作「哀 非 充説與傳合也 虚篇》云: 之 『予惟 『如得其情,則哀憐 及其 率 -夷憐 「人君 誅 之, 爾。」 哀 于 以 罪

皆無 音鳥 切。』《廣韻 我宗,多遜。」〔《釋文》曰〕逖,他力反。 改爲遜矣,不知愻、遜二義全別也。《春秋》莊元年「夫人 文》卷六下邑部作 民 王 文》卷十下心部云: 〇〔案曰〕蔡邕石經「王 文也,而 命。 音。 檢反,注云「周所伐商 儒見愻字,皆 「多士,昔朕來自奄,予大降 我乃明致天罰,移爾遐逖, 遜,傳訓 》音同。 僞 孔已 改爲遜矣。 順。 又音史炎反,注云「國名」。 が, 「愻,順也。」引《唐書》「五品不愻」,此 改爲遜,而 日」下多「告爾」二字。 考遜之言 注 奄也」。 云:「周公所誅郵 此 經典中 經訓 1遁,其 陸 順 德明于此 遂 訓 正 罕見愻字。 順者,字當作 一當作 比,毗 《玉篇》又 國。 「奄」、《説 爾 及《左傳 愻 事 兀 志 依檢 而 《説 反 臣 或

> 惟 與 語 孫 小于齊」, 愻、 》「奢則不孫」,又「近之則不孫」, 「緇衣》「恭以遠之,則民有孫」,宋本尚作愻 遜 俱可 昭二十五 通,而 年 遜、瑟却不 一公孫 于齊」, 可通,今皆 是 是 順 遁 亦 可 可 爲 作 作 俗 孫 孫 也 也。 改 論

伐 也。 謂 也 誅 國 뻬 者,謂攝政三年時也。 我宗周,多爲順道。 移徙汝于洛邑,使汝遠于 來 叛逆,我下其命,乃 誅之也。 自 奄 四 先 王言我來自奄者,周公以王 國 奄 與 誅三監,後伐 大下汝民 大下汝民 公師還, 淮 君 也。 ,獨言來 《尚書》疏。 夷, 奄誅 爲民 民 命,謂誅 命,爲君不能 以 亦是王來還 自 謂 君 奄 在 奄、淮夷。 何傳 所以 誅 一後,誅 者 爲 [疏日]昔我 兀 ,謂先誅三監,後 兀 命, 于時王不親行, . 國 二昔 |國 明致天 , 惡俗, 奄即來,故 君 故 也。 君 順民 我 民 民 來 命誅 來從 比 罰 命 四 意 從 舉 謂 近 或 故故 奄 而 四 臣 君 君

阜縣 處。 《多士》是成王即政元年作, 之北。』《多方》注云:「奄在 毛傳云: 蒲姑》、《多方》、《周官》四篇,其次當在《大誥》之後: 與踐奄,是攝 叔罪輕不數,又不數淮夷,以 云: 六年,追述前 康誥》之前。 破斧》詩云:「周公東征 「成王 成 也。 「奄國在魯。」在 注,則奄與淮 奄里,即奄國之地。」但曲阜 唐魏王泰《括地志》遂云:「兖 奄豈應在 鄭《成王 「四國,管、蔡、商、奄 鄭亦當同。 説詳 東 伐 自 事,故云昔也。《成王政》、《將 政三年伐管蔡時事。」 《序》及《多方》。 淮 政 奄。」鄭注云: 此,則《括地志》之言 夷,遂踐 夷固相 序》 魯者,非必 知者、《説文》 注云:「奄 連 四 奄 上距 淮 國是皇。」彼 此 淮夷 ..夷傍。」 也。」 四 即 在 乃 或 踐 伐 邑部 今此 是 與 蓋 州 據 曲 奄

信也。 證 荒,此飛廉爲 奄,不數淮夷者,以淮夷是淮水之夷,四 于蒲 미 廉。」又言伯翳子孫或 紀》:「中衍之玄孫 豹、犀、象,則所兼正指奄、飛廉。《秦本 心 與? 象」,下文言兼,又言驅,其所驅者指虎、 淮夷,遂滅奄,奄似 魯」,當以 上文言「伐奄, 戮飛 殿,伐 知。 奄 黜鄭,凡鄭説皆以私意駁之,此不可 其國則 故不數也。」此 姑 也。 爲 奄、淮 觀其 淮 而奄之爲夷,其證有二:《孟子》 夷,踐奄,皆東征事。 正 孔傳雖晚出,然言成王遷奄君 蒲 此 淮 與 與 夷 夷 姑 説 所兼 疏不詳考而 所兼對,其證 皆附 之地 齊 淮 爲 地 夷同叛,正 正 之確 者 屬,故《説 ,近其國 遠于淮夷。 中 廉, 得之。《破斧》疏云: 正義 顯違 在 -潏,在 證 知四國是管、蔡、商 驅虎、豹、 前 九州,或在 鄭 云 二也。 一爲 教化之處。 義, 西 一成 文》云「 奄 國謂諸 戎,生飛 爲 王先 正義 類, 也 夷 鄭 在 其 亦 四

方》。 王 以 包 謂 與 民 淮 淮 管 夷 夷是 叔 命爲君、降爲誅之、非也。 、蔡 也。 叔、 降命謂下令,即作誥也。 則 禄父、奄 知 此 經 Д 君 或 者 與《 詳《多 詩》 几

時命有申。 王曰:「告爾殷多士,今予惟不爾殺,予惟

是教命申戒之。〔傳曰〕所以徙汝,是我不欲殺汝,故惟

矜爾。 也。 啻,始豉反,徐本作翅,音同。下篇放此。 有爾土,爾乃尚寧榦止。 致天之罰 惟爾多士,攸服奔走,臣我多遜 今朕作大邑于兹洛,予惟四 讀,則徐音是也。 从木,倝聲。古案切。」俗作幹,非也 爾不克敬, 于爾躬。 「榦」、《説文》卷六上云: 爾不啻 [《釋文》曰] 賓如字,徐 示 爾克敬 有 方罔 爾 〇[案日]賓从 7,天惟 土,予 攸賓, 「築牆耑木 爾乃 音 殯 亦 畀 尚 亦

此洛邑,以待四方,無有遠近,無所賓〔馬曰〕賓,却也。《釋文》。〔傳曰〕今我作

罰深 庶幾還 居。 奔走 天罰于汝身。言刑殺 爲天 所 ·, 臣 重,不但不得還本 以反所生誘之。 與,爲天所憐。 有汝本土,乃庶幾 我多爲順 待四 方,亦惟汝衆士所當 事。 汝能 土 汝多 汝不能敬順, 而已,我 敬 安汝 行順事 爲 順 故 事 亦致 服 其 則 ıŀ. 乃 行

同。 戎翟。」賓、擯通也。 秦。』《史記· 國表》云:「秦小國僻遠,諸夏賓之,比于 〔案曰〕馬云「賓,却也」者,馬 《戦國 • 蘇秦傳》作「賓秦」。 趙策》云:「六國從 以賓 親 又《六 以 與 擯 擯

于兹洛。爾小子乃興,從爾遷。」「今爾惟時宅爾邑,繼爾居,爾厥有榦有年

邑、繼汝所當 呂。《尚書》疏。 年于此洛邑。 [王曰]汝其有安事,有長 〔傳曰〕今汝惟是 居爲,則汝其 言由洛修善,得還本土。 久年于 有 安 敬 事 順 有 此 居 汝 洛

事」,故「有榦」爲「有事」也。 〔案曰〕王云云者,《易》「貞固足以榦

我乃有教誨之言,則汝所當居行。〔疏〔傳曰〕言汝衆士,當是我,勿非我也。王曰,又曰:「時予,乃或言,爾攸居。」

有,九州」。《韓詩》作「九域」,訓與毛傳有,《微子》傳同。《洪範》:「無有作好,得三「成,有也。」《韓非子》曰:「無或作野"引云「毋或作好,毋或作惡」,為言為以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・小雅・文雖異,然皆以或爲有。《詩・八州」。《韓詩》作「九域」,訓與毛傳

有也。《説文》卷十二下戈部「或」字注同。《説文》卷十二下戈部「或」字注言:「或以从土。」是或时,对或即九有。隱三年《穀梁傳》:以重文域字注云:「或又从土。」是或云:「邦也。从口,从戈,以守一。一,地

尚書後案卷二十

爲有也。

日〕鄭《論語》注云:「或之言有。」此亦或

六ハ

石 經

殘碑《論

語》一夷逸

作「佚」。

漢書

影凡

逸多作

佚,

൬

尚 書後案卷二十

東吴王鳴盛學

周

書

無

逸

同。 周 「無逸」、伏生《大傳》作 「古文毋作無。」則毋、無通 「劮」,又「無淫于觀于逸」作「毋 毋劮」可知也。 公曰:「 《史記》作「無佚」。 嗚 《儀禮• 呼 ! 毋逸」。 蔡邕石 士昏禮 君 也。 子 經于下文「乃逸」之逸作 《論衡》卷八《儒 **劮」,則于此篇首** 説文 》「夙夜毋違命 所 其 》卷十上兔部 無 逸。 注 增篇 - 亦必作 案 굸 \(\frac{1}{2}\) 日

逸、失也。从是、兔。

兔謾訑善逃也。」卷八上人部云:

佚,佚民也。

从人,失聲。」卷十三下力部

無

「劮」字。

劮則未之見,疑逸、佚、劮亦通 書》疏。 悖 雅 《易》孟、京説亦云然。 也。 動之。 明太平君子皆然,故稱之。 子且然,況王者 非人君之稱,止是在官長者。 子,而「君人五號」無君子之名 者,爵號也。 號:帝者,天稱也。王者,美行也。天子 《易乾鑿度》:「孔子曰:『《易》有君人五 人者,聖明德備也。」《五經 其無逸豫。 〔案曰〕鄭云「君子,止謂在官長者」者, 鄭曰」 也。 鳧鷖》箋以「君子斥成王」者,彼 君子處位爲 〔傳曰〕嘆美君子之道,所在念德, 嗚呼者,將 君子,止謂 君子且猶然,況王者乎 大君者,與上行異 政 乎」,與 在 戒 ,其無自逸 官 成 考《易》觀五 長 王 鄭合也。 者。 一, 欲 與此 求以 豫也 異 所, 傳云「 一; 則 也。 義》 注 君 爲 猶 深 《尚 子 君 載 君 處 感 大

穡之艱難,乃逸乃諺。

既誕,否則

小人,厥父母

勤

勞稼穑,厥子乃不

知稼

母曰:『昔之人無聞知。』」〔《釋文》曰

諺,魚戰反。

〇〔案曰〕「諺」,

郭忠恕《汗簡》卷上之

〕相,息

案曰〕「穡」,蔡邕石經作「嗇」。 「先知稼穡之艱難,乃逸,則知小人之依。

謀逸豫,則知小人之所依怙。 〔傳曰〕稼穡,農夫之艱難事,先知之,乃

樂,是君之恩澤。 先嗇,大飲烝,勞農以休息之。言民 稼穑,有百日之勞,今一日使之飲酒 弛一張,文王以 之筋骨非木非石,不能 也。」《論衡》據此以説此經之義也。 夫子論蜡,「百日之蜡,一 弛,文王不爲,弛而不張,文王不行,一 論衡 案曰〕云「先知稼 弛,文武之道也。」鄭注:「蜡之祭, ·儒增篇》引此文,而解之云:「人 爲常。」考《禮記 穡之艱難,乃逸」 張弛,以弓弩 不解。 日之澤,一張 故張而不 雜 喻 勤 燕 主

「誕」,石經作「延」,省筆也。否作不,古字通也。詩・板》云「毋然憲憲」,傳云:「憲憲,猶欣欣也。」是也。一云:「古文《尚書》作《冷。」蔡邕石經作憲,喜建反。《毛

《論語》「由也諺」,諺則叛諺。父母,曰:「古老之人無所聞知。」〔疏曰〕叛諺不恭。已欺誕父母,不欺則輕侮其難,而子乃不知其勞,乃爲逸豫遊戲,乃難,一分不知其勞,乃爲逸豫遊戲,乃

周 中世 名。 公曰:「嗚呼! 頌譜》疏。 而中興之。 故稱宗。 鄭曰〕中宗,謂太戊也。《詩》二十之三卷《商 |尊其德,其廟不毀,故稱中宗。 商自成湯已後,政教漸 [傳日]太戊,殷 〔疏曰〕中宗,廟號。 王者祖 我聞 有功,宗 日,昔在殷王 家中 有德,殷 衰,至此 世 尊其 太戊,王 中宗, 王

修德,殷道復興,故表顯之,號爲中宗。」太戊,湯之玄孫也。有桑穀之異,懼而序》:「祀中宗也。」鄭箋云:「中宗,殷王〔案曰〕鄭及傳云云者,《商頌‧烈祖

毁,非 等議 既 禹説: 毁。 成 決定不毀。 子孫六。」注 相 德,不毁其 王,各立其廟, 正者言也。 而 不毁。 傳》,永光四年詔 也。 無常,數亦不定也。」考《漢 匡衡以 也 太祖 太 古文《尚書》説經稱中宗,明 曰:「王者始受命,諸侯 尊德之義。』」鄭不駁,明亦以 『王者宗有德,廟 祖 則非徒六廟,鄭言殷六廟者, 彼《烈 謹按:《春秋公羊》御 疏 以以 一**,** 五. 爲殷中宗、周 廟」。 至中 《禮稽命徵》曰 言 云:「契爲 下 年 祖 一尊 與親廟 Ħ. 而 《異 `》疏 興之主,有德則 廟 其 再 議毀廟 義 德 而 亦 殷祭,壹禘,壹祫。 迭毁。 四、故六、是六 謂「祖 其 始祖,湯爲受 成、宣 不毁; \sim 事,丞相 一般五 廟 詩》魯 始封之君 不 有 書 毀廟之主 王 史大夫 毁 功 宗 其 而 廟 説 以 故 廟 玄 至 復 貢 據 有

毁,親 不 自 德茂 甲 戒,舉殷三宗以 法,宗不在 子三昭三穆,與太祖之廟而七。 而毁。 盡 自 無 王,是以三廟不毀,與親廟四 廟者,以后稷始封,文王、武 命 曰 有后稷始封,文、武受命之君,皆當親 定數, 中宗,武丁 可預爲設數,故殷 是正論。 也。 而 爲太甲, 義 べ盛 王 / | | | | | | | | 以 疏之殺,示 立 成王成二聖之業, ,祭天以其祖 ,廟猶不世,以 其 廟 三云《喪 親 此數 濫 與 祖 後哀 廟 Ė 鄭 祭 服 配 四 高宗。 勸成王。」此 小 瀆 中。 之, 不 帝 有終 記 合,其 親 **%** 時劉歆 恐 而 苟有 配 太甲爲太宗,太戊 親 行爲 亦 也 曰 周公爲《毋逸》之 立 而不 也 : 無 謬 四 制禮作樂, 功德則宗之, 三 王 又議 此 謚 周 以 廟 不待言 爲立 王 禮。 之 親 う言 丽 一者禘 三宗之帝 而 云: 盡 己。」 受命 所 七者正 七。 廟, 以 馬 而 其 此 功 盡 非 而 祖

《烈祖》疏亦未必得鄭意,皆非也。據此則殷之三宗廟皆不世。此疏既妄,云:「自夏及周,少不減五,多不過七。」

通也。 敬義。 注云: 檢反。 經,蔡邕已用此字,而諸葛孔明亦以此爲名,則其來久 黄泉,欲上出,陰尚强,象心不達,髕寅于下也。」此字無 夤。《説文》卷十四下寅部云:「髕也。 「亮天功」,「亮采有邦」,及下文「亮陰」,皆作亮。 注《荀子》尚作倞耳。 下,誤京作高,遂作亮。 若夤。』」後人與《堯典》「夙夜惟寅」皆改作寅,非 中論 説文》卷八上人部云"「倞,彊也。」疑亮即倞字,移人于 度」,蔡邕作「亮」。亮本俗字,不知所 嚴恭寅畏,天命自度,〔《釋文》曰〕嚴如字,又魚 以亮爲度,義未詳 「儼,矜莊貌。」《釋文》云:「本亦作嚴。」然則嚴、儼 馬作儼。○〔案曰〕「嚴」、《史記・魯世家》、徐 卷七上夕部夤字注云:「敬惕也。 「寅」、《史記》作「敬」,傳亦訓爲敬,則此字當 夭壽》篇所引並同。 晚晉《尚書》多俗字,「亮采惠疇」, 也 而載籍中遂罕見倞字,惟 馬作儼。 正月,陽氣動,去 曲禮》「儼若思」, 《易》曰:『夕惕 从,無以下 今觀 唐楊倞 · 筆。 也. 石

言太戊嚴恪恭敬,畏天命,用法度。〔疏〔鄭曰〕恭在貌,敬在心。《尚書》疏。〔傳曰〕

卷三上艸部之龏,亦可也。 文》:「恭音共,本亦作共。」宋刻則作「共 共者尚有之。《檀弓》俗刻「恭世子」,《釋 中如文十八年《傳》「兄友弟共」之類,作 部雖有,要許慎亦多有依秦文者。 加心,而古實無此字。《説文》卷十下 字不當从心,疑古文恭字只作共,秦人始 嚴恭爲貌,寅畏 正同。可見古文只作共,不从心,或即 世子」。《釋文》亦互易,《釋文》單行足本 上共部但云「同也」,疑漏其訓。今經 曰〗《祭義》云:「嚴威儼恪。」故引恪配嚴 案曰〕鄭 云「恭在 爲心也。 貌 ,敬在心」者,鄭意以 既以恭爲貌,則 卷三 用 典

嚴祗敬六德」、《史記・夏本紀》「祗」作「振」。 之」、《魯世家》作「敬復之」。 徐廣云:「敬一 謂朕曷震動萬民以遷 蔡邕作「以」,未詳。 十有五年。〔《釋文》曰〕治,直吏反。 治民祗懼,不敢荒寧。 「祗」、《史記》作「震」。 」,蔡邕「震」 肆中宗之享國、七 作「祗」。 〇〔案曰〕「治」, 《皋陶謨》「日 作振。」 費誓》「 《盤庚》「 祗復 然則

祗、震、振皆 通也。 「享」,蔡邕皆作 饗

《史記》三十三卷《魯周公世家》集解。 五十八卷《帝王部· 馬 曰〕知民之勞苦,不敢荒廢自安 勤政篇 ◎删 府元龜 也

同 徐幹《中論・夭壽》篇引作「寔舊勞于外」。《釋詁 其在高宗,時舊勞于外,爰暨小人。 訓是、故以寔爲時。 案曰〕馬以寧爲安、《釋詁》文。 「暨」,古本作「鳥」,今《尚書》及

〔案曰〕

》時、寔

爾雅》皆从俗作「暨」。

記·魯周公世家》集解。 口 周公世家》集解。 時,其父小乙使行役,有所勞苦于外,與 故。言知其憂勞也。《詩・商頌譜》疏。 衰,爲其父小乙將師役于外,與小人之 小人從事,知小人艱難勞苦也。《史記·魯 鄭日〕高宗,謂武丁 事。 居 民 暨,與也。 間 「傳 勞是稼穡,與小人出 曰〕武丁,其父小乙,使 武丁爲太子時,殷道 [馬日]武丁爲太子 也。 舊,猶久也 ◎史

> 馬不言出兵, 意亦略同 言,未見必爲太子時事。 楚人叛,高宗出兵伐之。」《易》、《詩》所 頌》:「撻彼殷武,奮伐荆楚。」毛傳云: 干寶注云:「鬼方,北方國。」《詩・ 年克之。」虞翻注云:「高宗,殷王武丁。」 者、《易·既濟》九三:「高宗伐鬼方,三 暨,與。《釋詁》文。云武丁爲父將師役 《魯世家》作「久勞于外」是也。 篇:「龜之爲言 命將,豈能屢自親 三下 「殷武,殷王武丁也。」鄭箋云:「殷道衰, 案 E 龜部云「舊 鄭云「舊,猶久」者、《説文》卷十 也。 久也。」是舊、 征,或 《白虎通 也。 但即位後自宜 有太子時 久義 爰,于。 蓍 通 龜 商

闇。 陰」、《説命》同。《論語》作「諒陰」、《喪服四 此字爲信 作其即位,乃或亮陰,三年不言。 ,則見《説文》卷三上言部,注云「信也」。 考「亮」本無此字,當因「倞」而誤,説已見上。 其解雖謬,然如其説,亦宜作諒。 今僞孔 (案) 今改爲亮 [制》作 至諒 一一亮 「諒

是謬之謬也。 「「諒闇」轉作「梁闇」。」然則鄭所傳古文《尚書》實作「諒 而其意則謂 闇 讀如 鄭于《喪服 鶉 當轉讀作 鶴之鶴, 四 闇 「梁闇 制》注云:「諒,古作梁,楣 謂 廬也。」故于此經注 也。 謂

不引,且今孔傳亦無此文,故定爲馬傳。 [傳日]武 杜佑 言。《左傳》隱元年疏。 也。 疏。 董鼎《書集傳輯録纂注》三卷。 陰,默也。《禮記 年不言。言孝 丁起其作王位,則小乙死,乃有信默,三 曰〕杜預于泰始十年議皇太子喪服,引《書傳》云云,載 憂喪三年之禮,居倚廬柱楣,不言政 **楣謂之梁,闇謂廬** 晉書 者莫不行此禮,何 〇《史記·魯周公世家》集解。 [馬日]亮,信 日〕作,起也。 「『高宗諒闇,三年不言。』善之也。 《通典》八十卷《凶 陰,默也。 時孔傳未出,故杜注《左傳》,于今《尚書》皆 行著。〔疏曰〕亮,信。 爲聽于冢宰,信默 · 喪服 禮篇》引博士段暢議。 也 「諒闇」轉作 ○《晉書》二十卷《禮志》。 小乙崩,武丁立, 以以 〇《左傳》一卷隱元年 四制》引《書》 獨善之也? 「梁 而不 闇

也。 苫,枕塊。」又云:「既虞,翦屏柱楣。」然 《傳》説曰:「高宗居凶廬,三年不言,此 謂之梁,闇 則,居倚廬是始遭喪時,柱楣是既葬之 楣」者、《儀禮・喪服傳》云:「居倚廬,寢 之謂梁闇。」與鄭合也。又云「居倚廬柱 後也。 「居倚廬」者,鄭注《既夕記》云: 文。云「闇謂廬也」者,伏生《大傳》亦引 文。云「楣謂之梁」者、《爾雅 〔案曰〕鄭云「作,起也」者,《説文》人部 倚木爲 也。」又注《喪服傳》云:「楣謂之梁,柱 「柱楣」者,鄭注《喪服 廬 謂廬 ,在中門 也。 外 廬 東方,北户。」是 有 梁者,所謂 四制》云: 釋宫》

併言 从手,朱子小誤。其言梁闇之制則是。不知《論 高而下可作户也。 于地,至是乃施楣及短柱,以拄其楣,架起其簷,令稍 草,至是改而西向,乃翦其餘草。 則 虞之後,改舊廬,西 楣 類。」考《説文》卷一下艸部 是則結草木爲廬,皆曰 去之後,齊人謂 注》何以只泛言天子居喪之名,殊覺顢預鶻突。 从木,音冢與反。蓋始者户北向,用草爲屏,不翦其 所 巡視,三軍悦感。 更造菴字,以 兩 屏之餘草。 所 謂 謂 頭竪柱施梁,乃夾户旁之屏也。」然 「居倚廬柱楣」也。 則此字實當作闇 梁闇 柱 「區者,小室之名,若爲菴 楣者,即 。」賈公彦疏云: 《説文》無拄字,古通用 柱 當闇。 柏菴 | 楣者,前梁謂之楣,楣 施于倚廬之處,故鄭 向 爲帳幙,不疑兵退。 周武帝 開 後漢皇甫規入菴 也。 菴。 朱子云: 拄字从手不 户 始者無柱與楣,簷著 , 翦去户傍 無菴字,新 《論 《 漢 • 「翦屏者 攻高齊,兵 柱,从 木不 語集 既

禮 皆既葬除服 論之。 鄭伯,時簡公未葬,請免喪以聽命,君子謂之得 禮。」盧欽問 斬,既葬除喪服,諒闇 臣皆除服,疑皇太子亦應除否,詔諸尚書會僕射盧欽 《晉書・杜預傳》: 元皇后崩,依漢魏制 而 用之,尤妄中之妄矣。 武丁也。 『宰咺歸惠公、仲子之賵』、《傳》曰 本,托名安國爲傳,亦采《論語注》人之。 孔説非是。馬融從之。古文《尚書》僞 解》采孔安國注云: 張》引《 云「不言足矣」。 信」爲「信任冢宰」。 説命》傳同,而彼正義又添出「信默」之 除 也。 云諒闇三年,此釋服心喪之文也。 服 而宴樂。 王雖 預以爲:「古者天子、諸侯三年之喪,始 書》「高宗諒 不遂,宴樂以早。]稱高宗不言喪服三年, ,諒闇之證也。 證據,預曰:「《春秋 諒,信也。 向譏之曰:『三年之喪,雖貴遂服 上言信默,語意複疊 以居,心喪終制,不與 周景王有后、世子之喪,既 「高宗,殷之中興王 陰,猶默也。」然下 陰」云云,何晏 邢昺《論語 當從鄭 》晉侯享諸侯,子産 『弔生不及哀』。 譏景王,不譏其 ,既葬,帝及羣 説 [疏》亦 爲 \pm 服 一庶同 集 此

除喪, 非諸儒所及 出于安國。 道。」玩預説,知梁闇乃凶廬,非信默之謂。 喪齊、斬 堯喪,舜 即以諒闇解默字之義,此尤誤會。 而 涼闇 譏其宴樂早,則 既 鄭師祖孔學,而不襲其説,知鄭學之宏通, 葬而 也。 三年,故稱遏密八音。 《國語》:「武丁三年 除 諒 闇 既葬應除,而 以 終之, 三年無改于父之 由此 違諒 默以思道。」韋 言之,天子居 信默之解 闇之節 也

「其惟不言,言乃雍。

言矣,知喪畢乃言也。 管,其惟不言。」除喪猶不言,在喪必無意,謂此「言乃雍」者,在三年之内,時有意,謂此「言乃雍」者,在三年之内,時有意,謂此「言乃雍」者,在三年之内,時有意,謂此「言乃雍」者,在三年之内,時有意,則不言之時,時有所言,則羣臣

乃僞書,云免喪猶不言者,欲以起下羣偶。故鄭以爲在三年内之言。《説命》者,「不言」,特不出政,非三年竟如土〔案曰〕鄭云「其不言之時,時有所言〕

《坊記》引作「言乃讙」,注云:「讙當 耳,豈 引鄭注如果是《無逸》 其政教也。」此與《史記》同。但裴駰 歡,聲之誤也。其既言天下皆歡喜, 也。言乃喜悦,則 驩」,裴駰《集解》引鄭注 僞 則鄭所傳古文《尚書》亦作「言乃雍」,與 廱 驩」在三年内,非免喪後可知也。 引《論語》「三年無改于父之道」,下文 臣 文,實亦雜采今文。 雍爲和諧者,《大雅 引「高宗三年不言,言乃驩」,則「言 雍」,又解爲「驩」,必 驩」者今文,史雖稱 孔同。 一成諫 ,和也。」雍、廱通也。 口 作事 正 《史記·魯周公世家》作「言乃 如今日作時文者挑剔 實 乎 1 民 思齊》毛傳:「廳 作「雍」者, 司 臣望其言久 且《坊記》上 據疏所引鄭注, 馬 無 注, 云:「驩,喜悦 此 遷 則既 所 理。 載 則 翻 解 矣。」 文先 蓋 又以 弄 乃 方 文 古 所 爲 作 爲 樂 法

《無逸》, 詆其不知,非也。 何由見? 不知本文當爲雍」、《説命》晚晉僞書,鄭 知其爲《無逸》之文,妄稱爲讙説之讙, 記》『言乃讙』注,但知有《説命》之書,不 也 經往往如此。 駰 仍作雍解,各從其家。 所 鄭于《無逸》明云「和諧」,乃 采 熊朋來《經説》乃云「《坊 必是鄭《大傳》注, 漢儒 而 傳 于

不敢荒寧,嘉靖殷邦。

[馬日]寧,安也。《史記・魯周公世家》集解。

〔案曰〕馬云云者、《釋詁》文。

十有九年。 「至于小大,無時或怨。肆高宗之享國,五

語》「無小大」,皆指臣民是也。傳謂政〔案曰〕鄭云云者,《詩》「無小無大」,《論大之政,人無是有怨者,故亦享國永年。臣小大皆無怨王也。《尚書》疏。〔傳曰〕小〔鄭曰〕小大,謂萬人,上及羣臣。言人

此皆與《尚書》不同,所傳者異也。 駭,側身行道,桑穀亡,遂享百年之福。」 過反政,享福百年。」又卷五《異虚 《無形篇》云:「傳稱高宗有桑穀之異,悔 《劉向》、《杜欽》兩傳杜欽在 云:「殷高宗時,桑穀俱生于朝,高宗恐 俱有此言,與蔡邕合。 王充《論衡》卷二 書・五行志》有云:「高宗致百年之壽。」 年。」至蔡邕石經,則又作百年。 之小大,非也。《史記》云: 十五年。」裴駰注云:「《尚書》作五十九 《杜周傳》中。 「高宗饗 國 篇》 漢 亦

「其在祖甲,

〔鄭曰〕祖甲,武丁子,帝甲也。《尚書》疏。○《史記·魯周公世家》集解。○《因學紀聞》二卷。○《玉海》三十七卷《藝文門》。○《因學紀聞》二卷。○《史記·魯周公世家》集解。○《因學紀聞》二卷。
〔案曰〕鄭 云 云 者,説 見下 文。 王 義非 〔案 曰〕鄭 云 云 者,説 見下 文。 王 義非 是,辨亦見下。

不義惟王,舊爲小人。〔案曰〕「舊」,《史記》作

久」,

卷。 義 武 集傳或問》下卷。 記・魯周公世家》集解。 ○朱祖義 董鼎《書集傳輯録纂注》五卷。 訓》十一卷。○林之奇《尚書全解》三十二卷。 久爲小人之行。 亡民間,故曰「不 云「久爲 立弟,祖甲以此 〈書集傳》五卷。○黄度《尚書説》六卷。 鄭 〕祖甲是太甲。 ,久爲小人之行,伊尹放之桐。 丁死,祖 欲立之。祖 「馬 日 「武丁崩,子祖庚立。 祖 日 祖 《尚 書句 甲 庚立。 有 ○王天與《尚書纂傳》三十一卷。 甲 解》九卷。 甲以 兄 有兄 《尚書》疏。 鄭玄云云,案《殷本紀 義 爲不義,逃于 爲王不義,謂湯 祖 祖庚死,祖甲立。《史 王 惟 [傳日]太甲 庚,賢, 祖 ○金履祥《通 廢 王,久爲 庚,而 ○吴澄《書纂言》四 長立少不義,逃 〇薛 祖庚崩,弟祖 武 祖甲賢 季宣 ○陳大猷 小人」也。 1 鑑前編》五 爲王不 間。 欲 初崩 《書古 ○蔡 廢 / 疏 卷 故 兄 沈 文

> 甲立, 事出 語》説 少。 與二宗齊名,舉之以戒無 則帝甲是淫亂之主,起亡殷之源, 王,祖庚復賢,以武丁之明 祖庚之賢,誰所傳説? 何書? 妄造此語 殷事云:「帝甲亂之,七代而 是爲 帝 甲, 淫亂, 也。 殷道 逸? 無容廢長立 武丁廢子 復衰。」《 武 寧當 丁賢 殞。 國

甲, 是 非賢,但經與傳記 見、皆指微賤而言、非謂儉小之人、故知 非言其德。 人,作其即位」文勢正同。 爲小人。作其即位」,與上 [案日]鄭、馬云云者,鄭、馬以此節 [當以傳記疑經。 「逃于民 非是。 疏引《國語》、《史記》辨祖 間」而爲小 且《無逸》一篇,「小人」字八 辨詳 不同,當以經正傳記 人也。 下文。 小人言其位 節「爰暨 傳以爲太 甲 舊

民,不敢侮鰥寡。肆祖甲之享國,三十有「作其即位,爰知小人之依,能保惠于庶

傳

以

爲

太

甲,

説

本

Ŧ.

肅

鄭

傳

非

也

IE. 當作 之所 下。 年多 在 此 敢 殷之先君 \pm 侮 下。 此 其 其 以 也 # 《史記 慢惸 少馬 世 依 德 功 諸書皆言太 案曰〕「三十」,唐 《説文》亦部 可 優 殷家亦祖其 次 先 集 號之爲 故稱之祖 獨 劣、立年多 依 先 顛 必言「祖其 有祖 中 用 魯 仁政 後,故祖甲在 倒 光 宗 以 周公世 元,起就 云: 祖、未 知小人之依,故得久年。 乙 故解 分, 故 甲,此言祖 石 祖 家》集解。 「莊,三十并 祖 甲, 功 經作 甲, 之。 能 少爲先後,故祖甲 功」,亦未 ,故稱祖。 王 辛、 必祖其功 與二宗 安順 位 卅 先 云以 祖 0 太 ,于是知 「傳 盛 也。 但 丁, 于衆民, 甲者,殷家 戊、武丁 德後 爲類。 卅 先合反。 德優劣、 日 知其然。 乃變文,依 〔疏曰〕 而 稱 在 祖 存 其 之

案

祖

甲,

鄭

以

爲

帝

甲,

説

本

馬

融。

陽、以 宗, 禮,祖 也。 信。 其辨三也。 堅,足徵其妄。 太甲 王」,及云者,因 太甲「兹乃不義」爲一,彼僞 一宗世 Ŧ. 以甲名者五 丽 且此 則 爲 中 見《紀 唐 太甲 未嘗稱祖 有 祖别之,不應有二帝俱稱祖 宗 , 祖 次 年」, 功,宗有德。 惟 馬 小人言其位,非言其 甲 相 年》舊 及高 孔傳之意,以「不義 得十二年。」此 貞《史記索 承, 之行,不亦 知 太甲 I其先後· 祖 帝,以太、以小、以沃、以 其辨二也。 歷 一本,自是 甲 正義于此説已持之不 然 是 及祖 明矣。 考之史,太甲稱 不 次第 帝 紊。 妄 隱》云: 甲 甲,及我 乎? 可 云祖 ·明 其 而枚舉 殷世二十有 據。 文,固 下 辨 文言「 惟王」 德, 甲 其 按《 周 之辭 乃 甲。 太 與 足 國 紀 四

年》,朱子以爲僞書。太甲享國甚短,所以不

數,又何疑乎? 其辨五也。

從」、《漢・鄭崇傳》及《論衡》、《中論》引皆作「是從」。 不重出。「惟耽樂之從」,「耽」字,《論衡・語增篇》引作 年,或五六年,或四三年。」〔《釋文》曰〕耽,丁南 穡之艱難,不聞 湛。 「自時厥後,立王生則逸。 時亦罔有克壽」。「四三」、《中論》作「三四」。 亦罔或克壽」、《中論》引同。《鄭崇傳》及《論 時厥後,亦罔或克壽,或十年,或七八 樂音洛。 考《毛詩》,凡耽樂字皆作「湛」,古字如 ○〔案曰〕「生則逸」、《中論・夭壽》篇引 小 人之勞,惟耽 生則逸,不 樂之從。 衡》所引作 此。「之 -知稼

下者三年,言逸樂之損壽。從。是其後亦無有能壽考。高者十年,之耽。惟樂之從,言荒淫。以耽樂故逸豫無度,與小人之子同其敝。過樂謂。與曰〕從是三王各承其後而立者,生則

欽説王鳳引曰:「『或四三年』,言失欲之 〔案曰〕傳云逸樂損壽者,《漢·杜欽傳》

> 矣。」與傳義同 不甘飲食,困毒而死。 飲,糟丘 害,與傳逸樂損壽合也。 生害也。」師古曰:「失讀 七《語增篇》引此 酒 池,不 也 舍晝 經而說之云:「長 夜,是必病; 雖未死,宜 王充《論 曰佚。」佚 衡》 病則 欲 夜之 生

故本其父祖。皆能以義自抑,畏敬天命。將説文王,〔傳曰〕太王,周公曾祖,王季即祖。言

暇食,用 經及《漢 小民,惠鮮 「文王卑服、即康功田 鮮,息淺反。 谷永傳》引「小民」皆作「小人」,「惠鮮」作「惠 咸 鰥寡。 和 萬民。 昃音則,本亦作仄。○〔案曰〕蔡邕石 自 [《釋文》曰]卑如字,馬本作 朝 功。 至 于 徽柔懿恭, 日 中昃,不 懷保

儉,卑其衣服,以就其安人之功,以就田[馬曰]俾,使也。《釋文》。[傳曰]文王節

懷之。 辰,日 謂過中而斜昃也。 也。 《左傳》云:「日上其中,食日爲 鮮乏鰥寡之人。 功,以 惟言昳。 而 爲三。」則人之常食在日中之前,謂 不食,或至于日中,或至于日昃,猶不暇 慮政事,用皆和 艱難也 下, 《易· 故經中、昃並言之。 昳爲未。言文王勤于政事,從 知稼穡之艱 謂未時也。 以美政 遑亦暇 豊卦・彖》日 恭民,故民 萬 也,重言之,古人複 從朝至日昳不暇食, 難 故日之十位, 昃亦名昳,言日 民。 美道 ...「日中則昃。」 〔疏曰〕 安之。 傳舉晚時,故 和 二; 旦 民,故 昭 又 食時 蹉 加 五 辰 跌 朝 時 日 年 思 惠 民

鮮鰥 依 案日〕馬云 寡。 文義,宜以 寫」者,僞孔 今云「加惠鮮乏之人」,非 「俾,使」,《釋詁》文。 惠 鮮 ,本如 相 屬 此,當有所 爲 解 謂 也。 據。 云 「惠 此 但

義 日,仄聲。」此當 卷十七《楚語》左史倚相語子亹引此 日 父母者,有所放依而長。」是正説此 無兄弟者,有所雜于生人之間, 少失其 老而無子者,有所得終其壽; 鰥寡,不爲暴勢奪穡人黍稷 卷四《兼愛中》篇云:「文王不爲衆庶侮 鳥》箋云:「以善道與我。」是也。《墨子》 未老」,「鮮我覯 用此義。 Ш 徐鉉曰:「俗别作旻,非是。」然《汗簡》亦 韋昭云:「日昃,日昳。」與傳合也。 也。 部昳在新附,注云:「日 灰也。」《國語》 傳以昃爲日昳者,《説文》卷七上 然則此 蓋《説文》卷九下厂部云:「仄, 舝》箋、《大雅 「鮮,善也。」《詩 云从 爾」之鮮,當 經亦當 在 日 西 方 从仄,仄亦聲」。 訓 , 時 善,即「鮮 皇矣》箋, · 小 狗彘,是以 音仙。 連蹇同 側也。 《説 獨

字皆阻· 昊」,則 閣 爲日 也。 側,系水出,故曰稷門。」古側、稷音近。 碑》云「日稷不夏」,卷四李翕《析里橋 **昊」,孟喜作「稷」。** 勤,故兼舉 側 □「乾乾日稷」。 下稷」、《公羊》、《左傳》皆作「昊」。 云:「昒明禮備,至于日稷。」鄭注云: 稷讀日 字 [頌》云「劬勞日稷」,卷九《費鳳别碑》 "「稷, 昊也。」《隸釋》卷一《成陽靈臺 傾 - 遑暇 復華下民 《離》九三「日昊之離」,荀爽云: 出,二爲日中,三爲日昊。」欲言 籀文氏,即从矢,故灰亦 也。」卷十下矢部云:「 力 灰之作 側。」《穀梁 切, 而傳惟云「不暇食」者,遑亦 租 又皆傾側,象 旲, 田 伏琛《齊地記》云:「齊城西門 自漢已然 春秋經》云「戊午日 《中候 算碑》仍云「勞神 《豐》彖「日 傾 • 也。 然卷二樊 西 握河 頭 可 下 也 作昊 中則 范甯 其 初

> 暇 字不知始何時也 也。」《國語》則 其雷》、《小雅 下辵部,遑在 也。 「偟,暇」、《釋言》文。 新附 以皇爲遑。 四 牡》傳皆云:「遑, 注云"「或从彳。」此 《説文》卷二 《召南• 暇 殷

經只作「共」。此與下文「萬民惟正之供」,皆晉人改。 供」作「唯政之恭」。 于遊田」作「盤游于田」。 [《釋文》曰]供音恭。 文王不敢盤 于遊 《説文》無供字。 ○〔案曰〕《晏子》卷一《諫下》篇「盤 《國語》 田 以 》卷十七《楚語》「惟正之 庶 據《漢書》及蔡邕石 邦 惟 正 之供。

《釋詁》云:「盤,樂也。」所取法,則當以正道供待之故。〔疏曰〕所取法,則當以正道供待之故。〔疏曰〕

時年四十七,言中身,舉全數。〔疏曰〕 文王序》疏。〔傳曰〕文王九十七而終,即位 文王序》疏。〔王曰〕文王受命,嗣位爲君。 謂中年。《尚書》疏。○《詩》十六之一卷《大雅·謂中年。《尚書》疏。○《詩》十六之一卷《大雅· 文王受命惟中身,厥享國五十年。〕

政教 言受命者,鄭云受殷王命,然殷之末世, 言受王命。 先君之命亦可 非中,言中身者,舉全數而稱之也。 父之年,故爲 十七年半折以爲中身,則四十七時于身 十七。 + 王 已衰,諸侯嗣位何必皆待王命,受 九 七 内 + 減 七 在禮 而 享 即 終,《 也。 諸 或 位時年四十七也。 五 侯踰 王云「 文王 + 年 年 世 是未立 嗣位爲君」,不 ·即 位 字 ,》文也 一,此據 一之前 代 九 有 于

明天 子。 禮 語 文元年: [案日]鄭云「受殷王 戲。」韋昭注云:「以爲太子。」《春秋》 子 典命》云:「凡諸 周 鄭 語 既 彼 禮有受命,無來錫命。 「天王使毛伯來錫公命。」《穀梁 命 注云:「誓,猶 以 魯武公以 爲嗣 樹 嗣 侯之適子,誓于天 括 命 子不易 位之命」者、《 與戲 也。」言誓者, 也 見 錫命,非 王 《 國 周

終。』《韓詩外傳》説

亦與此同。

經言「五

後四 覽 疾乃止。文王即位 年,歲六月,地 彼二文之受命矣。 則是中年,其後享國尚 弓矢之錫當亦 命七年而崩。」則受天命時,年已九十, 文九十七而終,伏生《大傳》云:「文王受 言,故特言受殷王嗣位之命也。 伐之命。鄭恐人疑此受命如彼二文所 及崇之功。」則又是受商王錫弓矢、專征 命,有此武 子,殷制 命,王天下。」又《文王有聲》云:「文王 云"「文王受命作周也。」鄭箋云"「受天 正 ·季夏紀·制樂》篇云:「文王立國八 也。」是諸 三年,凡文王立 功。」箋云:「武功,謂伐 亦 侯 然 距 世 動。 子嗣 也。 此時不遠。此言中身, 八年 改 王 位 考《 行重 注 7有五 或 而地動,已動之 ,爲君必受命天 詩 同 五. 善,無幾何 也。 十年,則 + 文 王 又《吕 知者 年 四 非 國 受

十年」,舉成數也。

字重文作「學學」,注云「籀文」。 字,今作皇。 于逸、于遊、于田 嗣王,其毋淫于酒,毋逸于游田,惟正之共。」《隸釋》蔡邕 若,時人丕則 周公曰: 上之一采古文《尚書》作「爲岑」。《説文》卷十下心部,愆 石經其下即繼以「毋兄曰今日」五字,「日」下闕。 兄即 有「共」字,合之永所引,正同。 今乃作「則其無淫于觀 石經殘碑有「酒毋劮于遊田維」七字,「維」下闕,其下即 ○〔案曰〕《漢書》卷八十五《谷永傳》,永引經曰: 于觀、于逸、于遊、于田,以 無皇曰:『今日耽樂。』乃非民攸 「嗚呼! 疑僞孔從古文,作皇是也。 ,以萬民惟正之供」,疑皆僞孔增改也 有愆。〔《釋文》曰〕愆,起虔 繼自 然則感必與彼同,而 今嗣 萬 王,則 民 「愆」、《汗簡》卷 訓,非天攸 惟正之供。 其 「繼白今 無 又略 反。 浮 況

田 尚書》疏。 鄭 敢自暇曰:「惟今日樂,後日止。」夫耽 者,用 ,乃非所以教民,非所以 淫, [傳日]所以 萬 放 民當惟 恣 也。 正 無敢過于觀遊逸豫 淫者,侵淫 一身以 供待之故。 順天,是人 不

《詩》三處毛傳並云「滋」,然則「毋兄曰」 《公羊傳》作「而況乎我多有之」,是皇亦 者,「毋滋益 兄代皇。《詩・大雅・桑柔》「倉兄填 與況通。但尋石經作兄,本意未必即 子》書亦多 兄。」注云:「兄讀曰況。」樊毅《華嶽碑》 況。《小雅・常棣》「況也永嘆」,《釋文》 兮」、《召旻》「職兄斯引」、《釋文》皆音 者,兄古況字。《秦誓》:「我皇多有之。」 傳》曰:「常事曰視,非常曰觀。」 云「或作兄」。《漢書》:「尹翁歸,字子 則大有過矣。〔疏曰〕觀,如《春秋》隱公 ·兄乃盛德」,洪适云「以兄爲況」。 淫,浸淫。」是也。「皇」,石經作「兄」 案曰〕鄭以淫爲侵淫者、《説文》水部: 如棠觀魚」,莊公「如 上文「不遑暇食」,遑即是暇。 以兄爲況,是兄、況同 曰」云云也。 齊 觀 僞孔作皇 社 也。 《 管 以

是也。
文「皇自敬德」,鄭亦訓暇,則作皇者

文》曰〕酗,況戎反。「無若殷王受之迷亂,酗于酒德哉!」〔《釋

也、據義當作酌。 酗,《説文》卷十 者,禁之也。」古毋與 亂,以酗酒爲德 充《論衡》卷十四《譴告篇》引此經,皆作 毋若殷王紂」。 案曰〕《漢書》卷七十五《翼奉傳》及王 傳曰]以酒 爲凶 四 《論 謂之酗。 戒嗣王無 彼西部云:「酌, 下 無 衡》又 西 通,説已見篇首。 部 無 申之云:「毋 ...如之。 言紂心 此 字,俗字 迷 政

周公曰:「嗚呼! 祝 此 告,胥保惠,胥教誨,民無 至于小大。 。」〔《釋文》曰〕譸 厥不聽,人乃訓之,乃變亂先王之正 '之又反。 民否則厥心 〇〔案曰〕「譸,馬本作輈」, 馬 本作「輈」。 我聞曰,古之人猶 違怨,否則厥 或胥譸張爲 幻音 患。 注 詛 疏 骨訓 側 所 刑

也。」説見《微子》。

釋文》漏去,今從單行全本補入。

亂。 也。 君臣 請神加殃謂之詛。 稱西域有幻 誑欺人也。」幻即眩也,惑亂之名,《漢書 乃變亂先王之正法,至于小大,無不變 侯祝。」是詛、祝意小異耳。 否則其 告,相安順,相教誨 壽張,誑也」、《釋訓》文。孫炎曰:「眩惑 傳曰 宋國區區 以道 以君變亂正法,故民否則其心違怨 其不聽中正之君,人乃教之以 二嘆 口 古之君 相 詛 而有詛力 人是也。 正,故下民無 祝。言皆患其上。 臣 襄十七年《左傳》曰: 以義 有祝。」《詩》曰: ,雖君明 以言告神謂 方。 有 臣 譸張 相 良, 欺誑 **「**疏 , 誑 猶 之祝 幻惑 相 旦 法 也。 道

壽縣爲幻。』張流切。」卷四下予部引《周从言,壽聲。讀若醻。《周書》曰:『無或者、《説文》卷三上言部云:「譸,訓也。〔案曰〕傳以壽張爲誑,疏引《釋訓》云云

字。 胡 張,怙汝兄。」是也。 文》,則馬又以「譸」作「輈」。 誑 巢》云: 下予部幻字注云:「相詐 實同也。 壽、侜、輈、侏、咈,字體五變,古字古音 讀侏爲輈也。 曰:「負乘覆餗,姦寇侏張。」李善曰: 后紀》孝仁董皇后詈何后 本則作 書》此文,亦 輈與侏,古字通。」善即據馬融《尚書》, 辦 謂「 欺我所美之人乎!」 無嘲字,此所云 切。」《汗簡》卷上之二云:「台,古幻 户慣切。 據文則是古文也。 嘲,古文《尚書》作明。」今考《尚 「誰 「侜張」。 傳又以 侜予美。」彼箋云:「 與今本同。 又郭忠恕《汗簡》卷上之 見《尚書》。」此字《説文》 幻爲惑者、《説文》卷四 <u></u> 詩 嗍, 揚雄《國三老箴》 認也。 陳 郭璞 是 亦即譸字 「聽」,蔡邕石 曰:「汝今朝 風 《後漢 也。 注 从反子。 爾爾 誰 防 據 皇 釋 張

> 簡》耳 聽者誤也。 99字从与,圣省聲,即聖字之省文,釋爲 聖。」《宋史 94,俗儒 蔡石經作「聖」,故以兩字兼釋之。 今《尚書》。」蓋忠恕見僞孔《書》作 亂下 部 聖」。「乃 無「先王之」三字。 不識,仞爲聽字,遂誤作聽。 有9字,郭忠恕釋云:「聽 • 文苑傳》言:「忠恕嘗 訓」下無「之乃」二字。 考古聖字作 聽 其實 定 亦作 汗

祖甲,及我周文王,兹四人迪哲。周公曰:「嗚呼! 自殷王中宗,及高宗,及

₩, 故誤也。 文者,而 德,厥愆,曰:『朕之愆。』〔《釋文》曰〕詈,力智反。 ○〔疏曰〕「皇」,王作「況」。 皇」,當以 「兄」,兄即況,已詳上文。 石經,今文也,王肅 厥或告之曰: 『小人怨汝詈汝。』則皇自敬 [傳日]言此四人皆蹈智明德以 乃同于今文,肅以己意定之也。 鄭 《説文》卷四上自部云:「人,鼻也。」又以 爲 Ē 蔡又以 白 〇〔案日〕「皇」, 」作「出」,蓋 鄭 臨 从 蔡石 自 號爲傳古 下。 古 省作 文作 經作

省作白,與曰相似,故誤耳。亦當以自爲正也。口相助也。」是人皆省作以也。曰,篆作心,象口氣出,自部云:「凶,此亦自字也。省自者,詞言之氣从鼻出,與

我過。

小人怨詈,則大自敬德。有過,則曰

「王曰〕況滋益用敬德。《尚書》疏。〔傳曰〕

注非也。〔案曰〕鄭云「皇謂暇」者,義見上文。王

「允若時,不啻不敢含怒。

卷二上口部云:「啻,語時不啻也。」是有〔案曰〕鄭以「不啻」爲「不但」者,《説文》罢,四王不啻不含怒,言常和悦。知己政得失之源也。《尚書》疏。〔傳曰〕怨知己政得失之源也。《尚書》疏。〔傳曰〕怨

同,亦當作「聖」。 汝詈汝。』則信之。〔案曰〕「此厥不聽人」句與上文「此厥不聽,人乃或譸張爲幻,曰:『小人怨

無罪,殺無辜,怨有同,是叢于厥身。」〔疏曰〕「則若時,不永念厥辟,不寬綽厥心,亂罰言小人怨憾詛詈汝,則信受之。〔傳曰〕其不聽中正之君,有人誑惑之,

天下同怨讎之,叢聚于其身。念其爲君之道,不寬緩其心,罰殺無罪,加無罪。《尚書》疏。〔傳曰〕信讒者,不長[王曰〕不永念厥辟,不長念其刑辟不當

王肅讀辟爲辟,扶亦反。○〔《釋文》曰〕叢,才公反

風・淇奥》云:「寬兮綽兮。」毛傳云:「寬也。傳又以「寬綽」爲「寬緩」者、《詩・衛門辟不當加無罪,不應泛指君道,傳說非讒言,殺無罪,則此「念厥辟」,自是念其也。」是辟爲刑也。傳以爲「爲君之道」,〔案曰〕王以辟爲刑者、《釋詁》云:「辟,罪

之有?

鄭是傳非也。

云云

則經言不敢含怒足矣,何不啻

承上敬德省愆而言,明是欲聞得失。

不但義也。又云「乃欲屢聞之」云云者,

尚

書後案卷二十一

者、《説文》卷三上举部文也。 能容衆。綽,緩也。」是也。 又以叢爲聚

呼」,觀此一處,其餘當同。 周公曰:「嗚呼! 嗚呼」,石經殘碑載《隸釋》作「於戲」。 此篇凡七「嗚 監」上,石經無「其」字。 嗣王其監于兹。」〔案日〕 今作「嗚呼」,衛包改也。 又

傳曰〕視此亂罰之禍以爲戒。

德九年劉世常刻本,有張楷、嚴度《序》。 「天子者, 逸》無此文,不可得而詳矣。 内,以見必當有德以居位之義。今《無 天母地,爲天之子也。帝王德有優劣, 爵稱也。 天子爵。」《白虎通》卷上《爵》篇云:元大 云爲證。 五千里内也。」其下亦引《書・無逸》云 俱稱天子者何? 〔案曰〕伏生《大傳》引《無佚》曰:「厥兆 其意蓋言天子亦在頒爵五等 爵所以稱天子者何? 王者父 以其俱命于天,王治

尚 書後案卷二十二

東吳王鳴盛學

周公若曰:「君奭 子。 史,不能知其所出。 曰〕僖二十四年《左傳》富辰言文王之子 傳日〕尊之日君。 十六國,無名奭者,則召公非 《燕世家》云:「召公奭與周 譙周曰:「周之支族。」 奭,名,同 皇甫謐云:「原公名 譙 姓 周 也。 文 同 考校古 王之 姓 **「疏** 姬

子,謂周之别子孫也。」《禮記·大傳》云 以前書,爲可信。莊三十年《穀梁傳 世系據《世本》、《世本》出晚周,是秦火 子,又引皇甫謐説駁之者,考謐以 國。」然文王之子本無定數,并原、 豐,是其一 王子也。 楊士勛疏亦用《史記》同姓之説。 則或出太王,或出王季之别,皆未可知。 云:「燕,周之分子也。」范甯注云:「分 但云「同姓」,則非文王子。《史記》所述 王充則曰:「召公,周公之兄。」然《史記 卷下《王者不臣》篇云:「召公,文王子。 文王庶子,見《詩・甘棠》疏。 [案日]傳以君 「别子爲祖」,注云:「别子,謂公子。」然 甘棠》箋云:「召伯姬 ,當召公于中以爲十六,謬矣。 《説文》卷四上皕部云:「奭,盛 也,是 奭爲周同姓,疏言非 爲文王之子一 姓,名奭。」是非 ≪ 白 : 虎通 鄭于 + 豐爲 奭 爲 文王 文 六

君

奭

周

書

《史篇》以爲召公名醜,實則名奭也。 名,讀若郝。《史篇》名,與一字,「古文以爲醜字」,皆从二目,故卷四上眼部又有奭字,與奭字相似,有《史篇》,史籀所作《倉頡》十五篇也。』」也。从大,从皕。皕亦聲。此燕召公也。从大,从皕。皕亦聲。此燕召公

既受。〔《釋文》曰〕弔音的。「弗弔,天降喪于殷,殷既墜厥命,我有周

《大誥》。俗臆解爲如字讀者,皆非也。〔案曰〕弔訓至,與《毛詩》詁訓合,説詳已墜失其王命,我有周道至已受之。

殷家其始長信于美道,順天輔誠,所以殷家其始長信于美道,順天輔誠,所以約鄭義。〔傳曰〕廢興之跡,亦君所知。言與曰〕殷之興亡,與君奭同知。《尚書》疏

[《釋文》曰]棐音匪。忱,市林反

我不敢知曰,厥基永孚于休,若天棐忱。

《釋詁》文。
《釋詁》文。
傳以基爲始,孚爲信,
此注及傳合也。傳以基爲始,孚爲信,
彼王注云「不敢獨知,亦王所知」,與鄭
所知」者,此「我不敢知」與《召誥》同文,

作「詳」。○〔案曰〕蔡邕石經「終」作「道」,「祥」終,馬本作「崇」。○〔案曰〕蔡邕石經「終」作「道」,「祥」「我亦不敢知曰,其終出于不祥。〔《釋文》曰〕

崇。」注云:「成,奏也。 每奏一終爲一 成,六奏復綴,反位 文。《鄉飲酒》:「主人拜,崇酒。」注云: 《釋文》作「受也」。作受則無義,今从單 備,兼有終義,故曰「武始」,曰「以崇」, 六奏以充武樂也。」是崇爲充,充滿周 語賓牟賈:「武始而北出。 〔馬曰〕崇,充也。《釋文》。○〔案曰〕注 崇,充也。 〔案曰〕終,馬作「崇」,訓充者、《釋 [傳曰]紂終墜厥命,以不善故。 言酒惡相充實。」《樂記》子 止也。 崇,充也。 六成,復綴以 行 本 疏 改 所采

以崇即 《公羊》昭十一年《經》「盟 福也。 露》云:「羊之爲言猶祥與?」鄭衆《百官 劉愷傳》引作「詳刑」。 作『詳』。」《吕刑》「告爾祥刑」、《後漢 作詳審也,文意尤順。」晁不知古祥、詳通用,故云然。 《易・履》上九「視履考祥」,《釋文》云: 也。 終也。」此經對上文基 六禮辭》亦云:「羊者,祥也。」鄭注《 故《左傳》「祲祥」,服虔引《公羊》 云:「度作詳刑,以詰四 云:「《穀梁傳》作『祲祥』字,服氏注引 人》云:「羊,善也。」然則祥可通詳,又可 「祥本亦作詳。」亦見《丙子學易編》晁氏曰:「荀 .釋詁》文。《説文》卷一上示部云:「祥, 詳」。今《公羊》作「侵羊」者,《春秋繁 直改終,則 以 一云善。」是也。 終。 《毛詩 非也。 爲始,故言崇即終 鄭氏《周禮》注 祥,孔訓善者,亦 蝃蝀》傳云: 蔡邕作「詳」者, 方。」皆古祥字。 于侵羊」, 疏 作 車 者

省作羊,其實一也。

音渴絶反。佚音逸。易,以豉反。諶,氏壬反 光,在家不知,天命不易。天難 命,弗克經歷。〔《釋文》曰〕已音以。 在我後嗣子孫,大弗克恭上下,遏佚 嗚 《書》曰:「我嗣事子孫大不克共上下, 失前人光,在家不知命不易。 〔案曰〕《漢書》卷九 其墜失王命,不能經久歷遠,不可不慎。 不得知。天命不易,天難信無德者, 天地,絶失先王光大之道,我老在家,則 衆人共存在我後嗣子孫,若大不能恭 威,而動化于我民,使無過違之闕。 天之命,故不敢不留。 〔傳曰〕君當是我之留,我亦不敢安于 呼! ,乃亡隊命。」古佚字皆作失、外傳 弗永遠念天威,越我民罔尤違。 君已曰 時我,我亦不敢寧于 十九上《王 君不長遠念天之 湛,乃 遏,於葛反,徐 莽傳》引 天應 其墜 惟 乃 承

作「遏失」與孔作「遏佚」同也。 傳》云:「齊王内有淫失之行。」《游俠傳》 俗。』《杜欽傳》云:「失欲生害。」《主父偃 云"「遂行淫失。」皆以失爲佚。 也。」《釋文》曰:「佚,一本作失。」《漢 逸也。逸與佚同,謂逸囚也。」公羊《經》 湛亂。」董逌訓 曰 : 周 齊侯使國 ·肆大告。」《穀梁傳》云:「肆,失也,失猶 語》云:「淫失其身。」《管子・ •地理志》云:「漢中淫失,與巴蜀同 「未淫失也。」《秦詛楚文》曰: [佐如 失爲 師」,《 佚。 傳》云:「佚,獲 《春秋經》曰: Щ 然則莽 「淫失 國

正,迪惟前人光,施于我沖子。「嗣前人,恭明德,在今予小子旦。 非克有

政于我童子。童子,成王。能有改正,但欲蹈行先王光大之道,施在今我小子旦。言異于餘臣。我留非(傳曰)繼先王之大業,恭奉其明德,正

迪」。
「又曰『天不可信』,我道惟寧王德延,天不「又曰『天不可信』,我道惟寧王德延,天不

以「又曰」爲周公稱人之言,王以周公重 故我以道惟安寧王之德,謀欲延久,天 義。 鄭 言,孔不解,當與王同。 不用令釋廢于文王所受命。 〔疏 疏約王義。〔傳曰〕無德去之,是天不 也。 天不可信,明己之留蓋畏其天命。 〔王曰〕周公重言,故稱 日〕又曰,人又云。 言寧王者,即文王 也。 周 公稱 又 《尚書 日。 人 日」鄭 ·可信 《尚書 疏約鄭 之言 重言

保衡。 有若伊尹,格于皇天。在太甲,時則有若公曰:「君奭,我聞在昔成湯既受命,時則

謂 疏。 祖 世家》集解。 湯 臣惟有伊尹 八巻《春官・大宗伯》疏。 **書全解》三十三卷。** 官,當時爲之號也。 取安,所取平。 至太甲改 于皇天。」《商 一昔先正保衡,作我先王,佑我 疏曰〕據《太甲》篇及諸子傳記,太甲大 鄭 ,爲保衡。 王 伊 致太平。 所 以 ○又二十之四卷《商頌·長發》疏。○《周禮》十 尹 烈祖 依 爲 也 皇 倚 鄭玄云:「阿,倚。 四 〔傳曰〕尹摯佐湯,功至大天, 日 天, 而 湯號。 , 知即保衡也。 [保衡。 太甲繼 取 北極 頌 言天下所取 平,以尹天下,故曰 阿 ○《詩》十八之一卷《大雅 阿衡、保衡,此皆三公之 言保 倚。 大帝 保,安也。 那》 ○《史記》三十四卷《燕召公 《尚書》疏。 湯 實 衡,平 祀成湯,稱 也。 時 佐 阿 衡, 則有 《説命》云: 安,所取 伊 湯 衡, 也。 ○林之奇《尚 尹 言天下所 烈祖 如 實 [伊尹。 伊 名 此 左 伊 蕩》 衡 列

> 《太甲》云「嗣王不惠于阿衡」,則太甲亦 衡。 尹 此皆三公之官,當時爲之號也。] 孔以 阿衡,與鄭異也 湯 保,安 所 依 也。 倚 而 言天下所取安, 取 平。 至 太 甲 所 改 取 平。 保

稱阿衡 湯所依 實左右商王。」彼毛傳云:「阿衡,伊 者。《詩• 禮•大宗伯》云:「以蒼璧禮天。」注云: 湯也。」《隸釋》卷 也。」鄭箋云:「阿,倚。 子兵書・用間》篇云「湯以 也。」是也。 此禮天以冬至,謂天皇大帝,在北 案曰〕鄭云「皇天,北 肇先,蓋堯之苗 碑》云:「其先出自伊 因 倚 而 商頌•長發》云: 而氏焉。」又卷十二《浚儀令 又云「伊尹名摯」者,出《孫 取平,故以 有 八《 伊 衛尉 尹 極大 衡,平也。 爲 衡 尹阿衡官,有 在殷之世, 官名。 爲阿衡」云云 「實惟 帝」者, 方 碑》云: 商王, 伊 阿 極 《周 尹 尹 者

令烰人養之,察其所以然。

曰

其

母

居

其君

水之上,孕,夢神告曰:『臼出水而

也。

《吕氏春秋》卷十四《本味覽》云:據

元嘉興路總管劉貞刻本,有鄭元祐《序》。

「有侁

氏

女子采桑,得嬰兒空桑中,獻之。

从人,从尹。」據此

見見是稱

伊亦有取于尹

治之義。故鄭云「以

尹天下,故曰伊

尹

下稱尹,與鄭合。

又《説文》卷八上人部

字注云:「殷聖人阿衡,尹治天下者。

走。」明 《詩》、《書》稱爲 之日 里,顧 之美號。《文王世子》云:「虞夏商周,三 尹,有莘氏之媵臣,湯立以爲三公,天下 者,劉向《説苑》卷八《尊賢》篇云:「伊 生處 所見,乃特起之,正 公不必備,惟 之治太平。」據此則伊尹 也。云「此皆三公之官,當時爲之號」 伊尹,知經言太甲時之保衡即阿衡伊 士」,彼疏備引鄭此注,而辨之云:「彼注 人」者。 尹卒于沃丁時,終太甲之時,秉衡者 丁葬伊尹于亳,咎單遂訓伊尹事。」是伊 又云「至太甲改曰保衡」者,《序》云:「沃 爲氏, 伊尹 其 日 又《長 邑 た。」此 視 盡 與鄭 其 日 爲 説則以 人。 發》 出 呵呵 説 水,身因化 水,告: 異,恐未 衡」、「保衡」,明是爲 詩 一所謂 此 伊 以 阿 爲水名,本其所 其 阿 「不必備,惟 本是三公, 衡、保衡,他 爲空桑,故 鄰。 可信也 衡 東 走 卿 其 尹

《説文》卷三下又部云:「尹,治也。

从

代改制質文》篇云:「湯受命,變夏作殷,

宫于下洛之陽,名相官曰尹。」是尹天

又、丿,握事者也。」《春秋繁露》卷七《三

故

日

伊

尹」者、《釋言》云:「尹,正也。」

平,偏旁假

借借

,倚與猗近。

是湯

以

伊尹

阿衡、依倚取

平也。」又云「以尹天下

衡篤禮。」 釋

「説《書》者以

呵

衡

氏

(。)又卷十《外黄令高彪

碑》云:「

101

改。 文,却 于 阿 僞孔 頌》, 稱。」 者 馬 卿 湯 詳鄭意,以 太 四 有 時 宰、 ,司空公。 口口 士 衡 伊 即 又造僞《説命》言「佑我 乃造 經經 以 但不知伊尹何公,所兼 也。」伏生《大傳》云: 而 職者,司 衡」, 欲見 而 司馬公、司空公。」鄭彼 司徒同 以昔「先 爲 尹 用此 保 衡皆公官,此言卿 再言時 即 爲 一,是其故與鄭相牴牾也。 此 衡 伊 經則 兼保衡之號,不待《太甲》 經成湯、伊尹「格于皇天」 爲《太甲》,云「惟 亦 馬公。 職者,司徒公。 尹在 一公兼二卿, 正 伊尹于太 取 則 總言太甲繼湯 保 湯 有 衡 衡 與 名, 爲 知是太甲 司寇、司空 冠其上 阿 「天子三公, 惟更「阿」作 甲時 烈 衡,明 士者,三公兼 注 舉 與宗伯、 祖 嗣 何 , 欲 ,合兩時 格 格 云:「與 下以 仍 卿 王 見《 改 見 不 也 同 于 之 商 始 成 惠 爲 阜 ? 職 SП 司

> 「在太戊時, 經傳 乃 曲 附之, 本 出 則有 引 手,皆非 彼僞《書》,證 伊陟、臣扈、格于上 也 此 偽傳 豈 知

一咸乂王家

之孫。 《史記・燕召公世家》集解。〔傳 格, 伊尹之子。《詩》十八之一 己、太戊又是小甲弟。 弟太戊立。]是太戊爲太甲之孫,太庚之 立。崩,子小甲立。 紀》云:「太甲崩,子沃丁立。 崩,弟 家,言不及二臣。〔疏曰〕《史記 不隕祖業,故 〇《史記》三十四卷《燕召公世家》集解。 鄭曰〕上帝, 太甲子。 至也。 伊陟、 表》云: 道 《本紀》、《世表》俱出 至天之功不隕。巫咸治 臣 太微 至 扈 于上 率伊尹之職,使其 中其 「小甲、太庚弟。」 崩,弟雍己立。 帝, 則太 所統 卷 曰]太戊,太甲 謂 え大 戊 奉 也。 亦 雅 天 是沃 馬 「馬遷, 時 蕩 伊 殷本 太庚 也。 陟, 疏 君

與伊 初有 可。 兩字 必 夏社序》云:「湯 丁弟之子。」是 有 或臣扈 作《夏社》、《疑至》、《 尹之子同 臣 誤也。 誤。 扈已爲大臣矣,不得至今仍 事湯而 孔 時立 于《 按《春秋》范武子 既勝夏,欲遷 太 咸 又事太戊也 功。 戊 乂序》傳 爲 蓋二人名同,或 臣 太甲之孫 扈》。」 云: 其 光輔 社 太 |則湯 在, 也。 Ŧi.

天 帝,太微之帝』者,《春秋緯》文。太微 故鄭注《月令》孟春之月「祈穀于上帝」 云"「上帝,太微之帝也。」彼疏云"「『上 帝,在太微之中,迭生子孫,更王天下。」 何休注宣三年《公羊傳》云:「上 案日」 庭 光紀。 熛怒,黄日 中中 鄭云「上帝,太微中其所統」者 ·有 五 威 天各祭 ||含樞 帝座,即 仰。 紐 以 所 其不定,總云太 蒼日 感 「靈威 白 招 殷 仰, 一帝,五 黑 赤 日 爲

及伊尹 時」者,太微 鄭以 《易乾鑿度》有太一九宫法,鄭注云:「太 夏秋 五帝言之也。 此經上文,伊尹 太微,則仍爲太一,六天雖 則爲青、黄、赤、白、黑五帝 統 之帝 亦即天皇大帝在北極者。 也。」高誘注云:「太一,天神。」馬注《 南・天文 ,北辰之神。]則太 生、夏養、秋 氣以出政令,若《月令》所紀是也 》亦云:「上帝,太一神,在紫微宫者。」 爲北 多放 ,故但 是 訓》云"「太微者,太一之庭 迎 指 此 極 春 五帝迭相休王, 太 格上帝,而 大帝」。 馬云「道至上帝, r, 前 然則 收、冬藏。奉天 微 , 聖人言 「格 所 帝 此 統 伊 後 即即 云 之 王 沙陟、臣 鄭 大太 Ŧī. 六而 其返 北辰 其下行九宫 以 于皇天」,故 一帝也。 以 微 太微 扈 時 成四 實 耀魄寶 靈 謂 中 功 ПÍ 威 德 所統 其 歸于 也。 天 堯 不 所

四 年。 信。 家。」所謂「乂王家」也。 有,不足多怪。 九君,壽必百餘歲。 準發魏安釐王冢所得,其 年》,紀湯爲天子,至太戊元年,凡 代止表其世,未詳其年。 壬及沃丁、小 孫 以 九《張衡傳》云:「咎單、巫咸,寔守王 **孹部文。**乂與 嬖同。 一誤」,皆非也。 太丁未爲君,凡九君矣。《史記》于三 扈不 但年數雖不可考,而臣扈 世則 《竹書》出于束皙,託言汲郡人 五,其間兄弟相 至太 甲、 傳以乂爲治者、《説文》 疏謂「二人名同,或兩 戊仍 雝己等, 百餘歲人,上世常 在者 《後漢書》卷五十 晉有《竹書 辽及有 則湯至太戊 、太戊爲湯 事怪 至太戊 外 誕不 ,丙、仲 歷 足 玄

以古訓考之、皆非也。

鄭注《周禮

·大宗伯》「以禋祀祀昊天上帝」云:

又案曰]俗儒以天帝

輒毀

鄭

也。 節。 同。 威 帝」云:「上帝,周所郊祀之帝,謂蒼帝 類乎上帝」云:「帝謂五德之帝,所祭 云,已見上文。 記・月令》孟春之月「祈穀于上帝」云 郊」,云「五帝,靈威仰」云云。 條爲一説,即此 别云祀五帝, 《天官·掌次》「王大旅上 帝。」又注「以蒼璧禮天」云云, 南郊者。」注《禮器》「魯人將有 上帝,祭天于圜丘。」賈氏疏之云: 五天,明此禮天是冬至祭圜丘者。」 」云:「帝, 仰也。」《雜記》「可以有事于上帝」 天上帝, 注《春官 注《詩・ 案一條内,賈公彦疏之云:「已 黑帝也。」注《春官・大宗 冬至 則知此是昊天上帝。」此 商頌 · 小宗伯》「兆五 又注《王制》「天子將出, 經「皇天」爲北極 于 長 睘 丘. 發》「帝立子 |帝」云:「大 所 祀 又注《禮 帝 事于上 已 天 下 于 大帝 皇 見 旅 四

祈穀,非 是也。 無二 《周易乾鑿度》:「三王之郊,一用夏正。」 《記》曰「啓蟄而郊」,則郊以夏正明矣。 長 之至也」一 之。蓋鄭氏之意 也。 《月令》季夏之月「以共皇天上帝」云: 帝 正月所祀于 冬至所祀于圜丘,以帝嚳配者,皇天也 説,即此 金》「旅上帝」注並 伯》「國有大故 皇天,北 日 也 文 有 地,無二配,于是以啓蟄之郊專爲 上帝,太微 爲 。」《典瑞》「旅上帝」及《秋官 俗儒以爲圜丘即南 兼 建 也。 |經「上帝」爲太微中所統 寅之月,非冬至,又何 辰 稱者,有單稱者,或 條,似有可 南郊,以后稷配者,上帝也。 耀 鄭説「惟郊之祭也、迎長 ,則旅上 魄 五帝。」此條 ,以皇天 寶,冬至所祭于圜丘 同。 疑。 帝」云: 此九條又爲 與上帝不 然疏家 郊,無二時, 則 「上帝, 相樛葛 合而 疑 也。 並 哉? 同。 注 職

帝。 書 稱皇天、昊天也。」自王肅始以六天爲鄭氏 分之皇天、北 連上帝而言。 先,合元氣以斗布常,是天皇大帝之號也。]又按《爾 號也。 令》更無祭五帝之文。 又《掌次》云:「張氊案,設皇邸,以旅上帝。」上帝即大 有數名也。」其紫微宫中皇天上帝,亦名昊天上帝,得 寶。」又云:『皇天上帝,又名太一帝君。 雅》云:「北極謂之北辰。」鄭注云:「天皇北 耀鈎》云:『中宫大帝,其北極星下一明者,爲太一之 中,此宫之中天神圖法,陰陽、開閉,皆在此中。」又《文 辰子位,故爲北辰,以 生大列爲中宫太極星,其一明者,太一常居,傍兩星 命苞》云: 『太微爲天庭五帝以合時』,此等是 帝座星,即《春秋文耀 故 蓋 ·君奭》云『格于皇天』,鄭云:『皇天,北極大帝。』 耳。 皇天得兼 《堯典》曰『欽若昊天』,皆是上帝單名之事。 又按《元命苞》云『紫微宫爲大帝』。 賈公彦云: 若然,大帝得單稱,與五帝同, 辰 至于單名皇天,單名上帝,亦得。 、耀魄寶、上帝、太微五帝,亦是大帝 稱 上帝,上帝 「《春秋運斗樞》云: 鈎》云春靈威仰。』云云。 故季夏云『以共皇天上帝』,鄭 起節度。 亦爲紫微宫,紫之言 不得 以其尊大,故 『太微宮有五 兼 **T**i. 又云: 帝不得兼 稱 辰 五帝之 故《尚 皇 **《**月 天 天 魄

鄭私 或以 也。 于理本不悖耳 説,學者宜深思之。 天,主宰曰帝,皆浮游 固 圃 襲,獨不思《周禮》言「祀上帝則服 之、若與鄭氏有怨讐然者。 ,混天 帝 有明據。 冕,祀五帝亦如之」。 趙 惟趙 爲天猶性,帝猶心,或以 造,何怪之有。 其各爲之名字,亦皆古訓 爲奉天時,而皇天則 王 帝 因 方述其師黄澤之言,獨宗鄭 之, 五帝分主四時,故馬融 而 不分,憑空架 宋元 以 鄭説于古有可徵, 乃或以 來諸 不根, 豈足 帝之有六,經典 北 儒羣 合郊 虚 爲 極 爲 天 相 編覆 最 謬妄 F. 起 傳,非 即 爲 尊 以 大 而 Щ 典 者 裘 相 日 噪

若甘盤。 「在祖乙,時則有若巫賢。在武丁,時則有

如 傳曰〕祖 此巫賢。 乙,殷 賢,咸子。 家 亦祖 巫、氏 其 功, 時 賢 高 宗 臣 即 有

> 高宗未立之前,已有甘盤,免喪乃求 位 則祖乙是太戊孫也。《説命》高宗云: 立。崩,弟 紀》云:「中宗崩,子仲丁立 「台小子舊學于甘盤,既乃遯于荒野。」 一,甘盤 佐之,後 河亶甲立。 有傅説。 崩,子祖 疏 崩,弟外壬 日 乙立。 \gtrsim 殷 本

甘盤,不言傅説,蓋偶不及之。書・古今人表》甘盤與傅説並列。此言士甘般。 三年 夢求 傅説,得之。《漢 (案曰)《竹書紀年》言:武丁元年,命卿

多歷年所。天惟純佑命,則商實百姓。「率惟兹有陳,保乂有殷,故殷禮陟配天,

伊尹至甘盤六臣佐其君, 殷也。《史記・燕召公世家》集解。 陳列之功, [王日]循此 ,享國長久,多歷年所。惟天大佑 以安治有殷,故殷禮 數臣,有陳 列之功,安治有 循 惟此 [傳日]言 能升 道 助 西己 有

〔案曰〕王以率爲循,《釋詁》文。 《祭法》其王命,使商家百姓豐實,皆知禮節。

注以 説 祖、宗謂祭五帝五神于明堂也。 昊天于圜丘也。 案日 虞、夏、殷、周 四者皆爲升祖配天之祭。 こ 王 以 率爲循 郊謂祭上帝于南郊也。 四代禘郊祖宗之法,鄭 《釋詁 文。 **《**祭 禘謂祭 經典所

併言之。蓋謂「禘嚳而郊冥,祖契而宗云「殷禮陟配天」,遂合明堂祖宗之祭而既言「格于皇天」,又言「格于上帝」,此言配天之祭,惟此最備。然則此經上文社、宗謂祭五帝五神于明堂也。經典所

寶領反。辟,必亦反。事于四方,若卜筮,罔不是孚。」〔《釋文》曰〕屏,奔走。惟兹惟德稱,用乂厥辟。故一人有「王人罔不秉德,明恤小臣,屏侯甸,矧咸

湯」也。傳以純

爲大、《釋詁》文。

湯至武丁,其王人無不持德立業,明憂者。舉小以明大也。《尚書》疏。〔傳曰〕自〔王曰〕王人,猶君人也。小臣,臣之微

也。 憂臣 其 無不是信之。 有 臣 小 德者舉,用治 ,況臣下得不 且 君臣務德,故有事于四方,如卜筮 臣 憂得 一,使得 其人 了; 則: 大臣 皆 以 其 君 奔 爲 可 蕃屏 事。 走。 知 惟王此事, 侯 一人,天子 王 甸之服 猶秉德

[案日]傳取王義。

我新造邦。」嗣,天滅威。今汝永念,則有固命,厥亂明公曰:「君奭,天壽平格,保乂有殷。有殷

理足以 加之以 有殷。 疏。 者滅亡 言是者,不可 書》疏。 鄭曰〕格,謂 〔傳曰〕言天壽有平至之君,故安治 [王日]殷君臣 威。 明我新成國矣。〔疏曰〕孔傳之 ,以爲法戒,則有堅固 有殷嗣子紂 今汝長念平至者安治,反是 不法殷家有良臣也。《尚 至 于天也。 不 有德,故安治有 能平至,天滅亡, 專言 王命,其治 臣 事 殷 書 尚

與孔不同。 肅以爲兼言君臣,鄭注以爲專言臣事, 意,此經專説君之善惡,言不及臣。王

事也。王、孔非也。五君皆賴賢臣以致治,故鄭以爲專言臣告君奭,宜言臣事。且承上文,成湯等告君奭,宜言臣事」者,君奭,臣也。

涉,今古錯亂。此『文』,《尚書》爲『寧』,亦義相 壁中所出之古文,即鄭注《尚書》是也。 陽、夏侯所注者,爲今文《尚書》。 之德」。 三者皆異,古文似近之。」正義曰:「伏生所傳,歐 觀文王之德,其集大命于厥躬。」鄭注: 其集大命于厥躬。 王之德」爲「割申勸寧王之德」,今博士讀爲「厥亂勸寧王 夏、〔案曰〕《禮記・緇衣》引《君奭》曰:「在昔上帝,周田 公曰:「君奭,在昔上帝,割申勸寧王之德 「今博士讀」,謂今文《尚書 ·今博士讀」三者,其文各異,而古文近于義理。」 『田」,古文作「申」,「觀」,古文爲「勸」,皆字體相 业。 惟文王尚 《禮記》及古文《尚 衛、賈、馬所注者,元從 「古文『周 . 克修 此『周』,古文爲 和 涉 也。 田 我有 書》并 觀

[傳曰]在昔上天,割制其義,重勸文王

受命。 蓋。 其身,謂命之使王天下也。」《釋言》云: 〔案曰〕《緇衣》注:「 王有誠信之德,天 之德,故能成其大命于 蓋 ,割裂也。」蓋、 傳云制,非也 能修 政 化 割 蓋 以 和我所有 申 割之言蓋 日 ·勸之。 · 其 訓 分身。 故鄭以 諸 集大命于 也。 謂 夏。 勤 割 言文 德 爲 以

本作「南君」。
本作「南君」。
本作「南君」。
一本作「南君」。

謂也。 此 侮之人,而 誤補遺》四卷。 大德,周公謙,不敢 ○《詩》十六之二卷《大雅·縣》疏。 鄭曰』《詩》傳説 虢, 不及吕望者,太師 國,叔,字。 曰 [傳日]賢臣之助爲治 文王有 有 疏 以 四 文王弟。 附、奔走、先後、禦 自 臣 比 也,教文王以 以 ○吴仁傑《兩漢刊 焉。 受命,此 《尚 閎,氏; 書 一》疏 之

生、顛、括皆名。 生、顛、括皆名。 是虢叔爲文王弟。凡言人之名氏,皆上是虢叔爲文王弟。凡言人之名氏,皆上是虢叔爲文王弟。凡言人之名氏,皆上是虢叔爲文王弟。凡言人之名氏,皆上

者,《大明》詩云「維師尚父」,毛傳云: 引傳是《緜》篇傳也。 詩》、《魯詩》説也。 乃得《毛詩》,此所引《詩》傳説,或《 後,予曰有奔走,予曰有禦侮。」 緜》詩卒章云:「予曰有疏附,予曰 上曰疏附,相道前後曰先後,諭 日奔奏,武臣折衝日 「文王有四臣以受命」之説。 韓詩》于張恭祖,後又通《魯詩》,最後 案曰〕鄭引《詩》傳説 太師也。尚父,可尚可父。」鄭箋 云「吕望太師」云云 毛傳云:「率下 禦侮。」絶 云云者、《大雅 蓋 鄭先受 德宣 無 則鄭 所 所 親

甚明。《人表》任意高下,不可信也。 且謂「周公師虢叔」,則虢叔不劣于四人 中、虢叔列第三格。但《晉語》既言文王 爾,非有所去取也。若《古今人表》以 攻下》篇云:「天命周文王伐殷有國,泰 爲臣。」此所舉止二人。《墨子》卷五《非 之政。」劉向《説苑》卷一《君道》篇云: 顛、閎夭、散宜生、南宫适列第二格, 顛來賓。」則又止舉一人。 皆文有詳 云:「文王舉閎夭、泰顛于罝網之中,授 所舉止三人。《墨子》卷二《尚賢上》篇 也,咨于二虢,度于閎夭,謀于南宫。」此 傅弗勤,處師弗煩,敬友二號。 其即 五人,而《國語》卷十《晉語》稱:「文王 太師,故周公不敢以自比 「文王以武王、周公爲子,以泰顛、閎夭 '敬友二虢」,而《白虎通》卷上《辟雍》篇 「尚父,吕望也。 尊稱焉。」是吕 也。 此經所 . 望爲 位

七一六

此 《隱元年》鄭莊公言制「虢叔死焉」,此虢 《漢 焉。」郭即虢也。 國,享土受胙,政衰道失,晉克其邦。」又卷十《司 所滅者也。 所滅者,故云「死焉」,非此經之號 叔,章謂是虢仲之後世子孫,爲鄭 封 引賈逵云: 也。 九《北軍中候部仲 國,今號亭是。」此東號 以 語》史伯對鄭桓公,韋昭注與賈逵説同。 虢,文王 杜預注,則以二號爲文王 引《左傳》證之者,韋昭注《國語》云: 郭究碑 西號,號公是也。」《國語》卷十六《鄭 經號叔, 虢 ン・ 地 河南 叔 * \(\times \) 弟號仲、號叔 理 「虢仲 郡滎陽縣」應劭注云: 《公羊》以虢爲郭,假借字。 自是封西虢,其後爲晉獻公 志》右扶 「其先出 號有二,此經惟言叔者,王 或 或 奇碑》云: 封東號 自 叔,字,文王弟」, 郭 風 「其先周之胄緒,虞郭 叔 也。」僖五年《傳》 也。 有 ,制是也。 寔 虢 《僖五 有 同 縣,此 懿 母 德, 俅 《隸釋》卷 弟。 が故 年》 桓公 西 疏 叔。 堂 叔 疏 虢 虢 從

爲武王器。 年。 記》卷七《帝繫》篇: 散季敦銘》引《考古圖説》,以 則《公羊》之説非 禮也。」《五經異義》云:「公羊譏二字作 王在 古 女,謂之女皇。」《古今人表》:「女皇,堯 疑其字。 子弃殺其君,即位後改 名,若魏曼多也。 忌曷爲謂之仲孫忌? 顛、括皆名。 定六年《公羊傳》:「仲孫 又以閎、散、泰、南宫皆氏,夭、宜、生、 初時二號並 五十一年,自虞芮質成,改稱元年,凡七年而薨。 虢」,是初即侯位。 録 《詩》「文王受命 豐。 謹案:文武賢臣有散宜生、蘇忿生, 》卷上《周 王呼 此皆 列,晚年惟叔用事,故此經惟言叔也。 虢 文王 武 叔 王 命癘鼎 與 召癘。」彼 ,作邑于豐」是也。 此「三年在豐」,是受命稱王之三 :也。」趙 時,散氏 八僞 左氏説二名者,楚公 銘 「堯娶于散宜 傳合。 譏二名。二名非 國 爲熊君,是爲二 明誠《金石 語 惟 惟 》謂 但《大戴 有宜 三年 計文王在 文王 太初 四 生, 即 月 氏 録 位,咨 庚 位共 然則 之 禮 推 午 季 何

紂。」皆所傳聞異也 妃,散 王,乃以黄金千鎰與宜生,令求諸物與 尚知三人賢,結 云:「散宜生、南宫括、閎夭學乎吕 殷、周《本紀》謂閎夭之徒共爲之。《後 著,見《淮南子》卷十一《道應訓》。 里,閎、散懷 漢書》卷六十四《延篤傳》亦云:「文王牖 羑里,散宜生 然在文王時 散、氏 宜 二,非 氏 女。 也 事 **-**求珍物獻 金。」李賢注引《帝王 蹟亦罕傳。 朋友之好。 Ŧi. 然 人名氏 則 散 紂 宜 得免。 雖散 乃 惟文王 及紂 氏 見羣 此 囚 被 事 紀》 一尚。 文 最 云 拘 而

時昭文王。 于國人。 又曰,無能 賢臣 鄭 此 曰〕蔑,小也 /道法教文王以精微之德,下政令于 , 猶 亦惟 [《釋文》曰] 蔑,徐亡結反。 曰其少, 純 佑,秉德 無 尚書》疏。 所 能 迪 往 知 來。 傳 天 威 而 乃 五 有 惟 人 五

往 來,兹迪彝 教文 王蔑德, 降

> 之德 王亦秉 或 人。 德 文 王 蹈 知 亦 天威,乃惟是五人明文王 如 殷 家,惟 天所 大佑,文

精微。 蔑 器 | 云: 外傳》曰:「至精而妙乎天地之間者,德 《詩》:「上天之載,無聲無臭。」《孔子閒 微也。 也。」《慎子》曰: 蔑者,无也。 古文奇字曰「无通于元」,則无、元同 居》論三無,此以無言道也。 《説文》引 追學文、武之微德。」是也。 云"「君子以順 (案日) 追學于文、武之蔑」,孔鼂注 爲 德」即此 貴乎! 《逸周書》卷八《祭公解》穆王 天下之物無可 鄭以 「禮有以 也 茂德 蔑德,體元之德也。 故 微德,積· 君子慎其獨也。」「文王 「夫德清微 少爲貴者,德産之致 爲小者,《易 ,稱其 小以高大。」小 德者,得不 而不見。』《 命中 云:「言己 升 • 庸 《韓詩 ,即精 義。 以 禮 引 也

問,或如字。 文》曰〕見,賢 迪 見冒 聞 遍 于上 反。 帝,惟時受有殷 冒,莫報反。 下 同。 命哉 馬 作勖 聞

故先死

天,惟是故受有殷之王命。 文王德,蹈行顯見,覆冒下民,彰聞上(馬曰)勖,勉也。《釋文》。〔傳曰〕言能明

聞」。傳云「覆冒」,非也。長冒橛」之語,是冒有上進義,故云「冒地而出。」《漢書》言治田有「陳根脈發土地而出。」《漢書》言治田有「陳根脈發土「冒聞」者、《説文》戼部云:「二月萬物冒〔案曰〕馬云「勖,勉」者、《釋詁》文。云

將天威,咸劉厥敵。「武王惟兹四人,尚迪有禄。後暨武王,誕

四 輔相武 [傳曰]文王没,武王立,惟此四人庶 鄭日]至武王時, 紂。 《尚書》疏。 王,蹈 [疏曰]虢叔,文王弟。 此 四 人後與武王皆殺其 有天禄。 ○林之奇《尚書全解》三十三 虢叔等有死者, 虢 叔 先死,故曰 其年長, 餘 幾 四

先死」。 。 所本。 皆在,獨少 **閎夭、泰顛、南宫括、散宜生。」然則四** 折斾。 又《墨子》卷二《尚賢下》篇云:「武王 泰顛等事,與《史記》略同,乃《史記》之 謀》篇云:「武王伐紂,至有戎之隧,大風 死,傳以號 亦無虢叔。 十人」,有太顛、閎夭、散宜生、南 宫括散財發粟,命閎夭封 宜生、太顛、閔夭皆執劍衛武王,又命南 逸周 『天落兵也。』』《周本紀》:「武王克商, 案日」 、閎夭、太顛、散宜生、南宫括五 書》卷四《克殷解》,言武王克商, 散宜生曰:『此妖與?』武王曰: 惟南宫括作南宫忽,殆即一人。 《孔叢子》卷上《記義》篇 鄭 言五 叔實之者、《説苑》卷十三《 一號叔。 鄭注 人中 與馬 馬 有 同,故 融 人死,不 説武王「亂 比干墓。」又 傳 云「虢叔 云 臣 言 權 散

《方言》卷一云:「秦晉宋衛之間謂 劉,晉之北鄙亦曰劉。」是也。 號仲反在 爲殺、《説文》金部文。劉古作鎦 爲虢仲。 裔。」考晉滅者西號,乃號叔後,而 晉所并。」又銘云:「寔惟先生,號 武王,錫而封之,後世謂之郭,春秋 之中子,爲文王卿士,采食于虢。 《先生郭輔碑》云:「其先出自 書,而此 爲之服。」《孔 寮、比德以贊文、武。及虢叔死,四 説 而封之? 且武王時,號叔已前死,安得 則 叢子》與孔 近 是也。 皆非也。傳又以 《隸 傳固 釋》 有 係 卷十二 周 湯揚 手僞 仲之 殺 此 至 時 王 人 劉 于 季 \Box 以 爲 者

大盡舉行其德。〔傳曰〕四人明武王之德,使布冒天下,惟兹四人,昭武王惟冒,丕單稱德。

之」、《左傳》「閻敖

游涌

而逸」,則游者

人水浮渡之名。

汝大無非責我留。

〔疏曰〕《詩》「泳之游

四上目部云:「賵,低目視也。从目,冒〔案曰〕傳以賵爲「布冒」。 考《説文》卷

盡舉行其德,謙尊而光也 容仰」,子貢譏之。武王恭以禮臣,乃大 宜過高。《定十五年》「邾子執玉高, 子「上于面則敖」,則天子視貴臣,亦不 臣,不敢高視。 文既訓爲「低 説文》所引乃 《周書》 曰:『武王惟 孔 《禮記 目視」,是謂武王尊禮 壁真古文,爲可 曲禮》論 間。 二 亡 臣 保切。」 信。 視 賢 其 天 彼

奭其共濟渡成王,同于未在位即政時,不能同于四人。● 若游大川,我往與汝不能同于四人。● 若游大川,我往與汝濟小子。同未在位,誕無我責。

❶ 「人」、《尚書正義》作「方」。

上二〇

音七到反。 收 罔 矧 勖 其 「鳴鳥」,本或作「鳴鳳」者,非。 不 有能格?」〔《釋文》曰〕造,才老反,一 及, 者造德 不 降 我 則 鳴 鳥不

乎 ? 王即位 《大雅》 則 鳴矣。」鄭云:「時鳳皇至,故 者,立此化,而老成德 能德格于天者乎? 恐不復然,故戒之。 與汝留輔成王,欲收 曰〕鳴鳥,謂鳳 謂鳳也。《三國・魏志》十一卷《管寧傳》注。 並在位,則鳴鳥之聲不得聞,況乃曰有 小子有造。」 老成德之人,不降志 鄭 鳴 日〕者,老也。 鳳不得聞,況 〔疏曰〕《詩 初 正經之作,多在周公攝 ,時已鳳 皇也。 · 大雅 · 皇至矣。 造,成也。 曰 教無自勉不及道 言必無 其 不降意爲之,我 《釋文》。[傳日]今 有 卷阿》:「鳳皇 能 復言此者, 也。 格于皇 以喻焉。」 《詩》云: 政後,成 鳴 與 (馬 我 周 義

案曰〕鄭以耇爲老者、《説文》老部云

文曰 文鳳 从鳥凡聲。 羽弱水,莫宿風穴,見則天 國,翱翔四海之外。 頷雞喙,五色 後,蛇頸 Ш 語》「鳳鳥不至」,孔安國注云:「聖人受 《禮器》云:「升中于天 者、《禮運》云:「麟鳳龜 命,則鳳鳥至。」《説文》卷四上鳥部云: 以證此造爲成也。又云「鳴鳥,謂鳳 齊》文。彼箋云:「子弟皆有所造成。」故 造爲成,且引《詩》證之者,是《大雅 鳳 ,神鳥也。天老 仁,腹文曰信。 為馬馬 象形作品。《 首文曰德,翼文曰 老人面凍梨若垢。 魚尾,鸛顙鴛思 其狀 鳳飛,羣鳥從以萬數。」故古 備舉。 如 Ш 鶴 過崐 曰: 鳳之象,鴻前 是 海 出于東方 順,背文曰義, 五. 鳥 經》云:「丹穴之 而 龍,謂之四靈。」 从 ,龍文龜背, 崘,飲砥柱,濯 采 也,飲食自 鳳皇降。」《論 老省,句 下大安寧。 而文,名曰 君子之 聲。」 也 思 燕 廮

聞 云: 唐固 下又隔 故作詩美公劉 成王,爲左右。 以爲「召康公戒成王」。 考《公劉》、《泂 時,屢有鳳瑞,今沖人即政,故恐其不復 亦云:「鸑鷟,鳳别名也。」然則文、武之 在岐山之舊乎?」●三君者,賈逵、虞翻 也。』《詩》云:『鳳皇鳴矣,于彼高 韋昭曰:「三君云:『鸑鷟,鸞鳳之别名 合,然則《君奭》與《公劉》同 周公反政,成王將 周語上 也。 「武王終父之業,鸑鷟在岐。」李賢 也。《後漢書》卷三十六《賈 因 見 疏引《卷阿》 ~ 泂 時 則 鳳 天下大安寧。」《 「周之興 酌 至,故以喻焉。」是鳳至在 了,以戒之。」此與《君奭序》 ::酌》、《卷阿》三詩《序》,皆 召公懼王不留意治 治政,召公與周公相 後 詩,即是三君 也,鸑鷟鳴 繼 《公劉》箋云: 以 .; 國 卷 作 于 語 阳 問。」其 也。 岐 所引。 〈逵傳》 卷 Ш 民 成 注

> 是也 故 謬 ; 應。 果獲 矣。 鳳皇者、《釋鳥》云:「鶠 作,其時已有鳳至,今周公慮鳳不 時,三君乃 \pm 即 又言此,亦與 此經 此 彼《國 周 政 祥,故召公作《詩》述 公作《書》以 後 疏 甚 語》言「鳴 以《卷阿》所云當之,其説 又 久,上距 以《卷阿》爲成 鄭不合,皆非 于岐 鳳至 作 ^ 鳳,其 山,自 君 期 之, 了, 召 奭 王 也。 適 公 雌皇。」 初 時 是 · 再 至 馬云 其 多 即 文 相 Ŧ 位 古 符

疆惟休,亦大惟艱。公曰:「嗚呼! 君肆其監于兹。我受命無

于此。 難 傳曰]以朝臣無能 不 可輕忽,謂之易治 我周受命 無 立 窮惟: 功 至天,故 美, 大 其 惟 當 視 艱

「告君乃猷裕,我不以後人迷。」

「舊」,文淵閣《四庫全書》本《國語》作「脊」。

0

汝輔王,不用後人迷惑,故欲教之。 裕 鄭 也。 曰 傳曰〕告君汝謀寬饒之道,我 《尚 召 書》疏。 公不 悦, ○時瀾 似 隘 《增修東萊書説》二十六 急,故 令謀 留 于 寬 與

德,丕承 公曰:「前人敷乃心,乃悉命汝,作汝民 汝 明 勖 無疆之恤 偶 王 在 。」〔《釋文》曰〕亶,丁但反 亶乘 兹大命。 惟 文 極 Ŧ.

己。 大承 傳曰〕前 度 命汝矣,爲汝民立中正 明 無窮之憂。 惟文王聖德,爲之子孫, 勉配 人文武 王,在于誠 布其乃心爲法度,乃悉 信,行 矣。 無忝厥祖 汝以 此大 命 前 而

鄭注《周禮・天官》義也。「亶,誠」、《釋〔案曰〕傳以極爲中,《毛詩・思文》傳,

弗戡。 哉! 公日 于丕時。〔《釋文》曰〕戡音堪 允,惟若兹誥。 以予,監于 : 言曰在時二人,天休 其汝克敬德,明我俊民在讓,後人 君 殷 告汝 喪 予惟曰襄 大否,肆 朕 允。 念我 我二人,汝 保 兹至,惟時二人 奭, 天 其汝 威, 有 予 克 敬

合 哉 ! 戒。 後代將于此道大且 福。汝能 家,日益至矣,惟 我文、武之道 以我言,視于殷 命無常。 傳曰〕告以 以殷喪大故,當念我 發言常在是文、武,則天 敬行 我不信 誠 而行之,汝 德 信,呼 惟 是文、武 喪亡大否。 ,明我賢人在禮讓 是。 若此誥,我 前 名之,敕 行 天德 不勝受。 事 言 動 惟 口 不 當 畏。 使 日 美 言多 當 可 有 能 周 因 不 則 所 敬

攘。博士讀曰襄。」是也。「二人」爲文、也。」《費誓》「寇攘」,鄭云:「因其亡失曰〔案曰〕傳以襄爲因者,《釋詁》:「儴,因

《墨子》卷五《非攻下》篇云:「武王踐功, 此以戡代堪也。 攻之,予必使汝大堪之。」」彼以堪代戡, 夢見三神:『予既沈漬殷紂于酒德矣,往 秋蟬之翼。』」殷敬順《釋文》云「堪猶勝 戡」爲不勝者,弗堪,堪也。 反言以明 寐,所思惟文、武二人。」是也。 創業,今將亡,故從夕至明發,不能寢 也」是也。以戡伐之戡爲堪勝之堪者, 四《仲尼》篇云:「公儀伯曰:『臣力能堪 之,古人語也。 昔先人。明發不寐,有懷二人。」毛傳: 武者、《小雅・小宛》云:「我心憂傷,念 「先人,文、武也。」彼疏云:「文王、武王 以堪爲勝者、《列子》卷 傳以「弗

日休。「嗚呼! 篤棐時二人,我式克至于今

用能至于今日其政美。〔傳曰〕我厚輔是文、武之道而行之,我

不率俾。」〔《釋文》曰〕俾,必耳反。 「我咸成文王功于不怠,丕冒海隅出日,罔

739

于天越民。」公曰:「君,予不惠,若兹多誥。予惟用閔

勸,躬行于天道,加益于民人也。」加于民。〔疏曰〕顧氏云:「我亦日用勉念躬行之。閔,勉也。我惟用勉于天道〔傳曰〕我不順,若此多誥而已,欲使汝

公曰:「嗚呼! 君,惟乃知民德,亦罔不能

厥初,惟其終。祗若兹,往敬用治。」

民職事。
「鄭曰」召公是時意説周公,恐其復不民職事。

傍,不斥言。」是也。 「寒曰〕鄭云「剴,摩也。」謂摩切其以事類諷,切剴微之言,如水流忽然而以事類諷,切剴微之言,如水流忽然而正》云:「巧言如流。」箋云:「巧,善也。正》云:「巧言如流。」箋云:「巧,善也。

尚書後案卷二十二

尚書後案卷二十三

東吴王鳴盛學

周

書

方

惟 淮 《書傳會選》五卷。〔 五月丁亥,王來自奄,至于宗周。 此 時,亦叛,王與周公征之,三年滅之,自 鄭日」奄國 夷、奄又叛。 親征奄,滅其國,五 而來歸。《詩》八之一卷《豳風譜》疏。○劉三吾 在 傳曰〕周公歸政之明年, 淮夷之旁,周公居攝之 魯征 月還至鎬京。〔疏 淮 夷,作《費誓》。

> 京也。 宗周」,至鎬京也。 《費誓》之篇言:「淮夷、徐戎並 《成王政》之《序》言:「成王東伐淮夷。」 邑、還歸西都、鎬京是王常居、知「至于 宫于宗周」,彼「宗周」謂洛邑。 鎬京者,成王以周公歸政之時,暫至洛 也。傳言「五月還至鎬京」,明宗周即鎬 淮夷,明是一事,故言「魯征淮夷,作《費 政明年之事,故知此 〕《洛誥》歸政之事,《多士》次之,是歸 事猶不明,故取《費誓》爲證。 王親征奄,滅其國」,明二者爲一 《禮記・祭統》衛孔悝鼎銘云「 篇亦歸 政 興。」俱言 知此是 明 即 以

于殷國者也。前流言于國:公將不利于「三監,管叔、蔡叔、霍叔三人,爲武庚監縢序》云:「三監及淮夷叛。」鄭彼注云:縢字》云「三監及淮夷叛。」鄭彼注云:《多士》。云「周公居攝時亦叛」者、《金(案曰〕鄭云「奄在淮夷旁」者,説已詳

商、 今王 月 | 云: 征 言于 開 歸」也。 征,三年而歸。」《大傳》云:「周公攝 也。云「王 也、請舉事。」又《詩· 此 成 云者 京 三年踐 而來歸」者,《詩 ,四國是皇。」毛傳云:「四國,管、蔡、 言 導 也。」又《 Ŧ. 奄 宗周。 云: 尚 國,奄 奄 淮 周既 也。」 亦 奄。」故云「三年滅之,自此 夷 周 幼矣,周公見疑矣,此 「赫赫宗周。」毛傳云:「宗周, 傳以宗周爲鎬京者、詩 「周宗,鎬京也。」疏引《祭統》云 公還, 叛者、《大傳》言管叔、蔡 ,與之俱 東遷 與周公征之,三年滅之,自此 君謂 雨 是 其在 無 奄 無無 攝 正》云:「周宗 · 東山序》云:「周公東 禄父曰:「武 與管、蔡、武 西 政。 叛。」 復 都 破斧》云:「周公東 西西 時不 懼 是不 都,故 誅, ·得以 言 王 大 庚俱叛者 、既滅。」 名 百世之時 一既死 奄 東都 遂 東都 叛 其 而 叔 矣, 來 爲

> 仍歸 常居 宗周 鎬 去豐二十五 豐矣。); 故 豐、周官 知宗 周 里,然則至鎬誥庶邦後, 序》云「還歸 是 鎬 京 也 在 蓋 豐 成 王 是 也。 時

《成王政序》鄭注 考此篇之上 于《成王政》云云,則《將 未聞。」是鄭意 來自奄」,即謂此「來自奄」也,是《多方》 辟,成王 **誥》之前,** 姑》二篇之《序》,此篇之下次以《周 在《多士》之前 「王來自奄,至于宗周」,而《多士》「昔朕 公居攝 又案曰〕此 》、《將蒲 政三年伐 三年 即政已久,殊不可解。 而編于《君奭》之後,則周 姑》與《多 所作 篇 有亡《書 管蔡 爲 以 甚 ' **,** 當 云: 爲篇第倒亂 滅奄歸誥 明,而反居此,何也? 時 方》 在《大誥》之後 「此伐淮夷、踐 成王政》《將蒲 事,其編篇 是相 蒲 庶邦, 姑 也。 連 》、《多方》 之事 且. 則 《成王 于此, 公復 此 是 云 康 周

王

即政又叛爲三。今考之,周公東征

之,至于再,至于三。」 僞傳及

疏

以

爲伐

又據下文云:「我惟

時

其 戰

要囚

一,攝政之初三監及淮

夷叛

云,實 只有 伐淮夷、踐奄」、《多方序》「歸 亦 知之,與《成王政》等亦非一事,《成王政》等 謬矣。但《費誓》與《大誥》非一事,僞 誓》之作,則在伯禽之國之後,上距 政三年; 不可分者分之也。 涉管蔡,此其謬不待言,僞孔固已 不可合一也。周公伐三監、淮夷,在攝 有淮夷、奄,無 二也。《魯世家》于敘《費誓》事内,誤牽 三年相隔甚久。 三監、淮夷叛」云云,與《成王政序》「東 費誓》,則 有淮夷、奄,無徐戎。 言之,不 一,是不可合者合之也。 一次,未 相連比,僞 封伯 有 必 淮 定 聞 徐戎。 禽,則在歸政之年; 夷、徐戎、無奄。 有 再舉至再 伐之時不同,其不 孔强 僞孔不知,竟欲强 三事以 總因拘于篇次,欲與 所伐之國 分初 實之也 至三。 叛、再 《大誥序》 自奄」云 不同 《大浩 特 1叛,是)知其 可 攝 據大 至 ·; 其 . 合 孔 政

亂之説,乃創

説

云「周公歸

政明年,

淮

不合,但故欲與

鄭牴牾,不肯從篇第錯

夷、奄又叛」。

其意謂《大誥》是

初叛,此

誓》厠穆王書中,其次有不可曉者,鄭闕

疑不論,蓋其慎也。作僞傳者明知篇

次

壁,安得

無誤。

即如《蔡仲之命》及《費

而《多方》等篇

益可知矣。

古書出

于屋

《多方》與《成王政》等爲

再

叛,兩

時

兩

又牽合《費誓》,以

與此

爲

一,疏

曲

義。

然則《周官》亦當遷于《康誥》之前,

此言雖出

趙

商

一商既

援

以

問

鄭

必必

是

鄭

時。」

云"、「成王《周官》是周公攝政三年

》、《師氏》、《保氏》

疏引《鄭志

》趙

亦

亂

其第

可

知。

《周禮》

卷九《

地

敘

殷

問 : 周 孔子曰: 『吾聞諸老 鄭 在 可 非三年。故父再 當爲母期,但此期喪名是期,不得謂之 則此云『伯禽卒哭』者,爲母喪也。]父在 之,急王事也 子,封于魯。 誓》作證 夷,豈亦 如 公致政之後,成王即位之時,周公猶在。 禽有爲爲之也。』] 彼注云: 何涉。 V/ 一從之,僞孔 ,即是周公再東 此、究不得謂 十五月 『三年之喪,金革之事無辟,非與?』 異 耳。 憑 出 觀《魯頌・泮水》,僖公又征 而禫,竟夷于旁期乎 空造 成 《禮記 有徐 。作《費誓》。」彼疏云:「周 非 王、周公乎? 也 出 7期乃 伯禽作此誓 征也。 戎 再 聃 作 叛、 曾子問》篇:「子夏 娶,達子志 曰: 難, 再 魯自出兵, 昔者魯公伯 喪卒哭 「伯禽,周 征 鄭謂 時周公尚 强 也 篇 借《費 而 雖 倒 則 公 豈 與 征

> 侯 取亡。 王 道,告四方殷之諸侯正 之。《尚書》疏。 命,謂誅 政,稱王 尹 E 民、我 周公攝 曰,嫌自成王 也。 惟大降 〔傳曰〕 政,稱 言天下無不知紂暴 爾 命; 成 周 辭 民者。我大降 王 爾 公以王 一命以 故加周公以 图 不 告。 命, 知 順大 及 爾 明

據。 政後, 周 即周公,王肅謂周公稱成王命。 之,故其合如 **偽傳疑即** [案日]王注 此 曰」之文。蓋《大誥》「王若曰」,鄭謂 九凱還 ,歸政後之《多士》同,似 公冠王之上,與 浩 其稍似足據者,惟此「周公曰王 則 》,周公身 作語 爲傳 肅撰,或皇 云云,其意 當 此。 謂再叛、再 稱王 在 攝 然再叛之事 軍 命, 政前 一甫謐 中, 以《多方》作 丽 征 有 故 之《大誥》異, 依 其 與王 可 假 放肅 詞 疑。 , 一無 Ŧ. 實 今此 **一**肅 自 出 注 在 合。 周 若 足 爲 Ŧ. 歸

周

公曰:「王若曰:猷告爾四國

多方

惟

其解, 僞 妄解 誅 足徵僞傳之出于肅也。 誅之,戒其將來」,亦以 爲民 指作誥也,未見 以 爾命」矣。豈復成文理乎? 降爾命」,不可云不用我下誅汝君,因言 國民命」,王 下誅汝君」,又即云「乃其大罰誅之」,是 公,故書法如此,其實不足疑也。 多士》已作此解。 大罰殛之」,傳又不得不解,乃既言「 汝其不用我命,我乃大下誅汝君」。 傳 爲正、《釋言》文。降命,疑謂 而又誅 無 而 命,「降爾 則經當云「乃有不用我命,我乃降 僞 駁 聊此 孔從之者。 也, 豈有此 肅 見例 又以 命」爲誅汝君。 有誅殺義。 此經下文「大降 爲「苟有此罪, 因 鄭 注 理 乎 又「乃有不用 降命爲誅其君, 僞 且下句言 此皆王 孔 下令, 王 必 尹, 肅 則 以 爾 肅 我 必 傳 大 四 于 君 即 如

洪惟圖天之命,弗永寅念于祀。惟帝降

淫昏, 有夏誕厥逸,不肯慼言于民,乃大

之行。 告之。 祭祀。 其逸豫,不肯憂 こ大性 災異。 夏 爲王 桀。 謀天之命,不 言 惟 有夏桀不畏 于 天 下至 民, 乃大爲 戒 天 -長敬 于 戒 夏 過 念于 以 而

《左傳》云「桀有昏德」是也。 末孫桀,淫佚于樂,德昏政亂。」宣三年卷十一《少間》篇云:「禹崩十七世,乃有〔案曰〕云夏桀誕逸淫昏者,《大戴禮記》

馳反。〔《釋文》曰〕迪,徒歷反。馬本作攸。麗,力帝之命,不克開于民之麗。乃大降罰,崇「不克終日勸于帝之迪,乃爾攸聞。厥圖

汝所聞。其謀天之命,不能開于民所施曰〕不能終日勸于天之道。桀之惡,乃〔馬曰〕攸,所也。迪作攸。○《釋文》。〔傳

《逸周書》卷二《程典解》云: 經兩 開乃無患。」孔晁注云:「開,通。 民, 也。」又有《九開》、《文開》、《保開》,皆 〔案曰〕馬云「攸,所也」者,《釋 政 重亂有夏。 云「不克 施 也。 開」,又云「開 言殘虐。 言昏昧。 慎 乃 厥 大下罰 德德開 言德合 顧 言》文。 天」。

之恭,洪舒于民。〔疏曰〕鄭、王皆以「甲」爲狎。「因甲于内亂,不克靈承于旅。罔丕惟進

語也

亡。

又有《大開》、《小開》,是開本周人

惟進恭德,而大舒惰于治民。甲于二亂之内。不能善奉于人衆,無大《尚書》疏。〔傳曰〕外不憂民,内不勤德,因書》疏。〔王曰〕狎習災異于内外爲禍亂。〔鄭曰〕習爲鳥獸之行,于内爲淫亂。《尚

《詩·芄蘭》云:「能不我甲。」傳云:「案日〕鄭、王皆以甲爲狎,訓爲習者,

《 詩 同。 傳以 也。 《釋言》云:「甲,狎也。」郭璞曰:「謂習 《釋文》,《韓詩》本作狎,古文省 也。 馬》邦國「外内亂,鳥獸行,則 狎。」《説文》犬部云:「狎,犬可習也。」是 非,何也? 徐氏釋音,獨得古人之義。 爲狎。既有狎音,即從狎義 文《尚書》甲。」然則甲、狎同也。 狎,自有本音,不當便讀爲狎。」其説 甲反」。 内内 甲 ·, 狎 「亂」爲「鳥獸之行」者、《夏官 郭忠恕《汗簡》卷下之二云:「命,古 漢儒訓故,音義 靈 旅爲衆者、《釋詁》文。舒爲 齊風 爲 也。」箋云:「 顔師古《匡 了, 桀 聽 善者、《詩 序》:「襄公鳥獸之行。」是也。 又《釋詁》云:「狎,習也。」 于末嬉,是其淫 狎,習。」徐 正俗》 相 定之方中》鄭箋 兼。 曰 小顔斥以爲 · 非 此甲字, 假借 少,以 「甲雖 滅之」。 大司 鄭又以 亂 也。 甲 非

《漢書·五行志》「視之不明,厥咎舒」

是也。

文》曰〕懫,敕二反。劓,魚器反。「亦惟有夏之民叨懫,日欽劓割夏邑。〔《釋

成立。 是桀日尊敬其能劓割夏邑者。謂殘 〔傳曰〕有夏之民,貪叨忿懫而逆命,于

也。 賊臣。 非子》卷十七《説疑》篇云: 勸以 者、《史記》卷一百二十八《龜 云:「桀有諛臣,名曰趙梁。 又卷十二上至部:「霪,忿戾也。 曰:『有夏氏之民叨耋。』耋讀若摯。」是 卷五下食部: [案曰]傳以叨懫爲貪叨忿懫者,《説文》 國之臣 傳又云桀尊敬其劓 「夏桀染于干辛、推哆。」《吕氏春秋》 貪狼。 也。」《墨子》 繫湯夏 「饕,貪也。」重 臺, 卷 殺關 割 「桀有侯 夏邑殘賊 教爲 《所染》篇 龍 文作「叨」。 策列 逢。」《韓 《周書》 無 傳》 侈, 道 臣

> 是也。 謂殘賊臣。 爲下愚。」師古曰:「干莘,桀之勇人也。」 之。干辛任 羊辛、歧 又《表》干莘、推侈俱在第八格,此皆所 逢欲與爲善則誅,干莘與爲惡則行,是 戎,桀之邪臣。」又卷十五《慎大》篇 卷二《仲春 漢書》卷二十《古今人表》序云:「桀,龍 桀爲無 踵 道 紀 ~, 暴 戎。」高 《立政》云:「桀惟任暴德。」 威,凌轢諸侯,以 當染》篇云:「夏桀染 戾頑貪,天 誘 注 /下顫 「羊辛、 及兆民。」 恐 歧踵 而 云 患 于

爲,大不克開。〔《釋文》曰〕畀,必二反。 克明保享于民。乃胥惟虐于民,至于百民,不克永于多享。惟夏之恭多士,大不民,不克永于多享。惟夏之恭多士,大不必有夏。惟天不畀純,乃惟以爾多方之義「天惟時求民主,乃大降顯休命于成湯,刑

大下明美命于成湯,命湯刑絶有夏。惟〔傳曰〕天惟是桀惡,故更求民主代之,

善。 者。 百端 其 不能明安享 多 乃 不 所爲。 享國 言與桀合志 桀之衆 惟 與 桀 用 故。 汝 ·, 亦 言虐 · 于 民。 多 士乃相與惟 已大。 方之義 惟桀之所 非 言亂 天所 民 謂 暴虐于民,至 主 爲 大不 所 以不與桀, 恭 臣 任、任 人衆士,大 **而** 能 開 不能 民 同 于 以 以

文》曰〕要,一遥反,又一妙反。 至于爾辟,弗克 罪,亦克用勸。 罔不明德慎 慎厥麗乃勸 乃惟成湯、克以爾多方、簡代夏作民 爲天 〔王曰〕湯以大道代夏,爲民主。《尚書》疏 傳曰〕湯 湯 下 至帝乙,皆能 其 民 人 雖 能 厥 主。 罰,亦克用勸 刑 用 民刑用勸 以 開釋無辜, 汝衆方之賢,大代夏政 慎 亦 爾 其施 成其王道,無不明有 用 多方享天之命。〔《釋 殄,亭遍反。 勸 政于 善。 亦克用勸。 要囚,殄戮多 以至于帝乙, 民,民 言政刑 辟,必亦反。 乃勸 主。

> 絶戮衆 滅之。 君,謂紂不能 人,必無枉 德,慎去刑 罪, 罰, 一縱,亦 亦 用汝衆方享天之命,故 能 亦 能 用 能 勸 用 用 勸善。 勸 善 善。 開 放 今至于汝 無 囚 罪

囚」,詳《康誥》。
〔案曰〕王以簡爲大,《釋詁》文。「要

大淫,圖天之命,屑有辭。有夏,非天庸釋有殷,乃惟爾辟以爾多方「嗚呼! 王若曰,誥告爾多方,非天庸釋

天下,故見誅滅。 〔傳曰〕嘆而順其事,以告汝衆方、爲過用釋棄桀,桀縱惡自棄,故誅放。非天用釋棄桀,桀縱惡自棄,故誅放。非天

有邦間之。〔《釋文》曰〕間,間厠之間。「乃惟有夏圖厥政,不集于享,天降〔案曰〕屑有辭,詳《多士》。

時

聖人代之。言有國,明皇天無親,佑享,故天下是喪亡以禍之,使天下有國〔傳曰〕更説桀也。言桀謀其政,不成于

有德。

是也。下必有圭田。」趙岐曰:「圭,潔也。」下必有圭田。」趙岐曰:「圭,潔也。」惟饎」,故高讀从之。《孟子》曰:「卿以

愚,以不念善,故滅亡。能念于善,則爲聖人。言桀、紂非實狂〔傳曰〕聖人無念于善,則爲狂人,狂人惟聖罔念作狂,惟狂克念作聖。

至矣。 卑,而不知其所以然,哀哉! 言之,此古義也。 能去其狂,則進于聖。 範》義,謂聖兼包 之不恭,厥咎狂。」《説文》引孔子説《洪 奢》篇言:「桀爲酒池、糟隄,縱靡靡之 曰:『惟聖罔念。』」云云。 《洪範》:「貌 民則我,未之有也。 〔案曰〕徐幹《中論》卷上《法象》篇 墮其威儀,恍其瞻視,忽其 小人皆慢也,致怨乎人患己之 五事,貌居 劉向《新序》卷六《刺 莫之則,則慢之者 故徐幹以「威儀 解令, 五. 事之首。 故《書》 而望 云

皆以狂亡也。 **《酒** 微 子》 語》言 言紂 紂 沈沈 「燕 喪 酗 威 于 儀」,是 酒 亂 桀 敗 紂 厥

念聽。〔案曰〕暇,鄭作夏。 「天惟五年,須暇之子孫。 誕作民主,罔可

者,從武王初立之年,數至伐紂爲五 年須暇湯之子孫,冀其改 文王受命八年至十三年,是須暇五年之 文王受命九年而崩,其年武王 九之三卷《周頌・武》疏。 其終至 鄭曰〕夏之言暇。 五年前,已合喪滅,天以湯聖人 王服喪三年,還師二年。 主,肆行無道,事無可念,言無 .也。《詩》十六之四卷《大雅・皇矣》疏。○又十 三年,未得征伐,十一年服闋,乃觀 待開 Ŧi. 暇湯之子孫,冀其改悔。 年,欲使復傳子孫。 天覬 [傳日]天以湯故,五 紂 悔。 能 [疏日]紂未 改,故待暇 而紂大爲 一嗣立。 五年者, 可聽。 **五**.

> 三年,是五年也。 于孟津,十三年方始殺紂。從九年至十

箋云:「耆,老也。 昃,不暇食。」《隸釋》卷一載《成陽**靈** 老。」《頌・武》云:「耆定 也。」《釋詁》同。卷九上須部則云: 待者、《説文》卷十下立部云:「頚, 之言假也。」古假借字,止作叚。 碑》云:「日稷不夏。」《尚書大傳》:「夏 文《尚書》作《魏。」是也。 毛也。」此本須鬢之須,今借爲 之夏,周鄭之間謂之暇。」《無逸》:「日 云云者、《大雅・皇矣》云:「上帝耆之。」 日,叚聲,故暇亦作夏也。 云:「秦晉之間,凡物壯 武王年老,乃定女此 案曰〕鄭云「夏之言暇」者,揚雄《方言》 郭忠恕《汗簡》卷中之二云:「須,古 天須暇殷國養之至 功,不汲汲誅紂, 大而 「天覬紂能改」 爾 鄭又以須 功。」箋云: 愛偉之,謂 須待之 暇 「面 待 爲

僞孔非也。 數起,則其起數不在九年之初,而在其 耳,實未帀四年,如何云「須夏五年」? 須暇 終矣,則數至十三年之正月,才跨五年 僞孔則以文王受命九年而崩 從八年數起,至十三年正月爲帀五年。 年,不改元,承文王之年數之,故解五年 王受命七年而崩,八年爲武 須之也。 「作靈臺,緩優暇紂。」文王不伐 Ŧi. 年。」《皇矣》疏又引《我應》云: 云「文王受命」云云者,鄭以文 ,即從九年 王即 紂 · 位 之 亦是

簡畀殷命,尹爾多方。 克堪用德,惟典神天。天惟式教我用休,爾多方,罔堪顧之。惟我周王,靈承于旅,「天惟求爾多方,大動以威,開厥顧天。惟

視念者。中國無堪爲之,惟我周能堪災異之威,動天下之心,開其能爲天以〔鄭曰〕顧,由。視,念也。其意言天下

是也。 堪用德,可以主神天之祀,任天王。 之。《詩譜序》疏。〔傳 之莫。乃眷西顧,此維與宅。」箋云:「眷 以我用德之故,惟用教我用美道伐殷, 惟我周王,善奉于衆,以仁政得人心,能 賢者,大動紂 然運視西顧,見文王之德,而與之居。」 〔案曰〕鄭云「顧,由。 大與我殷之王命,以正汝衆方之諸侯。 皇矣上帝,臨下有赫。 惟汝衆方之中,無堪顧天之道者。 以 威,開 曰]天惟求汝衆方之 視,念」者,《詩》: 其 監觀四方,求民 能 顧 天可以代

協。 田,爾曷不惠王熙天之命? 我周王,享天之命? 爾曷不忱裕之于爾多方? 「今我曷敢多誥,我 (王曰)四國,四方之國。 ○〔案曰〕夾,協,徐音。 惟大降 今爾尚 見顔師古《匡謬正俗》二卷。 爾曷不夾介乂 爾 言從今以後, [《釋文》曰]夾音 宅爾宅, 畋爾 四 國民命。

行寬 尚得畋汝故田,汝何 敢 汝殷之諸侯,皆尚 我周王,以享天之命,而爲不安乎? 將 几 和協。 誅 來 方 裕 之 之國 管、蔡、商、奄之君。 而自懷疑乎? 之道 事 汝 夾,近也 荷 而 有 己, 于汝衆方? 尚 此 書 我 **》**疏 罪 ,得居汝常居,臣民皆 惟 約 汝何不近大見治于 則 不 大 王 義 必誅之。 下 順從王政,廣天 汝何不以 · 汝 欲其戒 傳 四 國民 謂戒 四 誠信 我 國, 命。 今 其

也。 隱,兄弟 卷上《諫 商、奄者、《破斧》詩傳義也。 (多方》,不數管蔡之惡。」《白虎 案日」 明》傳文。 四國 傳又以 常常 王以 相 諍 爲 以 介爲 云「畋爾田」者、《説文》卷 篇云:「父爲子隱,子爲 四 隱,與父子同義。 禄 或 甫爲主 大,《釋 爲 四 方, 也。 詁》及《小 傳云管、 觀《大誥 《白虎通》 通》説 故 周 是 父

> 年《傳 即引 義 風 語也。」是也。 三下 多方》云『田 也 甫 支部云: 周書 田
>
> |
> |
> |
> |
> |
> | 「廣 此 哉, 爾田」, 傳以 無 文 时, 爲 熙熙乎 熙爲廣者,襄一 平 田 證 今人 甫 田 田 也。 ! 是熙 謂 待 年 佃 从 疏 食、古 切。」 支、 云: 一十九 田 齊 猶

訖力反。 寧,乃惟爾自速 囚之,至 忱于正。 天命,爾乃屑 命,我乃其大罰殛之。 爾乃迪 本又作極 屢 于再,至于三。乃有不用 我 不 惟 播 静,爾心未愛。 時其教告之,我惟時 辜。」〔《釋文》曰〕要, 天命。 非我 爾乃自 有周 爾 作不 遥 秉 乃 我 其 不 反。 戦 降 大 殛, 康 要 宅 爾 啚

我周 汝乃自爲不 棄天 日]汝所蹈 故。 命 汝乃不大居安天命,是汝 常謀信于正道。 汝未愛我周, 行,數爲不安,汝心未 播 棄天 我惟汝 乃 盡 如

也。 與 戰 取 執 大下 是 囚 之, 淮 事。 誅 德 監 故故 迪 伐紂爲 夷 誅汝 屢 淮 不 其 叛時; 「疏 不 安 夷 但 謂 教告之,謂 君 静 寧,自誅 討 下有至于再三, 叛 曰〕「教告」、「戰要囚 之事 一,故 ,乃其大罰誅之。 時 其 三謂 倡 三,謂 亂, 再謂 成 汝, 汝其不 訊 王 執 乃惟汝 以 即 攝 成 其 文 政,又叛也 政之初,三 用 王即政又叛。 朋 誥 明此 黨 我 自 非 命,我 指 我 其 伐 總言 罪 戰 有 紂 監 以 唐 73 要

是 酒 是,辨見 迪屢不静」耳,不必 案曰〕只有三監、武 也 速、徵也 無 主 上。 再叛事,至 人 速賓。」鄭注:「速,召 傳 徵,召 以 速 再至三,不過言 庚 泥也。 也。」《儀禮 爲 及 召 淮 者,《 夷、奄 傳 疏皆 釋 鄉飲 同 也。 言》 其 非 叛

王曰:「嗚呼! 猷告爾有方多士,暨殷多

穆穆在 哉 大多 爾惟克勤 ! 今爾 正 爾 乃位。〔《釋文》曰〕臬,魚列反,馬作 室 爾 奔 乃 罔不 不睦,爾惟 走 事。 臣 克臬。 我 爾 監 尚 五. 不忌于 和 自 祀 哉 作 越 不 [X] 惟 和 德 爾 有 亦 邑 胥 剌 爾 克 則 惟 伯 明 以 和

敬常 事。 之哉 和之哉 衆士。 監謂 法。 衆正 無過 時 傳曰〕王 成 所 有 在 官之人,汝無不能用 ,則是還本 成 謂 周 大小多正自爲不和,汝有 汝庶幾不自忌入于凶德, 汝位 今汝 四 周之三監,此指謂 成 頑 汝邑中能 嘆而 方諸侯也。 周 民 汝親近室家不 奔 之監,明 之衆士 〔疏曰〕「有方多士」 走 以道告汝衆 亡。 來徙,臣 明,是汝惟 于惟 也。 此 與「殷多士」,謂 殷多 法。 有 下云以「 睦,汝 服 所 方 相 士 我 遷 與衆多 能 亦則 欲其 方 長 監 頑 亦 多 勤 事 民、 皆 汝 用 士: 敬 用 年 殷 職 和

相 | 石「敬也」。 ·小大衆正官之人」。**●** 伯, 長 也。 顧 氏 「穆穆 以「 相 長 釋 事」 訓 即

節王注 頌聲作矣。故《書》曰:『越惟有胥賦,小 多于十税一,謂之大桀、小桀,少于十 作「胥賦」。 祀」不可强解,姑闕其疑。「胥伯」,伏生 再遷也,彼頑民其能聽從乎! 復懷故土乎? 毛之地,五年之後則又土著重遷矣, 故土。且成周非荒遠之區,又非 民,其親族昏姻相從俱遷,無所復 亂殷民,非所以 臆見,經無此 能五年相安,則可以復還本土矣。 案曰]傳意以「 ,謂之大貊、小貊。 ,則此乃王義也。 《大傳》云:「古者十税 意。 若欲遷之,是非復也 五祀」爲虚設之言 安集之也。 若果如此,適所 王者十一而税,而 愚謂此 蓋 然則「五 遷衆 特 戀 薄 以 翫 謂 王 誰 殷 于 擾 肅 不

> 是以訓詁字代經文也。 大多正 尚不諅于凶德。』渠記切。」今僞孔作忌 「忌」、《説文》作「諅」。 卷三上言部云: 諅,忌也。 則壤成賦」之 ご」此 从言,其聲。《周書》曰:『爾 解 賦。 與 傳 然 疏 絶異。 其 義 不 蓋 可 詳 賦

〔《釋文》曰〕閱音悦。 爾。迪簡在王庭,尚爾事,有服在大僚。」 畋爾田。天惟畀矜爾,我有周惟其大介賚「克閱于乃邑謀介,爾乃自時洛邑,尚永力

書》疏。 反邑里。 長力畋汝田 以汝所謀 大賜汝。 王曰]其無成,雖 ,庶幾修汝事,有所服行 (傳 非但受憐賜,又乃蹈大道 天惟與汝憐 爲大,則汝 矣。 门汝能 言雖 五年亦不得反也。 使 乃 我 汝,我有周 遷 ~徙,而 用是洛 閲具于 在大官。 以 ,汝邑, 邑,庶幾 惟 修 其 《尚 得 而

[《釋文》曰]頗,破多反。探,吐南反。惟頗,大遠 王命,則惟爾多方探天之威。亦則惟不克享,凡民惟曰不享。爾乃惟逸王曰:「嗚呼! 多士,爾不克勸忱我命,爾

方取天之威。爾乃爲逸豫頗僻,大棄王命,則惟汝衆專乃爲逸豫頗僻,大棄王命,則惟汝衆享天祚矣,凡民亦惟曰不享于汝祚矣。〔傳曰〕汝不能勸信我命,汝亦則惟不能

[案曰]傳以探爲取、《釋詁》文。

「鄭ヨ」分雅奪女上也。《尚書》疏。我則致天之罰,離逖爾土。」

將遠徙之。 〔鄭曰〕分離奪汝土也。《尚書》疏。〔傳曰〕

〔傳曰〕我不多誥汝,惟敬告汝吉凶之曰:「時惟爾初,不克敬于和,則無我怨。」王曰:「我不惟多誥,我惟祗告爾命。」又

是王又復言也。」 誅汝無怨我。〔疏曰〕顧氏云:「又曰者,命。又誥汝是惟汝初不能敬于和道,故

尚書後案卷二十三

尚書後案卷二十四

東吴王鳴

周

書

立 政

哉 衣、虎賁。」周公曰:「嗚呼! 咸戒于王曰:「王左右常伯、常任、準人、綴 周公若曰:「拜手稽首,告嗣 反,又之劣反。] [《釋文》曰]任,而鴆反。準,之允反。 賁音奔。 鮮,息淺反。 天子王 休兹,知恤 綴、徐之衛 矣。」用 鮮

王曰〕于時 拜手稽首」者,是周公讚羣臣 周 公會羣臣 共戒 成 王。 之 其

近左右 嗣 法。 法,謂 言 掌衣服者,虎賁,以武力事王者。 用 政,其事不 其怠忽政事,任非其人,故告以 者,知憂得其人者少。〔疏曰〕王之大事 十五卷。 之奇《尚書全解》三十五 辭 謂六卿,平法之人, 在任賢。 事王,皆左右近臣,宜得其人。 長事、常所委任,謂三公六卿。 又用王所立政之事,皆戒于王 王所立政之事,皆戒于王曰: 王之親 世天子。王今已爲王矣,王者當立 「嗣天子,今已爲王矣,不可 順古道告王曰:「我敢拜手稽首,告 士官。 休兹」,此 ,常所長事,謂三公,常所委任, [傳日]順古道盡禮致敬,告成王 成王初即政,尚幼少,周公恐 可不慎。」周公既爲此言,乃 綴衣掌衣服,虎賁 五官美哉。 卷。 謂獄官; 〇王天與《尚書纂 尚 綴衣之人, 書 日 1》疏 嘆此 以 用 不 準 此等 臣 武 · 慎。 常 外傳》三 所 善 之 Ŧī. 力 林

又以「拜手稽首」爲「贊羣臣」者,王意以

案曰]王云「周公會羣

臣

共戒

成

王

是太僕之官也。《周禮》:「虎賁氏,下大 爲士師也。衣服必連綴著之,此歷言官 《周禮》司寇之長在常任之内,此士官當 平法之人謂士官也。 任,知常所委任,謂六卿也。 事謂三公也。六卿,分掌國 皆近王左右,最 此皆近臣,宜得其人。 夫。]言其若虎賁獸,是以武力事王者。 人,知「綴衣」是掌衣服者。 此言親近大 官用法必 人者少也。」三公,臣之尊者,知常所 等之官,立政之本也 官,復言而 大夫,掌正王之服位。」此掌衣服者,當 非造衣裳者。《周禮》:「太僕,下 當均 嘆 曰:「嗚 須得人。 平,故謂獄官爲準人。 呼 士,察也,察獄之 知憂此官置 • 周公既 美哉 事,王之所 準訓平也, 歷 得 此 言 長 賢 此 Ŧi.

遽承 羣 臣。 表》:侍中、中常侍皆加官,亡員,多至數 制。」然則 常伯」。 《答盧諶詩》注引揚雄《侍中箴》云「光光 欲以掩其迹也。「常伯」以下五官,據傳 説是,傳非也。 之爲可聽,故爲此以求深感動之。 轉述于王者,蓋一人言之,不如衆人言 戒。又,若使其言本出羣臣,己受之 言」,則是周公授意羣臣,倡率 傳以「拜手稽首」爲周公自拜自言,非 云:「侍中, 疏云云,姑從之可也。但《文選》劉越 翫經文,自「休兹」至下「乂我受民」,雖 俱係周公言,而其下總以「予旦受人 咸戒于王」即羣臣之言。 · 其言 「咸 又《籍田 常伯 而 戒」亦周 周成王常伯,任 進 傳多出王肅,偶或立異, 即 戒 賦》注引應劭《漢官儀 ,故言「休兹」云云也。 漢侍 公言,與王 中。 言未終,周公 《漢 侍中殿 一肅異。 同 百官 王肅 下稱 進 而 陳

成侯 職。」 義,正 故 鄭注 未見 以 顯、宏恭、董賢爲 《古文苑》卷十六胡廣《侍中箴》云: 首。』《箴》中備引籍 惟先正 此官漢、魏以 亦爲侍中之職。 爲 崔 『常敀常任。』博陌切。」迮爲迫近之 亡,未 臣 所 「敀,迮 :瑗《北軍中候箴》云:「赫赫 州 侍中者,是也。 侍 輔亦宦官也。 與經「左右」合。 得 據, ,克慎左右。 中。 輔 鷹揚旅武、闞然奮震。 碑 敢定。 、禁中。 而 也。 與 》云:「處乎 以 下或 僞 爲 从攴, 至《古文苑》卷十六又 戒。 孔 《説文》卷三下支部 應劭 侍中,其證 傳「三公六卿」之説, 用 孺 常伯、常任 「三公」之 《隸釋》卷十七《吉 蔡邕石經同。 據此 士人,或 閎 曰 : 白聲。 左 孺、 右,常伯之 人 則并常 甚 用宦 鄧 説 《 周 侍 將帥 實 贅衣 多。 通、石 絶 天 「亦 官。 異。 子, 旧

> 與 ? 據也。 鮮,非也。 尉,而 牧箴》云:「牧臣司雍 豈 侍 从是、少。 賈侍中説。 瑗皆以綴爲贅,古 勘」、《説文》卷二下是部:「匙,是少也 以《爾雅》辟 常 《古文苑》卷十四 校 伯之人。」此 「準」,傳 尉 舊 有 訓法,故與抑字 虎 云「平法」,蔡邕作 賁 則 因 故 通 酥典切。」俗通 敢告贅衣。」 中 又載 也。 附 ·候監 會 鮮 揚雄《 三云然 ,相似 Ŧi. 誉 當 雍 與 諸 而 作 崔 州 可

帝,迪知忱 古之人迪 市林反。 拜 手 恂音荀。行如字,徐下孟反。 催 恂 稽 首 于 有夏,乃有室大競,籲 九德之行。 ,后矣!』 乃敢 告教 俊 尊 音 預

呼賢俊 禹之時 也。 王曰]古之人道,惟有夏之大禹 《尚書》疏。 與共 乃 有 尊 卿 「傳 事 大 日〕古之人 上天。 夫室家大 九德, 强 道 爲 猶 惟 有 夏

课。禹之臣蹈知誠信于九德之行,謂賢

智大臣乃敢告教其君。

〔案曰〕王以迪爲道,《釋詁》文。

民。〔案曰〕蔡邕石經「謀」上有「亂」字,未詳。謀面,用丕訓德,則乃宅人,兹乃三宅無義「曰:宅乃事,宅乃牧,宅乃準,兹惟后矣。

卿各掌其事 民。 能 國之外。 士官主理 養民,亦須得賢人養其民也。 之官及平法者,皆得其人 尚書》疏。 鄭 居賢 所 日〕殷之州牧日 面 者。 大罪 ,州牧掌外,内外之官及平法三 見之事,無疑則 [傳日]宅,居也。 刑 / 疏 于衆官。 宥之四裔,次 牧,牧民,九州之伯。 者 法,亦須賢人平其 日 也 居汝事, 居汝牧,九州之伯主 若此乃能三居無 伯,虞夏及周曰牧。 能 九州之外,次 `,則此惟君矣。 須得賢人, 用大順德,乃 居汝事 獄也。 居汝準, 居内外 r, 六卿 其

是逐 官 馬能 方伯, 事皆得: 之表,最遠者也。 州之外, 義罪人。 如是乃能 必退,然後舉直錯枉,則爲能用大順德, 分别善惡 主皆欲臣賢,但大佞似忠,賢不可别 牧曰伯, 虞夏周 量其輕重,斥之遠地,乃能 者、言一州之長、牧者、言牧養下民、牧、 州 官 伯俱得言之,故孔以伯解 内 則 之長曰牧。」《王制》云: 謀所面見之事,官賢人,既得其官, 急言之,有詳 無 能分别善惡,無義之民必獲大罪。 八州八伯。」然則牧、伯一也。 其 州 次其國之外。」「四 三居者,「大罪 人, 牧 居賢人于衆官。賢 無所疑惑。 仁賢必用,邪 '[°],此 則 惟 此 日牧,與孔不同。 ·略爾。 惟 「次九州之外」者, 言三官加 爲 君矣。 宥之四裔,次九 《曲禮》云:「九 牧。 「千里之外設 裔」者,四 三處居 州 鄭云殷州 牧者, 既 凡人 此 居 佞 無 五

之夷、鎮、蕃也。」與孔 千里之外」是也。 海 州之外至于四海, 晉,去本國千里。 罪 之 内,要服 所居 之國 之外。 故孔 外 鄭云:「三處者,自九 三分其地,遠近若周 也,猶 不同 次 注《舜典》云「次 其 若 國 衛 之外」者, 居于

典》。 也。 官。 宅人爲舉賢,三宅爲去凶。 德,傳既依《皋謨》「三宅」,遂并 常任也,「宅乃準」即準人也。此皆京 卿,公卿皆掌事 口 虞夏稱牧,此正指説夏事, 曰牧」者,鄭以上文常 案曰〕鄭云「殷之州 若牧則不得 傳以三宅爲五宅三居解者 蓋全篇用 亦所常有。 其三宅,鄭以爲「若夷、鎮、蕃」, · 者, 人、用刑兩 在 鄭注既不全,姑從 京 則「宅乃事」即常 牧日 7,故以 伯、常任 伯,虞夏及周 義並 兩宅字 又可推 爲 州 爲三公六 重,故 此 牧。 據《 同 而 堯 朝 九 知 且

> 桀德惟 法,往 傳曰〕桀之爲 以 爲四 所委任,是惟暴德之人,故 乃弗作往 裔等,鄭 為德,惟 任 是 ,是惟! 也。 乃不爲其先 暴德罔後 詳《堯典 絶 王 之 世

亦越成湯陟,丕釐上帝之耿命,乃用

之反。 式,克用三宅三俊。 其在商 邑,其在四方,用丕式見德。〔《釋文》曰〕 宅,克即宅,曰三有俊,克即 其俊事。 罪。 邑,用三宅三俊之道 大法象者,以 用三有居惡人之法,能使就其居。 傳曰〕成湯得升,大賜上天之光命。 〕《皋陶謨》「九德」即《洪範》之「三 是大法 耿,工迥反,徐工穎反,又工承反。 又曰 言明 能用 見其聖德。 能用三居三德之法。 德 剛柔 湯所 正直三德之俊,能 和 言遠近化。 其邑。 以能 邑,用協 俊。 下同 嚴威 嚴 言服 惟 口

爲三德也。 爲三德也。 以爲剛克、柔克、正直。 三德也。」鄭箋以爲剛克、柔克、正直。 「案曰〕傳以《洪範》三德當此三俊者, 「案曰〕傳以《洪範》三德當此三俊者, 範》所言「剛克、柔克、正直」三德之俊。 爲三德也。

政。〔《釋文》曰〕暋,眉謹反,徐亡巾反,一音閔。同于厥邦。乃惟庶習逸德之人,同于厥「嗚呼! 其在受德暋,惟羞刑暴德之人,

《釋詁》云:「昏,强也。」暋即昏也 之人,同于其政。 而 經或言受,或言受德者,呼之有單複爾。 同于其國,並爲威虐。 日〕受德,紂字。 馬曰〕受德,受所爲德也。 反大惡 自强,惟 帝 **「**疏 進 乙愛焉,爲作善字, 用 乃惟衆習爲過德 日〕受德,紂字。 刑與 《釋文》。 暴德), 故訓 之人, 「傳

亦與馬 者。 受德忞。』讀若旻。 傳以 何以 德,紂字。」此本鄭《西伯戡黎序》注 誓》云「今商王受」,受即紂。 鄭注果以爲紂字,則其説應先 僞孔《尚書序》篇末疏。 其始本爲一篇,謙 馬異,傳必 異,鄭苟與馬同,傳必別爲解。 不以受德爲紂字也。 此經之注,則未有見。 則此受德,受所爲 忞, 彊也。 案曰〕馬 爲 反在《西伯戡黎序》下邪? 且《序》分散各冠篇首,起于僞 《釋詁》昏、暋並强也。 「强」。 同 解,作「受所爲德」也。「暋」, 云「受德,受所爲 違鄭而 从心文聲。 《説文》卷十下心 从馬,未有舍馬从鄭 武巾切。」忞、暋蓋古 而聚于正經之下,見 德也。 蓋僞孔好與鄭 然鄭于此經, 若此 《周書》曰:『在 **僞傳云:「受** 德」者,《牧 節 上言桀德 疏乃輾 見于此, 「受德」, 部云: 鄭 知鄭注 荷 前 與 違

七四六

昏而無暋者,非也。解之,一若《釋詁》于「强也」之上,但有

萬姓。〔《釋文》曰〕伻,普耕反,徐敷耕反,又南耕反。❶「帝欽罰之,乃伻我有夏,式商受命,奄甸

家王有華夏,得用 天子治萬姓,與商同也。 Ŧ 傳曰〕天以紂惡,故敬罰之,乃使 曰〕敬罰者,謂 〔疏曰〕《釋言》云:「弇,同也。」同 商所受天命,同治 須 暇 五 年。 《尚書》疏。 我 爲 萬 周

信南山》、《大雅·韓奕》傳義也。即此欽罰意也。甸、治、《毛詩·小雅·紂,是天意須暇紂,故使武王遲至五年,須夏之子孫。」謂武王即位五年而後伐領夏之子孫。」謂武王即位五年而後伐、秦曰〕王以「欽罰」爲「須暇」者,欽訓

口反。

『焯見三有俊心。』之若切。」考《覲禮》:「四馬卓上,九馬文》卷十上火部云:「焯,明也。从火,卓聲。《周書》曰:有俊心,以敬事上帝,立民長伯。〔案曰〕《説「亦越文王、武王,克知三有宅心,灼見三

非也。 (俊)、石經闕、故于此言之。據《説文》引作「俊」、則石經 是也。「俊」、《隸釋》云:蔡邕石經作「會」。上文曰「三有 是也。「像」、《隸釋》云:蔡邕石經作「會」。上文曰「三有 所之。」鄭注云:「卓讀如卓文君之卓,猶酌也。」是卓有灼

士,司徒、司馬、司空、亞旅,《釋文》曰〕趣,七、可徒、司馬、司三、太史、尹伯、庶常吉衣、趣馬、小尹,左右攜僕、百司庶府,大都「立政,任人、準夫、牧,作三事,虎賁、綴、丘正長。謂郊祀天,建諸侯。然見三有賢俊之心,故能以敬事上天,(傳曰〕文、武能知三有居惡人之心,灼

任、準人及牧,治爲天地人三事。趣馬,準夫,準人也。牧者,諸侯之長也。《尚华夫,準人也。牧者,諸侯之長也。《尚〔王曰〕文王所以立政。任人,常任也。

● 「南」、《經典釋文》作「甫」、是。

<u>궁</u>

「繼自今,我立政,立事

、、準人、牧夫,

(克灼知厥若。]又云:「自古商人,亦

内

官

舉任

人、準夫,外

官

舉

牧。

故下

朝

臣

,故不言牧。

前已備文,故此

不

伯、

綴衣、虎賁,惟

舉

内外要官言之。

前

有

常伯、綴衣、虎賁、不言牧、此

不

伯、綴衣、虎賁

而言牧者,以前文

先

夫,則準人也。

牧者,前云「宅乃牧」也。

(疏曰)任人,前所云常任六卿也。

文、武未

伐紂,特舉文、武之初以爲法。

臣。 克宅 包在 也。 之僕,謂寺人、内小臣等也。 趣馬之下猶有小官也。 趣馬即下士,其馬一匹,有圉師一人,是 卿,亦爲小尹之官。 以 越 之屬,以身 之小長,謂 其下賤人,非百官有司之身也。 謂百官有司之下,主券契府藏之吏,謂 也,虎賁、太僕皆下大夫也。 此三公六 飲食。」是掌馬之小官也。 匹,立趣馬 事 我 ·太宰職》云:「乃施則于都鄙, 其都 《周禮》趣馬爲校人屬官,馬 下之屬官。三官之下小官多矣。 天地,治 之。 周 文 邑之内屬官,謂之小長。 皆 Ŧ. 有道 公卿都邑之内大夫 一人,「掌贊正良馬, 據 立 人民,故以 政, 内 藝,爲民之表的楨 外要官 立 雖文止三官,亦通 事、牧夫、 左右攜 言之。 三事謂 綴衣 百司庶府, 八士及 準人, 持器 是太 ៣ 天 + 幹之 邑 齊 邑 周 僕 其

乎?

榦之臣,及百官有司之職

,可以非

其任

擇人,況大都邑之小

長

了, 以 道

藝

百官有司主券契藏吏,亦皆擇

長

, 必擇

左

右

攜

持

器

物

及

·馬

之官。

虎賁、綴衣、趣

馬三者,雖

伯,長官大夫。及衆掌常事之善士,皆

太史,下大夫,掌邦六典之貳

尹

得其人。此有三卿及次卿衆大夫,則是

七四

卿,長 六卿二 百司 官者。 掌其熕。 也。 此 副 作《立政》之篇,必在制禮之後。 爲史官之長,大司樂爲樂官之長,如 典之貳,其所掌 典、刑典、事典、六卿所掌者也。 之六典。」太 邦之六典」。 類皆是也。 長官大夫。 文、武 則 卿之大夫,若《 也。 爾。 (周禮》「太史,下大夫二人」,「掌 謂 其大夫及士不爲長官者, 未伐 其 此有三卿及次卿衆大夫,則是 ^ 周公攝政之時 六典,謂治典、教典、禮 泰 兩,設其伍 《周禮》每官皆有長,若太史 卿, 衆掌常事之善士,謂士 又《太宰職》亦云: 史副貳,太宰掌其正,太 紂 誓下》篇云:「王乃大巡六 伍 時 事重,故特言之。 周禮》小 謂 遠舉文、武之 大夫,殷謂 陳其 制禮作 宰之類 殷 掌 《周 掌邦六 初 樂。 則前 衆 尹伯, 兩 是也。 典、 以 爲 建 謂 爲 此 政 史 邦 建 兩

> 紂之時 徒、司 誓戰者]也 師 馬、 師 則六 司 立. 空,舉三 六 卿 軍 矣。 也, 軍將皆 卿者,彼傳 《牧誓》 命 亦 卿 云「指 云「司 即 伐

其後 屬 疑即 等三卿,即 注 者、上文「宅乃事」爲「常任」,即 而 則此正宜分配,孔傳本之王注也。 于文王,故專舉之。 此當兼文、武也。 宅乃牧」爲州長、「宅乃準」爲平 案日]王云[文王所 改其 已亡,無 官 作《周 三公也。 太 太 一仍之可 在 、史屬 禮》, 可 故多不 任 依據, 偽 此 人數中,而又别言之者, 春 因 節略舉文、武時 也。 又云「任人常 官 同。 而 以立政」者,王業成 上文並 損益之,或仍其 傳行來已久,今不 餘俱 惟 虎 無 貴、趣 稱 明 任 武 文。 官制, - 法者, 六卿, 上云云 王 馬 司徒 職 則

夷微、盧烝,

也。 微、盧」,以見彭、濮等諸夷也。 總之,故傳言「蠻夷微、盧之衆帥」。 文「阪」下言「尹」,則「夷微」以下以一 誓》所云有「微、盧、彭、濮人」,此舉「 傳 日 此篇所言,皆立官之事,此 夷微、盧之衆帥。「 疏 經惟 烝 曰 訓 牧 下 尹 衆

(案曰)傳以烝爲衆帥,疏并以帥爲即下〔案曰]傳以烝爲衆帥,疏并以帥爲即下

「三毫阪尹。〔《釋文》曰〕阪,音反。

《書傳旁通》三卷。○《毛詩》二十之三卷《商頌·玄鳥》言》三卷。○王天與《尚書纂傳》三十五卷。○陳師凱奇《尚書全解》十八卷。○又十九卷。○蔡沈《書集分爲三邑,其長居險,故言阪尹。蓋東分爲三邑,其長居險,故言阪尹。蓋東入爲三邑,其長居險,故言阪尹。蓋東、漢四□三亳者,湯舊都之民服文王者,

賢。 爲:「三亳,三處之地皆名爲亳。蒙爲北 疏。 滅,既無要證,未知誰得。 亳,穀熟爲南亳,偃師爲西亳。」古書 地尹長,傳言山阪之地 言以文王爲主爾,亳歸是武王時也。 文王者,以此章雜陳文王、武王時事,其 應歸之。鄭、王所説皆與孔同。 經傳未有其事。 三所, 云舊都分爲三,「其長居險」。 何處也。鄭玄以三亳、阪尹共爲一事, ○《周書·王會解》。 六卷《地 ○無名氏《逸齊詩補傳》二十九卷。 [疏日]亳是湯舊都。 爲之立監,及阪地之尹長,皆用 理門》。 〇又再見。 [傳日]亳人之歸文王者 文王既未伐紂,亳民不 ○《通 立長 亳人歸文王, 鑑地理通釋》四卷。 爾,不知指 皇甫謐以 ○《玉海》十 言亳歸

爲湯舊都也。」《漢志》河南郡偃師縣,注云:「亳,今河南偃師縣有湯亭。是亳者、《帝告》、《釐沃》序云「湯始居亳」,鄭〔案曰〕鄭以三亳爲湯舊都之民分三邑

即 熟 謐 鄭 連 郡、弘農亦 惟降谷不 縣《漢志》及司馬彪《續漢志》並 者,成皋縣 時 必 有穀城縣,縣 面 其 殷 以 事 爲 以 則成皋、轘轅、降谷 驗 推求其地,雖無明文,云蓋以疑之, 降谷,降古讀 兩地,故 南亳。 偃 爲三毫。毫北 實 居 師 而 所 分爲三 師 而 言 都 險 距 爲 知所在。 有函 知 即 分載之耳。 鎬 三亳,蓋文王三分天 也。 案《續志》梁國屬 西 也 邑也。 有 虎牢, 轘轅關 京 與 函 以若洪, 谷關者 鄭合也 不甚遠,當是 此 一谷關。 成皋等皆 而 近大河,就東西南 《續志》河 漢學 又言「 别 與偃 聲 意者穀城之函 以蒙 以 轉 《志》又稱 也。 此 師皆附近, 在緱氏 東成皋」云云 山谷深邃 而 經 山險, 爲北亳, 縣 南 其 疏引皇 指 相 有 屬 下 所 亂 民 説 縣,二 河 故 屬 皆 有 與 弘 文 一, 介 穀 故 ? 農 其 要 谷 又 干

謐又 皆以 亳,穀 即 者。 疏 乃是居南亳時事,見《帝告》、《釐沃》 南亳穀熟,後乃遷西亳偃師。「與葛鄰. 寧 南 應天府,隋唐爲宋州,有 之南亳。」歐陽忞《輿地廣記》云: 郡縣志》云:「宋州穀熟縣,殷之所都, 鑿鑿,于是唐張守節《史記正義》云:「 穀 司馬彪自注「湯所都」,此蓋彪本之臣 蒙縣 高。湯 熟 陵,去偃 位,都南亳,後徙西亳。」李吉甫《元 湯 八以《孟 劉昭 隋 《盤庚》言「商先王五遷」,鄭、馬、王 西 熟 唐之宋 始 劉 所 北 南亳」之文。 又 居 昭 有薄, 師八百里,太遠,故知湯本居 都 子》「湯 商 注 引杜預《左傳》注注之云: 也。」諸説 即 州,宋之應 丘,後遷 引謐 城中有湯冢。」皆言之 居亳、與葛鄰」,葛 梁國 一帝 于 皆本之皇甫謐 穀熟縣 \pm 天 亳,當 屬縣又有 世 府, 紀》「蒙 即即 即 五遷之 南 今河 商 在 之 序 京 湯 和 謂 瓚 北

其 分也 人,劉 百里,蒙、穀熟相 亳,宜遠近 康 何于數十里 都 丘,不名亳也。 配 微 可見謐因經云「三亳」,遂造北亳、南亳, 丘 似 成之可信乎! 偃 ,而梁國蒙縣、山陽郡薄縣不言是亳。 本不名亳。 非 子封此,亦以 北 几 師 :無稽,但 里,湯 + 。」大蒙 德 昭梁 也 即 而名三,其實蒙、穀熟,古但名商 里。 府 如 相 本 人,妄相附 商 中强分爲 其 城在 穀熟故城 等。 居 馬、鄭惟言湯曾居商丘 水 丘 觀《漢志》,但于偃師 説 杜 此 湯之舊邑 經 平衍,與成皋等地大不 去只數十里,分之無 , 只 今河 預、臣瓚、司馬彪皆晉 商丘、偃 ,後乃遷偃 注 有東 辨 二、欲以 和 南 在 今商 歸 西一 而封之。 也。 汳 豈如班 師 德 水 師, 一亳耳,奈 相 充數乎? 丘 府 東 既 去 即 縣 商 經 固、 七八 名 言湯 謐 其後 東 大 Fr. 一,商 可 鄭 説 南

> 仍當以鄭爲正。 類,何山險之有而云阪乎? 其辨三也。

蔡邕石經作「維厥度心」。 庶慎,文王罔敢知于兹。〔案曰〕「惟克厥宅心」, 獄庶慎,惟有 人,以克俊有德。 「文王惟 克 厥 司之牧 宅 心, 文王 乃 夫, 克 罔 是訓 立 兹 兼 用 常 于 違。 庶 事、 庶獄 司 牧 庶

衆獄衆慎之事,文王一 王無 求才,逸于任賢。 委任賢能而已。 當慎之事,惟慎擇有司牧夫 立 傳曰 此 派所兼 常事、司牧人,用能 〕文王惟 知于毁譽衆言,及衆刑獄衆所 其 能 是萬 居心 民 無 遠惡 俊 順法 敢 有德者。 而 自知,于此 릲 用 違法, 勞于 乃 能

巳部文。〔案曰〕傳以「以」爲用,《説文》卷十四下

敉,亡婢反。 惟謀從容德,以 亦越武王,率 ○〔案曰〕「此」,蔡邕石經作 惟 並受此 敉 功,不 丕 一丕基。 敢 替 厥 「兹」,以義 〔《釋文》曰 義 德 同 率

七五二

通用。「基」作「其」,基之省也。

業,傳之子孫。 文王寬容之德。故君臣並受此大大基功,不敢廢其義德,奉遵父道,循惟謀從功,不敢廢其義德,奉遵父道,循惟謀從

云:「牧,撫也。」鄭注《周禮•小祝》云:〔案曰〕傳以敉爲撫安者,《説文》攴部

民。〔《釋文》曰〕俾,必爾反。下同。相,如字,馬息亮反。自一話一言,我則末惟成德之彦,以乂我受相我受民,和我庶獄庶慎,時則勿有間之。事、準人、牧夫,我其克灼知厥若,丕乃俾亂,「嗚呼! 孺子王矣。繼自今我其立政、立「敉,安也。」是也。

動相」同。 順者 傳曰」 代之。 和平 小臣 則 及準 繼用 間,間厠之間。話,户怪反 ·我衆 大乃使治之。 政當用 人、牧夫,我其能 今已往,我其立 獄 衆慎之事,如 一善,善在一言而已。 能治我所受天 政大臣,立 灼 是 列則 然知 勿 其

> 對,政大事小,故立政爲大臣,立事 欲其 驗之? 《釋訓》云:「美士爲彦。」故彦爲美。 也。《釋詁》云:「自,用 臣,及準人、牧夫,略舉四者,以 之美,以 政 雩而内改,以 舍人曰:「話,政之善言也。」孫 衰政失,變譍來者,政治也。 云:「德豐政得,災猶至者,无妄也。 可 歷世時至,當固自一,不宜改政。 話、善之言也。」然則話、言是一物 案曰〕王充《論衡》卷十五《明雩篇》 時則物有間之。 成德之彦,以乂我受民。』周公立政 П 得矣。 修雩禮、以 無擇言。 治我所受之民。 周公爲成王陳《立政》之言曰 知非常之物,不賑不至,故 復其 慰 如 自一話一言,我則末 民 此 虧。无妄則内守舊 心。 我 也。 則 故无妄之氣, 疏 終 政治,則外 話,言也。」 惟 總諸 有 炎曰: 政 何以 爲 成 相

據此 勅成 《易》无妄,鄭讀妄爲望,言无所望。 終義,見《召誥》。 中四千六百一十七歲,各以數至。]王充 易。」據此則「勿」當作「物」,謂災物 有九,陽阨五,陰阨四,合爲九。 逵《吴都賦》注引《易・无妄》曰:「災氣 魏晉人,擅改古訓,非也。 必 $\tilde{\pm}$ 晚周學者相 以説此經爲災物間至,不宜改政。 自一話一 一言,政 傳古訓,當从之。 偽傳 事 無 非,毋 傳以末爲 一元之 敢 也 劉 變

子文孫,文王之子孫。 〔傳曰〕嘆所受賢聖美言,皆以告王。文

傳、《大雅·思齊》箋義也。《釋詁》云: 〔案曰〕傳以徽爲美者,《小雅·角弓》

> 妙之言。」然則作微亦通也。 仲尼没而微言絶。」顔師古曰:「精微要《仲尼微言》。」《漢書・藝文志》云:「昔《論語撰考讖》曰:「子夏六十四人共撰「徽,善也。」善亦美也。蔡邕作「微」者,

[《釋文》曰]繹音亦。 夫、準人,則克宅之,克由繹之,兹乃俾乂。「自古商人,亦越我周文王立政、立事、牧

天下治。 賢之法,能居之于心,能用陳之,此乃使此故能使天下治也。《尚書》疏。 〔傳曰〕用 「王曰〕能居之在位,能用陳其才力,如

〔案曰〕王以繹爲陳、《釋詁》文。

世」不成文,義未詳。
世」不成文,義未詳。
「國則罔有立政用險人,不訓于德,是罔顯[國則罔有立政用險人,不訓于德,是罔顯[國則罔有立政用險人,不訓于德,是罔顯

憸人不 吉士用勉治國家。 周賢聖之國 日〕險,利 ·順于德,使其君無顯名在世。 一; 無 佞 有 人也。《 立 政 用 釋文》。 檢利之人 「傳 日 者。 惟

儉人」, 聲。 册。 《釋文》「憸本又作思」。 經古文本借 訓問則非此經之義。 古字多假借,意 卷三上言部譣字注云:「問也。 《玉篇》卷上第八十七心部同是也。 同 文》心部,注云:「疾利 于上,佞人也。从心,僉聲。 卷十下心部憸字注云:「憸,詖也。 而 與? 《周 音 息廉切。」疾利口 理應 又同,故得兩 馬云「險,利佞 書》曰:『勿以譣人。』息廉切。」 傳又以勸爲勉者、《説文》卷十 用 與 論字, 上儉 人是一。 通 而義仍作「儉利 即 人也」者、《説文》 也。 П 是佞 **想字亦見《説** 也。 其下「勿 ,則二字義 而《説文》 息廉切。」 从心,从 从言,愈 憸利 此 佞 以 據

> 今文子文孫,孺子王矣。 三下力部 莫話切。」是也。 用 勱 勒字注云: 相 我邦家。』讀 「勉力 其勿誤于庶 若 属 也。 ,从力,萬 周 獄

至于海表,罔有不服,以覲文王之耿光,以「其克詰爾戎兵,以陟禹之迹,方行天下,衛欲其重刑,言有司牧夫欲其慎官人也。「孫曰〕上有庶慎、立政、立事、牧夫、「集日〕獨言衆獄、有司、欲其重刑,慎官惟有司之牧夫。

服兵器,●威懷並設,以升禹舊迹。方,文》誤作「賓也」,从原本改。〔傳曰〕當治汝戎〔馬曰〕詰,實也。《釋文》。○〔案曰〕注疏采《釋

政,其惟克用常人。〔《釋文》曰〕詰,起一反。

揚武王之大烈。

嗚呼

!

繼自今,後王立

以 四 見祖 方 之光 海 表 明, 蠻 揚父之大業。 夷戎狄。 四 夷 賓 服 所

諸侯 也。 爲 問。 州 制 大界方三千里,三三而九,方千 四海之内九州 分爲九州,州各方千里。 《王制》云: 「凡 殷湯承之,更置中國,方三千里之界,亦 弼 故即以實訓 諸侯之地有方百里,有方七十里,有 也 成 則惟 ,爲方七千里。 方萬里。 國。」鄭注云:「《春秋傳》曰: 。」《王制》又云:「凡九州千七 于 其一爲縣 五服,至于面 但《左傳》每言「軍實」,則軍貴 馬 塗 謂 云「詰,實也」者、《説文》詰 Щ, 中 詰也。云「陟禹之迹」者,禹 要服 或 執玉 ,内餘八,各立一州, ,州方千里。」鄭注云:「此 爾。 以内爲 夏末既衰,幅 各五千里, 帛者萬國。』言執 中 或 中 而言 國,分爲 四面相 萬 | 幔減 里者 國, 禹 百 此 九 九 則 訓

禮 服 Ŧī. 服,又其外方 五. 服,又其外方 Ŧī. 輔 里爲九州,故曰 九,亦爲方萬里,亦以要服之内方七 符,故推以 夏初,疆域皆不合,下考之《周禮》,亦 制 千里之界,亦分爲 地 方 七十三國焉。」鄭必以《王制》所言 地 百里 百里 百 ,又其外方五百里曰 成王致太平,復禹之舊, 者,以中國方三千里,上稽之唐 減 方 五. 十里。 里 職方氏》:「方千里曰王畿, ,國數少,殷湯承之, 七 千 曰夷服,又 曰采服,又其 曰侯服 里, 爲殷湯承夏之衰而 禹 $\overline{\pi}$ $\overline{\pi}$ 乃能容 承 ",又其 百里 百里 一陟 堯舜 其 九州,而建此 禹之迹」也。 之。 日 外 外 曰男服,又 而 藩服 蠻服, 方 方 然矣,要服之内 方 更制 夏末既衰 Ŧi. 五 五. 分其五 百 百 中國 又 然。 其 里 其 周 其 千 服 方三 外 外 爲 周 虞 日 \Rightarrow 周 千 及 甸 方 爲 殷 百

服,其 侯服 州矣。 里。 之弼 與周 輔 服 城 服 弼當男 服」下言「九州之外」, 下乃云「九州之外 禹 面 耿 職 丽 Ŧi. 五. 爲 相 ,聖省聲」是 光」爲光明者,杜 方氏 成之 要服 當 距 百 服 四 方 鎮 弼 方 里 面 其 服 其 外 鄭注《皋陶謨》云:「禹 而 萬 當 》同 服,其 相 七千里,是九州之内 相 五. 夷 日 成之,至 里 衛服。 當, 五百 其 外 距 服 甸服,于周爲 也。 服 而 也。 方 弼 去王城三千五 以「蠻 ൬ 萬 又其 當藩 里爲侯服,當 又《大 五百里爲 其外 《説 面各五千里。」「去 分 爲 謂之蕃 里。」是 林 則 外方五 服 説 服, 文》曰:「凡字 五. 行 要服之内,爲 九 」爲「要 耿, 百里 王 人 者 周 去王 國 緩服,當 畿,其弼 職》 敷土 之 也。 百 光 也。 百 回服, 爲要服, 九 里。 城 里 服 所説 也 事,廣 傳 服 要服 五. 日 采 王 千 荒 四 其 要 以 即 九 其 與

以長我王國。 周公若曰:「太史,司寇蘇公,式敬爾由 施 《左傳》云:「昔周 此 封 文,必得其實,作「鮮光」者,非 忿生以 官人之制,故告之。 不 小。 昭,猶耿耿,小明 左形 傳 耿, 其光耿于民矣。」王逸《楚辭章 鮮光」,故 行 重 蘇 法 日〕并告太史。 然則「耿光」即光明,杜林 有 明 右 或 ,蘇公所行。 于我王 國 温 所慎 也,光 也 ,能用法。 爲 許 兹式有慎,以列用中罰 國。 司寇。」是忿 行, 蘇 杜 氏 也。」鄭注 是 説 不 必以 也。」本 言主 國名, 非 克商,使諸 從 太史掌 敬汝所用之獄,以長 忿生,爲武 也。」考蔡邕石 **「**疏 其 其 一獄 説。 列 當 所都之地, 生 訓 中庸 日 六 用 求蘇 明,故 爲 [《]外 、典,有 中罰,不 武 侯 成 也 傳 撫封, 王司 王 公之比。 句 傳 + 日 漆 亦 司 其邑 廢 書 可言 經 日 日 寇, 獄 古 年 置 輕 昭 作

故告之。 以副貳太宰,是太史有廢置官人之制,置、生、殺、與、奪之法。太史亦掌六典,「以八柄詔王,馭羣臣」,有爵、禄、廢、名温,故《傳》言「以温」也。《周禮》太宰

《漢志》河内郡温縣「故國 國。 所封」, 秋》蘇稱子,此云公者,子爵爲三公也。 今河内温縣。」是蘇在東都畿内也。 曰:「蘇忿生,周武王司寇蘇公也。 忿生之後,蘇國 公也」,傳:「蘇,畿内 與鄭人蘇忿生之田」温等十二邑,杜預 [案日]傳以蘇公爲武王司寇忿生, 懷慶府。 碑》云「膺姿管蘇」,洪适云: 《詩・小雅・何人斯 疏引《左傳》封温者,是劉子、單子 與 傳 《隸 及杜 釋 在 預 》卷十二《荆州 温。」《隱十一年 、合也。 國名。」疏云:「 序》「蘇公刺暴 己姓,蘇忿生 温縣 「范史言 今屬河 從 事 封蘇 《春 温, 蘇

> 謂 律 于刑法者,故周公命太史用其法也。 夷吾與 謝 皋 蘇 (忿生也。) 然則忿 注 以 蘇 爲 忿 生, 生固 此 云管蘇 所稱善

尚書後案卷二十四

七五七

尚 書後案卷二十五

成

王

一崩年,經典不載。

《漢書·律歷

月

7

六 日

王.

有

疾,故

不

- 悦懌。

疏

日

東吳王鳴

周

盛學

以爲成王即

位三十年崩,此劉歆説也。

日甲子,哉生魄」,即引此《顧命》之文。

云成王即位「三十年,四月庚戌朔

一十五

月哉生魄,王不懌。〔《釋文》曰〕懌音 命 書 亦,馬

位幾年崩。

孔以甲子爲十六日,則不與歆同。

鄭云

知

即

二十八年,傳惟言「成王崩年」,未

顧

續其下云「至此三十年」,文義乃備也。 政之年數至崩年也。 具言此者,鄭注《金縢》,據《大傳》、《大 于七年,加二十八年,故三十年也。 六年,制禮樂,至此積三十年。」 居攝終 知者,鄭于《康王之誥》注云:「周公居攝 年端」者、《詩》疏引此注,割裂不全,當 〔案曰〕鄭云「此成王二十八年」者,自 ,年十三,將踐阼,稱己小 武王崩,成王 又云「居攝六年爲 年十歲。 , 求攝。 三年喪 鄭 即

作釋。

端。

《尚書》疏。

○林之奇《尚書全解》三十

七

鄭

曰]此成王二十八

年,居攝六年爲

年

外紀》三卷。

〔馬曰〕不釋,疾不

· 解也。

《釋

○劉恕《通鑑

傳

曰〕成王崩年之四月,始生魄,

○《毛詩》十九之一卷《周頌·烈文》疏。

本作「不釋」。

○〔案曰〕懌,俗字、《説文》所無,當從馬

惟

四

公歸 庚戌 《三統歷》云:「成王元年正月 生《大傳》云:「居攝 流 四 歷 如此則營洛之年應閏在九月,又不合 年事,據其 伯禽侯于魯之歲也。 即 誉 一月三月」讀 以爲後三十年乃崩,則 政 歆 |成周, 朔,十五日甲子 法 元 十九也。 政,年二十二。 七年致政,作《洛誥》。」歆乃并爲 四月」。」云云。 不合。 年 成 周 鄭 事,見《洛誥 公 六年制禮,七年致政 王 既 年月 年 澼 爲「一月二月」, 歆 分爲 $\dot{+}$ 《漢書 居 又 Ħ. 日 以 東 兩 ·哉生 五. 律歷志》載劉 即政二十八年崩, 即 即 以 命 十五 \equiv 年, 年營洛邑,作《召 》,鄭 後三十年 推,恐不可信。 伯 居 一霸 年 與 又以《召 鄭不合。 禽固是 攝元年。 日 説 感 己 故《顧 則所 爲 亦 ,明年成 風 巳朔,此 一哉 如 推自 成成王 四 此。 命》 伏 歆 生 月 五 迎

但

且

即

曰

年

年

疑, 表,無 是爲 樂之 年。 子是 豈 咸 説 霸 年月,或頗 誥》 十二月戊 口 月是己巳 魄」不合,尤爲 王 车 年 考 不 也 不 蓋 數。 敷 自 哉 太 確 四 與《禮 同 年 故 其慎也。 年表,其 説詳《康 平, 鄭 月十 數 乖異。 稽其]朔,《 然歌 有 具言此,明三十年者 也。 四 有,然多闕,不可録。 鄭 故有從致太平 記 Ŧi. 月 所 辰是晦 譜 言云孔子「序《尚書》略 既有 • 説 日 顧 制 建 舛謬。 據 夫子之弗論次其年月 開牌終 余讀牒記, 鄉 禮 命》 卯 蓋 《史記》三代 此 亦即是哉 一二十八 飲 樂,朝 月 亦 始 四 説 酒 成 然 也 牒 . 月 是 五 義 王 想當· 則 記 諸 之 德之傳,古 哉 黄帝 即 歆 年數 年, 庚戌 生 之類,今不 侯 生 政 時 所 霸 于明堂, 化但爲 魄 以 疑 元年 相 起, 推 朔 來 日 則 Ŧi. 文 世 傳 無 成 條 正 甲 成

逃。顏音悔。《説文》作「沬」,云「古文作類」。
甲子,王乃洮頹水。〔《釋文》曰〕洮,他刀反,徐音者,《説文》二上采部:「釋,解也。」是也。可考其何日矣。 馬以「不釋」爲「不解」非。下文「甲子」之上無越幾日字,則不非。下文「甲子」 直認,傳云十六日尤日。歆云「十五日」固謬,傳云十六日尤

靧 靧 面 臣 面 傳》裴松之注。 鄭曰〕洮 俱 也 必 用水。 疏 類是洗 齋 内則》子事 《釋文》。 曰〕禮,洗手謂之盥,洗 戒沐浴。 頮 「馬 爲濯。《三國・吴志》十二卷《虞 面 (傳 知洮爲 日 父母「面垢, 今疾病,故但洮 〕洮、洮髮 日〕王發大 盤手。 也。 命 言水,洮 燂 面 頮 潘 謂 臨 盥 請 之 頮 羣

祧 祧 (案日) 字,亦 ,原不改洮之義。 職》云:「古文祧 鄭以洮爲 或又借濯 濯者, 爲濯 爲 鄭注與 洮 E。」則古 学,則 鄭注《周 馬 鄭 同 者借 更 禮 也 作 濯 爲

水洒 也。 《説文解字》義多不備,其實則洮亦濯 翻 非,誠可怪也。 澣衣成事。 書》違失云:「《顧命》『洮頽爲濯」,以 究宜以《説文》爲正 从少,从又。 切。」《説文》卷三上奴部云:「竦手 也。」又重文「懨、古文沫、从頁」。 又加「廾」,則《説文》無此字。 洮但云「水名」,沐則云「濯髮 石"洮, 不知 聚 言有不可信,如「柳谷」,鄭注云: ,則經實無此 篇》卷中之二云:「頹,古文沬。 爲 面當用 類,類面」者,水部又云:「沫 柳 蓋闕之義。」若鄭果以爲澣衣 洮髮」者、《説 『洮』字虚更作『濯』,以從 日入時具五色,故 兩 居竦切。」今變隸作廾。 天子類 手, 意,誠宜 則加廾 也。 文》卷十一上水 面,謂之澣衣,甚 虞 爲 似 翻 翻 奏鄭 亦 所 可 也。 「柳谷。」 郭忠 通 解 呼妹 今本 洒 1 尚 成 其 然 掬 髮 但 部 面

又鄭注 分析即 之。 信 ? 也。 爲翻所誣,故特辨之。 後,亦非 誣 和 也 仲 鄭 至其駁鄭之以同 度 此條鄭 分别 亦以 鄭 西 也。 解 \equiv 禮 也。 八 柳 注但 據此諸條,則翻 分八三苗」云:「分析 谷。」乃 爲古「别」字,故言分析, 縫 翻 三云洮 人》引《書》曰: 以 爲 爲鄭讀爲北,亦 翻 濯 酒桮 謂 ,無澣衣之語, 鄭 者,辨説 作「昧谷」, 言何一 分命 可 誣

皮冰切。」今俗作馮,又加心,非也。 「凭,依几也。从几,从任。《周書》:『凭玉几。』讀若馮,《字林》同,皮冰反。○〔案曰〕《説文》卷十四上几部云:《写林》配,皮冰反。下同。《説文》作「凭」,云「依倚也」。相被冕服,憑玉几。〔《釋文》曰〕被,皮義反,徐扶相被冕服,憑玉几。〔《釋文》曰〕被,皮義反,徐扶

憑玉 冕,玄冕。《尚書》疏。 鄭 之服加王身也。 曰〕相者,正 元,以 〔傳曰〕扶相者被以冠冕, 出 命 王服位之臣, / 疏 ○林之奇《尚書全解 鄭以爲玄冕,知不然 曰〕謂 以 衮冕朝諸 謂 加 太 朝 僕。 服

> 也。 位設黼扆, 扆前 王見羣臣,當憑玉几。 衮冕而 者,發大命不應惟服玄冕。 《周禮·司几筵》云:「凡大朝覲,王 有玉几。 南 此既 向,設左右玉几。」是 憑玉 几,明服 《覲禮》王 衮 服 冕

皆祭服 故知此 僕人師 視朝 覲 弓》云:「扶君,卜人師扶右。」卜當爲僕, 職》云:「掌正王之服位。」又《禮記 其以冕服 在 又云謂「太僕」者、《周禮 《周禮 [案日]鄭以相爲「正王 ,蓋在路門内之内朝,不于廟中,特以 |禮》云「天子衮冕」者,以受諸 廟 輕 中 于祭 即太僕也。 也。 相爲太僕也。云「冕,玄冕」者, 司 故服 加 服職》冕服有六,玄冕爲下, 視 王 祀,故皮弁也。 冕服之尊者。 朝 身,知是正 則皮弁服,弁卑于冕。 是太僕又扶君疾者, 服 夏官太僕 位 王服位之臣。 之臣」者,以 而《儀 此 侯朝覲, 時 · 檀 顧

服 經之義也 將崩,體被冕服 》篇云:「顛沛 重 , 自是玄冕 大事 加 也。 于尋常 ,然後發顧命。」是説 耐 不亂者,成王其人也。 徐 幹《中 視 朝 論》卷上《法 等, 則 此 冕

表》「彤」作「師」,「虎 公、師氏、虎臣、百尹、御 乃同召太保奭、 姓。 篇。 纂傳》三十八卷。 封,武王母弟。 爲宗伯,畢公入 芮,如鋭反。彤,徒冬反。 衛風・淇奥序》疏。 鄭曰〕公兼官,以六卿爲正次。 師凱 ○林之奇《尚書全解》三 [王日]彤,姒姓之國。 畢、毛,文 《書傳旁通》六卷上。 通 鑑外紀》三卷。 |作「龍 ○董鼎《書集傳輯録纂注》六卷。 芮伯、彤伯、畢公、衛侯、 王庶子。 治事, 爲 ○又十八之二卷《大雅・ 司 馬。 ○陳櫟《書傳纂疏》六卷。 傳日]同召六卿,下 十七卷。 蓋 ○[案日]班氏《古今人 事。 羣士也。 《毛詩》三之二下 衛 〔《釋文》曰〕奭音 其餘五 侯, 〇王天與 康 芮伯 叔 或 桑柔 尚 書 毛 所 姬

卿,舉 賁氏。 領之。 高官兼攝下司者,漢世以 者。〔疏曰〕太保是三公官名,畢、毛又 領之。 矣。 天子三公,皆以卿爲之,不 次第也。 侯爲司寇,而位第五,知此先後是六卿 公,而與侯伯相次,知六者是六卿。 亦稱公,知此三人是三公也。 三人是三 爲天子公卿。 司寇第 三, 彤伯爲之。 至 御 定四年《左傳》云:「康叔爲司寇。」 「召公領之」,「畢公領之」,「毛公領 此先後 治 ·其本爵,見其 召、芮、彤、畢、衛、毛皆國名,入 五,衛侯爲之。 司徒第 百尹,百官之長。 事 以三公尊,故特言公。 六卿次第,冢宰第 太 師氏,大夫官。 保、 二,芮伯爲之。 司馬第四,畢公領之。 畢、毛 以 國 司空第六,毛公 稱 君人爲卿 及諸 來 -復别 謂之爲領 虎臣, **沉置其人。** 宗伯 御 其餘三 則 治 召公 \equiv 虎 事 公 衛

知 之長。諸御治事,謂諸掌事者。 之上特言之。 王之門。」重其所掌,故與虎 虎門之左,司 士皆被召 此 六人依《周禮》次第爲六卿 氏 也 守中 尹訓 王朝得失之事 大 夫。 Ē 「掌 也、故百 以 美 臣 ,帥其 尹爲 並 詔 也。 蓋大夫 于 王 百 屬 百 官 尹 守 周

皆同。 者,六卿分職 序》、答趙 天子六卿,與太宰、司徒同 公、司馬公、司空公。」鄭注 一公兼二卿,舉 案曰〕鄭云「公兼官,以六卿 與司寇、司 據伏生《大傳》:「天子三公,司徒 此將傳 與宗伯、 召公奭 商 問 法天地四時 稱太保,畢、毛稱公,自 顧 空同職者,謂之司空公。 司 下 命, 以 馬 三公兼師保,則得 爲 同 而 職 稱。」鄭注《君 所召六人,自是 者,謂之司馬 職者,謂之司 ,自虞夏至周 云:「《周禮》 爲正 次

卿爲 司徒 也。 後。 官。 之時,不妨太保居首,太師、太傅反居 官不必備,有其人則設,無則闕。 六卿爲次,而今乃以「芮伯入爲宗伯 師,次太傅,太保當居末。及作而行 之次,故云「以六卿爲正次」也。 蓋三 康叔爲司寇,即此衛侯,適居第五 寇、冬官司空之次,不依三公之次。 師 而畢、毛二人,未知 官司徒、春官宗伯、夏官 太保居首、自是依《周禮》天官 之次,首太師,次 公,自是以三公兼 保之稱。 若然太保既是 然則召公奭以冢 ,似當如 實職,故當坐而 而又云「以 今此 僞 傳 六 太 經六人中有三人 所説。 冢 誰 六卿者,故云「公兼 卿 傅,次太保,今乃 論道之時, 宰、依 宰兼太保無 爲 爲正次」者,三 太 即 司馬、秋官 師 鄭 次 誰 則 亦 家宰、 芮伯 自 則首 爲 、疑矣。 太傅 司 惟 寇 其 司 地 且.

誥 》。 也。 芮 内。」杜預 及 聃、畢、原之屬 蓋 則 有 夫之 采邑,王子弟所食邑,周、召、毛、 注《周禮・太宰職》云:「都鄙,公、卿、大 武公、莊公爲平王卿士」,蓋自古 國 彤 伯 畿 所 紀》胡三省注 西安府 毛、畢皆畿 衛 語》「鄭桓 《淇 是畿 城。 鄭 或 知召、芮、彤、畢、毛皆畿内國者,鄭 内 未 芮、《 旅 巢 縣 也 .諸 詳 奥》詩 云: 畢,杜預云: ',今陝 朝邑 外 形,諸 諸 一公爲 必 而今皆爲王朝公卿, 「馮翊臨 縣 侯 内 在 序「衛 三、其 西 别 命 有 或 畿 儒 召、 周司徒」、《左傳 西 有 序》鄭 南 也 内者。」是太保所 並 地 安 在 武 據 芮、彤、 畢、毛 芮鄉、北 不詳,惟《通 晉縣芮鄉。」 當 府 也。 召地詳 長安縣 在 華 注云: 漢京 州 相 芮 于 州 . 見 《 兆 有 在 鄉 北。 》「鄭 今陝 此 亦 周 西 鄭 鑑 召 食 縣 圻 制

言。 康叔 武 彼 記•夏本紀》:禹姒 安, 武 又以畢、毛爲皆文王庶子者,召公奭、衛 蓋據此。 外,餘皆畿 泉。」上邽,今甘肅 輝 閻 或别有據。 見《水經注 惟《路史》云: 若 疏 王 府淇 璩 一臣皆在 之世。 封已見《君奭》、《康誥 芮,《旅巢命序》鄭注 云出《世本》,作《旅巢命》之芮伯 云 : 見《逸周 陜 其後 縣 其餘 西 此 説 内 》,並不言即毛伯國。 西 名 方則 有 今此 合諸説觀之,六國惟衛爲畿 畢 也。 書》。 「毛伯國,上邽 已詳《康誥》。 安府 芮良 五國,王 原, 芮 成王 伯 非 王以彤爲 鞏昌 治 夫,當 畢 又作《桑柔》詩 亦當即作《旅巢命》 姓,其後 所 陌 一崩 以 府秦州 之在 召公、康 云: 属 爲 》,姬姓 渭 王 姒 藉水旁有毛 毛亦不 皆姬姓,而 「周同姓。」 有彤城氏。 水 一時 今河 姓者、《史 地,毛泉 北 作 《路史》 者。 不 以 叔 南 · 待 在

780

子。 子。 畢、毛也。 十子,與此文略同。 中 曹、滕、畢、原、酆、郇」,是畢、毛皆文王 《魏世家》云:「魏之先,畢公高之後也。 公,或鄭或聃,未可知也。 畢。」不言文王子。 畢公高與周 但僖二十四年,富辰言文之昭十六國, 桓王世。 後魯桓公九 見《周語 王,見《詩序》鄭 管、蔡、郕、霍、魯、衛、毛、聃、郜、雍、 無畢、毛,劉向《列女傳》卷一《母 《管蔡世家》數武王同母兄弟十人 圃 毛叔鄭奉明水」。亦不言文王子。 與 鄭 故王肅據此以畢、 預 蓋皆芮伯之子孫。 非 解文王之子又有 同 韋昭謂是周 年,又有芮伯伐 一 人。 惟以管、蔡皆周公弟爲異,亦 姓,武王伐紂而 《周本紀》云,武王伐 又諫 然則 大夫 厲 此 太保稱名,餘 毛皆文王 王,説榮 曲沃,當周 經 畢、毛者, 所謂毛 儀》篇數太姒 八芮伯。 所謂 高 封于 叔 庶

> 官》也。 文。「虎臣」,傳以即虎賁氏,則《夏例也。「師氏」,疏引《周禮》者,《地官》五人皆不名,當是立文偶然有異,無義

文》曰〕幾音機,徐音幾。瘳,敕留反。彌留,恐不獲誓言嗣,兹予審訓命汝。〔《釋王曰:「嗚呼! 疾大漸,惟幾,病日臻。 既

命汝。結信出言嗣續我志,以此故我詳審教至,言困甚。已久留,言無瘳。恐不得至,言困甚。已久留,言無瘳。恐不得

也,始也。从丝,从戍。戍,兵守也。丝齿,始也。《説文》卷四下丝部云:「幾,微别如順《釋文》云:「漸,劇也。」是大漸爲殷敬順《釋文》云:「漸,劇也。」是大漸爲以。」等計傳》云:「季梁得疾,七日大漸。」

七六六

龍反。麗,力馳反。肄,徐以至反,又以制反。 肄不違,用克達殷,集大命。 〔《釋文》曰〕重,直 昔君文王、武王宣重光,奠麗陳教則肄。 爲 長 至,亦《釋詁》文。 而 而 也。 也。 久者、《説文》卷九下長部云:「镾, 》篇鄭注云:「病謂疾益困。」是也。 兵守者, 「詳,審議也。」是審、詳得互相訓 从長,爾聲。」是也。 審爲詳者、《説文》卷三上言部 也。」 言困甚者、論語 是幾爲 危 今俗从弓, 殆 也 · 述 也

に馬 故曰 勞而 光累聖之德,定天命,施陳教,則勤 月朔旦冬至,日月如疊璧,五星如連珠 晝夜代明,皆有光采。 案日」馬 》謂之「三光」。桓二年《左傳》謂之 重光。《釋文》。 不違道,故能通殷 重光,日月星也。 云「重 光,日月星」者,日月星 〔傳曰〕文、武布其重 爲周,成其大命。 《禮記 太極上元十 鄉 飲酒

《漢 華,旦 歷》晦 兼 焉,故云 德。 月,衆輝 爲太子,樂人作歌 子夜半朔旦 海重潤。 豹《古今注》卷中《音樂》篇云:「漢明帝 爛然星陳,日月光華,弘予一人。」」晉崔 和歌曰 牛分度,夜盡如合璧聯珠也。」説與此 星如聯珠。」 三辰 在 同。 日月星也。 • 律歷志》云:「淳于陵渠復覆《太初 朔 一日重光,二月重輪,三星重輝 0 朔弦望,皆最密, 復旦兮。」八 考日 旦,日月疊 重爾。」然則喻王者之光明,皆 如星,霑潤如海。 天子之德,光明 『卿雲爛 伏生《大傳》云: 冬至 月疊壁,必 孟康注云:「謂太初上元 「太極上元」云云者, 一時,七 伯 兮,禮縵縵兮, 壁矣 詩 和 四章,以贊太子之 曰 : 在 曜皆會聚斗、 而 日月如合璧,五 如 太子皆比德 『明明尚天, Ŧi. 旦, 日,規 星 未必皆 假 日月光 百 輪 使 Ι. 牽 甲 四 馬 如

782

詰 ※: 《説文》卷三下聿部云:「隸,習也。」重文 夫孔 義同 亦訓 蔡邕石經「達」作「通」,「集」作「就」。傳 篆作為,今俗作肄,肄習是有勞義也。 守」,鄭注云「定地守」是也。 大明》傳與《小旻》同 通,達 就」,是集讀爲就,與咎協 年僅 以 咎。」傳云:「集,就也。」《韓詩外傳》作 也 奠 也。《毛詩・小雅・小旻》云:「謀 多,是用不集。 達爲通。《説文》卷二下辵部云: 「就,成也。」傳亦訓集爲成,是二字 **戸**爲 計 有 也。」是二字轉相 定 之 日 事 月 者、《周禮 ,或文、武 壁,五 也 發言盈庭,誰 · 大 星 盛 聯 韻 時 司 訓也。 肄爲勞者, 有此 珠,乃數 徒》「奠地 《大雅 瑞 敢 **《釋** 千 執

敢昏逾。〔《釋文》曰〕侗、徐音同、又勅動反。馬本「在後之侗,敬迓天威,嗣守文武大訓,無

武 命,言奉順繼守文、武大教。 逾越,言戰慄畏懼 馬 後之 E 詷 侗 ,共也。《釋文》。 稚, 成 Ŧ. 自斥。 (傳 敬 迎 無敢 曰」在文、 天之威

《左傳》「以 《周書》曰:『在夏后之詞。』徒紅切。」作 所共尊奉 爲君,則「夏 有夏」,皆謂 夏」、《堯典》「蠻夷猾夏」,《立政》「伻我 云: 成王自謙 氏古文真本也。 詷與馬合,而又以「後」爲「夏后」,此孔 卷三上言部云:「詷 案日」馬 ,亦《釋詁》文。 迓當作 訓 鋪 同 筵,設同 侗稚 者 以 爲詞,亦取共義。 屬 侗 中國爲夏。 后之詞」,蓋謂 ,謂天子也。 諸夏」、《定 作詷 非也。 僞孔改爲「在後之侗」, 几。」鄭注云:「同之言 共也。 訓 爲共者、《 《禮記 《釋詁 十年》「裔 訝 傳 中國 从言,同聲。 以 襄十三年 也 祭統》 迓 以 君 説文》 爲 長 不謀 之

以

越也 書》曰: 辵部云: 逾 |爲「昏 逾 無敢昏 , 越 亂 逾 進 逾。』羊朱切。」是逾 越 也。 者、《説 从是,俞聲。 文》卷 《周 爲

注疏所 補 王作勖。 招,徐之肴反。夫人,如字。冒,亡報反,一 以釗冒 安勸小大庶 用敬保元子 '今天降疾,殆 采《釋文》自「夫人」以下皆脱去,今從單行足本 貢 貢如字,馬、鄭、王作贛,音勅用反。 于非 邦。 釗 弗興 幾。」〔《釋文》曰〕到 弘 思夫人 濟 、弗悟 于 八自亂 艱 爾尚 難 于 明時 ,姜遼反,又音 威 柔 音墨,馬、 遠 儀 〇〔案日〕 朕言 能 邇 鄭 無

釗,康 我言, 臣 遠 「馬 從足本補人。 皆宜 又 日 和 起不悟。 王名。 勿忽 思夫人自治正 近 贛,陷也 ,安小 略, 〔傳曰〕今天下疾, 大度 言必死。 用奉我言敬安 大衆 《釋文》。 于 國, 艱 于 難 〇[案日]注 威 汝當庶幾明是 勸 勤 勤 儀 使 我身甚 德政。 爲 太子 善。 有 疏 威 脱 危 去 可 和

(案曰)傳以殆爲危、《釋詁》文。興到冒進于非危之事。 畏,有儀可象,然後足以率人。汝無

若坎 足。 文》卷 勖贛 從冒 云: 進」,冒固有 翄,取其相背。」 謂違理背義之事 爲惡,或進 于此無取。但古字多以音同假借,勖既 王作「勖 爲治,亦皆《釋詁》文。 幾爲尚,轉 起、《釋言》文。 了; 坎 「勖,勉也。 也。 馬以贛 得聲, 繋辭 **干** 一 義 傳 贛」者、《説文》卷十三下力部 下非 下》傳「禁民 爲陷,故訓 而冒觸,或退而墜陷,故兼 相 以 進 爲陷者,贛從竷省聲。 故即借爲冒 訓 非 義 也 尚爲、 从力,冒聲。」 勖勉之義 部 ,但貢字 幾」爲 云:「違 時 庶 「贛,陷也」。 爲非」之非。 爲是,弘爲大,亂 「冒貢」,馬、鄭、 幾 非 也。 無 者、《釋言》 也。 危」者, 解,于義 傳云「冒 从 也 飛下 凡 非 《説 讀 庶 如 人 不 爲

訓危、《釋詁》文。

字隸變作既,从皀,偏傍同即,相似而誤。兹既受命還,〔案曰〕「既」,蔡邕石經作「即」。蓋六二

卿 同。 位。 于 侯燕位與射位 進,皆北 皆北面,公命爾卿東方西 位,與射人同,是天子之朝位與射 同。」鄭知然者,以《周禮》司 鄭云:「不言士者,此與諸侯之賓射, 面 不與也。 傳曰〕羣 西 内西方東 ,孤東面 君之禮同」。]《周禮》:「射人掌三公、孤 面,大夫北 案《燕禮》,小臣納卿大夫, 三公北面,孤 画。 凡朝燕及射,臣見于君之禮 臣已受賜 面 卿 《大射禮》其位亦然。 大 同,故云「朝燕及射,臣 但天子臣多,故三公北 面。 夫 其人門當 東面,卿大夫西 西 命,各還 其 面 士與天子同,皆 。諸侯臣 面,爾大 立定位 士掌治朝之 本位 、卿大夫之 卿 如 少,故 夫 是諸 面。 禮 大 此 夫 疏 少 位

> 退還本位者,謂還本治事之位。 及王呼與言,必各自前進。已受顧命,

衛反。下同。出綴衣于庭。〔《釋文》曰〕出如字,徐尺遂反。綴,竹出綴衣于庭。〔《釋文》曰〕出如字,徐尺遂反。綴,竹

則綴衣 所居 初生。 徹出 帷 塵 綬之事。」鄭云:「在旁曰帷,在上曰 幄 處,知綴衣是施張于王坐之上,故以爲 禮》六卷《天官・幕人》疏。 鄭曰〕連綴小斂、大斂之衣于庭 幕皆以 也 帳也。《周禮 扆 帳 幄 之上所 幄 帳于 也 [疏曰]下云「狄設黼扆、綴衣」, 是黼扆之類。 帟 布爲之。 帝,王在幕居幄中,●坐上承 皆以繒爲之。」然則 庭。 張之物。 》:「幕人掌帷幕、幄帝、 王寢北 四合象宫室曰 [傳日]綴衣 黼扆是王坐立之 所言 「出 墉下,東首,反 綴衣 幄 中。 · 幄 幄,王 帳 《周 于

● 「居」、《尚書正義》阮校曰:「宋版『居』作『若』,與《周

也。 不在 下,東首,反 牀,庶其生氣反 牀。」鄭云:「廢,去也。 能 生之 士,則尊 懸,士去琴瑟,寢東首于北 臨 帳之坐,命訖,復反 此。 時,更復設之。 此 傳更解徹 則 坐,故徹出幄帳于庭,欲爲死 亦 卑皆然,知此 《喪大記》云:「疾病,君、大夫 并 初生」也 出 幄帳之意,以王 黼 也。」《記》言 戾。 王發顧 寝處。 故 時王亦「寢北 人始生在 下 句 命 以 云 在 墉 一病困, 病重,不 象 此 地,去 \pm 黼 廢 寢 平

也。 鄭《小宗伯》注。 鄭彼注尊卑皆同。 之衣」者、《喪大記》:「小斂衣 [案日]鄭以「綴衣」爲「連綴小 十月制, 而 《王制》云:「六十歲制,七十時制 後制。」疏云:「歲 九十日修。 豫爲 大斂衣,君百稱, 制 惟 聯綴、恐不 謂 絞、給、衾、冒, 棺也,不易 十九 斂、大斂 及事 稱 見

路寢。 朝,即 門,皋、庫、雉、應、路 訓 也。」《僖三十三年》:「公薨于小寢,非 應門内爲治朝,路門 解 名,此綴衣是斂衣,下文綴 見《檀弓》。天子宜更早。 得 成,故 王崩之後執兵者, 不可緩,故鄭云云也。《立政》綴衣 九,喪具固宜早辦 大夫以下。人君即位 日修,棺、衣皆畢,但 出 不同。 也。 綴衣于庭」,即路寢之庭也 其四 路寢也。 歲 莊三十二年《穀梁傳》:「公薨于路 傳 月制 制 鄭惟 路所陳、周禮 疏以 時 取立 此 王 制 月 亦 疾 在畢門内,經 義 況疾已危殆,斂衣 口 甚 爲 日修理之。」此皆謂 時 辦 爲牌、不待六十。 一,而 幄 皋門 名 典路》 確 可 成王 帳,考天子五 畢 衣 不不 衣 發 辨 '内爲: -門,内 物 顧 是幄帳 ÏĒ. 崩年四 嫌 是衣物 易 也。 古 疏 而 同 得 是 爲 引 有 此 寢,正 固 文 下 尤 明 文 燕 異 難

《鄭 同 此 帳,傳疏非是,當從鄭爲「小斂、大斂之 連,故知是幄帳。 若是之紛紛邪? 所出 以以 志》 幄帳也,方欲設之,乃先徹 爲 綴衣果是幄 謂 路 顧 門内。 命》陳設 況下文綴衣與黼 此單言綴衣, 帳, 又《詩 則同 皆 在 斯干》疏 一路寢也, 路 之,何爲 寢 則非幄 庡 相

司几筵》及《天府》皆引作「成王」,與馬同。「成王崩」。〇〔案曰〕「王崩」,鄭司農注《周禮・春官・越翼日乙丑,王崩。〔《釋文》曰〕「王崩」,馬本作

成王二十八年崩。劉恕《通鑑外紀》三卷。〔馬曰〕安民立政曰成。《釋文》。〔王曰〕

[傳曰]明日,王崩。

不禄,庶人曰死。」《釋詁》總解諸文,故「天子曰崩,諸侯曰薨,大夫曰卒,士曰也。《釋詁》云:「崩,死也。」《曲禮》:書》卷六《謚法解》文。蔡邕《獨斷》同[案曰]馬云「安民立政曰成」者,《逸周

注云云,見《外紀》。 王與鄭合也 本,但劉恕博學,所引宜 崩。」劉 云「死 崩壞之形也,硼聲 也。 熙《釋名》卷八《 鄭彼 注 王注 也。」與鄭 - -釋喪 不謬。 「自 在宋當 制 上顛 合 據此 已 篇 也 無 壞 云 則 全 王 \exists

文》曰〕俾,必爾反。伋,居及反。干戈、虎賁百人,逆子釗于南門之外。〔《釋太保命仲桓、南宫毛俾爰齊侯吕伋,以二

迎入,所以殊之也。經言「以二干戈」,名。臣子皆侍左右,將正太子之尊,故出于路寢門外。使桓、毛二臣各執干力,所以殊之。伋爲天子虎賁氏。〔疏好,所以殊之。伋爲天子虎賁氏。〔疏好,于齊侯吕伋索虎賁百人,更新逆門大子初崩,太子必在其側。解其迎太子之尊,故使桓、毛二臣各執干。臣子皆侍左右,將正太子之尊,故

百人。 衛耳, 賁也 虎賁百人」者,指説迎太子之時有此備 也。 移「干戈」之文于「齊侯」之上,傳言是實 保就命,使之執干戈以往 反 文 桓、毛二人必是武 伋索虎賁」,則似 周禮 在 于經者。 言「使桓 經于「齊侯吕伋」下,言「以二干戈 「齊侯 》虎賁氏,下大夫,其屬有虎士八 非言二人干戈亦是齊侯授 知伋爲天子虎賁氏,故就伋取虎 、毛二臣各執 于時新 伋」下,似 執 臣 遭 干戈就 宿 大禍 衛 就 干戈,于 ,傳達其意,故 ,先執干戈,太 齊侯 齊侯。 ,内外嚴 取干戈 齊侯吕

外,問 日 文王 案日 親 安,世子 齊元 于内竪曰:今日安否何如? 世子》云: 〕傳云「臣子皆侍左右」云 而養。 有喜 色。 世子朝夕至于大寢之門 膳宰之饌,必敬視之。 若内竪言疾 了; 則 内竪

文》云:「級音急,本亦作伋。」是也。 君。」又十二年,楚靈王曰:「昔我先 伋,謚曰 者、《齊世家》云:「太公卒,子丁公吕伋 髦,古字 仲桓、南宫毛、《古今人表》作中 外,故解之爲欲 繹,與呂級、王孫牟、燮父、禽父並 福于太公、丁公。」杜預注:「二公,齊先 年《左傳》齊使晏嬰請繼室于晉曰:「徼 立。」《説文》卷一上玉部云:「齊太公子 名。昭二十三年《左傳》有 疾 極之子」,疑即毛後也。 一家》稱,太公之先爲四嶽,佐禹 康 之藥,必 「周卿士」。二十四年有 王 必 **玎公。」 玎又丁之異文也。** 通 「吕級,齊太公之子丁公。」《釋 當常侍左右。 親 也。仲、南宫、氏。 嘗之。 殊異之,故出而 是成王 今乃迎之南 「南宫嚚」,注 南宫極、杜預 「齊侯吕 自 桓、毛 桓、南宫 復迎也 不 懌 昭三 王 伋 熊 及 大夫二人」,「旅

賁

氏,中士二人」,官

《夏官》「虎賁氏,下

而旅之言衆,旅賁氏

似虎賁氏

爰字,當從引訓。

下受部

云:

「爰,引

也。

从受,从于。」此

奉迎之禮,不太簡

略邪

?

《説文》卷

四

成其義,謬矣。

且如此,

則伋不自

行

《説文》卷二下辵部 列侯入而兼領此職,非其官止于此。 縢》「小子其新逆」,鄭注: 云:「非常之難,守在門。」則秩雖微而責任重 大夫,而吕伋太公之子,居此卑官者,「大喪守門」鄭注 引, 吕伋統率虎士共迎釗也。 所屬之「虎士」,知是桓、毛親執干戈導 則 副 公。」此時欲正 太保召公尚兼領之,則吕伋 勇力者。」此經「虎賁百人」,明即虎賁氏 云:「不言徒,曰虎士,則虎士徒之選,有 盾」,此經二干戈,明即桓、毛二人所執 伋共迎之也。 而虎賁氏之屬有「虎士八百人」,彼鄭注 成 旅費 外,故令旅賁氏桓、毛導引,虎賁氏 貢 逆聲。 王崩後 氏 據 傳 關 , 吕伋正守此門。 虎賁 謂 東日 旅賁氏之職「喪紀則執 釗 吕 氏之職「大喪 伋 嗣子之位,故傳 逆,關 爲 云 兼 虎 攝虎賁氏,不足異也。 「逆,迎也。 賁氏, 西曰 更自新迎 保氏亦下 虎賁氏秩僅 今釗 守王門 迎。」《金 則 桓、 ,故伋以 亦云 大夫, 下

言「于齊侯索虎賁百人」,不言索,則

字無謂,言索則經文所無,乃增之,以

足

不

通。

即

如

爰字,凡遇爰必解爲于,

今

雖

勝

近

世

俗儒

全不知訓詁者,然太泥

則

僞孔

解

字爲

專取

訓,

守而不變,

訓

于雖見《釋詁》,但字有數義,不可執

齊侯索

虎

賁百

人」則非

也。

何者?

股肱

心

吕。」是吕爲伋氏

也。

又云

桓、

毛二臣各執干戈」,又云「伋爲天子

虎賁氏」,疑皆是也。

釋爰爲于,云「于

侯伯

姓曰

姜,氏

日

有吕

一,謂

其能

爲

《 國

語

•

周

語》云:

胙

四

□嶽國,

命

爲

下文所謂畢門,亦即所謂廟門也。「更新逆」也。傳以南門爲路寢門者,即

延入翼室,恤宅宗。

即 豈可作昏明之明 也。」翼之爲義,正所謂在 室,有西則 又稱翼者,明日次于 至昏爲一日,故從今日 翼日,遂有此 諸侯薨于路寝,知天子亦崩于路寝。 延太子入室,必延入喪所, 室,路寢也。 下宗主。〔疏曰〕《釋言》云:「翼 釋宫室》篇云:「夾室在堂兩 喪大記》云:「君大夫卒于路寢。」●以 案曰〕傳以翼爲明,蓋 傳曰〕明室、路寢。 夾室也。成王薨于路 必有 路寢之大者,故以 訓。 東。 解 其實翼是鳥 ·今日, 乎! 延之使居憂, 劉 數 經典皆以 寢 熙 來 下文 如 兩頭者,翼 **《**釋 則此翼室爲 日 知翼室是明 頭,故 鳥之翼 翅。 名》卷 明言之。 爲明日。 有 明 明 西 爲天 日 自 日爲 也。」 也。 室 夾 \overline{H} 夾 明

> 殯,暫 然既 于西 路 爲憂者,《蓼莪》詩「出 方居東夾,故則翼室在 文設四坐參之,有西夾,無東夾 之後,居倚 親亡,不得見。 寢 殯 前 階 居翼室,當亦在 在 堂 之上 西, 兩 廬,在 一。」據 邊之室。 則宅憂 恤 疏 中 ,憂也。」是也。 門 殯 自當 《檀弓》: 則銜 東 在 東無疑。 外 堂 미 在 東 恤」, 知。 東。 方 了, 以 傳以 此 箋 周 更 H 室中 以 時 康 既 恤 殯 Ŧ 下 殯

誤。注云「作册書法度」,音宜如字。 丁卯,命作册度。〔《釋文》曰〕度,舊音待洛反,恐

下 王。 史爲策書 〔傳曰〕三日,命史爲册書法 憑 書,故以此日作之。 〔疏曰〕《周禮》内史掌 几宣言,是策書受命 也。 將崩,雖 因 口 時,升階即位 作受策法 有 策 遺 度, 命,故命内 命、未作 傳 命 度。 康

^{● 「}大夫」、《尚書正義》阮校曰:「宋版及《續通解》 『大

王答命,受同祭饗,是法度。

越七日癸酉,伯 相命士須材。 [《釋文》曰]相

也。 喪禮》將葬,筮宅之後,始作 此既殯即須材者,天子禮大,須預營之。 于死日爲 殯斂,皆以死之來日數,天子七日而 日矣。鄭云「大斂明日也」。 待,以供喪用。 于丁卯七日癸酉,召公命士 録纂注》六卷。 櫟《書傳纂疏》六卷。 傳》三十八卷。 王室,故 ○林之奇《尚書 禮記》云:「虞人致百祀之木,可爲棺椁 鄭曰〕癸酉,蓋大斂之明日也。《尚 斬之。」是與士禮不同。 故材木供喪用,謂椁與 八 伯 ○董鼎《書集傳輯録纂注》六卷。 全解》三十七卷。○王天與《尚 日,故以癸酉 相。 傳曰〕邦伯爲相,則召公。 **「疏** 〔王曰〕召公爲二伯,相 《尚書》疏。 曰〕乙丑崩,于今九 ○董鼎《書集傳輯 爲 顧氏亦云: 、明器。 椁及明器。 致材木,須 大夫以上 殯之明日 書 **令**士 ()陳 影疏

命士供葬椁之材。」

數往 諸侯,畢公率東方諸侯」,是召公與畢公 引《禮記》證之者,是《檀弓下》篇文。彼 爲二伯也。 貶于大夫者。 數死日。 疏云云「大夫以上」,則天子諸侯亦悉 生數來日, 制》: 日殯斂,故癸酉爲大斂明 日,死與往日。」鄭彼注云:「與猶數也。 恰大斂明日。《曲禮上》篇云:「生與來 自丙寅數至壬申,大斂爲七日 者,意以大斂與殯同日。 召公爲二伯」者,下文云「太保率西 案 云:「百祀者,王畿内諸臣采地之祀。」 曰〕鄭以癸酉爲大斂明日。 日,謂殯斂 「天子七日而 然則除乙丑, 壬申 傳以 謂成服杖以死明 大夫以 以 材爲材木,疏以爲椁, 死日 殯。」但以來日數,故 上皆以來日數。」 L 數也。 據《禮 日也。 日數也。 爲七日, 此士禮, 記 則癸酉 疏 王云 云 是 不 死

於豈反。 狄設黼扆、綴衣。 用 没 竹木瓦皆有之, 布 必 明 材與 ,殷則用生人器,周兼之,加偶 則 取 器 靈 祀 木者 者、《檀弓上》篇云: 明器。」材即 祇 等 其 賀瑒 〔《釋文》曰〕黼音甫 哀 以送葬。 傷 云 模材。 二君存 是 也。 則 夏備 明器,鬼 「既殯,旬 人 疏 徐 (神均 人也。 音 物 又 補。 不 兼 庡 口

尿者 間 《喪大記》復魄之禮云「狄人設階」,是喪 置户 事使狄,與此同 云: 欲傳命布設之事 傳 〔疏曰〕自此以下至「立于側階」,皆是將 謂之扆。」李巡 曰〕狄,下士。 「狄,樂吏之賤者也。」故以爲下士。 。」郭璞曰:「 牖 ,以其所在處名之。」郭璞又云 間 復設 也。 曰 : 窻 也。《禮記 幄 扆,屏 《釋宮》云:「牖户之 東户 帳, 謂 牖之東、户之西 風,畫 西 象 也。 平 生所 爲斧 祭 云斧 爲。 文

> 文也。 經于 皆設之。 車,皆是相 狄使設之。 黑屏風置之扆地,故名 風 地 有 云"「畫繪之事,白與黑謂之黼。」是用白 斧 扆, 畫爲斧文,在于户 ,因名爲扆。」是 四坐之上言設黼 形 此經所云「狄設」,亦是伯相 如 命,不言所命之人,從上 下設四坐,陳寶玉、兵器、 屏 風, 先 牖之間。 畫 儒 **尿、綴衣** 爲 此 相 物爲 斧文,置 傳 《考工 黼 黼 扆者,屏 則 扆 于 四 也 命 坐 扆 輅

之賤者 爲「樂 文」者,《 疏又引《喪大記》云云,彼注 狄當 周 案曰〕傳云「狄,下 ,其繡白黑采,以絳帛爲質,依之制 禮 爲 吏之賤 也」。 春官 内 翟 司 ,翟,雉名。」則 傳又云「扆,屏 服 者」。 司几筵》注 》「揄狄 <u>±</u> 但《 祭統》: 闕 疏 狄、 引《祭 狄 亦 風 「斧謂 翟 作「翟」。 云「樂吏 畫 鄭注: 通 統》 爲斧 也。 以 如

據《司 斧字。 黼 風 大 者,周人尚赤,黼扆當天子之位,當用所 禮》注云:「以示威也。」知「以絳帛爲質」 黑,則以形狀 若據繡于物 堂位》云: 屏 也。」又注《明堂位》云:「斧依 天子所立處之後,若爲天子屏翳其風, 職》云「白 釋之云:「竟,終也。 尚正色,故知以絳帛爲之,絳正赤色也。 依制如屏風」者,屏風起于漢世,扆當 ,于户牖之間。」鄭輒 ,牖之間。」注云:「依 取其名。 **晟即斧依** 風 然。」「斧謂之黼」、《釋器》文。 几筵》疏引 若據本 與黑謂之黼 「天子負斧依。」彼及諸文多爲 故《覲禮》:「天子設斧依 也。 爲 而言 疏所引《考工記 金斧,其文近 傳又云「置户牖間」者, 作 蓋 「其置竟户 户牖 取斷 則 舉屏 如今綈 間狹,故置之, 以 割之義 風 刃白,近銎 采色 , 牖間 爲斧文屏 況斧依, 素屏)而言。 《 覲 《明 風 于

> 終滿 設 設」者,蒙上出綴衣之文,則非 而 綴衣 疏 四 以 坐 户 牖 爲 爲 傳云「幄 牖 間 四 坐皆 也 間 一。」其説詳後。 爲 有黼 帳 天子之正 」,是也。 扆, 恐 位有 也 而 也。 下 云 黼 文所 「復 此

下同。
文》曰〕嚮,許亮反。篾,眠結反。純,之允反,又之閏反。
 文》曰〕嚮,許亮反。篾,眠結反。純,之允反,又之閏反。

臣、 篛。 十七卷。 薛季宣《書古文訓》十三卷。 席,新鬼神之事 日〕篾席,纖蒻苹 尚書全解》三十七卷。 尚書》疏。 鄭 覲諸侯之坐。 ○《禮記》二十三卷《禮器》疏。 桃枝竹。 《釋文》。○薛季宣《書古文訓》十三卷。 曰〕篾,析竹之次 ○王天與《尚書纂傳》三十八卷。 ○薛季宣《書古文訓》十三卷。 白黑雜繒緣之。 故也。 席, 《尚 〇王天與 蓋浦 書》疏。 0 青者。 華 林之奇《尚書全解》三 《尚書纂傳》三十八 玉,五色玉 席 [馬日]篾,纖 ○又約王義。 也。 不 此見羣 用 〇林之奇 至 也。 時

設者 設黼 彼言 彼言 純,其下 前 席皆敷三重。 之席再重, 席 云: 户 不 更有席 物也。 ·三坐必 畫 西,户 無 之坐,篾席之下二重,其次是繅席 改 玉 「大朝覲、大饗射,封國命 純, 即即 其 次 「宬 扆。 作。 以 據 事 也。 飾 ,知其下二席必然。 加次 是莞筵紛純也。 席 此 が前 牖之間 《周禮》,天子之席三重,諸 菲 **「**疏 ',以 尿前 憑 坐也。 三, 此 黼純」,此言「篾席黼純」,亦 則此四坐所言敷重席者, 一重之席,但不知其下二重 此牖間之坐即是《周禮》扆 几 泉前 席 日 舉 南向,設莞筵紛純, 黼 其上 |言「牖| 也 牖 仍 「户牖之間謂之扆。」 純 一坐敷三重之席, 謂 **,**左右玉几。」彼所 席 《周 因 窻 間」,即 也 而言重,知其 也 此 禮 下文三坐, 間 諸侯 大 坐有《周 司 者 生 几 時 Ŧ, 加 也。 位 書 其 侯

《考工記》「白與黑謂之黼」、《釋器》「緣 也。 之别名,故以爲彩色。 爲黼文以緣席,其事或當然也 也,以絳帛爲質。」其意以 鄭注《周禮》云:「斧謂之黼,其繡白黑采 謂之純」,知黼純 是何 王 傳有舊説也。 言是桃枝席 鄭云:「左右有几,優至尊也。」此篾席與 右几 枝席,有次列成文。」 周禮》次席一也。 肅 ,凶事仍几。」仍几 」、《釋詁》文。《周禮》云:「凡吉 「此見羣臣、諸侯之坐」,據《 席 鄭玄云:「華玉,五色玉 굸 此言「 耳 纖 蒻 《周 則此 仍几一, 鄭注 苹 禮 是白繒黑繒錯雜緣之。 席 》天子左右 席 鄭注彼 此 一, 並 万 因 四坐皆左右几 鄭玄不見孔 用 則 用 桃 生時 云「析竹次青」, 華玉 白黑之線縫 不知所 云:「次席,桃 枝之竹,必 几,不 几 以 也。」「仍 飾 華是 周 據 傳, 事 憑 侯 也。 也。 彩 刺 相 亦

斧庡 斧宬。」彼在 之文知之。 于户牖 朝,此 又《覲禮》,天子待諸 之間,左右 在寢爲異,其牖 几 天子 衮 侯, 間之 冕 負 設

堂以 之東,所謂 東 牖即是窻,所謂窻東户西者。蓋古者 之間,舉牖以 禮》云云,《明堂位》注云云,皆以「户牖 坐則同 君宫室之制,前爲堂,後爲室,堂兩旁爲 之間」言之,此云「牖間」,即彼諸文户牖 者,上疏引《釋宫》及注云云。 (案曰)鄭云云者,殘闕 西序。 東 西 小向爲 東者 .夾室,即翼室,中有牆以隔之,謂 彼注云:「不敢當尊,室中 南 向爲 尊,户 後室之兩旁則爲 户牖之間,南 曲禮上》云:「人子 尊,王位 該户 在其東南,牖 也。户是出入之户 在户 也。 嚮之坐 外之西,牖外 東 牖 在 西房,室中 西 案 間 其西南, ·居不 南 也。 引《 南 嚮 之 覲 知

之間 亂 也。 《説文》卷七下宀 聲得名,則户在 乃官之誤。 爲官,户樞聲也。 北隅宧。」並與《釋宫》同。惟「室東南隅 云:「西南 西」,參之户在東南,則牖 户所在 郭璞注 謂之奧。」此皆户在東之明證。《釋宮》 隅爲宧 則 之奥。」彼 不當中,而 奥,室中隱奧處。」彼疏 ,遂爾致誤耳。 西 南 ,而可以言隱闇乎? 窔當爲官, 云「窔亦隱闇」,非也。 泉」,李巡、 東 東 隅 疏云: 隅 隱 近東,則西南隅最爲深隱,故 因穴部窒字注云:「冟窔,深 南 爲 奥 隅 奥, 無 東南 部:「室西南隅奥,室東 爲窔。」 烏皎切」,知《釋宫》窓 室嚮 然則東南隅既以 事 西北 郭 明甚。 故名 璞皆 南 隅爲屋漏,東北 彼 云:「古者室户 ··'; 户 在 孫 奥。」《釋 云「牖 西 更以「牖 近 炎注 東南 東南 口 户 相 户

謂 也。 則 ? 後 處 東牖西,乃是定制,尊卑皆同。 户」者何? 則《小雅・斯干》云「築室百堵,❶ 扆,則且偏于堂之極西 隱,然則西 士之宫室,其前堂雖 向正位,必在堂 東南獨以 室却只 乎? 室 東 而 西爲扆。若户本在西 爲正 一之户 西 西 又, 扆既在 西北 不 房 南 故知户不在西而在東也 可 中。 偏 因 有 有 户 北 隅 言隱, 據彼鄭箋及疏考之,凡室 于東, 西邊 牖 樞聲名之,以 爲隱,西南爲深 其後半截 之屋漏,鄭《詩》箋釋 今此天子之後 納 牖 īE. 日 諸 中。 與 一室,東 東户西,而 光 家言 東 亦 有東西 則 矣, 房 只 爲室户在 隱 但 而又以 有 邊 相 其 丽 者 爲 室 近 東 而 爲 黼 可 亦 室 一,兩 以以 房 房, 夾室, 非隱, 户 但 以 户 扆 西 非 中 西 旁各 南 設 是 房户 漏 最 西 夫 南 其 伙 黼 爲 故 在 惟 何

賓主共之。 帶麻于房中。」以士喪男子括髮在房,婦人髽于室,無 髽于室」。 也 每户兩窻夾之,共 房,不言東西房,無所對故也。 爲中,大夫無西房,故 知大夫亦止一房者,《鄉飲酒》、《鄉射》尊于房户之間, 有西房自然有東房,是諸侯有左右房,士止 諸侯之禮「婦人髽于房」,亦在男子之西,是有西房矣。 西房故也。 矣,非實西其 有 室、皆在 疏、《禮記·禮器》疏推鄭意云:《士喪禮》小斂,「婦人 夫以下 一房者之室 判言之,户 後室,後室獨 房,故 然則彼云「西南其户」,其實仍是東 而《喪大記》諸侯之禮云:「小斂,歸人髽 由天子、諸侯有東西房,則以 《士喪禮》「婦人髽于室」,在男子之西,則 四 É 就一室論,户 角 户 與 在 也。 東 中 以房與室户之間爲 有四 南 西 央。 户,則 知士止有東房者、斯干 户 兩 户八窻。 每室 耳,故言南 又明堂之制 亦 房 之中, 在 已 四 東 一爲 中也 一傍 室户牖之間 一東房也 今此獨 西 比 而 開 其 其户 之 就 大

雅」,原作「大雅」,案《斯干》在《小雅》, 據改。

《月令》所謂「太廟 豐僅: 故喪禮陳設之處在路寢者有 趙 制 室,則周公亦未及改作,成王崩于鎬京, 明堂于洛邑。 王遷鎬因之,周公制禮,建國 王之亂,宫室毀壞,先王所作無 崩,殯陳設之地,正是天子之路寢,而 子之燕寢,即諸侯之路寢也。 無異,《 之燕寢,其制如諸侯之路寢 宣 注言天子之路寢及宗廟,其制皆與 南 商、張 侯路寢之制,不爲明堂制也。 乃與《斯干》所説燕寢同者、《鄭志》答 不 其 相背 中興,别更起造,自然依天子法,不 作靈臺、 户,與此 斯干》所説 逸二條,詳 也。 辟雍,其餘猶諸 經 《洛誥》「王人太室裸」,即 據 牖 彼 太室也」。 異于明堂, 間 箋謂 論 南 其 嚮 事。 彼 所 爲 若鎬 東西房,如 土中,乃立 侯制度,武 以文王 故知 今此成 蓋《匠 築是天子 在 復可因 其後厲 牖 介明堂 京 是 東 宫 遷 其 天 户

> 作 仍諸侯 諸 則 與 侯 制 制 顧 故 命 故 也 知《 路 《斯干 寢 》所 由 咏 成 是 王 顧 燕 寢,其 命

篾字。 何不 《吴・諸葛恪傳》「篾束其腰」,是時 知。 加 孔之蔑人于鄭注 穎達不識字,不知篾之不成字, 文,必不有異。《説文》作「莧」,鄭本 文》引《書》據孔氏古文,鄭亦傳孔 織蒻席也。 苜,从火,苜亦聲。 《周書》 『布重莧席』 , 其字當从竹 文》卷四上苜部云:「 莧,火不明也 篾」,亦不可 又案 乃于首部引之邪? 僞孔好用俗字,改「莧」爲「篾」, 于竹部引其文,以爲从竹蔑省聲, 若謂孔氏古文作「篾」,則《説文》 曰〕鄭云「篾,析竹次青」者、《 讀與蔑 也 因鄭解爲「析竹 ,不可以此而遂謂 三國志》 同。 知鄭必亦作「莧」 莫結 次青」 六十 切 遂 の。」《説 氏 四 丽 以 鄭 孔 口

遵守也 此 也 黼 南鄉,設莞筵紛純 之事」者、《司几筵》:「王 文》,傳注必宗鄭氏, 非「次席 自不同。 注「次席」合,而與 相去多四 桃 説 蒻 周 莫, 物 純。」是生時牖間之位設 枝, 文》云 蒲 也。 但 且異 》 次 非 是 四 本 解 生 不 」,僞傳 一寸,有 鄭言「不 寸」是也。 鄭又云「不用生時席,新 爲 僞傳云 「桃枝 純 可 席 時 用 析 以爲平席。」 蒻, 席 生 不 節。」郭云「今桃枝 與 矣。 竹 用 時 亦 甪 此 生 次 席 卷一 加繅席畫純,加次 非。 經注 生時 此説與鄭《司 此 前 青 疏 也。 説經 竹 同 以 位 下艸 雖與 文字宜 席」,則「真席」 「析竹次 與《 三重席 是三重 設 」。《釋草》: 「莫席」 今則重席, 下 科 黼 説 、馬、王合・ 部 律 依 文》 亦云: 依 5青」仍 ()節間 几 席 鬼 依 與 所宜 筵》 説 席 神 惟 前

蓋此言「仍几」者,對席 《尚書》義, 嫌 設于殯前,則非有饋奠之事,亦不得云 其質」解之,司農 皆是有飾。 因,喪禮略。」考經言華 也。 坐」者,疏 文,示新之也。 室、饋食于堂、繹于祊、每 云。」鄭彼注 凶 解 云云,又引《儀 奠几,朝夕相因」。 也 事 異 亦 因其質,謂 仍 非 變之,故曰 王 几。 几 世 引《周 肅 疏 를 : 以此 漆 亦《司 疏 即用《周禮》爲 禮 則 更其 凶事,謂 「吉事 引《周 禮 無 注 爲「見羣 變更其質,不得 飾 「仍几」, 非是。 質, 覲 鄭注《周禮》未 几 也 司 禮 禮》云云,肅 ,王祭宗 筵》 几 不 謂 玉、文貝、彫 凡 臣、 事易 書 筵》「大 因生時爲言 奠几 有 文。 明 又此 吉 飾。 • 几則 覲 説,誤耳。 几,神 廟 顧 事 司 几 諸 朝 以 朝 裸 席 仍 必 夕 玉, 此 牛 即 非 大 相 大 注 云

間 爲 則 視朝雖在路門外,退坐當路寢兩 能 疏 命》『牖間 無明王,誰 兩 宗 正 ,南面鄉明,人君聽治正坐之處。 楹 説 以 肅注,于傳不重出也。 當爲 子。 之 是 此 説 間 也 牖 四 間 「見羣臣、覲 南總」,是天子兩 坐皆與 能尊我爲君。」彼疏云: 彼注云:「宗,尊也。 而 之坐爲「見羣臣、 又《檀弓》: 云 『明王不興,天 孔 同,故今遂移孔 諸 「夫子 侯之坐」也。 : 楹治 夢 覲 下 ·楹。」然 諸 兩楹 坐 事 · 其 奠 侯 傳 之 孰 據 今 于

三十七卷。 ○薛季宣《書古文訓 鄭日〕底,致 底,青蒲 (王旦) ○王天與《尚書纂傳》三十 《尚 也。 也 書》疏。 瓜 》十三卷。 《釋文》。 席, 篾 纖 ○林之奇《尚書全解 致席 ○林之奇《尚書 ○薛季宣《 席 也 也 ·八卷。 書古 《尚 此 書》 旦夕 文訓 全 解 馬 疏

牖間 也。 七 文彩,名爲餘泉。」有 白爲文彩,名爲 泉,白黄文。」李巡 綴者,連綴諸 游《急就篇》云:「蒲蒻藺席。」蒲蒻,謂 以「低席」爲蒻苹,當謂 序内外也。」《禮》注謂 文之貝飾几。 此旦夕聽 釋魚》于貝下云:「 釋宮》文。 卷。 廂 是「見羣臣、覲諸侯之坐」,見于《周 鄭謂此底席亦竹席,各以意説耳。 謂 ○王天與《尚書纂傳》三十八卷。 其 之 也。 東序 燕禮》云「坐于阼階上,西嚮 序。 孫炎曰: 事 貝者 西 色。 〔疏曰〕「東 之坐」,鄭、王亦 低, 嚮 餘 水蟲, 席必以彩 曰:「貝甲以黄爲質, 蒻苹。 蚔。 「堂東西牆 餘 養國老、饗羣臣之 文之貝, 蒲 蒲 以白 蚔,黄白文。 席 西廂 取 翦之席 綴, 爲 其甲 爲質,黄爲 爲緣,故綴 ,弱苹。 〔傳曰 謂 雜 謂 以 ,所以 之序」, 也 此 飾 爲 也。 别 此 史 孔

坐。 親屬 肅説 則 並陳,避牖 坐在燕饗坐後 西序東嚮」、「東序西總」者,以此諸 故西序爲 在 養 Щ 燕 輕于燕饗,故夾室爲「親 或 考朝士職掌治朝之位,王 坐,皆與 饗 老 及 坐 間 饗 前 南 「旦夕聽 與《燕 ,又夾室是隱映之處, 孔 總觀諸 以 同 其 旦 禮 侯之坐故 夕聽 》同。 之坐」。 事, 屬私宴之 其 南面 夾室 重 也。 西 于 序 此 之 燕 王. 坐 之

篇云:「序,次序也。」是也。 序别内 名。」是 (案日)鄭 云「室有東 釋宫》:「東西牆謂之序。」注云:「所以 新 部亦云:「序,東西牆也。」與《釋宫》 下文「陳寶」疏 也。 外。」劉熙《釋名》卷五《釋宮室》 附 云云者,殘闕也。 西 此 傳乃 俗 廂 一, 曰 字,不 改云「東西廂」,廂字在 廟」者,此字後人所 云:「序 可用。 《説文》卷九 者,牆之别 《釋宫》又 西序」者

確 者、「底、致」、《釋言》文、謂密致。 序,故以序言之,原與夾室無涉 牆之外即夾室,堂與 上」,服虔曰:「青緣蒲 上文「莧席」爲「析竹次青」,故此 以爲東西廂乎! 不但字俗,義尤妄謬。 序即夾室,已非,況以 序,則是牆。 室之前堂是箱 [又案日]鄭云「底,致也。 夏纖致席」。 蒲蒻」,故亦以此爲「蒲」,而傳 西嚮之坐,乃在堂上,以其附近 ^ 要于 疏引《急就 但據 儀 一二卷《史丹傳》「頓 禮 低字之義 彼郭 一》當 古者宫室之内,以 馬、 也 》解傳,是第 作 一,而 注 箱 王以上文「莫席」爲 云「夾室前堂」,蓋夾 非 夾室共此 爲箱乎? 無 席。」馬、王 即 傳 取 十四章《文王 夾室也。 **真纖致席也**」 好 用 牆。 如 首伏青), 而 俗 此 從 説 同之。 字, 7.亦言 鄭以 若以 東 鄭 似 傳 經 13 西 東

〔案曰〕鄭云「豐,刮凍竹」者,未詳。 王、

東序西嚮,敷重豐席,畫純,雕玉仍几。〔《釋此經「重底」作「重茂」,引傳「蒻苹」作「蒻茲」,皆誤。

文》曰〕豐,芳弓反

器》云:「玉謂之彫,金謂之鏤,木謂之 刻。」是彫爲刻鏤之類。 璞曰:「今西方人呼蒲爲莞,用之爲席 刻鏤。〔疏曰〕《釋草》云:「莞,苻蘺。」郭 三十八卷。 纂傳》三十八卷。 今蜀中所出莞席是也。」《考工記》云: 云『下莞上簟』。」郭璞曰:「似莞而纖細 林之奇《尚書全解》三十七卷。 老、饗羣臣之坐。《尚書》疏。 「畫繢之事,襍五色。」是彩色爲畫。《釋 畫之爲緣。《尚書》疏。 鄭曰〕豐席,刮凍竹席。 ○林之奇《尚書全解》三十七卷。 [傳日]豐,莞。 〔王曰〕豐席,莞。 ○薛季宣《書古文訓》十三 〇王天與《尚書纂傳 彩色爲畫。 畫純,似雲氣 ○又約王義。○ ○王天與《尚書 此養國

而已。 其欲用文采而無所取象者,則但畫雲氣 不如鄭注明析也。 者、皆畫成物、若旌旗、服章、射侯等是。 謂「畫雲氣」。 丹質」、《禮記·喪大記》「畫荒」,鄭注皆 鄭此注義也。 筵、蒲筵,是蒲有大小,爲席有異,要非 《詩》「下莞上簟」,《小雅·斯干》文。 彝」、《司常職》「皆畫其象」、《司几筵職》 者,鄭注三《禮》,凡言畫者,輒以雲氣解 彼箋云:「莞,小蒲也。」《司几筵》有莞 孔皆以爲莞。 玉謂之彫」,「彫謂之琢」,雕、彫通 、説文》乡部云:「彫,琢文也。」《釋器 畫純」,以及《儀禮・鄉射記》「凡畫者 如《周禮 傳云「彩色爲畫」,疏引《考工記 故此經 · 幎人職》「畫布巾,幎六 畫純,鄭以爲「雲氣」云云 蓋古人之畫,有所取 「畫純」,鄭亦 疏 引《釋 傳云「彫,刻鏤」者, 草》樊光 以爲「畫雲 注 鄭 引

《斯干》 于此 王崩 位 釋奠于先老,遂設三老、五更、羣老之席 記 序爲明堂之東序。 弓》疏云:「燕饗皆在阼階西面。」是饗與 之前也。推之天子燕羣臣,則亦當東序 席于阼階上,西鄉。」阼階之上,當 儀式也。 西鄉之位矣。又《特牲》云: 疏引《儀禮 主人之俎,設于東序下,將私燕也。」《檀 天子 .焉。」蔡邕《明堂月令論》引其文,以東 以 、豆籩,設于東序下。」彼注云:「胙俎, 王以東序爲養國老之坐者、匠 • 此爲 傳 文王世子》云:「始之養也,適東序, 于 ,路寢 顧 鎬 疏引《鄭志》在路寢,不在 又以爲「饗羣臣之坐」者,上節 「養國老、 命,陳設 京,鎬京宫室未爲明堂,今欲 與明堂同 燕禮》,彼文云:「小臣設公 几席,自當放象明堂 饗羣臣之坐」者、《禮 此經所設几席,據 制。《鄭志》謂成 一祝. 命徹 明堂。 人》注 東序

> 爲席,于貧反。」紛,孚云反。漆音七,徐七利反。 文》曰〕夾,工洽反,徐音頰。 〕漆是水名,此經指言木名,則字當作漆。 夾 燕 南總,敷重筍 同 故 又 以 爲 席、玄紛純、漆仍几。 饗羣臣之坐 筍,息允反。 也 徐云:「竹子皮

西

日

前。 坐。 之坐,故席几質飾。 作「笞篛」。 **筍,箁箬。**《釋文》。○薛季宣《書古文訓》十三卷引 房即室也。 與夾室同實異名。天子之室有左右房, 房,西夾坐東」,「東房,東廂夾室」,然則房 ○〔案曰〕薛、戴引皆誤。 竹箭之有筍。」玄紛純,以玄組 ⟨尚書⟩疏。○《禮記》二十三卷《禮器》疏。 鄭曰]筍,析竹 《尚書》疏約王義。 《釋草》云:「筍,竹萌。」孫炎曰: 此坐在 筍, 篛竹。 ○戴侗《六書故》二十三卷引作「答箬」。 西廂 以其夾中之大室,故謂之夾 玄紛,黑綬。 青皮也。 夾室之前,故繫夾室言 (王旦)此 「傳 [疏曰]下傳云「 E 《禮記》曰 西 此 親 廂 親 屬 爲之緣。 夾室之 「馬 屬 私 宴之 私 如如 西 宴

與親屬私宴之事。 與親屬私宴之事。」是天子有以别。鄭《周禮》注云:「紛如爰,有是 於者也。」紛、爰一物,故以玄紛爲黑綬。 《周禮·大宗伯》云:「以飲食之禮,親宗 《月禮·大宗伯》云:「以飲食之禮,親宗 《月禮·大宗伯》云:「以飲食之禮,親宗 以別、劉《周禮》注云:「紛如綬,有文而 以明。鄭《周禮》注云:「紛如綬,有文而 以明。鄭《周禮》注云:「紛如綬,有文而 以明。劉《周禮》注云:「紛如綬,有文而 以明。劉《周禮》注云:「紛如綬,有文而 以明。劉《周禮》注云:「紛如綬,有文而

也,溷 無 以 者,康王方恤,宅于其中故 者,上翼室。 故 夾爲西 即夾室。今此西夾室 [案日]鄭云云者,殘闕 會傳,于此亦不能 ,更妄增之,則愈有不 此坐爲在西夾之前,「前」字經文 考西夾之前 廂 廂夾室,不知 與夾 案言在堂 而不分, 謬已甚矣。 ,即下文西堂,有冕執 疏其 廂乃夾室 也。 兩 也。 可解者。 頭 所以在 也。 不設 「西夾南 如鳥之翼, 之前 傳以 東夾坐 前 疏 乃 之 多 所 又 堂 西

雅 《説文》卷五上竹部 文》云:「尹,依注音筍,又作筠。」則知彼 達」,彼注云:「尹讀如竹箭之筠。」彼《 明已不識字矣。 胎」,則思允反。《釋文》並列兩音,陸 義,以爲「竹青皮」,則于貧反,以爲「竹 非許氏原文,是古無此字。 从竹,旬聲。 器》爲證。今《禮器》作「筠」,俗儒 〔又案曰〕鄭云「筍,析竹青皮」,引《禮 何乃以爲在室之前堂邪? 飲之禮,在宗室。」則私 彼《序》云:「天子燕諸侯。」彼箋云:「夜 此 夾 邪 鉞 爲 ? 者 (中獨空洞無物,何爲邪? 湛露》云:「厭厭 親 立于此。 且 屬 此 私宴之 席 思允 列 于 又 《禮記 雜 西夾 坐, 傳既用之。 切。」筠字則 但有筍字,「竹胎 列一席 夜飲,在宗載考。」 聘義》「孚尹旁 宴在室中甚明, 室之前堂 傳説 蓋荀字有二 于 且王 此 在 菲 改也。 新 也 肅 而 何 附, 也。 以 爲 西

《説文》卷六下部首:「木汁 也。 合也。 當是平日無事 私 箬字注云:「楚謂竹皮曰箬。」是馬與 筍 則 筠 泰几,以泰鬃几 筵》注:「紛如綬。」《説文》卷十三上糸部 馬云「箁箬」,竹部箁字注云:「竹箬也。」 云:「組,綬屬。」 席 筍席之義 字 宴之坐」者,祭畢 亦 者,離析竹榦,取其外青皮爲 鄭又以「玄紛」爲「玄組」者,《司几 傳云「篛竹」,篛字《説文》無,妄 俗 儒 不可 改 · 而宴 也。 則 也。 解。 也 紛亦可言組也。 今人 而 王肅 知 燕, 自在 爲 但 以 竹 · · ·, 可 知 此 笥 外青皮,則 以暴物。」 東序, 爲 爲 「親 席 竹 也。 胎 屬 鄭 此

文保。 字,而引《書》在「宲」字下,不 越 説文》卷七下一部云:「今年,藏也。 訓 玉 爲藏。 五重,陳寶、〔《釋文》曰〕重,直容反。 《周書》曰:「陳宲赤刀。」博裒切。」 今本僞孔改 也 在 「寶」字下, 从心,呆聲。 此部 則知字當作 別出 ○〔案日 寶

〔鄭曰〕陳寶者,方有大事,以華國也。

地, 《釋文》。 又述湯令伊尹爲四方獻令,「欲因 河圖、大訓、貝、鼓、戈、弓,皆實器也 序共爲列玉五 者,于其處所。 四夷貢獻,南方諸國無貢 北長,坐北猶有序牆,故言「在 西序坐北也。 玉,復云「在西序」、「在東序」者,明 西嚮」,則序旁已有王之坐矣。 下總目,下復分别言之。 又陳先王所寶之器物。 尚 在東 案曰〕鄭云云者,殘闕也。 Œ 書 南甌 謂 有獻之」,伊尹「于是爲 疏。 南蠻 序」也。 〔傳曰〕于東西序坐 鄧、桂 一百粤。 馬 曰 序者,牆之别名。 重。 西序二重,東序三重,二 國、 上云「西序東嚮」 越 《周書· 損子、産 又陳先王 玉 越 / 疏 玉者。 越,于 Ŧ. 北 地 里、百 越,馬 E U 會解》備 所實器物 所 列 四四 玉五 獻 其篇 方令」。 其牆 下 此 也 玉 其 굸 句 重 也。 地 越 東

牆南北 堂。」疏云:「謂簷下自室壁至 羽、菌 足容之也。 半以前,總名爲堂。」是牆 堂」、「西堂」鄭注 殯,殯南當留餘 東序固長,足容几席陳設 重,在東西序坐北」, 喪,則出而 國之玉鎮,大寶器藏焉。 菌 大事,以華國 爲西序東嚮之坐,坐北 産玉也。 此一 令以 鶴、短 長,坐北 節 陳之。」是也。 珠 狗爲獻。」不言獻玉,是南 爲 馬説非是。 璣、瑇 」者、《春官・天府》:「 總目下文也。 猶 地, 云: 有 爲獻醋 瑁、 疏以 序 「序 牆者。 當從傳訓 象齒、文犀、 南 列 傳云「列 序即牆別名, 内半 若有大祭大 拜 西序其前 北 玉二重,亦 鄭云 起 長 于堂廉 下文「東 以 地 也 玉五 陳 越 中 其 凡 寶 方 翠

琬,紆晚反。琰,以冉反。 赤刀、大訓、弘璧、琬琰,在西序。〔《釋文》曰〕

> 刀削。❶ 處。 授人之儀云:「刀授穎,削授拊。」鄭 飾 則刀施鐶,削 之珪爲二重。 官・天府》疏。 之奇《尚書全解》三十七卷。 爲異,散文則通。 林之奇《尚書全解》三十七卷。 ○王天與《尚書纂傳》三十八卷。○《周禮》二十卷《春 避用時也。穎,鐶 鄭 〕大訓、《虞書》典謨。 周正 《尚書》疏。 弘、大也。 刀一名削。 赤刀者,武 色也 大訓、《虞書》典謨。 ○《玉海》八十七卷《圭璧門》。 用把。 ○薛季宣《書古文訓》十三卷。 <u>「</u>疏 大訓 大璧、琬琰、皆度尺二寸 《禮記 《吴録》稱吴人嚴白 日〕赤刀 王誅 也。 者, 削 ○黄度《尚書説》七卷。 似小 《尚書》疏約王義。 少儀》記 「傳 拊謂把也。」 謂禮法,先 紂 時 曰〕赤刀, · 于刀, 者, 大璧、琬 刀。 刀 有 相 執 云: 王德 赤 對 然 爲 物 琰 寶 0

^{□ 「}赤刀資刀削」、《尚書正義》作「寶刀赤刀削」、阮校調

《周禮 禮法,先王德教」者,鄭意 赤。」 削 紂之兵也。 吕,斬之以黄鉞。」《史記 質同也。《考工記》琬圭、琰圭皆九寸。 易行。」則琬、琰别玉。 王,王、孔以 適王所,射之三發,而後下車,擊之以輕 書·克殷解》:「商辛既自燔于火,武王 大璧、琬琰爲二重,則 [案日]鄭云「武王誅紂」云云者,《 以輕劍擊之」,則輕呂劍名,非刀。 獨舉《虞書》乎? 武王誅紂,别有所佩之刀,非謂即 體 衆 故刀亦 反 動 刀 · 典瑞》云:「琬圭以治德,琰圭以 爲 遺弟 曰 白 爲《虞書》典謨。 飾 「我 興詣 禮記 削,是 以 見 赤也。 孫策,策引白 刀爲然。」赤刀 削 恐非 檀弓》:「 而共爲重者,形 爲刀别名明 琬、琰 又云「大訓, 周本 也。 蓋 先王多矣, 總謂 共 削 鄭又云 周 斫 古先 尚 周

> 二寸也。 二寸也。 二寸。若琬圭、琰圭,據《玉人職》,皆九二寸。若琬圭、琰圭,據《玉人職》,皆九二寸。若琬圭、琰圭,據《玉人職》,皆九二寸。若琬圭、琰圭,據《玉人職》,皆九二寸,崇代之大璧、殉政,於

球音求。 大玉、夷玉、天球、河圖,在東序。〔《釋文》曰〕

之珣 禮器名之。 纂傳》三十八卷。○《周禮》二十卷《春官・天府》疏| 者所受。《尚書》二。❷ 如天者。 鄭日]大玉,華山之球 ○林之奇《尚書全解》三十七卷。○王天與《尚書 玗 琪也。 三者皆樸,●未見琢治 河圖,圖 天球, ○薛季宣《書古文訓 雍 出于河 州所 也。 水,帝王 貢之玉, 夷玉,東 i,故不 北 色

[「]三者」、《尚書正義》無。

^{○「}二」,按其例,當爲「疏」之誤。

寶之。 《釋地》云:「東方之美者,有醫無間之珣 重也。 卦。 爲伏羲氏繼天而 河 **玗琪焉。」鄭以夷玉** 以畫八卦,謂之河圖,及典謨皆歷 之奇《尚書全解》三十七卷。 美玉 置 十八卷。 海》八十七卷《圭璧門》。 「雍州 圖,八卦。 與 觀 卦是也。」《易·繋辭》云:「伏羲氏 八卦 夷,常也。 國 象于天,俯則觀法于地 地之宜,近取諸身,遠取諸物,于是 伏羲王天下, 龍馬出 貢球、琳、琅玕。」球是雍州貢 ○《玉海》八十七卷《圭璧門》。 〔疏曰〕三玉爲三重,與上共爲五 「夷,常」、《釋詁》文。《禹貢》: 球,玉磬。 也。 志》十一卷《管寧 《漢書 尚書》疏。 球,雍 王,受河圖 《尚書》疏。 「馬 五行志》: 爲彼玉、未 ○王天與《尚書纂傳》三 州 「傳 傳 所 》裴松之注。 河, 貢。 日」三玉 夷 ○《釋文》。 ,觀鳥獸之 則 玉,東 遂則 至 「劉歆以 知然 河圖 而 畫之, 一旦」河 代 其 ○ 玉 也。 仰 傳 文

> 則也。 也。 始作 聖人則之。」若八卦不則河圖 之言,取法已自多矣,亦 者,蓋易理寬宏, 且《繋辭》又云:「河出圖,洛出 八卦。」都 不 無所 言 法 不法,直如《繫 河 何妨更法 圖 ,餘復何所 此 言 河 河 辭 圖 啚

是華山 《釋地》「東方之美」云云。 玉部云:「醫無閭之珣玗琪、《周 Ш 蓋《周禮 山,「其西小華之山,其陽多㻬孚之玉 金石 雅•釋地》云:「西 夷玉」。」鄭與《説文》合,馬注 天球,雍州所貢」者、《皋陶謨》「戛擊鳴 案曰〕鄭云「大玉, 鎮日 」,鳴球是已成之玉磬,其未成器者 焉。」石即 有玉也。 醫無間。」是固 • 職方氏》云:「東北曰 球 夷玉爲珣玗琪者,疏 也。 南 華山之球」 之美者,有華 在 Щ 東北 鄭言「東北」, 海 經》太 亦同 幽州 書》所謂 《説文》 者,《 華之 Щ 之 引 爾

卦是伏 孔以爲 子 卦。 證。 天 壇,銜玄甲之圖, 觀于河,沈璧。禮畢,榮光出 符瑞志》云:「周公旦攝政七年,與成 國,泰顛來賓,河出録 禹、湯, 發,洛龜 乾,出天苞,洛以流坤,吐地符。 注《易・繋辭》引《春秋説》云:「河以 已琢治成形而言也。 材,未經 「三者皆璞」云云者,對 · 非 球。 之。」則周家世受河圖,今成王初崩, 書傳所載古 鄭但泛言「帝王聖者所受」者,蓋八 羲 **^** 皆受河 八卦,疏引《漢書 攻》篇云:「天命 禹 琢 書成。」是河圖出 所受河 治 貢》 圖,亦不獨 雍 豫 坐之 圖 帝王,如黄帝、堯、舜、 貢 州 所 磬 河圖 圖。」沈約《宋 而河圖不止是八 而 錯 貢 上 周 去。 有 五行志》爲 于河 正 弘璧、琬琰皆 出 一伏羲。 文王伐 球, 以 河 河,青龍 周公援筆 也。 水者, 治之也 當 河龍 以殷有 I 爲 《墨 書 通 鄭 磬

胤之舞衣、大貝、鼖鼓,在西房。《釋文》曰:朝所受,故鄭廣指帝王聖者也。前代河圖皆在,當皆傳寶之,不但陳本

鼖,扶云反。

夏有 鼓 也。 皆中法。 前 有 餘貝,如大車之渠。 商周傳寶之。 官・天府》疏。 物,與周鼖 者,若是周物,何須 淮之浦,取大貝 鄭曰〕大貝者 也。 異,故實之。 已有南向坐矣。 **胤侯**, 《釋樂》云:「大鼓謂之鼖。」此 大如車 此鼖 大貝,如車渠。 知胤是 鼓 [傳日]胤國所爲舞者之衣, 非 西房,西夾坐東。〔疏 同 謂《考工 ~; 西序即是 (如車 其形 書傳》 名耳。 西序亦陳之寶,近 國名也。大貝,大于 **|渠|是** 獨 曲 《考工記》車罔 寶守,明前代之 如 記》鼖鼓長 日 《周禮》二十卷《春 鼖鼓,長八尺, 西 車 散 也。 一夾,西 ·罔,故 宜 鼖鼓,大 生之江 八尺 鼓 比 夾 之 心 爲 之

此坐之西,知此「在西房」者,在西夾坐

東也。

明云: 物,非 之庭。 牖里。 如 渠蛤屬,生南海中,大者如箕,背有渠壟 伐崇。」是其事也。 翰 江 倍其身,名曰虞,之有参氏,取美女,之 朱鬣雞目者,之西海之濱,取 傳》也。 案曰〕鄭引《書傳》云云者,伏生《 淮之浦,取大貝,大 蚶殼,攻以 之於陸氏,取怪獸,大不辟虎狼,尾 此車渠也 「渠,車輈也。」非車 散宜生遂之犬戎氏,取美馬 紂出見之,還而觀之,遂遣西 彼文云:「西伯既 %耆 爲器, 貝大 如白玉,此别爲一 如車渠。 (如車 渠即 渠者,陸 貝 陳于紂 白 也。 紂 狐 駮 書大 囚 一德 伯 青 車

〔鄭曰〕胤也,兑也,和也,垂也,皆古人文》曰〕兑,徒外反。

室。 異,路寢之制不必 之制,有左右房也。」孔無 鎬京宫室因文、武,更不改作 張逸以此問,鄭答云:「成王崩在鎬京 工。 疏。 造 東廂夾室。〔疏曰〕東夾 《周禮》,宗廟、路寢制如明堂,明堂則五 東廂夾室」,陳于夾室之前也。 此 此路寢得有東房、西房者、《鄭志》 所爲皆中法,故 傳 物者之名。《周 〕兑、和,古之巧人。 可明堂。 禮》二十卷《春 亦傳 室無坐,故直言 明説,或與鄭 寶之。東房, 故同諸 垂,舜共 官 考鄭注 ٠ 天 府 侯

夾南嚮之坐之東。 廂夾室」,而東夾室則康王方恤宅于此, 東」,蓋僞孔謬以 是東西夾室。上節傳云「西房,西 知四者皆人名也。 一西夾之前之堂上」,故以大貝等爲在 [案日]鄭云云者,垂是巧工,見《堯 西西 僞孔以 此節傳云「東房,東 |夾南 繒 西 之坐」爲 房、東 夾 典》, 房 西 在 坐 即

前 有 且 言以欺世邪? 當知之,而乃以 晉之時,古人宫室之 後室之兩旁,是房在夾室之後矣。 當 文》合。然則夾室在 篇云:「房,旁也。 户,故从户。劉熙《釋名》卷五《釋宫室》 之堂 故 古人定制。 房,室在 在 如其説,則几席、實玉等皆在堂上,無 堂後室,堂有兩 在房室中者矣。 疏 前 上矣 推 楹間」。堂東 後室之廣 堂之後,而較陿于前堂, 傳 楹 旁也。 傍至東 其 《説文》卷十二上户部云: 實皆大謬也。 以戈、弓等陳 房 抑真懵愚無識而然邪? 从户,方聲。」蓋房各有 如 楹,其 在 爲 西序,各廣三分 前 何悖謬至此 西牆爲序,序外 制猶 即 前堂之兩頭,房在 堂之楹間, 室兩旁也。」與《説 夾室,是故 中即《檀弓》所 可考, 僞 于東夾之前 前堂後室, 也 是 故 孔自 楹 爲 後 間 夾 謬 魏 考

有墉 寶以 皆墉 者陳于西墉下。 陳寶玉 之北,正 知必陳于此也。其房户之外,即東西 下,各當房户之直北,前堂皆得見之,故 今陳于房中,必西房東墉下,東房西墉 東房之户則在 出于東序内室户之東也。戶皆在東南隅,惟 廣 房之户出 前堂兩楹旁之北。 兩 之地,各有 以 于東西 東夾後 旁之東 華 以 通于堂。其後室之中, 惟南一 ,在西房者陳于東墉下,在東 間之,各不相 國也。」則必不陳于屝隱之處 與東 于西序 以西 夾。 西 西南隅,因欲通于堂,故如此。 · 房, 面東爲户,西爲牖 所 西 也。 又各 西房當 陳。 雖當 序之所 知者,上文鄭注云:「陳 内室牖之西,東房之户 延及 房 東 今房中 通,故各于南 雖 西 西夾之後 與 陳 夾後以 于序内之北 (室連 南 東 所 西 北 陳,直户 比,其 東東東 北三 相直。 其 故 隅 而 房 所 間 面 房 較 西 即

西房直西序所陳之北,東房直東序所陳

之北也。

也。 大輅在 路。』《儀禮· 器》、《郊特牲》皆 爲天子車名? 塾之前,次輅在右塾之前。 綴」,鄭引作「贅」,訓 用,當假借作飘也 -部云"「輅,車軨前横木也。」然則輅乃車上一 」字皆作「路」,今本《尚書》作「輅」。 塾音孰,一音育。 「塾」字在《説文》卷十三下土部新附中。 一賓階 覲禮》注云:「君所乘車曰路。」是作輅非也 《春官 面, 作「路」。 次,則作贅爲合。 綴輅在阼 〇[案日]《周禮》鄭 巾車》《典路》及《明堂位》、《禮 鄭《巾車》注云: 階 [《釋文》曰]阼,才故 面 《説文》卷十 今作綴,亦假借 先輅 注 王 此俗字,不 引 在 此 在 应上 左

玉路 從後之言,二者皆爲副貳之車。 之堂謂之塾,謂在路門内之西,北面, 後,謂玉路之貳也。 輅、革輅、木輅者,主于朝祀而已。 鄭曰〕大路,玉路。 相對也。 相對,在門内之東,北面。 次路是象路之貳,與 先路,象路。 贅,次。 次在 綴、次是 不 《尚 玉 門 玉 書 路 與 側 路

輅、 象成王 寢門内 木輅」 典路》疏。 金、玉、象皆以 面 三十八卷。 林之奇《尚書全解》三十七卷。 兵事非常,故不陳之。《尚書》疏 之誤,據《周禮》疏增改。 金輅,而其上不言大輅是玉輅,明係脱一句。 輅」爲「金輅」,「金」當作「象」,其下「不陳象輅、革輅 疏 疏 了, 前。 《尚書纂傳》三十八卷。 約鄭義。 金輅、象輅、革輅、木輅,是爲五輅 日〕《周禮》巾車「掌王之五 」云云,「象」當作「金」,二字互誤。 此經所陳四輅,必是《周禮》五輅之 大輅,輅之最大,故知大輅玉輅也。 繫綴于下,必是玉輅之次,故 面前者,據人在堂上,面向南 生時 左右塾前、北 ○〔案曰〕此條鄭注,《尚書》疏所引以「先 皆南· ○林之奇《尚書全解》三十七卷。 〔傳曰〕大輅,玉。 華 向。 飾車、木則 國 先輅,象。 之事,所以重 ○《周禮》二十七卷《春 馬 画。 日」不陳戎輅 〇王天與《尚書纂傳》 (無飾。 凡 所陳列, 又但言先輅是 綴輅, 次輅,木。 〇王同。 輅」, 皆 顧 此刻本 1在路 金。 Ŧ 玉 天

鄭 之内 不輓 云: 以 則無飾」,故指木爲名耳。 言「先輅、象」。其木輅在象輅之下,故 右 知 玉、象皆以飾車」,三者以 云「次輅,木」也。 各自以 兩兩相配 經旨 之貮 次。 此 ·; 故 以 木爲名。 面 大 必 不 革輅者、《禮》五輅 前 以革,漆之而已。」以直漆其木, 「革輅,輓之以革而漆之。」「木輅, 玉輅 輅, · 必 將少一,蓋以革 馬 前後爲文。 皆 成王 次輅,金輅之貳。 融 陳之,故不云革輅,而 ,大輅、綴輅,先輅、次輅,二 南 在 玉輅, 先輅, 象輅, 綴輅, 玉 木輅之上猶 向, 王肅皆云云,孔 西, 殯在路寢,下云「二人執 謂 金 又解四 玉輅金 輅 轅 向 在 而 輅是兵戎之用, 有革輅,不以 南 東。 此 飾爲名。 輅之名,「 鄭《周禮》注 即次象,●故 未知孔鄭 也 四輅,于 意當然也。 此 以木 經 地 四 道 木 金 次 故 Ŧi. 尊

> 禮也。 路。 知此 之爲左右。 知「左右塾前皆北 主故也。 上,由王殯在 内之西,右塾者門内之東,故 宫》云:「門側之堂謂之塾。」孫炎曰: 惠,立于畢門之内」,畢 夾門堂也。」墊前 、則先東後西者,以王在東,宿 大喪大賓客亦如之。」是大喪出 陳 設 《典路》云:「若有大祭祀,則出 車 所陳坐位、器物皆以 西序故也。 輅皆在 陳 面」也。 路 車,必以轅向堂,故 寢 ·門是 其執兵宿 門 左 内 路寢之 以 塾 也。 衛敬 者 北 謂 西 衛 面 新 之 門 爲

之五路:一玉路、鍚、樊纓十有再就、建有二旒、樊纓十有再就。」《巾車》云:「王十二《朝事》篇云:「乘大輅、建大常、十〔案曰〕鄭以大路爲玉路者、《大戴禮》卷

^{● 「}玉」、《尚書正義》阮校曰:「宋板、《纂傳》「王」作

大常十 以爲象路者,鄭以此 及《郊特牲》。《郊特牲》無注,而于此 爲象路者,《巾車》無先路,其 十二乘」,是大路有貳也。 路是一,故旂章則同,雖繁纓不同,不害 命,欲以華國,所陳 玉路貳車無文,而《朝事》云「大路 「玉路之貳」者,望文爲説也。《巾車》于 大路即玉路也。 事》、《巾車》之「十有再就」者不同 月。」《明堂位》大路與《禮器》大路「繁纓 章,天子之禮也。」彼注云:「旌 位》云:「乘 畫日月者。」然則大路 就」,據鄭注俱是「殷路」,所以 副 巾車》云玉 有二斿。」彼注 貳,皆無名。 大 路 路以祀,象路以 , 旂十有二旒, 日月之 鄭 經陳設皆爲將 之車,主于朝祀 又以 既以大路爲玉路 굸 即 玉 贅爲次, 大常 鄭又以 路也 名 惟 旗 朝,贅、 九 與《),要大 傳 先 貢 謂 見 畫 明堂 旗 朝 路 是 此 車 日

官• 内之路寢。 不害 殷制 趙商,皆以 疏引《鄭志》答張逸、《詩》疏引《鄭志》 内之東,北面,與 内之西、北面、與玉路相對」、次路「在 先,亦望文爲説也。 又以「次路爲象路之貳」者,次是次 側之堂。」亦引《釋宫》此文以證,是也。 疏 又云「門側之堂謂之塾」者、《釋宮》文。 故 云「象路 , 作階在東, 皆是路寢之堂階。 引彼 遂 路門,是 匠人》有「門堂」,彼注云:「門堂,門 ,與大路之繁纓,殷周不同 就」。 此經先路是繁纓七就之象路也。 推 先路以爲 孫炎注、郭璞注即用之。 朱樊纓七就」,而《郊特牲》「先 此傳顧命,陳設器物在路 不同者,《郊特牲》所説 下文云「立于畢門之内」, 經 有 玉路之貮相對」者, 象路 明文也。 又云象路「在路 也。 若然《 以賓 者一例 巾 亦是 《冬 畢 門 門 于 本

路爲 同 王 鄭 我則有姊之喪故也。」二三子皆尚左。」 云:「孔子與門人立,共而 皆先言西,後言東。 路、革路、木路」者,以 故 路門之兩 則 也 亦尚右。孔子曰:『二三子之耆學也。 固然矣,其實 西,副貳 云云也。 前者與在 異 以大路爲玉 云「不陳戎路」云云,是馬、王與僞傳 被注云「喪尚右,右陰也」是也。馬、 在左塾前 西 但 爲 鄭 ,故惟不陳革路也。 右 者皆在 傳必 上文東西序几席及列玉陳寶, 旁。 東階者相 云「主于 者 亦 、爲左。 違 北 與在 ,綴路爲 因 東。 鄭 嚮 喪 朝 而 則 對 西階者相對,在右 \尚右故· 疏謂 塾 祀, 今 四 五路 從 也。 西爲 金、先路爲象、次 是 馬、王,類 因 門 尚右,二三子 |路正 又云「不陳金 止陳其二,故 則 也。《檀弓》 「王殯在西」 左,東爲右。 側 凡馬、王 革 之堂, 一者皆在 如 與 此 即

路門 至諸 王 廟 釗 戎,木 行禮、拜奠、獻醋諸儀,皆在路門内。 殯于堂上,與夫一切陳設,並 明文也。 路門,以此推之,則 以下文執兵者「立于畢門之内」,畢門 〔又案曰〕鄭以左右塾爲路門 故 則陳金路迎賓。 朝 · 于 此 門 南 出 也 同屬實 侯出 竢, 門外」, 外 以 門 切陳設,皆在路 路 而言, 上 事 也。 以 此篇自召羣 禮 所 廟 一指其地位方向 田 下文王出,亦 敘皆路門内事 曰「立于畢門之内」,曰「出 經文「門」凡三見,曰「逆子 門,方結過路門内 而 不 不 指殯所而言,三名 今喪中,陳設無取禮賓 陳 陳者, 宜 知几席、寶玉、車 門 臣 矣。 内,此于 一發 既 出 朝 而言, 顧命,及 金 也。 路門, 而 内者, 路 傳 事, 將總 以 經 且 顧 賓 指門 一天子 繼 前 命 古 鄭 敘 直 時 即 與 有 意 而

堂,于無

西夾室,有

罕》篇「拜下」、《鄉黨》篇「升堂」,皆在路寢,非 皆可乘車出入,故云然。治朝無堂階,不設几 門内之左右,其中間則皆平地 外,堂且無之,又何陳設之有? 《匠人》云:「路門不容乘車之五个,應門 焉。」注云:「九室如今朝堂,諸 下,皆在路寢之階前,見《樂師 有室曰寢。」郭注 自發顧命,直至王 一徹參个。」特言此者,亦以路門、應門 釋宮》云:「室有 在庫門内之左右。《匠人》云:「外有九室,九卿 自路門直至皋門 視朝之時,君臣皆立不坐,諸侯亦然。 箱有室則 何升與下之有? 皋門 堂 夾 階。 内之外朝, 即 以 東西箱日 一出以 注云「但爲大寢」。 有 . 皆平 東 《小宗伯 箱, 西 前,皆路門内 曹治事處。」此當 然則 箱 地 君乘 似不得名寢。 注 廟,無東西 故故 應門 自 云 夾室之前 車 可行 ※注 《論語·子 知此篇 路門以 内 之治 人登 治 在 朝。 朝 文不可 處,其 堂 此説 制 處 但《 寢之理。 廟 也。 對對 月 前 ?令》仲· 燕 廟 處 曰 以 爲

因

朝

当。皆平

地

無

朝

五

治朝無堂階,

寢。」然則《釋宫》所謂寢,乃廟中藏 有夾有箱,有左右房者,本天子燕 寢有左右房,不爲 宫室,因舊未及改作,權用諸侯之制,路 謂「正禮,天子路寢如明堂。 之寢,與凡爲寢不同。 云:「室有東西 廂,有序牆,寢制 無箱之寢 以次差之,謂天子路寢 成王崩 廟, 寢當同諸 尊,故 即 疑 卑,故在 在 後日 《顧命》,而 而殯之乎! 春 殯 燕寢,尚 廂 [寝 在 寢。」 惟 E 必 前。 侯路寢,故《顧 明堂制」。 廟 廟 室 後。」但廟 在 畢備」, 疏云: 無東 而已。 寢,衣 謂 應有 路寢,斷 鄭答趙商、 然則《釋宫》之 其 西 夾 有箱 「廟 注云: 孔 成王鎬 既 冠 故《釋宫》 制 廂 有 應 穎 所 是 無 有 有 命》之 非 **派寢之** 張逸 藏之 達 同 在 衣 室 接 東 「凡 神 明 因 京 冠 西

天子乎! 明矣。 也。 士,其 據天子。 謂之廂」。 無箱之寢,意惟庶人方如此狹陋。 「西夾室之前近南」,彼疏即據《釋宮》。 由此觀之,諸侯之士,其 八位爲 然以次推之,諸侯大夫必無無箱之寢矣,況 特 最 知此篇自發顧命直至王出 取卑,尚 牲 西堂,即在 饋 食》是 有 几席 諸侯之士祭祖 西廂,故云「西夾之前 兩 爾中尚有夾有箱 敦 在 雖廟寢同制,鄭惟 西 堂。 注「夾室前 禰,非 彼 則無夾 天子 注 近南 以 之

二人雀弁,執惠,立于畢門之内。〔《釋文》曰在路門内之路寢也。

弁,皮彦反,徐扶變反

卷。 乃 路 衛 宜芟刈。《尚書》疏。 制如冕,黑色,但無藻 在 鄭曰〕赤黑曰 服雀 殯與在 廟 寢 ○《玉海》一百五十一卷《兵制門》。 門 所 同 .弁,于此服雀弁者,士衛主 故 用當 名畢門。 廟同,故雀韋弁。 公爵 與冕同。 韋弁也。 雀,言如雀頭色也。 〇林之奇《尚書全解》三十七 **「疏** 耳。 鄭玄云云,然則 阮 旦]士人 谌 《三 禮 圖 惠狀,蓋 惠,三隅矛。 [傳日]士 廟 一殯,與 助 斜 雀 祭 <u>弁</u> 刃

者、《周禮•弁師》:「王之五冕,皆玄冕 也。又云「雀弁制如冕,黑色,但無藻 冕之次,其色赤 者,鄭注《儀禮·士冠禮》云:「雀弁者 異于祭服,故言「雀韋弁」。 事,韋弁服 内,知畢門即是路寢之門,一名畢門也。 天子五門,皋、庫、雉、應、路也。 兵者,不可以韋爲冕,未知孔意如何。 弁」,孔言鹿子皮爲弁。 韋弁」者,蓋 云: 「王出在應門之内」,出畢門始至應門之 〔案曰〕鄭云「赤黑曰雀,言如雀頭色也」 覆,在上,是以名焉。 ,笄所貫 有二,玉笄朱纮。」鄭彼注云:「延,冕 裹延紐,五采藻,十有二就,皆五采玉 雀弁以三十升布 心。此人執兵,宜以韋爲之, 也。」又云:「諸公之藻旒 以《周禮 而微黑,如雀頭然。」是 爲之。」此傳言「 司服》云「凡兵 紐,小鼻,在 然則下言冕執 。下云「綦 下云

以 《天官・閽人》「路門一曰畢門」。 賈氏《士冠禮》疏云:「冕者,俛也。 訓冕也,冕訓大夫以上冠也, 低卬之分,仍不害爲同制也。《説文》弁 故不得冕名。」則雀弁與無旒之冕 之卿,藻三就,再命之大夫,藻再就。」是 就,子、男,藻五就, 就。」又云:「諸侯及孤、卿、大夫之冕, 弁。」則似無藻之冕,仍與雀弁不同者。 云"「一命之大夫冕而無 藻,即與雀弁不異。 與冕同,惟無藻爲異耳。 冕皆有藻也。 一寸二分,故得冕稱。雀弁則前後平, 其等爲之。」鄭注云:「侯、伯,藻 傳以畢門爲路寢門者,鄭司農衆 士》亦云然,鄭皆不破。 是弁、冕散文可通,對文則異 雀弁之制,延紐笄紘, 而鄭 孤,藻四就; 旒,士變冕爲雀 然則冕而 注《弁師》 冠訓 注《秋 彼《閽 一,但有 弁冕 低前 命 又 無

> 涉,知宫門即路門也 《小宗伯》「縣衰冠之式于路門」,二事相 門。」《太僕》「縣喪首服之法于宮門」, 《冬官·匠人》:「路門不容乘車之五 又名虎門、《地官 位》注,皆以路門居天子五門之末是也。 畢是終者,《閽人》、《朝士》注及《明堂 言畢者,從外而入,路門爲終畢。」是也 左」,注云:「虎門,路寢門也。 个。」注云「路門者,大寢之門」是也。 大寢之門外。」注云:「大寢,路寢 知路是大者,《夏官•太僕》: 人》疏云:「路,大也。 ・師氏》「居虎門之 君 所居皆曰 「建路鼓干 又 稱 也。 路 宫 以 知

作「騏」,宜从之。 【案曰〕「綦」,晚晉从王肅改也。依疏及《毛詩》疏,鄭、馬綦音其,馬本作騏。夾,徐工洽反。戺音俟,徐音士。〇四人綦弁,執戈上刃,夾兩階戺。〔《釋文》曰〕

騏。」戈即今之句孑戟。《尚書》疏。○林之奇〔鄭曰〕青黑曰騏。《詩》曰:「我馬維

也。 棊也。J驪是黑色,故鄭云云,謂騏弁, 處。 義:「《夏官·弁師》云:『王之皮弁,會 氏從之。今考《毛詩 如馬騏文也。王肅妄改騏作綦,而 者,《説文》馬部云:「騏,馬青驪,文如博 文鹿子皮弁。 十之一卷《魯頌・駉》疏。○李樗、黄櫄《毛詩集解》十 〔案曰〕鄭云「青黑曰騏」,且引《詩》以 士也。廉,稜也。立在堂下,近于堂稜。 采 書全解》三十七卷。 〇林之奇《尚書全解》三十七卷。 謂之綦。」引此《詩》云『其弁伊綦』。 玉 [疏曰]大夫則服冕,此服弁,知亦 皮弁之逢中,每貫 鄭箋:「騏當作瑧,以 〇《玉海》 《釋文》。 瑧。』注云:『會,逢中也。 ○又七之三卷《曹風· 亦士。 一百五十一卷。 〔王曰〕綦,赤黑 ○《毛詩》四之四卷《鄭風 堂廉曰 曹風》「其弁 結 (馬 鳴鳩》疏。 五 玉爲之。」正 〔傳曰 **肥**,士所立 采玉以 色。 E **瑧**,結 《尚書 〇又二 僞 孔 伊 證 色

又云: 黑色,非綦玉之皮弁矣。」僞孔牽于彼 皮弁,各以其等爲之』,不言士之皮弁, 文,妄改爲綦,又以士弁無綦飾,因 飾,故知《顧命》士之騏弁,正 『士皮弁之會無結飾。』以士皮弁無 則士皮弁無綦飾矣。故《弁師》注云: 亦是士。《弁師》之文上云『孤卿大夫之 爵弁」,服爵弁則是士也。 云『騏弁』,明 是大夫也。于「四人騏弁」之上云「二人 破騏字爲玉綦者,以《顧命》之文于『四 諸侯皮弁,有綦玉之飾,此云『其弁伊 男綦飾五。』玉用采,如彼《周禮》之文。 等爲之。』注云:『皮弁侯、伯綦飾七,子 人騏弁』之下每云『一人冕』,身服冕,則 命》云「四人騏弁」,注云「青黑曰騏」,不 鹿子皮」,恐皆妄也。鄭又云「戈即今 知騏當作綦,以玉爲之。若然《顧 『諸侯及孤 卿大夫之皮弁,各以其 是 弁 作 解 玉 綦 爲 青

形。」「戟,有枝兵也。」此最明析。 戈。」此則以戟無刃者爲戈。 《釋名》又云:「戈,過也。 《冶氏》云:「戈廣二寸,内倍之,胡三之, 下云:「戈,平頭戟也。 鋒刃,則《方言》疑非是。《説文》卷十二 工》,戈一援一胡,戟則一直援,一枝援, 上刃」,而《冶氏》所言「戈戟之援」,皆其 刃,秦晉之間謂之釨,吴揚之間謂 言》卷九云:「戟,楚謂之孑。 謂其援。所鉤引,蓋謂其胡。 其孑。」則句孑戟者,以其胡名之也。 援四之。」司農注云:「援,直刃也。 卷七《釋兵》篇 盾》及《考工記 句孑戟」者, ,所鉤引則制之,弗得過。」所刺擣**,**蓋 胡枝援,亦是其胡孑。蓋戟从戈, 鄭 並 • 注 冶氏》,並 《夏官 同,舉漢時名爲況 从弋,一横之,象 敘官 所刺擣則決 劉 觀經言「戈 凡戟而 熙《釋名》 揚雄《 據《考 司 也。 方 之 無 戈

過

西, 賈 른 即是夾戺。 者,階戺雖 廉遠地則堂高」是也。 南堂隅之西,當前 二人,一立于東南堂隅之東,一立于 厓隒」是也。 傳以爲「堂廉」者、《漢書 隒,邊也 吕向云「刊, 平堂,設切厓隒。」李善云:「切與砌 砌俗字,當作切。 揖《廣雅》卷七《釋室》篇云:「戺,砌也。」 俟,古文《尚書》作忆。」今隸書變也。 **戺者,郭忠恕《汗簡》卷下之一云:「**) 「) 「))) 从 、幹省、二援 誼傳》云「人主之尊如堂,陛九級上, 經合言之者,以四人兵服同也 是戈、戟之異,不在有 在阼階之東,相嚮 削絫其階,令平,高設切以爲 相連、階非 蓋夾階者二人,一在 削 則枝榦多,非 也。 張衡《西京賦》: 廉之兩旁厓 層,絫堂高 即肥,不得 經言「夾兩 而 立。 但 刃 一横之而 無 下,皆南 夾戺 以 西 也。 階吧」 「刊層 刃 階之 夾階 通。」 西 者 厓

面厓矣,故知皆南嚮庭中也。尺,既當堂廉之兩旁厓下,若相嚮則皆夾戺者皆南嚮者,以堂高九尺,人長八

立于西堂。 一人冕,執劉,立于東堂。 一人冕,執鉞,

西廂 名爲堂。 下。」知服冕者皆大夫也。 劉,鉞屬。立于東西廂之前堂。 (疏 海》一百五 半以前 序内簷下自室壁至于堂廉中半以前 三十七卷。〇王天與《尚書纂傳》三十八卷。 同禮 鄭 曰〕劉,蓋今鑱斧。 近階 · 司 日堂。《尚書》疏。 十一卷。 此立 而 服》云:「大夫之服,自玄冕而 立,以備升階之人也。 于東堂、西堂者,當在 傳曰〕冕,皆大夫也。 ○林之奇《尚書全 鉞,大斧。 鄭玄云云,謂 序 總 解 東 内

鉞相對,當相

「斧也。

从戈,レ聲。」今作鉞者,俗

似。《説文》卷十二下戉部

〔案曰〕鄭云「劉,鑱斧。

鉞,大斧」者,

劉

室,則 《説文》广部新附,古無此字,不可用。 之類,故推 字,不可用。 饋于个」,杜預云:「个,東西箱。」是也。 依《儀禮》當作「箱」。 前堂。」謂夾室之前堂爲廂也。 前。」《釋宮》「東西廂」,郭璞注云:「夾室 前。」《特牲》「西堂」注云:「西夾室之 内之半以前,即 之前爲東堂,西夾之前 以前,則自楹 西夾東者,中堂也,是爲半以後。 以前曰堂」者,序是東西 「几俟于東箱」,注云:「東箱,東夾之 月令》考之,中 匠人》明堂五室,其實則十二堂。 四堂。其東堂曰 序内皆爲堂。 以 間以及堂廉皆是。若 爲 然則戉 · 央太 東西箱也。 鑱 斧 廟太室,正室也,一 然序内 是大 昭四年《左傳》「真 也。 青陽太廟,南堂 爲 牆,序外是 西堂,是 斧 又云「序 《覲禮·記》 當東 劉 廂字在 必 夾西、 其半 亦 東夾 内 是 序 夾 戉

堂太廟 左夾也 堂。 堂」,即左个、右个也。 个,北堂曰玄堂左个。 之前堂」,即以廂爲夾,非也。 右夾,玄堂之左夾也,其西堂曰總章右 西堂曰總章左个。 夾,總章之左夾也,其南堂曰明堂右个, 堂之左夾也;其東堂曰青陽 陽左个。 明堂太 曰 明堂左个。 東北 廟,西堂日 其北堂曰玄堂右个,東堂曰 東南 隅之室,玄堂之右夾, 四隅之室,夾室也。 西 隅之室,青陽之右夾,明 南隅之室,明堂之右 西北隅之室,總章之 總章太 此經「東堂」、「西 僞傳云「東西 廟, 右个,南堂 北 四 青陽之 室 堂 而 曰 青 廂 玄

「鄭曰〕戣、瞿,蓋今三鋒矛。《尚書》疏。○ 音懼。 「鄭曰〕戣、瞿,蓋今三鋒矛。《尚書》疏。○ 音懼。 一人冕,執戣,立于東垂。一人冕,執瞿,

三十八卷。○《玉海》一百五十一卷。〔傳曰〕戣、林之奇《尚書全解》三十七卷。○王天與《尚書纂傳》〔鄭曰〕戣、瞿,蓋今三鋒矛。《尚書》疏。○

在堂上 瞿皆 堂上也。 此立于東西堂之階上也 遠地,當于序外東 也。」則垂是遠外之名。 〕《釋詁 戟 ,弁則在堂下,此二人服冕,知 屬。 堂上而言東垂西垂,知在堂上 》云:「疆、界、邊、 立 于 西廂, 東 西堂之階上。 必有階上堂,知 此經所言冕 衛、 圉 , 則 在 疏 垂

與 ? 字。 鋒刃 从戈,癸聲。」 瞿則 〔案曰〕鄭云云者,戣、瞿蓋 新附有鑺字,注云:「兵器也。」此後人因 下戈部云:「戣,周制,侍臣執戣。 故鄭以爲皆三鋒矛也。 嘯堂集古録》卷上《商瞿父鼎銘》云: 顧命》妄造此字耳,不可信也。 #光瞿字,作雙目而中从一。」蓋古文瞿 似雙目,其下柄似 疑此兵器之形似 然《説文》卷四上瞿字爲部首,但 無見。 此 古文瞿字,其上 卷十四上金部 《説文》卷十二 ,故遂以名之 亦二器 惟 兵也 相 王俅 似

北括。 以 餘 幾與序內半以後相等,不須于堂外復留 蓋 東序東。」則其上文「賓與大夫之弓, 之廉矣。彼下文又云:「主人之弓矢,在 云:「上堂西廉。」言堂西廉,則是西序外 序,序外即西垂。 南 四 下土部云:「垂,遠邊也。 ₩字,疑不 于西序」者,在 夾東邊之牆爲西 而 云 賓與大夫之弓,倚于 面設 東夾東邊 容人往來。蓋東夾西邊之牆爲東序, 地 東西夾旁之廉也。 ,而東西 面,既謂之東堂西堂,其南北之深, 鷹隼 衆弓倚于堂西,矢在 切以爲廉,在階之上堂之邊,其 視 能定也。 亦必 也 [兩面 西序西之廉上也。 序,而 有序,序外即東垂。 《儀 从隹,从眼。」不收 則留餘地,謂之垂,所 垂 堂基 禮 西序,矢在 西夾西邊亦必有 、《説文》卷十二 • 鄉 从土, 舜聲。」 一既築土令高, 其上。」鄭注 射禮》云: 弓下, 是 重 西 文

垂者,東嚮;立西垂者,西嚮也。西序外之廉上皆有餘地,即垂也。立東

税反。一人冕,執鋭,立于側階。〔《釋文》曰〕鋭,以

共並 卷。 著柄。 特 北 傳會選》六卷。 卷。 立 瞿、鋭,皆兵器之名也。《尚書》疏。 ○「側階」云云,王同。○林之奇《尚書全解》三十七 長短之數。 《尚書全解》三十七卷。 百五十一卷。 也。 階。 于東垂 ○王天與《尚書纂傳》三十八卷。 立 〔疏曰〕鄭、王 傳曰〕鋭,矛屬 《周禮》戈長六尺六寸,其餘未 此 ? 北 鋭,矛屬。 者已在東下階上,何 所執者凡七兵。 階則惟堂北一階 故傳以爲「北下階 ○毛居正《六經正誤》二卷。 側階,東下階也。《尚書》疏。 〔王曰〕惠、戈、劉、鉞、戣、 ○王天與《尚書纂傳》三十八 以 凡此七兵, 側 階 側階 爲 立 而 東 北 ○劉三吾等《書 或施 于畢 己。 上, 由 下階 下立階 〇林之奇 ○《玉海 此 ·門之 爲堂 側 人 復 聞 或 説文》卷十四上金部鋭字但

兵

解。

《左傳》成二年「鋭司徒

免

案

日

鄭

以

鋭爲

矛

屬

者

,鋭當作鈗

云「芒也」,

階,中 亦當 四人。 皆士 在 内 路寢三階,于《書》亦未 中階者,路寢制 近向遠敘之也。 向 「宗廟及路 堂上 使 굸: 人,故二人。 内 及 ?。」《考工記》:「夏后氏世 有三階矣。 敘之也。 大夫爲之。 夾 也 -階無 《禮記·明堂位》:「三公在 服冕者,皆大夫也 兩 南面 以 階立 人升降,不須以兵衛之。 寢 其去殯遠,故使士爲之。其 三,三面各二。」 堂下 次東西垂,次側階,又從 制 在階者,兩廂各二人,故 如 先門,次階,次堂,從外 此惟 在門者兩,守門 如明堂。」則路 明堂,惟 -者,服 四 有 人夾 一,以 爵 明 鄭 弁、綦弁 文,縱有 康 兩 其去殯近 鄭又 室九 成 階 寢 兩 説耳, 1,不守 中階 開各 굸: 南 階。 中 面

括, 矛同 皆非 允聲。 謂 段 鋋 臣 云: 字。」兖州本 鋭,唐人不識字,并所引鄭注 引皆真古文,鄭必與之同。 允,余準切。」 據此知當作鈗。 乎」,杜 云:「兖,括也。」師 金部鈗字注云:「侍臣所執兵也 鋭謂利兵。」鋭皆作 佖 是 」、《漢書》 于《雄傳》之末。 「兖鋋瘢耆,金鏃淫 愈無 按:「字書無 張佖,江南人歸宋者。 可傷夷人乎? 也。《漢書 高帝紀 《周書》曰:『一人冕執鈗。』讀若 注 所據。 》「朕 相 作沇,此「兖鋋」合作 鋭 承,誤爲兖字。 司 且箭括非刃, 豈與鋋 親 兖字,今俗以爲兖州 揚雄 所謂 一臣 徒, 古 被 考宋本《漢書》附 虚 又依 堅 主 字,無兵器解也 夷者數十萬人。」 傳 執 鋭 《説文》鈗字 鋭 佖」者,宋祁 孟 長楊賦》有 兵 僞孔妄改 亦作鋭矣, 《説文》所 康 者 顔注 爲 □。」《漢 從 淳 金 此 乃 鈗 小

名矜。 冒也。 《考工記・籚人》云:「戈柲六尺有六 屬。 《左傳》:「剥圭爲鏚柲。」杜預云:「鍼, 《詩・伐柯》傳云:「柯,斧柄。」昭十二年 之被而圍之。凡爲酋矛,參分其長,二 人》又云:「凡爲殳,五分其長,以其一爲 斧柄爲椑。」則椑隋圜 散文則通,對文則異也。 矜,柄通稱。此云「或施矜,或著柄」者, 寸。」鄭注:「柲,柄也。」其下文鄭注又 與鋋字相次, 在前,一在後而圍之。」鄭注云:「被 云:「爲戈戟之矜,所圍如殳。」則戈柲亦 句兵椑,刺兵摶。」鄭注云:「齊人謂柯 凡此七兵」云云者,如劉、戊皆斧類 秘,柄也。」則斧著柄者也。 劉熙《釋名》卷七《釋兵》篇云:「矛, 《説文》矛部云:「矜,矛柄。」則 刃下冒矜也。」則矛,施矜者也。 則「臣 佖」説是 也,摶圜也。《籚 《籚人職》云: 也 鈗爲矛 鄭又云

《禮記 彼疏云:「闈門是旁側之門,故云側階 同,故 隋圜 云"「宫中之門曰闈門,側階亦旁階也。」 從賓階躋以至殯 簡捷也。 堂即横過楹間,徑趨 盛,故于此獨多一人。且康王將從翼 階。蓋康王 本國,「人自闈 嗣王從翼室往殯所必由之處,與西階不 中 出而受顧命,必不率爾從室户出,至 下階」者,以側是偏旁之義,故以爲東 無文,故云「未聞」也。 戈長六尺六寸」者,《考工記》文,餘則 也 觚 者 ·雜記》說諸侯夫人奔父母 獨多此一人。鄭注確不可易也 柄 圍之, 圜之也。 者, 矜也。 必當從東階降至庭中,然後 也,其手握處園, 一方恤 門,升 前 ,宅于東翼室,兵衛 是矜、柄固 然則 殯前,若是之慢易 自側 鄭又云「側階,東 凡矜八觚。」 此東下階 階」。 而 握不 有異 及處 然則 東 再 室

北階在 堂也。 注路寢、明 禮》及《大射儀》皆云:「羞膳者從而 自北 三面各二。 也,無偶日 房有之,西房無北堂,故無階。 由堂東升自北 惟 士冠禮》云「側尊一」,鄭注 云: 北 傳 升 階 堂,房中半以北。」是東房之北爲 「致爵于主婦,主婦北堂。」注云: 右房,不爲明堂制 乃 自 階」,是路寢有北 階 記》云"「婦洗在北堂。」《有司 也 《大射儀》云「工人、士與梓人升 以 東 東房北堂之下也。 側 爲 階 此 堂同 側。」是側 猶特 謂 今此路 知 知 北 東 階房中, 下階,疏又申之云「堂北 制。 側階謂 也」,考《儀禮 旁之旁階 寢 明堂九階,南面三, 有特義。 ",鄭謂 階矣。 東 西 則東房正有 面 面, 云: 又北堂惟 故 階也 是因 鄭《匠人》 南上。」是 奔 \sim 「側猶特 儀禮 喪禮 , 是 注《 侯制, 士昏 東, 也。 燕 北 東

部,常訓下 王 麻 堂廉 未 豈 在 防 ? 若以 人何復共立」? 不知 駮鄭,謂「立東垂者, 置 婦 隮 亦甚可笑。若以壯 婦 北 冕 足 相 東 行 無所事,何用兵衛? 不 階 人,又無進膳者,此階 據 黼 妨 下 上,階在堂廉下,彼立 防守,此地 及進 裙。 執鈗者于此,孤立 禮之際別男女,婦人在房,北階 知 新附 執鈗者不 Ē 郊? ,又何足難鄭 階上,此 ? 當 重文作裳,則裳與常同。 亦 膳者所由,今將傳顧 由賓階 無。 以 而 冕者必在堂上,疏 必 無 太覺 鄘風 執 向 以 隮。 偶 爲「東 内 鈗者原在 觀 邪 日 無 . 即是 已在 垂 〔案曰〕《説文》卷七下巾 瞻 蝃 ? 側」之義 謂 蝀》「 與 則 向隅,爲此 無 Ħ. 下階」 傳 階 東 東 邪? 小 此 無人能 朝 又卷十四下 疏 階 人升降, 有 下 寢 垂 地 **隮**于西 皆非 説 别,垂 有 不在垂, 者,原不 階上,此 者 命, 解之, 既不 疏 如 ?何足 又妄 也。 見 寂 北 此, 用 寂 本 乃 鄭

此經不合,當作躋。雲。」《春官・眡祲》十煇「九曰隮」,注云:「隮,虹。」皆與云:「隮,升。」《曹風・候人》「南山朝隮」,傳云:「隮,升

故特 冕也。 冕。」●此禮授王册 也。 升以爲冕,故稱麻 階升,不敢當主。 字,以意增。〔傳曰〕王及羣臣皆吉服,用西 覽》六百八十六卷《服章部》。 冕服有文者也。《尚書》疏。 祭之冕矣。「衮」,鄭《周禮》注云:「衮之 故言「王及羣臣皆吉服」。 王之上服,于此正 鄭曰〕麻冕,三十升布冠也。 :「玄衮及黼。」以黼有文,故特言之。 五章,裳四章。」則衮衣之裳,非獨 取爲文。《詩 《周 言黼裳者,以裳之章色黼黻有文, 其卿士、邦君當各以命服 禮 · 司 **「疏** 服》:「享先王 采菽》言王賜諸侯 命,進酒祭王 冕。 王之尊,明其服 〇〔案曰〕《御覽》脱十 曰〕禮,績麻 傳嫌 〇李昉等《太平御 麻冕,蓋 麻非吉服, 見 黼 裳 則 必 一衮冕 即 衮 者 衮 助 是 衮

> 有文者 彝也。 者,所以辨其 孔安國《論語》注云:「麻冕,緇布冠也。 黼裳當是毳衣之裳刺黼、黻二章者, 周之冕服九章,黼當其第八,其等衰則 千四百縷,布之至細者。凡冠衣之布, 服傳》云:「布八十縷爲升,三十升,凡二 績麻三十升布以爲之。」是也。 鄭玄云云,是言貴文故稱之。 色言,皆無文者耳。 注《周禮・司服》云:「毳,畫虎、蜼,謂宗 三十升也。」又云:「黼裳,冕服有文者。 冠之升數必倍于衣,朝服十五升,故冕 案曰〕鄭云「麻冕,三十升布冠 九章至一章,凡五,王備有焉。」據 其衣三章,裳二章,凡五。」則 也。 對 精麤也。 下「蟻裳」、「彤裳」,止以 傳云「用西階升,不 鄭注《儀禮·喪 布言升 也」者, 是 此 鄭

[「]王」,原作「生」,據《尚書正義》改。

敢 當主」者、《文王世子》云:「成王幼,不 作階,今升自西階 涖 阼,周公相,踐阼而治。」是嗣 ,未敢當主也 王當

蟻,魚綺反。 卿士、邦君,麻冕蟻裳,入即位。〔《釋文》曰〕

名之。 兼之。 服 者,卿士、邦君于此無事,不可全與祭, 玄。〔疏曰〕卿士,卿之有事者,公則卿 諸侯皆同服,亦廟中之禮。 百八十六卷《服章部》。〔傳曰〕公卿、大夫及 七卷。○王天與《尚書纂傳》三十八卷。 諸侯北 亦廟中之禮也。 大夫及諸侯皆同 士爲文,公與大夫必在,故傳言「公卿」 鄭曰〕蟻謂色玄也。 也。 改其裳,以示變于常也。 此行大禮,大夫亦與焉。 禮,祭服 蟻,蚍蜉蟲也。 面。《尚書》疏。 皆玄衣 言其如 服」。 ○林之奇《尚書全解》三十 即位者, 言同服吉服,此 裳色玄如 纁裳,此 助祭,各服其冕 蟻,裳名,色 太保、太史 ○《御覽》六 卿 略舉卿 獨玄裳 蟻,故 西 面

> 玄云 亦北 有 所 云 面,孤東面 主 惟 者 據經 則 純 也 卿 如 祭服, 士、邦君」言之,其公 暫從吉也。 鄭

畢門。 色如 蟻字。 階,知皆陪位于中庭也。 君入畢門,以聽傳顧命也。 蜉,大螘。 在中庭之南。 面」者,謂在中庭之東。 色玄也。《司服》注 云:「蚍蜉,西南梁益之間謂之玄蚼。」是 大螘也,小者即名螘也。」《方言》卷十 然則字當作蛾,又作螘。《釋蟲》云:「: 蟻, 案曰〕鄭云「蟻謂色玄也」者、《説文》無 、蛾、與上雀弁、騏弁同 一作蛾。」《學記》注:「蛾,蚍蜉也。」 《檀弓》「蟻結于四隅」、《釋文》: 王殯在畢門之内路 小者,螘。」舍人曰:「蚍蜉 蓋經言「人即位」,不言升 服章無蛾,故以爲裳 諸 也。 侯北 寢,卿士、邦 鄭 人者,人 云「卿西 面」者, 即 蚍

太保、太史、太宗皆麻冕彤裳

與 淺者,故以彤爲纁,言是常祭服也。 彤,赤也。禮,祭服纁裳。 論染絳之法,備用《爾雅》文,乃云 「朱則 宗與下文「上宗」一人,即宗伯之卿也。 事,各異裳者,各異于卿 四人與」。然則彤、赤是一 鍾氏》略同。 再染謂之窺,三染謂之纁。」與《考工・ 云:「彤管,筆赤管也。」 困卦鄭注 「朱深于赤。」《爾雅》云:「一染謂之縓, 〔案曰〕傳以彤爲纁者,《静女》詩鄭箋 纁,絳也。」而鄭于《士冠禮》「朱紘」注 朱, 即宗伯也。 深淺雖别,亦是一 執事 《天官·染人》司農注云 各異裳。 <u>「</u>疏 彤, 日]此三官皆執 ,故以彤 ,朱與赤, 纁 士、邦 纁是赤色之 也。 君也。 爲 太

文》曰〕瑁,莫報反 太保承介圭,上宗奉同、瑁, 也。 由阼階隮。 (釋

明正位爲天子也。禮又有大圭長三尺, 同,酒 之笏,不是天子所守,故知非彼三尺之 長三尺,天子服之。」彼搢于紳帶 知介圭非彼三尺圭者,《典瑞》云: 天子之所守,故奉之以奠康王所 由 以齊瑞信,方四寸,邪刻之。 大圭,執鎮圭以朝日。」《玉人》云:「大圭 圭之大者。 云:「鎮圭尺有二寸,天子守之。」鎮圭, 王所位。 曰〕大圭尺二寸,天子守之,故奉以 七卷。○《三國·吴志》十二卷《虞翻傳》裴松之注。 使其上二 長大宗伯一人,與小宗伯二人,凡三人。 馬曰〕同者,大同天下。《虞翻傳》注。 鄭 便不嫌。 门上宗猶太宗。 杯。 同,爵名。瑁,所以冒諸侯圭, 《尚書》疏。〇林之奇《尚書全解》三十 人也,一 介訓大也,故知是彼 [疏日]《考工記·玉人》 人奉同,一人奉瑁。 變其文者,宗伯之 用作階 位,以 王 奠康 升, 「傳

小相當 然。 僞 作。 子,天 圭頭 長 所 云: 四寸者,以尊接卑,以小 祭酢皆用同奉酒 文不見耳。 中,故不得執之。 云:「天子 圭,下文不言受介圭者,以 子受同、瑁 四 以 短 以 冒 「名玉曰冒者 寸,容彼圭 邪 經 如 執瑁者,諸 也 八子以 傳惟 諸侯 鋭,其 知諸 **圭**頭。 ,則是本所 「上宗 ,執瑁 冒之。 禮,奠爵無名同者,但下文 之圭 言 侯 瑁 信 圭 諸侯來朝,執 太 當當 侯 奉 頭 四四 之 與不 以 賜; 保 刻 ,言德能 即位,天子賜之命圭, 太保必奠于其位 則 同、瑁」,則 下 知是爵名也。《玉人》 一寸以 長 齊瑞信,猶今之合符 必 處 邪刻之,其 信。 其或不同 短,不言闊 圭 奠 冒 爲 朝 頭之闊 被圭 于 故天子 貴。」禮,天子 覆蓋天下也。 同、瑁并在 諸侯。」鄭 位 圭 下文云「天 一,其 頭,若大 ·; 則 以 無 刻 狹。 執 授天 闊 四 一,但 注 是 狹 丰

> 事,盤 也。 也。 之圭 洗 猶 也。 嫌 于 醋 爲主人 禮,凶事設 璧 闊 東 也 作階,東階也 天 洗在 亦 階 子 狹 以 稱 等 東階所以答醋賓客。」是其 東 東, 也 瑞,不 也 南。 瑁 故由 洗于 此 冒 此 知 天 瑁 阼階升,由便,以 鄭《冠禮》注 太保、上宗皆 所 西階西南, 吉事 下 惟 以 之 冒 齊信, 圭 圭 耳 則 <u> </u> 不 未 公 行 得 得 侯 古 設 卑 阼 聞 伯

《釋器》云:「珪大尺二寸,謂之玠。」《大 子並 圭 溺 寸,天子守之」者,「介,大」,《釋詁》文。 篇云吕 奉者、《説文》手部 (案日) ,故云承 爲承。」出溺 崧高》云:「錫爾介圭,以作爾寶。 流 梁 鄭云云者,殘 而 懸水,一丈夫游之,「孔子使弟 承 也。 之。」張 有升舉之義,此兩 傳 義 以 國也。 介圭 也。 湛 注:「《方言》出 爲「大圭 列子• 傳以承 黄帝 手奉 尺二 亦 爲

伯,卿 物,兩 信。 是故 天下」,今經益 莫大焉。 從誤作『同』,既不覺定,復訓 爵等而自有差,使其上一人與大宗伯爲 云:「《顧命》『執瑁」,古『月』字似『同』, 二也。 云宗伯之長 虞翻别傳》,翻奏鄭解《尚 桮。 一,自九寸以 天子之鎮圭。」即 今將傳 王 注 生長 子執 手奉一物,故用二人奉之。 一人。小宗伯,中大夫二人,二人 鄭又 錫申伯, 甚 引作「玠」, 馬 違 尺二寸,謂 瑁 顧 融 不 以 三人,使其二人者,同 下,不得有尺二寸,尺二寸 以 「金」就作「銅」字, 詁 命,故奉以奠于位也 知 訓 同 以爲其寶,不得執 朝諸侯」,謂 蓋闕之義。 注 爲酒桮者, 裴松之 玠、 疏引《玉人》云云者。 亦 之介。 以 介 爲『同 同 書》違 也 之酒 爲桮 《玉人職 諸 侯 彼 桮, 大宗 爲瑞 之瑞 失 瑁 訓 箋 同 事 引 兩 鄭 亦

皆不 圭,尚 如其 也。 之意 作 用 不 訓 無同 作钼 復 字,遂誤作「月 天子 同旁益 乃受瑁」, 解爲 爲桮。 以 誤作 瑁 則 (醋、用 (説,則 字。 乎? 翻 得,猶愈于玄」。 ¬, 因 副 ,爲近 不 瑁 見經 酒 璽 金訓爲璽者,故翻 「同瑁」,鄭不 -肯信 是 以 祗緣 馬融雖不 杯 理。 鎮 以 猶 豈 爲經文本當作「上宗奉 下文「乃受同、 典 ··, 故 雖 文》卷一上玉 嚌者 可通 圭 瑁 ,其實則大謬不然 、無以同爲酒桮者,獨此 今文 皆 珇」,後人 重器 又據 訓 亦 不 ·, 是何 也 可 爲 能 作 得 ? E",奠于 翻 酌 大同,以同 能 此則翻駁鄭之 覺 瑂」, 傳 所 覺定其誤, 物 酒 以「月」似 而 「同」爲誤 見別 以 部, 乎 乎 下文用以祭、 瑁, 坐 于 ? 爲二説「 以 古文 寫 玄。」 本,竟 亦 示 瑁 也。 豈皆當 分 當 王 非 從 配 而 同 珮 爲 珇 推 之 作 意 雖 有 介 猶 而 兩 翻

玉以 也。 爲酒 鄭意 玉 授受 將受以祭者,自是圭瓚 亞于圭瓚。 醋」,則彼同是璋瓚矣。半圭曰 璽起 玄」,更妄矣。 部云:「瑁,諸侯 冒諸侯圭,以齊瑞信」云云者,《説文》 主 裸尸。 冒之,似犂冠。」是 太保以醋之同既是 一者也。 桮 秦漢,周 ,「同」蓋圭瓚可盛鬯酒者,故 如 也。 兒 戲 太宗執璋瓚,亞裸。」是其差 乃 《禮記·祭統》云: 下文太保「以 初安有此? 于 鄭注其詳不可得聞 何 爲 此 改執 圭朝 獻 乎? 醋 也。 也。 璋 行禮之際,屢相 乃云「猶愈于 翻 ·瓚,則此同 天子,天子 異 真妄 傳云「瑁 同 '「君執 「璋,璋 秉 鄭 璋 以 所 以 推

太史秉書,由賓階隮,御王册命。

少東。 以 鄭曰〕御 命王 嗣位之事。 太史東 猶總 也。 面 《尚書》疏。 于殯西 王此 時 南 正 〇王天與《尚書 隅 立 賓 讀 階 策 書,

> 王,故 康 纂傳》三十八卷。 王,故同階 與王 同 〔傳曰 升西階。 疏 □太史持册 日]太史 不言王 持 策 書顧 面 北 進 進 可

知也

當立殯之右故也。 儀》云:「詔詞自右。」此以成王命詔,王 知太史東 階,將由其 知此時 迓之言迎,迎 案日」 鄭 立賓階少東者,以太史隨王 面,于殯西南隅者,《禮記・少 云「御 西讀册,王自當少東避之也 則 猶 必 嚮 向 也。 也」者, 王 由 御 即 賓階升, 迓字, 升

憑,皮冰反。 卞,皮彦反,徐扶變反。 子,其能 之光訓。」王再拜,興,答曰:「眇眇予末 君 曰:「皇后憑玉几,道 周邦,率循大下,燮和天下,用答揚 而 亂 四方,以敬忌天威。」〔《釋文》曰〕 揚末命,命汝嗣 眇,彌小反 訓 文 武 小 臨

君,成王。憑玉几所道,稱揚終命,命汝〔王曰〕大卞,大法。《尚書》疏。〔傳曰〕大

率羣 淺末小子,能如父祖治四方,以敬忌天 聖祖文、武之大教。 嗣 臣 其 循大法,用 道 言任 重 和 敘成王意。 道 用 和天 是 道 下 臨 用 君 微微 周 對 國 揚 我

久矣。 也。 威乎? 制 冕之總名也。 得法訓者,卷七下冂部冠字注云:「弁、 ?字注云「或覍字」,此即今隸變作 形。」今隸變作弁者,从籀省也。 周 《説文》卷八下皃部覍字注云:「冕也。 劭曰:「卞射,皮卞而射也。」則弁轉爲 重文《字注云:「籀文覍,从廾,上象 〔案曰〕王以卞爲法者,卞即 故訓法也。 法 日 1党,殷 《漢·成紀贊》: ●「卞射武 制,从寸。」是由 此經「大卞」即「大弁」。 謙辭。 曰鸣,夏曰收。 从元,元亦聲。 弁居元首而有法 从皃,象形。」 冠 弁之弁。 然則弁 戲。」 又重 卞者 文 應

義同。《説文》作記,丁故反,奠爵也。馬作記,與《説文》音咤,陟嫁反。字亦作宅,又音妬,徐又音託,又豬夜反。乃受同、瑁,王三宿,三祭,三咤。〔《釋文》曰〕

册既 《書集傳輯録纂注》六卷。○陳櫟《書傳纂疏》六卷 画。 疏。 瑁。 酒,三奠爵,告已受羣臣 疏》六卷。 王徐行前,三祭,又三却,復本位。 曰]王受册命之時,立于西階上少東,北 三,故酌者實三爵于王,王三進爵,三祭 傳曰〕王受瑁爲主,受同以祭。 鄭 ○董鼎《書集傳輯録纂注》六卷。○陳櫟《書傳纂 日〕王既對 宿,肅 訖,王再 太史于柩西南, 〔王曰〕咤,奠爵。《尚書》疏。 以 泛授王。 也。 拜。 神, 徐行前 王 上宗于王西 則 一手受同,一 東 一手受同,一 曰 面,讀 所傳顧 肅,却行 策書。 南, 禮成于 《尚書》 手受 ○董鼎 手受 疏

❶ 「成」,當作「哀」,引文見《漢書・哀帝紀贊》。

故以 此 也。 也。 受之後,王受同而祭, 别以 進于神 三宿爲三進 而 成于三,酌者實三爵于王」,當是實三爵 鄭玄云:「王一手受同,一手受瑁。」然既 瑁爲主」。 地 瑁 「三宿、三祭、三咤」。 咤字,以既祭必當奠爵,既言「三祭」, 兩 「三咤」爲三奠爵也。 , 則一奠爵, 三奠爵 續送,三祭各用一 而 宿爵 三祭酒,三酹酒 《釋詁》云:「肅,進 奠 楹 同 王 之間 坐 又 酌 爵 以 间 前 訖 酒 同 續送。 瑁授宗人。 ,祭神如前祭。 爵,從立處 , 復 酌酒,乃于殯 是酒器,故「受同以祭」。 祭神如 位 祭各用 于 同,非一 再拜,王又于樽 前。復三祭,故云 天子執瑁,故「受 則瑁以授人。「禮 于 神 鄭玄云云,與孔 也。」宿即肅 王 而 地 坐 乃 東 三進 几前 也。 也。 同 同 執 西 爲 同 面 至 經 每 祭 立 典 神 酒 就 進, 也, 所 酹 樽

《説文》卷七下门部: 也。 就本位,此祭謂 異 同、瑁,自當稍進近殯,前既三祭,則却 作「咤」,作疏者并 也 與肅通。 云: 亦 託。」當故切。」鄭本必亦作「託」**,**但 銘》有「京兆府大興縣御 統》:「宫宰 者,《少牢 案日」 ,託聲。《周書》曰:『王三宿、三祭、三 。』《特牲 訓爲却,當 」是也。又云:「却行曰 部云「裸,灌祭 《士冠禮》「乃宿賓」,注亦云「宿,進 「宿讀爲肅。」隋大業五年《終南山 鄭 《釋詁 饋 以 宿夫人。」鄭于彼三經 饋 亦以 宿 食 ¥ 灌祭也。 禮 爲 禮》:「乃 也」是也。《小宰》注 音近得 ***** 肅 肅鄉」,即 「肅,進也。」是行而 鄭注 「託,奠爵酒也。 一前 云 《説文》卷一上 訓 亦引作「咤」。 御宿川 宿 咤。」則因僞 徐 宿 也。 行 尸 日, 也。 前 王既 」。」《祭 舍利 曰 解 宿 肅 宿 戒 受 則 注 从 孔 前 塔

異也

祭,未 進、冠爲却、王、孔非也。 喪中,不當如吉祭備禮,故鄭但以 爲進爵,咤爲奠爵,則嫌文繁備 然後迎尸,及祭,用圭瓚秬鬯獻尸,尸 有二:將祭,用圭瓚盛秬鬯酒 不飲,但沃茅灌 「天地大神不裸,人道宗廟有裸。」 必有尸,故王代尸祭酒。 地。 今此權 灌 禮,非吉 地 傳以 禮。 水神 宿爲 宿 受 此

上宗曰:「饗!」

儀,直飲酒而已。 之福。《禮·特牲》《少牢》主人受嘏福 興,再拜。 福酒。」王再拜受酒,跪而祭,先嚌至齒 奠爵訖 是受神之福也。 傳曰〕祭必受福,讚王曰:「饗福 疏曰〕酌福酒以授王,上宗讚王曰:「響 福酒。」王 ,上宗以 禮,于祭末必飲神之酒,受神 取 同酌 其告祭小祀,則不得備 同 此非大祭,故于王三 嚌之,乃以同 酒進王,讚 Ŧ 授太 酒。」 日

保也。

太保受同,降,

堂反于篚也。 朱用皆實于篚,既飲皆反于篚,知此下是「受王所饗同」也。祭祀飲酒之禮,爵是「受王所饗同」也。祭祀飲酒之禮,爵宗讚王以饗福酒,即云「太保受同」,明曰〕太保受同,降自東階,反于篚也。上回〕太保受同,降自東階,反于篚也。〔疏

倉故切。酸,酢也,素官切。」今俗醋、酢相亂。○〔案曰〕酢當作醋。《説文》卷十四下酉部云:「醻,主人盥以異同,秉璋以酢。〔《釋文》曰〕酢,才各反。

醋祭。 以醋祭。于上祭後更復報祭,猶 同,故太保盥手更洗異同,實酒 西報祭之。祭祀以變爲敬,不可 同,執璋升自東階,適樽所 保又祭。報祭曰醋。〔疏曰〕又 傳曰]太保 半 圭日 以盥手洗異同,實酒秉璋 璋,臣 一所奉。 酌酒,至 王已祭,太 加正 盥 即 乃 秉 殯 以 用 璋 異 以 Ŧ 東

醋。 下, 遞 也。 璋。 義也 太保又報祭也。 璋 圭 云 祀 有 禮 「君執圭瓚,太宗執璋瓚。」謂亞獻 邸 之 秉璋以醋,是報祭之事。 若助祭,公侯伯 日 月**,** 飲 減 亞 以 非正 酒之禮稱「獻醋」者,亦是報之 其 配 獻 半, 璋邸射 天, 也 祭,亦是亞獻之類,故亦 知「半圭曰璋」。 醋 兩圭有邸以 **^** 周 以 訓 禮 祀 子男自 報 Щ 也,故「報祭日 典 川。」從上 瑞 祀 得執圭 * * * * 王已祭, 地, 圭 璧 一而 執 用 几

手也。 寸半,其鋭者正。 注及《毛詩・斯干》傳、鄭《周禮 手匊水臨于皿上,象人澡手也。」傳又云 〔案曰〕傳云盥手者,《説文》皿部云:「澡 半圭曰璋」者,何休《公羊》定八年《傳》 》注,俱有 从臼,从水,从皿 其文。 璋首則惟 圭首 上 一鋭 臼爲兩手, 剡 ・大宗 旁各剡 偏,

神之玉、《春官・大宗伯》、《冬官 注合,故知必肅義也。 傳專從馬、王而違鄭,此傳與 于《毛詩》注 執璋。《棫樸》傳惟 云:「璋,臣之職。」其 義 不言明璋 人》禮神各有玉寘于神坐。 亦不以爲裸獻 有名璋瓚爲璋者。」《小雅 難鄭云:「圭瓚 命》此文爲證。 公植璧」,《山 云:「璋,羣臣 偏 也。 璋」也。 則衺鋭上 《大雅·棫樸》「奉璋峩峩」,王 醋,必非專言禮 傳云「璋 即 如此 是異 海 從王行禮之所奉。」引《 出 所用,肅 以 鄭則以爲「璋瓚」。 經》亦屢言 ,則注《尚書》可 圭爲柄,謂之圭 形 (同,亦 解璋,不言 臣 如 意 如其 故 半 所奉」者,此 以 即 神 版據 圭 人 • 説 反 此難 玉禮神。 《金縢》「周 然,故「 臣 斯干》毛 、肅《毛 則璋似 費,其 一行禮, 略裸 知。 鄭。 一費,未 王 半 禮 傳 玉 僞 意 顧 肅 肅 又

八二〇

異,故隱鄭名與? 達心有不安于僞傳,而疏家體,未便 此 也。 經。 醋字之義,疏猶 璋,則上文王所用以祭之同,自即圭 瓚、璋瓚,裸器也。」以 鄭、王異義如 裸尸」、《大宗 故 二瓚皆名同,殆猶 以圭瓚,諸臣助之,亞裸以璋瓚。」《詩》 「灌以圭璋。」知灌 裸 裸。 疏所引《祭統》云云,始即鄭義。 典 疏 《周 獻耳。 彼《棫樸》鄭箋云:「祭祀之禮,王 秉璋即是亞裸也。 説 不 今既 臣 用 禮 行 傳 • 司尊彝職》,春祠、夏禴、 以「璋 禮 義 下言以醋 伯》「執璋 此。 , 亦用 未 别 弁、冕皆名冠 得。 瓚 地之璋瓚,得單名璋 引 據《詩》以例《書 彼《祭統》注云:「 圭 亞裸」解 《祭統》「君 全章 謂既 一璧,非 瓚亞裸」,以 蓋秉璋者,秉之 《郊特牲》云: ·爲 柄,酌 必用璋者 獻則 此 與 執 太 保 孔 解此 鬱鬯 圭 則

> 醋 賓。 醋。」 知。 之。 醋,夫人執柄。」則后獻 立尸,異于吉祭,然經言 臣,臣自 嘗、冬烝 據鄭注《司几筵》謂王酳尸,卒爵 再獻者,王 之所醋。」鄭注云:「諸臣 各用其二。 也。 據《司尊彝》注,則 又酌授尸 又云:「朝獻,謂尸卒食,王 又次,后酌盎齊備,卒食,三獻 以 酳尸之後,后酌亞獻,諸臣 也。 及 而其下 , 尸醋王。 追享、朝享,于六彝、 兹祭于 輒云:「皆有罍 成 臣 尸 .醋 獻者,酌 據《祭統》:「尸 , 尸亦醋 l",亦必 獻尸,尸 王 一殯宮 獻 酳 祝受 后 也。」 而 不 .醋 自 山

授宗人同,拜,王荅拜。

曰〕欲祭之時,授宗人同。拜,白王柩授宗人同。拜,王荅拜,尊所受命。〔疏供王,宗人供太保。拜曰已傳顧命,故〔傳曰〕宗人,小宗伯,佐太宗者。太宗

拜也。 拜也。 于王不言拜,于太保言拜者,足以見王 于王祭不言拜者,祭酒必拜,乃是常禮。 保既醋祭而 奠于 同。 伯也。 荅拜者,尊所受之命,亦告神使知,故荅 言已傳顧命之事,先告王已受顧 已傳顧 所受命。 地 「已傳顧命訖。」王則荅拜。 拜者,自爲拜神,不拜康王,但白神 ,故以同授宗人,然後拜也。 王既祭,則奠同于地。 命訖 太保所以拜者,爲白成王,言己 上宗爲大宗伯,知宗人爲小宗 **拜**,則王之奠爵,每奠必拜。 也。 將欲拜,故先授宗 太保不敢 拜柩 命。

祭柩如王禮,但一祭而已。祭訖,乃受互相備。〔疏曰〕太保乃于宗人處受同,至齒,則王亦至齒。王言饗,太保言嚌,〔傳曰〕太保既拜而祭,既祭,受福。嚌太保受同,祭,嚌,〔《釋文》曰〕嚌,才細反。

見以 其意。 酒,亦嚌至齒也。 齒。 神。 則太保亦應有宗人曰饗,二文不同,互 祭禮同,而史録其事,二文不等,故 飲而實不飲也。太保報王之祭事,與王 曰 福 後,于宗人邊受前所授之同,而進以 而 嚌至齒。太保受同者,謂太保既拜之 相備 「饗福 既祭神之後,遂更受福酒,嚌 禮之通例,啐人口,是嚌至于齒,示 祝 于太保言「嚌至齒」,則王 酌 酒。」太保再拜,受同 同, 以授 于王言 上宗日 太 保,宗 人讚 亦祭, 【饗」, 一饗福 太 傳 以 祭 保 辨 至

言祭,亦猶是也。傳以嚌爲至齒者、《説上文王飲福酒,疏補言「跪而祭」,此經祭獸」之祭,非裸祭之祭。疏説非也。如《左傳》「祭之地」、《王制》「獺祭魚,豺璋,既已裸祭矣,今將飲福,復奠之地,〔案曰〕此言祭者,奠之地也。太保秉

嚌而不啐也 祭,主人嚌之,衆賓兄弟啐之。」鄭注 書》此文爲證。 文》卷二上口 云:「嚌、啐皆嘗,嚌至齒,啐入口。」此則 十六口部云:「嚌,至齒也。」亦引此 至齒,是嘗也。 部云: 顧野 嚌, 《雜記》:「小祥之 王《玉篇》卷上 嘗也。」 引 文爲 周

所白。 祭祀 既拜,白 酒之處,足不移,爲將拜,故授宗人同。 王以事畢。 〔傳曰〕太保居其所,授宗 更拜,白柩以事畢。 興,再拜訖,于所居位授宗人同。 亦 既 畢,王荅拜,敬所白 畢 宅訓居 成王以 而 更拜 王荅拜,敬所白。〔疏曰〕 也。 傳 者,白成 太保居其 顧 王又荅拜,拜柩,敬 命 也。 事 畢 王 同,拜,白成 以 (所,于受福 則 事畢也 \pm 太保 一受顧

太保降,收。

路,盡收之也。收徹」者,總指上文所設几、席、寶器、四太宗、宗人等皆下,可知也。傳又云「盡太宗、宗人等皆下,可知也。傳又云「盡〔案曰〕傳云太保下,王可知,然則太史、

堂上。 南北 者。」《書傳》云:「周人路寢,南北七雉, 七筵,惟六十三尺。 禮、拜奠、獻醋之地。 殯于西階之上。 王寢與明堂同,則南 西九筵,南北七筵」,賈公彦疏 路寢堂上,一 〔又案曰〕自此以上,所敘成王 西九雉,室居二雉。 共有一筵,一面惟四尺半,得容 殯前又留 切几、席、寶玉陳設,皆在 餘 地,爲 三室居六筵,室外 考《匠 則三室之外南北 傳 人》明堂「東 顧 云:「周 崩 而 時 殯 北 干

並 較彼明堂五室少其二室,則堂上轉愈寬 足 深,所以容殯外, 寢雖爲諸侯制 位》疏亦與《匠人》賈疏 如明堂。 大矣。《檀弓》孔穎達疏亦云:「路寢 三條皆從伏生《書大傳》及鄭注 上圓下方,五室之屬如明堂耳。」《明堂 容殯者? 各有半雉,雉長三丈, 一丈有餘,所以堂上得容殯。 容 獻醋、拜起餘地也。 路寢之堂,南北更深于明堂之前堂 殯矣。」若然 明堂五 以路寢 ,小于明堂,但既爲三室, 室之外,堂上窄狹,得 尚得設三坐,陳寶玉 云同者,直制 廣大,故得容之。 則各有一 略同。 今鎬京路 賈、孔 丈 同, 推 五 衍 無 其 疏 得 妨

諸侯 大,别是一字。 傳曰〕言諸 出 |廟門: 俟。〔案曰〕俟當作 侯,卿 士: 以 下 可 - 竢、牀 知。 史 反。 殯之 俟 所

,故曰廟。 待王後命。 〔疏曰〕 廟門謂

> 以其 則諸 廟門 寢 門 即 在 侯 也 止 之 廟 也。 行 出 後篇 應 事 云, 事畢出 門之外, 二伯 于 非 率 廟 諸 出 門,不言出 廟 侯 門 入應門, 而

門也 諸 廟 宗伯》注又謂之「殯門」,猶此 而 毁牆,遂入,適所殯。] 是謂諸侯 者也。《禮記 所 惟齊侯、衛 十二年《傳》:「晉文公卒,殯于曲沃。」 處,故曰 宫之前。 率之乃入耳,始時 案日]傳云[言諸 歸至殯所,是亦謂殯宮爲 侯 云西方、東方諸 則弗致。」似正禮當殯 即 上文卿士、邦君「入 僖八年《左傳》:「凡夫人不殯于 廟即路門者,即上文一名畢 疏誤也。 侯 爲畿 ·雜記》云:「至于廟門, 侯也。 外,餘皆畿内,非下 並 侯,卿 廟門,傳疏 未先入路門,至 彼諸 于廟 士可 即 廟 E 侯 須 二 位」者, 知」者, 經 以 死于外 又僖 稱「 鄭《 爲 不 殯 伯 内 曲 小 廟 門 殯 文

也。 沃」,是爲 沃,則「衰世不遵周法」,不可據。 禮,其末世諸 葬乃朝廟。 殷之質」,故不同 則弗致」者,鄭以爲「春秋變周之文,從 内,畢門即路門,則殯在路寢明矣,安得 廟,禮有明文。 而 而 則 沃 太保畢公雖亦同衆人出至路門外, 通其説 志》趙商問 在宗廟乎? 諸侯出 殯于祖 傳疏必 白殯處 出至路門外,則在應門内矣。 廟 廟門」者,是卿 以 ,周朝而遂葬。」則周之不殯 鄭答曰:「葬乃 去絳就祖殯,與《禮記》異,未 而 所 「周朝而 爲路門者、檀弓》云:「殷朝 《春秋》「晉文公卒,殯于曲 出 侯 若《左傳》所云「不殯于廟, 在,是亦殯于 廟門,安見非宗廟 何能 且此上文陳兵衛于畢門 也。 遂葬」,則是殯于宫, 同 其晉文公殯于曲 也。」然 士、邦君出 朝 ,廟者。 廟, 則 周之正 此 之門? 若然, 路 經 此 而 《鄭 門 時

> 非也。 則皆 貫,不可分矣,故創待後命之説,其實 孔欲于此下分篇,若言竢朝,則文勢 班位,故于此竢。竢者,竢王 并 命」,考路門外之治朝,卿士、 應門外, 出 至 序 一應門 立 非也。 以 外, 竢 也 以 傳 將率諸 又 疏 以 乃謂 **竢**爲 侯 衆 入,故 朝 邦 君皆 待 盡 也 王 出 餘 後 有 僞

今本乃晚晉妄改 報異篇,失其義也。 下,始爲《康王之誥》。 此篇自「高祖寡命」已上,内于《顧命》之篇。 命》,共爲一 王出,在應門之内。 篇,後人知其不可,分而爲二。 ○〔案曰〕鄭、馬、王本皆孔氏之舊 諸侯告王,王報告諸侯,●而使告 **「**疏 旦 伏 生以 此 「王若曰」以 馬、鄭、王 篇合于《顧 本

既拜,王即答拜,復不言興,知立庭中,面。〔疏曰〕出在門内,不言王坐,諸侯〔傳曰〕王出畢門,立應門内之中庭,南

南面也。

門,三雉門,四應門,五路門。 篇、《論語 等篇之經注及疏,并《詩・大雅 《夏官・司士》《太僕》、《秋官・小司寇》 云: 政 天子五門,自外向内數之,一皋門,二庫 疏,又據《明堂位》、《玉藻》、《文王世子》 徹參个。」注云「正門謂之應門,謂朝門 者,《釋宫》云:「正 各有三朝,一外朝,二治朝,三燕朝。 也」是也。今據《天官・宰夫》《閽 寢門,即上文畢門,亦 而 (案日) 朝士》、《冬官・匠人》諸職之經注及 ,列三槐、 外爲外朝,朝士建 詢 國 「朝門。」《冬官 傳以 危、國遷,立 鄉黨》篇參考之,天子諸侯 九棘,設嘉 王 出 爲 · 匠 門謂 出 君于斯,斷 其法,小司寇 畢 即 石、肺石、致 門者, 人》:「應門,二 之應門。」 廟 門 皋門 也 Ē 獄 亦 · 緜 》 人》、 萬 内 郭 應 H · 其 庫 但

中門, 疑康成自相矛盾,非也。 皋、應,但庫門爲天子皋門制,雉 人嘉 已明言之。《三禮義宗》及《通典》承誤作「雉」,後人遂 而《小司寇》注云「在雉門外」。 成鄭氏説爲定。 子應門制,惟此爲異。 諸侯則三門,庫門 僕正其位,掌擯相 不 斯 治朝,路門内 視朝于斯。 位,宰夫掌其法,而太僕正王之位,王 宫》謂之「闕」,《冢宰》謂之「象魏 臣辨色始入,君日 設 玉 事于斯,燕射于斯,王 庫門 朝。 藻》説諸 應門内路門外爲治朝,司士正 其居五門之中。 内 雉 路門内爲燕 雉 門 侯之事 爲燕朝,無皋、應。 門外 出 外朝在庫門外、朝士》注 閻人掌其 而 前 호: 内爲 視 治朝、燕朝對外朝言,皆内 朝 則右社稷,左宗廟 「朝服 族人朝 以上諸文皆 「雉」本當作「庫」, 退 外朝,雉門 朝 適路 禁, 以 設兩 日 日 即路 寝聽 聽政于斯。 于斯,圖 視朝 圃 觀,《 門 又謂 政。 魯 于 寢,太 . 爲 内 以 亦 内朝 甚明。 使人 , 賈疏 康 物 釋 無 爲 日 天 其

立。 禮時當秋,秋主義,嚴等威,故不下堂, 諸 其禮行于文王廟 月,于周正爲孟夏,于正歲爲仲春,宜用 見曰覲,夏宗依春,冬遇依秋。 視大夫,大夫退 禮》篇言「天子衮冕,負斧依」,是廟中 云:「覲禮,天子不下堂而見諸侯。」 蓋覲 春朝之禮,故當宁而立也。」《郊特牲》 見天子曰覲,天子當宁而立,諸公東 下》篇云:「天子當依而立,諸侯北 内」者,正治 朝,其實亦是内 王世子》云:「其朝于内朝,臣 上之户牖 ,則以官。」此以路門外爲外朝者 侯西面曰朝。」彼注云:「春見曰朝,秋 庭,南面」者,謂當宁而 若春 古者外朝、治朝有門 朝,受享亦于 朝也。 朝。 ,然後適小 即《曲禮》所謂 今此經言王「在 中。 傳又云「立應門内之 寢。」此内朝 今《儀禮》見存《覲 有貴 廟 立也。 ,對路寢 ,而受摯 者 即治朝。 無堂階 以 一當依 齒 時 應 燕朝爲外 其在 當當 則 曲 門 若《文 面 面、 禮 先 四 而 而

굸 無階 是也。 内朝。 辭,再拜稽首。「出,自屏南適門西。」疏 云「天子外屏」。 然則當宁亦應是背負,非 及《明堂位》皆言「負斧依 依當宁既並言,自 使有堂階,則九等七等之級,車馬豈能 前,下車于阼階之前,見《春官・樂師》鄭注 皆無升階之文。又人君出人乘車,登車于路寢西階之 禮》:「公升,即席。」《檀弓》:「杜蕡入寢,歷階 在路門外之門南屏 宫》:「宁在門屏間。」天子外屏 見天子」,「雨霑服失容則廢」。明在庭中也。 寝皆有之,有堂即有階。」《論語》「攝齊升堂」,謂 地 《尚書大傳》。 ·使者受命于朝」,及《司士》、《朝士》等職言治朝、外朝 爲廷。 乃云屏南 兩階間謂之鄉,中庭之左右謂之位,門屏之間謂 ,故謂之朝廷。 若路門外治朝,庫門外外朝 江永日 蓋治朝、外朝皆無堂階,故可乘車 士相見》:「君在堂,升見無方階 知是外屏。 外屏者,經云侯氏肉袒 廷者,庭中也。 「古宫室之制,堂必築土崇 應一例 北。 廟 如 鄭注《覲 此 解之。 ,皆平地爲庭,無堂 面 《曾子問》「諸 寢可知。」《釋宫 向 則 升降乎? 云:「據此文 禮 入廟門,天子 是背 ,則宁應 》據《禮 《 覲 據《釋 而 出人 高, 負。 侯旅 升。

宁實負屏也 集出宁,至中庭,背負宁南 此字疑與貝部之貯字同。 之微誤。 塾是門側堂,内外各二。宁既在路門外兩塾間 子外屏在路門外,而近應門。 郭注「人君視朝所宁立處」,謂天子受朝于路門外之 相翔待事處,諸侯未集,于此待 距應門之兩塾尚遠,何得云近? 是應門,屏是所以蔽路門,則宁當在路門外之兩塾間。 巡云「正門内兩塾間曰宁」。 朝,于門外宁立,以 禮》疏云路門外 路寢之階 之宁,屏謂之樹。」此 「俟我于箸」,昭十一年《傳》「朝有箸定」。 又考《説文》卷十四上宁部云:「辨積物也。」 庭,則門是路門,屏是路門外之屏。 有屏 待諸侯之至。此説亦是。 ,即樹塞門是。 節 皆是從内向外言之。 門屏間字當作箸、齊風 謂諸侯内屏在路門内,天 此則雖是而微誤。 李巡微誤,此疏亦因 此説是矣。 面 而 此宁乃 之。 立。 又引李 階 故《曲 則 庭 既 負 南 是

堂位》 内,則此經應門 〔又案曰〕蔡邕謂明堂即 」,又引鄭《駁異義》用淳于登説,并 疏 引鄭《 目 者 録》云「明堂在 似 明堂正門。 在 王 宫 應門 但《 國 明 之 據 之

> 乎 ? 堂階。 其人 應門與明堂應門 應 堂與宗廟爲一,則在庫門内雉門 《孝經援神 東,而又以 明堂應門無涉也。 諸門,不可溷以爲一。 然則此經 之應門。明堂無路寢,故無路 意,以爲此 在路門外,不在南 此,周公權用之也。」據此 侯于明堂」云云,鄭注 王城宫内。 七里之内, 門,庫門内 (神瀆擾,必無此事。 然則當從鄭,明堂自 蔡邕當不謂明堂在此。 別男堂 契》: 爲即 丙巳之地 韓嬰、孔鼂並 左偏 應 無涉 太學,即辟 明堂在近郊三里之外, 郊明堂。 門,非是宫 治朝,平地 别 うり則 也。 云: 同。 有 且 則鄭 鄭以 「朝之禮 故彼文「朝 在 五 廱。 應 故 郊外 門 門及 内路 門 彼 以 明堂不在 爲廷, 彼 遮門 中 袁 疏 正 準 既 外 以 門 此 以 不 推 朝 Z 有 明 無 與 外 外 鄭 自

太保率西方諸侯人應門左,畢公率東方諸

侯人應門右,

位。 北 若使東伯 之名在太保之上,此先言太保者,于時 伯,各率其所掌諸侯,《曲禮》所謂「 《玉海》一百三十一卷《官制門》。〔傳曰〕二公爲 以東爲右,西爲左,人左人右隨 太保領冢宰相王室,任重,故先言西方。 爲東伯」,然則畢公是太師也。當太師 方」者,此之義也。 王肅云 「畢公代周公 侯。《尚書》疏。 王,明北面 二伯,各率其所掌諸侯,隨其方爲位,皆 王曰〕畢公代周公爲東伯,故率東方諸 面。〔疏曰〕二公率領諸侯,知其爲二 嫌東西相 任 也。 重,亦當先言東方。 ○王天與《尚書纂傳》三十九卷。 向,故云「皆北面」。 將拜 其方爲 北面,

是代周公爲東伯也。」其舊職,率西方諸侯,而東方畢公率之,王分周公左、召公右爲二伯,今召公仍王分周公左、召公右爲二伯,今召公仍以,憲二、任公,爲二伯。」疏引棠》箋云:「召公作上公,爲二伯。」疏引

經證反。 資稱奉圭兼幣,〔《釋文》曰〕乘

實。 好。」鄭云:「六幣所以享也,五等諸侯享 以 貴朱鬣也。《周禮 黄是馬色黄。黄下言朱,朱非馬色。 嬖向魋,取而朱其尾、鬣,以與之。」是古 十年《左傳》:「宋公子地有白馬四。 〔傳曰〕諸侯皆陳四黄馬 〔鄭曰〕此幣圭以馬,蓋舉王者之後以言 繡,璜以 諸侯當璧以 賓,諸侯 圭以馬,璋以皮,璧以帛,琮以錦,號 黼。 也。 此六物者,以和諸 帛,亦有庭實。《尚書》疏。 一・小行人》云:「合六 〔疏曰〕 一四馬 朱鬣,以爲 '曰乘, 侯之 庭

主之,自陝

而西,召公主之。」《詩・甘

[案日]王肅云「畢公代周公爲東伯」者,

公羊》隱五年《傳》云:「自陝而東,周公

諸侯享天子「匹馬卓上, 諸侯之意,故云諸侯皆陳馬也。 用乘黄者,因喪禮而行朝,故略之。 是二王之後享王物。 幣,幣即馬也,圭是致馬之物。 天子用璧,享后用琮。 一王之後用馬。 也。」如鄭彼言,諸 此云皆陳馬者 獨取此物 侯 用 九馬隨之」。 之享 圭 璋者,二王 天子, 然則 《覲禮》 以總表 此 兼

信。 穀,居則守之,朝覲執以 《冬官·玉人》等職中。 則行享禮。 載其事,并詳《春官·大宗伯》、《秋 朝、宗、遇禮亡、《覲禮》篇見在《儀禮》, 官・大行人》、小行人》、《春官・典瑞》、 言者,凡朝、宗、覲、遇,皆先朝而後享。 案曰〕鄭云此幣圭以馬,舉二王之後以 ,即朝訖行享之事 命圭者,公桓,侯信,伯躬,子蒲 本疏 引《 小行人》「六幣」云 而「圭以馬」則居 、爲信。 朝則執命圭爲 至朝訖,

云:「奉國地所出重物,明臣職也。」然則 《覲禮》篇文云:「享皆束帛加璧,庭實 二,以備三享。」今此經文亦不具,故鄭 疏備引諸 庭實又在圭馬等物之外,故《詩 國所有。」又引《大戴 朝事云:「廟中將幣三享。」鄭彼注既 又云「亦有庭實」者、《秋官・大行人》説 宋,特經文不具耳,故鄭補言之也。 君,西方東方諸 璧以帛」者,二王之後惟杞、宋。今朝新 之,此節專敘享禮也。 是二王之後所行之享禮也。 奉命圭奠贄,而行朝禮,此義上節 奉圭兼幣」, 若皮,其餘 幣」之首。 今此 文而 經 굸 以 申之云:「三享者,初享以 幣即 又 一布 或 侯 引 地 咸在,必不專是杞、 是馬, 圭以 鄭 乘 所 禮 彼 黄 鄭又云「諸侯當 有之物分之爲 注謂二王後所 朱 朝事》 」,是馬 蓋 致 人門 馬 已 也。 即 文 惟 用

玉部: 侯朝覲 云四 布」, 以 又 但《松高》詩「錫 生,尺二寸。 書》曰: 爲四黄 寸爲玠。」《考工記・玉人》: 天子之鎮 鬣」者、《詩 ·上擯告以天子欲親受之如賓客。」則諸 覲禮》:「侯氏入門右,擯者謁。」注云: 顧命》之義文也。 布 補 **僞孔删之者,殆以《釋器》:**「圭尺二 爲 言之。 杜注云「布,陳之」是也。 侯入覲,以其 馬皆黄」是也。 然彼猶是賜與 「玠、大圭 陳者, 馬 ,于天子爲賓也。 『稱奉介圭。』」據此,則圭上有 者,《詩 ·干旄》疏引鄭《駮 傳以 疑非 昭二十六 爾介圭」,是諸侯亦得有 圭 也。 諸 三馬即 鄭風》「乘 介圭入覲 又以 从玉,介聲。 申伯者,若《韓 侯 又以 年《傳》 所有 庭 《説文》卷一上 賓 實, 朱 爲), 故 又以 于王。 乘 非 諸 爲「馬朱 異義》説 黄 百 也 侯者, 删 乘 兩 鄭 周 介 黄 傳 傳

此 王義嗣德苔拜。〔《釋文》曰〕壤,如丈反。 曰:「一二臣衛,敢執壤奠。」皆再拜稽 朝 敢執 ,其餘奠幣,拜者稽首而已。《尚書》疏 彼 即 首 無妨有介字,鄭本必與《説文》同 覲,故分爲二,韓侯入覲爲行 注《曲禮》云春 幣,乃是享禮。 德,答其拜,受其幣。 于王爲行享禮。」然則此 傳曰〕言一二,見非一也。 臣衛。 注云: 至 貢 更餘國復人 兼享禮也, 有諸侯在 壤地所 地, 國 所出 盡 來 韓 禮也。 出 京者,來朝 朝 之寶。」彼疏 侯 其 與常禮 「受贅 而 而 凡享禮 以 奠贄也。 遇國 朝 時 康 則 覲 于 / 疏 主 不同。 喪,遂因見新王, 遇 則 侯 于 朝,受享于 經 以 喪也。 궁 氏 曰]成王始崩, 宣 每 諸侯拜送幣 言享禮之圭, 義 總 爲蕃 親禮 王 繼 釋 經再云人 或 , 也 先 辭者 「鄭日」 而 一人觀 衛 故 奉 首 明 鄭 兼 享 太保暨芮伯咸進,相揖,皆再拜稽首

傳曰〕冢宰與司徒皆共羣臣、諸侯並進

云:「朝兼享禮,與常禮不同。」實享禮者,新朝嗣王因行享禮,故鄭是朝與享别。此既諸侯總人,而得有庭

所出」者,正《覲禮》所云「惟國所 鄭義也,詳《康王之誥》。 爲説也。傳云「來朝而遇國喪」者,此本 鄭又云「釋辭者一人,其餘奠幣,拜者稽 首而已」者,「一二臣衛」云云,則言 並行,以喪中急遽,故與常禮不同 享不同時。本疏引鄭《曲禮》注云云,則 春朝朝享并不同地。今人門而朝,即 者,據《儀禮·覲禮》篇所説,則秋覲 朝事儀》所云「奉地所出」也 「布乘黄朱」、「奉圭兼幣」二禮同時同地 · 曰」,其下「再拜稽首」,則言「皆」,望文 〔案曰〕鄭云「此朝兼享禮,與常禮不同. 又云「執壤 有」, 也。 地 朝

周文武誕受羑若,克恤西土。〔《釋文》曰〕羑,曰:「敢敬告天子,皇天改大邦殷之命,惟陳戒。不言諸侯,以内見外。

羊九反。

用。」《韓詩外傳》「牖作誘」。《説文》卷 通。』《板》篇疏又云:「牖與誘古字通 **羑與牖通。** 《商傳》云:「太公與三子見文王于羑 里。」《周本紀》亦言:「西伯囚羑里。」則 云:「文王有四隣,以免乎牖里之害。」又 也。」箋云:「道民以禮義。」《尚書大傳》 起。〔疏曰〕羑聲近猷,故訓爲道 「不窺羑,見天道。」《釋文》云:「羑、牖 大雅・板》篇「天之牖民」,傳云:「牖,道 道而順之,能憂我西土之民。本其所 (尚書全解》三十七卷。 〔傳曰〕文、武大受天 〔馬曰〕羑,道也。《釋文》。○王同。○林之奇 案曰〕馬、王及傳以羑爲道者、《毛詩・ 老子《道德經 鑒遠》篇:

此古義也。「羑」。然則羑與牖、誘並同,正當訓道。九上厶部,羨字重文作「誘」,又古文作

音怪。 我高祖寡命。」〔《釋文》曰〕戡音堪。 後人休。今王敬之哉 惟 新陟王,畢協 賞 (罰,戡 張皇 定厥 王六師, 遺,唯季反。 功,用 無 敷 遺 壞 壞

後人之美,張大六師之衆,無壞我 位、當盡和天下賞罰、能定 (王旦) 之祖寡有之教命。 有也。《尚書》疏。 寡命,美文王少有及之,故 「傳 曰]惟 其 周 (功,用 家 新 布 升 曰 德 遺

軍,王六軍。」《詩・大雅・常武》云:「整也。六師,六軍也。《夏官》云:「凡制已亡,則義訓之存于《説文》者,當从之曰:『用軟遺後人。』芳无切。」此節鄭注數字注云:「岐也。从支,專聲。《周書》(案曰〕傳以敷爲布,《説文》卷三下攴部

我六 也。 雅 其九世祖 始祖爲高祖。 來朝曰:「我高祖少皞摯之立也。」 康王爲曾祖父。《左傳》昭十七年郯子 高德之祖者,曾祖之父爲高祖,文王 軍,散文則師、軍通 文則二千五百人爲 商問,釋臨碩難並以六師即六軍。 ·昔而高祖孫伯黶,司晉之典 王以寡爲寡有,義見《康誥》。 瞻彼洛矣》云:「以作 師。」《棫樸》云:「六師 | 爲高 昭十五年,王謂籍談 祖 是得通稱,故傳 師,萬二千五 稱也。 傳以 六師。」鄭 及之。」《 籍。」 高 百 則謂 則 祖 蓋 曰 以 于 爲 對

康王之誥

陽、大小夏侯同爲《顧命》。報誥。〔《釋文》曰〕馬本從此以下爲《康王之誥》。歐王若曰:「庶邦侯、甸、男、衛,惟予一人釗

内。 朝。 年。 居攝 内,互相備也。 以内見外, 説》七十九卷。 以王有 言采、要者,略舉其事 鄭 ○《禮記》三十一卷《明堂位》疏。 〔疏曰〕太保芮伯進言,不言諸侯, 六年 要服國遠,既事遣之,衛服前冬來, 再巡狩,餘六年,侯、甸、男、要服 疾留之。《毛詩》十九之一卷《周頌譜 獨 舉侯、甸、 王告庶邦, 制禮,班度量,至 〔傳曰〕不言羣臣,以外見 周制六服,此惟四服,不 男、衛 不言朝臣,以外見 四 ○衛湜《禮記集 服 此積三十 周 正

十八年。」又于《金縢》篇末注云:「周公治天下六年,朝諸侯于明堂,制禮作樂,治天下六年,朝諸侯于明堂,制禮作樂,分天下六年,朝諸侯于明堂,制禮作樂,是出。以云「至於是」者、《明堂位》云:「周公踐天子位,以

見,采服四歲一見,衛服五 者、《秋官・大行人》云:「十有二年,王 侯、甸、男、要四服,經乃言侯、甸、男、 當其正朝之期也。 至此六年,則再朝。 者,至此六年,當三朝。 六歲一見,則侯服 服歲一見,甸服二歲一見,男服三歲一 男、要服正朝」云云者,據《大行人》: 侯 年,則再巡守餘六年矣。又云「侯、甸、 巡守殷國。」則二十四年再巡守,今三十 適三十年也。 即政,即政二十八年崩,上距六年制 從居攝六年數起,七年致政,明年成王 年而崩,周公居攝不敢過其數也。」然則 命,惟七年。」鄭注云:「文、武受命,皆七 政。」又《洛誥》篇末:「周公誕保文、武 居 攝 七年,作《 又云「再巡狩,餘六年」 洛 年年朝。 然則 誥 要服六歲見者, × 此 男服三歲見者 明年, 時朝者,當是 歲一見,要服 甸服二歲見 成 王 即

不見要服而推論之,不必泥也。 遠,西方衛、要反近。 衛服來時,以 亦云「侯、甸、男、衛」,亦約舉之詞耳。 不過言其大略,未必拘拘定制。 都豐鎬,四方道里不均,東方侯、甸亦 恤之,故遣。 來何反得既事而遣耶? 留之」。或疑要服「既事遣之」,則 國遠,既事遣之,衛服前冬來, 衛,不見要服 前冬來」者,何反不遣而猶留耶? 衛服差近,故留耳。 故鄭 王疾不得行禮,則要服後 推 《周禮》朝貢之歲, 其故,以 蓋要服 以王 爲「 鄭特以 《酒誥》 遠, 且. 有 要 周 優 服 服

「信」爲句。
○〔案曰〕玩王注,亦以「底至齊」爲句。孔連迟明于天下。〔《釋文》曰〕「底至齊」,馬讀絶句。底,昭明于天下。〔《釋文》曰〕「底至齊」,馬讀絶句。底,「昔君文武丕平富,不務咎,底至齊信,用

書》疏。〔傳曰〕文、武道大,政化平美,不民以富也。 底至齊,立大中之道也。《尚〔王曰〕丕平富,文武道大,天下以平,萬

天下。 務咎惡,致行至中信之道,用顯明于

中、《釋言》文。(案曰〕王以丕爲大、《釋詁》文。齊爲

「專可」で、代死星,則下軍勇孟口監察 曰〕熊音雄。羆,彼皮反。畀,必利反,徐甫至反。 四方,乃命建侯樹屏,在我後之人。〔《釋文》 家,用端命于上帝。皇天用訓厥道,付畀 「則亦有熊羆之士,不二心之臣,保乂王

我後之人。謂子孫。 〔傳曰〕文、武既聖,則亦有勇猛如熊羆〔傳曰〕文、武既聖,則亦有勇猛如熊羆

〔傳曰〕天子稱同姓諸侯曰伯父。 言庶

當忠 《覲禮》天子呼諸侯之禮 幾 姓曰叔舅。」 伯父,異姓曰 道,無自荒怠,遺我稚子羞辱。 服于先王而法循之。 相 篤 與顧念文、武之道,安汝先公之臣 在 王 室,各同心奉憂其 [伯舅 同姓小邦曰叔父,異 汝身在外,汝心常 , 同姓大國 〔疏曰〕 所行 順

也。」義見《康誥》。

也。」義見《康誥》。

「韓云「稚子」者、《釋言》云:「鞠、穉在者、不獨同姓、言此以該之也。「鞠疏引《覲禮》云云、《曲禮下》篇同。此時疏引《覲禮》云云、《曲禮下》篇同。此時以明,

喪服。 羣公既皆聽命,相揖趨出。王釋冕,反

天子,皆斬衰。《尚書》疏。○王天與《尚書纂傳》反喪服。《禮·喪服》,臣爲君,諸侯爲亦在焉。 王釋冕,反喪服,朝臣諸侯亦[鄭曰]羣公主爲諸侯與王之三公,諸臣

喪服,居倚廬。侯歸國,朝臣就次。王脱去黼冕,反服三十九卷。〔傳曰〕已聽誥命,趨出罷退,諸

者」,其目首列父,其次諸侯爲天子,其 次君是也 又引《喪服》證之者,《 言「王釋冕,反喪服」,故 也。又云「朝臣諸 時王朝之臣皆在,故又云「諸臣亦 公」者,三公稱公,諸 〔案曰〕鄭云「羣公主謂諸侯 「斬衰裳,苴絰、杖、絞帶,冠 侯 侯 亦反喪服」者,經止 儀 亦 禮 得 鄭補 通 繩 與王 纓,菅屨 喪服》篇 言之也。 在馬」 之三

後稱王者,明士不可一日無君也。故《白虎通》卷上《爵》篇云:「天子大斂之父,非有他故而稱王者,史臣之詞也。」未三年而稱王,變禮也。」康王以子繼云:「天子三年然後稱王,經禮也。有故云:「天子三年然後稱王,經禮也。有故

嘗以 旋反 例。 之位 之位 稱 已 瑁」,明爲繼體君也。緣始終之義,一 日 即繼體之位何? 自稱「予一人釗」,正《曲禮》天子未 反喪服。』吉冕受銅,稱王以 不可有二君也。 尚 繼 無 「予小子」、《春秋》嗣王在喪則書 黼裳」,此斂之後 書》言迎 《 尚 方純 王禮 也。 也。 以 喪服,史臣 體 君,故先君不可得見, 直至踰 統 爲 書》曰『再 然猶自稱「眇眇予末小 君 自居,故逆于 事 用吉禮 麻冕黼裳,入即位」,正 子釗 年 也。 也。」據 方即 不得不 故《尚書》曰:『王釋冕, 釋冕藏 緣民臣 不 位,三 拜,興,對。 此 圃 也。 言 則知 此時固未嘗 · 稱 王 南門外,正 迎 銅 年 之心, 王者 王 則後君 而 接諸 反喪,明未 暫 喪 時 既 日 王實 子, 乃 不 侯,明 即吉, 即 名 除 嗣 受 繼 居 繼 口 未 年 銅 之 體 子 而 麻

之。 喪,禍 子曰 《曾子問》云:「天子嘗禘郊社 出 位 禮 殯之後,仍 簠簋既陳,天子崩,后之喪如之何? 官・天府》「大喪陳寶器」、《典路 謂若以陳設華美,非喪 其説,俗人從 服見羣臣爲非禮 儀,始殯受麻冕之策,斯蓋 隆周之日,公旦叔父,吕召爪牙,成 主,慮社稷之 路」,經固有明文 「文阿議"「千人無 也。 似已 :"「廢。」」此乃專指初崩而言。 至宋 不祭,惟祭天 幾覆 ^ 豫 南 元 有不廢祭者。 知後 國。 史 祐 艱難。」觀《白虎通》 而 間 • 是以 掇拾之,紛 世陋 沈 ,蘇氏軾作《書傳》推 ,孫覺幸老遂 八地社 文 也。若以吉服 儒有 既葬便 阿 君,不敗則 稷,爲越紼 《王制》云:「 傳 中應有,則《 疑 示 曉不已。 五 有公 經 天 論 陳 祀之祭, 下 文 》「大喪 康 及 亂 非禮, 而行 冠 文 以 帝 Ŧ 王 而 春 愚 衍 冕 辨 阳 之 有 即

等,不升堂,命毋哭。」注曰:「將有事,宜 薨,世子生。 致祝辭,況真即繼體 清静也。」彼世子甫生,尚且止其哭,以 階南,太祝裨冕,執束帛,升自 喪次以哭踊 無害也。若謂受册見羣臣,當在路寢, 其祭于殯宫,特比朝夕饋奠稍有加,固 舉服,亦屢釋矣。 傳顧命亦 推之于地社若稷,一歲之間,蓋不啻疊 而即吉,以聽命乎上,其嚴于事天如此。 且合畿内臣庶,雖有私喪之服,盡釋之 爲禮。 諸儒之説皆非也。 行事,則《曾子問》云: 卿大夫士從攝主北面于西 位 自 不當徒以 可視此例。 西階

一君

盡

服。

蓋不獨王被大裘龍衮,戴冕璪,抑

行

事」是也。

郊之日喪者,不哭,不敢

事。」《漢志》引《伊訓》「太甲當喪,越茀

尚 書後案卷二十五

踊

哭

尚書後案卷二十六

東吳王鳴盛學

誓 書

公曰:

嗟,人無譁

.

聽

命。

[《釋文》曰]譁,户

費

周

瓜反。 以征,嘆而勅之,使無 伯禽爲方伯,監七百里内之諸侯,帥 書》疏。 〔鄭曰〕人謂軍之士衆及費地之民。 [疏曰]禮,諸侯不得專征伐,惟 ○王天與《尚書纂傳》四十五卷。 喧譁,欲其静聽 (傳 《尚 州 之 誓

乎 ? 《王制》云:「千里之外設方伯,八州八 所言,當監 地之民也。 云:「封周公于曲阜,地方七百里。」孔意 爲方伯、監七百里内諸 百里諸侯,帥之以征」,此臆造也。 逃臣妾,皆指居民,非軍人,故又兼及 而下文戒擭穽傷牛馬及不復風馬牛、逋 民」者,此軍旅之誓, 者,監此七百里内諸侯,非以七百里并 以周大國不過百里、禮記》「七百里」 伯。」是州别一方伯,即《周禮·大宗伯》 牧于當州内有不順者,得專征之。 〔案曰〕鄭云「人謂軍之士衆及費 封伯禽也。 「八命作牧」是也。 服 爲九州,爲方七千里,則每州 亦太少矣。據《周 一州,何止監七百里内諸侯 傳乃云「伯禽爲方伯,監 《禮記 自當爲軍之士衆, 侯,故得征 禮》九服, ·明堂位》 一戎夷。 地之 其 信 如

百里内即魯爲方伯所統,非附 日: 《明堂位》云:「封周公于曲阜,地方七百 乎 ? 云:「公無附庸,侯附庸九同,伯附 詞,陰爲鄭作難。 敢言魯地大小 不得有附庸,故言『錫之』也。 同,子附庸五同,男附庸三同。」《詩》 里。」鄭于《周 何伯禽之爲方伯,所統 信,不足與語 方二千三百里有奇,然此 州方千里」,較之方七百里倍之有奇, 丁,明 「錫之山川,土地附庸。」「魯于周法, 得兼 蓋 包附庸以大言之也。 僞孔實有 此四等矣。」僞孔因 此 禮 幾何,但爲 也。 大司 疏曲附之,皆非 意 即如《王制》所云 欲 止半 徒》注説其義 與鄭立 游光掠影之 則 附庸二 ·州 且 僞 庸。 此遂言七 地方七百 孔 也。 異耳。 又不 所不 庸

「徂兹淮夷、徐戎並興。

〔王曰〕皆紂時錯居九州。《尚書》疏。〔傳

皆淮 紂時 也。 淮 《成王政序》及《多方》注,以奄與淮夷爲 四年,楚子召諸侯「及淮夷會于申」。 夷病杞。]此皆淮北之夷,在徐州之域者 浦,王師之所。」僖十三年《左傳》曰: 驅皆爲周公之功。 曰 奄與禄父、淮夷,朋比構難。 曰〕淮浦之夷,徐州之戎,並起爲寇 率彼淮 案日 一,而《大傳》及《書序》皆言武王初崩 "「宣王命召公平淮夷。」《常武》曰: 不起自周初,故王肅推其 南 《江漢》之詩曰:「江漢浮浮,武夫滔 然也。 南之夷,在揚州之域者也。 匪安匪遊,淮夷來求。」《春秋》昭公 淮浦縣,今爲安東縣,屬江 北 〕王云「皆紂時錯 近 浦,省此徐土。」又曰:「截彼 海之地皆爲淮夷。 傳以淮夷 凡此「錯居九州」者, 爲「淮浦之夷」者, 居九州」者, 故,以爲自 孟子以兼 《詩序》 漢臨 淮 鄭 淮

善敹乃甲胄,馛乃干,無敢不弔。〔《釋文》 泮水》云:「既 宅。」知此經徐戎,是戎之在徐州者也。 南及淮。《閟宫》云:「保有鳧繹,遂荒徐 州之戎」者、《禹貢》徐州之境,北至岱, 以征服淮夷爲 宫》云:「至于海邦,淮夷來同。」是 大約今淮、揚二府近海之地,皆古 此 ,淮水從此 經淮夷,則在 人海,即《詩》所 事也。 作 泮宫,淮夷 淮北者也。 傳又以徐戎爲「徐 攸服。」《閟 謂 《 魯 淮 淮 魯世 頌 浦 夷。

《尚書》疏。 十五卷。 〔王曰〕敽,楯。 至,猶善也。《尚書》疏。○王天與《尚書纂傳》四 不令至,攻堅使可 云:「杼作甲。」宋仲子云:「少康子杼 曰]善簡汝甲鎧胄兜鍪 鄭曰〕敹,謂穿徹之。敽,猶繫也。 ○王天與《尚書纂傳》四十五卷。 用。 當有 **「** 疏 施汝楯紛,無敢 日」《世本》 紛繫持之。 (傳 弔,

曰〕敹,了誰反。敽,居表反。弔音的。

〇[案日]今吴俗

衣裳綻裂,縫紉之,尚有敕音。

紛。 爲飾。 鎧也。 名也。 無施功之處,惟繫紛于楯,故以爲「施 干是楯,「敽乃干」,必施功于楯。 鐵。鎧、鍪皆從 兜鍪之文。 也。」《説文》云: 紛如綬而小,繫于楯,持之,且 弔訓至,至善也 敽謂甲繩斷絶,當敹理穿治之。 經典皆言甲胄,秦已來始 古作甲用皮,秦漢 金、蓋用鐵爲之、因 胄, 兜鍪也。」兜鍪 八已來 有鎧、 但楯 以作 楯 用 以

是甲胄之革皆必以線縷縫綴。 革以爲之也。 屬,兕甲六屬,合甲五屬。」鄭注云:「屬, 革爲之,《考工記・函人》云:「犀 其臧也。」杜子春云:「線謂縫革之縷。」 案曰〕鄭云「敹謂穿徹之」者,甲胄皆以 三下攴部云:「敹,擇也。 」,即縫綴 上旅下旅札續之數。」是甲必聯合數 也 又《鞄人》云: 傳以 敕 爲簡者、《説文》 从支,案聲。 「詧其線、欲 鄭云「穿 甲七

幺切。 不善」也。 詁》字省耳。 是也。王、孔云云,似與鄭同,是也。 文》攴部云:「敽,繫連也。 義確也。 篇》卷中第二百七十支部 云「弔,至,猶善也」者,《説文》辵部云: 「周書》曰:『敵乃干。」讀若矯、居夭切。」 周 題,至也。」《釋詁》云:「弔,至也。」《釋 書》曰:「敹乃甲胄。」洛 簡也,擇也。」 鄭又云「敽,猶繫也」者、《説 云「猶善」者,猶下文「無敢 雖與傳合,不如鄭 亦 从支,喬聲。 云 蕭切。」《玉 又 力

〔傳曰〕備弓矢,弓調矢利。鍛鍊戈矛,「鋒」,依《説文》當作「鋒」,今俗省,古無此字。善。〔《釋文》曰〕鍛,丁亂反。礪,力世反。○〔案曰〕備乃弓矢,鍛乃戈矛,礪乃鋒刃,無敢不

四上金部云:「鋒,兵耑也。」卷四下刀部〔案曰〕傳云「磨礪鋒刃」者,《説文》卷十

磨礪鋒刃,無不功善。

今惟淫舍牿牛馬、〔《釋文》曰〕牿,工毒反。 牧。 《校人》:「掌王馬之政。天子十有二閑, 馬六種。」然則掌牛馬之處謂之牢閑,牢 于牢,芻之三月。」鄭玄云:「牢,閑 人》:「掌繫祭祀之牲牷。 人惟大放舍牿牢之牛馬,言軍所在 脚,使不得走失。《尚書》疏。〔傳曰〕今軍 吾刃將斬矣。」是鋒刃宜 云:「刃,刀堅也。」《左傳》:「磨厲以 鄭日〕牿爲桎梏之梏。 〔疏曰〕淫訓大也。 磨礪 施牿于牛馬之 祀五帝, 《周禮 ,則繫

梏,手械也。」《易·蒙》初六:「用説桎《説文》卷六上木部云:「桎,足械也。〔案曰〕鄭云「牿謂桎梏之梏」云云者,

牿」, 牿之傷謂

牛馬也。

牿,遂以牿爲牛馬之名。下云「無敢

出之牢閑,牧于野澤也。

既言牛馬

閉是周衛之名。此言「大舍牿牛馬」,是

鄭彼注 故鄭不 足,定有别否?」答曰 更番放 當之。牛既如此,馬亦可知。 注 是施梏。」又《鄭志》:冷剛問《大畜》六四 足,足在艮體之中,艮爲手持木以 《充人》以 也。 馬牢。 桎梏之梏也。 切。」傳用《説文》義,以 馬。」古屋切。」若依《説文》此 从牛,告聲。 梏。」見《大司寇》疏 説文》卷二上牛 云云、《蒙》初六注云云,「不審 从牛,冬省。 鄭 从《説文》義,而破 牧,以休其力,安得從牢而出? 云:「巽爲木,互體 彼牛部又云:「牢,閑,養牛馬 爲 注 《周書》曰:『今惟淫舍牿牛 云:「木 牢閉」。 《大畜》六四「童牛之梏」, 部云: 取其四周 [:「牛無手,以 在 愚謂軍行之牛馬 今此 足 「牿,牛馬牢也。 特 爲 牢。 告 爲 震 H 市 震 經 桎,在 故云施梏 解,牿是 也。 梏,謂是 作「牿」, 桎 爲牛之 、就足, 前 梏 疏引 魯刀 手 足 圈 4

> 馬以駕 也。」 又慮走佚,故梏之也。 後世行軍 置」是也。 訓「大放」,謂放牧、《釋詁》郭注「舍,放 有客》云: 于 淫舍」字,誤脱去也。 4 傳以 馬 兵 之 車。 淫 爲尤要。 「既有淫 脚 古尚車 爲大、《釋 , 使不 軍止宿, ·戰,所資牛馬之力,比 威。」毛傳同。 得 軍行,牛以 走 詁》文。 分韻《説 則 失。 放牧 失 文》引無 輓 以休之。 周 與 「淫 輜重, 頌 佚 舍 通

〔案曰〕張參《五經文字》:携,寒步、烏郭二反。徐户覆反。敜,徐乃協反,又乃結反。穽,在性反。○則有常刑。〔《釋文》曰〕杜,本又作數。獲,華化反,「杜乃擭,敜乃穽,無敢傷牿。牿之傷,汝

疏。 之屬。敜,塞也。 擭其中, 王 鄭曰〕山林之田,春始穿地爲穽,或設 何傳 日〕杜,閉也。 恐害牧牛馬,故使閉塞之。 曰〕擭,捕 以遮默。 穽,穿地爲之,所以 擭, 所 擭, 柞鄂也。 潤 機檻,當杜 以 捕 禽獸 《尚 塞之。 《尚書 書》疏 機 陷 檻

異耳。 傷人畜産者,償所減價 所放牿牢之牛馬。 穽,穿地 人畜之常刑。 爲阱擭以攻猛獸」。 小獸,獲亦設于穽中,但穽不設機爲 今律:施機槍,作坑穽,杖一百。 陷獸 L',當以 〔疏曰〕《周禮・冥氏》掌 牛馬之傷,汝則 土 檻以捕虎豹,穽以 窒敜之, 無敢 令 有 殘

《周禮 擭,收刈之時,爲其陷害人也。 誓》曰: 地 則陷焉,世謂之陷阱。 利于民者,秋令塞阱杜 或設擭其中,以遮獸。 「阱,穿地爲塹,所以禦禽獸 案曰〕鄭云「山林之田,春始穿地爲穽, (疏云: 阱淺,則設柞罗于其中。 ,所以載禽獸,使足不至地,不得躍 『殷乃擭,敜乃阱。』時秋也。」 **雝氏》云:「春令爲阱擭溝** 「柞毀者,竪柞于中, 獲。」 鄭 擭, 柞鄂 擭, 柞野 秋 其 而 彼 含書 向上罗罗 (或超 杜 也 注 也」者, 塞阱 **云**: 踰 一彼 粊

也。 《漢書》卷 文》云:「杜 連,敜下引《書》,則敷從可知。 杜,徒古切。」「敜,塞 常相連也。 穴」。《中庸》云:「罟擭陷阱。」是擭與阱 也, 並《説文》卷三下攴部文。彼「杜」作 亦聲。疾正切。」又重文「穽,阱或从 卷五下井部:「誹,陷也。 从自,从井,井 誤獸」是也。 出 鳥獸 殷」,注云:「閉也。 周書》曰:「敜乃穽。」奴叶切。」二字相 · 獲,擊獲也。」擊獲不正也。 請。」師古曰:「杜,塞也。 謂 字本作殷,音同。」是古者杜、 曰握也。 成設 之作鄂。」《國 四十《王 **穽鄂。」**韋 王云「杜,閉。 又作殷。」鄭引 《説文》卷十二上手 从手, 蒦聲。 陵傳》云:「陵杜 語》卷四《魯語》云: 昭 从支,度聲。 也。从支,念聲。 注 敜,塞也」者, 「 郭 、 柞 亦 閉塞其 作 此經《 曰 虢 格 :「鮁」。 門不 切。」 布 部 所以 釋 門 擭

馬牛其風,臣妾逋逃,勿敢越逐,祗復之, 穽。 也 今放牧,故 馬 行 時,人爲之備, 戒其傷也 不慮 傷 于 擭

徐音來。

[《釋文》曰]逋,布吳反。商,如字,徐音章。

我商賚汝。

乃

越

逐,不復,汝

則

度汝 《傳》晉惠 也。 是 《傳》「風馬牛不相及」,賈逵云:「風,放 馬 將生一男一女,「男爲人臣,女爲人妾。」 九職,「八曰臣妾,聚斂疏材。」僖十七年 攘盜,汝 有得佚馬牛、逃臣妾,皆敬還之,我則商 而 史記》三十三卷《魯周公世家》裴駰集解。 鄭曰〕風,走逸。 役 牛 求逐之。 牝牡 人賤者曰臣妾也。 有 功,賜與汝。 風佚,臣妾逋亡,勿敢棄越 則 相誘謂之風。」《周 公妻梁嬴孕過期,卜招父卜, 有此 役人賤者,男曰臣,女曰 常刑。 越逐爲失伍 臣妾, 厮役之屬 **「**疏 古人或以婦女 禮 日 一、不還 太宰》 僖 傳 四四 妾。 也 爲 年

賚,力代反 有常刑。 賈同。 從軍 云"「是月也,乃合累牛騰馬,遊牝 引《僖四年》并賈 [案日]鄭云「風,走 , 故 云 臣 又《吕 妾。 氏 達注云云者,服虔注 春秋》卷三《季 逸」, 傳云「風

者,即 是牝牡 附爲「婦 七十二人,外有餘子二十五 宣十二年:「楚伐鄭,厮役死者數百人。」 鄭又云「臣妾,厮役之屬也」者,《公羊》 澤」,杜預曰:「牛馬因 之。」僖二 何休注云:「艾草爲防者曰 馬也。 牧。」高誘曰:「累 曰役。」古者兵車一乘,甲士三人,步 説文》辵部文。 臣妾也。 皆將 相誘爲風,因風 女從 十八年《左傳》「晉中軍風 羣 軍 游 傳又以商爲 傳必言男臣女妾, 」,皆非 從牝,于牧之野 牛,父牛也。 風而 而走逸者多也。 也。 厮,汲水漿者 走,皆失之。 商度 「逋, 人主薪 騰馬,父 風 疏 于 合 于 卒 汲 與 疏

明也。 復。」言 《易·睽》 《儀禮・士冠・記》「章甫」,鄭注云「章, 鼓》云:「爰居爰處,爰喪其馬。 《周語》:「余敢以私勞變前之大章。」韋 之,于林之下。」言國無政,軍無律,故 昭注云:「章,表也。表明天子與諸侯。」 **墟縣東,商河出焉。」酈道元注云:「亦曰** 物成就 小漳河,商、漳聲相近。」然則商亦通章。 越逐 我章賚汝」者,言我表明汝善,而賚汝。 水經》卷五《河水》篇云:「又東北過楊 漢書·律歷志》云:「商之爲言章也 曲 从 《説文》卷三上 爲失伍,不 所以 逐 可章度也。」又云:「聲章于商。」 向,章省聲。」是商 徐 則 初九云"「悔亡,喪馬勿逐,自 讀爲 表 有 悔也。 明丈夫」是也。 章。 復爲攘盜」云云者, 一向部: 《 詩 邈 「商,从外 晉人,尚 固從章得聲。 邶 于以 風 知古 知 求

也。

讀。

迂

妾失 也。 也。 也。 平時 者。 盗」,亦有刑也 逃臣之法。《説文》: 匸,藏也。 時,晉有董逋逃之法,楚作僕區 來識之者。」在朝尚然,在軍可知。 不 野 逐 委于朝,告于士,旬而舉之。」彼注云: 人民謂奴隸逃亡者。委于朝十日, 相 一, 司 無刑 僕區 《秋官•朝士》:「凡獲人民六畜者 八伍,而 品在一中,「踦區 掌固 如此,行軍可知。 翔 就掌 也。 者,藏匿 復畫三巡,夜三鼜,以 司險守五 市。 越其行 古者修間氏 市不 逃 列,則軍亂,故有刑 溝 屬 一藏匿 臣,是「不復爲 若因 遊 五 掌國,野 一,國 涂,而 也。」僕,臣 逐馬牛、臣 不馳 一,亦隱 號戒之。 呵 廬 品, 春秋 氏 僕 匿 衆 待 掌

有常刑。 無敢寇 攘,踰 [《釋文》日] 垣音袁 垣牆 竊馬 牛,誘臣妾,汝則

鄭日〕寇,劫取 也。 因其亡失曰攘。 博

常刑。 ○《爾雅》一卷《釋詁》疏。○《史記》三十三卷《魯周公世家》裴駰集解。〔傳曰〕軍人無敢暴劫人, 世家》裴駰集解。〔傳曰〕軍人無敢暴劫人, 世家》表別集解。〔傳曰〕軍人無敢暴劫人, 也家》表別集解。〔傳曰〕軍人無政暴劫人, 也家》表別集解。〔傳曰〕軍人無政暴劫人, 也家》表別集解。〔傳曰〕軍人無政暴劫人,

取也。 支。 邢疏引此經,儴、攘音誼 來,因匿之。《釋詁》云:「儴,因也。」 讀」者,漢今文家博士也。 【案曰〕鄭云「寇,劫取也」者,寇从完,从 支者擊也。 又云「因其亡失曰 因其完聚而擊之,是 攘」者,亡佚 同 也。 博 劫 彼 而

「甲戌、我惟征徐戎。

〇〔案曰〕峙常作峙,从山非也。 文》曰〕峙,直里反。糗,去九反,一音昌紹反。糧音良。「峙乃糗糧,無敢不逮,汝則有大刑。〔《釋〔傳曰〕誓後甲戌之日,我惟征之。

世家》裴駰集解。〔傳曰〕儲峙汝糗糒之糧,〔馬曰〕大刑,死刑。《史記》三十三卷《魯周公

皆當儲峙。「糗糒」,是行軍之糧,法、「糗、擣熬穀也。」謂熬米麥使熟,又云:「糗、擣熬穀也。」謂熬米麥也。」鄭玄之死刑。〔疏曰〕鄭衆云:「糗、熬大豆及使足食,無敢不相逮及,汝則有乏軍興使足食,無敢不相逮及,汝則有乏軍興

之乃可以待用。」義亦得通也。 卷七上米部文。 糧爲「糗糒之糧」,疏引《説文》云云,是 詁》云:「峙,具也。」《周 上人部云:「儲,偫也。」「偫,待也。」《釋 糧,穀也。」然則,糗糒是乾糧 庤乃錢鎛。」毛傳亦云··「庤,具也。 案曰]傳以峙爲「儲峙」者、《説文》卷八 下食部餱字注 《周書》曰:「峙乃餱粻。」乎溝切。」 云:「乾食也。 彼部又云:「糒,乾也。 頌. 臣工》云: 也。 从食,侯 傳以 但卷 具

寫誤 餱者是也。 遠行者。《小雅・伐木》亦云「乾餱 據 兩通。然《説文》所載皆孔氏古文,則作 此 古無此 則作餱糧,與糗糧之義正合,似 爲「餱粻」也。 公劉》云:「迺裹餱糧。」彼正言攜以 所引作 字。 馬云云者,望文爲説也。 「餱粻」,而米部粻在新 食部所引當是 凡餉遠宜乾食、人大 「餱 糧 附 得 以

「魯人三郊、三遂,

> 郊令留守,不令峙楨榦也。 遂,蓋使三鄉之民分在四郊之内, 侯亦鄉在郊内,遂在郊外。此言三郊三 也。設百里之國,去國十里爲郊。」則諸 之民分在四郊之外。鄉遂之民分在 云:「邑外謂之郊。」孫炎曰:「邑,國都 爲郊,鄉在郊内,遂在郊外。 之地在王國百里之外。」然則王國百里 軍,鄉爲正,遂爲副耳。 鄭衆云:「六遂 簡其兵器,以起征役。」則六遂亦當出六 遂。❶《遂人職》云:「以歲時稽其人民, 鄉也。《周禮》又云,萬二千五百人爲 出自六鄉,則諸侯大國三軍,亦出自三 是家出一人,一鄉 小司徒》云:「凡起徒役,無過家一人。」 .面,當有四郊四遂,惟言三者,明 爲一軍。天子六軍, 三遂

[「]人」、《尚書正義》作「家」,阮校謂宋板、《尚書纂傳

有徧 鄉; 遂,鄉、遂不足,然後總徵境内之兵。」 鄉,鄉不足取遂,遂不足 秋》成元年疏云: 「天子六軍 此軍等皆出于鄉、遂、賦猶不止 諸侯,大國三軍,次國二軍 于公邑及三等采; 賦猶 軍。 大國三軍出自三鄉,其餘公邑、采地之 引《周禮 法》等文解之者、《夏官 凡制軍,大國三軍。」魯是大國 侯邦國。 不在三軍之數。古者用兵,天子先 鄉、遂之兵應之,然猶不至總徵境 日 賦不止,次出六遂, 《小司徒》疏云:「凡出軍之法,先六 夷、徐戎兩 境出之法, 大司徒》《小 若諸 郊三遂」, 寇並 則千乘之賦是也。」《春 侯出 發,其勢甚急,故 疏云「魯 兵,先盡三鄉 大司馬》云: 不止,乃徵 司 賦猶不 取公卿采邑及 徒》及《司馬 小國 出 自 一, 宜 ,則諸侯 止,徵兵 一六鄉, 兵于 爲三 軍 軍, 用

> 非也。 傳疏 以「峙 文,創 也 曲 王 植榦, 謂諸侯之兵皆在,而但 爲總帥七百 附 肅 王 謬 義 謂 道近」之故,尤爲支離,皆 已非 東 郊 里諸侯之説,遂别生 經本旨。 留 守一, 用魯人者 故不言 傳又因上 四

文》曰〕楨,徐音貞。 峙乃楨榦。 以當 題 曰 : 題 距堙之屬。 《史記》三十三卷《魯周 兩 傳》:「晏弱城東陽,而遂圍萊。 馬曰〕楨榦皆築具,楨在 山 邊者也。 曰 日 牆 「楨,正 植,當 楨,旁日 兩 窺 邊 甲戌,我惟築, 望 牆 也,築牆所立 障 《釋詁》云:「楨,榦也。」 **「**疏 榦,工韓反。築,陟六反。 榦。 城 兩端 土者。」兵法:攻城 内,謂 曰]慎榦 公世家》裴駰集解。 甲戌 者 也。 之距 日 無敢不 兩 L前,榦· 以 旁曰 當築 堙。 木也。 擬 榦 築之用。 攻 在 · 供。 供音恭。 (傳曰 襄 敵 一兩旁。 甲寅 (釋 壘。 所

具也。 」 也。 牆。」宣十五年《公羊傳》楚子圍宋,「 司馬子反乘堙而闚宋城,宋華元亦乘堙 而出見之。」何休云:「堙,距堙,攻城 堙之,環 堙,土 城傅于堞。」杜預云:「堞,女 山 也。 周 城爲 土 山,及 使

旁之板。《説文》卷六上木部云:「楨,剛 其中而築之。楨是其 兩旁」者,凡築牆 木也。」在兩首者,宜 〔案曰〕馬云「楨榦皆築具,楨在 榦,築牆耑木也。」是榦在兩旁也。 于兩旁,更置木于其兩首,乃取土實 垣 城 (兩首之木, 榦則兩 用剛木。又云: 壘,必以繩 前,榦在 束板,

汝則有無餘 刑 非殺

罪隸、春藁,不殺之。《尚書》疏。〔王曰〕汝 不遺其種類,在軍使給 鄭 有無餘刑,父母妻子同産皆坐之,無 曰〕無餘 刑非殺者, 謂 厮役,反則入于 盡 奴其妻子,

> 《周禮 罪隸、春人、藁人之官也。」 隸,女子入于春藁。」鄭玄云:「奴從坐 没人縣官者,男女同名。」鄭衆云:「輸于 刑,刑者非一也,然亦非殺汝。〔疏曰〕 隸,亦不殺之。《尚 遺免之者,故 ·司厲》云:「其奴,男子入于罪 謂 無 書》疏 餘之刑。 「傳 旦 然 人 無 于罪 餘之 一而

苑》、《吕覽》。 罪,則將肆諸 羊舌虎,叔向 法,軍人有罪,有没 弓》:齊莊公襲莒,杞梁 者,如《論語》云「箕子爲之奴」、《左傳》 哀,公使人弔之,對曰:「君之臣不免 在軍使給厮役,反則入于罪隸、舂藁」 云「斐豹隸也,箸于丹 百里奚爲官奴」,皆所謂罪隸也。《檀 案曰〕鄭云「盡奴其妻子,不遺其種 市朝,而 爲之奴,見《左傳》、《 此雖非乏軍興亦自從 人其妻孥者。 書」、《鶡冠子》云 妻妾執然。」則周 死 焉,其妻哭之 晉誅 于

司厲》解之也。 云云,王、孔並同,疏引《周禮・秋官・ 隸者。 況乏軍興罪大,宜戒懼之,故鄭之事,然則古固有没入罪人家口爲官奴

則有大刑。」〔《釋文》曰〕芻,初俱反。茭音交。「魯人三郊三遂,峙乃芻茭,無敢不多,汝

興之大刑。遂多積芻茭,供軍牛馬。不多亦有乏軍〔鄭曰〕茭,乾芻也。《尚書》疏。〔傳曰〕郊、

注:「茭,草也。」乾芻即乾草也。一下艸部義也。《漢·溝洫志》如淳〔案曰〕鄭云「茭,乾芻也」者,《説文》卷

禽即位後,淮夷、徐戎並興,率師伐之,年,魯征淮夷,作《費誓》。《魯世家》:伯聞》云:「《書·多方》注云:周公歸政明卒哭往征,作《棐誓》。」王應麟《困學紀「伯禽時,有戎夷作難。雖有三年之喪,〔又案曰〕《禮記·曾子問》篇經注言:

年之喪也。説已見《多方》。 在,爲母雖期,其實則是三年,故以 不檢照,宋儒議論,不堪 但《曾子問》疏明言伯禽所遭是母 注謬甚,不可據。 《禮記》之言恐非謂《費誓》。」《多方》孔 之役,晉始墨。』若伯禽行之,則晉非始。 作《肹誓》。 公未没時,非居喪即戎也。《左傳》:『殽 據此,則伯禽征 應麟固不足與語 一細核。 淮 徐 如此父 '喪,亦 爲三 在 周

尚書後案卷二十六

尚 書後案卷二十七

多稱《甫刑》,故傳解之。

《詩・大雅・

以三公領司寇也。《禮記》書傳引此篇,

東吴王鳴盛學

惟吕命 篇有此言也。 侯見命爲 ○《史記》四卷《周本紀》裴駰集解。 云:「周穆王以 〔鄭曰〕吕侯受王命,入爲三公。《書説》 [疏曰]鄭引《書説》謂《書緯 卿,後爲甫侯,故稱《甫刑》。 以其言相,知爲三公,當 吕侯 爲相。」《尚書》疏。 [傳日]言吕 ·刑德放》

猶在」,仍得有吕者,以彼論四嶽治水, 伯之言幽王時也,乃云「申吕雖衰,齊許 《甫刑》者,後人以子孫國號名之。 寇,于三公爲司空公也。 卿,舉下以爲稱。」是呂侯于六卿爲司 爲卿。《大傳》云:「天子三公,司徒公、 者,傳于《序》言吕侯爲司寇,于此言命 文,而云「申吕」,吕即甫也。 齊、許、申、吕是其後。因上「申吕」之 家》然。宣王以後,改吕爲甫,《鄭語》史 虞初封唐,子孫封晉,而《史記》稱《晉世 子孫改封爲甫侯。穆王時未有甫名,稱 之水》,平王之詩,云「不與我戍甫」,明 崧高》,宣王之詩,云「生甫及申」。 司馬公、司空公。」鄭彼注云:「一公兼二 [案日]鄭云「吕侯受王命,入爲三公」 以諸侯而爲王 猶叔 《揚

吕

刑

周

書

也。 朝之 吕侯。」《毛詩》卷十八之三《崧高》傳 姓曰姜,氏曰有吕,謂其 《周語》云:「堯胙四 《墨子》作《吕刑》,而他書所引多作甫, 述諸侯之職于周,則有甫、有申、有齊、 也。」《説文》卷七下吕部云: 故傳疏以爲子孫改封甫。《國語》卷三 紀》亦云:「甫侯言于王,作修刑辟。」惟 威」二句,皆作《甫刑》。《史記•周本 吕後爲甫,「故稱《甫刑》」者,《孝經 有許也。]箋云:「四嶽,卿士之官,掌四 云:「堯之時,姜氏爲四伯,掌四嶽之祀, 命」二句,又引「一人有慶」二句,又 又引《書説》「吕侯 播刑之迪」句,又引「敬忌」句,又引「德 一人有慶」二句,《禮記》引「苗民 象形。昔太嶽爲禹心吕之臣,故封 卿,故言人。三公是輔相之臣,故 爲相」以證 岳國,命爲侯伯,賜 能 「吕,脊 爲 也。 禹 匪 引 骨 用 引

申吕。 胄四嶽伯夷爲堯典禮。 字樣》亦云:「呂象脊呂形。」其甫國之所在 《吕刑》亦變稱《甫刑》,猶唐變稱晉也。 王符《潛夫論 文》皆云因爲心吕而氏吕,則吕本非地。唐玄度《九經 吕之所封,亦呼其地爲吕耳。 且申、齊、許皆地,則甫亦 者,後人因其子孫,追稱吕侯爲甫侯,并 吕侯是其苗胄。其子孫又有改封于甫 據此諸文,則吕之命氏,實當唐虞之際 嶽,出自炎帝。 齊也、許也,皆其苗胄。」洪适《隸釋》卷 歷虞夏商,世有國土。周之甫也、申也、 姓爲之,德當嶽神之意,而福 時者也。 十九《魏横海將軍吕君碑》云:「其先四 或封許、向,或封于紀,或封 裔生尚, 因主方嶽巡守之事,在堯 •志氏姓》篇云:「炎帝 是族繁毓,申吕並興。」 爲文王 師,克殷 折民惟刑,以 地,後人因是 興其子孫 《國語》、《説 Щi 于申 封之 時姜 則

王

縣 義 言國 水二 城,在 有奇,其密邇明析至此。 因得姓是虞夏,追 吕亦在宛縣之西也。」又《水經》酈注「淯 吕。」●又《史記 不確,日遂無考,當以漢魏諸説爲正也。 封吕爲虞夏事者,實則封在 虞夏之際受封于吕。」諸説皆合。其以 「《地理志》: 申在南陽宛縣,申伯之國。 曰:「吕在南陽宛縣西。」司馬貞 南 也。 西 亹 百年,耄荒,〔《釋文》曰〕耄本作意,毛報反。 今鄧州信陽軍之境,恐未是。 四十里。」然則兩國 陽縣北三十里,故呂城 .地所在,固不誤。此 條云:「宛西吕城,四嶽佐禹治水, 南 申伯,于邑于序。』宛 所以《括地志》云:「 陽宛北 ·齊太公世家》注,徐廣 序山之下。 稱之,遂以致誤。 相距四十 唐 杜佑《通典》 在 故 以 西三十里有 故《詩》云: 穆王以 鄧 申 前 州 城 相 申既 傳古 E 在 南 後, 謂 里 其 陽 鄧

> 據。 字二毛,則知此字之謬,斷不可用也。 此,故《大禹謨》、《吕刑》並改 从俗,舊本尚存,德明得據爲説。抑思老字本从毛、从 知耄字出魏晉間,作僞者用人《大禹謨》,而《吕刑 《釋文》「耄本作薹」,不見于《大禹謨》,而見于《吕刑 字何篇之文。若今《大禹謨》「耄期倦于勤」,則僞本不足 《藁飫》一篇,則許慎所見《虞書》甚多,特不知其所指 人、从化,其下又加毛,是一字二毛矣。 德明亦似有見于 耗相似,昌朝不知,而云耗耳。 作耗無義,今考之,鄭必作「眊」也。《説文》卷四上目部 書》既然,《吕刑》當亦同之。以眊作耄,假借字也。 三卷則又云:《吕刑》「耗」,鄭音「耄」。 似鄭本作「耗」者。 「太」,亦養之異文,皆非 德明不知而誤云云耳。 卷八上老部:「年九十曰薹,从老,蒿省聲。 云:「眊,目少精也。 《釋文》所以云「亦作耄」。 (切韻))莫報反。 或唐李陽冰輩妄增此句,許慎本無,皆未可 ○〔案曰〕耄字《説文》無,但有藆字,見 从目,毛聲。《虞書》耄字从此。」《虞 也。 郭忠恕《汗簡》卷中之一又作 耄,古亦無此字,蓋即薹字,陸 从者。 乃宋板賈昌朝《羣經音辨》 孔壁《尚書・虞書》惟 雖改而仍無解于一 莫報切。」此 知。 》,則 眊

〔傳曰〕時穆王以享國百年,耄亂荒忽。

) 「吕」下、《潛夫論》有「城」字。

崩。」 及文王享國若干年者,皆謂在位之年, 此言享國百年,乃從生年而數 即位,春秋已五十矣」,「立五十五 而 一十,不知出何書。 能 即 或當各有所據。《無逸》言殷三王 用賢以 位 渦 揚名。● 四 十矣, 《周本紀》云「穆王 〔疏曰〕穆王 言百年,大 期 即 位 雖 渦 老

荒忽」者、《左傳》「穆王周行天下, 當身之樂,猶百年乃徂。」是百年大 期。 年,與傳疏異,非也。 周穆王》篇云:「穆王 車轍馬跡」,今《穆天子傳》所載,是其耄 十四十歲矣。」此以百年爲單舉在 穆王享國百年,并未享國之時,出 充《論衡》卷一《氣壽篇》乃云:「傳 生年數也。 (案日)傳云穆王過 疏云百年,從生年數者。 作《吕刑》後,去死近 四十即位,百年 傳以耄荒爲「耄 幾 神人哉! 《列子 矣。 朔 位 能 稱 百 亂 之 大 有 周 從 王 窮

> 字。 度作刑,以詰四方」。 司寇》注引此,俱作「度作詳刑」。《大傳》引此,又作「鮮 度作刑,以詰四方。〔《釋文》曰〕度,待洛反,馬如 亂 卷三邊韶《老子銘》云「聃然老旄」是也。 眊孤寡鰥 宣傳》云「年齒老眊」,是也。又或作旄, 二年韶云「眊悼之人」,又卷七十一《彭 詰,起一反。○〔案曰〕鄭《天官・太宰》、《秋官・大 禮記》:「旄期,稱道不亂。」洪适《隸釋》 漢書》卷六《武帝紀》元狩元 荒 忽 也。 獨」,又卷十二《平帝紀 耄 當當 作薹, 或假借 年 詔 作 》元始 云「老 眊。

爲治,考《天官・太宰職》云:「刑典以詰三下又部:「度,法制也。」是也。 傳以詰[案曰]馬云「度,法度也」者,《説文》卷世所宜,訓作贖刑,以治天下四方之民。[馬曰]度,法度也。《釋文》。〔傳曰〕度時

其」,屬下讀。按疏云『美大其事』,則作『其』是也。」「大期」、《尚書正義》阮校曰:「古本『大期』作「大

行之也。 職》云:「憲邦之刑禁,以詰四 詰爲謹。 寇》云:「佐王刑邦 邦國。」鄭注 云:「詰,謹也。 詰四方」義與彼同,當爲禁止而使人 二文皆引此經以證。 以 詰 使 爲禁。《秋官 國,詰四方。」鄭 四 方謹行之。」則 又《布 方。」鄭 注 此 注 以 司

^{牛反。} 平民,罔不寇賊,〔《釋文》曰〕蚩,尺之反。尤,有平民,罔不寇賊,〔《釋文》曰〕蚩,尺之反。尤,有王曰: 「若古有訓,蚩尤惟始作亂,延及于

「古天子」。《漢書音義》有「臣瓚」者,引《尚書》疏。○劉三吾等《書傳會選》六卷。〔馬曰〕九黎之君,號曰蚩尤,造始作亂,惡母〕九黎之君,號曰蚩尤,造始作亂,惡日〕九黎之君,號曰蚩尤,造始作亂,惡日〕九黎之君,號曰蚩尤,造此作亂,惡(顯曰〕對太氣,九黎之君,在少昊之代也。(鄭曰〕對尤霸天下,黄帝所伐者。學蚩〔鄭曰〕蚩尤霸天下,黄帝所伐者。學蚩

尤也。 知出 《孔子三朝記》云:「蚩尤,庶人之貪者。 蚩尤,要《史記》蚩尤在炎帝未,《國語》 氏九人,蚩尤之徒也。」 韋昭雖以 黎亂德,顓頊受之,使復舊常。」則九黎 玄云云,其意以九黎學蚩尤,九黎非蚩 蓋以蚩尤是九黎之君,黄帝雖戮 尤爲九黎,下傳又云「蚩尤,黄帝所滅」, 九黎在少昊末,二者不得同也。 孔以蚩 在少昊之末,非蚩尤也。韋昭曰:「九黎 侯名也。《楚語》曰:「少昊氏之衰也,九 天子。」如《本紀》言,蚩尤是炎帝之末諸 之野,遂擒殺蚩尤,而諸侯咸尊 諸説不同。「九黎之君,號曰蚩尤」,不 神農氏世衰,諸侯相侵伐,蚩尤最 類尚 黄帝乃徵師諸侯,與蚩尤戰于涿 何書也。《史記•五帝本紀》云: ,故至少昊末,更復作亂。 九黎爲 軒 爲 鹿

者也,何器之能作?』」盧辨注云:「或云 命蚩 蚩尤。」是也。《大戴禮記》卷十一《用 與蚩尤戰于涿鹿之野,蚩尤作大霧,兵 野,即于是處。」崔豹《古今注》云:「黄帝 《水經注》云:「涿水出涿鹿山東北流,逕 蚩尤古之諸侯,妄耳。 不顧厥親,以喪 兵》篇:「公曰 士皆迷,于是作指南車,以示四方,遂擒 涿鹿縣故城南,黄帝與蚩尤戰于涿 名之曰絶轡之野。」《戰國策》卷三《秦策 逐帝,争于涿鹿之河,九隅 大懾,乃説于黄帝,執蚩尤殺之于中冀, 者」、《逸周 一》云:「黄帝伐涿鹿而禽蚩尤。」酈道元 日 元,宇于小顥,以臨 蚩尤,庶人之貪者也,及利無 鄭 書》卷六《嘗麥解》云:「昔天 云 二。『蚩尤作兵與?』子曰: 蚩 (厥身。 尤 霸 蚩尤惛慾 原《戴記》意,斥 天 四方。 下, 無 黄帝 遺 而 蚩尤乃 鹿之 無厭 赤帝 所 伐

> 九黎 作説。 如果 莊 蚩尤稱庶人,亦猶下文三苗諸侯降 異義》不取蚩尤爲庶人説之明文。 授兵于廟,又無 民耳,非真 祠兵者,《公羊》字之誤,以治爲祠,因而 人之强者,何兵之能造?」「玄之聞也, 廟。」許慎謹案:《三朝記》曰:「蚩尤,庶 者。●《左氏》説『甲午治兵』,爲授兵于 蚩 兵,矛、戟、劍、楯、弓鼓及蚩尤之造兵 曰:「《公羊》説『甲午祠兵』,祠者 而 八八年 尤 君名,鄭則以九黎與苗民爲一, 滅于黄帝者也。 庶 爲 之于周司馬職,治兵皆習戰,非 庶 人 經二甲 人, 庶人也。 何 以 能 午 其 祠五兵之禮。」此 與 凶 黄 祠 故鄭以爲古之霸 一德故, 帝 兵。」《五經 馬及傳以蚩 戰?」故《春 非 真無 鄭《駁 異 「,祠五 爵 然則 尤 稱 秋 土

五經異義》有「祠」字。) 「鼓」,鄭玄《駁五經異義》所引作「矢」,「及」下,《駁

蚩尤爲九黎氏之君,然不足信也。 後世種類,雖《戰國策》卷三高誘注 及傳之謬,而 之名,今日猶 少昊末,其時又相去甚遠耶 三苗何涉? 況蚩 蚩尤爲二,其説最精。 然。 强附會,以爲 尤在 蚩 尤 蓋黎與苗皆南 炎帝 在 涿 九黎是 鹿 末,九黎 疏明 與與 蚩 九 亦以 知 尤 馬 在 黎

了话。 「鴟義姦宄,〔《釋文》曰〕鴟,尺之反。義,本亦作誼。

鴟類。《詩》云「爲梟爲鴟」,梟是殘之鳥。《詩》云「爲梟爲鴟」,梟是人物。《尚書》疏。〔馬曰〕鴟,輕也。《釋文》。〔鄭曰〕盜賊狀如鴟梟,鈔掠良善,劫奪〔鄭曰〕盜賊狀如鴟梟,鈔掠良善,劫奪

《潛夫論》卷四《述赦》篇云:「承大亂之義」,鴟梟則有何義耶? 傳非也。王符義,故鄭以爲儀狀也。傳云「鴟梟之〔案曰〕鄭云「盜賊狀如鴟梟」者,古儀作

未詳。以鴟義爲消義,疑消是梟之誤也。馬義姦宄奪攘。」此所説似即此經之義。而極,被前王之惡,其民乃罔不寇賊消義,

虔,其然反。 「奪攘矯虔。 〔《釋文》曰〕攘,如羊反。 矯,居表反。

「疏曰〕《釋詁》云:「虔,固也。」 《春秋傳》:「虔劉我邊陲。」謂劫奪人物以相撓擾也。《周禮》二十六卷《秋官·司刑》疏。 以相撓擾也。《周禮》二十六卷《秋官·司刑》疏。 (鄭曰〕有因而盜曰攘。矯虔謂撓擾。

重言殺者,圓文耳。據今《方言》卷一殺。《釋詁》文。」《方言》云:「虔,殺也。」強疏云:「劉,為為。《釋詁》文。』《方言》云:「虔,劉皆殺也。」彼疏云:「劉,之云「矯虔謂撓擾」,引《春秋〔案曰〕鄭云「有因而盜曰攘」者,義詳〔案曰〕鄭云「有因而盜曰攘」者,義詳

■「文」,按例當作「曰」。

36年代1日

也。 奪爲敚,疑鄭本必與之同也 下支部云:「敚,殭取也。 强取爲虔。」皆是侵暴之事,亦得參 吏因勢侵暴。」注引韋昭曰:「詐稱爲 字兩訓也。 放攘矯虔。」从支, 兑聲。 賊 傳以虔爲固,非也。 爲虔。」然則虔既訓 秦晉之北 《漢書·武帝紀》云:「矯虔 鄙,燕之北 又《説文》卷三 殺,又訓 郊、翟縣 徒活切。」以 《周書》曰: 之郊 賊,一 矯 解

注《周 平上去入皆通,則否、弗通可知。 切,則上去皆可收。 九切」,而《廣韻》平聲十八尤,甫鳩切,又甫九、甫救二 蓋否上聲,弗人聲,而古無四聲之別,故不字、《説文》「俯 緇衣》引作:「苗民匪用命,制以刑。」《禮記・文王世子》 云:「凡釋奠者,必有合也。 作:「苗民否用練,折則刑,惟作五殺之刑曰 ,故轉爲練也。 民弗用 無辜。 諸子》云「弗,不 靈,制以刑,惟作五虐之刑 《緇衣》作「命」者,命古音亦近練也 又于人聲八物云「與弗同」。 〔案曰〕《墨子》卷三《尚同中》篇 有國故則否。」否謂不合。 也」,則否、不、弗三字同 靈爲練者,古音靈 法。』《禮記 知不字 曰

必變九黎。言苗民者,有苗,九黎之後。于少昊氏衰而棄善道,上效蚩尤重刑,〔鄭曰〕苗民,謂九黎之君也。九黎之君論》「折」作「制」,是也。虐與殺,古義亦同也。

也。 尤,黄帝所滅。 紀》一卷。〔傳曰〕三苗之君,習蚩尤之惡, 刑,自謂得法,以殺戮無罪。 不用善化民,而制以 惡,故著其氏而謂之民。 之惡。堯興,又誅之。堯末,又在朝。 語》云「三苗復九黎之惡」,是異世 六卷。○《禮記》六十二卷《緇衣》疏。 未見仁道。《尚書》疏。 命,禹又誅之。穆王深惡此族三生凶 舜臣堯,又馭之。禹攝位,又在洞庭 顓頊代少昊,誅九黎,分流其子孫,居于 必變九黎。 西裔者爲三苗。至高辛之衰,又復九黎 鄭玄云云,孔惟言異世同惡,不言 言苗民者,有苗,九黎之後。 而棄善道,上效蚩尤重刑, 三苗,帝堯 ○董鼎《書集傳輯録纂注 重刑,惟爲五 民者,冥也,言 所誅。 ○劉恕《通鑑外 **「**疏 一虐之 楚 蚩 逆

之後諸侯共工也。」 三苗是蚩尤子孫。韋昭云:「三苗,炎帝

此 民 以爲三苗,雖與《禮》注 彼注不必致詳,即以三苗當苗 是謂九黎之君 鄭彼注云:「高辛氏之末,諸侯有三苗者 九黎之君」者,下云「遏絶苗民」,又云 作亂。」不以苗民爲九黎。此云「苗民 德。]則三苗非即九黎,故《緇衣》引此。 云「九黎之君于少昊衰 苗民」自是謂顓頊之誅九黎,則此苗 制作虐刑」以證彼 ·乃命重黎」,命重黎是顓頊事,則「遏 楚語》云「少昊之衰,九黎亂德」是也。 〔案曰〕鄭云「苗民,謂九黎之君也」者。 國語• 經據 有遯心」之義,意不主于苗民,故鄭于 下文,則苗民 楚語》云:「其後三苗復 矣。 《緇衣》引此,止 上文「齊之以 實是九黎,不可即 而 不 同 棄善道」者, ,無妨也。 民 九黎之 可也。 刑, 取 則 民 絶

野。」鄭彼注云:「舜征三苗而死,因留 誅之」者,《檀弓》云:「舜 德」,章注云:「其後,高辛氏之季年也。 也。云後「禹攝位、又在 **馭之」者,《堯典》云「馭三** 而誅之。」云「堯末又在 高辛氏衰,三苗爲亂 誅之」者、《楚語》云「其後三苗復九黎之 後,則「遏絶苗民」非誅三苗,乃是誅九 云「高辛氏衰,又復九黎之君。 黎也,「無世在下」,則是分流其子孫也。 其子孫」者、《楚語》「少昊之衰」云云,下 之後也。」云「顓 祖之詞。 後三苗復 云「顓頊受之」,是顓頊代少昊也。 遏絶苗民,無世在下」,三苗在顓頊之 故彼韋昭注亦云:「三苗,九 九 九黎之後」者、《楚語》云:「其 黎之德。」則是子孫 項代少昊,誅九黎,分流 如九黎之爲,堯興 朝。 洞庭逆命,禹又 苗于三危」是 葬 舜臣 于 堯興,又 蒼梧之 襲 堯, 下云 其先 又

又以三苗即共工。 而爲 僞孔傳勦襲馬融之説,以蚩尤、九黎併 不恭。」其意亦言黎苗是一類,而非即一人,與鄭合。 黎苗。」吴秘曰:「黎苗,九黎三苗也。 九黎亂德,三苗 最明析。揚子《法言》卷七《重黎篇》云:「播其虐于 蚩尤之惡,而三苗又效九黎之惡 九黎子孫,九黎非蚩尤子孫。 文《大禹謨》篇中,大約 之,事見《墨子》等書,詳《後辨》。 故征三苗 焉。」考蒼 又云 「民者, 冥也。 詩 流共 民者,冥也。」又《大雅·靈臺序》箋亦 ・衛風・氓》疏引鄭《論語》注 「民者,冥也。 **心爲甚。** 「民者,冥也。 (工」,自是二事,此説更謬也。 ,又謂三苗效法蚩尤,牽混支離 而至蒼梧 梧 而 與 此 洞 庭相 節疏尤轇轕不明。 《孝經援神契》文。」賈 其見仁 也。舜既没 《堯典》「絜三苗」、 言未見仁道」者, 近, 鄭意總以三苗即 三苗 道遲。」彼疏 但九黎效 禹 在 耳。 洞 僞 云 復 庭 且 鄭

> 也。 云然也 鄭又以靈爲善者、《詩・定之方中》箋亦 苗謂之民,亦猶蚩尤諸 冥,「未見仁道」之義也。 民。」《説文》卷十二下民部云:「民,衆氓 有見質不可謂見。 善。民之號取之瞑 言瞑也,萌之爲言盲也。」《春秋繁露》 誼《新書》卷九《大政下》篇 禾中,而禾未全美,善出性中,而性未全 十《深察名號》篇云:「民者,瞑也。 目,目卧而瞑,待覺 變民言甿,甿猶懵,無知貌也。」是民爲 氓讀若盲。」《地官 而後見。 也,使性 瞑之未覺,故 侯貶稱庶人也。 ・遂人》注 鄭謂穆王惡三 云: 一而已。 當其未覺, 「民 開之 **云**: 之爲

反。則,徐如志反。椓,竹角反。黥,其京反。「爰始淫爲劓、刵、椓、黥。〔《釋文》曰〕劓,魚器

陰。黥謂羈黥人面。苗民大爲此四刑〔鄭曰〕則,斷耳。劓,截鼻。椓謂椓破

詁》云:「淫,大也。」面,以加無辜,故曰五虐。 〔疏曰〕《釋疏。 〔傳曰〕始大爲截人耳、鼻,椓陰,黥者,言其特深刻,異于皋陶之爲。《尚書》

是也。 是也。 渠京切。」又重文剽字注云「黥或从 也。 異于臯陶之爲」者,下文墨、劓、剕、宫、 黥字注云:「墨刑,在面也。 云「椓謂椓破陰」者、《大雅 鼎祚《集解》虞翻 器切。」又重文劓字注云:「臬或从鼻。」 从刀,从耳。 仍吏切。」 臬字注云:「刑鼻 椓靡共」,箋云:「椓,椓毀陰也。」 是也。 説文》卷四下刀部則字注云:「斷耳也。 [案曰]鄭云「則,斷耳。 黥謂羈黥人面」者、《説文》卷十上黑部 从刀,桌聲。《易》曰:『天且臬。』魚 「天且劓」、《下經》睽九三文。 鄭又云「苗民爲此四刑,特深刻, 亦云:「割鼻爲劓也。」 劓,截鼻」者, 召旻》「昏 从黑,京聲。

> 等注 陶竟不用五刑也。 詳玩鄭説,劓、刵 苗民用法,特深刻,故異于皋陶,非謂皋 大辟 云:「伯夷作五刑。」疑非也。 但用之特深刻耳。《世本• 肉刑,不始于苗民,少昊前已有之,苗民 明允,用當其罪,而民 用四刑 ,謂虞夏 五刑,據鄭《堯典》及《秋官 ,與墨、劓、剕、宫亦略同,但皋陶 及周皆用之,今此 不犯,不必 作篇》 苗民所 一的決。 司刑》 乃 等

體 述其書偁《易》孟氏、《書》孔氏皆古文, 劓字諸本皆同,但《説文》刀部以 劅、剠」,鄭云「臏、宫、劓、割 疏云:夏侯、歐陽等三家《書》「劓、刵、 竹角切。」《尚書》卷二《虞書》標目 支,蜀聲。《周書》曰:『刖、劓、斀、黥。**』** 卷三下攴部云:「斀,去陰之刑 〔又案曰〕此經之文,諸本互異。 ',劓爲重文,又引《易》爲證。 胆、 《説 許慎自 庶 也。 **剿爲正** 剠。 下孔 文》

《尚 誤也。 何必盡 同。 慎與 及《秋官•司刑》皆無之,但苗民所用, 鄭注作「刵」。 以今文易古文也。 書六經皆古文。」王俅《嘯堂集古 本先劓後刵。 下《周齊侯鎛 刖, 周齊侯鐘 康誥 易》作 斀」,劅乃斀之誤。 書》亦必作「劓」,其作「劓」者,安國 臏即剕,割脰即大辟,庶剠 今本乃僞孔從夏侯等俗儒 注,仍先則後劓? 鄭俱好古文,所載必 傳寫誤也。 至所云「臏、宮、劓、割、脰、庶剠」 同夏、周。 亦倒 剌 銘》同。 也。 鐘銘》云: 書》可 刵刑雖 如鄭本果同今本,何以疏 椓 況《康誥》已有之,許 《説文》先則 周鐘 則、《説文》作 知。 刻 則 因 亦 于下文所言夏刑 當 「造而別剌。」又 所用必古文,則 鄭 慎又言: 从 同。 必與《説文》 重文从 即 説 後劓,今 《説 文》作 録》 孔 倒

麗,力馳反。并,必政反。泯,面忍反,徐音民。 泯泯棼棼, 罔中于信, 以 反,徐扶云反。 覆,芳服反,徐敷目反。 詛,側助 越兹麗刑,并制,罔差 孔穎 起 制 《小雅·正月》疏。 于此 〔鄭曰〕越,于也。 孔令變色,則墨須煮,故云「庶剠 藥煮之煮。」《司 毒蠱,故以名官。 剠」者,庶,煮也。 孔疏此條,舛謬甚多,不 面,以墨窒之。」言刻領爲 優賢揚」作「憂腎陽」,無字不誤 句 相 無 恐是 達 施刑,并制其無罪者。《詩》十二之 義 漸 罪 化、泯泯 ¨**,** 無 誤 下文「墨 牽 反背詛盟之約 差 引之。 有 [傳日]苗民于此 爲亂 直 刑》注:「墨鯨,先刻 秋官庶氏以藥物燻 彼《敘官》注: 辟 兹,此也。 辭 觀 *,

梦

梦 疑赦 有辭。 者。 覆 其 詛 上文引《盤 五 ·可信 瘡,以 盟。〔《釋文》曰 民 同 民興胥 . 惡 瀆 節之鄭 麗, 也。 「庶讀 于 施 也。 反。 棼, ^, 則 施 刑 芳云 漸, 庚》 也 知 瘡 其 如 攻

「虐威庶戮,方告無辜于上。上帝監民,罔「虐威庶戮,方告無辜于上。」上帝監民,罔用腥爲胜也。」

[傳曰]虐政作威,衆被戮者方方各告無

以爲德刑,發聞惟乃腥臭。罪于天。天視苗民無有馨香之行,其是

天也。傳以德刑連讀,非也。苗民無有馨香德,惟濫刑之氣,腥聞于(案曰)僖五年《傳》云「明德以薦馨香」,

云云。 龍反。 無蓋。 『羣后之肆在下,明明不常,鰥寡不蓋。』」 然後繼以 《尚賢中》篇引此經云:「皇帝清問下民,有辭有苗,曰 曰〕皇訓爲君,非字宜作君。《釋文》非也。《墨子》卷二 文》曰〕皇帝、皇宜作君字、帝堯也。遏、於葛反。 有降格。羣后之逮在下,明明棐常, 民,無世在下。 皇帝哀矜庶戮之不辜,報虐以威,遏絶苗 下民,鰥寡有辭于苗」,與今本略同。 |國志》卷十三《鍾繇傳》繇上肉刑疏,引《書》「皇帝 黎,力兮反。 以「羣后」三句在「皇帝清問」之下,文又多異。 皇帝清問下民,鰥寡有辭于苗。 棐音匪,又芳兒反。鰥音頑。 乃命重、黎,絶地天通, 〇〇案 重,直 呂

是命重黎之身,非羲和也。「皇帝清問」降格」,皆説顓頊之事。乃命重、黎,即〔鄭曰〕「皇帝哀矜庶戮之不辜」至「罔有

問 序,是 異代 在 地、地民不至于天,明不 掌天地 報爲虐者 帝,帝堯也。 \pm 是帝堯事, 絶苗民」下句,即 法,故使鰥寡得所,無 侯之逮在下國,皆以 在下國。 故上言「遏 以 馬曰」 虐之君,自 ,禮,天子不 堯之初 民患,皆 下 别 神 絶 乃 四 清問, 時, 説 重即 時 以 知 有辭怨于苗 絶苗民」, 堯 非 之官,使人神不擾,各得 地天 威誅,遏 無世位 滅苗民 哀矜衆被戮者之不 而 事。 滅 清訊。《釋文》。 羲,黎即 堯 國,擇立 云「乃命重、黎」, 事 通」。 顓 末年又有「헳三苗 也。 在下,其改立者,復 亦帝堯也。 明明大道,輔 絶 下云「有 頊 有掩蓋。 和。 民。 言天 苗 -相干。 與 《尚書》疏 其次賢者。 民,使無 堯 堯 **「疏** 再 神 命義 辭于苗」 傳 誅 羣 滅苗 帝堯 無 曰][遏 約 重、 苗 后, 行 有 和 世 鄭 民 詳 降 諸 其 君 世

其後三 非 羲是 使復 後不 天。」即所謂 重 同位,禍災薦臻。 昊氏之衰也,九黎亂 何 誅 得 曰:『非 日 司 也 耳。 在 後 物 『《周書》所謂重、黎,實使天地不通, 重 天以 舊常 忘舊者,使復典之。」彼言主説此 ? 而《堯典》云:「乃命羲、和,欽若昊 朝 》云「少昊氏衰,九黎亂德」,又云 三苗復 故以重、黎言之。 子 也。 苗復九黎之德、堯復 《楚語》云:「昭 此之謂也。 若 屬神, 但 孫,和是黎子孫,能不忘祖之 ·**,** 無 無然, 顓 此 育重、黎之後,使典之也。 九黎之德」,則 相 族數 頊 命火正 侵 誅九黎,謂之「遏 民將能登天乎?』對 顓 瀆, 生 德,家爲巫史,民 古者民神不雜 頊 凶 是謂 黎 受之,乃命南 德,故 王問于觀射 鄭玄云云,考 司地以 絶 九 育重、黎之 歷 地 代 屬民, 天通。 每 神 父

民」,于 允,不知二者誰得經意也 重、黎,解 鄭 義 爲 帝 爲 不 堯 命 愜。《楚 羲、和, 語》言 于孔 説 .韻 又 頊 未 命

年也。 徒,掌 與天神相通之道 也。 辛氏作。 火當爲北,北陰位,北正于《周禮》則司 雜糅。巫主接神,史次位序。家爲言 者,本疏引《楚語》云云,是《國語》卷十 人自爲之受承也。 金天氏也。 八文。彼韋昭注云:「少昊,黄帝之子, 頊之事」,「皇帝清問」以下,「乃説堯事」 [案曰]鄭以「皇帝哀矜」云云,「皆 爲 屬,會也。 土地 ·相干亂,于《周禮》則宗伯掌祭祀。 亂,行其凶德,如九黎之爲。堯 三苗,九黎之後 南,陽位。 人民也。 九黎,黎氏九人也。 南 也。其後,高辛氏之季 正 謂少昊氏 絶地天 會羣神,使各有分 正,長也。 也。 高辛氏衰 通 殁,顓頊高 ,絶地 同位謂 司, 説

異,顯 最精。 黎。』」徐幹《中論》卷下《歷數》篇備 如 是堯事,非顓頊矣。 興而 和。』『孰重孰 北正黎司地,今何僚 弗用靈」,鄭以「苗民爲九黎之君」,其説 苗,方是三苗。 其下「皇帝清問下民,鰥寡有辭于苗」之 遏絶苗民,此苗民實指九 説此經,確 典天地之官,羲氏、和 七《重黎篇》云:「或問: 帝清問」云云,即繼以 命重、黎,絶 皇帝哀矜」云云,指謂顓 平三苗之亂, 違《國 孔 鄭注覽文如詭,觀理即暢,往往 以 不可易也。 兩 語 地天,實 黎?』曰: 皇帝皆爲帝堯,欲 且據此,益知上文「苗民 謬也。 鄭據觀射父之言以 也 育重、黎之後,使 命伯 是 氏 且據此 ? 曰 是 『羲近 韻 「南正 揚子《法言》卷 頊 夷、禹、稷, 也。」據此, 黎,非三苗 頊。 也。 則知皇帝 重,和 「近 重司天, 知 養近 與 則 則

皆非也。 者,《 焉。 所本,此 篇》云:「周繆王任刑 勸厲爲善之道也。」上文言苗民「虐威 用 者以威誅」者,王充《論衡》卷十四《譴告 不 疏 顓 據《國語》「堯復育重、黎之後」云云,以 天」之文。 射父語, 解《堯典》「命羲和」之文,豈得因 明知 · 愜。 獨矜寡 威。」威、虐皆惡也,用惡報惡,亂莫甚 頊之命重、黎,當堯之命羲、 《大傳 則虐、威皆是惡事。 ,故言以威誅報爲虐者。 故以善駮惡,以惡懼善,告人之理, 孔説未允,强欲附 鄭據觀射父, 豈得云 漢 , 宥老幼不肖無告, 有過必赦, 》曰:「古之聽民 傳又以「報虐以威」爲「報爲 經 解《 蓋羲、和 師 書》「乃 古義 是重、黎子 、《甫刑》曰 也。 命 穆王特欲 者,察貧窮,哀 會,反 和,欽 充説 不 孫,故 愜 指 和 此 『報虐 鰥 若 當 勸 · 邪 ? 邪 鄭 遂 義 有 善 庶 虐 ? 以 口

> 寡困 不受罰。 刑謂之尅。」是 小 罪 勿增, 于三苗之虐,而 是故老 大罪 用 勿纍,老弱 刑尤宜 而受刑謂之悖,弱 有 辭 慎 以 于鰥寡,故 不受刑, 訴 也 而 有 受 鰥 過

作「威」,與《墨子》合。 古字通也。篇引云:「德威維威,德明維明。」《禮記・表記》引「畏」亦「德威惟畏,德明惟明。 〔案曰〕《墨子・尚賢中》

則人皆尊寵之,言得人也。」 所 明 德,行威則民 [案日]傳云「行威 傳 一威,則人皆畏之,言服罪 (人」者、《表記》引此經,彼鄭注云: 曰〕堯監苗民之見怨,則 畏服 ,明賢則德明 則 民 畏服,明賢 也。 又增 與 德所明, 傳 修 則 「德 略 德 其

力反。 嘉穀。 之設反。 刑",禹平水土,主名山 「乃命三后,恤 ○〔案曰〕《墨子・尚賢中》篇引云:「乃名三后,恤 下同。 三后成功,惟殷于 馬、鄭、王皆音悊。 功于民。 Πį 伯 民。 稷 夷降典,折 種 降 , 章用反。 〔《釋文》曰〕 播 種 農 民 折 殖 惟

同

也。

脱名籍而逃。」是名、命通也。 隆播種, 功于民。 「亡命遊外黄。」《索隱》引晉灼《漢書》注云:「命者,名也。 隱》曰:「謂免星凡有七名。 命,曰小正、辰星、天鑱、安周星、細爽、能星、鉤星。」《索 《説文》口部云:「名,自命也。」《史記•天官書》:「免七 作隆,古音通也。 農殖嘉穀。三后成功,維假于民。」命作 伯夷降典,哲民維 殷作假、未詳、疑隸變相似而誤也 刑 命者,名也。」又《張耳傳》: 又折作哲,與馬注 禹平水土,主名山川, 合也 稷

于民。言禮教備,衣食足。 畝生善穀。三君各成其功,惟所以殷盛無名者,主名之。后稷下教民播種,農典禮,教民而斷以法。禹治洪水,山川典禮,为民而斷以法。禹治洪水,山川

口部,「哲」字重文作「悊」。張參《五經於為八、故并馬注亦引作折,其實馬必以為八、故并馬注亦引作折,其實馬必以亦作悊,與馬、鄭、王合。但《釋文》欲引亦作悊,與馬、鄭、王合。但《釋文》欲引亦作悊,與馬、鄭、王合。但《釋文》欲引亦作悊,與馬、鄭、王合。但《釋文》欲以為,為,與馬、鄭、王皆音悊。《漢‧刑法志》

後有刑,是以刑省也。 之,今之刑者繁之。其教,古者有禮,然 文。《大傳》云:「孔子曰:『古之刑者省 以「殖嘉穀」爲「生善穀」者,昭十八年 無名者,主名之」者,説詳《禹貢》傳。 也。』《漢 降典禮,折民 而 云「下典禮教民」者,「降,下」,《釋言》 民使智,不主斷決,不如馬義長也。 文「折獄」之折爲是,此主説伯夷 孔安國云:「定是非。」則折爲斷,以解下 民 智民者,民愚無知,今道之以禮,是智其 同。」然則哲、 文字》卷下一 《傳》:「學,殖也,不殖將落。」杜 言制禮以止刑也」是也。 也。 齊之以刑,是以繁也。 傳作折, ·刑法志》引此 百卅二口部亦云:「哲、悊 悊音義並 以 訓斷者、《論語》「折獄」, 刑。」謂 通,故悊爲智也。 今也反是,無禮 經而 有 《書》曰:『伯 傳又云「 禮 解之,亦云 然後 百預注: 以禮導 山 有 刑 夷 又 傳

詁》文。 墾草,糞土種穀,令百姓家給人足。 之義,父子之親,夫妻之辨,長幼之序。 鑿龍門,辟伊闕,平治水土,使民 訓》云:「古者溝防不修,水爲民 備,衣食足」者,《淮南子》卷十八《人 田野不修,民食不足,后稷乃教之辟地 處。百姓不親,五品不慎,契教以君臣 殖爲生 「三君各成其功,以殷盛于民」、「禮 三后之後,無不王者。」劉 貴德》篇 生長 也。 也 同,是其義也。 「嘉,善」、《釋詁》文。 農之殖苗, 向《説苑》卷五 日新月益 「后,君」,《釋 害。 得 又云 ____ 陸 間 禹

祗,止而反。 「士制百姓于刑之中,以教祗德。〔《釋文》曰〕

成道化,以教民爲敬德。〔傳曰〕皋陶作士,制百官于刑之中,助

[案日]《後漢・梁統傳》,統對狀引此經

《商頌·長發》箋文。 輕不 賜 其説,非也。 專舉伯夷,不及皋陶。 經無皋陶,下文命諸侯監伯 陶 非法家,言曰:『三后成功,惟殷于民,皋 釋爲皋陶。 云: 拜尚 不與焉,蓋 而皋陶不見,疑其不備,遂妄改以就 「爰制」 重之謂。 書令,數日出爲廷 百姓于刑之衷。」衷之爲 《後漢 吝之也。』遂固辭。」然則 傳云「祗,敬」、《釋詁》及 衷與 書・楊 、中通。 僞孔以此篇言刑 別。 震傳》:「震 但爰此作士, 夷播 賜自以 刑,亦 代 此

裴彝。 德之勤。故乃明于刑之中,率乂于民「穆穆在上,明明在下,灼于四方,罔不惟

以治于民,輔成常教。 德之勤。 德,明君道于下,灼然 傳曰〕堯 故乃能 躬行 敬 明于 敬 在 彰 用刑之中正 上,三后之徒 著 四 方, 無 秉 明

擇言在身。「典獄,非訖于威,惟訖于富。敬忌,罔有《説文》木部文。「彝,常」,亦《釋詁》文。循」,「乂,治」,並《釋詁》文。「棐,輔」,〔案曰〕傳以穆穆爲敬,《釋訓》文。「率,〔案曰〕傳以穆穆爲敬,《釋訓》文。「率,

《表記》引「敬忌而罔有擇言在躬」,彼注 彼上文「不失口于人」,指謂己身之言無 有可擇之言加于身也。」義與傳略同。 云:「忌之言戒也。 職、忌其過、無有可擇之言在其身」者, 廢、遏、止同訓,皆絶義也。 無有可擇之言在其身。 世治,貨賂不行,皆能敬其職,忌其過, [案曰] 傳以訖爲絶者,《釋詁》訖與替、 傳曰〕堯時主獄 **Ⅰ彼注云「加于身」,傳作「在其身」。** 也。」《孝經 彼疏亦云:「在身作加于身者,傳寫 卿大夫章》云「口無 非絶 外敬而心戒慎,則無 于威,惟 又云「敬其 絶于 富。

> 推也。 與今本異,若「忌」下去「而」,「躬」 《九經字樣》同部同。 《釋詁》文。 言」、《柏舟》詩云:「威儀 也。」故無有擇言爲善也。 身」之類甚多,疑皆僞 唐開 成二年,唐玄度撰 但此篇他 孔删改,可 棣棣,不可 「躬,身」, 書所 作 例 引 進

〔傳曰〕惟能天德,自爲大命,配享天意,〔鄭曰〕大命,謂延期長久也。《尚書》疏。唯克天德,自作元命,配享在下。〕

在于天下。

命」是也。 其有極,斂時五福:一曰壽,五曰考終云「大命,謂延期長久也」者,《洪範》「建玄元。」《九家易》曰:「陽稱大。」是也。至元。」《九家易》曰:「陽稱大。」是也。

天牧? 四方司政典獄,非爾惟作王曰:「嗟! 四方司政典獄,非爾惟作

天牧民乎? 言任重是汝。〔傳曰〕主政典獄,謂諸侯也。非汝惟爲

斷制五刑,以亂無辜。 罔擇吉人觀于五刑之中,惟時庶威奪貨,「其今爾何懲? 惟時苗民匪察于獄之麗,

之,奪取人貨,斷制五刑,以亂加無罪。觀視五刑之中正。惟是衆爲威虐者任民非察于獄之施刑,無肖選擇善人,●使民非容分汝何懲戒乎? 所懲惟是苗〔傳曰〕其今汝何懲戒乎? 所懲惟是苗

絶厥世。」〔《釋文》曰〕蠲,吉緣反。咎,其九反。「上帝不蠲,降咎于苗。苗民無辭于罰,乃

世。申言之爲至戒。故下咎罪。罪重無以辭于天罰,故絶其誅之。《尚書》疏。〔傳曰〕天不潔其所爲,為之。《尚書》疏。〔傳曰〕天不潔其所爲,以苗民所行腥臊不潔,故下禍

傳同。 《孔子家語》卷六《執轡》篇云:「德不厚, 圭。 蠲 蠲」,又卷十八《楚語下》「神狎民,則不 預注,《國語》卷一《周 毛傳,襄九年《左傳》「明神 〔案曰〕鄭以蠲爲潔者,《多方》「不蠲烝 除不蠲」,注云:「蠲讀如『吉圭惟饎』之 .吁嗟,朝夕祝之,升聞于天,上帝不 '其爲」韋昭注,並同。 圭,潔也。」此鄭 《 詩 ・小雅・天保》「吉蠲爲 用三家詩説。 《秋官 語上》「明 不蠲 ·蜡氏》 要盟」杜 神弗

箴》云:「虐及于天,慢德不蠲。」義並蠲。」《古文苑》卷十六崔寔《諫議大夫

男有罪曰童,古作僮子。今經典相承,以爲僮僕字。《古 度《九經字樣》一部亦云:「僮音同,未冠也。 文苑》卷十七,王褒買奴作《僮約》,已作僮,則此字誤久 叔、季弟、幼子、 王曰:「嗚呼! 僮,未冠也。」則童是奴僕,僮爲幼少。今俗反之。 同也。 《説文》 产部云: 但文字宜以《説文》爲定也 [《釋文》曰]聽,如字,又他經反。 「男有辠曰奴,奴曰童。」人部云: 童孫,皆聽朕言,庶有 念之哉! 伯父、伯兄、仲 〇[案日]童當作 從人,從童。 唐玄 格

言,庶幾有至命。書》疏。〔傳曰〕舉同姓,包異姓,聽從我〔鄭曰〕格,登也。登命,謂壽考者。《尚

古格字,是也。《禮記·曲禮下》篇云:言》:「洛,登也。」郭璞注《方言》以狢爲同訓陞,則可轉相訓。又彼疏引《方〔案曰〕鄭云「格,登也」者,《釋詁》格、登

文》曰〕曰,人實反。一音曰 「今爾罔不 異,然亦得備一訓,説見《高宗肜 格同訓,則格 假連言,蓋假有登義。 大治,而 云¨「是知之能登 云:「彼且擇日 「天王登假。」《列子・黄帝》篇云:「天下 由 帝登假。」《莊子・德充 慰 曰 勤 亦登 而登假。」《大宗 假于道。」諸文多以 爾 也。 罔或戒不勤。 據《釋詁》假 傳云至,訓 日》。 師》 符》篇 亦 與 ○ 釋 篇 與 登 鄭

汝無徒念戒而不勤。〔傳曰〕今汝無不用安自居,曰當勤之。

同。 從之可也。 如此,義甚艱晦。 П 部文。《大雅 「日」。《釋文》固 [案曰]傳以慰爲安者、《説文》卷十下心 念戒當勤,而實不勤,故戒之。 汝用安逸自居,乃曰當勤之。 然 縣》云「迺慰迺止」毛 則 惟傳是從者,乃誤會傳 鄭注已亡,不得已,姑 傳本作「曰」,不作 徒 傳

「人實反」,後云「一音曰」,非也。意,以爲作「日」,而又不敢定,故先音

民」絶句。「俾我」絶句。 尚敬逆天命,以奉我一人。〔《釋文》曰〕「天齊于 天齊于民,俾我一日,非終惟終在 愛,哀矜下民。 戮」、《大學》「其所哀矜」、《論語》「哀 《左傳》「民受天地之中以生」是也。 當庶幾敬逆天命,以奉我一人之戒。 意以天降中 勿喜」,每以哀矜連言,是矜亦哀 齊」,整齊是中正義,意亦與馬同也 非爲天所終,惟爲天所終在人所行。 又以俾爲矜,訓爲哀者,上文「哀矜 云「整齊」、《商頌 曰〕天整齊下民,使我爲之,一日所行, 〔案曰〕馬云「齊,中也」者,《釋言》文。 馬曰〕齊,中也。矜,哀也。《釋文》。〔傳 于民,相協 俾,必爾反。馬作矜。 我者,我民 • 長發》箋云「截然 厥 居,是天心 也。 也 人。 矜 汝 庶 馬 爾

> 禄者、長享天禄也。 傳又云「非爲天所終,惟爲天所終在人 所行」者,終如「天禄永終」之終,永終天 義與傳略同,與馬 此解「假」如《隱十一年》「假手于我寡 人」之假。我爲君,孔作俾,訓使。 書》卷五 書》「天齊 我,君也。天欲整 + 四《 乎人,假 楊 震 則異,恐馬義長也。 齊于人,必假于君。」 我 傳 symp日一, 孫 賜 李賢 上 封 楊 注 事 賜 引

「雖畏勿畏,雖休勿休,惟敬五刑,以成

剛柔正直之三德。 見美,勿自謂有德美。惟敬五刑,以成〔傳曰〕行事雖見畏,勿自謂可敬畏。雖

以爲有德美,當敬于事,無怠墮。」義與事不怠」四字,顏注言:「雖見褒美,勿自鳳三年詔,引《書》「雖休勿休」,下多「祗〔案曰〕傳云云者,《漢書‧本紀》宣帝五

傳同也。

長久之道。〔傳曰〕天子有善,則兆民賴之,乃安寧一人有慶,兆民賴之,其寧惟永。」

與傳同也。

(案曰〕傳以慶爲善者、《詩・皇矣》傳義理傳同也。

(案曰〕傳以慶爲善者、《詩・皇矣》傳義。

(案曰〕傳以慶爲善者、《詩・皇矣》傳義。

(案曰〕傳以慶爲善者、《詩・皇矣》傳義。

(案曰〕傳以慶爲善者、《詩・皇矣》傳義

《墨子》卷二《尚賢下》篇引直作「於」,三者意皆同也。訓於。此非用《釋詁》文。於音鳥,是嘆詞。孔作吁。〔《釋文》曰〕吁,況于反。馬作于。○〔案曰〕吁,馬作于,王曰:「吁! 來,有邦有土,告爾祥刑。

「土」、《史記》作「土」。《周禮》「其附于刑者,歸于土」,注 「土」、《史記》作「土」。《周禮》「其附于刑者,歸于土」,注 「土」、《世本・作篇》云:「相士作乘馬。」即相土也。《吕 作土。《世本・作篇》云:「相士作乘馬。」即相土也。《吕 作土。《世本・作篇》云:「相士作乘馬。」即相土也。《吕 等・任地》云:「后稷曰:「子能使吾士靖而刪浴士 等。」」高誘曰:「士當爲土。」《周牧敦》亦以士爲土是也。 乎!」」高誘曰:「士當爲土。」《周復》云「保有厥士」,義 「本亦作詳。」《君奭》「其終出于不祥」,蔡邕石經作「其道 「本亦作詳。下「監于兹祥刑」,亦宜作「詳」。《墨子》作 三、「共謂主斷刑之官,或謂歸于圜土。」鄭以古土字有作 云:「士謂主斷刑之官,或謂歸于圜土。」鄭以古土字有作 云:「土」、《史記》作「土」。《周禮》「其附于刑者,歸于士」,注

刑之道。〔鄭曰〕詳,審察之也。《後漢書》三十九卷《劉

「察辭于差」是也。 言「其審克之」,又云「惟察惟法」,又云〔案曰〕鄭云「詳,審察之也」者,下文屢

何度非及? 〔《釋文》曰〕度,待洛反。 ○〔案曰〕《墨「在今爾安百姓,何擇非人? 何敬非刑?

周 子 何務非德,何興非因,何用非極」云云。李賢因其文與此 何修非躬,何慎非言,何擇非德」云云。 刑》篇云: 未詳其義也。 非及」、《史記》云「何居非其宜」,疑度古近宅,故云居,然 誤字,不可信。 敬不刑? 儀禮 書》卷三《小開解》,非《吕刑》之文。《小開解》又有「汝 但《史記》及《潛夫論》引皆與今本略同,疑《墨子》多 尚 似 而誤耳 賢下 聘禮》「而不善乎」注: 「嗚呼! 何度不及?」所據係明嘉靖癸丑吳興陸穩刻。 篇引云: 至《後漢書・ 「人」、「刑」上《史記》皆有「其」字。 汝何敬非時,何擇非德。」此則出《逸 「在今而安百姓,女何擇言人? 馮衍傳》李賢注引《周 而 猶女也。」則而 又有「何監非時 書・ 與 爾義 吕 度 何

人乎? 所度,非惟及世輕重所宜 爾安百姓兆民之道,當何所擇,非 擇賢人乎? 安百姓之道,當何所選 ○《史記》四卷《周本紀》裴駰集解。 馬曰〕度,造謀也。《釋文》。〔王曰〕訓 刑 事,度世輕重所宜 當何所敬,非 度,謀也。 惟 ~擇乎? 苸? <u>Ti</u>. 非當與 刑 也。 何傳 乎 《尚書》疏。 日」在 非 主 獄 :當 當 者 何 選 以

> 之道可及也。」是也。馬、王皆以度爲謀 者、《釋詁》文。 者,王符《潛夫論》卷二《本政》篇引 亡之本,治亂之機,在明選而已矣。」《墨 陰陽者,先順天心,順天心者,先安 子》卷二《尚賢下》篇引此經而説之云: 人,安其人者,先審擇其人。 而説之云:「將致太平者,先調陰陽 能擇人而敬爲刑、堯、舜、禹、湯、文、武 案曰]王云安百姓之道,當選 故國家存 擇 賢 此 其 調 經

不入束矢,則是自服不直者也。必入 (專曰]傳云「造,至也」者、《秋官·大司 (案曰]傳云「造,至也」者、《秋官·大司 (案曰]傳云「造,至也」者、《秋官·大司 (案曰]傳云「造,至也」者、《秋官·大司 (案曰]兩謂囚、證。造,至也。兩至具 不入束矢,則是自服不直者也。兩至具 兩至,既兩至,使入東矢乃治之。不至, 不入東矢,則是自服不直者也。兩至具

詰》文。
為遭,古字假借也。傳又以師爲衆、《釋作遭。」《文侯之命》「造天丕愆」,傳訓造矢,取其直也。」《史記》徐廣注:「造,一

「五辭簡孚,正于五刑。

五刑。 (傳曰)五辭簡核,信有罪驗,則正之于

皆當訓誠,謂罪狀實也。傳非也。鄭彼注云:「簡,誠也。」則此經諸簡字,考《王制》云:「無簡不聽。」與下文文同。〔案曰〕「簡孚」,傳云「簡核,信有罪驗」。

「五刑不簡,正于五罰。

〔傳曰〕不簡,謂不應五刑。當正五罰,

出金贖罪。

五罰不服,正于五過。

〔傳曰〕不服,不應罰也。 正于五過,從

赦免。

〔案曰〕五過即下文「五過之疵」也。五

五過,不言可知矣。傳非也。 人之欲挾私以倖免于五刑者,亦必正于後赦之,如是五過,必正其罰。言此,則故不服,宜察其是五過否,如非五過,然罰不服,則其人必有所恃,欲挾私倖免,

〔馬曰〕求,有求,請財也。《釋文》。〔傳〔《釋文》曰〕疵,才斯反。來,馬本作求。

來,皆病所在。
群,或内親用事,或行貨枉法,或舊相往时)五過之所病,或嘗同官位,或詐反囚

來」,非也。「疵,病」、《釋詁》文。義也。孔氏本作「來」,以爲「舊相往故馬注云云,是兼説「惟貨」、「惟求」之

「其罪惟均,其審克之。

病所 等。《史記》四 宜 引律必是漢以來相傳古律文,故入 吏務深文爲自安計。」劉德威 安在?」對曰:「律失入者減三,失出 者,唐太宗問 〔案曰〕馬云「出 者同,其當清察,能使之不行。 減五,今坐入者無辜,坐出 馬 罪 曰]以此五過出入人罪, 在、出 ,與官、反、内、貨、求之五 是 雖 與馬 (減三等,故出 減 人 卷《周本紀》裴駰集解。 而 義 劉德威"「比刑網 人罪,使在 相 合也。 去 人人罪,與犯法者等」 不 人罪 甚遠,幾與 傳解 <u>F</u>i. 者 比 過 五. 有 罪人 唐初人,所 過 與 罪 過 罪, 寖 傳 犯 犯 與 密 減 法 Y 犯 過 同 法 罪 者 者 以 法 者

> 克之。 「五刑之疑有 者,《 異 義 釋詁 非 是。 赦,五罰之疑有 「察,審 餘 與 馬 也。」是得轉 同 也。 以 赦,其 相訓 審 爲 也。 審 察

是刑疑 然則 過。」《尚書》疏。 服正 《舜典》云:「眚災肆赦。」《大禹 也。 非 輕 之疑,赦刑取贖,五罰疑者,反使服 過即赦之。 赦從免。 〔鄭日〕不言 宥過無大。」過失之罪,皆當赦 大衆, 一, 可 謂 《 禮 平常過失也。 不 于五過者,五過皆當罪之也。 疑而益 · 赦過 而輸 記》云:「凡 小 其當清察,能得其理。 鄭玄云云,如鄭此言五罰 事易犯, 者, 贖,罰疑而受刑,不疑 五. 重,事之顛 「傳曰」 過 復何 之疑 人君設禁約,將 執 人必輕之,過犯悉]刑疑 .)所謂 有 禁 倒一至 赦 以 赦 執 浴者,過 從罰 齊 衆, 放,故知 謨》云: (疏 曰 此 齊 , 罰 衆? 而更 不 五刑 以 乎? 不 齊 赦 赦 不 疑

其聰明,致其忠愛,以盡之是也。者,一成而不可變,故君子盡心焉。」悉有所考合,然後刑之。《王制》云:「刑實,衆論僉同,且察其情至微細之處,皆爲考合者,鄭注《周禮‧天官‧小宰》

無簡不聽,具嚴天威。

嚴敬天威,無輕用刑。〔傳曰〕無簡核誠信,不聽理其獄,皆當

由人不可妄刑殺,當敬天之威也。是。餘與鄭同。又言「無簡不聽」之故,誠者,不論以爲罪。」此傳簡訓簡核,非〔案曰〕《王制》「無簡不聽」,注云:「無其

曰〕辟,婢亦反。鍰,徐户關反。閱音悦。「墨辟疑赦,其罰百鍰,閱實其罪。〔《釋文》

《周官》劍重九鋝,俗儒近是。《釋文》。錄之十三也。賈逵説俗儒以鋝重六兩,〔馬曰〕鍰,鋝也。鋝,十一銖二十五分

兩。 實其 氏》疏。 説,惟校十六銖爾。 六兩三分兩之二。 鈞爲鍰,二鍰四鈞 如鄭玄言,一鍰之重六兩,多于孔、王所 太半兩爲鈞,十鈞爲鍰,鍰重六兩太半 鋝六兩爲一《,不知所出 也。六兩日 之。」言刻領爲瘡,以 禮》注云:「墨,黥也。先刻其面 文》:「顙,頟也。」墨,一名黥。 則赦從罰。 鍰,稱輕重之名。今代、東萊稱,或以 鋝,量名。 考工記》云戈矛「重三鋝」。 Ξ 日 鍰、鋝 罪,使與罰 二六兩 [傳日]刻其 似同 六兩 爲鍰。 當與《吕刑》鍰同。 鍰,蓋古語,存于當 也。 日鍰。 名相 《周禮 而當一斤,然則鍰重 類而 《周禮》謂鍰爲鋝。」 《舜典》云:「金作贖 墨塞瘡孔,令變色 或有存行之者, 當。 》四十卷《考工記 鍰,黄鐵也 涅之曰 耳。」鄭玄云: · 「 疏 馬融云: 「墨刑」 鄭玄《周 ,以墨室 曰〕《説 俗儒云 一時也。 閲

死。乏軍興者斬。」此等是不赦過也。不如本方,●御幸舟船誤不牢固,罪皆整衆人,令不敢犯。今律:「和合御藥誤赦,衆人不可復禁,故不赦小過,所以齊

非 無赦」,足以明之,何復複出? 過爲過誤,則彼上文已言「凡作刑罰, 争效尤,故云「亦爲人將易犯」。 弱者犯刑,巧猾者免罪,則憸邪 言,自指姦人欲以營求免罪者而 犯。」彼無疏,彼連上罪大殺不以 《王制》篇文。 惟均」,是不赦也。 不赦也」者,上文云「五過之疵」,「其罪 〔案曰〕鄭云「不言五過之疑有赦者,過 也。 兩 Ŧī. 鄭《王制》注,以妄駁《尚書》注,皆 《大傳》云:「今之聽民者,求所以 過連文異解,孔穎達曲附之,并 古之聽民者,求所以生之。 不得 彼注云:「亦爲人將易 又引《禮記》證之者, 得志,人 僞孔强 若以彼 聴者 愚 而

> 赦也。 其所生之之道,乃刑殺。」所謂疑則有

簡孚有衆,惟貌有稽

貌,有所考合。〔傳曰〕簡核誠信,有合衆心。惟察其

得其解, 微,則緢訓旄絲,亦微細之義。 字下,細字次纖字下。 書》古文。」亦惑于僞孔而誤也。 也。」《説文》編字,義類相從,貓字次 百二十五糸部亦云:「緢,莫交切。 爲「察其貌」、《説文》卷十三上糸部云: 汗簡》卷下之一,緢釋爲貌,云:「出《尚 描,旄絲也。从糸,苗聲。 惟緢有稽。」武儦切。」《玉篇》卷下第四 案曰〕「簡孚」已見上文。 以 音近改爲貌,非也。 而 纖訓細, 《周書》曰: 傳以「惟 僞 忠 孔不 細訓 旄 細

0

[「]見于《唐律》十惡之條,作「合和」爲是。」」 「和合」、《尚書正義》阮校曰:「宋板倒。 山井鼎曰:

此 刑 實其罪」,檢閱 是今之銅也。 名相當 銀 傳言「黄鐵」,《舜典》傳云「黄金」,皆 傳 銅 也 以 鐵 金 總 爲 號 核實其所 古人贖罪皆用銅耳。 黄金 爲 金,今别之以 此言 犯之罪,使與罰 黄鐵者,古者 爲四名 閲

文。 説 先據一説云「一鋝十一銖二十五分銖之 疏有 馬注 十三」者,彼疏謂是《尚書》古文家説 文》云「鍰,鋝也」云云,即云「馬 案日」 賈逵説」云云,則「賈逵説」云云,亦是 鍰,鋝也」云云,即是馬注。 是,彼疏謂 意不從,而别引俗儒六兩爲 ,故并鈔爲 據彼疏並 一段繹其 賈逵傳古 馬云云者,此經《釋文》先言 是今文《尚書》歐陽、夏 列 詞,是許慎《五經異義 文,賤夏侯、歐 條 兩說,馬 也 《秋官 以 鍰即 鋝 陽等, . 職 以 同 7,以爲 . 是 又云 金 則 説

合也。 則鄭 此 鋝」,彼注云:「許叔重《説文解字》云: 二斤一兩三分兩之一。十六兩 近 七鋝爲二斤十四兩三分兩之二,五 下制五鋝。 記》桃氏爲 是」,引《周禮》「劍重九鋝」爲證。 古文家,而 之,鄭與馬意同也。 工記》注及《舜典》疏引鄭《駁異 目 説文》云「鋝,鍰也」者,《尚 鋝,鍰也。」今東萊稱或以太半兩爲鈞 而 ,故取之也。 以 意以 以 爲鍰,鍰重六兩太半兩。 俗 則三鋝爲一斤四 《考工記》又有《冶氏》戈戟「重三 俗儒言一鋝六兩爲近是,是 儒 也。 劍,上 于俗儒六兩説 鋝 彼注以九鋝爲三斤十二兩 爲 雖賤之,其 此經鄭注 六 制重九鋝,中制七鋝 兩太半兩。 何則? 兩。 義 已亡,以鄭《 亦但 則 書・ 彼 馬既不 較 鍰、鋝似 爲一斤, 疏 馬 古 云「近 《考工 義》 與鄭 融 鋝爲 文 刑 據 從 考 考 爲

從許君之説。又《弓人》「膠三鋝」,彼注 爲鍰」者,鍰則百六十銖,用百 分之二爲太,三分之一爲少,以一兩二 文,知鄭意以 爲一物,皆是 爲六兩,餘十六銖爲太半兩,是鍰有 爲鍰,是以鄭引許氏及東萊稱爲證也。 者,鋝、鍰輕重無文,王肅之徒皆以六兩 與《尚書》鍰爲 百鍰』等言鍰,此與《冶氏》言鋝,鋝與 云:「鋝,鍰也。」彼疏云:「《尚書》『其罰 兩太半兩也。云「鍰、鋝似同矣」者, 十四銖,十六銖爲太半兩也。云「十 云「太半兩爲鈞」者,凡數言太者,皆三 古贖罪 墨罰百鍰」及「大辟千鍰」,許氏 - 皆用 銅 必與馬合也。 相 敵。 銅 鍰 六兩太半兩也。」據此 一。云「今東萊稱」云云 ,漢始改用黄金,少其斤 即是鋝,其數當爲六 故鄭玄《駁異義》言: 又《舜典》疏 四十四 以 云 此 鈞 此 銖

从金,爰聲。《周書》曰:『罰百鍰。』户關 聲。《周禮》曰:『重三鋝。』北方以二十 十一銖二十五分銖之十三也。 兩爲三鋝。 白金千兩。 三斤,價如銅四百十六斤十兩有零。 兩有零,約計其價僅值白金一百二三十兩。鄭云黄金 兩三分兩之二。今天下以白金爲幣,銅四百十六斤十 不爲重。等而上之,至大辟千舒,亦祗四百十六斤十 分兩之二,總四十一斤十兩三分兩之二。 爲四十斤,餘二十六兩三分兩之二,又爲一斤十兩三 銖。又以百四十四銖爲六兩,猶餘十六銖,是百鋝凡 則二百四十,總千四百四十銖,以爲六十兩,餘百 之,則千六百銖。以二十四除之,二六則千二百 六百六十六兩三分兩之二。十六兩爲斤,六百四十兩 之義之明文也。 六兩,爲六百兩。 三斤爲價相 贖死罪千 十六斤十兩太半兩銅,與今贖死 《説文》卷十四上金部云:「鋝, 力輟切。」又云:「鍰,鈣也 其三分兩之二,實爲十六銖,以 依附。」此鄭説《吕刑》鍰字 一鋝六兩三分兩之二,以 六兩太半兩 今黄金三斤約值 从金, 乎 以贖墨罪 罪 一,四六 四 六十 百乘 百 金 百

古作鍰,而其説以一鍰十一銖二十五 之,慎亦從孔氏古文《尚書》,奈字當 同,則其説不可易也。再以許慎之意 之以解《考工記》,馬注《尚書》又與之 經,其義是一,故云「鍰,鋝也」。 故于鍰字下引《周書》爲證。 于鋝字下引《周禮》爲證。 同,故連比編于 《説文》二十兩「爲鋝」,當作「爲三鋝」。 文》以證 引蜀本《説文》「十」下亦有「一」字。《冶氏》注引《説 文》本作「十一銖二十五分銖之十三」。 戴侗《六書故 「三」字。《周書》譌作《虞書》。《説文》之學,能 分」,「分」下脱「銖」字。 切。」今刻「十一銖」,「十」下脱「一」字。 銖之十三,則太輕,不可從。 二十五分銖之十三,此本《尚書》古文家 ,傳寫譌脱至此。 類相 「舒重六兩太半兩,三舒爲一斤四兩」,則 從,鋝 知是譌脱者,陸德明《釋文》引《説 與鍰文雖異,而義 「二十兩爲三鋝」,「爲」下 處。 舒見[《]周禮 鍰見《周 故十 《説文》編 雖分引 鄭既 三 十 書》, 》, 故 通 銖 分 從 推 則 從 兩 知 五.

二銖又得八兩,共四十八兩。十六兩爲斤,則四十八 孔氏古文」,然其義訓,自當擇善而從。 鄭皆傳古文,許慎《自序》亦云「《書》偁 白金五六兩。 兩爲三斤。 四銖爲兩除之,取九百六十銖爲四十兩,餘一百 亦只用銅三十斤,就今銅價計之,三十斤約僅值 十二銖,加前千一百銖,凡千一百五十二銖。以二十 二十五除之,則千分爲四十銖,三百分爲十二銖,共五 銖,又以百乘二十五分銖之十三,爲千三百分。 五分銖之十三,百鍰僅爲銅三斤,一鍰十 猶爲近之,較古文家言一鍰十一銖一十 也」,則慎意以 字下,聊存古義。 説鍰字之義,非鋝字之訓。 故《職金》疏云:「今文作率,説云一率六 兩明矣。 三鋝,然後次以鍰字,而注 一銖一十五分銖之十三,先以百乘十一銖爲千一百 俗儒雖脱去太半兩,但言六兩 可贖黥面之罪,推之大辟千 可贖死罪,有是理乎! 鍰即是鋝,俱爲六兩太半 其 下 即 繼 以二十兩爲 今乃人之鋝 其 下云 還以 九十

鍰也。 死 戀反。』《尚書大傳》「夏后氏不殺、不刑 也。 品。」應劭曰:「選音刷。 選。』《漢書・ 之率多作 云:「蘇林音選擇之選,包愷及劉氏音息 師古曰「音刷」是也。字本作鋝 案,且《爾雅》絕無「六兩爲鍰」,此注故削不録之文。 也。」其下即云「鄭及《爾雅》同」。 文説亦必但爲近是。《釋文》乃引徐邈云:「鍰,六兩 古文,數不從古文也。 必不從古文説,鄭必無駁。 分銖之十三。」其下即 「《甫刑》之罰小過,赦薄罪,贖 釋文》此條譌謬殊甚,全不足據。 史記· 罪 《史記·平準書》有「白選」,《索隱 罰一千饌」、《漢書・食貨志》作 古文作鍰,説云一鍰十一銖二十 音刷。」《索隱》云:「舊本率亦 周本紀》作「率」,徐廣曰:「率即 鍰」。 蕭望之列傳》,張 雖所引未全,想許慎 繼以鄭玄以 鄭固不從古文説,于今 金、銖兩名 今文作率者, 鄭必無,聊出之干 鄭意亦字 有金選之 。 鋝即 敞 也 日 鍰 作 從 案 古 Ħ.

> 劓辟疑赦,其罰惟倍,閱實其罪。 記》作「倍灑」,徐廣曰:「一作蓰,五倍曰 此節之倍,「倍百爲二百」可知也。 下節之倍,馬以爲「倍二百爲四百」,則 刑》鄭注義也。又云「倍百爲二百」 禮》注者、《秋官・司刑職 蓰。」皆非也。 [傳日]截鼻日 傳云:「刻其顙而涅之曰墨。」 疏 或作撰,皆鋝之異文,音近而假 [案日]傳云「截鼻曰劓」者,《秋官 撰」,音同。 或作率,或作選,或作 劓,倍百爲二百鍰。 》注也。 借 引鄭《周 者 中 也。 司

半,爲五百鍰。〔疏曰〕《釋詁》云:「剕, 集解。〔傳曰〕刖足曰剕。倍差,謂倍之又 避之一也。《釋文》。○《史記》四卷《周本紀》裴駰 四百之三分之一,凡五百三十三鍰三分 四百之三分之一,凡五百三十三鍰三分 非辟疑赦,其罰倍差,閱實其罪。

之爲五 少。 刖 劓,而近于贖宫也 則, 倍也。 也。」李巡云: 刖足重于截鼻,所校 絶 百鍰 也。」倍差,倍之又有 下句 也。 贖宫六百鍰,知倍之又 截鼻重 「斷足 曰 于黥領 刖。」《説文》: 則多,不啻倍 差 "; 相 , 則 校 不 半 啻 猶

作「髕」,則是 作「琲」,「刖」當作「跀」也。 刀部刖字,則但云「絶也」。 足,非聲。」「跀,斷足也。 剕重于劓,又多故也。 分鍰之一」者,於倍之外又加太半倍。 剕」,但剕字《説文》卷四下刀部無, 又加四百之三分一,凡五百三十三鍰三 案曰〕馬云「倍差」,「倍二百爲四百鍰, 作「百率」,則知此亦今文。《漢・刑 ,惟卷二下足部云:「肆, 跀也。 文「百 今文。《周本紀》 鍰」、《周本 傳云「刖足曰 从足,月聲。」 伏生《 然則「剕」當 紀》從 亦 新附

跸 虐刑。 刑 者墨幪髕 陶,則肉刑虞已有。或謂虞象 謬,皆俗改。 《書傳》云臏者,舉本名。」據此二條,字譌 也。 周改剕爲刖。」《司刑》注亦云:「刖,斷足 異義》云:「皋陶改臏爲剕,《吕刑》有剕 其足也。《公羊》襄二十九年 足。」《太史公自序》亦云「孫子臏脚」, 也。 髕是剔去其厀耑骨,使不能行 孫臏,肉部無,此字當从骨。 法志》引下文「剕罰之屬」,亦作 疑是 異 與? 周改臏作刖。」彼疏 从骨,賓聲。」《孫子列傳》:「龐 所説 《説文》卷四下骨部云:「髕, 斬 咎繇改臏作腓,至周改腓作刖 《吕刑》實當作跳,而跳既起 趾,而周改跳 畫之者,非其髕 Ŧī. 説文》以 刑,其四皆同《吕刑》,惟 跀 爲跀, 云:「臏,本苗民 訓 以 是剔 婔 法刑 則 疏引鄭《駁 不 刑, 厀 跳 故 斷 髕 同《 犯 其 罰 涓 厀 又 司 則 之 則 兩

刖 與 爲 跳 也 剕 異 則 非 鄭義 是。 較《説文》爲精。 但 不 知二法究 何 僞 所 孔 分 以

宫辟疑赦,其罰六百鍰,閱實其罪 在。 也。 《左傳》楚子「以羊舌肸爲司宫」,非坐淫 閉,次死之刑。 子宫刑,婦人猶閉于宫也。 死者,皆宫之。大隋開皇之初,始除男 後人被此罪者,未必盡皆爲淫。 [傳日]宫,淫刑 漢除 近代反逆緣坐,男子十五以 肉 刑,除墨、劓、剕耳 〔疏曰〕宫刑主爲淫者 也。 男子割勢,婦人幽 昭五 |刑猶 京 應 车

其宫刑至隋乃赦也。」崔浩《漢律序》疏亦云:「所赦者,唯赦墨、劓與刖三者,司農云:「漢孝文帝十三年除肉刑。」彼肉刑,宫刑猶在,隋始除者,《司刑》注鄭者、《秋官・司刑》鄭注義也。疏云漢除任案曰〕傳云宫「男子割勢,婦人幽閉」

《漢 處,元文猶有存者 實皆取之顧彪、劉焯、 皆稱「大隋」,乃隋儒語也。 此與《舜典》「鞭作官刑」及《武成》「罔有敵于我師」疏 仍復之。賈、孔之説 曰:「宫刑也。」則漢文亦除宫刑矣,或後 注》云: 云 書》鼂錯對 「文帝除 以以 淫 肉刑 亂 策曰:「除去陰 劉炫,三人皆隋人,故未經 而宫不易。」張斐《律 族 蓋本崔浩、張斐也 此經疏名雖繫孔穎達,其 序, 故 不易也。」考 刑。」張 晏

大辟疑赦,其罰千鍰,閱實其罪

[傳日]死刑也。

日 金鐵即是銅、銅或稱黃金、或稱黃鐵、故云然。 人無知、《路 此鄭從今文家説。 半兩。」説已詳上文。《大傳》「一鐉六兩 云:「所出金鐵也,死罪出三百七十五斤,用 案曰〕鄭云:「千鍰,四百十六斤十 有一人撰 唐 史・後紀》注十二卷、牽作《吕刑》注。 以 前 因注傳,姑就之,注 經解,遂承其誤,真道 經必 聽 不用。 財 少 」,鄭注 兩 説 爾。」 太 宋

百,宫罰之屬三百,大辟之罰其屬二百。「墨罰之屬千,劓罰之屬千,剕罰之屬五

五刑之屬三千。

爲正 從夏,爲三千。《孝經・五刑章》第十 明刑罰同其屬數,互見其義,以相備 者各言其數,合言刑屬,但總云「三千」, 之,刑屬罰屬其數同也。 云:「五刑之屬三千。」是夫子言刑,以夏 條,每于其條有犯者,實則刑之,疑則 屬,互見其義 [案日]《司刑》五刑凡二千五 傳曰〕别言罰屬,合言 也 以相 備。 刑 **「**疏 别言罰屬, 屬 百 明 ··; 而 歷 刑 此 罰 也。 改 五 淵 刑 日

法,其審克之。〔《釋文》曰〕僭,子念反。「上下比罪,無僭亂辭,勿用不行,惟察惟

故事並之,上下比方其罪之輕重。上比日〕罪條雖有多數,犯者未必當條,當取人之辭,附以法理,其當詳審能之。〔疏自疑,勿用折獄,不可行。惟當清察罪〔傳曰〕上下比方其罪,無聽僭亂之辭以

比。 行故: 此經下文云:「上刑適輕 之比,亦即漢「決事比」也 云:「比,例也。」《大司寇》:「凡獄訟, 重罪 上服。」則此經上下之比,即 比,類以決之。」《士師 今律其斷事皆依 比也。」疏云:「邦成是舊法成事品式,若 邦成比之。」注云:「邦成,謂若今時決 之比以成之。」注云:「小大猶輕重。 如字讀。 (案日)「比罪」, 事曰比。」《釋文》:「比,必利反。」疏 ,下比輕罪,觀 愚謂《王 《王制》: 一制》注 傳云「比方其 舊 「凡聽五刑,必察小 其所犯 事 謂小大即輕重,而 職》注亦言「決 斷之,其 下服,下刑適 當 彼小大輕重 與 罪」, 誰 無條 同 則 重 事 取 事 大 tt.

刑挾重」,未詳。有權。〔案曰〕《後漢・劉般傳》于愷引作「上刑挾輕,下「上刑適輕下服,下刑適重上服,輕重諸罰

[傳曰]重刑有可以虧減,則之輕,服下

劉君以 亦備? 罪」,則上 罪 可 作官當,以居作官當爲重」者,此即是 輕 者俱是贓罪 有二罪。 條,而輕者 重上服」,則是重上服而 重,是爲 贖,輕罪 有二罪,則應 適 未 并數也」。 罪,則之重,而 重 允。 妄爲其説,故今不從。 重之條,而 二上刑 刑 又今律云「重罪應贖,輕罪 上刑適 應居作官 罰 且孔 上刑 經 有 不 各有權 ,罪從重科,輕贓亦備 所 知不然者,經既言「下刑 兩罪 適輕,下刑適重 更 傳 適輕者,若今律重 云 罪 以爲 輕。 别數,與重 輕 下 非 俱治。 當者,以居作官 宜。 則 經始 并數」者,謂若一人 上刑 下刑適重者, 之 人 **「疏** 已,何得爲 重 今惟斷獄以 굸 有二罪者也。 適 主并數 日 輕之例, 一,皆爲 而] [一人有 輕 爲 是 并 若二 一罪應 應 當當 輕 腻 爲 爲 谪 重

> 刑罰世輕世重 刑亂國 傳可也。 國,篡弒叛逆之國。 法者,爲其民未習于教 鄭玄云:「新國,新辟地立君之國。 同 罪刑之。」是鄭解「下刑適重上服」,與 守成之國。用中典者,常行之法也 新國用輕典」云云、《周禮・ 齊非齊,各有倫理,有要善。 傳》李賢 案日 傳曰〕刑罰 也。 用 疏 注 重 鄭注《大傳》云:「數罪以 與 劉 典,刑平國 隨 君」 劉同、馬、鄭注已亡 惟齊匪齊,有倫有要。 世 不 輕 ·知是焯 重。 用重典者,以其化 用中 也。 刑 新國 是 大司寇》文。 典。 <u>「</u>疏 平國, 炫。 用輕 刑 日川刑 一, 姑 承平 所以 用 輕 劉 典 亂 從

[案日]傳云「刑 大司寇》注云云者、《秋官 五百, 劓罪五 新 百,宫罪五 或 用 輕 典」云 百, 司 刑》: 云, 刖罪 疏 一墨 Ŧī. 引

惡伐滅之也。」

中典。 典 劓。 注 而 以 變 辟 略 攘 詳 男 之罪 者,故 罰 罪 之,罪固 刑 法者多,不可盡用 卷十二《正論篇》云:「刑 改輕,少者加多,正 是改從輕也。 百,宫三百,大辟二百,輕刑多 重。 而 百,此經五 重,更從輕 治世 吕 則亂。 世 少, 言變從輕者、《周禮》五刑皆五 刑 固 夏法 輕 疏云:「王者代相 家 此言「刑罰 重刑多。 序》傳云: 重 世重。」此之謂 給 一當 廢 ,犯亂之罪 故治則刑 人足,犯 刑之屬三千,數多 重 也。」《司刑》五 久,今復 也 傳疏雖則云然,其實重者 0 日 此經墨、劓皆千, 世 亂 重典,當 重,亂 法者 輕 所 侯 固 訓 世人迫 世 謂 革易 也。」 輕 訓 夏法,以 少 重」也。 稱 夏 中 則 /, 有 輕也。 罪 刑 刑 楊倞 禹 典不 刑輕。 《書》曰 于 /于《周 則治,不 惟 刑 犯 ,重刑少, 罰 飢 《荀子 輕 法 注 則 周 世 含書 百, : 剕 千 衆 犯治 不 禮 云 法 輕 更

矯 虔者

,其刑死。』此二千五百罪之

日

之辭

者

「, 其

、刑墨。 降畔寇賊,劫

略

奪

非

事

而

事之,出

入不以道義,而

誦

不

服

制

度,姦

軌

盜

攘

傷

八者,其

刑

<u>.</u>

傷

輕

Ŧi.

關

梁

踰

城

郭

而

略

盜

者

其

刑

臏

以

義

交

者

其

刑

宫

觸易君

命

殺

罪

五.

百

鄭

注

云

傳

>

 \Box

也,其

刑書則亡。

『夏刑大辟二百

臏

者,且

引刑

罰

世

輕世重」爲證,則鄭

周

公制禮

時,殷頑

甫

靖,變夏刑之輕

重,正《大司

寇》所

謂

刑亂國

用

重

焉,所謂『刑罰

世

輕

世

重』者也。」鄭意

三百,宫辟五

百,劓、墨各千。」周

則

之重

刑,

而

就

夏

刑

爲

説

也。

周

本

年不用。」穆王

是

康王適孫、《本紀

是

時

王道衰微」,要是平國

宜用

云:「成、康之際,天下

-安寧

刊

錯

四

此

經

「世輕世

重

亡, 亦

必

以

穆王改《周

犯

惡

刑

稱

合。 故法難也。」是刑貴有倫也 《大傳》説《吕刑》云:「殷罰有倫,今反 世重」宜從傳義也。 云「有倫有要」者, 從也。 後可爲治。」此義與《吕刑》本旨全不切 養天下之本也。」楊倞注:「《吕刑》言: 分之,使有貧富貴賤之等,足以 必争,●争則亂。先王惡其亂 齊」而説之云:「勢位齊而 非《尚書》儒 予雖惡其蠧鄭學,惡而知其美。 撰,大略亦本漢 説 『維齊一者,乃在不齊。』以喻有差等, 與傳正 刑》言:「世 諸侯不同 觀此益知《荀子》不盡可從。 其卷五 相 ,所引或斷章取義,不必 反, 有 . 聽 《王制篇》又引「維齊 治 ,每君異法,聽無有倫, 經師 非 亂 也 古訓 故法 傳 欲 雖 有 非盡臆 惡 制禮 :輕重 魏 相臨,是 同,物 若荀 晉 「世輕 ご」此 義 造。 然 卿 以 則 非

獄,罔非在中。

訟之成」,又引先鄭云:「中者,刑罰之中 中。」《司刺》言:「求民情,斷 手足。」《小司寇》亦言:「斷 也。」《論語》曰:「刑罰不中,則 云:「士師受中。」鄭既解「受中」爲「受獄 也。云「罔非在中」者、《秋官 刑、罰異,散文罰亦該刑 卷五下井部云"「刑,罰罪也。」是對文 獄,惟平良可斷獄 口才者、《論語 中論》卷下《賞罰》篇 賞罰不可疎,亦不 案曰〕經惟云罰,傳兼刑罰者,《説 傳曰〕刑罰所以懲過,非 (極于 病苦 莫敢犯者。 • 雍也篇》孔安國注文 ,無不在中正 可 引此 數。 也。 非 殺人,欲 經説 庶民 數則 民 又以 民 中。」徐幹 之云: 才 所及者 獄 無 鄉 可 佞爲 使 訟之 所 措 惡

懲非死,人極于病。

非佞折獄,惟良折

0

[「]物」下、《荀子》有「不能澹」三字,此略去則語義不

哀敬折獄,明啓刑書,胥占,咸庶中正。

賞重則民徼倖,罰重則民 以平之,而不失其節。」是也。 則 輕 漏 則民 者多。 不勸 賞罰 罰 無 輕則 聊 不 可 民亡 故先王中 亦不

「察辭于差,非從惟從。

爲辭,惟從其本情。 〔傳曰〕察囚辭,其難在于差錯,非從其

矣。」是亦言察辭不如察情之義也。 知,是也。《尉繚子‧將理》篇第九云:「善審囚之情,雖國士有不勝其酷而自誣 及見《孔叢子》,以爲孔子説此經之言, 及見《孔叢子》,以爲孔子説此經之言, 及見《孔叢子》,以爲孔子説此經之言, 以其辭。」是從有從辭、從情二義。此文 後。答人之背,不待箠楚,而囚之情可畢 「善審囚之情,不待箠楚,而囚之情可畢 「善審囚之情,不待雖楚,而囚之情可 以其間,或 於其辭。」是從有從辭、從情二義。此文 後。」是亦言察辭不如察情之義也。

其刑其罰,其審克之。

罪,故彼此各據一義,不相違 其情之善惡,斷其輕重,乃于刑 臨事制宜,不預明刑辟。 爲刑辟」者,彼鑄刑書以宣示百姓,故云 刑書」,而《左傳》云「先王議事以制, 罪,若卜筮之占,故稱占也。此言「明啓 罰,其當詳 必當條,須探測刑書之意,比附以 皆庶幾必得 人,明開 明開刑書,相與占之」者,人之所犯,不 當憐下人之犯法,敬 刑書,相與占之,使刑當其罪, 審,能之無失中正。〔疏曰〕 中正之道。其所刑,其所 人有犯罪,原 也。 書比 獄 之害 斷其 附

情」而言,正所謂「如得其情,哀矜勿喜」可復續也。」此承上「非從其辭,惟從其指,必哀矜之。 死者不可復生,斷者不引孔子説此經之義云:「聽訟,雖得其〔案曰〕《大傳》引此經作「哀矜哲獄」,且

省从投稿三九。者。敬當作矜,哲是折之假借字,然亦

一獄 成 而 孚,輸 而 孚,其 刑當以彼爲正也。

上備,有并

兩刑。」

皆當備具,有并兩刑,亦具上之。謂上其鞫劾文辭。其斷刑文書上王府,〔傳曰〕斷獄成辭而信,當輸汝信于王,

言多懼。朕敬于刑,有德惟刑。 王曰:「嗚呼! 敬之哉! 官伯、族姓,朕

姓,姓爲異姓也。 臨于外,同族于禰廟。」是相對則族爲同臨于外,同族于禰廟。」是相對則族爲同襄十二年《左傳》哭諸侯之例云:「異姓我敬于刑,當使有德者惟典刑。〔疏曰〕族,同族。姓,異姓也。我言多可戒懼,[傳曰〕敬之哉,告使敬刑。官長,諸侯。

「今天相民,作配在下,〔《釋文》曰〕相,如字,馬息

亮反。

[馬曰]相,助也。《釋文》。[傳曰]今天治

兩辭。 民,人君爲配天在下,當承天意。 民,人君爲配天在下,當承天意。

特難 刑獄清,則民治。 不以中正聽獄之兩辭。 聽,故言之。民之所以治,由 得單辭即可 獄」,片言即 獨言,未有與對。 〔傳曰〕聽訟,當清審單辭。 案日]傳以 聽也。 單解 亂爲治、《釋詁》文。 斷獄,凡人少能然也。 孔子美子路「片言可 也。 **「**疏 直己曲 子路行直聞天下, 曰〕單辭,謂一人 兩辭棄虚從實, 彼, 搆辭誣人, 一典獄 單辭 之無 特 難

「無或私家于獄之兩辭,獄貨非寶,惟府辜

功,報以庶尤。

事,其報則以衆人見罪。獄之兩辭。受獄貨非家寶也,惟聚罪之〔傅曰〕典獄無敢有受貨聽詐,成私家于

《周書》曰:『報以庶訧。』羽求切。」字當 《釋詁》文。尤爲罪者,《説文》卷三上言 部作「訧」,注云:「罪也。 从言,尤聲。 从《説文》作「訧」也。 事」,功事連言,功亦事也。 事」,又「施其功事」,《遂大夫》「以稽功 昭十二年《傳》「吾不爲怨府」,杜預注云 經「獄貨非寶」之義也。 傳以府爲聚者, 財,未有不受命以矯其上者也。」是説此 者不能行其法者也。 「怨,禍之聚」是也。「辜,罪」,《釋詁》 〔案曰〕《大傳》云:「獄貨非可寶也,寶之 功爲事者、《周禮・内宰》「稽其功 :,經意甚明。 傳乃以庶爲衆人,謂 貪貨枉獄,天報以 貪人之寶,受人之 「庶,衆」,

極,庶民罔有令政在于天下。」「永畏惟罰,非天不中,惟人在命。天罰不既受上之虐,又代上受報,其義非也。 天報聽獄不中者,使衆人見罪,則是民

[傳曰]當長畏懼,惟爲天所罰,非天道不 等、《周頌·思文》毛傳、《商頌·殷武》 等、《周頌·思文》毛傳、《商頌·殷武》 「案曰〕傳以極爲中者,《小雅·楚茨》鄭 「案曰〕傳以極爲中者,《小雅·楚茨》鄭 「令,善」、《釋詁》文。

兹祥刑。」〔《釋文》曰〕屬音燭。 受王嘉師,監于辭,屬于五極,咸中有慶。 受王嘉師,監于民之中,尚明聽之哉! 哲人惟刑,無疆之王曰:「嗚呼! 嗣孫,今往何監? 非德于王曰:「嗚呼! 嗣孫,今往何監? 非德于

正乎! 庶幾明聽我言而行之哉! 智往,當何監視? 非當立德于民爲之中〔傳曰〕嗣孫,諸侯嗣世子孫。 自今以

然也。 體 誠 獨見前聞不惑,于事見微者也。 禮者,履也,履道成文也。 禮」,馬注云:「所因謂三綱五常。」《白 生愛人也。義者,宜也,斷決得中也。 仁、義、禮、智、信也。 通》卷下《情性》篇云:「五常者何? 仁、義、禮、智、信者,《論語》「殷因于夏 視于此善刑。 以其折獄屬五常之中正,皆中有善,所以 案曰〕傳以五極爲五常之中正,疏云 作用 也 ,得五氣以爲常也。」是也。 〔疏曰〕五常謂仁、義、禮、智、信。 嘉,善,師,衆,並《釋詁》文。 ,專一不移也。 有邦有土,受王之善衆而治之者, 刑 乃有無窮之善辭,名聞後世。 欲其勤而法之,爲無疆之 人生而應八卦之 仁者,不忍也,施 智者,知也, 慶,善,見 信者, 謂 虎

尚

書後案卷二十七

尚書後案卷二十八

東吴王鳴盛學

周書

文侯之命

旦]日本山 王若曰:「父義和、〔《釋文》曰〕義本作誼。 誼, 名仇字儀。《尚書》疏。 書全解》四十卷。○《史記》三十九卷《晉世家》裴駰集 父能以義和我諸侯。」《釋文》。○林之奇《尚 鄭曰〕義讀爲儀、儀、仇皆訓 惟注同今本。 〔傳曰〕文侯同姓,故稱曰父。 一井鼎《 令七 經 考文》據彼土古本經文「義」作 万馬 E 王 匹 也。 順 義和 〇二案 日 故

《司隸校尉魯峻碑》:「悲蓼義之不報,痛 農云:『義讀爲儀。』」古者書儀但爲義, 字也。 文》卷十二下我部云:「義,己之威儀 昊天之靡嘉。」並以「義」爲「莪」。 碑》:「感衛人之凱風,悼蓼義之劬 者儀。」並以「儀」爲「莪」。 恨。』《平都相蔣君 儀,以佐宗伯。」注:「故書儀爲義,鄭 祠碑》:「竭凱風以 今時所謂義爲誼。 反,儀魚何反。《周禮·肆師》:「治其禮 舅,此直稱父者,尤親之也。《左傳》 姓叔舅。」《曲禮》天子謂二伯伯父、伯 文侯名仇,今呼義和,知是字也。 〔案曰〕鄭云「義讀爲儀」者,古音義魚賀 曰伯父,異姓伯舅,同姓小國曰叔父,異 疏曰》《覲禮》:天子呼諸侯,「同姓大國 稱父者非一人,故 碑》: 《隸釋》載漢《孔耽 惆憀,惟蓼 「感慕詩人,蓼 《衛尉卿 以字别之。 儀 勞。」 《説 以 神 愴 司

仇皆訓匹也。《史記 云: 訓 訓 也 沃代晉,故造此 侯太子仇率其徒襲殤叔而立,是爲 匹也。」《釋文》:「逑,本亦作仇。」是儀、 之」,注云:「言馮依 曰:『異哉 太子名曰仇,生少子名曰成師。 師 侯。」桓二年《左傳》:「文侯之父穆侯,生 美 (其替乎?] 此後人見成師之子孫以 匹 命太子曰 兀 雎》詩云:「君子好逑。」傳云:「逑, 「儀,匹也。」《國 字。 ,故名仇字儀」者、《 是 義 日 與儀 古人名、字往 妃,怨耦曰仇,古之命也。 仇,弟曰成師,始兆 柏舟》「實維 君之名子也。 通 説。 也 • 晉世家》云:「穆 語 其實仇亦美名,故 其身,而 鄭又 往 》「丹朱馮 釋詁》仇、 我儀」,毛 相 云 夫名以 配 匹偶 儀、 如 如 身儀 傳 之。 儀 仇 制 曲 服 文 同

> 《左傳》襄十四年,王使劉定公賜齊 傳説 注非也。 義 鄭解義不解和,蓋和是聲之助也。 尊之也。古人字皆一字,此云「義和」, 古人 和」者三,信如馬解,則何用屢言之。 父、叔父,尠 皙。」是名、字恒相配,故 部云:「黷,雖皙而黑也。 命,曰「今予命女環」是也。今稱字者, 樂施字子旗, 破,厲石也。 和爲「以義和諸侯」,考此篇呼「父義 與鄭 (名队字子游。]又云: 同。 稱 知施者旗也。」又石部云: 鄭公孫碫,字子石。」又黑 疏言天子稱同姓諸侯伯 某者,若稱某 古人名뛣字子 名仇 「施、 旗兒。 字儀也。 則呼名。 馬以

晉文公重耳獻楚俘于王,王命晉侯爲王室,故王命之。而《史記•晉世家》:孔皆謂幽王既滅,平王東遷,晉文侯定〔又案曰〕《序》云平王錫晉文侯命,王、

《史記》、《新序》誤 伯。 説。 此異説。 命之侑。 取太叔于温,殺之。晉侯朝王,王享醴, 侯」、《釋文》云:「馬無平字。」于「 伯,載此篇文。《索隱》云:「《尚 朝天子,天子錫之弓、矢、秬鬯,以爲方 居鄭。」晉侯以師逆王。「王入于王城, 侯仇字。 和」解爲「能以義和諸侯」,而不以爲文 詞,尤非也。」考今《書序》「平王錫 合討論之,劉伯莊以爲天子命晉同 乃襄王命文公重耳。 侯之命》是平王命晉文侯仇之語 十二《疑似論》云:「平王東徙,晉文勞 「晉文公時,周襄王有弟太叔之難,出亡 劉向《新序》卷九《善謀》篇亦云: 晉文公之命是也。」是漢 據鄭以義 其後三年,文公再會 則馬融解此篇,亦當同《史記》 也。 和 代數懸隔。」「學者 《吕氏 爲文侯仇字,則 春秋》卷二 人相傳 諸侯,以 書 父義 今此 晉文 此 · 文 有

> 也。 耳,固有確據。 周襄王,王錫命之之事,而曰「用平禮 傳》敘述晉文公重耳城濮之捷,獻俘于 《丁鴻傳》云:「永平十年召見,説《文侯 禮享晉侯。」則《文侯之命》命仇,非命 何得以爲重耳? 命之,因以名篇。」然則文侯的係名仇 文侯仇有功,平王賜以車馬、弓矢,而策 之命》篇。」李賢曰:「平王東遷洛邑,晉 文仇,穆侯之子。」《後漢書》卷三十七 王,勞而 太子宜臼,東 杜預云:「以周平王享晉文侯仇之 賜 地。」高誘曰:「平王,幽 徙洛 鄭説不可易也。 又考僖二十八年《左 邑,今河南縣 也 王之

「丕顯文武,克慎明德,

顯用有德。〔傳曰〕大明乎文王、武王之道,能詳慎

文王。〔《釋文》曰〕聞音問。 「昭升于上,敷聞在下,惟時上帝集厥命于

文王 天,而布聞在下民。 成其王命,德流子孫。 記》三十九卷《晉本紀》裴駰集解。❶ 日 一所以 昭 王也。 明 也。 言文王聖德,明升 上謂 惟 以是,故上天 天 下謂 「傳 日 人。 更 **《**史 集 于 述

以王」。 道。 必將表明吾意,而姑省之乎? 文, 豈平王豫知後世有爲我 不能 于上,敷聞在下」者,即此明德也。 非謂文、武,則昭升之上,當别以文王起 德」,謬甚矣。至「昭升于上」云云,則 也。 云"「昭,日明也。」是也。 上文「丕顯」 丕顯哉文王謨」義同,謂大明之文武 [案日]馬云「昭,明也」者,《説文》日 以 亦知 傳謬謂文侯「大明乎文王、武王 而「克慎明德」若亦謂指文侯, 爲説文侯,乃始云「更述文王所 夫「丕顯」云云,若使果稱文侯, 其 不可 解 爲「能詳慎 言作傳者, 且「昭升 顯 用 斷 之 與 有 則 部

者謂何? 皆非也。明德爲文侯顯用有德,則此「昭升敷聞

必亦反。
猷,罔不率從,肆先祖懷在位。〔《釋文》曰〕辟,

「左右」者、《泰・象傳》「以左右民」,鄭 卿大夫亦是君長也。 也」者、《緇衣》「昔吾有先正」,彼注:「先 國• 正,先君長 從其化,故我後世先祖歸在王位。 事其君。于小大所謀道德,天下無不 君既聖明,亦惟先正官賢臣能,左右明 五卷潘元茂《册魏公九錫文》李善注。 康誥》「正人」傳云「正官之人」是也。 案曰〕鄭云「先正,先臣,謂公卿大夫 鄭曰〕先正,先臣,謂公卿大夫也。 魏志》一卷《魏武帝紀》裴松之注。 也。」「正,長」、《釋詁》文。 傳云「正官」者, ○《文選》三十 〔傳曰〕言 循

未蒙塵,何以云歸? 爲「後世先祖」,後世二字妄增,殊不詞。 彼注云:「左右,助也。」《商 水》詩「懷哉懷哉」,箋云:「懷,安。」此懷 南征,厲王流彘,皆不得歸,其餘諸王並 王,周行天下,終没祗宫,可言歸。 亦安意也。 又訓懷爲歸,謂歸在王位。平王先世穆 「實左右商王」毛傳同,是也。 皆非也。《揚之 頌 傳以 • 長 昭王 先祖 發》

音與。愆,去虔反。殄,大見反。于下民,侵戎我國家純。〔《釋文》曰〕予如字,又「嗚呼! 閔予小子嗣,造天丕愆。 殄資澤

下民,侵兵傷我國及卿大夫之家,禍祖業隤隕,周邦喪亂,絕其資用惠澤于寇,傷我國家甚大。謂犬戎也。《尚書》疏。 殄絕其先祖之澤于下民,侵犯兵役。 殄絕其先祖之澤于下民,侵犯兵〔王曰〕遭天之大愆,謂幽王爲犬戎所

甚大。

以純爲大者、《釋詁》文。 本紀》徐廣音云:「造,一作遭。」是造、遭 本紀》徐廣音云:「造,一作遭。」是造、遭 事載《周本紀》及《竹書紀年》也。 又 明悊。」《吕刑》「兩造具備」、《史記・周 明慈。」、《吕刑》「兩造具備」、《史記・周 以純爲大者、《釋詁》文。 〔案曰〕王及傳皆以造爲遭者、《大誥》

罔克。 「既我御事,罔或耆壽俊在厥服,予

亦皆言即,日本山井鼎《七經考文》據彼命》篇中詞也。」據彼以既爲即,傳及疏在厥躬。』」文穎曰:「此《尚書・文侯之任厥躬。」。文穎曰:「此《尚書・文侯之〔案曰〕《漢・成帝紀》鴻嘉元年詔:

則

者。」與傳意亦同也。 者老賢者,使國危亡,罪咎在其用事彼文穎注又云:「我周家用事者,無能有既受命還」,蔡邕石經誤以既爲即也。既受命還」,蔡邕石經誤以既爲即也。出似,故誤以即爲既。亦猶《顧命》「兹土古本,亦爲即。因隸書既字偏傍與即土古本,亦爲即。因隸書既字偏傍與即

績,予一人永綏在位。 「曰惟祖惟父,其伊恤朕躬。嗚呼! 有

一人長安在王位。言恃諸侯。當憂念我身。嗚呼! 能有成功,則我〔傳曰〕曰同姓諸侯在我祖父列者,其惟

^{亦反。} 會紹乃辟,追孝于前文人。〔《釋文》曰〕辟,扶「父義和,汝克昭乃顯祖,汝肇刑文武,用

王自謂也。繼先祖之志爲孝。以善,使追孝于前文德之人。汝君,平法文、武之道矣。當用是道合會繼汝君(傳曰〕汝能明汝顯祖唐叔之道,汝今始

王子,成王弟也。二十八年《傳》:「唐叔,武之穆也。」是武經「文人」亦謂文侯之顯祖唐叔也。僖毛傳義。毛、鄭皆謂是召虎之先祖。此文。又以文人爲文德之人者,《江漢》詩〔案曰〕傳云「肇,始」,「刑,法」,《釋詁》

「汝多修,扞我于艱,〔《釋文》曰〕扞,下旦反。 《周書》曰:『犑我于艱。』侯旰切。」據此, 是假借字也。 也。僖二十八年《傳》云:「誰扞牧圉。」 字當作裝,訓止者,救之則止,義似通 部無捍字,扞字注云:「忮也。」則非救。 患」,是有救義。 卷三下攴部云:「跂,止也。 〔案曰〕傳以扞爲救者,《祭法》「能捍大 日〕「戰功日多」、《周禮・司勳》文。 乃扞我于艱 〔傳曰〕戰功曰多,言汝之功多,甚修矣。 難,謂救周,誅犬戎。 但《説文》卷十二上手 从支,早聲。 **「疏**

若汝,予嘉。」

山井鼎《七經考文》。〔王曰〕如汝之功,我所嘉也。《尚書》疏。○

國内上下。〔傳曰〕遺令還晉國,其歸視汝衆,安汝王曰:「父義和,其歸視爾師,寧爾邦。

引《周書》「費介租鬯」,介,古爾字。 一,盧矢百,馬四匹。〔《釋文》曰〕費,力代反。卣一,盧矢百,馬四匹。〔《釋文》曰〕費,力代反。卣「用齊爾秬鬯一卣,彤弓一,彤矢百,盧弓所謂「伯父無事,歸寧乃邦」是也。 〔案曰〕「歸視爾師,寧爾邦」者,《覲禮》

瓚,可知。 有大功,賜 疏曰〕《釋草》云:「秬,黑黍。」李巡曰: 傳日]黑黍日 德習射,藏示子孫。 一故賜鬯。彤,赤。盧,黑也。 侯伯之賜 卣,中鳟也。 弓矢,然後專征伐。 秬,釀以鬯草。 無常,以功大 馬供武用,四匹 當以 錫 小爲度。 不言 命告 彤弓以 諸 侯 其

香草。 鬯一卣,告于文人。」知賜秬鬯者必以圭 《詩》美宣王賜召穆公云:「釐爾圭瓚,秬 以鬯和黍米之酒,或先或後言之耳。 以鬯草」,似用鬯草合釀。不同者總是 酒,築鬱金之草煑以和之。 于上下也。」如彼鄭説,釀黑黍之米 鬯」,鄭玄云:「鬯,釀秬爲酒,芬香調 云:「鬱爲草,若蘭。」又有「鬯人掌共 鬱鬯,以實彝而陳之。」鄭云:「鬱,鬱 「黑黍,一名秬。」《周禮・鬱人》:「掌 瓚副焉。此不言圭瓚,明并賜之,可知。 尊。」是也。 彝之間,即犧、象、壺、著、大、山等 六 爲上,罍爲下,卣居中。」郭璞曰:「在罍、 用斝彝、黄彝。」則祭時實鬯酒于彝。 · 卣,中尊」、《釋器》文。孫炎曰:「尊,彝 |禴,裸用 築鬱金煑之,以和鬯酒。」鄭衆 雞 《周禮·司尊彝》云:「春祠、 鳥彝。 秋嘗、冬烝,裸 此傳言「釀 爲

則秬 也。 弓、大弓。 唐、大是弓强弱之名,彤、玈 則易也。使者、勞者,弓亦用中,遠近 者。」鄭云:「學射者,弓用中,後習强 又云:「唐弓、大弓以授學射者、使者、勞 寡,來體多,曰王、弧。往體多,來體寡, 伐」、《禮記・王制》文。 《周禮 玈,黑也」。 者言之耳。 其宗廟,告其先祖諸有德美見記者。」然 之賜。」鄭玄以此彤弓、玈弓爲《周禮》唐 大。鄭玄云:「六者,弓體之名。 曰夾、庾。往體來體若一,曰唐、大。」經 矢》「掌六弓」,其名王、弧、夾、庾、唐、 人。」鄭云:「王賜召虎以鬯酒一尊,使祭 用 詩》「文人」,毛傳云"「文人,文德之 卣 勞者,勤勞王事,若晉文侯受弓矢 鬯當遍告宗 者,未祭盛 彤從丹,茲從玄,故「彤,赤。 「諸侯 于卣, 廟,此惟言始祖,舉尊 賜弓矢,然後專征 祭則實 于 彝 往體 司弓 也 口

駕四 《傳》:「王賜晉文公彤弓一、彤矢百、 《周禮》注義也。 愾,而獻其功,于是賜之彤弓一,彤矢 也。」文四年《傳》甯俞言:「諸侯敵 弓。」彼疏云:「彤,赤。 則名鬱鬯。 武用 弓矢千。」杜預注云:「彤,赤弓。玈, 云「彤,赤。盧,黑」者,僖二十八 鬯草」,則非是。 調鬯,故名。 四圉,圉 于弓赤、 重視功。」是以功大小爲度。 黑黍酒」,似與鄭合。 [案曰] 秬鬯者, 秬是黑黍, 以爲酒, 芬香 《説文》彤從丹,玈從玄,是赤、黑 馬故也。 也 養一馬。」是 《周禮·校人》云: 黑之色 鬯非草名。 秬鬯若築鬱金草煑和之, 《司勳》云:「凡賞無常,輕 也。 《洛誥》「秬鬯」,傳但云 疏附會之,皆非也。 四匹曰乘,乘車 六畜特以 此傳乃云「釀 兹,黑。 此鄭《毛詩》箋、 「乘馬, 馬 舊説 賜 年 必 師 所 傳 以 别 黑

引服 黸。 束 《荀卿子・大略篇》曰:「天子彫弓,諸侯 合也。 司寇》「束矢」,鄭注云:「古者一弓百矢, 矢百,則矢千弓十矣。」《小雅・彤弓》疏 百者,彼《僖二十八年》杜注又云:「弓一 大夫之盧弓者,以備用也。 則賜用彤弓,以此弓正是侯制,兼以 彤弓,大夫黑弓,禮也。」與何休合。 弓,士盧弓。」《釋文》云:「出《司馬法》。」 注:「禮,天子彫弓,諸侯彤弓,大夫嬰 同,皆謂黑色也。」定四年《公羊傳》何休 弓、驢矢。」司馬光曰:「黸,落胡切,與玈 僖二十八年所賜與甯俞所言及《詩 彤弓序》:「天子錫有功諸侯也。」此 百,玈弓矢千,以覺報宴。」《詩 矢其百个與?」《魯頌》「東矢其搜」, 虔《左傳》注,與杜同。《秋官・大 揚子《法言》卷六《五 盧 即兹。 《禹 貢》 百篇》云:「彤 謂之壚,又作 每弓一則矢 • 小雅 經及 士:

> 《左傳》皆云「一弓百矢」,或軍禮 雅・彤弓》毛傳文。 也。 荀 備折壞,亦分百矢爲 毛傳「五十矢爲束」,彼疏謂「毛從其 卿 傳又云「彤弓以講德習射」,是《小 之言,以 Ŧī. 十矢爲 兩東,故 東」。 鄭 尚 重 不易傳 弓 書 以 師

「簡恤爾都,用成爾顯德。」

簡核憂治汝都鄙之民。 用有德之 疏 鄭曰〕都 曰〕鄙,邊)功成。 國 邑也 都 也。 不 · 言 鄙, 《 尚 民 書》疏。 由 和 近 政 以 治 傳 及遠 則 類 當

云:「有先君之舊宗廟曰都。」《詩》「彼都〔案曰〕鄭以都爲國都者,《説文》邑部

德之功成」,皆非也。 德之功成」,皆非也。 原達注云:「雍,秦國都。絳,晉國都。」 是也。用成爾顯德,期文侯能成是德 是也。用成爾顯德,期文侯能成是德 是也。用成爾顯德,期文侯能成是德 是也。用成爾顯德,期文侯能成是德 為情,至國都。」 為於,至國都。」 而

敗崤亦是國危,故以此士兼羣臣及民

尚書後案卷二十九

東吴王鳴盛學

首之義。《費誓》稱公,從可知也。

《尚書》『公曰嗟』,秦伯也。」是説此經篇

心,俱欲尊其君父,故令得稱其君爲公。

伯、子、男而卑,爲交接之時不私其臣子

會聚之事,朝聘之道,或稱公而尊,或稱

子,于其國中褒其君爲公何? 諸侯有

也。《白虎通・號》篇云:「伯、子、男臣

予誓告汝羣言之首。

(傳日)衆言之本要。

也。」《釋詁》:「首,始也。」《昏義》云: 之祭者,不首其義。」彼注云:「首,本 有本義,是根亦本也。 [案曰]傳以首爲本者,《曾子問》云:「今 禮,始於冠。」彼注云:「始,猶根也。」根

「古人有言曰:『民訖自若,是多盤。』 〔傳曰〕民之行己,盡用順道,是多樂。

〔疏曰〕訖,盡。 自,用。 若,順。

秦 誓

周

公曰:「嗟! 我士,聽無譁。

〔鄭曰〕誓其羣臣,下及萬民,獨云士者,

舉中言之。《尚書》疏。〔傳曰〕誓其羣臣,

通稱士。 爲告羣臣。《周禮》有致萬民,詢國危, 〔案曰〕鄭云云者,此非軍旅之誓,故當

樂也。

及《周頌·般》篇箋文。盤、般同也。「若,順」、《釋言》文。「般,樂」、《釋詁》〔案曰〕「自,用」、《詩·執競》傳文。

有非,受人責即改之,如水流下,是惟〔傳曰〕人有非,以義責之,此無難。己〔案曰〕山井鼎《考文》古本「無」作「亡」,下「無他伎」同。「責人斯無難,惟受責俾如流,是惟艱哉!

顔 即云也。〇〔案曰〕據疏則唐初尚作「員」。 魂。』《春秋》疏引《孝經説》云: 作「魂」,魂亦與云通。 《商頌》云「景員維河」,鄭箋云:「員,古文作云。」《韓詩 文》:「員本作云。」《正月》云「昏姻孔云」,本又作「員」。 古文以從今文耳。《詩・出其東門》云:「聊樂我員。」《釋 本亦作「員」,下「雖則云然」同。今本作「云」,乃衛包改 我心之憂,日月逾邁,若弗云來。「疏 \師古注引《秦誓》「雖則員然」,是則「云來」、「云然」,古 (即云也。 義,知今云字乃員之省文。 圜道》篇云:「雲氣西行,云云然然。」則魂魂即云云 周必大謂《文苑英華》賦多用員 《中山經》云:「其光熊熊,其氣魂 王應麟謂《漢書 「魄,白也。 魂、云也。」《日 山井鼎 來讀《 章賢傳 《秦誓》 曰〕員 考古

皆作員也。

彼。」二義通也。
云:「日月其邁。」毛傳:「同行則將往于者,「邁,行」、《釋言》文。《唐風・蟋蟀》〔案曰〕王以逾邁爲遂往,傳以爲行過

人,姑將以爲親。「惟古之謀人,則曰未就予忌。惟今之謀

之類。 (傳日)惟爲我執古義之謀人,忠賢蹇叔之類。

子,孤之罪 郊迎,嚮師哭曰:「孤違蹇叔,以辱二三 謀人謂忠賢蹇叔等」者,據《左傳》諫穆 《説文》合。來與未形相似,惎與忌聲相 《傳》「惎間王室」、《釋文》「惎音忌」,杜 惎。』渠記切。」今《周書》無此文。 辱三子,三子何罪乎!」又載《秦誓》之 紀》則云:「孤 已而歸 使三帥帥師 梁》則謂蹇叔與百里奚同諫,不見聽,遂 公毋襲鄭者,惟一 預注:「惎,毒也。」據疏賈逵亦云然,與 之,此經「未就予忌」當即 穀》同。 案 而誤,其義則不可詳矣。傳云「古之 从 〕《説文》卷十下心部云: 之。《史記 又《左傳》言三帥歸,穆公素服 也。 其 而東,爲晉敗于殽,虜三帥, 以 不用百里奚、蹇叔言,以 大夫 <u></u> 蹇叔。《公羊》、《穀 秦本紀》與《公》、 周書》曰: 何罪!」而《秦本 是 也。 定四

亂

視爲百里奚子,西乞術、白乙丙爲 《公》、《穀》、《史記》皆言二人同 《左傳》言蹇叔之子與師,哭而 文而 髮」,「番番良士」,「一介臣」,皆兼指 同,無大牴牾,不可執《左》以駁《公》、 悟穆公,其事是實,三傳紀載雖詳 則百里奚與蹇叔同送其子而哭之,以感 云:「或以西乞術、白乙丙爲蹇叔子。」然 名視,字孟明,百里奚之子。」《譜》又 子。《左傳》疏引《世族譜》云:「姓百里, 明視、西乞術、白乙丙。《史記》以孟 記》說,故言蹇叔等也。 而哭之。《左傳》載三帥之名爲 本百里 晉人禦師必于殺。 [説之云:「以申思不用蹇叔、百里奚 此 奚所薦,其意 經「古之謀人」下文「詢 誓。」 傳用《公》、《穀》、《史 余收 見 據《史記》,蹇叔 議 論 爾骨焉。」 必合。 送之日: 送其 百 蹇 里 和 明 而 Ħ.

雖則云然,尚 也。 以此言爲兼向百里奚、蹇叔二人言之。 頌・閟宮》云:「黄髮台背。」彼箋云「皆 人髮白復黄也。」此注郭璞即用之。《魯 也。」彼疏引《釋詁》舍人注云:「黄髮,老 黄髮爲賢老者,《釋詁》黄髮與老同訓 文。猷、繇 里奚舉於秦,年已七十。」 是二人皆老 壽徵也」是也。 壽,是得轉相訓 道謀此黄髮賢老,則行事無所過矣。 云:「遐不黄耇。」彼傳云:「黄,黄髮 史記》稱二人爲「二老」。 孟子云:「百 案曰〕傳以猷 爾何知,爾墓之木拱矣」,《公》、《穀》則 傳曰〕前雖則有云然之過,今我庶幾以 傳又以愆爲過者,「諐,過」,《釋言》 同。 猷詢兹黄髮,則罔 爲道者、「繇,道」、《釋詁》 也。 「詢,謀」,亦《釋詁》文。 《左傳》秦穆公謂蹇叔 《小雅·南山 所愆 l有臺》

> 番番良士,旅力既愆,我尚有之。 《釋文》 〕番音波 《秦誓》『詢兹黄髮』是也。」徐幹《中論》 雖聞何益?」故《書》舉穆公之誓,善變 文。 也。」以上諸文,皆是説此經之意也。 卷上《修本》篇亦云:「孔子謂子張曰: 叔、百里之言,敗于崤、函,而自變悔,作 秋》賢穆公能變。」楊倞注云:「謂不用蹇 也。」《荀子》卷十九《大略篇》亦云:「《 言,則無所愆。] 美用老人之言以安國 『吾欲聞彼將以改此也,聞彼而不改此 二年《傳》:「何賢乎秦繆公? 以爲能 云:「秦繆思諐,故獲終吉。」《公羊》文十 也。」《古文苑》卷六張超《誚青衣賦》 事》篇云:「秦穆公敗其師,曰:「黄髮之 愆、 諐 同也。 劉向《新序》卷五 雜 春 變 亦

者,我今庶幾欲有此人而用之。 〔傳曰〕勇武番番之良士,雖衆力已過

膂不强也。 既愆」乎? 骨,故膂强則身健。此良士頭已白,故 从肉。」 脊骨爲人身之榦,所以統會諸 骨也。」重文作「膂」,云:「篆文吕,从旅, 義同也。《説文》卷七下吕部云:「吕,脊 大旅助黄鐘宣氣而牙物也。」是吕、旅音 番之良士」。 亦云「白素」。《説文》卷七下白部云 六四「皤如」,王弼注以爲「素」,李鼎祚 番當爲衰老之義。 云:「番當作皤。皤,白頭皃。」《易• 之人謀,黄髮番番,則無 申伯番番」爲勇武之義,遂云「勇武番 皤,老人白也」是也。 僞孔以《崧高》詩 案曰3《秦本紀》節録此篇之文云:「古 • 律歷志》云:「大吕,吕,旅也。 傳說非也。旅與吕同。 既是勇武,何下又云「旅力 故張守節《正 所過。」則此番 言陰 賁》 義》 漢

「仡仡勇夫,射御不違,我尚不欲。〔《釋文》

訖」。并注,今注疏所采漏去,從元本補。曰〕仡,許乞反。馬作「訖訖」。○〔案曰〕《釋文》馬作「訖

之至。 雖射御不違,我庶幾不欲用。自悔 ^{井鼎《七經考文》。}〔傳曰〕仡仡,壯勇之夫。 〔馬曰〕訖訖,無所省録之貌。《釋文》。○山

録,非也。 (案曰]傳以仡仡爲壯勇者,《説文》卷八 (案曰]傳以仡仡爲壯勇者,《説文》卷八 (案曰]傳以仡仡爲壯勇者,《説文》卷八 (案曰]傳以仡仡爲壯勇者,《説文》卷八 (案曰]傳以仡仡爲壯勇者,《説文》卷八

徐敷連反,又甫淺反。馬本作偏。易,羊石反。之,昧昧我思之。〔《釋文》曰〕截,才節反。論音辨,「惟截截善論言,俾君子易辭,我皇多有

[馬日]截截,辭語。截削省要也。偏,

少

也

約

音辯」,是論

《公羊》合。 《公羊》又引「俾君子易怠,而況乎我多 作辞,从台。因傳寫遂誤爲辭。《史記• 義,其實亦是 有之」,辭作怠者,《説文》云:辭,●籀文 撰具其言,故何休以爲撰。 言」,靖即竫,皆撰之轉語也。 言。」王逸《楚辭章句》又引作「諓諓 戔戔,亦即截截。 賈逵注云:「諓諓,巧言也。」然則 猶撰也。」《國語》越范蠡謂「吳人諓諓」, 諓善竫言。」何休注:「諓諓,淺 二王世家》齊王策云:「俾君子怠。」與 「易怠」猶輕惰也。」傳云「使君子回心易 《李尋傳》亦云:「穆公説諓諓 文十二年《公羊 彼何休注云:「俾,使 解 爲 何休云「淺薄」者, 辯佞,與 傳》引此 馬融 諸 云: 無 薄 家 實 從 護護 貌 通 偏 而 惟 也 之 靖 牛 能 非 即 竫

0

也。

昨干切。」《説文》雖從孔氏古文,間

亦兼

也。

൬

言,扁聲。

取

伏生今文,以存異本,故兩引之如此

據《說文解字》卷十四下, 籀文作「辞」者當是

「兄」。《詩·桑柔》「倉兄填兮」,義作況口」,又云「則皇自敬德」,漢石經皆作酬」,非也。皇作況者,《無逸》云「無皇

吐何反。 位,其綺反,本亦作技。他,本亦作它,绮反,又於宜反。伎,其綺反,本亦作技。他,本亦作它,音界,字又作个,音工佐反。 断,丁亂反,又音短。猗,於「如有一介臣,斷斷猗,無他伎,〔《釋文》曰〕介臣也

[馬曰]一介,耿介,一心端慤者。《釋文》。 [馬曰]一介,耿介,一心端慤,斷斷守善之稅。無他伎藝。〔疏曰〕猗,足句之詞, 之臣,無他伎藝。〔疏曰〕猗,足句之詞, 之臣,無他伎藝。〔疏曰〕猗,足句之詞, 《大學》引作「兮」,猗是兮之類。《尚書》疏。

云:「耿,光。介,大。」與此文同義異也。王合也。《離騷》「堯舜之耿介」,王逸何休《公羊》注:「一介猶一槩。」義與馬、〔案曰〕馬、王並以一介爲耿介一心者,

書》曰:『龆龆 云:「古文斷从皀。皀,古文叀字。 貌。」則鄭義與王、孔同也。《説文》卷十 《大學》引此經,鄭注云:「斷斷,誠一之 則有截削要約意。 學之盛,唐初已然。《公羊》文十二年 四上斤部斷字注云:「截也,从斤,从闔。 善」,傳云「專一」,守善則專一,義通。 作「介」,則作个非也。「斷斷」,王云「守 詩傳》云:「一介之才。」李賢注引《書》亦 引,仍作「介」。《後漢書》卷三十一《杜 文》云:「个,古賀反。《尚書》作介。」俗 成字,乃《大學》引此經竟作「个」,彼《釋 以个、箇皆爲物之以 字,惟卷五 個,卷八上人部 釋文》云:「字又作个。」考《説文》無 ,古文絶。 上竹 徒玩切。」又重文的《字注 猗,無他技。」」此字訓截, 亦 部"「箇,竹枚 其从古文專者,卷四 無 枚數者,而 個字也,而 也。」今俗 又别 《周

加也。 之異, 作伎,而下「有 當作技、《公羊》引亦作技、僞孔 也。」引《詩》「籟人伎忒」爲證。 部:「技,巧也。」卷八上人部:「伎,與 他」,則是陸德明所見《大學》尚作它。 也。今本《大學》亦作「無他」。然《釋文》云「無它,音 俗以篆文「也」作や,與や相似,遂作人旁 它。」或假借佗字,訓作負何者以當之。 夷聲近猗,故猗轉作焉也。 「焉」。 云"「本亦作技。」考《説文》卷十二上手 十三下&部云:「古草居患它,故相問無 云「本亦作它」者,它即蛇字。 《説文》卷 大學》注云:「他技,異端之技也。」下文 斷斷」爲「 部云:「專,小謹 而義 人部無此字,新附亦無,不可用 馬與夷同,見《周禮·行夫》注。 並 專一」也。「猗」,《公羊》作 同。 技」,仍从手,非 《公羊》何休注亦以 也。」然則文有古 他、《釋文》 伎、《釋文》 則此 乃以 也。 此

「其心休休焉,其如有容。

箋,《左傳》隱七年「歃如忘」服虔注,《莊七年》「星隕如 爲如。《易》「用晦而明」虞翻注,《詩》「垂帶而 羊》引「如有容」、「如」作「能」者、蓋古 《公羊》注云「美大貌」,義皆通也。 書》疏。 〔傳曰〕休休,樂善,能有所容。 公疾技巧多端,故思斷斷無他 是,人能有所容忍小過,寬則得衆。 大學》篇。 〔王曰〕休休,好善之貌。 容」爲一義解之也。王云「好善」,何休 〔鄭曰〕休休,寬容貌。《釋文》十四卷《禮記 如」字作「而」。《顧命》「其能而亂四方」,傳釋 案曰〕鄭云「休休,寬容」者,與下「有 位者。 其 如 《尚 穆

備一解也。 如也。 聖」。何休云:「能含容賢者逆耳之言。」 與穆公情事正合,與鄭義亦不背,亦得 忍小過」,則與上下文義不相融貫,非 儉字書未見所出。」《廣雅》云: 能字皆爲而也。」能 讀 曰 如 。 《詩・大雅・民勞》云 古能字爲此耐字,後乃假借鼈三足爲能。此及《樂記 其鬚,字從寸,寸爲法。不虧形體,猶堪其事,謂之耐 《易・屯・彖》云:「利建侯而不寧。」❶及劉向《説苑 雨」、《僖二十六年》「室如縣罄」、《昭四年》「牛謂 「人不耐無樂」,仍作耐。 亦有不安寸,直作而,則 云:「耐,古能字。」疏云:「《説文》:耐,鬚也。 如。 柔遠能邇」,鄭箋云:「能猶伽也。」《釋文》云:「伽 而何」杜預解、《孟子》「九一而助」趙岐 此「有容」即是能容「有技」、「彦 故如轉爲能也。王以「有容」爲「容 而讀爲能。《禮運》「耐以天下爲一家」, 「伽,若也。」然則伽即 叔

子孫黎民,亦職有利哉!〔《釋文》曰〕好,呼報之,不啻如自其口出,是能容之。以保我「人之有技,若己有之。人之彦聖,其心好

反。啻,尺豉反。

《釋詁》寔即訓是。《無逸》云:「時舊勞 學》注用之。《鄭風》「邦之彦兮」,傳 爲美者、《釋訓》云:「美士爲彦。」鄭《大 聖,不啻如自口出,心好之至也。 注云「國有美士,爲人所言道」是也。 云:「彦,士之美稱。」彼疏引舍人《釋訓》 出,皆樂人有善之甚也」是也。又以彦 必能容之。用此人安我子孫衆民,亦主 于外。」傳訓「時」爲「是」,《中論》引之, 「是能容之」、《大學》引「是」作「寔」。 云云者,鄭《大學》注云「若己有,不啻口 (案曰)傳云「人有技若已有,樂善之至」 有利哉! 言能興國。 時」直作「寔」。秦惠王《詛楚文》曰: 昔我先君穆公及楚成王是戮力同心。」 傳曰〕人技若己有,樂善之至也。

)「利」、《周易正義》作「宜」。

何 ? 又以黎爲衆者,與鄭《大學》注同也 然則是與寔通,而寔又可與實通 寔、實同聲。」高誘涿人,故亦以 以是爲實者,古《春秋經》「寔來」,宋板 讀 「『實墉實壑』,實當作寔。 左傳》作「實來」。 也。」《公羊》桓六年《傳》云:「寔來者 日 是 白白 爲 猶曰 寔,則 起是攻用兵。」 是人來也。」《穀梁》略同。 是、 寔同 《 詩 也。 高誘 韓奕》箋云: 《戦 趙魏之東, 曰:「是, 國策》蘇 寔爲實。 也。 高氏 傳

在反。黎民,亦曰殆哉!〔《釋文》曰〕冒,莫報反。殆,唐之,俾不達。是不能容,以不能保我子孫一人之有技,冒疾以惡之。人之彦聖,而違

曰危殆哉!不能容我,用之不能安我子孫衆人,亦人美聖而違背壅塞之,使不得上通。是〔傳曰〕見人有技藝,蔽冒疾害以惡之。

兩從也 《説文》卷二下辵部云:「通,達也。」是可 《五經文字》卷下第一百二女部云: 也。」義皆與 戾賢人所爲,使功不通于君也。殆,危 鄭彼注又云:「違猶戾 夫妬。」經典多作冒,則此字之變久矣。 冒,音同, 彼《釋文》云: 云:「媢,夫妬婦 注云:「媢,妬也。」《説文》卷十二下女部 案 日」傳 謂 以 (傳同 覆 冒 媢 蔽也。」是 爲蔽者、《 也。 也。」是鄭義也。 莫報 達、《大學》作通。 也。 也。 反。 大學》作 俾,使也。 《尚 鄭《大學》 書》作 媢,

折反。 〔《釋文》曰〕杌,五骨反。陧,五結反,徐語人之慶。 〔《釋文》曰〕杌,五骨反。陧,五結反,徐語「邦之杌陧,曰由一人。 邦之榮懷,亦尚一

亦庶幾其所任用賢之善也。背賢則危,由所任不容賢。國之光榮,爲民所歸,〔傳曰〕杌陧,不安,言危也。國之傾危,

安,亦是假借。《易》之「槷黜」與《書》之

用賢則榮,自誓改前非之意。

《周禮》注,云「是古文臬字」。 切。」臬本劓字,假借爲不安。 也。 《易・困》上六:「困于葛藟,于臲卼。」 土也。 注以爲即古文闑字,今與點連文,爲不 晉以下所造俗字,古實無此字也。《説 机字,卷九下危部無臲、卼字,則此 若虹蜺之蜺。 文》卷六下出部 黜字注 薜、虞作「劓杌」、《説文》卷六上木部無 石 説,不安也。 《説文》卷十四下自部云:「隉,危也。从 自,从毁省。 〔案曰〕傳云「杌陧,不安,言危也」者, Щ 从出,臬聲。《易》曰『槷黜』,五結 戴土,亦有危義。 从自,从兀,兀亦聲。五忽切。」 徐巡以爲,陧,凶也。 《周書》曰:『邦之阢隉。』讀 五結切。」又:「飢,石山戴 云:「槷魁 今本阢作 又《儀禮》 槷字見鄭 不安 皆魏 班固 杌。

> 《釋詁》以懷與安定同訓,故鄭《揚之水》 矣》傳義也。 傳義非也。 箋以懷爲安。 異,此古訓也。 民所歸」,《釋言》懷訓來,是有歸義。 杌陧,皆非也。 阢 陧」,音義 傳又以慶爲善者、《詩・皇 此「榮懷」當爲光榮安定, 並同, 傳又訓懷爲歸,解爲「爲 後人不識,而改爲臲卼、 特倒 其文,故字亦

尚書後案卷二十九

尚書後案卷三十

東吴王鳴盛學

序

虞

夏

昔在帝堯 名也。 傳云: 堯。《釋文》。〔疏曰〕言堯,孔 解》一卷。 無先之典然也。《尚書》疏。 鄭曰〕書以堯爲始,獨云「昔在」,使若 「虞,氏。 以此而言,則禹、湯亦名,于下都 〔馬日〕堯, 謚 舜、名。」舜爲名,則堯亦 也。 ○林之奇《尚 翼善 無明 傳 解 聖 書全 下

爲謚 發明孔子删書之意,以上古荒遠,略 記•五帝本紀》云:「學者多稱五帝,尚 俱名。 無所 舜,當爲名,而孔注《論語》「予小子履」 則孔君亦然。何以知之? 名」,放勳、重華、文命爲名,與 不言,故獨從堯始,與鄭合也。 堯、舜、禹非名明矣。 云:「履,殷湯名。」是湯名履,湯非名也 名。」則舜不得有二名。鄭注《禮記 孔不殊。及鄭注《中候》云:「重華,舜 下注云:「舜,名,亦號謚之名也。」推此 云:「舜之言充。」是以舜爲號謚之名,則 〔案曰〕鄭云「書以堯爲始」云云者,《史 其 鄭 然《尚書》獨載堯以來。」是司馬 解。 文,不爲名。 案鄭于下亦云:「虞氏,舜名。」與 亦 而 以 放 堯、舜、禹、湯爲 勳、 重華、文命、隨 據此 似堯、舜、禹、 既湯類堯 「號 馬同者。 馬 其事 以 堯 遷 而 湯 而

《書》傳則魏晉間人假托,與孔注《論語》 縫,不知《論 舜、禹、湯爲名,與鄭義異矣。 傳放勳等隨其事 不合者甚多也。 子,固應有爵謚,且當兼有生號也。 士冠禮 生無爵,死 • 記》、《郊特牲》皆言殷以 無謚」,此指大夫士言,若天 語》注乃真出孔安國,而 圃 解其文,則直以堯、 疏曲爲彌 孔

如字。 聰明文思,光宅天下,〔《釋文》曰〕思,息嗣 反,又

[傳曰]言聖德之遠著。

將遜于位,讓于虞舜,

〔傳曰〕遜,遁也。 老使攝,遂禪之。 〔鄭曰〕堯尊如故,舜攝其事。

《尚

書》疏。

是也。 案曰〕鄭云云者、《孟子》「堯老而舜攝

作《堯典》。〔《釋文》曰〕馬、鄭之徒,百篇之序總爲一 孔以各冠其篇首,而亡篇之序,即隨其次第,居見存

> ○《山堂羣書考索·續集》四卷《經籍門》。 [案日]鄭云云者,「慎徽」以下所敘,皆 鄭 曰〕舜之美事,在于堯時。《堯典》疏 鄭以篇名《堯典》而述

可知矣。 直至陟方、皆在《堯典》,則古史義例,不 舜事,故解之也。 堯老舜攝之事。 但堯殂落,舜即真後,

虞舜側微,

〔鄭曰〕虞氏,舜名。 《尚書》疏。 傳

庶人,故微賤

堯聞之聰明,將使嗣位,歷試諸 〔案曰〕鄭云云者,説見上文。

羣書考索・續集》四卷《經籍門》。○王應麟《玉海》三 鄭曰〕人麓伐木。《堯典》疏。 ○章如愚《山堂

十七卷《藝文門》。

足」。是人麓爲伐木,即試以難事也。 大麓。」彼《釋文》引鄭注,以麓爲「山 [案曰]鄭云「人麓伐木」者,經云:「納于 . 傳曰〕嗣,繼也。 試以治民之難事

馬、王本皆合爲一,此孔壁之真,豈伏生誤合之。直至唐 學古文《尚書》,臨終寫《堯典》一篇置棺前。 《堯典》存。」劉熙時真《舜典》已出,但藏秘府,不列學官, 《堯典》。光武時,張純奏宜遵唐堯之典,二月東巡。 子時,典謨完具,篇次未亂,的然可信。 猶存,有識者猶知援據也 時僞孔本盛行,而《儀禮》注引「扑作教刑」、《公羊》注引 磐安得專寫《堯典》乎?「欽哉! 下皆爲《舜典》,熙安得言「惟《堯典》存」乎? 後漢周磐 熙非《尚書》儒,或未之見,故云爾。 若如今之「慎徽」以 才張髦上疏,引「肆類于上帝」至「格于藝祖」,亦曰《堯 帝時,陳寵言「唐堯著典,眚災肆赦」。晉武帝初,幽州秀 問,故其言皆不謬也。《王莽傳》兩引「十有二州」,皆云 記》載「慎徽」至「四罪」于《堯本紀》,不于《舜本紀》。 蒙引「二十有八載」云云,爲《堯典》,不爲《舜典》。 文,乃割《堯典》「慎徽」以下爲《舜典》。 不知《孟子》 咸丘 外增多十六篇内本有《舜典》,西晉又亡,好事者又撰 作《舜典》。 歲二月東巡」,賈公彦、徐彦皆云《堯典》文。 劉熙《釋名》云三墳、五典、八索、九丘,「今皆亡,惟 〔案曰〕孔壁所得真古文《尚書》,于 慎徽」,緊相承接,鄭 馬遷親從安國 若如今本 蓋鄭、馬本 伏 **©**史 牛

帝釐下土,〔《釋文》曰〕釐,力之反。

〔馬曰〕釐,賜也,理也。《釋文》。 何傳 日

言舜理四方諸侯

理也。 《汩作》之汩訓治,治即理,故釐又爲 音近得訓也。篇名《稟飫》,則當有賜。 若釐,故轉爲釐也。 予。」今刻《爾雅・釋詁》作「賚予」,不作 傳云:「釐,予也。」彼疏云:「《釋詁》: 江漢》篇云:「釐爾圭瓚。」毛傳云「釐,賜 也」是也。又《既醉》篇云:「釐爾女士。」 〔案曰〕馬云「釐,賜也」者,《詩・大雅 釐予」,蓋古音來讀若釐,則資亦可讀 整,予,賜也。」俱訓爲賜,故釐得爲 馬又云「理也」者, 〔《釋文》曰 別, 彼列反。

分,方云反,徐扶問反。 方設居方,别生分類。

分其類。 〔傳曰〕各設其官,居其方。 别其姓族

作《汨作》、〔《釋文》曰〕汨音骨。

傳曰〕汩、治。 作, 興也 言其治民之

功興。篇亡。

訓 云:「廞,興也。」興謂 春官 説詳《洪範》。 治也。」彼郭璞注云「《書序》作汩」是也。 [案日]傳以汨 也。 笙師》云:「廞其樂器。」鄭 又以 爲治者、《釋詁》云:「淈 作 .. 爲 作之,是得 興者、《周 禮 彼注 相

《九共》九篇、《稟飫》。〔《釋文》曰〕共音恭,王己 之。」是三家反語乃德明代作,非其元本也 經、《論語》、《爾雅》、《老》、《莊》,皆著其 絺字云:「鄭陟里反。」馬、鄭、王已俱有反語者,《崇文總 同序,其文皆亡,而序與百篇之《序》同編,故存。○〔案 勇反,馬同。 目 崇云: 日〕顔之推、張守節 云:「王己勇反。」《皋陶謨》嚴字云:「馬魚檢反。」《益稷 「德明以南 稟,苦報反。 北異區 並 云 反語始孫炎。《釋文》此共字 飫,于據反。《汨作》等十一篇 音讀罕同,乃集諸家之讀九 翻 語 以增損

〔案曰〕馬云「共,法也」者,《毛詩·商稾,勞也。飫,賜也。凡十一篇亡。《汨作》、《九共》故逸。《釋文》。〔傳曰〕〔馬曰〕共,法也。《釋文》。○王同。〔王曰〕

馬所 之與鄭不合矣,皆非也。 僞傳中詭云:「凡十一篇亡。」 不顧篇 睹其目,而無如《汩作》等篇,他 尚在,其中明有《汩作》等篇,皇 府,直至永嘉之亂始亡。 有别,亡是全亡,逸是不立學官,逸在 援引之處,不能憑空譔造,乃不得 肅亦見之,故云逸,不云亡。 蓋 頌 「共,法也」是也。《汨作》等十一篇 長 傳孔壁真古文皆有之,未嘗亡,王 發》云:「受小共大共。」毛傳云 而鄭所 **逸與**亡 書 甫 沭 已於 謐 不見 篇 Ħ 親 目 秘

皋陶 序》, 禹》、《皋陶謨》、《益稷》。 〔《釋文》曰〕皋音高。 遥。 學紀聞》云:《虞傳》有《九共》篇 曰:「予辨下土,使民平平,使民無傲。」 成注今不傳 [又案曰]伏生勝《尚書大傳》三卷,鄭 此篇名爲《棄稷》,又合此篇于《皋陶謨》,謂其別 矢厥謨,禹成 謨亦作謩。 2,散見 ○《益稷》疏 厥功,帝舜申之,作《大 他 書。 日 「馬、鄭、王所 宋王應麟 ,引《書》 溪 困 康 有

「事可」に,東」。 ヨ,直」。棄稷》之篇,皆由不見古文,妄爲説耳。」

服」。 忠,謨合《皋陶》之謂嘉。」若如晚晉本 真耳,皆非也。揚子《法言・孝至篇》: 《詩·齊譜》疏,又引《皋陶謨》「弼成 冕旒,今其制正在《益稷》内,可見不可 其别有《棄稷》之篇」者,蔡邕《獨斷》云 爲一篇,别有《棄稷》之篇爲妄説。 漢明帝「詔有司采《尚書・皋陶》篇」制 名爲《棄稷》,又合此篇于《皋陶謨》,謂 〔又案曰〕《益稷》疏云「鄭、馬、王以 稷契》無一 或問忠言嘉謨。 申,重也」者,詳《皋陶謨》本篇 傳曰〕矢,陳也。 案曰〕傳云「矢,陳也」者,《釋詁》文。 且孔穎達于《書》疏,以馬、鄭、王合 《真孔僞,因孔完鄭缺,有意扶 一人之作,自相矛盾。 一遺言,子雲何以遽立此論 申,重也。 曰:言合《稷契》之謂 蓋穎 及作 爲斥 達 此 明 Ŧī.

禹别九州,隨山濬川,任土作貢。〔《釋文》曰〕爲《益稷》者,乃晉人所分也。者,至晉而亡。今之割《皋陶謨》下半以只因揚所見真《棄稷》篇中多稷契之言

貢賦之法,其來久矣。治水之後,更復 「如三」分其圻界,刊其木,深其流, 「如三」分其圻界,刊其木,深其流, 「如三」任土,謂定其肥磽之所生。《尚書》 王,于況反。曆,思俊反。任,而鳩反。貢,字或作贛。 禹别九州 隨山濬川 任土作貢。《《考文》曰

使分之爲九耳。其賦則與九賦全異,彼 等,謂之賦。貢者,從下獻上之稱。以 等,謂之賦。貢者,從下獻上之稱。以 等,謂之賦。貢者,從下獻上之稱。以 所出之穀,市其土地所生以獻,謂之貢。 此之,其來久矣。治水之後,更復 此之所貢,即與《周禮》「九貢」不殊,但 此之所貢,即與《周禮》「九貢」不殊,但 所出之穀,市其土地所生以獻,謂之貢。 以 於,更復

^{) 「}王,于況反」,乃釋孔傳「禹之王以是功」之「王」,當

賦謂口率出錢也。

邦國 物,魚、鹽、橘、柚。」正義云:「此貢,諸侯 鐵、石磬、丹漆。 肥磅,但土 次國三之一,小 之游,斿貢燕好,珠璣、琅玕。 玉、龜、貝。服貢,絺、紵。 材貢,櫄、榦、栝、柏、篠簜。 牲、包茅之屬。嬪貢,絲枲。 貢,八斿貢,九物貢。」鄭玄注:「祀貢,犧 故于此又爲此解也。 者,經「厥田上上」等,鄭謂 三器貢,四幣貢,五材貢,六貨貢,七服 以九貢致邦國之用。 案日」鄭 也。 所 歲之常貢。 諸 出美物、《禹貢》云『厥篚厥貢』之 侯國内所得民税,大國貢半, 云「任 一自是有肥 《小行人》云令春入貢 幣貢、玉、馬、皮、帛。 四之一。 磽,貢自是有厚薄, 謂 《天官·太宰》: 一祀貢,二嬪貢, 定 其肥 地 所貢者市取 游 讀 如 囿 形 貨 貢,金、 器 貢,銀、 高 磽」云云 物貢 下,非 游

鄭亦 言。 其天子所食者,皆謂諸侯市取美物以 子、諸男之地四分之,天子食其一分。 諸侯方四百里,三分之,天子食其一分。 天子,即《太宰》九貢是也。 其公之税有 輕,字之也。」正義云:「言天子封公以五 乃貢其餘。大國貢重,正之也,小國貢 者半、參之一、四之一者,邦國地貢輕 百里之地,其一國之税,天子食其半。 之等,必足其國禮俗、喪紀、祭祀之用, 方百里,其食者四之一。」鄭玄注:「其食 地方二百里,其食者四之一。諸男之地 之地方三百里,其食者參之一。諸子之 侯之地方四百里,其食者參之一。 諸伯 云:「諸公之地方五百里,其食者半。 類是也。」鄭 伯方三百里,其食者與諸侯同。 但虞 約 略言之耳。《地官・大司 周制 注 所貢之物,皆據《禹 度,或因或革,未必 盡 貢》而 ,徒》 同,

出泉」。 邦都五 衆以 皆末作,當增賦。 占會百 邦甸二百里,家 賦,八曰山 邦縣之賦,六日 賦,三曰邦甸之賦,四 貢、九賦、九功各别。 斂財賄。 所貢者多是也。 傳》子産曰「列尊貢重」,謂公侯 自 九貢致邦國之財用,以九賦令田野之財 所有。」鄭玄注:「國之地物所有。」《 半,侯、伯 入充 •職方氏》:「凡邦國制 此 物。 百里,此平 賦 或 邦中在 即爲地 有三之二,子、男有 家 一日邦中之賦,二日 澤之賦 禮 幣餘,謂 俗、喪紀之用 削 城郭者, 邦都之賦,七日 《太宰》又云: 税,鄭玄則 正義以爲《太府》云九 民 三百里,邦縣 ,九日幣餘之賦。」 也。 占 又《司會》云:「以 日家削之賦,五 賣 四郊去 關 國 其貢 市、 中 以 也 四之三, 又《 國百 「以 爲「口 之斥幣, 地廣, 四 山澤,謂 四 關 百 郊 九 市 率 之 賦 左 夏 鄭 之 故

> 而 服物。 皆指 泉,非 又各不同。 服,六歲壹見,其貢貨物。」彼謂「因朝而 壹見,其貢器物。 用 貢」,與《太宰》九貢爲每歲常貢之法者, 甸服,二歲壹見,其貢嬪物。 大行人》云:「侯服,歲壹見,其貢祀物。 無幣、斿物,明非常貢也。 以 地税,故 九 地 衛服,五歲壹見,其貢材物。 税 功令民 也 故有祀、嬪、器、服、材、貨, 與 職之財用。」故以 今《禹 九賦全别。 采服,四歲壹見,其貢] 貢》所 若《秋 云 男服,三歲 「厥 賦 賦 爲 口

日〕扈音户。 啓與有扈戰于甘之野,作《甘誓》。〔《釋文》

有扈南 《釋文》。 ○《史記·夏本紀》集解。 馬曰」 傳日〕夏啓嗣 案曰〕馬云云者 ○《尚書》疏。 有 郊 這,姒 地 禹 位 姓之國 ,説見本篇。 軍旅 ○林之奇《尚書全解》十二卷。 ,伐有扈之罪。 ○《水經》十九卷《渭水》注 爲 誓, 無 會同 道 者。

之歌》。〔《釋文》曰〕汭,如鋭反,本又作內。音同。太康失邦,昆弟五人,須于洛汭,作《五子

位本、 「鄭曰〕避亂于洛冰之北,怨其不反, 與其母待太康,啓子也。盤于遊田,不恤 「傳曰〕太康,啓子也。盤于遊田,不恤 「傳曰〕太康,啓子也。盤于遊田,不恤 「與其母待太康,啓子也。盤于遊田,不恤 「與三」強亂于洛汭。《堯典》疏。○章如愚《山 故作歌。

謬,詳《後辨》。 也。馬云「須,止」、《釋詁》文。傳説之〔案曰〕鄭云云者,嫌似空須,故言避亂

征》。〔《釋文》曰〕湎,徐音緬,面善反。

唐虞至三代,世職不絶。承太康之後,日〕羲氏、和氏,世掌天地四時之官,自又《續集》四卷。○《玉海》三十七卷《藝文門》。〔傳本紀》裴駰集解。○《山堂羣書考索・前集》三卷。○〔鄭曰〕胤,臣名。《堯典》疏。○《史記》三卷《夏

胤國之君受王命,往征之。 沈湎于酒,過差非度,廢天時,亂甲乙,

堯子。 衣者? 證古本有胤國。但胤訓嗣 皆云「丹朱」。《顧命》「胤之舞衣」,鄭亦 手,故僞撰其文云:「胤侯命掌六師。」 侯,是也。僞孔解 親見其書,故知是臣名。《古今人表》于 篇本有《胤征》,鄭注《禹貢》引其文。 云「人名」。《胤征》之胤,安知非即造 自實其説。其《堯典》「胤子朱」,鄭、馬 夏中康時,列胤第四格,單名胤,不稱胤 人名, 偽孔皆非也。 〔案曰〕鄭云「胤,臣名」者,真古文增多 《顧命》胤與兑、和、垂 而僞孔竟一槩俱改作國 爲 國名,傳與經出 胤子,自是 並稱,自是 以 舞

商書

自契至于成湯,八遷。〔《釋文》曰〕契,息列 以爲 集解。 疏。○吴澄《書纂言》三卷。○《史記》三卷《殷本紀 立。 立。 立。 天子也。《殷本紀》云: 契生昭明,「卒, 謂契也,勤殖功業十四世,至湯而興,爲 子報丙立。卒,子主壬立。卒,子主癸 子相土立。卒,子昌若立。卒,子曹圉 語》曰:「玄王勤商,十四世 傳曰〕十四世凡八徙國都。 鄭曰〕契本封商,國在太華之陽。《尚書]國都者、《商頌》云:「帝立子生商。」 國 卒,子天乙立,是爲成湯。」十四世 卒,子報丁立。卒,子報乙立。 卒,子冥立。卒,子振立。卒,子微 〔王曰〕契孫相土,居商丘,故湯因 號。《毛詩》二十之三卷《商頌譜》疏。 而興。」玄王 〔疏曰〕《周 反。

> 聞也。 亳,事見經傳者,有此四遷,其餘未石。」《左傳》稱「相土居商丘」,及今湯居是契居商也。《世本》云:「昭明居砥

意湯 庚 自 湯 地是華山南也。 則鄭、馬、王、孔並同此説。 商丘,今縣屬河南歸德 取契孫相土所居之商丘 之事,今已殘闕矣。 教之功,乃賜姓而封之。] 是也。 吞鳦卵生契,堯末年舜舉爲司徒,有 云:「商者,契所封之地。 〔案曰〕鄭云「契本封商」者,《商頌譜 「國在太華之陽」者,商今陝西商州, 五 必 此至湯,都遂不改。 邦」,鄭、馬、王皆以爲自湯以下五 不舍商而 取契所封爲國 取商丘。 鄭此注下必具説八遷 號,而王肅乃云「湯 據《商頌》疏,謂 府,與 湯從商 但相 爲 有娀氏女簡 國 知然者 號 土 商 丘 居 州 」,非也。 一遷亳, 商丘, 無 又云 鄭

案曰〕鄭云「亳,今河南偃

師」云云者,

遷: 必無七遷耶? 但年代悠遠,不可考耳,安知契至相土 湯從商 商丘 丘遷亳明矣。 也、亳也、囂也、相也、耿也。 恐非也。 下節疏 乃强駁之, 則

扶各反。 湯始居亳,從先王居。〔《釋文》曰〕亳,旁各反,徐

亳耳,必不從商丘遷也。 遂不改,豈契至相土三世而七遷 孫也,自契至湯凡八遷,若相土至湯都 耳。此言不必然也,何則? 亳,湯自商丘遷焉,故曰從先王居。 三卷《商頌・玄鳥》疏。 《尚書》疏。 相土至湯必更遷 商丘,其文見《左傳》,因之言自商丘 理志》:「河南 曰〕孔言「湯自商丘遷焉」,以相土之居 鄭日〕亳,今河南 ○吴澄《書纂言》三卷。 郡 偃 都,但不知湯從何 偃師 師尸 [傳日] 契父帝 鄉,殷湯所都。 縣 有湯亭。 〇《毛詩》二十之 相土,契之 . 地遷 譽都 <u></u> 徙 地 ?

《志》文,或鄭據當代之書與班合也 説詳《盤庚》。 又引《地理志》云云者,班

力之反。沃,徐烏酷反。 作《帝告》、《釐沃》。〔《釋文》曰〕告,工毒反。 釐,

未盡遺忘者。 傳有《帝告》篇,引《書》曰:「施章乃服 生于正記二十八篇外,又有殘章剩句, 之説非也。 上下。」豈伏生亦見古文逸篇耶? 〔傳曰〕告來居,治沃土。 二篇亡。 [案曰]王應麟《紀聞》云:《尚書大傳》殷 壁中逸書無《帝告》。 蓋伏 王氏

湯征諸 征 侯,葛伯不祀,湯始征之,作《湯

皆不祀,湯始伐之。伐始于葛,作《湯 征》述始征之義也。亡。 伯,爵也。 〔傳曰〕湯爲夏方伯,得專征伐。 廢其土地 山川及宗廟神祇,

〔案曰〕《史記・殷本紀》載《湯征》文

乃進。 遷受諸安國而載之者。《孟子》引葛伯 哉 ! 知治 事,今僞本入《仲虺》者,亦當在此篇 無《湯征》,此乃殘章零句不能成篇,馬 罰殛之,無有攸赦。」」壁中增多之《書》 云: 不。」伊尹 湯 勉哉!』湯曰:『女不能敬命,予大 君國子民,爲善者皆在王官。 日 二。『予有言,人視水見形 日:『明哉 言能 聽 民

典》疏 湯既勝夏,欲遷其社,不可,作《夏社》、《堯 鳩》、《汝方》五亡篇,舊解是《夏書》,馬、鄭以爲《商書》。 [《釋文》曰]復,扶又反。《帝告》、《釐沃》、《湯征》、《汝 北門,乃遇汝鳩、汝方,作《汝鳩》、《汝方》。 伊尹去亳適夏,既醜有夏,復歸 ,于百篇第二十六。鄭以爲在《臣扈》後,第二十九。 之賢臣。不期 政,不能用賢,故退還。鳩、方,二人,湯 曰〕伊氏,尹字,云字氏,倒文以曉人也。 傳曰〕伊尹,字氏,湯進于桀。 日 : 百篇次第,孔、鄭不同。 而會曰遇。 孔以 二篇亡。 《湯誓》在《夏社 于亳,人自 醜惡其 疏

代之。 應人 伯》疏。 傳》云:「共工氏有子曰勾龍,爲后土,后 代柱」乃明。 之。』《祭法》云:「厲山氏之有天下也,其 已上祀之。 土爲社。烈山氏之子曰柱,爲稷,自 言不可遷之義。〔案曰〕「以稷代」三字,今本脱 改正易服,變置社稷,以稷代。 之時,大旱致災。 命創制, 從《藝文類聚》所引增,然尚有脱誤。 莫及勾龍者,故不可 故止。《尚書》疏。○《周禮》十八卷《春官・大宗 薦,而猶旱至七年,故湯遷社 然而旱暵 (,逆取順守而有慙德,故革命創制 [傳曰]湯承堯、舜禪代之後,順天 欲遷勾龍,以 因變社稷也。 水溢 性既 [疏日]傳解 周棄 則 成,粢盛既潔,祭祀 亦爲 變置 既致其 無可 而止。 稷,自 湯遷社之意。 社稷。 昭二十九年《左 繼之者,于是 禮祀,明 據文當云「以棄 作《夏社》, 一商已 當湯 而 而後 以 以 來 德 周 伐 時, 世 夏 棄

者。 説勾龍、柱、棄,惟祭人神,《孝經》説 爲勾龍也 爲土神,稷爲穀神,勾龍、柱、棄是配食 不可遷而止。」漢儒説 上世治水土之臣,其功莫及 改之。周棄功多于柱,即廢 當爲衰字之誤耳。湯 是言變置之事也。 其子曰后 正 同,而云:「夏之興 故祀以 農, 孔云勾龍同賈逵、馬融等説,以社 能 土 爲稷。 殖 ,能平九州 百 共 《魯語》文與《祭法 社 Ι. (也,周 夏之衰 初時,社、稷俱欲 稷 氏之霸 故祀以爲社。」 有二:《左傳》 棄繼之。」興 柱 勾 也 祀 龍者,故 九州也 周 棄。 棄 社 而

必滅夏。商涸旱,湯猶發師,以信伊尹爲無道,湯憂天下之不寧,與伊尹盟,示者、《吕氏春秋》卷十五《慎大覽》云:「桀文也。又云「湯伐桀之時,大旱致災」(案曰〕鄭云「犧牲既成」云云者,《孟子》

以柏。 社壝 故 則 則 所樹之木,而不易其神,未有 社然也。其所建社 其上,棧其下,使無所通。 《夏社》, 之盟 者革命,必别建太社,而亡國之社則 欲遷勾龍,德莫能繼,故作《夏社》,説不 以薦而 稷祠。]彼應劭注曰:「連大旱七年,明 云:「喪國之社屋之,不受天陽也。」蓋王 可遷之義。」應説與鄭合也。《郊特牲》 祀志》云:「湯伐 鄭 以 此 有 革 事 代 以爲社者。 引《孟子》以爲大旱,而欲變置,稷 此《序》所云遷社,則非此之謂 是大 命 固與革命無涉。 而遷,社則無代, 旱不止,故遷社,以棄代爲 迺 要烈山子柱,而以周棄代爲 而 (早正 遷,稷則遷之,社則不可遷 故曰 一伐 桀,欲 要夏 桀時 ·, 必 夏后 别立壇墠,易其 僞孔必欲立異, 也。 故不 氏 周于殷之 社 \Rightarrow 以松,殷 可遷。 仍亡國之 , 不 可, 漢 書 亳 掩 郊

乎 ? 而 書》,次第較順,然順者正係僞本 止 湯誓》是伐桀誓衆之詞, 必不然也。 然則 殷之亳社 又《夏社》 ·, 其 即 是既勝一 仍 夏 似 之 也 晚 夏 故 後 晉 社

《疑至》、《臣扈》。

曰〕三篇亡。 自專,復用二臣自明也。《尚書》疏。 〔傳〔馬曰〕疑至、臣扈,二臣名。 聖人不可

奭》,故知疑至亦臣名也。 〔案曰〕馬云云者,臣扈是賢臣,見《君

伊 陑音而。 尹相 河 意 東 曰]桀都 陑 ○〔案曰〕陑字《説文》所無,未詳 湯伐桀,升自陑,〔《釋文》曰〕 郡 在 安 河 邑 曲之南。 安邑,湯 縣 史記》 升道從 **「**疏 日」安 吴 陑 起 相 對 邑 出 息亮反。 魏 即 其 文 不 漢

侯 :

「夏桀之居,左河濟,右太

華,伊

闕

在

關

縣

有羊腸坂,在安邑之北是矣。

桀都

其

南

羊腸

在

|其北。|《地理志》上黨郡

壶

迂路, 升者,從 西, 桀西出拒湯, 故戰于 向北,渡 蓋今潼關 在 亳 西 出 下 河乃東 其不意故 當 左右。 向 上。 從 東 河曲 向 而 陑是 也 安邑。 往 在安 今 乃 山 鳴條之野。 陑 鳴 在 阜之地 邑 升 西 河 條在 曲 道 南 ",從陑 之南, ·, 歷 從 安 陑 邑 險

遂與桀戰于鳴條之野,

見有鳴 曰 : 桀同 陶,于義 又曰 「《伊訓》曰:『造攻自鳴條,朕哉 丘縣,今有 記》二卷《夏本紀》集解。 云舜卒于鳴條 西,桀逆拒 鄭曰〕鳴 『王歸自克夏,至于亳。』三朡在 以 『夏師 乙卯 條陌、 不 條,南 . 得 湯。 鳴條亭是也。 日亡。 敗績, 在陳留與 昆吾亭, ,東夷之地。 **「**疏 夷 地 韋 何傳 乃伐三朡。』《湯 日」鄭 名。 顧 左氏 東 日 亦 夷 《尚書》疏。 云云、《孟子》 以爲 爾 皇甫謐云: 地在安邑之 也。 或云陳留平 昆 《自亳。』 故《詩 今安邑 吾 ○《史 誥 與

乎?」謐言是也。 指安邑,安邑于此而言,何得在南夷日亡,而安邑有其亭也。且吴起言險以日亡,而安邑有其亭也。且吴起言險以亡。明昆吾亦來安邑,欲以衛桀,故同在衛,乃在濮陽,不得與桀異處同日而曰:『韋顧既伐,昆吾夏桀。』于左氏昆吾曰:『韋顧既伐,昆吾夏桀。』于左氏昆吾

在今江 其屬五百人南徙千里。」以下又再徙,方 九《殷祝解》云:「湯將放桀于中野,桀與 文「伐三朡」,三朡在今山東定陶南, 條,困夏南巢,以其過,放之歷山。」觀 巢。」又卷十九《修務訓》云:「湯整兵 南,故鄭以 桀鳴條,擒之焦門。」高誘注:「焦或 走。」《淮南子》卷九《主術訓》云:「湯 登自鳴條,乃入巢 春秋》卷八《仲秋紀•簡選》篇云: 〔案曰〕鄭云「鳴條,南夷地名」者,《吕 南巢縣,然則桀出亡地皆在 鳴條爲南夷。 門,遂有夏。 且《逸周 「殷湯 東 鳴 巢 氏 下 作 困 奔

云鳴條在安邑,疏附會駁鄭,非也。者,古人言南可言東,正與鄭合。傳乃地。《孟子》言舜卒于鳴條,以爲東夷舜征三苗而崩,葬于蒼梧之野,是南夷至南巢。可見桀之出亡皆向南行。又

作《湯誓》。

位、「馬田」俗儒以湯爲謚,或爲號。號者似為疑焉。《堯典》疏。○《釋文》。《帝系》為名子乙」。推此以為,,其意,言謚近之,然不在《謚法》,故無罪其意,言謚近之,然不在《謚法》,故無非其意,言謚近之,然不在《謚法》,故無以疑焉。《堯典》疏。○《釋文》。

辨》。〔案曰〕馬云云者,詳《堯典序》及《後

夏師敗績,湯遂從之,遂伐三朡。〔《釋文》曰〕

索・續集》四卷《經籍門》。○王應麟《玉海》三十七卷「征是三股。」《尚書》疏。○章如愚《山堂羣書考〔鄭曰〕《伊訓》云:「載孚在亳。」又曰:

迫,遂奔南巢。○又《漢藝文志考證》一卷。〔傳曰〕大山,出太行,東南涉河。湯緩追之,不姓走保之,今定陶也。桀自安邑東入ഗ,以續。從謂遂討之。三朡,國名,以曰、遂奔南巢。○又《漢藝文志考證》一卷。〔傳曰〕大

通也。
「載孚」者,疑即下文「俘寶玉」,古字《伊訓》,東晉晚出古文《伊訓》無之也。〔案曰〕鄭引《伊訓》云云者,鄭所引乃真

俘音孚。誼,本或作義。俘厥寶玉,誼伯、仲伯作《典寶》。〔《釋文》曰〕

之災,故取而寶之。篇亡。〔傳曰〕俘,取也。玉以禮神,使無水旱

紀》作《中鸓》,司馬貞注「體音壘。蓋虺有二音」。」子》作《中巋之言》、《左傳》作《仲虺之志》、《史記‧殷本反。誥,故報反。○〔案曰〕閻若璩曰:「《仲虺之誥》、《荀夏,亥雅反。坰,故螢反,徐欽螢反,又古螢反。虺,許鬼湯歸自夏,至于大坰,仲虺作誥。〔《釋文》曰〕

傳曰〕歸,自三朡而還。大坰,地名。

坰,是定陶向亳之路。 仲虺爲湯左相,奚仲之後。〔疏曰〕大

或有因于古也。二十五年,慶封爲齊左相。雖亂人,亦年,薛宰自述其皇祖曾居是官。下至襄〔案曰〕傳云「仲虺爲湯左相」者,定元

湯既黜夏命,復歸于亳,作《湯誥》。或有因于古也

[傳日]黜,退也。

見《後辨》。 孔壁真古文。今《湯誥》,後人假託,説〔案曰〕《史記・殷本紀》别載《湯誥》,乃

上口。德》次《太甲》後,第四十。鄭以爲在《湯誥》後,第三伊尹作《咸有一德》。〔《堯典》疏曰〕孔以《咸有一

三卷《殷本紀》裴駰集解。〔傳曰〕君臣皆有純證》一卷。〔王曰〕言君臣皆有一德。《史記》應麟《玉海》三十七卷《藝文門》。○又《漢藝文志考慮麟《山堂羣書考索・續集》四卷《經籍門》。○王〔鄭曰〕伊陟、臣扈曰。下闕。○《堯典》疏。○

一之德,以戒太甲。

闕不可知也。引「伊陟、臣扈曰」者,下訓太甲,非也。引「伊陟、臣扈曰」者,下鄭本篇次同,自是成湯時作。晉人以爲錄《書序》,《咸有一德》次《湯誥》後,與〔案曰〕鄭以此篇次《湯誥》後者,《史記》

咎單作《明居》。〔案曰〕單音善。卷末同。

民之法也。《尚書》疏。〇《史記·殷本紀》集解。 〔馬曰〕咎單爲湯司空也。《明居》,明居 『何》明》

民是也。 (案日)馬云云者,《王制》云司空度地居

〔傳曰〕一篇亡。

命》、《徂后》。 成湯既没,太甲元年,伊尹作《伊訓》、《肆

太丁未立而卒,及湯没而太甲立,稱元裴駰集解。〔傳曰〕太甲,太丁子,湯孫也。《祖后》者,言湯之法度也。《史記‧殷本紀》〔鄭曰〕《肆命》者,陳政教所當爲也。

者皆當 《殷本紀》云:「湯崩,太丁未立而卒,乃 此《序》及《太甲》篇,太甲必繼湯後,而 以此知湯崩之年,太甲即稱元年也。 明此經十二月是湯崩之踰月。《太甲 궁 以孫 年。 中》篇「三祀十有二月」,是服闋之踰月, 亳。」二者皆云十二月,若踰年即位,1 祀十有二月朔,伊尹以冕服奉嗣 嗣 踰年即位,知 繼湯没之下,明是太丁未立而 丁子」、《世本》文。此《序》以 立太丁弟外丙。 三年崩,别立外丙弟仲 王祇見厥祖。」《太甲中》篇云:「惟三 一元祀 繼祖 四年崩,乃立太丁子太甲。」彼必妄 凡三篇,其二亡。〔疏 劉歆、班固不見古文,謬從《史記》。 正 即即 月行事,何以 1十有二月,伊尹 此即 以 其年爲 以 其年 元 用十二月也? 祠 稱元年 年 日〕「太甲、太 也。 于先 太甲元 卒,太 -者,經 王,奉 周法,

馬遷之語,是其疎也 謐 既 得此經,作《帝王世紀》,乃述

祖,二説皆非也,説詳《後辨》。 注義也。 (案日)鄭以肆爲陳者、(秋官・ 傳疏崩年改元,及太甲以 鄉士職 孫繼

太甲既立,不明,伊尹放諸桐。

不知朝政,故曰 殷本紀》裴駰集解。 鄭曰〕桐,地名也,有王離宫焉。《史記 放。 (傳 曰〕桐,湯葬 地

戊立。」

傳説 非· 言殷湯無葬處,蓋無文可考,莫得 案日〕鄭以 也。 桐爲離宫、非葬地者、劉向 而 知。

三篇。 三年復 歸于亳, 思 庸。 伊 尹 作 太 甲

〔傳曰〕思庸,念常道

沃丁既葬伊尹于亳,咎單遂訓 沃丁》。〔《釋文》曰〕沃,烏毒反,徐於毒反。 伊尹 事 作,

傳曰〕沃丁,太甲子。 伊尹既致仕老

> 謐云:「沃丁八年伊尹卒,年百餘歲。」 終,以三公禮葬。 之事,作此 篇 以 戒也。 咎單訓暢其所行 Ļ / 疏 日〕皇甫 功 德

伊陟相太戊, 小甲立。 陟,伊尹子。太戊,沃丁弟之子。 曰〗《本紀》:「沃丁崩,弟太庚立。崩,子 馬曰〕太戊,太甲子。《釋文》。[傳曰]伊 崩,弟雍己立。崩,弟

「疏

太

《世表》則以太戊爲沃丁之弟,是亦太甲 疏獨不言《世本》文,則可知《世本》必云 乙,河亶甲子。」疏云:「皆《世本》文。」此 子也。馬云云,是據《世表》。僞孔云 同。《本紀》太戊爲沃丁弟,太庚之子。 述商世系、《殷本紀》與《三代世表》不 「仲丁、太戊子。 〔案曰〕馬云「太戊,太甲子」者,《史記》 「沃丁弟之子」,是據《本紀》。 下傳云: 河亶甲,仲丁弟。

本》、《本紀》偶誤耳。僞孔非也。太戊,太甲子。《世表》、馬注皆據《世

穀,工木反。朝,直遥反。亳有祥,桑穀共生于朝。〔《釋文》曰〕桑,蘇藏反。

乎?』太戊懼,修政三年,遠方重譯而至 七十六國。」 于伊陟,伊陟曰:『臣聞妖不勝德,帝之 是貌不恭之罰也。皇甫謐 恭,則不能敬。木色青,故有青眚之祥。 肅。 曰:『桑穀野木,不合生于朝,意者朝亡 志》夏侯始昌、劉向筭法云: 人君體貌不 手也。《五行傳》曰:「貌之不恭,是謂不 伏生《書傳》文。生七日而見其大滿 集解。 大拱,不恭之罰。〔疏曰〕「七日大拱」, 篇》。〔傳曰〕祥,妖怪。二木合生,七日 鄭曰〕兩手搤之曰拱。《史記・殷本紀》裴駰 事有闕,白帝修德。」太戊退而占之, 時則有青眚之祥。」《漢書・五行 ○《册府元龜》一百四十三卷《帝王部 云:「太戊問 兩

> [案日]鄭云「兩手搤之曰拱」者,《論語》「衆星共」,《釋文》「鄭作拱」,拱手也。 是共與拱通。僖三十二年《傳》「爾墓之 六《季夏紀·制樂》篇載此事,高誘注亦 云「滿兩手曰拱」是也。桑穀之祥,太戊 時事,而《吕覽》及《韓詩外傳》三卷以爲 湯時事。若伏生《大傳》見《困學紀聞》。及 《漢·五行志》引劉向説,又《説苑》一卷 《君道》篇,則又皆以爲高宗武丁時事, 《君道》篇,則又皆以爲高宗武丁時事, 皆非也。

伊陟贊于巫咸,

「巫官」。案《君奭》咸子賢,父子並大也。《釋文》。○《資治通鑑》八十九卷《晉愍帝紀》胡也。《釋文》。○《資治通鑑》八十九卷《晉愍帝紀》胡也。《釋文》。○《資治通鑑》八十九卷《晉愍帝紀》胡也。《釋文》。○《與學紀聞》九卷。〔馬曰〕巫咸,巫也,名咸,殷之巫〔鄭曰〕巫咸,巫官。《尚書》疏。○《困學紀聞》

筮。」則巫咸之爲人可知也。 氏春秋》卷十七《勿躬覽》云: 女通稱。 也」者、《春官》有男巫、女巫、則巫 官》有巫官,必因于古也。 臣,必不世作巫官。 案日〕鄭云「巫 巫。」嫌巫咸是女巫,故辨之也。 又《楚語》云:「在男曰 一咸 ,巫官」者,《周 孔云 巫 馬云「男巫 ,氏」是 「巫咸作 覡,在女 禮 是 ≈ 吕 世 男 春

作《咸乂》四篇

裴駰集解。 〔馬曰〕艾,治也。《釋文》。○《史記 [傳日]四篇皆亡。 • 殷 本紀

有成,作《咸乂》。」是也。 〔案曰〕馬云「艾,治也」者,《君奭》云: 在太戊,時則有伊陟、臣扈,格于上帝, 咸乂王家。」《史記》云:「巫咸治王家

太戊贊于伊陟,作《伊陟》、《原命》。 (馬日)原 修也。《史記 臣 臣 名也。 ·殷本紀》裴駰集 命原以禹、 解。 之道 傳

案曰〕馬云云者,真古文有《原命

親見,故知 也

馬

仲 水」。 也。 囂,去亳也。 縣。」皇甫謐云:「仲丁自亳徙囂,在 戊子,太戊時仍云亳有祥,知仲丁遷于 及下傳言仲丁太戊子,河亶 作《仲丁》,陳遷都之義。亡。 丁遷于囂,作《仲丁》。 具。」司馬貞云:「太史公知舊有《中丁》, 祖乙河亶甲子,皆《世本》文。 案曰3《殷本紀》云:「《中丁》書闕不 傳曰〕仲丁,太戊子。 遺闕 或曰今河南敖倉,二説未知孰是。」 爲敖,疑當得之,説 李顒 也。」疏引或説是《括地志》文, 、皇甫 李顒云:「囂 謐 似皆誤 [《釋文》曰]囂,五羔反。 去亳。 詳《禹貢》「沸 也 在 甲仲 陳 仲丁是太 **「**疏 囂,地 留 [日]此 1 河北 浚儀

反。相,息亮反。今魏郡有相縣。

北。亡。〔傳曰〕河亶甲,仲丁弟。相,地名,在河

徐扶鄙反。祖乙圮于耿,作《祖乙》。〔《釋文》曰〕圮,備美反。

此解。 疏。 作書,此若毁而不遷、《序》當改文見義, 《仲丁》、《亶甲》,下有《盤庚》,皆爲遷事 圮,毀也。《釋文》。 篇者,善其國圮毀,改政而 毁,于是修 不應文類遷居。 相,遷于耿」者,明與上文文相類,故爲 圮于相,遷 注四卷。 日]知非圮 鄭曰〕祖乙又去相居耿, 邢。」馬遷所爲説耳。 ○劉恕《通鑑外紀》二卷。羅苹《路史• 鄭玄云云、稍爲文便。 ○王應麟《困學紀聞》十一卷。 于耿。 德 于耿,更遷餘處,必云「圮于 以 禦之,不復 《殷本紀》云:「祖乙遷 [傳日]祖乙, 亶甲子。 河水所毁 汲冢古文云 「盤 徒 而 不徙。《尚書 曰 國爲 也 圮。 但上有 〔馬 國名紀 水所 録 日」 疏 此

邦,此不經之書,未可依也。奄,盤庚自奄遷殷,毫、囂、相、耿與奄五庚自奄遷于殷」,蓋祖乙圮于耿,遷于

詁》文。 也。 以 尤非也。 湯之商丘 冢又添出 〔案曰〕鄭云「祖乙又去相遷耿」云云者 盤庚》云:「不常厥邑,于今五邦。」鄭以 爲圮 或云遷邢,邢即 于相,遷于耿,曲 遷奄一層,如此則有六邦矣, 與亳配囂、相、耿 鄭、 馬皆以 耿,非 **圮爲毁** 説而文不便,非 爲五 有二也。 者, 也

步干反。治,直吏反。盤庚五遷,將治亳殷。〔《釋文》曰〕盤本又作般,

譜》疏。 號曰 與《尚書纂傳》十四卷上。○《毛詩》二十之三卷《商頌 五十八卷《帝王部・致治篇》。○羅苹《路史・國名 鄭曰〕治于亳之殷地,商家自徙此 四 殷亳,今偃師是也。 ○《史記·殷本紀》裴駰集解。 傳曰〕自湯至盤庚,凡 《尚 書》疏。 ○《册府元龜》 〇王 Ŧī. 而改 天

身五 遷,盤 歌 盤 耳。 始字。 也。 之《書》,治皆作亂,與始不類,無緣誤 殷』,與古文不同。」《漢書·項羽傳》 亳之别名」,則亳、殷即 有 先得其本,亳字摩滅,容或爲宅。 河北,與亳異也。 殷在河南,孔子壁中《書》云『將始 十里。」東晳云:「將治亳殷 古文云"「盤庚自奄遷于殷 庚也。 ,則盤 從河 |水南殷墟上」,今安陽西有殷,殷 盤 若洹 一遷,故 此《序》云「將治亳殷」,下傳云「殷, 庚 庚 知束晳不見壁内之《書》,妄爲説 南 庚 最 治 水南有 盤 亳 以以 辨之云「湯至 在 亳 庚 後遷 地 後,故《序 殷。 治 遷 殷 于亳殷,紂滅 于河北,蓋 然壁内之《書》,安國 洹 墟 疏 水之南,後 ,或餘王居之, 是一 曰 》總 盤 ,舊説以 自 ,殷在鄴 都也。 之。 庚凡 湯 盤 在 庚 以 傳 五遷」 又 後 壁 汲冢 來 于 爲 南 嫌 内 在 云 宅 屢

> 朝 歌

庚不在其内,説亦見本篇 案日」 鄭 云 云者,説詳 本 五. 遷 盤

民咨胥怨,作《盤庚》三篇。〔《釋文》曰〕胥 徐思

餘反。

(鄭曰) 尚書》疏 民居耿 [傳日]胥 久,奢淫成俗,故 相 也。 民 不欲 不樂 说, 乃

咨嗟憂愁,相與怨上。 云云者,説見本篇

案曰〕鄭

作《説命》三篇。〔《釋文》曰〕説,本又作兑,音悦 之傅巖。」」巖,穴也。 从人在穴上。《商書》曰:「高宗夢得説,使百工敻求,得 ○〔案曰〕《説文》卷四上旻部夐字注云:「營求也。从旻, 高宗夢得説,使百工營求諸野,得諸 鄭曰〕得諸 傅巖,高宗 今作營求,晉人以訓詁代經文也 因 以 傅 傅巖 説

名 説

",使以

所夢形象求于外野,得之傅

武

高

可

尊,故號

高宗。

得賢

相

氏。

《尚書》疏。

[馬日]高宗始命爲傅氏。

《尚書》疏。

傳曰〕高宗,盤

庚弟

小乙子,名

甫謐云:「使百工寫其形象。」立。崩,弟小乙立。崩,子武丁立。」皇巌。〔疏曰〕《世本》:「盤庚崩,弟小辛

已姓 傳云「使以形象求之」者、《荀子》卷三 倞注:「植,立也。 爲傅巖。 此古義也。《新唐・宰相世系表》云: 于傅險中。 説爲氏」者,馬與鄭同。《殷本紀》云: 險姓之,號曰傅説。」疏引皇甫謐 丁與語,果聖人,舉以 商時、虞號之界有傅氏、居于巖傍、 非相篇》云:「傅説之狀,身如植鰭。」楊 以其得之傅嚴,謂之傅説。」皆與鄭合, 武丁夢得聖人,名曰説。 案曰〕鄭云「得諸傅巖,高宗因以 傅,武丁又訛盤庚,無稽之言也。 異,故可以形求也。 盤庚得説于此。」此直謂説先 時説爲胥靡,築于傅險。 如魚之立。」然則説形 爲相。 使求之野,得 故遂以傅 亦云: 傅命

雊,工豆反。高宗祭成湯,有飛雉升鼎耳而雊,〔《釋文》曰〕

聰也。 詩》注。 耳,是小人將居公位,敗宗 序》注。○又五十八卷王仲寶《褚淵碑》注。 同,與孔意異。 鄭云云,劉、鄭雖小異,其爲羽蟲之孽則 三足,三公象也,而以耳行。 孽。」 先儒多以此爲羽蟲之孽,非 六卷王元長《曲水詩序》注。○又任彦昇、王文憲《集 仁《西征賦》李善注。 鼎耳而鳴,象視不明,天意若云:當! 五行傳》:「視之不明,時則 曰〕雊鳴,耳不聰之異。 公之謀以 鄭曰〕鼎,三公象也,又用耳行。 ○又四十四卷陳孔璋《檄豫州》注。 《漢書·五行志》劉歆以爲:「鼎 爲政。《尚書》疏。○《文選》十卷潘安 ○又二十四卷潘正叔《贈河 「疏 廟之祀 日》洪範 有羽 野鳥 爲 〇又四十 蟲之 居鼎 也。」 耳不 雉升 傳 陽

鼎·彖》曰:「鼎,象也。」李鼎祚引《九家〔案曰〕鄭云「鼎,三公象也」者、《周易·

是也。 之位。 羽 與劉歆合。 鼎能熟物養人,故云象也。]又九 者,九三「鼎耳革」,虞翻曰「鼎以耳行」 三公承天子」是也。鄭又云「又以耳 折足」、《九家易》曰「鼎者三足 蟲示罰,傳説非 鄭以爲視不明,故有羽蟲之痾, 上則 「卦是鼎鑊烹餁 傳以爲「耳不聰」,則不得以 調 和陰陽,下而 也 之象,亦象三公 撫 一體 育 四「鼎 百

〔《釋文》曰〕己音紀。 肜音融。祖己訓諸王,作《高宗肜日》、《高宗之訓》。

[傳日]祖己,賢臣。

殷始咎周,〔《釋文》曰〕咎,其九反。

卷《文王世子》疏。○衛湜《禮記集説》五十卷。 里。《尚書》疏。 訟,後又三伐皆勝,始畏 ○又十六之一卷《大雅·文王序》疏。 鄭曰〕咎,惡也。 》二十五卷襄三十一年疏。 〇《詩》九之三卷《小雅·采薇》疏 紂 聞 ○章如愚《山堂羣書考 文王 而惡之,拘于羑 斷虞、芮 ○《禮記》二十 ◎左 之

> 市之書争田,入河下戸,目胃日:『百白雅・緜》云:「虞芮質厥成。」傳云:「虞高質厥成。」傳云:「虞高所咎。《釋文》。 「案曰〕鄭云「文王斷虞、芮之訟」者、《大東所。《釋文》。 「馬曰〕咎周者,爲

是也。 雅 傳》伐邘、伐密須、伐犬夷是 紂 羑里」者,鄭訓咎爲惡,故解咎周謂周 國。」彼疏云「《家語》、《書傳》並 文以説也。 **所争爲閒田** 異路,班白 曰:『我等小人,不可履君子之庭。』相 夫,大夫讓 竟,耕者讓畔,行者讓路。人其邑,男 芮之君争田,久而不平, 仁人也,盍往質焉。』乃相與朝周。 所畏惡。 ·皇矣》疏引孫毓《毛詩評》,亦據 又云「三伐皆勝」者,下疏引《書 爲 不提挈。 馬 鄭又云「始畏 而退,天下聞而歸 卿。 融 反謂 二國之君感而 入其朝,士讓 殷「爲周所咎」,文 相謂曰:『西 而惡之,拘 也。 有其事」 者 四 相 爲 讓 謂

義回曲,其説非也。

周人乘黎。〔《釋文》曰〕黎,力兮反。《尚書大傳》作

而釋文王,文王釋而伐黎,明年伐崇。〔鄭曰〕乘,勝也。紂得散宜生等所獻寶

〔傳曰〕乘,勝也。 所以見惡。 〔疏曰〕以《詩·大雅·文王序》疏。○《左傳》襄三十一年疏。

云云,據《書傳》爲説。伏生《書傳》云:其勝黎,所以見惡。釋其見惡之由。鄭

乘黎之前始言惡周,故鄭以伐邘、伐密耆,六年伐崇,七年而崩。」耆即黎也。邘,三年伐密須,四年伐犬夷,五年伐「文王受命,一年斷虞、芮之質,二年伐

須、伐犬夷三伐皆勝,始畏惡之。

護傳,翫此疏,鄭是傳非自見也。《史而言乘黎,與鄭異,其説非是。 疏雖曲咎周之前,《序》爲追述所以咎周之故,事出《大傳》,詳見《顧命》。 傳以乘黎在〔案曰〕鄭云「紂得散宜生獻寶」云云者,

注乖異。 記 崇終言之。 家與鄭並合也。《周頌・維清》箋 故鄭用之。其敘伐崇事爲最 先秦古書,必係孔門七十子相傳舊説, 又明年而崩。其敘事先後之次,多與鄭 祖伊以告。 伐犬戎,明年伐密須,又明年乃敗耆國, 釋,然後斷虞、芮訟,而受命稱王。 囚 「文王受命,七年五伐。」故于此注以伐 • 殷 于羑里, 閎夭之徒 本紀》乃以 鄭據伏生《書大傳》,《書傳》是 又明年伐邘,又明年伐崇, 文王 獻 一先爲 美 女 奇怪 崇侯 在 後,則諸 物,得 所 明年 云

「殺也」。以此戡訓刺,音竹甚反。曰〕受,如字。伯亦作柏。戡音堪。《説文》作「弢」,云曰〕受,如字。伯亦作柏。戡音堪。《説文》作「弢」,云祖伊恐,奔告于受,作《西伯戡黎》。〔《釋文》

[馬曰]受,讀曰紂。或曰受婦人之言,也。史掌書,知其本,故曰受。《尚書》疏。而欲立焉,號曰受德。時人傳聲轉作紂〔鄭曰]紂,帝乙之少子,名辛。帝乙愛

九三八

立,無道。戡亦勝也。後賢臣。受、紂,音相亂。帝乙之子,嗣故號曰受也。《釋文》。〔傳曰〕祖伊,祖己

殷既錯天命,〔《釋文》曰〕錯,七各反。

亂也。 (釋文)。 [傳日]錯,

命。」是也。 唐賈至《微子廟碑》:「高宗既没,殷始錯枉」,包咸云:「廢置邪枉。」是錯爲廢也。〔案曰〕馬云「錯,廢也」者,《論語》「錯

微子作誥父師、少師。〔《釋文》曰〕少,詩照反。

記》稱微仲衍。 弟稱虞叔,祭公之弟稱祭叔也。 以微爲氏,故弟亦稱微,猶春秋虞公之 其弟衍,殷禮也。」是也。 本篇疏云:《史 腯而立衍。」彼注亦云:「微子適子死,立 庶兄者,《禮記•檀弓》云:「微子舍其孫 名衍者爲微子之弟,與微子俱爲紂同 者,鄭據《吕覽》,詳見本篇。 徳。《詩》十六之二卷《大雅・大明》疏。○《禮記》七 卷《檀弓上》疏。 本帝乙之妾,生啓及衍,後立爲后,生受 (鄭曰) [案曰]鄭云「微子啓,紂同母庶兄」云云 微子啓,殷紂 〔傳曰〕告二師,而去紂 衍亦稱微者,微子封微, 同母庶兄。 又以 紂 微 之母 母

周書

津,作《泰誓》三篇。〔案曰〕鄭、馬、王本皆作《大惟十有一年,武王伐殷,一月戊午,師渡孟

己。 《大雅·文王序》疏。 期 示弱。 質成,諸侯並附,以 大道 以卜諸侯伐紂之心。 年,文王卒,武王三年服 是年人戊 天命,以撫方夏。惟九年,大統未集。」 以誓衆。 王受命九年,惟暮春 年卒,至此爲十一年也。《周 則文王以九年卒也。《無逸》稱文王「享 鄭 文傳》。」其時猶在,但未知崩月。 五 而 日二十 誓衆。《尚書》疏。 共伐紂。 十年」,自嗣位至卒,非徒九年 知此十一年者,文王改稱元年,九 十三年正月二十八日,更與諸 〔疏曰〕《武成》云:「文王誕 午 有一年,本文王受命而數之, · 蔀 《泰誓》,渡津乃作 四 〔王曰〕《大誓》,武王 十歲矣。《詩》十六之一卷 爲受命之年。 [傳曰]周自虞、芮 諸侯愈同,乃退 在 鎬,召太子發作 畢 ,觀兵孟 書》云:「文 -,大會 至九 就如 而 以 膺 以 侯

祥 暮 世子》云:「文王九十七而 則武王少文王十四歲也。《禮 年者,《大戴禮》云「文王十五生武 月觀兵也」。知此十一年非 喪,二十五月而畢,故九年文王卒,至此 虞、芮之訟 年者,爲其卒父業故也。 適滿十年,不得以 十三矣。 是十一年伐殷者,止爲觀 予小子發,以爾友邦冢君,觀 三年服畢。 命七年而崩,不得與孔 三而終。」計其終年,文王崩時武 一年者,據文王受命而 春 ,至四月觀兵,故今文《泰誓》亦云「四 即崩,武 八十四即位,至九十三而 爲受命元 此經武 王 服 十三年伐紂。 喪 王追陳前 年,但彼以文王 至十一年 數之。必繼文王 同耳。 《史記》亦以 兵, 終,武王 武 以 記 王 政于商」, 事,云「肆 三月大 即 三年之 王 知此十 巨八 文王 九 王, . 諸 位 崩 一受 + 斷 侯

之心也。

「一月戊午」,是作誓

月

日

殷之正 言十 《序》不别言十三年,而以一月接十一年 殷之十二月,未爲周之正月,改正在 正月四日殺紂,既入商郊,始改正朔,以 月,言一月者,武王以殷之十二月發行 數之,知戊午是二十八日也。不言 也。二日壬辰 魄。」則壬 篇説此伐紂之事云:「惟一月壬辰,旁死 云:「死魄,朔也。 亦有其驗。 戊午是二十八 月日,《誓》則經有年 年正月戊午日,非是 午,次于河朔」,知此「一 下者,《序》以觀兵至而 「年春」,止言「一月」,使其 三年 月爲周之二月。其初發時 辰 春, 《 漢 近 八則此 日, 朔 大 書 會 而 以 生魄,望也。」《武成》 月辛卯 于 非朔,是爲月二日 歷推 ·有春,故略而不言 律歷 十一 孟 即還,略而不言 月戊午」是十三 津」,又 而 年正 小朔矣。 志》載舊説 互 知之,據經 相足也。 月 云 猶 以次 Ē 戊

> 故史以 不 口 追 名 一月名之。 爲 正 月, 以 其 實是 周之正 受 命 月,

《大戴禮 後二年有疾,疾瘳,後二年崩 矣,于文王受命爲七年。後六年伐紂 據此,則武王以十三年滅紂。又鄭于 受命八年至十三年。」是須暇五年之事。 至五 孫。」鄭注云:「天覬紂能 之。』《多方》云:「天惟 《太誓》敘述觀兵之事,鄭于彼文 之」者,文王受命七年而崩,武王 三矣。」據 復伐紂滅之,當時實事本是如此 云:「天意若曰,須假紂五年,方 〔案曰〕鄭云「十有一年,本文王 金縢》篇末注 年,欲使復傳子孫。五年者,文 》。九十七而終,終時武王八十三 年觀兵以卜諸侯之心,十 此 則十三年滅紂,益 云:「文王十五生武王,見 五. 改,故待暇 年,須暇之子 ,崩時九十 承 下 可 三年 其 今文 其 誅 王 此 終 注 年

甲寅推之,戊午部初年,歲在庚寅,則二 十九年,歲在戊午。 也。」又云「人戊午部二十九年」,鄭 以西伯受命。」鄭注:「受洛書命爲天子 天元二百七十五萬九千二百八十歲,昌 滅紂 五萬九千二百八十五歲也。 元名,握先紀,日甲子,歲甲寅。]鄭注: 戊午蔀四十歲矣」者,考《乾鑿度》: 「歷 非十一年一月。故鄭以「十有一年」爲 受命後五年。」然則 握先爲歷始名,言無前也。」又云:「人 本文王受命數之」也。 年 歲在辛未,此皆謂太歲。 伐殷」,鄭以爲「入戊午部四 Ě 半 此 截 下半截一月,指 推之,則十一年歲在己巳,十 + 亦與之合也。 年伐 故此《序》「十一年, 是 殷, 入天元二百七十 鄭又云「是年人 十三 指 以歷 觀 《國語》歲 偽傳亦以 年一 兵 元歲 注

據《漢 耳,非 年 疏 統未集」。 後二年崩,適七年也。 諸侯畢會,則稱王矣。自此十三年滅紂,後二年有疾 崩,武王謙,未即稱王,故《太誓》稱太子發。 誥》篇末云:「文、武受命,周公居攝 也。 爲文王受命九年 七年。」鄭數武王受命之年,從十一年數起。蓋文王 耆,六年伐崇,七年而 伐邘,三年伐密須,四 云: 此《序》分二截,上截言觀 ·, 召太子發。」 不知 曲爲附會,引《逸周書》:「文王受命九 云「我文考文王,誕 「文王受命一年,斷虞、芮之質,二年 也。 知者、《西伯戡黎》疏引伏生《大傳》 期,在大祥 書 改元也。又言「大祥」、「觀 其云文王受命九年卒, 傳遂于此主九年説,則非矣。 律歷志》「文王 而 而崩,遂于《武 此説分明可據,今書改 伐紂」一 此乃受西伯之命 膺天命」,「九年 年伐犬夷,五年伐 崩。」故鄭于《洛 兵,下截 受命九 條 成》撰其 兵」,暗 至觀兵而 然 ケ 年 則 滅

《尚 非。 年」不合,故必依鄭受命七年崩,十 年十二月,只四年無五 自七年數至十年十二月,九年數至十二 紂,則發師已在十年十二月二十八 亥月二十八日。若十一年二月初五 紂建丑月也,而其發師則已在十二年建 紂之月,皆周正十三年二月初五 受命九年崩,則非。 十一年觀兵,十三年殺紂是矣,而文王 崩,是矣,而九年觀兵,十一年殺紂 大約伐紂之年,《史記 從 兵,十三年滅紂 書大傳》與《漢書· 誤。《史記》、《大傳》文王受命七 徐廣引譙周説,張守節正義皆辨之。《漢 文王不知何月崩, 容 以 須 之,何 方確也 必 何也? 大祥 年,總與「須暇 律歷志》二者各 就令正月崩, 周 即 本 羣書記 紀 興 》、伏 師 也 志》 五 伐 年 H 殺 則 车 殺 而 牛 ?

又案曰〕十一年伐殷觀兵,以

四

月

出

之首。 度。 也。 以上《國語》之文、《漢書· 也。天黿,次名,一日,玄枵從須女八度至危十五 月,是日月合辰斗前一度。 斗十一度爲析木,其間爲漢津。 駟,天駟,房星也。 月,是時歲星在張十三度。 殷,歲在鶉火,章昭曰:「歲,歲星也。 以爲説。 十一日。又十九日己未晦冬至,辰星在須女,伏天確 日,癸巳,伐商,師行二十八日,戊午度孟津,距戊子三 爲天黿,謂周正月辛卯朔。二日,壬辰,辰星始見。三 子後三日,得周正月辛卯朔,于殷爲十二月,夏爲十 析木之津,津,天漢也。 始發師東行時,殷之十一月二十八日戊子,于夏爲十 名,周分野也。 月則十三年周 師 載 辰在斗柄,辰,日月之會,斗柄在前 《周語》伶州 星與日辰之位皆在北維。」云云。 在 今文《 其説云:「《三統》,上元至伐紂 後柳九度至張十七度爲鶉火。謂武王 正 泰誓》,説 謂戊子日,月宿房五度。 鳩對景王曰:「 建子之月,夏正 析木,次名。 星在天黿。 張,鶉火也。 謂戊子日,日宿箕七 律歷志》皆據 詳 本 從尾十度 月 在 武王伐 十一月 也。 星,辰星 鶉火,次 日 謂戊 度 至

卯 《書序》曰:『武王克殷, 故 伏,歷建星及牽牛,至于婺女天黿之首, 孟 巳,武王始發。 一辰 傳曰『月在天駟』。後三日,得周正月辛 鶉火,周之分野也。 析木』,是夕月在房五度。房爲天駟,故 月戊子,日在析木箕七度,故傳曰『日在 于箕子。』自文王受命至此十三年,歲在 紂。』《泰誓》八百諸侯會,還歸,二年乃 張十三度。《書序》曰:『十一年,武 之歲,十四萬二千一百九歲,歲 **範》。』《洪範》篇曰:『惟十有三祀,**王 遂伐紂克殷,以箕子歸,十三年也。 日而度。 津去周九百里,師行三十里,故三十 朔,合辰在斗前一度,斗柄也,故傳 傳曰『星在天黿』。《周書・武成》 在斗柄』。 明日己未冬至,晨星與婺女 明日壬辰,晨星始見。 丙午逮師,戊午度孟津。 師初發,以殷十一 以箕子歸,作《洪 在 鶉 故 伐 火

天位。 《武成》篇曰:『惟四月既旁生霸,粤六日 蟄。 陳」。 也。 月,周十二月,夏十月,商十一月之二十 數餘十八,正大寒中,在周二月己丑晦。 月戊午, 武 周正月,夏十一月,商十二月辛卯朔,明 廟。」」云云。合而考之,武王于建亥之 庚戌,武王燎于周 霸,望也。 明日閏月,庚寅朔。 霸,粤五日甲子,咸 而合矣。故《外傳》曰『王以二月癸亥夜 ,日戊子日發師,後三日爲建子之月, 王朝步自周,于征伐紂。』《序》曰:『一 『惟一月壬辰,旁死 四月己丑朔死霸。 四日癸亥至牧野,夜陳,甲子昧 《武成》篇曰:『粤若來二月,既死 粤五日乙卯,乃以庶國祀馘于周 師度孟津。』至庚申,二月朔日 是月甲辰望,乙巳旁之。 廟。 劉商王紂。』是歲 三月二日庚申驚 翌日辛亥,祀于 霸,若翌日癸巳 死霸,朔也。 故 爽 生

二月既 至于商 《序》所云「一月戊午,師度孟津」也。 周 行 夜陳」、《牧誓 五甲子,殺紂,即《國 朔,初四 月,周二月,夏十二月, 爲冬至,是月月小。 里,凡二十五日。」除去一日算。 巳至此二十五日。 行三十里,凡三十一日。」連前後日算。 前月戊子至此三十一日。《律歷志》云:「日 午,逮師,二十八日戊午度 辰 日 一,于征 即即 初 死 劉 壬辰 死 郊牧野」、《武成》所云「粤若來, 是月十五 霸 日癸亥至牧野,夜 伐紂」也。 歆引《武 霸。 》所云「時 若翌日癸巳,武 又明 粤 成》 五. 日 《武成》疏云: 日 至是月之十 日 語》「王以二月 甲 篇 初三 又 甲 甲子 所 戌爲小寒節,三 明日爲 商 明日 ·子,咸 癸巳, 云「惟 正 陳。 孟津, 味爽, 月。 「日行四十 己未 王 自本月癸 劉 建 明 朝 武 商王 丑. 王 癸 即 月 日 庚 晦 日 步 \pm 初 申 之 日 此 自 丙 干

乙卯, 殷歷。 《尚書》文王受命,武王伐紂,時日 推之。 詩・大雅・大明》疏歷引《國語》、《律 辛亥,則「祀于天位」之日。 明 在,星宿度 志》,而又云歲、月、日、辰、星,五 庚戌,則「燎于周廟」之日。 戊子日。 + 十七日乙巳爲既,旁生魄。 初二庚申爲驚蟄節 三月,夏正 小,晦日爲 一月,商三月, 日 H 爲 而 是月十五日 則「祀馘于周廟」之日也。 劉向《五 周 丑. 已,其推星 明日 閏二 爲 (數,非) 月,商二月己未朔。 戊 大寒節 午日 爲 己丑朔。 月 庚 用 算 甲辰 建 論》載 在天 明日 寅 卯之月,周四月,夏 ,是月月大,晦日爲 朔。 是 年 無 爲立春節 十六日甲辰望, 黿, 殷歷之法,惟有 爲 以 古閏 ·閏月, 建寅之月,周 推之。 二十二日爲 二十七日 二十三日爲 則 在歲終,姑 無 又明日 ,是月月 位 H. 歷 爲

而年之甲子究當闕疑也。 古人無以甲子紀年者,伐紂月日可考,年表》斷自共和庚申始,以前皆不詳,況年表,雖就《乾鑿度》推爲辛未,但《史記・子,雖就《乾鑿度》推爲辛未,但《史記・孔穎達唐人,所言已如此。今殷歷久失

○〔案曰〕古音居,漢魏以下音變,韋説非也。也。」韋昭《辨釋名》云:「古皆尺遮反,從漢始有音居。」云:「古者聲如居,所以居人也。今曰車,聲近舍,車舍武王戎車二百兩,〔《釋文》曰〕車音居。《釋名》

文。三百乘當二萬一千六百人,孔略六章步卒之十二人,凡二萬一千人,舉全事步卒七十二人,凡二萬一千人,舉全事步卒七十二人,凡二萬一千人,舉全事,百夫長所載」也。《風俗通》:「車數。〔疏曰〕孔以「虎賁三百人」與戎車,百夫長所載」也。《風俗通》:「車數一十二人,凡二萬一千人,舉全事。至百乘當二萬一千六百人,與戎車。至百乘當二萬一千六百人,孔略六百十二人,只有兩輪,故稱爲兩。猶履有兩隻,亦稱以上,一十二人,凡二萬一千人,舉全事。

《左傳》云:「先偏後伍。」又云:「廣有 《司馬法》六十四井爲甸,計有五百七十 伍之數也。則一車七十二人者,自計元 杜注:「車二十五乘爲偏。」是車亦 云:「車亦有卒伍。」《左傳》「戰于繻葛」, 然。故《周禮》云「乃會車之卒伍」, 卒,卒偏之兩。」非直人數如此,車數 卒,五卒爲旅,五旅爲師,五師爲軍。 載」,又下傳以百夫長爲「卒帥」,是實領 六鄉軍法,五人 遂爲副。若鄉遂不足,徵兵于邦國。 無過家一人。故一鄉出一 馬》法,天子六軍,出自六鄉,凡起徒役, 百 十二人。至臨敵對戰,布陣之時,則 六夫,共出長轂 百人,非惟七十二人。 依《周禮 車七十二人,又云「兵車,百夫 不言,故云舉全數。 爲伍,五 乘,甲士三人,步卒七 孔既 伍爲兩,四 軍,鄉爲正, 用《司馬法》 長所 爲 兩 亦 依 故 則

虎賁三百人,〔《釋文》曰〕賁音奔。 數相當,又經稱「百夫長」,故孔爲此 者、欲見臨敵 孔舉七十二人元科兵數 科 兩人之大數。 屬 兵 在 之數。 本車,當更以虎賁甲士配 ,其人分散, 科兵既 實一車百人,既虎賁與車 云「兵車,百夫長 前 配 至,臨 車之人 者,欲總明此百 時 割 臨戦 車而 配 所 其,其 不得 車

稱也。孔意虎賁即經之百夫長。之官,其屬有虎士八百人,是虎賁,勇士也。皆百夫長。〔疏曰〕《周禮》虎賁氏也。皆百夫長。〔疏曰〕《周禮》虎賁氏

非也。 及千夫長,皆徒步而從百夫長乎? 及千夫長,皆徒步而從百夫長乎。 三百兩之車,將司徒、司馬、司空、亞旅 虎賁即「百夫長」,然則虎賁三百已載滿 (案曰)傳以兵車爲「百夫長所載」,又以

與受戰于牧野,作《牧誓》。

賈公彦誤以僞孔傳作鄭注。〔傳 曰〕至 牧 地 而肆師》疏引鄭《書序》注云:「紂近郊三十里名牧。」此卷《大雅・大明》疏。○〔案曰〕《周禮》十九卷《春官・〔鄭 曰〕牧野,紂南郊 地名。《毛詩》十六之二

誓衆。

成》。〔《釋文》曰〕獸,徐始售反。本或作譻,許救反。武王伐殷,往伐歸獸,識其政事,作《武〔案曰〕鄭云云者,説詳本篇。

以爲法。武功成,文事修。 「傳曰〕往誅紂克定,偃武修文,歸馬牛 是。○《玉海》三十七卷。○《漢藝文志考證》一卷。 建武之際亡。《尚書》疏。○鄭樵《六經奧論》二 建武之際亡。《尚書》疏。○鄭樵《六經奧論》二 是武之際亡。《尚書》疏。《戴成》逸書,

紂定天下。」《周頌・武》云:「嗣武受之,哉嗣服。」箋云:「武王能成祖考之功,伐王成我周家王道。」又云:「應侯順德,昭雅・下武》云:「成王之孚。」箋云:「武雅・下武》云「著武道至此而成」者、《大〔案曰〕鄭云「著武道至此而成」者、《大

逸書。 《武成》至此時又亡,其逸文殘闕者僅存 勝 數也。今之《武成》,晉人作也 成》,因其不列學官,藏在秘府,故謂之 武之際亡」者,孔壁所得真 受文王之業,舉兵伐殷勝之,年老乃定 六卷、《漢・藝文志》載之,而注云「五十 女功。」是也。鄭又云『武成》逸書, 七篇」者,班氏當《武成》亡後,志見存實 八十二字,見《漢 殷遏 古文《尚書》本五十八篇,爲四十 建武是 劉,耆定爾功。」箋云:「嗣子武 後漢世祖光武帝紀年, 律歷志》,説詳 古文本有《武 《後 建

「馬ヨ」(真,國呂也。 子,爵也。 箕子,付《洪範》。〔《釋文》曰〕勝,商證反。武王勝殷,殺受。 立武庚,以箕子歸,作

自焚也。武庚,紂子,以爲王者後。一八卷《宋微子世家》集解。〔傳曰〕不放而殺,紂之諸父。趙汝楳《周易輯聞》四卷。○《史記》三十〔馬曰〕箕,國名也。子,爵也。箕子,紂

名禄父。

〔《釋文》曰〕班,本又作般,音同。分,扶問反。武王既勝殷,邦諸侯,班宗彝,作《分器》。〔案曰〕馬云云者,詳見《微子》。

斝彝、黄彝、虎彝、蜼彝,獻 而 尊、著尊、太尊、山 彼職掌六彝、六尊之位,謂 鬯曰彝。彝,灋也,言爲尊之灋 序官》、《司尊彝》注云:「彝亦 疏謂尊、彝同是酒器,但盛 案曰〕鄭云「宗彝,宗廟尊也」者、《春官 此注以尊解彝、彼《序官》注云云、彼 尊、是尊、彝各不同。 鬱鬯與酒 尊、象尊、壺 鷄彝、鳥 尊 也。」考 也。

旅 費,諸! 侯皆得賜, 最 九賜,第九賜始得秬鬯。」然則賜 等所 文嘉》謂"「惟上公九命作伯者,始得 得鬯,則 鬯爵也。 侯賜圭瓚,然後爲鬯。」彼注云:「圭瓚 向 口 著王之命及受物也」者、《王制》云:「諸 重 外陳。 故異 一,此彝既 而作書, 彝是也。 用,故鄭 侯璋瓚。 (其名。 用薰。」又《曲 鬯,秬酒也。」彼疏謂:「天子圭 齊酒之尊,以 伹 以著王命及所受之物 是 因 以爲宗廟 據彼職皆是祠、禴、烝、嘗 未賜圭瓚 祭宗 盛 彝是貴重之物,故以 秬鬯者,則未必 廟,在 [禮》疏: 彝 尊 了,則用 爲 室先 也。 法,故 引《禮緯 陳,後 璋瓚,不 秬 鄭又云 也 凡 鬯 名 諸 爲 加 含 乃

政者爲酋豪。國人遣其酋豪之長來獻,〔鄭曰〕獒讀曰豪。西戎無君名,强大有

西

馬作豪。

俞山 不見古文,妄爲此説。 是犬名,故云「貢大犬」。 《玉海》三十七卷《藝文門》。〇又《漢藝文志考證》一 太保,知此時太保亦召公也。 西戎遠國貢大犬,召公陳戒。 見 于 堂羣書考 〔馬 周 日〕豪, 酋 索》二卷。 尚 書》 疏。 豪也。《釋文》。 ○又《續集》四 又《堯 成王時,召公爲 鄭 典》 云云, 疏。 卷。 **「**疏 傳曰 旦 王應 章 良 如 由 獒 愚

家》: 《旅獒》,未見其爲召公。 傳,其時僞《書》已盛行矣。 未爲太保矣。 獒」,豈遠物 兒,又有大豪、中豪、小豪之别。 四尺曰獒,人家常畜。《左傳》「公嗾 戎稱豪,訖漢猶然也。傳以 也。」傳中先零豪名封煎,罕开豪名 案曰〕鄭云「獒讀曰豪」云云者、《 趙充國傳》注,孟康曰: 成王時,召公爲三公,則知 哉! 《史記》、《周書》並 郭璞注 《爾雅》引 爲 《燕 又「太 「豪,帥 犬。 稱 武 保 武 靡 知 此 犬高 Ŧ. 孔 夫 羌 漢

成王 以追書爲實稱,其誤如此。 乃作《旅獒》,則大不可矣。 若當武王時敘召公所居官,而曰太保, 誼(新 之官言之,初不計其時,亦追書者之常。 召公尚未也。 字,及《顧命》、《康王之誥》皆然, 克殷,有召公奭,不言太保。 旅獒》之太保爲召公之官,不知武 幼 書》。 襁 作僞者但見《召誥》有太保 褓 史家記事,多以其人所終 中,召公爲太保始, 凡僞《書》之 言太 遂 保 王 見 時 以 曹 自

巢伯來朝,〔《釋文》曰〕巢,仕交反,徐吕交反。

十之一卷《小雅・蓼蕭序》疏。 伯,爵也。 ○《禮記》十一卷《王制》疏。〔傳曰〕殷之諸侯。 而來朝。《尚書》疏。 鄭曰〕巢,南方之遠國,諸侯世一 》「桀奔南巢」,韋昭云「南巢,揚州地, 象胥序 日〕鄭云「巢,南 官》疏。 殷之諸侯,聞 〇又三十七卷《大行人》疏 ○又《仲虺之誥》疏。 方之遠國」者,《魯 ○《周禮》三十四卷《秋 武 王克商 見者。 ○《詩

> 廬州 巢爲 則伐楚 稱 惟公、侯、伯三等爵,荒服 者」者、《秋官・大行人》「九州之外謂之 殷之諸侯」云云者,鄭説殷制無子、男, 蕃國,世壹見」是也。 巢。」范甯云:「攻巢之門,爲伐楚也。」然 襄二十五年《穀梁傳》:「吴子伐楚,門于 吴楚間 巢伯之國,今廬江 二年《左傳》「 伯。 勣 府 疏 南 詳《皋陶謨》也。 巢縣 方遠 小國。 云:「舊解,巢,楚境上 經巢,先攻巢,然後楚可伐。 或 東。鄭又云「諸侯世一見 楚 也。 廬江六縣東有居巢城。 人屋 居巢縣」 居巢故城 巢」,杜 又云「伯、爵也 則無 是 預 在 小 也。 **云** 今江 國。」是 南

芮伯作《旅巢命》。〔《釋文》曰〕芮,如鋭反

姓,圻内之國,爲卿大夫。 陳威德,以命之二卷《大雅・桑柔》疏。 〔傳曰〕芮伯,周同〔鄭曰〕芮伯,周同姓,國在畿内。《詩》十八

云「馮翊臨晉縣芮鄉」是也。 巢。〔疏曰〕《世本》云:「芮,姬姓。」杜預

〔案曰〕鄭云云者,詳見《顧命》。

馬本作「有疾不豫」。縢,徒登反。武王有疾,周公作《金縢》。〔《釋文》曰〕「有疾」,

〔傳曰〕爲請命之書,藏之于匱,緘之以

反。語,本或作算。
殷,作《大誥》。〔《釋文》曰〕監,古懺反。相,息亮武王崩,三監及淮夷叛,周公相成王,將黜武王崩,三監及淮夷叛,周公相成王,將黜金,不欲人開之。

譜》疏。 《尚書纂傳》二十五卷。 武 三監 其惡,開導淮夷,與之俱叛。 崩始也。 不利于成王 二年之時繫之武王崩者,其惡之初,自 鄭曰〕三監,管叔、蔡叔、霍 庚監于殷國者也。 ,管、蔡、商。 ○又八之二卷《豳風・東山》疏。 黜,貶退也。 周公還攝 淮夷、徐奄之屬 ○《毛詩》二之一卷《邶鄘 前流 《尚書》疏。〇王天與 政、懼誅,因 言于國:公將 叔三人,爲 此以居 〔傳曰〕 皆叛 遂 攝

周。 同此 又云:「成王既黜殷命,滅淮夷。」又云: 以下《序》云:「成王東伐淮夷,遂踐奄。」 夷叛」,傳言「淮夷、徐奄之屬」共叛者 言輔相武庚,故稱監 側心,乃令其弟管叔 庚爲諸侯,奉先 異耳。《史記・衛世家》云:「武王封 叔尹之:以監殷民,謂之三監。」先儒 或 書・地理志》:「周滅殷,分其畿内爲三 伐管叔、蔡叔」,知即此三監也。《漢 蔡、商者,以《序》上下相顧爲文。 下云 之義,大誥天下。 成王既黜殷命,殺武庚」,又言「成王既 魯侯伯禽宅曲 [》。]彼三《序》一時之事,皆在周公歸 ,邶以封武庚。 説,惟鄭玄以三監爲管、蔡、霍 相 謂 攝 政。 祀。 朏 阜, 鄘,管叔尹之。衛,蔡 **「**疏 絶 也。 、蔡叔傅相之。」是 爲武庚未集,恐有 徐夷並興,作《費 曰]知三監是管 也。 《序》惟言「淮 將以 誅 叛者 一,獨 武 多

政後 主,故稱成王。 由公出,不復關白成王耳。 于彼,故辨之「相謂攝 爲左右。」于時成王爲天子,自 奭序》云:「召公爲保,周公爲師,相成王 知「淮夷叛」者,徐奄之屬皆叛 成王即政又叛,謂此 於再,至于三」,得不 二公爲臣輔之,此言「相成 也。《多方》篇數 以 爲 此 政」。 再三 武 諸 王 國之罪 王」者,有異 仍以成王爲 也 攝政者,教 初崩 知政 也。 ? 云「至 以此 《 君 事,

臣。」是管、蔡、霍爲三監之明文,故 管叔于東,建蔡 云 王克殷,乃立王子禄父,俾守商祀 人」云云者、《逸周書・作雒解》云:「武 [案日]鄭云「三監,管叔、蔡叔、霍叔三 叔 也。 然則霍叔無辠矣,何又于《蔡仲之 云「降霍叔 僞孔故欲立異,止言管、蔡,不及 叔、霍叔于殷,俾監 于庶人,三年不齒. 鄭 殷 建

乎? 此傳非也。

傳 疏· 事。 又案日」 費誓》則有淮夷、徐戎,而 又東征只有 有誤,詳《多士》、《多方》。 此淮夷 一次,諸國 内 有 奄 無 無 無 奄,本非 徐 再叛事 夷。 若

作《微子之命》。 成王既黜殷命,殺武庚,命微子啓代殷後,

紀》索隱。 去紂即奔周 其事也。武王既 告父師、少師,遁于荒野。 爲宋公,爲湯後。 ○又十九之三卷《周頌·有客序》疏。 湯祀。《尚書》疏。○《詩》二之一卷《邶鄘衛譜』 之于宋,因命之,封爲宋公,代殷後,承 名。微子啓,紂之同母庶兄也,武王 奔周」耳。 鄭曰〕黜殷命,謂殺武庚 [傳日]啓知紂必亡 也。 傳言得封之由 克紂,微子乃歸之,非 **「**疏 曰]啓知 微子 也。 ○《史記・ 而 紂必 微,采 作誥,是 奔周,命 ,故言其 殷本 》疏 投 地

更封 詳《微子》篇。 制禮樂,封殷之後,稱公于宋」是也。 紂子武庚于殷墟,所徙者微子,後周公 記》:「太王 以 微子來見祖廟。」彼箋即 案曰〕鄭云云者,《周 説是也。 而大之。」彼疏引《發墨守》云「六年 彼注云:「投,舉徙之辭。時武王 云「武王投之于宋」者、《樂 克殷,下車 頌 而 有客序》云: 取此《序》之文 投 殷之後 于 封 餘

唐叔得禾,異畝同穎,〔《釋文》曰〕穎,役領反。 異禾也。 壟,而合爲 一 解。[傳日]唐叔,成王母 鄭曰〕二苗同 畝,壟。 穗 爲 穎 穗。 穗也。 《史記 弟。 禾各生 食 周 邑 本 内 紀 》集 得

篇同。《白虎通》卷下《封禪》篇云:「嘉而生,同爲一秀。」《説苑》卷十八《辨物》外傳》卷五云:「成王之時,有三苗貫桑〔案曰〕鄭云「二苗同爲一穗」者,《韓詩

禾》。 獻諸 禾者 同 天 爲 子,王命唐叔 一穟。」皆與鄭合也 大禾也。 成王時三 婦問 公于東,作《 苗 異畝 而 歸

得而上諸成王。」 歸周公。 生,同爲一穗,其大盈車,長幾充箱, 年《傳》云:「叔父唐叔,成王之母 德所致。 書傳》云:「成王時,有三苗貫桑葉 傳曰〕異畝 周 唐叔後 公東征未還,故命 何穎 好晉。 (*) 天下 ·和同 **「疏** 日 之象, 唐叔 昭 弟。」 周 + 以 民 而 \overline{H} 禾

曰:「以受毛魯多釐。」董逌曰:「魯,古文旅也。」魯。」蓋古旅字、魯字皆作崧,故旅字亦作魯。《秦和鐘》作「崧」。《説文》云:「崧,古文旅。古文以爲魯、衛之作《崧一、《史記》作「魯」。《春秋》疏云:石經古文「魯」 周公既得命禾,旅天子之命,作《嘉禾》。

推美成王。〔疏曰〕二篇東征未還時事,疏。〔傳曰〕已得禾,遂陳成王歸禾之命,〔鄭曰〕受王歸己禾之命與其禾。《尚書》

微子受命應在此後。在前者,蓋先封微

子,後布此書故也。

《書》逸《嘉禾》曰:「周公奉鬯,立于 階,延登,贊曰:『假王莅 章零句流傳者,故得引之。 下。』」此或壁中《書》于增多篇外别有 之,以命與禾爲二也。 若命禾是成 今文皆無之。 案曰〕鄭云「歸公禾之命與其禾」者,嫌 王以禾命 《漢書 周 《嘉禾》篇亡,古 王莽傳》 公,故分析 政, 勤 有 和 阼 天 引

《尚書》古文梓字。」本亦作杼。○〔案曰〕郭忠恕《汗簡》卷中之一云:「爲,《康誥》、《酒誥》、《梓材》。〔《釋文》曰〕梓音子,成王既伐管叔、蔡叔,以殷餘民封康叔,作

陳櫟《書傳纂疏 于衛,至子孫 言霍叔者,蓋 鄭曰〕言伐管、蔡者、爲因其國 ○又三之一卷《鄘風・桑中》疏。 》四卷。 赦 放之也。 并邶、鄘也。 ○《毛詩》二之一卷《邶鄘衛 康 爲 《尚書》疏。 號 〇又九之三 謚 也。 初封 不

時爲 殷民 兀 得 伯 闕」以下六字,從《史記索隱》所引。 康叔 畿内。 卷《小 四 弟主之。 内。 康叔以爲政之道,如梓人治材。〔案曰〕「地 内國名,地闕。 鄘衛譜 百 國 禽 也。」又曰:「寡君未嘗後衛君。」且言 大于魯也。 百里,孟軻有所不信。《費誓》注云, 《尚書》疏。 里之封,而 率七百里之 雅 監之地,且其 不過百里。 化紂嗜酒,故以戒酒。《梓材》,告 方伯,殷之圻 爲衛侯。 》疏。 既滅管、蔡,更封 伐木》疏。 《康誥》,命康叔之誥。 [傳日]滅三監 至 周公懲其數叛,故使賢母 故《左傳》云:「宋、衛,吾 叔,字,封,名。《酒誥》, 《周禮》上公五百里,侯 康 内 曰]康 (馬 實 内 叔 附 地 諸 封幾千里者,康叔 日 庸 , 國名 侯並 不方平,計 諸侯,則魯猶 爲 ,以三監 康, 衛侯。 [疏曰]古者 屬之,故 國名,在 ,在千里之 之民 康,圻 **《詩** 亦不 總 非 或 邶

千里。 邶、 之康猶爲 山 或 分衛民于邶、 生 詩》 康,圻内國名」者,以管、蔡、郕、霍皆國 河 里 康 惟 則康 鄘 即 分爲三。 亦 伯 鄭 也。」其《地理志》邶、鄘之民皆遷 有黎、潞、 内 以 大率言之耳。 即 以 亦 國 故 此鄭云: 爲謚 國 東圻之限,故 也。 而號謚 名, 鄘,故異 河、濟之西,爲曹地 號,以《史記·世家》 孔 孔 而 與同 「初封 以 不 在圻内。 康 · 見 國 你伯爲 何 否 耳 以 而 者 衛,至子 未 賜 ? 同 號謚 明 馬、王 諸 .風,所 也 邢 侯 孫 在 約 云 并 叔 亦 以 知 有 襄

祭因 居前人故國曰 (傳》: 康爲 案曰〕鄭云 于大夏,唐人是 或 、號謚」,不從馬 「遷閼伯于商丘 之在 「言伐管、蔡,爲因其國」者 其 因。 地 《王制》: 而 因。」是 以 無 ,商人是因。 爲國名者,宋忠 主者。」昭 也。 「天子、諸 鄭 又云 元 遷實 年 侯

侯之命 信乎? 乎? 爲殷 野。 州 縣 大行之東,北踰衡漳, 畿内方千里之地,其封 也」者,鄭《詩譜》云:「邶、鄘、 鄭又云「初封于衛, 官于康叔身後 撰,此特因馬、王等説而 傳亦云 「地闕」,則以 康,不知所 畿内之康 注 諸 西 炭 世 似 後 周武 《括 侯,乃三分其 北三十五里。」考唐之陽 周 本 》皆是。 畿 篇 ***** 王伐 庶殷 地志》云:「故康城在許 亦 徙 内 中 在也。」宋尚不 從馬、 封 地 並 頑 約 追 衛, 其康 無 題, 民 以其 然《括 地,置三監 康 王等説 被紂化 衛 至子 如《康王之誥》、《文 伯 叔 即 東及沇 (京師 域 爲 則 字,篇題或 附 地 殷 在《禹貢》冀 地 孫 子 知 日 志》唐魏 會云爾,豈 墟 而 封 名 而 所 蒙父號 久,未可 衛 / 紂子 州 曰 ,使管叔 并 翟 在,而 者 非 桑 畿 州 邶、 商 武 土 係 内 今 陽 臆 封 王 也。 之 以 州 中 庚 紂 鄘 足 泰 禹 説 之 翟 孔 從

洛邑。 導武 此 康 者,以周之大國不過五百里,王畿千里, 國,非子孫矣。服虔依以爲説,鄭不 風。」如《志》之言,則 之,盡以其地封弟康叔,遷邶 地理志》云:「武王崩,三監叛,周公 二國,混而名之。」是也。 康叔于衛,使爲之長。後世子孫稍 將不利于孺子。」周公避居東都,一 邶,南謂之鄘 蔡 三監,更于此三國 雷風之異 叔及羣弟見周公將攝政,乃流言曰 疏 叔、霍 叔與之同, 説 庚叛,成王既黜殷命,殺武庚,復伐 故邶、鄘、衛三國之《詩》 康 叔尹 叔 (,成王迎之反,遂居攝 初封 而 東謂之衛。 則反過周公,非其制 教之。 不得邶、鄘之義 建諸侯,以殷餘 康 自 叔 彼疏云《 紂 武王既 初 城 、鄘之民 即 而 兼 相 北 一年有 喪,管 最得 彼 漢 與 三監 并 民 謂 誅 封 同 于 彼 之

《召誥》。〔《釋文》曰〕召,時照反。相,息亮反。成王在豐,欲宅洛邑,使召公先相宅,作

事 政成王,召公陳戒爲即 待此邑成,使王即政。 至此已七年,將歸政 之一卷《王風譜》疏。 政,因相宅,以作誥。 視所居者,王與 鄭曰〕欲擇土中建王國,使召公在 ,故因相宅以作誥。 周 〔傳曰〕召公以成王新即 公將自後往也。 成王,故經營洛邑, 〔疏曰〕周公攝政 政後事也。 周公《洛誥》爲反 召公恐王惰于政 《詩》四 前

公既相宅,周公往營成周,《釋文》曰〕相,息 篇。 也。 力爲周旋,謂陳戒在即政後,皆非也 作于周公居攝七年,亦將即政 初相宅時,是在作洛前也。縱使《召誥 云,考成王即政 〔案曰〕鄭云「欲擇土中」云云者,義 鄭又以相爲視者、《釋詁》文。 傳乃云召公以王新即政而作誥 在 作洛後、《召誥》作于 而未即政 傳云 見 疏 本

亮反。

作之。 作之,周公自後至,經營日〕召公先相宅卜之,周公自後至,經營乃名曰成周也。《公羊傳》宣十六年疏。〔傳《鄭曰〕居攝七年,天下太平,而此邑成,

及《菁菁者莪》、《大雅 《小大雅譜》云:「《小雅 [案曰]鄭云「居攝七年,天下太平」者, 序》云:「太平樂與賢也。」《南山有臺序》 阿》,周公、成王之時詩也。」《南有 也。」《鳧鷖序》云:「太平能持盈守成。」 又《周頌譜》云:「《周頌》者,周室致太平 云:「得賢立太平。」《既醉序》云:「太平 三年即太平」。 故《書大傳》及 也。」據此諸文,則太平不必待至七年, 初。」《維天之命序》云:「太平告 之詩,其作在周公攝政,成王 《維天之命序》箋以告太 鄭《周易》注,皆以「攝 ・南 生民》下及《卷 有嘉 即 魚》下 文王 位之 :嘉魚

> 在居攝一 年,太平之功至此 天下太平」,是其證也。 馬注《洛誥》「維七年」,亦云「攝政七年, 成洛邑。 曰成周者,鄭意欲明周道至此而成也。 在 居攝 五年, 五 而云七年者 年、《清 然則此注當云五年太平, 方畢,故 廟序》箋以 鄭又云邑成,名 居攝實終于七 鄭統言之。

使來告卜,作《洛誥》。

辰已上皆西都時所誥也。 問末乃云「戊辰、王在新邑」,明戊政成王、告以居洛之義、故名之曰《洛邑、既成洛邑、又歸向西都、其年冬將致邑、既成洛邑、又歸向西都、其年冬將致臣、既成洛邑、又歸向西都、其年冬將致

成周既成,遷殷頑民,

陽下都。殷大夫士心不則德義之經,故知之稱。《詩‧王風譜》疏。[傳曰]成周,洛〔鄭曰]此皆士也,周謂之頑民。民,無

陽也。洛邑爲王都,故謂此爲下都。徙近王都教誨之。〔疏曰〕周成周,漢洛

[民之爲言暝也,謂暝暝無所知」是也。 者,臧哀伯云:「武王克商,遷九鼎于雒 者,臧哀伯云:「武王克商,遷九鼎于雒 是,義士猶或非之。」由周而言爲頑民, 「俘殷獻民,遷于九畢。」孔鼂云「賢民, 生大夫也」是也。鄭又云「民者,無知之 士大夫也」是也。鄭又云「民者,無知之 我。」《通典・田制》篇引崔寔《政論》云 [民之爲言暝也,謂暝暝無所知」是也。 (案曰〕鄭云「此皆士也,周謂之頑民」

周公以王命誥,作《多士》。 説詳《吕刑》。

[傳曰]所告者衆士,故以名篇。

周公作《無逸》。

〔傳曰〕成王即政,恐其逸豫,故以所戒

名篇。

召公爲保,周公爲師,相成王爲左右。《釋

文》曰〕相,息亮反。

公先師後保,此先言保者,篇之作主爲 周公代之。于時太傅蓋畢公爲之。三 保、爲師亦三公也。實太師、太保 保云云,謬矣。 召公也。鄭玄不見《周官》之篇,言此師 爲右。《釋文》。〔疏曰〕《周官》篇云:「立 海》三十七卷《藝文門》。 公爲太師,此言「周公爲師」,蓋太公薨, 官名,故不言太也。經傳皆言武王 言太者,意在師法保安王身,不爲 太師、太傅、太保,兹惟三公。」則 大夫官。 大夫之職,賢聖兼此官。《尚書》疏。○《玉 、鄭曰〕此師、保爲《周禮》師氏、 左右分陝爲二伯,東爲左,西 〔馬曰〕保氏、師氏 保氏。 一時太 此 舉 而 爲

官》:「師氏、中大夫一人。保氏、下大保氏、大夫之職、賢聖兼此官」者、《地〔案曰〕鄭云「此師、保爲《周禮》師氏、

保。 時,三公即名師保。 保,不由兼 《周官》始直 保氏。 陝。 公兼師保是周初 解,周公兼師 召公右,兼師保,初時然矣。』若如 官》太師、太傅、太保,兹惟三公,則三 得師保之稱。《鄭志》趙商問『成王《周 意,謂三公之號無師保之名,兼此二官 夫 公自名師保,何也?』鄭答:『周公左, 》,仍用初 此官。」賈疏: 一人。」鄭注 保氏 若孔君之義,三公之號,自名 周公聖,下兼 故云聖賢兼 而 師 己。 師氏、保氏。」此疏 制 保,無 稱三公爲 在 引此《序》而 ,不設三公。 此鄭意也。 「召公、周公爲三公, 成王《周官》前,成 制,成王作《周官》篇 師 其 其 後 此 氏,召公賢,下 太師、太傅、太 官。 則 釋云: 周 馬注 有其 此鄭君 公制 甚明 但 聖 似 有 周 與 川 王 此 師 之

鄭同也。

字》作「奭」,从十,从皕。从大,非也。 奭,始亦反。○〔案曰〕《説文》作 召公不説,周公作《君 職,故 「鄭日〕周公既攝王政,不宜 不説。《尚書》疏。〔馬曰〕召公 :「奭」。 〔《釋文》曰 唐張參《五經文 復 列 一説 以 于 音悦。 周 臣

謂能子矣。 王 而 篇》:「武王崩,成王幼,周公屏成王 文王之業,履天子之籍,德天下之政,平 天下,履天下之籍,偃然如固有之。 王冠,成人,周公歸周反籍于成王,北 〔案曰〕鄭、馬云云者,《荀子》卷四《 周 朝之。 順 鄉無天下,今有天下。 公事文王,行無 也。」《淮南子》卷十三《 周公鄉有天下。 武王崩,成 專制,事 Ŧ 幼 君 今無天下; 無 氾 臣易位,非 少,周公繼 由 論 訓 以 儒 成 成 面 屬 效

也。《史記》三十四卷《燕召公世家》集解。

列在臣位,故不

. 説。

以爲周公苟

寵

公既攝政,致太平,功配文、武,不

宜

發號 也。 侯,可 説 聖人之意,故不説。』《嵇 然後悦。」皆與鄭、馬合也。《漢書》九十 猶不知,疑其貪位,周公爲之作《君奭》, 九卷《王莽傳》引《書・君奭》文,又引説 于經典,兩不相損。」徐幹《中論 公上聖,召公大賢,尚 致政,北 曰:「周公服天子之冕,南面 相傳,正召公所 夷狄之亂 一人之身而三變,所以應時矣。」此 智行》篇云:「召公見周公之既反 即 論》云: 《漢書》七十七卷《孫 博 施 政 謂 士 令,常稱王命。 面委質而 能 一説,與 又列 誅 「周公居 武 矣。 臣 嵇康合。 以 職、故不説 臣事之,可 蔡之罪, 成 攝 不說,鄭、馬説 王 ,召公不悦。」 葬引 猶 既 召公賢人,不知 其 實 康集》卷 有 寶傳》云: 壯 負 不相説 非 而 謂 召 周 扆 朝羣臣, 能 公因 專 公 而 影卷上 六《管 臣矣。 政 所 層 古 朝 「周 周 本 丽 諸

> 漢 太師,召公謂 攝 記 博 · 緇 士 舊説 一説 衣》 得 其 疏 其 貪于寵禄,故不説。」此 半,要 周 公既 也。 (與鄭、 致政 馬 ,仍留 不 相 遠 爲

奄字。 鄭曰〕 時 翦,滅也。 此 伐 淮 其 夷 編篇于 與 奄國在淮 踐奄,是攝 此, 夷 未 之北。 聞 政 年 踐 凡 譮

馬同。

○〔案曰〕《汗簡》卷中之一云:「タズ,古文《尚

成王東伐淮

夷,遂踐奄。

[《釋文》曰]踐,似

淺反。

唐

相

傳

不

·可易

往,事 爲翦。 政,淮 六下。 此伐諸叛國,皆周公謀之。 \pm 徙之,以其數 ○《毛詩》八之三卷《豳風 親 ○《史記·周本紀》集解。 往征之。《洛誥》篇言周公歸政 成王即政之初, 與 夷奄國又叛 淮夷從管、蔡作 則 歸。 反 覆。 後 () 王親 至 破斧》疏。 **「疏** 淮夷與奄又叛,成 時復行。 亂 征之,遂滅 日〕周公攝 [傳日]成 ,周公征 成 ○《孟子》疏 王臨 《尚 書》 而定 政 事 奄 王 Ź 疏 乃 而 即

時事, 至 至于三乎? 方》篇責殷臣云: 時伐,明是成王即政之年復重叛也。 征之,作《費誓》。 伯禽宅曲阜」,「淮夷、徐戎並 既爲魯侯,乃居曲 案《洛誥》,成 王 以 三年伐管、蔡時事」云云者,此《序》云: 王 案日〕鄭云「此伐 伐淮夷」。 伐淮夷,遂踐奄。」《將蒲姑序》云「既踐 于 即 先 政三年之一叛,正 此伐淮 後爲 政 多 再,至于三。」若武 其編篇 淮 士 次 夷 東踐奄是攝政三年伐管、蔡 故知是成 王伐淮夷,魯伐徐 奄 此 下 于 王. 或 篇 皆是成 即 此, 又叛 在 淮夷 阜。 我惟 彼言淮夷 政 即云「未 成 可 $\tilde{\pm}$ 《費誓》稱 始 Ξ ,王親征 Ŧ 至 王 與踐奄,是 時 即 封 即 書 伐紂之後, 于再爾,安得 其戰要囚 政 伯 内 政 並 V 聞」。 興」, 禽。 事 戎,是 興, 之。 叛 知 也 是 魯侯 攝 魯 即 伯 「成 多 政 鄭 口 此 侯 禽 又

鄭注 此非 有淮 于無 是詞 庚。 也 伐管、蔡是 連言之。 因言黜殷 見諸 僞孔因鄭有疑,遂造 自是錯 奄」、《多方序》云「 周官序》 既 時 。」注云:「踐當爲翦,翦猶殺也。」伏生 黜 既是 也。 第而 篇 玉 據, 事 夷、奄,無徐 事。 殷 了, 宜 藻 》: 應 亂,故鄭疑之, 又牽《費 命 鄭 遁 既 殺武庚,必不可言殺而復 列 「黜殷命」,不得 列于《康誥》之前,乃列于 一時,《 《成 時,滅淮 又云「踐 也。 非 于 滅淮 凡 同 王 此,鄭疑之爲 戎,《 (誓》作 且僞孔 時,何 有 費誓 夷 政》、《將蒲 歸 血 讀 自 夷又一時,事相 再叛、再征之説,欲 費誓》有徐戎, 爲翦。 丽 氣 奄」, 證,不 · 别是 相因之有 四 既 之類, 云「未 造再 不以爲 序》 《周 姑》諸篇 非。 知此内 翦 時,當從 叛 相 官 弗 聞 滅也 事 ? 序 因 身 而 因, 尝云 也。 此, 與 旧 自 與

作《成王政》。〔《釋文》曰〕政如字,馬作征。籍之謂殺其身,執其家,豬其宫。〕是也。《書傳》云:「遂踐奄。踐之者,籍之也,

夷、徙奄之政令。〔馬曰〕征,正也。《釋文》。〔傳曰〕爲平淮

改政非也。「征,正行也。」是也。此敘其征伐事,孔〔案曰〕馬云云者,《説文》二下辵部:

如字,徐又扶各反,馬本作薄。○〔案曰〕蒲、薄古字通。 成王既踐奄,將遷其君于蒲姑,〔《釋文》曰〕蒲 紀》集解。 破斧》疏。 城。」是蒲姑齊地也。 姑氏。」杜預云:「樂安博昌縣北有蒲姑 年《左傳》晏子云:「古人居此 齊地,近中國,教化之。〔疏曰〕昭二十 欲徙之于齊地,使服于大國。《詩· 鄭曰〕奄既滅矣,其君佞人,不可復,故 [傳曰]已滅奄,徙其君于蒲姑。 [馬日]薄姑, 齊地。《史記・ 地者 豳風 有 周本

十里」,則縣治徙矣。至獻公,復徙都 昌。《括地志》云「在青州博昌縣東北 《班志》北海郡營陵縣下,應劭注「師 在今青州府博興縣東南,博興即古 父所封」是也。 州府昌樂縣東南五十里營丘故 營丘邊萊,故萊侯與之争。營丘在今青 疏所引。再考齊有三都,太公封營丘, 非奄君名。」見《齊譜》疏及《豳 奄君名,鄭彼注云:「玄疑薄姑齊地名, 氏之國。」是也。伏生《大傳》以薄姑爲 縣名,故城在今密州莒縣東北,古薄 云:「轉掠至姑幕。」李賢注云:「姑幕 商奄,吾東土也。」杜注云云,在此疏引 昭九年,王使詹桓伯 地也。《後 二十年《傳》注者,誤。 案日 〕鄭、馬 漢書》十一卷《劉盆子傳》 以 其後胡公徙都 蒲 姑 辭于晉曰:「蒲姑、 爲 據此則是蒲姑齊 齊地者、《左傳》 i薄姑, ·破斧》 城, 尚 姑 博 則

姑氏 淄 始以 爲殷 年《傳》:「爽鳩氏始居此,季萴因之,● 也。若然太公所居 者,猶晉遷新田 奄君 是爲太公。」闞駰《十三州志》説 與四國共作亂,成王滅之,以封師尚父, 言之耳。又《班志》言:「成王時,薄姑氏 因之者。」以齊封兼得,其地不相遠,約 有逢伯陵因之,蒲姑氏因之,而後太公 有營丘城。 考昭二十年所云蒲姑氏居此者,杜 奄于蒲姑,特使之臣 即 周間 耳。 ,因其後遷于此地,遂亦追 封太公、《班志》非也 今縣 且封 . 諸 亦屬 蓋 侯,其作亂之蒲姑氏,殆即 太公原係武王事,成 地 青州 仍名絳,楚遷鄀 本臨 非即 府。 屬于齊,非遷奄 淄, 薄姑,而 縣 而 西 亦 北 亦略同。 名 昭二十 稱 仍 名郢 但以 誉 爲 里 王 亦 薄

〔傳曰〕告召公,使作册書告令之。周公告召公,作《將蒲姑》。

〔傳曰〕誥以禍福。 成王歸自奄,在宗周,誥庶邦,作《多方》。

八,鄭以爲在《立政》前,第八十六。官》。〔《堯典》疏曰〕孔以《周官》在《立政》後,第八十成王既黜殷命,滅淮夷,還歸在豐,作《周

宗周 誥序》,知「黜殷命」在周公攝政三年 復都豐鎬。」是言雖作洛邑,猶還 王營之,成王使召公卜,居九鼎焉,而 者皆稱周伐紂,居洛邑,其實不然。 故雖則異年,連言之。《周本紀》云: 征之時。據《成王政序》、《費誓》經,知 邑,猶還西周。 王即政後,事 也。《多方》云:「王來自奄,至于宗周。」 滅淮夷」在 [傳曰]黜殷在周公東征時,滅淮夷 即鎬京也。 成王即政之後也。 相因,故連言之。 〔疏曰〕據《金縢》經、《 于彼不解,至此始爲傳 事相因, 雖作 在 西 「學 東 大 周 周

者,宗周雖是鎬京,文無豐鎬字,故就此

解之。

上文。 自應在《周官》後也。傳疏之誤,已見《立政》云「孺子王」,必是成王即政時,《立政》云「孺子王」,必是成王即政時,攝政三年時事」。此語必本于康成。攝政三年時事」。此語必本于康成。〔案曰〕鄭以此篇在《立政》前者,《周禮》

周公作《立政》。

〔傳曰〕周公既致政成王,恐其怠忽,故

以君臣立政爲戒。

記》一卷《五帝本紀》集解。〔馬曰〕息慎,北夷〔鄭曰〕息慎,或謂之肅慎,東北夷。《史本作息慎。〔案曰〕觀鄭注,知亦作「息」也。 成王既伐東夷,肅慎來貢。〔《釋文》曰〕肅慎,馬

也。《釋文》。〔傳曰〕海東諸

夷駒

麗、扶

餘、馯貊之屬,武王克商,皆通道焉。

即政

而叛,王伐而服之,故肅慎

氏

成

來賀。

之日乎? 《春秋内外傳》,此必《書序》注也。 駒驪、扶餘尚未通于上國,況武王克商 朱蒙,以漢元帝建昭二年始建國 有稷慎,稷慎即肅慎。 時未必即有駒驪、扶餘之名。 且駒驪主 北也。傳云云,考《周書·王會》篇,北 石。」昭九年《傳》,王使詹桓伯辭于晉 通道九夷、八蠻,肅慎氏來貢楛矢、砮 近息,古字通也。《魯語》:「武王克商、 息慎。」裴駰引鄭云云。鄭生平未嘗 曰:「肅慎、燕、亳,吾北土也。」是肅慎 東國史略》。安國承韶作《書》傳時,恐 案曰〕鄭、馬云云者、《史記》:「舜北 傳非也。 東則濊、良 而已。 以號,載 肅 注 此 在 發

爾反,馬本作辨。王俾榮伯作《賄息慎之命》。〔《釋文》曰〕俾,必

[馬日]榮伯,周同姓,畿内諸侯爲卿大

大也。《史記・周本紀》集解。

夫也。 〔案曰〕馬云云者,《周語》有「榮夷公」, 「樂,國名。」 榮伯當是其祖,故知是諸侯。《論語》「亂十人」, ●鄭注有「榮是諸侯。《論語》「亂十人」, ●鄭注有「榮夷公」,

《晉書•地道記》亦云:「畢在杜南,與畢 姑,❷言所遷之功成。〔疏曰〕公既還政, 陌别,俱在長安西北。」 世紀》云:「文、武葬于畢。」畢在杜南 朝,又致太師之政,告老歸豐也。 又留爲太師。 因告柩以葬畢之義,斥及奄君已 使近文、武之墓。 周公徙奄君于亳姑, 營作,示終始念之。王不敢臣 傳曰〕在豐致政老歸,欲葬成周。 今言在豐,則是去離王 周 《帝王 八公,故 〕定亳 己所

十里。 周之邑里官司。 二卷。○又《漢制考》三卷。○又再見。 衛湜《禮記集説》二十九卷。○《爾雅》六卷《釋地》疏 又十四卷《月令》疏。 十九卷《春官 王重周公所營,故命君陳分居正東郊成 ○王應麟《玉海》十六卷《地理門》。 ○又十卷《覲禮》疏。 頌・駉》疏。 之奇《尚書全解》三十六卷。○《毛詩》二十之一卷《魯 案今河南、洛陽相去則然。《尚書》疏。 〔鄭曰〕天子之國,近郊半遠郊,去國五 案曰〕鄭云云者,「近郊五十里,遠郊百 東郊,周之近郊也,蓋五十里。 ○《周禮》十三卷《地官·載師》疏。 肆師》疏。 ○《禮記》十二卷《王制》疏。 ○又二十五卷《郊特牲》疏。 君陳,臣名。 ○《儀禮》八卷《聘 ○又《困學紀聞 [傳日]成 禮》 〇又 〇林

❶「亂」下、《論語》原文有「臣」字。

傳》作「并」。」當從。
❷ 「斥」、《尚書正義》阮校曰:「古本、岳本、宋板、《纂

《白虎通 鄭異,非也。 子,伯禽之弟。」孔傳但云「臣名」,則與 都。」沈約云:「周平公即君陳,周公之 文云::「成王十一年,王命周平公治東 伯禽封魯,次子君陳世守采地。」汲郡古 謂 云:「君陳蓋周公子。」《詩譜》云:「元子 然」,鄭以目驗而知也。 近郊。故又云「案今河南、洛陽相 即洛陽,相去僅數十里,則所 里,《周 成周 爲東郊,于漢王城即 禮》杜 並並 同 也。 子春注, 時周 東 鄭《聘禮 又鄭《坊記》注 都 河 爲 言東 南,成 王 郊 注 去 河面 則 唐 及

《顧命》。〔《釋文》曰〕相,息亮反。顧,工户反。成王將崩,命召公、畢公率諸侯相康王,作

〔馬曰〕成王將崩,顧念康王,命召公、畢書纂傳》三十八卷。○《史記·周本紀》裴駰集解。解將去之意也。《尚書》疏。○林之奇《尚書全顧將去之意也。《尚書》疏。○林之奇《尚書全顧,與曰〕回首曰顧。臨終出命故謂之顧,

也。 子之相何以三? 明伯是中分天下者也。《禮》言職是各 自陝而西召公主之,一相處乎内。」是言 五年《公羊傳》云:「諸公者何? 天子三 主一方也。此二伯即以三公爲之。 伯」。此《禮》文皆伯尊于牧,牧主一州, 伯。」鄭云謂「上公有功德者,加命爲二 《周禮·大宗伯》云:「八命作牧,九命作 《禮記·曲禮下》文云:「九州之長曰 載《釋文》本誤作「顧命」,从元本改正。 [傳 曰]一 三公爲二伯也 五官之長曰伯,是職方。」鄭云:「職,主 公爲二伯,中分天下而治之。 〔疏 公率諸侯輔相之。《釋文》。○「顧念」,注疏 天子三公者何? 謂爲三公者,是伯分主東西者也。」 自陝而東周公主之, 天子之相也。 所

風》箋義也。 〔案曰〕鄭云「回首曰顧」者,《檜風・匪

〔傳曰〕尸,主也。主天子之位號。〔《釋文》曰〕馬本「康王」上更有「成王崩」三字。康王既尸天子,遂誥諸侯,作《康王之誥》。

康王命作册畢分居里,成周郊,作《畢命》。〔案曰〕傳云「尸,主也」者,《釋詁》文。

律歷志》。鄭所云「册命霍侯」,則不可即畢字之誤也。《畢命》逸文載《漢書·旦〕命爲册書,以命畢公。分别民之居旦〕命爲册書,以命畢公。分别民之居旦」命爲册書,以命畢公。分别民之居里,異善惡,成定東周郊境,使有保護。與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》疏。○陳師凱《書傳旁與此序,相應。●《尚書》流

文》曰〕君牙,或作君雅。穆王命君牙爲周大司徒,作《君牙》。〔《釋

考也。

穆王命伯冏爲周太僕正,作《冏命》。〔《〔傳曰〕穆王,康王孫,昭王子。

見古書,此必臩字,今作煛者,俗刻誤也。 是古書,此必臩字,今作煛者,俗刻誤也。 是古書,此必臩字,为作煛。」」」。 是古書,此必臩字,为作煛。」。 是古書,此必臩字,为其从臦,而臦是古文冏字,遂省改作冏。然今《周本紀》尚作「臩」。 是古文冏字,遂省改作行,然与《周本紀》尚作「臩」。 是古文冏字,遂省改是, 是古書,此必臩字,为作煛。 ○〔案曰〕《説文》卷十下文》曰〕冏,九永反,字亦作煛。 ○〔案曰〕《説文》卷十下

夫。且與君同車,最爲親近,故《春秋》是,下大夫。孔以此言太僕正,則官高僕,下大夫。孔以此言太僕正,則官高度,下大夫。孔以此言太僕正,則官高所下有戎僕、齊僕、道僕、田僕,太御未大下,正,正,至僕,若是太僕,則此云太僕足矣,而下有戎僕、齊僕、道僕、田僕,太御,中大夫,正,正,是僕,若是太僕,則此云太僕足矣,正訓長也。《周禮》、太御,中大夫, (疏曰〕太僕長,太御,中大夫。(疏曰〕太僕長,太御,中大夫。(疏曰〕

趙 隨 僕雖長燕朝,非親近之任,又是下大夫, 重,敘在太御之下,故以太僕爲長。 御玉輅之官。戎僕雖中大夫,以戎事爲 充耳目之官」。故以爲太御中大夫,掌 **小得爲長。** 同,命之爲御。 侯 寵 少師,以爲車右,《漢書》文帝 故云「汝無昵于憸人,

案曰〕傳疏之謬,見《後辨》。

十三。鄭以爲在《費誓》前,第九十六。 蔡叔既没,王命蔡仲踐諸侯位,作《蔡仲之 命》。〔《堯典》疏曰〕孔以《蔡仲之命》次《君奭》後,第八

傳曰〕父卒命子,罪不相及。

王書,明係篇第倒亂。 案曰〕《冏命》穆王書,其下不應又有成 鄭仍其舊而 不

費音秘。○〔《堯典》疏曰〕孔以《費誓》在《文侯之命》後· 第九十九。 作《費誓》。〔《釋文》曰〕開,舊讀皆作開,馬本作闢。 魯侯伯禽宅曲阜,徐、夷 改,至作僞孔傳者,遂以意移而正之。 鄭以爲在《吕刑》 》前,第九十七。 並興,東郊不開, 〇[案日]鄭

> 也。 非。 里,去曲阜且三百里,後人疑作誓之地即在此,皆非也。 爲季氏邑,僖元年《左傳》「公賜季友汶陽之田及費」是 也。 自爲國,隱元年《左傳》云:「費伯帥師城郎。」後并于魯, 應在今曲阜縣,而已無考,唐人改爲費。考春秋之初,費 字注云: ❶「惡米也。 字或作鮮,或作獮。 獮。」裴駰曰:「《尚書》作棐。」司馬貞曰:「《尚書大傳》作 記》云:「伯禽帥 注《周禮 廣韻》、《五經文字》略同,此古義也。 鮮誓》。」《鮮誓》即《肸誓》,古今字異,義亦變也。 鮮,獮 漢爲縣,屬東海郡,故城在今兖州府費縣西北二十 司馬貞又强爲之説,並謬也。《説文》卷七上米部 言于肸地誓衆,自行獮田之禮,以取鮮獸而祭。 雍氏》及《禮記・曾子問 師伐之于肸。」徐廣曰:「一作鮮,一作 愚考棐本地名,作肸、作鮮、作獮皆 从米,北聲。《周書》有《粜誓》。」 》皆引作《粜誓》。 **棐爲魯東郊地**,則 **《**史 故 棐

諸侯之事而連帝王,孔子序《書》以魯有 治戎征討之備,秦有悔過自誓之戒,足 〔傳曰〕費,魯東郊地名,于費地誓衆也

0 粱,解云【北聲】,今正。」又云:「《經典釋文》、《五經 文字》皆不誤。若《廣韵》作「粜」,注 蓋由《説文》之誤已久。」 段玉裁《説文解字注》作「粜」、云:「各本篆作 云【《說文》作

吕命穆王訓夏贖刑,作《吕刑》。〔《釋文》曰〕贖《事》附近,以比《魯頌》之居《詩》末耳。下,乃欲使諸侯之書從其類,而與《秦下,乃欲使諸侯之書從其類,而與《秦下,乃欲使諸侯之書。以其類,而與《秦下,乃欲使諸侯之書。以其其,此壁中皇。[案曰〕伯禽與穆王不同時,上下皆穆王

音蜀。 告天下。 代之禮,故《序》言「訓夏」,明是夏 作書,訓 夏法廢已久,今復訓 經五刑之屬三千數,多于《周禮》,而言變 五. 從輕也。 墨罪 傳曰〕吕侯見命爲天子司寇,以 百,殺罪 Ŧī. 暢夏 百,劓罪 《周禮 [疏曰]經言罰 五百。」五刑惟二千五 禹 •司刑》「掌五刑之法」, 贖 五百,宫罪五百,剕 刑之法, 暢,以周法傷重,更 贖之事,不言何 更從輕 穆王 以 法。 罪 布

輕刑多,重刑少,是改從輕也。皆千,剕刑五百,宫刑三百,大辟二百,從輕者,《周禮》五刑皆五百,此則墨、劓

音巨。鬯,勅亮反。瓚,才但反。〔《釋文》曰〕平王,馬無平字。錫,星歷反,馬本作賜。秬平王錫晉文侯秬鬯、圭瓚,作《文侯之命》。

命焉。 〔王曰〕幽王既滅,平王東遷。 侯乃 褒姒,褒姒生子伯服。 錫 柄,謂之圭瓚。 王命爲侯伯。《尚書》疏。 鄭武公夾輔王室,晉爲大國,功重,故 瓚者,酌鬱鬯之杓,杓下有槃,瓚即槃之 東徙洛邑,晉文侯于是乎定天子,故 侯怒,與 去太子,用褒姒 立而東遷洛邑,晉文侯 命焉。 與申侯共立太子宜臼,是爲平王。」 祭之初,酌鬱鬯之酒以灌尸。 西夷犬戎共攻殺幽王。于是諸 〔疏曰〕《周本紀》云: 幽 爲后,伯服爲太子。 王 爲 [傳日]以圭爲 迎送安定之,故 幽王廢申后,并 犬戎所殺,平 「幽王 晉文侯、 一嬖 錫

名也。 鬯從經爲傳,故此惟解圭瓚。 時九命爲東西大伯,故得受此賜 央。」是説圭瓚之形狀也。 毛傳又云: 以圭爲柄,黄金爲勺,青金爲外,朱中 也。」鄭云:「黄流, 秬鬯也。 祭,因以 王,以裸賓客。」鄭玄云:「肆,解牲 云:「玉瓚,圭瓚也,黄金所以飾 大五升,口徑八寸,下有槃,口徑一寸。 《周禮 《詩》云:「瑟彼玉瓚,黄流在 九命然後錫以 是以主 爲名。」爵行曰裸。 典瑞》云: 爲杓之柄, **柜鬯圭瓚。」則晉文侯于** 「裸圭有 故 漢禮 瓚 謂之圭 圭瓚之狀, 中。」毛傳 ;以 也。 **費** 流鬯 體 秬

平王于東都王城,武公又作卿士。」隱三所殺,桓公死之,其子武公與晉文侯定云:「鄭桓公爲幽王大司徒,幽王爲犬戎文侯、鄭武公夾輔王室者」者,《鄭譜》〔案曰〕王云「幽王既滅,平王東遷。晉

之效也。 申,則王之弑不可謂非平王之志矣。諸侯但知其冢嗣 事而惡自見。 王,文侯殺攜王 爲當立,不察其與弒爲可誅,號公有見于此,而 子余臣于攜。《文侯之命》報其立己之功,望以殺攜王 伯、秦伯以師從王,入于成周。二十一年,晉文侯殺王 周二王並立。平王元年,東徙洛邑,晉侯會衛侯、鄭 侯、許男、鄭子立宜臼于申、虢公翰立王子余臣于攜 盤爲太子。申人及犬戎入周,弑王及伯盤,申侯、魯 及世子宜臼,宜臼奔申。王立褒姒爲后,褒姒之子伯 記·周本紀》及《竹書紀年》皆謂幽王嬖褒姒,廢申 事,以事連鄭,故兼及之。 鄭武公左右王室」是也。 卿執政者。」又六年《傳》,周桓 年《傳》「鄭武公爲平王 曰:「我周之東遷,晉、鄭焉依。」杜注 幽王爲犬戎所殺,平王東徙,晉 文 侯、 平王既立于申,自申還洛,又使周人爲之戍 而 平王之位定。 卿士」,杜 夫子録此篇,蓋 馬氏驌曰:《史 王意欲説 公言于王 注「王 立 晉 后

《秦誓》。〔《釋文》曰〕崤,户交反。秦穆公伐鄭,晉襄公帥師敗諸崤,還歸,佐

獲百 矣。」滅滑而還。 公許之。 伯命,以牛十二犒師。 乞、白乙,使出師伐鄭。 潛師以來,國可得也。」穆公訪諸蹇叔, 告于秦曰:「鄭人使我掌其北門之管,若 孫戍之,乃還。 年,晉文公與秦穆公圍鄭,鄭使燭之武 穆公悔過作誓。 是悔過作誓。 晉文公夫人文嬴,秦女也,請三帥 公在喪,墨縗絰。 蹇叔曰:「不可。」公辭焉。 説秦伯,秦竊與鄭盟,使杞子、逢孫、楊 三年秦師及滑,鄭商人弦高遇之,矯鄭 加 敗之,囚 里孟 崤 秦伯 明視、 其三 要 素服郊次,嚮 三十二年,杞子自鄭 **「**疏 帥。 塞 西乞術、白乙丙 晉先軫請伐 夏四 也 日〕《左傳》僖三十 晉 0 孟明曰:「鄭有備 月,敗秦 含三 晉文公卒,三十 以 其 召孟 師 帥 不 秦師。 師 假 還 一明、 西 以 于 道 使 歸 歸 歸。 使

《大學》注與《序》合,則《史記》非也。
云敗稅歸,即作誓,與《史記》不同。鄭里奚之謀,令後世以記余過。」《書序》則
則于稅,三十六年「自茅津渡河,封稅

鄭康成書贊

四卷。《孔安國《序》,孔穎達等疏。○王應麟《漢制考》文。爲孔安國《序》,孔穎達等疏。○王應麟《漢制考》科斗書。以形言之爲科斗,指體即周之古《書》初出屋壁,皆周時象形文字,今所謂

安國以今文讀之,因以起其家逸《書》,教齊魯之間。「孔氏有古文《尚書》,而天下無有。濟南伏生獨得二十九篇,以記・儒林傳》云:文帝求能治《尚書》者,〔案曰〕鄭云「《書》初出屋壁」者,《史

其書,以考二十九篇,得多十六篇。」劉 皆古字也。」「孔安國者,孔子後也,悉得 歆《移書太常博士》云:孝文皇帝始使 之後,孔安國家獻之。」家字從朱彝尊增。 古文于壞壁中、《逸書》有十六篇。天漢 朕甚閔焉。」「及魯恭王壞孔子宅,而 士集而讀之,故詔書曰:「《書》缺簡脱, 散絶,時 錯從伏生受《尚書》。《尚書》初出 者,王隱《晉書·東皙傳》云:「竹書漆字 之焉。」今《晉書・晳傳》無此文,惟王隱《晉書》有 科斗文,頭粗尾細,似科斗之蟲,故俗名 又云「皆周時象形文字,今所謂科斗 上諸條即鄭所述《書》出屋壁事 十 板,日 引,明萬曆刻本亦有之,汲古閣毛氏刻無。 魯共王 王隱書久亡,此條係宋板《左傳》疏卷末附録 餘篇。」《漢 本紀州山鼎君彝得足利學所藏宋本,采入《考 師傳讀 壞孔子宅,而得古文《尚書 書 而 已。 • 藝文志》云:「武 《泰誓》後得,博 也。 予未見 朽折 朝 得

日會意 《束皙傳》云:「科斗文者,周 也。 之本。」鄭云「周之象形文字」者,總指書 不見王 文》,故予據之。 周之古文」者、《水經》二十五《泗水注 象科斗之形,不謂六書之内一 國《序》疏 攝,校文書之部,時有古文,「孔子 五篇 象形,謂之文,及宣王太史籀著大篆 許慎《説文自序》云「倉頡 已不復知有古文,謂之科斗書。] 王隱 云:「魯恭王壞孔子宅,得《尚書》,時人 古文。」秦燒經書,古文絶矣。 鄭又云「以形言之爲科斗,指 ,與古文異。 隱書,當即據《左傳》疏。 曰 指· 五日 壁中書者,魯恭王壞孔子 引 事,二曰象形,三曰形聲,四 鄭此文,而釋之云:「書有 **爾** 轉注,六曰假借。 雅 至孔子書六經,皆 釋 親 洲 孔穎 昺 初作書,依 疏 時古文也。」 所 達 引 此造字 日象形 僞 同。 1體即 孔 宅所 新 壁 以 類 中 居 亦

《漢 得。 細,則不可知矣。 所載古文,皆作兩頭鋭形,不爲頭粗尾 逵受古學。]學孔氏古文説。今《説文》 文也。」慎子沖上書亦云:「臣父慎,從賈 篆文,合以古籀。」「其偁《書》孔氏,皆古 至康成者也。 子好古,故用古文,即安國得之而遞 古文,蓋籀文爲周 ·藝文志》亦云然。 此 謂 史籀大篆與 《説文自序》又云:「今敘 時世俗通行之字,孔 倉頡. 惟孔子六經 古文異 傳 而

麟《漢藝文志考證》一卷。 章如愚《山堂羣書考索・續集》四卷《經籍門》。○王應四十篇。 三科之條,五家之教。《堯典》疏。○

書》惟有二十八篇,不知本百篇。司馬書》爲備。」臣瓚注云:「當時學者謂《尚云:「往者綴學之士,保殘守缺,以《尚合之得百篇。劉歆《移太常博士書》〔案曰〕鄭云「《虞夏書》二十篇」云云者,

孔穎達 《尚 遷、班 伏 劉 自 納以言」三句云《尚書・虞夏書》, 爾。」杜預注《僖二十七年》引《夏書》「賦 **渾渾爾,《商書》** 夏、商、周。 此言不可泥。 穎達《堯 中真本也。 從屋壁中得也。疏云伏生二十九篇,《序》在外。 方知有百篇之目。 十八,其一曰斗。 有二十九。《論衡 ·, 其下 生《大傳》亦題 向《 西漢至西晉、《書》皆不分虞夏 書》二十九篇,法北斗七宿,四 别録》題皆曰「虞夏書」,以虞 ,固于伏《書》兼《太誓》言之,亦 疏 即引鄭《 典》疏 用之,而朱子 東晉梅 揚子《法言》云:「《虞夏書》 鄭又云「三科之條」者,即 謂 序贊》此文以 作 灝灝爾、《周書》 馬 直至孔安國《書》出, **賾别獻** • 然則 「虞夏 融 正説 鄭康 以 百篇之《序》亦 爲僞 傳」是也 古文《尚 篇》引俗 水成、王 證 書, 也 噩 非壁 書》, 夏 肅 則 儒 同 與 知 噩 孔 但

虞夏 雖引 則《商書》惟三十五篇,亦與鄭異也。 又云「五家之教」,則未詳也 湯 征》、《汝鳩》、《汝方》,于鄭 ,而孔并于《胤征》之下,以爲夏事, 列 鄭 此 題 文,不以爲然,依 也。 疏又言《帝告》、《釐 東晉 晚 爲《商 沃 出 本

十七卷《藝文門》。 《漢書》三十卷《藝文志》顔師古注。〇王應麟《玉海》三《漢書》三十卷《藝文志》顔師古注。〇王應麟《玉海》三經五十八篇,後又亡其一篇,故五十七。

篇」是計卷,若計 九卷」,注云「大小夏侯二家」。 「歐 注云「爲五十七篇」。 者,顔師古引鄭《敘贊》文也。 九篇者:《堯典》 三十一卷」,孔穎 云"「《尚書》古文經四十六卷。]班氏 顔所引不全,故據《漢志》增也。 ·又亡」,則其上當云「經五十八篇」,但 案曰〕鄭云「後又亡其一篇,故五十七」 篇 達 則三十四。 連「慎徽」以下。 其下又云「經二十 疏 謂「 伏生二十九 鄭既云 考二十 彼《志》 陽

則分出二篇,不知所分何篇,不可考矣。 篇,爲三十四篇。 鄭注三十四篇,于伏生二十九篇内分 十九加二十四爲四十五卷,而云四十六 五十八篇。 而《志》主夏侯,是夏侯經爲伏生元本。 《君奭》二十二、《多方》二十三、《立政》 誥》十九、《多士》二十、《無逸》二十一、 誥》十六、《梓材》十七、《召誥》十八、《洛 縢》十三、《大誥》十四、《康誥》十五、《 誓》二十六、《吕刑》二十七、《文侯之命》 誓》十、《牧誓》十一、《洪範》十二、《 誓》四、 謨》二、連「帝 日》七、《西伯 盤庚》二篇、《康王之誥》,又《泰誓》二 一十八、《秦誓》二十九 一十四、《顧命》二十五、連「王出」以下。《費 湯 以二十四篇 誓 日 》五、《盤 戡黎》八、《微子》九、《 來 禹」以下。 更增益二十四篇,爲 也。歐陽在夏侯前 庚》六、《高宗 爲十六卷,以二 《禹貢》三、《 歐陽三十一, 穎達又謂 酒 太 甘

首 也。 也。 惟三十四篇,增多二十四篇無 武之際亡」是也。 Ŧī. 晉僞本,以三十四爲三十三,增多二十 五卷,而云 則僞《武成》,疏引鄭云「《武成》逸書,建 馬、 ,除《序》爲五十八,《序》分散各篇之 ,皆非是,説詳《後辨》。 蓋 鄭云「又亡其一篇」者,所亡之篇, 卷,爲五 鄭之徒,百篇之《序》總爲一卷」 鄭于此 桓譚《新論》云「古文《尚書》舊有 兼《序》言之。 四 贊雖述古文篇數,其所注 一十八 十六者,虚其 既亡其一 篇」者,除《序》言之 陸 德 明《 一,則應 注 釋 存元 也 文》 四四 是 數 則 四

〔案曰〕鄭云「我先師棘下生子安國」者,《淄水》酈道元注。○《玉海》三十七卷《藝文門》。與後漢,衛、賈、馬二三君子之業,則雅才我先師棘下生子安國,亦好此學。 自世祖

國」。 者所 也。 源于安國,稱爲先師,故冠子于安國 安國」者,隱十一年《公羊傳》「子沈 襄生中,中生武,武生安國,爲武 求,求生箕,箕生穿,穿生慎,慎生子襄, 也。」觀此知當作「我先師棘下生子 經注》引《鄭志》張逸問贊云:「我先師 海人,爲光武議郎。 師也,不冠以子者,他師也。」鄭自 曰」,注云:「沈子稱子冠氏上者,著其爲 士,臨淮太守。」鄭不稱孔安國,而曰「子 下生何時人?」鄭答云:「齊田氏時善 棘下 君子之業」云云者,衛宏字敬 其不曰子孔子者,又所以 鄭又云「自世祖 會 孔子生鯉,鯉生伋,伋生白,白 安國 生」諸 處 者, 齊人號之棘 本 孔子十一 作「棘子 賈逵字景伯,扶 興後漢,衛、賈、 下生」,今考《 世孫。 下生,無常 别于孔 《世家》 帝 以 生 之 淵 子 博 棘

絶

出

示宏

西

州

得

漆書古文《尚

海衛宏長于古學,見林闇

學大興。」《林傳》亦云:「林博學多聞, 《尚書》遂顯于世。」又:「衛宏從大司 《尚書》古文學,未得立。」又云:「扶風 杜林受古文《尚書》,爲作訓旨,由是 君子皆尚古學,故鄭宗之也。 年八十八,延熹九年卒。衛、賈、馬二三 年拜校書郎中,歷議郎、武都南郡太守 儒林傳》云:「魯人孔安國 意衛子復能傳之,是道竟不墜于 》,授都尉朝,朝授膠東 曰: 『林流離兵亂,常恐斯經將 林同郡賈逵爲 書》,常寶愛之, 茂陵人,永 然而 一解,由 書,歷 ·卒,年七 服。 庸 ,傳古文 是古 但《後 左 譚, 初四 中 杜 文 作 + 郎 杜林 古文絶 傳之壁中《書》無疑。 三代 且杜 宗賈逵,推尊其學,是鄭亦安國嫡傳也。 《尚書》于塗惲,逵傳父業。」《前書 者。 書。」今鄭既言壁中《書》用 書》, 時人以 文絶于秦,惟孔壁《書》用古文,《晉 皙傳》云「漆書皆科斗字」、《説文》謂古 衛、賈、馬實皆出 衛恒傳》,恒作《書勢》亦云:「倉頡作書, 則自安國 庸生授胡常,常授 林傳》云安國授都尉朝,朝授膠東庸 地。」」據此 然《賈逵傳》則 所 不改。 林雖似别得,然謂之漆書古文,《束 得 矣。 漆書古文《尚書》,其爲安國所 而 諸文,則鄭 及秦用篆 不復 惲, 而 魯 恭王 于 知 逵, 徐敖,敖授塗惲。 云:「逵父徽,受古文 杜 壞 有古文,謂之科 杜林傳之衛宏,鄭 出 林 書,焚燒先 孔子 ,似與安國 于衛、賈、馬, 脈 科斗古文, 相承。 宅,得《

《尚書

漢 •

<u>-</u>

融

字季長,扶風

將

,侍中騎

都尉,永元

十三年

平

·陵人,

顯宗

時

爲郎

校

秘

而

訓,馬

融

作傳,鄭康

成法

林,傳古文《尚書》。

鄭

既

典,

而

尚

則

九七六

疑也。 推重衛宏,則知其同源于安國,又無

未悛。《堯典》疏。 歐陽氏失其本義,今疾此蔽冒,猶復疑惑

夏侯。」 也。 鄭以爲「失其本義」,而「疾其蔽冒」。 腸」,《君奭》「割申勸寧王之德」,博士 學,博士習之,見《漢 勝從兄子建。 伏生今文《尚 孔 深怪俗儒猶爲所惑,未肯悛改以從古 爲「厥亂 庚》「優賢揚歷」,夏侯等以 [案曰]鄭云「歐陽氏失其本義」云云者, 孔 穎達既引鄭 學, 《隋志》言: 賤夏侯、歐陽等。」是也。 鄭黜歐陽不 勸 傳授膠 寧王之德」。 書》 前漢立歐陽、大小夏 此 「兩漢歐陽之學更盛 東 文 傳歐 庸 而 ·及夏 生、賈 申之云:「鄭意 陽 儒 其 謬 侯,從可 和 林傳》。 伯、夏侯 逵、 爲「心腹 如 此 知 侯氏 讀 師 且 故

> 孔子 《經籍門》。○《玉海》三十七卷《藝文門》。 也,蓋言 ○僞孔《序》疏。 撰 若 乃 尊 天 而 書 ○《山堂羣書考索 命之 然。 日 陸 德 《尚 明 **《**經 書 典 續 尚 文 · 序 四

是尚、上通也。 之人」,趙岐注:「尚,上也。」《匡衡傳》: 加尚字,非 尚字爲孔 云:「《尚書》夏書,其次商、周之書。」則 者、《尚書緯 河出圖、 曰:『君子義以爲上。』』《孟子》「尚論古 治天下,審所上。」師古曰:「崇尚也。」 論語》:「子路 書》,加尚以尊之。」《墨子 案日〕鄭云孔子「尊而 洛出書是也。 子所加也。 也 璿璣鈐》云: 曰: 『君子尚勇乎?』子 鄭又云「尚者,上也」者, 又云「若天書然」者,如 僞孔 命之 以 因 曰 爲伏生始 明 尚 而 鬼》 謂 書 之

○馬、王同。○馬、王同。○馬、王同。○章如愚《山堂羣書考索・續集》四卷《經籍門》。《序》,孔子所作。《尚書》疏。○王天與《尚書纂傳》

也。 于正 焉。 義。」《詩譜 成謂之贊者,以序不分散,避其序名,故 以《序》總爲 文而知也。」疏又云:「作《序》者不 書》説亦同 是敘《書》則斷《堯典》。」劉歆《移博 七十餘君,自衛反魯,究觀古今篇籍,于 之序。」言其作意、《儒林傳》云:孔子「奸 之際,下至秦繆,編次其 孔子世家》云:「孔子序《書》,上 云然,且申之云:「鄭知孔子作者,依 志》亦云:「《書》之所起,遠矣,至孔 ',故鄭 之費。 E 上斷于堯,下訖于秦,凡百篇 疏又云:《序》者「緒述其事。 經、故謙而聚于下。」然則鄭、馬等 鄭以《序》爲孔子作者 避之,謂之贊。」大約古書序 贊者,明也,佐也。 序 也。 一卷,附 》疏亦云:「《書》有孔 疏引此文,以 經後,是孔氏之舊 事。」《漢 爲馬、王 佐 史記 紀 成 敢 藝文 子作 鄭 子篡 而 唐 皆 士 厠 康 緯 爲

> 赦,舉 家。 也。 將、皆不就。 餘 皆在後,今《説文》猶 東無足問,迺西 孫,從東郡張恭祖受古文《尚書》。 增多篇,則爲卷必三十,故今亦仿 多者十六卷,加《序》爲四十六。 十六卷」,謂古今文皆有者二十九卷, 後,鄭贊必又在其後。 後漢》本傳。 年, 乘,所過長 康成北 建安五 賢良 不至。 歸鄉 方正。 里。 海 年六月卒, 文支送迎。 公車徴 袁紹 高 入關,事馬融。 坐黨禁,錮十四年, 密人,哀帝僕射崇 舉茂才,表爲左中 有道辟大將軍、三 然。 爲大司農,給安 康成以 《藝文志》 年七十四。 孔子《序》既 病 鄭 遊 自 學 以 八 其 重 司 郎 111 世 數 在 四

九七七

九七八

馬融書傳序

注同,則當亦以爲孔子所加也。〔案曰〕馬云云者,馬亦以尚爲上,與鄭上古有虞氏之書,故曰《尚書》。爲孔《序》疏。

《太誓》,孔安國所得與之同,司馬遷載〔案曰〕馬云云者,此指伏生二十九篇中疏。〇《山堂羣書考索·續集》四卷《經籍門》。《堯典》《復傳所引《太誓》、《太誓》並無此文。《堯典》

之《史記》者,非今所有《太誓》也

朕卜,襲于休祥,戎商必克。」《孟子》引《太天必從之。」《國語》引《太誓》曰:「民之所欲,致俱來」。舉火神怪,得無在子所不語中及「火復于上,至于王屋,流爲鵰,五至,以百諸侯,不召自來,不期同時,不謀同辭」,《太誓》後得,案其文,似若淺露。又云「八

海》三十七卷《藝文門》。 卷。○《山堂羣書考索·續集》五卷《經籍門》。 之奇《尚書全解》二十二卷。○蔡沈《書集傳 ○《左傳》襄三十一年孔穎達疏。 明之,亦可知矣。僞孔《序》疏。○《太誓》疏。 受,非予武,惟朕文考無罪。 我伐用 在《太誓》者甚多,弗復悉記,略舉五 無此語。吾見書傳多矣,所引《太誓》而不 文考有罪,惟予小子無良。」今文《太誓》 曰:「獨夫受。」《禮記》引《太誓》曰:「予克 誓》曰:「我武 張,于湯 惟揚,侵于之疆 有光。」《孫卿》引《太誓》 ○鄭樵《六經奥論》 受克予,非朕 取 凶 ○ 玉 四 〇林 卷

士,使讀説之,數月皆起,傳以教人。』則民有得《泰誓》于壁内者,獻之。與博所得。考馬融云云,鄭康成《書論》亦云『民間得《泰誓》』。《别録》曰:『武帝末,近十九篇,以教齊魯』,但《泰誓》非伏生為云:「《史記》及《儒林傳》皆云『伏生得底有得《泰哲》』。《知録》と"人。"

《太誓》而不在《太誓》者甚多,亦不 《封禪書》,皆引其文,則知此 則是伏生已見此篇。 馬、鄭雖有此言,而伏生作《大傳》已引 出,不復曲别分析,云民間 以司馬遷在武 以前矣。馬疑神怪在「不語 臣增飾,不足盡信,如孟子疑《武成》血 年《對策》,司馬 反因 流漂杵之比。 八百諸侯,俱至孟 泰誓》非伏 (于伏生所傳內,故爲史總云伏生所 -疏,僞 一而斥其僞,故鄭、馬仍爲之注。 馬所舉 其 真 -漏落 生 而真其偽,皆非是。 要非 帝世見《泰誓》出 |所傳,而言二十九篇者, 相 五 如 津,白 事,綴緝 僞 死後,武 本。 又董仲舒建 魚人舟」之語, 所得 其書傳 中」,此或史 篇 帝 而 2也。」但 出 求 得 元 所 武 可 帝 其 元 引

逸十六篇,絶無師説。《堯典》疏。〇《山堂羣書

7索・續集》四卷《經籍門》。

《泰誓》二篇,爲三十四 《大禹謨》十二、《益稷》十三、《五子之 《舜典》一、《汩作》二、《九共》九篇十一、 歌》十四、《胤征》十五、《湯誥》十六、《咸 之内分出《盤庚》二篇,《康王之誥》,又 疏云:「鄭注三十四篇,于伏生二十九篇 六篇」,劉歆云「逸《書》有十六篇」是也。 九、《肆命》二十、《原命》二十一、《武成》 四篇,爲五十八。 卷,除八篇,故爲十六。故《藝文志》、劉 以此二十四爲十六卷,以《九共》九篇共 有一德》十七、《典寶》十八、《伊訓》十 安國『悉得其《書》」,以古文又多十六 向《别録》云五十八篇。 二十二、《旅獒》二十三、《冏命》二十四。 逸《書》得十餘篇」、《漢書》云「得多十 案曰〕馬云「逸十六篇」者,即《史記》云 所增益二十四篇者: 篇。 《藝文志》又云 更增益

篇名不合,强欲 征》、《伊訓》逸文,然絶無注,惟注三十 唐代 之,因其增多之篇 故云「絶無 皆言安國古文未得立。 秘府,不立學官,《後漢‧儒林傳》及荀悦《漢紀》 寶》等則云已逸。 鄭之言,分别亡逸,《仲 六篇爲張霸僞撰。 甲》、《説命》等則云亡,其《汩 述增多逸篇之目,與 隸釋》十四卷。 書》並立。 絶 百兩篇者,出東萊張霸,分析合二十九 無 .) 篇 則衛、賈諸君子皆不注逸篇可 師 存 即 説」者,鄭注《書序》 卷 孔穎達 見《隋• 師説」也。 也 好事者别撰僞本,孔穎達 即即 回 與鄭 經籍志》、《經典釋文》及洪适 護爲 亡是絕無,逸則 是二十四 親 考《漢 故 馬融合也。 見 有異 所 永嘉之亂,衆家 之, 真,反指鄭 述增 虺 也。 故 篇 儒 多逸《書》 備 雖 也 作》、《典 林傳》: 馬 疏 引 引《胤 述十 又云 藏在 鄭 又 用 太 述 所 注

> 書耶? 校又非 是。 首 篇 中《書》校之、非是。《釋文》引作劉向校之、非 成帝時,求古文,霸以能 反,迺黜其書。」篇數既不合,以中《書》 尾,凡百二篇。 以 霸辭受父,父有弟子樊並 爲數十, 是,且已被黜,馬、鄭肯信此 穎達妄也。 又采《左氏 篇 説詳《後辨》。 或數 爲『百 傳》、《書 簡 兩一徵,以 後 淺 敘 並 陋

王肅書注序

《六家》篇。〇《山堂羣書考索》二卷。 釋文·序録》。〇僞孔《序》疏。〇劉子玄《史通》一卷上所言,下爲史所書,故曰《尚書》也。《經典

自立異,不可從。〔案曰〕王肅之學,專與鄭爲難,此條即

十七卷《藝文門》。○鄭樵《六經奧論》二卷。《太誓》近得,非其本經。《太誓》疏。○《玉海》三

案曰]王云云者,説詳上文。

王

雖

疑

尚書後案卷三十

九八二

尚書後辨附

東吴王鳴盛學

辨孔安國序

契,以代結繩之政 古者伏犧氏之王天下也,始晝 《説文解字自序》曰:黄帝 聖人指黄帝、堯、舜,豈伏羲 《外紀》皆本之,非也。 傳》,子恒作《書勢》曰:「昔在黄帝,有沮 獸之跡,「初 結繩而治,後世聖人易之以書契。」後 司馬貞《三皇本紀》、劉恕《外紀》、陳 辨曰〕閻若璩曰:此云書契起于 造書契」。 ()由是文籍生焉。 《繋辭》曰: 晉 史倉頡 乎? 八卦, 書 「上古 伏羲 了, 見 造 世 鳥 慎 桱

道也。 謂 伏 禮樂,明舊章,删《詩》爲三百篇,約史記 史倚相「能 代寶之,以爲大訓。 設教不倫,雅誥 修《春秋》,讚易道以 末,覩史籍之煩文,懼覽之者不一,遂乃定 宜,皆聚此書也。 丘,聚也,言九州 索」,求其義 五典」,言常道也。 上世帝王遺書也。 羲、神農、黄帝之書,謂之「三墳」,言 也。 誦 畫,不待于六書。 僞孔《序》非是。 契之作,始于黄帝無疑 萬世文字之祖者,此自爲畫 倉 少昊、顓頊、高辛、唐虞之書,謂之 六書之學,原本于八卦,而 頡 者,始作 讀三墳、五典、八索、九丘」,即 也。 奥義,其歸一揆。 所 九州之志,謂之「九丘」, **奉** 書 有,土地所生,風氣 至于夏商周之書,雖 黜八索,述 八卦之説,謂之「八 契,以代 秋左氏傳》曰,楚左 先君孔子,生于周 矣。 結 謂 職 八卦言之 包 繩 。是故 方以除 犧 卦之 氏 則 所 歷 大 而 爲 書

芟夷 九丘 要,足以 煩 討論墳 亂 垂世 翦 立教,典、謨、訓、誥、誓、命之 典,斷 截 浮 辭, 自 唐虞以下,訖 舉 其宏 綱 ·; 撮 于周。 其 機

文,凡百篇

附之。 千一百二十篇。 取近,定可以爲世法者 迄于秦穆公,凡三千二百四十篇。 云:「孔子求書,得黄帝玄孫帝魁之書, 東萊張霸僞造《尚書》百兩篇,而爲緯者 百二篇者 二篇爲《尚書》,十八篇爲《中候》。」 去三 疏 曰〕此云「百篇」,據《序》而數。 因此鄭作《書論》,依《尚 誤 有所 由 以前 百二十篇, 漢之時 書緯》 斷遠 以 或 有 百 云

經仍用壁中真本,與張霸無涉。百二篇之説,似與張霸僞《書》同。鄭注〔辨曰〕鄭雖注緯,而與經别行。緯雖有

制,坦然明白,可舉而行,三千之徒並受其所以恢弘至道,示人主以軌範也。帝王之

屋壁。下學士逃難解散,我先人用藏其家書于表。及秦始皇滅先代典籍,焚書坑儒,天

魚。 書。」是安國祖藏之。 延年及安國,爲武帝博士,臨淮太守。 博士,長沙太守。 生鮒,爲陳涉博士。 生穿,字子高。高生慎,慎爲魏相。 上生求,字子家。 家語序》云:「子襄以秦法峻急,壁藏其 疏 曰〕《孔子世家》云: 魚生伋,字子思。 襄生忠,忠生武,武生 家生箕,字子京。 鮒弟子襄,爲惠帝 思生白,字子上。 孔子生鯉,字伯 京 慎

《尚書》。 猷。 十餘篇,即馬、鄭所注二十九篇也 傳授,裁二十餘篇。 漢室龍興,開設學校,旁求儒 濟南伏生 百篇之義,世莫得聞。 ,年過九十,失其 其上古之書,謂 本 雅, 〔《釋文》曰〕 經, 闡 口 之 以 大

〔疏曰〕《史記》「秦焚書,伏生壁藏之」,

少。 故也。 伏 得《太誓》」。 漢 出 馬遷在武 誓》非伏生所傳,而言二十九篇者 得《太誓》于壁内 傳》皆云「伏生得二十九篇」,案馬 裁二十餘篇,言裁 之,傳教既久,誦文則熟,不執 經 則 讀説之,數月皆起,傳以教人。」則《 「《太誓》後得」, 去《太誓》猶: 一十九篇自是計卷,若計篇則三十四, 口 口 伏生壁 生所傳内 ,不復曲别分析。 何者? 以 又言「裁二十餘篇」,意在傷亡 生求 傳授」者,蓋伏 内得 帝世見《太誓》出而得行, 有三十一。《史記》及《儒 ,故爲史總之,并云 《别録》曰:「武 若欲多之,當云三十篇 ·其 二十九篇。 書 鄭玄《書論》亦云「民 者,獻之。 亦意以爲少之辭。 ,,得二 其實得時不 生 $\overline{+}$ 初 而 九 與博 帝末、民 云 實 篇 經 伏 與伏 壁 失 而 以 生 融 内 其 教 太 干 間 司 爲 得 使 有 云 林 又 授

> 得,亦 年,河 年,黄 傳 九篇,由此劉向之作《别 馬遷時已得《太誓》以并 記》、《漢書》皆 後亦據而言之。 云宣帝時始出 王 不 事,與《太誓》同,不 所 武 . 傳 充《論 》有 知是《太誓》出後,後 傳 帝 》,不分明,因 同 門侍郎 不 内女子 八百 《論 末 也 ·可信。或者 衡》及後漢史,獻帝建安十 得之《太誓》,理當是一。 衡》 諸 旧 房宏 有壞老 芸伏 侯 又云「掘 伏 也, 《史記》云伏生得 俱 牛 同于《史記 等説 則 生 · 知 至 雖 爾時重得之,故 屋,得古文《太誓 傳 爲 云 孟 無 地 人加增 云,宣 绿》,班 歸于伏生,不 二十九篇,則 伏生先爲此説, 津 宣 此 所 一帝 得」。 時 帝 此 魚 固 女 本始 語 0 而 今《史 子 베 劉 而 向 于 得 司 元 四 書

一字非

也。」

❶ 「一」、《尚書正義》阮校曰:「宋本「一」作「三」,按

中,故後得而惑世也。但于先有張霸之徒僞造《太誓》,以藏壁但于先有張霸之徒僞造《太誓》,以藏壁而古文皆有。」則古文爲真,亦復何疑。多矣,凡諸所引,今之《太誓》皆無此言,今文不同者,即馬融所云:「吾見《書》傳

平。 不藉口 歐陽、大小夏侯三家列 讀。」、 志》「經二十九卷」,即伏生所傳之本。 亦壁藏其書,漢興,求得 語與潁川異,錯所 生老,不能正言,使其女傳教錯。 伏生《書》,顔注引衛宏《尚書序》云:「 辨曰》《漢 今異,揚子雲言:「一鬨之市,必立之 生所傳之本,則授朝 夾二氏,夾氏口説流行,未著竹帛, 宏此言是也。 授。而必使女傳教者,漢人讀 卷之書,必立之師。」如《春秋》有 • 儒林傳》,孝文使朝錯 不知十二三,略以 彼傳謂伏生當 錯 于學官者,亦即 其 自有簡 本。 《藝文 策, 秦時 往 意

> 也。 絶,故 抑伏以自伸,故云云爾。 則熟,不執經而 其非,强欲回護,乃云:「傳教既久,誦文 之言,遂妄造此 薹,何至家無本經? 竟謂伏生「失其本經,口以傳授」。 弟子皆已散去,故使女傳言耳。 受之時,或子已前卒,孫尚幼 皆名學,則伏生固有子孫矣。 勞師授,庸夫俗子,人人可以 故 亦須指授方可承學,非如今人讀書,不 E 《書》簡策雖存, 伏湛傳》,湛是生九世孫,歷敘其先 未 伏生有孫,以治《尚書》徵。 有 無師 書 鄒 口授。」不知作僞者特欲 語,其實不然。 蓋漢 氏 著竹帛 而其間句讀 僞 孔 特 誤 人之經, 師 未能 狹册 但當錯 未有 傳之人中 僞 疏 會 承學, 生縱 衛 孔 無 明 而 則 後 宏 知 師

「去《太誓》猶有三十一。」蓋《盤庚》出二〔又辨曰〕疏謂二十九是計卷,若計篇,

分出《 者意。 分出 本皆不如此 康王之誥》出 ,孔壁真 益稷》,則作僞者一人之私意,諸 至《堯典》分出《舜典》、《皋陶謨 (本及馬、鄭本皆然,非 篇 也。 此三篇 作 本 僞 應

高祖 此 事,是此篇出于武帝之前甚明。 武帝求得其《封禪 者亦非。 充云宣帝得者大謬,即《别録》云武帝末 公曰:『復哉 人于王舟,有火復于王屋,流爲烏。 于建元元年《對策》,即 誓》、《文選》注引《七略》同。 史記》云「伏生亂 又辨日〕疏 時 即 用 有《太誓》。 蓋 此 其語,恐《太誓》之出尚 況伏生《大傳》已有之,可見 篇人間流 引则别 復哉 後求得二十九篇」者 且不特此也, 婁敬説 録 書》,亦引白 》,言武 !]] 司 傳已久,不 引《太誓》:「白 馬 帝 但 相 末 不但 魚 董 在 由 如 得 入舟 仲 死, 周 .魚 舒 太

> 《六藝 者。 耶 ? 作,冤哉 所得又與之合,《周 孔 而 穎達據晚晉僞本,反誣 得 正明别得之《書》與伏合耳。 論》云民間得《太誓》者,豈疑 反 啓後 人 紛 本紀》所載正 紛之疑。 彼爲張霸 要之, 受之孔 而 孔 之 鄭

亂 《益稷》合于《皋陶謨》,《盤 升孔子堂,聞 者,爲隸古定,更以竹簡寫之,增多伏 者,以所聞伏生之書考論文義,定其 以書還孔氏。 及傳《論 居,于壁中得 至 十五篇。 序》,凡 一、《康王之誥》合于《顧 魯共王好治宫室,壞孔子舊宅,以 滅 弗可復 五十九篇,爲 語》、《孝經》,皆科斗文字。 伏生又以《舜典》合于《堯 先 金石絲竹之音,乃不壞宅, 科斗書廢已久,時人無 人 知、悉上送官、藏之書 所藏古文虞夏商 四 命》,復出 + 六 庚》三篇 卷。 其 此 周 篇并 典 生 合 餘 能 之 可 \pm 廣 爲 知 来 ∇ 其 知

丁》、《咸乂》四篇、《伊 帝告》、《釐沃》、《湯征》、《汝鳩》、《汝方》、《商書・夏社 之命》、《蔡仲之命》、《周官》、《君陳》、《畢命》、《君 仲虺之誥》、《湯誥》、《伊訓》、《太甲》三篇,《咸 《序》。 《虞書・大禹謨》、《夏書・五子之歌》、《胤征》、《 以待能者。〔《釋文》曰〕用隸書寫古文二十五 《祖乙》、《高宗之訓》、《周書・分器》、《旅巢命》、《歸 《嘉禾》、《成王政》、《將蒲姑》、《賄肅慎之命》、《亳姑》,凡 .疑至》、《臣扈》、《典寶》、《明居》、《肆命》、《徂后》、《沃 《冏命》。五十九篇,即今所行五十八篇,其一是百篇之 、説命》三篇、《周書・太誓》三篇、《武成》、《旅奏》、《微子 謂《虞書· 汩作》、《九共》九篇。 , 陟》、《原命》、《仲丁》、《河 《葉飫》,《夏 有 亶甲 商 篇 禾》、 謂

典》,《益稷》合于《皋陶 之誥》以一時事,連誦 亦壁内古文而合之者,蓋老而 古文篇題殊別,故知「以《舜典》合于《堯 疏曰〕「增多伏生二十五篇」者,以 連之耳。 應門之内」爲篇首,乃以「王若曰 其《盤庚》本當同 而 謨》」。 同 光,當 伏生之本 卷、《康 口授, 以三王 壁 因 内

篇」。 材》,亦三篇同序共卷,則又減四,通前 八,又《大禹謨》、《皋陶謨》、《益稷》,又 庚》、《説命》、《太誓》,皆三篇共卷,減 卷,異序者異卷,故五十八篇爲四 卷而《序》在外,故知然矣。此云「四 十二,以五十八減十二,非 三篇同序共卷,其《康誥》、《酒誥》、《梓 六卷」者,不見安國明説,蓋以同序者 卷數,明四十六卷故爾。又伏生二十九 也。下云「定五十八篇,既畢」,不更云 庶邦」,亦 十九,故云「復出此篇并《序》,凡五十九 王之誥》,凡五篇,爲三十三篇 一十五篇,爲五十八,加《序》一篇爲 庚》出二篇,加《舜典》、《益 何者? 五十八篇内有《太甲》、《 此云「爲四十六卷」者,謂除《序》 其《康王之誥》乃與《顧 誤矣。 以 伏 生本二十八 四十六卷而 命》别卷 加 加 盤 口

以别序故也。

壁增多 照彼 其 篇 是遂 夏侯 皆不能憑空構造,故不得已祇就 亦自僞《書》始。 謂三十三篇者,有之,自僞《書》始。 及馬、鄭,則 謬不可勝 一、《康王之誥》一,爲三十四,而從無 書》去其《太誓》,則三十四者僅 十四,而從無 ,易于剽襲,既 目 ·爲三十三矣。至增多之《書》雖亡, 撰之,無奈中有《汩作》、《九 又于其中妄分《舜典》、《益 仍爲二十九。 陽則《太誓》分出二篇,爲三十一, 之《書》十六,内《九共》出 此 、篇數鄭 言 段 皆作 用 何則? 歐陽本,又分 具述之,作僞者豈不欲 所謂二十五篇者,有之 蓋 .. 偽 已别 者 作僞者貪《太誓》文 至杜林、衛宏、賈逵 展 伏生之《書》二十 撰 轉 三篇,乃 遷 就之詞 出《盤 其 共》等, 存 八,爲 于伏 庚》 所 其 可

其卷數 者,兼《序》言之,而僞《書》乃除《序》爲 篇」是也。 《顧命》、《康王之誥》二篇同卷,實二十 五爲 鄭 捃摭 如 九卷",二十四篇 篇數似合,而 十六卷,共四十五卷耳。 内、《盤庚》三篇同 古文《尚書》舊有 既欲 不能 一十六,此卷數似合而 ·四爲 所 Ŧī. Ĭ. 依 述 盡合,進退 五十八, + + 不合,一 同于真《書》之篇數、卷數 四 傍 似 《漢 合,而 十六卷,僞《書》亦四十六卷, 八,此 八篇、僞《書》亦五 者 綴 不知真《書》乃三十四與二 于是遂爲二十五 • 藝文志》云「四十六卷 僞《書》則三十三與二十 篇數似合而實不合也。 不 緝 内《九共》九篇同卷,實 兩 卷、《太誓》三篇同卷、 四十五 以 知 無 成 真《書》三十四 、所據。 實不合也。 篇, 桓 一卷,爲 譚《 而 + 疏曲 矣。 不 -八篇,: 新 <u>Ŧ</u>i. 顧 論》云 一十八 爲 而 其 夫 僞 無 其 直 附 與

訓》、《肆命》皆同 《汩作》、《九共》、《大禹謨》、《棄稷》、《伊 誥》、《酒誥》、《梓材》,同序而異卷、《 序同 卷數又必 即 創爲此例,何足信哉 命》、《康王之誥》,異序 是《序》, 例,朱氏彝尊 厂, 乃 在卷 卷 數内 ,異序異卷者,亦非也。 也 伏《 有意曲與之合也? 以 爲 書》之《序》在 伏《書》只二十八,云二十九者,其 一若以《藝文志》所載《序》 非 ·者然。 序而異卷。 然則 而 卷數 同 何以 作僞者乃 卷。 且 伏 外 所謂 篇數 書《 孔 以爲 書 顧 康 同

博考經籍 承 詔 **,敷暢厥旨,庶幾有補于將來** 之于《易》。 正經之辭,故 辨曰〕閻若璩曰:「傳注之起,實自 爲五 藝文志》、《易經》「十二篇」,十二 , 采 十九篇作傳,于是遂研 摭羣言,以立訓傳。 孔子自卑,退不敢干亂先聖 以己所作《十翼》附 精覃思 約文申 孔

之,與《毛詩》引經附傳 前 官 傳 復古。 愚考諸《藝文志》,《周官》經六篇,《 經,而附以彖、象,如馬融之《周禮》也。 所謂彖、象不連經文者,十二卷之古經 則古之經傳本皆自爲一書,故高 具 融 者,猶與經别行。 也。 志》所載《毛詩故訓傳》亦與經別。 篇者,經分上、下二篇,餘 故石經書《公羊傳》皆無經文。 出 也。 篇之《易》遂亡。 載本文,而就經爲注。 爲《周禮注》,乃云欲省學者兩 · 傳 四 亂于 帝 有 所謂注連之者,鄭氏之注 篇,果各自爲書。 時 就 孔 費 , 詳 經爲注之事 氏《詩》疏, 直 其文義,明 再亂 三傳之文不與經連, 有宋 諸 于 出 謂 決 朱子曰: 王 後 漢 儒 是就 則《 矣。 然則 弼 出 初 人手者 十翼 而《藝文 , 始 馬 經 其 貴 今 爲 而古 讀,故 據 (載本 鄉公 安 融 及馬 傳 周 國 此

安國注。 也。 不過 記》、前後《漢書》皆無此言,恐安國 之,故有「定五十餘篇,並爲之傳」之語。 五十餘篇,並爲之傳。 典》,今果如所論。 如《堯典》,説者以爲堯、舜同道,弟素以爲雜 書》二十八篇,取象二十八宿, 略云:舊章潛于壁室,歘爾而見,曩爲今學,唯 李顒所引殊不 言及之,直至《隋・經籍志》方有此 孔傳矣。 有伏生《書傳 同 漢志》不載,必係東晉僞書,既出好事者僞撰,此 詩》毛傳乎? 有 摋。 ·真孔傳,今僞本豈能行世,斯 以 豈 而 可疑者,惟李顒 得 愚 今文字讀之而 見《太誓》疏。 漢太常蓼侯孔臧《與侍中從弟安國 謂 謂 然孔果有傳, 割 無孔傳。 武 「慎徽」以下爲《舜典》,僞《書》未出 -可解。 國 帝 知以今讐古之隸篆,推 此書見《孔叢子》。 時 本 若云不立學,故不載 無 輒 據此 于真古文《太誓》 且顒 何圖古文乃自百篇耶 作 有 漢魏諸 已,未必爲 傳 此 則 東晉 之 耶? 顒 事 《 漢 • 儒 似 人,其 《孔叢子》 科 也。 曾 閻 何 ,何以有 言 之 有 語 見 當 無 説 聞 書 《尚 應 時 真 引 傳 ? H 中 是

> 是。 壁出古文、臨淮傳義 前 此等語不可依 從 無此 孔叢子》又 議 論, 耐 載 此 孔季彦答孔 書亦云《堯典》 可謂妙矣。」皆僞孔傳出後 大夫云: 雜 有 《舜 先 典》,皆非 聖 撰 遺 訓

〔疏曰〕既言立傳之意,又當斟酌所宜。相附近,故引之各冠其篇首,《書序》序所以爲作者之意。昭然義見,宜

定五 道 息 散,損 每篇引 篇首,而不知伏、孔之《書》皆無此例 再加《序》一卷,則 則五十八篇,已足四十六卷之數矣, 卷,加《序》一篇,爲四十六卷。 此著眼。 志》不合,不得已遷 辨曰〕此節亦是極大關目 序》宜與本篇相 ,用不復以聞,傳之子孫 其一 而 蓋真古文五十八篇,爲四 篇,故五十八篇 分之,各冠篇首。 既畢,會國有巫 近,不 爲 一就其辭,引《序》各冠 四 宜聚 十七卷,與《 以以 辨僞者 蠱 于 《序》既 貽 事 僞古 後代。 處,故 也 當 漢 分 五. 從

若好古博 發三 太子知充陷己,殺之。帝詔丞相劉屈 氣。」上使充治之,于太子宫果得桐 于太子宫埋桐人,告上云:「太子宫有蠱 疏 輔 漢 雅君子,與 兵討之,太子自殺。 武 帝 末年,姦人江充行 我同志,亦所不隱 此巫 詐,先 也 蠱 氂

事也

爲今皇 爲廷 馬遷 傳》:『寬以郡國選詣博士,受業孔安國。 巫 王 補廷尉文學卒史,時張湯爲廷尉。』案湯 然考之《漢 六 〔辨曰〕閻若璩曰:「《孔子世家》:『安國 蠱 傳》,天漢後,孔安國 元 年 之難、未施行。 尉,在武帝元朔三年乙卯。 親 己丑,二年庚寅,相 與安 帝 漢 制 博 ,擇民年十八以上,儀狀端 書》,又有可疑者。《兒寬 (國 士 一, 至 遊,記 臨 案巫 淮太守,早卒。』司 其蚤卒,應不誤。 獻古文《書 蠱難在武 距 凡三十 《楚元 帝 遭 征

安國没久 也。 下增一『家』字,足補《漢書》之漏。 于弟子。 卒在太初 安國口中,其僞不待辯矣。」朱彝尊曰: 孔《序》謂作傳畢,『會國有巫蠱』,出 書》,多十六篇。武帝時,孔安國 帝紀》云:『魯恭王壞孔子宅,得古文《尚 矣,安得爲蚤卒乎? 誼,亦應二十餘歲矣。 正 士,越三十五六 「予述黄帝以來,至太初 司馬遷與都 書》而即死,其年已五十七八,且 者,補 蠱』云云者,乃史追述古文所以不立 《世家》稱『安國早卒』,《自序》則 會巫蠱事,未列于學官。」于『安國』 博士弟子,則爲之師者, 安國 矣。 前。 尉朝 《藝文 若巫 爲 年始獻《書》, 博 同受《書》于安國 蠱事乃征和二年,距 士 志》『古文《尚書》遭 考荀悦《漢紀 以二十餘 時,年 而訖」,是安 即 ぶ歳之 少 年 家獻 而僞 望 如 文 甫 國 者 成 于 博 獻

直 傳》載公孫賀、公孫敖、韓説、趙 事、《大宛傳》載李廣 後,事迄于天漢。 《世家》、《戰國策》,逮《楚漢春 之禍。』實天漢三年也。 文《尚書》云:『武帝時,孔安國家獻之。』 此不足信邪? 常博士》 中 『家』字耳。 則知《漢書》、《文選》 年備述劉向 自序》又云:『論次其文,七年而遭李 -,不亦 書 卒天漢後乎? 書》十六篇,天漢之後,孔安國獻之』, 之故耳 司馬遷據《左氏 巫蠱獄,多係征 刺 載《漢 而 典校經傳,考集異同 或曰《史記》雖訖 甚 僞《序》云云,竟出 曰荀悦《漢紀》于成帝三 乎 書》、《文選》,稱 今于《李廣 曰《家語》附録 利事、《衛 春秋》、《國 和 或曰 鋟本流 年事,安見 故《漢 劉歆《遺 《傳》附 路軍 傳, 1秋》接 太 [語》,采 破 安 紀》 稱『安 初, 奴 脱 古 安 于古 驃 載 或 國 皆 陵 亦 然 去

國約 其卒當在元鼎、元封之間,此爲定論 之,兒寬受業于安國,在元 定,況附録又何足據。 定。《世家》載 録云六十者,不 安國之年只可 十,皆不謂之早卒,而 但安國之生卒,當依《史記・ 説俱佳,宋本《文選》,劉歆《移書》亦有 依《漢紀》增『家』字爲是。」愚謂閻、朱二 十二三,征和二年安國七十七八矣。 則其卒在 五六矣。 帝 或 家」字, 巫蠱出安國 安國于文帝時已受業于伏生者,更 時 受《書》于 年二十餘,則 年 過 元 就文帝末安國 九 鼎間,若天漢後,安國已七 十,安 伏 以 孔氏子孫年皆 生,年 ·可信。 四十 其 或 八生 當 從 六十 獨言安國早卒 ·爲斷。 П 《家語 以安國 年 問 中,其謬 在 業,最 · 卒 。 朔三年, 十五六計之, 景帝 一本王 《家語 年四 四 世 伏 幼 十、五 一家》爲 中年, 可 時安 肅 生文 已十 ', 則 附 私

實,當 其 初 謬。 情節,實是如 次上獻事,亦並無作傳事 天漢後,安國久逝,其家始獻之,並無 第作傳欲獻,「會有巫 以 事者,亦爲不合。又詳其上下語氣, 而 就附會其説,以售其欺耳。《百官公卿 古文而無傳,今又并傳突出,不得 尚未生。今僞孔《序》似安國親見壞宅 前三年王魯,二十八年薨。 書》而已。 恭王初好治宫室,壞孔子宅」云云,玩 安國即爲之。 》:「安國爲諫大夫,授都尉朝。」古文蓋初置此官 「初」字,知壞宅即初王魯事,時安 獻《書》爲一時,作傳欲獻 帝 獻 元狩五年,初置諫大夫,秩比八百石。」《儒 再考《景十三王傳》,魯恭王以 景帝 無 巫 直至安國 初《書》 蠱 何者? 此。 一,何以 作僞者知兩漢秘 元 出時,孔氏 狩五年癸亥,上距 不 **一蠱,經籍道息」,** 長,始讀而寫之。 立 也。 學 郭 ? 其 爲又一時。 核當 但 下又 博士時 得 不遷 府 日之 究其 多景 表 其 國 兩 則 則 云

> 石,此安國之禄秩也。 二千石,由此六百石遷比八百石,由比八百石遷二千二千石,由此六百石遷比八百石,由比六百石,郡守秩卒于郡太守,應亦不滿四十,與孔氏他子孫異,故曰之歷宦也。爲博士年二十餘,則諫大夫時年三十外,乙卯凡九年,後又幾年至臨淮太守遂卒。此安國生平

辨孔穎達序

學,所注經傳時或異同。 得今《書》于齊魯。其文則歐陽、夏侯二家 不行,安國注之,實遭巫蠱,遂寢不用。歷 不行,安國注之,實遭巫蠱,遂寢不用。歷 不行,安國注之,實遭巫蠱,遂寢不用。歷 不行,安國注之,實遭巫蠱,遂寢不用。歷 學,所注經傳時或異同。

反有意抑彼真古文。 穎達據僞爲真,故亦多,馬、鄭實見之。 穎達據僞爲真,故藏秘府者,固在也,而雅才好博信之者

晉世 授乃 皇 可 甫 詳 謐 焉 獨 得 其 書, 載 于《帝) 紀 》,其後

此書,即自引以實其 五百年,未有人見,謐首先 帝王世紀》所引僞《書》。 王歸自克夏,至于亳」云云,此 辨曰〕《湯誓序》疏 争耳 稱皇甫謐 引之,蓋 自漢至 引《湯 當 晉, 謐 即 撰 四

朔,其爲正義者,蔡大寶、巢猗、 江左學者, 咸悉祖焉。 備,其義弘而雅, 但古文經雖然早出,晚始得行,其辭 ,義皆淺略 焯、劉炫等。 ,惟焯、炫最爲詳雅 故復而不厭,久而 其 諸 近至隋初,始流 公旨趣,多 費甝、 愈亮, 或 富 大 顧 河 丽

鄭 謂之早耶? 故言「早出」。 元帝渡江之後始 辨日〕穎達直 並 爲衆 北 經 其實僞《書》至晉世 以僞《書》爲孔 史 注 上 獻 解。 儒 而 林傳》云: 列之學官,安得 玄所注《易》、 壁中 ·所得, 漢 始 見, 世

費、顧 酈道 于河 文,餘杭人。 江夏費甝作 又「巢猗,梁國子助教」。 輕 則鄭康成。」《北史》之言如 同,江左《尚書》則孔安國,河洛《尚書》 通南北。」又云:「南北章句,好尚互有 意焉。」又云:「東都惟劉士元、劉光 也。下里諸生略 鉉,河間 之業、徐遵明兼 而 末、劉光伯、劉士元始得費甝義疏、乃 王聰,傳授浮陽 一十卷。」直 詩》、《書》、《禮 河 浮,喜尚新奇,故僞《書》先行于江左, 元注《水經》,間一引之,餘則無聞。 北。」又云: 朔仍守鄭學之舊,不爲所惑。惟後魏 並 權 南 煬帝時爲秘書學士,撰《古文尚書義疏 尚 至二劉,僞《書》之聲燄 書 會, 人也。 [義疏] 並 通之。 「齊時 李周仁,勃海 》、《論語》、《孝 不 鄭 《隋志》「蔡大寶、 行世。」《 陸氏《釋文》:「梁國子助 見孔氏 康 ,儒士罕傳《 遵明受業于屯 成 (北史): 所注,非 注解。 此。 張文敬、 經 「顧彪,字仲 蕭詧司 蓋南人 尚書 武 伯 [徒], 不 學 留 平. 文 留 教

《毛詩疏序》亦云: 僞孔爲真古文,見鄭惟注二十九篇,反以爲非古文,與 陸德明以馬 考《北史》,唐李延壽作其論南北異尚極是,而實誤信 巢、費氏亦不引用,惟間采顧彪,而究以二劉爲主。 又 雙。于作疏内,特爲殊絶。 秀幹于 觀穎達之推尊二 (毛詩)如 一時 此、《尚書》可知。 ,騁絶轡于千里,固諸儒所揖讓,日 、鄭所注爲伏生所誦非古文者正同。 「焯、炫並聰 則 其作疏 不但宗鄭學者不取 今奉勅删定,據以爲本。」 必以二 穎特達,文而又 劉爲本。 下之無 即 識 達 蔡、 作

又辨卷首疏

以《周官》在《立政》後,第八十八,鄭以爲柱》前,于百篇爲第二十六,鄭以爲在《湯誥》後,第八十二。孔以《蔡仲之命》次《君奭》後,第八十二。孔以《蔡仲之命》次《君奭》後,第三十二。孔以《蔡仲之命》次《君奭》後,第三百篇次第,孔、鄭不同。孔以《湯誓》在《夏百篇次第,孔、鄭不同。孔以《湯誓》在《夏百篇次第,孔、鄭不同。孔以《湯誓》在《夏

不同。《文侯之命》後,第八十六。孔以《費誓》在《立政》前,第八十七。不同者,孔依壁内篇次刑》前,第九十七。不同者,孔依壁内篇次元侯之命》後,第九十九,鄭以爲在《吕在《立政》前,第八十六。孔以《費誓》在

孔本,可乎? 以爲次,不是之信,反從東晉突出之僞 校書中秘親見真古文而著之者,故鄭依 出于塗惲,實安國嫡傳。劉向《别録》乃 出于塗惲,實安國嫡傳。劉向《别録》乃 (辨曰〕僞孔本乃憑臆私定,安得依壁内

六、《武成》十七、《旅奏》十八、《微子之命》卷。三十三篇與鄭注同,二十五篇增多鄭差。三十三篇與鄭注同,二十五篇增多鄭壁內所得,孔爲傳者,五十八篇,爲四十六壁內所得,孔爲傳者,五十八篇,爲四十六

十九、《 孔則于伏生所 子之歌》十四、《胤征》十五、《湯誥》十 篇十一、《大禹 四篇者,則《舜典》一、《汩作》二、《九共》九 僞《書》二十四篇爲五十八。所增益二十 誥》、又《泰誓》二篇,爲三十四篇,更增益 增二十五篇爲五十八篇。 誓》,除《序》尚二十八篇,分出《舜典》、《益 篇,不見孔 稷》、《盤庚》二篇、《康王之誥》爲三十三, 爲五十八篇。 造《尚書》二十四篇,以足鄭注三十四 蠱不行以終。 十四、《冏命》二十五。 一十九篇 君陳》二十二、《畢命》二十三、《君牙》二 咸有一德》十七、《典寶》十八、《伊訓》十 蔡 仲 内 傳,遂有張霸之徒于鄭注外僞 分 之命》二十、《周官》二 ..謨》十二、《益稷》十三、《五 其 數 前漢諸儒知孔本有五 傳二十九篇内無古文《太 出《盤庚》二篇、《康王 雖與孔 但孔君所傳, 鄭玄則于伏 同,其篇有 + 值巫 異。 篇, 之 生

鄭 《太誓》云「丙午逮師」,又引《武成》「越若 也。 九、《 不見也。服虔、杜預注《左傳》「亂其 文。」又云:「逸十六篇,絶無師説。」是融 序》云:「經傳所引《太誓》,《太誓》並無此 疏》云「流爲烏」,是與孔亦異也。 同,亦不見孔傳也。 來三月五日甲子,咸劉商王受」,並不與 云此言不見孔傳也。 十六篇。」篇即卷也,即是僞《書》二十四 國者,孔子後也。 悉得其書,以古文,又多 録》云「五十八篇」。《藝文志》又云:「孔安 除八篇,故爲十六。故《藝文志》、劉向《别 此二十四爲十六卷,以《九共》九篇共卷, 玄亦不見之,故注《書序》、《舜典》云「入 」,並云夏桀時,服虔、杜預皆不見也。 劉向作《别録》,班 肆命》二十、《原命》二十一、《武 旅獒》二十三、《冏命》二十四。 後漢初,賈逵《奏尚 劉歆作《三統歷》 固 作《藝文志》,並 馬融《 書 孔 引

命》等,見在而云亡,其《汩作》、《典寶》等 長」,又古文有《仲虺之誥》、《太甲》、《説 又注《旅獒》云「獒讀曰豪,謂是酋豪之 《胤征》云「厥篚玄黄,昭我周王」,又注《咸 注《胤征》云「胤 (伊訓》云「載孚在亳」,又曰「征是三朡」, 伐 十三篇,見亡 德》云「伊陟臣扈曰」,又注《典寶》 [木」,注《五子之歌》云「避亂 而 征臣名」,又注《禹 云逸,是不見古文也 于洛 貢 汭 引 引

述其篇目,而于《書序》注中間引其文, 人爲四十六者,連《序》耳。而此以五十 也。其辨已見前矣。增多之篇亡于永 也。其辨已見前矣。增多之篇亡于永 也。其辨已見前矣。增多之篇亡于永 也。其辨已見前矣。增多之篇立于永 也。其辨已見前矣。增多之篇立于永 人爲四十六者,連《序》耳。而此以五十 其言四十六者,連《序》耳。而此以五十 人篇及《書序》一篇,而增多篇 数之謬

之 ? 不論, 能廢 缺,以 之鄭氏矣。 其故三也。 前,焯、炫尊信于後, 晉南北 注,遂無傳焉者正同,其故二也。 篇 即 坐令亡佚,與《逸禮》三十九篇,康成 漢末,則鄭氏天下所取信,亦未及爲注, 表彰,而終于不立學官,其故一 爲歐陽、夏侯等俗學之所壓伏, 所 穎 五 假令穎達 乃宋元明諸儒掊擊僞孔氏者甚多, 其一舉而 以 達 予輩 不誦絶之,雖以劉歆、賈逵等極 十八篇之僞孔 朝, 此 亡者,其故 幸此篇目即從穎達 段 則僞《書》突出,江左崇尚 生 然鄭學猶未 至穎達作疏 疏 歸之張霸,實辭之遁 千 作 中 疏 餘 所 有 年 于彼增多篇 :三焉。 載者是 氏,而 而鄭氏孤學愈微, 後 絶也,至宋 之時,勢固 又何從 也。 用三十 在兩 П 一也 中 目 保 漢 增 竟 ·四篇 斷 殘 而 則 在 多 吐 則 魏 不 考 于 不

歸之張 何哉? 信。 言 文 東 爲真古文,可決也, 書見黜,然則鄭之二十四篇 四 古 自 能 字 達 上與賈逵 一一 「若張」 在 而 本極易 東晉之二十五篇行,而乃以二十四 順 四 得 妄 非 ·顯宗時 載之。 篇 豈 六篇,此正安國 真 談 而 無 十五 知劉 傳問民間 霸 即即 易 古 所 識 閻若璩 霸 合, 辨 讀 欺 文之要領者 所僞 劉歆、班 又 Щ 篇爲僞,亦可決 歆在 典其職,于十六篇皆親 是信 ,而宋元 鄭析《九共》爲九,故 $\widetilde{\exists}$ 上與 所 日 獨 ,則有安國之再傳弟子膠東庸 造 以 于 掇 鄭所注古文篇數上與馬融合 劉歆 成、哀間 其 辨 此 乃 拾 鄭二十四 所 固、賈逵、馬 其 合。 明諸 百兩 所得 傳 可 也。 節 僞 記 歆 疑 者 大 篇 領校 嘗 儒皆不之察, 壁内真 而 夫鄭 而疑 非張 也。 校 不 關 日. 「篇爲真, 無 秘 過 秘 遺, 書 其 融 穎達之 以 所 霸 音 日 (古文。 所 見其 之所 乖 皆 述一 文從 書 爲 生者 則 秘 班 而 口 不

帝以 止附見 在當時 文遂行。 目 而 售吾之欺 必 蓋作僞者不能張空弮、冒白刃、直自吐其中之所有,故 甲 其 所傳篇數爲之補綴,不當別立名目,自爲矛 衡》所引者尚有數語,曰 數爲帝言古文《尚 學 命》三篇則 語 信此等僞 存其書。 漢儒授受之古文 仲虺之誥》、《蔡仲之命》、《君 汩作 (意,如 康 依 與 而 成 託 可令馬、鄭見耶? 中 此 而 一篇則因 》等二十四篇 往 固未嘗售其欺 同。 所 書校之,非是。 《儒林傳》。 乃故與之抵捂哉? 作 書哉? 也。 此皆載 籍以爲之主,摹擬聲 後並謀反, 迺卒黜之。」曾謂馬、鄭 注 因 《泰誓》三篇則 百 《禮記》、《孟子》、《國語 《禮記》、《孟子》、《左傳》所引用 不然,此書出于魏晉之間,去康成未遠 父徽 篇 《書序 ,而信晚晉突出之古文,且以 在 今張霸《書》已不傳,而見于王 書》與 無爲張 史册 實 《傳》云:「文意淺陋 也。 爲 鄸 霸辭受父,父有弟子 又 曰 : 確然可 霸 經傳、爾雅 安國之六傳弟子, 「伊尹死、大霧三日」,此 因 百兩篇不見于《藝文志》, 云某篇亡 所 馬 蓋 造、不知 口 陳》、《君牙》莫不皆 融 作古文者 必據安國所傳 信者 以爲之役,而 所舉之五事 也。 》詁訓 》所引用也 某篇逸 張霸乃百 Ē 篇 孔 相應,故古 逵受父業. 當據 諸 **樊** 穎 盾 或數 也,《 《舜典》、 篇 彼豈 後 也 大儒 並。 達 充《論 兩篇 足以 (太太 安國 何等 目 以 然揣 不信 然 簡 無 及 説 詔 而 而

而 綴 則《九 不 顧 也 共》九 穎 達 篇 乃黜 將 何從措手邪 真 而扶偽,何 ? 其 此 哉 所 以 甘 與

亡逸並 《書贊》云:「我先師棘下生子安國,亦好 孔 歆、賈逵、馬 博,既宣之矣。」又云:「歐陽氏失其本 勝、夏侯建、 與安國不同者,良由 今疾此蔽冒 案伏生所 末蔡邕所勒 注 鄭 學,傳授膠 之違 三十三篇 劉歆、賈 衛、賈、馬二三君子之業,則 文《尚 不行。 承 賤夏侯、歐 其 與孔 傳 後、所注皆同賈逵、馬 書》,篇與夏 ,猶復疑 以庸 融 歐 異,篇數 石經是 逵、馬融等所 東 故鄭 十四四 陽 等並傳孔學,云十六篇 庸 陽等; 生、賈、馬等惟傳孔學 和 生、 也 篇 與三家 伯 孔注之後,其書散逸 惑未悛。」是鄭 並 者謂 劉 等三家 侯 與三家 何意鄭 孔所傳者, 歆、賈逵、馬 等同,而 傳 之今文, 同 是也 所傳 以爲古文。 注《尚 同 融之學, ? 雅 意 膠 經字多 及 則 才 融 師 鄭 後 又 書 東 夏 劉 經 等 好 此 玄 庸 祖 漢 侯

> 膠東庸· 衛、賈、 鄭注 陽」,「 異。 所 書 \pm 昧 得傳者三十三篇古經,亦 後漢,衛、 璜及塗惲 • 及傳說絕 谷」 儒 夏 不 劓刵 林 侯 馬亦傳孔學,故《書 生,生傳清河胡常,常傳徐敖 同 曰 傳》云:安國傳都尉 等《 也。 劅剠」云「臏宫 柳 · ', 惲 賈、馬二三君子 無傳者 書》 谷 三家之學 傳河 \neg 宅嵎 心 南 桑欽。 腹 夷 劓 傳 腎 贊》云「自世 割 爲「 孔 腸 無 朝子俊、俊傳 之業」是 脰 至後 業 其五十八 宅 庶 E 者 嵎 剠 (漢初 敖傳 憂腎 鐵 也。 漢

足問 國 安國 或 衛宏、賈 囚 辨 疑 曰〕鄭雖受古文于張 「伏生所傳、歐陽、夏侯所注者、爲今 然《書 西西 杜 林 矣。 | 逵 漆 贊 介所 關 孔 ())稱 傳 書 師 得 杜 穎 安國 馬 達 林 自 融 本, 西 禮 爲先師,其淵 州 恭祖 而 融 記 鄭 所 似 以以 亦 注 不 緇 注此 古 出 Щ 衣 文 于 源 東 ***** 疏 安 即 于 無

失,而 指爲張 孔 即 用 文《尚 九,僞孔爲三十三。 孔異」,而終歸 鄭、王本即庸生本,亦即孔壁本。 多者,既亡無可質驗,故逞其詆誣,而 心逗露出來。 疏既知鄭 所出之古 知鄭實見增多篇者也。 「馬、鄭、王本皆無「帝曰」,當時庸生之徒漏之。」是馬 尚書》疏與《禮記》 ,則詭 孔本, 僞 晚晉 霸 人多知之,而僞古文乃假托 爲 則自不得不黜鄭矣。 注即 ,何哉?《堯典》「我其試哉」,疏云: 文,即 僞 衹因 疑 辭 本甚完好,其作 于鄭只傳三十三篇 壁中《書》矣,《書》疏又强 賈、 未傳增多之篇 日 鄭未注增多篇,且已亡 鄭 「何意 流同 馬所 注 出 尚 注 鄭注 穎達口中又不覺無 者,元從壁中 穎達、《禮記》 書 究之鄭· 》。」是 疏 逸 蓋 不 即二十 · 得 以 並 也。 不 增 與 干

有「宅嵎鐵」諸異。

今本號

稱古文,

内惟

宅嵎夷」等翻同于夏侯,已爲謬矣。

[又辨曰]鄭爲古文,夏侯等爲今文,故

洪氏 者 同又 次。 侯,則 古 敘三宗以年多少爲先後,碑 字,合五百五十五字,洪氏 五字,借用者八字,通用者 校之,多十字,少二十一字,不同 方》五字、《立政》五十六字、《顧命》十 字、《無逸》百二字、《君奭》十一字、《 十二字、《高宗肜日》十五字、《 洪适《隸釋》所載石經殘字、《盤庚》百 微 異,「 也。 四字、《洪範》百八字、《多士》四 不今,非伏 有九年異。其與石經之從 《隸釋》中者九百七十三字, 有如 本校之,不至甚 碑又云「高宗之饗國百年」,亦 劅 蔡邕石 剠 不然則 爲「黥 此,然後知晚出之《書》, 非 經 何 孔,而 正爲 然音義亦不相 以 石 今文,亦 欲 異,視《尚 經《論語》殘 别 遠 爲 以今孔《書》 則以 十一字。 當同 今文者 既同 牧誓》 家 者五 洪氏 傳 之學 序 蓋 與 于 迥 爲 五. 儿

無足據耶! 别? 彼作僞者之狡獪閃爍,又何其一

字彦始。 柳,字洪季,即謐外弟也。 内史,遂于前晉奏上其書,而施行焉。」 以古文授扶風蘇愉,字休預。預授天水梁 篇之《書》。」《晉書》又云:「晉太保公鄭沖 書》,故作《帝王世紀》,往往載孔傳五十 謐傳》云:「姑子外弟梁柳邊得 至晉世王 亂其紀綱」爲夏太康時。 始授汝 肅 注《書》,始似 南 梅賾,字仲真,爲豫章 竊 季授城陽臧曹, 又《晉 見 孔傳 書 古文《 皇 故 尚 注

當之官,人勸謐餞之,謐曰: 城 時過吾,吾送迎不出門,食不過鹽菜,貧 述爲務。城陽太守梁 字士安,安定朝 辨曰〕今《晉 示以 陽太守而賤梁柳,非古人之道也。」太 酒 肉爲禮。 書 • 那 皇甫謐傳》但云: 今作郡而送之,是貴 柳,謐 博綜典籍,以著 從姑 『柳爲布衣 子也, 「謐

待言。 盾 ? 言 作,大約不外二人手。 《鄭沖列傳》:「沖字文和 則孔氏之立,似即在 書》鄭氏一人,古文《尚 祚,崧轉太常,時方修學校,置博士 行邪? 且今《晉書・荀崧傳》:「元 上」、「前」字恐誤,何也? 又言其與何晏等共成《論語 沖執經親授,與侍中鄭小同俱被賞賜。」 平三年,拜司空,及高貴鄉公講《尚書》, 耽玩經史,遂博究儒 康 亦不言傳古文《尚書》。 紀》、《年歷》。」並 東晉之初,梅賾 種《晉書》。又言梅 年卒,年 況前晉秘書,見存僞《書》,寧得 但僞《 書》非一 + 不 言得 八。 王 術及百家之言。 斯時,穎達之誤 獻 彼見秘 肅 書 書》孔氏一 滎陽 古文《 穎達所據 謐 賾 一于前 作 二, 何 《舜典》 著《 集解》上之, 即皇 府 開封人。 書 命王 自 所存 人。」 甫 疏 相 似 帝 晉 踐 施 矛 明 别

已盛行 經 但 璞死王敦之難,實當東晉明帝時。 曰「犬高 我后」、《尚書》孔氏 未 嘉 未 微 上獻 渡江 四 審 西山經》「鳥鼠同穴」,亦引孔傳「共爲雌雄」云云。 年 爲 别 以 于代,故注引《太甲》中篇 事,未嘗一及元帝年號,知成于 晉之何 立學,則 撰 四 前。 尺日 時僞 年 獒」。 在 圃 故 傳 孔《 東 注 郭 日「共 是璞已 書》雖 晉 引元 璞 耳。 注 「爲雌雄」,又 康 爾爾 未立學官 璞注《山 爲 雅 一一餐 所 欺。 成 海

得焉。 募遺 方興 頭 時已亡《舜典》一篇,晉末范甯爲 得 典,乃得其篇焉。 有 而 罪,事 一獻之,議者以爲孔安國 至齊蕭 亦隨 鸞 寢。 武 四 至 年 隋 姚 開 所注 方 皇 興 解 三年 于大航 也。 時 已 值

〔辨曰〕説見《舜典》。

間。事雖久遠,故得猶存。 晉之初,猶得存者,雖不列學官,散在民然孔注之後,歷後漢之末,無人傳説。至

「辨曰〕此段尤爲遁辭,直不足辨。

辨陸德明釋文

都 高,左右采獲,爲小夏侯氏學 歐陽氏世傳業,爲歐 大夏侯氏學。 誦 禁學,孔子末 書》者,孔子 尉,都尉傳族子始昌,始昌傳族子勝,號 十九篇,授 删録,凡百篇,爲之《序》。 孫 夏侯建 惠 濟 壁 南 陽氏學。 一藏之。 張生千乘、歐陽 師事夏 漢興,伏生 張生授夏侯 侯勝及歐 生。 陽 П

授原流。〔辨曰〕以上一段,述伏生今文《尚書》傳

鄭、王諸儒皆疑之。 傳》、《國語》、《孟子》所引《太誓》同,馬、《太誓》年月不與《序》相應,又不與《左之,與伏生所誦合三十篇,漢世行之。然

三十耳,非以合《太誓》稱三十。而《序》在外,是伏《書》因加《序》或可稱至宣帝始得。且孔疏云伏《書》二十九,也。伏《書》二十九,内本有《太誓》,不也。伏《書》二十九,内本有《太誓》,不〔辨曰〕以上一段,述《太誓》所由得,非

之,非是,後遂黜其書。 百兩篇者,出東萊張霸。成帝時劉向校

者乎?」 文》,則校古文者,向也,識而 真古文,而穎達以 文者,向也。 固本之爲《藝文志》,所載即鄭玄所述之 曰:「劉向作《别録》,子歆 辨曰〕以上一段論張霸僞《書》,惠 豈有向撰《别録》仍取張 為張 霸書。 作《七略 兩之,非古 今觀《釋 》**,** 班 霸 棟

誤合五篇,凡五十九篇,爲四十六卷。《藝文代生二十五篇。《藝文志》云多十六篇。又伏生孔安國以校伏生所誦,爲隸古寫之,增多古文《尚書》者,魯恭王壞孔子舊宅得之,

授琅 志 ※云: 膠東庸生,生授清河胡常 奏上,藏之私家,以 受詔爲古文《尚書》傳。 作桑欽 邪 「《尚 王 書》古文經四十六 璜及平陵塗惲,惲授河南乘欽。 授 都 卷,五十七篇。」安國 值 尉 ,常授號徐敖,敖 巫 朝。 蠱 事起,不獲 都尉朝 授 又

且 若使穎達作 篇數、卷數、篇目之與鄭本及《藝文志》 在今日幾 不合者,皆 傳授原流,而直以 辨曰〕以上一段述孔安國古文《尚 妄也 無由致疑矣。 溷 疏, 然同 亦如德明之言,則予輩 東晉 · Y 辭, 一 一晚出者當之。 甚矣,德明之懵 槩不復措辨。

伏 馬、鄭、杜預之徒皆謂之逸《書》,王肅 馬融作傳,鄭玄注解。 中興,扶風 今文,而解大與古文相類,或肅私見 生所誦 非 杜 林 古文 傳古文《尚書》,賈 也。 案今馬、鄭 孔氏之本絶 所 逵 ·, 是 注 作 亦 並 注 以以

而秘之乎?

又别 于此矣。 紀》自引之,以實其言耶? 僞造二十五篇 類」。 尚在 德明之無識 亦皆與僞 生今文,非古文,而 其增多之篇 謐 自注二十九篇,以掩其 一,彼實親見之,故 四 即今日予輩從羣書采 竊取 篇 以 孔傳相表裏 耳。 上 如此。 王 德明 注 段 , 合三十三篇 而 以 並 論 王 直 造傷 大 傳 杜 一肅 ,然則不知是王肅 云「解大與古文相 以 之, 此 林 注全本 遂謂 梅賾本爲古文。 孔傳,又于《世 本 但作 二者必居一 爲 得之王 迹 馬、鄭傳伏 注則專 耶? 之傳,而 , 德明時 鄭 注, 抑 就

傳 江 爲《舜典》篇以續之,孔《序》謂伏生以《舜典》合于 取 古文《尚書》,亡《舜典》一篇 左 中興,元帝 \pm 肅 注《堯典》,從「眘 時, 豫 章 内史枚賾奏上孔 徽五典」以下分 購 不能得,

> 《舜典》首有『曰若稽 氏。 得,上之。 之注,造孔傳《舜典》一篇,云于大舫 容合之?」遂不行用 稱伏生誤合五篇,皆文相承接,所以致誤。 變爲今文集注 同 堯典》。 爲《堯典》,故 齊明 孔 (傳《堯典》止 帝建 梁武時 取爲 一,俗間 武 舜典 中, 説 爲博士、議曰:「孔《序》 「帝日: 吴興 或取《舜典》篇以續孔 古」,伏生雖昏耄, 學 欽 徒 姚 哉 遂 方興采馬、王 愐 盛 馬 鄭、王、 後范 頭 之本 何

雖依王肅本,而傳仍用孔專,可也?首二十八字。然《釋文》于《舜典》經文典》。觀此似不信《舜典》一篇孔傳及篇(辨曰〕以上一段,論東晉古文及《舜

廢 並 士。 漢 滅亡,而古文孔傳始興,置博 始立歐陽《尚書》,宣帝復立大小夏侯 博 雖依王肅本,而傳仍用孔傳,何也 土一人。近惟崇古文,馬 平 今以孔氏 帝立古文。 爲正 ,其《舜典》 永嘉喪亂,衆家之《書》 鄭、王 土,鄭 篇仍用 注 氏 王 遂 亦 博

肅本。

景帝時 能 立。 與此同。 篇,而三十九篇不解,竟無傳焉。」古文《尚書》無注,正 篇,鄭康成曾見,且引其文于注中,不知何緣只解十七 以易亡也。朱子云:「孔壁得古文《儀禮》五十六 但注二十九篇,而 東漢古學頗盛,而終不得立學。 大詬,古文不幸所遇非其人,旋立旋 前 遭蕩滅,況古文未得 十四卷。 陽、大小夏侯並亡于此時。 石 立,爲諸儒所排,厥後得志,古文得以 、爲其 盡焚,而兵亂反從而亡之。蓋古文出 而《隋 無如歆 夫歐陽、夏侯 牛弘歷陳古今書籍之厄, 真古文亡于永 京華 其出 所壓,不得立學。 雖 覆 稍後, 經 識古,而仕 滅、爲書之四厄。 籍志》述之尤詳, 不注 已有伏生之《書》 立 立 嘉 增多之篇,此 者邪? 學四五 始 始 于新莽,爲 亦見洪氏《隸 劉歆移 見 百年 康成 秦火 德 謂 明 廢。 欲 在 又 世 釋 歐 此

> 而何哉 耳。 章,埽地將盡。」古文《尚書》非亡于永嘉 傳》亦云:「永嘉之後,宇内分崩,禮樂文 三千一 九百 書監 洛都覆没,靡有孑遺。 著作郎李充 書》經文」是也。 隋•經籍志》云「晉秘府存有古文《尚 《舊唐書 餘 荀 十四卷。」是也。 勖 卷,名《中 録當代 以 •經籍志》云:「永嘉之亂 勖 所 經 元帝之初,漸更鳩聚, 舊簿校之,才十之一 藏 簿 ? 》,隋 書 江表所存官書止 目,凡二萬九 《北史 唐 時 尚 儒林 千

似 而 者即真古文。 (又辨曰)德明之意, ·四篇, 經 有 識 文 識。 而 篇 른 亦皆用 , 頗有 爲未見增多之篇 但傳文仍用 惟古文亡于永嘉 疑焉 王 此 肅 其 , 故 本,不用 懵妄實 總以 方 不 興 録二十八 而 本 馬、 甚 方興本,差 一言甚佳。 鄭 東 則亦終于 但 惟《 注

予輩 其 得 可 生 取,餘皆非 據 隋 以 唐 考真 間 猶 (古文亡 也。 習 聞 古 滅之 書盛 由 衰 原

史記儒林傳

嘉,頗 流亡,漢定,伏生求其書,亡數十篇,獨 伏生者,濟南人,故爲秦博士。 書》,而安國 頗能言《尚書》。 二十九篇,即以教于齊魯之間。學者由 十餘,老不能行,詔太常使掌 書》,得十餘篇 治《尚書》者, 辨曰〕詳玩此段敘伏生今文,末帶説 秦時焚書,伏生壁藏之。 自此之後, 能言《尚書》事。 以 蓋《尚 今文讀之,因以起其 魯周霸、孔安 聞伏生能 伏生教濟南張生及歐 書》滋多于是矣。 孔氏有古 治, 故朝錯往受 召之。 其 後 國 文帝 雒 文《 兵 時, 年 家 陽 起, 尚 孔 逸 賈 陽 得 九 求

> 寬,非 文古、 歐陽生今文及安國古文下,俱各繫以 者,乃今文也。 此 失却 安國 博士,受業孔安國,以試第次補廷尉史, 事歐陽生,治《尚書》,以文學應郡舉,詣 古文,所謂古文不合時務是也。 好古之士如馬遷、都尉 子以今文,所謂禄利之路然也。 安國非伏 霸三人内省去孔 古文,起 也。 非經學既明而得禄之驗乎? 文而 · 史遷 自安 指安國通今文。 之意。 通之,其 生一派,而史遷及之爲贅, 若僞 國, 近代有漢 孔 蓋安國 安國,專歸古文, 最爲明 、爲博 則非古文,亦非 朝, 士時,自 白。 在當時 儒授 另敘 方從安 班 經圖 其所受 兒寬初 實兼 當 古 至 孔 國 一别 則 授 于 氏 弟 兒 問 有 今 甚 似 周

漢書藝文志

伏生傳授者。」傳四十一篇。 夏侯二家,《歐陽經》三十一卷。師古曰:「此二十九卷,云「後又亡其一篇」,故五十七。」經二十九卷。 大、小詔作傳,引《序》各冠其篇首,定五十八篇。」鄭玄《敘贊》曰:「孔安國《書序》云:「凡五十九篇,爲四十六卷。 承曰:「孔安國《書序》云:「凡五十九篇,爲四十六卷。 承

句》各二十九卷。《歐陽章句》三十一卷。《大》、《小夏侯章

贊》以明之,云「亡其一篇,故五十七」。 大卷者,内《盤庚》三篇同卷,《太誓》三 二十四篇。十六卷者,《九共》九篇同卷, (辦百〕伏《書》二十九卷,将《太誓》三 其四十五卷,加《序》爲四十六卷。二十 共四十五卷,加《序》爲四十六卷。二十 八辨曰〕伏《書》二十九卷,增多十六卷,

如此。 《堯典》卷一,梅本分出《舜典》。 言之。 卷十、《胤征》卷十一、《湯誓》卷十二, 卷四、《大禹謨》卷五、《皋陶謨》卷六,梅 之卷數、篇數爲孔壁之卷數、篇數,豈知 茫然莫辨,故夾入僞孔《序》,直以 《武成》尚存,故曰五十八。 但云「四十六卷」,其中虚一卷,則元有五十八篇已見。 時,時《武成》已亡,故注云「五十七篇」,紀現存之實。 本分出《益稷》。 其似合而實不合哉。今依元第次之: 逸書,建武之際亡」是也。 所亡之篇則《武成》。 五卷,爲五十八篇。」四十五者,除《序》 桓譚《新論》云:「古文《尚書》舊有四十 湯誥》卷十三、《咸有一德》卷十四, 禹貢》卷八、《甘誓》卷九、《五子之歌》 一,別有《舜典》。《汩作》卷三,《九共》九篇 譚在建武前,卒于世祖時,年七十餘 師古雖知引《敘贊》,其于真僞 《棄稷》卷七,别有《棄稷》。 疏引鄭云《武成》 班作《漢書》在顯宗 。其一一印合 《舜典》卷 梅氏

《旅獒》卷二十七,《金縢》卷二十八,《大 載《畢命》文即劉歆載之《三統歷》者,穎達作《冏命》: 命》、《康王之誥》卷四十、《冏命》《律歷志 誥》卷二十九、《康誥》卷三十、《酒誥》卷 氏《别録》之舊,不敢擅改。 五,建武之際亡,班氏作《志》已亡而虚其卷數,仍劉 十三,《牧誓》卷二十四,《武成》卷二十 次《太甲》。 十二,梅本次《蔡仲之命》。《吕刑》卷四十三, 冏當爲畢字之訛也。 五、《無逸》卷三十六、《君奭》卷三十七, 十三、《洛誥》卷三十四、《多士》卷三十 三十一、《梓材》卷三十二、《召誥》卷三 七、《原命》卷十八、《盤庚》三篇卷十九 《多方》卷三十八、《立政》卷三十九、《顧 高宗肜日》卷二十、《西伯戡黎》卷二十 伊訓》卷十六,梅本次《湯誥》。 、《微子》卷二十二、《太誓》三篇卷二 典 寶》 卷四十一、《費誓》卷四 卷十 《洪範》卷二十六, Ŧi. 梅 《肆命》卷十 本次 《湯誓》。

《文侯之命》卷 矣。伏、孔雖有古、今文之别,而異流 也。然但有伏生傳及歐陽、夏侯章句, 伏生今文也。又繼以傳四十一篇,則伏 爲《畢命》,誤五 三。《顧命》、《康王之誥》異卷,誤四。不知《冏命》當 德》等篇仍依梅本之次,誤二。《武成》不入卷數,誤 氏若璩所次,不知《益稷》當爲《棄稷》,誤一。《咸有 耳,其二十九卷固無異也。但伏《書》卷 源,彼此印合,孔《書》不過增多十六卷 儒章句,别爲一列,抑之不使與經傳並 生所作《大傳》,系經下,尊伏生也。 [又辨曰]古文經下繼以經二十九卷,則 五,百篇之《序》合爲一篇,卷四十六。 夫《歐陽章句》三十一卷,則知經亦三十 而並無所謂安國之傳,則安國不作傳明 二、《太誓》出二、《康王之誥》出 十九,篇則分爲三十四矣。謂《盤庚》出 二十九,篇亦二十九,而孔《書》卷雖二 四十四、《 秦誓》卷四 也。 同 + 閻

陽

日

、《盤庚》亦必

引馬云:「王若曰」以下,歐陽、大小夏侯 王之誥》。」馬、鄭、王本則然。又《釋文》 疏又云:「分《顧命》『王若曰』以下爲《康 序》在外,則知歐陽、夏侯均有《太誓》。 一十九卷,二家不 分出之二篇,非《太誓》而 爲《顧命》。《康王之誥》既非歐 夏侯經大字而歐陽經小字附注者,以 卷下自注云「大、小夏侯二家」,然 伏生元本,而歐陽 疏,屢舉夏侯與鄭本相提較論,而不言歐 侯之前,而此乃以夏侯居前 歐陽經》三十一卷」。 以意揣之,歐 何則? 教,而穎達疏言二十九篇, 章句》二十九卷, 非 同如此。 歐陽所分可 馬、班皆言伏生得 陽 已稍異師 何? 乃班 分出二篇必 知 則 竊謂歐 伏《書》未 固 知 陽 傳故 于二 經 而 歐 所 亦 下。 談矣。 伏 馬 出、《太誓》三篇久已傳在 鄭本,

夏侯乃

且

後繼

以

本

在

夏

十九

卷,

夏

侯

民間

故

歐

陽

從

而

分之。

也。

觀穎達

陽,亦可見。

一十九篇以

太誓》矣。

貢》卷三,《甘誓》卷四,《湯誓》卷五,《盤 加釐正,十得八九,猶不無小誤,至予論始定。 之誤也。《尚書》卷篇之數,千載夢夢,直至閻、惠,方 三十一卷係分《盤庚》及《康王之誥》爲之,無論《康 其舊,決不删併其卷數。 卷,以足之。不知《武成》雖亡,班固必虚其一卷,以環 數《武成》,減其一卷,而以《顧 仍二十九也。 庚》卷六,三篇合爲一。《高宗肜日》卷七 之誥》歐陽不分,惠顯與《釋文》所引馬注相違,況伏 分,卷必不分,若分爲二,則反同于梅賾異序異卷之妄 陽所分外,又分《盤 書》本有《太誓》,歐陽何爲從而去之乎? 西伯戡黎》卷八、《微子》卷九、《太誓 生元第次之: ,故爲三十四篇。 《皋陶謨》卷二,連「帝曰來禹」以下。 馬、鄭必不如此。 即 杜林本, 閻氏所次五十八篇,四十六卷,不 堯典》卷一,連「慎 此閻氏之誤也。 至《顧命》、《康王之誥 庚》二及《康王之誥 篇雖三十四,而 亦 命》、《康王之誥》分爲二 即 孔 壁本,于 惠 此又惠氏 棟以 》,篇雖 今依 徽以 《禹 歐 至 卷十,三篇合爲一。《牧誓》卷十一,《洪範》卷十二,《金縢》卷十三,《大誥》卷十四,《康誥》卷十五,《召誥》卷十八,《洛誥》卷十九,《多士》卷二十一,《多方》卷二十三,《立政》卷二十四,《顧命》卷二十五,連「王若曰」以下。《費誓》卷二十六,《母刑》卷二十一,《君帝》卷二十一,《君帝》卷二十八,《秦誓》卷二十八,《秦誓》卷二十九,《秦誓》卷二十十十,《洪範》

也。共王往入其宅,聞鼓琴瑟鐘磬之音,《禮記》、《論語》、《孝經》凡數十篇,皆古字官。古文《尚書》者,出孔子壁中。武帝官。古文《尚書》者,出孔子壁中。武帝官。古文《尚書》者,出孔子壁中。武帝官。古文《尚書》者,出孔子壁中。武帝序,言其作意。秦燔書,伏生壁藏之。漢《書》之起遠矣。孔子篹焉,凡百篇,爲之

國獻之。遭巫蠱事,未列于學官。 悉得其書,以考二十九篇,得多十六篇,安于是懼,乃止不壞。 孔安國者,孔子後也,

脱字數十。
者,脱亦二十二字。文字異者七百有餘,二十五字者,脱亦二十五字,簡二十二字文。《酒誥》脱簡一、《召誥》脱簡二。率簡到向以中古文校歐陽、大小夏侯三家經

告》率以若干字爲一簡,歐陽、大小夏侯二篇、《酒誥》率以若干字爲一簡、《召字數有多少不同,何也? 蓋伏生寫此解。嘗精思之,均是二尺四寸之簡,而(辨曰〕胡渭曰:此一段中四語,殊爲難

予日 也。 此 其間 數有嬴縮,古文、今文參錯不齊,故復言 字計矣。惟簡之字數有 所出,每篇每簡字數輒 古文之足信也。 者,脱亦若干字,蓋以字數之相 脱簡者 三家因之, 召誥》脱簡二」是也。必言率簡若干字 影初 以 簡 明之。 了,非必博士官溺職之所致也。 ,簡有若干字,終身守之不敢違。 人受經于 漏 劉歆《移太常博士書》言,伏生《 藉令如此, 有脱字、脱 出 下文 ,編次之失亡,「《酒誥》脱簡 屋壁,朽折 而 或問二篇脱簡始于何 此之所有, 不 所 師,經有若干 敢易 向但當 簡 謂 然則 之别。 散 「脱字數十」者是也。 也。 絶 伏 以 多 同 ,則彼時當即 知彼之所脱 生 簡計, 劉 脱字者,傳 乎? 少,則篇 所 向 篇,篇 藏 據 不 應 與 中 曰 時? 有若 又竊 之簡 古 必 非 孔 然 有 尚 以 壁 中 寫 然 文

也 即 簡若干字,而義 若干字之説。 則簡 損。 竊以上下相承 故下文方以兩句爲對。 内,音韻盡殊。兩句之中,輕重悉異。」惟一簡只一行 于簡,可以並容數行。」此尤可以證 可知矣。 及 酒 酒誥》之簡,二十二字乃《召誥》之簡 召誥》脱 簡之所容,一行字耳,牘 此二 轉 各有所施 蓋簡制 誥 》 脱 簡 數必 此 尚 蓋損其字數則 寫 顧 書》疏引顧氏云:「策長二尺四寸,簡長一尺 篇推之,其餘篇 以 彪語 虧 簡 又嘗讀《 授 狹長,僅 簡 非 實非 其弟子,亦 二,則中古文多四十四字 則以二尺四寸爲定。 《宋書・謝靈運傳》論云:「一簡之 ,則中古文多二十五字, 文理言之,則二十五字乃 所 也。 已明,不必 若一 春秋 以 容 簡 余徧考之,策之制 簡可容數行,則音殊豈待 敬 數 一行,故 左 可 師 必 不 一傳序》 乃 知 傳壹睹 溢 敢 以 方版 而 ,增其字 故范《書 略 向 行 他 有 但 疏 計也 版 記也 靡 率簡 經 所 云率 궁: 定長 數 廣 亦 增

非劉向所校。

獻

劉歆傳

書》初 時 興,孝惠之世,乃除挾書之律。 博士,責讓之曰:「孔子修《易》,序《書》, 講 秘 帝,始使掌故朝錯從伏生受《尚書》。 作《春秋》。 書》,皆列于學官。哀帝令歆 歆字子駿,成帝河平中,受詔 立《左氏春秋》及《毛詩》、《逸禮》、古文《尚 種別爲《七略》。語在《藝文志》。 師 論其義,諸博士不肯置對, 歆移 書。 傳讀 出 向死, 歆卒父前業, 乃集六藝羣書 于 而 屋 른 及暴秦燔書,道術遂 壁,朽折散絶,今其書見在 《詩》始萌芽,天下衆書頗 與五 與父 至孝 書太常 歆欲 向 滅。 經 文皇 博 領 《尚 制 建 校 漢

同 則 簡」。 異。 以「前 字,服虔《左傳》注曰:「古文篆書,一簡八字。」參以 世 覆皆不合,疑可互稱。 書之于策,小事簡牘 簡 杼弑其君」五字,自一行可盡,執簡宜矣。 若《文十三 殊未然。 合,同録。 四寸之律,古今一也。」王伯厚謂「律蓋書以二尺四 惟《班書· 編二尺 經文、《酒誥》二十五字、《召誥》二十二字,亦各不 乃通之耳。 却書簡; 所 札謂之爲簡,連編諸簡乃名爲策。」以傳文考之,亦 簡,廣數分,長二尺」,又異。 一尺四寸爲簡定制明矣。 《南史·王僧虔傳 要多不過三十字,少則八字 能容,何用聯簡之策? 「子無謂秦無人,吾謀適不用也。」亦僅十二字・ 杜周、朱博俱舉其大數,謂之三尺。 所考定古尺度,其間二尺四寸」。● 皆定制 四寸簡,寫《堯典》 《襄二十五年》,齊南史氏執簡以往,此書「崔 撰 曹褒禮既寫以二尺四寸簡,律可知 杜周傳》注,孟康曰 繞 次 至簡中 朝贈處,常言僚 禮 制 而已。」果爾,崔杼弑君何等大事 寫 容字多少 蓋古人正名,百物未嘗假借,後 》有「發楚王冢,獲竹簡 以 一篇。」束皙《穆天子傳序 又杜元凱《序》云:「大事 又按《左傳》疏云: 一尺四 「以三尺竹簡書法律」爲 友間耳,乃又書策。 反 按《鹽 ノ,鄭注 寸 而已。 育。」《 鐵論》云:「二尺 《尚書》係三十 漢禮 周 梅 書,青絲 磐 協與律 賾 也 軍 傳 所 者 執 然 4

❶ 「間」,荀勖《穆天子傳序》作「簡」,可從。

施。 之士,保殘守缺 傳或間編。 文,得此三事,以考學官所傳,經或脱簡, 殘文缺,稍離其真,乃陳發秘藏,校理 通,藏于秘府,伏而未發。 孝成皇帝閔學 氏,丘明所修,皆古文舊書,多者二十餘 遭 九、《書》十六篇。天漢之後,孔安國獻之, 宫,而得古文于壞壁之中,《逸禮》有三十 《頌》,相合而 朕甚閔焉。] 及魯恭王壞孔子宅,欲以爲 讀之。故詔書曰:『禮壞樂崩,書缺簡 之時,一人不能獨盡其經,或爲《雅》,或爲 貫公、膠東庸生之 巫蠱倉卒之難,未及施行。及《春秋》左 書》爲備,臣瓚曰: 此乃有識 然後頗有《詩》、《禮》、《春秋 子傳説,猶廣立于學官。 傳問 成。 者之所惜閔 隨 民 《泰誓》後得,博士 聲是非 間,則有魯 「當時學者謂《尚書》惟有二十 遺學與 ¨, 抑 也。 此 國柏公、趙 此三學, 一者綴 抑而 至 一集 而 當此 孝 脱, 武

> 以兼包大小,豈可偏絶哉!」 者,不賢者志其小者。 廢之也,寧過而立之。 梁《春秋》、梁丘《易》、大小夏侯《尚書 羊、《易》則施、孟,然孝宣皇帝猶復廣立穀 子也。往者博士《書》有歐陽、《春 義雖相反,猶並置之。 明韶,與二三君子比意 秋》,豈不 八篇,不知本存百篇也。」謂《左氏》爲不 今深閉固 哀 距, 猥以不誦絶之, 非所望士君 今聖上閔文學錯 傳曰:賢者志其大 何則? 今此數家之言,所 同力,冀得 與其過 秋》公 一廢遺。 ·傳《春 亂 而

賾所獻,僞古文也。書》、《左傳》。 歆所欲立,真古文也。梅言辨曰〕「抑此三學」,三學謂《逸禮》、《逸

「此」下、《漢書・劉歆傳》有「同」字、當據補

儒林傳

之。 詔太 頗能 南張 孝文 小 書》有歐陽氏學。 子,世世傳,至曾孫高,高孫地餘 授倪寬。 三、略以其意屬讀 其女傳言教錯。 從濟南張生受《尚書》,以傳族子始昌。始 (定古文尚書序)云: 夏侯之學。 傳勝,勝傳從兄子建,由是《尚書》有大 常,使掌故 時 言《尚書》。 漢定,伏生求其書,得二十九篇,教 生及歐 求 寬又受業孔 能 陽生。 齊人語多與潁川異,錯所不知者凡十二 治 而已。三秦 「伏生老,不能正言,言不可曉也,使 朝錯往受之。 《尚 歐陽生,千乘人,事伏生, 夏侯勝,其先夏侯都尉, 後魯周霸、雒陽賈嘉, 書》者。 ;安國。 時禁書,伏生壁 聞 寬授歐陽生 師古曰:「衛宏 伏生 ,由是《尚 治 濟 藏

孔氏有古文《尚書》,安國以今文字讀之,〔辨曰〕辨説已見前。

存之。 皆貴 王莽 樊並,時大中大夫平當、侍御史周 書,天子所藏之書也。」霸辭受父,父有弟子 虢徐敖,敖授王璜、塗惲,惲授河南桑欽。 尉朝授膠東庸生,庸生授清河胡常,常授 範》、《微子》、《金縢》諸篇 文意淺陋。 分析二十九篇 安國問。 安國爲 百兩》徵,以 書敘》爲 逸 顯 時,諸學皆立。 ***** 後樊並謀 諫 得 故 作首尾,凡百二篇。 世所傳百 大夫 十 成帝時求其古文者,霸以能爲 遷 餘 中書校之,非也。 以爲數十,又采《左氏傳》、 授 書載《堯 篇 反, 迺黜 都 遭 劉歆 兩篇者,出東萊張霸 尉 巫 朝,而 典》、《禹貢》、《洪 其書 蠱,未立于學官 爲國師,璜、惲等 ,多古文説。 司馬遷亦從 篇或數簡 師古曰:「中 敞 勤上 尉 氏

古文説。〔辨曰〕遷書所載如《湯誥》、《太誓》,皆

〔又辨曰〕此傳先述《逸書》,後敘《百

中。 國獻之,而云武帝取視,此何據也? 充,或得于傳聞 劉云十六篇逸,班云得多十六篇,確然可據。 亦典其職,豈有親見《尚書》百 見。」愚謂成帝時校理祕書正劉向、歆父子,東京班 帝時,魯共王壞孔子教授堂,得百篇《尚書》于 實多十六篇。 然不類,只此篇數之不合,僞可知矣。 多二十五篇,合之則爲十九篇。 之見于東漢者,又如此也。 不言篇數,然馬融《書序》則 者如此也。《後漢書》杜林得漆書古文《尚書》一卷: 傳》、《劉歆傳》皆云十六篇。 逸十六篇爲張霸書,其謬顯然。 曰:《儒林傳》云《逸書》十餘篇,《藝文志》、《楚元 兩》,著《逸書》之非《百 武帝使使者取視,莫能讀者,遂秘于中,外不得 惟《論衡》互異,其《正説篇》云:「孝景 傳聞與 (親見固 梅賾忽上古文《尚書》,增 云逸十六篇,是古文篇數 是古文篇數之見于西漢 1篇,● 難並 兩》也。 無論其文辭格制,迥 論 而乃云爾者乎? 又古文《尚 也。 穎達 且不云安 閻 氏若璩 至王 牆 以 固 壁 Ŧ

存之。侯,平帝時又立古文,所以網羅遺失,兼而树、《書》惟有歐陽。孝宣世復立大、小夏自武帝立五經博士,開弟子員,設科射策。

廢何? 真者廢,僞者行。〔辨曰〕平帝立古文,劉歆力也。其如旋

後漢書杜林傳

徴拜侍: 生無 學。 林字伯 然 遂 常寶愛之、雖遭艱困、握持不離身。 竟不墜于地也。 何意東海衛子、濟南徐生復能傳之,是道 示宏等曰:「林流離兵亂,常恐斯經將絶, 行 而 服 林前于西州得漆書古文《尚書》 悔 御史。 所 Ш 濟南 , 扶 學。」宏、巡益重之,于是古文 風 東海 徐巡,始師事宏,後更受林 茂陵 古文雖不合時務,然願諸 衛宏長于古學,見 人。 博學多 聞, 出以 林闇 光 武

〔辨曰〕唐張懷瓘《書品》載林事,與此略

❶ 《尚書》上,閻若璩《古文尚書疏證》有「古文」二字。

《後漢書》。 用 本 由是古學大興。」語與《林傳 文《尚書》, 林傳》云:「衛宏字敬仲,東海人。從大司空杜林受古 皆科斗字」是也。《尚書》惟安國 傳》「汲郡人不準發魏襄王墓,所得漆 細狀,腹團圓,似水蟲之科斗。《束皙 科斗,古無紙筆,以漆書竹簡,故 林嘗客隴 時,劉陶删定古文、今文《尚書》,號中 同 尚 ·無涉。 科斗,則林之所得即壁中本明矣。 書》,以 惟 伯 爲作訓旨。 西 北山 山作「北 據此 「隗囂所,故云西州。 本爲正。」劉陶事 知 濟南徐巡從林學,亦以 陶亦本之于林者 山」,末又云: ?》略同。 要與梅 漆書 壁中本 頭 亦見 麤 儒 也。 顯。 書 即 文 尾

書》于塗惲,逵傳父業,與班固並校秘書。逵字景伯,扶風平陵人。 父徽,受古文《尚

曹

逵

傳

文《尚書》,遂行于世。 爲三卷,帝善之。 撰歐陽、大小夏侯《尚書》古文同異, 文《尚書》與經傳《 講北宮白虎觀,南宮雲臺。 肅宗特 好 古 文《尚書 八年, 爾雅》,詁訓相應。 学,建 韶選高才生受古 初元 逵數爲帝言 年, 詔 逵 詔 逵 集 令

《書》即安國之《書》,又明矣。 可笑矣。 物張霸,徒 傳授統系,明確如此。 晉突出者不同,乃悉舉而歸之張霸, 傳》又言逵與馬、鄭所注乃杜林本,林之 達之《 書 》即 安 國 之 《 書 》 明 矣 。 之,以至安國,一脈相承, 辨曰〕逵之《書》本于塗惲,自惲 以供 袒護 僞《書》之用也,大 孔穎達因其 歷 歷 壁中真 可 《 儒 溯 (與東 而 也。 本 林 何 H

儒于白虎觀 生受古文《尚書》,雖不 又辨曰〗《儒林傳》云:「建初 肅宗 親 臨 稱 ·立學官,皆擢 制 中,大 又 詔 會 高 高 諸 オ

所述,概以張霸誣之,欲爲僞本地耳,豈 遂以澌滅。 學,故即鄭亦未注增多之篇,延至永嘉, 官》,通人學者多好尚之,然希得立于學官。」以未立 後經學曰:「古文《尚書》、《毛詩》、《左氏春秋》、《周 表彰之力。但經學總以 二字。《毛詩》,左氏、穀梁《春秋》,各一 再則曰「古文遂顯」,其端緒固較然明著 在東漢雖盛,究未立學。 年,詔舉能通《尚書》、顧東吳曰:上脱「古文」 詩》、《穀梁春秋》各一人。 學,廣異義焉。」即此事。 受學左氏、穀梁《春秋》,古文《尚書》,《毛詩》,以扶微 相 然與 署郎及吏人,能通古文《尚書》、《毛 發。章帝建初八年,詔曰: 孔穎達欲以 東漢古文之學,其盛 郎 給 然范史一則曰「古文遂行」, 事近署。」此段 一手掩天下目,舉諸儒 安帝延光二年, 「其令羣儒選 立學爲主,古文 荀悦《漢紀》論中興 如此,皆 靈帝光和三 正與《產傳》 高 . 賈逵 才生

鄭玄傳

古文《尚書》。 建安五年卒,年七十四。 事扶風馬 玄字康成,北 融。 海 玄注《尚書》、《尚書大傳》。 山東 高 密 無足問者,迺西人關, 人。 從 東 郡 張 恭 祖受

梅賾僞本無涉。〔辨曰〕此傳敘古文《尚書》事未詳,要與

馬融傳

北海鄭玄,其徒 郎中,詣東觀 融字季長,扶風茂陵人。 ,延熹九年卒。 典 也。 校秘書。 融注《尚書》,年八十 永 融 初 博 四 沿爲通儒, 年拜 校書

壁中《書》無疑,而此傳亦未詳。融典校〔辨曰〕融所注杜林本,即賈逵本,其爲

一〇一八

賾僞本無涉。 秘書,秘府所藏古文,實親見之,要與梅

儒林傳

扶風杜 授膠 魯人 書》遂顯于世 作訓,馬融作傳,鄭玄注解,由是古文《尚 東 孔 林傳古文《尚書》,林同郡賈逵爲之 庸 安 國 譚,爲古文《尚書》學,未得立。 傳古文《尚 書 ₩, 授都 尉 朝 朝

斗,科 揚倫。 皆漆書,不本 孔 時 故頭麤尾 傳古文者,又有尹敏、蓋豫、 辨曰〕庸生之名,見于此傳。 張霸已黜,梅賾未來,安有别 喬、周磐。 斗即 其他傳中又有孫期、 細似 ·壁書。 科斗。 朱氏彝尊謂此諸 于安國。 東漢古文之學頗 以漆書竹簡,漆黏畫不能 不 知 劉 周 漆 防、丁 祐 人 此傳中 本? 八與杜林 書 、張楷、 即 行 科 述

> 異流 記》。 國以 則 也。 至杜、賈、馬、鄭。 安國古文,其傳有四: 天漢之後已經進御,中秘早備,不必複陳耳。 以一本獻之中秘, 此 傳中述孔僖字仲 東漢肅宗幸魯,遇孔氏甚優。 下,世 無所承者。 丽 一傳之其家,即《孔僖傳》云云, 同源。 |傳古文《尚 惟兒寬傳今文。 即 和 傳司馬遷, 魯國 書》。 以一 傳都尉朝 僖不獻其書,則 本藏之其家 蓋 魯人。 孔 若僞孔 氏 載《 大抵 遞 子 自 皆 史 傳 孫 安

許慎説文自序

皆古文也。大,信而有證,稽譔其説。其偁《書》孔氏,今敘篆文,合以古籀,博采通人,至于小

尚書後辨附

隋書經籍

慎子沖上書

人,考之于逵,作《説文解字》。 太尉南閣祭酒慎,本從逵受古學,博問通先帝詔侍中騎都尉賈逵修理舊文,臣父故

文》不合者,皆晉人所改。 真本,慎從逵受,載于《説文》。凡與《説〔辨曰〕賈逵傳古文《尚書》,乃孔氏壁中

二國志王朗傳

于學官。甘露元年薨。而不好鄭氏。采會同異,爲《尚書解》,列朗,東海人。子肅,字子雍,善賈、馬之學,

所有。 及僞孔合,僞孔之出于肅,乃情事之〔辨曰〕王注之存于今者,按之皆與馬融

書》十一卷。鄭玄注《尚書》九卷。王肅注《尚十一卷。鄭玄注《尚書》九卷。王肅注《尚字《尚書》十四卷。孔安國傳。馬融注《尚書》古文《尚書》十三卷。漢臨淮太守孔安國傳。今

劉焯、劉炫所爲。 此爲十一,爲九。蓋已爲後人併合,疑 當爲二十九卷,加《序》亦當三十卷,而 皆爲二十九卷,加《序》亦當三十卷,而 十三,爲十四。馬、鄭、王注三十四篇, 改定者如何。僞孔本四十六卷,而此爲 〔辨曰〕隋已有今字《尚書》,不知與唐人

生,歐陽生授兒寬,寬授歐陽生之子,世世誓》一篇獻之。伏生授張生,張生授歐陽南伏生口傳二十八篇,又河内女子得《太爲百篇,編而序之。遭秦滅學,至漢惟濟孔子觀書周室,得虞夏商周四代之典,删

第,以 學。 又爲五十八篇作傳,會巫蠱事起,不得奏 篇簡錯亂,不可復讀,並送之官府。安國 誓》與河内女子所獻不同。 又濟 孔安國 師 之《尚書》古文之學,而未得立。 誦,有五 宅,得其末孫惠所 爲大夏侯之學。 受業于張生,授族子始昌 上,私傳其業于都尉 傳 篇 不絶。 傳古文《尚書》,同郡賈逵爲之作 作傳,鄭玄亦爲之注。 歐陽、大小夏侯三家並立,訖漢東京 隸古字寫之,合成五 以今文校之,得二十五篇,其《太 晉 又雜 一篇 世秘 相 高 初,漢武帝時,魯恭王壞孔子 以 合。安國並依古文開 謂之歐 府所存,有古文《尚 今文,非孔 勝傳從子建,爲小夏侯之 藏之《書》,字皆古文。 朝,朝授膠東庸生,謂 陽之學。 ,始昌傳族子 舊本,自 一十八篇。 然其所傳惟一 「南伏 後漢扶 夏侯 其 生所 絶 都 經 餘 風

> 吴興姚 孔 陳 鄭所注多二十八字,于是始列國學。 傳,奏之時又關《舜 戾。 夏侯《尚書》並亡。 父子所著《五行傳》是其 文,今無有 所講 鄭並 至東晉豫 有孔、鄭二家,齊代惟傳鄭義,至隋 方興于大桁 行,而鄭氏 :傳者。 章 内 及永嘉之亂 甚微 濟南 市 典》一篇。 史梅賾,始得 得其 伏生之傳,惟 本法,而 書奏上,比 齊建武 歐 安 又多 國 劉 大 乖 向

《序》以爲説, 也。 者特傳耳,其 倒若此。 爲二十五篇,敘述得書本末,全依 語,尤爲 所修,其時僞本立學已久,竟以 辨日〕隋時僞本已流 一十四篇 夫鄭 鶻突。 至梅 非 所 二十五篇,亦 述 而反 經文則 泛逸 賾「得安國之傳,奏之」 近某氏據 書》篇 以鄭 即 河朔,《 注 兩 目 斷 此遂謂 爲今文,其 漢秘 不可合。 隋書》 孔 府 梅 所 所 僞 所 唐 顛 得 FL

朱子斥 氏 偏信唐人,而 入朱子之罪。 書》,可乎? 生 平專 晚 出 以 詆 不信 書》 然據《隋書》以 訶 朱子, 爲 兩 僞, 漢大儒傳授明確之 標 故 新 强 領 造 駁馬、班, 異,彼 此 辨 以 見

舊唐書經籍志

肅注。 又九卷,鄭玄注。又十卷,王馬融注。又九卷,鄭玄注。又十卷,王古文《尚書》十三卷,孔安國傳。又十卷,

新唐書藝文志

也。其所載馬、鄭、王注古文,即《堯典》〔辨曰〕新、舊《唐書志》所載孔傳即今本卷,馬融傳十卷,鄭玄注古文《尚書》九卷。古文《尚書》,孔安國傳十三卷,王肅注十

據矣。 文字。 之,大約亡于唐宋之間。 《新志》,則又以 王本固在也,至《宋史·藝文志》始無 古文字,似二家即孔本,而鄭注 即僞孔古文者,此 并系孔傳下,似馬、鄭、王所注之古文, 篇,其亡久矣。 疏 而 所 篇 數 云「馬、鄭 要之、據此二志、知唐時馬、鄭 此宋人所修,紛紛更易, 如與伏 生 但《舊志》以馬、鄭、王注 注《尚書》,皆題 日 王肅 者」是也。 特史家 居 馬融 無 前,且 蓋 識 曰古文, 耳。若 殊 增多之 别 不加 不可 加古

存。 載,詔集賢學士 定」,孔穎達所云「存古 以今文讀之,始易以隸 合者謂之野書,不特古 〔又辨曰〕壁中《書》本科斗古文,孔 識」是也。 僞孔本當亦然。 唐玄宗 一衛 包 改 不 僞 從 文廢絕,并僞孔 喜古文,天寶三 爲 書,然猶古 孔《序》云「 開 可慕,以 元文字,不 隸 隸 隸 安國 爲 古 並

書亦因之一變。

舜

虞

書

放勳、重華、文命、履皆名,與昌、發同,〔辨曰〕堯、舜、禹、湯皆謚,與文、武同。文德,言其光文重合于堯,俱聖明。〔傳曰〕亦言其順考古道而行之。華謂曰若稽古,帝舜,曰重華,協于帝。

序》 篇。 華,協于帝。文命,敷于四 史臣題目之詞,不爲名,皆非 文命皆爲名,尤甚明著。 至《大戴禮·帝繫》篇所述,放勳、重 不可邊兮」。 解 吾與 離騷》「就 以 無之, 馬 重華 禹、 融注《堯 而 · 遊 湯 重 一分瑶 華 亦 王逸云:「重華,舜名也。」 舜爲 而 九典》以 謚 敶 之圃 則 謚 詞」、《九章 駰 舜爲謚,注《湯誓 見《白虎通 」、《懷沙》「重華 **僞**《書》云:「 説皆有本矣。 海。」 也 涉江》 則以爲 謚 重

民亦音此本,今依舊音之。 故取王注從「慎徽五典」以下爲《舜典》,以續孔傳 氏傳古文《尚書》,亡《舜典》一 位。 十二字,是方興所上,孔氏傳本無。 濬哲文明,温恭允塞,玄德升聞, 《舜典》一篇上之。「曰若稽古,帝舜,曰 乃命以位」凡二十八字異,聊出之,于王注無施也。 方興本或此下更有「濬哲文明,温恭允塞,玄德升 〔《釋文》曰〕《舜典》:王氏注。 齊建武中,吴興姚方興 篇,時以王肅注頗類孔 阮孝緒《七録》亦 相承云: 重華,協于帝 梅 乃命以 磺上孔 八造孔 徐仙

云:

帝堯者,放勛。

虞舜者,名

日

重

已見《後案

· 堯

典序》。

 五

帝

本

紀》

夏禹名曰文命。

放勛」上亦當

有

名

傳聖曰堯,仁聖

一盛明

日

舜,受禪

. 成

功

除虐去殘日

湯。

雖《逸周書

謚

法

哲,智也。

舜有深智,

文

曰二二字,疑脱。

裴駰注

引《謚法

》:異善

初。

至齊蕭鸞建

武

四

年,吴興

姚

方

興

航

頭

得

孔氏傳古文《舜典》,亦

太

康

,乃表上之。

事未施

行,方興

潛也。

昔東晉之初,豫章内史梅賾

上二十八字,世所不

傳。

多用王、范

之

注補之,而皆以「慎徽」已下爲《舜

典》之

氏傳,猶闕《舜典》。

自此「乃命以

位

已

孔

幺幺

門。」則玄者微妙之名,故云「玄」,謂

之間。《老子》云:「玄之又玄,衆妙之

也。

《詩》毛傳訓塞爲實,言能

充

滿

天地

文,照臨

四方曰

明。《詩》云:「温

温

恭

深智,言其所知不淺近也。

經緯天

地

曰 :

「濬,下之深也。

哲,大智也。」

舜有

人。」言色温

而

貌恭也。

舜既

有

深

遠

之

又有文明温恭之德,信能

充

實

+

下

明

温

恭之德

信

允

塞上

下。

玄謂

幽

行

道

德,

升聞

天

朝

遂見徴

用

疏

哲,智」、《釋言》文。 舍人

所有, 久矣。 引而駁之。 炫遂 舉朝 字則并不載于大字中,僅于小字夾注 明《釋文》載其首十二字而辨之,至十 徽」云云,于二十八字亦不信用。 若稽古」至「於變時雍」,于舜止采「 陽詢《藝文類聚 何 ? 經》二十二章,當時以爲劉炫僞作,此 已無可追。 獻,梁主既 六字及「濬,深。 ·, 而 北 典》 取 集 入中原,學者得而異之。 此 經文則仍用 即炫所造耳。 妄一劉炫,擅取列之,專輒 孔 此 議 則又方興之所不及料也。 傳,云于大航 , 咸 淵其 一篇,列諸本第。」 其「慎徽」以下, 傳雖 乃「濬哲」十六字,并非 以以 謬,舉朝 爲 帝王 哲,知」等訓 王肅本音之。 非。 開皇中購古 購得, 部》,于堯 及江 咸 以 陵板 非炫造 隋學 爲非,廢 詣 夫方興 闕 惟 用 采「 文《 蕩 以 陸 然 方 之 士 穎 方 獻 德 歐 孝 興 罪 所 慎 日 而 + 劉 其

耶 《釋文》于二十八字之傳何 句。 出之而已。「于王注 妄據《釋文》,謂出 梅賾本爲真孔 識。 與傳, 于王注無所施用也。 文》「聊出之」爲句,「 **僞**,且貪 疏,既用孔 可觀耳。 之《舜典》既自 知其不可信如 遂爲典據,直傳至今。 作 氣,輕鄙先達 疏 「聊出之」者,不 而近日毛奇齡立 予既取「慎徽」 始 一槩遵 子二 其 朱子始疑今本爲僞,千 傳 與《堯典》起 十八字及「慎 爲 方 ,同其所異,異其 傳,并以二十八字爲 稱 此而用之者, 本,而 興及劉 孔 于 無施」者,一 知何 于王 傳,遂不暇 以下合于《堯典 若果出 Ě 意排 方興及劉炫 穎達謂 炫所 肅 一段 注無 自 本。 詆 徽 無一 相 造 于王本, 而 朱子,既以 以 蓋 所 炫負恃才 施 來, 配,齊 言及 而用之, 一十八字 不知《釋 奉 辨 同 下 也 聊 古卓 所 其 勅 之經 真。 復 則 真 作 明

字能分析辨駁,差勝穎達耳 孔傳則大字寫,其悉依方興僞孔傳顯然。 典》用王肅注,不知「慎徽」以下小字中引王注甚多,而 并存二十八字而辨之如此。 或疑德明于《舜 惟于二十八

《 淮 心,而化馳若神。」《淮南》亦道家,故云 緡,若愚若昏,是謂玄德。」乃道家語。 云: 云: 也。 矣。」《莊子》卷五《天地》篇云:「其合緡 謂玄德。」又卷下「淳德」章第六十 潛解者。 孫」,郭璞云: 〔又辨曰〕《説文》卷四下玄部云「幽 幽遠意,但經典玄字皆赤黑色,無 人《舜典》,恐唐虞未必有此 南子》卷一《原道 《説文》詁訓 「常知楷式,是謂玄德,玄德深矣、遠 「生而不有,爲而不恃,長而 **爾** 惟《老子》卷上「能爲」章第 「言親屬微昧也。」微 釋親 從道 訓》:「舜執玄德于 》「曾孫之子 家 也。 作僞者乃 不宰,是 味 爲 作 五 即 幽

大 禹 謨

曰若稽古, 大禹 曰 文 命 敷 于 四 海,祗

民敏德。」 曰:「后克艱厥后,臣克艱厥臣,政乃乂,黎 〔傳曰〕外布文德教命,内 則敬 承堯 舜。

[傳日]敏,疾也。 能 知爲君難,爲臣 不

易,則其政治,民皆疾修德

毒反。 告,不廢困 賢,萬邦咸寧。 帝曰:「俞! 窮,惟帝時克。」〔《釋文》曰〕告,故 允若兹,嘉言罔攸伏,野 稽于衆,舍己從人,不虐無 無 遺

如此 也 [傳曰]攸,所 舜因 則賢 考衆從人,矜孤愍窮,凡人所輕, 嘉言無伏,遂稱堯德以 才在 也。 位,天下安寧。 善言無所伏,言必 帝 成其 調堯 用。

人所重。

文。皇天眷命,奄有四海,爲天下君。」益曰:「都! 帝德廣運,乃聖乃神,乃武乃「堯不敖無告,不廢窮民。」〔辨曰〕《孟子》:「舜舍己從人。」《莊子》

《夏書》云:「天子之德,廣運乃神,乃武 尊、《詩》、《書》、《周禮》、《左傳》皆然。 贊《易》,孟子論善信之前,未甚 圖運、神、文叶韻層疊,不知「乃聖」二字 字于「乃神」上,既令四乃文法整 乃文。」晉人掇入《尚書》,又增「乃聖」二 言堯有此德,故爲天所命,所以勉舜也。 經天地,武定禍亂。 不可增也。 大,運所及遠,聖無不通,神妙無方,文 詳《後案・洪範》。 ·辨曰〕《吕氏春秋》卷十三《諭大覽》引 傳曰〕益因舜言, 洪邁《容齋三筆》論自孔 堯舜去孔孟幾千年。 又美堯也。 眷,視。 奄,同也。 廣所覆 以聖爲 齊,又

> 則顏氏所見本已如此,非衛包所改。但魏晉間人僞作古 字。」誘漢末人,時已有加彡者,非始葛洪。《禹書》「惟影 載,衛包改古文所易。 考高誘《淮南子》注云:「景,古影 季友云:「影,古文作景,葛洪《字苑》始加彡。」此天寶三 文《尚書》者,于虞夏之書而用漢末俗字,則爲謬耳。 響」,景旁加乡,見顏之推《家訓》卷下《書證》篇第十七, 禹曰:「惠迪吉,從逆凶,惟影響。」〔辨曰〕鄒 明,而足以 神聖」,以聖配神言之,實始于此。 語移之唐虞之上,其謬顯然。《左傳》「王甚 語言文字多不 補前聖所未及。 ·同,蓋 義 理 此亦晚周之語 經推 今以 晚周 衍 則 之 益

像形。」又劉向奏云:「神明之應,應若南子・主術訓》云:「如響之應聲,景之

景嚮。」

度。 作敬,開元改今文。」朱子不知何據。 干百姓之譽,罔咈百姓以從己之欲。 邪勿疑。 益 無荒,四夷來王。」〔辨曰〕《朱子語録》云:「儆,古文 曰: 罔 「 吁 ! 遊于逸, 罔淫于樂。 疑謀勿成 戒哉 ,百志惟 ! 儆 戒 熙。 任賢 無 虞, 罔違道以 勿 罔 貮, 無 失 怠 去

專欲 也。 行,道義所存于心,日以廣矣。 以爲戒。 遊逸過樂,敗德之原。 備慎深。 虞,度也。 曰〕先吁後戒,欲使聽者精 失道 **,無怠惰荒廢,則四夷歸往之。**〔疏 難成,犯衆 秉法守度,言有恒。 一意任賢,果于去邪, 求名,古人賤之。 無億度,謂無形。 興禍,故戒之。 富貴所忽,故 咈,戾也。 戒于無形, 淫,過也。 天子常 疑則 其言。 勿 特

> 専》で。 曰〕「專欲難成,犯衆興禍。」襄十年《左

荒。 書》列傳卷四十二《崔駰傳》云「無 書 | | | | | 辨曰〕《 去 戰 或 邪 策》卷十九趙 勿 疑 任 賢 勿 、漬。」 武 靈 後 王 無 漢 引

之用威,勸之以九歌,俾勿壞。」惟和,九功惟敘,九敘惟歌,戒之用休,董民。水火金木土穀惟修,正德、利用、厚生禹曰:「於! 帝念哉! 德惟善政,政在養

邾文公曰「命在養民」。又文七年《傳》, 以勸之。 也 皆可歌樂,乃德政之致。 和,所謂善政。 率下,利用以 〔傳曰〕養民之本在先修六府。 善政之道,美以戒之,威以 「政在養民」,本文六年《左 使政 勿壞 阜財,厚生以養民,三者 六府三事之功有次敘, ,在此三者。 休,美。 督之,歌 正德以 董,督 傳

歌。」此則注家之體 謂之九功。 德、利用、厚生,謂之三事。 文云:「水火金木土穀,謂之六府。 而 彼時其樂現存,人所共曉,則但言九歌 之始明。 樂職》「九德之歌」,鄭司農以《左傳》 文,盡入禹口中,可乎?《周禮•大司 非經文也。僞作古文《尚書》者,乃取其 厚生,謂之三事」,此郤缺釋《書》之言, 水火金木土穀,謂之六府。正德、利用、 休,董之用威,勸之以 也,謂之九歌。 晉郤缺 書》詞止此。 但鄭司農不依郤 言于趙宣子,引《夏 而作《周禮》者不明言也,足徵 九功之德皆 下云「九功之德、皆可 六府三事 宜然,而《大禹謨》乃 九 可歌 缺次第,乃倒其 歌,勿 ,謂之九功。 書》「戒 六府三事, 也 ,謂之九 使 之用

〔又辨曰〕《離騷經》云「啓九辨與九歌」,與之同,何耶?

興」。 啓所作 賓商 此歌,大非。 獨無九歌,則九歌乃啓樂,非禹樂甚明。 注 晚出古文乃以爲禹告舜之詞,則虞已有 傳》云:維十有三祀還歸,二年而 天帝樂,啓竊用之。」伏生《大傳・ 有「歌大化、大訓、六府、九原,而夏 嬪于天,得九辨與九歌以下。]注云: 云:「啓,禹子也。」《天問 九辨」、《九歌》注云:「九辨、九歌 鄭康成注:「四章皆歌禹之功。」而 樂也。」《山海 經》云:「夏后 *\frac{\times}{\times} 廟 虞夏 道

陳九功,歎美之,言是汝之功。 〔傳曰〕水土治曰平,五行敘曰成。 因禹

夫。」《文十八年》,史克曰:「堯舉八愷,使主后土,地『地平天成』,稱也。子臧之服,不稱也〔辨曰〕僖二十四年《左傳》:「《夏書》曰

平天成。」

不合六書,說詳《微子》、《呂刑》。 耄期倦于勤,汝惟不怠,總朕師。」〔辨曰〕耄字帝曰:「格,汝禹。 朕宅帝位三十有三載,

我衆。欲使攝。己年老,厭倦萬機,汝不懈怠于位,稱總〔傳曰〕八十、九十曰耄,百年曰期賾,言

攝位。 《史記》合,的然 《堯典》:「舜在位五十載,陟方乃死。」以 年,年六十 子》:「舜薦禹于天,十有七年,舜崩。」 載者、《舜典》孔傳與鄭不 百歲,是之謂 合,但舜生三十年徵庸,二十年,年五 五十載去十七,正得三十三。 三十,讀作「舜生三十徵庸」爲句,「三十 辨曰〕「宅帝位三十有三載」者、《孟 位」爲句,謂舜生三十歲始見召用,歷 八年堯崩,年五十八。 · • 在 即真三十九年 位 可信者也。 五十載。 同,改二十爲 此云三十 鄭康 而崩, 自謂 居喪三 成 説 + 與 巧

據,于孔傳駁辨最嚴,乃三十徵庸,三十 自造舜年數,既非一 傳》于此節云:「舜至是年九十三矣。」皆 朱子《中庸》注:「舜年百有十歲。」《蔡 文,則讓禹必不在即真之三十三年矣。 位。 試三 承孔傳之誤,而忘却 三十九年,而參之以《孟子》十七年之 禹之事。 若如《史記》及鄭説,即真只有 十七年」之文,遂造爲即真三十三年讓 舜爲即真五十年。又見《孟子》有「薦禹 與《舜典》傳同是僞書,必相祖述,亦以 十年,則崩時 而居 一歲,則誤而又誤者也。 位 》、鄭玄之説 一,仍襲 年, 喪二年,六十三而即真,凡即真 在位者,在 攝 位 用 年一百十二歲。《大禹謨 孔 二十八 ,何也?《竹書紀年》云: 臣 傳之妄,而不 位 未 百歲,又非一 中有居喪二年,遂 年,此之謂三 近某氏自負 即 真 也。 知有《史 百 自 考 + 五. 此

爲在上不忘降。《爾雅》「降婁」,降音户江反,而 與降服之降,並 釋兹在兹,名言兹在兹,允出兹在兹,惟帝 禹 德乃降,黎民懷之。 念功。」〔《釋文》曰〕降,江巷反。〇〔辨曰〕顧東吴云: 降、《唐韻》去聲四降,古巷切。古音洪。 日 三十三年,命夏后總師。」此亦僞書,不可信 《左傳》襄二十七年,鄭子展賦《草蟲》,而 「朕德罔克,民不依。 奎爲溝瀆,故稱降是平聲之降,即 讀爲平聲,自漢以上之文,無讀 帝念哉! 皋陶邁 古人降下之降 念兹在兹, 趙 降下之 以爲去聲 種 孫炎云 文子以

宜念。 在此 誣。 其德,下洽于民,民歸服之。 念此人在此功,廢此 曰〕邁,行。 言己無德,民所 名言此事,在此義。 義。 言皋 陶 種,布。 之德,以義 人在此罪。 不 能 依。 降,下。 信出此心,亦 兹,此也。 皋陶布行 3.爲主 言不可 懷, 所

得禹、皋陶爲己憂,禹、皋陶則見而知〔辨曰〕作僞《書》者見《孟子》言舜以不

公謀父 夏以 夏。」則稷固逮禹之世即降。 即 以爲稷。」夏之衰當如《外傳》作「夏之興」爲是。 其空妄如 之,遂以禹爲必當 〔又辨曰〕閻若璩云:「皋陶邁 在。」僞《書》脱漏多矣。 之際,皆有令德可見。 于百姓。」又云:「后稷之興,在陶唐虞夏 亦云:「契興于唐虞、大禹之際,功業著 也,其子曰農,能 祀以爲稷。《禮記・祭法》云:「厲山氏之有天下 外傳》展禽曰: 因此并謂 從衰字曲爲説,吾無取。 后 日: 稷、魏駘、芮岐畢吾 此 此時稷、契已卒,故 「昔我先 殖百穀。 閻若璩駁云:考《春秋 夏之興也,周棄繼之,故 專 夏之衰也 世后 讓 詹 皋 桓 夏興, 一陶者。 稷,以 伯 ,周棄繼之,故 西土 禹 種 而《史記 曰:「我 讓 德,德乃 稷 也。」 服 而 不及 契尚 事 後 孔 内 疏

不當音訌,可知矣。然《左氏》莊八年:若果如此,則「德乃降」之「降」,當音絳,降」二句,據孔傳云云,陸德明音云云,〔又辨曰〕閻若璩云:「皋陶邁種德,德乃

乎。1秋,師還。」杜預注 齊師 歸于怙亂者也夫?」《襄三十一 子引《詩》曰:「『亂離瘼矣,奚其適歸』, 獨《莊八 孔穎達疏 句,曰「言苟有德,乃爲 句,曰「《夏書》逸書也」。 終」,終之實難。」《昭十年》臧武 必音訌方與上文「郕降于 語,故隔從下注。 降」,當音訌,不當音絳 **郕降于齊師」相合。** 成語,下即 種 何 引《詩》云: 伐 師 德 罪 及 年》夏爲然也。《宣十二年》君 德 ,罪我之由。 齊 師 曰:杜謂「德乃降」爲莊公之 師 乃降。」 姑務修德,以 從其末一 公曰 韋 「『靡 據此則「德乃 郕降于 不可。 《夏書》曰: 一部《左氏》, 不 「皋陶邁種 字申解之者,不 ,又可知矣。 注 人所降服 有 齊師」,經文 「德乃降」一 齊師 初,鮮 我實 年》北 降」之 德 「皋陶 不德, 仲 也」。 克 且 慶

綻矣。 崇,退 人原與 有德, 毛」, 然也 叛,復令之以知義,而 《昭十五年》載穆 謂 不察,並 之語,皆歷 其義也。 年》載文公 八年》夏而已也。 于《烝民》詩矣,何未之見 乃降」爲《 釋文》讀 甚矣。」 一、一、中、 毛猶 日 而 乃爲人所降服者,亦不 閻氏 降 修 竄入《大禹謨 凡「德乃 『德音孔昭 去聲者,原屬誤音。 服. 有倫。」亦其 庸》卒章引《 皆 書》語,則「毛 圍 教,而崇始降。 此説甚確。 I 其例 之 有 原, 降 證,而僞作古文者, 皆讀 也。 子圍 《僖十九年》載文王 退而示信 降」之爲莊 (例也。 後從而受其降,皆 (詩))日 若洪, 又 》中,分明現 視 鼓,既令之以殺 猶有 但降下之降,古 不 民 也 《僖二十五 獨《左氏 不 而原始降。 若必以 倫 顧説最 獨見于《 ? 公釋《書》 而閻 佻」,佻 「一徳輔 亦 且 氏乃 己 應 》爲 時 一伐 莊 苟 見 德 之 如

閻氏 道耳。 爲言。 以音 亦 絳、 非 其實古音絳 音訌 不知古音者, 辨之,此特 亦讀 此 據 洪, 正可爲知者 今人之音 與訌 同音。 以

乎! 也。」 若上所爲民亦爲 名言兹在 而民爲之,是以加刑焉,而莫敢 譏其賞外盜,何以止吾盜。 之,于是魯多盜。 邾之叛臣 〔又辨曰〕襄二十一年《左傳》季 人, 軌度其信, 可明徵也, 而後 **紇也聞之**,在上位者洒濯其心,壹以待 由 夫上之所爲,民之歸也。 后 己 《夏書》曰:『念兹在兹,釋兹在兹, 玩此則《夏書》之言與《大學》「有諸 求諸人,無諸己而后非諸人」同 壹 庶其,以 兹,允出兹在 也。 信由己壹 之,乃其 武子欲詰盜,臧武 公姑姊妻之, 一兹,惟帝念功。』 、 所也。 而 其下又云 後 上所 功可 又厚 又可禁 可以治 武 不爲 子 念 賜 仲

> 何與? 亦云《夏書》,漢人以虞夏同科也。 皆云《夏書》。《後漢・文苑・劉梁傳》引「念兹在兹」, 爲《書》、爲 書》,並 《家語・正論解》與《哀六年》同。 兹』,順事恕施也。」《哀六年》孔子曰: 義,故與《尚書》本文稍殊。」殊不知《 意 《夏書》曰『允出兹在兹』,由己可矣。」 一十三年》,仲尼曰:「《夏書》曰『念兹在 故 武 與臧 仲引以 而 傳及 疏 武 巧 仲説合,安得爲斷章? 爲證,詞 疏 爲之説 皆 非也。此節之文,引者 궁: 義 夫子兩引《夏 甚 此 明,與 斷 章 襄 陶

帝曰:「皋陶,惟兹臣 作士,明于五刑,以弼 弼,輔。 無所刑 于治體 于無刑,民協于中,時乃功,懋哉 傳曰〕或,有也。 期,當也。 民皆合于大中之道,是汝之功。 雖 或行 刑,以殺 無有干我正,言順 嘆其 五 庶, 罔或干予正。 教。 能 期于予治,刑 止 以 刑 殺,刑期于 輔 命。 汝

也。故曰民協于中。」〔辨曰〕《韓詩外傳》:「聽獄執中者,皋陶

罰 皋陶 小。 寧失不經。] 弗及 于有司。」 罪疑惟 曰:「帝德罔愆,臨下以 嗣,賞延于世。 輕,功疑 好生之德, 治于民 惟 重。 宥 過 簡,御衆以 無 與其殺不辜, 大 心,兹用不 刑 故無 寬。

輕,賞 罪,不枉不辜之善,仁愛之道。 誤雖大必宥。 帝勉己,遂稱帝德,所以民不犯上。 子罪不相及,而 傳曰〕嗣亦世,俱謂子。 疑 從重 , 忠厚之至。 故犯雖小 及其賞。 必刑。 道德之政, 延,及也。 寧失不常 皋陶 刑疑 附 之 過 大

左傳》聲子曰:「善爲國者,賞不 辨曰〕王充《論 刑故無小,宥過無大」。」襄二十六 若不 賞僭則懼及淫人,刑濫則懼 幸 而 過,寧僭無濫。 衡·答佞篇》云:「故 與其失 僭 及 而 善 年 刑 日

> 帝曰:「俾予從欲以治,四方風動,惟 辜,寧 善。寧 問舜冠,孔子不對,曰「其政好生而 此二句,見《漢書》五十一卷《温舒傳》及 守廷尉吏路温 殺」,所謂「好生之德,治于民心者也」。 説苑》卷五《貴德》篇。 失不 其 利 淫。 經。』懼 舒 故《夏書》曰:『與其殺不 上《尚德緩 失善 也。 又《荀子》哀公 刑書》,亦引 漢宣帝 乃 悪

「弹司」再奏点:"'切','、'及畜'、'、'承','有",是汝能明刑之美。〔傳曰〕使我從心所欲而治民,動順上

之休。」

曰:『惟子從欲而治。』」 〔辨曰〕梅鷟云:《荀子·大略篇》:「舜

績,天之歷數在汝躬,汝終陟元后。伐,天下莫與汝争功。予懋乃德,嘉乃丕賢。克勤于邦,克儉于家,不自滿假,惟汝賢。克勤于邦,克儉于家,不自滿假,惟汝帝曰:「來,禹。降水儆予,成允成功,惟汝

《老子》云:「夫惟不争,故天下莫能與之 功。 盈大。 道在汝身,汝終當升爲天子。 〔疏曰〕 滿 争。」是不矜伐,不失其功能也。 卑其宫室,而盡力爲民,執心謙沖 讖緯之説,義必不然。 大君,天子。舜善禹有治水大功,言天 能成聲教之信,成治水之功,言禹 歷數在汝身」,謂「有圖錄之名」。 傳 謂 人,而不失其能,不有其勞,而不失其 丕,大也。歷數謂天道。元,大也。 盈 自賢曰矜,自功曰伐。 水性 實。 假,大也。 流 下,故曰 降水。 言禹惡衣 言禹 做, 鄭玄以 1,不自 薄 最賢。 戒 孔無 推 也

注:「鴻,洪水也。《書》曰:「降水警予。」」襄五年矣。《荀子・成相篇》云:「禹有功,抑下鴻。」楊倞古降讀爲洪。此訓下水,古音失傳久趙岐注:「《尚書》逸篇之辭。」洚水者,洪水也。」〔辨曰〕《孟子》:「《書》曰:『洚水警予。』

不長。」 能與之争。」又"「自伐者無功,自矜者 功,不自矜故長。 《左傳》: 之。』《荀子・君子篇》:「汝惟不矜,天 記・夏本紀》:「禹爲人敏給,克勤。」襄 則無信而殺人以逞,不亦難乎 下莫與汝争能。」《老子》:「不自伐故 曰:『美哉! 允,信也。 書》曰: 一十九年《左傳》季札「見舞大夏者, 『成允成功。』」杜注:「逸《 君子謂楚共 言信 勤而不德,非禹其誰能 成 夫惟不争,●故天下莫 然後有成功。」《史 王于是失刑。 書》。 **《**夏 修 有

厥中。 「人心惟危,道心惟微,惟精惟一,允執〔又辨曰〕疏引鄭注,乃鄭《論語》注。

[傳日] 危則難安, 微則難明, 故戒以精

❶ 「夫」,原誤作「大」,據《老子》及上文改。

一,信執其中。

文。 云云。 其 復續以《論語》「允執其中」,成十六字。 于道」,「一于道」之語,乃櫽括爲 明君子而後能知之。』」此篇前又有「精 無此語,則又過矣。《荀子・ 之者,如吴澂、郝敬輩,竟爲删去。 曰:「人心之危,道心之微,危微之幾 「昔者舜之治天下也」云云,「故《道經》 王充耘,明梅鷟并加 其義益尊。然此篇實出 言,爲十六字,程子、朱子出,闡發精密 命禹。」並不言見《大禹 辨曰〕「允執其中」,見《論語 言,不可 蒐輯補 蓋魏晉間人采取 亦未見其必爲《尚書》語耳。 孔安國曰:「舜亦以堯命己之辭 綴雖出 一廢也。 後人,而實古聖相傳之 但斷斷非《大禹 以 古經成之。 駁難 謨》。 晚晉,非真 ,謂堯舜本 今益以三 解蔽 堯曰》篇 『謨》元 四 至元 其疑 古

> 行,故强作斡旋如此。 行,故强作斡旋如此。 后,故强作,或冠以篇名,惟引「一人有慶,兆民賴之」,傳之,為 所書也。獨此作《道經》,則知此古《道經》載堯舜語,亦書也。獨此作《道經》,則知此古《道經》載堯舜語,亦書也。獨此作《道經》,則知此古《道經》載堯舜語,亦書也。獨此作《道經》,則知此古《道經》載堯舜語,亦書也。獨此作《道經》,則知此古《道經》表決民賴之」

衆罔 君 ? 戎,朕言不再。」 미 無稽之言勿聽, 願,四海困窮,天禄永終。 與守邦? 可畏非民? 欽 哉 ! 弗詢之謀 衆非元后何戴 慎乃 勿 有位,敬 惟 庸 口 出 可 修 好 愛 后 非 其 非 圃

天民之無告者。 天子位。 自存,君恃衆以守國,相須而立。 君失道,民叛之,故可畏。 則天之禄籍長終汝身。 成,故戒勿聽用。 傳曰〕無考無信驗,不詢 惡。 言口榮辱之主,慮而宣之,成于 可願,謂道德之美。 言爲天子,勤此三者, 民 以 君爲命,故 好謂 專獨,終必 言衆戴君以 賞善,戎謂 困 有位 窮, 可愛。 無

也

舜命禹之言,見《論語 蓋《堯典》有禪舜語,《舜典》亦宜有禪禹 知果在《尚書》何篇。 之道曰: 『惟口出好興戎。』」其「四 窮」二句,則與上「允執其中」相連,本是 『衆非元后何戴? 語•周語》内史過曰:「《夏書》有之曰: 不見之行,不問之謀,君子慎之。」《國 墨子・尚同》中篇曰:「先王之書,術 「辨曰〕《荀子・正名篇》曰: 至晉人乃採入《大禹謨》耳。 后非衆無與守邦。」 恐當在《舜典》中。 堯日》篇,但不 「無稽之言, 海

蔽,斷。 之志。 也。 毋,禁其辭 從,卜不因吉,無所枚卜。 志,後命元龜,言志定然 傳曰]枚謂 言己謀之于心,謀及 帝王立 昆,後 歷 卜占之官,故曰「官占」。 卜之,而從其吉。 也。 官占之法,先斷 卜筮 後 <u>١</u> 再辭 ,四者合 此 習, 禹 固。 Ĺ 因

龜 預 所卜以令龜。」《哀十八年》:「《夏書》 曰:『官占,唯能蔽志,昆命于元龜。』」杜 良,以爲令尹。」杜預曰:「枚卜,不斥言 辨曰》《哀十七年》:「王 也。」 曰:「昆,後也。 言當先斷意,後用 與葉公枚卜子

[《釋文》曰]正音政,徐音征 正月朔旦,受命于神宗,率百官若帝之初。

行之。〔疏曰〕神宗猶彼文祖。文祖言 廟,言神尊之。 傳曰〕受舜終事之命。 順舜初 攝帝位故事,奉 神宗,文祖之宗

谐。」〔辨曰〕閻若璩曰:

陸德明所見本作「惟克蔽志」。

作疏本作「先」。

吉。」禹拜稽首,固辭。

帝曰:「毋

惟汝

僉同,鬼神其

依、龜筮協從,卜

· 不習

官占,惟先蔽志,昆命于元龜。

朕志先定,

禹

曰:「枚卜功臣,惟吉之從。」帝曰:「禹

等也。 牛、瞽 祖 瞍 康 神宗當舜之始祖 祖 警瞍 ,敬康生勾芒,勾芒生蟜 有文德,神宗言神而尊之,名異實同。 顓 瞍 意生顓頊,顓 頊、 窮蟬 生舜。 爲親 廟, 爲二祧,敬 是舜有七 則文祖爲黄帝、顓 《帝繫》云: 頊 生窮蟬 廟,黄帝 牛,轎牛生 康、勾 窮蟬 黄帝生昌 芒 爲 生 蟜 始 瞽 敬 頊

造,故多與僞《書》合,不可信。月,夏后受命于神宗。」《紀年》乃晉人〔辨曰〕汲郡古文:「帝舜三十三年春正

朕命。 帝日 尚 益 道 禹乃會羣后,誓于師曰:「濟濟 降之咎,肆予以 敗德,君子在野 一乃心· · 答 ! 蠢兹有苗,昏迷不恭,侮慢自賢 力,其克 禹,惟時有苗弗率,汝徂 惟德動天,無遠 有勳。」三旬,苗民 爾衆士,奉辭伐罪。 ,小人在位,民棄不保, 伊届。 有衆,咸聽 (逆命。 滿 征 万反 爾 招

> 振旅。 旬 損 神,矧兹有苗。」禹拜昌言 見瞽瞍,虁虁 田 謙 ,有苗格。 日號泣于旻天于父 受益 帝乃誕敷文德,舞干羽于 齊慄,瞽瞍亦允若。 乃天道。 母, 帝 曰 : 負罪 初 于 「俞 引 歷 兩階 慝 山 至 諴 班 祗 往 師 感 載 于 七

階間 也。 蠡 遂還師。 也。 罪引惡,敬 之旻天。 亦信順之。 疾,日號泣 也。 「,當也。 ,在荒服之列,去京師二千五百 曰]軍旅 至和 以師 ,抑武事。 舞者所執。 臨之, 感神, 言舜初 兵入曰振旅。 以 益 · 言能 于旻天 以 日 事,見于父,悚懼齋 誓。 三苗之國,左洞庭,右 言爲當,故拜受而 況有 修文教,舞文舞于賓 以志誠感頑 及 耕 月 父 肆, 歷 不 苗 母,克己自責,負 服。 Ш 故 乎 干,楯。 時,爲 也。 父。 覆愍 言易 旬, 父母 羽, 然之, 誠,和 莊 下 十 感。 父父 所 日

始作,不見經文,妄言之耳。 鄭交質,二伯之前有質。 立司盟之官,三王有盟。 有也。」據此文,五帝之世 王,交質不及二伯。 是耕歷山時爲父母所疾 舜耕于歷山」,鄭玄云「歷 穀梁傳》: 疏 日川軍 旅 「誥誓不及五帝 E 誓」, 《曲 不及者,言于時未 也 禮》文。 《左傳》平王 《穀梁傳》漢初 有誓。 盟 Щ 《書傳》言 在 詛 《周 河 隱 不 東」, 及 八 與 年

《魏策一》篇,又卷二十三《魏策二》篇。 下》篇。 甚多,就予所見,在《戰國策》卷二十二 兵修政,舞干羽,三苗自服。 南子》卷十《繆稱訓》,又卷十一《齊俗 荀子》卷十《議兵篇》,又卷十八《成 墨子》卷四《兼愛下》篇,又卷五《非攻 辨曰〕禹奉舜命、征三苗、作誓。 賈子《新書》卷四《匈奴》篇。 韓 非 子》卷十九《五 古書 蠧 所載 又 相 偃 淮

> 箴》。 訓 謨》,以己意潤色之。 論》卷九《論 三句,則是《孟子》引《書》,趙 《尚書》逸篇。」 君道》篇。 孟子》,不言是《書》詞。 又卷十三《氾 此事散見羣書,晉人掇 《古文苑》卷十五揚 功》 篇 論 「往于田」三句,見 劉 訓 向 ×° 「祗載」 説 桓 岐注云: 寬 人《 雄《博 苑 見瞽瞍」 卷 鹽 禹 + 鐵

夏 書

五 子 之 歌

母 后羿,因 遊 太康尸位 以 無 度,畋 從,徯于洛之汭。 民 弗 于 以 有 逸豫滅厥德,黎民咸貳 忍,距于河。 洛之表,十旬 五子咸怨, 厥弟五 弗 反。 述大禹 人 御 有 乃 其 窮 盤

之戒以作歌。〔《釋文》曰〕逸又作佾。豫又作忬。盤

或作樂。羿,五計反。徯,胡細反。

之南。 也。 勤,喪其德 羿弓矢,使司射。」《淮南子》云:「堯時 云: 日 康于河,不 非 時 后羿自鉏遷于窮石。」故曰「有窮,國名 藏易》亦云:「羿彃十 疏曰〕襄四年《左傳》曰:「夏之方衰也, 並 有羿,堯時亦有羿,則羿是 百一月 《説文》云:「羿,帝嚳射官也。」賈逵 名 天問》云:「羿焉彃 河北,不得入國,遂廢 生,堯使 羿之先祖,世爲先王射官,故帝 ,射也。」此三者言雖 有窮 也。 則 主也。 得人國,遂廢之。 夏都 ,國名。 衆民 羿 射九 河北 主以 皆二心。 羿,諸侯名。 洛 日。」《説文》云: 日 尊位, 日烏 而落之。」《楚 在 太康,立仲康 不 洛之表,水 河 善射之號 經 解 御,侍也。 爲逸 南,距 羽。」《歸 ,要帝嚳 距 豫 太 太 賜 不

《墨子 國。 後兮,五子用失乎家巷。」王逸注言: 邦」,不言失邦爲何。 也。 之事 康不遵禹啓之樂,更作淫聲,放縱情慾, 與九歌兮,夏康娱 亂亡失。 湛 截 天。」是太 淫溢康樂,野于飲 辨 自娛樂,不顧患難 半 濁 即 -句法。 云 也 7,乘便 于 兄弟五人家 五子,啓之五子,太康之弟 以 酒,渝 真古文逸篇本有 「夏訓有之曰『有 非 康失邦以淫樂,不以久畋,其 此 此篇王 欲 襄 樂》篇云:「于武觀 蓋 節 食于野,萬舞奕奕,章聞 四 引羿好田亡 魏 考之,《序》 年》 絳 肅 居間 以 食,將將銘莧磬以力。 將 晉魏 自縱。 輩 ,不謀後世,卒以 《離騒 諷 僞撰,故舛 巷,失尊位 《五子之歌 窮 晉 絳 國事以 侯 后)曰「太· 不顧 對 *****: 好 羿」,此乃 晉 一路 曰 : 田 侯 難 爲 , 因論 啓子 康 謬 也。」 九 和 以 大太 其 失 辨 失 干 圖

之考, 將歸 謬二也。 云而 引羿好田亡國 恤,思其麀牡。」是則 箴》云:「在帝夷羿,冒于原獸,忘其 修民 窮石 其 言羿好田之事,必不但有 文之下,其辭 如?」于是魏 晉 訓 次,故不待其 夏訓》爲《夏書》也 有之」,其以《夏訓》爲《夏書》甚明。 事以對云:「昔夏之衰,后羿 侯 與《夏訓》小别,安知非各見者。 事 己。 自 事,淫于原獸。」寒浞 ,因夏民 怪 ,反取羿之田移之太 田 其 時無措,于「有窮 或疑「有 乃僞 方 論 殺而烹之」。 雖 以代夏政。恃 絳 辭之畢,遽問 撰者欲實太 以 和戎, 篇中 不 窮后羿」在《五子之歌》爲《夏 不便復 爲 可 戒。 知,以 則曰 魏 忽及后羿 引原文 絳 「皇祖 因 有 之言 后 虞 其 康 理 不知僞撰者正 日 羿」句 窮 下 羿 其 康之身, 推 有訓 民 罪 杜預注《左傳 ·又引《 自銀遷 · 始終 后 射 | 弗忍| 狀 之,必 于 但 后 」,再則 其 羿 田 也 敘 言 羿 是 虞 竟 原 欲 或 羿 沭 何 不

太康 蓋 《漢 信之 武觀來歸。」注云:「武觀 年,武觀以西河叛,彭伯 也。 國無 子,以 十一年,放王 「惠王三年,齊敗我觀津。」徐廣 今頓丘衛縣。」《紀年》晉人僞撰,不 哀禹,賜以彭壽,思 解》曰:「其在夏之五子,忘伯禹之命, 九卷《淇水》:「又屈逕頓丘縣故城西 觀 亦 之號曰五觀者也。 文《尚書》以 \bar{z} 法志》: 五 以 子 彭壽,彭伯也。 Œ 《夏訓 此 武、 其封于觀,故稱五 東郡 封 淫 ,用胥興作亂,遂凶 條 觀 <u>Fi.</u> 樂。 有 》、《夏書》。」再考《墨子》所 則 通,武 畔 爲觀地矣。」蓋太康弟 作 觀縣、蓋以嘗畔 季子 與《逸周書》合,當是也 故王符《潛夫論 亂 觀 《逸周書》卷六《嘗麥 ,武觀 正夏略。」五子,武 汲郡古文云: 伐 即 來 亦曰:「觀,今衛縣。」 源帥 五. 于 ,五觀也。 觀。 故名。 立觀,五 歸, 西河。 厥國。 師征 《水 其 《魏世家》: 後 觀 經 西河, 謂 又 · 可 盡 Ŧi. 五 或 即 墳 在 觀 君

其

"「皇祖有訓,民

可近,不

可

民

之歌 已在 臣記 表》,啓子兄弟五人,號五觀,列下中, 不知韋説確不 所惑,信其所可疑,故反疑其所可信,而 朱、均、管、蔡之比。」應麟爲晚晉僞古 之戒以作歌,仁義之人,其言藹如, 之地。」王應麟駁韋説云:「五子述大禹 均,啓有五觀,湯有太甲,文王有管蔡。 志 是五王者皆元德也 奄。」《楚語》士亹曰:「堯有丹朱,舜有商 年《傳》:「夏有觀扈,商有姺邳,周有徐 是謂五 弟五人皆有昏德,不堪帝事,降須洛 》篇云:「夏后啓子太康、仲康更立,兄 乎 「五觀,啓子,太康昆弟也。 五子淫樂致亡之事 下愚之列矣。 觀。」當日情事,實是如此 其謬三也。 可易也。 《五子之歌》必是史 而有姦子。」韋 《漢書·古今人 而豈五子所作 觀,洛汭 昭元 文 豈 昭 則

> 非矣。 用韻太覺稀疎,十五句中僅有五韻,末二句并無韻, 以下讀全別,亦古音也。此人在魏晉間,故猶知古音,但 以四聲通爲一音,古音也。下讀若户,馬讀若姥,與唐宋 人上者奈何不敬!」〔辨曰〕下、予、圖、馬爲韻。 圖。予臨兆民,懷乎若朽索之馭六馬,爲 惟 能 邦本,本 勝 子。 固 |邦寧。 一人三失,怨豈 予視天下,愚夫愚婦 在 明,不見是 則 此

四。 馬,言危懼甚。(親之,下謂失分。 誥》云「皆布乘黄朱」,以爲天子駕 言多。懍,危貌。 見是謀,備其微。 天子至大夫皆駕四。 言六馬。漢世此經不傳,餘書多言駕 乘馬 云天子駕六,鄭玄以《周禮 傳曰]皇,君也。 《春秋公羊》説天子駕六、《毛詩》説 師四 圉」,四馬 疏曰〕經傳之文,惟 君祖 十萬日 朽,腐也。腐索馭六 三失,過 許慎案《王度記 一禹有 四乘。 億,十億日兆, 非 訓 校人養馬, 也。 戒。 《康王之 近 此 謂

多懼深,故舉六言之。 漢世天子駕六,非常法也。然則此言馬

子・泰族 「下」,僞作者不過 有七怨。」 上 今乃改爲下,不知其上文云「夫人性陵 意近,不可高 近也,而不可上也。」韋昭注:「民 有基,木之有根。 下文云:「郤至在七人下,而欲上之,其 辨曰》《周 寧。」 者也」,又云「獸惡其網,民惡其上」。 訓》:「國主之有民 則此句必當作「上」,不當 語 上。上,陵也。」上讀上聲, 》單襄公引《書》曰:「民 根深則本固,基長 圖 叶韻耳。《 也,猶 可 淮 城之 以 南 則 作 恩 口

怨豈在 國諫 德》篇引 〔又辨曰〕《晉語》知襄子戲韓康子,知 即 知 日 伯 .明,不見是圖。』」《説苑》卷五《貴 ,此事 「《夏書》有之日 國也。《左傳》成十六年:「晉 作「智果 諫智襄子」,知果 : 二人三失, 伯

> 于七人 郤至 之言相複,亦必無之事。 康之言,而專與《春秋内外傳》中 細也。今而 書》曰: 之本也。 獻 之下 捷 「怨豈在明,不 于周 多怨 明之,其可 而 而 驟 求 階亂,何以 稱其伐。 掩 其 見 乎?』五 主 是圖。」將 ,怨之所 單子曰 在位? 譏 子 · 機 太 晉 慎 其 夏 臣 位

春 詩》:「天子至大夫同駕 服志》劉昭注引 民上,若腐 奔馬爲六馬,則大謬矣。 《致思》篇。 **懍焉,如以腐索御** 理》篇亦云:「子貢問治民,孔子曰:『懍 又辨曰〕《淮南子・説林訓》:「君子 ,大夫三,士二,庶人一。』』《易》京氏 王度記》曰:『天子駕六馬,諸侯駕 秋》公羊氏説 晉人采取其 索御 奔馬。」《説苑》卷七《政 其 同,許慎從之。 奔馬。』」亦見《家語》卷二 文,而辨之云: 語 四四 以 《續漢 ·士駕二。」鄭 入此篇 書 「《逸 但 輿 居

乘,日 于晚周。《逸周書》未必盡周初史臣所記,或有晚周人 之奕奕,齊騰驤 《西京賦》云:「天子駕彫軫, 身篇》云:「昔者伯牙鼓琴而六馬仰秣。」又《議 通》云:「天子之馬六者,示有事于天地四 「二世曰人生居世間,譬猶騁六驥過決隙也。」《白虎 古無六馬之制,此論自不可易。 之歌》「六馬」爲是,似可信。 經不傳,多言天子駕四。」應麟據《逸周書》以證《五子 其 云:「六馬不和則造父不能以致遠。」《李斯列傳》云: 六」,王應麟補注云:「《五子之歌》言「六馬」,漢世此 以 康 金鐵蒙以大緤,載六驥之上,則致千里。」《荀子・修 益者,故有六馬之文,但斷不可移之夏初耳。 僞 水數,制 成《駁異義》從之。 金根車,駕六馬。」六馬之制不但秦漢有之,且起 顯然。 乘六馬。 《逸周書· 而沛艾。」蔡邕《獨斷》:「法駕,上所 王會解》「天子車立馬乘 但據《駁異義》,則鄭意以 《史記》曰:秦始皇 六駿駮。」又云:「六元蚪 今《夏書》言六馬, 再考《莊子》逸篇云: 方也。」張衡 兵篇

甘酒嗜音,峻宇雕牆。有一于此,未或其二曰:「訓有之,内作色荒,外作禽荒。

〔傳曰〕作,爲也。迷亂曰荒。

獵,無至禽荒。」 〔辨曰〕《越語》范蠡曰:「王其且馳騁弋

道,亂其紀綱,乃厎滅亡。」 其三曰:「惟彼陶唐,有此冀方。 今失厥

昭言 方。 出此地,故舉陶唐以言之。 盈二百,皆在冀 堯都平陽,舜都蒲坂,禹都安邑,相去不 故以「冀方」爲「都冀州,統天下四 于陶唐。 考書傳皆言堯以唐侯升爲天子 昭云:「陶、唐皆國名,猶湯稱 傳 曰〕陶唐,帝堯氏,都冀州, 〔疏曰〕《世本》「帝堯爲陶 也。 陶唐二字或共 天子王天下, 州。 自堯以來,其都不 非獨冀州一 爲地名,未 殷 統 唐 ,不言封 天 商 氏 I方」。 必如 下 也。 几 韋

綱,乃滅而亡。」《家語·正論解》與《左彼天常。有此冀方,今失其行。亂其紀祭河神事,引《夏書》云:「惟彼陶唐,帥〔辨曰〕哀六年《左傳》孔子論楚昭王不

已屬 時」。 《書》,解爲夏桀之時,惟王肅云「太 此 很 句 歌》,又妄改肅《書》注耳。 諸大儒,並 章。」賈、服、孫、杜皆不見古文,以 滅亡」。 彼天常」| 古文者 云王肅 肅見古文,匿之而不言也。 疏云: 「此在《夏書・五子之歌》 明 句 夏桀」,疑 德,以 非是。 用 句, 未 王肅注《尚書》,其言多是孔 韻 云「太康 既 未 《左傳》杜注 便 滅亡,故復改之。 若作「 · 営 改 以 句,又改「乃滅 覺無 亂 以爲夏桀,豈不足據? 至《文十八年》史克曰: 己意改 天常。」則 皇 「其行」爲「 時」,但肅注《家語》仍 力, 一甫謐 厥道」,則 「厥 尤妄也。 云:「謂夏桀也 妄 道 天常乃古語 摭 而亡」爲 且此章之體, 厥 以 何 入

五 愚按 而 道 爲 又 獨 _ 又 其勢 太 無 賈、 傳, 乃 删 ·· 韻 ? 子之 康 爲 僞 疏 「傲 將 康 見 删 服 逸 彼 雖 疑 帥 作

> 韋説, 陶丘」, **沸陰**。 陶、卒于陶、陶唐者、綜其始末稱之。 子都,平陽即今平陽府。見鄭康成《詩 陶 大西、太原、大夏、参、虚、晉陽, 晉陽,今山西太原府太原縣 唐。」許慎《説 費注云: 地,猶湯 至滅亡 又辨 唐氏。」蓋 加 今山 日 陶丘 之殷 欲 以 堯 東曹州府定陶縣。 陶唐 此 以 先 有 此遷就 文》云"「陶,再成 疏 商 初 封 堯 爲 引 居 唐,後居 韋説 城,堯嘗所居,故 韋 唐,後 其説,皆非 地 ,即杜預《釋例》所云: 昭 是也。 非 説 陶 地六名者。」後爲天 居 《夏書》『東 也。 也。 陶,故 《漢 唐譜》。 也 丘也 堯封唐,即 此 唐 書 堯 疏 爲 又居 一番 號 至 在 駁 陶 臣 兩

音也。 其 則,貽厥子 墜厥緒,覆宗絶祀。」〔辨曰〕有音以,與祀爲韻,古 四 曰 : 明 孫。 明 我祖 關 石 萬萬 和 鈞,王 邦之 君。 府 則 有 有 典 荒 有

金鐵曰石,供民器用,通之使和平,則官〔傳曰〕典謂經籍。則,法。貽,遺也。

言關 物,以供民之器用,其土或有或無,通 關 具,所以上下充足。 官不禁障,民得取之以供器 和平也。費氏、顧氏等云,通金鐵 則斗斛以量之,布帛則 之物皆通之也。 者,惟衡量之器耳。 民 石之意,非 兩,金鐵乃至于石,舉石而言之, 鈞爲石。」是石爲稱之最重,以石 四銖爲兩,十六兩爲斤,三十斤爲鈞, ,人「金不從革」之條。 通矣,舉一以言之耳。 重物,故「金鐵曰石」。 言絲縣 足。 通權 亦石類。 疏曰〕 言古制 衡 謂所關通者 關 則度量之物,懋遷有無, 故《漢書 存 者 傳取金鐵 而 《律歷志》云:「二 通 太康 以 也。 惟 丈尺以度之,惟 金鐵皆從 金 失其 費、顧之義 五行志》石 衡石 名 石 重物以 鐵 用。 耳。 業, 所 而 則 而 11: 于人, 器 稱 米 所 以 解 稱 可 于 既 使 之 亦 粟 則 诵 取 四

得通也。

所本。 關,衡 言征 也。 注:「關, 慎。」亦用韋 都賦》: 辨曰〕《周語》單穆公引《夏書 賦 關 均 也。」 調 關 王 均 通 此解與傳疏迥别。 齃 府則有。」韋昭 石之所 也。」此 則王之府藏常有 之征 惟李善引 也。 和 説 均,財賦之所 似 石,今之 是僞孔 注: 賈 達《國語》 也。 左思《 《逸 \Box 斛 也。 關 底 魏 日

怩。弗慎厥德,雖悔可追。」予,予將疇依? 鬱陶乎予心,顔厚有忸其五曰:「嗚呼曷歸? 予懷之悲。萬姓仇

憤結積聚之意,故爲哀思。《詩》云:「顔弟象見舜云:「思君正鬱陶。」鬱陶,精神〔怨耦曰仇」,故爲怨也。《孟子》稱,舜色愧。忸怩,心慙。〔疏曰〕桓二年《傳》(傳曰〕仇,怨也。鬱陶,哀思也。顔厚,

怩,羞不能言,心慙之狀。 之厚矣。」羞愧見于面,如面皮厚然。 忸

舜正 象憂之事。 先言象憂亦憂,特 庶汝其于予治。」《孟子》固已明,下注 思見之辭。 陶也。] 據此 其情也。」又引下《檀弓》鄭注云:「陶,鬱 思君,故 之意也。」又引《孟子》趙氏注 陶斯詠,詠斯猶。」猶即繇也。 皆謂 〔辨曰〕閻若璩云:《爾雅 鬱陶、繇,喜也。」郭璞注引《孟子》曰 鬱陶思君。」《禮記》曰:「人喜則斯陶 ,爲爲喜實難 「象喜亦喜」,蓋統括 |在牀鼓琴,愕然,反辭 歡悦 來爾。」詭辭 也。 故舜亦 則象 大凡凶 故象口 鬱陶者, E 以引起下文,非 從而 鬱陶思君 惡之人, 僞爲 也。 雖云然,而 上二段情事 喜曰:「惟兹臣, 心初 忸 曰:『我鬱 怩 釋詁》篇: 爾,乃喜 悦而未暢 邢昺疏 而慙, 「象見 真 一尚 是 其 脚 陶

怩 \overline{Z} 聞。」君 陶爲喜非憂可知。 暢,故云斯陶也。」《爾雅》云: 乎 否。 云「陶斯咏」者,鬱陶,情轉暢,故口歌咏之也。」然則鬱 人若外竟會心,則懷抱欣悦。 云:「陶者,鬱陶。 又悠思也。」亦不盡作憂鬱解。 莫辨,而且 「鬱陶乎予心,顔 陶,暢也。」從不作憂字解。 学中日 , 慙貌。」此 口氣,與《孟子》 時不察,并 叔 陶,懷喜未暢意也。 趙氏 《廣韻》云:「陶,喜也。」薛君《韓詩章句》云: 向 忸 「顔厚有忸 曰: 「君其必速殺之,勿令遠 怩 注 憂喜錯 顔, 乃 忸怩 竄 鬱陶者,心初悦而未暢之意也。 段 《國語》:「晉平公欲殺豎 人

五 頗 厚 趣赦 怩」,其謬顯然。 一例。 亦記者敘事之詞,不 《孟子》曰「鬱陶以思君」,又 爲傳神, 認 有 「鬱陶、繇、喜也。」何允 但始發,俄爾則 廣韻》又云:「鬱,氣 子之 尚 忸 又考《禮記·檀弓》疏 之。」注 怩。」不特敘 乃知《五子之 可 歌》中, 僞 謂 作 日: 之 古 識 文 日 也也 忸 者 字 議

惟 厥 職,酒 仲 康 荒于 位 四 厥邑 海, 」,胤后 胤 侯 命掌六 承王命徂 師。 征 羲 和 廢

寒浞 立 羿在夏世一 康必賢于太康,但形勢既衰,政由羿耳。 矣。計《五子之歌》,仲康當是其 舍其職官 仲康命胤 日]羿距太 浞 必是羿握其權,知仲康之立,羿 殺之。 而《夏 徂,往 仲 計羿、 康崩,子相立。 羿廢太康, 「、還其 侯掌王六師 本紀》云:「太康崩, 凍于 也。 浞滅夏后 代大賊。 浞相承 (私邑,以酒迷亂,不修 就 河,廢之。 其私邑往討之。〔 立其 , 向 《傳》稱羿既 相, 相子 ,爲大司馬。 有百載,夏亂 弟仲康爲天子。 相崩, 仲康不 子 弟仲 少 一,仲 篡位, 康 能殺 立之 始 康 疏

> 南,羿 之命,特仲康勢弱,不能 疑羲和爲忠于夏者,不知仲康繼立 于安邑,遂疑此篇爲羿挾天子之命, 之于安邑故都也。 此。然則仲康之立,亦在 弑,夏遂中絶。 丘,宋濮州也。 後羿爲寒浞 州河北之地,不臣于夏,未必執夏政柄。 崩,弟仲康立。 距,遂居河 立 辨 一。」都 曰」金 蓋 自僭立于河北, 儼若敵國。 夏 不言 然則,傳疏謂 都 履 南陽 所 祥、 羿、浞之事 安 弑,相又自河南遷河 至少康復興。 邑在 崩,子相立。羿但 夏,宋開封之太康縣也。 鄒 後又爲寒浞之子 季 後儒誤 河 友 羿立仲康 ,是馬 北, 輩 遽討羿,先 謂 河南,非羿 認羿 太康 仲 遷之疎 其 本 康 奉仲 爲 而 非 于河 北 羿所 澆 胤 羿所 反 康 奉 如 所

0

書

後

文,作「羿」是。「浞」、《尚書正義》作「羿」。因此處引文有略,對照

權、皆非也。

合,不足信也 以見鄭之非 爲國名。 又辨日」鄭 今此言胤侯,明胤之爲國, 注 也 書敘 《竹書紀年》與僞古 胤 爲 臣 名, 傳 文 以 欲

酒荒。」 (又辨曰〕《越語》:「宮中之樂,無至

修輔,厥后惟明明。保。先王克謹天戒,臣人克有常憲,百官告于衆曰:「嗟予有衆,聖有謨訓,明徵定

俱明。 慎戒,臣能奉有常法,修職輔君,君臣教訓,爲世明證,所以定國安家。君能

保。』夫謀而鮮過,惠訓不倦者,叔向有子孫保之。』《書》曰:『聖有謩勳,明徴定囚,語范宣子曰:「《詩》曰:『惠我無疆,〔辨曰〕《襄二十一年》,晉祁奚因叔向被

《詩》。「惠訓」二字,原以 逸書。 注 併《左傳》「惠訓」之「訓」字竊入之,而 撰者因作訓方與罪狀羲和文義相合,遂 今《胤征》,則反當以解《書》矣。 使以「訓」爲「勳」,亦必不以《 人之意耳。 非祁奚所改,作「訓」者直是僞撰《胤征 勳」也。 謀功者,當明 之德加于百姓,故子孫保賴之。 焉。」杜注: 可疑,而吾則以 訓。 覺其大露破綻也。 明。 古書每多異文,一字牴牾, 謩,謀也。 惠訓不倦,『惠我無疆』也。」 今《胤征》之文, 「《詩 蓋祁奚並引《詩》、《書》,縱 定安之。謀鮮 爲此經必是 周頌》, 勳,功也。 説本梅鷟。 言文武 解《詩》,苟 以「勳 本作 過,一 言聖 明係 書》 \Rightarrow 有 有 似 書 惠訓 爲 僞 如 無 杜

規,工執藝事以諫。其或不恭,邦有常刑。「每歲孟春,遒人以木鐸狗于路,官師相

名也。 大司 同。 文教」也。 位》云「振木鐸于朝」,是武事 以 舌,所以 木舌也。《周禮》教鼓 法者,國有常刑。」」宣令之事,略與 之屬而觀治象之法,狥以木鐸曰:『不用 百工各執 傳 疏曰》周禮 金爲之,明舌有金木之異,知木鐸 **遒人,蓋訓遒爲聚,聚人令之,故以** 木鐸。 馬「教振旅,兩司馬執鐸」、《明堂 此似别置其官,非如周之小宰。 〕 遒人,宣令之官。 禮有金鐸、木鐸,鐸是鈴也,其體 振 其 文 今云「木鐸」,故云「所以 教。 所治技藝以 小宰》云:「正歲,帥 官衆,衆官 人「以金鐸通鼓」, 木鐸,金 諫 振 更相 諫 金鐸, 失常。 規 鈴木 理官 闕 此 文

辨曰》《襄十四 『遒人以木鐸 以 諫。」正月孟 徇于路,官師 年》,師曠引《夏書》 春,于是乎有之。」 相 規, 工執 日

> 《周禮 禮同 》之正歲,即《夏書》之正月,二代

併,亦作叔,同尺六反。 次,俶擾天紀,遐 惟 時義 和,顛覆厥 棄厥 德,沈亂 司。 《釋文》曰 于 酒 」俶 畔 本又作 官

離

日。 也。 [傳日]顛覆言反倒。 司,所主也。 俶,始。 擾, 亂 遐,遠也。 沈謂醉冥,失次 紀謂 位

于酒。」 辨 日』《詩 抑》篇: 顛 覆 厥德, 荒 湛

馳,庶人走。羲和尸 天象,以干先王之誅 「乃季秋月朔,辰弗集 厥官 于房,瞽 , 罔聞知, 昏迷于 奏鼓, 嗇夫

禮天神。 進鼓則伐之。 天子伐鼓于社, 責上公。 集,合也。 〔傳曰〕辰,日月所會。 衆人走,供救日食之百役也。 不合即日食可知。 嗇夫,主幣之官,馳 房,所舍之次。 瞽,樂官,樂官 凡日食, 取幣

次。 次,房心共爲大 映,即不成共處,故以不集言日食 共舍,今日月不合于舍,則是日食 于舍,故得以表日食,若言不集于房星, 知不然者,以 之屬是也。房謂室之房也,故爲所舍之 昭 或以爲房謂 疾,日每日行 分度之七。 計二十九日過半,月已行天 歲十二會,爲十二辰,即子、丑、寅、卯 周,又逐及日 食者,月掩之也。 辰。」日月俱 七年《左傳》士文伯 天 和 《釋言》云:「集,會也。」日月當聚會 計九月之朔,日月當 主 》, 昏亂 其 房 集 之甚。 屋,九月日月會于大火之 而 右行 度,月日行十三度十 是止 (火, 言辰 無 而 聞 與日 于天,日行 月體 舍之處,言其不集 干, 知 曰:「日月之會是 于 聚會,謂之辰。 犯也。 在 掩日,日被月 H 會于大火之 房星似矣。 食之變, 遲,月行 **「**疏 也。 也。 九

故傳 神。 星也。 寧當以 算以知 責之也。 羣陰」也。 官用無目之人,以其于音聲 爲「上公」之神也。 食陰侵陽,故杜預以爲「責羣陰」也。 牖下,答陰之義也。」是言社主陰也 牲》云:「社祭土而 伐鼓于朝。」杜預以 天子不舉,伐鼓于社。 似 □ 「奏鼓簡簡」,謂伐鼓爲奏鼓,知□ 一十九年《左傳》云: 也。 太 以 社稷五祀,是尊是奉。」是社祭句龍 遲 爲「責上公」,亦當羣陰、上公並 文十五年《左傳》云:「日有食之、 日在之宿爲文,以此知其必非房 之,非能舉目見之。 且 太 《周禮》 日 疾, 此傳言「責上公」者、《 之所在,星 惟 可 瞽矇之官掌作樂。 見 主陰氣也,君南 爲「伐鼓 日食,臣侵君之象, 「封爲上公、祀爲貴 歷 諸侯用幣 宿不見,正 錯,不得 君子慎疑, 于社」,「責 也。 以 于社, 郊特 嚮 可 表 北 昭 H 日

當用 所取。 其兵。』《周禮 問》云:「諸侯 官。 鼓于社,必不用幣,知 侯,故諸 幣,禮無其文,此云「嗇夫馳」,必 玄云:「嗇夫,蓋司空之屬也。」嗇夫 云: 陳既多,皆樂人伐之。《周禮》無嗇夫之 時,王或親鼓。 曰:「天子救日,置五麾,陳五 田 役 鼓 救日有多役,庶人走供之。 人,蓋庶人 「王通鼓,佐擊 有 《禮》云:「嗇夫承命,告于天子。」 幣,嗇夫必是馳取 則伐之」。 《左傳》云「諸侯用幣」,則天子 事,知爲供救 侯用 、王鼓。 在 幣于社 從天子 庭氏》云「救日之弓矢」, 救 官者,謂諸侯胥徒。 莊二十五 周 日月, 其 ·救日,各以 日 嗇夫取幣禮天神。 餘 • 以請救。 幣。 百役 太僕》:「 面 亦 一年《穀 。」則救日之 如 社神 也。 兵、五鼓。」 之。」鄭玄 鄭注《庭 方色與 天子伐 .尊于 記馳走 《 曾子 梁 軍 亦 主 有 鄭

> 氏云: 不然。 如彼傳文,惟夏四月有伐鼓用幣,餘月 乎有伐鼓用幣,禮也。其餘則否。]太史 用 弓,救日 氏 曰:「在此 曰:『惟正 ~),救 戌朔,日 祭天雷鼓也。 「夏禮異于周禮也。」 此九月日 日 月也,當夏四月,是謂 月朔,慝未作,日有食之,于是 有食之。』《左傳》云:「季平子 枉 太陽之弓,救月爲 矢, 《昭十七年》:"「夏六月, 食,亦奏鼓用幣者,顧 救月 以 恒 · 矢。 孟夏。」 太 其 鼓 陰 之

消,于此而 冬至一陽生,至此月六陽並盛,六陰 則爲災。爲災尤重者,則在巳月。 當恐懼修省,然子、午、卯、酉之月,所 二至二分,日有食之,或不爲災,其餘 辨曰〕閻若璩曰: ,庶人走。 先王尤忌之。 忽以陰侵陽,是爲以臣侵君, 周家則樂奏鼓,祝用幣, 夏家 日食之變,爲人 則 瞽奏鼓, 嗇夫 (君所 蓋 月

鼓,嗇 朝。 當 用 物,君不舉,辟移 過分而未至,三辰有災,于是乎百官 作,日有食之,于是乎用幣于社,伐鼓 平子不知而止之,曰:"惟正 朔,日有食之。 也 月 用 云,不知「瞽奏鼓」等禮,夏不用之九 即 夏 辭。 。《左氏》昭 在周之六月,繼即 辭 月,可 在周之六月 四 乎 其餘則否。』太史曰:『在此月也 且巳月之爲正月,不特見《左氏》, 月者,正 夫馳,庶人走。」此月朔之謂 故《夏書》曰:「辰不集于房,瞽奏 雖名 月,是謂孟夏。」」夫太史首言此 謂反覆明切 晉人僞 有 陽之月 四月六月之别 十七年:「夏六月,甲戌 祝史請 朔。 時,樂奏鼓,祝用幣, 造 引《夏書》以證 周之六月,是爲 「乃季秋月 非春王 矣,非二代 所用 月朔, 慝未 幣,禮 正 皆謂之 月之月 朔 同 夏 月 云 降 夏 史 日 于 īF.

康十一 月日 繁霜 憂傷 甚。 此特僞本耳。 鼓」之禮。 之義,而反遠引《胤征》九月日食口 獨怪胡安國傳《春秋》,于莊二十五年六 孔之醜」,是也。 交,朔日辛卯,日 雅》集傳 尤忌,亦不特見《左氏》, 授時 ②但 見《 十月純陰 數 位 食,鼓用牲于社,不從《左氏》正 曷足爲異哉 是 詩 言其典禮,不指 》、《時憲》二歷 年閏 本 十三年,始壬戌,終甲 也 • 無 小 若以凡日食即當然者,不 蘇氏所謂 四 可 若 雅 閻氏此 而 考,此 月朔,此則 以 其説皆與《左》互相 食,陰壯之甚。 有食之,詩人以爲「亦 夏 所 洞「正 一推得 寅 日 純 正 辨是,但又言:「 何王之世。《夏本 月 陽 陽 食《 閻 又見《詩 而 H 周 月繁霜 左傳》 日 之誤 食,爲 食,陽弱之 子 食當 戌。」因 月當之, 十月之 也 》引《夏 古所 我心 據 陽 仲 知 奏 夏

此書直 之日 食。 亦晉 之奏鼓、用幣之禮 年》不同,尤覺難信,所推算皆誤耳。 後之造《大同歷》者,因遂附 僞《書》言「肇位」,則是 二度。 爲五年癸巳歲 云,未 元年爲壬戌,則 可 表》,自共和 在 據 位 統 雖 ? 此紛紛者,皆非 人僞撰之 食,在五 七年,元 見 言 歷 此則附 追至黄 唐傅仁均等《大衍 必 仲 \Rightarrow 疏 不 爲 康 庚申以 引 載 年 年 仲 時 會《紀年》,皆不足信。 帝 顧 九 書 依《皇極 秋 仲 爲 康 月 氏 一, 司 元 九月 己 康 前並 自是 和 庚 夏禮 年,言之鑿 也。 《竹書紀年》謂 <u>Н</u>, 日 馬 廢 戌 元 庚戌 遷 食, 建 經世》,又與《紀 時 無甲子紀年, 若閻 朔,日 此征羲和 異 年,又非五年, 但 巳之月 亂 則 歷》議,遂以 會爲元 朔。 于周者, 作《三代世 日 所云仲康 食,在 鑿,此 左 《紀年》 而 所 傳 年 仲 劉 房 豊 日 而 康 云 歆

> 房 覲 夫馳 禮 四 況 》「嗇 句,不在《胤征》可見矣。 鄭 」,不引《 所 夫 傳 承 ^ 逸書 命」, 胤 征 鄭 本 注引《春 則「 有 辰 胤 不集 征 秋傳 于 而

燕赦。』 一政典曰:『先時者殺無赦,不及時者

殺

所引 《韓詩外傳》卷六引周制 無赦 赦。 政 以 官,苟有先後之差,則無赦 時 曰:「先時者殺無赦,不逮時 官》六卿之治 辨曰〕《荀子》卷八《君道 傳 典 爲 節 日 爲三皇時書,皆梅氏作 政 乃《周書》也, ,不及時者死無赦。」 氣,弦 不及時,謂 《典之言。 政典,夏后 望 典。 晦 其後僞 朔。 歷 先 梅氏 象 爲政之典籍 時 先 後 載之《胤征》,又 造三墳者,遂以 天 謂 天 日 若然、《荀子》 ,況廢官乎 :「先時者死 歷 俑 時 時 者殺 篇 象 也。 則 之 引《書 雖 罪 無赦。」 若《 法 死 治 其 周 無 几

玉石俱焚。 王室,尚弼 今予以 ,脅從罔治。 爾 予欽承天子威 有 天吏逸德,烈于猛火。 衆,奉將天罰 舊染汙俗,咸與惟新 命。 爾衆士同力 火炎 殲 崑 厥渠 岡

怪與更新,一無所問。 生與更新,一無所問。 生。逸,過也。天王之吏爲過惡之德, 其傷害天下,甚于火之害玉。猛火烈 生。進,過也。天王之吏爲過惡之德, 是,又烈于火。殲,滅。渠,大。魁,帥 也。指謂羲和罪人之身,其脅從距王師 也。指謂羲和罪人之身,其脅從距王師 也。指謂羲和罪人之身,其脅從距王師 也。指謂羲和罪人之身,其內 是,以烈

晉間人常語,但以爲夏時之言,則大崑岡之火,自兹而焚。」可見此二句乃魏倫,毀裂畿服。殘寇乘之,倒山傾海。又《後漢書·董卓傳》論云:「卓蹈藉彝又《後漢書·董卓傳》論云:「卓蹈藉彝豆",又《晉書》袁宏《三國名臣贊》云:〔辨曰〕「火炎崑岡」二句,見陳壽《三國

不類。

罔功。其爾衆士,懋戒哉!」「嗚呼! 威克厥愛,允濟。愛克厥威,允

乎! 耶 ? 可爲 後 則 親 載 所習謀者,弑逆之事,焉知《詩》、《書》者 殘虐而云者。 濟。』」任威滅愛之言,必是祖述桀紂之 〔傳曰〕當勉以用命,戒以辟戮。 句,襲《左傳》昭二十三年吴公子光曰 「吾聞之曰:『作事威克 〔辨曰〕閻若璩曰:「威克厥愛,允濟」 克 、聖經,生心害政,發政 可 不 附 濟焉。 以 可用。」此言凡將 訓明甚。 而罰之,則不服 作僞者以吾聞之曰爲《書》辭,既 李衛公《問對》:「孫 嚴 刑 也。 太宗曰:"《尚書》云:「威克 且又出亂臣賊子口,其不 光所與處者,鱄諸之輩, 若愛 先 未 已親 (害事,罪 加 有愛結 其愛,雖小必 而 附 子曰:『卒未 獨 而罰不行, 用 于士,然 可勝 峻法, 四

知辨正《尚書》之非,可爲有識 于事矣。』」衛公《問 也 厥 反是也。 一?』靖日: 愛,允 濟。 若威加于先,愛救于後,無 『愛設于先,威設于後,不 愛克厥威,允罔 對》亦繫假 . 功。」 託 何 益 口 謂

采入。
所引《尚書》惟此一條,作僞者竟未計引、尚書》惟此一條,作僞者竟未書》曰:「昏墨賊殺,皋陶之刑也。」傳記〔又辨曰〕昭十四年《傳》晉叔向引《夏

商書

仲

之

誥

世以台爲口實。」仲虺乃作誥,成湯放桀于南巢,惟有慙德,曰:「予恐來

〔傳曰〕湯伐桀,武功成,故以爲號。南

其患,而以爲口實。」又《楚語》 德。」《襄二十二年》,公孫僑曰:「若不 舞韶濩者,曰:「聖人之弘 襄二十九年《左傳》,季札聘魯觀樂,見 縣,當是誤以鶯爲鬲,傳寫又誤爲亭。 亭山。」楊倞注云:「亭山,南巢之山,或 威》篇,劉向《説苑》卷十三《權謀》篇。 語上》篇、《吕氏春秋》卷八《仲秋紀• 曰 本作鬲山。」《漢書・地理志》,廬江有灊 又《荀子》卷十五《解蔽篇》云:「桀死于 國,世一見者。」 桀所奔,蓋彼國 誥湯,可無慙。 巢,地名。 伯來朝」,傳云「南 世論道我放天子,常不去口 辨曰〕放桀南巢,事見《國語》卷四《 :「使無以寡君爲口 有慙德,慙德不 (疏 方遠 日」《周書序》有「 實。」 國」,鄭云「南方 也,而猶 · 及 古。 仲虺 也。 王孫 有 陳 論 恤 慙 魯 巢 幸 來

曰:「嗚呼! 惟天生民有欲,無主乃亂,惟

典,奉若天命。 乃錫王勇智,表正萬邦,纘禹舊服,兹率厥天生聰明時乂。有夏昏德,民墜塗炭。天

所慙。 如此,但當循其典法,奉順天命而已,無 法正 者。天與王勇智,應爲民主,儀表天下, 天生聰明,是治民 下民,民之危險,若陷 傳曰〕民無君主,則恣情欲,必 萬國,繼禹之功,統其故服。 亂 夏桀 泥墜火,無 昏亂,不 致 八禍亂 天意 救 之 恤

之炭,何足以言患害乎? 是無火之黑炭,非如《左傳》「廢 炭」二字本《孟子》「如以朝衣朝冠坐于 傳》王孫滿對楚子云「桀有昏德」。「塗 酌解民生而有欲。 塗炭」,但彼是言其浼污,非 [辨日] [惟天生民 説文》:「炭,燒木餘也。」炭 有欲」,本《周書》文, 「有夏昏德」,本《左 傳强 與 患害 塗 以 于爐 爲火 聯 言 也。

皆非也。

不臧,式商受命,用爽厥師。「夏王有罪,矯誣上天,以布命于下。帝用

作 執有 處下文墨子皆各從而釋之曰: 矯天命于下,帝式是增,用爽 下篇:「《仲虺之告》曰:『我聞 天命,布命于下,帝式是惡,用 篇:「《仲虺之告》曰:『我聞有夏人,矯 師」,曰「爽 布命于下,帝伐之惡,龔喪厥師。」 「《仲虺之告》曰:『我聞于夏人,矯天命, 辨曰〕閻若璩曰: 古文者嫌與己不合,易之曰「式商受 命 ,湯特非之。」曰「喪師 師」,此豈吉祥善 《墨子·非命》上篇: 事 厥 有夏· ? 此 闕 師。」三三 師。こ 而 中 闕

其衆, 如此者。 受命」。考《周書・立政》篇云:「帝欽罰 此,而僞作者不又現露 也」之非。 云。」韋昭曰:「爽當爲喪字之訛也。」觀此益見「爽,明 王命」。 非若《仲虺之誥》竟貼上帝,言「用商受 之,乃伻我有夏,式商受命,奄甸萬姓。」 非獨誤會「用爽厥師」,而亦誤用「式商 夫以《墨子》引之之複如此,釋之之確 是言我周用商所受之命,而奄甸萬姓, 用用 爽厥師」。 「帝用不臧」,本《左傳》「后帝不 《周語》單襄公曰:「晉侯爽一,吾是以 一代商興,一商興,其相反又有 主 也。」不 傳曰:「爽,明也 與《墨子》悖 一破綻 耶 乎 用 Ħ. 如 明

〔傳曰〕簡,略也。賢而無勢則略之,不懼于非辜。矧予之德,言足聽聞。苗之有莠,若粟之有秕。小大戰戰,罔不「簡賢附勢,實繁有徒。肇我邦于有夏,若

賢 道,自然理。 我之道德善言足聽聞乎! 苗,若秕在粟,恐被鋤治簸颺。 大憂危,恐其 我 有 商家,國于夏世,欲見翦除,若莠生 勢則 八附之。 非罪見滅。 若是者繁多 矧,況也。 無道之惡有 有 商家小 徒 衆。 況

懋懋賞。 惟王不邇聲色,不殖貨利。 《周書》芮良夫解曰「實蕃有徒」。 |《鄭書》曰:『惡直 辨曰〕《昭二十八年》: 用人惟己,改過不吝。 醜 Œ 丁實蕃 司馬 德懋懋官,功 叔 有徒。」」 克寬克 游 日

仁,彰信兆民。

官。 寬仁之德,明信于天下。 言,若自己出。 貨財利,言不貪。 不近女色,言貞固。殖,生也。 [傳日]邇,近也。 勉于功者,則勉之以賞。 有過則 勉于德者,則勉之以 不近 改, 聲樂,言清 無 所吝惜 不生資 用人之 簡。

征北 商,厥惟 家相慶曰:「徯予后,后來其蘇 乃葛 辨 狄怨,曰: 日》 舊哉! 〔《釋文》曰〕蘇,字亦作穌 仇 魯語》曰: 銄, 「奚獨後予?」攸徂之民,室 初征 自 「湯以寬治民。」 葛, 東征 西夷怨 、足民 之戴

信之。 著矣。 也。 怨,曰:『奚爲後我?』 民望之若大旱之 篇云:「《書》曰:湯一征,自 望雲霓也。歸,市者不止,耕者不變,誅 之民,皆喜曰:「待我君來,其可蘇息。」 征無道。 殺其人,奪其餉,故謂之仇餉。 書》曰:『徯我后,后來其蘇。』《滕文公 辨曰〕此事《孟子》三見。《梁惠王下》 傳曰〕葛伯游行,見農民之餉于田 而 湯爲是以不祀之罪伐之,從此後 東面 「奚獨後予」,怨者辭也。 弔其 西夷、北狄,舉遠以言,則近者 而 民,若 征西夷怨,南面 時 雨 降, 葛始,天下 民 而征北 湯所往 仇, 者, 遂

《梁惠 中語。 罰。 餉」及「湯一征,自葛始」云云,正《湯征 不祀,湯始征之,作《湯征》。」則「葛伯仇 無敵于天下」,「后來其蘇」作「后來其 王》篇同。 也。」其下文復引湯始征一段,與《梁惠 殺而奪之。《書》曰『葛伯仇餉』,此之謂 奪之,不授者殺之。 耕,老弱饋食,葛伯要其有酒 不 伯食之,又不以 下 云:「此二篇皆《尚書》逸篇之文也。」則 云三句。考之《書序》:「湯征 曰:『無以供粢盛也。』湯使亳衆往爲之 曰:『無以供犧牲也。』湯使遺之牛羊,葛 祀。 · 》篇 《盡心下》篇則但有「南 云 此乃人《仲虺之誥》,其謬 湯 篇 惟「天下信之」作「十一征 使人問之曰: 「湯居亳,與葛爲鄰,葛伯 兩 言「《書》日 祀。 有童子以黍肉餉, 湯 又使 『何爲不祀?』 」,故趙岐 面而 諸侯、葛伯 食黍稻者, 人問之, 一也 征 放 云 無 而 而

《書》詞,僞作者以「天下信之」與「十一 其下「徯我后」,則又加「《書》曰」,其非 文易一爲始,易始爲載耳。 征」云云互異,而去之。以「東面 其謬三也。 而其下引一征,即不復言「《書》曰」。 餉,既言「《書》曰」,則中雖間以釋《書 人《太甲》中篇,其謬五也。 二篇,而「其蘇」人《仲虺之誥》,「無 三處文同,而取之。 口中,不便直斥其號,改云「初征自葛」, 孟子》語,而去之,其謬四也。 湯 湯一征」,乃係一 無罰」互異,乃古人引經不拘處,猶上 湯一征」云云,與「徯我后」云云,並 篇甚明。 篇之文。《滕文公》篇「葛伯 一征」,史臣之詞,今順手扯入仲虺 今乃牽入一篇,其謬二也。 一征以下兩處文同, 篇之文,故其上引仇 以「民望之」以下爲 傳曰「葛伯游行 乃疑其 「其蘇」、 仇 「而征」 飹 八出于 俱係 罰 至 與 非

佑賢輔德,顯忠遂良。 (又辨 必非爲武帝博士親見圖籍者之筆也 爵」而已。 言葛所在,于《書序》亦但云「葛 陵縣西十里有葛城是也。 州,東距南亳六十里,今河 縣注云:「故葛伯國,今葛鄉是。」 推亡固存,邦乃其昌。 曰〕《漢書· 僞傳于 地理之 學疎陋 地理志》陳 兼弱攻昧,取亂侮 作僞 南歸 留 傳 德 唐 郡 國,伯 極 者 府 寧 不 寧

之,有存道則輔而固之。 取之,有亡形則侮之。有亡道則推而亡良則進之。弱則兼之,闇則攻之,亂則〔傳曰〕賢則助之,德則輔之,忠則顯之,

二年》:隨武子曰:「見可而進,知難而〔辨曰〕此節之語,三見《左傳》。《宣十

也。 證 亡者侮之。」推亡固 取之。』推亡固存,國之道也。」《襄三十 子曰:「仲虺 句爲仲虺之言乎?《襄十四年》中行獻 亡」二句,隨武子安得特分「取亂侮亡」 明「耆昧」,又引《詩》以總明「撫弱耆昧 晦』,耆昧也。 者,何必楚。 也。 退 年》子皮曰:「仲虺之志云:『亂者取之, 經語。故引《書》以明「兼弱」,引《詩》以 亡」一句爲仲虺語。「兼弱 耆昧,以務烈 兼弱也。 軍之善政 取亂侮亡」,無 子姑 若《書》辭果有「兼弱攻昧,取亂侮 其曰「亂者取之」云云,孔疏謂 《汋》曰 整 軍 仲虺 有言曰:『亡者侮之,亂者 所,可也。」據此 《武》曰『無競惟烈』, 也 而 經 『於鑠王 有 兼 兼 存,國之利也。」皆僅 武 弱 言曰『取亂 弱 乎,猶 攻 攻 味, 攻 昧」,足 師 惟 昧」爲古武 武 有 取 遵 梅亡 之 弱 取彼 善 以 亂 撫 養 侮 弱 時

> 《尚 是也。 《汋》詩之「攻昧」二字,而亦入之,則蒐 竊之跡,殊不可掩耳。 兼弱」者,盡入之仲 書》之意 但 并隨 而 武 改爲之辭,其言非 子釋 虺 -《書》 口中,且并其 之語,所

心,垂裕後昆。王懋昭大德,建中于民,以義制事,以禮制「德日新,萬邦惟懷。志自滿,九族乃離。

義奉禮,垂優足之道示後世。欲王自勉,明大德,立大中之道于民,率〔傳曰〕日新,不懈怠。自滿,志盈溢。

永保天命。」終,惟其始。 殖有禮,覆昏暴。 欽崇天道,終,惟其始。 殖有禮,覆昏暴。 欽崇天道,亡。好問則裕,自用則小。』嗚呼! 慎厥「予聞曰:『能自得師者王,謂人莫己若者

則有得,所以足。不問專固,所以小。莫己若,自多足,人莫之益,亡之道。問〔傳曰〕能自得師,求賢聖而事之。謂人

此上事,則敬天安命之道。有禮者封殖之,昏暴者覆亡之。王者如靡不有初,鮮克有終,故戒慎終如其始。

子• 曰: 『湯降不違,聖敬日躋。』降有禮之 之器也。」《晉語》云:公孫固曰:「晉文 《新序・雜事》篇引並同。閔元年《傳》 存。 公殆有禮矣。 云,齊仲孫湫曰:「親有禮,覆昏亂,霸王 『諸侯自爲得師者王,得友者霸,得疑者 其在中歸 〔辨曰〕《荀子・堯問篇》云:楚莊王 也。 圖國》篇、《吕覽 自爲 謀 [楊倞注"「即仲虺。」之言也,曰: 而 樹于有禮必有艾。 莫己若者亡。』」《吴 恃君》篇、 《詩》 劉向 曰

王歸自克夏,至于亳,誕告萬方。王曰:

衆人。 〔傳曰〕誕,大也。以天命大義,告萬方「嗟! 爾萬方有衆,明聽予一人誥。」

厥猷惟后。「惟皇上帝,降衷于下民,若有恒性,克綏

(傳曰]皇,大。上帝,天也。衷,善也。天既與善于民,君當順之,故云順性,使有仁義禮智信,是天降善于下民君之道。〔疏曰〕天生烝民,與之五常之順人有常之性,能安立其道教,則惟爲人有常之性,能安立其道教,則惟爲

于吴。」《吴語》夫差曰:「今天降衷〔辨曰〕《晉語》梁由靡曰:「以君之靈,鬼

夏,以彰厥罪。〔《釋文》曰〕罹,力之反,本亦作羅,辜于上下神祗。天道福善禍淫,降災于爾萬方百姓罹其凶害,弗忍荼毒,並告無「夏王滅德作威,以敷虐于爾萬方百姓。

洛河反。荼音徒。

以喻苦。 以喻苦,故,言荼毒,以喻苦。 以喻苦,故假以言人苦。毒,螫人〔禁,苦菜。〕故假以言人苦。毒,螫人〔傳曰〕荼毒,苦也。〔疏曰〕《釋草》:

牡,敢昭告于上天神后,請罪有夏。「肆台小子,將天命明威,不敢赦。 敢用玄

牲用白。」今云「玄牡」,夏家尚黑,于時 郊,則牲用騂。」孔注《孝經》園 帝于圜丘,牲用蒼。 鄭玄説:「天神有六,周家冬至祭皇天大 白,未變夏禮,故云玄牡。]是其 未變夏禮。安國注《論語》云:「殷家尚 虐乎?〔疏曰〕《檀弓》云:「殷 傳曰〕明告天,問桀百姓有 言「 語》以 事,則孔 敢 用玄牡 爲「堯曰」之章有二帝三王之 所説. 」, 即 無六天之事、論 夏至祭靈威仰于南 此 事 是也。 7何罪, 丘 人尚白, 與 (義也。 孔注 郊 而 加

> 用皇天大帝之牲。」其意與孔異。 舜命禹事,于時總告五方之帝,莫適用,略矣。鄭玄解《論語》云:「用玄牡者,爲與《泰誓》、《武成》,則「堯曰」之章,其文事,録者采合成章。檢《大禹謨》及此篇

其文,辨詳後。 子•兼愛》篇,作僞者割裂取之,又顛倒〔辨曰〕此節語見《論語•堯曰》篇、《墨

事,故總告五方之帝,其牲色不主當方, 因推《周禮》以説商事,商人所用牲色, 圜丘,五方帝祭于郊,其牲色亦各異。 節 亦依皇天大帝,而用玄,玄即蒼也。 亦與周同。 又辨曰〕鄭注《周禮》,以皇天大帝祭于 舜 據孔安國以爲伐桀告天,而 命禹 之别,未變夏禮 五 方帝,故用玄, 事,是鄭與孔合者也。 此係湯將受命,爲舜命禹之 而 而孔 用玄,是鄭與孔 以 鄭 爲 牲 亦以 鄭 以 此 爲 無 爲

此爲《湯誥》,且以此傳與《論語》注真爲《湯誥》。 疏分析鄭孔異同亦是,但竟以此自是僞作者妄掇《湯誓》逸文,以入異者也。但鄭所傳真古文《湯誥》已亡,

同出安國手,則非。

桀,除民之穢,是請命。 〔傳曰〕聿,遂也。 大聖陳力,謂伊尹放善求元聖,與之戮力,以與爾有衆請命。

文人之。 下。』」此篇每勦襲《墨子》所引《湯誓》逸曰:『聿求元聖,與之戮力同心,以治天曰:『聿求元聖,與之戮力同心,以治天〔辨曰〕《墨子・尚賢》中篇云:「《湯誓》

庆云反。 家。〔《釋文》曰〕僭,子念反,劉創林反。 賁,彼義反,徐若草木,兆 民 允 殖,俾 予 一 人,輯 寧 爾 邦 一 天 孚 佑 下 民,罪 人 黜 伏。 天 命 弗 僭,賁

伏遠屏。僭,差。賁,飾也。天下惡除,〔傳曰〕孚,信也。天信佑助下民,桀退

使我輯安汝國家。 焕然咸飾,若草木同華,民信樂生。天

于深淵。「兹朕未知獲戾于上下,慄慄危懼,若將隕

伐桀之事,未知得罪天地否。〔傳曰〕謙以求衆心。〔疏曰〕顧氏云,言

〔辨曰〕「未知得罪于上下」,亦《墨子》

15人总法式。「凡我造邦,無從匪彝,無即慆淫,各守爾文,辨見後。

〔傳曰〕戒諸侯與之更始。 典,以承天休。

武遺訓甚明。今乃采人《湯誥》中,且改故凡我造國,無從匪彝,無即慆淫,各守敬凡我造國,無從匪彝,無即慆淫,各守令,文、武之教也。」章昭注云:「先王之令,文、武之教也。」章昭注云:「先王之行,以承天休。」」章昭注云:「先王之宗,以承天休。」」章昭注会:

文而間以 與「慆淫」正 罰 淫」作 他語、皆非也 相 應,今欲 「福善禍 敷 淫 衍 _ 復 又「罰淫 離 析其

予一人,予一人有罪,無以爾萬方。赦,惟簡在上帝之心。 其爾萬方有罪,在「爾有善,朕弗敢蔽。 罪當朕躬,弗敢自

傳曰〕所以不蔽善人,不赦己罪,以其

《湯誥》有之。」今考《墨子・兼愛》篇 于上天后曰:今天大旱,即當朕身。 若此。」疏云:「《尚書・湯誓》無此文,而 伐桀告天之文。《墨子》引《湯誓》,其辭 萬方有罪,罪在朕躬。」孔安國注 不蔽 敢昭告于皇皇后帝,有罪 云: 簡在天心故。〔疏曰〕鄭玄注《論 辨曰〕《論語》:「予小子履,敢用 「湯日 「簡閱在天心。」 ,簡在帝心。朕躬有罪,無以萬方。 "『惟予小子履,敢用玄牡 敢赦,帝臣 云:「此 玄牡 語

據 ? 明明 罪,在予一人。」 誓》:『余一人有罪,無以 所采 天 ? 確然可信,不比東晉突出之孔傳也。 克夏 文,且爲作傳,如今本果真,則何 商書》伐桀之誓也。」今《湯誓》無此言, 子》文正安國所本也。 身爲犧牲,以祠祝于上帝鬼神。」此《墨 言湯貴爲天子,富有天下,然且不憚以 蔡邕石經《論語》云:「萬方有罪在朕躬。」今《論語 敢 未 罪」字重出。 赦 知 可信,則今本之不可信,百口奚辨 分歸亳誥 在《尚書》,而反 簡 安國《論語》注,何晏《集解》采之, 得罪于上下, 且《周語》内史過曰:「其 明明《湯誥》,而 在 帝 朕身有罪,無及萬方。』即 萬方,而 心。 韋昭注 萬、 有 方有 善不 遠 反云 反云《湯誓》? 安國 引《墨子》以 萬夫。 云: 罪 敢 將伐桀 親得壁中古 即當 蔽,有 《湯 萬夫有 以 在《 脱身。 而 明 晏 湯 爲 明 且 告 此

言。 傷民之命。」于是剪其髮,虧其手,以身爲犧牲,用 收,湯乃以身禱于桑林,曰:「余一人有罪,無及萬夫。 文,而非《湯誥 則 文,不言《尚 盾,且親作《書》傳,而反指爲《墨子》之 不足爲怪。 罪,在予一人。」則并以湯之言爲 梧,見市殺人,下車而哭之曰:『萬方 至《後漢書 于上帝。 民乃甚説,雨乃大至。」此説與《墨子》同。 萬夫有罪,在余一人。無以一人之不敏,使上帝鬼神 九月紀》云"「昔者湯克夏而正天下,天下旱,五年不 云,亦以爲伐桀告天。 可易也。《白虎通》卷上《三軍》篇引「予小子履」云 墨子》以爲禱旱,二説不同。《吕氏春秋· 已散亡矣。 無疑耳 古書同説一 •陳蕃傳》云:「昔禹巡狩 書》,則《湯誥》之爲僞作,斷 獨 安國 然則此節 事 抑安國以 安國《論 而所傳互異者甚多, 一人之口,自相矛 爲《湯誓》之逸 語》注 爲伐桀,而 禹之 確 祈福 有 蒼

"嗚呼! 尚克時忱,乃亦有終。

之美。〔傳曰〕忱,誠也。能是誠道,乃有終世

論 我怨。』」凡一百二十六字。 民乃有居。 下有「以令諸侯」四字,詳其語意,殆爲 不可不勉。』曰:『不道,毋之在國,女毋 夫作亂百姓,帝乃弗予,有狀。 咸有功于民,故后有立。 北爲濟,西爲河,南爲淮 于外,其有功乎民,民乃有安。 罰殛女,毋予怨。』曰:『古禹、皋陶久勞 后: 『毋不有功于民,勤力迺事。 予乃大 誥》:維三月,王自至于東郊。 告諸侯 紀》,其辭曰:「既絀夏 誥》。今雖亡、猶略見于《史記・殷本 不知鄭康成所 辨曰 功定罪, 誥戒諸侯而作, 初不必追述 〕作僞者妄采他書,撰爲《湯誥 后稷降播,農殖百穀。三公 傳孔壁真古文,本有《湯 命,還亳,作《 ··-, 四 昔蚩尤與其大 「女毋我怨」 瀆已脩,萬 東爲江, 先王言 湯

其 可 知

湯

誥

告天伐 [取他 桀 書語已足成篇 之 事 也。 類,故遂 今僞 作者 棄之耳。 若將《史記 遺 却 且. 不

問,故 其 得 多典據,非可空造, 湯所以 所 棄之也。 稱 而傳之者,其 告諸侯者, 四 瀆 然此 配 四 皆欲其勤 與今本絕不同,故 爲 方 乃 司 可 云 馬 信, 云, 遷親 力民 的確 考之《後 從安國 無 事, 疑。

濟北

,淮東,江

南。

以

淮

爲

東

瀆

于

丢。

方向

少不合者,蓋

因

古

人地

理

南

口

通,言北可與西

通,

非

同

東

與

西、

記

載《湯誥

既

屬

口

信

則

東

晉

南

以

淮

爲

南

瀆

必

非

東

也。

史

迥

反。

故《湯

以

江

爲

東

瀆

迄今愈不可易,似與此

西瀆,祭于同州

濟

爲

北瀆,祭于洺州

東爲江,南爲

淮

唐州;

江

一爲南

瀆,祭

于益州;

河爲

漢 所 采 其 」, 因 載人之,反覺不 • 祭祀志 》, 武 唐人亦 定 北 郊 四 瀆 河 西,

> 伊 訓

以 嗣 惟 聽 王 元 冢 祇 祀 宰。 + 見 有 厥 伊 祖 尹乃 月乙 侯 甸 明言烈祖 H. 羣后 一,伊 尹 咸 祠于 在 之成德,以 百 先 官 王 總 訓

告。 知 告」,「見厥祖」 見湯 之祖、故稱焉。 殯斂祭皆 在」爲「在位次」, 王」,謂祭湯也。 百官,以三公攝 祠 居 位 也。 非 宗 此 主 名 故 廟 湯 喪 者,元 爲 傳 崩 了, 羣 奠, 爲「居位主喪」,「 解「祠先 踰 冢宰。 「奉嗣王祗見厥祖 月, 皆述在喪之事。 疏 后 祀 虞 咸 日 祔 即 太 」「伊 在 烈 甲 是 卒哭始名 王」爲「奠 位 祖 初 即 湯湯 喪之時,未 位 尹 祠 羣 有 伊 奠 ... 殯 于 尹 咸 謂 而 烈 而

〇六六

主也 王始 祗見厥祖」,是始見祖 位,此踰月即位,當奠殯即位 冕服奉嗣王。」則是除喪即吉,明十二 《太甲》中篇云:「三祀十有二月,伊尹以 此「奠殯而告」,亦如周康王受《顧 而畢。」知此年十一月湯崩,此祠先 服終。《禮記》稱:「三年之喪,二十五月 湯崩踰月,太甲即位,奠 天子。 禮 有 惟 祠 尹 見祖 主 有 廟 小。 祠 有 一, 且 湯 于先王」,是特設 春秋之世有奠殯即 耳 尸 俱 湯之父), 其 是享神, 故 禮 知祠是 初即王位,告殯 祖 大。 不 也。 故 奠,非 追 奠則 可 一爲王 祠也。「嗣 特設祠 以 奠器 位、踰 祠 而告」也。 也。 祠 宗廟 ,所言先 言 而 禮 此 命》, 王 年 已 即 是 月

其書雖亡,猶見于《漢書・律歷志》所引〔辨曰〕鄭玄所傳真古文,原有《伊訓》,

祀,其謬二也。 詳《禹貢》「兖州」。 位之説 的確 祀于 以爲太甲繼湯,其謬一也。 《伊訓》所云太甲元年,乃 父子 十二月是子月。據劉 者,追遡之詞,不可 年。《書序》「成湯既没,太甲元 加删改。 記・殷本紀》及《律歷志》 未立先卒,外丙立二年崩,仲壬立四 歷》,載《伊 日 商曰祀,周曰 乃立太甲。 惟 ·領校 可信。 皆非也。 王. 太 孔傳係 秘 , 誕 甲元年十有二月 訓 偽作者取其文 書,親見 》,故班 年」,古人臨 商人以 有牧 一手假造,又爲踰 《孟子》言湯崩,太 趙岐 泥。 此元年, 僞 古文。 歆 方 固采人《律歷 $\overline{\mathbb{H}}$ 河。」 以 注 而僞《書》、僞 月 《三統歷》推, 文却不拘, 而失其旨,妄 乙丑 説 仲壬崩之明 甚 爲正 爾雅》雖 歆撰[《]三統 蓋 並 明。 劉 朔 孔 年」,既 同。 一月,則 向、 了, 伊 改元 志 月 **^** 史 年 7 即 真 歆 尹

删去 仲壬 《春秋繁露》卷十五《郊祭》篇云:「《春秋》之義,國 方明, 位 元 此十二月朔, 惟 天地,諸侯改元即事社稷。」《王制》曰:「喪三年不 而行事。」《白虎通》卷上《爵》篇云:「王者改元年即 事天地之禮也。」在禮亦曰喪者不祭,唯祭天,爲越 大喪者,止宗廟之祭,而不止郊祭,不敢以父母之喪廢 甲身有四服,皆未詳。 去年崩,至踰 志》既引此文 是 太丁、外丙之服,言外丙不言仲壬,且如此則太 祭天地 陳訓 年 王」者,以 年爲太甲 之, 末 ,不繼湯 同 ··, 非 社稷,爲 慮郊 遂掩却至、朔同 日。 配 元 元年 年 即 冬至配上 祀 乃行郊祀之禮。 年 而 歷家 越紼而 帝,是朔旦 Ė 初也。 典 解 如僞 以 禮 月,太甲改 以 之云:「言雖 行 冬至越茀祀 難于 事。」且 爲 孔 一月乙 乃僞作者并朔 日 帝 歷 爲繼湯,湯必 冬至之歲 之事,以祀先 故 空敘,改爲即 元「伊尹 <u>H</u>. 無 也。《 稱元年, 朔旦 十二月是 論 太甲 先 成 冬至, (律歷 祀 也。」 王 以 于 于 事

> 訓 年》亦僞書,此條尚似有據 時,蓋用以 月。 繪天地四方神明之象。 之,彼鄭注賈 淳、孟康注據《儀禮 年改元,亂 \pm 其謬三也。 紀年》云:「太甲十 一、故設 爲 ,敷衍成文,遂删此 果如: 奠殯 以 此 告 陳設。 世之事 司 「誕 ,則崩年即改 即 (疏尤備。 盟。 位 資 年,大饗太廟,初祀方明。」《紀 《覲禮》則諸 作僞 ,曾謂 并 有牧方明」一句, **覲禮》「方明」以説** 語,其謬四 謂 方明,以 者祗 《伊訓》祀天之 此 伊 稱 時 尹 元 就 侯 爲之乎? 湯 年矣。 木爲之, 祖 也。 崩 咸 方 會 [《]竹 陳 III 如 踰 崩

咸若。 天災。山川鬼神,亦莫不寧,暨鳥獸魚鼈曰:「嗚呼! 古有夏先后,方懋厥德,罔有

傳 百〕先 曰:「嗚呼 日 百獸貞蟲,允及飛鳥,莫不比方。 〕《墨子》卷八《明 君 謂 禹以 古者 下 有 少 康 夏,方未有禍之 鬼》下 以 篇引《 賢 王. 商 矧

獸,洽于魚鼈,咸若攸樂。」 葆。」賈誼《新 在 寧。 人 面 ó 能 胡 共 敢異心。 書》曰:「文王之澤,下被禽 允,任 天下之合,下土之 Ш 川鬼神,亦 莫敢

命,造攻自鳴條,朕哉自亳。 「于其子孫弗率,皇天降災,假手于我有

也。 我寡人。」《晉語》驪姬曰:「無必假手于 謂「造攻」「桀造 桀宮也。」此 攻自牧宫,朕載自亳。」趙岐注:「牧宫, 我武王。」《孟子》引《伊訓》曰:「天誅造 禍許國,鬼神實不逞于許君,而假手于 手于我有 商郊牧野」相溷,故據《序》改之。 〔辨曰〕隱十一年《左傳》鄭莊公曰:「天 傳曰〕桀不循其祖道,故天下禍災,借 今既爲始攻 始攻桀伐無道 命商王誅討之。 僞 本 作 解,自應從「牧宫」。 乃改爲「鳴條」,殆嫌與 ,由我始修德于亳。 可 攻之罪」,其説近 造、哉皆始 但岐

> 遺之。 《序》云「與桀戰于鳴條之野」,則 亳」,疑即「朕載自亳」之異文。 注《書序・典寶》引《伊訓》 是三朡」,則僞作者竟以其無所附麗 桀之終事,安得爲始 (攻乎? 曰 又 又曰 載 鄭 八已爲 乎 康 「征 成 敗

立敬惟長,始于家邦,終于四海。懷。今王嗣厥德,罔不在初。立愛惟親,「惟我商王,布昭聖武,代虐以寬,兆民允

海」也。
〔傳曰〕善惡之由無不在初,欲其慎始。〔傳曰〕善惡之由無不在初,欲其慎始。

〔辨曰〕《禮記・祭法》曰:「湯以寬治民,

^{● 「}在」,孫治讓《墨子閒詁》作「隹」,引畢沅云:「隹,古

而 生子罔 除 其虐。」《召誥》曰:「今王 愛自親始,立敬自長始。 不 在 厥 初 生。」《禮 嗣 受厥

檢身若不及,以至于有萬邦,兹惟艱哉 時若。居上克明,爲下克忠,與 嗚呼 子,此自立之難 恐有過。 恕,克忠竭誠,使人必器之,常如不及, 從諫如流,必先民之言是順。 〔傳曰〕言湯始修爲人綱紀,有過則改, 先王肇修人紀,從諫 言湯操 心 常危懼,以至爲天 弗 入不 咈 克明理 7; 求備 民

從而 格君之道,而僞作者乃改以爲先王 爲下則遜。』此 諫争而 輔拂之人,社稷之臣 .從命而不拂,微諫而不倦,爲上則 〔辨曰〕《荀子》卷九《臣道 敏,事聖君之義 不諂,事中君之義 之謂 也。」此荀子論 也。 也 也。 忠信 篇》云: 恭敬而 《**書**》曰: 而 遜 不 諫 亭聽 明 争

> 敷求 君子不責備于一人。』《亢倉子 無求備于一人。」《淮 曰:「君子檢身,常若有過。」 又《左傳》曰: 哲人,俾輔于爾後嗣。〔《釋文》曰〕哲,本 君明 南子・ 臣 氾 論 論 訓 訓 語 道》篇 日

又作喆。 [傳日]布求賢 智,使師 輔 于爾 嗣

也。 而身。」 辨曰〕《墨子》曰:「先王之書,歫年之言 傳 曰 : ¬ 求 聖君 哲人,以裨

遠耆德 于遊畋 身,國必 愆 酣歌于室,時謂 制官刑,做于 卿 比 時謂 有一 頑 淫風。 童,時謂 于身,家必 臣下不匡,其刑 ·有位。 巫 風。 敢有 曰 亂 敢 : 風。 喪 侮聖言,逆忠直、 或敢 有殉于貨色,恒 有 邦 惟兹 墨, 具訓于 怕 君 舞 有 三風十 于宫 一于

曰〕言湯制治官刑法,以儆戒百官。

輔

君,服墨刑,鑿其領,涅以墨。 邦君卿士,則以争臣自匡正。 之,是荒亂之風 財 謂下士,士以争友僕隸自匡正 失位亡家之道。 不納,耆年有德疏遠之,童稚 侮聖人之言而不行,拒逆忠直之規 貨美色,常遊戲 鬼 舞 神 則 荒 曰 淫 巫 言 樂 俗。 諸侯犯此,國亡之道。 無 酒 畋獵 政 日 有 酣, ,是淫過之風 殉 過則德義 酣 歌 頑囂親比 也 則 蒙士,例 臣不正 廢

盈,而近頑童窮固。」似二伯。』、《鄭語》史伯曰:「惡角犀豐謂巫風。 其刑,君子出絲二衛,小人否,書,湯之官刑有之曰:『其恒舞于宫,是書,湯之官刑有之曰:『其恒舞于宫,是

向詒子産曰:「先王議事以制,不爲刑刑,未言作于何時。然《左傳》昭六年叔〔又辨曰〕閻若璩曰:《墨子》引湯之官

盛世 政而 作官刑,虞舜已有,何獨 其亡乎」。 知其時固未嘗有此 《左氏》,止據《墨子》,遂以爲湯所制,不 之法,言不能議事以 端。」又曰:「夏有亂 制 辟 湯時五 趙鞅、荀寅鑄刑鼎,仲尼聞 其非湯所制明矣。 則《墨子》所謂官刑,正作于商之叔世, 也。」注曰:「言刑書 書,謂之九刑。」又曰:「三辟之興皆叔世 政而作湯刑。」注曰:「夏商之亂,著 三風十愆」爲官刑條目,勒成 ,懼民之有争心也。」杜 刑,不豫設法也。 而 作九刑。」注曰:「周之衰,亦 刑具在,未嘗無官刑也。 即豫設法以告下 彼春秋之末且然,曾謂 也。 制。」又曰:「周 政而作禹刑 而僞作者不能參考 不起于始盛之世。」 法豫設,則 民 湯無官 昭二十九年,晉 預注 哉 而 非 曰:「臨 之日 . 刑 ? 商 或疑 獨所爲 民 成湯 爲 有 有 知 禹 一晉 夫 刑 亂 湯 亂 争

作不善降之百 嘉言孔彰。 嗚呼! 豫告下 非 刑、湯刑必不作于禹、 者猶謂此乃後世作九刑者記周公之言, 盜姦,爲大凶德,有常無赦是 容述于伊尹之口,以訓太甲,又可知矣。 宫,是謂巫 周公自爲之書 一書也。 民, 嗣王祗厥身,念哉 惟上帝 風,即爲湯之法 湯 九刑之作,原于周公。 殃。 固未嘗有此 爾惟 不常,作善降之百祥, 也。 湯可知。 觀于周公,則禹 德罔小,萬邦惟 也 圃 聖謨洋洋 也。 湯未 故 其必不 恒 然説 嘗 舞 勒 藏 干

善也。 大,惡有類 傳曰〕洋洋,美善。 爾惟不德罔大,墜厥宗。」 天之禍福,惟善惡所在,不常在 修德無 ,以類相 小,天下賚慶。 致,必墜失宗廟。 言甚明可 法。 不德無

> 《淮南子》曰:「君子不謂小 爲無傷也而爲之,小不善積而 善。」《三國志》注:蜀先主敕後主曰: 可 非者,天報以殃。」賈誼《新 慶,積不善之家必有餘殃。』《漢 而舍之,小善積而爲大善。 王傳》曰:「蓋聞 喪。』《易・文言》曰 勿以惡小而爲之,勿以善小而 謂 上帝 小而無益,不善不可謂 不順,降之日鲜 爲善者,天報 :「積善之家 書》曰:「善不 , O 不謂 善 小 其 不爲。」 不 以 而 爲大不 必 足 書 家 無 福 不善 爲 傷。」 有 必 爲 吴 餘 世

太 甲 上

惟 嗣王不 惠 于 阿

傳 阿, 倚。 衡,平。 言不 順 伊 尹之

辨曰〕《墨子・非樂》上篇

曰:「鳴

呼

佯,黄言孔章,上帝弗常,九有

以

⁰ 日 孫治讓《墨子閒詁》作「百」,引畢沅云: 百百,

倚 訓 阿,倚。 也 疏 稱 曰〕古人 衡,平也。 「阿衡,伊尹也。」鄭玄亦 上謂之衡, 演 阿、倚 故 伊 尹 衡 ′ 湯倚而 爲平 同 1音,故 也 取平, 阳 亦

故以爲官名。」

下神祇 伊尹作 德,用集 厥辟宅師,肆嗣王丕承基 書曰:「先王顧諟天之明命, 大命,撫綏 社 一稷宗 廟 萬 罔不 方。 緒 祗 惟 肅 尹躬克 天監 以 左 承 右 厥

嚴敬 德,集王 其君,居業天 奉天命,以承順天 [傳日]顧謂常目在之。 疏曰〕《説文》:「顧,還視也。」諟與是, 湾,致 鬼神而遠之。 名摯,則 一命于其身,撫安天下。 有 孫 天 武 下之衆。 下,故子孫得大承基業。 兵書》及《吕 尹 地。 非名也。 監,視也。 肆,故也。 諟, 是 肅,嚴也。 今自 氏 也 春 天 尹 秋》皆 能 視 先 言 言 助 湯 敬

者,湯使尹正天下,號曰「伊尹」,故亦以

終。 惟尹躬先見于西邑夏,自周 戒哉 明命。』』《詩》:「天監 以不終爲戒,敬其君道,則能終。 人之道德,不能終其業,以 忠信有終。 不君,則辱其祖 傳曰〕周,忠信也。 辨曰3《大學》:「《太甲》曰:『顧諟 其後嗣王,罔克 祗爾厥辟,辟不辟,忝厥祖。」 夏都 在亳西。 有終,相 身先見夏君臣 在 下,有 桀君臣 有終,相 取亡。 亦罔終。 命既 一滅先 嗣 天之 君 王 用 嗣 惟

云,其下文即緊接《尹吉》曰「惟尹躬天其下文又引《太甲》曰「天作孽」四句云尹之誥也。」《書序》以爲《咸有壹德》。曰:「惟尹躬及湯咸有壹德。」鄭注:「吉三、惟尹躬及湯咸有壹德。」鄭注:「吉三、一、一、一、一

孔 祖 《尹吉》,緊相承接,則知《尹吉》斷斷 **豈鄭注之本于孔傳耶**? 《太甲》矣。而僞作者順手撏撦,遂援 非《太甲》。 邑」云云,亦係《咸有壹德》之文,而斷 誥》,《尹誥》即《咸有 夏,此時就湯矣。 之先祖,見夏之先 信爲周。 爲敗邑,或爲予據。 今天絶桀者,以其自作孽。 見于西邑夏」三句云云。 。」」鄭注:「同位,尊卑等,爲其相 敬 傳者,竊取鄭注耳。 又此節之傳,全同 又《坊記》,子云:「父子不同 也。 相 書》云:『厥辟 何則? ,助也,謂臣 「天」當爲「先」字之誤。 夏之邑在亳西, 君臣皆忠信以自終, 上引《太甲》,下 鄭注《尹吉》即《尹 一德》,則「先見西 「忠信爲周」本 鄭《禮記》注,此 也。 鄭注《尹吉》亦 乃魏晉間作 伊尹始仕于 不辟, 忝 伊尹言,尹 位, 《國 見或 引 非 斷

嚴。」此義亦與今《書》及傳異。相褻,則辱先祖矣。君父之道,宜尊辟,君也。忝,辱也。爲君不君,與臣子

王惟庸,罔念聞。

懌,萬世有辭。」 于度則釋。 慎乃儉德,惟懷永圖。 旁求俊彦,啓迪後 伊尹乃言曰:「先王昧 [傳日]守常不改,無念聞伊尹之戒 欽厥止,率乃祖攸行,惟朕以 人,無越 爽 若虞機張 丕顯 厥 ,坐以 命 往 以 自 待 省括 覆。 旦。

牙也。 失也。 明其 修德 覆。 美士曰彦。 傳曰〕爽、顯皆明也。 于度,釋 當以 ,夙夜思之,明旦行之,如 (德,坐以待旦 虞,度也。 無失亡 儉爲: 一則中。 開道後 祖 德,思長 命, 度機,機有 止謂 而行之。 人。 而 不勤 言訓 行所安止,君 世之謀。 先王昧明, 德,以 度以準望。 戒。 旁非一方。 射先省矢 機,弩 越,墜 自顛

于仁,子止于孝。

注,善誤認作《書》注 選》引《書》鄭玄注「若虞機張」云云。 懌」,本《康誥》「則予一人以懌」。 機張,往省括于厥度則釋。」今增入中間 《太甲》曰:「無越厥命,以自覆也。 此 有辭」,本《洛誥》「汝永 旦」,因複旦字,復據《牧誓》「甲子 取成句, 二句,删去「也」、「厥」二虚字。 爽」,改作「爽」。又《禮記 向 坐以 辨日」「昧 引 理,非商先王「待旦 讒鼎之銘。 待旦」本《孟子》,乃周 又離其本義。 爽丕 顯」本《 讒 鼎 而 乃魯 有辭」。 左 讒 行之」, 兩語 傳 緇衣》云: 鼎 鼎本 公中夜以 此乃鄭《緇 影昭 非 「惟朕 李善注《文 \equiv 「萬世 作「 商 若虞 年 衣 昧 皆 以 昧 思 叔

王未克變。 予弗狎 (俾世 迷。 曰]言習行不義,將 于弗順,營于桐 伊尹曰:「兹乃 王徂 桐宫居憂,克終允德。」 宫,密 成 不義,習與性 其 邇 性 先 王其 狎,近 訓 成

> 怪之。 王 也 一,則 經 訓于 王往人 誉 桐 義 墓 桐宫、居憂位。 立 無成其過,不使世人 宫,令太甲 -居之, 能思念其 近先 迷 忽

祖,終其信德

聲伯 成,故 [又辨日]閻若 褐曰:「 順」,放太甲于桐。」成十六年《傳》子叔 篇略同。 性,習慣如自然。」《大戴禮記 書》:「習與智長,故切 辨曰〕《無逸》:「不 曰:「以 中道若性。 孤以 《孟子》:「伊尹曰『予不狎于不 不得密邇于天子。」 魯之密邇 璩曰:《殷本紀》注 孔子 義 仇 而不 惟 曰:『少成若天 讎。」《吴語》 王。」賈 愧。 況與 引 誼 鄭 康 新

《書序》語。 孔傳出,始 帝時已知 成曰:「桐,地名也。 殷湯無葬處」乎? 湯葬 有此説。 初 不指 處矣,何劉向告成 桐爲 蓋 此 有王離宫焉。」似 直至哀帝 説 湯葬 果 真,是漢武 地,魏 建 帝 平 猶 晉 間 注

有桐亭。 《孟子》,尤爲怪矣。《元和郡縣志》,殷湯陵 此與薄甚遠,更屬荒唐。 以 河中府「寶鼎縣北四十三里」,即今山西蒲州府榮河縣 湯墓乎? 王,致生此説。 而 冢 桐宫乃諒陰三年之制,非關 未遠,判然各爲一縣所有,豈得 虞縣,有薄縣。 亦不云葬地。 年,大司 石 始得之,劉 《縣志》云:「殷湯陵在百祥村西,元時淪入汾河 柩遷葬。 孔 安國知之乎? 空御 薄下注云「有湯 明洪武初建陵寢于其東。」考湯 緣孔傳欲 史 《後漢•郡國志》:梁國 向 虞則有空桐 後儒見有居憂字,並 長 固 要皆僞傳爲之作俑 卿 不 案 知 傅 趙岐注 行 會 也 冢」。 水 太 地,有桐地, 放 向 災, 甲 廢, 桐爲邑, 且不知 · 居 指 雖 家在薄 顯 近 相 桐 行 謂 先 爲 去 在

太甲中

惟三祀十有二月朔,伊尹以冕服奉嗣王嗣

于亳。

裘之 禮不 服闋。 位即 月 禮》云「朞而小祥」, 顧 人冔 此年十一月爲再朞,除喪服,至十二月 即位之三年也。 爲新 是殷祭冠,今云冕者,蓋冕爲通名。 首服大名,故以冕爲冠。 月,三年服闋。 疏 盡 而 氏 E E U 禫」。 云: 冕,祭天尚質。 知天子幾冕、《周禮》天子六冕。 而祭。」《大雅》云:「常服黼冔。」 君元 文,惟衮 以 其年爲元年。 闋,息也。 周 「祥禫之制,前 年。 以元 制, 王肅云:「祥月之内又禫祭 冕耳。 君薨之年屬 殷法、君薨 年十一 冕,冠 湯以 冕是冠内别名,冠 此冕服 弁師 月崩 「惟三祀」者,太 也 元年十一月崩,至 儒 《王制》云:「 惟掌 而 之年,新 前 踰月 不 至此二十六 大 蓋 同。」《士虞 君,明年始 祥 衮 五冕,備 即吉服 《冕也。 君 「殷 是 冔 甲 即 大

肅同。 궁: 服 復更有一月而 矣。」此孔傳云「二十六月,服 七月,與孔異 彌 一样 「是祥之月而禫, 禫之明月可 寬 鄭玄以 而 而 變 縞 彌 禫 中月爲間一 是月禫, 數 也。」《 則三年之喪,凡二十 徙 禮 月,云「祥後 月樂。」 記 翼」, • 檀 與王 以 弓 樂

迎,如 舉。 内。 甲 立 察,實見其能改, 放之。計始立至被放,必不在一 誡之,至再至三猶不改,然後不 復位。其事皆在此二十六月之内也, 帝 辨曰〕如僞《書》及 極矣。放君大變之事,伊尹豈 太 即 不明則訓 ,不率教,即被 甲 置基然 放後 既 立三年,不明,暴虐,于是伊 亦必 也。 之,冀其改悔, 令其 方始迎歸,必不乍放乍 史記 放,後改悔,復迎 傳, 動心忍性,徐徐 則 是 殷本紀》載: 自 不 湯 得 改 輕 崩 年之 則 有 熟 而 又 是 悖 歸 太

之訓。 甲 居 手 無人臣禮, 即被放,廢放後未 實,亦如淮泗注江之類。 怨自艾,于桐 刑,伊尹放之于桐三年。 同,奈何作僞《書》者竟謂 六年之久。《孟子》行文取 内,古文簡略,省首三年字耳,與《史記》 共六年,最爲明白。《書序》云:「太甲既 尹 尹 不乖剌也。《孟子》: 亳。」既之爲言可該久遠,不必在 立,不明,伊 初 `,逞臆妄造,傷教害義,大有 放 迺 即 桐 位 迎 之于桐宫三年,伊 已也,復歸于亳。」據文 帝 後、下三 宫三年,悔過 太甲而授之政。」首三年 一至于此 尹 處仁遷義,三年以聽 一年字指被放後。 放 幾又 諸 自 「太甲顛覆湯之典 桐。 即 責 僞 尹 要其爲 復 太甲 傳 攝 太甲 ,反善, 于是 三年復 與 位 便 行 卽 似 經 政。 關 悔過,自 不必 六 位 在 一二年 同 伊 蓋 歸 ·字指 出 · 尹 之 年 伊 桐 一前 帝 久 則 核 尹 有 于 後 伊 太

可不辨。

喪之制 月,則太甲之元必改于湯崩之年。 者之意,非以三祀十有二月爲正 年服闋。」非用 可 之事上加 知三代典禮,既 以是月爲服 于《太甲》「惟三祀十有二月朔」,釋 月而 二君,此豈三代 湯以元年十一月崩,至此二十六月,三 中月」爲「月中」,則二十六月 間月」,則二十七月而後即吉。 又辨曰〕閻若 掩矣。 ,以前 王肅以前未聞有是説 畢,中月而禫。 ,上擬古人。 無所本,特王氏鑿空耳 盛世, 王學謂祥禫共月,其 闋 1 璩 曰 王肅之説而 而即吉也。 所宜 以 又以祥 崩 蓋至是 鄭 年改 有 三年之喪,二十 康成以「中月」 乎? | 禫 元,衰. 何? 共 服 而 也。 月,後 僞作 果関 其 所 即 年不 今孔 以 僞 蓋 王 :者 于 僞 肅 可 鄭 可 儒 曰 一年 是 祥 乃 作 短 不 傳 即 以 五

月禫」云者 日哭,則不 樂」爲據。 鄭氏,以《檀弓》「祥而 其「喪娶」,則公羊氏亦主二十七月,遥 之,僖公薨于十二月乙巳,杜氏推歷, 是月也, 與鄭氏合可知也。 巳在十一月。至文二年冬,僖之喪已二 十七月而禫。』《大戴》喪服 大祥」,「中月 《儀禮 下文,而不繫于上也。 十六月矣。公子遂如齊納幣、公羊》 十五月大祥,二十七月禫。 祥 間 「月中而禫」,不可謂之中月也。 禫 間 士 月 則承上文,又與《檀弓》别。 月, 而 歌。」 虞禮》「朞而小祥」,又「朞 夫所謂「是月禫」者,所以 ,乃祥月乎? 禫。 |《白 則 而 遠 耐 禫。 有 若王 文無所繫。 師 虎 是月也,吉祭。」此 《論語》:「子于是 縞,是月 通 承 肅者,議禮 果禫 德 變除禮曰: 劉熙《釋名 論 更溯 潭, 在祥月, 孰謂「是 曰: 而 徙 必 而 惟 發 譏 月 反 1

忘哀,非 月而畢。」據喪事終,除衰去仗,餘哀未盡,更延兩月, 非喪之正也。 鼓素琴」,及「夫子既祥,五日彈琴不成聲」,皆據省樂 異月乎? 父在爲母,屈而不申,故延禫月,爲妻當亦不申,祥禫 爲妻尚祥禫異月,豈容三年之喪乃祥禫同月? 御而不人。」疏 發下「徙月」耳。 禫而纖,無所不佩。」疏云:「中 云:「父在,爲母、爲妻十三月大祥,十五月禫。」爲母 注之,不相連屬,明「是月」者不蒙上「祥縞」之文,特以 禫」云云。 及疏甚明。 之喪,期而小祥,又期而大祥,素編麻衣。 是,而孔傳之謬可知。《禮記 一月而爲禫。祭二十五月而祥,二十七月而禫。」此經 云「是月」,不太贅乎? 是月禫,徙月樂」下云:「言禫明月可以用樂。」隔別 中月,爲大祥月之中,既云「中月」,又 出人四 正樂也。 Ŧ 其魯人朝祥暮歌,及《喪服四制》云「祥之日 然鄭于「祥而編」下云:「編冠素紕也。」于 王肅之説得以亂之者,惟據《檀弓》「是月 肅 此難,則 云:「鄭必以二十七月禫者、雜記 年、《喪服 又《檀弓》:「孟獻子禫,縣而不樂,比 肅難鄭云:「若二十七月禫,其歲未 其《三年問 爲母十五月而禫,出入三年 小記》何以云「再期之喪三 》云:「三年之喪,二十五 間也。 益 驗 • 間 大祥之後更間 王 傳》: 中 氏 卢 一父母 説 而 非 禫

> 聖經,惑後學,罪莫大焉。 教,此僞古文《尚書》及僞孔傳,正王肅之徒所爲。 誣月而樂,即吉有漸,不忍忘親。 王肅妄造異説,悖理害大斷也。」此疏駁王説尤精,蓋大祥之後,間月而禫,徙水記》何以云「期之喪二年」? 明《小記》所云據喪之

厥德,實萬世無疆之休。」 罔以辟四方。皇天眷佑有商,俾嗣王克終作書曰:「民非后,罔克胥匡以生,后非民,

以君四方。〔傳曰〕無能相匡,故須君以生,后須民

能胥以寧。后非衆,無以辟四方。」」「萬世無疆之 方。」此改作「胥匡 非后,無能胥 上》篇。《吴志・駱統傳》:「《書》曰:「衆非 辨日》禮記 表記》引《太甲》曰:「民 以 寧。 以 生」,則又本《 后非民,無以 盤 后,無 辟 庚 四

天作孽,猶可違。自作孽,不可逭。既往不類。欲敗度,縱敗禮,以速戾于厥躬。王拜手稽首,曰:「予小子不明于德,自底体」,本《召誥》「無疆惟休」。

圖惟厥終。」 背師保之訓,弗克于厥初,尚賴匡救之德,

也。 避,自作災,不可 于其身。 言己放縱 闇 君 于 孽,災。 情 德 而 欲、毀敗禮 i), 故 稽 首于臣 逃 自致 追,逃 不 儀法 謝前 也。 善。 度,以 過。 速 言天災可 召 類 召罪 也。

也。 丑》離 「王拜手稽首」之文。 手稽首」,皆本《洛誥》「周公拜手稽首」、 (又辨曰)此「王拜手稽 自作孽,不可以逭。」此參合于二者 [樓》兩引「天作孽」四句、「逭」 《緇衣》則引 又《孟 首 「天作孽,可 」及下「伊 尹 皆 孫 拜

「匡救其災。」共王曰:「未習師保之訓教。」展喜曰:二句從《緇衣》,作「逭」字。又《左傳》楚二句從《緇衣》,作「逭」字。又《左傳》楚之間。上二句從《孟子》,去「也」字,下

來無罰。 不悦。 聰。 惟 伊尹 奉先思孝,接下思恭。 明 后。 拜手稽首,曰:「修厥 朕承王之休無斁。」 並其 。」王懋乃德,視乃厥祖, 先王子惠 有 邦 厥 鄰,乃曰:『徯 木 窮, 視遠 身,允德協 民 惟 服 明, 厥 無 我后,后 命, 時豫怠。 聽德惟 于下, 罔有

故民心 惰。 明君。 其德,法視 忻 鄰 傳曰〕修其身,使信德合于羣下,惟 戴 視遠,以 並 以 有 念祖 服 或 湯子愛困 君 ,鄰國人乃曰:「待我君來。」 其教令,無有不忻喜。 來 聰聽德,王所行 其 德 無罰。」言仁惠。 祖 爲 而 孝,以不 窮之人,使皆得 行之,無 驕 如此 慢 爲 王 則 逸 當 湯 恭 其所, 俱與 我 豫 勉 言 怠 修 14 以

頭至 稽首,頭下至地。 至地乃爲稽首 叩之而已。此言拜手、稽首者,初爲拜 拜手也。」鄭解此三拜之形 首,拜頭叩地 首。」鄭玄云:「稽首,拜頭至 王之美無 辨九拜 手,乃復申頭至地。 斁。 曰 也。 稽首 / 疏 空首 頓首,頭下至地,暫一 日》《周 , 拜頭至 日 禮 頓 至手爲拜手, ,所以爲異。 首,三日 地 太祝 手,所謂 也。 ***** 頓 空

聰明。 子• 遠 此 子》,但此與「后來其蘇」本一語 惠 即「夙興夜寐」意。 〔辨曰〕 「先王 惟明」二句,本《楚語》「致遠以 分見《仲虺》、《太甲》,辨已 德以爲聰」。 以振困窮。」上文「昧爽 輕賦 務訓》,云: 薄斂, 子 惠 「徯我后 湯湯 以寬民氓。 困 夙興夜 窮」,本《 丕 」二句本《孟 見前 顯」二句, 寐, 而 布 爲 異 淮 以 德 文, 「視 致 施 南

太甲下

亡。 亂。 敬 伊 享,享于克誠。 惟 尹 親 終始慎厥與,惟明明后。 申 與治同道, 罔不 . 誥 民罔 于 Ě 常懷,懷于 天位 曰 : 艱哉 嗚 興。 呼 有 ! 與 亂 惟 德惟治,否德 同事, 天 鬼神 無 親 罔不 二無常 克

于後。 技,不 者。 位難,以此三者。 係一人,能誠信者則享其祀。 意三代以 慎其所與治亂之機,則爲明君 德則亂。 傳 辨曰〕此 日〕天于人無有親 民所歸無常, 顧 安危在所 雷 上作書之人, 亦效後 篇 同 全與《蔡仲之命》 之恥,其謬顯 爲政 以仁政爲常。 任,治亂在 疏, 以 德 惟親 則 然。 世 相 所法。 居天子 治,不以 能 一剽竊之 鬼神 複。 説 敬 之 詳 不 不 身 明

其 理 日月 及此,即文王、周公亦引 而 生于孔孟之後,采取其語,入伊尹 理愈推則愈明也。 直至孔子、子思、孟子始發揮透暢,如揭 又辨 辨 其僞 則 而 唐虞未有。」愚謂敬、仁、誠之義 曰]真德 是, 可 。前此 矣。 而其文則僞。 秀 則豈 謂 僞作古文《尚書》者 敬、 ·惟唐· 而 讀者 仁、誠 未 虞夏商 發。 存其 並言始 口中, 未嘗 蓋義 理,

求諸道。 陟遐,必自邇。 位,惟危。 有令緒,尚監兹哉! 先王惟 時 有言遜于汝志,必求諸非道 慎終于始。 懋敬厥德,克配 無 輕民事,惟 若升高,必自下。 有言逆于汝心,必 上 難。 帝。 無安厥 今 王 嗣

傳曰 當 能 善政 配 夙 湯惟是終始所與之難,勉 天 夜 有 而 庶 漸 行之。 幾 如登高升遠,必 視 祖 令,善也。 此 配天之 用 祖 而 近 法 善 其

|| 禮記

文王世子》語曰:「樂正

事,必 也。 自 于始慮終,于終思始。 爲 心,必以道義求其意,勿拒逆之。 始 臧 言 重難之。 然後 順 汝心,必以 終 致 當常自 高 遠。 非道察之,勿以 危懼, 人以言 無 輕 以保其位。 爲 「咈違 力 遜,順 役 汝 之

《荀子》:「慎終如始。」〔辨曰〕《詩》:「聿修厥德,克配上帝。」

元良,萬邦以 嗚呼! 以寵利居 弗慮胡 成功。 貞。 獲? 君罔 邦其永孚于休。」 以 弗 爲 辯 言 胡 . 亂舊 成? 政, 臣

言利 正也。 其 道 其志 念爲善政,則成善政。一人,天子。 (傳曰)胡,何。 一,則國 無 口 限,故爲 覆 天子有大善,則天下得其正。 或 長信保于美。 家,故特慎 之極以安之。 常念慮道德,則得道 為。 成功不 君臣各以 貞,

貞。」 可用 且既 良、未聞。」然則改之者、皆非也。 也。」遂以此語實之。而郭璞則云:「元 此改「一人」,蓋見《釋詁》:「元良,首 司 成」字以叶韻。且彼云「一有元良」,而 業 稱世子,今乃以訓長君,亦不合。 入伊 彼所 于是 父 師 引 尹 改 П 爲 司 爲 成。 中,則一 古 「弗慮」云云,而仍用 語 則 「樂正」云云,自 有 非《尚 元 良,萬 書》 甚 又彼 或 明 不 以

咸有一德

伊尹又相太甲。蓋伊尹將欲告歸,太甲云:「伊尹放太甲而相之,卒無怨色。」則衡。」保衡,伊尹也。襄二十一年《左傳》〔疏曰〕《君奭》云:「在太甲時,則有若保伊尹既復政厥辟,將告歸,乃陳戒于德。

《湯誥》之下即云:「伊尹作《咸有一德》, 所 此 序》,于《咸有 咎單作《明居》。」司馬遷親從安國問,故 誥》後、第三十二。」《史記・殷本紀》于 德》次《太甲》後,第四十。 誤無疑。 則注古文《尚書》。 在同時。 傳從東郡張恭祖受《禮記》、古文《尚書》,二書之見,實 晚出僞孔傳不同。 者,字之誤。 立學官,逸在秘府者云逸。《咸有一德》當云逸,云亡 ∵。説已詳《太甲》。又考鄭氏之例,全亡者云亡,不 留之爲相,如成王留周公,不得歸也 六篇中本有《咸有一德》。《緇衣》引作 尹吉」,而 辨曰〕鄭 頗不可曉。 載 與鄭氏 及遊學歸,遭黨錮 蓋據古文爲説也。 若謂注《禮記》時,未見古文《尚書》,則本 氏 鄭注以爲即《咸有一德》,今 所 合,則可 一德》下云「伊陟臣扈曰」, 要之,王肅注云:「言君臣 注雖有先後,見實在同時,其爲字 傳真古文《尚書》,增多 疏云:「孔以《咸有 ,杜門則注《禮》。 信矣。 鄭以爲在《湯 且其次第與 鄭注《 黨禁解

空撰出. 涉矣。 即 輒翩 伊 于成湯朝 司 二十 嗣 政之意,將《咸 如 放之而 始 王 襄 太甲來 方長。 馬貞信僞《書》,反據之以駁史遷《紀》 尹復政之事,傳記所無,今此篇有 有 伊 新服 然歸 于湯者,移 終竟未嘗 良喜 伊尹 作僞者見《書序》茫無 百 年《傳》,尹 壽 自 矣 爲 餘 厥命」語,則是太甲歸亳後 今據其説,伊尹于太甲 起 而 百 復 是 攝,奉太甲歸後,旋即復政, ,殊謬不然。 歲之人,七十左 「顛倒失序」,良可笑也。 我 餘 有 政 相 必 相 歲 去 入太甲 紀載 太甲 似 , 此 節, 奉太甲歸 德》篇· 者 何 相 湯 斷 者。 告 以取 · 朝 避之深也? 君 據《君奭》及襄 歸 本屬 斷 陳 太甲 臣 時 配 與《太 後,作相 戒 可據 右 同 應 合周 尹在 于 德 未 七 去 初喪 太 之事 遂 甲》 名 十 而 湯 **尹** 今 甲 且 我 時 之 朝 復 鑿

> 其不 于不問 無 太甲留之。」此 游 私 此 ·可通, 事,而 邑,安享以 甲 後爲 未 此篇 乃强 嘗 賢 別則遁 本僞 君 没,有此 爲 日 之説云: 留 稱 辭 作,不可 相 太宗,乃 耳。 理 王 室, 乎? 「尹欲 豈知 信耶 伊 竟 伊 疏 尹 置 告歸, 尹 亦 伊 本 知 優 尹

〔傳曰〕以其無常,故難信。人能常其厥位。厥德匪常,九有以亡。曰:「嗚呼! 天難諶,命靡常。常厥德,保

德,則安其位

子•非樂》曰:「九有以亡。」《大雅》曰:「天難諶斯,天命靡常。」《墨〔辨曰〕《君奭》曰:「天命不易,天難諶。」

惟 命 于萬方, 啓迪 「夏王弗克庸 尹 躬暨湯,咸 有 九 有 之師 德,慢神虐民。 有 有 命,眷求 ,爰革夏 德,克享天 正。 德,俾 皇天 心 弗 作 ,受天明 保、監 神

〔傳曰〕桀不能常其德,不敬神明,不恤

祇主。 下民。 勝之,改其正。 命。 者,開道之。求一德,使伐桀爲 爰,于也。 享,當也。 天不安桀所爲,廣視 于得九有之衆,遂伐夏 所征無敵謂之受天 萬 方 天 有 地 天 命 神

《太甲》上篇,非是。説已見前。西邑夏」三句,與此一篇之文,乃分屬衣》。但《緇衣》所引尚有「尹躬天見于〈解曰〕「惟尹躬及湯,咸有壹德」,見《緇

人,惟天降災祥在德。吉。德二三,動罔不凶。惟吉凶不僭在于下民,惟民歸于一德。德惟一,動罔不「非天私我有商,惟天佑于一德。非商求

是在德。 是。德一,天降之善,不一,天降之災。 三,言不一。行善則吉,行惡則凶,是不 三,言不一。行善則吉,行惡則凶,是不 王。非商以力求民,民自歸于一。德二 王。非商以力求民,民自歸于一。德二

何以長有諸侯乎?」季文子曰:「霸主將德是以,而二三之,〔辨曰〕《詩》:「二三其德。」成八年《傳》

今嗣王新服厥命,惟新厥德。終始惟一

行終始不衰殺,是乃日新之義。〔傳曰〕其命,王命。新其德,戒勿怠德。時乃日新。

[辨日]「終始惟一」,是《荀子•議兵

篇》。

爲下爲民。其難其慎,惟和惟一。「任官惟賢才,左右惟其人。臣爲上爲德

臣當和一心以事君,政乃善。
人。其難無以爲易,其慎無以輕之,羣布德,順下訓民,不可官所私,任非其選左右必忠良,不忠良非其人。臣奉上選左右必忠良,不忠良非其人。臣奉上

一。俾萬姓咸曰:『大哉! 王言。』又曰:「德無常師,主善爲師。善無常主,協于克

一〇八六

乙生。「一哉! 王心。」克綏先王之禄,永底蒸民

以自生之道。此,則能保安先王之寵禄,長致衆民所此,則能保安先王之寵禄,長致衆民所大。能一德,則一心。爲王而令萬姓如以合于能一爲常德。一德之言,故曰以合于能一爲常德。一德之言,故曰〔傳曰〕德非一方,以善爲主乃可師。善

長,可以觀政。 「嗚呼! 七世之廟,可以觀德。 萬夫之

夫,其 事,其有德之王 宗,其廟不毁 萬夫之長。此觀德,謂觀七世之外。 盡 雖同,而義小異耳。 傳曰〕天子立七廟,有德之王 而其廟不毁,故于七廟之外可以 《禮器》、《家語》、《荀卿書》、《穀梁 下「萬夫之長,可以觀政」, 政可知。〔 故 一則 可 疏 列 觀德。 漢 日」天子七 爲 以來論七廟者多 祖宗,雖 長 能 謂觀 廟 則 整 觀 是 廟 爲 其 德 親 祖

穆。 則 廟 傳 篇乃是《商書》,已云「七世之廟」,則七 而 后 祖及文王、武王二祧,與 故鄭玄《王制》注云:「此周 惟周有七廟,二祧爲文王、武王廟也。 毁,與親 封,文王、武王受命而王,是以三廟 玄成議曰:「周之所以七廟者,后稷始 廟, 昭三穆,與太祖之廟而七。」《祭法》云: 辨其廟之名。《王制》云:「天子七廟,三 廟爲祧,有二祧,享嘗乃止。」《漢書》 王立七廟, 曰考廟, 曰王考廟, 曰皇考 》皆日 ,王者常禮,非獨周人始有也。文、武 稷 已。」良由不見古文,故爲此謬説。 爲祖宗,不在昭穆之數,《王制》之文 也。 曰顯考廟,曰祖考廟,皆月祭之。 夏則五廟,無太祖,禹與二昭二穆 天子 廟四而七也。」鄭玄用此 殷則六廟,契 立七廟,以 及 親 爲天子常法,不 廟四。太祖, 制。 湯 與二昭二 七者,太 爲説。 不

也 肅 不 戾太子悼皇考廟之類 之後自外繼立,雖承正統之後,自更别 基之王,故立四 所以不同者,王肅等以爲受命之王是 所言二祧者,王肅 立己之高祖已下之廟,猶若漢宣帝別 祖配 一,并高 得 小記》云:「王者禘其祖之所自出 雖不見古文,皆以七廟 云「三昭三穆」 之而 祖 以 立 下共爲三昭三穆耳。 一四廟。 廟。 以 也。 庶子王者,謂 爲高 也。 庶子王亦如之。」 爲天子常 或可庶子 祖之父及 歆、馬 融、 庶 初 喪 祖 初 立 Ŧ.

長,可 者取其文而加 卷引《尚書》逸篇與此合。 書》云:「五世之廟,可以觀怪。 辨曰〕《吕覽》卷十三《諭大覽》引《 事所爲,假托徐 徐邈注,宋初猶存,故《御覽》引之。其書乃齊梁間 以生謀。」莫知 ,亦得與嫡子同,正立四廟 邈注以自重者。 以 改 竄 逸篇見《新唐書・藝文志》。 爲 惟《御覽》五百三十一 何篇 不知七廟始 語 也 萬夫之 也。 商

孫七。 五。 七者、添文、武二祧、而不數姜嫄 論 始祖之廟亦不毀,則爲七矣。 則六矣。周文、武之廟不毀,以爲二祧 于周,夏、商 祇有高祖以 廟,親廟四 殷則六廟,契及湯與二昭二穆。 反鄭玄,此僞《書》及傳正 廟,無太祖,禹與二昭 王、武王之祧 七。」鄭云:「此 禮緯稽 天子七廟, 五世之廟」,此湯之時 殷五 湯之時祇有契及四親,至子孫 周六廟者,姜嫄、后稷及親廟四也。 故七 命徵》及《鉤命決》云: 廟,至子孫六。 ,與始祖五 廟獨 下四親廟,至子孫并禹則五 三昭 以 , 與 前 周 周制爲然。 親 未 制。 廟 有 穆, 也。 二穆 四。 也。 七者,太祖 禹四 與 周 廟 王 太 王 太祖 而 王 也。 六廟,至子 廟,至子孫 蓋禹之時 此不易之 祖 肅之徒 肅議禮 已。」鄭 制》云 唐虞 夏則 之 至子孫 并湯 廟 云 據 五. Ŧī.

宗乎 有功 增加 制。 毁,與文、武一 非,又以受命王不遷,反爲 受命王者。 古帝王皆以 爲 不可比文、武。據韋玄成、馬昭説,殷三 五. 丁高宗、太甲太宗,于是商廟反多于 至于九。商六廟之外,添太戊中宗、 七,此爲定制。 四親外添高祖之祖、父兩代,并始祖 兩受命王,故七耳。 强 ,原是定 ,故宗其 立 且一代之興,有無始祖者,未有 德,實則 ,湊足九數故耳。 總之、肅意欲于始祖 祖矣。 肅逞 制 説 七 肅以始祖入于定制數内, 其臆見,遂以 例。 祖且 商、周之祖,故祖之,禹 廟爲定制 商添 蓋 而祖宗之數,則多可 四 其實三宗非受命王, 不必强立 出 親 而 始祖 殊不 與受命王 肅之意 非起 四親 權禮,而 殷三宗亦不 , 故六。 知 一,況强 于 契、 外,任 周 則 不 稷 欲 以 非 毁 周 周 無 武 則 實 意 定 以 爲 自 有 于

考,祖 義同, 筆也。 傳》所 故又明之。 之。」明是親 服小記》云:「王者立 耳,何必 穆,二桃非 《王制》云「三昭三穆」者,四親當言 也。 制, 據。 要其實,則是專指周制,以 宗 周制,何可疑。 疏 肅 悉 説 亦 可乎? 祖考,始祖 且諸書不云周室,但云天子七廟, 取 載《聖證 毁, 云七 肅 也。 肅因此遂云七廟是常禮,非 以 强 疑 非不 口 分 乎?《王制》與《祭法》文 以 廟、盧植、尹更始皆以爲 注證以衛 皇考,曾祖也。 《祭法》所云:「考,父也。 護 昭穆 論》,見《禮 析以成 遷 于 《家語》,肅私定本,不可 僞 也。 者, 四 傳。 而記者, 二桃,文、武 何 恐庶 其 侯元有兄繁,繁不 四 但《禮器 미 説 廟,庶子王 記 比 子王不得立, 》疏 順文 可乎? 諸書皆周儒 顯考, 文、武 所 : 》、《穀 并 引 高 言 專是 乎? 異 昭 祖 梁 周 此

七廟,非也。 曲遷就以成其説,可乎? 然則謂商有曲遷就以成其説,可乎? 然則謂商有所據? 戾太子事,三代以上未之聞,委親。王肅乃以王爲受命始基之王,此何良于行,元代立。適子雖在,而得立四良于行,元代立。適子雖在,而得立四

厥功。」人,匹夫匹婦,不獲自盡,民主罔與成人,匹夫匹婦,不獲自盡,民主罔與戍「后非民罔使,民非后罔事。 無自廣以狹

非 記》:「《太甲》曰:『民非 元后 后非民無以辟四方。」」但二者皆以「民 罔事」,本倣《國 〔辨曰〕閻若璩曰:「后非民罔使,民非后 后」在上興起,下「后非民」乃是告君 何戴, 后非 語 衆無 》:「《夏書》 與守邦。』、《禮 启 無能胥以 曰:『衆非

出伊尹對太甲口矣。語義。今倒置之,則是告民語義,不容

説命上

〔《釋文》曰〕亮本又作諒,如字。 王宅憂,亮陰三祀。既免喪,其惟弗言・

冢宰也。 《專,也是此以發端也。信默,信謂信事,也録此于首者,既免喪可以言,而猶事,史録此于首者,既免喪可以言,而猶除喪猶不言政。〔疏曰〕三年不言是常以,與猶不言政。〔疏曰〕三年不言,

疏又以信爲信冢宰,更穿鑿。默之解,尤非是。其説已詳見《無逸》。《正論解》。而亮陰本指凶廬,今又改爲信《正論解》。而亮陰本指凶廬,今又改爲信四制》、《論語》雜湊成文。事亦見伏生《尚書四制》、《論語》雜湊成文。事亦見伏生《尚書

羣臣咸諫于王曰:「嗚呼! 知之曰明哲,

〇九〇

王言惟 作 :命,不言臣下罔攸稟令。」〔《釋文 百官承式

日〕哲,本又作喆

則。 傳曰〕知事 稟,受。 則爲明哲,明哲 命亦令也 則能 制作 法

〔辨曰〕《左傳》昭公六年, 《書》曰『聖作則』。」 叔 向 曰 : 0

天下。 王置諸其左右。 弼,其代予言。」乃審厥象,俾 弗類,兹故弗言。 王庸作書以誥曰:「以台正于四方,台恐德 説築傅巖之野,惟肖。 恭默思道,夢帝 以形旁求于 爰立作相, 齊予良

此故 界,通道所經,有澗 言政教。 方旁求之于民間 人築護此道。 傳 曰〕類,善也。 不言。夢天與我 審所夢 説賢 '。傅氏 之人,刻其形 我 水壞道,常使胥 而隱,代胥靡築之以 正 輔弼 四方、恐德 之巖在虞 良 佐 ,將代 象, 不 靡 虢 以 ·善 刑 芝 我 四

> 以爲 胥靡 則以 甫謐 立以 供食。 我 者,相也。 之而來,曰:『我徒也,姓傅名説,天下 我者豈徒也哉!!」武丁怪而推之曰: 如高宗始命爲傅氏,不知舊何氏 古者相隨 云:「是時説 而 書音 · 杵築 悦民者哉?』明 相,「遂令傅險姓之,號 也。」《殷本紀》又云:武丁得説,舉 云:「高宗夢天賜賢人,胥靡之衣蒙 爲 孔必有據 「傅巖在北海之洲。」傳言「虞號之 相,使 肖,似。 義》云:「胥,相 坐輕刑之名。」言于時築傅險, 地。 説者, 爲胥靡,築于傅 在 説賢,必不犯罪,當是代 也。 左右。 懽悦 所夢 《史記 以 也。 之形。 夢 **「疏** 也 視百官,皆 天下當有 日》《尸子》 靡, 隨 險。」晉灼 曰 傅 説 殷本 于 是 也。 禮 也。 傅 . 得 皇

原誤作「叔同」 據《春秋左傳注疏》改。

非也。 「得之傅嚴,謂之傅説」,自不相副,其言之傅説。」謐言初夢即云「傅説」,又云之傅説。」謐言初夢即云「傅説」,又云見樂者胥靡,衣褐帶索,執役于虞虢之也。乃使百工寫其形象,求諸天下,果

增飾以 賢》中篇及下篇,劉 晉人作僞《尚書》者,采取 説》篇,王符《潛夫論》卷 《殷本紀》,《孟子》卷十二《告子》下篇, 《竹書紀年》卷上《商紀》,《史記》卷三 (楚辭))卷一 〔辨曰〕此篇之文,俱見《國語 又見《吕氏春秋》卷十八《重言覽》, 人之。 《離騷經》,《墨子》卷二《尚 向《説苑》卷十一《善 一《論榮》篇。 諸文,而參合 II》, 詳 見下

縣 虞相近,則 (又辨曰)傅巖在 北」,平陸今屬山 北 虢 也。 王應 虞、虢之間。 西解州,傅巖在 麟 云「在 號有三,此與 陜 州 一縣東 平. 陸

> 澗,左右幽空窮深地壑中,則築以 餘 云: 是非,疏于地理之學,疎陋殊甚 海之洲,非是。 于此地。《墨子》、《尸子》並 指南北之路,謂之爲軨橋 説隱室前,俗名謂之聖人窟。 北 里,即《左傳》之顛軨坂。 二十五 沙 澗 水出 里,一名隱賢社。 虞 疏引《尸子》而 Ш 東 南 逕 也。」説 以 《水 傅巖, 有東 巖東 傅巖 不能定 執 經 成道 在 役 西 北 歷 注 其 絶 傅

率先 傷。 命之日 予時命,其惟有終。」 旱,用汝作霖雨。 汝作礪。 弗瞑眩,厥疾弗瘳。 王,迪我 惟 : 暨乃僚,罔不同心,以 「朝夕納誨,以輔台德。 若濟巨 高 后 JIJ, 以以 啓乃心,沃朕心。 用汝作舟楫。 若跣弗視 康 兆 民。 匡乃辟。 嗚呼 地,厥足 若金, 若 歲 若 用 藥 大

舟 楫。 □ 鐵 霖,三日 須礪, 以 雨。 成 利 霖 器。 以 救旱。 渡大 開 汝

乃除。 間 眩亦通語也。」 地,足乃無害。 心 日》《方言》云: .或謂之瞑,或謂之眩。」郭璞云:「瞑、 沃我 其 心 出 凡 切言, 言欲 如 服 飲 使爲 藥必 藥 以 而 自 瞑 己視聽。 毒,東齊海岱 警。 眩 極 跣 其 必 / 疏 視

不 神 啓乃 使 津水,用女作舟。 于是作書,曰:『以余正四方,余恐德之 出令也,若不言,是無 年,默以思道。 張諫靈王 四方之賢聖,得傅説以來,升以爲公,而 「辨曰〕《國語》十七卷《楚語上》白 以朝夕規諫。 明, 類,兹故不言。」如是而 若跣不 心,沃朕心。 以入于 三 視地, 曰 : 「昔殷武丁能聳其德,至于 河, 自河 卿士患之,曰:『王言 若天旱,用汝作霖雨 厥足用傷。』若武丁之 『若金,用汝作礪。 若藥不 所稟令也。』武 徂 又使 瞑眩,厥疾 亳,于是乎三 以 象夢

説 夕規誨 作,而此 非《説命》本文。 三日 既 也 又王符《潛夫論 命》,昭引之,而斷 稟爲受,令爲 中,曾有之乎 篇,餘祇增潤數句。 也。」今君或者未及武丁,而惡規諫者, 得道,猶 神 書 不亦難乎!」作僞者全取《國語》以 國 得以 猶自 [》詞, 明 則昭之意以爲《説命》皆得説之後所 語》注也。 也 雨, 啓爲開, ,作僞者據此 爲 箴 段乃未 謂 其 不 輔 諫,曰:『必交修余,無 聖人之叡 敢 未 ! 命,類爲善,兹爲此,霖 又恐其荒失遺 專 义,故三年默 賈逵、 ,故斷爲《説命》本文,不從韋 得之前敘述得 且僞孔傳中如陰 《孟子》引「若藥」二句, 制,使以 其訓詁 五德志》篇所 其非云: 唐固 伏生今文二十八篇 廣 也, 亦多襲 一説謂 象旁 其時 其知之不 以 忘,故使 思 説 此 求 載 用章 未 道 之由 即《説 聖 余棄 得 成 以爲 傅 昭 爲 此 朝

語》略同,作僞者亦兼取之。 其「高 后

二字,則又本之《盤 庚》。

聖。 説復于王曰:「惟木從繩 之休命?」 后克聖,臣不命其承,疇 則正 敢 后 不 祇 從 若 諫 Ŧ. 則

直,人受諫則聖。」 此,誰敢不敬順王之美命乎? 諫,則臣不 [傳日]木以繩 辨曰〕《家語》:「孔子曰:『木受繩 待命 4 直, 其 承意 君 以 丽 諫 諫 明。 之。 君 能 王 如 受 則

説 命 中

大夫師 明 王 惟 奉若 説 惟聖時憲 命 長,不 總 天道,建邦設都,樹后王君 白 官,乃進于王曰: 惟 惟 逸豫,惟 臣欽 若,惟民從乂。 以 亂 民。 「嗚呼! 公,承 惟 天 聰 以 明

傳曰〕總百官在冢宰之任。 天有日 月

> 北斗五 民。 治,不從上命則亂,故從乂也。● 法天也。 子·尚同》篇云:先王之書,相年之道 公總百官。]文十三年《左傳》云:邾文公 也,奉承君命而布之于民。 運有推移,道有 無不聞見,除其所惡,納之于善。 臣上下,將陳 曰:「天生民而樹之君,以利之也。」《墨 不使有位者逸豫民上,言立之主使治 法,明王奉順此 辨曰〕汲郡古文云:「成王元年,命 憲,法也。 星二十八宿,皆有尊 臣敬順而奉之,奉即上文 爲治之本,故先舉其始。 聖王法天以立教。 升降,其所施爲,未嘗 道,以立 或 民以 設 卑相 都 從 雖 上 于 正之 周 立 文 承 卞 爲 復 君 不

「夫建國設都,乃作后王君公,否用

文,又疏混于注,故顯不順。 「于下」至「從乂也」凡七十一字爲疏文。 可多《尚書正義》阮 中 間有脱

句: 泰 若昊天」。 明」。「惟臣欽若」句,則本之《堯典》「欽 《法言· 唯辨而使助治,天助明也。」「惟天聰明」 王君公,奉以卿 治天均。」又云:「古者建國設都 也 則本之《皋陶謨》「天聰 輕大夫 問明》篇「 師長,否用佚也。 土師 惟天爲 長,此非欲用説也, 聰, 明」及揚 ,乃立后 惟 維辨 天爲 子 使

即冒字,粛,胤,字從因,今多相混。不休。〔《釋文》曰〕省,本作眚。○〔辨曰〕胄字下從月,干戈省厥躬。 王惟戒兹,允兹克明,乃罔「惟口起羞,惟甲胄起戎,惟衣裳在笥,惟

明政,乃無不美。可任非其才。王戒慎此四惟之事,信能教令,易用兵。服不可加非其人,兵不〔傳曰〕甲,鎧。胄,兜鍪也。言不可輕

口起羞,惟甲胄起兵,惟衣裳在笥,惟干〔辨曰〕《禮記•緇衣》:「《兑命》曰:『惟

下,有善衣裳賀之。」名也。」《管子·大匡》篇云:「從列士以宗之臣傅説也,作書以命高宗。《書》篇戈省厥躬。」」鄭注:「兑當爲説,謂殷高

爵罔及惡德,惟其賢。「惟治亂在庶官。官不及私昵,惟其能。

官,非賢不爵。〔傳曰〕官得人則治,失人則亂。惟能是

不踰德。」
文,詳見下。又《荀子・性惡篇》云:「爵〔辨曰〕「爵罔及惡德」、《緇衣》引《兑命》

無患。矜其能,喪厥功。惟事事乃其有備,有備乃慮善以動,動惟厥時。有其善,喪厥善。

〔傳曰〕事事,非一事。

無啓寵納侮,無恥過作非。惟厥攸居,政曰:「居安思危,思則有備,有備無患。」〔辨曰〕《左傳》襄十一年,晉魏絳引《書》

事惟醇。

所言,則王之政事醇粹。誤而文之,遂成大非。其所居行,皆如〔傳曰〕開寵非其人,則納侮之道。恥過

女ヨもと胃も。」納侮,其此之謂矣。」疏曰:「古有此言,(辨曰)定元年《左傳》士彌牟曰:「啓寵

故曰其此之謂矣。」

則難。」 「黷于祭祀,時謂弗欽。 禮煩則亂,事神

近廟,故説因以戒之。事神禮煩,則亂而難行。高宗之祀特豐〔傳曰〕祭不欲數,數則黷,黷則不敬。

析其文。 爲煩。」此取之而改艱奥作平易語,又離 專煩則亂,事神則難。」鄭注云:「純,或 事煩則亂,事神則難。」鄭注云:「純,或 (辨曰〕《緇衣》引《兑命》曰:「爵無及惡

王曰:「旨哉! 説乃言惟服。乃不良于

言,予罔聞于行。」

之事。 (傳曰)旨,美也。美其所言皆可服行。

〔辨曰〕《詩》云:「我言惟服。」

不艱,允協于先王成德,惟説不言有説拜稽首曰:「非知之艱,行之惟艱。王忱

厥咎。」

説 命 下

王曰:「來,汝説。台小子舊學于甘盤,既

終罔顯。 乃遯于荒野,入宅于河。自河徂亳,暨厥

言 盤」, 受遺輔政,高宗之初得有大功。 故遂無 故 甘盤于小乙之世已爲大臣,小乙將崩, 則甘盤于高宗時 殷之賢臣云:「在武丁時,則有若甘盤 河 免喪,甘盤已死。 有道德者。 傳 ,即求傅説,似得説時無賢臣矣。 使居民間。 洲也。 謂爲 顯 學,學先王之道。 王子時也。 明之德。 其父欲使高宗知民之艱苦, 既學 自河 而 有 **「**疏 大功。 往 中廢 《君奭》篇周 居亳, 曰」「舊 業, 甘 高宗 遯 盤 與今其終 一,殷 居 及高宗 學于甘 免喪不 田 賢 陳 蓋 臣

武丁居于河,學于甘盤。」是言居河就學甚多。 汲郡古文云:「小乙六年,命世子二篇并《國語》及汲郡古文撰成,而疵謬〔辨曰〕此節之文,皆取《君奭》、《無逸》

不合。 言河北 亳,人 河徂 于甘盤 可信。 于河」,是自河外入河内。 偃師是。傳至小乙、武丁,仍都亳殷。 白公所謂以「人 並非《書》詞。 交修予,罔予棄」句,皆白公子張之言, 郡之但以懷汲爲河内。 内。」考古所謂河内者,在冀州,三面距河之内,非 雖 亦係晉初束哲等僞 今僞《書》乃以 亳。」人于河,往 ,即以河内實之。 即位也。 且此「自 非 故白公子張云:「武丁入 既學之後復 細玩 河 韋昭注「人于河」云:「遷于 但其在河北則同。 徂 爲學後居河,與情 盤庚自河北遷河南亳殷,今 「自河徂亳」,是自河内往 原 亳」句,及下文「爾 選,而 就學 人 文自明。 于 也。 此 河 條則 也 八于河, 故韋昭 自 詳見上。 河 尚 此 事 徂 自 屬 書 河 河

惟克邁乃訓。」〔《釋文》曰〕梅,亦作楳。作和羹,爾惟鹽梅。爾交修予,罔予棄,予「爾惟訓于朕志,若作酒醴,爾惟麴糵。若

傳曰〕言汝當教訓我,

使我志

通達。

酒

今順手採掇,人之高宗口中,皆非

也

鹹。 醴 之義。 須 麴 梅,醋。 糵以 邁,行也。 成,亦 羹須鹽 言 言我能行汝教。 醋 1 我 以 須汝 和之。 以 成。 交,非 鹽,

頌殷中宗」。又《左傳》:「如和羹焉,水〔辨曰〕《商頌》「亦有和羹」,注云「《詩》

火醯醢鹽,以烹魚肉。」

攸聞。 訓,乃有獲。事不師古,以克永世,匪説説曰:「王,人求多聞,時惟建事,學于古

非説所聞。言無是道。乃有所得。事不法古訓,而以能長世,〔傳曰〕王者求多聞,以立事,學于古訓,

者,非所聞也。」博士淳于越云:「事不師古,而能長久求多聞以監戒。」《史記・秦始皇本紀》,〔辨曰〕《逸周書・芮良夫解》云:「古人

兹,道積于厥躬。惟斆學半,念終始典于「惟學遜志,務時敏,厥修乃來。允懷于

學乎! 乃來。 終始常念學,則其 斆,教也。 愆,過也。 傳曰]學以順志, 信 懷 視先王成法,其長無過 教然後 此學 志, 務是敏 知所困,是學之半。 德之修,無 則 道 疾,其德之修 積于其身。 能 一,其惟 自覺。

《兑命》曰: 『念終始典于學。』其斯之謂 始典于學」。 乎!」又《文王世子》亦引《兑命》「念終 敏,厥修乃來。」又曰:「教學 命卿士傅説視學養老。」 曰:「古之王者建國君 命》曰:『學,學半。』其斯之謂乎!」又 辨曰〕《學記》引《兑 汲郡古文云:「武丁六年, 命》曰 民 ,教學爲先。 : 相長。 「敬孫 務時 《 兑

〔傳曰〕言王能志學,説亦用能敬承王惟説式克欽承,旁招俊乂,列于庶位。」

志,廣招俊乂,使列庶官。

時乃風。股肱惟人,良臣惟聖。王曰:「嗚呼! 説,四海之内,咸仰朕〔辨曰〕此節皆有本,見下文。

成聖。 汝教。手足具,●乃成人。有良臣,乃〔傳曰〕風,教也。使天下皆仰我德,是

厥后惟堯舜,其心愧恥,若撻 不獲,則曰時予之辜。 ·昔先正保衡,作我先王,乃曰:『予弗克俾 古文《太甲》云「不惠 倚 箋云:「阿,倚。 爲保衡,言天下所取安,所取平」也。 衡,伊尹也。 〔疏曰〕《君奭》傳云 「伊 〔傳曰〕正,長也。言先世長官之臣。 而 爾尚明保予,罔俾阿衡,專美有商 取 平也。 太甲 衡,平也。 時日 佑我 于阿衡」, 保 烈祖,格于皇 伊尹,湯所 于市。」一夫 鄭 不 · 見 尹 依 鄭 保

若使 頌》「式序在位」之文,故又云「列于庶位」。《詩》又云 天。 匹夫匹 溉」、《書》則云「沃朕心」。 其則。」注云:「阿衡,伊尹也。 發》云「實惟阿衡」。 궁 雅 云「俊乂式序」、《書》則云「旁招俊乂」。 内之溝中。」又云「若撻之于市朝」。 記 奭》云:「在成湯時,則有若伊尹格 尹曰:『吾處畎畝之中,樂堯舜之道,豈 詩》又云「爰作股肱」、《書》則云「股肱惟人」。 迪志詩》云: 辨曰〕《文侯之命》云「亦惟先 「公明保予沖子。」《詩 在太甲時, 君 雲漢》云「羣公先正」。 孟子云:「伊 緇衣》云「昔我有先正」。 婦有不被堯舜之澤者,若己推 爲堯舜之君哉! 「於赫我祖,顯于殷國。 則有若保衡。」《洛誥 梅鷺云:《後漢書》傅毅 言傅 思天下之民, • 二迹阿衡,克光 説 商頌 因《詩》用《周 功 正。 比 《詩》又 伊 于皇 尹。 君 而 禮 作

此

解。

[「]具」、原誤作「其」、據《尚書正義》改。

紹乃辟,于先王永綏民。」「惟后非賢不乂,惟賢非后不食。 其爾克

〔辨曰〕《左傳》僖二十八年,重耳曰:「敢〔傳曰〕對,答也。答受美命而稱揚之。説拜稽首曰:「敢對揚天子之休命。」于先王,長安民,則汝亦有保衡之功。〔傳曰〕君須賢治,賢須君食。能繼汝君

周 書

再拜

、稽首,奉揚天子之丕顯休命。」

泰

上

惟十有三年春,大會于孟津。〔《釋文》曰〕三

作

,後人妄看《序》文輒改之。

孟春。〔疏曰〕中篇言「羣后畢會」,《牧〔傳曰〕三分二諸侯,及諸戎狄。此周之

則非也。 《書》略去觀兵,發首即云「十有三 書三月、五月,皆不冠以時。 兵,中、下篇始敘十三年滅紂。 殷,與鄭同。 作九年爲異。 言「一月」,知此春是周之孟 三祀、二年,皆不繼以時。 十有三祀」、《金縢》「既克商二年」,書十 三月,哉生魄」,《多方》「惟 事,實是如此。晚晉僞古文, 十一年觀兵,十三年勝殷殺紂。 彼十二月,即周之正月,建子之月也 武王發師,至二月甲子,咸劉商王紂。 月也。知者,《三統歷》以殷之十二月, 誓》有「庸、蜀、羌、髳、微、盧、彭、濮」,知 〔辨曰〕文王改元受命,七年而崩。 三分有二諸侯及諸戎狄皆會也。《序》 又古史例不書時、《康誥 一但《太誓》上篇敘十一年觀 其十一年觀兵,十三年 唐孔氏謂《春 五. 《洪 春,建子之 月 惟 以七 當日 丁 範》「惟 一年」, 》「惟 亥 」, 今僞 武王 年 滅 情

其體。 世元年 有例。 皆有 秦記成《秦本紀》,頗 月甲寅, 也 言 秋 書朔、朏 元年十有二月 一年六月庚午 語 員 $\check{\pm}$ 不可 日無 更以《逸書》考之,《伊訓》「惟太 疑後代史册遵《春秋》例者,自班氏 書「秋七月」,漢元年書「冬十月」,盡 《魏世家》裴駰引《紀年》曰:「梁惠成王 直 書 徙都大梁。」四月上不見夏字,乃知古人 其 紀年》體雖似《春秋》,終有不盡同 杜 []《左 , 絶不 指 不 動 預 日 爲《 月。 設言之日。 具 事 日 編 傳》隱十一年,王 惟十 者, 史闕 春 朏, 繫 史意不 乙丑朔」、《畢命》「惟十 書時,然多略,不似 今 议 秋》,猶《春秋》不可 次爲、 有三年春」,豈 時。 書年、書月、書日 孟 文, 耳。 津。」今本 爲編次 如《牧誓》等篇 大抵史各有例, 于 《尚 法 《漢書》于 日 處。 始 書》 如 與 故不 從 月 此 鄭 馬 而 九 史 惟記 時 文各 年四 '`, 并 遷 整 \mathbb{H} 具 ·有 甲 例 禹 年 踵

》疏

引

杜預

\(\frac{1}{2}\)

孟

津

河

内河陽

縣

南孟

津

也

與今

蒲 南。 謀誅 將五 云 而 城 河 孟 陽,光武亦令馮異守孟津 河北 通 孟 年 東漢始。考更始二年,使 本 詳 中 東 津 ·》椒舉 州 津 孟 下 史記 「即蒲津關,在臨 略 猶蒲津 縣, 誉 至 猶 所 者 宦 地名、《春秋》所謂 ,其地本在河北,其漸 有 是移河 迥 官 士 在 在 ,洛陽城 河 殊, 白 Ė 正 河北。 屯 内,百姓驚 恐 馬 馬 使丁 義》 關 孔穎 孟 彼 西之關名于河東。 津 津 周武 津。 是 在 安帝 子「漢 中 o 在 杜 原 達《書序》疏 滑縣,而 蒲 令土 也 有 延 靈 燒 州 津 孟 奔南 地 帝 晉縣。」唐,臨晉 永 孟 則 臨 王 向 名 在 津 中平六 初 津,火照城 己 学中 晉 出 盟是 延 之誓。」杜不 ^ 以 渡河,使朱 譌 Ŧī. 朱 移其名于河 通典》于「黎 臨 關 語 津 굸 年,羌 拒之,是 而 鮪 耳。 也 晉 縣 在朝 年, 南 等 黎陽]。」 盟· 「孟者 | 關一下 北 也 屯 人 何 昭 中。 屬 津 寇 時 寵 洛 古 進 自 注 四

言已 代侵 誓,誓于河之北。 誓,誓于河之南; 午,王次于河朔。」 出 陽城北之渡處爲 有三年春,大會于孟津。」中篇曰:「惟戊 古今以爲津。」此傳出魏晉間,已誤 津」云:「孟津,地名,在洛北 南 唐 泰誓》。」《周本紀》云:「十二月戊午,師 EI: 可易。 無 又 北]越孟: 手妄造,故于《泰誓》上篇曰: 孟 皆 久,土俗傳訛,類 不知《書序》 而 「既戊午, 津。 移 新 令實 乃僞 津而過之,非誤認 河 鄉 南 宇 縣 孔傳于《禹 預云「河陽縣 之津名 記》云「 有 ,師逾孟 「嗚呼 孟 截然異 則「嗟我友邦冢君」之 延 明云:「 津。 津 多 于河 在 關 津。」逾者 **僞**《書》與 如 汲 地。 貢》「東至 西土有衆」之 師 孟津在河 此。 北 南 縣 ,都道所湊, 棘 渡 《武成》篇 孟 南 津 孟 1,越也, 津 大 在 西 惟 津 傳同 認 于 证,確 漢 抵 作 洛 孟 河 歷 城

又云: 達北 河 者,方爲孟津,以其 涉。 當名武濟,以其曾爲武 河北,《史記正義》所謂在河陽縣南門 渡之,近世以來呼爲武濟。」然則津之 富平津。」蓋以舟相比若橋然,自南岸 以孟津渡險,有覆没之患,請 津,不得有孟名。 故河陽即孟 後亦曰「富平津在其南」。 蓋水北 尚 通典》河南 芋 南、《尚書》 盟 父「與爾舟楫」之下,益 渡 南北之不 《齊太公世 盟 津, 河北之孟津,于 「洛陽城北,古今常以爲津,武 津。 府河陽縣,注云「古孟 Ē 侯咸會。」 可相溷如 義 若其南岸 |家》敘「遂至盟津」在 侯 所以《杜元凱傳》:「 所 爲孟之地也 謂 則是三篇之作, 河之南 王 蓋言師 在 此。《禹貢》 一所 洛 驗 ,則自名 濟 陽 地 建 洛之北 盡 ",津之在 城北 也 在 河橋 渡 河 日 富平 河 陽, 預 無 外 以 于 疏 俱 至

體,惟 此書乃魏晉人作,在地名訛易之後, 孟津、河朔爲兩地,皆不敢駁正。 孟津,而人幾不知孟津之本在河北矣。 致此謬,則無疑矣。 知《泰誓》三篇皆已 兩 禹貢》傳之誤認 確 申明 穎 達 經 作 傳 疏 爲洛北、《泰誓》之誤以 而 , 明 渡 後金遂改河南之河清縣曰 止,故依 知 河作 孟 津 ··, 特 阿其 在 以 河 疏 間 北 誠 家之 一, 知 故 明

士,明聽誓。 王曰:「嗟! 我友邦、冢君,越我御事、庶

明聽誓。稱。大君,尊之。下及我治事衆士,皆稱。大君,尊之。下及我治事衆士,皆〔傳曰〕冢,大。御,治也。友諸侯,親之

云:「越御事。」 云:「越御事。」《洛誥》云:「爾庶邦君,越庶士、御事。」《洛誥》子告我友邦君,越尹氏、庶士、御事。」又言:「肆爾知事。」又云:「肆爾曰〕《牧誓》云:「嗟! 我友邦、冢

明,作元后,元后作民父母。「惟天地萬物父母,惟人萬物之靈。 亶聰

母,以爲天下王。」
「傳曰〕靈,神也。天地所生惟人爲貴。〔傳曰〕靈,神也。天地非人無以爲靈。〕《詩》之父母也。」《後漢書》劉陶曰:「人非天之父母也。」《後漢書》劉陶曰:「人非天之父母也。」《後漢書》劉陶曰:「人非天之父母也。」《後漢書》劉陶曰:「人非天之父母也。《後漢書》到陶曰:「人非天之父母也。《後漢書》到陶曰:「天地者,萬物

弃。」注云:「腿,古孕字。」榭、孕皆衛包改 孕,字當作雕,傳寫誤也。」《管子·五行》篇: 高。」孕、《汗簡》云:「古文《尚書》作雕。」《薙氏》: ○〔辨曰〕襄三十一年《左傳》「臺榭」,《釋文》與 焚炙忠良,刳剔孕婦。 室、臺榭、陂池、侈服,以殘害于爾 色,敢行暴虐,罪人以族,官人以 、説文》無「榭」字,書傳通作「謝」。 今商王受,弗敬上天,降災下民。 秋繩而芟之。」注云:「含實曰繩。」《釋文》云: [《釋文》曰]榭,本又作謝 《荀子》云: 世,惟宫 沈 **腿婦不銷** 「臺謝 萬姓。 此同。 湎 「掌殺 其

子。 以世舉賢。 謂 謐又云:「紂剖比干妻,以視其胎。」 炮烙之刑。」皇甫謐《帝王世紀》亦云然。 手。」「更爲銅 乃爲熨斗,以火燒之然,使人舉輒爛其 于沙丘,使男女倮相逐其間。」「欲重刑, 暴虐。〔疏曰〕《殷本紀》云,紂收奇物 良無罪焚炙之,懷子之婦刳剔視 臺,有木 上,使有罪者緣之,足滑跌墜入中,名曰 充物宫室。 辨曰③《荀子・性惡篇》云:「以 傳 服飾 殺無 如 當賢,子孫必顯,行雖如桀紂,列從必 官人不以賢才,而以父兄。 舜,不免刑均,是以 過制。 辜。 沈 湎 榭,澤障曰陂,停水曰池,侈 嗜 一人有罪, 益廣沙丘 柱 酒 言匱民財力爲奢麗。 人有罪,三族皆夷。 ,以膏塗之,加炭火之 ,冒亂女色,敢行酷暴, 刑及父母兄弟 苑臺,大聚樂戲 族 論 罪 族論 上高 也。 之。 忠 言

> 《道應訓》,又見《要略》篇 《越絕書》及《淮南子 取 臺榭、陂 之力,以 云:「昔者殷王紂,刳剔孕婦。」此事又 人《泰誓 以 世 池、苑囿。」《墨子 奉耳目之欲。 **%** 舉賢也。」因 又《淮南子》云: · 本 志 有 專在 桀紂 經訓》,又 明鬼》下篇 「竭 句, 于宫室、 故采 百姓 見 見

未集。「皇天震怒,命我文考,肅將天威,大勳

〔傳曰〕功業未成而崩。

〔辨曰〕《洪範》云:「帝乃震怒。」

「楚莊王伐陸渾之戎,遂觀兵于周疆。」(傳曰〕功業未就之故,故我與諸侯,觀(傳曰〕功業未就之故,故我與諸侯,觀以觀中國之政。』」《左氏》宣三年《傳》:「辨曰〕《史記・楚世家》:「楚武王伐隨。隨曰:『我無罪。』 楚曰:『我有敝甲,欲以觀中國之政。』」《左氏》宣三年《傳》:「楚莊王伐陸源。謂十一年自孟津還時。以觀中國之政,故我與諸侯,觀學不必。

王口 觀 三年滅紂時 中、下篇 政 中一露,殊非。 即 觀 言「滅紂」, 兵 事。 也。 十一年觀兵,只此在武 但《太誓》上篇言觀 今僞《 書》三篇 皆十 兵,

曰:『吾有民有命。』罔懲其侮。 厥先宗廟弗祀。犧牲粢盛,既于凶盜。乃「惟受罔有悛心,乃夷居弗事上帝神祇,遺

罪不争,無能止其慢心。 紂言吾所以 居無故廢天地百神宗廟之祀。 傳 牲 曰〕悛,改也。言紂縱惡無 一築盛 ,凶人盡 有 兆民,有天 盗 食之,而紂 命。 故羣臣 慢之甚。 改心,平 不罪。 畏

小有同 下。』天亦縱棄紂 神祇不祀。 云:「紂越 誓》「紂夷 辨曰〕閻若璩 異,辭 居」一段 厥夷居,不肯事 乃曰: 『吾有命,無廖傳務 則甚 日 而不葆。」《非命》上篇 是 古者、《墨子》引《 有一書被引 也。 上帝 《天志》 棄厥 數 處 $\check{+}$ 天 先 泰 雖

> 《孟子》書。 誓》乎? 盛,既于凶盗」二句,以合箕子之言; 先神而不祀也。 扇。』天亦縱之,棄而 云: 文,于「棄厥先神祇不祀」下,增「犧牲 務。]天不亦棄,縱而 去「天亦縱棄紂而不葆」一句,以便下 云:「紂夷之居,而不肯事 「紂 不祀。 夷處,不肯事上 可謂: 豈《墨子》所見乃别 乃 曰: 対矣。 曰:『我民 『 吾 民 弗葆。」《非 不葆。」今晚出 帝 有 鬼 上帝,棄 有命,毋 命 神 命》 無 禍 <u>~</u> 僇 闕 中 廖 厥 泰 删 粢 其 排 先 其

遠也。 師 敢遠其志。 傳曰 以 教之。 言己 天佑 志 當 助 欲 能 下 爲 民 助 民除 爲 天 寵 立 惡,是與否,不 , 安 君 天 以 下。 政之,立 越,

脈 之勇也。」正一例也。 之」,皆《書》詞,皆史臣所作,故《孟子》 民」起,直到「一人衡行于天 者是何心?「寵之四方」改「寵 誓》改「降」爲「佑」,意覺索然,不省作僞 在」句,改「天下曷敢有越厥志」爲「予曷 王口,不得不去其末二句,又去「 從而釋之曰:「此武王之勇也。」亦猶上 故本之耳。 方」,特因《盤庚》上篇有「厎綏四 民非爲君也,天之立君以爲民也。」皆一 釋之,辭愈顯而 文引《詩》畢,然後從而釋之曰:「此 述之曰:「天生民 書》逸篇。」但「天降下民」三句 有越厥志」。試思此段在《泰誓》者 《相傳,足徵《孟子》所引之確。 今《泰 E 此 節俱 又《孟 公出《孟 意益 而立之君。」後又荀 子》所引自「天降下 加警,曰:「天之生 子》,趙 偽作者欲竄入武 岐 下, 武王恥 曰 : 後 方」句, 惟我 綏 文王 師 四 尚 卿 曠

之乎?曾有一毫似武王之勇,而《孟子》乃引

萬心。予有臣三千,惟一心。「同力度德,同德度義。受有臣億萬,惟億

千,而一 故 《管子》所引,入之上篇,方無遺漏是矣。 《管子・ 誤特甚。 强。 有離德。 德度義。 兩處之語,非一語而引者互異其 億萬人,亦有 曰:「甘氏又往矣。」對曰:「何害? 心,不和諧,予三千一心,言同欲 ·辨曰〕此節采之《左傳》及《管子》,而 傳曰〕力鈞則有德者勝,德鈞 晚出《書》采《左氏》所引,入之中篇, 揆度優劣,勝負可見。 心。」下四句雖文意相 法禁》篇引《泰誓》曰:「紂有 《太誓》曰:『紂有億兆夷 昭二十四年《傳》,劉子謂 余有亂臣十人,同心 億 萬之心。武 受人 王 別則秉 似, 同德。』」 有臣 、詞也。 萇 執 而 義 \equiv 異 弘 日 謬

冠

但

〇六

度之度。 中篇,此下接之曰:「受有臣億萬, 義于朝,不能于我何害。 又增「同力度 兆夷人」四句聯屬,今將此四句别置 注:「度,謀也。」言惟同心同德 亦爲武王 句,製「同力度德」句配之,而以萇弘語 嫌其句孤,采《左傳》「不度德,不量力」 乃僞作者貪其語之古雅,遂并取之。 作《泰誓》曰「同德度義」,次作又曰「紂 有億兆」云云,方合《左氏》引《書》之例。 心 心字,此僅有心字無德字,全不照應。 以《太誓》乎?]便不可解 《左氏》度字本謀度之度,今作 予有臣三千,惟一心。」彼有德字 德 同 度 語,大謬一 《義」,日 力度 德」一句,以配合「同 矣。 明 (徳」 猶 即别出 係 而 孔傳乃 也。《左 茛 弘 可 其義 一篇,亦 語 解 彊 门同 一傳》杜 本與「 則能 爲 然 之 德 德 惟億 應先 有 億 謀 解 揆 度 于 預 度

兼

商罪貫盈,天命誅之。予弗順天, 《兵略訓》亦云:「紂之卒,百萬之心。武王之卒,三千 用。」翫此 負。 何謂 忽變作武王自語,牴牾至此,大謬三也 以詆杜之非,穎達又駮劉注以證杜之是。 爲杜違《尚書》之文,而規其過,非 能同德,何能度義。屬意有異,與《書》義不同 爲秉 德之 人專而一。千人同心,得千人力。 乃史臣之詞,非武王之語。《淮南子》十五卷 皆不幸生僞古文之後,爲此曉曉耳。 文,論兩敵對戰,揆度有義者彊。 杜爲不見古文,故致此謬。」孔穎達曰:「彼《尚書》之 彊,萇弘此言取彼爲説,必其與彼德同,乃度義之縢 下引《太誓》離 |一也。劉炫《左傳》注:「案孔安國云德鈞則 曰 但使德勝不畏彼彊,故即引《泰誓》而勸其務德。 . 上 乎 ? 義 之秉義 德鈞 者乎? ,則此言的是史臣之詞。 則 乎? 秉 德、 義者强。」夫 即 紂 如其 豈義 同 與武之德鈞,而 德之義乎? 解,又何以 在德之外, 此論甘氏又往 也。」劉炫反據 萬人異心,無一人 德 而晚出《書》 《管子》所 既鈞 劉、孔諸君 秉義者 更 興 武 一、既不 劉以 偽傳 謬 居 起 又

惟鈞。

司罪。 今不誅紂,則爲逆天,與紂 〔傳曰〕紂之爲惡,一以貫之,惡貫已滿,

是上帝,不敢不正。」此節全祖其意。又又《湯誓》云:「有夏多罪,天命誅之。予文引「《周書》曰『殪戎殷』」,故言商罪貫文引「《周書》曰『殪戎殷』」,故言商罪貫疾其民,以盈其貫,將可殪也。」因其下疾其民,以盈其貫,將可殪也。」因其下原罪。

「小人見姦巧,乃聞不言也,發罪鈞。」《墨子‧尚同下》篇云,《太誓》之言曰:

宜于冢土,以爾有衆厎天之罰。 「予小子夙夜祗懼,受命文考,類于上帝,

汝衆致天罰于紂。 天之威,告文王廟,以事類告天祭社,用 〔傳曰〕祭社曰宜。冢土,社也。言我畏

〔辨曰〕《禮記・王制》云:「天子將出,類

「冢土、大社也。」《詩・大雅・緜》云「迺立冢土」、毛傳:乎上帝、宜乎社、造乎禰、受命于祖。」

「天矜于民,民之所欲,天必從之。

義·過譽》篇。 《太哲》云:「民之所欲,天必從之。」《昭 《太誓》云:「民之所欲,天必從之。」《昭 元年》鄭子羽謂子皮,《鄭語》史伯對桓 元年》鄭子羽謂子皮,《鄭語》史伯對桓 (辨曰〕《左傳》襄三十一年,魯穆叔引 [傳曰〕矜,憐也。天除惡樹善,與民同。

「爾 尚 房 孑 一 人, k 青 밐 每 。 義 • 過譽》篇。

可失!」「爾尚弼予一人,永清四海。時哉弗

紂,正天人合同之時,不可違失。〔傳曰〕穢惡除,則四海長清。今我伐

傳》吴公子光云:「此時也,弗可失也。」〔辨曰〕《湯誓》云:「爾尚輔予一人。」《左

一 〇八

泰哲中

朕言。徇師而誓曰:「嗚呼! 西土有衆,咸聽惟戊午,王次于河朔,羣后以師畢會,王乃

北也。 之。 也。 午日次于 師渡 而 傳 稱西土。 止 曰〕次,止也。 此次 孟 上篇是渡河而誓,未及止舍而先誓 于河之北。 津。」 河 于河朔者,既誓而止于河之 **「**疏 則師以戊午日渡也。 朔,則是師渡之日。次,止 曰3《序》云:「一月戊午, 徇,循也。 戊午渡 河 武王在西, 而 誓, 既 此戊

亦惟日不足。 「我聞吉人爲善,惟日不足。凶人爲不善,

〔傳曰〕吉人竭日以爲善,凶人亦竭日以

曰:「惟日不足。」
「難曰」《易傳》曰:「吉人之辭寡。」《左則以入母,史克曰:「四門穆穆,無凶以之。」
「如。行父雖未獲吉人,去一凶矣。」又人也。行父雖未獲吉人,去一凶矣。」又以此,以不以,以不以,以

相滅。無辜籲天,穢德彰聞。人。淫酗肆虐,臣下化之,朋家作仇,脅權「今商王受,力行無度,播棄犂老,昵比罪

曰:「今王播棄黎老,而孩提焉比謀。」又名,贼誅孩子,楚毒無罪。」《吴語》申胥子,竟棄黎老之言,而用姑息之謀。』」《墨子須棄黎老之言,而用姑息之謀。』」《墨子須棄黎老之言,而用姑息之謀。』」《墨子須棄黎老之言,而用姑息之謀。』』《墨人,曾曰〕鮐背之耇稱犂老。罪人,謂逋逃

興,相爲敵仇」言之。 仇。」此「朋家作仇」句,則因《微子》「方《僖九年》郤芮曰:「亡人無黨,有黨必有

乂民。 厥堅惟不遠,在彼夏王。 天其以予無傷。 厥堅惟不遠,在彼夏王。 天其以予謂己有天命,謂敬不足行,謂祭無益,謂暴「惟受罪浮于桀。 剥喪元良,賊虐諫輔。

亦間以韻成文。「堯曰咨爾舜」一段,獨《周易》、《老子》爲然。其與人面語,〔辨曰〕閻若璩曰:古人文字多用韻,不〔傳曰〕浮,過。剥,傷害也。賊,殺也。

《太誓》,則在《非樂》篇者,雖不言《太 《墨子·非樂》篇,已取入《伊訓》,遂删 爲鑑 誓》,其爲《太誓》可知。 在《墨子》,固 常,九有以亡。 此反删去,古書一遭撏撦,遂使用韻之 妨兩見也。 去之。夫此二句在《非命》篇者,既謂之 别移之下篇,又因「上帝不常」二句别見 將「天有顯德」二句及「上帝不順」二句 惟我有周,受之大帝。」亦有韻之文。 曰 : 揚 不可行。 子•非命》下篇引《太誓》之言:于去發 躬、 中、窮、終韻協。 ●「惡乎君子,天有顯德,其行甚章。 不遠,在彼殷王。謂人有命,謂敬 段,揚、疆、張、光 謂祭無益,謂暴無傷。 乃以《太誓》入《伊訓》,而 上帝不順,祝降其喪。 《太誓》曰 韻 |「我武 協。 干

^{● 「}于去發」、《墨子閒詰》引孫星衍云:「或「太子發」三

文盡失其本來面目矣。

「朕夢協朕卜,襲于休祥,戎商必克。

[傳曰]夢與卜俱合于美善,以兵誅紂必 原之占。〔疏曰〕《史記·男子太公,非實 成主伐紂,卜,龜兆不吉,羣人皆懼,● 無,筮又不吉。太公曰:『枯骨朽蓍,不 無,並,並,以兵誅紂必

曰:「筮襲于夢,武王所用也。」也。故,故事也。」《左傳》昭七年衛史朝商必克。」」韋昭曰:「《太誓》,伐紂之誓善》故曰:『朕夢協于朕卜,襲于休祥,戎誓》故曰:『朕夢協于朕卜,襲于休祥,戎〔辨曰〕《周語》單襄公曰:「吾聞之《太

人,同心同德。 「受有億兆夷人,離心離德。予有亂臣十

[傳曰]平人、凡人也,雖多而執心用德

〔疏曰〕 平。「十人」,鄭玄等以爲文母、周公、太 虔、杜預以夷 則其旅若林,無華夏人矣。故傳訓夷爲 不 生、南宫括也 公、召公、畢公、榮公、太顛、閎夭、散宜 同。 昭 我 治 十四年《左傳》引 理之臣,雖 人爲夷狄之人。 少而 此文,服 如彼言, 心 同。

是謂離 前。 臣之言者不同。 武王口中之言,與《管子》所引云云 即此文,但櫽括 商兆民 見前。但《管》所引入上篇,《左》所引入 見《襄二十九年》,子太叔曰「棄同 辨曰〕此《昭二十四年》萇弘所引, 又《成二年》,君子曰:「《太誓》所謂 德」是也。 離,周十人同者,衆也。」所引亦 其文耳。 僞作者采取亦是,説 予考此 節 離德之義, 四 句, 爲 即 原 已 見 中 異 又 屬

引。 中篇, 劉原父遂謂子無臣母之義,改爲邑姜。 或作亂臣十人,非。」然則古本《論語》本 竄,皆爲僞《書》所誤也。 其實唐石經《論語》尚無「臣」字,紛紛改 無「臣」字。馬、鄭以「十人」爲文母等, 又見《論 而《論語釋文》云:「予有亂十人,本 則未見必然 語 》及《襄二十八年》叔 耳。 又此「亂 孫 臣」句, 穆子

雖有周親,不如仁人。

入俸。周家之少仁人。〔疏曰〕明多惡不如〔傳曰〕周,至也。言紂至親雖多,不如〔

也。 異,不至懸絶。今此二句見于《 言周之才不如商。今于此傳又復如 注云:「親而不賢、不忠則誅之,管蔡 堯曰》篇,不言《太誓》曰。 .辨曰]古人于經各爲詮釋者,雖 仁人謂箕子、微子,來則用之。」 孔安國于 論 小有 語 此 是 是 彼 同

> 事。 《墨子·兼愛》中篇云:「昔者武王將事 非《太誓》。 傳聞異詞固無足怪,特安國一人之手而 蠻夷醜貉。 泰山隧。傳曰:『泰山,有道曾孫周王有 《太誓》有此文,而其上下語勢,皆盛 互相懸絶,則不可信耳。 有罪,維予一人。」』《墨子》稱爲傳,則知 何以今《書》乃在《太誓》中篇耶? 注,則此節書乃既誅管蔡之後所作,而 周之才而無貶詞乎? 此,此豈 而果真也,孔注《論語》至此獨不憶及 云云,則是言商之才不 大事既獲,仁人尚作。以祗商夏, 人之手筆乎? 雖有周親,不如仁人。 玩其説,與安國 況如孔之《論 如如 周,其懸絶 若今《太誓》 自是不同。 萬方 又 稱 如

〔傳曰〕天因民以視聽,民所惡者,天「天視自我民視,天聽自我民聽。

誅之。

=

「《尚書》篇名。」「《尚書》篇名。」「《尚書》篇名。」

「百姓有過,在予一人。

教不至。 (傳曰]己能無惡于民,民之有過,在我

上文。又見《説苑》及《韓詩外傳》。有周親」二句文連。又見《墨子》,俱詳〔辨曰〕二句見《論語•堯曰》篇,與「雖

殘,我伐用張,于湯有光。 「今朕必往,我武惟揚,侵于之疆,取彼凶

比于湯又有光明。 殘之德,我以兵取之。伐惡之道張設,〔傳曰〕桀流毒天下,湯黜其命。紂行凶

今人武王口中,其時八百諸侯渡河而句,此自是湯初興師,告諭亳衆之言。誓》而取《湯誓》宜也。獨「今朕必往」許多。夫湯、武征誅情事正同,撰《泰許多。夫湯、武征誅情事正同,撰《泰

誓》,而微改易之。 夢?「我武」以下,則本《孟子》引《太北,直抵紂都城下,何必爲此言,豈非説

姓懍懍,若崩厥角。 「勖哉,夫子! 罔或無畏,寧執非敵。百

所容頭。
〔傳曰〕勖,勉也。夫子謂將士,無敢有

辭。 《孟子》。 記 其與河朔誓師,固 盡失《孟子》之文義乎? 竄入《泰誓》云云,皆以爲武王口 「王曰」,自是至商郊慰安商百姓之辭, 〔辨曰〕「勖哉夫子」句見《牧誓》,餘見 『無畏寧爾也,非敵百姓也。』」此武王之 周本紀》載:「武 「若崩厥角稽首」,則敘事之辭。 閻若璩曰:《孟子》:「王 絶 之 王 至 不 相蒙者 且詳玩其所引 商國,商國百 也。 氣,不 曰 : **《**史

下」。是《書》原指民言,今竟指君言矣。「有攸不爲 帝寵之」爲句,「四方」屬下。 恥之」止。今截至「曷敢有越厥志」止,趙岐讀「其助上 增之也。 句,「殺越人于貨」三句,「享多儀」四句。 笑者。《孟子》引今文者六:「時日害喪」二句,「若保 文《書》,辭義違反,句讀迥别? 何《孟子》引今文《書》,由今校之,辭義脗合,及引古 文,此自西漢始然,孟子時無有也,則同一百篇而已。 武 士女」下,復出「惟其士女,紹我周王,見休」一句,變作 上有「凡民」二字、《説文》所引正同,可知非《孟子》自 赤子」一 不辨武王 百姓 有罪無罪」下削去「惟我在」三字,以「予」字代「天 竄」作「殺」。 竄本當從寂,音近殺,故通。 「罔不譈 槩混置,譌謬甚矣。 咸 王 不 段,截去首句。 亦答 辨古人文字有議論夾敘事之體,又 待于郊。 日 句,「舜流共工于幽州」五句,「二十有八載」五 至「天降下民」一段,玩其文義,似應至「武王 拜。」 『上天降 一時事有誓師、弔民之不同,而 即其事也。 于是武王使羣 「東征」上增「肆予」二字。「綏厥 休。」 今以「寵之四方」爲句 若璩又曰:《書》有古今 商 試爲道破,有令人失 人皆再拜稽首 僞作古文者, 惟「竄三苗」 臣告語

而删改之。 〔辨曰〕「立定厥功」二句,本真《泰誓》〔辨曰〕「立定厥功」二句,本真《泰誓》 永世。」

泰 誓 下

王曰:「嗚呼! 我西土君子,天有顯道,厥令之,重難之義。衆士,百夫長已上。〔傳曰〕是其戊午明日,師出以律,三申時厥明,王乃大巡六師,明誓衆士。

類惟彰。

法則。 (傳曰]天有明道,其義類惟明,王所宜

〔辨曰〕辨已見上。

保。 天,結怨于民。 日 廟不享。 作威殺戮,毒痡 「今商王受,狎 〕痛,徐音敷。 屏棄典刑,囚 作奇技淫巧,以悦婦人。〔《釋文》 侮五常, 斮朝涉之脛,剖賢人之心, 四 海。 奴正士。 崇信姦回,放黜師 荒怠弗敬。 郊社不修,宗 自絶于

其心。」
其心。」
其心。」
其心。」
其,不得不以死争。」乃强諫。
対怒曰:
本紀》云:「微子既去,比干曰:『爲人臣
以所曰〕痛,病也。回,邪也。〔疏曰〕《殷

樂》篇謂之「三淫」,卷十六《先識覽》又言之。《吕氏春秋》卷五《仲夏紀·古(辨曰〕斮脛剖心事,古書每與刳孕婦連

《太誓》文。《漢書・ 論》。 心。」又"「自絶于天,以悦婦 殺。』《月令》云:「毋或作爲淫巧,以 《君道》篇。「奇技淫巧」本《禮記 《主術訓》。《史記》卷三《殷本紀》,卷三 制》云:「作淫聲異服、奇技奇器以 王符《潛夫論》卷一《賢難》篇。 劉向《説苑》卷十三《權謀》篇,卷十七 道》篇。 策列傳》。 子》章。 卷二十《人主》篇。 篇,卷十五《難一》篇,卷十六《難四》篇 論》卷上《智行》篇。 十八《宋微子世家》,卷一百二十八《龜 謂之「殺 雜言》篇。《列女傳》卷七《孽嬖傳》。 《淮南子》卷二《俶真訓》,卷九 桓寬《鹽鐵論》卷二《晁錯》篇。 事 三不辜」,又見卷二十三《 董仲舒《春秋繁露》卷四《王 又見《韓非子》卷 《韓詩外傳》卷十《天 葛洪《抱朴子》卷一 禮樂志》云:「殷紂 人。」皆真 徐幹《中 難 、疑衆, • 王 湯上 過 言 理

以悦婦人。」是也。晉人采入之。 斷棄祖宗之樂,迺作淫聲,用變亂正聲,

上帝弗順,祝降時喪。爾其孜孜,奉予一

人,恭行天罰。

予惟恭行天之罰。」 尚輔予一人,致天之罰。」《牧誓》云:「今 謨》云:「予思日孜孜。」《湯誓》云:「爾 〔辨曰〕「上帝」二句,辨已見上。 《皋陶 命,下是喪亡之誅。孜孜,勸勉不怠 傳曰〕祝,斷也。天惡紂逆道,斷絶其

天受,洪惟作威,乃汝世讎。 「古人有言曰:『撫我則后,虐我則讎。』獨

[傳曰]武王述古言以明義。

篇》亦云:「暴國之君,其民視我歡若父 母,反顧其上若仇讎。湯武之誅桀紂, 曰:「《周書》,周公所作。」《荀子・議兵 云"「民善之則畜也,不善則讎也。」高誘 辨曰〕《吕氏春秋・適威覽》引《周書》

> 合之。 書·商誓解》云:「告商之百無罪,其維 武。」「撫我」二句未見,必出《太誓》。 吾讎也。昔夏商之民反讎桀紂,而臣湯 若誅獨夫。 曰:『四海之内善之,則吾畜也,不善, 謂也。」《淮南子・道廣訓》亦云:「伊佚 獨夫紂」,原係真《太誓》之文。《逸周 一夫。」《孟子》亦以紂爲「獨夫」,晉人釆 故《泰誓》曰『獨夫紂』,此之 惟 則

一樹德務滋,除惡務本,肆予小子,誕以 爾

衆士, 殄殲乃讎

〔傳曰〕欲行除惡之義,絶盡紂。

《書》略同。 策·秦策三》篇,秦客卿造謂穰侯, 之、樹德莫如滋、去疾莫如盡。」《戰 辨曰〕《左傳》哀元年,伍員曰:「臣 引 國 聞

厚賞,不迪有顯戮。 爾衆士其尚迪果毅,以登乃辟。 功多有

一一六

毅」,宣二年《左傳》文。登,成也。〔疏曰〕「殺敵爲果,致果爲〔傳曰〕迪,進也。殺敵爲果,致果爲毅。

四方,顯于西土。惟我有周,誕受多方。「嗚呼! 惟我文考,若日月之照臨,光于

[傳日]稱父以感衆。

《多方》篇。《多方》篇。「誕受多方」句,見西土。」亦見中篇。「誕受多方」句,見曰:「文王若日若月,乍照光于四方,于曰:「文王若日若月,下照光于四方,于〔辨曰〕《墨子·兼愛》下篇引《太誓》

予,非朕文考有罪,惟予小子無良。」「予克受,非予武,惟朕文考無罪。 受克

[傳日]推功于父。

誓》無此章,則其篇散亡。」云:「此武王誓衆以伐紂之辭也。今《太吾》,但彼二「受」字皆作「紂」。鄭注〔辨曰〕此節文皆見《禮記・坊記》引《太

武成

明。 故二日近死 是建子之月,殷十二月也。 午,師渡孟津」是也。 朔,其二日是壬辰 周,往征伐商。 郭無光之處。 十八日戊午,渡河,《泰誓序》云「一月戊 正月三日,發鎬京,始東行也。 曰〕「一月壬辰,旁死魄」,謂周正月辛 傳曰〕此本 旁,近也。 步,行也。 説始伐紂 魄。 朔後明生而魄死, 二十八日渡孟津。 魄者,形也,謂月之輪 武王以正月三日 月二日, 也。「翼日癸巳」, 時。 一月,周之正 近 死魄。 朔是死魄, 月,周之正 其月二 望後明 行自 謂 卯 疏

法耳。 每日四十許里,時之宜也。《詩》「于三 行,自周二十八日渡孟津,凡二十五日, 言朔也。 死魄」, 死 「始生魄,月十六日。」十六日爲始生魄 而 里」,毛傳「師行三十里」,言其大 魄生。 日爲始死魄,二日近死魄 。 望 無事 也。」《顧 周去孟津千里,以正月三日 《律歷· 而記之,猶今之將言日,先 命》「哉生魄 志》云:「死 」,傳云: 魄,朔也。 也。

《志・藝文》云《尚書》五 《别 子校理祕書 武之際亡。 漢書·律歷 、辨曰〕孔壁真古文原有《武 ,旁死霸。 録》云《 劉歆作《三統歷》引《武成》篇,今見 其篇固 當建武 尚 若翌日癸巳,武王乃朝 志》,其辭曰 書》 以 具在 Ŧi. 前,劉 十八 十七篇,則 也。 :「惟一月 成》篇, 向、 篇,班 故劉 劉 歆 至 可 向 壬 見 建 古 父

> 可疑。 《律歷志》于此文分爲三截,「惟一月壬 此 第二、第三截竟爾遺闕,遂多紕謬。 成》者,似止瞥見第一 各以他語間隔之。 辰,旁死霸」爲一截,「粤若來二月,既死 翌日辛亥,祀于天位。 既旁生霸,粤六日庚戌,武王燎 霸 霸」爲一截,「惟四月既旁生霸」爲一截, 國所傳之真本幸存至今的確 以庶國祀馘于周廟。」凡八十二字,此安 自 7,粤五 第一 周, 于征伐紂。」「粤若來二月,既 節正本之《律歷志》者,固 日甲子,咸劉商王 後魏晉間僞作《武 截,援入今本,而 粤五 紂 日乙卯,乃 可信者。 于周 四 死

案》。《泰誓序》壬辰是建子之月二日,《國語》韋昭注,推伐紂月日已具,詳《後之正月,建子之月也。據《律歷志》及〔又辨曰〕《書》紀事皆用周正,一月是周

耶 ? 乃步自于周,征伐商王紂。]其下又云: 死 里,故武王以癸巳發,二十八 但此一月朔日爲辛卯, 越五日乙卯,武王乃以庶祀馘于國 云:「若翼日辛亥,祀于位,用籥于天位。 商王紂。」其下又云:「四月既旁生魄,越 十六七日也。 六日庚戌,武王朝至,燎于周。] 其下又 越若來二月既 盆津。 魄 孟 晁 巳爲渡孟 津, 是三日。 作注時已誤,晁亦疑其太速,故 ,丁巳當作癸巳,傅寫之誤 繹其文,與《漢志》引《武 月丙辰 愚 明月甲子即誅紂, 今謂丁巳始發,是 丙辰旁生 津之日,但云「王乃步自于 閻若 死魄 逸 生 周 璩 ,越五日甲子,咸 魄,仍當 書 凝孟 丙辰、 若 翼 世 元明 西 津 俘 日 日 1000 作 去 成 師 H 解》云 丁巳,王 周 並並 壬 戊 耳 竟 戊 則二 午 午 辰 飛 周 即 方 百 劉 渡

> 下。 已久。 周一, 祀馘 徧求宋本,以校《逸周書》,亦不能改此誤字,知其誤 《周書》與《武成》 于國 安 得 周 爲 廟 渡 孟 亦當 津 ? 移「國」字在 固合也。 當 爲誤字。 沈彤、惠棟 「庶」 庶

此 故 即望也。 生明 望 云:「旁,廣大。 望,或云既旁生魄。 謂三日也。若紀下半月之日,則或云既 魄,謂二日也,或云朏,或云哉生魄, 魄」、《尚 又辨 以 ,讀旁爲 日 從之,且特造 旁死魄。 死魄,初二日 後,月漸 一目,不容不擠生魄于望矣。 曰 書》紀上半 蓋魄生至此極盛, 徧體皆明, 旁,普光 步光 鄉 虧微,至 歆 飲 魄未生 月大時也。」然則旁生魄 「哉生明」之語。 反,解爲 獨以 酒 反,非旁近之義。 義》云「月 月之日,或 孔晁 死 晦 ,則徧體皆暗,故 魄 旁近, 爲 注《世 死 朔、生魄爲 魄。 非 既立 云旁 日 也。 一俘解 則 故 哉 死 自 成

矣。此疏附會魄爲月輪郭,皆非也。明死,十五日之後」,益以見生魄之爲望下文又云「既生魄」,且爲之傳云「魄生

也。 三日」也。 謂四月三日,月始生明,其日當是辛卯 月庚寅朔,三月庚 云「時甲子 孟 生明、死魄 三日,與死魄互言。〔疏曰〕一月戊午渡 云「生明」,互言耳。 厥四 哉生魄」爲十六日,則「哉生明」爲 傳曰〕其四月。 津,二月辛酉朔,甲子殺紂。 以三日月光見,故傳言「始生明,月 「哉,始」、《釋詁》文。《顧命》傳 月,哉生明,王來自商,至于豐」, 昧 俱是月 此 來,乃誓」是也。 經無 哉,始也。 初。 日, 申 朔,四月己 未必非二日也。 上云「死魄」, 始生明, 其年閏二 《牧誓》 丑. 月 此 初 以

志》異。 補此一 爾。 朔爲庚申,蓋 歷志》只有往伐時日,無歸周 其事之首尾,一月往,四 若來二月既 克紂之月甲 魏晉人所造,孔疏惟事 而爲之,非有所據也。 于豐,其說不見他書, 殺紂之事,留在後半篇補敘。 篇,專爲告武 于後,于此則删去。其意蓋 王紂」一段人之,乃反將甲子殺 云:二月四日者,「以歷推 辨曰 彼《牧誓》「甲子昧爽」下,傳云:「 征伐 〕自此以下,俱 節。 如此疏 商」之下, 但武王 死霸,粤五 子之日,二月四 因《牧誓》僞孔傳而 功成而作,故發首但 以二月朔爲 以 正 與《律歷志》不合。 四 疑亦不過想當 附會、盡與《 僞孔安國傳 當 日 月歸 月哉生明歸, 而 甲 取 並以《武 知之也。」又 辛酉 -子,咸 彼《志》「粤 時日,故 而已,至 日。二孔 又以《 約 附 成》 撮敘 律 同 會 然 月 律 歷 至

則 妄也。 有誤,而 大,二月小,閏二月大,三月小。 二月小,三月大。 非己未。 爲二月 傳及 固 中。 四 甲子,商王紂死。三十日己丑晦,大寒 日 午 周 日 爲孔傳之妄益明 月己 庚 一
采
之 渡 Œ 疏云云,乃以二月朔爲 (申,二月朔,四日癸亥至牧野,五 明日閏二月庚寅朔,三月己未朔, 孟 月三日癸巳啓行伐商,二十八 觀《逸周 四 \pm ?人《律歷志》者也。 津。 一月辛 亦以甲子爲二月五 朔。 日,因之三月朔 劉歆以 二十九日己未晦 西朔 此劉歆《三統歷》所載,班 爲 而僞 ,甲子殺紂。」考武 正 雖于武王啓行 月小,二月大,閏 孔 傳 亦爲 日 別則以 今若依僞 辛酉,甲子 冬至。 庚申 非四 爲正 日 孔 Ŧ 一, 而 傳 月 孔 H 戊 明 以

林之野,示天下弗服。〔《釋文》曰〕華,胡化、胡瓜乃偃武修文,歸馬于華山之陽,放牛于桃

二反。

在華山 天下 《樂記》云: 桃林 養牛馬之地,欲使自生自死 之塞,杜 革之射息也。] 是偃武修文之事。 射,左射,《 釁而: 使自生自 傳 禮 日 在 知武王之不復用兵也。 藏之府庫,倒載干戈,包之以虎皮, 射 東也。 華 ,設庠序,修文教。 倒 預云:「今弘農華陰縣潼關。」是 死 Ш 貍首》。 載干戈,包以虎 武王克殷、「濟河而西、車 東。 ,示天下不復乘用。 華山之旁尤乏水草,非長 皆非長養牛馬 右射、《翳虞》。 皮, Ш 散軍 示 之 南 〔疏〕 地 曰 不 前 桃 陽。 林 貫 甲 郊

《指武》篇,約取諸文而增成之。二十一《要略》篇,劉向《説苑》卷十五侯世家》、《淮南子》卷二十《泰族訓》、卷侯世家》、《淮南子》卷二十《泰族訓》、卷(辨曰〕此節本《禮記》卷三十九《樂記》

乎 ? 野馬 今商州 俞山 太華山 野正 也。 水,門水又東北歷陽華之山,即 關,廣圍三百里皆是,而馬獨驅 Ш 上洛縣東北分爲二水,枝渠東北 無乃太遠。 氏《釋文》、孔氏正義因之。 所謂華山之陽,亦即 釋桃林,日在 (又辨曰) 三省《通鑑 陽爲《禹貢》梁州 海 南 歸 使遠 驪之乘以 經》所謂 雒 馬 周 北 南,事所不解。 之華 南縣 穆 相 閻若 》注華陽君羊戎曰: 隔于太華南,焉 桃林 望 王時造父于此 華 東北 演壤 Щ 「陽華之山,門水出 璩 Щ 獻,非當日歸 塞爲今靈寶縣,西至潼 乃陽華 曰 : 東 相接,故桃 有陽華 地,武王歸馬于此, 太華山 明 孔 《水經注》洛水自 指 傳 Щ Щ 太華 不 竊以果太華 得 "; 非 可知。 得驊 釋 ,與桃林 林其 馬之遺 有 太華 華 Ш 華 此 而跨 出 駱、 華 焉」者 言,則 Ш 陽 中多 爲門 唐 緑 之 即 胡

山自江陵奉元帝命,使于周,取道商洛,人武關。 奔命」曰: 所産之物得以通稱。 緑耳出桃林,見《史記 過示吾弗復服耳。 不養之地,欲其殄滅乎 曾謂武王一戰有天下,即置牛馬于不長 曰 : 武王不及一田子方。子方見老馬于道 **豈乏水草之地哉**? 澤,正《山海經》所云「桃林中多馬」者 武 其誤認且勿論,而今靈寶縣 之旁,尤乏水草。不知本非指太華山 牛馬之地,欲使自生自 何必華山之騄耳」,又稱華山。 Щ 其 \pm 之南 「少盡其力,老棄其身,仁者不爲。」 解。 歸 又害義理,安得不 馬 「華陽在今陝西雒南縣 IE 安國又言華 其所必經,故 處」, 引《水 又胡渭注庾信《哀江南賦》「華 趙世家》。 注疏凡此等處,既違 曰「華陽奔命」。 且果如安國言,將 經 Ш • 死。 注 蓋陽華、桃林壤相 桃 即即 極力掊擊 歸之放之,不 \Rightarrow 而《樂書》趙 武 林 以 穎達言華 王歸 西有 實之。 皆非長 若作 馬 處。 馬牧 耶 此陽 高 接 養 真 日

山陽,失之矣。」

〔傳曰〕四月丁未,祭告后稷以下、文考豆籩。越三日庚戌,柴望,大告武成。丁未,祀于周廟,邦甸、侯、衛,駿奔走,執

《武成》云云,與此經不同。 見其 往反祀廟告天時日, 説武功成之事也。 柴郊天,望祀山川,先祖後郊,自近始。 文王以上七世之祖。駿,大也。 甸、侯、衛服諸侯皆大奔走于廟執 正月始往伐,四月告成功。 〔疏曰〕「惟一月」至「武成」,此歷敘伐紂 天子七廟,故云「文王以上七世之祖 祭,明其徧告羣 際亡。」謂彼僞《武成》也。 又亡其篇。 後,有人僞爲之,漢世謂之《逸書》,其後 周禮》六服侯、甸、男、采、衛、要,此 功成之次也。 鄭云:「《武成》逸書,建武 祖 ,知「告后稷 《漢書· 此 彼是焚書之 律歷 史敘其事 以 成 以 志》引 事 功 下 或

> 此從丁 舉邦 而誤。 誥》云「越三日」者,皆從前至今爲三日, 同,立文自異。 國 故 故 未數之,則 云 甸、 或此三當爲四,由字積 侯、 爲 四 其 日。 不 蓋 次。 史官不 《 召

是歲四 周廟. 因反 乃孔壁真古文。疏欲用今東晉晚出 爲二十三日,武王「祀于天位」。 日,「武王燎于周廟」。 霸」是也。 日乙卯」, 旁生霸」,十七日乙巳,所謂「既旁 辨曰〕疏引《律歷志》文,末句「祀馘 于 可議者,古人之書時記事,有一定之 謂 一,删 周 日庚戌,柴望」,大與其事相 彼 月己丑朔,十六日甲辰望,所 廟 以爲僞 去 是爲二十七日,「乃以 「粤六日庚戌」,是爲二十 一「馘」字,存入十 今乃以爲 ,舛謬甚矣。 「翌日辛亥」, 「丁未,祀 據彼文,則 一字, 庶 乖。 周 粤 且. 牛 五 是

越三日柴望,則爲己酉,豈庚戌乎? 度。」越七日則爲癸酉。 體 會,皆非也 子之不詳, 其日而數之也。 日 日者,皆從前至今爲三日、七日耳,非離 則 爲戊 《召誥》篇:「惟三月 申。 而可 《顧 今丁未既祀于周廟矣, 以記事乎? 命》篇: 所謂越三日、七 万年朏 丁 疏曲 卵 。」越 命 爲附 作 甲 册

非所宜 乙卯僅 不知 戊『燎于周廟』,庚乃剛 可 祭不欲數,數則煩,煩則 洛誥》『戊辰,王在 又辨曰〕閻 到几 劉 周 日 不過謂春禘、秋嘗各有定期,不 用 歆 六日間耳,三舉大祭,數煩不敬, 一代之定制乎? 内事以柔日』、《曲禮》文也,果 不如 何 所據 璩 經文丁未合。 日 而 云爾? 新邑烝祭』何 「朱子疑《漢 日,而宗廟 不敬」、《祭義》 果 爲定制 余謂『外事 且庚戌至 ·解? 内 則 庚

機邪? 《月令》年冬之月,『收秩薪柴,以 **烜氏掌** 帝宜社 得煩 及百祀之薪燎。」燎正 此或見《周禮・大宗 數之文也。朱子又疑 亦偶忘失耳。」然則晚出《武成》改「燎于 人掌『大祭祀、喪 有六享,不聞以燎,故致此 司中、司命、飌 志》庚戌、辛亥連日者,正爲欲避祭不欲 正爲欲合柔日。 **豈得拘祭不欲數,遂曠日** 新邑』又何解 祭此,明 周公丁 贖, 二凡 ,諸祭要亦不過數 晚出《武成》改丁未祀周廟者, E 非 H 謂 用牲于郊,翼日 祭 邦 ? 初 彼 師、雨師。」而人鬼之禮 之大事, 《者言。 得天下, 古者天子 改庚戌柴望,不似《漢 紀之事,設門燎」。 伯 用于宗 燎非 職》: 果爾 共墳 事 日 持久,坐失兵 多創 出 戊 疑。 宗廟之禮。 『以槱燎 間 ,則《召 燭 征 午,乃社 廟。 一,所謂 即徧及, 典,今日 庭 共 (郊廟 朱子 燎 知 閽 只 祀 于 類 司

俱 明,豈若後世回互者之所爲。蔡邕《論》 先王,而明武功之成。 誓》明數紂之多罪,非 馘。」即自釋之曰:「京,鎬京也。 室。」《詩•魯頌》云:「矯矯虎臣,在泮獻 引《樂記》曰:「武王伐殷,薦俘馘于京太 又如戮飛廉于海隅,即截其左耳 制》:「出 人,燎于周 王紂懸首白旂,妻二首赤旂,乃以先 必如《周書》已甚耳。 獻馘、似非武 廟之禮也。 周 (周書 武成》篇「乃以庶國祀馘于周 廟」作「祀 之中 馘 •世俘解》,當日正有此事,但 焉。」即《王制》所 征執 ,明堂太室也。 又近日石紫嵐謂:《漢志 于周 廟。」寧 王所 有罪,反以 廟」者, 以 至 《周書》云:「負 待紂。 所稱 聖人舉動 于 謂「以訊 亦正 與諸 訊馘告。」《牧 此! 有罪 予謂 疑 廟」,在 侯 磊落 來以 者 燎 若《 八泮宫, 馘 乎? 非 告 光 王 馘 商 宗 廟

> 《武成》删去「祀馘于周 猶得見而引之。 《樂記》,或河間獻王與毛萇等所作二 《樂》曰 者也 馘非武王所以待紂也。 事,斑斑可考,《漢志》的然可信。 薦俘馘于京太室」之語。 四篇,或斷取十一篇之餘,如《奏樂》、 樂器》等篇,皆見《藝文志》,今不 「武王以鋭兵克殷于牧野 吕 氏 春 然則「祀馘」實係 秋 仲 廟」者,亦正 此《樂記》非今 夏 紀》 亦 傳, 歸 一疑 武 晚 引 獻 出 \pm 邕

云:「先廟後天者,言功業已成故也。」僞書》,先祀廟,後柴望。 孔晁注《逸書》上帝,後言宗廟,而此則本《漢志》及《逸王昌。」此節皆取之。但《大傳》先言柴選,駿奔走,追王太王亶父、王季歷、文王之大事也。 既事而退,柴于上帝,祈〔又辨曰〕《禮記·大傳》云:「牧之野,武〔又辨曰〕《禮記·大傳》云:「牧之野,武

倫次。

此

疏

以爲

應先

受命,而

後

助祭,

辨曰〕僞《書》本是憑空撰造,宜其言無

大

爲史官先言告武成訖,然後却説受

作者正取 其意

既

祀廟前 走執 命在 生魄,但不知庚戌之後幾日 雖十六日始生魄,從十六日 説受命耳。 九日。此受命于 耳。此言既生魄,故言「魄生明死,十 望虧,望是月半,望在十六日爲多, 日之後」也。丁未祀 在十六日者四分居三,其 百官受政命于周 傳曰〕魄生明死,十五日之後。諸 事,豈得未受命已助祭,明受命在 祀廟之前,故祀 矣。 史官先言告武成訖 顧氏以既生魄謂庚戌已後, 周, ,明一統。〔疏曰〕月 周 繼生魄言之,則受 廟之時,諸侯已 廟,已是此 耳 至 在十 晦,皆爲 ,然後却 月 五 通 侯 奔 五 日 率 與

生魄,庶邦 冢君暨百 工,受命于周

> 其追 晦,皆 此補敘文法、《尚書》則無之也。 日,豈有用數日通共之名者乎? 既生魄在庚戌之後,遂謂從十六日 敘 竊 爲生魄,此尤謬也。史官特紀此 ,不得以日紀也。 謂若果是,却 説 則當言初, 且《左氏傳》 顧 彪 以 至 則 見 有

王若曰: 「公劉克篤前烈,至于太王,肇基王 后稷非王,尊其祖,故稱先王。 曰〕此先王文在公劉之前,知 傳曰〕謂后稷也。尊祖故 「嗚呼! 羣后,惟先王建邦啓土, 稱先 謂 丢。 后 一迹,王 稷 也。 / 疏

季其勤王家。

王家。 王業之肇迹。 厚先人之業。 傳曰〕后稷曾孫。公, 太王修德以翦 王季纘統其業,乃勤 爵。 齊商人,始 劉,名。 能

辨曰 · 周本紀》后稷子不窋,孫 此 傳以 公劉 爲 后 稷 曾 孫, 鞠陶,

平之。」敬王十年,衛彪徯見單穆公曰:「后稷勤 則當時之失于紀載者正多 耳。 二十二年,太子晉諫王曰:「后稷始基,十五王而 年之穆王矣。 年生冢嗣 亞圉、公叔祖類、古公亶父、季歷,亦僅 聲教之國, 世在位皆五十許年,又必即位後二三十 歷慶節、 名氏,歷歷 不知凡閱 竄于戎翟之間,其時不過西陲 年,安得公劉爲其曾孫 曾孫公劉耳 公劉避桀居豳」,由 五世而興。」韋昭注説世次與《史記》同,其失考已久 1生子者,子且如百龄之文王,享國 世。 國無史官,家無譜牒,及傳至鞠陶 皇僕、羌弗、毀隃、公非、高圉、 以十二世歷商六百餘歲,必 **,**方可充其數。不然有一甫 幾何世矣。 可數。 始有文字紀事,故其後君長 以情以理,實難據信。 其實《 然自公劉至文王,中 史記》、《漢書》並 后稷至桀時四 公劉居豳,始復爲 ? 蓋不窋失官 也,《周語》靈 一小部落 百餘 即 每 굸

> 方夏。 我文考文王,克成厥勳,誕 矣。 云「其勤公家」。 又辨曰〕《禮記 大邦畏其力, 況 后 稷至公劉之世次乎 祭統》衛孔 小邦懷其德 膺天命 ! ,性《鼎 惟 以 撫 九

年,大統未集。

不見此 玄等依用之。 有因于古也。 年,至九年而卒。文王未稱王而得 稱,容或中間得改矣。 汲冢竹書魏惠 者,諸侯 畏威,小者懷德。是文王威德之大, 天命,以撫綏四方中夏。 有後元年,漢文帝二元,景帝三元,此必 侯歸之。 曰〕文王斷虞芮之訟,諸侯歸之,改 傳曰〕我文德之父,能成其 書,以 自 九年而卒,故大業未就。 于其國各稱元年,是己之所 爲文王受命七年而崩,鄭 伏生、司馬遷、韓嬰之徒 天下諸侯大者 王功,大當 改元 稱元 疏

王與否,姑置勿

論

,其受命改元,武王

父年不改元,始則觀兵,復罷歸,再舉

耳,安知鄭當日不作疑詞乎?

要之,稱

誤。 黎》疏。 縢》、《洛誥》、《多方》三處,皆言七年, 此爲《武成》及《漢書 兵,十一年滅紂,此特字之誤耳。 無疑矣。其言武王十一年觀兵,十三 歷志》本之劉歆,歆親見古文,不應有 先書十年者耶? 文,謂武王蒙父年數,其下文方述九年觀兵,豈有上文 七、後來張守節所見本則已誤作十矣。 王受命七年崩」,可見孔穎達作疏時,所見《史記》尚 誤作十也。《太誓》疏及此《武成》疏皆云《史記》言「文 此僞《武成》,以爲當作九耳。 者,謂文王受命七年而崩者,《史記 本紀》、今本作十年,張守節云「十當作九」。 異説者也。 方滅紂,此 武成》乃魏晉人作,言文王受命九年, 但七年之説,證據較多,鄭于《金 及鄭康成也。 則諸家並 則自漢至唐,衆 至于年數之不同,亦有 伏生《尚書大傳》見《西伯戡 同,惟《史記》作九年觀 律歷志》也。 謂九年而崩者, 其實《史記》作七,傳 \Box 細玩《史記》本 如一,從無 張即 可考 《律 年 周 則 順

崇後,此周漢舊説

也。

孔傳出于晚晉,

後《詩》及《禮記》疏皆言文王

一稱王

一在滅

稱文王君王」,鄭注言「君王則受命」。

西伯受命之年稱王。

《文王世子》「武王

《史記》稱,詩人道

稱「文王受命作周」。

詩》稱「文王受命,有此武功」。

《詩

辨

日〕《書》稱

「文王受命,惟

中身」。

受命改元,未正

王號,亦可

也。鄭《尚

七年至十年,未嘗稱王。

文王年數,

其稱王亦在

十一年觀兵後。

然則謂文王但

鄭氏,闢孔傳。

然以鄭注考之,武王蒙

故孔疏力駁稱王之非。予于此經專宗

其言文王受命改元則同,而不言稱王,

書》注久亡,予雖博采成編,亦不見文王

王明文,惟孔疏云「鄭言文王生稱王」

惟暮春,在鎬召太子發。」亦謂受專征伐之命。 九年耳。 薨。」此晚出《武成》所據。然此特從專征伐數起,故有 則 學,并僞孔亦失之。 斷,盡掃却幾千年相傳實事,不但非 先觀兵,後伐紂之事。 位之十三年耳,且一舉而滅殷,亦並 事,武王不蒙文王年數,十三年者,其即 横渠、程伊川 文王膺天命有九年者,非也。 年,王錫命西伯,得專征伐。 與 鄭不合矣。《竹 又《逸周書・文傳解》云:「文王受命九年 出 ,謂文王無受命改元之 書紀年》云:「帝辛三十三 四十一年春三月,西伯昌 至歐陽永叔、張 此則執義理 然則謂 鄭 縣 無

其力,小國懷其德。』言畏而愛之也。」云:「《周書》數文王之德,曰:『大國畏〔又辨曰〕襄三十一年《左傳》北宫文子

發,將有大正于商。』 土,所過名山大川,曰:『惟有道曾孫周王「予小子其承厥志,底商之罪,告于皇天后

〔傳曰〕承文王本意,致商之罪。謂伐

「底,致也。」
「底,致也。」
「底,致也。」
「病令于商,底紂之多罪。」韋昭曰:「辨曰〕事見《墨子》,辨詳下。又《周語》河。大正,以兵征之也。

天下逋逃主,萃淵藪。「今商王受無道,暴殄天物,害虐烝民,爲

(傳曰)暴絕天物,言逆天也。逆天害 以主, 於以爲無道。逋,亡也。天下逋 大姦。〔疏曰〕昭七年《左傳》引此文。 大姦。〔疏曰〕昭七年《左傳》引此文。 (辨曰〕《王制》曰:「田不以禮,曰暴天 时。」《昭七年》,楚菩尹無字曰:「昔武王 以。」《昭七年》,至。 以言,於以爲無道。逋,亡也。天下罪人 以言,於以爲無道。逋,亡也。天下罪人

〔傳曰〕仁人謂太公、周、召之徒。略,路略。華夏蠻貊,罔不率俾,恭天成命。「予小子既獲仁人,敢祗承上帝,以遏亂

奉天成命。章曰華,大國曰夏,及四夷皆相率而使也。言誅紂承天意,以絶亂路。冕服采

事。 賚」後。 尚作,以祗商夏,蠻夷醜貉 集句爲文章者矣。 聽」二句,反若《墨子》引古一似今人好 中篇,中更間隔 川,或初巡守岱宗,禱神之辭,非伐紂 其文義,乃是武王既定天下後, 不若仁人。 山,有道曾孫周王有事,大事 云:「昔者武王將事泰山 辨旦〕閻若璩 相 也。 《論語》載「雖 類,僞作《泰誓》者,又割 僞作《武成》者,乃 謹權量之,前俱 萬方有罪,惟予 以 曰:《墨子• 真《泰誓》「天視」、「天 有周 親」四 初定天下事 隧。 移 兼愛》中篇 ,既獲,仁人 一人。」玩 雖有周親, 傳曰:『泰 人《泰誓》 語于「大 伐紂 望祀 時 時 Ш

〔又辨曰〕「以遏亂略」句,本之《左傳》

以討亂略」。「罔不率俾」句,本之《君

奭》篇。

整句, 道周武 附于大邑周。」趙岐注:「從『有攸』以下, 邑周不類武 句,又改 詞,作僞 文。」郭璞注《爾雅》亦引《逸周書》曰: 士女。篚厥玄黄,紹我周王 到我周王。」 愚謂《孟子》 此段乃史臣 辨曰〗《孟子》:「有攸不爲臣 亦非。 王伐 者欲 一用 王 附我大邑周」云云,其 紂 竄 一自稱。 時也,皆《尚 人武王口中,故 以散文悉作 書》逸篇之 東征,綏厥 見休 删 惟臣 · 四字 實 去 首 之

「惟爾有神、尚克相予以濟兆民、無作

神羞。」

羞辱。〔傳曰〕神庶幾助我,渡民危害,無爲神

王,以集大事,無作三祖 羞。」又曰: 辨曰 子禱曰:「曾 :「平公之靈尚 將濟河, 11《左 惟 傳》 禱 曰:「苟捷 爾有神裁之。」又 襄 孫 輔 蒯 + 相子。」又哀二 凣 瞶 年, 羞 敢昭 有功, 中 告皇 行 公子 無 獻 一年衛 祖 作 子 成 文 神 伐

休命。〔《釋文》曰〕逾亦作踰。陳,直刃反,徐音塵。既戊午,師逾孟津。 癸亥,陳于商郊,俟天

畢陳。至,赴敵宜速。待天休命,謂夜雨止至,赴敵宜速。待天休命,謂夜雨止〔傳曰〕自河至朝歌,出四百里,五日而

畢而 戊 ,辨日 || 周語 午 日 ', 師 癸亥,至 渡 漢 孟 津。 》 曰 牧 書 野 :「王以二月癸亥, 至庚 律歷 夜陳。 申 志序》曰:「一月 ,二月朔日 甲子昧 爽 陳 未 而

> 漂杵。 甲 有敵于我師,前徒倒戈,攻于後以北,血 《易·大有》象傳 子昧爽,受率其旅若 合矣。」《 一戎衣,天下大定。 牧 誓》 티 : Ē 「順 林,會于牧野。 王 朝 天休命。」 至 于 商 郊。」 流 图

我大 距戰。 敘事得 下,此句次之,故云「既戊午」也。 更敘戰事,于文次,當承于「征伐商」之 經,故文無次第。 午」以下,皆史辭 言與衆同心,動有成 甚之言。 衣,服也。 倒戈,自攻于後以北 傳曰〕旅,衆也。 八隨耳。 稱我者,猶如今文章之士,皆云 紂衆服周仁政,無 也。 必是王言既終,史乃 如林,言盛 功。 走。 一著戎 其上闕,絶失其 **「**疏 有 血 服 戰心 流 多。 曰」「既 漂 而 滅紂 ¬, 前 史官 本 戊 徒 逆

《詩·大雅·大明》云:「殷商之旅,其〔辨曰〕《牧誓》云「時甲子昧爽」。

之血,其言可謂巧矣。 漂杵」。是紂 平正無礙,甚得孟 《武成》篇言武王誅紂,戰鬭殺人,血 成》則言「前徒倒戈,攻于後以 耳,其過辭則 杵乎? 故吾取《武成》兩三簡策可用者 保,皆不可得,豈可案文而皆信之哉 年。』人不能聞天,天不能問民。 誥》曰:『冒聞于上帝。』《甫刑》 義之人,何至 人簞食壺漿而迎王師,何乃至于血流 春杵。孟子言武王以至仁伐至不仁, 帝清問下民。』《梓材》曰:『欲至于萬 武王虐殺哉 章注:「經有 梅鷟 矢于牧野,維予侯興。」 讀《書》誤認紂衆自殺,以 衆自殺之血 不取之也。」岐之言云 謂 所美言 趙岐《孟 鷟説善矣,而未盡也。 子 . П 然孟子非不通文 ,事或過。 氣。 ,非武 子》「盡 而晚 北) 三 「 王 萬年永 7,血流 出《武 若《康 信 殺 皇 之 漂 殷 流 事與流 也。)此語?

會如

林。

又辨曰

違,而猶陰爲《孟子》地。 争,描摹至此,若徒黨自相 之。詳其意,彼真本《武成》必不以 浮杵。」《武成》亡于建武,王充 篇》云:「察《武成》之篇,牧野之戰,血 僞者之微意耳。 《華陽國志》卷一《巴志》篇,非盡出妄 書》,必不誤認。 王充《論衡》卷七《語 爲回護,去其虐殺,以全吾經? 王之爲仁人,爲王者師甚著,豈不 中之一耳,縱錯會經文,亦何損? 訓》,劉向《列女傳》卷七《孽嬖傳》,常璩 紂衆倒戈,自 儒效篇》、卷十八《成相 殷本紀》,《淮 《孟子》在魏晉間不甚重,不過諸 杵事 故晚出《武成》雖敢與《孟 爲 相 一,蓋此 攻 但孟子親見百篇《尚 南子》卷二十《泰 殺,事見《荀子》卷 語 篇 孔傳云「血流 翦 自是 》,《史 屠 何 此則 猶及 兩 必 倒 可 而 子》 見 作 力 造 族 流 增 艾 孟 卷 四

作紂衆自相 成》并《孟 魏戦 流 乎 在情理之内耳。 恒辭,故《孟子》特爲武王辨,晚出《武 血 ! 春 伊闕, 漂鹵。」《戰國策》言「武安君與韓、 誼 子》亦抹倒,巧爲武王斡旋,竟 流血 《過秦論》云:「秦追亡逐北, 之言」,非 殺,其意亦甚正,特無如不 漂鹵。」此等爲殺人多之 含不 可 信

于四海,而萬姓悦服。「壹戎衣」即《康誥》「殪戎商容間,散鹿臺之財,發鉅橋之粟,大賚乃反商政,政由舊。釋箕子囚,封比干墓,乃反商政,政由舊。釋箕子囚,封比干墓,「壹戎衣」即《康誥》「殪戎殷」也。僞孔〔又辨曰〕《中庸》:「壹戎衣而有天下。」

府倉,皆散發以賑貧民。施舍已責,救所貶退,式其閭巷,以禮賢。紂所積之奴、徒隸。封,益其土。商容,賢人,紂〔傳曰〕反紂惡政,用商先王善政。囚,

辨曰〕釋囚等事,見《禮記》卷三十九

乎 ? 乏賙 存者乎? 王之于財也,聚者猶 之于仁人也,死者猶 施鹿臺之珠玉于諸侯,殷民咸喜 是商容之事 至,民曰:『是我新君 畢公至,殷民曰: 『是我新君也。』容 世紀》云:「商容及殷 臺之錢,發鉅橋之粟,以 間,命閎夭 子之囚, 『是我新君也。』容曰 也。』容曰:『非也。』 見周公至,民曰 「非也。」 見太公至,民曰: 『是 復籍之乎?」」是悦服之事 **「**疏 無 王之于賢人也,亡者猶 命 所 日 封比 畢 謂 也。 周 公釋百姓之囚,表 周 本紀》云: 有 干之墓,命 「王命封墓釋囚,又歸 大賚,天下 也。』容曰:『然。』」 民 封其墓,況 『非也。』見武王 觀 賑貧弱。」《帝王 命 周軍之人, 南宫括 也。 表其間,況 皆 召 散之,況 我新 曰:『王 商 悦 公釋 散 日 君 見

篇,又卷十《善謀》篇。 篇,又卷十《善謀》篇。 篇,又卷十《善謀》篇。 為一二《道應訓》、卷二十《泰族訓》、《史 是民春秋》卷十五《慎大覽》、《淮南子》 是民春秋》卷十五《慎大覽》、《淮南子》 是民春秋》卷十五《慎大覽》、《淮南子》 是民春秋》卷十五《慎大覽》、《淮南子》 是、张傅》篇,《遗居書》卷四《克殷解》、《韓 篇,又卷十《善謀》篇。

德報功,垂拱而天下治。 能。重民五教,惟食喪祭。惇信明義,崇列爵惟五,分土惟三。建官惟賢,位事惟

皆聖 民 事,必任能事。 十里,爲三品。 封國,公、侯方百里,伯七十里,子、男五 傳曰〕爵五等,公、侯、伯、子、男。 以食爲命,喪禮篤 德尊以爵,有功報以禄。 王所 重。 使天下厚行信,顯 所重 立官以官賢才。 親愛,祭祀崇孝養, 在 民及五常之教。 言武王所修 居位理 忠 列 地

説耳。 《漢 國土寬大,皆違禮文,乃除去本經,妄爲 在内,地又四等,與分土惟三不合。 章,非是。 周公制禮,大國五百里,《王 里,男一百里。」蓋周衰,諸侯相并,自以 百里耳。」《周禮 云:「千乘之國,百里之國也,謂大國惟 等,公、侯百里,伯七十里,子、男五十 方五百里,侯四百里,伯三百里,子二 里。」漢儒多以 班爵禄,孟 法,未知周公制禮亦然否。 皆是,所 辨曰〕閻若璩曰:疏引《孟子》「班爵禄」 百)爵五 ·地理志》亦云:「周爵五等,其土三 里,伯七十里,子、男五 鄭玄之徒以爲武王時大國百里, 任 等 **念孟** 子 得人,故垂 曰:天子地方千里,公、侯 地三品, 子》爵 爲然。 •大司徒》云:「公封疆 雖 拱 武 包咸注《論語》 五等,却連天子 王 而 制》注具矣。 于此 天下治。 北 宫錡 既 問 從 百 周 殷 疏

《易》、《詩》之文,無不明其 《逸書》某篇者 玷,尚可磨也」云云。凡《論語》所引 之羞」,孔則 注《論語》時遇引及此三篇者,而不 傳,中有《湯誥》、《太誓》、《武成》,豈有 文二十五篇,安國果嘗親見而爲之作 傳大相乖剌,已詳見本篇。若使今本古 親」節,今見《太誓》。 所以致敬。」絶不云出《武成》。 食,民之命也,重喪,所以盡哀,重祭, 祭。」孔安國曰:「重民,國之本 之説也。 直用《漢 「予小子履」節,今見《湯誥》。 古文,遂匿之而不言乎? 容三復白圭」,孔則曰:《詩》云「白圭 又辨曰〕《論語》:「所重:民、食、喪、 益驗晚出《書》,多出《漢 曰:「此《易》恒卦之辭。」「南 理志》周爵 乎? 且「不恒其德,或 則孔注更與《書》 五等,而 來歷 晚出《書》之 「雖有日 一,何獨 其上文 也 日

覺也。 辭》「黄帝堯舜垂衣裳而天下治」。不連 卷十二上手部,注云「斂手也」,則單言 《曹參世家》云「陛下垂拱」。 成」句,晉人于漢文心手熟習,故慣 武王時史官何知夫子繫《易》,乃取而 自是語出漢人,晚周、先秦尚且無之,況 衣裳字而單言垂,竟不知其意何指。 拱義已顯。 若垂字,明係本之《易 此「垂拱」二字所出 王充《論衡・自然篇》云「垂拱無爲」。 褒》云「雍容垂拱」,又見《薛宣傳》。 侍于君,俯身之狀,非此「 又辨曰》《玉藻》「頤 河乎? 後《畢命》篇亦有「 。但拱字見《説文》 霤 垂 一拱」,此 垂拱」之義。 《漢 垂 用 又 組 此

壬辰,中閏二月,訖 〕據《漢志》所引《武 四月乙卯,共一百 成》起 月 四

中追述前事 戊午」至「天下大定」一段,盡作武王 作此錯亂磨滅之狀,以自掩抑。 戌,共一百三十九日,比《漢志》少五 十 次第,或係僞作者自嫌其過于完整,故 有殘缺? 取此篇移易其前 ,皆可不必也。 謂 应 日。 晚出二十五篇,文從字順 非真本。 此篇實 據今本起一月壬辰,訖四月 而此篇 語耶? 屬魏晉間好事者采集 則此等固可不論,俗 「既戊午」以 後 今考之他經,證 而更定之,紛紛曉 。 豈 下,文無 宜 儒 成 以 口 既 事

旅嫯

惟 ,太保乃作《旅獒》,用 克商,遂 四夷慕化,貢其方賄。 通 道 于九 夷 訓 于王。 西 旅 九、 低 貢 厥

參差不 統領。 義或當 蠻在南, 六戎在 周之所服國 之人。」鄭衆云:「四、八、七、九、五、六・ 《爾雅》上文不同。 堂位》稱「九夷、八蠻、六戎、五 北方。」上下二文,三方數目不同。 禮》云:「東夷、西戎、南蠻、北狄。」舉 非 云:「八蠻在南方,六戎在 夷、八狄、七戎、六蠻,謂之四 蠻則戎狄可知。 致貢其獒。 掌四 明堂位》及《職 職方》言「五戎六狄」,趙商以此問鄭, 一,皆通 東、八蠻、九閩、九貉、五戎、六狄 九、八言非一也。 然。 同。 道路,無遠 犬高 數也。」 徧檢經傳,四夷之數 先儒舊 明 方》并《爾雅》下文云:八 堂 西,五 四夷各自爲國 四尺曰 位》言「六戎五 《周禮·職方氏》: 解此《爾雅》殷 不服。 狄在北 獒。 《釋地》云:「 西方,五狄在 西戎之長, ,皆周制 疏 一無大 一狄」,與 海。」 日 《明 又 夷 九

知」,是鄭亦不能定。鄭答云「戎狄但有其國數,其名難得而

〔辨曰〕本《魯語》,辨見下。

叔之國,時庸展親。之致于異姓之邦,無替厥服。分寶玉于伯遠邇,畢獻方物,惟服食器用。王乃昭德曰:「嗚呼!明王慎德,四夷咸賓。無有

服。 賜異姓諸侯,使無廢其職。 耳目華侈。 姓之國,是用誠信其親親之道。 生之物,惟可以供服食器用者。 傳曰〕言明王慎德以懷遠,故 天下萬國無 德之致,謂遠夷之貢,以分 有遠 近,盡貢其 以寶玉分同 四 言 方 夷皆 不爲 土 所

「古者分同姓以珍玉,展親也,分異姓以先王欲昭其令德之致遠也,故銘其栝。」無忘職業。于是肅慎氏貢楛矢、石砮,道于九夷、百蠻,使各以其方賄來貢,使〔辨曰〕《魯語》仲尼曰:「昔武王克商,通

其力。 侮君子, 「人不易物,惟德其物。 雜。 《旅獒》之藍 遠邇」句,本之《盤庚》。 爲西旅獻獒,又東 事,以分同姓、異姓人召公口 皆孔子語,今割「昔武王克商」二句爲序 遠方之職 本之僖七年《左傳》「諸侯官受方物」。 爲東夷,韋昭則曰「東北夷之國」,今竄 分異姓以遠 肅慎、《内傳》稱爲周北土、《書序》 罔以盡人心。狎侮小人,罔以盡 (貢, 使 本。 方之職貢,使無忘服也」, 無 但自「昔武 西莫辨者矣。 忘 服 德盛不狎侮。 「畢獻方物」句, 也。」此一 王克 中,敘議錯 「無有 商」至 篇 狎

易侮慢之有? 物賤,所貴在 .傳曰〕物貴由人,有德則物貴, 曰〕《左傳》僖五年宫之奇引《周書》 以悦使民,民忘其勞,則力盡 于德。 以虚受人,則人盡其 盛 德 必 自敬 無 何 德 狎 貝

淮

南子

精神訓》:「不貴

難

得

本之《禮記・表記》。曰:「民不易物,惟德繄物。」「狎侮」二字

犬 益,功乃成。不貴異物賤 不役耳目,百度惟貞。玩 馬 寶 非 遠 志以道 其 (土性不畜,珍禽奇獸不育于國。 寧,言以道 則遠人格。 接。 所實惟賢, 不作無益 人喪德,玩 用 物、民 乃 則 害 物 有 濔 喪

爲本。 不用 乘鄭 爲異 喪其 爲戲 傳曰」 珩 爲寶。 也。 物。 志。 弄 馬,及戰,陷于濘。 近何 故君子勤道。 ,則喪其德。 不以聲色自役,則百度正。 《楚語》王孫 「疏 在心爲 寶焉? 日〕僖十五年《左傳》 楚 志,發氣爲 所寶 是實賢 以 遊觀 圉 器 (觀射 是非 聘晉,趙 也。 物 爲無 言 父、 爲 此 戲 益,奇 。 皆 左 土 簡 晉 以 史 所 以 子 倚 問 生 侯 巧 道 人 則

之貨,而器無用之物。」

「嗚呼 大德。 民保厥居,惟 爲 山九 夙 夜罔 仞,功虧 世 王。 或不勤 簣。 不 矜 允 細 行 迪 兹,生 累

溝、洫 簣,猶 皆與 尺曰 天下。 行此誡,則生人安其居,天子乃 仞」,則澮 論語》「譬如爲山、未成一簣」,鄭云: 簣,盛土器。」 傳曰〕輕忽小物,積害毀大,故 八孔同。 I仞」。 不爲 ,皆廣深等,而澮云「廣二尋,深二 [疏日]《周禮 八尺曰 亦廣深等,仞與尋同,故知「八 王肅《聖證論》及注《家語》, 山 鄭云「七尺日 ,故曰功 仞, 喻 向 虧 匠人》有畎、遂 成 仞」,與孔異。 簣 。 能 也。 世 未 君 信 成 世

《論》、《孟》本《旅獒》耶?《旅獒》本采自《孟子》,攢簇而成。平心讀之,〔辨曰〕「爲山」取之《論語》,「九仞」則又

何足 出 今四尺八寸,九仞當 仞有三尺,爲牆高丈,故仞七尺也。 仞」,宜以鄭爲正。 鄭注《儀禮》,包咸注《論語》,並「七尺曰 深二仞。如果廣深等,何以變尋言仞? 深皆四尺,洫廣深皆八尺,澮則廣二尋, 言百仞,若九仞, 論》、 廣尺深尺爲畖」,遂廣深皆二尺,溝廣 《書》,則爲正語矣。 如 以 僞 念孟 孔傳説 言 歌耶? Щ · 乎 ? ,周尺當今六寸,一仞當 且 且 安得爲 《祭義》築養蠶宫牆, 掘 孔子爲譬語,如晚 「今四丈三尺二寸, 并 可 山 ? 言九 仞 匠 Ш 且

微子之命

國咸休,永世無窮。賢。統承先王,修其禮物,作賓于王家,與王若曰:「猷! 殷王元子,惟稽古,崇德象

德」。 牲》「繼世以立諸侯,象賢也」。 「作賓 虎曰「微子,帝乙之元子也」。「惟稽古」 王家」句,本之《僖二十四年》皇武子曰 句,本之《太誓》「惟稽古立功立事」。 《書傳》云:「王者存二王之後,與己 禮,正朔物色,與時王並通三統。 以日至後六十日爲正。天有三統,土有 尊德象賢之義。 爲正,殷人以日至後三十日爲正,夏人 王賓客,與時皆美,長世無竟。 三,所以通三統,立三正。 崇德」二字本之文二年《左傳》「謂之崇 三王,三王者,所以統天下也。」 宋于周爲客」、《昭二十五年》,宋樂大心 殷王元子」句,本之哀公九年《左傳》陽 辨曰」「王若曰 傳 「象賢」二字,本之《禮記 微子, 帝 乙元子。 猷」句,本之《大誥》。 二王之後,各修 惟 周人以 考古 · 郊 **「**疏 爲時 日至 其 語同 特 典

《易》「利用賓于王」。

于時,德垂後裔。佑,誕受厥命。 撫民以寬,除其邪虐,功加佑,誕受厥命。 撫民以寬,除其邪虐,功加「嗚呼! 乃祖成湯,克齊聖廣淵,皇天眷

命。裔,末也。遠,大天眷顧,佑助之,大受其命。謂天〔傳曰〕汝祖成湯,能齊德聖達廣大深

「湯以寬治民而除其虐」。《國語》同。《周書》。「撫民以寬」二句,本之《祭法》(皇天眷佑」句及「誕受厥命」句,俱本之父曰:「高陽氏才子八人,齊聖廣淵。」(辨曰〕「乃祖」二字,本之《盤庚》。「齊

聞遠近。敬慎能孝,嚴恭神人,故我善〔傳曰〕汝微子能踐湯德,久有善譽,昭歆,下民祗協,庸建爾于上公,尹兹東夏。恭神人。予嘉乃德,曰篤不忘。上帝時「爾惟踐修厥猷,舊有令聞,恪慎克孝,肅

師東。 上公之位,正此東方華夏之國。宋在 汝德,謂 歆享,施 厚 不 令 則 可 忘。 人 敬 和 孝恭之人, ,用是封 立 祭 汝 祀 于 則

朕命。」 有 「欽哉! 位,毗予一人。 以蕃王室。 **《詩** 周 無 俱本之僖公十二年《左傳》,王謂管仲 曰:「予嘉乃勳,謂督不忘。 及下文「往敷乃訓」、「無替朕 〔辨曰〕「踐修」二字,本之文元年《左傳》 踐修舊好」。 逆朕命。」「上帝 無 大雅・生民》篇「上帝居歆」。 往敷乃訓,慎乃服命,率由典常, 弘乃烈祖,律乃有民,永 嗚呼! 世世享德,萬邦作式,俾我 「予嘉乃德,曰篤 時 哉 歆」句, 往踐乃職 命四 不 本之 綏 · 忘), 句, 厥

汝教訓,慎汝祖服命數,循用舊典,無失〔傳曰〕敬哉,敬其爲君之德。往臨人布

汝無厭 以 道 其 同公侯,而特爲萬國法式。 輔我 常 ,以法度齊汝所有之人, 蕃 屏 周 累世享德,不忝厥祖 室。 大汝 則長 烈 使我有 祖 安其位, 成 湯 周 雖 好

篇爲 處處襲 是乎? 《蔡仲之命》亦用 《左傳》子展曰: 皇甫謐門人,此僞傳正出謐手,宜其尊信之也。 非平子自注甚明。 順 而摯虞《文章流别》已云「是平子自注」。 純用四字排句,商周之際文章 《尚 且詞意復叠,皆牀上安牀,屋 本之《文侯之命》。 〔辨曰〕「以蕃 書》傳曰: 然。 一帝時人,而其中有引鄭玄語。 用舊語,則作者之慣態,不 恐西漢人 《文選》張平子《思玄賦》舊注引孔安國 「斁,厭也。」此注李善謂「非平子自注 王室」句,本之襄二十 但摯虞晉初人,而 「堅事 此 亦斷 句。 餘見上。 晉楚,以蕃 斷 「永綏厥 無 見此注者 鄭在平子後,其 此 此 下 格製 ·架屋 平子,東漢 固 篇通體 位 王 獨此 當 二句, 九 室。」 耳。 也。 如 年

蔡仲之命

惟周公位冢宰,正百工,

崩時。〔傳曰〕百官總己以聽冢宰,謂武

王

鄰,以車七乘;降霍叔于庶人,三年不齒 羣叔流言,乃致辟管叔于商, 囚蔡叔 所滅。 郭鄰、 杜 于 管、蔡,國名。 曰:成王元年,命冢宰周公總百官。 三年之後乃齒録,封爲 太宰,相王 傳曰〕致法,謂誅殺。 辨曰》《左傳》定四年祝佗曰: 等,封 預云: 中國之外地名。 〔疏曰〕《管蔡世家》云:「封 「管在滎陽京縣東北。」《世 叔度于蔡。」是管、蔡爲國 室,以 霍叔罪 尹 天 輕,故退爲庶人, 從車七乘,言少。 霍 囚謂制其出入。 下。 侯,子孫 汲 一周 郡 叔鮮 爲 于郭 公爲 古 晉 文

霍。 □□武王封 後黜爲 既 子 孫 叔 庶人。 得爲 處于霍」, 或 《春秋》閔元 君, 則武 知三年 王 年, 已 後 晉 封 滅 之 復

《周禮·大司寇》曰:「三年不齒。」 年》子太叔曰:「周公殺管叔而蔡蔡 封也。 而 陵,地名。』《左傳》祝鮀曰:「成王 經而卒,乃囚蔡叔于郭陵。」孔晁注:「 解》曰: 言于國。」 襄二十五 惟罪所 辨曰3《金縢》曰:「管叔及其羣 蔡蔡叔,以車七乘,徒七十人。」《昭元 「降辟三叔,王子禄父北奔, 在,各致其 年《左傳》子 (辟。」《周 書 殺 産 弟 管叔 管叔 叔。」 乃 曰 郭 流

云「地名」,未詳所在,洵是。外地名」,此臆説也。《周書》孔晁注止〔又辨曰〕閻若璩曰:「郭鄰」,傳云「中國

命諸王邦之蔡。蔡仲克庸祗德,周公以爲卿士。叔卒,乃

徙居新 安得使胡爲 本》云:「蔡叔居上蔡。」宋仲子云: 王封周公于魯,周公不就封,留佐成王, 也。《世家》云「周公舉胡 之,以爲己卿士。」是爲周公圻内之卿士 二卿。 馬、鄭皆云「立卿兩 鄙,以封王之子弟在 融 滅,故取其名以名新國,欲其戒之。 仲之所封,淮汝之間。 云"「乃施則于都鄙而建其長,立其兩。」 侯,二卿治事。 之法,誅父用子,言至公。 日》《周禮・冢宰》:「以 傳日」蔡仲 云:「距王城四百里至五百里謂之都 蔡,至平侯徙新蔡,昭侯徙居 定四年《傳》説此事云:「周公 蔡。」杜預云:「武王封 能 卿士? 用 叔之所封,圻内之蔡。 敬 德,稱: 人」,是畿内諸 畿内者。」《冢宰》又 馬遷説謬 八則治都鄙。」 圻内之蔡名已 爲 其賢也。 周公, 圻内諸 魯卿士」,武 叔 爾。 放度于 九 侯 明 **「疏** 一世 舉 馬 胡 立 王

圻内蔡地,不知所在。下蔡。」檢其地,上蔡、新蔡皆屬汝南郡。

命之以蔡。」師德,周公舉之以爲己卿士。見諸王而帥德,周公舉之以爲己卿士。見諸王而〔辨曰〕《左傳》祝佗曰:「其子蔡仲,改行

周畿· 是。 爾。 内可知。 之間,施舊 友初封畿内咸林之地名。 其名以名新國。] 異哉! 封,淮汝之間。 傳却云:「叔之所封,圻内之蔡。 蔡縣,爲蔡叔父子所封,未聞别 蔡」,宋仲子注云:「胡徙居新蔡。」不 漢 [又辨曰]閻若璩曰: 蔡自屬漢汝南郡 内, 管叔始封即 爾不獨 地理志》注,胡後十八世平侯自 則蔡叔 閻又云: 號于新邑,亦名鄭、未聞 臆 見,且 圻内之蔡名已滅,故取 始 在 封亦即在汝南,非 一榮陽京縣東北,非 《世本》「蔡叔 一
瞽
説 此惟周宣 鄭後 矣。 有一地。 閻 仲之所 徙 居 此 蔡 溱 王 知 説 復 弟 1 西 洧 1

> 蔡 亦 非。 徙 新 蔡, 非 胡 徙 新 蔡 也。 \sim 世 本 \Rightarrow

哉 ! 猷,肆 王若曰:「小子胡,惟爾 文王之訓,●無若爾考之違王命 迹自身,克勤無怠,以垂憲乃後。 予命 爾尚蓋前人之愆,惟忠惟孝 爾 侯于東 士。 率 德改行 往 即 乃 爾乃邁 率乃 克慎 封 祖 厥 敬

敬哉! 子能 言汝循 嘆其賢。 汝身,使可蹤 侯于東土。 傳曰〕言小子,明當受教訓。 垂法子孫。 世戒。 蓋 父,所以爲 祖之德,改父之行,能慎 汝當庶幾修德,掩蓋 以汝率德改行之故,故我命汝 往就 跡 循文、武之常教,以父違 而法循之,能勤 汝 忠孝。 所封之國,當修己以 汝乃行善迹用 前人之過。 胡,仲名。 無解怠, 以其道。

乎 ! 之輕慢可乎? 獨 辭,旁采《逸周 民則然,今王命蔡仲,而稱文王爲乃祖, 行帥德」俱竄入王 作書之由,作僞 段如「殺管叔 文,惟「王曰 但玩「其 辨 不思蔡仲之祖即王之祖 祝佗爲藍本,自篇首至此,全取其 Ħ 胡 又「乃祖」二字、《盤庚》之誥 《左傳》祝佗曰:「其命書云: 無 [命書云]四字,則佗之所引 若 胡」以下十二字而已,其前 而 皆非 爾考之違 書》組織成文。 蔡蔡叔」等句,乃佗序 者遂并取之以爲《 也。 口中,不亦刺 王命也。」此 而 口吻若此 并將「改 謬甚 其 臣 書》 述 經

歸于亂 皇天無親,惟德是輔。 困 爲善不同 不 爾 惟 其 (戒哉 厥終,終以困 同歸 于治。 慎厥 民 心 窮。 初, 爲惡 無常、惟惠之 惟 不同 厥終, ·;同 終

汝嘉。」

〔傳曰〕天之于人,無有親疎,惟有德者

汝其 必正 己者 則 其初,念其終,則終用不困 輔 戒 同。 佑 則 治 歸 之。 弧之機 之。 而治 民 亂 爲 心 所歸 善爲 哉 于 上,無 惡, 不殊,宜慎 作事 窮 有 云 常 有 爲 主,惟 百 其微。 端, 未

詳乃 弟。 懋乃攸績,睦乃四鄰,以蕃王室,以和兄 困。」襄二十五年《左傳》衛太叔文子引 常訓》篇曰:「慎微以始而敬終, 曰:「皇天無親,惟德是輔。」《逸周 辨 中論・法象》篇亦引《書》「慎始而敬終」二句。 書》曰:「慎始而敬終,終以不困。」徐幹 視 康濟小民,率自中,無作聰明亂舊章。 日〕僖五 聽 罔以側言改厥 年《左傳》宮之奇引《周 度,則予一人 乃不 書 書

以蕃屏王室,以和協同姓之邦。安小民〔傳曰〕勉汝所立之功,親汝四鄰之國,●

❶ 「親」,原作「視」,據《尚書正義》改。

四四四

爲 之居 善汝矣。 之言易其 詳審汝視聽 小 聰明, 一成小 常度, 民之業, 作異辨 非 必斷之以義,則 禮義勿視 循 以 用 變 大中 亂 聽 舊 -之道 無 典 以 我 邪巧 一人 無 敢

[傳日]嘆而勅之。

命」句,本之《盤庚》「無荒失朕命」。〔辨曰〕此等皆仿《康誥》。「無荒棄朕

周 官

民。 惟 正治官 周 六服 王 撫 羣 萬 邦 辟 罔 巡 侯 不 甸, 承 德。 四 征 歸 弗 于宗周 庭,綏厥 兆 董

服。 傳 日 兀 面 即 征 政 討諸侯之不 撫 萬 國, 巡 行天 直者,所以安其 下侯 服 甸

> 子大事 仲之月 撫巡向 方也。 征 或 言六者,夷、鎮、蕃三服 年初始叛,五 周。」與此 方》云:「五月丁亥,王來自 淮 與《費誓》之經,知成王即政之年, 職司之百官。〔疏曰〕檢《 承周 地 兆 ,亦是大言之爾。 也 民 夷又叛。 一,惟 德,言協服。 縻而已,不可同于華夏,故惟舉六 大巡 ,因即大言之爾。 淮夷之道所過諸 而言撫萬國巡行天下,其 + 伐淮夷,非 滅 億 守也 淮 叛即往 日 一月即 夷 兆, 而 歸 還歸 言 四征 以 伐,今始還 《周 歸在豐,爲 ,●其間未得巡 多 撫 在 于 侯爾 禮》「九服」, 也,言 周之法制 諸 九州 成王政》之序 豐 六 侯 ·,督 奄,至于宗 服 外 巡 未 「 萬 國 歸。 諸 守是 Œ 夷 是 實 侯 八狄之 守 奄 治 無 用 止 《多 也。 惟 萬 天 得 與 四 玾 四 刀口

服。 序》云「 還 歸 在 豐」, 知 宗 周 即

豐也。

辨曰〕《左傳》曰「以王命討不庭」,又曰 同討不庭」,杜預 曰 : 「下之事上 一,皆成

禮 于庭中。」汲郡古文曰:「成王十九年,

遂正百 王巡守侯 官。」閻若璩曰: 甸 方岳 ,召康公從歸于宗周, 《周禮》治官,專

指天官冢宰,非可泛及。 云「董正治官」,似未諳治字之義 偽 作 者 于篇首

未危。」 王 티: 「若昔大猷,制治于未亂,保邦 于

未亂未危之前,思患預防之。 傳曰〕言當順古 大道 ,制治安國, 必于

未亂 辨曰〕《老子》曰:「爲之于未有,治之于

岳,外 曰:「唐虞稽古,建 |商官倍,亦克用乂。 有 州 牧 侯 伯。 庶 惟 政 百。 惟 和 内有 萬國咸寧。 揆

四

《禮記 合也。 侯伯謂 治。 時事云「外薄四海,咸建五長」,知「侯 后氏官百」者,《禮記》後世之言,不與經 伯」是五國之長也。 其數有五乃象五行。 五行佐天,羣臣佐主,以此爲象天,不必 爲之,故「内置百揆四岳,象天有五 唐虞之清要。 有序,故衆政 几 五國之長。上下相維,外内咸 夏 一州」,此説虞事,知「置州牧十二」也。 (傳曰) 岳,象天之有五 商 禹湯建官二百,亦能用治。 官倍」,則 •明堂位》云「有虞氏官五 諸侯之長。 堯舜考古,以建 惟和,萬國皆安,所 (疏曰)王者立官,皆象天 唐虞一 行 《益稷》篇禹言治水 此言「建官惟百」, 《舜典》云「肇 ,外置州 百 百,夏商二百。 官。 牧十 治。 内 言不及 以 置 一十,夏 行。 爲 官 二及 百 正

辨曰〕「稽古」字及百揆、 四岳、 州牧等

訓迪厥官。 子,祗勤于德,夙夜不逮。仰惟前代時若,「明王立政,不惟其官,惟其人。今予小

法是順,訓道其所建官而則之。雖夙夜匪懈,不能及古人。仰惟先代之官,惟在得其人。今我小子敬勤于德,〔傳曰〕聖帝明王,立政修教,不惟多其

地,弼予一人。 少傅、少保,曰三孤。貳公弘化,寅亮天邦,燮理陰陽。官不必備,惟其人。少師、「立太師、太傅、太保,兹惟三公。論道經

> 任。 遠,因其並釋師、保,故分配之。 者,内得于心,出行于道,道德 以輔翼之而歸諸道者也。」道、德别 之以事而喻諸德者也。保也者,慎其身 敬信天地之教,以輔我一人之治。 卿,特置此三者。 之。三孤,孤,特也。言卑于公,尊于 保、保安天子于德義者。 曰》《禮記·文王世子》云:「師也者,教 三公之官不必備員,惟其人有德乃處 傳曰]師 佐王論道,以經緯國事,和理陰陽。 ,天子所師 副貳三公,弘大道化, 法。 此惟三公之 傅 相 不甚 天子。 。〔疏 堂 相

也?」案孔氏《逸書》無《周官》,今《周惟三公』,三公之號,自有師、保之名,何問:成王《周官》『立太師、太傅、太保,兹禮・地官序官》疏引《鄭志》云:「趙商鄭生平應答時人之語,今不傳。《周氣田》與四〕《鄭志》十一卷,鄭小同撰,追記

班可考。

則大誤矣。《儀禮・大射儀》賈公彦疏云:「鄭不 省文,下文相足。 前疑後丞,左輔右弼,即下四輔。 及三公,不必備,惟其人。」有師保者,太 見《周官》。』《周禮・天官・小宰之職》疏亦辨鄭 此遂謂今《周官》爲真本,即趙商所見, 傳》,趙商即據以 虞夏已有之,不始于商周,而商周尤 師、太傅、太保,即下三公。 書》與孔異義處,因鄭不見古文《周官》篇云云 人之。説詳《微子》及《君奭序》。 曰:「虞夏商周 又辨曰〕閻若璩曰:《禮記・文王世子》 ,太公爲太師。太公罷,周公由太 、九侯、鄂侯爲三公,見《史記》。 乃孤卿之首,見今文《書》。 如箕子父師 東晉,趙 逸文,偶 有師 爲問,而作僞者遂采取 據此則三公之官,自 商 見 保,有疑丞、設 豊 ,即太師也。 于緯 見之? 書或《 有疑丞者, 上從 以 書 若因 此 比 四輔 注《尚 班 西 大 必 不可兼 及宣 者成 舊也。 傅

官》乃出

周

官》之

故周公、召公皆以太師、太保兼冢宰。 禮》者,古者三公多繫兼官,惟六卿是實 言其職掌 無三公歟? 位儀等,安得以不冠諸首,而謂《周禮》 夫、司服、典命、巾車、司常、射人、司士、 職、《周禮》蓋載其實 耳。《周禮》仍復故。 者,三公直名師、傅、保,不兼 公爲太師,此三公之職。」又言:「凡此其 太僕、弁師、小司寇諸職,皆及公孤之服 之立,其來 公,成王時 遷太師。 王幼,召公爲太保,周公爲太傅,太 王世,王命卿士、太師、皇父,猶仍 得其人 則 而特旁及之耳。 直虚其 官太保。 久 蓋三公無專職,六卿兼之, 周 矣。 (,可兼則兼 公薨,畢公繼 此《周 位,此《周禮》所以不 皆歷 職者也。 而 所以 之,不得其人, 官》之異 歷 賈誼 可 師氏、保 之。 不載《 言 其中宰 于古 若 一昔 公 周 氏 召

古文《書》也。 圖太師之任也,古者齊太公職之。以及 屬太師之任也,古者齊人職之。」又言:「凡此其屬少師之任 也,古者史佚職之。凡成王之成就君 也,古者史佚職之。凡成王之成就君 也,古者史佚職之。凡成王之成就君 之文,必是《周官》逸文,偶見他書,魏 屬太師之任,魯周公職之。太保之任,燕

之,日「三公典 記》:「坐而論道,謂之王公。」則論道確 恐晉人附益。蓋一代有一代官制,各不 此自謂其丞相爲三公耳,與太師、太傅、 夫者,是丙吉爲丞相,道逢牛喘,吉止問 是三公之職,此句疑亦真《周官》文。 内與王論道,外參六官之事。]又《考工 [又辨曰]《地官序官》鄭注云:「三公者 變理陰陽」語,本之《漢書•丙吉傳》, 西漢三公則 調 和 丞相、太尉、御 陰 陽,職 所當 史大

冢宰掌邦治,統百官,均四海。 〔疏曰〕《周禮》:「乃立天官冢宰,使帥其 時三公,而妄以太師、太傅、太保當之, 百官,均平 曰三公「燮理陰陽」,失之矣。 太保之三公不 傳曰〕天官卿稱太宰,主國政治,統理 四 海之内 相 涉。 僞 邦國。 作者不通 言任 西

屬而掌邦教,以佐王安擾邦國。」《太宰〔疏曰〕《周禮》:「乃立地官司徒,使帥其之教,以安和天下衆民,使大小皆協睦。〔傳曰〕地官卿,司徒主國教化,布五常司徒掌邦教,敷五典,擾兆民。

宗伯之事,此統百官在冢宰之下,當

冢尊,故治官、禮官俱得統之。

職》云:「三曰禮典,以統百官。」百官是

焉則謂之冢,列職于王則稱大。」《太宰

鄭云:「變冢言大,進退異名也。

百官

總

屬而掌邦治。

治官之屬,太宰卿一人。」

辨日〕閻若

| 據日

《周禮》十二教與唐

虞

教,名數迥别不

應,成王訓迪教官,不

孝也。」 職 偷。 等,則民 争。 謂之五典,謂父義、母慈、兄友、弟恭、子 五,周十二。 有二曰以庸制禄,則民興功。」鄭云:「虞 民知足。 誓教恤 以樂禮 則民不苟。 云: 職》云: 擾 司 亦安 徒掌十有二教。 七曰以刑教中, 三曰以 十有一曰以賢制爵,則民慎德。 契爲司徒,敬 ,則民不怠。 教 不越。 十日 也 和, 二 曰 十二細分五教爲之。 陰禮教 日 五 則民 教 以世 六日以 典 典,以 以 不乖。 親 即 事 則民 九曰 陽 ,則民不怨。 五教也。」《 五. 禮 擾 教能,則民不失 曰 俗教安,則 教。」《周禮 不暴。 萬 教 以 以 五. 民。」鄭 讓 度教節 祀 曰 則 禮 以 舜 五教 教 民 日 儀 四 民 云: 以 不 則 不 辨

> 之也 類舍其 以 國,訓萬民。 俗儒竟有于《大司徒之職》下撰其 曰朋友有信。」此等俗謬,皆僞《書》 有義,三曰夫婦有别,四曰 補之,曰:「掌建邦之五典,以佐王擾 本 朝 職 田 掌,而 而 芸人之田乎 一曰 迺 父子有親,二日 遠 引上古之制 長幼有序,五 殆 必 得 不 文 君 以以 臣 邦 毋

宗伯掌邦禮,治神人,和上下。

曰〕《周禮》:「乃立春官宗伯,使帥其屬軍、嘉五禮,以和上下尊卑等列。〔疏神、地祇、人鬼之事,及國之吉、凶、賓、〔傳曰〕春官卿,宗廟官長,主國禮,治天

「司馬掌邦政,統六師,平邦國。

굸

三日

禮典,

以和邦國

以諧萬

而掌邦禮,以

佐王

和

邦國。」《太宰職》

統正六軍,平治王邦四方國之亂者。〔傳曰〕夏官卿主戎馬之事,掌國征伐,

屬而掌邦政,以佐王平邦國。」〔疏曰〕《周禮》:「乃立夏官司馬,使帥其

「司寇掌邦禁,詰姦慝,刑暴亂。

窮也」。 刑 秋 寇刑姦順時殺。 强暴作亂者。 [傳日]秋官卿主寇賊 邦國。」其職云「詰四 官司寇,使帥 夏司馬討惡助 其屬 〔疏曰〕《周禮》: 而 法禁,治姦惡 方」,馬云「詰猶 掌邦禁,以 長物,秋司 乃 佐 立 王 刑

「司空掌邦土,居四民,時地利。

[傳日]冬官卿 官》亡。《小宰職》云:「六曰冬官,掌邦 商 弓車之屬。」與此主土居民,全不相當 萬民。」馬云:「事職掌 事。」又云:「六日 吐 (冬官》既亡,不知其本。 生百穀,故曰 四人,使順天時,分地利,授之土。 主國空土以居民,士 士。 事職,以富邦國 (疏 曰 百工器用、耒耜、 《禮記 》周禮 王制 一, 以 農 • 養 冬 能 工

> 民。」足 記 事也。❶ 司 空之事云:「量 明 《冬官》 本 地以制邑, 有 主 土 度地 居 民 以 之 居

五〇

然陳氏 典。 度地 職,三曰 刑,冬官掌邦事。 教,春官掌邦禮,夏官掌邦政 予謂 掌邦土,居四 作,與周 書》者以《王制》補之。《王制》漢儒 「辨曰〕閻若璩曰:《冬官》亡,魏晉 事職。 禮 太宰之職: 居民,山 小宰之職: 振 禮職, 典不類。 四日政 則司空斷宜曰掌邦事,彼易 孫 疑 川沮 民 四 邦土、邦事,灼然不同 天官掌 典,五 一曰治典,二曰教典,三 曰 又,一曰 時 澤,時四時。」非「司空 彼文云:「司空執度、 政 地利」之所出乎? 職, 日刑 邦治 治 五. 典,六 地官掌 曰 秋 職 刑職 三 三 曰 官 日 掌 間 教 邦 邦 所 作

❶ 「土」,原脱,據《尚書正義》補

《周禮》聖人書,雖一字不可擅易如此。 不止 邑,立社稷、宗廟,造宫室、車服、器械」, 知司空之職,鄭氏謂其「掌營城郭, 司空,平水土」,遂以爲 空,又曰 土者,亦 邦土,惟事字方包括 「聃季授土」。今文《書》「禹 以《左傳》定四年「聃 所 自 得 出 盡 乎? 季 益 建都 爲 見 作 司

兆民。 「六卿分職,各率其屬,以倡九牧,阜成

黜

陟。

民之性命。
〔傳曰〕六卿各率其屬官大夫士,治其所

分,用于 寇、冬官司 三公,蓋參天子坐而議政 官司徒、春官宗伯、夏官司馬、秋官 亡聞焉,《周官》則備矣。天官冢宰、 辨曰》《漢書 百 事。 空,是爲六卿,各有 百官公卿 太師、太傅、太保,是 表》云:「夏、殷 ,無不總統,故 徒 屬 地 爲 司 職

> 制 「六年,五服一 焉。 度 之。」並與此篇合,知此 不 師、少傅、少保,是爲 以一職 于四 記 日 岳。 三公無官,言有其人然后 爲官名。 朝。 諸侯各朝 又六年,王乃時巡,考 又立三少爲之副 孤 篇文皆有本。 卿,與六卿爲 于方岳,大明 充 九

法。〔疏曰〕此篇説六卿職掌,皆與 于四岳之下,如虞帝巡守然。 秋西、冬北、故曰時巡。 [傳日]五 《周禮》之法,而《周 侯,各朝于方岳之下,大明考 朝會京師。十二年一巡狩,春東、夏南 •大行人》云:「侯服歲一見,其貢祀 符同,則「六年,五服 甸服 見,其貢器物。 二歲一 服、侯、甸、男、采、衛。 一見,其一 禮 采服 **※**無 貢 考正制度禮法 嬪 四 此法也。 朝」,亦應 績黜陟之 覲 男服 四方 六 年 見,其 《周 (()) 周 諸 是

禮,叔 年 向 巡」,「諸侯各朝于方岳」,亦相 也。 先儒未嘗措意,不知異之所繇。 事與《周禮》不同,謂之前代明王之法。 爲,三年一朝,六年一 者,皆云見謂 古以來,未之或失也。」説《左傳》者以 制,使諸侯歲聘以志業,間朝以 之諸侯 貢 · 具爾。 六歲 盛陳此法,以 而 而會以示威,再會 服 敬 昭十三年《左傳》叔向 再會 會,與此「六年,五服一 物。 向妄説,齊人當以 各以 以 見,其 衛 《大行人》所云,見者皆言貢 從 而 服 命乎 服數 盟,與此十二年「王乃 來朝 Ŧī. 貢貨物。」先儒 懼 歲 ? 來朝,無 齊人使盟 也。 一見,其貢 而盟以顯 明 會,十二年而盟 周 必如 辭拒之,何所 有此法, 六 云:「明王之 朝」,事相 一,若周 (所言 年 當 昭明。 説《周 (材物。 講禮,再 計彼 也 禮 朝 自 時 之 此 叔 周

> 乎 ? 服爲 巡行,故云「時巡」。 典》所云春東、夏南、秋西、冬北,以四 會而 殷國」,是周制十二年一巡守也。 不數也。《大行人》云「十有二歲王巡守 外逼四夷,不必常能及期,故寬言之而 應六服俱來,而此惟言「五服」。 成王謬言,叔向妄説也 而會」乎? 不云年限,「時見日 云:「時見曰會,殷見曰同。」時見、殷見, 同律度量衡」已下皆是也。 岳之下,如虞帝巡守然。」 或 侯、甸、男、采、衛,蓋以要服路遠, 盟」乎? 遣 可 使 因 貢 「殷見曰同」,何必不是「再 貢 物, 周 而 公制 見,何 亦 會」,何必不是 應 「考正 禮,若無此法,豈 可矣。 ? 必皆是 計六年大集, 制度禮 據《舜典》 《大宗伯 君 孔以五 「再朝 朝

來朝。近者每年一次,或二年一次,其〔辨曰〕據《秋官・大行人》,則六服分年

[又辨曰]閻若璩曰:《禹貢》五服,曰

甸

慎乃出令,令出惟行,弗惟反。以公滅私,王曰:「嗚呼! 凡我有官君子,欽乃攸司,

覲遇之外,今欲牽合僞《周官》,而遂指 《大行人》之所 正禮。 叔向云 爲朝之常法,皆非 盟。 明非周制。 疏因 而見之變禮。 十二年一巡守之文緊相承接,明係朝之 十二年一盟,即《周官》十二年一巡。 《周官》説,傳記無考,惟 來,不必 相合,故孔疏援以爲據。 一聘,三年一 以 杜注謂「十二年有 今欲伸 「明王之制」,又云「自古以來」, 六年 分年來 且《大行人》所云見者,與下 一會,即《周官》六年 朝, 謂 偽《周官》,而强指爲因 《大宗伯》所云會同 時 也 也。 六年一會,十二年 會 殷 二説 同,明係在朝 四朝」是也。 叔向之説, 蓋叔向説一 不 · 同。 似與 今 朝。 貢 年 但 孔 僞

年五

服

盡

來

朝

是

五

服

總

在

内

各以

遠

近

爲

差。

據今爲《周

官

則

伍

五三

民其允懷。

[傳曰]有官君子,大夫以上。嘆而戒之,任明曰]有官君子,大夫以上。嘆而戒之,不惟反改,若二三其令,亂之述。以公平滅私情,則民其信歸之。道。以公平滅私情,則民其信歸之。道。以公平滅私情,則民其信歸之。汗,治而不反者也。令出而反,是反汗,治而不反。」

怠忽荒政,不學牆面,莅事惟煩。常作之師,無以利口亂厥官。 蓍疑敗謀,「學古入官,議事以制,政乃不迷。 其爾典

錯。 法,無以利 不學,其猶正牆 必敗其謀。 凡制事必以 〔傳曰〕言當先學古訓,然後 其汝爲 怠惰 口 政,當 古 辨佞 義議度終始, 政乃 面 忽略,必亂其政。 以 亂其官。 而 議 立,臨政事 典 常故 積疑不 人官治政。 事 ,必煩。 不迷 人而

聞學而後入政。」
〔疏曰〕襄三十一年《左傳》子産云:「我

《周官》在後,顯然可見。 語》取來。試平心讀之,《論語》在前,僞無《論語》,茫然不識所謂,明係從《論議事以制」,此襲取之。「牆面」二字,若

斷,乃罔後艱。「戒爾卿士,功崇惟志,業廣惟勤,惟

克

果

斷行事,乃無後難。掌事者。功高繇志,業廣繇勤,惟能果〔傳曰〕此戒凡有官位,但言卿士,舉其

之業」、《左氏》「學人舍業」、《禮記》「大業如鋸齒,或曰畫之。」●《爾雅》「大板謂傳曰:「業,大板也。所以飾栒爲縣捷。〔辨曰〕閻若璩曰:《詩》云「虡業惟樅」,

❶ 「曰」,原作「白」,據阮刻本《毛詩正義》改。

所上古文《尚書》,其不足信明矣。 樂羣」是也。然三代《詩》、《書》之文,並 《詩》之「赫赫業業」、「有震 借爲敬謹之業。 人之業」、「盛德大業」、《禮記》之「敬 之業。《易傳》「進德修業」、「可大則 凡人所執之事,亦當敬謹,故借 功廢業」,並 此義,而「業廣惟勤」一語,乃出 謂 此 《書》之「兢兢業業」, 也 0 縣者常 且業」是也。 防其 爲 墜,故 事 業 業 賾 賢

居寵思危,罔不惟畏,弗畏入畏。僞。作德,心逸日休。作僞,心勞日拙。「位不期驕,禄不期侈。恭儉惟德,無載爾

當恭儉 期而 雖 傳曰」 百百 居 而 .端 侈自來。 行 于, 爲 ,惟以立德,無行姦僞。 貴不與驕期 寵 當當 心 心勞苦, 逸豫 思 驕侈 危 懼,無 而 ,而事 而 以 名且美。 驕自至,富不 行 ,日拙 ?己,所以速亡。 所不 畏。 ,不可爲。 爲德,直 爲僞,飾 若乃 ·與侈

不畏,則入可畏之刑。

《書》 則人可畏之刑。」用范注也 畏」,范望注云:「家性爲理,違出其表, 正邪,故曰入畏。」僞傳云:「若乃不畏, 未有所畏,故曰 畏」,本《太玄》「禮次七,曰出禮,不畏入 年《左傳》君子曰:「《詩》曰:『淑 子恭儉,豈可以聲音笑貌 粱肉至,粱 止,無載 辨曰 寵」,以合戒飭百官之意。 貴不與 曰「居安 爾僞。」」又襄十一年《左傳》引 富 戰國策》平原 肉 期 不 而 思危」,今此改「安」作 ·與驕奢 不畏。 富至,富 君謂 期 出禮 不 爲哉。」襄二十 而 與粱 公子 驕 入刑,刑以 「弗畏入 奢 至 牟 肉 慎 期 曰 爾 而

庞,亂也。所舉能脩其官,惟汝之功能。〔傳曰〕賢能相讓,俊乂在官,所以和諧。官,惟爾之能。稱匪其人,惟爾不任。」「推賢讓能,庶官乃和,不和政庬。舉能其

舉匪其人,亦惟汝之不勝其任。

安隨其後。」 (辨曰〕《荀子•仲尼篇》:「推賢讓能,而

無斁。」爾有政,以佑乃辟。永康兆民,萬邦惟爾有政,以佑乃辟。永康兆民,萬邦惟王曰:「嗚呼! 三事暨大夫,敬爾有官,亂

周德。長安天下兆民,則天下萬國惟乃無厭我所有之官,治汝所有之職,以助汝君。所有之官,治汝所有之職,以助汝君。

之文,而改其義也。「三事暨大夫」。總承上文之辭,用《詩》公,此則欲並孤與六卿之屬皆及,故曰公,此則欲並孤與六卿之屬皆及,故曰〔辨曰〕《詩》有「三事大夫」,鄭箋專指三

君

陳

王若曰:「君陳,惟爾令德孝恭。惟孝友于

兄弟, 孝恭」一語,方接以此文。而又嫌孝字 晏集解載漢包咸注云:「孝乎惟孝,美大 屬下文,作六字句,以見能孝者必能友, 複疊,遂删去「孝于」二字,割 太突,不便接上「君 之弟,必孝且友,故以二語實之。 子伯禽弟也。」意其人爲周公之子伯 鄭注《禮記・坊記》云:「君陳,蓋周公之 語》所引《書》,未知的出何篇,僞作 孝之辭。」則三句皆四字句無疑。《論 恭,非此其誰也。」《論語》:「《書》云: 謂晉襄公曰:「驩此其孫也,而令德孝 令正此東郊,監殷頑民,教訓之。 「孝乎惟孝,友于兄弟,施于有政。」」 辨曰〕「令德孝恭」,本之《周語》單襄公 傳曰〕言其有 克施有政。 善父母者,必友于兄弟,能施有政。 令德,善 命汝尹兹東郊,敬哉 陳」,先裝「惟 事父母,行己以 取 「惟孝」 爾 :者見 令德 又嫌 禽 何

浮圖 成石 句 原以「孝于唯孝」爲句,「于」字必不可爲 并亂《論語》之文也。 云孝乎」爲句矣。此則因僞《書》之謬而 丘希範《與陳伯之書》、獨孤及《衢州 序》、梁元帝《劉孝綽墓志銘》、唐李善 故晉夏侯湛《昆弟誥》、潘岳《閑居賦 惟《論語》釋文云:「孝于,一本作孝乎。」 班固《白虎通德論・五經》篇引並 覽》載華嶠《漢後書》劉平、江革等傳序, 孝」,其殘字載于洪适《隷釋》。 必 士參軍李府君墓志銘》、王利貞《幽州 本山井鼎所引足利本《論語》正如此。 殊不知蔡邕石經《論語》本作「孝于惟 郊」從政字帶下。 絶,作「乎」者非是。 能施于政 經遂定作「乎」,至宋儒且以「《書》 頌》,皆用「孝乎惟孝」之句。 事。 其下即 湊泊彌縫,痕 豈知古本《論語》 且傳記引《書》, 以 本 題 《太平御 一尹 迹宛然。 一同,日 後開 兹東 石 司 注

句,實係晉人僞《書》,不足信也。云孝乎」,不成句法,其割「唯孝」下屬成從無撮取其中一字先爲提唱者。「《書》

兹率厥常。懋昭周公之訓,惟民其乂。「昔周公師保萬民,民懷其德。往慎乃司,

其治。常法而教訓之。勉明周公之教,惟民德。今往承其業,當慎汝所主,此循其德。今往承其業,當慎汝所主,此循其

保萬民,爾環兹率舅氏之典。」齊侯命曰:「昔伯舅太公,股肱周室,師〔辨曰〕襄十四年《左傳》,王使劉定公賜

日孜孜,無敢逸豫。聲,明德惟馨。』爾尚式時周公之猷訓,惟『我聞曰:『至治馨香,感于神明。黍稷非

之氣,乃明德之馨。汝庶幾用是周公之芬芳馨氣動于神明。所謂芬芳,非黍稷〔傳曰〕所聞古聖賢之言,政治之至者,

寬暇逸豫。 道教殷民,惟當日孜孜勤行之,無敢自

由聖。「凡人未見聖,若不克見。既見聖,亦不克書》曰:『黍稷非馨,明德惟馨。』」(辨曰〕僖五年《左傳》宮之奇曰:「《周

以無成。
「傳曰」此言凡人有初無終,未見聖道如

己弗克見。既見聖,亦不克由聖。」〔辨曰〕《緇衣》引《君陳》曰:「未見聖,若

而變,猶草應風而偃,不可不慎。〔傳曰〕汝戒勿爲凡人之行。民從上教爾其戒哉!爾惟風,下民惟草。

簣」、「牆面」,其割剥痕跡,正與此同。中先有《論語》,方撰出此文耶! 「一明白。今但云風草,若猜謎者然,豈非胸〔辨曰〕《論語》有「草上之風必偃」句,意方

師虞,庶言同則繹。「圖厥政,莫或不艱,有廢有興。 出入自爾

同。」無「則繹」二字。 (辨曰〕「圖厥政」句,本之《多方》。《緇之。衆言同,則陳而布之。禁其專。之。衆言同,則陳而布之。禁其專。原,有所起。出納之事,當用汝衆言度原,有所起。出納之事,當用汝衆言度

曰:「臣于人者,皆順此道,是惟良臣,則順之于外,曰:『斯謀斯猷,惟我后之德。』順之于外,曰:『斯謀斯猷,惟我后之德。』順之于外,曰:『斯謀斯猷,惟我后之德。』

其事君皆若是。」王氏《困學紀聞》云:不顯諫,欲其由君出也。古之良大夫,露•竹林》篇所引同,而釋之云:「忠臣〔辨曰〕此《坊記》引《君陳》語。《春秋繁君顯明于世。」

諛,中 之也。 例可 此 之言,則取 紂,非予武」云云。 陳》云云,善則稱親 試取《坊記》讀之,善則 爲之乎? 今亦未敢定此語 爲愛君。 而 求名之疑不可 字,其弊爲諛,闇愎之君,誦斯言則 君之法,然君 先 語 不知此未必 儒 非汝武, 知 僞作《君陳》者,止見《書序》有「周 所自來,則孔 主所不爲,而謂 謂 也。 蓋 命 成 出于君之告臣,則爲導諛。 此言若出于臣工自相告戒,則 君 證《君陳》亦 Ŧ. 假若文王告武王曰「汝克 唯朕 不可以是告其 失言。 陳 爲成王之言,乃作僞者爲 解矣。」王氏知此語之非 分正 無 子引入《坊記》者也。 取 則 罪」,可乎? 蓋 東郊成周,作《君 證《太誓》爲人子 三代令辟如成王 必爲 善 引《太誓》「予克 稱 削 君,則引《君 出 臣 人臣之言 稱 何人。 君 順 不可 歸 之 固 但 调 事

爾惟勿

宥。

惟

厥

中。

有弗若

于汝政,弗化

于汝訓,辟以

近時

乃辟。

狃

于姦宄,敗常

亂

俗,三細不宥

更夾 語 稱 良顯哉」,鄭于《坊記》注本以爲 陳》」,遂 17,尤非 美君德之詞, 以臣語 通 篇 一如《顧 俱 而此乃作成王嘆美此臣 作 成 命 王 常篇 語 體 安 耶 知 ? 臣 當 是「惟 П 日 中 不

威 「殷民在辟,予日 王 曰:「君陳,爾 政。寬不失制 勢位作威人 傳曰]汝爲政當闡 無倚法以 、削,寬 上,無 , 動 惟 辟,爾惟 而 弘 不失 大 依 有制,從容以 周公丕訓 法 周 和 勿 公之大訓,無 制 ,德教之治 辟。 以行刻削 **無** 予日 和 依 勢 作 乘

汝教,刑之而懲止犯刑者,乃刑之。習中正平理斷之。有不順于汝政,不變于汝勿刑。我曰赦宥,汝勿宥。惟其當以〔傳曰〕殷人有罪在刑法者,我曰刑之,

于姦宄凶惡,毀敗五常,亂風俗,罪雖

小,三犯不赦。

〔辨曰〕《文王世子》:「公曰:『宥之。』有

司曰:「在辟。」」

其或不修。進厥良,以率其或不良。其乃有濟。有容,德乃大。簡厥修,亦簡「爾無忿疾于頑,無求備于一夫。必有忍,

至勉其有不良者,使爲善。 [傳曰]人有頑嚚不喻,汝當訓之,無念 至勉其有不良者,必有所含忍,其乃有所成。 爲人君長,必有所含忍,其乃有所成。 爲人君長,必有所含忍,其乃有所成。 以勸能,惡以沮否。進顯其賢良者,以 在所包容,德乃爲大。欲其忍恥藏垢。 以勸能,惡以沮否。進顯其賢良者,以 之。使人當器之,無責備于一夫。

若能有濟。」」注:「若,猶乃也。」語》富辰曰:「《書》有之曰:『必有忍也,〔辨曰〕《論語》:「無求備于一人。」《周

惟民生厚,因物有遷。

違上所命,從厥攸

有辭于永世。」 大猷。惟予一人膺受多福,其爾之休,終好。爾克敬典在德,時乃罔不變。允升于

六〇

道。 正。』《緇衣》:「下之事上,不從其所令, 多福,無凶危。 德,是乃無不變化其政教,則信升于大 不可不慎所好。 人之于上,不從其令,從其所好,故人主 從其所行。 汝之美名,亦終見稱誦于長世。 之物,有遷變之道,故必慎 、辨曰〕成十六年《傳》:「民生厚而德 〔傳曰〕言人自然之性敦厚,因所見所習 汝能升大道,則惟我一人亦當受其 上好是物,下必有甚。」 非但我受多福 汝治人能敬,常在道 所 以示之。 而已,其

畢命

惟十有二年,六月庚午朏,越三日壬申,王

公保釐東郊。〔《釋文》曰〕朏,普忽反,徐芳尾反,又朝步自宗周,至于豐。以成周之衆,命畢

芳憒反。

朝,直遥反。

命霍侯 于豐。 朏。 庚午,故《畢命豐刑》曰:『惟十有二年六 志》云:「康王十二年六月戊辰朔,三日 言何所道也。 辭,妄言作《豐刑》耳。 作者傳聞舊語,得其年月,不得以下之 月庚午朏,王命作策書《豐刑》。』」此 有僞作其書以代之者。●《漢書 東郊,令得所。 成周之民衆,命畢公,使安理 説文》云:「朏,月未盛之明也。」此日未 公玄所 日]康王即 于朏三日壬申,王朝行自宗周,至 (之事,不同與此序相應,非也。) 宗周,鎬京。 見 又 似異于《豐 鄭玄云:「今其逸篇,有册 位十二年,六月三日庚 [疏曰]漢初不得 豐,文王 亦不知《豐刑》之 刑》,皆妄作也。 一所都。 治正成 此篇, 律 歷 周 午

「锌豆」到次作《三流图》,狂氏形人《律本,猶如記朔望與生魄、死魄然也。有事而記此「庚午朏」者,爲下言壬申張

《畢命》之誤。 《帝告》篇,亦古、今文俱無,安知非安國 字。 命》。 如伏生所傳者乎? 所得壁中書,整篇之外復有零章剩句 謂鄭所述二十四篇之目内,《冏命》即 逸篇,非亡篇,鄭固親見之矣。 云「今其逸篇有册命」云云,則《畢命》乃 無,不知劉歆從 目,載于《尚書》疏者,有《冏命》,無《畢 所引則于「作策」下多一「書」字,凡十 歷志》中,載《畢命》文凡十六字。 辨曰〕劉歆作《三統歷》,班氏采 鄭玄所述古文《逸書》二十四篇之 閻氏若璩遂謂:《畢命》古、今文皆 此説是也。 何得之。《書大傳》有 閻此説非是。 祗因永嘉之 惠氏棟 入《律 鄭明 此 疏

「僞」,原作「爲」,據《尚書正義》改。

《序》云:「分居里成周郊。」遂兼采之,組 廟仍在,故成王居鎬京,則至豐,以宅洛 作僞者亦已不詳其説,無從撰造,故竟 周,則至于豐。」《詩》云:「赫赫宗周。」 亂 爲戊辰,至其年之甲子,則 巳之月,非夏 事告文王廟。 王居豐,武王于豐立文王廟,後遷都 棄之耳。孔疏 至于《豐刑》之義及「册命霍侯之事」,則 織揍合,以成此一節,爲通篇之緣起。 命。」《召誥》云:「越六日乙未,王朝步 十二年夏六月壬申,王如豐,錫畢 文,冠之篇首,又以汲郡古文云::「康王 〔又辨曰〕《律歷志》所引六月,乃周正 歷志》載僧一行《大衍歷》日度議 周,鎬京 逸書》已亡,作僞者采取《律 Ē 見《召誥》,此襲用之。 也、去豐二十五里。 反以《律歷志》爲妄,謬 是月朏爲庚午,則朔 未可 知。 歷 蓋文 《 唐 自 建 而

> 未詳。 志》所引不合,何以三日庚午適合,亦 言《紀年》用夏正,若果然,則尤當與《律 《紀年》乃僞書,一行據之,恐非。或又 朔,三日庚午。此乙酉出《竹書紀年》。 則以康王十二年爲乙酉歲,六月戊辰

大德于天下,用克受殷命。 王若曰:「嗚呼! 父師,惟文王、武王,敷

侯,是爲東伯也。 代周公爲太師,故爲父師。率東方諸 天佑之,用能受殷王之命。〔疏曰〕畢公 之代君陳。言文、武布大德于天下,故

生見いに言むこう妥 三灰 えっこう (辨曰)「父師」二字本《微子》。

〔傳曰〕言周公助先王安定其家。惟殷紀,世變風移,四方無虞,予一人以寧。遷于洛邑,密邇王室,式化厥訓。既歷三「惟周公左右先王,綏定厥家,毖殷頑民,

頑民。 周已歷三紀。 三十左右,至今應三十六年,是殷民 周公以攝政 頑 漸化 民 十二年 化 成王在 其教。 四 方無可 叛 (七年營成周,成王元 Ė 亂 位之年雖未 紀。 已經三紀,世代改易, 故徙 度之事,我天子用安 父子曰世。 于洛邑,密 知,其實 / 疏 年遷 當 近 遷 在 殷

五. 可取 《史記》紀年,起共 三十年。 合,當以鄭 辨曰」「既歷三紀」者,意蓋以 歆以 年,至七年之十二月晦,方致政 歷,過也。 4,其所 劉歆《三統歷》載《律歷 康王十二年,是已得四 爲主。 推 年事。 翫《金縢》、《康誥 年月 既歷者,又過六 《召誥》營洛 據其 和庚申,其前皆不 日 則與 年月以 鄭康 志》者雖 》、《召誥》、 成王 事 推 成皆 在 年也。 . 居 即 口 有 政

紀」,則从 鄭、孔所差只二年,若此節所云「既歷三 不合。 崩,鄭 魄,則 望 ? 之也,則其意 成王即政年數,必以爲三十年矣。 誥》俱从肅注,然則肅與僞孔雖不明言 四十年,从孔爲四十二年,故云「既歷」。 言「成王三十七年陟」,蓋連居攝七年數 書紀年》正王肅、皇甫謐 作《洛誥》,成王年二十」。 説已詳《顧 政三十年崩 「武王崩,成王年十三,周公攝政七 則以 所推 與《鄉飲 王肅《金縢》注,背鄭从歆,又言 鄭、从孔 爲受命七年崩,是以所推並 命》。 月日皆誤 ,鄭言二十八年崩,差二年, 亦與王肅、僞孔合。 酒 始 注 自 飲又言文王受命九 義》顯背。 也。 ,二者皆得通 明。 可 自是 知。 歆 又以 三日 輩人所爲。 僞孔注《洛 歆 言 既 已誤 望爲「 ,从鄭爲 成 何 《 竹 王 年 即 牛

年。閻説非也。 即此後在位只有二十四年,連康王十二年,適三十六年數內,遂誤認作《召誥》、《洛誥》在成王即政之七年,謂:作僞者誤認《三統歷》之攝政七年,即在成王三十謂:作僞者誤認《三統歷》之攝政七年,即在成王三十二,以其立文之巧,模棱持兩端者也。閻若璩此其立文之巧,模棱持兩端者也。閻若璩

必然。 (又辨曰〕此特因《多士》、《多方》、《洛 必然。

室下,罔不祗師言。嘉績多于先王,予小率下,罔不祗師言。嘉績多于先王,予小勸。惟公懋德,克勤小物,弼亮四世,正色同道有升降,政由俗革,不臧厥臧,民罔攸

子垂拱仰成。」 民 佐 有不善,以法御之。 俗改更之理。 傳 無 文、武、成、康,四 曰〕天道有上下交接之義,政教有 所勸 民之俗善,以善養之。 公勉行德,能 若乃 一世爲 公卿,正 不善其善 勤 小 色率 「, 則 俗 用

> 理。 受成。』《淮南子· 成。』《後漢書 先人之美。 朝。』《漢書· 訪于辛、尹,重以周、召、畢、榮」,則畢公 下,下人無不敬 小物。」《公羊傳》曰:「孔父正 于文王之世已爲大臣。 武王之佐:周公、召公、太公、畢公、毛 辨曰〕《晉語》知伯國曰:「夫君子 武王垂拱而受成功。」 [疏曰]《晉語》説文王「詢于八虞, 我 薛宣傳》曰:「馮 · 孝章八子傳》曰: 小子爲王, 仰 師 道 法。 應訓》高 公之善功 垂拱 色 誘注曰: 翊 仰公成 而 垂 垂 多大 洪蒙 能 立 拱 于 勤

里,明其爲善,病其爲惡,立其善風,揚〔傳曰〕言當識別頑民之善惡,表異其居克畏慕。申畫郊圻,慎固封守,以康四海。癉惡,樹之風聲。弗率訓典,殊厥井疆,俾癉惡,人哉! 旌别淑慝,表厥宅里,彰善王曰:「嗚呼! 父師,今予祗命公以周公

海。京圻安,則四海安矣。之。又當謹慎堅固封疆之守,備以安四之。又當謹慎堅固封疆之守,備以安四所以沮勸。郊圻雖舊所規畫,當重分明居田界,使能畏爲惡之禍,慕爲善之福,其善聲。其不循教道之常,則當殊其井

之文六年《左傳》,云君子「並建聖哲 明,宋刻《禮記》據僞《書》妄改。 字、《尚書》作善。」皇云:「義,善也。」然則此字作義甚 之風聲」,●「告之訓典」。 **擅惡」,宋板竟改爲「章善擅惡」。** 衣》本非引《書》,何妨各成其是。 惡,以示民厚」。 韜》,云「旌别淑 句本之《緇衣》,云「有國家者,章義 郊」之意。「旌别」二句本之太公《六 義」作「善」,且不必 「辨曰〕此節敷衍《序》中「分居里,成周 論。 慝,表其門間」。 此本僞《書》襲《緇 即使偽《書》果可信, 「樹之」二句,本 陸德明 乃唐石經尚作「章義 **云**: 「彰善」 衣》,而 「章義 而 《緇 擅 如

靡,利口惟賢,餘風未殄,公其念哉! 一政貴有恒,辭尚體要,不惟好異。 商俗靡

> 紂以 韓宣子稱,❷紂使 民利口餘風未絶,公其念絶之。〔疏曰〕 故 傳 貴 曰]政 八尚之。 靡 靡,利口惟賢,覆亡國家。 以 若異 義 師延作靡靡之樂。 于先王,君子所 爲 常 辭 以 理 實 今殷 不好。 爲 要,

靡,相隨順之意。

艱。 乃大訓。不由古訓,于何其訓?」 驕淫矜侉,將由惡終。 殷庶士,席寵惟舊,怙侈 「我聞曰:『世禄之家,鮮克由禮, 實悖天道。 資富能 訓 ,惟以永年。 敝化奢麗,萬 雖收放 滅義,服美于人。 惟德惟義,時 世同 心,閑之惟 流。」 蕩 兹 陵

陵 此殷衆士,居寵 化,車服奢麗,雖 傳曰]世有禄位 邈有德者, 如此實亂天道。 日 而無禮教,少不以 相 久,怙恃奢侈,以 去 一萬 世,若同一流。 敝 滅德 俗相 放 湾

❶ 「樹」,原脱,據《左傳》補

^{▶ 「}韓宣子稱」,原作「韓非子」,據《尚書正義》改

順。 閑禦,其 美于人,必以惡終。」《孟子》曰:「有放心 惟 自 而 、辨曰〕襄二十七年《左傳》叔 終。 不知求。」 其 미 若不用古訓典籍,于何其 以長 所 服 能 雖 飾 心 今順 以以 年 過 惟難。 命矣。 制 自侉大,如 從周制 美 以富資 于 惟 其 有 心 此 民 德 未 而 不 義, 厭 能 變 孫 能 驕 服 順 恣 順 是乃 曰:「服 將用 義,則 以以 乎? 過 制 大 禮 惡

聞。 后協 始,惟 公其 王 四 士,不剛不柔,厥 若先王 克 夷 曰 左 子孫 惟 心, 君陳克 「嗚呼! 一衽, 罔 .. 時 同 既 成烈,以 訓 成 厎 厥心。 其 周,建無窮之基,亦有 于道,道洽政治,澤潤 和厥中, 不 成 . 咸 父師, 德允修。 式, 休于前政。」 罔 賴,予小子永膺多 惟乂。 日 惟公克成厥終。 邦之安危,惟兹 民 寡, 惟周公克慎 嗚 惟 呼 慎 ! 無 生民。 厥 窮之 厥 殷

事。 其中。 生民。 本之《荀子・君道篇》云 法,惟以治。 爲周家立無窮之基業,于公亦有 亦長受其多福。公其惟以是成周之治 衽之人,無不皆恃賴三君之德,我 至普洽,政化治理,其德 君合心爲一,終始相成,同致于道。 階,能慎其始。 德政信修 盡其心。 而 三后」二字,見《吕 傳 틴。 ,以聞于後世。 日 敬順文武成業,以美于前人之政。 畢公闡二公之烈 三不剛 治 言 東夷、西戎、南 無曰人少不足治,惟在 之不 邦 立。 國 人之爲政,無曰不能,惟 不柔」句,見《 剛 所 周 君陳 以 不 公遷殷頑 後世子孫 安 「刑 》。 柔,寬 弘 危 蠻、北狄,被髮左 周 能 澤惠 惟 公之訓,能 猛 澤潤 詩 澤被生 成其終。 民,以 在 相 順公之成 施 和 濟 商 生 無窮之 乃 此 小小子 浸潤 民 民」, 其 頌 消 則 殷 在 道 \equiv 亂 其 和 +

君 牙

冰畏陷,危懼之甚。今命汝爲我輔翼股大,己才弱,故心懷危懼。虎尾畏噬,春我小子,繼守先王遺業,亦惟父祖之臣,我小子,繼守先王遺業,亦惟父祖之臣,。王之旌旗畫日月曰太常。惟

太常。」司勳》云:「凡有功者,銘書于王之司勳》云:「凡有功者,銘書于王之肱心體之臣。言委任。〔疏曰〕《周禮・

耶 ? 常。」惠棟曰:今譌作「大帝」。梅賾所據乃善本。 膂」,本之《周語》太子晉語。 之詞。」《君牙》出東晉,永安得見,況本作「先王之臣 經云:「亦惟先正,克左右。」師古曰:「《周書・君牙 語。 惟先正,克左右」。《漢書・谷永傳》,永上書引 解》,云:「用大正,順天思序,紀于太 〔辨曰〕「惟乃祖乃父」句,本之《 予翼」二字本之《皋陶 「忠貞」二字,本之《左傳》荀息對晉獻公 若蹈虎尾」,本之《易・履卦 亦惟先正」二句,本之《文侯之命》「亦 涉于春冰」,本之《詩》「如履 方」句,本之《顧命》「其能 師古非是。永所引乃《文侯之命》文也。 「紀于太常」、本之《逸周書・常麥 謨》。 而 · 彖 「股肱 亂 盤 四 冰」。 庚 一方 っ。 解》。 心

「續乃舊服、無忝祖考、弘敷五典、式和民

一六八

之中。 則。 置 民 其易,民乃寧。 亦 爾身克 惟日 夏暑 [怨咨。 雨,小 正 罔 敢 民 厥惟艱 弗 惟 正 日 怨咨。 哉 民 心 罔 思其艱以 冬祁 中 惟 爾

天不 嗟。 則。 當思慮其難,以謀其易,民乃寧 中,從汝取中。 夏月暑 考之道,大布五常之教,用 傳曰〕繼汝先祖 汝身能 可怨,民猶怨嗟,治民其惟難哉 冬大寒,亦天之常道,民 雨,天之常道,小人 正,則下無敢不正 必當 故 所 正身示民 服,忠 和 惟 勤 民 日 無 猶 以 ,令有法 民 怨嘆咨 辱 怨咨。 中正。 累 無 祖

注云: 則 仍是虞 緇衣》引《君雅》曰: 辨曰〕君牙是司徒,故云「敷五典」。 此字下屬爲句。 怨資。冬祈寒,小民亦惟曰 「資當爲至,齊人語聲之誤也。」然 制 非 周 制矣。 僞孔以咨音同資,義 「夏日暑雨 説見《周官 怨。」鄭 ,小民惟 彼 但

> 易」。 非也。 齊,乃删去「日」,使亦爲三字句,若《緇 此資改爲咨,以見其當上屬怨字。 可 衣》引《書》失其本文,而鄭誤讀誤解者, 冬祁寒」成三字句,與「夏日暑雨」不 與 怨 連, 思艱」句本之《老子》「圖艱于其 遂 于 下 句「 怨一下 添「咨」, 于是 而

烈 ! 追 明乃訓,用奉若于先王,對揚文武之光命, 嗚呼! 配于前人。」 啓 佑我後 丕顯哉,文王 人, 咸 以 _謨 ! 正 罔 丕承 缺 哉, 爾 惟 武 敬 王

汝惟 道。 承奉。 于前令名之人。 傳曰]文王所謀大顯明,武王 當敬 答揚文、武光明之命,君 開助我後嗣,皆以 明 汝五教,用奉 正 順于先王之 道 臣 業美大可 無邪缺 各追 配

句,本《顧命》「用答揚文武之光訓」。〔辨曰〕「丕顯」六句,見《孟子》。「對揚」

「追配」句,本《文侯之命》「追孝于前文

。 。

可人。 之治亂在兹。率乃祖考之攸行,昭乃辟之 王若曰:「君牙,乃惟由先正舊典時式,民

當循汝父祖之所行,明汝君之有治功。舊典、文籍是法,民之治亂在此而已。〔傳曰〕汝惟當奉用先正之臣所行故事、

冏命

丕后,怵惕惟厲,中夜以興,思免厥愆。 王若曰:「伯冏,惟予弗克于德,嗣先人宅

昔在文武,聰明齊聖,小大之臣,咸懷忠有怵惕之心。」《易》:「夕惕若,厲。」思所以免其過悔。〔疏曰〕《祭義》:「必位,人輕任重。常悚懼惟危,夜半以起,位,不輕任重。常悚懼惟危,夜半以起,

良,其侍 有不臧。 厥辟,出 御 入起居, 罔 下民祗若,萬邦 僕從, 罔 有 匪 不 正 成休。 欽,發號施令, 人。 以 日 一夕承 弼

其 化 故君出 僕役 無有 小臣皆良,僕役皆正,以 臣雖官有尊卑,無不忠良。 傳曰〕聰明,視聽遠。 從 不善。 官, 入起居,無有不敬 官雖微,無不用中正之人。 下民敬順其命,萬 齊聖,通 旦夕承輔 給侍、 發 號 無 或 施 其 進 滯 皆 御、 礙 令, 美

咸休。」解》:「發號出令。」《洛誥》:「萬邦解》:「發號出令。」《洛誥》:「萬邦

烈。今予命汝作大正,正 巧言令色、便辟側媚,其惟吉 臣,懋乃后德,交修不逮。 匡其不及,繩愆糾謬,格其 惟予一人無良,實賴 左 右 慎簡乃僚,無以 于羣 非 前 士。 後 心,俾克紹先 有位之士 僕侍御之 僕臣正,

- 1七0

臣 厥 不德惟 ,迪上以非先王之典 后 克 正 臣 僕 臣 爾 諛 無昵于憸人,充耳目之 厥 后 自 聖。 后 德 惟

者,人主所用皆由臣下,臣下銓擬 皆應人主自選。 視聽之官,道君上以非先王之法。 得用巧言無實、令色無質、便辟 進其所不及。謹慎簡選汝 無德,惟臣誤之。君所行善惡,專 乃自謂聖。君之 正,則其君乃能正。 媚諂諛之人,其惟皆吉良正士。 妄之心,使能繼先王之功業。侍御之 位之士,匡 傳曰〕我一人無善,實恃左右前 小大親疏 府史已下,官長所自辟除 汝無親近于憸利之人,充備侍 正 ,皆當勉汝 其不及,彈正 有德,惟臣成之, 此 令太僕 僕臣諂 君 像屬 爲德,更代 過 正 諛,則其 命,士以 侍臣 足恭、側 僕臣 簡 檢其 後 **可** 君 在 從 有 無無 君 修 在 左 之 皆 臣 疏 非 職

> 憸人。」 辟」。《立政》云:「其惟 謨》云「巧言令色」。《論語》云「友 子《新書》云:「選端士衛翼,前後左右 非。」《楚語》云:「必交修予,無予棄。」 無良。」《孟子》云:「大人能格君心 正人。」又云:「太傅 然後用之,故令太僕 辨曰3《坊記》引《太誓》云:「惟予小 正 匡其不及。」《皋 慎 簡 僚 吉人,勿 屬 也 便 陶 皆 賈

僕,下大夫,「掌正王之服位,出入王之 僕,上士,「掌馭象路,以朝 馭玉路以 田 車。」齊僕,下大夫,「掌馭金 復見傳者。 故有兩職實不 [又辨曰]閻若 僕,上士,「掌馭田路,以 王車,而 祀。」戎僕,亦中大夫,「 如《周禮》太馭,中大夫,「掌 張曰: 相通,誤合爲 太 馭 孔傳不 最 夕燕 一路以賓。」 田 一,既見經 甚通官 以 又 有 掌馭戎 鄙。 出 人。 制 此

禮》二官爲一? 安國傳于《書序》直 臧。」是近臣有與于王之起居命令者,則 似太馭,非太僕所可當。 耳目之官」,則官高職親,與王同車,又 正,正于羣僕。」又云「爾無昵于憸人,充 似太僕所掌,與《書序》合。 太 事。」此等官以僕名,而無預于馭 之復。」隸僕、「掌五寢之掃除、糞洒 詔 馭 大 ·太僕長,太馭中大夫」,是竟誤以太馭 、馭初不相涉 太僕之長矣。 起居, 罔有不欽。 自 **氏祭祀。**」御僕,「掌羣吏之逆,及庶 命 相 而 学諸 在 王 太僕雖有「左馭前驅」之文,而其所 前 「正服位,出入大命」是其職 之小法儀。」祭僕,「掌受命于王 驅。」其佐有小臣,「掌王之小命 侯之復逆。」「王出 也。 然其誤亦有故。 晚出《冏命》篇:「出 發號施 得毋誤記 「命汝作 令,罔有 人,則 車之 自 八周 與與 不 之 日 大 案 民 左

> 馭,職掌如秦制,殊失却本色耳。 當周穆王朝,作書命其臣爲太僕,不本《周官》,旁侵太 而實外,侍中、給事中之官是。有名武而實文,太尉 之尚書令是。有古貴而今賤者,漢之校尉是。 大夫 大司馬之官是。亦古今沿革遷流之常,無足異。 秦失之。秦官制多不師古,然官有古卑而今尊者,漢 表》云:「太僕,秦官,掌輿馬。」以太僕專司馬政,蓋自 漢 • 也,豈非 周穆王所置。」蓋太御衆僕之長,中 百官 公卿 經與傳之所從出哉? 表》「太僕,秦官」, 有名内 應 獨異 《漢 劭

之。 注。 古文爲真周官制,不知爵、禄、予、奪、生、殺、廢、置 而 並掌爵禄廢置,司徒、司馬别掌興賢詔事,是分任羣 夫,尚以僚屬委之,則三公、九卿可知。 曰「慎簡乃僚」,此自擇下吏之言也。 魏玄同上言選舉法弊曰:「穆王以伯冏爲太僕正,命 皆王之命士,此非《周禮》本文,義出 又辨曰〕府史以下,官長自辟僚屬, 統以數職。 人君馭臣之大柄,冢宰不敢專,告王以 僞孔 疏特爲宛轉解脱,非也。 專與 王命其大者,而自擇其小者也。」竟以僞 鄭爲難,故作 太僕正 此 故太宰、内史 唐永淳元 以 特中大 施之而 牴牾 年 鄭 則 八 司

然乎? 誤矣。 然乎? 誤矣。 可馬所掌之詔事,則謂其以能,皆無關辟屬。吾不知司馬所掌之詔事,則謂其以能,皆無關辟屬。吾不知司馬所掌之詔事,則謂其以能,皆無關辟屬。吾不知己以下,州郡椽史、從事悉任之牧守,遂上意成周亦當之同所讀是何《周禮》也,得毋以漢諸侯得自置吏四百之以下,外郡椽史、從事悉任之牧守,遂上意成周亦當

大弗克祗厥辟,惟予汝辜。」「非人其吉,惟貨其吉。若時源厥官,惟爾

不能敬其君,惟我則亦以此罪汝。若用是行貨之人,則病其官職。惟汝大吉良,以求入于僕侍之臣,汝當清審。〔傳曰〕若非其人實吉良,惟以貨財配其

汝君于常法。 〔傳曰〕嘆而勅之,使敬用所言,當長輔王曰:「嗚呼,欽哉! 永弼乃后于彝憲。」〔辨曰〕「瘝厥官」,本《康誥》「瘝厥君」。

尚書後辨附終

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "44CK5YSS6JePLS3nsr7ljY7nvJYtLeS4gOWFq+OAi18xMzE5Mzk3NC56aXA=",
"filename_decoded": "\u300a\u5112\u85cf--\u7cbe\u534e\u7f16--\u4e00\u516b\u300b_13193974.zip",
"filesize": 328604776,
"md5": "3182d567e14c14bcd17262a4ee15f3dd",
"header md5": "256bada91455a2d5e35ee08c94d40ce4",
"sha1": "301567d0185a6b6d4af61eae4d3c5721c48941bc",
"sha256": "664819f3b19229442572b60514763ed26f797700dd495452fa7b29f7fa939fe6",
"crc32": 2601590514,
"zip_password": "",
"uncompressed_size": 368242329,
"pdg_dir_name": "\u300a\u5112\u85cf--\u7cbe\u534e\u7f16--\u4e00\u516b\u300b_13193974",
"pdg_main_pages_found": 1188,
"pdg_main_pages_max": 1188,
"total_pages": 1203,
"total_pixels": 7818999552,
"pdf_generation_missing_pages": false
```